


Dios oca gotirituti



New Testament in Barasana-Eduria (CO:bsn:Barasana-Eduria)

Dios oca gotirituti

New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 4 Mar 2019 from source files dated 27 Nov 2018
b6661d38-f021-5259-8010-5dec5b9ba28d

Contents

SAN MATEO	1
SAN MARCOS	67
SAN LUCAS	107
SAN JUAN	176
HECHOS	224
ROMANOS	278
1 CORINTIOS	303
2 CORINTIOS	326
GÁLATAS	342
EFESIOS	352
FILIPENSES	360
COLOSENSES	366
1 TESALONICENSES	372
2 TESALONICENSES	377
1 TIMOTEO	380
2 TIMOTEO	387
TITO	393
FILEMÓN	396
HEBREOS	398
SANTIAGO	418
1 SAN PEDRO	424
2 SAN PEDRO	431
1 SAN JUAN	436
2 SAN JUAN	442
3 SAN JUAN	443
SAN JUDAS	444
APOCALIPSIS	447

Evangelio según SAN MATEO

*Jesús rñjoro ñamasiriarã ñna vãme cutimasire queti
(Lc 3.23-38)*

¹ Jesús ñacami “Rotimxorũgõrũcũja mũ” yigũ, Dios ï cõar'i, Abraham ñamasir'i, to yicõari, Ujũ David ñamasir'i jãnamí. Tire mũa masisere bojagũ ñari, ï ñicũa vãmere mũare gotiguagũ yaja yũ. Ado bajiro vãme cutimasíũjarã ñna:

² Abraham ñamasir'i macũ ñamasíũju Isaac.

Isaac macũ ñamasíũju Jacob.

Jacob macũ ñamasíũju Judá. To yicõari, gãjerã ï bederã quẽne ñamasíũjarã.

³ Judá rĩa Fares, to yicõari, Zara ñamasíũjarã. Ñna jaco ñamasíũju Tamar.

Fares macũ ñamasíũju Esrom.

Esrom macũ ñamasíũju Aram.

⁴ Aram macũ ñamasíũju Aminadab.

Aminadab macũ ñamasíũju Naasón.

Naasón macũ ñamasíũju Salmón.

⁵ Salmón macũ ñamasíũju Booz. Ñ jaco ñamasíũju Rahab.

Booz macũ ñamasíũju Obed. Ñ jaco ñamasíũju Rut.

Obed macũ ñamasíũju Isa'i.

⁶ Isa'i macũ ñamasíũju Ujũ David vãme cutigũ.

David macũ ñamasíũju Salomón.

Ñ jaco ñamasíũju Ur'ias ñamasir'i manajo.

⁷ Salomón macũ ñamasíũju Roboam.

Roboam macũ ñamasíũju Ab'ias.

Ab'ias macũ ñamasíũju Asa.

⁸ Asa macũ ñamasíũju Josafat.

Josafat macũ ñamasíũju Joram.

Joram macũ ñamasíũju Uz'ias.

⁹ Uz'ias macũ ñamasíũju Jotam.

Jotam macũ ñamasíũju Acaz.

Acaz macũ ñamasíũju Ezequ'ias.

¹⁰ Ezequ'ias macũ ñamasíũju Manasés.

Manasés macũ ñamasíũju Amón.

Amón macũ ñamasíũju Jos'ias.

¹¹ Jos'ias macũ ñamasíũju Jecon'ias. To yicõari, ï bederã quẽne ñamasíũjarã. To bajiro ñna bajíñaríjũ, Israel sitanare ñejecõari, Babiloniana ñnare juamasíũjarã, ñnare rotiajerũarã.

¹² Quẽna Jecon'ias macũ ñamasíũju Salatiel.

Salatiel macũ ñamasíũju Zorobabel.

¹³ Zorobabel macũ ñamasíũju Abiud.

Abiud macũ ñamasíũju Eliaquim.

Eliaquim macũ ñamasíũju Azor.

¹⁴ Azor macũ ñamasíũju Sadoc.

Sadoc macũ ñamasíũju Aquim.

Aquim macũ ñamasíũju Eliud.

¹⁵ Eliud macũ ñamasíũju Eleazar.

Eleazar macu ñamasiñuju Matán.

Matán macu ñamasiñuju Jacob.

¹⁶ Jacob macu ñañuju José. Í ñañuju Mar'ia manaju. So ñañuju “Rotimorügörucumi” yigu, Dios í cōar'i, Jesús jaco.

¹⁷ Abraham ría jānerabatia, David í ñamasiariajune juaāmo cōro, gūbo babari rāca jēnituarirācu ñasomasiñujarā. Abraham macu ñamasiñuju Isaac. Isaac macu ñamasiñuju Jacob. To bajiro mani cōiaruji vajama, David í ñamasiriajune juaāmo cōro, gūbo babari rāca jēnituarirācu ñamasiñujarā ña. Tiju bero, quēna David macu ñamasiñuju Salomón. Salomón macu ñamasiñuju Roboam. To bajiro mani cōiaruji vajama, Babilonia macaju Israel sitanare ña jua vamasiriajune quēna juaāmo cōro, gūbo babari rāca jēnituarirācu ñamasiñujarā ña. Jecon'ias macu ñañuju Salatiel. Salatiel macu ñañuju Zorobabel. To bajiro mani cōiaruji vajama, “Rotimorügörucumi” yigu, Dios í cōar'i í ruyuarirodo juaāmo cōro, gūbo babari rāca jēnituarirācu ñamasiñujarā quēna.

Jesús í ruyuare queti

(Lc 2.1-7)

¹⁸ “Rotimorügörucumi” yigu, Dios í cōar'i, Jesús í ruyuare ado bajiro bajiyuju: Í jaco ñaroco, Mar'ia vāme cūtigo ñañuju so. So manaju ñarocu ñañuju José. Í rāca so ñaroto rījoro, Esp'iritu Santo sore ejacōari, sore macu yiyuju í. Sore í macu yijare, macu sãñagō ñañuju so. ¹⁹ José, so manaju ñarocu quēnagū ñañuju. To bajiro bajigu ñari, masa ñaro rījorojua bojoneoro so tāmōrotire bojabesuju. To bajiri, masa ña ajibeto, “Mure bojabeaja uñ”, sore yirūaboayuju. ²⁰ To bajiro tūoia í cāniatone, í cājiriarojua Diore moabosagu ángel, ñe ruyuaioñuju. Ruyuaioōari, ado bajiro ñe gotiyuju:

—Ajiya José, David ñamasir'i jānami. Mar'iare manajo cūtirua güibesa. Esp'iritu Santo sore í macu yijare, macu sãñagō ñaamo so. ²¹ Macu suorucocomo so. Ñe, Jesús ñe vāme yirucūja mñ. Masa rojose ña yise ñajare, Dios í masiriose vaja, vaja yirētobosarocu ñarucumi í. To bajiro yirocu í ñajare, Jesús ñe vāme yirucūja mñ —Josére ñe yiyuju ángel.

²² “Ado bajiro bajiraroja” Diore gotirētobosamasir'i í yimasire ñajare, to bajiro yiyuju ángel. Ado bajiro yimasiñuju:

²³ “Rōmio, ũmua rāca ñabeco, macu sãñagō ñarucocomo so. To bajiri macu suorucocomo so. ‘Emanuel’ ñe yiruarāma masa”, yimasiñuju Diore gotirētobosarimasñ. (“Mani rāca ñaami Dios” yire ũni ñaja “Emanuel” yirema.)

²⁴⁻²⁵ “Esp'iritu Santo suorine macu sãñaamo” ángel í yire ñajare, Mar'iare í ya vijua āmicoasuju José. Macu sãñagō so ñajare, so rāca ñabetirūgūñuju. So suorero bero, Jesús ñe vāme yiyuju.

2

Ñocoa ña bajisere buerimasa Jesúre ña ñarā ejare queti

¹ Judea sita ñarimaca, Belén vāme cūti macaju ruyuyuju í. Í ruyuarirodore ti sita ujñ, Herodes vāme cūtigū ñañuju. Jesús í ruyuarero bero, Jerusalén macaju ejayujarā, muiju í jiadojua vadiriārā, ñocoa ña bajisere buerimasa. ² Ti maca ejacōari, sēniñañujarā ña:

—¿Nore ñati jud'io masa ujñ ñarocu ruyuar'ima? Muiju í jiadojua ñocore íabujacōari, “Tojua ruyuağumi” yirā ñari, ñe rucubōoroana vadiaja yua —yiyujarā ña.

³ To bajiro ña sēniñacudisere ajicōari, toagu ujñ, Herodes buto tūoiağūiyuju, “Íjua, ujñ uñ ñasere yure ēmarucumi” yitūoiağū ñari. Ñe bajiro rīne tūoiañujarā ti macana Jerusalén macana quēne. ⁴ To bajiro tūoiağū ñari, paia ujarāre, Dios í rotimasire gotimasiorimasare quēne ñare jirēoñuju Herodes. Ña ejaro íacōari, ado bajiro ñare sēniñañuju í:

—“Rotimorügörucumi” yigu, Dios í cōarocuma, ħnojñ, “Ruyuarucumi” yiyujari Dios ocare masa ña ucamasire? —ñare yiyuju í.

⁵ To bajiro ĩ yisēniīarone, ado bajiro ĩre yicūdiyujarā ĩna:

—“Judea sita Belén vāme cūti macajū ruyuarūcūmi” yuicamasiñumi sīgū Diore gotirētobosarimasū. Ado bajiro yaja ĩ ucamasire:

⁶ “Judea sita ñarimaca Belén vāme cūti maca, jairimaca me ñaboarine, ñamasuri maca ñarūaroja ti maca. Ti macagū ĩjū ñamasugū ruyuarūcūmi. ĩ ñarūcūmi yū yarā Israel sitana ĩjū. ĩnare quēnaro ĩtirūnūcūmi ĩ, yiyuju Dios”, yuicare ñaja —ĩre yigotiyujarā Dios ĩ rotimasire gotimasiōrimasa.

⁷ To ĩna yisere ajicōari, quēna ñocōa ĩna bajisere buerimasare masa ĩna ajibeto ĩnare jiyuju Herodes. To yicōari, ado bajiro ĩnare sēniīañuju ĩ:

—ĭDivato masu ñocōo ruyuasūori? —ĩnare yisēniīañuju.

⁸ To yigajano, Belénjū ĩnare varotiyuju ĩ:

—Vasa. Sūcare, quēnaro ĩre macama. ĩre ĩabūjacōari, yūre gotirā vaba. Yū quēne ĩre rūcūbuogū varū yaja —yiyuju, ĩnare yitogū.

⁹ To bajiro ĩ yirotsere ajicōari, ĩ yirore bajirone vasujarā ĩna. To ĩna vatone, muiju jiadojūa ñocōo, ĩna ĩar'i, ĩnare rījoro cūti vasuju. To bajiva, tujarūgūñuju, sūca ĩ ñaro veca.

¹⁰ Ñocōo ĩ tujarūgūšere ĩacōari, būto variquēna vasujarā ĩna, ñocōa ĩna bajisere buerimasa.

¹¹ Ñocōo ĩ ñaro ēñeroca ñarivi sājacōari, ĩna ĩajama, to ñañuju sūca, ĩ jaco rāca. ĩre ĩacōari, ĩ rījorojūa gūsomuniari tuetuejayujarā ĩna, ĩre rūcūbuoquēnariōrā. To bajiro yigajano, ĩna juavarere jānacōari, oro, quēnase sūtise to yicōari, mirra vāme cūtsere quēne ĩre ĩsiñujarā ĩna. ¹² To ĩna yiro bero, ĩna cājiriaroju, “Herodes tū tudiabesa. ‘To ñagūmi sūca’ yimasibeticōato ĩ”, ĩnare yiyuju Dios. To bajiri tire masicōari, Jerusalénjū vamenane gaje maajū tudicoasujarā ĩna yuja, ĩna ya macajū.

Egipto sitajū Jesúre ĩna ũmato rudiare queti

¹³ Ñocōa ĩna bajisere buerimasa ĩna tudiato bero, José ĩ cājiriaroju ĩre ruyuyuju ángel quēna. Ruyucōari, ado bajiro ĩre yiyuju:

—Yujiya. Sūcare, ĩ jacore quēne Egiptoju ĩnare ũmato rudiasa mū. Tone ñacōama maji. Mūre yū gotiroju tudiaba. Herodes, Jesúre sīarū ĩre macarūcūmi —Josére ĩre yiyuju ángel.

¹⁴ To ĩ yijare, yujicōari, Jesúre, ĩ jacore quēne ñamine Egiptoju ĩnare ũmato rudicoasuju. ¹⁵ Toju ĩna ñatoyene bajirocacoasuju ũjū Herodes. “Egipto sitajū yū macū ĩ ñaro ĩre jicōarūcūja yū”, ĩre gotirētobosarimasū sūorine Dios ĩ yimasire ñajare, to bajirone bajiyuju.

ũjū Herodes rīamasare ĩ sīarotire queti

¹⁶ Bajirocabecūju, ñocōa ĩna bajisere buerimasa ĩre gotimenane, gaje maajū ĩna tudiarere ajicōari, būto jūnisiniñuju Herodes. To bajiri jūnisinigū ñari, Belén ñarāre, ti maca tūanare rīamasa jūa cūma tūsanare ũmūare, to yicōari, ĩna bero ruyuararāre quēne sīarotijeocōañuju. Ñocōa ĩna bajisere buerimasa, “Jūa cūma tūsaju” ĩna yirere ajigū ñari, ĩnare sīarotiyuju Herodes. ¹⁷ Raquel ñamasirio so rīare maigō, so otimasiriarore bajiro Belén macana ĩna rīare mairā, ĩna otirotire tūoīacōari, ado bajiro ucamasiñumi Diore gotirētobosarimasū Jerem'ias vāme cūtigū:

¹⁸ “Ramá vāme cūti macago so rīare so tūoīa otise ruyurūaroja. Oticōa ñarūocōmo so, Raquel vāme cūtigo, so rīare otigo. Gājerā, ‘Otibesa’ sore ĩna yiboajaquēne, ajibetirūocōmo, so rīa ñamasiboariarāre godocūtigo ñari”, yuicamasiñumi Jerem'ias.

¹⁹ Egiptoju José ĩ ñaro rijacoasuju Herodes. ĩ rijato bero, José ĩ cājiriaroju sīgū ángel ĩre ruyuañuju quēna. To bajicōari, ado bajiro ĩre yiyuju:

²⁰ —ĭYujiya! Jesúre, ĩ jacore quēne Israel sitajū ĩnare ũmato tudiasa. ĩre sīarūaboacana rijajedicoajama ĩna —Josére ĩre yiyuju ángel.

²¹ To ĩ yijare, yujicōari, Jesúre, ĩ jacore quēne Israel sitajū ĩnare ũmato vasuju José.

²² Maa vacūju, ajiyuju José: “Herodes ñaboar'i macū, Arquelao vāme cūtigū, ĩ jacure vasoagū Judea sitajū ñañuju”, yire quetire ajiyuju. Ti quetire ajicōari, gūigū ñari, toju varūabesuju. To bajiro bajigūne, quēna toju cājiriañuju ĩ. Cājiriacōari, “Toju yū vajama,

quēnabetoja. Galilea sitajua varucuja yu”, yituoñañuju. ^a ²³ Galilea sitajua ejacōari, Nazaret vāme cuti macaju ñagū vasuju. Diore gotirētobosarimasa, “Nazaret macagu ñarucumi ‘Rotimūorūgōrucumi’ yigu, Dios ī cōarocu”, Jesúre ñna yiucomasire ñajare, to bajirone bajiyuju.

3

Juan Bautista vāme cutigu, yucú manojua masare ī gotimasiore queti

(Mr 1.1-8; Lc 3.1-9, 15-17; Jn 1.19-28)

¹ Tirodori bero, Juan Bautista vāme cutigu, Judea sitajua yucú manojua ejayuju. ² Toju ejacōari, ado bajiro ñre ajirā ejarāre gotimasiorūgūñuju ī:

—Yoaro mene ejarucumi “Rotimūorūgōrucumi” yigu, Dios ī cōarocu. To bajiri rojose mūa yisere yitujacōari, Dios ī bojasejuare yi yuya mūa —ñnare yirūgūñuju ī.

³ Ñne ñañuju, “Ado bajiro yirucumi” Diore gotirētobosarimasu Isa'ias vāme cutimasir'i ī yiucomasir'i. Ado bajiro ñre yiucomasiñuju Isa'ias:

“Yucú manojua sīgū masu ado bajiro goticudirūgūrucumi: ‘Mani ũju ejarucumi. To bajiri, rojose mūa yisere yitujacōari, quēnasejuare tuoñaña mūa, ñre yurā’ yirucumi sīgū”, yiucomasiñuju Isa'ias, Juan ī bajiro tire goti rījoro yigu.

⁴ Camello joane suariaro sāñagū ñañuju ī. To yicōari, vecu gaserone vēñaricūñuju, ī sāñasere. Ñimia ba, to yicōari, beroa ocore idi, yirūgūñuju. ⁵ Ñre ajirā, jājarā masa ejayujarā. Jerusalén macana, Judea sitana, to yicōari, Jordán vāme cutiya tuana quēne ejayujarā, ñre ajirā. ⁶ To bajiro ī gotisere ajirā ñari, “Rojose mani yisere Dios manire masirioato” yirā, “Rojose yirā ñaja yua” Diore ñna yigotiro bero, Jordán vāme cutirisaju oco rāca ñnare bautiza ñañuju Juan.

⁷ To bajiro ī yīñarone, fariseo masa, to yicōari saduceo masa quēne Juan oco rāca ī bautizasere bojarā ejayujarā. Ñna ejasere ñacōari, ado bajiro ñnare yiyuju Juan:

—Oco rāca mūare yu bautizasere bojaboaja mūa. Vātia ũju rojose ī yirore bajirone rojose yijairā ñaja mūa. To bajiro bajirā ñari, “Rojose yua yise vaja rojose yuare yibetirucumi Dios” yituoña vadiboaja mūa. ¿To bajiro mūa bajise suorine rojose mūa tāmūorotire masibeatique mūa? ⁸ Rojosere yitujacōari, “Quēnarā ñaama” masa mūare ñna yīamasiro tire yirā, quēnasejuare yirūgūrōna ñaja mūa. ⁹ Ado bajiro yituoñabesa mūa: “Abraham ñamasir'i jānerabatia ñamasurā mani ñajare, rojose mani yise vaja rojose manire yibetirucumi Dios” yituoñabesa. Adiari gūtari rāca Abraham jānerabatiare ī godoveorūajama, godoveomasigūmi Dios —ñnare yiyuju Juan. ¹⁰ —Oteriyucári, rica mani yucárire bajiro bajiaja mūa. Rica manijare, quēareacōari, soereariarore bajiro yirucumi Dios. Tire bajirone yiecoruarāja mūa quēne, mūa tuoñavasoabetijama. ¿Quēnase mūa yibetire ñacōari, jeame yatibetimeju mūare rearucumi Dios! —ñnare yiyuju Juan.

¹¹ Gaje vāme ado bajiro gotiyuju Juan:

—Yu berore yu rētoro masigū ejarucumi. Ñnamasurā rīne ñre yibosamasiamā, ñamasugū masu ī ñajare. Rojose ñna yisere yitujacōari, Dios ī bojasejuare yirāre oco rāca bautizarūgūaja yu. To bajiro yu yirūgūse ti quēnaboajaquēne, yu bero ejaqu ī moasejua quēnamasucōararoja. Ñma, Esp'iritu Santore cōamasirucumi, masare. Í suorine “Dios ī bojabetire yaja yua” yimasicōari, tuoñavasoararāma —ñnare yiyuju Juan.

¹² Gaje vāme ado bajiro masare gotiyuju Juan:

—Yu bero ejaqujua, trigo ajere besegure bajiro yirucumi, masare. To bajiri ti gasere yireacōari, soereariarore bajiro yirucumi, jeame yatibetimeju masare cōagū, to yicōari, quēnase cōrone juagure bajiro yirucumi, ñre ajitirūñarāre juavacu —ñnare yiyuju Juan.

Oco rāca Juanre Jesús ī bautizarotire queti

(Mr 1.9-11; Lc 3.21-22)

^a 2:22 Arquelao vāme cutigu ñaboarine, ī jacu vāmere bajiro Herodes vāme cutiyuju. Í ñañuju Jesúre sēñiabusaboacu, Pilato tujare Jesúre cōari.

¹³ Cojorũmu Galilea sitaju ñar'i, Jordán vāme cūtirisaju vasuju Jesús. Juan taju ejacōari, oco rāca ñre bautizarotiyuju. ¹⁴ To bajiro ñre ñ yiboajaquēne, oco rāca ñre bautizaruabesuju Juan:

—Bajibeaja. No yigu mure bautizamasibecuja yu. Mujua, yu rētoro masigũ ñari, oco rāca yure bautizarocu ñaja mu —Jesúre ñre yiyuju Juan.

¹⁵ To ñ yisere ajicōari, ado bajiro ñre yicūdiyuju Jesús:

—Yure oco rāca mu bautizasere bojaami Dios. Ñajediro Dios ñ rotirore bajiro cūdiroti ñaja manire —Juanre ñre yiyuju Jesús.

To bajiro ñ yijare,

—Baũ. To bajirone bojaroja —ñre yicūdicōari, Jesúre oco rāca ñre bautizayuju Juan.

¹⁶ Jesús ñ majarũgũrirĩmarone ũmuagase ro soje jānacuasuju ti. Ti jānarone, õ vecaju Jesús ñ ñamurone, bujare bajigu rujiadicōari, Jesús joere rocajeoyuju Esp'iritu Santo. ¹⁷ Jesús joere ñ rocaejarone, ado bajiro yi ocaruyuyuju õ vecaju:

—Yu macu, yu maigũ masu ñaja mu. Mu rāca bũto variquēnaja yu —ñre yi ocaruyuyuju.

4

Dios ñ bojabetire vātia uju, Satanás, Jesúre ñ yirotiĩare queti
(Mr 1.12-13; Lc 4.1-13)

¹ Jesús, oco rāca Juanre ñ bautizarotiro bero, yucú manojũ ñre ũmato vasuju Esp'iritu Santo, “Satanás ñ bojarore bajiro rojose Jesúre ñre yirotiĩato” yigu.

² To bajiri toju, yucú manojũ juarã masa cōro ñarirũmuri, ñamiri quēne tocārāca ñamirine babecũne ñacōarũgũñuju Jesús. To bajigu ñari, bũto ñiorijayuju ñ yuja. ³ To ñ bajiro ñacōari, ado bajiro rojose ñre yirotiĩaboayuju vātia uju, Satanás:

—Dios macũne mu ñajama, adiarĩ gũtarine pan godoveoya mu —ñre yirotiĩaboayuju, Jesúre.

⁴ To bajiro Satanás ñre ñ yiboajaquēne,

—Yibeaja yu. Dios oca masa ñna ucamasire ado bajiro gotiaja: “Bare rĩne ñamasuse me ñaja. Dios ocare mani cūdisēja ñaja ñamasusema. ‘Bare ti manijare, rijareararāja’ yire ti ñaboajaquēne, Dios rijarere ñ bojabetijama, rijabetiruarāja. ‘Caticōa ñato’ yigu yimasigũ ñaami ñ”, yigotiaja Dios oca masa ñna ucamasire —ñre yiyuju Jesús.

⁵ To ñ yiro bero, Jerusalénju, Dios ñ beseria maca ñamasuri macaju Jesúre ñre ũmato vasuju Satanás. To ejacōari, Diore yirũcũbũoriavi joeju ñre ũmato mujasuju. ⁶ To ñre ũmato mujaejacōari, ado bajiro yiyuju Satanás:

—Dios oca masa ñna ucamasire ado bajiro gotiaja:

“Ñre moabosarimasa ángel mesare mure coderotirũcũmi Dios. Mu quedajama, ‘Gũta joeju rocajeocōari, ñ gũbo jearomi’ yirã, mure boca ñiaruarãma ñna”, yigotiaja Dios oca.

To bajiri Dios macũne mu ñajama, adojũne jatiquedi rujiãasaque mu —Jesúre yirotiĩaboayuju Satanás.

⁷ To bajiro ñ yiboajaquēne, Jesújuama, ado bajiro ñre yiyuju:

—To bajiro mu yisere cūdiibeaja yu. “Dios ñ yiriarore bajiro yure boca ñiaruarãma ángel mesa” yigu, yu jatiquediĩajama, Dios ñ bojabetire yigu yiguja yu. Gajeye ado bajiro gotiaja Dios oca masa ñna ucamasire: “ ‘Dios, ‘Yirũcũja’ yiyumi’ yitũoĩacōari, ‘To bajiro masu yiru yiyujari’ yimasiruarã, mu tũoĩarore bajiro mu yiajajama, quēnabeaja”, yigotiaja Dios oca masa ñna ucamasire —ñre yiyuju Jesús, Satanáre.

⁸ To bajiro ñ yiro bero, gũtaũ ũmũaricũ joeju Jesúre ũmato vasuju Satanás quēna. Toju ũmato ejacōari, adi macarũcũro ñarimacari jediro ñre ñojeocōañuju. ⁹ ñre ñogajanocōari, ado bajiro ñre yiyuju Satanás:

—Yu rĩjoroju gũsomuniari tuetucōari, “Yu uju ñamasugũ ñaja mu” yure mu yirũcũbũojama, adi sita ñajedirore mure ñsirũcũja yu —Jesúre ñre yiyuju Satanás.

¹⁰ To bajiro ñ yise ñajare, ado bajiro ñre cūdiyuju Jesús:

—Vasa m̄. Ado bajiro gotiaja Dios oca masa ñna ucamasire: “Mani ɯj̄ Dios s̄ḡurene, ‘Ȳ ɯj̄ ñamasuḡ ñaja m̄’ ñre yir̄c̄b̄oc̄ari, c̄diroti ñaja”, yigotiaja Dios oca masa ñna ucamasire —Satanáre yiyuju Jesús.

¹¹ To bajiro Jesús ñ yisere ajic̄ari, vacoasuju Satanás yuja. Ñ vato bero, Jesúre ejar̄morã ejayujarã ángel mesa.

Galilea sitaj̄ Jesús ñ gotimasios̄ore queti

(Mr 1.14-15; Lc 4.14-15)

¹² “Tubiberiavij̄ tubibe ecocojami Juan” yise quetire ajic̄ari, Galilea sitaj̄ tudicoasuju Jesús. ¹³ To va, ñ ya maca Nazaret vãme c̄ti macaj̄ eja, no c̄oro mene ñabo, Capernaum vãme c̄ti macaj̄ ñaḡ vasuju. Ti maca ñañuju ɯtab̄c̄ura Galilea vãme c̄tira t̄j̄, Zabulón sita, to yic̄ari, Neftal'i sita t̄ ñarimaca. ¹⁴ Ti macaj̄ Jesús ñ ñajama, Diore gotir̄etobosarimas̄ Isa'ias vãme c̄timasir'i, ado bajiro ñ yucamasire ñari, bajiyuju:

¹⁵⁻¹⁶ “Jordán vãme c̄tirisa jodej̄ Galilea vãme c̄tira ñaja. Tira t̄re ñaja Zabulón sita, to yic̄ari Neftal'i sita. Ti sitaj̄re jud'io masa me ñaama, Diore masimena.

Ñnare gotimasios̄ari, rojose ñna tã̄uoborotire ñnare yir̄etobosaroc̄re c̄ar̄c̄mi Dios, ñ bojarore bajiro ‘Quẽnaro yirã ñato’ yiḡ”, yucamasin̄umi Isa'ias.

To bajiro ñ yucamasiriarore bajirone, ti sitaj̄ ejayuju Jesús.

¹⁷ Ti sitaj̄ ejac̄ari, Dios ocare, ado bajise masare gotimasios̄udis̄oyuju Jesús:

—Diore rotibosaroc̄, ñ rotis̄oroti mojoroaca r̄yaja. ɯj̄ Dios yarã quẽnaro ñ yirona m̄ ñar̄ajama, rojose m̄ yisere yit̄jac̄ari, ȳre ajitir̄ñña —masare yigotimasios̄udis̄oyuju ñ.

Vai s̄arimasa babaric̄ãc̄ ñarãre Jesús ñ jire queti

(Mr 1.16-20; Lc 5.1-11)

¹⁸ Cojor̄m̄, ɯtab̄c̄ura Galilea vãme c̄tira t̄j̄ vacudiḡ vasuju Jesús. To vac̄j̄, ñañuju, Simón vãme c̄tiḡre, bero Pedro vãme c̄tiroc̄re, ñ bedi Andrére quẽne. Vai s̄arimasa ñañujarã ñna. Bajiyuc̄r̄re rearoderuu yin̄añujarã ñna. ¹⁹ Ñna t̄ ejac̄ari, ado bajiro yiyuju Jesús:

—Ȳ rãca vayá. Yuc̄rema m̄ vai vejese ñnarene masa ȳre ñna ajitir̄ñrotire gotimasios̄arimasa ñar̄arãja m̄ —ñnare yiyuju Jesús.

²⁰ To ñ yir̄imarone, ñna bajiyuc̄r̄re c̄i, ñre s̄yacoasujarã.

²¹ To ȳ var̄tu vac̄ne, gãjerã j̄arã ñarãre ñnare jiyuju Jesús. Ñna ñañujarã Santiago, ñ bedi Juan rãca. Ñna jac̄ Zebedeo rãca c̄muaj̄ ñna bajiyuc̄r̄re siaquẽno sãñañujarã.

²² To ñ yisere ajic̄arãj̄ma, ñna jac̄re, to yic̄ari ñna c̄muare quẽne vaveocoasujarã, Jesúre s̄yana.

Masa jãjarãre gotimasios̄ari, rijaye c̄tirãre Jesús ñ catiore queti

(Lc 6.17-19)

²³ Galilea sitaj̄ gotimasios̄udiyuju Jesús. Tocãrãca macarirene Dios ocare ñna buerivirij̄ sãjaejac̄ari, oca quẽnasere masare ñnare gotimasios̄uju. “ɯj̄ Dios yarã quẽnaro ñ yirona m̄ ñar̄ajama, rojose m̄ yisere yit̄jac̄ari, ȳre ajitir̄ñña”, ñnare yigotimasios̄uju. To yic̄ari, rijaye c̄tirãre ñnare catioyuju. ²⁴ To bajiri Jesús rijarãre ñ catiosere masa ñna gotibatojare, Siria sitana quẽne tire ajic̄ari, rijaye c̄tirãre juaejayujarã, “Jesús ñnare catiato” yirã. Ñna ɯs̄rij̄ vãtia sãñarãre quẽne juaejayujarã, “Vãtiare bureato Jesús” yirã. Rijaquedirãre, to yic̄ari, micarãre quẽne juaejayujarã, Jesúre catiorotirã. Ñna ñaro c̄rone ñnare catioyuju.

²⁵ Jesús ñ vacudiro c̄rone, jãjarã masa ñre s̄yajojic̄añujarã. Galilea sitana, Decápolis macana, Jerusalén macana, Judea sitana, to yic̄ari, Jordán vãme c̄tirisa gajejacat̄ana quẽne ñre s̄yar̄ḡñujarã ñna.

¹⁻³ Jājarā masa ĩna ñasere ĩacōari, burojū majaejajuju. To ĩ bajirone, ĩ buerā ĩ tu rējañujarā. ĩna ejaro ĩacōari, ado bajiro ĩnare gotimasiosuoyuju Jesús:

—“Masimena ñari, m̄ ejarēmose b̄to bojaja ȳa”, Diore ĩre yisēnirūgūrāma, ĩ yarā ñarāma. To bajiri, rojose t̄am̄uoboarine, Dios t̄ujū variquēnarona ñarāma.

⁴ Yuc̄r̄ire Dios ĩ bojabetire yicōari, tuoĩasūtiritiñarā quēne, variquēnarona ñarāma, berojū ĩna tuoĩasūtiritisere Dios ĩnare ĩ yirētobosaroti ti ñajare.

⁵ “Masimena ñaja ȳa” yirā, Dios ĩ ejarēmosere sēnirūgūrā ñari, Dios ĩ goticatore bajirone variquēnaruarāma, adi macaruc̄uroana ujarā ĩna ñarotire Dios ĩnare ĩ yirētobosaroti ñajare.

⁶ Gajeye rētoro Dios ĩ bojasere yir̄ua tuoĩarā quēne, variquēnarona ñarāma, “Ȳu bojasere yivariquēnato” yiḡu, Dios, ĩnare ĩ ejarēmose ti ñajare.

⁷ Gājerāre ĩamaicōari, quēnaro yirā quēne, variquēnaruarāma, Dios quēne, ĩnare ĩamaicōari, quēnaro ĩ yiroti ti ñajare.

⁸ Dios ĩ bojarore bajiro r̄ine quēnase tuoĩarā variquēnarāma ĩna quēne, berojū Diore ĩarona ñari.

⁹ Quēnaro ñarotire oca quēnorā quēne, variquēnaruarāma, “Ȳu r̄ia ñaama” Dios ĩ yīarona ñari.

¹⁰ Dios ĩ rotirore bajirone ĩna yise suorine gājerāj̄ua rojose ĩnare ĩna yiboajaquēne, variquēnaruarāma, Ujū Dios yarā quēnaro ĩ yirā ñari.

¹¹ Ȳure m̄ua ajitir̄un̄use suorine gājerā m̄uare ajatud'icōari, “Rojorā ñaama” m̄uare ĩna yisocaboajaquēne, variquēnaruarāja m̄ua. ¹² To bajiro m̄uare ĩna yiboajaquēne, b̄to variquēnaña m̄ua, “Berojū Dios t̄ujū ejarā, quēnase bujaruarāja” yimasirā ñari. M̄ua r̄ijoroana, Diore gotirētobosamasiriarāre quēne, rojose m̄uare ĩna yirore bajirone ĩnare quēne rojose yimasiñujarā masa —ĩnare yiyuju Jesús.

“*Adi macaruc̄uroj̄ure moa ocasere bajiro, to yicōari, busubatosere bajiro bajiroti ñaja m̄uare*”, ĩ buerāre Jesús ĩ yigotimasiore queti

(*Mr 9.50; Lc 14.34-35*)

¹³ Quēna ado bajiro ĩ buerāre ĩnare gotiyuju Jesús:

—Moa ñaja bare s̄are. M̄ua barotire vaibuc̄u rii catisere cūrāma, moa turāja m̄ua, “Boarobe” yirā. Moa ti ocaboase ti ocabeticoajama, “Quēna tudiocato” yirā, no bajiro yimasimenaja m̄ua. To bajiri, tire reacōarāja, “Tire masa c̄udav̄uoreacōato” yirā. Moa ocat̄ujabetire bajiro m̄ua bajijama, quēnaja. Ȳure m̄ua ajitir̄un̄u t̄ujabetijama, moa ocat̄ujabetire bajiro bajirā ñaruarāja m̄ua. To bajiboarine, ȳure m̄ua ajitir̄un̄u t̄ujajama, quēna ȳure tudiajitir̄un̄ubetiruarāja. M̄ua suorine quēnaro yimenama gājerā. To bajiri m̄uare bojabetiruc̄uja —ĩnare yiyuju Jesús.

¹⁴ Quēna ado bajiro ĩnare gotiyuju:

—Rētiaroj̄ure busubatosere bajiro bajiroti ñaja m̄uare. To bajiro m̄ua bajijare, busubatose quēnaro ti ruyurore bajirone m̄uare ĩaruarāma masa. Jairimaca buro joejū ñarimaca quēnaro ti ruyurore bajirone m̄uare ĩajedicōaruarāma. ¹⁵ S̄iabusuoriare j̄eocōari, sot̄une tiare mub̄uamenaja m̄ua. Tiare j̄eocōari, “Ñajediro ti vianare busuato” yirā, vecajū jeorāja m̄ua. ¹⁶ Tire bajirone quēnaro yiyu m̄ua, “ ‘Quēnaro yirā ñaama, Diore ajitir̄un̄rā ñari’ yimasiato masa jediro” yirā, to yicōari, “Mani jac̄u ò vecaḡure quēnase ĩre yir̄uc̄ub̄oato ĩna” yirā —ĩnare yiyuju Jesús.

Moisés ñamasir'ire Dios ĩ roticūmasirere Jesús ĩ gotimasiore queti

¹⁷ Quēna ado bajiro ĩ buerāre ĩnare yiyuju Jesús:

—“Moisés ñamasir'ire Dios ĩ roticūmasirere, to yicōari, Diore gotirētobosarimasa ĩna gotimasiomasirere reaḡu vayumi Jesús”, yit̄uoĩabesa m̄ua. Tire reaḡuaḡu me vadicajū ȳu. “Tire quēnaro riojo ajimasiato” yiḡu, vadicajū ȳu. ¹⁸ Riojo m̄uare gotiaja ȳu. Moisére Dios ĩ roticūmasire, to yicōari, Diore gotirētobosarimasa ĩna gotimasiore ñajediro ñacōarūgūraroja. Adi macaruc̄uro jediroto r̄ijoro, cojo vāme godoc̄utibetiraroja. Ñajediro Dios ĩ gotiriarore bajirone bajiruaroja. ¹⁹ No bojaḡu, Moisére Dios ĩ roticūmasire ñamasuse me ti ñaboajaquēne, tire c̄udibec̄u, “No yibeaja, mani c̄udibetijaquēne”

yigotimasiogũ ñagũmi quēnabecu. Ʋju Dios yarã quēnaro ĩ yirã rãcagu ñamasugũ me ñarucumi ĩ ũgũma. No bojagu Moisere Dios roticũmasirere cudicõari, “Tire mani cudijama, quēnaja” yigotimasiogũ ñagũmi quēnagũ. To bajiri Ʋju Dios yarã quēnaro ĩ yirã rãcagu ñamasugũ ñarucumi ĩjũama. ²⁰ Riojo mũare gotiaja yũ. Moisere Dios ĩ roticũmasire gotimasiormasa, fariseo masa quēne, quēnaro ĩna yiboase rētoro quēnaro mũa yibetijama, Ʋju Dios yarã me ñaruarãja mũa quēne.

²¹ Dios ĩ rotimasire gotimasiormasa suorine ado bajise ajirũgũaja mũa: “Sĩabesa. ĩ sĩajama, ĩ sĩase vaja ĩre sĩaroti ñaja”, yimasirere ajirũgũaja mũa. ²² Yũma, ado bajiro mũare gotirēmoaja: Jũnisinire quēne rojose ñaja. No bojagu gãjire jũnisinigũ ĩ jũnisinise vaja rojose ĩre yiroti ñaja. No bojagũre gãjire jũnisinicõari, rujajine, “Vaja magũ ñaja mũ” ĩre yigũma, rujajine ĩ yise vaja, “Rojose tãmuorucumi”, ĩre yiruarãma ujarã. No bojagũre, gãjire jũnisinicõari, ĩre tud'igũrema, ĩ tud'ise vaja, jeame yatibetimeju ĩre cõacõarucumi Dios, mũare yaja yũ.

²³ Tire masirã ñari, gajeyere quēne tuoĩaña mũa. Diore rũcũbuorã soemũori-ajũ vacũne, “Rojose ĩre yibũ yũ” mũa yituoĩabuajama, Diore rũcũbuorã ĩre mũa soemũoĩsirotire soemũobeja maji. ²⁴ Tire cũcõari, rojose mũa yir'i tũjũre vasa, ĩre oca quēnoroana. ĩre oca quēnogajanocõari, Diore soemũoĩsiroana tudivaja yuja, mũare yaja yũ. “Rojose mũa yir'ire oca quēnocõari rĩne, Diore oca quēnomasiuarãja”, mũare yigũ yaja.

²⁵ Gajeye ado bajiro bajiaja: Gãjire rojose mũa yijama, oca quēnorimasũ tũju mũa ejaroto rĩjoro, ĩ rãca oca quēnoroti ñaja mũa juarãjũne. Oca quēnorimasũ tũ ejaminane, mũa oca quēnobetijama, masare coderimasũre juarotirucumi, mũare. ĩjũa, mũare tubiberucumi. ²⁶ Riojo mũare gotiaja yũ. Rojose mũa yire vaja mũa vaja yibetijama, budimenaja mũa. Tire bajirone bajiruaroja Dios ĩ vaja sēnirirũmũ ejaroto rĩjorojũa, rojose mũa yir'ire ĩre oca quēnoña. Mũa gãmerã oca quēnobetijama, Dios ĩ vaja sēnirirũmũ rojose tãmuotũjabetiriaroju mũare cõarucumi, tudibudire manojũ —ĩnare yiyuju Jesús.

“Gãji manajore rũcũbuoya”, Jesús ĩ yigotimasiore queti

²⁷ Quēna gajeye ado bajiro yiyuju Jesús:

—Dios ĩ rotimasire gotimasiormasa suorine ado bajisere ajirũgũaja mũa: “Gãji manajo rãca ajerio cutibesa”, yirere ajirũgũaja. ²⁸ Yũma, ado bajiro mũare gotirēmoaja: Rõmio, no bojagore yirũa tuoĩare quēne rojose ñaja. No bojagu, rõmiore yirũa tuoĩagũ, ĩ tuoĩasene sore ajerio cutigũ yigũmi ĩ ũgũma, mũare yaja yũ —yiyuju Jesús.

“Bũto mũa maise ti ñaboajaquēne, ti suorine Dios ĩ bojabeti ñaja’ mũa yijama, tire reacõaña”, Jesús ĩ yigotimasiore queti

²⁹ Quēna ado bajiro gotimasioñuju Jesús:

—“Yũ cajea riojojacatuaga suorine ĩbojacõari, rojose yibũ yũ” mũa yituoĩajama, tiare ãmirocacõaña. Coja cajea mũare ti manijama, quēnabetoja. To bajiboarine, juajũne caje cuticõari, mũa bajireajama, jeame yatibetimeju mũa vajama, rētoũsaro quēnabetiruaroja. ³⁰ “Yũ ãmo suorine rojose yibũ yũ” mũa yituoĩajama, ti ãmore jatarocacõaña. Mũare cojo ãmo ti manijama, quēnabetoja. To bajiboarine juããmo rãca mũa bajireajama, jeame yatibetimeju mũa vajama, rētoũsaro quēnabetiruaroja —ĩ buerãre ĩnare yiyuju Jesús.

“Mũa manajoare reabesa”, Jesús ĩ yigotimasiore queti

(Mt 19.9; Mr 10.11-12; Lc 16.18)

³¹ Quēna ado bajiro ĩnare gotimasioñuju Jesús:

—Gajeye ado bajiro gotiaja Moisere Dios ĩ roticũmasire: “No bojagu ĩ manajore ĩ rocarũajama, ‘Mũre rocagu yaja’ yise papera ucacõari, sore ĩsiroti ñaja”, yigotiaja Dios ĩ rotimasire. ³² Yũma, ado bajiro mũare gotiaja: ĩ manajo gãji rãca so ajeri cutibetiboajaquēne, sore ĩ rocajama, bũto rojose sore yigũ yigũmi ĩ ũgũma. To bajiro ĩ yise suorine, gãji rãca so manajũ cutijama, Diojũama, “So manajũ me rãca ajeri cutiamo”,

yīagūmi. Ūmure quēne, gāji ī rocaro rāca ī manajo cutijama, “ī manajo me rāca ajerio cutiami”, yīagūmi Dios. To bajiri m̄ua manajoa gājerā rāca īna ajeriarā cutibetijama, īnare reabetiroti űaja —ī buerāre yigotimasioűuju Jesús.

“Riojo m̄ua gotijama, quēnaja”, Jesús ī yigotimasiore queti

³³ Quēna gajeye ado bajise īnare gotiyuju Jesús:

—Dios ī rotimasire gotimasiormasa ado bajiro m̄uare īna gotimasirere ajirūgūaja m̄ua: “No bojase m̄ua yirotere m̄ua yir̄uajama, ‘Yimasucōaruarāja yua. Tire yua yibetijama, Dios, rojose yuare yibogūmi’ yirā, ‘Yiruarāja’ m̄ua yirore bajirone yiba”, yirere ajirūgūaja m̄ua. ³⁴⁻³⁶ To bajiri cojojirema m̄ua gotirore bajiro yiterā űari, ado bajiro t̄uoīavasoaboaja m̄ua: “‘Dios vāme rāca riojo yaja’ mani yijama, rojose manire yibogūmi” yirā űari, “Dios vāmere gotivasoarā yaja yua” yirā, gaje vāmere ō vecayere gotiboaja m̄ua. To bajiro yimena quēne, gaje vāme rāca, macaruc̄roayere yiboarāja. Tire yiterā, Jerusalén vāme cuti macayere yiboarāja. To bajiro m̄ua yibetijama, gaje vāme rāca, m̄ua rujoare quēne, to yicōari, m̄ua joare quēne yiboarāja m̄ua, űise, botise m̄ua joare godoveomasimena űaboarine. Ti űnire yibetiroti űaja. ³⁷ “Yiruarāja” yirā quēne, “Yiruarāja” yi, “Yibetiruarāja” yirā quēne, “Yibetiruarāja” yicōa t̄ujasa. “Socarā me yaja yua” yirā, gajeye m̄ua gotirēmojama, vātia űju ejarēmose rāca gotirēmōrā yirāja m̄ua —īnare yigotiyuju Jesús.

“Rojose m̄uare yirāre gāmebeja”, Jesús ī yigotimasiore queti

(Lc 6.29-30)

³⁸ Quēna gajeye ado bajiro ī buerāre īnare gotiyuju Jesús:

—Dios ī rotimasire gotimasiormasa ado bajiro m̄uare īna gotimasirere ajirūgūaja m̄ua: “M̄u cajeare ī jajama, m̄juua quēne, ī cajeare jaroti űaja. M̄u gujiare ī jajeajama, m̄juua quēne, ī gujiare jajejaroti űaja”, yimasirere ajirūgūaja. ³⁹ Ȳjuama, ado bajiro m̄uare gotiaja: Rojose m̄ure yiḡure gāmebesa. Ado bajirojua yia: Cojojacatua, m̄u vajujuare ī jajama, gajejacatua quēne īre jarotiya. ⁴⁰ Gāji, m̄ure ocasār̄u, “Rojose yure yiba m̄u. To bajiri, rojose m̄u yise vaja m̄u sudirore yure īsiűa. M̄u īsibetijama, m̄ure ocasār̄uc̄uja yu” ī yijama, īre īsiűa. To yicōari, gajease quēnab̄sariase īre īsirēmocōaña. ⁴¹ Sīgū ī gajeyeūnire m̄ure űmaroticōari, “Adone cūcōaña m̄u” m̄ure ī yiboajaquēne, m̄u vadiriacūcōrone gāme varēmocōarij̄u īre cūbosaya. ⁴² No bojarā m̄ure gajeyeūni sēnirāre īsiűa. Sīgū, gajeyeūni magū űari, “Yure vasoaya” m̄ure ī yijama, īre vasoaya —ī buerāre īnare yiyuju Jesús.

“Manire ĩaterāre quēne, mani ĩamaijama, quēnaja”, Jesús ī yigotimasiore queti

(Lc 6.27-28, 32-36)

⁴³ Quēna ado bajiro īnare yiyuju Jesús:

—Dios ī rotimasire gotimasiormasa ado bajiro m̄uare īna gotimasirere ajirūgūaja m̄ua: “M̄ua babarāre quēnaro ĩamaiűa. To yicōari, m̄uare ĩaterāre ĩateya”, yimasirere ajirūgūaja. ⁴⁴ Ȳjuama, ado bajiro m̄uare rotiaja: M̄uare ĩaterāre quēne ĩamaiűa. M̄uare rojose yirāre quēne quēnaro īna bajirotere yirā, Diore īnare sēnibosaya m̄ua. ⁴⁵ To bajiro m̄ua yijama, “Mani jac̄u ō vecaḡu rīa űaja yua” yīorā yirāja m̄ua, ī bojarore bajiro yirā űari. Masa jedirore quēnaro yirūgūgūmi Dios. ĩre c̄uḁimenare quēne quēnaro yirūgūgūmi. ĩ űagūmi quēnarāre, rojorāre quēne, “Busuato” yiḡu, muijare busurotiḡu, to yicōari, ocore quēne quedirotiḡu. ⁴⁶ M̄uare ĩamairā rīne m̄ua ĩamaijama, ĩ “Quēnaro yaja m̄ua” m̄uare yi, vaja yiḡujari Dios? Yibec̄umi. Rojorā, űj̄ure gājoa sēnibosarimasa, īnare ĩamairā rīrene ĩamairūgūama īna quēne. ⁴⁷ M̄ua t̄u ejarāre m̄uare bajiro bajirā rīrene m̄ua sēnijama, ĩ “Quēnaro yaja” m̄uare yi, vaja yiḡujari Dios? Yibec̄umi. Diore ajimena quēne, īnare ĩamairā rīrene ĩamairūgūama īna quēne. ⁴⁸ To bajiri m̄uaj̄uama, mani jac̄u ō veca űagū quēnase rīne ī yirore bajiro yirā űaña m̄ua. M̄uare rojose yirāre quēne, m̄uare bajiro bajirā mere quēne ĩamaicōari, quēnaro yiroti űaja —īnare yiyuju Jesús.

6

“Gãjerã mware ïacõari, “Quênaro yirã ñaama” mware yïarũcũbũoato’ yirã me, quênaro yiya”, Jesús ï yigotimasiore

¹ Quëna ado bajiro ï buerãre ïnare yiyuju Jesús:

—Quênaro mwa yijama, “ ‘Quênaro yama ïna’ yato gãjerã” yirã me, quênaro yiya mwa. Masa ïna ïaro rïjorojwa rïne, “ ‘Quênaro Diore cũdirã ñaama’ yware yïato ïna” yirã, mwa yïoobojama, ñie vaja bũjamenaja mwa, õ vecajũ mani jacũ Dios tũjũ ejarã.

² Sïgũri, “Quênarã ñaja ywa” yiboarine, ïna yirore bajiro yirã me ñarãma ïna. Ado bajirojwa yirã ñarãma: Maioro bajirãre ejarẽmorã, ïnare ïna ïsijama, masa jedirore gotibatorãma. Dios ocare ïna buerivijũre rëjarãre quëne, jãjarã masa ïna vati maarijũre quëne ñacõari, ïnare gotibatorãma, “ ‘Quênarã ñañuma’ yware yïarũcũbũoato” yirã. To bajiro ïna yirore bajiro yibesa mwa. Riojo mware gotiaja yũ. To bajiro ïna yise vaja masa ïnare ïna rũcũbũosene jëre vaja bũjacõama ïnama. Ñie gajeye bũjarẽmobetirũarãma, Dios tũjũre. ïnare masa ïna rũcũbũoboajaquëne, Diojwama, ïnare rũcũbũobetirũcũmi.

³ Mwajwama, maioro bajirãre mwa ejarẽmojama, “ ‘Quênaro yirã ñaama ïna’ yware yïato” yirã me, ïnare ejarẽmoña. To yicõari, mwa baba ñamasugũre quëne, “To bajiro yibũ ywa” yigotimenane, ïnare ejarẽmoña. ⁴ To bajiro maioro bajirãre quênaro mwa yijama, masa ïabetore bajiro yirã yirũarãja mwa. To bajiro mwa yijama, mani jacũ, masa ïabetoju ïamasigũ ñari, quênaro mwa yise vaja, quênaro mware yirũcũmi —ï buerãre ïnare yiyuju Jesús.

Diore mani sënïrotire Jesús ï gotimasiore queti

(Lc 11.2-4)

⁵ Quëna ado bajiro ïnare gotimasioñuju Jesús:

—Sïgũri, “Quênarã ñaja ywa” yiboarine, ïna yirore bajiro yirã me ñarãma ïna. Ado bajiro yirã ñarãma: Diore ïna sënijama, Dios ocare ïna buerivirijũ rũgõcõari, sënirãma. To yicõari, jãjarã masa ïna vati maarijũre quëne ñacõari, Diore ñagõrãma. To bajiro yirãma, masa ïna ïarũcũbũosere bojarã ñari. To bajiro ïna yise vaja masa ïna ïarũcũbũosere jëre bũjacõarãma ïna. Ñie gajeye bũjarẽmobetirũarãma, Dios tũjũre. ïnare masa ïna ïarũcũbũoboajaquëne, Diojwama, ïnare ïarũcũbũobetirũcũmi. To bajiri, mwama, Diore mwa ñagõjama, ïna yirore bajiro Diore ñagõbesa mwa. ⁶ Mwama, Diore mwa sënijama, gãjerã mware ïna ïabeto sënirũarã ñari, mwa ya sõajũ tubibesãjacõari, ïre sënïña. To bajiro yicõari, mani jacũ ruyubecũre ïre sënïña. Masa ïna masibeto Diore mwa sënijama, to bajiro mwa yise vaja, mware vaja yirũcũmi mani jacũ, masa ïna ïabetiboajaquëne mani tũoĩasere masigũ ñari —ïnare yiyuju Jesús.

⁷ Quëna ado bajiro ïnare gotimasioñuju Jesús:

—Dios yarã me ñarã, ïna rũcũbũogũre sënirã, cojoji me sënïajerãma ïna, “Cojoji me tire mani sënijama, manire ajigũmi” yitũoĩarã ñari. ⁸ ïnare bajiro yibesa mwama. Mwa bojase mwa sënïroto rïjorojwene jëre masicõagũmi Dios. ⁹ To bajiri Diore mwa sënijama, ado bajiro sënïña:

“Ywa jacũ, masa ñajediro, ‘Quênarëtogũ ñaja mw’ mware yirũcũbũoato ïna.

¹⁰ Adĩ macarũcũroana, mw bojase rïne ywa yirotere tũoĩa yurũgũaja ywa. Jëre õ vecajũ mw ñarõjũ mw yarã mw rotirore bajirone yïnarãma. To bajiri adi macarũcũrojũre quëne mw rotirore bajiro rïne yirere bojaja ywa.

¹¹ Adirũmw ywa barõtire cõaña mw.

¹² ‘Rojose ywa yisere masirioya’ mware yisënïaja ywa, yware rojose yirãre quëne masiriorã ñari.

¹³ Rojose ywa yirotere masigũ ñari, “Tire yibeticõato ïna’ yigũ, yware matabosaya”. To bajiro Diore mwa sënijama, quënaja —ïnare yiyuju Jesús, ï buerãre.

¹⁴ Quëna ado bajiro ïnare gotimasioñuju Jesús:

—Mware rojose yirãre mwa masiriojama, mani jacũ õ vecagũ rojose mwa yisere masiriorũcũmi ï quëne. ¹⁵ Gãjerãre rojose ïna yisere mwa masirïobetijama, mani jacũ quëne rojose mwa yisere masirïobetirũcũmi —ïnare yiyuju Jesús, ï buerãre.

Diore rŭcubŭorā, bare bamenane mani sēniroti queti

¹⁶ Quēna ado bajiro ĩnare gotimasioñuju Jesús:

—Sīgŭri, “Quēnarā ñaja yŭa” yiboarine, ĩna yirore bajiro yirā me ñarāma. Bare bamenane Diore ĩna sēnijama, “Sŭtiritiama’ yīato ĩna” yirā, sŭtiritirāre bajirā ñaīorāma ĩna. To bajiro yirāma, “Īna, Diore rŭcubŭorā, bare bamena bajirāma’ masa yŭare yīato” yirā. To bajiro ĩna yirore bajiro yibesa mŭama. Riojo mŭare gotiaja yŭ. To bajiro ĩna yise vaja masa ĩnare ĩna rŭcubŭosene jēre vaja bŭjacōama ĩnama. Nĭe gajeye bŭjarēmobetirŭarāma, Dios tŭjŭre. ĩnare masa ĩna rŭcubŭoboajaquēne, Diojŭama, ĩnare rŭcubŭobetirŭcŭmi. ¹⁷⁻¹⁸ Mŭajuama, Diore rŭcubŭorā, bare bamenane ĩre mŭa sēnijama, sŭtiritirāre bajiro bajibesa. Mŭa yirŭgŭrore bajiro mŭa joare quēne quēnaro siroa, riogare quēne quēnaro coe, yiya, “Masa yŭare ĩacōari, bare yŭa babetire masibeticōato” yirā. To bajiro mŭa yijama, mani jacŭ gājerā ĩna ĩamasibetiboajaquēne, ĩamasigŭ ñari, mŭare vaja yirŭcŭmi —ĩnare yiyuju Jesús.

Ō vecajŭ Dios tŭjŭ quēnase mani bŭjaroti queti

(Lc 12.33-34)

¹⁹ Quēna ado bajiro ĩnare gotimasioñuju Jesús:

—Adi macarŭcŭroju, “Gajeyeŭni jairo juarēocŭrŭarāja” yirā me moaña mŭa. Gajeyeŭni mŭa juarēocŭboasere barearŭarāma gajeyeŭni barimasa. Gajeyema, boarŭaroja ti. To yicōari, gajeyerema juarudirŭarāma juarudirimasa. ²⁰ Ado bajirojŭa yirā ñaña mŭa: “Ō vecajŭ mani jacŭ tŭjŭ ĩ bojarore bajiro quēnaro mani yise vaja, quēnaro manire yirŭcŭmi” yitŭoīacōari, quēnaro yirā ñaña. Ō vecayejuarema, quēnaro mŭare Dios ĩ yisere barearā manama. Boabetirŭaroja tima. To yicōari juarudirimasa quēne, ejabetirŭarāma. Dios manire quēnaro ĩ yise jedibetirŭaroja. ²¹ Mŭa vaja tarere mŭa quēnocŭ vajama, ti rione tŭoīarejaicōa ñarāja mŭa. Tire yimenane, “Quēnaro yŭa yise vaja ō vecajŭ vaja tacŭrā yaja” yitŭoīacōari, quēnaro yirŭgŭña mŭa.

²²⁻²³ Mŭa caje quēnaro ti ruyujama, “Tine ñaja quēnamasuse”, yīamasiasiaja mŭa. To bajiboarine, mŭa caje quēnaro ti ruyubetijama, quēnabetire ĩacōari, mŭa masune, “Ti ñaja quēnamasuse”, yisocarŭarāja mŭa. Tire bajiro bajiaja mŭa tŭoīase quēne. Dios ĩ bojarore bajiro quēnaro mŭa tŭoīajama, ñajediro quēnaro riojo tŭoīamasirŭarāja mŭa. ĩ bojabetire mŭa tŭoīajama, “Riojo tŭoīarā ñaja” yisocañarā rĭne, bŭtobusa tŭoīamasimena ñacoarŭarāja mŭa. To bajiri, quēnabetire ĩacōari, “Mani masune, ‘Ti ñaja quēnamasuse’ yisocarobe” yirā, Dios ĩ bojarore bajiro quēnaro tŭoīaña mŭa —ĩ buerāre ĩnare yiyuju Jesús.

“Diore mani rŭcubŭojama, gājoare bŭto bojatŭoīaña manoja”, Jesús ĩ yigotimasiore queti

(Lc 16.13)

²⁴ Quēna ado bajiro ĩnare gotiyuju Jesús:

—Diore yirŭcubŭorāma, adi macarŭcŭroayere bŭto bojatŭoīamenama, “Diojŭa ñaami ñamasugŭ” yitŭoīarā ñari.

²⁵ To bajiri, “Dios ñaami ñamasugŭ” yitŭoīarā ñari, ĩre cŭdirāma, adi macarŭcŭrojŭe mŭa bajirotire tŭoīarejaibesa mŭa. “¿No bajiro bŭjacōari, bare ba, idi, sudi saña, yicatiñarāti yŭa?”, yitŭoīarejaibesa. Quēnamasuse mani ŭsŭre, to yicōari, mani rujŭre manire ĩsiñumi Dios. To bajiri mani baroti, mani idiroti, to yicōari sudi mani sãnarotire quēne cōarŭgŭrŭcŭmi ĩ. ²⁶ Minia ĩna bajisere tŭoīaña mŭa. ĩna otebetiboajaquēne, to yicōari, bare ĩna juarēocŭbetiboajaquēne, Dios, ĩnare bare cōarŭgŭami. “Miniare quēne ĩamaigŭ ñari, manire roque rētoro maigŭmi”, ¿yimasibeati mŭa? ²⁷ “Adi macarŭcŭrojŭe ñarā yoaro catirŭarāja” mŭa yitŭoīarejaiboase, “Yoarobusa catiato” yiro, mŭare ejarē-momasibeaja ti.

²⁸ Sudi sãnarŭa tŭoīarejaibesa. Go bŭcŭasere tŭoīaãsaque mŭa: Moabeti, to yicōari, sudi sãnarŭa tŭoīarejaibeaja ti. ²⁹ To bajiboarine, Ūjŭ Salomón ñamasir’i gajeyeŭni jaiŭ ĩ ñaboajaquēne, quēnase ĩ sudi sãñamasire rētoro quēnase ñaja ti. ³⁰ Gore bŭto

quēnase ñarotirügūami Dios. Quēnase ñaboarine, yoaro mene sīnicoatoja. Ti sīnro ñacōari, tire tīarāma masa, bare roariajaujere. To bajiri yoaro catise me ti ñaboajaquēne, tire quēnorügūami Dios. Go rētoro manire maigūmi Dios. To bajiri, “Manire sudi cōarucūmi”, yimasiroti ñaja. “To bajirone yigūmi Dios”, yiajiritirūnabetibusarā ñaja m̄a. ³¹ To bajiri, “¿No bajiro bujacōari, bare ba, idi, sudi sāña, yicatiñarāti yua?”, yituoīare-jabetiroti ñaja. ³² Dios yarā me ñarāma, tire buto tuoīarejairāma. Manijuarema, mani jacu õ vecagu ñagūmi, “Ti ruyaja, ñare” yimasigū. ³³ To bajiri, “Uju Dios yarā, quēnaro ñ yirā ñaja mani. Ñ bojarore bajiro quēnase rīne yiruarāja”, yituoīarügūña m̄a. To bajiro m̄a yijama, adi macarucuroaye m̄a cuobetire bujaruarāja m̄a. ³⁴ To bajiro ti bajijare, adirūm̄a m̄a bajise rīne tuoīaroti ñaja. Busiyu m̄a bajirotire tuoīarejai rījoro cutibesa m̄a. Tocārācarūm̄arine ricati bajirügūaja —i buerāre ñare yiyuju Jesús.

7

“*Rojose yirā ñaama. Ti suorine rojose tām̄uoruarāma*’ yiruarā, ñare ñabesebesa”, Jesús ñ yigotimasiore queti

(Lc 6.37-38, 41-42)

¹ Quēna ado bajiro ñare yiyuju Jesús:

—“Rojose yirā ñaama. To bajiro yirā ñari, rojose tām̄uoruarāma”, gājerāre ñare yīabesebesa. To bajiro m̄a yijama, “Rojose yirā ñaama”, m̄are yīaromi Dios. ² To bajiri, gājerāre rojose ña yise suorine “Rojose tām̄uoruarāja” m̄a yīacōīajama, m̄are ñ beserirūm̄uju, “Rojose yirā ñaama”, m̄are yīacōīarucūmi Dios. ³⁻⁵ Gajeyerema, ado bajiro yirāre bajiro yaja m̄a: Gāji buto rojose ñ yibetiboajaquēne, “M̄u cajeare sūjuroaca sāñaja. Tijucare āmirocatō” yirāre bajiro yaja m̄a. Tire buto ñatirūnūrā ñaboarine, m̄a cajeajere jairisūjuro sāñarijauere tijaure, “Āmirocaya” yimasibeaja m̄a, “Buto rojorā ñaja yua” yituoīamasimena ñari. M̄a rācagu ñ yisejare ñacōari, “Riojo tuoīabeaja m̄u. ‘Quēnasejare tuoīavasoaya’ yirā, riojo m̄are gotiruarāja” yigotirā ñaboarine, “Adi ñaja quēnase. Tijua ñaja rojose”, yimasimenaja, ñ rētoro rojose yirā ñari. “Quēnaro yirā ñaja yua” yituoīaboarine, rojorā ñaja m̄a. “Buto rojorā ñaja yua” m̄a yituoīamasiro beroju, m̄a rācagure ejarēmomasirāja m̄a, “Quēnaro riojo ñato ñ” yirā —ñ buerāre ñare yimasioñuju Jesús.

⁶ Quēna ado bajiro ñare yiyuju Jesús:

—Buto quēnase ñaja Dios oca. Ñ yere ajiterāre gotimasiobetiruarāja m̄a. “Bare quēnase ti ñaboajaquēne, yaia ña batese ti ñajama, manire jūnisinicōari, cūnisurereuarāma ña” yirā, ñare ecabeaja m̄a. To yicōari, m̄a ye jairo vaja cutise, perla vāme cutisere yesea vatoaju reacūbeaja m̄a. To bajiro m̄a yijama, m̄a reacūserere bojamena ñari, tire cudavoreacōaruarāma ña. To bajirone bajiaja Dios oca quēnasere ajiterārene m̄a gotimasiorejaquēne. To bajiri, ña ajirūabetire ñamasicōari, ñare gotimasiomasibetiruarāja m̄a —ñare yiyuju Jesús.

“*Diore m̄a sēnijama, m̄are cudirucūmi*”, Jesús ñ yigotimasiore queti

(Lc 11.9-13; 6.31)

⁷ Quēna ado bajiro ñare yiyuju Jesús:

—Diore m̄a sēnijama, cōarucūmi. Ñre sēnicōari, m̄a macajama, bujaruarāja m̄a. Sīgū no bojase ñre ti ruyajama, gāji ya vijū ejacōari sājaru, sēniīagūmi. Ñ sēniīajare, ñre sājaroticōari, ñre ejarēmogūmi. To bajirone bajiaja Diore sēnirāre quēne. Ñre m̄a sēnisere ajicōari, quēnaro m̄are yiejarēmorucūmi. ⁸ “Dios manire ejarēmorucūmi” yituoīarā ñari, ñre ña sēnisere ñare cōarucūmi. Ña macajaquēne, bujaruarāma.

⁹ “Bare bojaja yu” m̄a macu ñ yisēnijama, ¿gūtane ñsirātique m̄a? Ñsimenaja m̄a.

¹⁰ “Vai bojaja yu” m̄a macu ñ yisēnijama, ¿ña bar'i merene ñsirātique m̄a? Ñsimenaja m̄a. ¹¹ Diore bajiro quēnase yirā me ñaboarine, m̄a rīare quēnaro yaja m̄a. “To bajiro yirā ñaja” yimasirā ñari, “Mani jacu õ vecagure mani sēnijama, quēnaro masu manire yirucūmi”, yimasiaja mani —ñare yiyuju Jesús.

¹² Quēna ado bajiro ñnare yiyuju Jesús:

—Gãjerã quēnaro mũare ñna yisere bojaja mũa. Tire bojarã ñnari, quēnaro ñnare yiya mũajũa quēne. To bajirone Moisés ñnamsir'ire roticũmasiũuju Dios. To yicõari Diore gotirētosarimasa ñna ucamasire quēne, to bajirone yaja —ĩ buerãre ñnare yiyuju Jesús.

“Eyabeti maa ñaja Dios tũju varia maa”, Jesús ĩ yigotimasiore queti
(Lc 13.24)

¹³ Quēna ado bajiro ñnare yiyuju Jesús:

—Uũ Dios yarã quēnaro ĩ yirã mũa ñnaruajama, eyabetisoje, to yicõari, eyabeti maare vanare bajiro josaruarãja mũa. Ti josaboajaquēne, ĩ yarã ñaũa mũa. ĩ yarã meũama, jãjarã ñarãma. Gaje soje eyarisojere sãjacõari, to yicõari, eyari maa vanare bajiro josabetiruarãma ñnama. Ti josabetiboajaquēne, rojose tãmuotũjabetiriaroju varona ñarãma. ¹⁴ Eyabetisoje, to yicõari, eyabeti maare vanare bajiro josaruarãma, Uũ Dios yarã quēnaro ĩ yirãma. Ti josaboajaquēne, Dios tũju ejacõari, ĩ rãca quēnaro ñacõarũgũruarãma. Jãjarã me ñaruarãma ñnama —ĩ buerãre ñnare yiyuju Jesús.

“Ti rica cutise suorine yucũre ñamasija mani”, Jesús ĩ yigotimasiore queti
(Lc 6.43-44)

¹⁵ Quēna ado bajiro ñnare yiyuju Jesús:

—“Uũ Dios yarã quēnaro ĩ yirã ñnari, ĩre gotirētosarimasa ñaja yũa quēne”, yitorimasa ñarãma sũgũri. To bajiro ñna yitose quēnaro ajimasiũa mũa. Tire mũa ajimasibetijama, to bajiro mũare ñna yitose ñajare, Dios yere mũa ajirũgũboasere masiriticoaruarãja. ¹⁶ ñna gotimasiose suorine, “Quēnarã ñaama” yimenane, ñna bajire cutisejuare ñasuoya mũa. Ti rica cutise suorine yucũre ñamasija mani. Uye juaroana, vãtijota yucũrijũre macamenaja mani. Quēnase bare higos vãme cutire juaroana, vidiroju ñaricũ savajotaũjuure macamenaja mani. ¹⁷ To bajiri, yucũ vãnũquēnaricũma, quēnase rica cutiroja. Vãnũbetijũama, quēnabetiarine rica cuticõaroja. ¹⁸ To bajiri, yucũ vãnũricũ, “Quēnase rica cutiricũ ñaja” mani yiboaricũne, quēnabeti rica cutibetoja. To yicõari, vãnũbeti, “Quēnabeti rica cutiricũ ñaja” mani yiboaricũne, quēnase rica cutibetoja. ¹⁹ Tocãrãca yucũrire, vãnũbeticõari, rica quēnabeti yucũrire quēacõari, jeameju soereacõare ñaroja. ²⁰ To bajiri yucũ ricare ñacõari, “Quēnaricũ ñaja ti. Quēnabeti ñaja adima” mani yimasirore bajirone, “Diore gotirētosarimasa ñaja yũa” yirã, ñna yisere ñacõari, “Quēnarã ñaama ñna. Quēnamena ñaama ñnoa”, yimasiruarãja mũa —ñnare yiyuju Jesús.

“Uũ Dios ĩ bojarore bajiro yirã rĩne ñarãma ĩ yarã quēnaro ĩ yirona”, Jesús ĩ yigotimasiore queti

(Lc 13.25-27)

²¹ Quēna ado bajiro ñnare yiyuju Jesús:

—Ñajediro, “Yũa uũ ñaja mũ” yũre yirã me ñaruarãma yũ jacũ yarã, quēnaro ĩ yironama. Yũ jacũ ĩ bojarore bajiro yirã rĩne ñaruarãma õ vecajũ varonama. ²² Masare Dios ĩ beserirũmũ ti ejaro, jãjarã ado bajiro yiboaruarãma: “Yũa uũ, yũare mũ rotijare, mũare gotirētosacajũ yũa. Yũare mũ rotijare, masa usũrijũ sãñarãre vãtiare bureacajũ yũa. To yicõari, yũare mũ rotijare, jairo ñaĩañamani yĩocajũ yũa”, yũre yiboaruarãma ñna, socarãne. ²³ To bajiro ñna yiboajaquēne, ado bajiro ñnare yirũcũja yũ: “Tire mũare yivotibeticajũ yũ. Mũare masibeaja. ¡Vasa! Rojose yirã ñaja mũa”, ñnare yirũcũja yũ — ñnare yiyuju Jesús.

“Quēnaro ĩre ajitirũnrã, to yicõari, ĩre ajiboarine, ĩre cudimenama, ado bajiro bajirãma”, Jesús ĩ yigotimasiore queti

(Mr 1.22; Lc 6.47-49)

²⁴ Quēna ado bajiro ñnare yiyuju Jesús:

—Mũare yũ gotimasiosere ajicõari, yũ rotirore bajiro yigũ, quēnaro tuoĩagũ ñagũmi ĩ ũgũma. ĩ ñagũmi gũtajãijũ gojeri coaejocõari, botari rũgõcõari, vi buagũre bajiro bajigũ.

²⁵ Vi ĩ buaro bero, buato oco quediroja. Buato mino vatoja. To bajicōari, riaga jaicoatoja. Ti vijũ ti jaiejacoaboajaquēne, juriaquedibetoja ti vi. ²⁶ Yũre ajiboarine, yũ rotirore bajiro yibecũjũa ñagũmi sita vajaroju vi buagũre bajiro bajigu. ²⁷ Ti vi ĩ buaro bero, buato oco quediroja. Buato mino vatoja. To bajicōari, riaga jaicoatoja. Ti vijũre ti jaiejarone, yoaro mene juriaquedicoatoja —ĩ buerãre ĩnare yiyuju Jesús.

²⁸⁻²⁹ To bajiro Jesús ĩnare ĩ yigotimasioro bero, Dios ĩ rotimasire gotimasiorimasare bajiro me, ujuere bajiro bojonebecũne quēnaro ĩ gotimasiojare, ajiñañamani ĩ gotise ti ñajare, no yimasibesujarã ĩna.

8

Gase boagũre Jesús ĩ catiore queti

(Mr 1.40-45; Lc 5.12-16)

¹ Buroju ñar'i, Jesús ĩ rojaejarone, jãjarã masa ĩre suyayujarã. ² To ĩna bajirone, sigũ gase boagũ Jesũre vacãnamuacōari, ĩ rĩjorojuã gũsomuniari tuetuejayuju, ĩre rũcũbuogũ. To yicōari, ado bajiro Jesũre ĩre yiyuju:

—Yũ uju, yũ cãmire mũ yarũajama, yaya —yiyuju. ³ To bajiro ĩre ĩ yisere ajicōari,

—Mũ cãmire yarũcũja yũ —ĩre yigũne, ĩre moañañuju Jesús.

To bajiro ĩ yirĩrĩmarone, ĩ cãmĩ ĩre yaticoasuju yuja. ⁴ To ĩre yigajanocōari, gãjerãre ĩre gotirotibesuju Jesús. To bajiro ĩre yicōari, ado bajiro ĩre yiyuju:

—Yucũacane paire mũ rujũre ioaya. To yigũne, Moisére Dios ĩ roticũmasiriarore bajirone vaibũcũrã ecariarãre siacōari, paire ĩsima, Diore rũcũbuogũ. To mũ yisere ĩacōari, “Caticoasumi”, yirũarãma masa —ĩre yiyuju Jesús, gase boaboar'ire.

Surara ujuere moabosarimasũre Jesús ĩ catiore queti

(Lc 7.1-10)

⁵ Capernaum vãme cũti macajũre Jesús ĩ ejaro ĩacōari, ĩ tũju vayuju surara uju. Romano masũ ñañuju ĩ. Jesús tũ ejacōari, rũcũbuose rãca ado bajiro ĩre sēniñuju:

⁶ —Yũ uju, yũre moabosarimasũ ĩ bajisere ajimaiña. Yũ ya vijũ rijajesami. Micacōari, buato visiomi —Jesũre ĩre yiyuju surara uju.

⁷ —Ĩre catiogũ varũcũja yũ —ĩre yicũdiyuju Jesús.

⁸ To ĩ yiboajaquēne, ado bajiro ĩre cũdiyuju surara uju, Jesũre:

—Yũ uju, quēnagũ masũ ñaja mũ. Yũma, rojose yũ yisere tuoĩa bojonegũ ñari, yũ ya vire mũre sãjarotimasibecũja yũ. Toju sãjabetiboarine, mũ ñagõtũoĩasene catiomasigũja mũ. ⁹ Gãjerã surara ujarã beroagũ ñaja yũ. To bajiri, yũ quēne, gãjerã surarare rotigu ñaja yũ. Sigũre, “¡Vasa!” yũ yijama, vajami. Gãjire, “Vayá” yũ yijama, vadiami. To yicōari, yũre moabosarimasũre, “Tire yiya” yũ yijama, yirũgũami. To bajiri, mũ roque rotigu masũ ñari, toju vabetiboarine, mũ ñagõtũoĩasene caticoarũcũmi —Jesũre yiyuju.

¹⁰ To bajiro ĩ yisere ajiyamanire bajiro ajitũoĩañuju Jesús. To bajiri ado bajiro ĩnare yiyuju, ĩre suyarãre:

—Riojo mũare gotiaja yũ. Israel ñamasir'i jãnerabatia yũ yarã ñaboarine, “Masigũ, to yicōari, quēnagũ ñari, yũre yirẽmorũcũmi” yũre ĩ yitũoĩarore bajiro tuoĩagũre, ĩabetirũgũaja yũ. ¹¹ Quēnaro yũre ajiya. ĩre bajiro bajirã Israel masa me, jãjarã ejarũarãma õ vecaju Dios tũju. Muiju ĩ jiadojuã vadiriarã quēne, ĩ rocasãtojuã vadiriarã quēne ejarũarãma. Tojuere, rojorãre Dios ĩ rearo bero, ĩ rãca barujirũarãma ĩna. ĩna rãca ñarũarãma Abraham, Isaac, to yicōari, Jacob ñamasir'i quēne. ¹² Israel ñamasir'i jãnerabatia Diorãca barujirona ñaboariarã, rojose ĩna yire suorine rētiaroju ĩnare reacōarũcũmi. Tojuere ñacōari, buato rojose tãmũorã ñari, guji pōguẽ, oti, yirũarãma ĩna —ĩnare yiyuju Jesús.

¹³ To yigajano, surara ujuũare ado bajiro yiyuju:

—Mũ ya vijũ tudiasa. “Ñamasugũ ñari, yũre catiobosacōarũcũmi” yũre mũ yitũoĩarore bajirone bajirũaroja —ĩre yiyuju Jesús.

To ĩ yirĩrĩmarone, surara ujuere moabosarimasũ, vijũ rijañaboar'i caticoasuju ĩ yuja.

*Pedro ũmañicore Jesús ĩ catiore queti**(Mr 1.29-31; Lc 4.38-39)*

¹⁴ Pedro ya vijũ vasuju Jesús. Ti vi ejacõari, Pedro ũmañicore ĩañuju. Cãnijesariaro joejũ jesayuju so. So rujũ bũto asicõari, bũbũribũjayuju. ¹⁵ Sore ĩacõari, so ãmore ĩ moaĩarone, rujũ asicõari, so bũbũribũjaboase tũjacoasuju. To bajiri vũmũrũgũcõari, bare ĩre ecayuju so.

*Jãjarã, rijaye cutirãre Jesús ĩ catiore queti**(Mr 1.32-34; Lc 4.40-41)*

¹⁶ Tirũmũ rãiorijũne juaejoyujarã, ĩna usũrijũ vãtia sãñarãre Jesús tũjũ, “Vãtiare ĩnare bureato” yirã. To ĩna yiro ĩacõari, cojoji ñagõgũne, vãtiare bureayuju Jesús. Jãjarã ñañujarã ĩna usũrijũ vãtia sãñarã, masa ĩna juaejoriarã. To yicõari, rijaye cutirãre quẽne catiyyuju. ¹⁷ To bajiro bajiyuju, Isa'ias, Diore gotirẽtobosarimasũ ñamasir'i, “To bajiro bajirũaroja” ĩ yucamasire ti ñajare. Ado bajiro ucamasiñumi Isa'ias: “Mani rijaye cutire catiorũcũmi. To yicõari, josari mani tãmũoñasere yirẽtobosarũcũmi” yucamasiñumi Isa'ias, Jesús ĩ catiorotire yigũ.

“Yũre mũa ajisũyarũajama, josarũaroja ti”, Jesús ĩ yigotimasiore queti

(Lc 9.57-62)

¹⁸ Cojorũmũ jãjarã masa ĩ tũjũ ĩna ñagãnibiaro ĩacõari,
—Gajejacatũajũ jẽacoajaro mani —ĩ buerãre ĩnare yiyuju Jesús. ¹⁹ To ĩ yise rãcane, sĩgũ, Dios ĩ rotimasire gotimasiõarimasũ, Jesús tũ ejayuju.

—Gotimasiõarimasũ, no bojaro mũ vato cõrone mũre sũyarũaja yũ —Jesũre ĩre yiyuju ĩ.

²⁰ To ĩ yirone, ado bajiro ĩre cũdiyuju Jesús:

—Buyairoarema, ĩna gojeri ñacajũ. Miniare quẽne, ĩna jibũri ñacajũ. To ĩna bajiboajaquẽne, yũ, Dios ĩ sacũma, cãnirijũ magũre bajiro bajiaja yũ. To bajiri yũre mũ sũyajama, bũto mũre josarũaroja —ĩre yiyuju Jesús, Dios ĩ rotimasire gotimasiõarimasũre.

²¹ To ĩ yiro bero, gãji Jesús buerimasũ ado bajiro ĩre yiyuju:

—Yũ uũjũ, yũre yuya mũ maji. Yũ jacũ ĩ bajirocacoajare, ĩre yujegũacũ yaja yũ. ĩre yujecõari bero, mũre sũyarũcũja yũ —Jesũre ĩre yiboayuju.

²² To bajiro ĩre ĩ yiboajaquẽne, ado bajiro ĩre cũdiyuju Jesús:

—Yucũne yũre sũyaya mũ. Yũre ajitirũñũmena, rijariarãre bajiro bajirã ñarãma. ĩnajũa rijariarãre yujeato ĩna —ĩre yicũdiyuju Jesús.

*Mino vatone, oco sabesere Jesús ĩ tũjore queti**(Mr 4.35-41; Lc 8.22-25)*

²³ Jesús ĩ buerã rãca cũmuajũ vasãjañuju, jẽacũ. ²⁴ ĩna jẽatone, bũto mino vasuju. To bajicõari, bũto sabeyuju. Ti saberone, cũmua sagueca yiro, rujacoarũayuju. To ti bajiboajaquẽne, cãnigũ yiyuju Jesús. ²⁵ ĩ cãniro ĩacõari, ĩre yujioyujarã ĩna:

—Yũa uũjũ, ĩrujareana yaja mani! To bajiri mani rujaborotire yirẽtoña mũ —ĩre yiyujarã.

²⁶ To bajiro ĩna yirone,

—¿No yirã bũto gũiati mũa? “Rojose mani tãmũoboajaquẽne, manire yirẽtobosarũcũmi”, yũre yitũoĩarã me ñaja mũa —ĩnare yiyuju.

To yi, vũmũrũgũcõari,

—ĩMino tũjaya! ĩSabese quẽne tũjaya mũa! —yiyuju Jesús.

To ĩ yirone, tũjacoasuju mino. Sabese quẽne, sabebesuju yuja. ²⁷ Tire ĩacõari, no yimasibesujarã ĩna.

—¿Ñimũ ũgũ masũ ñati ãni? Minore to yicõari, sabesere quẽne ĩ tũjarotijama, ĩre ajaiaja —gãmerã yiyujarã ĩna.

*Gadara vãme cuti maca tũanare ĩna usũrijũ sãñarãre vãtiare Jesús ĩ bureare queti**(Mr 5.1-20; Lc 8.26-39)*

²⁸ Utabũcũra gajejacatũajũ Gadara vãme cuti maca tũjũ ejayujarã. To ĩna ejarone, masa rijariarãre ĩna yujereariavijũre jũarã ũmũa budiyujarã. To bajicõari, Jesús tũre ejarũgũ

ejayujarã. Juarãjũne vãtia sãñarã ñari, buto guayujarã. To bajiro ña bajijare, rãtomasiña mañuju. ²⁹ Jesúre ñarãne, ado bajiro yivasãñujarã ña usurijũre sãñarã, vãtia:

—¿No yigũ yua tu vadiati Dios macũ? ¡Yũare gõjanabiobesa! Rojose yua yise vaja, rojose yũare mu yirotirũmu ti ejabetiboajaquẽne, ¿rojose yũare yigũ vadiati mu? — Jesúre yiyujarã vãtia.

³⁰ To ña yĩnaro sojua jãjarã ecariarã yesea macabañañujarã. ³¹ Ñnare ñacõari, rũcũbuose rãca Jesúre yisẽniñujarã vãtia:

—Yũare mu bureajama, õa yeseajũare yũare sãjarotiya —yiyujarã vãtia.

³² To bajiro ñe ña yijare,

—Mũare varotiaja yũ —vãtiare ñnare yiyuju Jesús.

To ñ yirone, juarãjũrene ña usurijũre sãñaboariarã budicoasujarã yuja, yeseajũare sãjaroana. Ña sãjarone, buro ùmaroja vacõari, utabũcũrajũ ña ñaro cõrone rearoderu-jacõa tũjasujarã, vãtia ñnare ña sãjajare.

³³ Yeseare coderimasa, to bajiro ña bajisere ñacõari, ùmacoasujarã, ña ya macajũ vana. To bajicõari, vãtia sãñaboariarã ña yiecose ñaro cõrone ti macanare gotijeocõañujarã ña. ³⁴ Tire ajicõari, Jesúre ñarã vasujarã ña, ti macana jediro. Ñ tu ejacõari, ñe gũirã, rũcũbuose rãca ñe varotiyujarã.

9

Micagũre Jesús ñ catiore queti

(Mr 2.1-12; Lc 5.17-26)

¹ To bajiro ñe ña yijare, utabũcũra gajejacatũajũ tudijã ejacoasuju Jesús, ñ ya macajũ.

² Ti macajũ ñ ñaro, micagũre rijarã ãmivariaju joeju ñe ãmiejayujarã. “Ñe ñamaicõari, ñe catiorũcũmi” ña yitũoĩasere ñamasicõari, micagũjũare ado bajiro ñe yiyuju Jesús:

—Yũ maigũ, tũoĩatutuaya. Rojose mu yirere mũre masiriocõaja yũ —ñe yiyuju Jesús.

³ To ñ yisere ajicõari, ti macana sũgũri Dios ñ rotimasire gotimasiorimasa ado bajiro tũoĩañujarã: “To bajise ñ ñagõjama, Diore ñe rũcũbũobecũ yami”, yitũoĩañujarã ña. ⁴ To bajiro ña yitũoĩasere ñamasicõari, ado bajiro ñnare yiyuju Jesús:

—“Diore bajiro masa rojose ña yisere masiriomasiaja’ yisocaami”, yũre yitũoĩaboaja mũa. ⁵ “Rojose mu yisere masiriocõaja” yũ yicõa tũjajama, “Socũ yami. Socũ me yami”, yũre yĩãmasigũ magũmi. To bajiboarine, micagũre, “Vũmũrũgũcõari, vasa” ñe yũ yijama, “Socũ me yami. Rojose ñ yirere masiriocõami”, yũre yĩãmasirãja mũa. ⁶ To bajiri, “Dios ñ roticõacacũ ñari, Diore bajirone masare rojose ña yisere masiriomasigũ ñaami’ yũre yĩãmasiato” yigũ, ãni micagũre ado bajiro yaja yũ: Vũmũrũgũña mũ. Mu jesarijũre ãmiña. To yicõari, mu ya vijũ tudiasa, ñe yaja yũ —ñe yiyuju Jesús.

⁷ To ñe ñ yirone, micagũ ñaboar’i, vũmũrũgũcõari, ñ jesarijũre ãmi, ñ ya vijũ vacoasuju ñ yuja. ⁸ To bajiro Jesús ñ yisere ñacõacoasujarã masa. “Ti ùnire ñabetirũgũcãju mani. Ñni, Dios ñ masise rãca yigũ yami” yitũoĩacõari, “Quẽnaro yaja mu”, Diore ñe yivariquẽñañujarã ña.^b

Mateore Jesús ñ jire queti

(Mr 2.13-17; Lc 5.27-32)

⁹ Micagũre catiogajano vagũne, Mateo vãme cutigũre yũre ñabũjacami Jesús. Ujũre gãjõa sãnibosarimasũ ñacajũ yũ. Gãjõa sãnirã ña rujirijũre gãjõa sãnirujicajũ. To yũ yĩnaro ñacõari,

—Yũre ajisũyaya —yũre yicami Jesús. To bajiro ñ yisere ajicõari, ñe sũyacoacajũ yũ yuja.

¹⁰ Yũ ya vijũ ejacajũ yũ. To ejacõari, bacajũ yũ. Yũ rãca barã ejacana, jãjarã ñacama. Yũ yicatore bajiro rojose yirã, ujuere gãjõa sãnibosarimasa, to yicõari, gãjerã,

^b 9:8 Rijorojurema Mateo “Yiyuju Jesús” yiucaayumi, capítulo 1, to yicõari, capítulo 9 versículo 8, ñ rãca ñabetirĩ ñari. Capítulo 9 versículo 9, to yicõari, tũsari capítulo 28, ñ rãca ñarĩ ñari, “Yicami”, yiucaayumi yuja.

“Rojose yirā ñaama” masare yiñarā quēne ñacama. Jesús buerimasa quēne ñacama. ¹¹ To yua bajirone, ejacama fariseo masa. Ìna ñacama, Moisere Dios ï roticūmasirere buto ajirūcubuoṛā, rojose yirā rāca ñaruamena. Ejacōari, yua bañasere ñacōari, yu rācanare Jesús buerimasare ñare sēniñacama:

—¿No yigū muare buegūma, ānoa rojose yirā rāca bati? —yicama ña.

¹² To bajiro ña yisere ajicōari, ado bajiro ñare cūdicami Jesús, fariseo masare:

—Catiquēnarāma, uco yigūre bojamenama. Rijaye cūtirā rīne ñre bojarāma ña. To bajiro bajiaja yūre quēne. “Rojosere yirā me ñaja yua”, yirāma, yūre bojamenama. “Rojose yirā ñaja yua” yirā rīne yūre bojarāma. ¹³ Dios oca masa ña ucamasirere ado bajiro quēnaro tūoīañā mūa. Ado bajiro gotiaja ti: “Gājerāre mūa ñamaisere bojaja yu. Gājerāre mūa ñamaibetijama, vaibucurā ecariarāre siacōari, yūre mūa soemūoboajaquēne, ñie vaja manoja ti”, yigotiaja Dios oca, masa ña ucamasire. Quēnaro yirāre jigū me, adi macarucurojūre vadicaju yu. Rojose yirāre, “Rojose ña yisere yitūjato” yigū, vadicaju yu. To bajiri to bajiro yitūoīagū ñari, ānoa rāca bagū yaja yu —ñare yicami Jesús.

“Mani sūtiritisere ñacōari, quēnaro manire ejarēmouacūmi Dios” yirā, bare babetire queti

(Mr 2.18-22; Lc 5.33-39)

¹⁴ Juan vāme cūtigū, masare oco rāca bautizarimasa buerā, Jesús tūju ejacama ña. To bajicōari, ado bajise ñre sēniñacama:

—Yua quēne, fariseo masa quēne, mani ñicua ña yimasiriarore bajiro Diore yua sēnirirūmūreima bare babetirūgūaja yua. ¿No yirā tire yibeati mū buerāma? —ñre yicama Juan buerimasa.

¹⁵ To ña yisere ajicōari, ado bajiro ñare gotimasiocami Jesús:

—Sīgū ñ amosiarirūmūre ñre variquēnaejarēmōrā ñarāma. To ñ ūmato yiñaro cōro ñre variquēnaejarēmōrāma. ñare bajiro bajiaja yu buerā. Yu rāca ñari, variquēnacōa ñaama. “Sūtiritimena ñari, no yirā bare babeticōa yimenama”, yimasire ñaja. To bajiboarine, cojorūmū yūre ña ñiavato ñacōari, bare bamenane Diore sēniruarāma, “Mani sūtiritisere ñacōari, quēnaro manire ejarēmoato Dios” yirā.

¹⁶ Mame oca yu gotimasiose ricati ti ñajare, yu ye rāca mani ñicua ña yimasirere mūa tūoīavuoja, quēnabeaja. Sudiro bucūase ti vojama, mamagaserō rāca seretumasimenaja mani. Mamagaserone mani seretujama, mani coero bero carato tūatutu vatone bucūasejua vocoatoja. Bucūase, mamase rāca mani seretumasibetore bajirone, mame oca yu gotimasiosere, mani ñicua oca rāca tūoīavuoḃesa mūa.

¹⁷ To bajirone bajiaja uye oco quēne. Mame uye ocore, vaibucūgaserone quēnorīajoa bucūjoajūare jiomenaja mani. Bucūjoajūre mani jiojama, jāmūsinītucā yiro, yivocōaroja tijoajūare. To bajiro mani yijama, uye ocore, vaibucūgaserone quēnorīajoare quēne, to bajirone yireacōa tūjana yirāja mani. “To bajirobe” yirāma, mame uye ocore vaibucūgaserone quēnorīajoa, mamajoajūare jiore ñaroja. To yicōari, uye oco, vaibucūgaserone quēnorīajoa quēne, cojoro cōro quēnaro ñarūaroja. To bajiri mame uye ocore, bucūjoajūre mani jioḃetore bajiro mame oca yu gotimasiosere, mani ñicua oca rāca tūoīavuoḃesa mūa —ñare yicami Jesús.

Jud'io masa uju macore Jesús ñ catiore queti

(Mr 5.21-43; Lc 8.40-56)

¹⁸ To bajise Jesús ñ gotiñarone, sīgū jud'io masa uju ejacami. Ejacōari, Jesús rījorojūa gūsomuniari tuetucami, ñre rūcubuoḃu. To yigūne, ado bajiro Jesúsre yicami:

—Yucūacane yu maco bajirocacoamo. So tū ejacōari, sore mū moaīajama, tudicati-coarūocomo so —Jesúsre yicami.

¹⁹ To ñ yisere ajicōari, ñre sūyacoacami Jesús. To bajiri yua, ñ buerimasa quēne vacaju. ²⁰⁻²¹ To yua vatone, sīgō rōmio rijago Jesús sūyarojūa ejarūgūriomo. Gāmorōmi cūtigo ñañumo so. Juaāmo cōro, gūbo jua jēnituari cūmari rijañañuju. “Jesús sudiro gaja moaīarūaja yu. Ti rīne bojaja yu. To bajiro yu yijama, quēnaejacoarūocoja yu”, yiriomo

so. To bajiro yirio ñari, Jesús sɯyarojua ejarũgũcõari, ï sudiro gajare moaĩariomo. ²² So moaĩasere masicõari, judarũgũcami Jesús. To yicõari, ado bajiro sore goticami:

—Variquẽnaña yu maigõ. “Í sudiro gajare yu moaĩajama, quẽnaejacoarucõoja yu” yure mu yituoĩase ñajare, “Quẽnaejato” mure yibu yu —sore yicami Jesús.

To bajiro ï yirirĩmarone, quẽnaejacoacamo so yuja.

²³ To yi vanane, ɯju ya vijũ ejacoacaju yua, Jesúrãca. Í macore yujeroana, tõroari juti, yioti avasãnacama^c ²⁴ To bajiro ña yĩñajare, ado bajiro ñnare yicami:

—Budiasa mua. “Bajirocacoajamo” mua yiboago, bajirocabetesumo. Cãnigõ yigomo — ñnare yicami Jesús. To ï yijare, ñre ajacama ñna, “Bajirocacoamo” yimasirã ñari.

²⁵ Masa ñna budiato bero, bajirocario tũju jãjacõari, so ãmore ñiacami Jesús. To ï yirone, quẽna tudicaticõari, vũmũrũgũcoacamo so. ²⁶ Jesús sore ï catiosere ti sitana masa ñaro cõrone gotibatocõañuma ñna.

Juarã caje ñamenare Jesús ï ñarotire queti

²⁷⁻²⁸ Toju ñariarã yua cãnirivi yua tudiatone, caje ñamena juarã Jesúre avasã sɯyadicama:

—Uju David ñamasir'i jãnami, “Rotimũorũgõrucuja mu” yigu, Dios ï cõar'i ñaja mu. Yure ñamaiña —Jesúre yisɯyacama ñna. Vijũ yua sãjaejarone, ñna quẽne sɯyasãjaejacoacama.

To ñna bajirone, ado bajiro ñnare sẽnĩacami Jesús:

—“Yua caje ñabetire ‘Íato’ yigu, yure ejarẽmomasigũmi”, ¿yure yituoĩati mua? —ñnare yicami Jesús.

—Yua ɯju, to bajirone mure yituoĩaja yua —ñre yicudicama.

²⁹ To ñna yijare, ñna cajere moaĩagũne ado bajiro yicami Jesús:

—“Manire catiorucumi” yure mua yituoĩase sũorine mure ñarotiaja yu —ñnare yicami.

³⁰ To ï yirone, ñacõacama. To yicõari, ado bajiro ñnare goticami Jesús:

—Gãjerãre gotibetimasucõama mua —ñnare yiboacami.

³¹ To bajiro ï yiboajaquẽne, ti sitana jedirore gotibatocõañujarã ñna.

Ñagõbecure Jesús ï ñagõrotire queti

³² ñamena ñaboariarã ñna budirirĩmarone, ejacama gãjerã, ñagõbecure ãmiejarã, vãti ï sũjũre sãjacõari, ñre ñagõrotibetir'ire. ³³ Jesús, vãtine ï burocarone, ñagõbecu ñaboar'i, ñagõcoacami yuja. Tire ñacõari, no yimasibeticama masa:

—Adojũre, Israel sitajũre, ado bajise yigũre ñaña manirũgũmu maji —yicama ñna.

³⁴ Fariseo masajũama, ado bajiro yicama:

—Ñni, vãtia ɯju ï masise rãca vãtiare bureaami —yicama ñna.

Jesús masare ï ñamairẽ queti

³⁵ Ti sitaju gotimasiodudijeocami Jesús. Tocãrãca maca masa Dios ocare ñna buerivirijũre sãjacõari, oca quẽnasere masare ñnare gotimasiodocami. “Uju Dios yarã quẽnaro ï yirona mua ñarũajama, rojose mua yisere yitũjacõari, yure ajitirũnũña”, ñnare yigotimasiodocami. To yicõari, rijaye cutirãre jediro catiocami. ³⁶ Oveja, ɯju manare bajiro bajirã ñacama ñna masa. No yimasibetiboana tũoĩagõjanabidirã ñacama. To bajiro ñna bajisere ñacõari, ñnare ñamaicami Jesús. ³⁷ To bajiro ñna bajisere ñagũ ñari, ado bajiro yure yicami:

—Ote jairo bũcũaroja. To bajiboarine, mojoroaca ñarãma tire juarimasa. ³⁸ To bajiro ti bajijare, ote ɯjũre sẽnĩña, ñre moabosarimasa cõato ï yirã —yure yicami Jesús. d

c 9:23 To bajiro ñna yijama, ñna yirũgũriarore bajiro yirã yiyujarã. d 9:38 “To bajiro ï yijama, ado bajiro yigu yiyuju: ‘Jãjarã ñarãma yu ocare ajicõari, yure ajitirũnũrona. To bajiboarine, mojoroaca ñarãma yu ocare gotirãjua. To bajiro ti bajijare, Diore sẽnĩña, “Jãjarãbũsa yu ocare gotirimasare cõato ï” yirã’ yiyuju Jesús”, yiyujarã Dios oca masa ñna ucamasire buerimasa.

10

Ī ocare goticudisuronare Jesús ĩ besere queti

(Mr 3.13-19; 6.7-13; Lc 6.12-16; 9.1-6)

¹ Cojorũmũ ĩ buerimasare yũare juaãmo cõro, gũbo jua jẽnituarirãcũ ñarãre jirẽocami Jesús. Yũare jirẽocõari, ado bajiro yicami:

—Masa usũrijũ sãñarãre vãtiare, “Budiya” mũa yijama, budiruarãma. Rijaye cutirãre quẽne, “Catiya” mũa yijama, caticoaruarãma —yũare yicami Jesús.

²⁻⁴ Juaãmo cõro, gũbo jua jẽnituarirãcũ ñacajũ yua, “Yũ ocare gotimasiodiba” Jesús ĩ yicana. Ado bajiro vãme cutirã ñacajũ yua: Simón vãme cutiboacacũ, Pedro vãme cutigũ, ĩ bedi Andrés ñacama. To yicõari, Zebedeo rĩa ñacama Santiago, ĩ bedi Juan. Gãjerã, Felipe, Bartolomé, Tomás, yũ Mateo vãme cutigũ, ẽjũre gãjoa sẽnibosarimasũ ñaboacacũ ñacajũ. Alfeo macũ Santiago, to yicõari, Tadeo vãme cutigũ, gãji ñacami Simón vãme cutigũ, celote yere tũoĩaboar'i. Tũsagũ Judas Iscariote vãme cuticami. ĩ ñañumi Jesúre ĩsirocarocũ.

⁵ To bajiri yua, juaãmo cõro, gũbo jua jẽnituarirãcũre ado bajiro yũare gotimasiodiroticami Jesús:

—Jud'io masa me ĩna ñarimacari gotimasiodibeja mũa. Samaria sita ñarimacarire quẽne vabeja mũa —yũare yicami. ⁶ —Israel sitana tũjũare vasa. ĩna ñarãma Dios yarã ñaboariarã, oveja yayirãre bajiro bajirã —yicami. ⁷ —“Diore rotibosarocũ ĩ rotisũoroti mojoroaca rũyaja. Ʋjũ Dios yarã quẽnaro ĩ yirona mũa ñarũajama, rojose mũa yisere yitũjacõari, Jesúre ajitirũnũña” yigotimasiodiba mũa. ⁸ Gase boarãre mũa ĩajama, ĩnare catioba mũa. Gãjerã no bojase rijaye cutirãre quẽne ĩnare catioba. Rijariarãre tudicatioba. Masa usũrijũ sãñarãre vãtiare quẽne ĩnare bureaba. Vaja manone to yirotere mũare ẽjoaja yũ. To bajiri, vaja sẽnimenane, mũa quẽne gotimasiodi, rijaye cutirãre catio, ĩna usũrijũ sãñarãre vãtiare ĩnare burea, yicudiruarãja mũa —yũare yicami Jesús. ⁹ —Mũa vaja yiroti gãjoa juaãbeja. ¹⁰ To yicõari, bare sãriajoari juaãbeja mũa. Sudi mũa sãñasene sãñacõari, vaja. Gajeye gũbo sudi mũa vasoaroti juaãbeja. Tueriayucũrre quẽne juaãbeja. No bojarã gãjerãre moabosarimasa, vaja bujarãma. To bajirone bajirũaroja mũare quẽne. ĩnare mũa gotimasiose vajane ĩsiecoruarãja mũa quẽne —yũare yicami Jesús. ¹¹ —Jairimaca, mojorimacare ejarã, quẽnaro yigũre macama mũa. ĩre bujacõari, ĩ tũ cãnima. Ti macanare mũa gotimasiojama, ĩ tũ rĩne ñama maji, gajerojũ mũa varoto rĩjoro. ¹² Vijũ ejarã, “¿Ñati mũa?” yisẽnĩĩacõari, “Quẽnaro ñaña mũa”, yiba. ¹³ To mũa yirone, ti viana quẽnaro mũare ĩna bocaãmijama, mũa yirore bajiro quẽnaro ñaruarãma. Quẽnaro mũare ĩna bocaãmibetijama, “‘Quẽnaro ñaña’ yua yibetiriarãre bajirone ñacõaña mũa” ĩnare yi, vacoaja mũa. ¹⁴ Mũare quẽnaro ĩna bocaãmibetijama, to yicõari mũa gotisere ĩna ajirũabetijaquẽne, ti vire ñabeja. Ti vire budicõari, sitare gũbo sudi tuyasere varereaba. “Quẽnaro yũare bocaãmibeticõari, yũare mũa ajirũabetijare, rojose mũare yirũcũmi Dios” yirã, to bajiro yiruarãja mũa. ¹⁵ Riojo mũare gotiaja yũ. Ti macana mũare ĩna ajirũabeti vaja Diojũama, rojose ĩnare yirũcũmi masare ĩ beserirũmũ ti ejaro. Sodoma macana ñamasiriarã rẽtobusaro rojose tãmũoruarãma ĩna, mũare quẽnaro bocaãmimenama —yũare yicami Jesús.

“Dios oca mũa gotise sũori, ajijũnisinicõari, rojose mũare yiruarãma”, Jesús ĩ yire queti

¹⁶ Quẽna ado bajiro ĩ buerãre yũare yicami Jesús:

—Ovejare, buyairoa vatoajũ gũirojũ ĩnare cõagũre bajiro mũare gotimasiodirotiaja yũ. To bajiri mũa ñagõroto rĩjoro, quẽnaro tũoĩama. To yicõari, mũare rojose ĩna yiboajaquẽne, mũajũama quẽnasejũare yirã rĩne ñacõama. ¹⁷ Ado bajiro bajiroti ñajare, quẽnaro tũoĩama mũa: Mũare ñejecõari, Dios ocare ĩna buerivirijũ ẽjarã rĩjorojũ mũare juaárũarãma ĩna. Tojũ mũare bajarũarãma. ¹⁸ To yicõari, yũ ocare mũa gotimasiojare, macari ẽjarã rĩjorojũ mũa juaárũarãma ĩna. To yi vanane, ẽjarã ñamasurã rĩjorojũ mũa juaárũarãma. To bajiro mũare ĩna yijare, ẽjarãre, to yicõari, jud'io masa mere yũ ocare gotiruarãja mũa. ¹⁹⁻²⁰ Ʋjarã rĩjorojũ mũa ĩna juajaro, “¿No bajiro ñagõrãti

yua?”, yituoïarejaibeja mua. “Ñagõña” muare ña yirirïmarone, mani jacu Dios ï cõagũ, Esp'iritu Santo ï ejarẽmose rãca “Ado bajiro gotiruarãja yua” yimasiruarãja mua —yuaare yicami Jesús.

²¹ Quẽna ado bajiro yuaare yicami Jesús:

—Yu yere ajiterãre güiose ña yisere ñaruarãja mua. Sïgũ rïa ñaboarine, “Ïnare sïato” yirã, ñejerotiruarãma ña. To yicõari, jacua quẽne, “Yua rïare sïato” yirã, ña rïare ñejerotiruarãma. Ña rïajua quẽne, ña jacuare ajijünisinicõari, gãjerãre sïarotiruarãma ña. ²² Yu ocare mua goticudijare, jediro masa muare ñateruarãma. To bajiro ña yiboajaquẽne, no bojarã yure ajitirũnu tãjamenarema, rojose tãmuotãjabetiriaroju ña varoti ñaboarere ñare yirẽtobosarucumi Dios. ²³ Cojo maca muare rojose ña yijama, gaje macaju rudiaja mua. Riojo muare gotiaja yu. Jediro Israel sitajure ñarimacarire mua goticudijeoroto rïjoro, yu, Dios ï roticõacacu, adi macarucurojore tudiejarucuja yu.

²⁴ Ñare buegu rẽtobusaro masirã me ñaama ï buerã. To bajiboarine, quẽnaro ña buejeocõajama, ñare buerimasure bajirone masirãma ña quẽne. ²⁵ “Yuaare buegure bajiro yua bajijama, quẽnaja”, yituoïaroti ñaja. To bajicõari, ñe moabosarimasare quẽne, “Yua ujure bajiro yua bajijama, quẽnaja”, yituoïaroti ñaja. To bajiro ti bajijare, yure mua ujure Beelzebú yure ña vãme yitud'ijama, yu yarã mua ñajare, rẽtoro rojose muare yitud'iruarãma ña —yuaare yicami Jesús.

“Masa rojose yirãre güimenane, Diojuaare güiroti ñaja muare”, Jesús ï yire queti (Lc 12.2-7)

²⁶ Quẽna ado bajiro ï buerãre yuaare yicami Jesús:

—Rojose muare ña yitud'iboajaquẽne, ñare güibeja mua. “Masa ña ñabeto yitud'irã yaja” muare ña yiboajaquẽne, Diojuaama, ñacõarucumi. Ñiejua masa ña yirudise maja, Diorema. Adirũmuri masa ña masibeti jediro, Dios ï beserirũmu ti ejaro, “Quẽnaro tire masiato” yigu, gotirucumi. ²⁷ Masa ña ajibeto yayioroaca muare yu gotisere “Jediro ajiato” yirã, gotibatoruarãja mua. ²⁸ Muare sïaruarãre güibeja mua. Mua usurijurema sïamasimenama ña. Diojuaare mua güijama, quẽnaja. Ñaami mani catisere rotigu. Ña masu masiami. To bajiri rojose tãmuotãjabetiriaroju muare reamasicõami.

²⁹ Juarã miniare mani vaja yijama, cojotii gãjoatii rãca vaja yire ñaroja ti, mojoroaca vaja cutirã ña ñajare. To cõroaca vaja cutiboarine, Dios ï rotibetone rijagu magũmi. ³⁰⁻³¹ Masajuare, Dios ï ñajama, jairo vaja cutirãre bajiro manire ñaami. Manire buto maiami ï. To bajiro bajigu ñari, mani rãjoajoare, cojojoara ruyabeto cõïajeogu ñaami. To bajiri rojose muare yirãre güibeja —ï buerãre yuaare yicami Jesús.

“Masa ña ñaro rïjoroju, ‘Jesúre ajitirũnugũ ñaja yu’ mua yijama, quẽnaja”, Jesús ï yire queti (Lc 12.8-9)

³² Quẽna ado bajiro yuaare yicami Jesús:

—Masa ña ñaro rïjoroju, “Jesúre ajitirũnurã ñaja yua” yirãrema, yu quẽne õ vecaju yu jacu ï ñaro rïjoroju, “Ñnoa ñaama yu yarã”, yïõrucuja yu. ³³ To bajiboarine masa ñaro rïjoroju, “Jesúre ajitirũnurã me ñaja yua” ña yijama, yu quẽne, õ vecaju yu jacu ï ñaro rïjoroju, “Yu yarã me ñaama ña”, yirucuja yu —yuaare yicami Jesús.

“Yure mua ajitirũnuserẽ ñacõari, muare ñajünisiniruarãma”, Jesús ï yire queti (Lc 12.51-53; 14.26-27)

³⁴ Quẽna ado bajiro yuaare yicami Jesús:

—“‘Quẽnaro ñato masa’ yigu, vayumi Jesús”, yure yituoïabesa mua. Dios ï bojabeti yirã, yu ocare ajijünisinicõari, yure ajitirũnurãre ñateruarãma ña. To bajiri ado bajiroju yure yituoïaña: “‘Ï suorine ricatiri tuoïaruarãma’ yigu, vayumi Jesús”, yure yituoïaña. ³⁵ Ña macu, yure ï ajitirũnũjama, ï jacujua ñe ñaterucumi. Jacujua, yure ï ajitirũnũjama, ï macujua, ñe ñaterucumi. So macojua, yure so ajitirũnũjama, so jacoju, sore ñaterucocomo. Jacojua, yure so ajitirũnũjama, so macojua, sore ñaterucocomo. So

ũmañicojua yure so ajitirũnũjama, so jẽjojua, sore ãateruocomo. ³⁶ To bajiri sigũ yure ajitirũnũgũ ã ñajare, ã yarã ñaboarine, ãre ãateruarãma.

³⁷ No bojagu ã jacore, ã jacure yure ã mairo rẽtobusaro maigũma, yu yu ñamasibecumi ã ũgũma. No bojagu ã macore, ã macure yure ã mairo rẽtobusaro maigũma, yu yu ñamasibecumi ã ũgũma. ³⁸ No bojagu, “Jesũre bajiro rojose tãmuosũyarũcũja yu” yitũoĩabecuma, yu yu ñamasibecumi ã ũgũma. ³⁹ No bojarã, no ãna bojarone ñare cutirãma adi macarũcũro ñasere ãavariquẽnacõari, Diore tũoĩamenama, Dios ã catisere yayibetire cũomena ñaruarãma ãna. To bajiboarine, yure ajitirũnũrã, yu oca ãna gotisere ajijũnisinicõari, ãna sãarãma, Dios tu quẽnaro ñarona ñarãma —yuare yicami Jesús.

“Ado bajiro yirã ñarãma Dios tuju quẽnase bũjarona”, yire queti

(Mr 9.41)

⁴⁰ Quẽna ado bajiro yuare yicami Jesús:

—Muare cõagũ yu ñajare, gãjerã tu mua ejaro, quẽnaro muare ãna yijama, yurene quẽnaro yirã yirãma. Yure quẽnaro yirãma, yure cõacacure quẽnaro yirã yirãma. ⁴¹ “Diore gotirẽtobosarimasu ñagũmi” yimasicõari, quẽnaro ãre yirã, ãre gotirẽtobosarimasu Dios tu quẽnase ã bũjaroto cõrone bũjaruarãma ãna quẽne. “Quẽnaro yigu ñaami” yimasicõari, quẽnaro ãre yirã, quẽnaro yigu Dios tu quẽnase ã bũjaroto cõrone bũjaruarãma ãna quẽne. ⁴² Riojo muare gotiaja yu. Yure ajisũyarã ñamasurã me ãna ñaboajaquẽne, yure ajitirũnũrã ãna ñajare, quẽnaro ãnare yirã, to bajiro ãna yise vaja, vaja bũjaruarãma ãna. Ocõne ãnare ãna ioboajaquẽne, vaja bũjaruarãma —yuare yicami Jesús.

11

Juan vãme cutigu, masare oco rãca bautizarimasu ã cõariarã, Jesũre ãna sẽnĩiare queti
(Lc 7.18-35)

¹ Yuare, ã buerãre juaãmo cõro, gũbo jua jẽnituarirãcu ñarãre yuare ã gotimasioro bero, ti sita ñarimacarianare ãnare gotimasioducirã vacaju yua, Jesũrãca.

² Tirodo Juan vãme cutigu, masare oco rãca bautizarimasu, tubiberiaviju ñañuju ã. Toju ã ñarone, Jesús masare ã gotimasioducicati, to yicõari, ãaãañamani ã yĩocati queti ãre ejayuju. Tire ajicõari, juarã ã buerimasare cõañumi, “Jesũre sẽnĩiaaya” yigu. ³ Yua tu ejacõari, ado bajiro Jesũre sẽnĩiacama ãna:

—¿Mũne ñati “Rotimũorũgõrũcũmi” yigu, Dios ã cõar'i, “Yu bero ejarũcũmi” Juan ã yigotimasiodacũ? ¿Gãjire yuroti ñatique maji? —ãre yisẽnĩiacama ãna.

⁴ To ãna yisẽnĩiarone, ado bajiro ãnare yicũdicami Jesús:

—Vasa mua. Juan tuju tudiasa. ã tu ejacõari, mua ãasere, mua ajisere quẽne ãre gotiba.

⁵ Ado bajiro ãre gotiba mua: “Jesũs ã masise rãca ã yijare, ãbetiboariarã quẽne ãama. Rujasagueri vaboariarã quẽne, quẽnaro vama. Gase boariarãre quẽne, ãna cãmi yatibũ. Ajimena ñaboariarã quẽne, ajima. Bajireariarã quẽne, tudicatima. To yicõari, maioro bajirã quẽne, Dios oca quẽnasere gotimasio ecoama ãna”, yigotiba, Juan tuju ejacõari.

⁶ To bajiri, “‘Quẽnase bũjaruarãma yure ajitirũnũrã, “Socũ me yami” yure yitũoĩarãma’ yimi”, ãre yigotiba —ãnare yicami Jesús, Juan buerimasare.

⁷ To bajiro ã yisere ajicõari, ãna vase rãcane, Juan vãme cutigu, masare oco rãca bautizarimasu ã ñare quetire goticami Jesús, jãjarã ãre ajisũyarãre:

—Yucũ manõju vana, ¿ñimũ ũgũre tũoĩa vacati mua? ¿Masa ãna bojasere bajiro yirua tũoĩagũre ãarã vacati mua? “To bajiro tũoĩagũ me ñacami”, yimasiaja mua. ⁸ ¿Ñimũ ũgũre tũoĩarã vacati mua? ¿Quẽnase sudi sãñagũre tũoĩa vacati? To bajiro me tũoĩariarãja mua. “Quẽnase sudi sãñarãma, quẽnariviriju, ujarã ya viriju ñarãma”, yimasiaja mani.

⁹ ¿Ñimũ ũgũre tũoĩa vacati mua? ¿Diore gotirẽtobosarimasure tũoĩa vacatique mua? Riojo muare gotiaja yu. Gãjerã Diore gotirẽtobosarimasa rẽtoro ñagũre ãariarãja mua.

¹⁰ Juan ã bajiro tire gotiro, ado bajise gotiaja Dios oca masa ãna ucamasire:

“‘Rotimũorũgõrũcũmi’ yigu, mũre yu cõaroto rĩjoro, mũre gotiyurocure cõasũorũcũja yu maji’ yami Dios. ‘ã ñarũcũmi ado bajise gotirocũ: “Yoaro mene ejarũcũmi

‘Rotim̄orūgōr̄uc̄ami’ yiḡu, Dios ī cōaroc̄u. To bajiri rojose Dios ī bojabetire yit̄u-jacōari, ī bojasejuare yi yuya m̄ua” yigotiroc̄u ñar̄uc̄ami’, yami Dios”, yigotiaja Dios oca masa ñna ucamasire.

¹¹ Diore gotirētobosarimasa ñna gotimasire rētoro ñamasuse ñaja, Juan, Diore ī gotirē-tobosaseju. To bajiro ti bajiboajaquēne, Juan ī gotise rētoro ñamasuse ñaja yu gotiroticōarā ñna gotise. “Ūju Dios yarā quēnaro ī yirona m̄ua ñar̄uajama, Jesúre ajitir̄ūñña” ñna yigotisere yaja yu. Ñamasurā ñaama, “Ñamasurā me ñaama Jesús ī gotiroticōarā” m̄ua yī̄aboajaquēne —yicami Jesús, ñre ajis̄yarāre.

¹² Quēna ado bajiro yicami Jesús:

—Juan ī gotimasios̄orij̄une, “Ūju Dios yarā quēnaro ī yirā m̄ua ñar̄uajama, ro-jose m̄ua yisere yit̄ujacōari, Jesúre ajitir̄ūñña” yirere ajicōari, ti josaboajaquēne, yure ajis̄ya variquēnas̄oadicama masa. ¹³ Juan ī gotimasios̄oroto r̄ijoroj̄une, “Ro-tim̄orūgōr̄uc̄ami” yiḡu Dios ī cōaroc̄ure goticoayuma ñna, Diore gotirētobosarimasa. Moisére Dios ī roticūmasire quēne, tire gotiaja ti. ¹⁴ “Diore gotirētobosarimasa El'ias vāme cūtimasir'ire bajiro bajiḡu ejar̄uc̄ami”, yigotiyujarā ñna, Diore gotirētobosarimasa. To bajiro ñna yimasirere, “Riojo ucamasin̄uma ñna” m̄ua yit̄uōajama, “Juan ī ejarotire gotirā yimasin̄uma”, yimasiaja m̄ua. ¹⁵ M̄ua ajimasir̄uajama, quēnaro yure ajitir̄ūñña m̄ua —ñre ajis̄yarāre yicami Jesús.

¹⁶⁻¹⁷ Quēna ado bajiro ñre ajis̄yarāre goticami Jesús:

—Ado bajiro yirāre bajiro yirā ñarāja m̄ua, adirodoriana: Daquerā, gājerā rāca ajer̄uamenare bajiro yirā ñarāja. Ñna ajerit̄ucuroj̄u rujicōari, gājerājuare, ado bajiro ñnare gotirujirāma: “‘Basavariquēnato mani’ yirā, m̄uare jutibosaboab̄u yu. To bajiro yu yiboajaquēne, basabeju m̄ua. To bajiri, ‘Rijariarāre buc̄urā ñna oticatore bajiro sutiriose boca otir̄uarāja m̄ua, yu basañarone’ yiboab̄u yu. To yu yiboajaquēne, otibeju m̄ua”, ñnare yigotirāma, ñna rāca ajer̄uamenare. ¹⁸ Ñna rāca ajer̄uamenare bajiro yirā ñarāja m̄ua, adirodoriana. Juan, quēnase bare babeti, quēnase idire idibeti bajiñañuju ī. To bajiro bajiḡu ī ñajare, “Vāti s̄āñagū ñagūmi”, ñre yit̄uōacaj̄u m̄ua, ñre ajiterā ñari. ¹⁹ Ī bero gotimasios̄ocaj̄u yu, Dios ī roticōacac̄u. Ȳjuama, quēnase bare ba, quēnase idire idi bajiñaja yu. To bajiro yiḡu yu ñajare, “Jairo baḡu ñaami. Idimecuḡu ñaami. Ūj̄ure gājoa sēñibosarimasa, gājerā rojose yirāre quēne ñnare baba cūtiami”, yure yī̄ajūnisin̄iaja m̄ua, yure quēne ajiterā ñari. To bajiro Juanre quēne, yure quēne m̄ua yise ti ñaboajaquēne, Dios ī masise rāca yu yise ti ñajare, beroj̄u, “Quēnaro yirā yiboayuma” yure yimasir̄uarāja m̄ua —yicami Jesús, ñre ajis̄yarāre.

Ñre ajitir̄ūñn̄ubeti macariana ñna bajisere to yicōari, ñna bajirotire t̄uōacōari, Jesús ī gotire queti

(Lc 10.13-15)

²⁰ T̄iju bero, ñañañamani ī yī̄oboacana ya macarire t̄uōacōari, Dios ī bojabetire ñna yisere t̄uōas̄utiriticōari, ñna yit̄ujabetijare, rojose ñna t̄am̄orotire yiḡu, ado bajiro goticami Jesús:

²¹—Coraz'in macana, to bajicōari, Betsaida macana quēne, b̄uto rojose t̄am̄oruarāma. Ti macarianare ñañañamani yu yī̄ocatore bajiro, Tiro vāme cūti macanare, Sidón vāme cūti macanare quēne ñañañamani yu ñojama, tir̄ūm̄uju rojose ñna yisere t̄uōas̄utiriticōari, yit̄ujacoaboriarāma ñnama. “Rojose yu yisere yir̄uabeaja” yis̄utiritirā ñari, s̄utiritirā ñna s̄āñaseju sudi vasoacōari, to yicōari, ñna r̄ujoarij̄u ōja majeoboriarāma. ²² Riojo m̄uare gotiaja yu. Sidón macana, to bajicōari, Tiro macana ñamasiriarā rētobusaro rojose t̄am̄oruarāma ñna, Dios, masare ī beserir̄ūm̄u ti ejaro. ²³ Capernaum macanaj̄u, “Quēnarā ñari, ō vecaj̄u Dios ī ñaroju ñarona ñaja mani”, yit̄uōaboarāma ñna. To bajiro ñna yit̄uōaboajaquēne, Dios t̄uju ñabetir̄uarāma. Rojose t̄am̄ot̄ujabetiriaroju ñaja ñna cōaacorotoma. Toanare ñañañamani yu yī̄ocatore bajiro, Sodoma macanare quēne yu yī̄ojama, rojose ñna yisere yit̄ujaboriarāma ñnama. To bajiri adir̄ūm̄urire quēne ñacōaboriaroja ti maca maji. ²⁴ Riojo m̄uare gotiaja yu. Ti macana yure ñna ajir̄uabeti

vaja, Diojũama, rojose ñnare yirũcũmi masare ĩ beserirũmu ti ejaro. Sodoma macana ñnamasiriarã rẽtobũsaro rojose tãmuorũarãma ñna —yitũoĩa goticami Jesús.

“Quẽnaja” Diore Jesús ĩ yivariquẽnare queti
(Lc 10.21-22)

²⁵⁻²⁶ ĩre ajitirũnũrãre, “Mu sũorine ajitirũnũama” yigũ, “Quẽnaja” Diore yivariquẽnagũ, ado bajiro yicami Jesús:

—Cacu, õ vecagu ẽju ñnaja mu. Adi macarũcũrore quẽne, ñnajediro ẽju ñnaja mu. “Jẽre masiaja yua” yitũoĩaboarãre, “Yu ocare ajimasibeticõato ñna” yigũ, ñnare masirioaja mu. To yicõari, “Masimena ñnaja yua” yirãjũare, “Ajimasiato” yigũ, ñna ajimasirotire yirẽmorũgũaja mu. To bajiro mu yijama, mu bojarore bajiro yigũ yaja mu —Diore yicami Jesús.

²⁷ To yicõari, ĩre ajisũyarãjũare ado bajiro goticami Jesús:

—Yu jacu ĩ ejarẽmose sũorine jediro yimasijeogu ñnaja yu. “Tire yimasiato” yigũ, adi macarũcũrore yũre cõacami yu jacu. To bajiro yicacu ñari, yu yisere masijeocõami yu jacu. Yu quẽne, ĩ yisere masijeocõaja. “ĩre masiato” yigũ, yu beserã rĩne yu jacure masiama —ñnare yicami Jesús.

²⁸⁻²⁹ Quẽna ado bajiro yicami Jesús:

—Cojo vãme me ñna rotise ti ñnare, jairo gajacõari, ñnarãre bajiro bajiaja mu. “Tire cũdijeomasimenaja mani” yisũtiritirã ñari, yũjũare ajirã vayã mu. Yũre ajitirũnũcõari, rũcũse gajacõari, ñnamenare bajiro variquẽnarã ñnarũarãja mu. Masare maitũoĩagũ ñnaja yu. “Ñamasugũ ñari, ñnare ajirũcũbũobeaja yu” yigũ me ñnaja yu. No bojarãre yũre ajitirũnũrãre ejarẽmogũ ñnaja. ³⁰ Muare yu rotise josari me ñnaja. To bajiri yu rotisere mu cũdijama, variquẽnarũarãja mu —yicami Jesús.

12

Usũsãjariarũmu ñnaboajaquẽne, Jesús buerimasa trigo ajere tũnejuacõari ñna bare queti

(Mr 2.23-28; Lc 6.1-5)

¹ Usũsãjariarũmu ti ejaro, trigo ñna oterivese cũtore vacaju, Jesũrãca. To bajivanane ñiorijacaju yua. To bajirã ñari, trigo ricare tũnejuacõari, yua ãmorine ti gasere sũguẽreacõari, bacaju yua. ² Tire yua basere ĩacõari, fariseo masa ado bajiro Jesũre ĩre yicama ñna:

—ĩãña mu! Mu buerimasa, usũsãjariarũmu yire mere yama ñna —Jesũre ĩre yicama.

³ To bajiro ñna yisere ajicõari, ado bajiro ñnare cũdicami Jesús:

—¿David ñnamasir'i ĩ babarã rãca ñiorijacõari, ñnare ĩ ũmato bamasirere masibeati mu? ⁴ Ñiorijarã ñari, “Mani rãca ñagũmi Dios” masa ñna yirivijũre sãjacõari, Diore ĩre rũcũbũorã gãjerã pan ñna cũboarerene juacõari, ĩ babarã rãca bamasĩũju ĩ. To bajiri Moisés ñnamasir'i ĩ gotimasirema, “Paia rĩne barũarãma” ĩ yimasiboarerene bamasĩũjarã ñna. To bajiro ñna yiboajaquẽne, ti vaja rojose ñnare yibetimasĩũmi Dios. ⁵ ¿“Usũsãjariarũmu ti ñnaboajaquẽne, Diore yirũcũbũoriavijũ paia ñna moatũjabetiboaquẽne, rojose yirã me yirãma ñna”, Moisés ñnamasir'i ĩ yucamasirere masiritiatique mu? ⁶ Riojo muare gotiaja yu. Moisére ĩ roticũmasire, Diore yirũcũbũoriaviaye ñase rẽtobũsaro ñnamasuse ñnaja mame yu rotise. ⁷ Dios oca masa ñna ucamasire ajimasibetibũsaja mu. Ado bajiro gotiaja ti: “Vaibũcũrã ecariarãre sãcõari, yũre ñna soemũosere bojabetibũsaja yu. Masa gãjerãre quẽnaro ñna ĩamaisejũare bojamasucõaja yu”. To bajiro yigotiaja Dios oca masa ñna ucamasire. Tire, “Ado bajiro yirũaro yaja” yiajimasirã masu mu ñnaja, Dios ĩ bojabeti rojose ñna yibetiboaquẽne, “Rojose yama” yu buerimasare ñnare yĩabetiboriarãja mu. ⁸ Yu, Dios ĩ roticõacacu, “Usũsãjariarũmure ado bajiro mu yijama, quẽnaja. To bajirojua mu yijama, quẽnabeaja”, yirotigũ ñnaja yu —ñnare yicũdicami Jesús, fariseo masare.

Āmo ñujobecure Jesús ĩ ñujorotire queti
(*Mr 3.1-6; Lc 6.6-11*)

⁹ To yi vacune, Dios ocare ĩna buerivijũ yũare ũmato sãjacami Jesús. ¹⁰ Ti vijũ ñacami sĩgũ, cojojacatũa āmo ñujobecu. Fariseo masa quẽne ñacama. “Jesús, rojose yimi” ẽjarãre yi ocasãruarã, ado bajiro Jesũre sēniĩatocama ĩna:

—Dios, Moisere ĩ roticũmasirere mũ tũoĩajama, “Adirũmũ usũsãjariarũmũre rijaye cutirãre mani catiojama, quẽnacõaroja”, ¿yitũoĩati mũ? —Jesũre ĩre yisēniĩatocama ĩna.

¹¹ To ĩna yisere ajicõari, ado bajiro yicami:

—Oveja mũa ecar'i, gojejũ ĩ quedirocasãjama, “Usũsãjariarũmũ ñaja” yirã, ¿ãmirã vamenada mũa? ¹² ¿Masũ rētoũsaro maiĩogũ ñatique, ovejajũ? To bajiri, ¿usũsãjariarũmũ quẽne, no bojagũ masũre quẽnaro mani yijama, quẽnabetojarique? —ĩnare yicũdicami Jesús.

¹³ To yicõari, āmo ñujobecuũare:

—Mũ āmore ñujoya —ĩre yicami.

To ĩ yirone, ĩ āmore ĩ ñujorone, quẽnaejacoacajũ yuja, gaje āmore bajirone. ¹⁴ To ĩ yisere ĩacõari, budicoacama fariseo masa. Budiacõari, “¿No bajiro yicõari, Jesũre sĩarotirãti mani?” gãmerã yĩnãgõũjarã ĩna.

Diore gotirētohosarimasa Jesús ĩ bajiro tire yirã, ĩna ucamasire queti

¹⁵ To bajiro ĩre ĩna tũoĩa ñagõjaisere masicõari, gajerojũ vacami Jesús quẽna. Jesús ĩ vato ĩacõari, ĩre sũyacajũ yũa, jãjarã masa. Tojũ ñajediro masa rijaye cutirãre catiocami.

¹⁶ To yicõari, ĩnare ĩ catiosere gotirotibeticami ĩ. ¹⁷ To bajiro ĩ yijama, “Isa'ias ñamasir'i Diore gotirētohosarimasũ, ‘To bajiro bajiruaroja’ ĩ yucamasiriarore bajiro bajiato” yigũ, yicami, ado bajiro yise ti ñajare:

¹⁸ “Āni ñaami, yũre moabosarimasũ yũ besecacũ, yũ ĩavariquẽnagũ. Esp'iritu Santore ĩre cõarũcũja yũ, ‘Ījarẽmose rãca yũ bojasere yimasiato ĩ’ yigũ. To bajiri, ‘Ado bajiro riojo yiroti ñaja’ yigotibatorũcũmi, masa ñajedirore.

¹⁹ Masa rãca oca josabecu ñarũcũmi ĩ. To yicõari, masa ĩna ĩaro rĩjorojũa rũgõcõari, ‘Yũre ajiya mũa. Masigũ ñaja yũ’ yivasaã gotibecu ñarũcũmi.

²⁰ Yũre quẽnaro ajitirũnũmenare, yũ bojarore bajiro yimasibeticõari, tũoĩasutiritirãre quẽne mairũcũmi. ĩnare ĩamaicõari, ‘Quẽnaro yũre ajitirũnũato ĩna’ yigũ, ĩnare ejarẽmorũcũmi.

²¹ Jud'io masa me ñarã rojose ĩna yise vaja rojose ĩna tãmũoborotire, ‘Manire yirētohosarũcũmi. To bajiri rojose tãmũobetirũarãja’ yivariquẽna yũnarũarãma”, yucamasĩnũmi Isa'ias, Diore gotirētohosarimasũ.

“Vãtia ẽjũ ĩ masise rãca yigũ yami Jesús” ĩna yire queti

(*Mr 3.20-30; Lc 11.14-23; 12.10*)

²² Sĩgũ ñacami vãti sãnãgũ. “Īabeticõato; ñagõbeticõato” yigũ, ĩ usũjũre sãjacõari, ñaũnũmi. To bajiri Jesús tũjũ ĩre āmiejacama masa. To ĩna yirone, ĩ usũjũre sãnãgũre vãtire burocacami Jesús. To bajiri vãtire ĩ burocajare, ĩamasĩ, ñagõmasĩ, bajicoacami yuja. ²³ Tire ĩacõari, no yimasibeticama masa jediro:

—¿Ejũ David ñamasir'i jãnami “Rotimũorũgõrũcũmi” yigũ, Dios ĩ cõar'i mani tũoĩa yũnarũgũgũ ñatique ĩ? —yicama.

²⁴ To bajiro ĩna yisere ajicõari, ado bajiro ĩnare yicama fariseo masajũa:

—Vãtiare ĩ bureajama, vãtia ẽjũ Beelzebú vãme cutigũ ĩ masise rãca vãtiare bureagũ yami —yicama ĩna.

²⁵ To bajiro ĩna tũoĩasere ĩamasicõari, ado bajiro ĩnare gotimasiocami Jesús:

—Cojo sitana rotirimasa ĩna gãmerã quẽajama, ĩna masune gãmerã sĩayayirã yirãma. To bajirone bajiroja cojo macanare quẽne, cojo vi ñarãre quẽne. ²⁶ To bajirone bajiroja vãtiare quẽne. Vãtia ĩna gãmerã bureajama, “Masare rojose yitũjato mani” yirã yiborãma. To bajiro ti bajijare, “Beelzebú vãme cutigũ ĩ masise rãca masa usũrijũ sãnarãre vãtiare bureaami” yũre mũa yĩboase, riojo yirã me yaja mũa. ²⁷ To bajiro yũre

mua yituoĩaboajama, mua buerã quẽne masa usurijũ sãñarãre vãtiare ĩna bureasere, “Vãti ĩ masise rãca burearãma ĩna quẽne” yirãre bajiro yaja mua. To bajiro mua yijama, “Tuoĩamavisiaja mua”, muare yiruarãma ĩna, mua buerã. ²⁸ Ado bajirojua tuoĩarona ñaboaja mua: “Vãtia mũũ ĩ masise rãca me yami. Esp'iritu Santo ĩ masise rãcajua vãtiare bureaami”, yũre yituoĩarona ñaja mua. To yicõari, “ ‘Rotimũorũgõrũcumĩ’ yigũ, Dios ĩ cõar'i ñaami”, yũre yituoĩamasiroti ñaja muare.

²⁹ “To bajiro yimasiroti ñaboaja” yigũ ñari, “Quẽnabusaro yimasiato” yigũ, quẽna gajeye gotimasiore queti muare gotiaja yũ: Sígũ, gãji guamũ ya vi sãjacõari, ĩre ĩ siabetijama, gajeyeũni emamasibecumi. ĩre siacõari, ĩ gajeyeũnire emamasigũmi yuja. To bajirone bajaiaja yũre quẽne. Vãtia mũũ ĩ rotiboasere ĩre yirotibeticõari, masa usurijũ sãñarãre vãtiare yũ burease suorine, vãti ĩ rotiajeboariarãre ĩre emagũ yaja, “Yũ yarã ñato” yigũ.

³⁰ No bojarã yũ gotiboasere ajitirũnumenama, yũre ajitirũnuboronare matarã yirãma. No bojarã, “Jesũre ajitirũnuña” yũre yigoticudibosamenama, “ĩre ajibesa” yirãre bajiro bajirã ñarãma.

³¹ To bajiri, riojo muare gotiaja yũ. Masa jediro rojose ĩna yijama, jediro rojose ĩna ñagõjaquẽne, sutiriticõari, Diore ĩna sēnijama, rojose ĩna yisere masiriorũcumĩ. To bajiboarine, Esp'iritu Santojũare rũcũbuomena rojose ĩre ĩna yitud'ijama, tirema masiriobetirũcumĩ. ³² No bojarã, Dios ĩ roticõacacũre rojose yũre ĩna ñagõro bero, sutiriticõari, Diore ĩna sēnijama, rojose ĩna yisere masiriorũcumĩ. To bajiboarine, Esp'iritu Santo ĩ masise rãca moagũre, “Satanás ye rãca moami” ĩna yitud'ijama, Esp'iritu Santojũare rojose yirã yirãma. Tirema gajerodo ti ñacoaboajaquẽne, masiriobetirũcumĩ Dios —ĩnare yicami Jesũs.

“*Ti rica* cutise suorine yucũre ĩamasiaja mani”, Jesũs ĩ yigotimasiore queti
(Lc 6.43-45)

³³ Quẽna ado bajiro goticami Jesũs:

—Yucũ quẽnase ti rica cutijama, “Quẽnaricũ ñaja”, yaja mani. Yucũ rojose ti rica cutijama, “Rojoricũ ñaja”, yaja mani. Ricare ĩacõari, “Quẽnaricũaye, rojoricũaye ñaja”, yĩĩamasiaja mani. To bajirone bajaiaja mani yise quẽne. “Quẽnagũ ñaami. Rojogũ ñaami” yimasiruarã, ĩ yisere ĩãĩarãja mani. ³⁴ Vãtia mũũ rojose ĩ yirore bajirone rojose yijairã ñaja mua. Rojorã ñari, no yirã quẽnasere ñagõmenaja mua. Mua usurijũ rojose mua tuoĩasãñasere ñagõburũgũaja mua. ³⁵ Quẽnagũma, quẽnaro tuoĩagũ ñagũmi. To bajiri quẽnase ñagõgũmi. Rojogũjũama, rojose tuoĩagũ ñagũmi. To bajiri rojose ñagõgũmi. ³⁶ Riojo muare gotiaja yũ. Ejarũaroja masa jedirore Dios ĩ beserirũmũ. Tirũmũre tocãrãca vãme, mua ñagõria vãmere, “Ado bajiro ti bajijare, to bajise ñagõcajũ yũ”, Diore yigotiruarãja mua. ³⁷ To bajirone bajirũaroja. Mua ñagõrere ĩacõari, “Quẽnase bujarã, rojose tãmũorã, bajiruarãja”, yirotirũcumĩ Dios —ĩnare yicami Jesũs.

“*Īãĩãnamani* mũ yĩĩosere bojaja yũ”, ĩna yire queti
(Mr 8.12; Lc 11.29-32)

³⁸ To ĩ yiro bero, ado bajiro ĩre yicama fariseo masa, Dios ĩ rotimasire gotimasiorimasa quẽne:

—Gotimasiorimasũ, ĩãĩãnamani mũ yĩĩosere bojaja yũ —Jesũre ĩre yicama ĩna.

³⁹ To ĩna yirone, ado bajiro ĩnare cũdicami Jesũs:

—Mua adirodoria, rojose yirã jãjarã ñaja mua. Yũre ajiterã ñari, ĩãĩãnamani muare yũ yĩĩosere bojaboaja mua. To bajiro mua bojaboajaquẽne, to bajise muare yĩĩobetirũcũja yũ. To bajiboarine Jonás ñamasir'i Diore gotirẽtobosarimasũ ĩ bajimasirere bajiro bajĩoroti ñaroja. ⁴⁰ N'inive vãme cuti macana ñamasiriarã, ĩna tũju Jonás ĩ ejaroto rĩjoro idiarũmũ, idia ñami vai jaigũ gudajoaju ĩ ñamasirere ĩnare ĩ gotisere ajicõari, “Diore gotirẽtobosagũ ñaami”, ĩre yituoĩañujarã ĩna, N'inive macana. To bajiro bajirũcũja yũ quẽne, Dios ĩ roticõacacũ quẽne. Idia ñami, idiarũmũ sita eñerocajũ yũ ñarere ajicõari, “Dios ĩ cõar'ine ñañumi”, yimasiruarãma ĩna, masa. ⁴¹ N'inive macana ñamasiriarã, Jonás

ñamasir'i Dios oca ï gotisere ajicōari, rojose ïna yisere sutiriticōari, yitujamasiñujarã ïna. Jonás rētoro ñamasugũ ñaja yu. To bajiro yu bajiboajaquēne, m̄ajuama, rojose m̄aa yisere yitujabeaja m̄aa. To bajiro yirã m̄aa ñajare, masare Dios ï beserirũm̄u ti ejaro, ado bajiro bajirũaroja: N'inive maca ñamasiriarã, tudicativũarãma ïna. Tudicaticōari, “M̄aa ye suorine rojose tãm̄uorũarãja”, m̄uare yĩarũarãma. ⁴² Sabã sitana ujo ñamasirio, “Uju Salomón quēnaro masigũ ñañuju” yire quetire ajicōari, sōju vadicōari, ïre ajigo eja-masiñuju so. Salomón rētoro ñamasugũ ñaja yu. To yu bajiboajaquēne, m̄ajuama, yure ajitirũnubeaja m̄aa. To bajiri, masare Dios ï beserirũm̄u ti ejaro, ado bajiro bajirũaroja m̄uare: Salomón tu eja-masirio, tudicaticōari, “M̄aa ye suorine rojose tãm̄uorũarãja”, m̄uare yirũocomo so, yu gotisere ajirã ñaboarine, rojose m̄aa yitujabetijare —fariseo masare ïnare yicami Jesús.

Vãti, masu usujure sãñar'i, budicōari, ï tudisãjare queti
(Lc 11.24-26)

⁴³ Quēna ado bajiro yicami Jesús:

—Vãti, masu usujure budicōari, oco manoriju vacudigumi. Tujariajau bujabecu ñari, ado bajiro tuoĩagũmi: ⁴⁴ “Yu budiriarojuene vacoarocu ñagũja yu”, yituoĩagũmi. Masu usujure ï budigoriarore tudiejagu ï ñajama, gōjanabiose mano, quēnarivire bajiro masu usujure ïaejagumi. ⁴⁵ To bajiro ï usujure ïaejacōari, cojomo cōro juã jēnituarirãcu vãtia ï rētoro rojose yirãre ũmato ejagumi. To yicōari, ïna ñaro cōrone masu usujure sãjarãma ïna. To bajiri, rētorobusa rojose yigu ñagũmi masu yuja. To bajirone bajirũaroja m̄uare adirodoriana rojose yirãre quēne. Vãtiare yu bureacōaboajaquēne, yure ajitirũnũmena ñari, butobusa rojose yirã ñaja m̄aa —ñare yicami Jesús.

“Yu yarãma ado bajiro bajirãjuã ñaama”, Jesús ï yire queti
(Mr 3.31-35; Lc 8.19-21)

⁴⁶⁻⁴⁷ Jesús, masare ï gotimasio ñarone, sigũ, ado bajiro Jesúre ïre yicami ï:

—M̄u jaco, m̄u bederã rãca macajũju ejama, m̄u rãca ñagõũarã —Jesúre ïre yicami.

⁴⁸ To bajiro ï yiboajaquēne, ado bajiro ïre yicudicami Jesús:

—¿Ñimo ñati yu jacoma? ¿Ñimarã ñati yu bederãma? —ïre yicami Jesús. ⁴⁹ To yigune, yuajuare, ï buerimasare ïacōari,

—M̄aa ñaja yu bederãma, yu jacore bajiro bajirãma. ⁵⁰ No bojarã yu jacu õ vecagu ï rotirore bajiro yirã, ïna ñarãma yu bederãre bajiro bajirãma, yu jacore bajiro bajirãma —yuare yicami Jesús.

13

Oterimasu ï bajirere Jesús ï gotimasioire queti
(Mr 4.1-9; Lc 8.4-8)

¹ Tirũm̄uene, vi ñar'i, budiacōari, utabũcũra tũju yua rãca ejarũju ejacami Jesús. To bajicōari, masare gotimasioicami. ² Masa jãjarãbũsa ïna rējaquearo ïacōari, cũmuaju vasãjacōari, rujicami Jesús. Masajuama, utabũcũra tu rũgõcõacama ïna. ³ To bajicōari, cojo queti me tuoĩacōari, “Ado bajiro bajisere bajiro bajiaja” ïnare yigotigu ñari, ado bajise goticami:

—Sigũ oterimasu, veseju ote ajere otegu vacumi. ⁴ Vese ejacōari, ote ajere ï reabaterone, gajeye maaju vējaquearoja. To bajiri minia ejacōari, tire bareacõarãma ïna. ⁵⁻⁶ Gajeyema, gũta joeju reajeoroja. Tijũ, mojoroaca sita ti ñajare, guaro ti judidaboajaquēne muiju, asisõcõagũmi. To bajicōari, oco manijare, sñireacoatoja ti. ⁷ Gajeyema, jotayucũ vatoaju vējaquearoja. To bajicōari, ti judiboajaquēne, jotajua bũcũaveocoatoja ti. ⁸ Gajeyema, sita quēnaroju vējaquearoja. To baji, judibũcũnacōari, quēnase ñacōari, jairo rica cutiroja. Cojotõ, cien ñaricari rica cutieoroja. Gajetõ sesenta ñaricari, gajetõ treinta ñaricari rica cutiroja. ⁹ Tire m̄aa ajimasirũajama, quēnaro tuoĩaña m̄aa —yicami Jesús.

“Ado bajiro yigũ, gotimasiore queti gotirũgũaja yũ”, Jesús ĩ yire queti (Mr 4.10-12; Lc 8.9-10)

¹⁰ To ĩ yiro bero, ado bajiro Jesúre sēniñacajũ yũ, ĩ buerã:

—¿No yigũ gotimasiore queti tuoĩacõari, ĩnare gotirũgũati mũ? —ĩre yisēniñacajũ yũ.

¹¹ To yũ yirone, ado bajiro yũare cãdicami:

—“Ʋju Dios yarã quēnaro ĩ yirona yũ ñarũajama, ado bajiro yiroti ñaja” ĩna yimasi-beticatire, yucũrema Dios ĩ masise rãca ajimasijaja mũama. To bajiboarine, gãjerãjũama, Dios ĩ bojabetijare tire ajimasibeama. ¹² No bojagũ Diore ajitirũnũgũre, “Quēnarobũsa ajimasiato” yigũ, ĩ masisere cõarũcũmi Dios. Gãjirema, ĩre ajigũ ñaboarine, ĩre ĩ ajitirũnũbetijare, ĩ ajimasiboasere masiriojeocõarũcũmi ĩ. To bajiri ĩre masibetima-sucõarũcũmi ĩ. ¹³ Masa ado bajiro bajirã ĩna ñajare, gotimasiore queti ĩnare gotirũgũaja yũ: Yũ yĩosere ĩarã ñaboarine, yũ gotisere ajirã ñaboarine, ajimasicõari, “To bajiro manire yigotigũ yatique”, yimasimenama. ¹⁴ Diore gotirētobosarimasũ Isa'ias ñamasir'i mũa bajiro tire yigũ, Dios ĩ ñagõmasirere ado bajiro yucamasiñumi:

“Yũre ajirã ñaboarine, ajimasibeticõa ñarũarãma. Yũ yĩosere ĩarã ñaboarine, “To bajiro bajisere yigũ yatique ĩ”, yĩamasibeticõa ñarũarãma.

¹⁵ Ado bajiro bajirã ñari, yũ yere ajimasimena ñarãma ĩna: Gãmo gojeri tusubeti, to yicõari, caje ĩamenare bajiro bajirãma. To bajiro yũ yijama, “Yũ yere tuoĩarũa-mena ñaama” yigũ yaja yũ. To bajirã ñari, tire quēnaro ajimasibeama. Yũ yere ĩna tuoĩarũajama, tire ajimasicõari, yũ bojarore bajiro tuoĩavasoacõari, yũre sēnirũcũborãma ĩna. Yũre ĩna sēnijama, yũre ĩna cãmotadicõa tũjaborotire ĩnare yirētobosabogũja yũ, yigotiami Dios”, yucamasiñumi Isa'ias ñamasir'i.

¹⁶ Variquēnaña mũama. Yũ yĩosere tuoĩacõari, yũ bojarore bajiro tuoĩavasoariarã ñari, tire yũ gotimasiosere ajimasijaja mũama. ¹⁷ Riojo mũare gotijaja yũ. Tirũmũju jãjarã Diore gotirētobosamasiriarã yucũ mũare yũ yĩosere ĩarũamasiboayuma. Yũ gotimasiosere mũa ajisere ajirũamasiboayuma. To bajiri mũama, jairo yũ yĩosere masirã ñari, to yicõari, yũ gotimasiosere ajirã ñari, variquēnaña mũa —yũare yicami Jesús, ĩ buerãre.

Ado bajise tuoĩacõari, “Oterimasũ ĩ bajire quetire gotibũ yũ”, Jesús ĩ yire queti (Mr 4.13-20; Lc 8.11-15)

¹⁸ Quēna ado bajiro goticami Jesús:

—Ado bajise tuoĩacõari, oterimasũ ĩ bajire quetire gotibũ yũ: Quēnaro ajiya mũa. ¹⁹ Ote aje, maajũ vējaquearere, minia ĩna barere yũ yijama, “Ʋju Dios yarã quēnaro ĩ yirona ĩna ñarũajama, ado bajiro yiroti ñaja” yũ yigotimasiosere ĩna ajiboasere, vãtia ĩju ejacõari, guaro ĩ masirosere yigũ yibũ yũ —yũare yicami.

²⁰⁻²¹ —Gũta joeju vējaqueacõari, guaro judibũcũboarere, muiju ĩ asisĩorere yũ yijama, yũ yere ajicõari, quēnaro variquēnase rãca ajirã ñaboarine, yoaro mene tire ĩna quejerotire, to yicõari, yũ gotisere ajirã ĩna ñajare, gãjerã rojose ĩnare ĩna yijama, yoaro mene yũ ocare ĩna ajitũjarotire yigũ yibũ. ²² Jotayucũ vatoajũ vējaqueacõari, judiboarere jotajũ ti bũcũaveorere yũ yijama, yũ gotisere ajirã ñaboarine, adĩ macarũcũro ti bajise-jũare tuoĩarejairã ñari, to yicõari, gajeyeũni bojatuoĩarã ñari, yũ yejũare tuoĩatũjacõari, yũ bojarore bajiro yimenare yigũ yibũ yũ. ²³ Sita quēnaroju vējaqueare judibũcũacõari, quēnase rica cõtĩrere cojotõ cien ñaricari, gajetõ sesenta ñaricari, gajetõ treinta ñaricari rica cõtĩrere yũ yijama, yũ gotimasiosere ajimasicõari, Dios ĩ bojarore bajiro quēnaro yirã yũ ocare ĩna gotimasiose suori, gãjerã masa quēne yũre ĩna ajitirũnũrotire yigũ yibũ —yũare yicami Jesús.

Trigo vatoajũ vidi judire queti

²⁴ “Masare Dios ĩ beserirũmũ ti ejaro ado bajiro bajirũaroja” yigũ, gaje queti gotima-siocami Jesús:

—Sĩgũ ĩ ya veseju trigo ajere otegũmi. ²⁵ ĩ otero bero, ĩre moabosarimasa ĩna cãnitoye, ĩ ya vese ejacõari, vidi oterudigũmi, ĩre ĩategũ ñari. To yigajano, vacoacũmi ĩ. ²⁶ To bajiri

trigo ti judibucuoato, vidi quēne ruyuarioja. ²⁷ To bajisere ĩacōari, ĩna ujure gotirā vanama ĩna. ĩ tu ejacōari, ado bajiro yirāma: “Yua uju, ĩno yiro trigo rīne mu otecati naboarine, vidi quēne judiri?”, yirāma, ĩna ujure. ²⁸ To ĩna yijare, “Sīgū yure ĩategu oterimi”, ĩnare yigūmi ĩ. To ĩ yirone, “ĶAdo cōrone yua vūerearā vatire bojati mu?”, ĩre yisēniarāma ĩna. ²⁹ To ĩna yisere ajicōari, ado bajiro ĩnare yigūmi ĩna uju: “ĶVuebesa maji! Mua vūejama, ote rācane vūecōarāja mua. ³⁰ Trigo rāca bucucuoajaro maji. Ti rica cuti bucuro ĩacōari, tire jua bajirāne vūereacōari, soereacōararāja mua. Trigore juacōari, tire cūriaviju cūcōararāja mua”, ĩnare yirotigūmi oterimasu —yigotimasiocami Jesús.

“Mostaza vāme cuti rica, ajeare bajiro bajiaja”, Jesús ĩ yire queti

(Mr 4.30-32; Lc 13.18-19)

³¹ Quēna ado bajiro gotimasiocami Jesús:

—“Rotimūorūgōrucija mu” yigu, Dios ĩ cōagū, yu gotimasiosere no bojarā ĩna ajitirūnūjama, muare yu gotisere mojeroaca ajimasiboarine, rojose ĩna nare cutisere tuoĭavasoacōari, tocārācarūmuri quēnaro nāmujarūgūcōari, quēnaro ajimasimujarūgūjama, ado bajiro bajirūaroja: Sīgū ĩ ya vesejare mostaza ajea otegūmi. ³² Gajeye ote aje rētoro rujaricaca naroja ti mostaza ajeaca. To bajiri ĩ oterica mojouricaca naboarine, ti judibucucuoajama, ote yucūri rētoabusaricu jairicu naroja ti. Jairicu ti nājare, ti rujariju minia ĩna ria cutirotijurire quēnorāma ĩna —yigotimasiocami Jesús. ^e

“Pan vauvasere bajiro bajiaja”, Jesús ĩ yire queti

(Lc 13.20-21)

³³ Quēna ado bajiro gotimasiocami Jesús: “ ‘Rotimūorūgōrucija mu’ yigu, Dios ĩ cōagū, yu gotimasiosere no bojarā ĩna ajitirūnūjama, muare yu gotisere mojeroaca ajimasiboarine, rojose ĩna nare cutisere tuoĭavasoacōari, tocārācarūmuri quēnaro nāmujarūgūcōari, quēnaro ajimasimujarūgūjama, ado bajiro bajirūaroja” yigu, gaje gotimasioire queti goticami:

—Rōmio, pan quēnogoago, trigo vetare idiaji vasācōari, pan ūmato vauvasere vūogomo so. To so yijare, jairo vauvaroja ti. Tire bajirone bajirūaroja, Diore rotibosagure yure ajitirūnurā jājarābūsa mua bājuroti —ĩnare yigotimasiocami Jesús.

“Ado bajiro Diore gotirētohosarimasu ĩ yucamasire nājare, gotimasioire queti gotirūgūaja yu”, Jesús ĩ yire queti

(Mr 4.33-34)

³⁴ Gotimasioire queti rāca rīne ĩnare gotimasiorūgūcami Jesús. ³⁵ Diore gotirētohosarimasu, “Ado bajiro bajirūaroja” ĩ yimasire ti nājare, to bajise gotimasiorūgūcami. Ado bajiro ucamasinūmi Diore gotirētohosarimasu:

“Masare ĩnare gotigu, gotimasioire queti tuoĭacōari, ĩnare gotimasiorucami. To bajiro yigu, adi macarucuro ti ruyuaroto rĭjorojune masinamanicoadirere gotimasiorucami”, yucamasinūmi Diore gotirētohosarimasu Jesure tuoĭa yugu.

Trigo vatoaju vidi judirema, “Ado bajiro yirūaro yaja”, Jesús ĩ yigotimasioire queti

³⁶ To bajiro yigotigajanocōari, “Viju vacu yaja yu”, yisājacoacami. To ĩ yi vatone, ĩre suyasājacaju yua quēne. Sājaejacōari, ado bajiro ĩre sēniĭacaju yua, ĩ buerimasa:

—Vidi judire quetire, “Ado bajiro yigu, to bajise yibu yu”, yuare yigotiya —Jesure ĩre yicaju yua.

³⁷ To bajiro yua yijare, ado bajiro yuare goticami Jesús:

—Trigo oterimasure yigu, yu masune yigu yibu yu, Dios ĩ roticōacacure yu yijama. ³⁸ ĩ ya vesere yu yijama, adi macarucuro mani narojare yigu yibu yu. Trigore yu yijama, yu yarāre quēnaro Dios ĩ yirāre yigu yibu. Vidire yu yijama, vātia uju, Satanās ĩ bojarore bajiro yirāre yigu yibu. ³⁹ Vidi oterudirimasure yu yijama, vātia uju Satanāre yigu

^e 13:32 Mostaza ajea ti bajire queti Jesús ĩ gotirere, “Ado bajiro yirūaro yaja”, yiyujarā Dios oca masa ĩna ucamasirere buerētohudiriarā sīgūri: “Jesús ĩ gotimasiosere ajitirūnurā ĩ narirodo mojeroaca naboarine, jājarā ĩna bājurotire yigu yiyuju Jesús”, yiyujarā ĩna.

yibu. Trigo ti bucuatoju ina juarere yu yijama, adi macarucuro ti jedirotire yigu yibu. Trigo ti bucuaro, juarimasare yu yijama, angel mesare yigu yibu, yicami Jesús. ⁴⁰ Vidi juacōari, ina soerearore bajiro bajiruaroja adi macarucuro ti jediroju. ⁴¹ To cōrone, Dios i roticōacacu, Diore rotibosagu, angel mesare cōarucuja yu. “Yu yarā vatoaju ñacōari, rojose yirāre, to yicōari, rojose ñare ūmato yirāre quēne juaáya” yigu, ñare cōarucuja. ⁴² Ñare juacōari, jeame yatibetimeju reacōaruarāma ina. Toju ñacōari, buto rojose tāmūorā ñari, guji pōguē, oti, yiruarāma ina. ⁴³ Ángel mesa, ñare ina reagjanoro bero, ado bajiro bajiruarāja mua: Mani jacu, “Quēnase yirā ñaama” i yīarā ñari, muiju i busurore bajiro busuruarāja. Tire mua ajimasiruarajama, quēnaro tuoiaña —yuare yicami Jesús.

Buto vaja cutisere i bujare queti

⁴⁴ Quēna ado bajiro yuare goticami Jesús:

—Dios yarā quēnaro i yirā mua ñase buto quēnaja ti. To bajiro ti bajijare, sigū buto vaja cutise bujagure bajiro bajirāma Dios yarā ñaruarā. Sigū yere buto vaja cutisere sita vatoaju i yayioboarere bujagumi gāji. Tire bujacōari, quēna tijune tudiyaiocūgūmi. To bajiri, “Jairo vaja cuti ñaja” yivariquēnagū ñari, i gajeyeūni ñaro cōrone gājerāre isijeocōagūmi, gājoa bujaru. To yicōari, ti gājoa rāca ti sita ujure vaja yigumi, sita vatoaju jairo vaja cutise i bujarere cuoru. Tire bajiro bajirāma Dios yarā ñaruarā. “Adi macarucuroaye jediro yu tuoia bojaboase rētoro quēnase ñaja Dios ye” yituoīacōari, jediro i bojarore bajiro yirūgūrāma —yuare yigotimasiocami Jesús.

Buto vaja cutia, perla vāme cutiare i bujare queti

⁴⁵ Ti vāmere bajiro gaje queti ado bajiro yuare goticami Jesús:

—Dios yarā quēnaro i yirā mani ñase quēnaja ti. To bajiro ti bajijare, buto vaja cutia perla vāme cutiare bujagure bajiro bajirāma Dios yarā ñaruarā. Sigū gajeyeūni isicudirimasu, perla vāme cutiare sēnicudigūmi. ⁴⁶ To yicudigune, gāji i cuoricare quēnamasuricare bujagumi yuja. To bajiri tiare buto bojagu ñari, i gajeyeūni jedirore isicōari, vaja sēnigūmi, gājoa bujaru. To yicōari, ti gājoa rāca i bojaricare vaja yigumi yuja. Tire bajiro bajirāma Dios yarā ñaruarā. “Adi macarucuroaye jediro yu tuoia bojaboase rētoro quēnaja Dios ye” yituoīacōari, jediro i bojarore bajiro yirūgūrāma —yuare yigotimasiocami Jesús.

Vai sīarimasa, vai quēnarā rīne ina besere queti

⁴⁷ Quēna gotimasiore queti yuare gotimasiocami Jesús:

—Masare Dios i beserirūmu ti ejaro, vai sīarimasa vaire ina beseriarore bajiro bajiruaroja. Vai sīarimasa bajiu rāca ina vayaro, vai vāme cutirā ñaro cōro sājārāma ina. ⁴⁸ Ina sājaro iacōari, jabuaju ñare tūamocūrāma. Ñare beserāma. Bariarārema jibuju juasācōari, bayamanare reacōarama. ⁴⁹ To bajirone bajiruaroja macarucuro ti jediro. Ángel mesa, masare beserā vadiruarāma. Quēnarāre, rojorāre beseruarāma. ⁵⁰ Rojorāre ñare juacōari, jeame yatibetimeju reacōaruarāma. Toju ñacōari, buto rojose tāmūorā ñari, guji pōguē, oti, yiruarāma ina —yuare yicami Jesús.

“Jesúre ajitirūnūnā ñarāma Dios ocare tirūmuayere, mamere quēne quēnaro riojo gotimasiōrā”, yire queti

⁵¹ Tire yuare gotigajanocōari, ado bajiro yuare sēniīacami Jesús:

—¿Tire muare yu gotimasiose queti jedirore ajimasiati mua? —yuare yisēniīacami.

—Ajimasiaja —ire yicudicaju mua.

⁵² To bajiro mua yijare, ado bajiro yuare goticami:

—To bajiri Dios oca masa ina ucamasire quēnaro riojo gotimasiomasicōarāja mua. To yicōari, muare yu gotimasiosere ajimasirā ñari, tire quēne quēnaro riojo gotimasiomasirāja. To bajiro mua bajijama, vi ujū gajeyeūni tirūmuju ñarere quēne, mame i juarere quēne quēnocūr'ire bajiro bajirāja mua. I ya viana ina cuobetijama, ñare isigūmi.

Ī yiore bajirone m̄a yarāre quēne ĩna ajimasiroti ti r̄yajama, tir̄m̄ayere, to yicōari, yuc̄u ȳa gotisere quēne quēnaro riojo ĩnare gotimasior̄arāja —ȳare yicami Jesús.

Nazaret vāme c̄uti macaj̄a Jesús ĩ vare queti
(Mr 6.1-6; Lc 4.16-30)

⁵³ To bajiro ȳare gotimasio gajano, ȳare ūmato vacoacami Jesús. ⁵⁴ To bajivana, ĩ ya macaj̄a ejacaj̄a ȳa. Toj̄a Dios ocare ĩna buerivij̄ure s̄ajaejacōari, masare gotimasio ñacami. Quēnaro ĩ gotimasiosere ajicōari, no yimasibeticama ĩna:

—¿No bajicōari, to bajise gotimasiomasiati ĩ? ¿No bajiro yicōari, ĩaĩañamanire yati?
⁵⁵ ¿Adi macaḡu yuc̄u moarimas̄u mac̄u me ñatique ĩma? ¿Mar'ia mac̄u me ñatique?
¿Santiago, José, Simón, Judas mesa gaḡu me ñatique ĩ? ⁵⁶ To yicōari, jediro mani vatoaj̄u ñarā, ¿ĩ bederā rōmiri me ñatique ĩna? To bajiri, ¿noj̄a bueyujari āni? —Jesúre ĩre yicama ĩna, ĩ ya macana.

⁵⁷ To bajiri, “Ñamasuḡu me ñaami. Mani ya macaḡu mani masiḡu ñaami” yirā ñari, ĩre ajitir̄un̄beticama ĩna. To ĩna yirone, ado bajiro ĩnare goticami Jesús:

—Diore gotir̄etobosarimas̄u gajeroj̄a Dios ocare ĩ gotimasiocudijama, ĩre ajir̄uc̄ub̄orāma. To bajiboarine, ĩ ya macanare, ĩ ya vianare quēne Dios ocare ĩ gotimasiojama, ĩre ajir̄uc̄ub̄omenama —ĩnare yicami Jesús.

⁵⁸ To bajiri ĩ ya macana, ĩre ĩna ajitir̄un̄betijare, ĩaĩañamanire jairo yĭomasibeticami.

14

Juan vāme c̄utiḡure, masare oco rāca bautizarimas̄ure ĩ r̄joare ĩna jatarocare queti
(Mr 6.14-29; Lc 9.7-9)

¹ Cojor̄um̄a Galilea sitana ̄ju, Herodes vāme c̄utiḡu, ĩaĩañamani Jesús ĩ yĭose quetire ajiyuj̄u. ² To ĩ yĭasere ajicōari, ĩre moabosarimasare ado bajiro yiyuj̄u:

—Juan vāme c̄utiḡu, masare oco rāca bautizarimas̄une, ñaḡūmi quēna. Rijacoaboarine, tudicaticoarimi. To bajiri ĩaĩañamani yĭoñaḡūmi ĩ —yit̄oĭaboayuj̄u Herodes.

³⁻⁴ Juan ĩ s̄iaecoroto r̄joro ado bajiro bajire ti ñajare, to bajiro t̄oĭañuj̄u Herodes: ĩ bedi Felipe manajore Herod'ias vāme c̄utiḡore ěmacōari, manajo c̄utiyuj̄u Herodes.

To bajiro ĩ yire ñajare, ado bajiro ĩre gotir̄uḡūñuj̄u Juan:

—Herod'iare m̄a manajo c̄utise quēnabeaja. Dios ĩ rotimasirere ajibeaja m̄a —ĩre yir̄uḡūboayuj̄u Juan.

Tire ajir̄uabesuj̄u ĩ manajo Herod'ias. To bajiri Juanre c̄ōmemane siacōari, tubiberotiyuj̄u Herodes. ⁵ To yicōari, ĩre s̄iarotir̄uaboayuj̄u. “Diore gotir̄etobosarimas̄u ñaami Juan” masa ĩna yir̄uc̄ub̄osere ajiḡu ñari, b̄to ḡūiyuj̄u. To bajiri ĩre s̄iarotima-sibesuj̄u.

⁶ Herodes ĩ ruyuarar̄um̄a ejayuj̄u. To bajiri, masare jir̄eōñuj̄u ĩ, “Boser̄um̄a yito” yiḡu. To yicōari, ĩna r̄ejaro bero, Herod'ias maco, ĩna ĩaro r̄joroj̄ure basaĭoñuj̄u. So basasere ĩacōari, b̄to variquēnañuj̄u Herodes. ⁷ To bajiri,

—Riojo m̄are gotiaja ȳa. T̄oĭavasoabetir̄uc̄uja. No bojase m̄a s̄enijama, m̄are ĩsir̄uc̄uja —sore yiyuj̄u ĩ Herodes. ⁸ To bajiro ĩ yisere ajicōari, so jacoj̄na, “Ado bajiro ĩre yic̄diya” so yĭ ocas̄ajare, ado bajiro Herodere c̄diyuj̄u so:

—Yuc̄acane Juan vāme c̄utiḡu, masare oco rāca bautizarimas̄u r̄joare, bare jeobariabaja joej̄u jeocōari, ȳare ĩsiḡū vayá —ĩre yiyuj̄u so.

⁹ To bajiro so yisere ajicōari, s̄tiritiyuj̄u Herodes. To bajiboarine, ĩ jicōariarā ĩna ajiro r̄joroj̄na, “Riojo m̄are gotiaja ȳa. No bojase m̄a s̄enijama, m̄are ĩsir̄uc̄uja” ĩ yicōare ti ñajare, so s̄enirore bajirone yiyuj̄u. ¹⁰ Tubiberiavij̄u ñaḡure, “Juanre r̄joa jataya”, ĩnare yiyuj̄u. ¹¹ To bajiri, ĩ r̄joare bare jeobariabaja joej̄u jeocōari, Herod'ias macore ĩsiñujarā ĩna. To yicōari, soj̄na, jacore ĩsir̄eōñuj̄u so yuja.

¹² Ti queti ajicōari, Herodes t̄uj̄u ejayujarā, Juan buerimasa. Ejacōari, ĩ ruj̄ari ñaboarere ānivacōari, yujeyujarā. To ĩna yiro bero, ȳa t̄u ejacama ĩna, Jesúre gotirā.

Masa, cinco mil ñaräre Jesús i bare ecare queti
(Mr 6.30-44; Lc 9.10-17; Jn 6.1-14)

¹³ Juan oco rāca bautizarimasure ñna sñare quetire ajicōari, jājarā masa uñare ñna sñayajare, ñna rāca ñarñabecu ñari, cūmuajñ vasāja, uñare ūmato jēacoacami, masa ñna manibñsarojñ uñare ūmato vacñ. To bajiri ti macariana Jesús i vasere ajicōari, boejñ jājarā variarāma, Jesús i ejarotijñre vana. ¹⁴ To bajiri rocatu ejarāne, jājarā masa ñaräre ĩacajñ uña, boejñ vacōari ejararäre. ĩnare ĩamaicōari, rijaye cñtiräre ñna juaejaräre caticocami Jesús. ¹⁵ Rāioroto rñjoro, i tñ ejacōari, ado bajiro yicajñ uña, i buerā:

—Jēre rāioato yaja. Masa manojñ ñaja. To bajiri ĩnare varotiya mñ, “Masa cñtojñ bare vaja yibarā vajaro” yirā —ire yiboacajñ uña.

¹⁶ To uña yisere ajicōari, ado bajirojñna uñare yicami Jesús:

—No yirā vamenama. Mñane ĩnare bare ecaya —uñare yicami Jesús.

¹⁷ To i yijare, ado bajiro ĩre yicñdicajñ uña:

—Bare maja uñare quēne. Cojomo cōro pan, juarā vai cñoaja uña —ire yicajñ uña.

¹⁸ To bajiro uña yisere ajicōari, ado bajiro yicami:

—Adojñna tire juaya maji —uñare yicami.

¹⁹ To bajiri,

—Masare tatñcurojñ ĩnare rujirotiya —i bueräre uñare yicami Jesús.

To yicōari, cojomo cōro ñaricari pan, juarā vai ñaräre juacōari, ð vecajñna ĩamñocami. To yicōari, “Quēnaro yaja mñ”, Diore ĩre yicami. To yicōari, tire iguresurebatecōari, i bueräre uñare ĩsicami. To bajiri uñajñna, rujiräre ĩsibatocajñ uña yuja. ²⁰ Sñgñ ruñarario mano quēnaro bañsñcñtijedicōacama ñna. ĩna bagajanoro bero, ñna barñasere, uña juarēojama, juāñmo cōro, gñbo juñ jēnituario ñarijibñri ruñacajñ. ²¹ Tire bacana cinco mil ūmñna ñacajñ uña. Rōmiare, rñamasare quēne cōñabeticajñ uña.

Oco joene Jesús i vare queti
(Mr 6.45-52; Jn 6.16-21)

²² Cūmuajñ uñare vasājartocami Jesús. “Uñre jēadiyuya. Maji masare tudirotigñ yaja uñ”, yicami. ²³ ĩnare tudirotigajano, burojñ majacoasuju, tojñ Diore sēnirñ. Ti rāioato bero, tojñ i sñgñne ñacōañuju i maji. ²⁴ Uñajñama, ūtabñcñra jēana, sōjñ tira gñdareco tñsacajñ uña. To uña tñsatone, bñto mino vacajñ. To bajica yiro, sabetñocōacajñ ti. To bajiri jēatñmabeticajñ. ²⁵ To uña bajiñarone, busurocaroarijñna uña tñjñ oco joene vadīcami Jesús. ²⁶ Oco joejñ i vadire ĩarāne, ñcñsacajñ uña.

—¡Bajirocar'i vāti ñaami! —yīavasācajñ uña.

²⁷ To uña yiboajajuēne,

—Gñibesa. Variquēnaña mñna. Uñne ñaja —uñare yicami Jesús.

²⁸ To i yisere ajicōari, uña rācagñ Pedro ado bajiro ĩre yicñdicami:

—Uñ ñjñ, mñne mñ ñajama, oco joene mñ tñjñ uñre varotiya —ire yicami Pedro.

²⁹ To i yisere ajicōari,

—Vayá mñ —ire yicami Jesús.

To i yisere ajicōari, vāgñ, oco joejñ vacami Pedro, Jesús tñ ejagñacñ. ³⁰ To bajiboarine, mino bñto ti vasere ĩacōari, gñicami. To bajicōari, rujacōa sñocami yuja. To bajigñne,

—Uñ ñjñ, rujacñ yaja uñ. Uñre ejarēmogñaya —yīavasācami.

³¹ To i yirone, i āmore ñiacōari, ado bajiro ĩre yicami Jesús, Pedrone:

—¿No yigñ, “ĩ ejarēmose rāca vamasirñcñja uñ”, uñre yitñoña tñjacoajari mñ? — Pedrone ĩre yicami Jesús.

³² To yicōari, cūmuajñ ñna vasājarone, mino vatñjacoacajñ yuja. ³³ To yicōari, cūmuajñ Jesús rñjorojñna gñsomuniari tñetucajñ uña, ĩre rñcñbuorā:

—Socagñ me ñaja mñ. Dios macñne ñaja —Jesúre ĩre yicajñ uña.

Genesaret sitanare rijaye cñtiräre Jesús i catioe queti
(Mr 6.53-56)

³⁴ To baji jėanane, Genesaret vāme cūti sitajū ejacajū yūa. ³⁵ Ti macariana Jesús ĩ ejasere ĩamasicōari, masa jedirore gotibatoriarāma. To bajiri, masa rijaye cūtirāre juaejacama Jesús tūjū. ³⁶ To ĩna yirā, ado bajiro Jesúre yicama ĩna:

—Mū ye sudi gaja yūare moāiarotiya. Ti rīne bojaja yūa. To bajiro yūa yijama, caticoaruarāja yūa —ĩre yisēnicama.

To bajiri, ĩ sudi gajare moāiarāma, caticoacama.

15

“Masa ĩna yisere ĩacōari, ‘Rojorā űaama’ yire me űaja. ĩna tūoĩasejuare masicōari, ‘To bajiro yirā űaama’ yire űaroja”, Jesús ĩ yigotimasiore queti

(Mr 7.1-23)

¹ Fariseo masa, to yicōari Dios ĩ rotimasire gotimasiorimasa quēne ejacama, Jesús tūjū. Jerusalėnjū vadiriarā űacama. Jesús tū ejacōari, ado bajiro ĩre sēniĩacama ĩna:

² —ĶNo yirā mani űicūa ĩna yimasiriarore bajiro yibeati mū buerimasa? ĩna baroto rĳjoro, ĩna āmori coemasiriarore bajiro coebeama ĩna —ĩre yicama ĩna.

³ To bajiro ĩna yijare, ado bajiro ĩnare cūdicami Jesús:

—Mani űicūa ĩna rotimasirejuare cūdirā űari, Dios ĩ rotimasusejuarema cūdibeaja mūa.

⁴ Ado bajiro gotiaja Dios ĩ rotimasire: “Mū jacūre, mū jacore quēnaro rūcūbuoya”. To yicōari, gaje vāme ado bajiro yaja: “No bojagū, ĩ jacūre, ĩ jacore, ‘Rojose tāmūoūcaruarāja mūa’ ĩnare ĩ yijama, ĩre sĳaroti űaja”, yigotiaja Dios ĩ rotimasire. ⁵⁻⁶ Mūajūama, ado bajirojūa rotiaja mūa: “Ķ ye rāca ĩ jacūare ĩ ejarēmobetijama, quēnacōaja. ‘Yū gajeyeūni yū cūose Diore yū ĩsiroti rīne űaja. To bajiri mūare ejarēmomasibeaja yū’ yicōari, ĩ jacūare ĩ ejarēmobetijama, quēnacōaja”, yirotiaja mūa. To bajiro mūa yijama, mani űicūa ĩna rotimasirejuare cūdirā űari, Dios ĩ rotisejuarema cūdibeaja mūa. To bajiro mūa yijama, “űie vaja maja Dios oca”, yirā yaja mūa. ⁷ “Quēnaro yirā űaja yūa” yiboarine, rojorā űaja mūa. Diore gotirētobosarimasū, Isa'ias űamasir'i, mūa bajirotire quēnaro tūoĩacōari, ado bajiro ucamasiñumi:

⁸ “Ķna oca masune yirā, quēnaro yūre yirūcūbuoama ĩna. To bajiro yirā űaboarine, yū bojarore bajiro tūoĩabeama.

⁹ Yū yere buecōari, ĩna masu ĩna tūoĩasere gotimasioama. Tirene, ‘Dios ĩ rotise űaja’ yiboama. To bajiri, yūre ĩna rūcūbuoboase vaja, űie vaja būjamenama ĩna”, yuicamasiñumi Isa'ias, Diore gotirētobosagū —yigoticami Jesús.

¹⁰ To ĩ yiro bero, masare jicōari, ado bajiro ĩnare yicami Jesús:

—Yūre ajicōari, quēnaro ajimasīña mūa. ¹¹ Dios ĩ űajama, mani űicūa ĩna yimasiriarore bajiro āmo coemenane mani base sūori me rojose yirāja mani. Rojose tūoĩacōari, rojose mani űagōsejūa űaja rojose mani yise. “Ti sūorine rojose tāmūoūcaruarāja mani”, yimasirona űaja mūa —ĩnare yicami Jesús.

¹² To bajiro Jesús ĩ yisere ajicōari, ado bajiro ĩre yicajū yūa:

—ĶTire mū gotisere fariseo masa mūre ĩna ajijūnisinisere masibeati mū? —ĩre yicajū yūa, ĩ buerimasa.

¹³ To bajiro yūa yiro, ado bajiro yūare yicami Jesús:

—Ķ ya vesejū ote ĩ otere tū vidi ti judijama, ti űe rācajūne vūereacōarūcūmi. To bajirone yirūcūmi yū jacū quēne. “Yū yarā me űaama” yigū űari, ĩnare reacōarūcūmi Dios. ¹⁴ To bajiri fariseo masare tūoĩagūibesama mūa. ĩna űarāma ĩamena gājerā ĩamenare tūa vanare bajiro bajirā. Sĳgū ĩabecū, gāji ĩabecūre ĩ tūavajama, gojejū reasācōanama ĩna jūarājūne. To bajiri rojose ĩna bajirotire masirā űari, ĩnare tūoĩagūibesama mūa —yūare yicami Jesús.

¹⁵ To ĩ yirone, ado bajiro ĩre yicami Pedro:

—Mū gotimasiosere quēnaro yūare gotirētobuya —ĩre yicami.

¹⁶ To ĩ yisere ajicōari,

—ĶAjimasibeati mūa quēne? —yicami. ¹⁷⁻¹⁸ —Mūa basāse mūa gudajoajū vatoja ti. Tĳjū bero, rētobudiroja ti. To bajiri mūare rojose yimasibeaja ti. To bajiboajaquēne, mūa űagōjama, tūoĩacōari, űagōaja mūa. To bajiri rojose mūa tūoĩajama, ti sūorine rojose

tāmhoruarāja m̄a. ¿Tire quēnaro ajimasibeatique m̄a? ¹⁹ Masa, rojose tuoīacōari, ado bajise rojose yirāma: Gājerāre sīarāma ĩna. Manajo cūtirā, manaj̄m cūtirā, manajo mana, manaj̄m mana quēne, gājerā rāca ajeriarā cūtirāma. Juarudirāma. Socarāma ĩna. Gājerā ajiro rījoroj̄ma, socarāne, “Ado bajise rojose yima”, yigotirāma. ²⁰ To bajise rojose yirāma masa, rojose tuoīacōari. Ti suorine rojose tāmhoruarāma. Baroto rījoro, āmori mani ñicua ĩna coemasiriarore bajiro coebeti suori me, rojose tāmhoruarāma masa —yūare yicami Jesús.

Jud'io maso me Jesúre so ajitir̄un̄re queti
(Mr 7.24-30)

²¹ Gotigajanocōari, yūare ūmato vacoacami Jesús, Tiro, to yicōari Sidón vāme cūti macari tuj̄m vana. ²² Toj̄m yua ejaro bero, sīgō cananeo maso, Jesús tuj̄mare avasā vadicamo so:

—Yū ɱj̄m, David ñamasir'i jānami, “Rotimhorūgōr̄uc̄ja m̄” yiḡm, Dios ĩ cōar'i ñaja m̄. Yūre ĩamañā. Yū maco so ɱsuj̄m vāti sāñagō ñaamo. To bajiri b̄to rojose tāmhoamo —Jesúre yigoticamo so.

²³ To bajiro so yiboajaquēne, sore cūdibeticami Jesús. To bajiri ado bajiro Jesúre yicaj̄m yua, ĩ buerimasaj̄mama:

—Sore varotiya m̄. Gōjanabioro manire avasā s̄yaamo —ĭre yiboacaj̄m yua.

²⁴ To bajiro yua yirone, ado bajiro sore yicami Jesús:

—Yū yarā jud'io masa, oveja mavisarāre bajiro bajirāma. ĩnare yūre ejarēmoroticōacami Dios —sore yicami Jesús.

²⁵ To bajiro ĩ yisere ajicōari, ĩ rījoroj̄ma ḡs̄omuniari t̄uetuejacamo so, ĩre r̄uc̄b̄uogo. To yicōari, ado bajise ĩre yicamo:

—Yū ɱj̄m, yūre ejarēmoña —ĭre yicamo so.

²⁶ To bajiro so yiboajaquēne, ado bajiro sore yicami Jesús:

—To bajiro yū yijama, rīamasa ĩna basere ēmacōari, yaiare ecaḡre bajiro yiḡja yū —sore yicami.^f

²⁷ To bajiro ĩ yisere ajicōari, ado bajiro ĩre yicamo so:

—Yū ɱj̄m, riojo gotiaja m̄. To bajiboarine ĩna ɱjarā ĩna bavējasere barāma yaia —Jesúre ĩre yicamo so. “Yua quēne, jud'io masa me ñaboarine, mojoroaca yūare m̄ ejarēmojama, quēnaja” yigo, to bajise ĩre yicamo so.

²⁸ To bajiro so yisere ajicōari, ado bajiro sore yicami Jesús:

—“Yūre ĩamaicōari, ejarēmor̄c̄m̄i”, yūre yit̄oīa tuj̄abeco masu ñaja m̄. To bajiro m̄ yit̄oīase ñajare, m̄ maco ɱsuj̄m sāñaḡre vātire ĩre burocacōaja yū —sore yicami Jesús.

To bajiro ĩ yirirīmarone, quēnaejacoasuju so, vij̄m ñario.

Jājarā, rijaye cūtirāre Jesús ĩ catiore queti

²⁹ To ĩ yiro bero, Galilea vāme cūtirita tuj̄m vacaj̄m yua, Jesúrāca. Toj̄m ejacōari, buroj̄m majacaj̄m. Toj̄m maja, joe jeaejacōari, ejarūjucoacaj̄m. ³⁰ To yua bajiro ĩacōari, Jesús t̄ure jājarā masa ejacama, rijaye cūtirāre juaejarā. ĩna juaejacana ado bajiro bajirā ñacama: Rujasagueri vana, jeariarā, ĩamena, ñagōmena, to yicōari, jājarā gajeye rijaye cūtirā ñacama. ĩ t̄u ĩna ejarone, ĩnare catiocami Jesús. ³¹ Ñagōmena ñaboariarā, ñagōcoacama. Rujasagueri vaboariarā, quēnaro vacama. ĩamena ñaboariarā, ĩacoacama. Jeariarā quēne, quēnaejacoacama. To bajiro bajisere ĩacōari, no yimasibeticama masa, ti ūnire ĩabetirūgūriarā ñari. To bajiri Diore quēnaro r̄uc̄b̄uoḡo variquēnacama ĩna, “ĩ ñaḡm̄i quēnaro yiḡm, jud'io masa yua r̄uc̄b̄uoḡm” yirā.

Masa, cuatro mil ñarāre Jesús, bare ĩ ecare queti
(Mr 8.1-10)

^f 15:26 Ado bajiro yiḡm, to bajise sore yiyuju Jesús: “Jud'io masare ejarēmobec̄ne, gājerāj̄mare yū ejarēmojama, quēnabeaja” yiḡm, to bajise yiyuju.

³² Ī buerāre yuare jicōari, ado bajiro yicami Jesús:

—Ado ñarāre ĩamaiaja yu. Idiarũmũ tũsajũ yuja, yu rāca ĩna ñaro. To bajicōari, bare maama. Bamenane ĩna ya virijũ ĩna tudiasere bojabeaja yu. ĩnare yu tudirotijama, bamenane ĩna vajama, varũtu vanane, ñiorijarā ñari, rijavējaborāma —yuare yicami Jesús.

³³ To bajiro ĩ yirone, ado bajiro ĩre yicajũ yua:

—Ado, masa manojũ ñaja. No bajiro masa ñaro cōro ĩna barotire bare bũjamasĩna manoja —ĩre yicajũ yua.

³⁴ To yua yirone,

—¿No cōro jairo pan cõoati mũa? —yuare yicami.

—Cojomo cōro jua jēnituario ñaricari ñaja. To yicōari, vai mojoroaca ñaama —ĩre yicajũ yua.

³⁵ To yua yirone, rũcacane masare rujiroticami Jesús. ³⁶ To yicōari, pan cojomo cōro jua jēnituario ñaricari ñasere, vaire quēne juacōari, “Quēnaro yaja mũ”, Diore ĩre yivariquēnacami. To yicōari, tire iguesurebatecōari, yuare ĩsicami. To bajiri yuajũ, rujirāre ĩnare ĩsibatocajũ yua yuja. ³⁷ Sigũ ruyariaro mano bauũcutijedicōacama. ĩna bagajanoro bero, ĩna barũasere yua juarēojama, cojomo cōro jua jēnituario ñarijibũri ruyacajũ. ³⁸ Tire bacana cuatro mil ũmũa ñacajũ yua. Rōmiare, rĩamasare quēne cōĩabeticajũ yua. ³⁹ To yigajanocōari, masare tudiroticami Jesús. To baji, cũmuane Magadán vāme cũti macajũ vacajũ yua.

16

“Īaĩañamani yuare yĩoña”, Jesúre ĩna yiboare queti

(Mr 8.11-13; Lc 12.54-56)

¹ Fariseo masa, saduceo masa quēne, Jesúre ĩarā ejacama ĩna. Ejacōari, ĩre sēniĩacama, “Cũdimasibeticōari, rojose tāmũoato ĩ” yirā:

—“ ‘Dios ĩ cõagũ ñaami’ yure yimasiato” yigũ, õ vecaye ĩaĩañamani yuare yĩoña —yisēniĩboacama.

² To ĩna yiboajaquēne, ado bajiro ĩnare cũdicami Jesús:

—Rāiorijũ, ũmũagasero ti sũaro ĩacōari, “Busiyũ, quēnarirũmũ ñarũaroja”, yaja mũa.

³ Busurijũ ñibiacōari, bueri ti sũayujijama, “Adirũmũ, oco quedirũaroja”, yĩamasiasaja mũa. No bojarirũmũ, ũmũagasero ĩacōari, “Quēnarirũmũ, rojorirũmũ ñarũaroja”, yĩamasiasaja. To bajiro yĩamasirā ñaboarine, ñamasusejũare ĩamasibeaja mũa. Adirũmũri yu yisere ĩarā ñaboarine, “Dios ĩ roticōar’i ñari, yami”, yĩamasibeaja mũa. ⁴ Mũa adirodoriana, rojose yirā, Diore mũa gotirore bajiro yimena ñaja mũa. To bajirā ñari, “Īaĩañamani mũ yĩose bojaja”, yure yisēniĩboaja mũa. To bajiro mũa yiboajaquēne, to bajise mũare yĩobetirũcũja. To bajiboarine Jonás ñamasir’i Diore gotirētobosarimasũ ĩ bajimasirere bajiro mũare bajĩoroti ñaroja —ĩnare yicũdicami Jesús.

To bajiro ĩnare yicõa, ĩnare jēaveocoacajũ yua.

Fariseo masa panre vauvasere bajiro ĩna bajire queti

(Mr 8.14-21)

⁵ Ʋtabũcũra gajejacatũajũ jēaejacōari,

—Mani baroti pan masiriticoayuja mani —yua masune gāmerā yĩnacajũ yua.

⁶ To yua yiro, ado bajiro yuare goticami Jesús:

—Fariseo masa, saduceo masa “Pan vauvato” yirā ĩna vnosere quēnaro ajicõĩañ mũa —yuare yicami.

⁷ To ĩ yisere ajimasimena ñari, yua masune ado bajiro gāmerā yicajũ yua:

—Pan mani masiritijare, to bajise gotigũ yigũmi —gāmerā yicajũ yua.

⁸ To bajiro yua yitũoĩasere masicōari, ado bajiro yuare yicami Jesús:

—¿No yirā, “Pan maja manire”, yatĩ mũa? “Pan ti maniboajaquēne, manire ĩamaicōari, quēnaro ejarēmorũcũmi Jesús”, ¿yure yitũoĩabeati mũa? ⁹ ¿No yirā ajimasibeati mũa maji? Cojomo cōro ñaricare panre bũjũocōari, cinco mil masa ñarāre ecacajũ yu. ĩnare

yū ecaro bero, jairo baruarajiburi ruyacajū, ¿Tire masiritiati mūa? ¹⁰ Tijū bero, quēna cojomo cōro jūa jēnituario ñaricari panre bñuocōari, cuatro mil masa ñarāre ecacajū yū. Ñnare yū ecaro bero, jairo baruarajiburi ruyacajū. ¿Tire quēne masiritiati mūa? ¹¹ No yirā ajimasimena masu ñamenaja mūa tia. Jējū, “Fariseo masa, saduceo masa, ‘Pan vauvato’ yirā, ñna vnosere quēnaro ajicōiaña” yū yijama, “Pan juabesuma” yigū me yibū yū —yūare yicami Jesús.

¹² To ī yijare, ajimasicajū yūa yuja. “ ‘Fariseo masa, saduceo masa, ‘Pan vauvato’ yirā ñna vnosere quēnaro ajicōiaña’ yūare yigū, ‘Ñna gotimasiosejūare quēnaro ajicōiamasiña, ‘Ñnare bajiro bajimavisiarobe’ yirā’ yire ũnire yūare gotimasiogū yiboayujari Jesús”, yijajimasicajū yūa yuja.

“ ‘Rotimūorūgōrucūmi’ yigū, Dios ī cōar'i ñaja mū”, Jesúre Pedro ī yire queti
(Mr 8.27-30; Lc 9.18-21)

¹³ To yī varūtu vanane, Cesarea de Filipo vāme cūti sitajūre ejacajū yūa, Jesúrāca. Tojū ejacōari, ado bajiro yūare sēniīacami Jesús:

—Yūre, Dios ī roticōacacūre, ¿ñimū ñaami yūre yati ñna, masa? —yūare yisēniīacami Jesús.

¹⁴ To bajiro ī yisere ajicōari, ado bajiro ĩre cūdicajū yūa:

—Sīgūri, “Juan vāme cūtigū, masare oco rāca bautizarimasū, tudicaticōari bajigūmi quēna”, mūre yama ñna. Gājerāma, “El'ias ñamasir'i ñagūmi”, yama ñna. Gājerājūama, “Jerem'ias ñamasir'i ñagūmi”, yama. Gājerājūama, “Gāji, Diore gotirētobosamasir'i ñagūmi”, mūre yama ñna —Jesúre ĩre yicūdicajū yūa.

¹⁵ To bajiro yūa yirone,

—Mūama, ¿ñimū ñaami yūre yati mūa? —yūare yisēniīacami.

¹⁶ To ī yisere ajicōari, ado bajiro yicami Simón Pedro:

—Mū ñaja rojose yūa tāmūoborotire yūare yirētobosacōari, rotimūorūgōrucū, Dios ī cōar'i. Masirētogū, Dios macū ñaja mū —Jesúre ĩre yicūdicami.

¹⁷ To ī yisere ajicōari, ado bajiro ĩre yicami Jesús:

—Quēnaro riojo gotiaja mū, Simón, Jonás macū. Variquēnaña mū. Tire gotigū, masū ĩ masise sūori me tire gotimasiaja mū. Ō vecagū yū jacū ĩ masise rāca tire gotimasiaja mū. ¹⁸ Ado bajiro mūre gotiaja yū: Mū vāme ñaja Pedro. “Gūta” yirūaro yaja ti “pedro” ti yijama. Mū gotimasiose sūorine jājarā masa, yūre ajitirūnucōari, rējarūgūruarāma ñna. Yūre ajitirūnurā ñna ñajare, vāti yarā, “Bajireacōa tūjajaro ñna” yirā, rojose ñnare yimasibetirūarāma ñna. ¹⁹ To bajiri, ado bajiro mūre gotiaja yū: Ūmūagasero soje jānariaro cūogūre bajiro mūre cūrūcūja yū. To bajiri, masare ĩacōari, ado bajiro ñnare yimasirūcūja mū: “Ānoa to bajiro yirā ñari, Ūjū Dios yarā quēnaro ī yirā ñnarūarāma. Ānoajūa, to bajiro yirā ñari, Dios yarā me ñaama”, ñnare yimasirūcūja mū. Adi sitajū yūre rotibosagū ñarūcūja mū. To bajiro yigū ñari, “Ado bajiro mūa yijama, Dios yarā ñnarūarāja mūa. Ado bajirojūa mūa yijama, Dios yarā me ñnarūarāja mūa”, yimasirūcūja mū —ĩre yicami Jesús.

²⁰ To bajiro Pedore ĩre yigotigajanocōari, ado bajiro yūare yicami:

—Īne ñaami “ ‘Rotimūorūgōrucūmi’ yigū, Dios ī cōar'i”, gājerāre ñnare yigotibeja —yūare yicami Jesús.

“Yūre sīarūarāma”, Jesús ī yire queti

(Mr 8.31-9.1; Lc 9.22-27)

²¹ To ī yiro bero, Jerusalénjū ĩ bajirotire ado bajiro yūare gotimasiosūocami Jesús:

—Jerusalénjū varoti ñaja yūre. Tojū yū ejaro, būcurā, paia ūjarā, to yicōari, Dios ī rotimasire gotimasiorimasa quēne, rojose yūre yicōari, yūre sīarūarāma ñna. Yūre ñna sīaboajaquēne, idiarūmū tusatirūmūne yūre catorūcūmi Dios —yūare yisūocami Jesús.

²² To ī yisere ajicōari, ricati ĩre jicāmotocōari, ĩre yiboacami Pedro:

—Yū ūjū, to bajiro mū bajirotire bojabecūmi Dios. ¡To bajiro mū bajiroti, mūre bajibeticōato! —ĩre yiboacami Pedro.

²³ To ĩ yisere ajicōari, judarūgūgūne, ado bajiro Pedrose ĩre goticami Jesús:
—ĭSatanás, vasa mū! Vátia ęjare ñagōbosagu yaja mū. To bajiro yibesa. “Dios ĩ bojarore bajiro yibeticōato” yigure bajiro yaja mū. To bajiro mū yijama, Dios ĩ tġoġarore bajiro me tġoġaja mū. Masa ĩna tġoġarore bajiro tġoġagū yaja —Pedrose ĩre yicami Jesús.

²⁴ To yicōari, ado bajiro ĩ buerāre yġare yicami Jesús:

—No bojagu yġ yġ ĩ ñarġajama, ĩ bojasere ĩ ye ñarotire tġoġabecġne, “Jesúre bajiro rojose tġmġorġcġja yġ quēne” yitġoġacōari, yġġare ajisġyarġcġmi. ²⁵ No bojarā, ĩna bojaro ñare cġtirāma, adi macarġcġrore ñasere ĩavariquēnacōari, Diore tġoġamenama, Dios ĩ catisere yayibetire cġomena ñarġarāma ĩna. To bajiboarine, yġre ajitirġnġrā, yġ oca ĩna gotisere ajjġnisinicōari, ĩna sġarāma, Dios tġ quēnaro ñarona ñarāma. ²⁶ Sġgġ adi macarġcġroġ gajeyeġni jediro ĩ bġjaboajaquēne, beroġ rojose tġmġotġjabetiriaroġ ĩ vajama, gajeyeġni ĩ bġjaboare, ñie vaja manoja. Ñiere Diore ĩsimasibecġmi, “ĭ rijato beroġma tudirġjabeticōato” yigġ, “Dios ĩ catisere yġre ĩsiato” yigġ. Mani rijato beroġma “Tudirġjabeticōato” yigġ, Dios ĩ catisere ĩ ĩsise cōro vaja cġti manoja. ²⁷ Yġ, Dios ĩ roticōacacġ ñacōari, “Quēnarġtogġ ñaja yġ”, yġ jacġ ĩ yġġorore bajiro yigġ ñari, ĩ bususe rāca tudiejarġcġja yġ. Yġ rāca vadirġarāma Dios ĩ cōarā, ángel mesa. Tudiejacōari, masa ĩna yisere ĩacōari, “To bajiro yirā ñari, quēnase bġjarā, rojose tġmġorā bajirġarāja mġa”, ĩnare yirġcġja yġ. ²⁸ Riojo mġare gotġaja yġ. Mġa sġgġri mġa bajireabetone, “Ñajediro ęġ ñaami yġ roticōacacġ” Dios mġare ĩ yġġosere ĩarġarāja mġa —yġare yicami Jesús. 8

17

ĭ buerimasa ĩna ĩaro rġjoroġma Jesús ĩ godovedġore queti

(Mr 9.2-13; Lc 9.28-36)

¹ Cojomo cōro, coja jġnituarirġmġ bero, Pedro, Santiago, ĩ bedi Juanre quēne ġmġariburo joeġ ĩnare ġmato vacami Jesús. ² Toġ ĩna ejaro, ĩna ĩaro rġjoroġma, Jesús rioga busucoasuju ti. Ėmġagu muijare ĩacānamurġarore bajiro cajemose busuyuju ti. To yicōari, sudi ĩ sġñase quēne bġto boticoasuju ti. ³ To bajicōari, Moisés ñamasir'i, El'ias ñamasir'i rāca Jesús tġ ruyuarġgġcōari, ĩ rāca ĩna gāmerā ñagōsere ĩaġujarā ĩna, Pedro mesa. ⁴ To bajiro ĩna bajisere ĩacōari, ado bajiro Jesúre yiyuju Pedro:

—Yġ ęġ, adoġ manġ ñajama, quēnamasucōaja. Mġ bojajama, mġa ñaro cōrone vijāiri mġare buabosarġcġja yġ. Mġ yajāi, El'ias yajāi, to yicōari, Moisés yajāi buabosarġcġja —Jesúre yiboayuju Pedro.

⁵ To bajiro ĩ yirġrġmarone, bueri bġto cajemose ĩnare buebibecōaġuju ti. Ti bueri vatoajġ ado bajiro ocaruyuju:

—Ĥnine ñaami yġ macġ, yġ maigġ. ĩre bġto ĩavariquēnaja yġ. ĩre quēnaro ajitirġnġña mġa —yġ ocaruyuju.

⁶ To bajiro yġ ocaruyusere ajicōari, bġto gġiyujarā ĩna Pedro mesa. Bġto gġirā ñari, muqueacoasujarā ĩna. ⁷ To bajiro ĩna bajisere ĩacōari, ĩna tġ vacōari, ĩnare moaġaġuju Jesús. ĩnare moaġagġne, ado bajiro yiyuju:

—Vġmġrġgġña. Gġibesa mġa —ĩnare yiyuju.

⁸ To bajiro ĩ yiro bero, ĩamġoboayujarā. El'iare, Moisére ĩnare ĩabġjabetesujarā. Jesús sġgġne ñaġuju ĩ yuja.

⁹ To bajiro bajicōari bero, ti buro ĩnare ġmato rojacġne, ado bajiro ĩnare rotiyuju Jesús:
—Jġġ mġa ĩasere gājerāre gotibeja maji, yġ, Dios ĩ roticōacacġ, yġ rijato bero, quēna yġ tudicatiroto rġjorore —ĩnare yiyuju Jesús.

¹⁰ To ĩ yġjare, ado bajiro Jesúre sġniġaġujarā ĩna:

—ĭNo yirā, “‘Rotimġorġgōrġcġmi’ yigġ, Dios ĩ cōarocġ ĩ ejaroto rġjoro ejarġcġmi El'ias ñamasir'i”, yati ĩna Dios ĩ rotimasire gotimasiorimasa? —ĩre yisġniġaġujarā ĩna.

8 16:28 Dios oca masa ĩna ucamasirere buerġtoburimasa sġgġri ado bajiro yicama ĩna, 16.28 gotirġjare: “‘Ñajediro ęġ ñaami yġ roticōacacġ’ Dios mġare ĩ yġġorotire’ Jesús ĩ yijama, ĩ buerimasa sġgġri ĩna ĩaro rġjoroġma Jesús ĩ godovedġorerere yigġ yirimi”, yicama Dios ocare buerġtoburimasa sġgġri.

¹¹ To ñna yijare, ado bajiro ñnare cūdiyuju Jesús:

—Riojo yiyuma Dios ñ rotimasire gotimasiorimasa, “El’ias ñamasir’i ejasurucami” ñna yijama. “Rotimurügörcami” yigü, Dios ñ cöarocü, ñ ejaroti ñajare, “Jediro Dios ñ bojarore bajiro yirã, quënarö ñayuto mani” yigü, ejasurucami. To bajiro ñ bajiroti ñajare, Dios ñ rotimasire gotimasiorã, ñna gotiri vãmere bajirone yaja Dios oca masa ñna ucamasire quëne. ¹² “To bajiro yaja” yimasirã ñaboarine, ñ ejarö ñre ñamasibesuma ñna. Jëre ejayumi. To ñ bajiboajaquëne, ñna bojarore bajiro rojose ñre yiyuma. Yü, Dios ñ roticöacacure quëne, to bajirone yure yiruarãma —ñnare yitudiroja vayuju Jesús.

¹³ To bajiro ñ yisere ajimasicöari, “El’ias ñamasir’ire ñ yijama, Juan vãmecütigü, masare oco räca bautizarimasurüare gotigü yami, ñre bajiro tuoïar’i ñajare”, yiajimasirüjarã ñna Pedro mesa.

Masü usüju säñagüre vätire Jesús ñ burocacare queti

(Mr 9.14-29; Lc 9.37-43)

¹⁴ Ti burojü majariarã, yua tü rojaejacama ñna quëna. Jãjarã masa ñacama yua räca. Jesús ñ tudiejasere ñacöari, ñ rijorojua gusomuniari tuetucami sigü. To yicöari, ado bajiro Jesuré yicami:

¹⁵ —Yü üju, yu macure ñamaiña mü. Biyaröaca rijaquedirügüami. To bajica yigü, butö rojose tämurügüami. Cojogi me jeameju rocatïacöarügüami. To bajicöari, oco vatoaju quëne rocaröacöarügüami. ¹⁶ Mü buerã tü ñre ämiejaboabu yu. ñ usurüare säñagüre vätire burocamasimema ñna —Jesuré yicami.

¹⁷ To ñ yisere ajicöari, ado bajiro yicami, yurare ñ buerimasare, to yicöari, ñre ajirã ejaräre quëne:

—Rojosere tuoïarã ñari, Diore ajitirünümena masu ñacöaja müa. ¿No cörojü müare gotimasio tüjaguti yu? Yoaro müa räca yu ñaboajaquëne, yu masisere müare yu üjosere ajitirünübeaja müa maji —yurare yicami Jesús. To yigüne, —Adöjua väti säñagüre ñre ämiaya —yicami Jesús.

¹⁸ ñre ñna ämiejarone, ñ usüju säñagüre vätire burocacöacami Jesús. Väti ñ budirirïmarone, catiquënegü ñacoacami daquegüja.

¹⁹ To ñ yiro bero, ricati cämotadicöari, Jesuré ado bajiro ñre sëniïacaju yua:

—¿No yirã daquegü usurüare säñagüre vätire burocamasibeti yua? —ñre yicaju yua.

²⁰ To bajiro yua yisere ajicöari, ado bajiro cüdicami Jesús:

—“Dios ñ ejarëmose räca burocaruarãja” yitüoïamena ñari, vätire burocamasibesuja müa. Riojo müare gotiaja yu: “Mojoroaca yimasirã ñaboarine, Dios ñ ejarëmose räca yimasicöarãja” yirã, ñ buröre, “Gajerojü vasa” müa yirotijama, to bajirone bajiruroja ti. ñiejua müa yimasibeti maniruroja. ²¹ To bajiboarine, jëju yu burocagüre bajiro bajiräre müa burearüajama, bare bamenane Diore sënicöari rïne bureamasiruarãja müa —yurare yicami Jesús.

“Yüre sïaruarãma”, Jesús ñ yigotibabore queti

(Mr 9.30-32; Lc 9.43-45)

²² Galilea sitaju vana, gãmerã cämotadiri mene cojojünane Jesúrãca vacudicaju yua. To bajiro yurare ümato bajicudigüne, ado bajiro yurare yicami Jesús:

—Yüre Dios ñ roticöacacure masare ñsirocarucami sigü. ²³ To bajiro ñ yijare, yure sïaruarãma ñna. Yüre ñna sïaboajaquëne, idiarümü tusatirümüne yure catiorucami Dios —yurare yicami Jesús.

To bajiro ñ yisere ajicöari, butö sutiriticaju yua, ñ buerã.

Diore yirücbuoriavire boarijaurire quënoruarã, vaja sënimimasa, Pedrorë ñna sëniïare queti

²⁴ To ñ yiro bero, Capernaum vãmecüti maca ejacaju yua, Jesúrãca. Toju yua ñaro, Diore yirücbuoriavire boarijaurire quënoruarã, vaja sënimimasa, Pedrorë sëniïarã ejayujarã, macajüju:

—¿Mũare gotimasiorimasũma, Diore yirũcũbuoriavi quẽnoroti vaja ãsibecũti ã? — Pedre ãre yisẽniãñũjarã ãna.

²⁵ —Ãsirũcũmi —yicũdiyũju Pedrojũama.

Tijũ bero, vijũ sãjaejacõari, vaja sãnirimasa ãna sãnĩarere ã gotibetone, Jesũjũna, ado bajiro Pedre ãre boca yicõacami:

—Simõn, ¿no bajiro tũõiatu mũ? ¿Adigodoana mũjarã, ñimarãjũare vaja yirotiati? ¿Ãna yarãrene gãmerã vaja sãniatique? ¿Gajero vadiriãrãjũare vaja yirotirũgũatique ãna? — Pedre ãre yisẽniãcami Jesũs.

²⁶ To bajiro ã yisẽniãrone, ado bajiro ãre cũdicami Pedro:

—Gajero vadiriãrãjũare vaja yirotirũgũama —yicũdicami Pedro.

To ã yirone, ado bajiro yicami Jesũs:

—Riojo yaja mũ. To bajiri Dios macũ ñari, yũ ya vi ti ñajare, Diore yirũcũbuoriavi coderãre vaja yibecũja yũma. ²⁷ To bajiboarine, “Rojose manire tũõabeticõato” yirã, mani vaja yijama, quẽnaja. Utabũcũrajũ vasa mũ. Tojũ vai vejeba. Basũogũre ãre sãcõari, ã risejũ gãjoatii bũjarũcũja mũ. Titiine ãnare vaja yiroti ñaroja, Diore yirũcũbuoriavi coderãre. Titiire ãmicõari, ãnare ãsima —Pedre ãre yicami Jesũs.

18

“¿Ñimũjũna ñagũti ñamasugũ ñarocũ?”, Jesũre ãna yisẽniãre queti

(Mr 9.33-37; Lc 9.46-48)

¹ Tirũmũne Jesũre ãre sãnĩacajũ yũ ã buerimasa:

—Mũre yũ rotibosarirodo ti ejaro, ¿ñimũjũna ñagũti ñamasugũ ñarocũ? —ãre yisẽniãcajũ yũ.

² To yũ yirone, sũgũ daquegũre jicõari, yũ rĩjorojũna ãre rũgõroticami Jesũs. ³ To yicõari, ado bajiro yũare yicami:

—Riojo mũare gotiaja yũ. Daquerã, “Ñamasurã me ñaja yũ” ãna yitũõiarore bajiro mũna tũõabetijama, Ujũ Dios yarã quẽnaro ã yirã me ñarũarãja mũna. ⁴ Ujũ Dios yarã ñamasurã ñaama ãni daquegũre bajiro tũõiarã, “Ñamasurã me ñaja yũ” yirã. ⁵ ãni daquegũre bajiro tũõiarã ãna ñajare, gãjerã tũ ãna ejaro, quẽnaro ãnare yirãma, yũjũare quẽnaro yirãre bajiro yirã yirãma —yũare yicami Jesũs.

“Mũna sũorine gãjerã rojose ãna yijama, gũiose ñaja”, Jesũs ã yigotimasiore queti

(Mr 9.42; Lc 17.1-2)

⁶ Quẽna ado bajiro yũare goticami Jesũs:

—No bojarã, ãni daquegũre bajiro tũõiarãre, yũre ajitirũnũrãre rojose ãna ãmato yijama, bũto rojose tãmũorũarãma. Rojose ãnare ãna ãmato yiroto rĩjoro, tocãrãcũrene ãna ãmũarijũre gũta jairica siatucõari, riaga ãcũarojũ ãnare rearoderuucõajama, rojose tãmũobetibusaborãma. ⁷ Rojose yirã sũorine bũto rojose tãmũorũarãma masa. Rojose yirã jãjarã ñarãma. To bajiri gãjerãre rojose ãmato yirũarãma. To ãna yise sũori bũto rojose masu tãmũocõarũarãma.

“Bũto mũna maise ti ñaboajaquẽne, ti sũorine Dios ã bojabeti mũna yijama, tire reacõãña”, Jesũs ã yire queti

(Mr 9.43-48)

⁸ “Yũ ãmo sũorine rojose yibũ yũ” mũna yitũõĩamasijama, jatarocaya. “Yũ gũbo sũorine rojose yibũ yũ” mũna yitũõĩamasijama, jatarocaya. Mũare cojo ãmo, cojo gũbo ti manijama, quẽnabetoja. To bajiboarine jũããmo rãca, jũna gũbo rãca mũna bajireajama, jeame yatibetimejũ mũna vajama, rẽtobũsaro quẽnabetirũaroja. ⁹ “Yũ cajea sũorine ãbojacõari, rojose yibũ yũ” mũna yitũõĩamasijama tiare ãmirocõãña. Coja cajea mũare ti manijama, quẽnabetoja. To bajiboarine, jũajũne cajea cũticõari, mũna bajireajama, jeame yatibetimejũ mũna vajama, rẽtobũsaro quẽnabetirũaroja —yũare yicami Jesũs.

“Oveja yayir'ire ãnare coderimasũ ãre macagũmi”, Jesũs ã yigotimasiore queti

(Lc 15.3-7)

¹⁰ Quēna ado bajiro yuare goticami Jesús:

—Yuare ajitirūnūrāre, “Ńamasurā me űaja yua” yituoīarāre, “Vaja mana űaama”, ĩnare yīatebeja. Ő vecaju āngel mesa űaruarāma ĩnare ĩatirūnūrā. Yu jacu tujuare cojorūmu ruyabeto ĩnare űagōbosarūgūrāma. ¹¹ Yayirāre bajiro bajirāre, rojose tāmuboronare, ĩnare yirētobosagu vadicaju yu, Dios ĩ roticōacacu —yuare yicami Jesús.

¹² To bajiro yicōari, ado bajiro yirūtuacami Jesús:

—Adi quetiaca muare yu gotimasiosere quēnaro ajituoīaıa mua. Sīgū űagūmi cien oveja cuogu. Cojorūmu sīgū yayicoacūmi. To bajiri ĩnare coderimasu, ruyarāre, noventa y nueve űarāre ta veseju ĩnare cūcōari, yayir'ire macagū vacoacūmi ĩ. ¹³ Gājerā yayimena noventa y nueve űarirācure, “Yayibesuma” yivariquēnagū űaboarine, yayir'ire bujacōari, ĩnare ĩ variquēnaro rētobusaro ĩre variquēnagūmi. ¹⁴ Mani jacu ō vecagu to bajirone bajigūmi ĩ quēne. Sīgū ruyabeto daquegure bajiro tuoīagū, Dios tu ĩ űabetirotire bojabecūmi Dios —yuare yicami Jesús.

“Muare bajiro yuare ajitirūnugū űaboarine, rojose muare ĩ yijama, ado bajiro ĩre űagōquēnoma”, Jesús ĩ yigotimasiore

(Lc 17.3)

¹⁵ Quēna ado bajiro yuare gotimasiocami Jesús:

—Yuare ajitirūnugū űaboarine, rojose muare ĩ yijama, gājerāre gotimenane, ĩ tu vacōari, űagōquēnoma, “Riojo yaja mu. Mure rojose yibu yu' yato ĩ” yirā. “Riojo yaja mu” ĩ yijama, űagōquēnoruarāja mua. To bajiri ĩ rāca quēnaro baba cutiruarāja mua quēna. ¹⁶ “Bajibeaja” ĩ yicudijama, gājerā juarā, yuare ajitirūnūrā, “Rojose yibu mu” ĩre yimasirāre ĩnare jicōari, ĩ tu vaja mua. Juarā ĩna manijama, sīgū yuare ajitirūnugūre, “Rojose yibu mu” ĩre yimasigūre jicōari, ĩ tu vaja mua. ¹⁷ ĩnare quēne ĩ ajibetijama, yuare ajitirūnucōari mua rāca rējarā jediro ĩna ĩaro rĳjorojua ĩnare gotiba mua. ĩna jediro “Rojose yiyuja mu” ĩre ĩna yisere ĩ ajibetijama, Diore ajibecure, to yicōari, ujuare gājoa sēnibosarimasare ĩnare mua cāmotadiriarore bajiro ĩre cāmotadiruarāja mua —yuare yicami Jesús.

¹⁸ Quēna ado bajiro yuare yicami Jesús:

—Riojo muare gotiaja yu. Adi macarucuroju yuare rotibosarā űaruarāja mua. To bajiro yirā űari, “Ado bajiro mua yijama, Dios yarā űaruarāja mua. Ado bajirojua mua yijama, Dios yarā me űaruarāja mua”, yimasiruarāja —yuare yicami Jesús.

¹⁹ Quēna ado bajiro yuare yicami Jesús:

—Gajeye ado bajiro muare gotiaja yu: Sīgū ĩ tuoīarore bajirone mua tuoīajedicōajama, mua bojasere ĩsirucūmi yu jacu ō vecagu. ²⁰ No bojariju juarā, idiarā, yuare ajitirūnūrā űari, Diore ĩna sēnijama, ĩna rāca űarucuja yu —yuare yicami Jesús.

²¹ To ĩ yiro bero, ado bajiro Jesúre sēniīacami Pedro:

—Yu uju, sīgū mure ajitirūnugū űaboarine, yuare rojose ĩ yijama, ĳnocārācaji masu ĩre masirioguti yu? ĳCojomo cōro gaje āmo juā jēnituario űarirācajine ĩre yu masiriojama, quēnarojari? —Jesúre ĩre yicami.

²² To ĩ yisere ajicōari, ado bajiro ĩre cudicami Jesús:

—Tocārācajine rojose mure ĩ yiro cōrone masirioroti űaja mure —ĩre yicami Jesús.

“Manire rojose ĩna yisere mani masiriobetijama, Dios quēne, ĩ bojabeti mani yisere masiriobetirucūmi”, Jesús ĩ yigotimasiore

²³ To yicōari, ado bajiro ĩ buerāre yuare gotimasiocami Jesús:

—Buto rojose mua yiro bero, sutiriticōari, “Yuare masirioya” Diore mua yijama, muare masiriorucūmi. To bajiro muare ĩ yise űajare, “Gājerā rojose muare ĩna yiboajaquēne, muare masirioroti űaja” yigu, ado bajise gotimasiore queti muare gotiaja yu: Uju, ĩre vaja morāre gotiru, ĩre moabosarimasare jicōagūmi. ²⁴ ĩre vaja morāre “Adocārācu űaama” ĩ yiguadijune, sīgū jairo ĩre vaja mogūre ĩre āmiejarāma ĩna. ²⁵ ĩre ĩna āmiejarirīmarore, űie rāca vaja yimasibecūmi. To bajiro ĩ bajijare, ĩre āmiejarāre ado bajiro ĩnare rotigūmi: “Ānire, ĩ manajo, ĩ rĳare quēne gājerāre yuare ĩsibosaya, ‘Gājerāre moabosarimasa űato’

yirã. To yicõari, ï gajeyeũni jedirore gãjerãre ïsicõari, vaja sãnima. To yicõari, ti vaja mua bujasere yure ïsima. To bajiro mua yijama, yure ï vaja mose jedicoarũaroja”, ïnare yigotigumi uju. ²⁶ To ï yisere ajicõari, ï rïjorojuã gũsomuniari tuetuejagumi ïre vaja mogũ. To yicõari, rũcũbuose rãca ïre sãnigũmi: “ïYũ uju, yuya maji! Mũre yũ vaja mosere vaja yijeocõarũcũja maji”, ïre yigumi. ²⁷ To ï yisere ajicõari, ïre ïamaigũ ñari, “Tone bajicõato”, ïre yicõa tujacumi, ï uju.

²⁸ To bajiro ï uju ï yisere ajicõari, budicoacumi. Budiacũne, ï baba mojoroaca ïre vaja mogũre ïre ïabujagumi ï quẽne. ïre ïabujacõari, ï amũare ñiamatagumi. To yicõari, ado bajiro ïre yigumi: “ïYũre mũ vaja mosere vaja yijeocõaña mũ!”, ïre yigumi. ²⁹ To ï yiboajaquẽne, gũsomuniari tuetucõari, ado bajise ïre yigumi: “ïYuya maji! Mũre yũ vaja mosere vaja yijeocõarũcũja yũ”, yiboagumi. ³⁰ To ï yiboajaquẽne, ajibecumi ï. To bajiri tubiberiaviju ïre amiacõari, ïre cũrotigumi, “Yũre mũ vaja mosere vaja yijeocõariju, budirũcũja mũ” yigu. ³¹ ï babarã, to bajiro ï yisere ïacõari, bũto sutiritirãma ïna. To bajiri ïna uju tu vacõari, ïna ïariaro cõro gotirãma. ³² To bajiro ïna yisere ajicõari, ïre vaja moboar'i ï masirior'ire jirotigumi uju. ï ejaro ïacõari, ado bajiro ïre yigumi: “Yũre moabosarimasũ rojogu masu ñacõaja mũ. Yũre mũ vaja mosere, ‘Tone bajicõato’ mũre yiboabu yũ, rũcũbuose rãca yũre mũ sãnijare. ³³ Mũre yũ ïamaiore bajirone mũ babare ïamairoti ñaboayuja”, ïre yigumi ï uju. ³⁴ To bajiro ïre yicõari, bũto jũnisinigũ ñari, ïre tubiberotigumi ï quẽne, “Yũre mũ vaja mosere vaja yijeocõariju, budirũcũja mũ” yigu —yũare yigoticami Jesús.

³⁵ To bajise gotigajanocõari, ado bajise yũare gotitusacami Jesús:

—To bajirone yirũcumi yũ jacũ õ vecagu quẽne, gãjerã rojose ïna yisere mua masirio-betijama —yũare yicami Jesús.

19

“Mua manajoare reabetiroti ñaja”, Jesús ï yire queti

(Mr 10.1-12; Lc 16.18)

¹ To bajiro ï gotimasioro bero, Galilea sita ñariarã vacõari, Judea sitaju ejacaju yũ. Jordãn vãme cutirisa gajejacatũaju ñacaju ti sita. ² Toju jãjarã masa Jesũre sũyacama. Rijaye cutirãre ïnare catiocami ï.

³ Toju yũ ñaro sïgũri fariseo masa ejacama, Jesũre sãnĩatorã. Ado bajiro ïre sãnĩatocama ïna:

—¿No bojase sũorine, manajo rocajama, quẽnacõati? —ïre yisãnĩatocama ïna.

⁴ To ïna yisere ajicõari, ado bajiro ïnare cudicami Jesús:

—¿Dios oca masa ïna ucamasire ado bajiro yisere ïabeticatique mũa? “Rẽmoju amũre, rõmiore rujeomasĩnju Dios”, yigotiaja Dios oca. ⁵ To yicõari gajeju ado bajiro gotiaja Dios oca: “Umũ, rõmio ï rujeore ti ñajare, amũjuã, manajo cutigu, ï jacũare ïnare cãmotadicoarũcumi. Manajo cutijama, juarã ñaboarine, sïgũ rujuere bajirone ñarũarãma”, yigotiaja Dios oca. ⁶ “To bajirũarãma” Dios ï yimasire ti ñajare, mũa manajoare reabetiroti ñaja —ïnare yicami Jesús, fariseo masare.

⁷ To ï yisere ajicõari, ado bajiro tudisãnĩatocama ïna:

—Riojo mũ gotiboajaquẽne, ¿no yigu ricati rotimasĩnjuari Moisés ñamasir'i? Ado bajiro rotimasĩnũmi ï: “No bojagu ï manajore ï rocarũajama, ‘Mũre rocagu yaja’ yise papera ucacõari, sore ïsiroti ñaja”, yimasĩnũmi Moisés —Jesũre ïre yicama.

⁸ To bajiro ïna yisere ajicõari, ado bajiro cudicami Jesús:

—Diore ajiterã ïna ñajare, “Bũtobũsa rojose ïna manajoare yiroma” yigu, manajoa reare beobetimasĩnju Moisés ñamasir'i. Rẽmojuã to bajiro me bajimasĩnju. ⁹ Riojo ado bajiro mũare gotiaja yũ: ï manajo gãji rãca so ajeri cutibetiboajaquẽne, sore rocacõari, gajeo ï manajo cutijama, Diojuã ï ïajama, ï manajo me ñagõmo. ï ajerio cutigo ñagõmo —ïnare yicami Jesús.

¹⁰ To ï yisere ajicõari, ï buerimasajuã ado bajiro ïre yicaju yũ:

—To yijama, manajo magũne ñacõaroti ñañuja —ïre yicaju yũ.

¹¹ To bajiro yua yisere ajicōari, ado bajiro yuare yicami Jesús:

—Jediro me ñarāma, manajo cutibetiboarine, Dios ĩ bojarore bajiro yimasirā. To bajiro yirāma, Dios ĩ ejarēmose rāca yirāma. ¹² Sīgūri manajo cutimena ñarāma. Rōmia rāca ĩna yiroti ti manijare, bajirāma. To bajirāne ruyuararā ñari, bajirāma. Gājerāma, “Rīa yimasibeticōato” yirā, ĩna yijeriarā ñari, bajirāma. Gājerāma, manajo bojamenama, “Yua manajo cutibetijama, yu ujū, Dios ĩ bojarore bajiro quēnabūsarō yimasirūcūja yu” yitūōarā ñari, bajirāma. To bajiro bajirua tūōarāma, to bajirone bajiato —yuare yicami Jesús.

“Rīamasare Jesús ĩ ñubuejeore queti

(Mr 10.13-16; Lc 18.15-17)

¹³ Jesús tūjū rīamasacare juajecama masa, ĩ āmori ñujeocōari, Diore ĩnare sēnibosato ĩ” yirā. ĩna juajesere ĩacōari, ado bajiro ĩnare yicajū yua, ĩ buerimasa:

—Ĵuavadibesa! Gōjanabioro yaja mūa —ĩnare yicajū yua.

¹⁴ To bajiro yua yiboajaquēne, Jesúsūama, ado bajiro yicami:

—Rīamasare ĩnare matabesa. ĩnare bajiro tūōarā ñarāma Ujū Dios yarā quēnaro ĩ yirā —yuare yicami Jesús.

¹⁵ To yicōari, rīamasare ĩ āmori ñujeocōari, Diore ĩnare sēnibosacami Jesús. To yicōari bero, yuare ūmato vacoacami Jesús.

Gajeyeūni jaigū Jesúsre ĩ sēniāre queti

(Mr 10.17-31; Lc 18.18-30)

¹⁶ Gajeyeūni jaigū, Jesúsre sēniāgū ejacami:

—Gotimasiorimasū, yu rijato berojū “Tudirijabeticōato” yigū, Dios ĩ catisere yure ĩ ĩsire yu bojajama, Ĵno bajise quēnase yiroti ñati yure? —Jesúre ĩre yicami.

¹⁷ To ĩ yisere ajicōari, ado bajiro ĩre cūdicami Jesús:

—ĴNo yigū quēnaseayere yure sēniāti mū? Dios sīgūne ñaami quēnagūma. To bajiro Dios oca masa ĩna ucamasirere ĩaroti ñaja. Mū rijato berojū “Tudirijabeticōato” yigū, Dios ĩ catisere mū būjarūajama, Dios ĩ rotimasirere cūdiroti ñaja —ĩre yicami Jesús.

¹⁸ To ĩ yijare,

—ĴDisere yati mū, “Dios ĩ rotimasirere cūdiroti ñaja” mū yijama? —Jesúre ĩre yicami.

To ĩ yirone, ado bajiro ĩre yicami Jesús:

—Dios ĩ rotimasire yu yijama, ado bajise rotimasirere yaja yu: “Sīabesa. Gāji manajo rāca ajerio cutibesa. Juarudibesa. Socūne, ‘Rojose yimi’ yigotiyiobesa. ¹⁹ Mū jacure, mū jacore quēne quēnaro ĩnare rūcūbūoya. To yicōari, mū masu rujare mū mairone bajirone mū tūanare maiña”, yigotiaja Dios ĩ rotimasire —ĩre yicami Jesús.

²⁰ To ĩ yirone, ado bajiro ĩre yicūdicami:

—Daquegūjūne tire cūdisūoadicajū yu. ĴNie gajeye rūyati quēnaro yu yiroti? —Jesúre ĩre yicami.

²¹ To ĩ yisere ajicōari, ado bajiro ĩre goticami Jesús:

—Cojo vāme rūyaja, mū yiroti, mū rijato berojū “Tudirijabeticōato” yigū, Dios ĩ catisere mū būjarūajama: Jediro mū cūosere gājerāre ĩsijeocōaĩa. To yicōari, ti vaja būjacōari, maiorō bajirāre ĩsima. To bajiro mū yijama, ō vecajū Dios ĩ ñarojū quēnase būjarūcūja mū. To bajiro yigajanocōari, yure ajisūyaya —ĩre yicami Jesús.

²² To bajiro ĩ yisere ajicōari, būto sūtiriti vacoacami ĩ, gajeyeūni jaigū ñari, tire maigū.

²³ To bajiro ĩ bajivato ĩacōari, ĩ buerimasare ado bajiro yuare yicami Jesús:

—Riojo mūare gotiaja yu. Gajeyeūni jairārema, yure ĩna sūyarūa tūōāboajama, būto josarūaroja ĩnare. To bajicōari, yirēto ecobosabetirūarāma. ²⁴ Quēna tire bajise mūare tudigotiaja yu: Vaibūcū, camello vāme cūtigū, gājojota gojecare sājarētobudimasibecūmi. To bajirone bajaia gajeyeūni jairāre quēne, yure ajitirūnū sūyarūaboarāre. To bajiro bajirā ñari, yirēto ecobosabetirūarāma —yuare yicami Jesús.

²⁵ To ĩ yisere ajicōari, no yimasibeticajū yua, ti ūnire ajibetirūgūriarā ñari. To bajiro ado bajiro ĩre sēniācayū yua:

—Riojo mu gotijama, ¿no bajiro bajirāju Dios tujure ejaruarāda? —īre yicaju uua.

²⁶ To uua yirone, uuaire ĩacōari, ado bajiro yicami Jesújama:

—Īna masune ejamasimenama masa, Dios tujure. Diojama, ĩajediro yimasijeocōami. ĩiejma josase maja, ĩrema. ĩ suorine ĩ tujū ejamasire ĩaja —uuaire yicami Jesús.

²⁷ To ĩ yisere ajicōari, ado bajiro yicami Pedro:

—Jediro uua gajeyeūnure cūcōari, mure sūyacaju uua. ¿To bajiro uua bajicati vaja, ĩie bjarāti uua? —Jesúre ĩre yicami.

²⁸ To ĩ yisere ajicōari, ado bajiro uuaire cūdicami Jesús:

—Riojo muare gotiaja uū. Cojorūmu adi macarucuro ti jediro quēna tudiquēnorucami Dios. To bajiro ĩ yirirūmu uū, Dios ĩ roticōacacu, rūcubūoriaju rujirucuja uū, rotiguagu. To cōrone muā quēne uure sūyarā, juaāmo cōro, cojo gūbo juā jēnituario ĩaricūmurorire rujiruarāja muā. To yicōari, mani yarā, jud'io masa, juaāmo cōro, cojo gūbo juā jēnituarirācu ĩarā masatubuarire rotiruarāja muā. Uure ajitirūnūrāre, to yicōari, uure ajitirūnūmenare ĩabesemasiruarāja. ²⁹ No bojarā, uure ajitirūnūrā ĩari, ĩna ya vi, ĩna yarā, ĩna jacua, ĩna rīa, to yicōari, ĩna ya veserire quēne ĩna maise ĩaro cōro ĩna vaveojama, adigodoju ĩna cūsoore rētoḅsaro quēnase bjaruarāma ĩna, Dios tujū. ³⁰ To bajiboarine adire quēne quēnaro tūoīaña muā: Jājarā ado bajiro muā tūoīarore bajirone tūoīaboarāma: “Dios ĩ bojase yirā rētoro Dios ĩ bojasere yirā ĩari, ĩamasurā ĩaja uua. To bajiri, ō vecajure quēne ĩamasurā ĩari, quēnase bjaruarāja”, yitūoīaboarāma. To bajiro yirā ĩari, gājerāre ĩacōari, “Īna ya vi, ĩna yarā, ĩna jacua, ĩna rīa, to yicōari ĩna ya veserire vaveomena ĩari, ĩamasurā me ĩaama. To bajiri, ō vecajure quēnase mojoroaca bjarona ĩaama”, yitūoīaboarāma. To bajiro me bajiruroja. Adoju ĩamasurā, ō vecajurema ĩamasumena ĩaruarāma ĩna. Adi macarucuroju ĩamasumenama, ō vecajurema ĩamasurā ĩaruarāma —uuaire yicami Jesús.

20

Moabosarimasa ĩna bajire rāca tūoīacōari, “Adi macarucurojūre ĩamasurā, ō vecajurema ĩamasurā me ĩaruarāma ĩna”, Jesús ĩ yigotimasiore queti

¹ To yicōari, ĩ buerimasare uuaire gotimasiurūtuacami Jesús. “Adoju ĩamasurā ĩaja uua. To bajiri ō vecaju quēne ĩamasurā ĩari, quēnamasuse bjaruarāja’ yitūoīabet-icōato” yigu, ado bajise uuaire gotimasiocami:

—Uye vese cūogu, uye ti būcūaro ĩacōari, busuriju jēju ĩre moabosaronare jigū vacūmi. To bajirone yirucūmi Dios, muā uju quēne. ² ĩnare bjaracōari, ado bajiro ĩnare gotigūmi: “Muā moase vaja muā sēniro cōrone muare vaja yirucuja uū”, ĩnare yigūmi. To yicōari, ĩnare moaroticōagūmi, ĩ ya veseju. ³ Muiju ĩ asitutuajediriju cōro, moaruarā ĩna yuritūcuroju ĩna ĩacōajare, gājerāre ĩnare ĩabujagūmi. ⁴ “Vasa, muā quēne. Uū uye veseju moaaya. Muā moajama, quēnaro muare vaja yirucuja uū”, ĩnare yigūmi. ⁵ To bajiri ĩna quēne ĩre moabosarā vacoanama. To yicōari, bero ũmūrecaji ĩaro vacū, gājerāre bjaragūmi. ĩamicajua ti tūsato vacū, gājerāre bjaragūmi quēna. Moare manare bjaracōari, ĩnare moaroticōagūmi. ⁶ Yucū veca muiju tūsato, gājerā moaruarā ĩna yuritūcuroju eacōari, moamenane ĩna ĩacōajare, “¿No yirā moamenane ĩarūmu cūtiati muā?”, ĩnare yigūmi. ⁷ To ĩ yirone, “ĩimūjua, uuaire moarotibeami. To bajiri ĩacōaja uua”, ĩre yirāma ĩna. To bajiro ĩna yijare, “Vasa muā quēne. Uū uye veseju uure moabosaaya”, ĩnare yigūmi.

⁸ Rāioriju, ĩre moabosarimasare coderimasure ĩre jigūmi. “Uure moabosarimasare ĩnare jiaya mu”, ĩre yigūmi. “To yicōari, ejatusariarāre vaja yisūoya. ĩnare vaja yigajanocōari, ĩna rījorobūsa ejariarāre vaja yiya. To bajiro rīne yicōa vasa. To bajiri, moarā ejasūoriarāre ĩnare vaja yitūsayā”, ĩre yigūmi, ĩre moabosarimasare coderimasure. ⁹ To bajiro ĩ yijare, ejatusariarāju ejasūorāma. ĩna ejaro ĩacōari, cojorūmu vaja tariaro cōro ĩna moare vaja ĩnare vaja yigūmi. ¹⁰ To cōro ĩna vaja tasere ĩacōari, “Manima jaibūsarō bjaruarāja”, yitūoīaboarāma ejasūoriarāju. To bajiro yitūoīaboariarāre gājerā ĩna vaja taro cōrone ĩnare vaja yigūmi. ¹¹ Uju ĩ vaja yirotsere ĩacōari, ĩagōjairāma

ejasuoriarājua: ¹² “Veseju ejatusariarā, yoaro meaca ĩna moaboajaquēne, yuare mu ĩsiro cōrone ĩnare ĩsiaja mu. Yuama, cojorūmu jediro, muiju ĩ asicōaro josari moaboabu yua”, ĩre yitud'irāma, ĩna ujuere. ¹³ To bajiro ĩna yiboajaquēne, sīgũre ado bajiro cadiģumi ĩna uju: “Rojose mre yibeju yu. Jēju, ‘Mua vaja sēniro cōrone muare vaja yirucija’ yigu ĩari, to cōrone muare vaja yibu. ¹⁴ Mu moare vaja juacōari, vasa. Mre yu vaja yiro cōrone, ‘Ejatusariarāre quēne vaja yirucija’ yituoĩamu yu. ¹⁵⁻¹⁶ Yu ye gājoa ĩnamu ti. To bajiri yu bojarore bajirone yibu yu. ĩnare quēnaro yu vaja yisere ĩajūnisinijaja mu”, ĩre yigumi ĩ uju. To bajiri adi queti muare yu gotirote bajiro bajiruaroja. Adoju ĩamasurā, ō vecajurema ĩamasumena ĩaruarāma ĩna. Adi macarucuroju ĩamasumenama, ō vecajurema ĩamasurā ĩaruarāma —yuare yicami Jesús.

“Yuare sīaruarāma”, Jesús ĩ yigotitusare queti

(Mr 10.32-34; Lc 18.31-34)

¹⁷ Jerusalēnju yuare ũmato varūtu vacune, juāmo cōro, ĩubo juā jēnituarirācu ĩarāre yuare gotiru, ricati yuare jicāmotocami Jesús:

¹⁸ —Quēnaro ajiya mua. Jerusalēnju vana bajijaja mani. Toju mani ejaro, mre Dios ĩ roticōacacure paia ujarāre, Dios ĩ rotimasire gotimasiorimasare ĩsirocacucami sīgũ. ĩnajuā, “ĩre sīaroti ĩaja”, mre yiruarāma. ¹⁹ To yicōari, romano masare mre ĩsiuarāma. To ĩna yijare, mre ajatud'icōari, bajaruarāma ĩna. To yicōari, yucātēroju mre jajuturuarāma. Yuare jajutucōari, yu rijato bero, mre yujeboaruarāma. To ĩna yiboajaquēne, mre ĩna sīaro bero, idiarūmu tusatirūmune mre catiocōarucami Dios —yuare yicami Jesús.

Santiago mesa jaco Jesúsre so sēniro queti

(Mr 10.35-45)

²⁰ To ĩ yiro bero, Zebedeo rīa jaco, so rīa rāca ejacamo, so rīa ĩna bajirotire Jesúsre sēniģō ejago. Adocārācu ĩnacama so rīa: Santiago, Juan ĩnacama ĩna. Jesúsre rūcubuoģo, ĩ rījoroģua ĩsomuniari tuetucamo so. To yicōari, Jesús quēnaro so rīare ĩ yirotere sēnicamo. ²¹ So sēnisere ajicōari,

—¿No bajiro quēnaro yu yirotere bojati mu? —sore yicami Jesús.

To ĩ yijare, ado bajiro cadicamo so:

—“ĩajediro uju ĩaja yu” yīocōari, mu rotisuroirodo ti ejaro, yu rīare ado bajiro ĩnare mu ũmato rujirotere bojaja yu: Sīgũ mu riojojacatua, gājire mu gācojacatua ĩnare ũmato rujirucija mu, “Mu rotirore bajirone ĩna quēne rotimasiatu” yigu —ĩre yicamo so.

²² To so yisere ajicōari, so rīajure ado bajiro yicami Jesús:

—Tuoĩamasimenane mre sēniĩboaja mua. Yu rāca mua rotiruajama, ¿mua quēne mre bajirone rojose tāmuroātique mua? —ĩnare yicami Jesús.

—Bajicōarāja —ĩre yicama ĩna.

²³ To ĩna yisere ajicōari, ado bajiro yicami Jesús:

—Riojo mreare gotijaja yu. Mua quēne, yu tāmurotire bajiro rojose tāmuroarāja. To bajiboajaquēne, yu riojojacatua, yu gācojacatua mreare rojomasibecija yu. “ĩna ĩaruarāma yu macu tu rujirona” yu jacu ĩ yicana rīne rujiruarāma —ĩnare yicami Jesús.

²⁴ Jesús buerimasa juāmo cōro ĩarā, yua ajibetone, “To bajiro bojaja yua” ĩna yirudisere ajicōari, jūnisinijaju yua. ^h ²⁵ To bajiro yua bajijare, yua jedirote jirēocōari, ado bajiro yicami Jesús:

—Ujarā, Dios yarā me ĩarā, ĩna yarāre buto tutuaro rotirāma ĩna. Tire masijaja mua —yuare yicami. ²⁶ —Muama, yu yarā ĩari, ĩnare bajiro bajibetiruarāja. Yuare ajitirūnūrā, ĩamasurā ĩaruarāma, gājerā ĩna bojasere masicōari, quēnaro ĩnare yiejarēmōrā. ²⁷ To bajiri ĩamasurā mua ĩaruarāja, gājerāre moabosaruarāja mua. ²⁸ Dios ĩ roticōacacu quēne, to bajirone bajijaja yu. “Gājerā yu bojasere masicōari, quēnaro mre yato ĩna” yigu

^h 20:24 Zebedeo manajo, Juan, Santiago jaco, Jesús buamo ĩañuju so. To bajiri, “ĩ yarā ĩaama” yituoĩagō ĩari, “Yu rīare quēnaro yirucami”, yituoĩaboayuju so. Tire ajimasicōari, jūnisiniñujarā Jesús buerā juāmocārācu ĩarājua, “ĩ yarā ĩajare, ejarēmogūmi” yituoĩarā ĩari.

me vadicaĵu yu. “Īna bojaseĵuare masicōari, quēnaro ĩnare yirucĵa” yigu vadicaĵu yu. To yicōari, jājarā rojose ĩna yisere Dios ĩ masiriose vaja, ĩnare vaja yĭbosaguagu vadicaĵu yu —yuare yicami Jesús.

Juarā caje ĩamenare Jesús ĩ ĩarotire queti

(Mr 10.46-52; Lc 18.35-43)

²⁹ Jericó vāme cūti maca ĩnacōari, yua vatone, jājarā masa yuare sūyacama, Jesúre ĩarā.

³⁰ Toĵu yua vatone, juarā ĩamena rujicama, maa tu. Jesús ĩ rētosere ajicōari, ado bajiro ĩre ĵiavasācama ĩna:

—Yua ĵu, Ūĵu David ĩamasir'i jānami, “Rotimūorūgōrucumi” yigu, Dios ĩ cōar'i ĩaja mū. Yuare ĩamaiña mū —yiavasācama ĩna. ³¹ To bajiro ĩna yiavasārone,

—Ĵavasābesa! —ĩnare yicama masa. To bajiro ĩna yiĭboajaquēne, butobusa avasācama ĩna:

—Yua ĵu, Ūĵu David ĩamasir'i jānami, “Rotimūorūgōrucumi” yigu, Dios ĩ cōar'i ĩaja mū. Yuare ĩamaiña —Jesúre ĩre yiavasācama ĩna.

³² To ĩna yisere ajicōari, tujarūgūcumi Jesús. To bajicōari, ĩamenare ĵicami:

—ĴNo bajiro mūare yu yisere bojati mūa? —ĩnare yisēniĭacami, caje ĩamenare.

To ĩ yĭjare, ado bajiro ĩre yicūdicama:

³³ —Yua ĵu, tudĭĭarĵaja yua —ĩre yicama ĩna.

³⁴ To ĩna yisere ajicōari, ĩnare ĩamaigū ĩari, ĩna cajearire moaĭacami. To bajiro ĩ yirĭrĭmarone, ĩamena ĩaboacana, ĩacoacama ĩna yuja. ĩacōari, ĩna quēne Jesúre sūyacoadicama.

21

“*Rotimūorūgōrucumi*’ yigu, Dios ĩ cōagū ĩaja yu” yĭogū, Jerusalénĵu Jesús ĩ ejare queti

(Mr 11.1-11; Lc 19.28-40; Jn 12.12-19)

¹⁻² Jerusalén cōñana, Betfagé vāme cūti maca ejacĵu yua. Olivo vāme cūti buro ĵudo ĩnacĵu ti maca. Toĵu juarā yua rācanare ĩ buerāre ado bajiro ĩnare roticōacami Jesús:

—Mani varoto rioĵo ĩarĭmacare vasa maji. Toĵu ejacōari, burra ĩna siaturūgōriore bĵarĵarāĵa mūa, so macu rāca ĩagōre. ĩnare ōjacōari, yure juadibosaba. ³ Ti macagu mūa ōjaro ĩacōari, mūare ĩ sēniĭajama, “Mani ĵu ĩnare bojami. No cōro mene tūocōarucumi quēna”, ĩre yicūdiba. To bajiro mūa yisere ajicōari, sēniĭarēmobetirucumi. “Baū. Vasa”, mūare yirucumi —ĩnare yicami Jesús.

⁴ To bajiro ĩnare yĭroticami Jesús, Diore gotirētobosarimasu, “Ado bajiro bajirūaroĵa” ĩ yuicamasire ĩajare:

⁵ “Jerusalén macanare ado bajiro yirĵarāĵa mūa: ĩaĵa mūa. Mūa ĵu vadiami. “ĩnamsugū me ĩaja yu” yitūoĭagūre bajiro ejaami. Burra, gajeyeūni ūmagō macu joeĵu ĵesacōari, vadiami’ yirĵarāĵa mūa”, yuicamasĭĵuju Diore gotirētobosarimasu.

⁶ To bajiri Jesús ĩ rotisere ajicōari, ĩ rotirore bajirone yiyuma ĩna. ⁷ Burra to yicōari, so macure quēne ĩnare juajecama ĩna. To yicōari, ĩna ye sudi joeayere vejecōari ĩna joere jeocama ĩna. To ĩna yĭro bero, macĵuare vajejacami Jesús. ⁸ Jājarā masa ĩnacama. ĩna ye sudi joeayere vejecōari, ĩ varotĭĵure cū rĭĵoro cuticama. “Yua ĵu ĩaja mū” yĭrā, to bajiro yicama, Jesúre rūcubnorā. Gāĵerā yucū rĵĵari ĵasurecōari, maare cū rĭĵoro cuticama. ⁹ To yicōari, “*Rotimūorūgōrucumi*” yigu, Dios ĩ cōagū ĩaja yu’ yĭocōari, rotisurucumi yuja” Jesúre ĩre yitūoĭarā ĩari, buto variquēnacama ĩna. ĩre rĭĵoro cūti vana, ĩre sūyarā quēne, ĩre ĩvariquēnarā ado bajiro avasā vacama ĩna:

—Ĵĵu David ĩamasir'i jānami, “Rotimūorūgōrucumi” yigu, Dios ĩ cōar'i ĩaami! ĴQuēnase ĩre yivariquēnato mani! ĴDiore rotibosagu quēnaro ĩ yigu ĩaami! ĴDiore quēne, quēnase ĩre yivariquēnato mani, āni yua ĵure ĩ cōajare! —yiavasā vacama ĩna.

¹⁰ To bajiro Jesús, Jerusalénĵu, masa rāca ĩ ejasere ĩacōari, buto gāmerā ĩagōcama ti macana jediro.

—¿Ñimū ũgū ñati? —gāmerā yisēniīacama, masa ñna avasā vado vatoajū Jesús ĩ vadire ĩacōari.

¹¹ To ñna yijare, gājerā ado bajiro yicūdicama:

—Ñne ñnaami Diore gotirētobosarimasa, Jesús vāme cūtigū, Galilea sita Nazaret vāme cūti macagū —yicama masa.

Diore yirūcūbūoriavijū ñacōari, gajeyeūni ĩsirivire bajiro ñna yiñajare, Jesús ñnare ĩ tud'ĭāgōbure queti

(Mr 11.15-19; Lc 19.45-48; Jn 2.13-22)

¹² Ti macajure ejacōari, Diore yirūcūbūoriavijū sājacajū yūa, Jesúrāca. Ti vijū gajeyeūni ĩsirāre, ñnare vaja yirāre quēne tud'ĭāgōbucami Jesús. Gājerā ye rāca gājoa vasoarimasa ñna gājoa jeorijaurire tucaguereacami. To yicōari, buja ĩsirimasa ñna rujiri cūmurorire tucaguereacami. ¹³ To yicōari, ado bajiro ñnare goticami Jesús:

—Diore gotirētobosarimasa ñna ucamasire ado bajiro gotiaja: “Yū ya vima, yūre sēnirūcūbūorā rējariavi ñarūaroja”, yigotiaja, adi vire. To bajiro ĩ yimasire ti ñaboajaquēne, ado bajiro mūa yiñase sūorine juarudirimasa ya vire bajiro bajaiaja ti —ñnare yicami Jesús.

¹⁴ Ti vijū, yūa ñarone, ĩamena to yicōari rujasagueri vana, ejacama, Jesús tūjū. To bajiro ñna bajirone ñnare catiocami. ¹⁵ Ti vire ñacama paia ũjarā, Dios ĩ rotimasire gotimasiromasa quēne. To bajiri Jesús, ĩaīañamani ĩ yiñosere ĩacōari, “ĭĭjū David ñamasir'i jānami, ‘Rotimūorūgōrūcūmi’ yigū, Dios ĩ cōar'i ñnaami! ĭQuēnase ĩre yivariquēnato mani!” rīamasa ñna yīavasā ñasere ajicōari, Jesújūare buto jūnisinicama. ¹⁶ To bajiri ado bajiro Jesúre sēniīacama:

—¿To bajiro mūre ñna yisere ajiati mū? “To bajise yibesa”, ñnare yiya —ĩre yicama ñna. To ñna yiboajaquēne, ado bajiro ñnare goticami Jesús:

—Ajiaja yū. Dios oca masa ñna ucamasire to bajirone gotiaja rīamasa ñna yirotere. ĭĭabeticatique ado bajiro yisere? Ado bajiro gotiaja ti:

“Rīamasa, to yicōari, ũjurāca quēne, mūre quēnaro rūcūbūorūarāma ñna' to bajiro mū yise ñajare”, yigotiaja Dios oca —ñnare yicami Jesús.

¹⁷ To ĩ yiro bero, ñnare vaveocōari, Betania vāme cūti macajū ejacōari, cānicajū yūa.

Higuera vāme cūtiure, “Jūaji rica maniūcarūarāja”, Jesús ĩ yire queti

(Mr 11.12-14, 20-26)

¹⁸ Quēna busurijū Jerusalénjū tudiacajū yūa. To yūa bajiro, Jesús, ñiorijacami. ¹⁹ Maa tū higuera vāme cūtiū ñacajū. Tiū ricare barū, ojaboacami Jesús. Rica manicajū, tiūjūama. Jū rīne ñacajū. To bajiri tiure ado bajiro yicami Jesús:

—Jūaji rica maniūcarūarāja —tiure yicami.

To bajiro ĩ yirirīmarone, sīnirocacoacajū tiū. ²⁰ To bajiro ti bajisere ĩacōari, no yimasibeticajū yūa, ti ũnire ĩabetirūgūcana ñari. “¿No yiro guaro sīnirocacoajari ti?”, yisēniīacajū yūa.

²¹ To yūa yirone, ado bajiro yūare cūdicami ĩ:

—Riojo mūare gotiaja yū. “To bajiro yirūcūmi Dios” ĩre mūa yīajitirūnū tūjabetijama, higuera vāme cūtiure yū yise ũni rīrene yimasimenaja mūa. Gajeye josase ti ñaboajaquēne, yimasicōarāja. “ĭ burore, moa riagajū rocaroacoasa” mūa yijama, to bajirone bajirūaroja. ²² “Yūa sēnijama, yūare ĩsicōagūmi” yitūoīacōari, Diore mūa sēnijama, mūare ĩsirūcūmi —yūare yicami Jesús.

“¿Ñimū mūre ĩ rotise rāca to bajiro yati mū?”, Jesúre ñna yisēniīare queti

(Mr 11.27-33; Lc 20.1-8)

²³ To ĩ yiro bero, Jerusalénjū ejacajū yūa. To bajicōari, Diore yirūcūbūoriavijū Jesúrāca sājacajū yūa. Sājaejacōari, masare gotimasiocami Jesús. To ĩ yiñarone, būcūrā, paia ũjarā quēne, ejacama ñna, Jesúre sēniīarā:

—¿Ñimū mūre ĩ rotise rāca to bajiro yirūgūati mū? —ĩre yisēniīacama ñna.

²⁴⁻²⁵ To bajiro ñna yisere ajicōari,

—Yũ quēne, ado bajiro mũare sēniñaja yũ. Yũre mũa cūdicōaroju, “Í rotise rāca yaja yũ”, mũare yirũcũja maji. ¿Nimũ rotiyujari, Juanre, “Oco rāca masare ñnare bautizaya” yigũ? ¿Dios rotiyujari? ¿Masajũa rotiyujarique? —ñnare yisēniñacami Jesús.

To ĩ yisere ajicōari, ñna masurione gāmerā ñagōñacama ñna:

—“Dione, Juanre oco rāca masare bautizarotiyumi” mani yijama, ado bajiro manire sēniñajacagumi: “Tire masirā ñaboarine, ¿no yirā ĩre ajitirũnũbeticati mũa?” manire yisēniñajacagumi. ²⁶ To yicōari, “Masane, Juanre oco rāca bautizarotiriarāma” mani yijama, manire bũto tud'irũarāma masa, “Diore gotirētobosarimasũ ñaboacami Juan” yirā ñari —gāmerā yicama ñna.

²⁷ To bajiro gāmerā ñagōrā ñari, ado bajiro ĩre cūdicama ñna:

—Juanre rotir'ire masibeaja yũa —Jesúre yicōacama ñna.

To ñna yisere ajicōari, ado bajiro ñnare cūdicami Jesús:

—To bajiro yũre mũa cūdijare, “Í rotise rāca yaja yũ”, mũare yigotibetirũcũja yũ quēne —ñnare yicami Jesús.

Juarā rĩa cutigu, ĩ rĩare ĩ moarotirere Jesús ĩ gotimasiore queti

²⁸ To bajiro ñnare yigajanocōari, gotimasiore queti ñnare goticami Jesús:

—¿No bajiro tũoĩati mũa, adire, yũ gotiguadire? Sīgũ ñagũmi juarā rĩa cutigu. ĩ macũ ñasũogũre ado bajiro yigũmi ĩ: “Macũ, yucũrema mani ñye vesere moaguaja”, ĩre yigũmi.

²⁹ To ĩ yiboajaquēne, “Varũabeaja yũ”, ĩre yicũdigũmi. To bajiro yiboarine, berojũma, tũoĩavasoacōari, moagũ vacoacũmi ĩ yuja. ³⁰ To ĩ yiro bero, gāji ĩ macũre quēne, to bajirone ĩre yigũmi. To ĩ yirone, “Baũ. Moagũ varũcũja yũ”, ĩ jacũre yicũdigũmi ĩ. To yiboarine, vabecũmi. ³¹ To bajiri mũa tũoĩajama, ¿nijũa ñañujari ĩ jacũ ĩ rotiriarore bajirone cūdir'ĩ? —ñnare yisēniñacami Jesús.

To ĩ yisēniñarone, ado bajiro ĩre cūdicama:

—Ī, moarotisũor'ijũa, ĩ jacũ ĩ rotiriarore bajiro ĩre cūdiyumi —ĩre yicũdicama.

To ñna yisere ajicōari, ado bajiro yicami Jesús:

—Riojo mũare gotiaja yũ. Hũre gājoa sēnibosarimasare, to yicōari, rōmia, ũmũare ajeriarā cuticōari, vaja sēnirā rōmirire, “Rojorā masu ñaama” ñnare yĩaterā ñarāja mũa. Mũa ĩaterā sīgũri, tũoĩavasoacōari, Hũ Dios yarā quēnaro ĩ yirā ñarāma. ñnare bajiro mũa tũoĩavasoabetijama, ĩ yarā me ñarũarāja mũa. ³² Juan, oco rāca masare bautizarimasũ, “Ado bajirojũa mũa yijama, quēnaroja” mũare ĩ yigotimasioboajaquēne, ĩre ajibesuja mũa. To bajiboarine, “Rojorā masu ñaama” mũa yĩaterājũama, ĩre ajitirũnũñuma ñna. To bajiri ĩre ñna ajitirũnũsere ĩariarā ñaboarine, ĩre ajibeticōari, rojose mũa yirũgũriarore bajiro rojose yicōa ñaja mũa —ñnare yicami Jesús.

“Jud'io masa ñna ajitirũnũbetijare, gājerājũare ũjorũcũmi Dios” yigũ, moarimasa rojose yirā ñna bajire rāca Jesús ĩ gotimasiore

(Mr 12.1-12; Lc 20.9-19)

³³ Quēna ado bajiro ñnare gotimasiocami Jesús:

—Sīgũ masũ ñye vese otegũmi. Tire otegajanocōari, matagũmi. To yicōari, ñye oco juarotijũ quēnogũmi. Tijũ bero, vecajũ ñacōari, ĩ ĩatirũnũjesarotijũ quēnogũmi. To yigajanocōari, gājerāre, “Yũre ĩatirũnũbosaba”, yigũmi. “Hũe ti rica cutiro, gājerāre ĩsicōari, vaja sēnirũarāja mũa. To yicōari, mũa juajama, ‘Ado cōro ñaja mani ye. Ado cōro ñaja ĩ yema’ yicōĩama”, ñnare yigũmi. To yicōari, gajerojũ vacoacũmi yuja. ³⁴ To bajiri cojorũmũ, “Hũe rica cuti bũcũatoja ti” yigũ, ĩre moabosarimasare cōagũmi, “Hũe, yũre ñna cũbosarere yũre juabosaaya” yigũ. ³⁵ Hũe vesejũ ñna ejaro ĩacōari, ti vese coderājũa, ado bajiro yirāma: ñnare ñejecōari, jarāma. Gājerāre sīarāma, to yicōari gājerāre gũtane reasīarāma. ³⁶ To ñna yire quetire ajicōari, jājarābũsa ĩre moabosarimasare cōagũmi vese ũjũ, ĩ ye ñarotire juabosaaya yigũ. Ti vesejũ ñna ejarone, ĩatirũnũrimasa, to rĩjoro ejariarāre ñna yiriarore bajirone yirāma, ñnare quēne.

³⁷ To bajiro ñna yiecore quetire ajicōari, “Yũ macũjũare rũcũbũorāma” yitũoĩacōari, ĩre cōaboagũmi. ³⁸ To bajiro ĩ yicōar'ire, vesejũ ĩ ejasere ĩacōari, ado bajiro gāmerā ñagōrāma

vese coderimasa: “Adi vese ɥɥ macune ñaami. To bajiri ĩ bajirocaveojama, ĩne ñaami ĩre vasoarocɥ. To bajiri ĩre mani sĳajama, mani ye sita ñarɥaroja yuja”, gãmerã yĩñagõrãma ĩna. ³⁹ To bajiri vese soɥajɥ ĩre ñia vati, ĩre sĳarocacõarãma —ĩnare yicami Jesús.

⁴⁰ To bajiro ĩnare yigajanocõari, ado bajiro ĩnare sēniĩacami:

—¿Ti vese ɥɥ tudiejagɥ, no bajiro ĩnare yigɥjari, ti vese coderimasare? —ĩnare yisēniĩacami Jesús.

⁴¹ To ĩ yisere ajicõari, ado bajiro ĩre cɥdicama ĩna:

—Rojorã masu ñarãma ti vese ĩatirũnrã. To bajiri ĩnare ĩamaibecune ĩnare sĳareagumi. To ĩ yiro bero, gãjerãre ti vesere ĩatirũnrõnare vasoagumi, ĩ ye ñarotire juabosaronare —Jesúre ĩre yicama ĩna.

⁴² To ĩna yicɥdisere ajicõari, Jesúsɥa, ado bajiro ĩnare yicami:

—“ɥye vese ɥɥ macure rojorã ĩna sĳarocarere bajirone viri buarimasa gũta ĩna beserocaria ñaboarine, ñamasurica ñarɥaroja”, yigotiaja Dios ocare masa ĩna ucamasire. ¿Tire ĩabeticatique mɥa? Ado bajiro gotiaja:

“Gũta rãca vi quēnorimasa coja gũtare rocarãma ĩna. ĩna rocaria ñaboarine, gajea gũta rētoro quēnarica ñarɥaroja tia. Tia gũta sɥorine quēnarivi quēnorɥcumi Dios. Tia manijama, quēnomasibetibogumi. To bajiro bojagumi Dios mani ɥɥ. To bajiri tia gũta sɥori Dios quēnaro ĩ yisere ajimasicõari, bũto tũoĩa variquēnaja mani”, yigotiaja Dios oca masa ĩna ucamasire.

⁴³ To bajiri ado bajiro yigɥ, ti quetire mɥare gotibɥ yɥ: Diore rotibosagure yure ajitirũnrũmena mɥa ñajare, jud'io masa meɥare, “Yɥ yarã ñaña” ĩnare yicõari, quēnaro ĩnare yirɥcumi Dios. ĩnajuama, Dios ĩ bojarore bajiro ĩre ajitirũnrũnarãma. ⁴⁴ No bojarã yure, yɥ ocare ajiterã, rojose tãnrõnarãma ĩna —ĩnare yicami Jesús.

⁴⁵ Jesús ĩ gotimasiosere ajicõari, “Mani bajisere yigɥ yami”, yiajimasicõacama fariseo masa, paia ɥjarã quēne. ⁴⁶ To bajiri Jesúre ñiarɥaboacama ĩna. “Diore gotirētobosarimasu ñaami Jesús” masa ĩna yitũoĩajare, masare güirã, ĩre ñiabeticama.

22

“*Ī macɥ ĩ ãmosiagɥadijare, masare jirēogũmi ɥɥ*”, Jesús ĩ yigotimasiore queti

(Lc 14.15-24)

¹ Quēna gotimasiore queti masare goticami Jesús:

² —Adi quetire tũoĩacõari, “Tire bajiro bajirɥaroja, masare ‘Yɥ yarã ñaña mɥa’ ɥɥ Dios ĩ yiroti” mɥare gotimasioğũ yaja: Sĳgũ ɥɥ, ĩ macɥ ĩ ãmosiarotirũnrũre quēnoyugumi. ³ To yicõari, “Īvariquēna ejarēmõronare jiaja mɥa” yigɥ, ĩre moabosarimasare cõagũmi ĩ. To ĩ yisere ajicõari, jirã vaboarãma ĩna. ĩnajuama, vadirũamenama. ⁴ ĩna vadirũabetire ajicõari, gãjerã ĩre moabosarimasare cõagũmi quēna. “ ‘Yɥa ɥɥ mɥare jigɥ ñari, ĩ yarã vaibɥcũrã mame bɥcũarãre sĳarotimi. Jēre quēnogajanomɥ yɥa. To bajiri ĩ macɥ ĩ ãmosiarirũnrũ ĩarã vayã mɥa quēne’ ĩnare yiba”, yicõagũmi ĩna ɥɥ. ⁵ To ĩ yisere ajicõari, jirã vaboarãma ĩna quēna. ĩnare cɥdimenane, vacoanama, ĩna ye moare moaroana. Sĳgũ ĩ ya veseɥ vacumi. Gãji ĩ gajeyeũni ĩsirojɥ vacumi. ⁶ Gãjerãma, ɥɥ ĩ cõaboariarãre ñejecõari, ĩnare jasĳacõarãma. ⁷ Tire ajicõari, bũto jũnisinigũmi ɥɥ. To bajiri ĩ yarã surarare cõagũmi. “ĩnare sĳacõari, ĩna ya virire soereacoaya”, ĩnare yicõagũmi. ⁸ To ĩ yiro bero, gãjerã ĩre moabosarimasare ado bajiro gotigumi: “Yɥ macɥ ĩ ãmosiarotiaye quēnogajanomɥ. Jēɥ yɥ queti cõaboarã, ĩna ejabetijare, quēnaja. ĩnare jicõabetiroti ñaboayuja. ⁹ Jãjarã masa ĩna vati maarijũare vasa. To mɥa ĩabũjarã cõro jirēocõari, ĩnare ũmato vaba”, ĩnare yigumi ɥɥ, ĩre moabosarimasare. ¹⁰ ĩ rotirore bajirone masare jirēorãma ĩna. Quēnarã, rojorã, ĩna bũjarã cõro jirēorãma. To bajiri ɥɥ ya vi, jũnrũcoatoja ti.

¹¹ ĩ jicõariarãre ĩagũ sãjagũmi ɥɥ. Sĳgũre, ĩna ãmosiaro ĩarã ejarã ĩna sãñase ũnire sãñabecure ĩabũjagumi ĩ. ¹² To bajiri, ĩre ĩacõari, ado bajiro ĩre sēniĩagũmi: “¿No yigũ ĩna ãmosiaro ĩarã ĩna sãñase ũni sãñabeati mɥ?” ĩre yigumi. To ĩ yiboajaquēne, ĩre cɥdibecumi. ¹³ To ĩ bajijare, bare jeorimasare ado bajiro ĩnare yigumi ɥɥ. “Ī gũbori, ĩ

āmōrire quēne siacōari, rētiaroju ĩre rocacōañā. Toju ñacōari, buto rojose tāmōogū ñari, guji pōguē, oti, yirucumi”, ĩnare yigumi ujū, bare jeorimasare. ¹⁴ To bajiro bajiruaroja, “Yū yarā ñaña mūa” Ūju Dios ĩ yiroti quēne. Jājarā masare, “Yū yarā ñaña mūa” Dios ĩ yire ti ñaboajaquēne, sigūrīne ñarāma ĩ rāca ñarona —ĩnare yicami Jesús.

“Ūjarā gājoa manire ĩna vaja yirotijama, ĩnare ĩsiroti ñaja”, Jesús ĩ yigotire queti
(Mr 12.13-17; Lc 20.20-26)

¹⁵ To ĩ yisere ajicōari, fariseo masa ĩ tū ñaboarā cāmōtadicoacama ĩna, gāmerā ñagōroana. “Ado bajiro yirāsa”, yiruyuyuma:

—Ado bajiro mani sēniĳajama, cūdimasibeticōari rojose tāmōogucumi — yitūoĳaboayuma.

¹⁶ To bajiro yitūoĳarā ñari, ĩna rācanare, to yicōari, “Ūju ñamasugū ñarucumi Herodes” yirūgūrīarāre quēne, Jesús tū ĩnare cōañujarā ĩna, “Īre sēniĳaaya mūa” yirā. To ĩna yicōariarā ado bajiro Jesūre sēniĳacama ĩna:

—Ajiya gotimasiorimasū. “Riojo gotigū ñaami”, mure yimasĳaja yūa. “Ado bajiro mani yisere bojagumi Dios” yigotimasioigū ñari, riojo yūare gotimasioaja mū. “Ado bajiro yū gotimasiojama, yūre ajijūnisiniruarāma” yitūoĳabecūne, riojo gotigū ñaja mū. “Ānoama, ñamasurā ĩna ñajare, ricati ĩna ajijūnisinibetire ĩnare gotimasiorucūja”, yitūoĳabecū ñaja mū. Masa ñajedirore yūare riojo gotigū ñaja mū. ¹⁷ To bajiro yigū mū ñajare, mū tūoĳasere ajirūaja yūa. ĳRoma macagu ujū, Cēsar, gājoa manire ĩ vaja yirotisere mani vaja yijama, quēnacōarōjari? ĳDios ĩ rotimasirere cūdimena yirājarique mani, ĩre mani vaja yijama? —Jesūre yisēniĳaboacama ĩna.

¹⁸ Jesūjūama, “Rojose yūre yiruarā, to bajise yūre sēniĳatoama ĩna”, yimasicōacami. To bajiri ado bajiro ĩnare cūdicami:

—“Quēnarā ñaja yūa” yiboarine, mūa yirore bajiro yirā me ñaja mūa. ĳNo yirā, “Rojose ĩre yirāsa” yirā, to bajise yūre sēniĳatoati mūa? —ĩnare yicami Jesús. ¹⁹ —Roma macagu ujūre gājoatii, ĩre vaja yirotitiiire, cojotii yūre ĳoña —ĩnare yicami Jesús.

To ĩ yijare, āmiadi, ĩre ĳocama ĩna. ²⁰ Gājoatiire ĳacōari, ado bajiro ĩnare sēniĳacami Jesús:

—ĳĳimū rioga tuyati? ĳĳimū vāme tuyati? —ĩnare yicami Jesús.

²¹ To ĩ yirone,

—Roma macagu Ūju Cēsar rioga tuyaja. To yicōari, ĩ vāme quēne ñaja ti —Jesūre yicūdicama ĩna.

To ĩna yijare, ado bajise yicami Jesús:

—To bajiri aditiire ĳacōari, “Cēsar yatii ñaja”, yimasĳaja mūa. To bajiri, gobierno ĩ vaja yirotijama, ĩnare vaja yiroti ñaja. To bajirone bajĳaja Diore quēne. Jediro Dios ĩ cōase ti ñajare, “Yūa cūose ti ñaboajaquēne, ti rāca mū bojarore bajiro yiruarāja”, Diore ĩre yiroti ñaja, manire. To yicōari, “No bojase moare yūa yise quēne, mū ujose rāca yūa yimasise ti ñajare, ti rāca mū bojarore bajiro yirūgūruarāja”, ĩre yiroti ñaja, mūare —ĩnare yicami Jesús.

²² To bajiro ĩ yisere ajicōari, no yimasibeticama ĩna, quēnaro gotigūre ajibetirūgūrīarā ñari. To bajiri jūaji tudisēniĳamenane, vacoacama yuja.

“ĳBajirearāma, tudicaticoanajari?”, Jesūre ĩna yisēniĳatore queti
(Mr 12.18-27; Lc 20.27-40)

²³ Tirūmūne saduceo masa quēne ejacama, Jesūre sēniĳatorā. “Masa ĩna rijato bero, ĩna ūsuri, ĩna rujuri ñaro cōrone quēna tudicatimenama” yirā ñacama saduceo masa. Ado bajiro ĩre sēniĳacama:

²⁴ —Ajiya gotimasiorimasū. Moisés ñamasir'i ado bajiro ĩ yiuacūmasire ti ñajare, mure sēniĳarā vabū yūa: “Sīgū, manajo cutiboa, rĳa magūne ĩ bajirocĳajama, ĩ gagū manajo ñariore manajo cutirucumi ĩ bedijūa. To bajiri ĩ rāca ñacōari, so macū cutĳajama, ĩ gagū macū ñarucumi”, yimasĳiñuju Moisés. ²⁵ Yūa rācana, sīgū rĳa, cojomo cōro jūa jēnituarĳrācū ūmūa ñaboacama. Sīgōrene manajo cutĳaboacama ĩna. Ūsūogū sore manajo

cūtisuoacami. Rīa magūne rijacoacami ī. Ī rijato bero, gāji ī bedi vasoaboacami. Ī quēne rīa magūne rijacoacami. ²⁶ Ī bederā quēne, to bajirone sore manajo cūtiboacama. Rīa manane, rijajedicoacama īna quēne. ²⁷ So manajua īna rijajediro bero, so quēne rijacoacamo yuja. ²⁸ To bajiri bajireacōari, quēna īna tudicatijama, ġñimujua ñaguīda so manajū masu ñarocuma, īna ñaro cōrone sore īna manajo cūticato bero? —Jesúre yisēniātocama īna.

²⁹ To īna yirone, ado bajiro cūdicami Jesús:

—Dios oca masa īna ucamasire ajimasimena ñaja m̄ua. Dios ī masisere quēne masirā me ñaja. To bajirā ñari, Moisés ī ucamasirere t̄uoīacōari, “Riojo me gotiro yaja”, yit̄uoīaboaja m̄ua. ³⁰ Ado bajirojua bajiaja: Bajireariarā, īna tudicatiro bero, manajo cūtire, manajū cūtire quēne maniruarōja. Ángel mesare bajiro bajirā ñaruarāma īna. ³¹ ġ“Masa īna bajirearo bero, īna usuri caticōaroja”, yirere ĭabeticatique m̄ua? Dios ī masune ī gotirere ĩre gotirētobosarimasu ado bajise ucamasīñumi: ³² “M̄ua ñicua ñamasiriarā Abraham, Isaac, Jacob, īna r̄ucubuo vadimasicacune ñaja yu”, yigotimasīñumi Dios. Masa bajireariarā īna usuri ti caticōa ñabetijama, to bajise yibetimasiborimi. Bajireariarā, quēna tudicatirājua īna r̄ucubuoḡu ñagūmi. “Īna usuri ti caticōa ñajare, bajireariarā ñaboarine, Diore r̄ucubuoḡa ñarāma”, yire ñaja —īnare yicami Jesús.

³³ To bajiro ī yisere ajicōari, no yimasibeticama īna, quēnaro gotigare ajibetirūḡūriarā ñari.

Dios ī rotimasire ñamasuri vāmere Jesús ī gotire queti

(Mr 12.28-34)

³⁴ Saduceo masare Jesús quēnaro īnare ī cūdisē ñajare, gajeye ĩre īna sēniātomasibetirere ajiyujarā fariseo masa. Tire ajicōari, rējañujarā īna. ³⁵ Tijū bero, sīgū īna rācagū, Dios ī rotimasire gotimasiorimasu, Jesúre sēniāḡū ejacami. “Ado bajiro josasere yu sēniāajama, cūdimasibeticōari rojose tām̄uorucumi” yigū, ado bajise ĩre sēniāacami:

³⁶ —Gotimasiorimasu, ġdisejua ñati ñamasuse masu Dios ī rotimasire, m̄u ĭajama? —ĩre yisēniāacami.

³⁷ To bajiro ī yisere ajicōari, ado bajiro cūdicami Jesús:

—Mani ujure, Diore b̄uto mairōti ñaja. No bojagure mani mairo rētoro, no bojase mani cūose, to yicōari, mani bojat̄uoīase rētoro Diore mairōti ñaja. ³⁸ Ti ñaja ñas̄uose, ñamasuse Dios ī rotimasire. ³⁹ To yicōari, gajeye tire bajibusasene ado bajiro yaja: “M̄u masu rujure m̄u mairōre bajirone m̄u t̄uanare maiña”, yigotiaja Dios ī rotimasire. ⁴⁰ To bajiri jua vāmene ñaja ñamasuse masu Dios ī rotimasire. Tire m̄u cūdijama, Moisés ñamasir'i ī rotimasire, to yicōari, Diore gotirētobosarimasa īna gotimasiasirere quēne cūdiḡeocōḡū yigujā m̄u —ĩre yicami Jesús.

“*Rotim̄uorūḡōrucumi*’ yigū, Dios ī cōarocū, ġñimū ñarucumi, yit̄uoīati m̄ua?”, Jesús ī yisēniāare queti

(Mr 12.35-37; Lc 20.41-44)

⁴¹⁻⁴² Fariseo masa yua t̄u īna rējaro, ado bajiro īnare sēniāacami Jesús:

—“*Rotim̄uorūḡōrucumi*” yigū, Dios ī cōarocū, ġñimū ñarucumi yit̄uoīati m̄ua? —īnare yicami Jesús.

—“Ujū David ñamasir'i jānamine ñarucumi” yaja —ĩre yicūdicama īna.

⁴³ To īna yisere ajicōari, ado bajiro īnare yicami:

—To bajiro m̄ua yit̄uoīaboajaquēne, Ujū David ñamasir'i, “*Rotim̄uorūḡōrucumi*” yigū, Dios ī cūrocure t̄uoīḡū, ġno yigū Diore yigure bajiro, “yu ujū” yimasīñujari ĩ? Esp'iritu Santo ī ejarēmose rāca ado bajiro ucamasīñumi:

⁴⁴ “Yu ujure ado bajiro yirucumi Dios: ‘Yu riojojacatua rujija maji. Mure ĭaterāre, “Rojose yit̄ujaya” īnare yu yiro bero, rojose yimasibetiruarāma. To cōrone rotis̄uorucūja m̄u’ yirucumi Dios, yu ujure”, yiuucamasīñumi David.

⁴⁵ To bajiri, “‘Rotim̄or̄ūḡōr̄uc̄umi’ yiḡu, Dios ī cōaroc̄u, David ñamasir'i jānami ñar̄uc̄umi” yucamasire ti ñaboajaquēne, ĩno yiḡu ī ʉj̄ure bajiro bajiḡutique? —ñare yicami Jesús.

⁴⁶ To bajiro ñare ī gotisere ajicōari, sīgū ĩre c̄uđimasigū manicami. “Mani r̄etro masigū ñaami” yit̄uoĩacōari, “‘Ānoama masimena ñaama’ yiro mi” yirā, ĩre s̄eniĩa t̄ujacōacama ĩna yuja.

23

“Rojose t̄am̄or̄uar̄aja m̄ua”, fariseo masare Jesús ī yire queti

(Mr 12.38-40; Lc 11.37-54; 20.45-47)

¹ To ī yiro bero, masare, yua ī buerāre quēne, ado bajiro yuare yicami Jesús:

² —Dios ī rotimasire gotimasiorimasa, fariseo masa quēne, Moisére Dios ī roticūmasirere buer̄etobucōari, “Ado bajiro yiro ti ñaja manire”, yigotimasiorā ñaama. ³ To bajiri tire ĩna gotimasiosere quēnaro ajitir̄un̄ña m̄ua. To bajiboarine, ĩna yirore bajiro yimena ĩna ñajare, ĩna yirore bajiro yibesa. ⁴ Dios ī rotimasirere buer̄etobucōari, ī rotimasire r̄etobusaro yiro tiama ĩna. “Cojo vāme me mani rotise ñajare, c̄uđijeomasimenama ĩna” yimasirā ñaboarine, ĩnare ĩamaimenane, “Ñajediro yua gotir̄etobuse riojo ñaja”, masare ĩnare yicōa ñar̄ūḡūama. ⁵ Jediro ĩna yisere, “Quēnaro yirā ñaama” masa ĩna yīar̄ūc̄ub̄osere bojarā yama. ĩna r̄iovecari siature, ĩna ricari d̄reature quēne Dios ocasāñarijataroriaca jacabusarijatarori c̄uoama ĩna, “Gājerā manire ĩacōari, quēnaro r̄ūc̄ub̄oato ĩna” yirā. To yicōari sudiro gaja seayore, jacabusase seayore c̄utiaseri s̄añaama ĩna. “Quēnaro yirā ñaama ĩna” masa ĩna yīar̄ūc̄ub̄osere bojarā yama. ⁶ Boser̄um̄ri ñaro ĩna barujijama, ñamasuri c̄um̄rorire rujvariquēnar̄ūḡūama ĩna. Dios ocare buer̄iavirijare quēne ñamasuri c̄um̄rorire rujvariquēnar̄ūḡūama. ⁷ To yicōari, jājarā masa ĩna r̄ejar̄ūḡūrijaure ejar̄ūḡūama. Masare ĩna bocajama, r̄ūc̄ub̄ose rāca ĩnare ĩna s̄enisere bojar̄ūḡūama. To yicōari, “gotimasiorimas̄u” masa ĩna yijama, ajivariquēnar̄ūḡūama.

⁸ M̄uarema, ĩna yirore bajiro m̄ua yibetijare, quēnar̄uaroja. “Gotimasiorimas̄u” m̄ua rācana m̄uare ĩna yisere bojabetir̄uar̄aja m̄ua. Sīgūne ñaja yu, m̄ua jedirore gotimasiorimas̄uma. M̄uama, cojoro cōrone ñarā ñaja m̄ua, yure ajitir̄un̄rāma. To bajiri gotimasiorimas̄u gāmerā yimasimenaja m̄ua. ⁹ Ō vecajure ñagū sīgūne ñaami mani jac̄u, Dios vāme c̄utiḡu. To bajiri adi sitaḡure, gājire yure ajitir̄un̄ḡure, Diore m̄ua yir̄ūc̄ub̄orore bajiro yirā, “yua jac̄u” ĩre yibeja m̄ua. ¹⁰ “Yua ʉj̄u ñaja m̄u” gājerā m̄uare ĩna yir̄ūc̄ub̄osere ĩnare yiro ti beja. “Rotim̄or̄ūḡōr̄uc̄uja m̄u” yiḡu, Dios ī cōacac̄u, yu sīgūne ñaja m̄ua ʉj̄uma. ¹¹ Sīgū yure ajitir̄un̄ḡū, ñamasugū ī ñar̄uajama, gājerā ĩna bojasere masicōari, quēnaro ĩnare yiejar̄emogū ñar̄uc̄umi. ¹² Quēnaro ĩnare ĩna yir̄ūc̄ub̄osere bojarāre, “Ñamasurā me ñato”, ĩnare yir̄uc̄umi Dios. No bojagu, “Ñamasugū me ñaja yu” yicōari, quēnaro gājerāre yir̄emoḡūj̄uare, “Ñamasugū ñato”, ĩre yir̄uc̄umi Dios —yuare yicami Jesús.

¹³ Fariseo masare, Dios ī rotimasire gotimasiorimasare quēne yiḡu, ado bajiro goticami Jesús:

—B̄uto rojose t̄am̄or̄uar̄aja m̄ua. “Quēnaro yirā ñaja yua” yiboarine, rojorā ñaja m̄ua. Dios ī rotimasirere buer̄etobucōari, ñamasuse mejuare ajitir̄un̄cōari, gotimasioadicaju m̄ua. To bajiro m̄ua yijama, “ʉj̄u Dios yarā quēnaro ī yirā ñabeticōato mani” yirāre bajiro yīñaja m̄ua. To yicōari, “Gājerā, ʉj̄u Dios yarā quēnaro ī yirā ñabeticōato ĩna” yirā yaja m̄ua. Dios yarā ĩna ñar̄uaboajaquēne, ĩnare matarā yaja m̄ua. To bajiri m̄ua quēne ī yarā ñabetir̄uar̄aja m̄ua —ñare yicami Jesús.

¹⁴ —B̄uto rojose t̄am̄or̄uar̄aja m̄ua, fariseo masa, Dios ī rotimasire gotimasiorimasa quēne. “Quēnaro yirā ñaja yua”, yit̄uoĩaboaja m̄ua. Manaj̄ua rijaveoriarā ya virire ĩmarā ñaboarine, masa ĩna ĩaro r̄ijoroj̄ua, “‘Quēnaro yirā ñaama’ yīato” yirā, “Yoaro Diore s̄enirā yaja”, yisocar̄ūḡūboaja m̄ua. To bajiro m̄ua yise vaja, gājerā rojorā, rojose ĩna t̄am̄ose r̄etro rojose t̄am̄or̄uar̄aja m̄ua —ñare yicami Jesús.

¹⁵ —Buto rojose tãmuoruarãja mua. “Quẽnaro yirã ñaja yua” yiboarine, mua yirore bajiro yirã me ñaja mua. “Manire bajiro gãji ĩ tuoĩajama, quẽnaja” yituoĩacõari, masare buto gotimasioducdiaja mua. Sīgũ, “Yũare bajiro tuoĩato” mua yigure, “Mani ajitirũnũro rẽtoro mani yere ajitirũnũato ĩ” yirã yaja mua. To bajiro mua yijama, “Buto busa rojose tuoĩato” yirã yaja mua. To bajiri, mua rẽtobusaro Dios ĩ bojabetire yicõari, “Rojose tãmuotũjabetiriaroju varucumi ĩ quẽne”, yirã yaja mua —ĩnare yicami Jesús.

¹⁶⁻²² Quẽna ado bajiro ĩnare goticami Jesús, fariseo masare, Dios ĩ rotimasirere gotimasiorimasare quẽne:

—Buto rojose tãmuoruarãja mua. ĩamena, gãjerã ĩamenare tũa vanare bajiro bajirã ñaja mua. No bojase mua yirore mua yiruajama, “Yimasucõaruarãja yua. Tire yua yibetijama, Dios, rojose yũare yibogumi” yirã, yirere ado bajiro gãjerãre gotimasiorũgũboaja mua: “Cojojirema mani gotirore bajiro yiruamena ñari, ado bajiroju mani gotijama, quẽnacõaroja”, yirũgũboaja mua: “Mani gotirũgũrore bajiro yirã ñaboarine, Dios vãmere mani gotivasoajama, mani gotirore bajiro mani yibetiboajaquẽne, rojose manire yibecumi Dios”, yirũgũboaja mua. To yicõari, ado bajiro gotimasiorẽmoaja: “Dios vãmere gotiterã, Diore yirũcũbuoriavi vãmere rãca mani yijama, quẽnacõaroja. To bajiro yiterã, Diore yirũcũbuorã soemũoriajau vãmere rãca mani yijama, quẽnacõaroja. Tire mani yitejama, õ vecaju mũmagaseroju Dios ĩ ñaro vãmere rãca mani yijama, quẽnacõaroja. To bajiboarine, Diore yirũcũbuoriaviye oro vãmere cutise rãca, to yicõari, gaje vãmere Diore rũcũbuorã soemũoriajau joere jesase vãmere rãca mani yijama, mani gotirore bajirone yiroti ñaja”, yiboaja mua. Tuoĩamasimena, ĩamenare bajiro bajirã ñaja mua. Ñajediro Dios ye ti ñajare, ĩ vãmere gotirã yaja mua —ĩnare yicami Jesús.

²³ —Buto rojose tãmuoruarãja mua. “Quẽnaro yirã ñaja yua” yiboarine, rojorã ñaja mua. Dios ĩ rotimasirere buerẽtobucõari, ñamasuse mejuare ajitirũnũrãja mua. To bajiro yirã ñari, bare sãvũore, an'is, menta, comino vãmere cutire mojoroaca ti vaja cutiboajaquẽne, Diore yirũcũbuoriavi moabosarimasare ĩsiaja mua. To bajiro yirã ñaboarine, Dios ĩ rotimasire ñamasusejuarema ajitirũnũmena ñaja mua. Ado bajiro bajiaja ñamasuse: Quẽnaro riojo yire, gãjerãre ĩamaire, to yicõari, Diore maire quẽne ñaja ñamasuse. Tire quẽne yirũgũrona ñaja mua. ²⁴ To bajiro yirã ñari, ado bajiro yirãre bajiro yaja mua: “Beco rãca idirobe” yirã, oco mua idirore veorũgũaja mua. To bajiro yirã ñaboarine, camello vãmere cutigũjuarema jaigu ĩ ñaboajaquẽne, rujũne bayurãre bajiro yirũgũaja mua. To bajiri, ĩamena, gãjerã ĩamenare tũa vanare bajiro bajirã ñaja mua. Dios ĩ rotimasire ñamasuse mere ajirũcũbuorã ñaboarine, ñamasusejuare yimena ñaja mua —ĩnare yicami Jesús.

²⁵ —Buto rojose tãmuoruarãja mua. “Quẽnaro yirã ñaja yua” yituoĩaboarine, rojorã ñaja mua. Idiriabaja, bare jeobariabaja joema coeriabajari ñaboarine, jubeajuama buto ueri cutibajarire bajiro bajiaja mua. Mua usuri bajisejuarema tuoĩabeaja mua. To bajirã ñari, “Quẽnaro yirã ñaja yua” yituoĩaboarine, rojosere quẽne tuoĩarã ñari, rojorã ñaja mua. ĩaũorã ñari, “Ĩnare yitocõari, ĩna cũboasere emaruarãja”, yituoĩarã ñaja mua. ²⁶ “Rojorã ñaja mani” yimasimena ñari, ĩamenare bajiro bajirã ñaja mua, fariseo masa. Rojosere tuoĩatũjaya. To bajiro mua yijama, Dios ĩ bojarore bajiro tuoĩarã ñari, quẽnaro yirã ñaruarãja mua.

²⁷ Buto rojose tãmuoruarãja mua fariseo masa, Dios ĩ rotimasire gotimasiorimasa quẽne. “Quẽnaro yirã ñaja yua” yiboarine, mua yirore bajiro yirã me ñaja mua. Masa yujeriviri botisene viariavirire bajiro bajiaja mua. Masa ĩna ĩaquẽnariviri ñaboarine, jubeajuama rijariarã gõa quẽnabetoja. ²⁸ To bajiro bajirã ñaja mua. “Quẽnaro yirã ñaama” masa ĩna yĩarã ñaboarine, mua tuoĩare cutisema rojorã ñaja. “Quẽnaro yirã ñaama” masa mũare ĩna yĩasere bojatuoĩarã ñaboarine, rojose ñaro cõro tuoĩarã ñaja mua —ĩnare yicami Jesús.

²⁹ Quẽna ado bajiro ĩnare gotirũtuacami Jesús:

—Buto rojose tãmuoruarãja mua. “Quẽnaro yirã ñaja yua” yiboarine, mua yirore bajiro yirã me ñaja mua. Diore gotirẽtobosamasiriarãre ĩna yujemasirijau joere quẽnariju

quēnoaja m̄ua, “Quēnarā ñamasiñuma” yirā. To yicōari, gājerā quēnaro yiriarāre quēne ña yujerajū joere quēnase quēnorūgūaja m̄ua. ³⁰ To yicōari, ado bajiro yirūgūaja m̄ua: “Mani ñicua, Diore gotirētosarimasare ña s̄iarearo, ñnare s̄ia ejarēmobetiboriarāja mani”, yirūgūaja m̄ua. ³¹ To bajiro m̄ua yijama, “Quēnarā ñañuma” yirā me yaja m̄ua. Ado bajirojūa yirā yaja: “Diore gotirētosamasiriarāre mani ñicua ña s̄iamasire quēnañuja ti” yirā yaja m̄ua, m̄ua ñicua rojose ña yiriarore bajiro rojose yirā ñari. ³² M̄ua ñicua Diore gotirētosarimasare ña s̄iasuovadimasiriarore bajirone m̄ua quēne ña jānerabatia ñari, Diore gotirētosarimasare s̄iajeocōaroti ñaja —ñnare yicami Jesús.

³³ —Vātia űjū rojose ī yirore bajirone rojose yijairā ñaja m̄ua. Rojose tām̄otūjabetirarojū m̄ua varotire, no bajiro rudimasibetiruarāja. ³⁴ M̄ua jud'io masa vatoajū Diore gotirētosarāre, quēnaro tūoīarāre quēne, Dios ocare gotimasiorāre quēne cōarucūja yū. ñnare s̄iaruarāja m̄ua. Gājerārema yucūtēroju jajusiaruarāja. Gājerārema, Dios ocare ña buerivirijū ñnare jaruarāja. Gājerārema, ña vati macari ñaro cōrone rojose ñnare yisuaruarāja. ³⁵ To bajiro m̄ua yiroti ti ñajare, ado bajiro yirucūmi Dios, m̄ua ñicuarē, m̄ua yarā jedirore yūre ajitirūnūmenare: Abel ñamasir'ire m̄ua ñicu ī s̄iasuomasire, to yicōari Diore yirūcūbūoriavi jubeajū ñarijū soemūoriajū tūjū Berequ'ias macure Zacar'iare ña s̄iatūsamasirere, quēnaro yirāre ña s̄iavadimasire ñajare, buto rojose tām̄oruarāja m̄ua, adirūmūri ñarā. ³⁶ Riojo m̄uare gotiaja yū. M̄ua ñicua ña bajimasiriarore bajirone Diore m̄ua ajitirūnūbeticōa ñajare, ña s̄iamasire vaja rojose ñnare ī yiroti rētosararo rojose m̄uare yirucūmi Dios, adirūmūri ñarāre —ñnare yicami Jesús.

Jerusalén macanare ña bajirore Jesús ī tūoīasūtiritire queti
(Lc 13.34-35)

³⁷ Jerusalén macanare ñre ña s̄iarocarō bero ña bajirore tūoīacōari, ado bajiro yicami Jesús:

—Jerusalén macana, Diore gotirētosamasiriarāre s̄iamasiriarā jānerabatia ñacōama ña. Dios ī cōamasiriarāre, ī ocare gotimasiorimasare gūtane ñnare reas̄iamasiriarā jānerabatia ñaama. Cojōi me gājaboco so querūjū ēñeroca so r̄iare so juarēorore bajiro ñnare yirūaboacajū yū, ñnare coderū. To bajiro yū yirūaboajaquēne, ñnaja yūre bojabeticama. ³⁸ To bajiri jēre, “ñnare ñarijūre codetūjacōaja yū yuja”, yitūoīami Dios. ³⁹ Riojo gotiaja yū: “¡Rotimūorūgōrūcūmi! yigū, Dios ī cōar'i vadiami! ¡Quēnase ñre yivariquēnato mani! ¡Diore rotibosagū ī ñajare, ñre quēnaro yato Dios!” yūre ña yiroto r̄ijoro, quēna jūajū yūre īabetiruarāma ña —ñnare yitūoīa ñagōcami Jesús, Jerusalén macanare.

24

“Diore yirūcūbūoriavire jud'io masa me ñarā caguerocacōaruarāma”, Jesús ī yire queti
(Mr 13.1-2; Lc 21.5-6)

¹ Diore yirūcūbūoriavijū ñacōari, budiacami Jesús. ñre ēmūcōari, ado bajiro ñre yicajū yūa:

—Adi vire ñañā m̄u —ñre yicajū yūa.

² To bajiro yūa yirone, ado bajiro yūare yicami Jesús:

—¿Adi vire quēnaro ñati m̄ua? M̄ua ñarivi ti bajirore riojo m̄uare gotiguagu yaja yū. Adi vi m̄ua ñarivi ñaro cōrone cagueroca ecorūaroja. To bajiri adi viaye gajea gūta joere, gajea jesabeticōarūaroja —yūare yicami Jesús.

“Macarūcuro ti jediroto r̄ijoro ado bajiro bajirūaroja”, Jesús ī yire queti
(Mr 13.3-23; Lc 21.7-24; 17.22-24)

³ Tijū bero, Olivo vāme cūti buro joejū rujicami Jesús. To ī rujirone, gājerā ña mano ñacōari, ado bajiro ñre sēniīacajū yūa:

—¿Divato cagueroca ecoroti Diore yirūcūbūoriavi? ¿No bajiro ti bajisere ñacōari, “Jesús ejaagu yigūmi”, yimasirāti yūa? ¿No bajiro ti bajiro ñacōari, “Adi macarūcuro jediato yaja”, yimasirāti yūa? —Jesúre yisēniīacajū yūa.

⁴ To bajiro yua yisere ajicōari, ado bajiro yuare cudicami Jesús:

—Roori ñaruarāja mua, “Socarāne, gājerā manire yitoroma” yirā. ⁵ Jājarā yitorā ñaruarāma, “Yune ñaja ‘Rotimorūgōrūcūmi’ yigu, Dios ī cōagū” yirā. To bajiro ña yisocasere jājarā masa ñnare ajisuyaboaruarāma. ⁶ Mua tuana, to yicōari, gajeroana quēne gājerā rāca ñna gāmerā siasere ajiruarāja mua. Tire ajicōari, güibetiruarāja mua. “Bajiruarōja” Dios ī yiriarore bajirone bajiruarōja. To bajiro ñna gāmerā yīñaboajaquēne, adi macarūcuro jediro me bajiruarōja. ⁷ Cojo sitana gaje sitana rāca gāmerā sīaruarāma. Cojo maca me ñioñaruarōja. To yicōari buto sita saberuarōja. ⁸ To bajiri, rojose tāmūosoruarāma masa. Ñna tāmūose rētohusaro rojose tāmūoroana yirāma yuja.

⁹ Tirodori, gājerā, mūare ñejecōari, isirearuarāma, gājerāre, “‘Rojorā ñaama’ yīñacōari, rojose ñnare yato” yirā. To bajiri, gājerājuā, rojose mūare yigajanocōari, mūare sīaruarāma. Yuare ajitirūnūrā mua ñajare, mūare iateruarāma adi macarūcuroana jediro. ¹⁰ To bajicōari, jājarā yure ajitirūnūrā, ajitirūnu tujaruarāma ñna. To yicōari, yure ajitirūnūrā, sīgūri, gāmerā iateruarāma. Gājerā, ñna rācanare iatecōari, isirearuarāma ñna. ¹¹ “Diore gotirētohosarimasa ñaja yua” yitorā, jājarā ñaruarāma. To bajiro ñna yisocasere jājarā masa ñnare ajisuyaboaruarāma. ¹² Butobusa rojose rīne yirūtu vare ti ñajare, gāmerā maire quēne manibusacoaruarōja. ¹³ To bajiro ti bajiboajaquēne yure ajitirūnu tujamenare, adi macarūcuro ti jediroju, rojose tāmūotujabetiriarōju ñna vaborotire ñnare yirētohosarūcūmi Dios. ¹⁴ “Uju Dios yarā quēnaro ī yirona mua ñarūajama, Jesúre ajitirūnūña” yire queti, adi macarūcuro ñarā masa ñaro cōrone gotimasiojeo ecoruarāma. Ñna masijedicōaro beroju adi macarūcuro jediruarōja.

¹⁵ Diore gotirētohosarimasu Daniel ñamasir'i ado bajiro ucamasīñumi: “Adi macarūcuro jedirirodo sīgū, ‘Diore rūcūbūobeticōato ñna’ yigu, Dios ī bojabetire yirūcūmi. Diore yirūcūbūoriavijū ī ñasere masiruarāja mua”, yīucamasīñumi Daniel ñamasir'i. (Yu, Mateo, adi papera Daniel ī ucamasirere Jesús ī gotisere yu ucasere iacōari, ajimasīña.) To bajiri Dios ī bojabetire ī yisere iacōari, “Jerusalén maca ti jedirotirūmū cōñaro bajaiaja”, yimasiruarāja mua. ¹⁶ To bajiro bajirirūmū Judea sitana gūtayucuju guaro rudicoajaro ñna. ¹⁷ Sīgū ī ya vi joeju jesagūma, rujiacōari, ī ya vi jubeaju gajeyeūni ñasere juaátīmabetirūcūmi. ¹⁸ Gāji, veseju moañagū, ī ye sudire juagu tudiatīmabetirūcūmi, rujarīmarone yu ejaroti ti ñajare. ¹⁹ Rōmia macu sāñarā, ūjurā suorā quēne, rojose tāmūoruarāma ñna, ūmatīmabetica yirā. ²⁰ “Buto oco quedirirūmūre, to yicōari, usūsājarīarūmūre bajibeticōato” yirā, Diore sēnicōa ñarūgūña. ²¹ To bajiro bajirirūmūri buto rojose tāmūoruarāma masa. Adi macarūcuro ñasūoriarūmūri masa rojose ñna tāmūoadire rētoro tāmūoruarāma ñna. Rojose ñna tāmūoro bero, to bajise rojose tāmūobetiruarāma yuja. ²² “Yoaro mebusane rojose tāmūoato masa” Dios ī yibetijama, sīgū catirūyarocū manibogūmi. “Yu yarā ñaña mua” ī yirere cudiriarāre īamaigū ñari, “Yoaro mebusane rojose tāmūoato ñna”, yirūcūmi Dios.

²³ To bajiro bajīñarīrodorire, “Ānine ñaami ‘Rotimorūgōrūcūmi’ yigu, Dios ī cōar'i. Ejayumi” gājerā ñna yijama, ñnare ajibeja mua. To yicōari, gājerājuāma, “Tone ñagūmi. Ejayuju” mūare ñna yijaquēne, ñnare ajibeja mua. ²⁴ Jājarā yitorā ñaruarāma, “Yune ñaja ‘Rotimorūgōrūcūmi’ yigu, Dios ī cōagū” yirā, to yicōari, “Diore gotirētohosarimasa ñaja yua” yirā. To bajiro yirā, īaīañamani jairo yīoruarāma, masare yitorā. To bajiro yiruarāma, “‘Yu yarā ñaña mua’ Dios ī yirere cudirā quēne, manijūare ajitirūnūato” yirā. ²⁵ Tire mūare yu gotimasiosere quēnaro tūoīaña mua. Ti bajiroto rījoro jediro mūare gotijeobu yu. ²⁶ To bajiri, “Yucū manoju ñagūmi, ‘Rotimorūgōrūcūmi’ yigu, Dios ī cōar'i” mūare ñna yijama, ñarā vabetiruarāja mua. To yicōari, “Vi jubeaju yayioroju ñagūmi, ‘Rotimorūgōrūcūja mu’ yigu, Dios ī cōar'i” ñna yijama, ñnare ajitirūnūbetiruarāja mua. ²⁷ Macarūcuro jediro bujo ī yabesere masa ñna ñarore bajiro Dios ī roticōacacu, yu vadore yure ñare ñaruarōja. ²⁸ Rijar'i, ī boacūñarorema, yuca ejarāma ñna —yuare yicami Jesús. ī

ī 24:28 “Yuca ejarāma, masu boagu ī ñarore” ī yijama, “Rojose yirāma, no bojarone ñacōarāma” yigu yiyuju Jesús.

“Dios ĩ roticōacacu tudiejarucuja yu”, Jesús ĩ yire queti
(Mr 13.24-37; Lc 21.25-33; 17.26-30, 34-36)

²⁹ To yicōari, quēna ado bajiro yuare yicami Jesús:

—Tire rojose ĩna tāmno gajanorijaune, gaje vāme rojose bajiruaroja. Muiju ĩmuaḡu asibetirucami yuja. Namiagu quēne busubetirucami. Noco quēne vējacoararāma. To yicōari, ō vecayere nuḡobatorucami Dios. ³⁰ To bajiro ti bajiro ĩacōari, “Ō vecagu Dios ĩ roticōagū rujiadiguagu yigumi”, yuare yiruārāma masa. Yu rujiadire ĩacōari, gūirā, otiruārāma. Yu masise rāca, oco bueri vatoaju buto yu busubatorujiadire ĩaruārāma. ³¹ Ō vecaju trompeta jutise ocaruyuruaroja. To cōrone, “ ‘Yu yarā ĩaĩa’ Dios ĩ yirere cūdiriarāre judoaga soje, jūnaga soje, varuaga soje, gajejacatua varuaga soje ĩarā jedirore juarēoato” yigu, ángel mesare cōarucuja yu. To yu yijare, yu yarā ĩaro cōrone juarēoruārāma ĩna —yuare yicami Jesús.

³² To yicōari, quēna ado bajiro yuare goticami Jesús:

—Gotimasiore queti muare gotigu yaja yu. Higuera vāme cutiure tuoĩaĩa mu. Higuera vāme cutiu gajecu bucuamujacōari, jū mameaja. Tire ĩacōari, “Mojoroaca ruajaja cūma ti ejaroti”, yimasijaja mani, jud'io masa. ³³ Muare yu gotisere bajiro bajisere ĩacōari, “Mojoroaca ruajaja Jesús ĩ vadiroti”, yimasiruārāja mu. ³⁴ Riojo muare gotiaja yu. Adirodo ĩarā mu bajireajediroto rĳoro, muare yu gotirore bajirone bajiruaroja ti. ³⁵ Adi macarucuro ĩaro cōrone, to yicōari, ō vecaye quēne jedicoaruaroja. To bajiboarine, yu ocamu, jedibeti muorūḡōcōaruaroja.

³⁶ “Ado cōrone ejarucami Jesús” yimasigū magūmi. Ángel mesa quēne, masimenama ĩna. Dios macu ĩaboarine, “To cōro ejarucuja yu”, yimasibeaja yu quēne. Yu jacu sigūne masigūmi —yuare yicami Jesús.

³⁷ Quēna ado bajiro yuare gotirēmocami Jesús:

—Noé ĩamasir'i ĩ ĩariarodo masa ĩna bajiĩamasiriarore bajiro bajiĩaruārāma, Dios ĩ roticōacacu, yu tudiejarirūmure quēne. ³⁸ Adi macarucuro ti rujaroto rĳoro, bare ba, idi, manajo cuti, yicōa ĩamasirūjarā ĩna. Diore tuoĩari mene, “¿To bajiroado yatique?” yimenane, jairica cūmua quēnogajanocōari, Noé ĩ vasājaro ũnone to bajiro yicōa ĩamasirūjarā ĩna. ³⁹ “To bajiroado yiroja” ĩna yimasibetone, ĩnare ruureacōamasirūju Dios. To bajirone bajiruārāma masa, yu tudiejarirūmure quēne. ⁴⁰ Yu ejarirūmu juarā ũmu ĩna veseju moaĩaruārāma. To ĩna yĩnarone, sigū āmiecorucami. Gājima, āmiecobetirucami. ⁴¹ Rōmia juarā trigore vāiaĩaruārāma. To bajiri, sigō āmiecorucocomo. Gajeoma, āmiecobetirucocomo.

⁴² To bajiro bajiro ti ĩajare, roori ĩaruārāja mu, “To cōrone tudiejarucami mani ĩju” yuare yimasimena ĩari. ⁴³ Sigū vi ĩju, “Adi ĩami juarudirimasu ejarucami” ĩ yimasijama, roori ĩabogūmi, ĩre mataru. ⁴⁴ To bajiri, “Dios ĩ roticōagū ĩ tudiejarotire mani masibetirūmarone tudiejaromi” yirā, roori ĩaruḡūruārāja mu —yuare yicami Jesús.

“Ado bajiro bajigūmi yu tudiejarotire roori ĩagūma”, Jesús ĩ yire queti
(Lc 12.41-48)

⁴⁵ Quēna ado bajiro yuare gotirēmocami Jesús:

—Ado bajiro bajirucami yuare quēnaro ajitirūnu tujabecu, quēnaro tuoĩagū: Uju, gajeroju ĩagucacu, ĩ varoto rĳoro, “Yu ya vianare yuare codebosaba” yigu, ĩre moabosarimasure ĩ cū var'ire bajiro bajigu ĩagūmi. ⁴⁶ ĩ ju, ĩ rotiviarore bajirone ĩ moayurere tudiejacōari, ĩ ĩaejajama, quēnaro ĩre yigūmi, ĩre moabosarimasure. ⁴⁷ Riojo muare gotiaja yu. Uju ĩ bojarore bajirone ĩ yire ti ĩajare, ĩ cuose jedirorene ĩre ĩatirūnu rotigūmi. ⁴⁸⁻⁴⁹ Ado bajiro bajirucami yuare quēnaro ajitirūnubecuma: Rojose yigu ĩ ĩajama, ĩju, ĩ vato bero, “Yoatoju tudiejagūmi” yituoĩagū ĩari, ĩ ju moabosarimasare rojose yigūmi. To yicōari, idimecurūḡūrāre baba cuticōari, ĩna rāca idirūḡūḡūmi ĩ quēne. ⁵⁰ To ĩ

Ĵ 24:34 Griego masa ye rāca “esta raza” yiroma, judío mesare yiro yaja. To bajicōari, “esta generación” ti yijama, adirodo ĩarāre yiro yaja.

yīnarone, ī ɲjɲ, tudiejagɲmi. ⁵¹ Tudiejacōari, ī rotiriarore bajiro ī yibetire ti ñajare, rojose ĩre yigɲmi. To bajiri “Quēnaro yirā ñaja yɲa” yiboarine, ĩna yirore bajiro yimena rojose ĩna tāmɲorore bajirone tāmɲogɲmi. Buto rojose tāmɲogɲ ñari, guji pōguē, oti, yigɲmi —yɲare yicami Jesús.

25

“Ado bajiro bajiruarāma Dios yarāma. To yicōari, ī yarā me ñarāma ado bajirojɲa bajiruarāma”, Jesús ī yire queti

¹ Quēna ado bajiro yɲare yicami Jesús:

—Ujɲ Dios yarā ñaronama, quēnaro ī yironama, to yicōari, ī yarā me ñaronajɲama, ado bajiro bajirāre bajiro bajiruarāma: Mamarā rōmiri jɲaāmocārāco ñarāma, mame manajo cūtirocure ĩre bocarā vana. To vana, ĩna sīabusuore juaānama. ² Cojomocārāco ñarāma quēnaro tɲoīarā. To yicōari, cojomocārāco quēnaro tɲoīamenena ñarāma. ³ Quēnaro tɲoīamenama ĩna sīabusuore juarā ñaboarine, ɲye ti jediro, ĩna jiovasoaborotire juaāmenama. ⁴ Quēnaro tɲoīarājɲama, “Ti jediro jiorāsa mani” yirā, juaānama. ⁵ Manajo cūtirocɲ ī ejatīmabetijare, yoaro yubɲsabo, cānicoanama. ⁶ ĩna cāniñarone, ñami gɲdareco cōñaro cōro ocaruyuroja yuja: “Manajo cūtirocɲ vadicoadiami yuja. ĩre bocarā vayá”, yi ocaruyuroja. ⁷ Tire ajicōari, ĩna sīabusuore sīarāma. ⁸ Cojomocārāco ñarā quēnaro tɲoīamenajɲa, ado bajiro yirāma quēnaro tɲoīarājɲare: “Yɲa sīabusuore ɲye jedicoajɲ ti. To bajiri mɲa ɲye mojoroaca yɲare ĩsiña”, yiboarāma ĩna. ⁹ To bajiro ĩna yiboajaquēne, ado bajiro cūdirāma quēnaro tɲoīarā: “Īsibeaja. Mɲa masune ɲye ĩsirimasa tɲjɲ vacōari, vaja yīaya. Mɲare yɲa ĩsijama, manire tījabetiboroja”, ĩnare yirāma. ¹⁰ To bajiro ĩna yisere ajicōari, ɲye vaja yirā vacoanama quēnaro tɲoīamenajɲa. ĩna vato bero, manajo cūtirocɲ ejagɲmi yuja. Quēnaro ñayuriarā rōmirima, ī ejarone, ī rāca sājacoanama ĩna, ī āmosiaro ĩarā. Sājacōari, sojere tucōagɲmi manajo cūtirocɲjɲa. ¹¹ Soje ī turiaro bero, ejaboarāma quēnaro tɲoīamenena. Sājamasimenama. To bajiri, manajo cūtirocure ado bajiro ĩre yiboarāma: “Yɲa ɲjɲ, soje jānaña maji”, ĩre yiboarāma. ¹² To ĩna yisere ajicōari, ado bajiro ĩnare cūdigɲmi manajo cūtirocɲ: “Riojo mɲare gotiaja yɲ. Yɲ yarā me ñaja mɲa. Mɲare masibeaja yɲ”, ĩnare yigɲmi manajo cūtirocɲ —yɲare yicami Jesús.

¹³ —To bajiri roori ñarūgūrɲarāja mɲa, “To cōrone tudiejarɲcɲmi” yɲre yimasimena ñari —yɲare yicami Jesús.

*Moabosarimasa ĩna bajirere Jesús ī gotimasiore queti
(Lc 19.11-27)*

¹⁴ Quēna ado bajiro yɲare yicami Jesús:

—Quēna yɲ tudiejaro, “Ñajediro ɲjɲ ñaja yɲ” yīocōari, yɲ yarā yɲre ajitirūnɲrā ĩna yisere masicōari, moabosarimasa ɲjɲ ado bajiro ī yiriarore bajiro bajiruaraja: Sīgū ñagɲmi gaje sitajɲ varocɲ. Ī varoto rījoro, ĩre moabosarimasare jirēogɲmi. ĩnare jirēocōari, ī ye gājoare ĩnare bategɲmi. “Yɲ manitoyejɲ adi gājoa rāca vaja yicōari, mɲa vaja yisere gājerāre ĩsirā, jaibɲsaro vaja sēnima, ‘Jaibɲsaro gājoa bɲjarāsa’ yirā”, ĩnare yigɲmi.

¹⁵ To bajiri, sīgūre cinco mil ñaritiiri gājoatiire ĩre ĩsigɲmi. Gājire, dos mil ñaritiiri ĩsigɲmi. To yicōari, gājirema, mil ñaritiiri ĩsigɲmi. ĩnare ĩsigajanocōari, vacoacɲmi. ¹⁶ Ujɲ ĩ vato bero, cinco mil ñaritiiri ĩsiecor'i, quēna cinco mil ñaritiiri bɲjarēmogɲmi. ¹⁷ Gāji dos mil ñaritiiri ĩsiecor'i, quēna dos mil ñaritiiri bɲjarēmogɲmi. ¹⁸ Gāji, mil ñaritiiri ĩsiecor'ima, ĩ ĩsiecoriaro cōrone yujecūcōagɲmi.

¹⁹ Yoatojɲ ɲjɲ tudiejagɲmi quēna. Tudiejacōari, “Gājoa ĩnare yɲ ĩsicati rāca, ¿no bajiro yɲre yibosayujari ĩna?” yisēniīarɲ, ĩnare jigɲmi quēna. ²⁰ Cinco mil ñaritiiri ĩ ĩsir'ire jisɲogɲmi. To ĩ yigɲ, ejacōari, ĩre ĩ ĩsiriaro cōro tɲogɲmi. To yicōari, cinco mil ĩ bɲjarēmorerere ĩre ĩsigɲmi. To yigɲne, ado bajiro gotigɲmi: “Cinco mil ñaritiiri yɲre ĩsicajɲ mɲ. To bajiri quēna gaje cinco mil ñaritiiri mɲre bɲjarēmobosabɲ yɲ”, ĩ ɲjɲre

īre yigūmi. ²¹ To ī yijare, ado bajiro īre cūdigūmi ī ɥju: “Yure quēnaro moabosayuja m̄. Yɥ roticatore bajirone yure cūdiyuja m̄. Mojoroaca m̄re yɥ īsicati rāca yɥ roticatore bajiro m̄ yire ti ñajare, ñamasuse yure yibosarɥcɥja m̄. Yɥ rāca variquēnaña”, īre yigūmi. ²² To ī yiro bero, gāji, dos mil ñaritiiri īsiecor'i ejagūmi. Ejacōari, īre ī īsiriaro cōro tɥogūmi ī quēne. To yicōari, gaje dos mil ñaritiiri ī bɥjarēmorerere īsigūmi. To yigūne, ado bajiro gotigūmi: “Dos mil ñaritiiri yure īsicajɥ m̄. To bajiri quēna gaje dos mil ñaritiiri m̄re bɥjarēmobosabɥ yɥ”, ī ɥjure īre yigūmi. ²³ To ī yijare, ado bajiro īre cūdigūmi ī ɥju: “Yure quēnaro moabosayuja m̄. Yɥ roticatore bajirone yure cūdiyuja m̄. Mojoroaca m̄re yɥ īsicati rāca yɥ roticatore bajiro m̄ yire ti ñajare, ñamasuse yure yibosarɥcɥja m̄. Yɥ rāca variquēnaña”, īre yigūmi.

²⁴⁻²⁵ Ī bero ī ɥjure īogū ejagūmi mil ñaritiiri īsiecor'i: “Yɥ ɥju, adine ñaja m̄ gājoa, yure m̄ īsicati. Tire yujecūcōacajɥ yɥ, m̄re gūigū ñari, ‘Ti sɥorine yure tud'ijacagūmi; bɥto roticōari ī bojarore bajiro yirere bojagɥ ñacami’ yitɥoīagū ñari”, īre yigūmi. ²⁶ To bajiro ī yijare, ado bajiro īre cūdigūmi ī ɥju: “Yɥ bojasere yitegɥ bajiyuja m̄. Rojogɥ ñaja m̄. ‘Tud'ijacagūmi; bɥto roticōari ī bojarore bajiro yirere bojagɥ ñacami’ yure yitɥoīagū ñaboarine, quēnaro yure moabosabesuja m̄. ²⁷ Gājoa m̄re yɥ īsicati rāca vaja yicōari, m̄ vaja yisere gājerāre īsicōari, jaibusaro vaja sēnibetiboarine, gājoa cūriavijɥa m̄ cūjama, jaibusaro yure bɥjarēmobosaborija m̄”, īre yitud'igūmi ī ɥju. ²⁸ To bajiro īre yigajanocōari, gājerāre ado bajiro rotigūmi: “Ānire gājoa yɥ īsiboacatire ēmaña. Tire ēmacōari, diez mil ñaritiiri yure īsigūjuare īsiña”, īnare yigūmi īna ɥju. ²⁹ To yicōari, ado bajise īnare gotirēmogūmi: “No bojagɥ īre yɥ īsise rāca yɥ bojarore bajiro yigɥ, quēnase bɥjarɥcūmi. Ñiejɥa rɥyabetirɥaroja īre. No bojagɥ īre yɥ īsise rāca yɥ bojarore bajiro yibecɥrema, īre yɥ īsiboacatire īre ēmarɥcɥja yɥ, ‘Yɥ bojarore bajiro yimasibeami’ yigɥ. To yicōari, īre yɥ ēmasere gāji yɥ bojarore bajiro yigūjuare īsirɥcɥja yɥ. ³⁰ Āni yure moabosarimasɥ ñie vaja magūre, rētiaroju īre rocacōaña m̄a. Toju ñacōari, bɥto rojose tāmɥogū ñari, guji pōguē, otī, yirɥcūmi”, yigūmi īna ɥju —yure yigoticami Jesús.

Adi macarɥcɥro ñarāre, masare ī beserotire Jesús ī gotire queti

³¹ Ado bajiro yure goticami Jesús quēna:

—Dios ī roticōacacɥ yɥ tudiejaro, yɥ rāca ejarɥarāma ángel mesa. Ejacōari, masare rotigɥagɥ, rɥcɥbɥoriajɥ rujirɥcɥja yɥ. ³² To bajicōari, “Adi macarɥcɥroana masa ñajediro yɥ rījorojɥa ejato” yigɥ, ángel mesare juaárotirɥcɥja yɥ. To bajiro īna yiejoro bero, yɥ yarāre, yɥ yarā mere quēne īamasicōari, ricati īnare cūrɥcɥja yɥ. Oveja coderimasɥ, ovejare ricati, cabrare ricati ī cūrore bajiro īnare yirɥcɥja yɥ. ³³ Yɥ yarāre yɥ riojojacatɥa cūrɥcɥja. To yicōari, yɥ yarā mere yɥ gācojocatɥa cūrɥcɥja. ³⁴ To bajiri yɥ riojojacatɥanare ado bajiro īnare yirɥcɥja yɥ: “Yɥ jacɥ quēnaro ī yirā ñaja m̄a. To bajiri ī rāca ī ye quēnasere bɥjarɥarāja m̄a yuja. ‘To bajiro bajirɥarāma’ m̄are yitɥoīacōari, quēnobosacami, adi macarɥcɥro rujeogɥ. ³⁵ Yɥ ñiorijaro, yure bare ecacajɥ m̄a. Yɥ idirɥaro, yure iocajɥ m̄a. Gajeroagɥ m̄a masibecɥ yɥ ñaboajaquēne, quēnaro yure bocaāmicajɥ m̄a. ³⁶ Yɥ sudi mano, yure sudi sācɥja m̄a. Yɥ rijaro, yure ĩarā ejacajɥ m̄a. Tubiberiavi yɥ ñaro, yure ĩarā ejacajɥ m̄a”, yirɥcɥja yɥ, yɥ yarāre. ³⁷ To bajiro yɥ yisere ajicōari, ado bajiro yure sēniarɥarāma īna: “Yɥa ɥju, ¿Divato m̄ ñiorijasere ĩacōari, m̄re bare ecacati yɥa? ¿Divato m̄ idirɥaro m̄re iocati yɥa? ³⁸ ¿Divato gajeroagɥ yɥa masibecɥ m̄ ñaboajaquēne, quēnaro m̄re bocaāmicati yɥa? To yicōari, ¿divato m̄ sudi mano, m̄re sudi sācati yɥa? ³⁹ To yicōari, ¿divato m̄ tubibe ecoro, m̄ rijarore quēne, m̄re ĩarā ejacati yɥa?”, yure yisēniarɥarāma īna. ⁴⁰ To bajiro īna yisere ajicōari, ado bajiro īnare cūdirɥcɥja yɥ: “Riojo m̄are gotiaja yɥ. Yɥ yarāre, ‘Ñamasurā me ñaama’ īnare yiboarine, quēnaro īnare m̄a yijama, yurene quēnaro yirā yicajɥ m̄a”, īnare yirɥcɥja yɥ, yɥ yarāre, yɥ riojojacatɥajɥa ñarāre.

⁴¹ To yicōari, yɥ gācojocatɥajɥa ñarārema ado bajiro yirɥcɥja yɥ: “Yure cāmotadiya m̄a. ‘Rojose tāmɥorɥarāma’ Dios ī yirā ñaja m̄a. ‘Jeame yatibetimejɥ, rojose tāmɥorɥarāma vātia, īna ɥju rāca’ Dios ī yirujeocatijɥ vasa m̄a. ⁴² Yɥ ñiorijaro yure

bare ecabeticajū mūa. Yū idirūaro yūre iobeticajū mūa. ⁴³ Gajeroagu mūa masibecu yū ñajare, yūre bocaāmibeticajū mūa. Yū sudi mano, yūre sudi sābeticajū mūa. Yū rijaro quēne, tubiberiavi yū ñaro quēne, yūre ñarā ejabeticajū mūa”, ñare yirūcūja yū, yū gācojocatuanare. ⁴⁴ To bajiro ñare yū yirone, ado bajiro yūre sēñiaruarāma ña: “¿Divato mū ñiorijaro mūre ecabeticati yūa? ¿Divato mū idirūaro, mūre iobeticati yūa? ¿Divato gajeroagu yūa masibecu mū ñajare, mūre bocaāmibeticati yūa? ¿Mū sudi mano, mūre sudi sābeticati yūa? ¿Divato mū tubibe ecoro, mū rijarore quēne, mūre ñarā ejabeticati yūa?”, yūre yisēñiaruarāma ña. ⁴⁵ To bajiro ña yisere ajicōari, ado bajiro ñare cūdirūcūja yū: “Riojo mūare gotiaja yū. Ānoa yū riojojocatuaana yū yarāre, ‘Ñamasurā me ñaama’ ñare yiboarine, quēnaro ñare mūa yibetijama, yūrene quēnaro yimena bajicajū mūa”, ñare yicūdirūcūja yū, yū gācojocatuanare. ⁴⁶ To bajiro ñare yigajanocōari, rojose ña tāmūotūjabetirotoju ñare reacōarūcūja yū. To yicōari, yū yarājūama, quēnaro ña ñacōa ñarotoju varuarāma —yūare yicami Jesús.

26

“¿No bajiro yigū ñaami yitocōari, Jesúre ñe ñiarāti mani, ñe sīaruarā?”, ña yire queti (Mr 14.1-2; Lc 22.1-2; Jn 11.45-53)

¹ To bajiro gotigajanocōari, ñ buerimasare ado bajiro yūare yicami Jesús:

² —Juarūmū berone ñaroado yaja Pascua boserūmū ñasūorirūmū. Tirūmūne yūre Dios ñ roticōacacūre masare ñsirocarūcūmi sīgū. To bajiri yūre ñiacōari, yucātēroju jajusīaruarāma ña —yūare yicami Jesús.

³ Tirūmūri paia ūju ñamasugū Caifās vāme cūtigū ya vijū rējacōari, tuoīañañujarā būcūrā, paia ūjarā quēne:

⁴ —Jesúre sīaruarā, ¿no bajiro yigū ñaami yitocōari, ñiarotirāti mani? ⁵ To bajiboarine, boserūmū ñaro ñe mani sīajama, tire ñajūnisinicōari, manire rojose yiborāma masa —gāmerā yīñagōñujarā ña.

Jesús rūjoare sūtiquēnasene rōmio so yuejeore queti (Mr 14.3-9; Jn 12.1-8)

⁶ Betania vāme cūti macajū cāmi boacacū, Simón vāme cūtigū ya vijū ñacajū yūa, Jesúrāca. ⁷ Ti vijū Jesús ñ barujirone, sīgō, gūta sotū alabastro vāme cūti rāca veariarū āmiejacamo. Sūtiquēnase buto vaja cūtise, nardo vāme cūtise sāñaritū ñacajū tirū, so āmiritū. To bajiri Jesús tuaca eja, ñ rūjoa joere ñe yuejeocamo so. ⁸ To bajiro so yisere ñacōari, jūnisinicajū yūa ñ buerimasa. To bajiri, ado bajiro gāmerā yicajū yūa:

—¡Jairo gājoa yireago yamo! ⁹ Tire ñsicōari, jairo gājoa būjacōari, maioro bajirāre ejarēmoroti ñaboaja ti —gāmerā yicajū yūa.

¹⁰ To bajiro yūa yisere ajicōari, ado bajiro yūare yicami Jesús:

—Sore gōjanabiobesa mūa. Tire yūre so yuejeojama, quēnaro yūre yigo yamo.

¹¹ Maioro bajirā mūa rāca ñacōa ñarūgūruarāma, mūa ejarēmorona. Yūma, mūa rāca ñacōa ñabetirūcūja. ¹² Adio sūtiquēnase yūre so yuejeojama, yūre ña yujeroto rījoro yuejeo rījoro cūtigo yamo. ¹³ Riojo mūare gotiaja yū. Yū bajiroti quēnase quetire, adi macarūcūroana jedirore gotibatoruarāma masa. To bajirone bajirūaroja sūtiquēnase yūre so yuejeose queti quēne. So yuejeosere masiritimenane tire gotibatoruarāma —yūare yigoticami Jesús.

“Jesúre ñiato” yigū, ñe ñaterā tūju Judas ñ gotirudigū vare queti (Mr 14.10-11; Lc 22.3-6)

¹⁴ Jesús buerimasa juaāmo cōro, gūbo jua jēnituarirācū ñacajū yūa. To bajiri yūa rācagūne Judas Iscariote vāme cūtigū, paia ūjarāre ñagōgū varimi. ¹⁵ ña tūju ejacōari, ado bajiro ñare sēñiañuju ñ:

—¿No cōro jairo yūre vaja yirāda mūa, “Jesúre ñiato” yigū, mūare yū gotijama? —ñare yisēñiañuju.

To ĩ yisēniīase ñajare, treinta ñaritiiri gājoa ĩre ĩsiñujarā ĩna. ¹⁶ To bajiro ĩna gāmerā yiriaro bero, “¿Dirĩmaro ũno Jesúre ĩnare ñiarotigutı yu?”, yıtuoıacōa ñañuju ĩ.

Jesús ĩ batıasare queti

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Pascua boserũmu pan ũmato vauvase vuoyamani basuoriarũmu ejacaju ti. To bajiri Jesús buerimasa, ado bajiro ĩre sēniīacaju yua:

—Pascua boserũmu ñajare, mani barotire, ¿noju bare yua quēnoyusere bojati mu? — ĩre yisēniīacaju yua.

¹⁸ —Jerusalénju vasa mu. Toju ejacōari, ado bajiro ĩre yiba, vi ujure: “Manire gotimasiorimasu ado bajiro mre yicōami: ‘Mojoroaca ruajaja, Dios ĩ bojarore bajiro yu yijeoroti. To bajiri, ĩ ya vijı adi ñami Pascua boserũmu ti ñajare, yu buerimasare ũmato bagu varıcsuja’ mre yicōami”, ĩre yigotiba mu —ĩnare yicami Jesús.

¹⁹ “To bajiro yiba mu” Jesús ĩ yicatore bajirone yiyuma ĩna. To bajiri, Pascua boserũmu yua barotire quēnoyuyuma ĩna.

²⁰ Ti ñami ĩ buerimasa juaāmo cōro, gubo ju jēnituarirācu ñarā baruıjacaju yua, Jesúrāca. ²¹ Yua bañarone, ado bajiro yuare yicami Jesús:

—Riojo mreare gotiaja yu. Sıgũ mu rācagu, yure ĩaterāre yure ĩsirocarıcumi —yuare yicami Jesús.

²² To ĩ yisere ajicōari, buto sutiriticaju yua. Tocārācane sutiritirā ñari, ado bajiro ĩre sēniīacaju yua:

—¿Yu ujı, yune ñabetiboati, mre ĩsirocarocı? —ĩre yisēniīacaju yua.

²³ To bajiro yua yisere ajicōari, ado bajiro yuare cudicami Jesús:

—Sıgũ, yu rāca yosebagu ñaami yure ĩsirocarocıma. ²⁴ Dios oca masa ĩna ucamasire ti gotiıore bajiro rojose tāmıorıcsuja yu, Dios ĩ roticōacacı. To bajirocu yu ñajare, yure ĩaterāre yure ĩsirocarıcumi. Yure ĩ gotiyırose suorine rojose tāmıorıcsuja yu. “Masare yırētobosarıcumi” Dios ĩ yimasire ti ñajare, bajırıcsuja yu. To bajıboarine, yure gotiyıror’ıjuama, rojose tāmıorıcumi. Ruyuabeticōarocı ñaboayumi —yuare yicami Jesús.

²⁵ To ĩ yirone, Judas, Jesúre ĩsirocarocı, socıne ado bajiro Jesúre ĩre sēniīatocami:

—Gotimasiorimasu, ¿yune ñabetiboati, mre ĩsirocarocı? —ĩre yisēniīacami.

To ĩ yirone, ado bajiro ĩre cudicami Jesús:

—Riojo yaja mu —ĩre yicami Jesús.

²⁶ Yua bañarone, pan āmicōari, “Quēnaja”, Diore ĩre yicami Jesús. To yıgajano, tire mutocōari, ĩ buerimasare yuare ĩsibatogıne, ado bajiro yuare yicami:

—Baya mu. Ti ñaja yu ruju rii —yuare yicami.

²⁷ Tire yua bagajanorone, idiriabaja āmicōari, “Quēnaro yaja mu”, Diore yicami quēna. To yicōari, tibaja yuare ĩsigıne, ado bajiro yicami:

—Mu jediro adire idiya. ²⁸ Adi ñaja tirũmuana “Rojose mani yıre masırioato” yırā, Diore rıcsıbuorıaju joere ĩna yuejeorıarore bajiro bajıse. Yucırema, yu rı’ı ñaja. Ti suorine, “Gajerodo to bajiro mreare yırıcsuja yu” Dios ĩ yıcımasıriarore bajiro bajırıaroja. To bajıcōari, jājarā masa rojose ĩna yisere masıriocōari, tudıtıoıabetırıcumi Dios. ^k ²⁹ Riojo mreare gotiaja yu. “Rotııorıgōrıcumi” yıgı, yu jacı yure ĩ cıroto rıjoro, quēna juaji uye oco idıbetırıcsuja yu —yuare yicami Jesús.

“Jesúre masıbeaja yu’ yırıcsuja mu”, Pedırore Jesús ĩ yıre queti

(Mr 14.26-31; Lc 22.31-34; Jn 13.36-38)

³⁰ To ĩ yıro bero, Diore rıcsıbuorā basacaju yua. Basagajano, Olıvo vāme cıti buroju vacoacaju yuja. ³¹ To yua vatone, ado bajiro yuare yicami Jesús:

—Adı ñamine yure ajıtırınu tıjacōari, vaveorıarāja mu jediro. Dios oca masa ĩna ucamasire to bajiro ti gotıjare, to bajıse mreare yaja yu. Ado bajiro gotiaja ti:

^k ^{26:28} “Yu bojarore bajiro mu yıjama, quēnaro mreare yırıcsuja yu” masare Dios ĩ yıcımasıre yırıaro yaja pacto ti yıjama.

“Oveja coderimasare bajiro bajigune sīarucija yu. To bajiri ī yarā ovejare bajiro bajirā rudibatecoaruarāma”, yigotiaja Dios oca masa īna ucamasire, manire gotiro. ³² Yure mua vaveoboajaquēne, yure īna sīaro bero, quēna tudicaticōari, Galilea sitaju mua vato, yujua mua rījoro űatujarucija —yure yicami Jesús.

³³ To ī yisere ajicōari, ado bajiro ĩre yicami Pedro:

—Ānoa jediro, mure īna vaveoboajaquēne, mure vaveobetirucija yuma —Jesure ĩre yicami.

³⁴ To ī yisere ajicōari, ado bajiro ĩre cudicami Jesús:

—Riojo mure gotiaja yu. Adi űami busiyujua gājabocu ī űagōroto rījoro, idiaji, “Jesure masibeaja; ĩ rācagu me űaja yu”, yisocarucija mu —Pedrore ĩre yicami.

³⁵ To bajiro ī yisere ajicōari, ado bajiro cudicami Pedro:

—Mu rāca yure īna sīarucijaquēne, “Jesurācagu me űaja yu”, yisocabetirucija yu —Jesure yicami Pedro.

To bajiro Pedro ī yisere ajicōari, yua quēne to bajiro yijedicōacaju.

Getseman'i vāme cutoju Jesús ĩ jacure ĩ sēnigū vare queti

(Mr 14.32-42; Lc 22.39-46)

³⁶ To yua yiro bero, Getseman'i vāme cutoju yure űmato vacami Jesús. Toju ejacōari, ado bajiro yure goticami Jesús:

—Ōju Diore sēnigūacu yaja yu. To yu vatoye, ado rujicōaña mua maji —yure yicami.

³⁷ To yi vacune, Pedrore, to yicōari, Zebedeo rīare juarājurene ji vacami Jesús. To yi vacune, buto tuoīasutiriticami yuja. ³⁸ To bajiro bajigune, ado bajiro yiyuju Jesús, ĩ rāca variarāre:

—Buto tuoīasutiritiaja yu. Sūtiriosene yure sīaro yaja. Adone yure yuñaña maji. Yu cānibetore bajirone cānibeja mua quēne, Diore sēniñarā —ĩnare yiyuju Jesús.

³⁹ To yicōari, to sojuabusa varēmoñuju Jesús. Va, sita tūcuroju murocacūcōari, Diore sēniñuju ĩ:

—Cacu, yure īna sīarotire matamasiaja mu. To bajiboarine, mu bojarore bajirone bajiato —Diore yiyuju.

⁴⁰ To yigajano, Pedro mesa īna cānitoyene īna tujū ejayuju. ĩnare yujicōari, ado bajise Pedrore ĩre yiyuju Jesús:

—¿No yirā cojo hora cōro cānibetibusarāne, yure yuñabetimasucōati mua? ⁴¹ Yu cānibetore bajirone cānibesa mua quēne. To bajicōari, Diore sēniña, “Vātia űju Satanás ĩ yirotsere yicōari, Dios ĩ bojabetire yirobe” yirā. Quēnaro mure masiaja yu. “Dios ĩ bojasere yirucija” yirā űaboarine, cojojirema rojose usari cutirā űari, Dios ĩ bojabetijure yirūgūaja mua —Pedro mesare ĩnare yiyuju Jesús.

⁴² To yicōari, gāme vacu, ado bajiro Diore sēniñuju Jesús:

—Cacu, yure īna sīaroti matamasiaja mu. To bajiboarine, mu bojarore bajirone bajiato —Diore yisēniñuju.

⁴³ To yigajano vacune, cāniariarāre ĩnare ejayuju quēna. Buto vūjaejarā űari, cāniñujarā īna. ⁴⁴ To bajiri rījoro ĩnare ĩ yiriarore bajirone ĩnare yicōa, Diore sēnigū vacoasuju quēna. To ejacōari, rījoro Diore ĩ sēniriarore bajirone ĩre sēniñuju quēna.

⁴⁵ Diore sēnigū var'i, tudiejacōari yure yujicōami:

—¿No yirā cāni manicōati mua maji? Ado cōrone Dios ĩ roticōacacure rojose yirāre yure ĩsirocarocu vadicoagumi yuja. ⁴⁶ To bajiri yujiya mua. ĩre bocarā vajaro. Yure ĩsirocarocu vadiami yuja —yure yicami Jesús.

Jesure ĩna ĩnare queti

(Mr 14.43-50; Lc 22.47-53; Jn 18.2-11)

⁴⁷ To bajiro Jesús yure ĩ yīnarirīmarone, Judas Iscariote vāme cutigu, yua rācagune, vadicami yuja. Jājarā ĩ rāca vadicama jariaseri cuorā, gājerā yucūjuriri cuorā. Bucarā, paia űjarā quēne īna cōariarā űacama īna. ⁴⁸ Jēre ado bajiro goti vadiruyuyumi Judas, ĩ rāca vanare, “ ĩne űaami Jesús' yīamasiato īna” yigu:

—Jesúre sēnicōari, ĩre usurucija yu. To yu yirone, ĩre ñiama muu —ĩnare yi vadiruyuyumi.

⁴⁹ To bajiro yir'i ñari, Jesús rĩjorojua ejacōari, ado bajiro ĩre yicami Judas:

—Gotimasiorimasu, ĩñati mu? —ĩre yigune, usucami.

⁵⁰ To ĩ yirone, ado bajiro yicami Jesús:

—“To bajiro yirāsa mani” ĩnare mu ũmato yivadiriarore bajiro yiya mu —ĩre yicami Jesús.

To ĩ yirone, ĩre ñiacama Judas rāca vadiriārā.

⁵¹ To ĩna yirone, sīgū Jesúrācagu, ĩ jariase yoveaāmicōari, paia uju ñamasugūre moabosarimasure gāmoro jatarocacōacami. ⁵² To ĩ yisere ĩacōari, ado bajiro ĩre yicami Jesús:

—Mu jariasere tudisuacōaña quēna. “Jariase rāca gāmerā quēarāma, tiase rācane sīaecoruarāma”, yimasiaja mani. ⁵³ Ado cōrone yu jacure yu sēnijama, setenta y dos mil ñarā ángel mesare cōamasicōagūmi. ĩTire masibeati mu? ⁵⁴ To bajiboarine, ĩnare ĩre yu sēnijama, Dios oca masa ĩna ucamasire, “To bajiro bajiruroja” ĩna yimasiriarore bajiro bajibetiboroja. To bajiri tire ĩre sēnibeaja yu —ĩre yicami Jesús.

⁵⁵ To yicōari, ĩre ñiarā ejarājuare ado bajiro yicami Jesús:

—ĩNo yirā gajeyeūni juarudirimasure ñiarā vanare bajiro jariaseri rāca, yucájuriri rāca yure ñiarā vadiati muu? Tocārācarūmune Diore yirūcubūoriaviju muu ñaro muare gotimasio rujirūgūmu yu. To yu bajiboajaquēne yure ñiabetirūgūmu muu maji. ⁵⁶ Diore gotirētobosarimasa, ado bajiro yure muu yirotirene ucamasiñuma. To bajiri to bajirone yure yaja muu —ĩnare yicami Jesús, ĩre ñiarā ejarāre.

Jesúre ĩna ñiasere ĩacōari, ũmarudijedicoacaju yu.

“Mu ye sūorine rojose tāmūorucija mu”, jud'io masa ujarā, Jesúre ĩna yire queti
(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Jesúre ñiacōari, paia uju ñamasugū Caifās vāme cutigu tuju ĩre āmiasujarā. Toju rējacōari, ñañujarā Dios ĩ rotimasire gotimasiorimasa, to yicōari, bucūrā quēne. ⁵⁸ Jesúre ĩna āmivato, sōju yayiāsuyayuju Pedro. ĩnare yayiāsuyacōari, paia uju ñamasugū ya vi, ta biberiasāniro rētosājacoasuju. Sājacōari, Diore yirūcubūoriavi coderimasa rāca rujiyuju ĩ. “No bajiro Jesúre ĩna yigajano vato ĩagūsa” yigu, toju bocaīarujiyuju.

⁵⁹ Paia ujarā, to yicōari, gājerā ujarā, ĩna jediro, Jesúre sīaruayujarā. To bajiro yirā ñari, “Rojose masu yigu ñaami Jesús” yisocarōnare macañujarā ĩna. ⁶⁰ Jājarā masa socarāne ĩna gotiboajaquēne, to bajiro ĩna yisere ajicōari, “To bajiro ĩ yire ñajare, ĩre sīaroti ñaja”, yimasibesujarā ĩna maji.

To bajiboarine, juarā ejayujarā ĩna. ⁶¹ Ejacōari, ado bajiro socarāne gotiyujarā:

—“Diore yirūcubūoriavire caguerocamasiaja yu. To yicōari, idiarūmu tusatirūmune buajeocōamasiaja”, yicami āni —yiyujarā ĩna.

⁶² To ĩna yirone, paia uju ñamasugū, vūmūrūgūcōari ado bajiro Jesúre yiyuju:

—To bajiro mure ĩna yi ocasāsere, ĩno bajiro yati mu? ĩCudibeati mu? —Jesúre ĩre yiboayuju.

⁶³ To ĩ yiboajaquēne, cojo vāme cudibeticōañuju. ĩCudibetire ĩacōari, ado bajiro Jesúre yiyuju paia uju ñamasugū:

—Quēnaro riojo yuare cūdiya mu. Mu socajama, rojose mure yirucūmi Dios. ĩ“Rotimūorūgōrūcūmi” yigu, Dios ĩ cōar'ine, Dios macūne ñati mu? —Jesúre ĩre yiseniāñuju paia uju ñamasugū.

⁶⁴ To bajiro ĩ yisere ajicōari, ado bajiro ĩre cūdiyuju Jesús:

—Mu yirore bajirone bajaia. ĩne ñaja yu. To bajiri, Dios ĩ roticōacacu ñari, yoaro mene ĩ riojojacatua rujicōari, masare beseguagu oco bueri vatoaju yu rujiadire ĩaruarāja muu, —paia uju ñamasugūre yiyuju Jesús.

⁶⁵ To bajiro Jesús ĩ yisere ajitegu ñari, ĩ sudire tūavoyuju paia uju ñamasugū. To yigune, ado bajiro ĩ rācanare yiyuju:

—¡To bajiro ï ñagõjama, Diore rñcubuoobecu yami! ¡“Diore bajiro bajigu ñaja yu” yigu yami! No yirã gãjerã, “Rojose yigu ñaami” yironare macarēmomenaja mani yuja. Mña quēne, Diore rñcubuoobecu ï yisere ajaiaja mña. ⁶⁶ To bajiro ï yisere ajicõari, ¿no bajiro ïre yiroti ñati? —ï rãcanare yiyuju paia ñju ñamasugũ.

To bajiro ï yisere ajicõari, ado bajiro ïre cudiuyujarã:

—Rojose masu yicõami. ïre sãacõaroti ñaja —yicudiuyujarã.

⁶⁷ To yicõari, Jesús riogare gooco eoreatuyujarã ñna. To yicõari, ï cajere siabibecõari, ïre jayujarã. ⁶⁸ To yicõari,

—“ ‘Rotimõogũgõrcsmi’ yigu, Dios ï cõagũ ñaja yu” mñ yijama, mñ masise rãca, “ï, yũre jami”, yũare yiya —Jesũre yitud'iyujarã.

“Jesũre masibeaja yu”, Pedro ï yire queti

(*Mr 14.66-72; Lc 22.56-62; Jn 18.15-18, 25-27*)

⁶⁹ Vi jubeaju Jesũre rojose ñna yĩnarone, macajũjua rujicõañuju Pedro. Sĩgõ paia ñju ñamasugũre moabosarimaso, Pedro tũ ejacõari, ado bajiro ïre yiyuju:

—Jesũs, Galilea sitagu rãca vacudirũgũgũne ñagũja mñ quēne —ïre yiyuju so.

⁷⁰ To bajiro so yisere ajicõari, masa jediro ñna ajiro rĩjorojua ado bajiro yiyuju Pedro:

—“Riojo yaja mñ”, mũre yimasibeaja yu —sore yiyuju Pedro.

⁷¹ To bajiro sore yicadicõa, ta biberiasãniro sãjariasoje tũ vasuju Pedro. To ï vatone, gajeo ïre ïacõari, ado bajiro yiyuju:

—Ñni, Jesús Nazaret macagu rãca vacudigu ñaami —yiyuju, gãjerãre gotigo.

⁷² To bajiro ñnare so yisere ajicõari, ado bajiro yiyuju Pedro:

—ïre masibeaja yu. Socu me yaja yu. Dios quēne yũre ajigumi —ñnare yiyuju Pedro.

⁷³ To ï yigotiriario bero yoatobusa, to ñarã ado bajiro Pedroro gotiyujarã:

—Riojo yaja yua. Jesũrãca vacudirũgũgũne ñaja mñ. ñna ñagõsere bajirone ñagõaja mñ —Pedroro ïre yiyujarã ñna.

⁷⁴ —ïre masibeaja yu. Socu me yaja. Dios yũre ajigumi —ñnare yiyuju Pedro.

To bajiro ï yigajanorirĩmarone, gãjabocu ñagõcõañuju yuja. ⁷⁵ ï ñagõsere ajicõari, Jesús ado bajise ïre ï gotirere masibũjayuju Pedro yuja: “Gãjabocu ï ñagõroto rĩjoro, idiaji, ‘Jesũre masibeaja yu’ yirũcũja mñ” ïre ï yirere masibũjayuju. Tire masibũjacõari, vacoasuju. Vacõari, bũto otiyuju.

27

Pilato tũju Jesũre ñna ãmiejare queti

(*Mr 15.1; Lc 23.1-2; Jn 18.28-32*)

¹ Busuro bero, bũcũrã, paia ñjarã quēne, ñna jediro tudirẽjañujarã ñna. To bajicõari, “Ado bajiro mani yijama, Jesũre sãrũarãma”, yitũoĩañujarã ñna. ² To bajiro yirã ñari, Jesús ãmorire siacõari ïre ãmiasujarã ñna, Pilato vãme cõtigu ya vijũ vana. Jud'io masa ñju ñamasugũ, romano masũ ñañuju Pilato. To bajiri ï ya vijũ Jesũre ãmiejayujarã.

Judas ï masune ï sãayayire queti

(*Hch 1.18*)

³ Judas, Jesũre ïsirocacacu, “Jesũre sãaroti ñaja” ñna yisere ajicõari, “Rojose yibũ yu”, yitũoĩa sũtirityuju. To bajigu ñari, bũcũrã, paia ñjarã quēne, Diore yirũcubũoriaviju ñarãre, ñnare ejacõari, gãjoatiiri treinta ñaritiiri ïre ñna ïsiboarere ñnare tũocõañuju.

⁴ Gãjoatiirire ñnare ïsigũne, ado bajiro ñnare yiyuju ï:

—Rojose yibũ yu. Ñie rojose yibecũrene mũare ïsirocacõañuja yu —ñnare yiyuju.

To bajiro ï yiboajaquēne, ado bajiro ïre cudiuyujarã ñna:

—To bajiro yũare mñ yiboajaquēne, no yibeaja yũarema. Mũre bajiroja —Judare ïre yiyujarã ñna.

⁵ To ñna yisere ajicõari, ti vijũ gãjoatiiri ï ïsiecoboarere reabateyuju Judas. To yi, gajano vacũne, yucũjũ mũjacõari, ti rũjũjũ misimare siatucõari, ï ãmũare quēne siatu, quedirocayo rijacoasuju.

⁶ Diore yirūcubūoriavijū gājoatiiri Judas ī reabaterere juarēoñujarā īna, paia ɯjarā. Tire juarēocōari, ado bajiro yiyujarā:

—Adi gājoa mani vaja yise ɯorine sīgūre sīaroana yaja. To bajiri Diore yirūcubūoriavi boarijaurire quēnorɯarā, vaja yiroti gājoa sāriajure sābetiroti ñaroja —yiyujarā īna.

⁷ To bajiro yituoīacōari, “Riri soturi vearimasu sitare vaja yito mani. Ti sita ñarɯaroja gajeroanare bajirearāre mani yujeroti sita”, yituoīañujarā īna yuja. ⁸ To bajiri ti sita vaja yirɯarā, “Jesúre sīato mani” yirā, Judare īna īsiboare rāca īna vaja yire ñari, adirāmuri quēne, Ri'i Vese vāme cūticōa ñaja. ⁹⁻¹⁰ To bajiro īna yijama, tirūmujū Diore gotirētobosarimasu Jerem'ias ñamasir'i ī ucamasiriarore bajirone bajiyuju. Ado bajiro ucamasiñuju ī: “Ado cōro vaja cūtiامي sīgū ɯmɯ' yituoīarā ñari, ire īsir'ire treinta gājoatiiri īna vaja yiboarere juacōari, riri soturi vearimasu sitare vaja yirɯarāma īna, Israel ñamasir'i jānerabatia. To bajiro īna yijama, Dios ī bojarore bajiro yirā yirɯarāma”, yiuamasiñuju Jerem'ias ñamasir'i.

Jesúre Pilato ī sēniīare queti

(Mr 15.2-5; Lc 23.3-5; Jn 18.33-38)

¹¹ Ti sitana ɯju ñamasugū, romano masu ñañuju Pilato vāme cūtigɯ. To bajiri ī tɯju Jesúre āmiasujarā īna. Ire īna āmiejaro īacōari, ado bajiro sēniīañuju Pilato:

—¿Mune ñati jud'io masa ɯju? —Jesúre yiyuju Pilato.

To bajiro ī yisere ajicōari, ado bajiro ire cūdiyuju Jesús:

—Mɯ yimore bajirone bajiaja yɯ —ire yiyuju.

¹² To bajiro Jesús ī yisere ajicōari, bɯcɯrā, paia ɯjarā quēne, “Rojose yigɯ ñaami Jesús” Pilatore ire īna yi ocasāboajaquēne, īnare ñagōcūdibesuju Jesús. ¹³ To bajiro Jesúre īna yi ocasāsere ajicōari, Jesúre tudisēniīañuju Pilato:

—¿To bajiro mure īna yisere ajibeati mɯ? —Jesúre yiyuju Pilato.

¹⁴ To bajiro ire ī yisēniīaboajaquēne, ire cūdibeticōañuju Jesús. Ī cūdibetire īacōari, no yimasibesuju Pilato, ire bajiro bajigūre īabetirūgūr'i ñari.

“Jesúre sīaroti ñaja”, īna yire queti

(Mr 15.6-20; Lc 23.13-25; Jn 18.38-19.16)

¹⁵ Tocārāca cūma, Pascua boserūmɯ jud'io masa īna quēnojama, sīgū, tubibe ecor'ire īna burotigūre īnare bubosarūgūñuju Pilato. ¹⁶ Tubiberiavijū ñañuju sīgū, masa jediro īna masigū Barrabás vāme cūtigɯ. ¹⁷ To bajiri ī yirūgūriarore bajiro yigɯ, masa īna rējarore īacōari, ado bajiro īnare sēniīañuju Pilato:

—¿Ñimujūare yɯ busere bojati mɯa? ¿Jesús Barrabás vāme cūtigɯjūare bugūtique yɯ? Ire yɯ bubetijama, ¿“ ‘Rotimorūgōrɯcūmi’ yigɯ, Dios ī cōar'i ñaami Jesús” masa īna yigujūare bugūtique yɯ? —īnare yisēniīañuju Pilato.

¹⁸ “Jesúre īajūnisinirā ñari, yure īsima” yituoīagū, to bajiro yiyuju Pilato, Jesúre burɯ.

¹⁹ Oca īna ñagōquēnorijujū ī rujiro, ī manajo ire queti cōañuju: “Rojose ire yibesa. Ñie rojose yigɯ me ñagūmi. To bajiro ī yiecoroto rījoro gūiose cājiriamɯ yɯ”, ire yicōañuju, so manajure.

²⁰ Bɯcɯrā, paia ɯjarā quēne ado bajiro tijū rējarāre masare, “Ado bajiro yiya”, īnare yirotiyujarā īna:

—“Barrabájūare bucōari, Jesújūare sīarotiya mɯ”, ire yiya mɯa —īnare yirotiyujarā īna.

²¹ Quēna ado bajiro tudisēniīañuju Pilato:

—¿Ñimujūare yɯ busere bojati mɯa? —īnare yisēniīañuju.

To bajiro ī yisere ajicōari, ado bajiro ire cūdiyujarā īna:

—Barrabájūare mɯ busere bojaja yɯa —yiyujarā īna, Pilatore.

²² To īna yisere ajicōari, ado bajiro īnare sēniīañuju Pilato:

—To yijama, ¿no bajiro yiguti yɯ Jesúre, “ ‘Rotimorūgōrɯcūja mɯ’ yigɯ, Dios ī cōar'i ñaami” masa īna yigujūarema? —īnare yisēniīañuju.

To ī yirone, īna ñaro cōrone ado bajiro ire avasācūdiyujarā:

—¿Yucātēroja ire jajušiaroticōaña mɯ! —ire yivasā cūdiyujarā īna.

²³ To ñna yijare, ado bajiro ñnare sēniñañuju Pilato:

—¿Ñie rojose ñ yire sñori ñre sñarotiguti yñ? —ñnare yiyuju Pilato.

To ñ yiboajaquēne, quēna butobusa tudiavasañujarā ñna:

—¡Yucútērojñ ñre jajusñaroticōaña! —yivasañujarā ñna.

²⁴ To bajiro ñna yijare, no yimasibetiboacñ, ado bajiro tñoiñañuju Pilato: “No bajiro yicōari, ñre bumasiyecñja yñ. Ñna bojarore bajiro yñ yibetijama, avasātñjabeticōari, rojose yijacarāma ñna”, yitñoiñañuju. To bajiro tñoiñacōari, oco juarotiyuju ñ. To yicōari, ado bajiro ñnare gotiyuju:

—Mña ñaro rñjorojña yñ ñmorire coeñoaja yñ, “Ñni rojose yibecñre sñarñabeaja yñma” yigñ. To bajiri mña masune mña sñarotijama, quēnacōaroja. To bajiro mña yijama, mñane sñoye cñtirñarāja mña —ñnare yiyuju ñ.

²⁵ To ñ yisere ajicōari, masa ñajediro ñre cñdiyujarā:

—Yña masiaja. ¡Yña, yña rña quēne sñoye cñtirñarāja, ñre yña sñarotijama! —ñre yicñdiyujarā ñna.

²⁶ To bajiro ñna yijare, Barrabáre bucōañuju Pilato. Jesúñjarema, ñ surarare ñsiñuju, “Ñre bajecōari, yucútērojñ ñre jajusñato ñna” yigñ.

²⁷ To bajiri ñna ya vijñ Jesúre ñmiejayujarā surara mesa. Ñre ñmiejacōari, ñna jediro ñre gñnibiarñgññujarā. ²⁸ To yicōari, “Ejñre bajigñ ñnato” yirā, ado bajiro Jesúre yiyujarā: Jesús ñ sudi sññasere vejecōari, ñjarā ñna sññarito ñnore, sñarivñjoroire ñre sññujarā. ²⁹ To yicōari, ñ rñjoa joere jotabedo ñna suariabedone ñre jeoyujarā. To yicōari, riojojacatuaga ñmore, yucñ, ñññ ñ cñoricñre ñre ñsiñujarā. To bajiro ñre yicōari, ñ rñjorojña gñsomuniari tuetucōari, ado bajiro ñre yiajatud'iyujarā:

—Jud'io masa ñjñre mñre quēnarotiaja yña yuja —Jesúre yiyujarā ñna.

³⁰ To yirāne, gooco ñre eoreatuyujarā ñna. To yicōari, ñ cñoricñre ēmacōari, ñ rñjoare jayujarā ñna. ³¹ To bajiro ñre yigajanocōari, ñjarā ñna sññarito ñnore ñna sñariore ñre veayujarā ñna quēna. To yicōari, ñ sudijña ñre sññujarā quēna. Ñre sudi sñgajanocōari, yucútērojñ jajusñaroana ñre ñmiasujarā.

Yucútērojñ Jesúre ñna jajusñare queti

(Mr 15.21-32; Lc 23.26-43; Jñ 19.17-27)

³² Ñre ñmivanane, sñgñ Cirene vñme cñti sitagñ, Simón vñme cñtigñre bocacama ñna. Ñre bocacōari, “Jesús ñ gaja vatijñire ñre gajabosaya”, ñre yi vacama ñna.

³³ To yi vanane, Gólgota vñme cñti burojñ ejacama ñna. “Rñjoco Buro” yire ñni ñacajñ “Gólgota” yire. ³⁴ Tojñ ejacōari, ñye ocore, sñese rñca vñocōari Jesúre ñre iocama ñna. “Ñre jñnise jñni ruyubeticōato” yirā, yiboacama. Tire idiñboa yicōacami Jesús.

³⁵ Yucútērojñ Jesúre ñre jajutugajanocōari, “Ñimñjña ñ sudire ñ ñjaro ñarāsa mani” yirā, gñtarine reacñña ajeñacama. ³⁶ To yiajegajanocōari, ñre code rujicama ñna.

³⁷ Jesús ñ tuyaritērojñre ñ rñjoa vecare ucaturiajñ tuyacajñ. “Ado bajiro ñ yise sñorine jaju ecoami” yññorijñ ñacajñ. Ado bajise goticajñ: “Ñni ñnaami Jesús, jud'io masa ñjñ”, yigoticajñ ti.

³⁸ Jesúrñca jñarā, jaju ecocama. Gajeyeñni juarudirimasa ñnacama ñna. Sñgñre ñ riojojacatua, gñjire ñ gñcojacatua ñnare jajutucama ñna. ³⁹⁻⁴⁰ Masa rētoana, ñna rñjoarire yure, yure yicama, “Jaju ecor'ire ñre ñateaja” yirā. To yicōari, ado bajiro ñre ajatud'icama ñna:

—Ado bajiro yiboacajñ mñ: “Diore yirñcñbñoriavire caguerocamasiaja yñ. To yicōari, idiarñmñ tñsatirñmñne bñajeocōamasiaja”, yiboacajñ mñ. To bajiri “Dios macñ ñaja yñ” mñ yisocabetijama, mñ yimasise rñca mñ masune yucútērojñre rujicoaya —ñre yiajatud'icama ñna.

⁴¹ Bñcñrñ, paia ñjarā, Dios ñ rotimasire gotimasiorimasa quēne, to bajirone Jesúre yiajatud'i ñnacama ñna. Ado bajiro yicama:

⁴² —Gñjerñrema catiogñ ñaboarine, ñ masu rojose ñ tñmñoserema yirētomasibeami —yiajatud'icama. —Israel ñnamsir'i jñnerabatia ñjñ ñnaami. To bajiri yucútērojñre

rujicoadiato. To bajiro ĩ bajiro ĩacōari, “Īne ñaami”, yimasiruarāja —yiajatud'icama. ⁴³ — “Dios macu ñaja yu. Yure ejarēmōrucami”, yirūgūmi. To bajiri ĩ macune ĩ ñajama, ĩre ĩamaigū ñari, ĩre yirētobosato Dios —yiajatud'icama ĩna.

⁴⁴ Īuarā Jesúrāca yucútērojū jaju ecoriarā quēne, to bajirone Jesúre yitud'icama.

Jesús ĩ usutadire queti

(Mr 15.33-41; Lc 23.44-49; Jn 19.28-30; He 10.20)

⁴⁵ Ūmurecaji ñarone, rētiacoacajū yuja. Idia hora rētiacajū. ⁴⁶ To cōro ti rētiatusatone, ado bajiro tutuaro avasācami Jesús:

—El'i, El'i, ĩlema sabactani? —yivasācami. “Dios, yu jacu, ĩno yigu yure cāmotadiati mu?” yire ũni ñacajū ti, ĩ avasācati.

⁴⁷ Sīgūri tojū ñarā ĩ avasācere ajicōari, ado bajiro yicama ĩna:

—Diore gotirētobosarimasu El'ias ñamasir'ire jigū yami ĩ —yicama ĩna.

⁴⁸ To bajiro Jesús ĩ yivasārone, sīgū, Jesús tu ũmaejacōari, uye oco jiarere ñiabiacoari, yucú gajajū siatucōari, Jesús rise tujure ñumotuboacami. ⁴⁹ To bajiro ĩ yiboajaquēne, ado bajiro yicama gājerājūa:

—Yibesa mu. Tone bajicōato. Rojose ĩ tāmōsere yirētobosagu El'ias ñamasir'i ĩ ejasere ĩarāsa mani —yicama ĩna.

⁵⁰ Tutuaro avasātusa, usutadicoacami yuja. ⁵¹ Tirīmarone Diore yirūcūbūoriavi yotoria gasero vorujjedicoasuju ti. “Dios ĩ ñarisōa vāme cūti sōare sājamasibeama masa” yirā, ĩna yotoria gasero ñacajū. To yicōari, sita sabecajū. Gūta quēne caguevējacoacajū. ⁵² To bajicōari, masare yujeriaviri quēne jānacōasuja. To bajicōari jājarā rijariarā Diore ajitirūnūriarā tudicaticoasuma. ⁵³ Tudicaticōari, ti virire budicoasuma. Budiacōari, Jesús ĩ tudicatio bero, Jerusalénjū Dios ĩ beseria maca ñamasuri macajure ĩna vacudisere ĩacama jājarā masa.

⁵⁴ Jesús yucútērojū ĩ tuyarore, codeñacama surara, ĩna uju rāca. To bajiñarā, sita sabesere, gajeye güiose bajisere ĩacōari, buto güicama ĩna. To bajiri ado bajiro yicama:

—Socabesumi. Dios macune ñaboayumi āni —yicama ĩna.

⁵⁵ Galilea sitajū Jesúre sūyavadicana rōmiri jājarā sōjū ĩarūgōcama. ĩna ñacama ĩre ejarēmōrūgūcana. ⁵⁶ ĩna rāca ñacamo Mar'ia Magdalena. Gajeo Mar'ia vāme cūtigo quēne ñacamo. Sone ñacamo Santiago, to yicōari, José jaco. Zebedeo ñamasicacu rīa jaco quēne ñacamo.

Jesúre ĩna yujere queti

(Mr 15.42-47; Lc 23.50-56; Jn 19.38-42)

⁵⁷ Rāioroto rījoro José vāme cūtigu, Arimatea macagu Jesús rujūrire ĩagū ejayuju. Gājoa jaigu ñacami. To bajicōari, Jesúre ajitirūnūrūgūcacu ñacami. ⁵⁸ To ĩ bajiro bero, Jesús rujūrire āmirū, Pilatore sēnigū vasuju. ĩre ĩ sēnirore bajirone ĩre cūdiyuju Pilato. ⁵⁹ To bajiro ĩ yir'i ñari, Jesús rujūrire rujiogu vasuju. ĩre rujiocōari, sudijāiri botiquēnarījāirine ĩre gūmañuju. ⁶⁰ To yigajanocōari, masa yujeriavi gūtavi mame ĩ quēnorotirivijū ĩ rujūrire cūñuju. To yicōari, ti vi sojere gūtane tūnuo bibecū, vacoasuju. ⁶¹ To bajiro ĩ yīñaro ĩañariarājūne masa yujeriavi rījorojūa, Mar'ia Magdalena, gajeo Mar'ia quēne, rujicōañujarā ĩna.

Jesúre, ĩna yujeriavire ĩna codere queti

⁶² Gajerūmū ñañuju usūsājariarūmū. Tirūmūne paia ujarā, fariseo masa quēne, Pilatore ñagōrā vasujarā ĩna. ⁶³ ĩ tu ejacōari, ado bajiro ĩre yiyujarā ĩna:

—Yua uju, ajiya. Socarimasu ĩ yisocacatire masibujabu yua. “Idiarūmū tusatirūmūne quēna tudicaticūca yu”, yisocacami, ĩ sīaecoroto rījoro. ⁶⁴ To bajiri ĩ rujūrire ĩna yujeriavi soje ture surarare coderoticōaña, “ĩ buerimasa ĩ rujūrire āmirudiroma” yigu. ĩ rujūrire ĩna āmijama, “Rijar'i ñaboarine, quēna tudicaticoami”, yisocaruarāma ĩna. ĩ rijaroto rījoro, “ĩ rotimōrūgōrotire yigu, Dios ĩ cōacacu, jud'io masa uju ñaja yu” ĩ yisocacati ti ñajare, quēnabeaja. To bajiri, “Tudicaticoami” ĩna yisocajama, quēnabeti-masucōarūaroja —Pilatore yiyujarā ĩna.

⁶⁵ To ñna yisere ajicōari, ado bajiro cūdiyujū Pilato:

—Mũare yu ñsicanarene coderotiya mũa —ñnare yicūdiyujū Pilato.

⁶⁶ To ñ yisere ajicōari, Jesús rujūrire ñna yujeriavire coderotiyujarā ñna. To yicōari, gūta sojere quēnaro bibequēnoñujarā ñna, “Í rujūrire āmirā ñna jānājama, ñamasirāsa mani” yirā.

28

Jesús ñ tudicature queti

(Mr 16.1-8; Lc 24.1-12; Jn 20.1-10)

¹ Ūsūsājariarūmū ti jediro, quēna moasūoriarūmū ti busumujado, Mar'ia Magdalena, gajeo Mar'ia quēne, Jesús rujūrire ñna yujeriavire ñarā vacama ñna. ² To ñna vatone, bũto sita sabeyujū. To ti bajirone, sīgū āngel rujiejayujū. Rujiejacōari, Jesúre ñna yujeriavire gūtane ñna bibeboariare jānañujū. To yicōari, tia joene rujiyujū. ³ Bũjo ñ yabesere bajiro yaayujū ñ. Í sudi quēne bũto botiquēnañujū. ⁴ Ñre ñacōari, gūirā nanañujarā ti vire coderimasa. Nanacōari, rijavējarāre bajiro bajireacūcoasujarā. ⁵ To ñna bajirone, āngel ado bajiro rōmiajũare gotiyujū:

—Gūibesa mũa. Jesús yucātērojū ñna jajušiar'ire mũa macasere masiaja yu. ⁶ Maami adojure. Í goticatore bajirone tudicaticoami. Ñre ñna yujerijure ñarā vayá. ⁷ Tire ñacōari, guaro ñ buerimasare ado bajiro ñnare gotiaya: “Quēna tudicaticoasumi Jesús. To yicōari, mani rĩjoro Galilea sitajū varocū ñañujū. Tojū ñre tudĩaruarāja mani”, ñnare yigotiaya mũa. Adire mũare gotigū bajibū yu —ñnare yiyujū āngel.

⁸ To ñ yisere ajicōari, Jesús rujūri ñna yujeboariavijū budianane, gūituoĩaboarine, variquēnase rāca ũmacoayuma ñna, Jesús buerimasare yũare gotirā vana. ⁹ Ñna ũmavadone ñnare sēniĩacānamua ruyuyujū Jesús. “¿Ñati mũa?” ñ yisere ajicōari, ñre yirūcũbuorā, ñ rĩjorojūa muqueacōari, ñ gũborire ñiañujarā ñna. ¹⁰ To bajiro ñre ñna yirone, ado bajiro yiyujū ñ:

—Gūibesa mũa. Yu yarā yu buecanare ado bajiro ñnare gotiaya: “Galilea sitajū vajaro. Tojū ñre ñaruarāja mani”, ñnare yiba —rōmiare ñnare yiyujū Jesús.

“Ado bajiro bajibū ti”, surara ñna yigotire queti

¹¹ Rōmia ñna gotirā vato ũnone, surara quēne, Jesús rujūrire ñna yujeriavire codeboariarā sīgūri, macajū tudicoasujarā ñna. Tudiejacōari, paia ũjarāre gotiyujarā, ñna ñare ñnaro cōrone. ¹² Ti quetire ajicōari, bũcũrā rāca ñagōrā vasujarā paia ũjarā. “To bajiro bajire ti ñajare, ado bajiro yiruarāja mani” yimasiruarā bajiyujarā ñna. To bajiri, sīgũre bajiro tuoĩacōari, Jesúre ñna yujeriavire codeboariarāre jairo gājoa ñsiñujarā ñna. ¹³ To yicōari, ado bajiro ñnare socarotiyujarā ñna:

—Ñami yũa cānitoye, ñ ñaboar'i buerimasane Jesús rujūrire āmirudicoasuma ñna”, yigotibatoya mũa —masare yiyujarā bũcũrā, paia ũjarā quēne. ¹⁴ —Ūjū Pilato ti quetire ajicōari, mũare ñ jūnisinijama, mũare ñagōbosaruarāja yũa, “Rojose ñnare yibesa” yirā. Yũare cūdicōarũcūmi —ñnare yiyujarā.

¹⁵ To bajiro ñna yijare, gājoare boca juacōari, ñnare ñna rotiriarore bajirone socase queti goticudiyujarā ñna, Jesúre ñna yujeriavire codeboariarā. To bajiri adirūmũri quēne, “Tudicatibesujū Jesús. Í ñaboar'i buerimasane, ñ rujūrire āmirudiyujarā ñna” yire quetire goticōa ñnarũgũama jud'io masa.

“Masa jedirore yu ocare gotimasiodiruarāja mũa”, ñ buerāre Jesús ñ yire queti

(Mr 16.14-18; Lc 24.36-49; Jn 20.19-23)

¹⁶ Jesús ñ tudicatisere, rōmia ñna gotisere ajicōari, Galilea sitajū vacajū yũa, ñ buerā, jũaāmo cōro, gũbo coja jēnitarirācū ñarā. “Ti buro joejū yũre ñaruarāja mũa” yũare ñ yicatojū vacajū yũa. ¹⁷ Tojū ejacōari, Jesúre ñacajū yũa. Ñre ñacōari, ñre rũcũbuocajū yũa. Sīgūri, “Í me ñaami”, yituoĩacama ñna, bajirājũma. ¹⁸ To bajiro yũa yirone, ado bajiro yũare yicami Jesús:

—Adi macarucurojũre, to yicõari, õ vecajũre quẽne, “Rotigu ñarucũja mũ”, yũre yicũmi yũ jacũ, Dios. ¹⁹ To bajiri mũare quẽne masa jedirore yũ ocare mũare goticud-irotiaja, “Yũre ajitirũnũato” yigũ. To yicõari, yũre ajitirũnũrãre ñacõari, yũ jacũ vãme, yũ vãme, to yicõari Esp'iritu Santo vãme rãca oco rãca ñnare bautizaba mũa. ²⁰ To yicõari, “Jediro yũ rotisere cãdiato” yirã, ñnare gotimasioma. Yũre mũa ñabetiboajaquẽne, cojorũmũ ruyabeto mũa rãca ñarũgũrucũja yũ, mũare ejarẽmogũ. To bajiro bajicõa ñarucũja yũ, adi macarucuro ti jedirojũ —yũare yicami Jesús.

To cõrone ñaja.

Evangelio según SAN MARCOS

Juan vāme cūtigū, masare oco rāca bautizarimasū ī gotimasiore queti
(Mt 3.1-12; Lc 3.1-9, 15-17; Jn 1.19-28)

¹⁻³ “Rotimūorūgōrūcūmi” yigū, Dios ī cōar'i, Jesús ī bajirere mūare gotigū yaja yū. Īne ñaami Dios macū. To bajiri, ado bajiro ñasuoaja: Jesúre goti rījoro cūtigū ñañuju Juan vāme cūtigū, tirūmūjū ĩre ī goti rījoro cūtirotire yigū, Diore gotirētobosarimasū, Isa'ias vāme cūtigū ado bajiro ī yuicamasire ñajare:

“ “Rotimūorūgōrūcūmi” yigū, mūare yū cōaroto rījoro, mūare gotiyurocūre cōasūorūcūja yū maji' yami Dios.

Yucá manojū ado bajiro gotimasiorūcūmi: ‘Mani ūjū ejarūcūmi. To bajiri, rojose mūa yisere yitūjacōari, quēnasejūare tūoīvasoaya mūa, ĩre yurā' yirūcūmi’, yuicamasiñumi Isa'ias, Juan ī bajirogire goti rījoro yigū.

⁴ To bajiri, yucá manojū ñacōari, ado bajiro ĩre ajirā ejariarāre gotimasiodirūgūñuju ĩ:

—Rojose mūa yisere tūoīasūtiritiya mūa. To yicōari, “Rojose yirūabeaja yūa. Diorāca quēnaro ñarūarāja yūa” yirā, oco rāca yūre bautizarotiya mūa. To bajiro mūa yijama, rojose mūa yisere mūare masiriorūcūmi Dios —Īnare yigoticudirūgūñuju ĩ.

⁵⁻⁶ Camello joane suariaro sãñagū ñañuju ĩ. To yicōari, vecū gaserone vēñaricūñuju, ĩ sãñasere. Īimia ba, to yicōari, beroa ocore idi, yirūgūñuju. Īre ajirā, jājarā masa ejayujarā. Jerusalén macana, Judea sitana quēne ejayujarā. To bajiro ĩ gotisere ajirā ñari, “Rojose mani yisere Dios manire masirioato” yirā, “Rojose yirā ñaja yūa” Diore ĩna yigotiro bero, Jordán vāme cūtirisajū oco rāca ĩnare bautizayuju Juan. ^{a 7-8} Gaje vāme ado bajiro masare gotimasiorūgūñuju ĩ:

—Yū bero yū rētoro masigū ejarūcūmi. Ūnmasurā rīne ĩre yibosamasiamā, ñamasugū masu ĩ ñajare. Rojose ĩna yisere yitūjacōari, Dios ī bojasejūare yirāre oco rāca bautizarūgūaja yū. To bajiro yū yirūgūse ti quēnaboajaquēne, yū bero ejagū ĩ moasejūa quēnamasucōarūaroja. Īma, Esp'iritu Santore cōamasirūcūmi, masare. Ī suorine, “Dios ī bojabetire yaja yūa” yimasicōari, tūoīvasoarūarāma —Īnare yigotimasiorūgūñuju Juan.

Oco rāca Juanre Jesús ī bautizarotire queti

(Mt 3.13-17; Lc 3.21-22)

⁹ Tirūmūrine Galilea sitajūre ñarimaca Nazaret vāme cūti macā ñar'i, Jordán vāme cūtirisajū vasuju Jesús. Juan tūjū ejacōari, oco rāca ĩre bautizarotiyuju. ¹⁰ Juan ĩre ĩ bautizaro bero, majarūgūgūne, ō vecajū ūmūagasero soje, ti jānasere ĩañuju Jesús. Ti jānarone, Esp'iritu Santo, bujare bajigū rujiadicōari, ĩ joere ĩ rocajeosere ĩañuju. ¹¹ Jesús joere ĩ rocajeorone, ado bajiro yi ocaruyuyuju ō vecajū:

—Yū macū, yū maigū masu ñaja mū. Mū rāca būto variquēnaja yū —yi ocaruyuyuju.

Dios ī bojabetire vātia ūjū, Satanás, Jesúre ĩ yirotiāre queti

(Mt 4.1-11; Lc 4.1-13)

¹² Jesús, oco rāca Juanre ĩ bautizarotiro bero, yucá mano, vaibūcūrā ĩna ñarojū, ĩre ūmato vasuju Esp'iritu Santo. ¹³ Tojūre cuarenta ñarirūmūri ñañuju Jesús. Tojū ĩ bajiarone, vātia ūjū Satanás, ĩre ejacōari, “Yū rotisere yicōari, Dios ī bojabetire yato” yigū, ĩre rotirūgūboayuju. Īre cūdibesuju. To bajicōari, Diore moabosarā ángel mesa ĩre ejarēmoñujarā ĩna.

Galilea sitajū Jesús ī gotimasiosūore queti

(Mt 4.12-17; Lc 4.14-15)

^a 1:5-6 Elías ñamasirí, camello joane suariaro sãñagū ñamasīñuju ĩ quēne. To yicōari, vecū gaserone vēñaricūmasīñuju, ĩ sãñasere.

¹⁴ Tirūmuri, tubiberiaviju Juan ī tubibe ecoro bero, Galilea sitaju vacoasuju Jesús. Dios oca quēnasere gotimasiodudigu vasuju. ¹⁵ Ado bajiro masare gotimasiodudiyuju:

—“To cōrone bajiruaroja yure rotibosarocu, ī rotisuroroti” Dios ī yituoāriaju ejaja yuja. Uju Dios yarā quēnaro ī yirona mua narūajama, rojose mua yisere yitujacōari, ī oca quēnasere muare yu gotisere ajitirūnūña —masare yigotimasiodudiyuju ī.

Vai sīarimasa babaricārācu narāre Jesús ī jire queti

(Mt 4.18-22; Lc 5.1-11)

¹⁶ Cojorūmū, utabucura Galilea vāme cutira tujū vacudigu vasuju Jesús. To vacujū, īañuju, Simón vāme cutigūre, bero Pedro vāme cutirocure, ī bedi Andrére quēne. Vai sīarimasa nāñujarā īna. Bajiyucūre rearoderuu yīñañujarā īna. ¹⁷ Īna tū ejacōari, ado bajiro yiyuju Jesús:

—Yu rāca vayā. Yucurema mua vai vejese ūnirene masa yure īna ajitirūnurotire gotimasibosarimasa narūarāja mua —īnare yiyuju Jesús.

¹⁸ To ī yirirīmarone, īna bajiyucūre cū, īre sūyacoasujarā.

¹⁹⁻²⁰ To yi varūtu vacūne, gājerā juarā narāre īnare jiyuju Jesús. Īna nāñujarā Santiago, ī bedi Juan rāca. Īna jacū Zebedeo rāca cūmuaju īna bajiyucūre siaquēno sāñañujarā. To ī yisere ajicōari, īna jacure, īre moabosarāre quēne vaveocoasujarā, Jesúre sūyana.

Masū usujū sāñagūre vātire Jesús ī burocure queti

(Lc 4.31-37)

²¹ Capernaum macaju ejayujarā īna. Ti macaju īna ejaro bero, usūājariarūmū ti ejaro, Dios ocure īna buerivijū sājañuju Jesús. Sājacōari, masare gotimasioñuju.

²² Dios ī rotimasire gotimasiorimasare bajiro me, ūjūre bajiro bojonebecūne quēnaro ī gotimasiojare, ajīñāmani ī gotise ti nājare, no yimasibesujarā īna. ²³ Ti vire sīgū ūmū nāñuju, ī usujū vāti sāñagū. Jesús, masare ī gotimasiorone, ī usujūre sāñacōari ado bajiro Jesúre īre yivasāñuju vāti:

²⁴ —Jesús, Nazaret vāme cuti macagu, ¿no yigu yua tū vadiati mū? ¡Yūare gōjan-abiobesa! ¿Rojose yua yise vaja, rojose yūare yiguagu vadiati mū? Mūre īamasija yua. Rojose yigu me, Dios ī cōar'i nāja mū —Jesúre yivasāñuju vāti.

²⁵ To ī yirone, oca tutuase rāca ado bajiro īre yiyuju Jesús:

—¡Nagōbesa mū! ¡To yicōari, ī usujūre budigoya! —vātire īre yiyuju Jesús.

²⁶ To ī yirone, rijaquedirotiyuju vāti, masure. To yi, buto avasācōari, masū usujūre budigocoasuju yuja. To ī bajijare, masujūama quēnaejacoasuju. ²⁷ To bajisere īacōari, ti vi narā jediro no yimasibesujarā īna, ti ūnire īabetirūgūriarā nari. To bajicōari, īna masune ado bajiro gāmerā sēñañujarā:

—¿No bajiatī? Ajīñāmani oca manire gotimasioģū yami. Buto masigū nāami. Vātia buto masirā īna nāboajaquēne, masa usūrijūre sāñarāre īnare bureamasiami —gāmerā yiyujarā īna.

²⁸ To bajiro Jesús ī yīnasere masa īna gotibatojare, yoaro mene Galilea sitana tire ajijediyujarā īna.

Simón ūmañicore Jesús ī catiore queti

(Mt 8.14-15; Lc 4.38-39)

²⁹ To bajiro Jesús ī yiro berone, Dios ocure īna buerivijū budiasuju. Santiago, ī bedi Juan quēne, gājerā Jesús ī buerimasa quēne ī rāca vasujarā, Simón ī bedi Andrés rāca īna narūgūriavijūre vana. ³⁰ To īna ejarone, Jesúre gotiyujarā īna:

—Simón ūmañico buto asicōari, būbūribūjaamo —īre yiyujarā īna.

³¹ To bajiro īna yijare, Jesús, so tū ejarūģūcōari, sore tūavūmūoñuju. To ī yirirīmarone, sore rujū asiboase sore tūjacoasuju. To bajiro ī yicaticōario, bare īnare ecajuju so.

Jājarā, rijaye cutirāre Jesús ī catiore queti

(Mt 8.16-17; Lc 4.40-41)

³² Tirũmu, rãiorijũne, rijaye cutirãre juajeyujarã masa, “Jesús ñnare catiato” yirã. Ñna usurijũ vãtia sãñarãre quẽne juajeyujarã, “Vãtiare bureato Jesús” yirã. ³³ Gãjerã quẽne, ti macana jediro soje tu rãjañujarã. ³⁴ Jãjarã ñañujarã rijaye cutirã, to yicõari, ñna usurijũ vãtia sãñarã, masa ñna juajeyujarã. Rijaye cutirãre catiuyuju. To yicõari, ñna usurijũre sãñarãre vãtiare bureayuju. Vãtia, ñre ñna ñamasisere ñacõari, ñnare ñagõrotibesuju Jesús.^b

Dios ocare ñna buerivirijũre Jesús ñnare ñ gotimasiocudire queti
(Lc 4.42-44)

³⁵ Gajerũmu busujedibetibusarojũne, masa manojũ vacoasuju Jesús, Diore sãniguacũ.
³⁶ To ñ bajiboajaquẽne, Simón ñ babarã rãca ñre macasũya, ejacoasujarã ñna. ³⁷ Ñre ñabujacõari,

—Masa jediro mũre macaama —ñre yiyujarã ñna.

³⁸ To bajiro ñna yiboajaquẽne, ado bajiro ñnare cudiyuju Jesús:

—Ita. Gaje macarianare quẽne quẽnase quetire gotimasiocudirocũ ñnaja yũ. Tire yigu vadicaju yũ —ñnare yicudiyuju Jesús.

³⁹ To bajiro Galilea sitaju gotimasiocudiyuju Jesús. Tocãrãca macarirene Dios ocare ñna buerivirijũ sãjaejacõari, oca quẽnasere masare ñnare gotimasioñuju. To yicõari, ñna usurijũre sãñarãre vãtiare bureayuju.

Gase boagũre Jesús ñ catiore queti
(Mt 8.1-4; Lc 5.12-16)

⁴⁰ To bajiro sãgũ gase boagũ, Jesús rãjorojũ gusomuniari tuetuejayuju, ñre rũcũbuogũ. To yicõari, ado bajiro Jesũre ñre yiyuju:

—Yũ mũju, yũ cãmire mũ yarũajama, yaya —ñre yisẽniñuju ñ.

⁴¹⁻⁴² To bajiro ñre ñ yisere ajicõari,

—Mũ cãmire yarũcũja yũ —ñre yigũne, ñre moañañuju Jesús.

To bajiro ñ yirirĩmarone, ñ cãmĩ ñre yaticoasuju yuja. ⁴³⁻⁴⁴ To ñre yigajanocõari,

—Gãjerãre gotibetimasucõama —ñre yiyuju Jesús. To yicõari, ado bajiro ñre rotiyuju:

—Yucũacane paire mũ rujũre ñoaya. Mũ rujũre ñre ñogũne, Moisére Dios ñ roticũmasiri-
arore bajiro vaibũcũrã ecariarãre sãacõari, paire ñre ñsima, Diore rũcũbuogũ. To mũ yisere ñacõari, “Caticoasumi”, yirũarãma masa —ñre yiyuju Jesús, gase boaboar'ñre.

⁴⁵ Ñre ñ gotirotibetiboajaquẽne, masa jedirore gotibatoyuju, “Yũ gase boasere yacõami Jesús” yigũ. To bajiro ñ gotibatojare, macari Jesús ñ vacudijama, yayioro vacudirũgũñuju ñ. To bajiro, masa manojũ ñacudirũgũñuju. To ñ bajirãboajaquẽne, macariana ñajediro ñre ñarã ejarũgũñujarã ñna.

2

Micagũre Jesús ñ catiore queti
(Mt 9.1-8; Lc 5.17-26)

¹⁻² To bajiro ñ yicudiriarũmũri bero, Capernaum vãme cuti macaju tudiejayuju Jesús quẽna. Ñ ñarũgũrivijũre ñ tudiejasere ajiyujarã masa. Tire ajicõari, ñ tũju rãjañujarã ñna. Jãjarã ñna ñajare, vi jũmũcoasuju ti. Nojũ rũgõriajũ mañuju. Soje tu quẽne, nojũ rũgõriajũ mañuju. To ñna bajirone, vi jubejũ Dios oca ñnare gotimasio ñañuju Jesús. ³ To bajiro ñ yĩnarone, babaricãrãcũ ñacõari, micagũre ñmiejayujarã. ⁴ Ñre ñmiejacõari, Jesús tũju cũrũaboayujarã ñna. To ñna yirũaboarore jãjarã ñbabibecõañujarã. To bajiro vijũre sãjamasibesujarã. “Tire bajicõaja” yirã, vi joeju ñre ñmimũjasujarã. Ñre ñmimũjacõari, Jesús ñ rũgõro vecare goje yijorayujarã. To yigajano, micagũre ñ jesarijũ rãcane ñre jidirujio ejoyujarã, Jesús tũju. ⁵ “Ñre ñamaicõari, ñre catiorũcũmi” ñna yitũoĩasere ñamasicõari, micagũjũare ado bajiro ñre yiyuju Jesús:

—Rojose mũ yirere mũre masiriocõaja yũ —ñre yiyuju Jesús.

^b 1:34 “Masare ñ rijabosarotirũmu ti ejabetijare, vãtiare ñagõrotibesuju Jesús”, yiyujarã sãgũri, Dios oca masa ñna ucamasire buerẽtoburimasa.

⁶ To ĩ yisere ajicōari, ti macana sĭgūri Dios ĩ rotimasire gotimasiorimasa, ado bajiro tuoĭañujarā: ⁷ “¿No yigũ to bajise yati ĩ? To bajiro ĩ ñagōjama, Diore ĩre rŭcububecũ yami ĩ. Dios sĭgũne ñagũmi ti ũnire yimasigũma”, yituoĭañujarā ĩna. ⁸ To bajiro ĩna yituoĭasere ĩamasicōari, ado bajiro ĩnare yiyuju Jesũs:

—“Diore bajiro masa rojose ĩna yisere masiriomasiaja’ yisocaami”, yũre yituoĭaboaja mũa. ⁹ “Rojose mũ yisere masiriocōaja” yũ yicōa tujajama, “Socũ yami. Socũ me yami” yũre yĩamasigũ magũmi. To bajiboarine, “Vũmũrũgũcōari, vasa” ĩre yũ yijama, “Socũ me yami. Rojose ĩ yirere masiriocōami”, yũre yĩamasirāja mũa. ¹⁰ To bajiri, Dios ĩ roticōacacũ ñari, “Diore bajirone masare rojose ĩna yisere masiriomasigũ ñaami’ yũre yĩamasiato” yigũ, āni micagũre ado bajiro ĩre yaja yũ: ¹¹ “Vũmũrũgũña mũ. Mũ jesarijũre āmiña. To yicōari, mũ ya vijũ tudiasa”, ĩre yaja yũ —ĩre yiyuju Jesũs.

¹² To ĩ yirirĩmarone, masa jediro ĩna ĩaro rĩjoro vũmũrũgũcōari, ĩ jesarijũre āmi, ĩ ya vijũ vacoasuju ĩ yuja. To bajiro Jesũs ĩ yisere ĩaucacoasujarā masa. “Ti ũnire ĩabetirũgũcajũ mani. Āni, Dios ĩ masise rāca yigũ yami” yituoĭacōari,
—Quēnaro yaja mũ —Diore ĩre yivariquēnañujarā ĩna.

Lev'ire Jesũs ĩ jire queti
(Mt 9.9-13; Lc 5.27-32)

¹³ Micagũre ĩ catioriaro bero, ũtabucũra Galilea vāme cõtira tujũ quēna tudivasuju Jesũs. Tojũ jājarā masa rējañujarā. ĩna rējasere ĩacōari, Dios oca ĩnare gotimasioñuju ĩ.^C
¹⁴ Gotimasio gajano, vacũne, Lev'i vāme cõtigũre ĩre ĩabũjayuju. Alfeo macũ ñañuju ĩ, Lev'i. ũjũre gājoa sēnibosarimasũ ñañuju. Gājoa sēnirā ĩna rujirijũre gājoa sēnirujijuju. To ĩ yĩnaro, ĩacōari,

—Yũre ajisũyaya —ĩre yiyuju Jesũs.

To bajiro ĩ yisere ajicōari, ĩre sũyacoasuju ĩ yuja.

¹⁵ Bero, Lev'i ya vijũ ejacōari, bayuju Jesũs. To bajiri Jesũrāca bañañujarā Lev'i ĩ yiriarore bajiro rojose yirā, ũjũre gājoa sēnibosarimasa, gājerā “Rojose yirā ñaama” masare yĩarā quēne. To yicōari, Jesũs buerimasa quēne bañañujarā ĩna. To bajiri jājarā masũ ñañujarā Jesũre ĩre ajisũyarā. ¹⁶ To ĩna bañarone, ejayujarā fariseo masa, Dios ĩ rotimasirere gotimasiorimasa quēne. ĩna ñañujarā, Moisére Dios ĩ roticũmasirere bũto ajirũcũbuorā, rojose yirā rāca ñarũamena. Ejacōari, rojose yijairā rāca ĩna bañasere ĩacōari, Jesũs buerimasare ĩnare sēniñañujarā:

—¿No yigũ mũare buegũma, ānoa rojose yirā rāca bañati? —yisēniñañujarā ĩna.

¹⁷ To bajiro ĩna yisēniñajare, ado bajiro ĩnare cũdiyuju Jesũs:

—Catiquēnarāma, ũco yigũre bojamenama. Rijaye cõtirā rĩne ĩre bojarāma ĩna. To bajiro bajiaja yũre quēne. “Rojose yirā me ñaja yũ”, yirāma, yũre bojamenama. “Rojose yirā ñaja yũ” yirā rĩne yũre bojarāma. Quēnaro yirāre jigũ me, adĩ macarũcũrojũre vadicaju yũ. Rojose yirāre, “Rojose ĩna yisere yitujato” yigũ, vadicaju yũ. To bajiri ānoa, “Rojose yirā ñaama” mũa yĩarā rāca bañaja yũ —ĩnare yiyuju Jesũs.

“Mani sũtiritisere ĩacōari, quēnaro manire ejarēmorcũmi Dios” yirā, bare babetire queti

(Mt 9.14-17; Lc 5.33-39)

¹⁸ Juan masare oco rāca bautizarimasũ ĩ buerā, fariseo masa quēne, ĩna ñicũa ĩna yimasiriarore bajiro bare bamenane Diore sēniñujarā, “Mani sũtiritisere ĩacōari, quēnaro manire ejarēmoato Dios” yirā. To ĩna yirirũmũre Jesũre sēniñarā ejayujarā sĭgũri:

—Juan ĩ buerimasa, to yicōari, fariseo masa quēne, mani ñicũa ĩna yimasiriarore bajiro Diore ĩna sēnirirũmũrirema bare babetirũgũama. ¿No yirā tire yibeati mũ buerāma? —Jesũre yisēniñañujarā ĩna.

¹⁹ To ĩna yisere ajicōari, ado bajiro ĩnare gotimasioñuju Jesũs:

^C 2:13 Levĩ, jũa vāme, vāme cõtigũ ñañuju. Gaje vāme, Mateo vāme cõtiyuju. “Levĩ” ti yijama, hebreo oca rāca yiyuju. “Mateo” ti yijama, romano oca rāca yaja.

—Sīgū ī āmosiarirūmure ĩre variquēnaejarēmōrā ñarāma. To ĩ ũmato yīñaro cōro ĩre variquēnaejarēmōrāma. ĩnare bajiro bajiama yū buerā. Yū rāca ñari, variquēnacōa ñaama. “Sūtiritimena ñari, no yirā bare babeticōa yimenama” yimasire ñaja. ²⁰ To bajiboarine, cojorūmu yure ĩna ñiavato ĩacōari, bare bamenane Diore sēniruarāma, “Mani sūtiritisere ĩacōari, quēnaro manire ejarēmoato Dios” yirā.

²¹ Mame oca yū gotimasiose ricati ti ñajare, yū ye rāca mani ñicua ĩna yimasirere mua tuoĭavuoajama, quēnabeaja. Sudiro bucūase ti vojama, mamagasero rāca seretumasimenaja mani. Mamagaserone mani seretujama, mani coero bero carato tūatutu vatone bucūasejua vocoatoja. Bucūase, mamase rāca mani seretumasibetore bajirone, mame oca yū gotimasiosere, mani ñicua oca rāca tuoĭavuoabesa mua. ²² To bajirone bajiaja ũye oco quēne. Mame ũye ocore, vaibucūgaserone quēnorĭajoa bucūjoajūare jimenaja mani. Bucūjoajūre mani jiojama, jāmusñituca yiro, yivocōaroja tĭjoajūare. To bajiro mani yijama, ũye ocore, vaibucūgaserone quēnorĭajoa quēne, to bajirone yireacōa tujana yirāja mani. “To bajirobe” yirāma, mame ũye ocore vaibucūgaserone quēnorĭajoa, mamajoajūare jiore ñaroja. To yicōari, ũye oco, vaibucūgaserone quēnorĭajoa quēne, cojoro cōro quēnaro ñaruarōja. To bajiri mame ũye ocore, bucūjoajūre mani jĭobetore bajiro mame oca yū gotimasiosere, mani ñicua oca rāca tuoĭavuoabesa mua —ĩnare yiyuju Jesús.

Ususājariarūmu ñaboajaquēne, Jesús buerimasa trigo ajere tūnejuacōari, ĩna bare queti

(Mt 12.1-8; Lc 6.1-5)

²³ Ususājariarūmu ti ejaro, trigo ĩna oteriavese cūtove vasuju Jesús, ĩ buerimasa rāca. To bajivanane, trigo ricare tūnejuacōari, ĩna āmorine ti gasere sĭguēreacōari, bayujarā ĩ buerimasa. ²⁴ Tire ĩna basere ĩacōari, fariseo masa ado bajiro Jesúre ĩre yiyujarā:

—ĭñaña mu! Mu buerimasa, ususājariarūmu yire mere yama ĩna —Jesúre ĩre yiyujarā.

²⁵ To bajiro ĩna yisere ajicōari, ado bajiro ĩnare cūdiyuju Jesús:

—ĭDavid ñamasir'i ĩ babarā rāca ñiorĭjacōari, ĩnare ĩ ũmato bamasirere masibeati mua? ²⁶ Paia ũju ñamasugū Abiatar vāme cūtigū ĩ ñarore David mesa, ñiorĭjarā ñari, “Mani rāca ñagūmi Dios” masa ĩna yirivijūre sājacōari, Diore ĩre rūcūbuorā pan gājerā ĩna cūboarerene juacōari, ĩ babarā rāca bamasiñuju ĩ. To bajiri Moisés ñamasir'i ĩ gotimasirema, “Paia rĭne baruarāma” ĩ yimasiboarerene bamasiñujarā ĩna. To bajiro ĩna yĭboajaquēne, ti vaja rojose ĩnare yĭbetimasĭñumi Dios. ²⁷ “Ususājariarūmure ado bajiro yĭya’ yū yisere cūdirā ñato” yĭgu me, masare rujeoyumi Dios. Masare rujeocōari, “Ususājariarūmu ñaruarōja”, yĭcūmasĭñumi, “Quēnaro ñato ĩna” yĭgu. ²⁸ Yū, Dios ĩ roticōacacu, “Ususājariarūmure ado bajiro mua yijama, quēnaja. To bajirojua mua yijama, quēnabeaja”, yĭrotĭgu ñaja yū —ĩnare yĭcūdiyuju Jesús, fariseo masare.

3

Āmo ñujobecure Jesús ĩ ñujorotire queti

(Mt 12.9-14; Lc 6.6-11)

¹ To yĭ vacūne, Dios ocare ĩna buerivĭjū sājajuju Jesús. Ti vĭjū ñañuju sĭgū, cojojacatua āmo ñujobecū. ² Fariseo masa quēne ñañujarā. “Jesús, rojose yĭmi’ ũjarāre yĭgotĭ, yĭrorāsa” yirā, Jesúre ĩre ĩacodeyujarā ĩna. “Adirūmu ususājariarūmure āni āmo ñujobecure ĩ masise rāca ĩ ñujorotĭjama, ‘Dios, Moisére ĩ roticūmasirere cūdibecu yĭmi’ yĭgotĭruarāja mani”, yĭtuoĭañujarā. ³ To bajiro ĩna yĭtuoĭarone, ado bajiro yiyuju Jesús, āmo ñujobecūjūare:

—Vūmurūgūña —ĩre yiyuju.

⁴ To bajiro ĩre yĭgajanogūne, fariseo masare ado bajiro ĩnare sēniñañuju:

—ĭUsusājariarūmure quēne, no bojagu masare quēnaro mani yijama, quēnabetojari? ĭDisejūare yĭrotĭ ñati? ĭQuēnasejūare, rojosejūare yĭrotĭ ñati ti? ĭRĭjaye cūtirāre cātĭorejūare yĭrotĭ ñatique? To yĭterā, ĭĩnare sĭacōarotĭ ñatique? —ĩnare yiyuju Jesús.

To ĩ yiboajaquēne, ĩre cūdibesujarā ĩna. ⁵ To bajiri ĩre ĩna ajitesere ĩajūnisinigū ñaboarine, ĩnare ĩasūtiritigune, āmo ñujobecujare ado bajiro ĩre yiyuju Jesús:

—Mũ āmore ñujoya mũ —ĩre yiyuju.

To ĩ yirone, ĩ āmore ĩ ñujorone, quēnaejacoasuju yuja. ⁶ To ĩ yisere ajicōari, budicoasujarā fariseo masa. Budiacōari, “Ujũ ñamasugũ ñarucumi Herodes” yirūgūriarā rāca ñagōrā vasujarā. “¿No bajiro yicōari, Jesúre sīarotirāti mani?”, gāmerā yĩñagōñujarā ĩna.

Utabucura tujũ jājarā masa ĩna ejare queti

⁷ To ĩ yiro bero, ĩ buerimasa rāca vacoasuju Jesús utabucura Galilea vāme cūtiraju vana. To ĩna vato, Galilea sitana jājarā Jesúre sūyasujarā. ⁸ Gaje macariana quēne, jājarā masa, ĩaĩañamani Jesús ĩ yĩnasere ajicōari, ĩ tujũ ejayujarā. ĩna ñañujarā: Judea sitana, Jerusalén macana, Idumea sitana, Jordán vāme cūtiya gajejacatnana, Tiro macana, to yicōari, Sidón macana quēne ñañujarā ĩna. ⁹⁻¹⁰ Jājarā rijaye cūtirāre Jesús ĩ catiosere ajicōari, gājerā buto ĩre moaĩaruyujarā ĩna, “To bajiro mani yijama, caticoanaja” yirā. To bajiro ĩna yituoajare, “Rūgōbibecōarāma” yigũ ñari, —Cūmua cūo yuya mũa —ĩ buerimasare ĩnare yiyuju Jesús.

¹¹ ĩna usūrijare vātia sāñarā, Jesúre ĩacōari, ĩ rĩjorojua gūsomuniari tuetucōari muquearāne, ado bajiro yivasāñujarā ĩna:

—Dios macune ñaja mũ —Jesúre ĩre yivasāñujarā.

¹² To bajiro ĩna yisere ajicōari, oca tutuase rāca ĩnare ñagōrotibesuju Jesús, vātiare rotigũ.

Ī ocare goticudisūoronare Jesús ĩ besere queti

(Mt 10.1-4; Lc 6.12-16)

¹³⁻¹⁴ Cojorũmũ burojũ majacōari, ĩ buerimasare ĩ bojarāre jirēoñuju Jesús. To bajiri ĩ tujũ ĩna ejarone, juaāmo cōro, gũbo jua jēnituarirācũ ñarāre beseyuju. To yicōari, ado bajiro ĩnare gotiyuju:

—Yũ rācane ñacōaruarāja mũa. To bajicōari, yũ ocare yure goticudibosarā ñaruarāja mũa. ¹⁵ Masa usūrijũ sāñarāre vātiare, “Budiya” mũa yijama, budiruarāma —ĩnare yiyuju Jesús.

¹⁶ Ado bajiro vāme cūtirā ñañujarā juaāmo cōro, gũbo jua jēnituarirācũ ñarā ĩ beseriarā: Simón vāme cūtiboar'i Pedro vāme cūtigũ. ¹⁷ To yicōari Zebedeo rīa ñacama Santiago ĩ bedi Juan. ĩna juarāre Boanerges vāme yiyuju Jesús. Ti vāme, Bũjo rīa yire ũni ñañuju. ^d ¹⁸ Andrés, Felipe, Bartolomé, Mateo, Tomás, Tadeo ñañujarā. Alfeo macũ Santiago, to yicōari, Simón vāme cūtigũ, celote yere tuoĩaboar'i ñañuju. ¹⁹ Tusagũ Judas Iscariote vāme cūtiyuju. ĩ ñañuju Jesúre ĩsirocar'i. To bajiri juaāmo cōro, gũbo jua jēnituarirācũ ñañujarā Jesús ĩ beseriarā.

“Vātia ujũ ĩ masise rāca yigũ yami Jesús”, ĩna yire queti

(Mt 12.22-32; Lc 11.14-23; 12.10)

²⁰ Bero, vijũ Jesúrāca tudiejayujarā ĩ buerimasa. To ĩna bajiro, jājarā masa rējañujarā. To bajiri, bare bamasibeticōañujarā ĩna, Jesús mesa. ²¹ To bajiro ĩna bajiñase quetire ajicōari, “Mecurimasũ ñacoacũ yigũmi”, Jesúre ĩre yiyujarā masa. To bajiro ĩre ĩna yisere ajicōari, ĩ yarā, ĩre jirā vasujarā ĩna.

²² Gājerā Dios ĩ rotimasirere gotimasiorimasa Jerusalén maca vadiriarā ado bajiro Jesúre yiyujarā ĩna:

—Ī usũjũ vātia ujũ Beelzebú vāme cūtigũ sāñagũ ñaami. To bajiri Beelzebú ĩ masise rāca vātiare bureaami —yiyujarā ĩna.

²³ To bajiro ĩna yise ñajare, ĩnare jiyuju Jesús. To yicōari, ĩ tujũ ĩna ejaro, gotimasiore queti ado bajiro ĩnare gotiyuju:

^d 3:17 “Yoaro me jūnisinirā ĩna ñajare, Santiago ĩ bedi Juan ĩna juarāre ‘Bũjo rīa’ vāme yiyuju Jesús”, yiyujarā Dios oca buerētoburimasa sīgũri.

—Vātia ɯɟɯ, masa ɯsuriɟɯ ĩ yarāre sājartotigɯ ñaboarine, no yigɯ, “Īnare bureaya” yigɯ ñabecumi tia. ²⁴ Cojo sitana rotirimasa ĩna gāmerā quēajama, ĩna masune gāmerā sīayayirā yirāma. ²⁵ To bajirone bajiroja cojo vi ñarāre quēne. ²⁶ Tire bajirone bajiroja vātiare quēne. Vātia ĩna gāmerā bureajama, “Masare rojose yitujato mani” yirā yiborāma. To bajiro ti bajijare, “Beelzebú vāme cutigɯ ĩ masise rāca masa ɯsuriɟɯ sāñarāre vātiare bureaami” ɯre mɯa yiboase, riojo yirā me yaja mɯa —Īnare yiyuju Jesús.

²⁷ To bajiro ĩnare yigoticōari, quēna gajeye gotimasiore queti ĩnare gotiyuju:

—Sīgū, gāji guamɯ ya vi sājacōari, ĩre ĩ siabetijama, gajeyeūni ēmamasibecumi. Īre siacōari, ĩ gajeyeūnire ēmamasigūmi yuja. To bajirone bajiaja ɯre quēne. Vātia ɯɟɯ ĩ rotiboasere ĩre yirotibeticōari, vātiare ɯɯ burease sɯorine, vāti ĩ rotiajeboariarāre ĩre ēmagū yaja, “Yɯ yarā ñato” yigɯ —Īnare yiyuju Jesús.

²⁸ To bajiro ĩnare yigoticōari, quēna ado bajiro ĩnare yiyuju Jesús:

—Riojo mɯare gotiaja ɯɯ. Masa jediro rojose ĩna yijama, jediro rojose ĩna ñagōjaquēne, sɯtiriticōari, Diore ĩna sēnijama, rojose ĩna yisere masiriorɯcumi. ²⁹ To bajiboarine, Esp'iritu Santoɟuare rɯcɯbuomena rojose ĩre ĩna yitud'ijama, tirema masiriobetirɯcumi. To bajiro ĩna yijama, to bajirone rojose ĩnare ñacōa ñarūgūrɯaroja —yiyuju Jesús.

³⁰ Esp'iritu Santo ĩ masise rāca ĩ yiboajaquēne, “Ī ɯsɯɟɯ vāti sāñagū ñari, bajigumi” ĩre ĩna yise ñajare, to bajise ĩnare gotiyuju Jesús.

“Yɯ yarāma ado bajiro bajirājɯa ñaama”, Jesús ĩ yire queti

(Mt 12.46-50; Lc 8.19-21)

³¹⁻³² Jesús, masare ĩ gotimasio ñarone, ĩ tɯ rujigānirā ado bajiro ĩre yiyujarā ĩna:

—Mɯ jaco, mɯ bederā rāca macajúɟɯ ejama, mɯ rāca ñagōrɯarā —Jesúre ĩre yiyujarā.

³³ To bajiro ĩna yiboajaquēne, ado bajiro ĩnare cɯdiyuju Jesús:

—¿Ñimo ñati ɯɯ jacoma? ¿Ñimarā ñati ɯɯ bederāma? —Īnare yiyuju.

³⁴ To yigune, ĩ tɯ rujigānirāre ĩacōari,

—Mɯa ñaja ɯɯ bederāma, ɯɯ jacore bajiro bajirāma. ³⁵ No bojarā ɯɯ jacɯ ò vecagɯ ĩ rotirore bajiro yirā, ĩna ñarāma ɯɯ bederāre bajiro bajirāma, ɯɯ jacore bajiro bajirāma —Īnare yiyuju Jesús.

4

Oterimasu ĩ bajirere Jesús ĩ gotimasiore queti

(Mt 13.1-9; Lc 8.4-8)

¹ Quēna ɯtabɯcɯra tɯ ejacōari, masare gotimasioñuju Jesús. Masa jājarābɯsa ĩna rējaquearo ĩacōari, cūmuajɯ vasājacōari, rujiyuju Jesús. Masajɯama, ɯtabɯcɯra tɯ ñañujarā ĩna. ² To bajicōari, cojo queti me tɯoĩacōari, “Ado bajiro bajisere bajiro bajiaja” ĩnare yigotigɯ ñari, ado bajise gotiyuju:

³ —Adi queti mɯare ɯɯ gotisere quēnaro ajiya mɯa. Sīgū oterimasu veseɟɯ ote ajere oteɟɯ vacumi. ⁴ Vese ejacōari, ote ajere ĩ reabaterone, gajeye maajɯ vējaquearoja. To bajiri minia ejacōari, tire bareacōarāma ĩna. ⁵⁻⁶ Gajeyema, gūta joeɟɯ reajeoroja. Tijɯ, mojoroaca sita ti ñajare, guaro ti judidaboajaquēne, muiju, asisĩocōagūmi. To bajicōari, oco manijare, sīnireacoatoja ti. ⁷ Gajeyema, jotayucú vatoajɯ vējaquearoja. To bajicōari, ti judiboajaquēne, jotajɯa bɯcɯaveocoatoja ti. To bajiri rica cutibetoja ti. ⁸ Gajeyema, sita quēnaroɟɯ vējaquearoja. To baji, judibɯcɯacōari, quēnase ñacōari, jairo rica cutiroja. Cojotō, treinta ñaricari rica cutiroja. Gajetō, sesenta ñaricari, gajetō, cien ñaricari rica cutiroja. ⁹ Tire mɯa ajimasirɯajama, quēnaro tɯoĩañia mɯa —Īnare yiyuju Jesús.

“Ado bajiro yigɯ, gotimasiore queti gotirūgūaja ɯɯ”, Jesús ĩ yire queti

(Mt 13.10-17; Lc 8.9-10)

¹⁰ Tijɯ bero, Jesús sīgūne ĩ ñaro, ĩ buerimasa juaāmo cōro, gɯbo jɯa jēnitarirācɯ ñarā, gājerā ĩre ajisɯyarā rāca ĩ tɯ rējacōari, ado bajiro ĩre sēniñañujarā:

—¿Gotimasiore queti ɯɯare mɯ gotise, no yire ũni ñati ti? —Īre yisēniñañujarā ĩna.

¹¹ To bajiro ñna yisēñijare, ado bajiro ñnare cūdiyujū ī:

—“Ūjū Dios yarā quēnaro ī yirona, yūa ñarūajama, ado bajiro yiroti ñaja” ñna yimasibeticatire Dios suorine ajimasijaja mūama. To bajiboarine gājerājuama, Dios ī bojabetijare, tire ajimasibeama. ¹² To bajiri, gotimasiore queti rāca gotimasioaja yū, ado bajiro bajirā ñna ñajare: Adī macarūcuroaye rīrene tuoīarā ñari, yū yīosere ñacōari, to yicōari, yū gotisere ajicōari, “To bajiro manire yigotigū yami”, manire yimasibeama. To bajiro bajirā ñari, rojose ñna yisere tuoīavasoacōari, “Yūare masirioya”, Diore yisēñibeama. To bajiri yirēto ecobosabetiruarāma ñna —ñnare yigotiyujū Jesús.

“Ado bajiro yirūaro yaja oterimasū ī bajire queti”, Jesús ī yigotirētobure queti (Mt 13.18-23; Lc 8.11-15)

¹³ Bero, quēna ado bajiro ñnare gotiyujū Jesús:

—Oterimasū ī bajire quetire mūare yū gotisere mūa ajimasibetijama, gajeye yū gotirotire quēne ajimasimenaja mūa —ñnare yiyujū Jesús.

¹⁴ To yigūne, ado bajiro ti quetire ñnare gotirētobuyujū Jesús:

—Oterimasūma, yū gotimasisere gotimasiocudirimasūre bajiro bajigū ñagūmi. ¹⁵ Ote aje, maajū vējaquearere, minia ñna barere yū yijama, “Ūjū Dios quēnaro ī yirona ñna ñarūajama, ado bajiro yiroti ñaja” yū yigotimasiosere ñna ajiboasere, vātia ūjū ejacōari guaro ī masirosere yigū yibū yū —yiyujū.

¹⁶⁻¹⁷ —Gūta joejū vējaqueacōari, guaro judibūcūaboarere, muiju ī asisōrere yū yijama, yū yere ajicōari, quēnaro variquēnase rāca ajirā ñaboarine, yoaro mene tire ñna quejerotire, to yicōari, yū gotisere ajirā ñna ñajare, gājerā rojose ñnare ñna yijama, yoaro mene yū ocare ñna ajitūjarotire yigū yibū. ¹⁸⁻¹⁹ Jotayucū vatoajū vējaqueacōari, judiboarere jotajū ti būcūaveorere yū yijama, yū gotisere ajirā ñaboarine, adī macarūcuro ti bajisejūare tuoīarejairā ñari, to yicōari, gajeyeūni bojatuoīarā ñari, yū yejūare ñna tuoīatūjacōari, yū bojarore bajiro yimenare yigū yibū yū. ²⁰ Sita quēnarojū vējaqueare judibūcūacōari, quēnase rica cūtirere cojotō treinta ñaricari, gajetō sesenta ñaricari, gajetō cien ñaricari rica cūtirere yū yijama, yū gotmasiosere ajimasicōari, Dios ī bojarore bajiro quēnaro yirā yū ocare ñna gotimasiose suorī, gājerā masa quēne yūre ñna ajitirūnūrotire yigū yibū —ñnare yigotiyujū Jesús.

Sīabusuariare tuoīacōari, Jesús ī gotimasiore queti (Lc 8.16-18)

²¹ Quēna gaje queti ado bajiro ñnare gotiyujū Jesús:

—Sīabusuariare jēocōari, sotūne tiare mubūamenaja mani. Tiare jēocōari, “Ñajediro ti vianare ūjūbusuato” yirā, vecajū jeorāja mani. Tire bajiro bajijaja yū gotimasiose. “Ajimasibeticōato masa” yigū me, to bajise ñnare gotijaja yū. “Quēnaro riojo ajimasiatō masa” yigū, gotirūgūaja. ²² Dios suorine masa ñna ajimasibeticati jediro, quēnaro ajimasiruarāma. ²³ Tire, mūare yū gotisere mūa ajimasirūajama, quēnaro tuoīañna mūa —ñnare yiyujū Jesús.

²⁴ To yicōari, quēna ado bajiro ñnare gotiyujū Jesús:

—Mūare yū gotisere quēnaro ajitirūnūña mūa. Mūa ajitirūnūrūtūatore bajirone “Būtoḅūsa ajimasiatō” yigū, mūare ejarēmōrūcūmi Dios. Rētobūsarō mūare ī ejarēmose ñajare, variquēnaruarāja mūa. ²⁵ To bajiri, no bojagū Diore ajitirūnūgūre, “Quēnarobūsa ajimasiatō” yigū, ī masisere cōarūcūmi Dios. Gājirema, ĩre ajigū ñaboarine, ĩre ī ajitirūnūbetijare, Dios ī rotise suorine ī ajimasiboasere masiriticōarūcūmi ī. To bajiri Diore masibetimasucōarūcūmi —ñnare yiyujū Jesús.

Ote aje judibūcūare tuoīacōari Jesús ī gotimasiore queti

²⁶ Quēna ado bajiro masare gotimasioñujū Jesús:

—No bojarā, Ūjū Dios yarā quēnaro ī yirāma, yū gotimasiosere ajitirūnūñarā rīne, ī suorine būtoḅūsa ĩre bajiro quēnaro yirā ñarūtuaruarāma. To bajiro ñna bajijama, ote aje ti judibūcūatore bajiro bajijama. Oterimasū otegūmi. ²⁷ Otecōari, tocārāca ñamiri, ūmūari quēne, ī cānijacquēne, ī cānibetijacquēne, no yibetoja ī otere. Ī codetirūnūcōa

ñabetiboajaquêne, ti masurione judicōari, bũcũatoja. Ti bũcũamũjasere, “Ado bajiro bũcũatusajũ ti” yimasibetiboajaquêne, bũcũamũjacoatoja ti. ²⁸ Ī otere ti masurione judiroja ti. Rĩjoro rujasaviaca judisũoroja. Vero, bũcũamũjacōari jũ cũtiroja. To bajicōari rica cũtiroja. ²⁹ Ti bũcũaro ĩacōari, juagũmi —ĩnare yiyuju Jesũs.

“Mostaza vãme cũtiũ rica, ajeare bajiro bajaia”, Jesũs ĩ yire queti

(Mt 13.31-32; Lc 13.18-19)

³⁰ Quẽna ado bajiro gotiyuju Jesũs:

—“Rotimũorũgōrũcũmi” yigũ, Dios ĩ cōagũ, yũ gotimasiosere no bojarã ĩna ajitirũnũjama, mũare yũ gotisere mojoroaca ajimasiboarine, rojose ĩna ñare cũtisere tũoĩava-soacōari, tocãrãcarũmũri quẽnaro ñamũjarũgũcōari, quẽnaro ajimasimũjarũgũjama, ado bajiro bajirũaroja: ^e ³¹ Sĩgũ ĩ ya vesejũre mostaza ajea otegũmi. Gajeye ote aje rẽtoro rũjaricaca ñaroja ti, mostaza ajeaca. ³² To bajiri ĩ oterica mojoricaca ñaboarine, ti judibũcũacoajama, ote yucũri rẽtobũsaricũ jairicũ ñaroja tiũ. Jairicũ ti ñajare, tiũ rũjũrijũ minia ĩna ria cũtirotijũrĩre quẽnorãma ĩna —yĩgotimasioũuju Jesũs.

³³⁻³⁴ Gotimasioire queti rãca rĩne ĩnare gotimasiorũgũũuju Jesũs, “Ĩna ajimasiro cōro ajimasiatũ” yigũ. To bajiro yicōari, ĩ buerimasa rĩne ĩna ñaro, quẽnaro ĩnare gotirẽtobu-jeocōaũuju.

Mino vatone, oco sabesere Jesũs ĩ tũjore queti

(Mt 8.23-27; Lc 8.22-25)

³⁵ Tirũmũ muiju ĩ rocasãro, ĩ buerimasare ado bajiro ĩnare yiyuju Jesũs:

—Gajejacatũajũ jẽajaro mani —ĩnare yiyuju Jesũs. ³⁶ To bajiri jãjarã masa Jesũre ajirã ejarãre, ĩ sãñaricũmuajũne ĩ buerimasa rãca ĩnare jẽaveocoasujarã. To bajiri, gaje cũmuariana quẽne, ĩnare jẽasũyasujarã. ³⁷ To ĩna jẽatone, bũto mino vasuju. To bajicōari, bũto sabeyuju. Ti saberone, cũmua sagueca yiro, rujacoarũayuju. ³⁸ To ti bajiboajaquêne, rũjoa tutuorĩajũ rãca ĩ rũjoare tutuocōari, cãnisãñaũuju Jesũs, cũmua gũdejũ. Ī cãniro ĩacōari, ĩre yũjioyujarã ĩna:

—Yũa mũũ, jrujareana yaja mani! ¿“To bajiro ti bajijama, quẽnacōaroja”, yati mũ? —ĩre yiyujarã ĩna.

³⁹⁻⁴⁰ To bajiro ĩna yirone,

—¿No yirã bũto gũiatĩ mũa? “Rojose mani tãmũboajaquêne, manire yirẽto-bosarũcũmi”, yũre yitũoĩabeaja mũa —ĩnare yiyuju Jesũs. To yigajanocōari, ado bajiro yiyuju Jesũs:

—¿Mino tũjaya! ¡Sabese quẽne tũjaya mũa! —yiyuju Jesũs.

To ĩ yirone, tũjacoasuju mino. Sabese quẽne, sabebesuju yuja.

⁴¹ To bajiro ĩ yiboajaquêne, bũto gũicōa ñaũujarã ĩna. To bajiri, ado bajiro gãmerã sãnĩñaũujarã:

—¿Ñimũ ũgũ masũ ñati ãni? Minore, to yicōari, sabesere ĩ tũjarotijama, ĩre ajaia —gãmerã yiyujarã Jesũs buerimasa.

5

Gerasa vãme cũti maca tũagũre ĩ usũjũ sãñarãre vãtiare Jesũs ĩ bureare queti

(Mt 8.28-34; Lc 8.26-39)

¹ Ĥtabũcũra gajejacatũajũ Gerasa vãme cũti maca tũjũ ejayujarã. ²⁻⁵ To ĩna ejarone, masa rijariarãre ĩna yujereariavijũre sĩgũ ũmũ budiayuju, Jesũre ĩagũagũ. Ti vijũ ñaũuju ĩ ñaro. Vãti sãñagũ ñaũuju. To bajiri no yimasĩnamagũ ñaũuju. Cojoi me cõmẽmane ĩ gũbori sotorire, ĩ ãmorire quẽne siaboayujarã. To ĩna yiboajaquêne, tũasure reacōarũgũũuju ĩ. To bajiro bajigũ ñari, ũmũ, ñamirire quẽne gũtayucũ joejũ vacudirũgũũuju. To bajicōari, masa yujereariavijũre ñacōari, avasãmecũcudirũgũũuju.

^e 4:30 Mostaza ajea ti bajire queti Jesũs ĩ gotirere, “Ado bajiro yirũaro yaja”, yiyujarã Dios oca masa ĩna ucamasirere buerẽtobudiriarã sĩgũri: “Jesũs ĩ gotimasiosere ajitirũnũrã ĩ ñarirodo mojoroaca ñaboarine, jãjarã ĩna bũjũrotire yigũ yiyuju Jesũs”, yiyujarã ĩna.

To bajiro bajicudica yigũ, gũtarijũ quedi-roca vacudirũgũñuju. ⁶To bajiro bajiñar'i, sõjũne Jesũre ĩabũjacõari, ũmarojayuju. Jesũs tũjũ ejacõari, ĩ rĩjorojũa gũsomuniari tuetuyuju, ĩre rũcũbuogũ. ⁷⁻⁸To bajiro ĩ yiejasere ĩacõari, ado bajiro ĩ usũjũre sãñagũjũare vãtĩre yiyuju Jesũs:

—Ăni masũ ĩ usũjũ sãñagũ budiya mũ —ĩre yiyuju Jesũs.

To ĩ yijare,

—Jesũs, masirẽtogũ, Dios macũ ñaja mũ. ¿No yigũ yũa tũ vadiati mũ? “Yũre gõjanabiobesa”, mũre yisẽniaja yũ. Dios ĩ ĩaro rĩjorojũa, “Rojose mũ yise vaja, rojose mũre yibeaja yũ”, yũre yiya —Jesũre yisẽniñuju vãti.

⁹To ĩ yirone, ado bajiro ĩre yiyuju Jesũs:

—¿Ñimũ vãme cõtĩati mũ? —ĩre yiyuju.

To ĩ yisere ajicõari, ado bajiro ĩre cũdiyuju vãti:

—Legiõn vãme cõtĩaja, jãjarã ñarã ñari —ĩre yicũdiyuju.

¹⁰To bajiri ado bajiro Jesũre sẽniãñujarã:

—Gaje sitajũ ĩnare cõabesa mũ —Jesũre yiyujarã. ¹¹Burojũ jãjarã ecariarã yesea macabañajũarã. ¹²ĩnare ĩacõari, ado bajiro Jesũre yisẽniñujarã ĩna:

—Yũare mũ bureajama, õa yeseajũare yũare sãjarotiya —ĩre yisẽniñujarã ĩna.

¹³To bajiro ĩna yijare,

—Mũare varotĩaja yũ —vãtiare ĩnare yiyuju Jesũs.

To ĩ yirone, masũ usũjũre sãñaboariarã budicoasujarã yuja, ecariarã yesea, dos mil cõro ñarãjũare sãjaroana. ĩna sãjarone, buro ũmaroja vacõari, utabũcũrajũ rearoderu-jacõa tũjasujarã.

¹⁴Yeseare coderimasa, to bajiro ĩna bajisere ĩacõari, ũmacoasujarã, ĩna ya macajũ vana. Tojũ ejacõari, ti macanare, to yicõari, ti maca tũ ñarimacarianare quẽne tire gotibatoyujarã. To bajiro ĩna yigotisere ajicõari, Jesũre ĩarã vasujarã ĩna, ti macana jediro. ¹⁵ĩ tũjũ ejacõari, vãtia sãñaboar'ire ĩañujarã ĩna. Sudi sãñacõari, Jesũs tũ rujiyuju. ĩna bajirore bajiro bajigũ ñañuju ĩ yuja. Vãtia ĩna sãñajama, tũõamasibecũ ñañuju maji. Quẽnaro tũõagũ ñañuju yuja. To bajiro ĩ yimasisere ĩacõari, Jesũre bũto gũiyujarã ĩna. ¹⁶Vãtia sãñaboar'i ĩ bajisere, to yicõari, yesea ĩna bajirere ĩariarã, gãjerãre gotiyujarã.

¹⁷To bajiri Jesũre bũto gũirã ñari,

—Vacoasa. Ado mũ ñasere bojabeaja —ĩre yiyujarã ĩna.

¹⁸To ĩna yijare, tudiacũ, cũmuajũ vasãjãñuju Jesũs. To ĩ bajirone, ado bajiro ĩre yiboayuju vãtia sãñaboar'i:

—Mũ rãca bũto varũaja yũ quẽne —ĩre yiboayuju.

¹⁹To bajiro ĩ yiboajaquẽne, ado bajiro ĩre cũdiyuju Jesũs:

—“Yũ rãca vadĩbesa. Mũ ya vijũ tudiasa. Dios yũre ĩ ĩamaijare, ĩ masise rãca yũ usũjũ sãñarãre vãtiare bureami Jesũs”, mũ yarãre ĩnare yigotĩba —ĩre yicũdiyuju Jesũs, vãtia sãñaboar'ire.

²⁰To bajiro ĩ yijare, ĩ yarã tũjũ tudicoasuju ĩ. Tudiejacõari, Decãpolis vãme cõtĩ sita ñarimacarianare, Jesũs ĩ yirere goticudyuju. To bajiro ĩ yigotisere ajicõari, no yimasibesujarã ĩna masa, ti ũnire ajibetirũgũriarã ñari.

Jairo macore Jesũs ĩ catiore queti

(Mt 9.18-26; Lc 8.40-56)

²¹Jesũs, tudijẽacoasuju quẽna, gajejacatũajũ. Utabũcũra tũjũ ĩ ñaro jãjarã masa rẽjãñujarã. ²²To bajirone, Dios ocare ĩna buerivi mũ quẽne ejayuju, Jairo vãme cõtĩgũ. Jesũre ĩacõari, ĩ rĩjorojũa gũsomuniari tuetuyuju, ĩre rũcũbuogũ. ²³To yicõari, ado bajiro Jesũre ĩre yiyuju:

—Yũ maco bajirocaco yimo. So tũ ejacõari, sore mũ moaĩajama, caticoarũocomo —Jesũre ĩre yiyuju.

²⁴To bajiro Jairo ĩ yisere ajicõari, ĩre sũyasuju Jesũs. Jãjarã masa ĩre sũyacõari, no bajiro yi vamasĩna manojũ vasujarã ĩna. ²⁵To bajiro ĩna bajiro vatoajũre sĩgõ, gãmorõmi cõtĩgo ñañuju so. Jũãmo cõro, gũbo jũa jẽnituari cũmari gãmogõre bajiro bajicõarũmũri

cūtirūgūñuju so. ²⁶ Jājarā ɥco yirimesa sore ñna ɥco yire vaja, vaja yigo, gājoa so ɥoɔboarere ñnare ñsijeocōañuju. To bajiro ñnare so yiboajaquēne, bʉtobʉsa bajiyuju so. ²⁷⁻²⁸ To bajiri gājerāre Jesús ĩ catiore queti ajirio ñnari, jājarā masa vatoajʉ Jesúsre sʉyasuju so. “Jesús sudiro moañarɥaja yʉ. Ti rīne bojaja yʉ. To bajiro yʉ yijama, quēnaejacoarɥocoja yʉ”, yiyuju so. To bajiro yirio ñnari, Jesús sʉyarojʉa ejarūgūcōari, ĩ sudirore moañañuju. ²⁹ So moañarirīmarone, gāmogōre bajiro so bajiñaboare tʉjasuju. To bajiri, “Quēnaejacoajʉ yʉ”, yimasiñuju so yuja. ³⁰ So moañarone, “Yʉ masise sʉorine quēnaejacoajʉ”, yimasicōañuju Jesús. To bajiri jʉdarūgūcōari, ado bajiro masare sēniñañuju ĩ:

—¿Ñimʉ yʉ sudirore moañari? —ñnare yisēniñañuju.

³¹ To ĩ yirone, ĩ buerimesa ado bajiro yiyujarā ñna:

—¿No yigʉ, “Ñimʉ yʉre moañati”, yati mʉ? Mʉ tʉjʉ jājarā ñaja yʉa, mʉre moañarā —ñre yiyujarā ñna.

³² To ñna yiboajaquēne, ñre moañagūre ñamacañuju Jesús. ³³ “Ñre moañagōne, quēnaejacoajʉ yʉ” yimasigō ñnari, nanagōne, Jesús rījorojʉa ejacōari, gʉsomuniari tʉtuyuju so. To yicōari, ñajediro so bajirere Jesúsre gotiyuju. ³⁴ To so yirone, ado bajiro sore ɥdiyuju Jesús:

—Yʉ maigō, “ĩ sudi gajare yʉ moañajama, ĩ masise sʉorine quēnaejacoarɥocoja yʉ” yitʉoĩagō ñnari, quēnaejacoajʉ mʉ. To bajiri, “Quēnaejacoajʉ”, yitʉoĩa variquēna vasa mʉ —sore yiyuju Jesús.

³⁵ To bajiro sore ĩ yīñarone, Dios ocare ñna buerivi ɥjʉ Jairo vāme ɥtigʉ ya viana ejayujarā. Ejacōari, ado bajiro Jairore gotiyujarā:

—Mʉ maco bajirocacoamo. No yirā gotimasiorimasʉ ĩ vasere bojamenaja mani yuja —Jairore yiyujarā ñna.

³⁶ To ñna yiboajaquēne,

—Tʉoĩasʉtiritibesa mʉ. Yʉ masisejʉare tʉoĩacōa ñaña —ñre yiyuju Jesús.

³⁷ To yicōari, gājerāre sʉyarotibesuju Jesús yuja. Pedro, Santiago, ĩ bedi Juan, ñna idiarārene sʉyarotiyuju. ³⁸ To yi, vanane, Jairo ya vijʉ ejayujarā. Tojʉ ejana, ñna ñajama, ĩ maco so bajirocacoajare, bʉto otiñañujarā ñna, ti vi ejariarā. ³⁹ ñna otiñarivijʉre sājajecōari, ado bajiro ñnare yiyuju:

—¿No yirā otiami mʉa? “Bajirocacoajʉ” mʉa yiboago, bajirocabecomo. Cānigō yigomo —ñnare yiyuju Jesús.

⁴⁰ To ĩ yisere ajicōari, ñre ajayujarā ñna, “Bajirocacoasumo” yimasirā ñnari. To bajiro ñna yiboajaquēne, ñnare budirotiyuju Jesús. ñnare budiroticōari, bajirocario jacɥare, to yicōari, ñre sʉyarāre quēne, ũmato jājasuju Jesús, bajirocario so ñnarisōajʉ. ⁴¹ ñnare ũmato jājacōari, so āmore ññañuju Jesús. To yigʉne, ado bajiro sore yiyuju:

—Talita cumi —sore yiyuju. (“Daquego, vʉmʉrūgūña’ mʉre yaja yʉ” yire ũni ññañuju.)

⁴² To ĩ yirirīmarone, quēna tudicaticōari, vʉmʉrūgū vasuju so yuja. Jʉaāmo cōro, gʉbo jʉa jēnituari cāmari tʉsaco ññañuju so. So tudicatisere ĩacōari, no yimasibesujarā masa, ti ũnire ĩabetirūgūriarā ñnari. ⁴³ Sore catiocōari,

—Sore ĩ catiosere gājerāre gotibetimasucōama —ñnare yiyuju Jesús. To yicōari, —Bare sore eɥaya mʉa —ñnare yiyuju Jesús.

6

Nazaret vāme ɥti macajʉ Jesús ĩ vare queti

(Mt 13.53-58; Lc 4.16-30)

¹ To bajiri Capernaum macanare ñnare gotimasio gajanocōari, ĩ buerimasare ũmato vacoasuju Jesús, ĩ ya macajʉ, Nazaret vāme ɥti macajʉ. ² Tojʉ ɥsusājariarūmʉ ñarone Dios ocare ñna buerivijʉre sājajecōari, masare gotimasio ññañuju Jesús. Quēnaro ĩ gotimasiosere ajicōari, no yimasibesujarā ñna:

—¿No bajicōari, to bajise gotimasiosiasiati ĩ? ¿No bajiro yicōari, ññañamanire yati? —Jesúsre yiyujarā ñna, ĩ ya macana. ³ Gajeye ado bajiro yiyujarā ñna:

—¿Adi macagu yucá moarimasu me ñatique ïma? ¿Mar'ia macu me ñatique? ¿Santiago, José, Judas, Simón mesa gagu me ñatique ï? To yicōari, mani vatoaju ñarā, ¿ï bederā rōmiri me ñatique ïna? —Jesúre ïre yiyujarā ïna, ï ya macana.

To bajiri, “Ñamasugū me ñaami. Mani ya macagu, mani masigū ñaami” yirā ñari, ïre ajitirūnubesujarā ïna. ⁴To ïna yirone, ado bajiro ïnare gotiyuju Jesús:

—Diore gotirētobosarimasu gajeroju Dios ocare ï gotimasiodijama, ïre ajirūcuborāma. To bajiboarine, ï ya macanare, ï ya vianare quēne, Dios ocare ï gotimasiojama, ïre ajirūcubomenama —ïnare yiyuju Jesús.

⁵To bajiri ï ya macana, ïre ïna ajitirūnubetijare, ïaïañamani yïomasibesuju ï. Mo-joroaca ñañujarā ï āmo ñujeocōari ï catoriarā. ⁶Ï yarā ïre ïna ajitirūnubetire ïacōari, no yimasibesuju Jesús, ïnare bajiro tuoïarāre ïabetirūgūr'i ñari. To bajiri, gaje macariju vasuju, masare gotimasiodidigu vacu.

*Ï ocare goticudis*oronare Jesús ï cōare queti

(Mt 10.5-15; Lc 9.1-6)

⁷Juaāmo cōro, gūbo jua jēnitarirācu ñarāre ï buerāre jirēoñuju Jesús. ïnare jirēocōari, tocārāca macarire juarāri cōañuju. ïnare cōagūne, masa usuriju sãñarāre vātiare, ïna bureamasiotire ïnare ujoyuju ï. ⁸To yicōari ado bajiro ïnare yiyuju:

—Mua bare sãriajoari, gājoare quēne juaábesa. No bojase mua cūose juaábesa. Tueriyucāri rīne juaása. ⁹Gūbo sudi mua sãnasene sãñacōari, sudi mua sãnasene sãñacōari, vasa —ïnare yiyuju Jesús. ¹⁰Gajeje ado bajiro ïnare yiyuju Jesús:

—Tocārāca macare mua ejajama, mua ejasurivine cānima. Ti vine ñacōari, ti macanare ïnare gotimasio ñama maji, gajeroju mua varoto rījoro. ¹¹Mua ejarimacana quēnaro muare ïna bocaāmibetijama, to yicōari, mua gotisere ïna ajirūabetijaquēne, ti macajure ñabeja. Muare ïna ajirūabetijare, mua gūbo sudi tuyasere sitare varerea, va-coaja. To bajiro mua yijama, “Quēnaro yuare bocaāmibeticōari, yuare mua ajirūabetijare, rojose muare yirūcūmi Dios” yirā, yiruarāja mua —ïnare yiyuju Jesús.

¹²To bajiro ï yijare, “Rojose mua yisere yitūjacōari, quēnasejuare tuoïvasoaya” ïnare yigotimasiodirā vasujarā. ¹³Masa usuriju sãñarāre vātiare bureayujarā ïna. Jājarā rijaye cutirāre quēne, uye yuejeoyujarā ïna. To ïna yijare, quēnaejacoasujarā ïna.

Juan vāme cutigure, masare oco rāca bautizarimasure ï rujoare ïna jatarocare queti

(Mt 14.1-12; Lc 9.7-9)

¹⁴Jesús ï bajiñasere, ajijedicōañujarā Galilea vāme cuti sitana. To yicōari, ïna uju Herodes quēne ajiyuju, ado bajiro ïna yisere:

—Juan vāme cutigu, masare oco rāca bautizarimasune sīacoboarine, tudicaticoarimi. To bajiri ïaïañamani yïoñagūmi —yiyujarā ïna, Jesúre.

¹⁵Gājerāma, ado bajiro yiyujarā:

—Diore gotirētobosarimasu El'ias ñamasir'i ñagūmi quēna —yiyujarā.

Gājerājuama, ado bajiro yiyujarā:

—Diore gotirētobosarimasu ñamasir'ire bajiro bajigu ñaami —yiyujarā.

¹⁶Herodes quēne, ado bajiro yiyuju:

—Juan ñagūmi quēna. Ï rujoare ïre jatarocaroticōacaju yu. To bajiro yu yiroti-bojaquēne, quēna tudicaticoarimi —yiyuju Herodes.

¹⁷⁻¹⁸Juan ï sīacoroto rījoro ado bajiro bajire ti ñajare, to bajiro tuoïañuju Herodes: Ï bedi Felipe manajore Herod'ias vāme cutigore ēmacōari, manajo cutiyuju Herodes. To bajiro ï yire ñajare, ado bajiro ïre gotirūgūñuju Juan:

—Herod'iare mu manajo cutise quēnabeja. Dios ï rotimasirere ajibeja mu —ïre yirūgūboayuju Juan.

¹⁹⁻²⁰To bajiro ï yigotisere ajitego ñari, ïre sīarotirūaboayuju Herod'ias. To bajiro so yituoïaboajaquēne, “Dios ï bojarore bajiro quēnaro yigu ñaami Juan” yigu, ï gotisere ajirūcubogū ñari, Herod'ias, Juanre so sīarūaboasere matayuju Herodes. Juan ïre ï gotisere quēnaro ajivariquēnagū ñaboarine, “To bajiro yirūcūja yu”, yimasibesuju

Herodes. ²¹ To bajinarũgũboa, cojorũmũ, “Ado bajiro yũ yijama, yũre matamasibecũmi”, yitũoĩañuju Herod'ias yuja. Tirũmũ, Herodes ï ruyuarĩrũmũ ñañuju ti. To bajiri ïre moabosarimasa ƚjarãre, surara ƚjarãre, toana Galilea sitana ñamasuri masare quẽne jirẽoñuju ï, “Boserũmũ yito” yigũ. ²² To yicõari, ñna rẽjaro bero, Herod'ias maco, ñna ñaro rĩjorojũare basaioñuju. So basasere ïacõari, variquẽnañuju Herodes, ï jicõariarã quẽne. To bajiri, ado bajiro sore gotiyuju Herodes:

—No bojase mũ sãnijama, mũre ïsirũcũja —sore yiyuju. ²³ To yicõari, ado bajiro sore gotirẽmoñuju:

—Riojo mũre gotiaja. Tũoĩavasoabetirũcũja. Yũ cũose, “Gũdareco bojaja” mũ yisẽniboajaquẽne, mũre ïsicõarũcũja —Herod'ias macore yiyuju Herodes. ²⁴ To ï yisere ajicõari, so jacore sãnĩagõ vasuju so, “¿Ñiere ïre sãnigõti yũ?” yigo.

To so yisere ajicõari, ado bajiro sore yi ocasãñuju so jaco:

—“Juan vãme cõtigũ, masare oco rãca bautizarimasũ rũjoare bojaja”, ïre yiya —so macore yicũdiyuju Herod'ias.

²⁵ To so yijare, guaro Herodes tũjũ vacõari, ado bajiro ïre gotiyuju:

—Yucũacane Juan vãme cõtigũ, masare oco rãca bautizarimasũ rũjoare bare jeo-bariabaja joejũ jeocõari, yũre ïsigũ vayã —ïre yiyuju so.

²⁶ To bajiro so yisere ajicõari, bũto sũtirityuju Herodes. To bajiboarine, ï jicõariarã ñna ajiro rĩjorojũ, “Riojo mũre gotiaja yũ. No bojase mũ sãnijama, mũre ïsirũcũja” ï yicõare ñajare, so sãnĩrore bajirone yiyuju. ²⁷ To bajiri Juanre sĩarũabetiboarine,

—Juan rũjoare jatacõari, ãmiaya —yiroticõañuju, ï surarare.

To ï yijare, tubiberiavijũ vacõari, Juan rũjoare jatayuju surara. ²⁸ To yicõari, bare jeo-bariabaja joejũ jeocõari, Herod'ias macore ïsiñuju. To yicõari, sojũ, jacore ïsirẽtoñuju so yuja.

²⁹ Ti queti ajicõari, Herodes tũjũ ejayujarã, Juan buerimasa. Ejacõari, ï rujũri ñaboarere ãnivacõari, yujeyujarã.

Masa, cinco mil ñarãre Jesús ï bare ecare queti

(Mt 14.13-21; Lc 9.10-17; Jn 6.1-14)

³⁰ Jũããmo cõro, gũbo jũã jẽnituarĩrãcũ ñarã ï buerimasa, ï goticudiroticõariarã, tudie-jacõari, Jesũrãca rẽjañujarã. ï rãca rẽjacõari, ñna goticudirere, to yicõari, jediro ñna yicud-irere quẽne gotijeocõañujarã. ³¹ Gãjerã ñna vato ãnone, gãjerã ejavasoacõarũgũñujarã masa. To ñna bajicõa ñajare, Jesús, ï buerimasa quẽne, ƚsusãja, bare ba, yimasibesujarã. To bajiri, ado bajiro ï buerimasare yiyuju:

—Ita. Őjũ, masa ñna manĩbũsarojũ vajaro mani. Tojũ ƚsusãjarũarãja —ĩnare yiyuju.

³² To ï yijare, cũmua vasãja vacoasujarã ñna, masa ñna manĩbũsarojũ vana. ³³ To bajiro ñna yi vaboajaquẽne, ti macariana jãjarã masa, Jesús ï buerimasa rãca ï vasere ñamasicõari, ãmacoasujarã ñna, Jesús ï ejarotijũre vana. ³⁴ To bajiri Jesũjũ, majaejacõari, jãjarã masa ejacõari ñarãre ñnare ñañuju. ï ñajama, ovejare coderimasũ ñnare ï codebetore bajiro bajiyujarã ñna. To bajiri ñnare ñamaiñuju. ñnare ñamaigũ ñari, cojo vãme me ñnare gotimasioñuju. ³⁵ To ï yirone, rãioroto rĩjoro, Jesús buerimasa, ï tũ ejacõari, ado bajiro yiyujarã:

—Jẽre rãioato yaja. Masa manojũ ñaja. ³⁶ To bajiri ñnare varotiya mũ, “Masa cũtoju bare vaja yibarã vajaro” yirã —ïre yiboayujarã ñna.

³⁷ To ñna yiboajaquẽne, ado bajiro ñnare cũdiyuju Jesús:

—Mũane ñnare bare ecaya —ñnare yiyuju ï.

To ï yijare, ado bajiro ïre cũdiyujarã ñna:

—Doscientos gãjoatiiri rãca vaja yiroti ñaboaroja manire, pan ñna baroti vaja yirã —Jesũre yicũdiyujarã.

³⁸ To ñna yisere ajicõari, ado bajiro ñnare sãnĩñañuju Jesús:

—“¿Nocãrãca pan cũoati mũa?”, yisẽniĩacudiyã maji —ñnare yiyuju Jesús.

To bajiri sãnĩĩabũjacõari, ïre gotiyujarã:

—Cojomo cõro pan, jũarã vai cũoaja yũã —ïre yiyujarã.

³⁹ To ñna yirone,

—Masare tatũcurojũ rujatubuari rujirotiya —ñnare yiyuju Jesús.

⁴⁰ To ï yise ñajare, rujatubuari rujibateyujarã ñna. Cojojũri cien ñarirãcũ, to yicõari, cincuenta ñarirãcũ rujibateyujarã. ⁴¹ To bajiro ñnare rujiroticõari bero, cojomo cõro ñaricari pan, to yicõari, jũarã vai ñnarãre juacõari, õ vecajũa ñamũocõari, “Quẽnaro yaja mũ”, Diore ñre yiyuju. To yicõari bero, panre iguesurebatecõari, ï buerimasare ñsiñuju, “Rujirãre ñsibatoya” yigũ. Jũarã vaire quẽne iguesurebatecõari, ï buerimasare ñsiñuju, “Rujirãre ñsibatoya” yigũ. ⁴² Sĩgũ rũyariaro mano quẽnaro baũsũcutijedicõañujarã. ⁴³ Ñna bagajano bero, ñna barũasere, ï buerimasa ñna juarẽojama, jũaãmo cõro, gũbo jũa jẽnituario ñarijibũri rũyayuju. ⁴⁴ Tire bariarã, cinco mil ñmũa ñañujarã. f

Oco joene Jesús ï vare queti

(Mt 14.22-27; Jn 6.16-21)

⁴⁵ Masa ñna barũasere ï buerimasa ñna juarẽogajano, cũmuajũ ñnare vasãjarotiyuju Jesús:

—Betsaida vãme cuti macajũ yũre jẽadiyuya. Maji masare vare gotigũ yaja yũ —yiyuju Jesús.

⁴⁶ Ñnare vare gotigajano, burojũ majacoasuju, tojũ Diore sẽnirũ. ⁴⁷ Ti rãioato bero, ñtabũcũra jẽana, tira gũdareco tusasujarã, Jesús buerimasa. Jesũjũama, sĩgũne ñacõañuju ï maji. ⁴⁸ To bajicõari, ï buerimasare ñacõañuju. To ñna tusatone, bũto mino vasuju. To bajiri jẽatĩmabesujarã ñna. To ñna bajiñarone, busurocaroarijũ ñna tũjũ oco joene vayuju Jesús. To bajivagũ, ñnare rẽtocoarocũre bajiro vayuju. ⁴⁹⁻⁵⁰ Oco joejũ ï vadire ñarãne, ñcacoasujarã ñna. “¡Bajirocar' ï vãti ñnaami!”, yivasãñujarã. To ñna yiboajaquẽne, —Gũibesa. Variquẽnaña mũa. Yũne ñaja —ñnare yiyuju Jesús.

⁵¹ To yigũne, ñna vaticũmuajũ vasãjacõañuju Jesús. Ñ vasãjarone, mino vatũjacoasuju yuja. To bajiro ti bajisere ñacõari, no yimasibesujarã ï buerimasa, ti ñnare ñabetirũgũriarã ñari. ⁵² To bajiro ñna bajijama, cinco mil ñmũare Jesús ï ecarere ñariarã ñaboarine, “Ñañamanire yimasijeogũ ñnaami” ñre yimasimena ñari, to bajiro bajiyujarã.

Genesaret sitanare rijaye cutirãre Jesús ï catiore queti

(Mt 14.34-36)

⁵³ To baji, jẽanane, Genesaret vãme cuti sitajũ jẽaejayujarã ñna. Tojũ cũmuare siatujoyujarã. ⁵⁴ Cũmuare siagajano, ñna majatone, Jesũre ñamasicõañujarã ti macana, tijũana. ⁵⁵ To bajiri masa jedirore gotibatorã ñmacoasujarã ñna. Tire ajirã ñari, ti macariana rijaye cutirãre Jesús tũjũ juaejayujarã ñna. ⁵⁶ Ñ vacudiri macari cõrone mojorimacajũ ï vajaquẽne, jairimacajũre ï vajaquẽne, masa ñna rẽjarũgũriarũre ï vajaquẽne, to yicõari, Jesús ï varoti maarijũre quẽne, rijaye cutirãre juajocũñujarã. To yicõari,

—Mũ sudi gajare ñnare moãrotire bojaja yũa. To bajiro ñna yijama, caticoarũarãma —ñre yiyujarã rijaye cutirãre juajariarã. To bajiri, ñre moãariarãma, caticoasujarã.

7

“Masa ñna yisere ñacõari, ‘Rojorã ñnaama’ yire me ñaja. Ñna tũoãsejũare masicõari, ‘To bajiro yirã ñnaama’ yire ñaroja”, Jesús ï yigotimasiore queti

(Mt 15.1-20)

¹ Fariseo masa, to yicõari, Dios ï rotimasire gotimasiorimasa quẽne ejayujarã ñna, Jesús tũjũ. Jerusalẽnũ vadiriarã ñañujarã. ² Jesús tũ ejacõari, ï buerimasa sĩgũri, ñna baroto rĩjoro, ñna ñicũa ñna ñmorire ñna coemasiriarore bajiro ñna coebetire ñañujarã ñna. ³⁻⁴ Jud'io masa ñajediro, ñna ñicũa ye quẽnaro ajirũcũbũorã ñañujarã ñna. To bajirã ñari, ñna ñicũa ñna yimasiriarore bajiro ñmori coecõari rĩne, bayujarã ñna. Masa, bare vaja yirã ñna rẽjarojũ vaja yirã variarã, tudiejacõari, ñna ñicũa ñna ñmorire ñna coemasiriarore bajiro yirã, ñna ñmorire coecõasũori rĩne, barũgũñujarã ñna. To yicõari, idiriabajari, oco

f 6:44 Ñamasare, rõmiare cõmenane, ñmũa bũcũrã rĩrene ñna cõjama, cinco mil ñañujarã ñna.

cūria soturi, no bojase soturi quēne coeyujarā. Bare barā rujirijarure quēne to bajiro yiyujarā ĩna, jud'io masa. ⁵ Tire buto ajirūcubuoarā ĩnari, fariseo masa, to yicōari, Dios ĩ rotimasire gotimasiorimasa quēne, ado bajiro Jesúre sēniāñujarā ĩna:

—¿No yirā mani ĩicua ĩna yimasiriarore bajiro yibeati m̄a buerimasa? ĩna baroto rĳjoro, mani ĩicua ĩna āmori coemasiriarore bajiro coebeama —ĳre yiyujarā ĩna, fariseo masa, Dios ĩ rotimasire gotimasiorimasa quēne.

⁶ To bajiro ĩna yijare, ado bajiro ĩnare cūdiyujū Jesús:

—“Quēnaro yirā ĩaja ȳa” yiboarine, rojorā ĩaja m̄a. Diore gotirētobosarimas̄a, Isa'ias ĩamasir'i, m̄a bajiro tire quēnaro t̄oīacōari, ado bajiro ucamasin̄uju:

“ĩna oca masune yirā, quēnaro ȳre yirūcubuoama ĩna. To bajiro yirā ĩaboarine, ȳa bojarore bajiro t̄oīabeama.

⁷ Ȳa yere buecōari, ĩna masu ĩna t̄oīasere gotimasioama. Tirene, ‘Dios ĩ rotise ĩaja’ yiboama. To bajiri ȳre ĩna r̄ucubuoase vaja, ĩie vaja b̄jamenama ĩna”, yucamasin̄uju Isa'ias, Diore gotirētobosaḡa —ĩnare yigotiyujū Jesús.

⁸ To yicōari, quēna ado bajiro ĩnare yiyujū Jesús:

—Dios ĩ rotisej̄are ajitir̄un̄menane, mani ĩicua ocaj̄are quēnaro ajitir̄un̄aja m̄a —ĩnare yiyujū Jesús.

⁹ To yicōari, quēna ado bajiro ĩnare gotirēmoñujū Jesús:

—Mani ĩicua yej̄are ajirūcubuoarā, Dios ĩ rotimasirej̄are cūdibeaja m̄a. ¹⁰ Dios ĩ roticūmasirere Moisés ĩ ucamasire ado bajiro gotiaja: “M̄a jac̄re, m̄a jacore quēnaro r̄ucubuoaya”. To yicōari, gaje vāme ado bajiro yaja: “No bojaḡa ĩ jac̄re, ĩ jacore, ‘Rojose t̄am̄uoc̄ar̄aja m̄a’ ĩnare ĩ yijama, ĳre s̄aroti ĩaja”, yigotiaja Moisére Dios ĩ roticūmasire. ¹¹⁻¹² M̄aj̄ama, ado bajiroj̄a rotiaja m̄a: “ĳ ye r̄aca ĩ jac̄are ĩ ejarēmobetijama, quēnacōaja. ‘Ȳa gajeyeūni, ȳa c̄ose Diore ȳa ĩs̄aroti r̄ine ĩaja. To bajiri m̄are ejarēmomasibeaja ȳa’ yicōari, ĩ jac̄are ĩ ejarēmobetijama, quēnacōaja”, yirotiaja m̄a. ¹³ To yicōari, gajeye jairo ti ũnire bajiro m̄a yiro tise ĩaja. To bajiro yiro tirā, “Dios manire ĩ roticūmasirere cūdibeticōato” yirāre bajiro yaja m̄a. To yicōari, “Mani ĩicua ĩna rotimasirej̄are ĩamasuse ĩaja” m̄a yit̄oīajama, “ĩie vaja maja Dios ĩ rotimasire” yirā yaja m̄a —fariseo masare, to yicōari, Dios ĩ rotimasire gotimasiorimasare yiyujū Jesús.

¹⁴⁻¹⁶ To bajiro ĩnare yigotigajanocōari, masare jirēocōari, ado bajiro ĩnare gotiyujū Jesús:

—ĩajediro quēnaro ajiya, ȳa gotimasiosere. Tire ajicōari, “To bajiro manire yigotiḡa yami”, yiajimasin̄a m̄a: Mani ĩicua, “Mani basāse s̄orine ĩaja Dios ĩ ĩavariquēnabeti, ĳre mani yirūcubuoase ĩ bojabeti”, yit̄oīamasiboayuma. To bajiro me bajaia. Rojose t̄oīacōari, m̄a ĩagōse s̄orine bajaia, Dios ĩ ĩavariquēnabeti, ĳre m̄a yirūcubuosere ĩ bojabetima —masare yiyujū Jesús.

¹⁷ To bajiro ĩnare yigotigajano, masa jājarā vatoaj̄a ĩnar'i, vacoasujū Jesús, ĩ buerimasa r̄aca. Vij̄a s̄ajaejacōari, ado bajiro ĳre sēniāñujarā ĩ buerimasa:

—J̄ej̄a m̄a gotimasiosere quēnaro ȳare gotirētobuya —Jesúre yiyujarā ĩna. ¹⁸⁻¹⁹ To ĩna yisere ajicōari,

—¿Ajimasibeati m̄a quēne? —yiyujū ĩ. —M̄a basāse m̄a ḡudajoaj̄a vatoja ti. Tij̄a bero, r̄etobudiroja ti. To bajiri, m̄a ũs̄rij̄urema rojose yimasibeaja ti —ĩnare yiyujū Jesús. To bajiro ĩ yijama, “ĩajediro bare mani baboajaquēne, Dios ĩ bojabetire yirā me yirāja mani” yiḡa yiyujū.

²⁰ To yicōari, ado bajiro ĩnare gotirēmoñujū Jesús:

—Dios ĩ ĩajama, masa rojose ĩna t̄oīasej̄a ĩaja rojosema. ²¹ Masa, rojose ĩna t̄oīajama, ado bajiro yirāma: Juarudirāma. Ḡajerāre s̄arāma. Manajo c̄tirā, manajo c̄tirā quēne, ḡajerā r̄aca ajeriarā c̄tirāma. ²² Gajeyeūnire ḡajerā yere ũorāma. Socajairāma. Bojoneose ti ĩaboajaquēne, tire yicōarāma. Ḡajerāre, “Ȳa r̄etobusaro quēnaro ĩaama”, yīajūnisinirāma. Ḡajerā ajiro rĳjoroj̄a socarāne, “Ado bajise rojose yima”, yigotirāma. “ĩamasurā ĩaja ȳama”, yit̄oīarāma. Riojo t̄oīamasimenama. Dios

yere r̄ucub̄uomenama. ²³ Adi rojose jediro yirāma masa, rojose ĩna t̄uoĳajama —ĩnare yiyuju Jesús.

Jud'io maso me Jesúre so ajitir̄ũn̄are queti

(Mt 15.21-28)

²⁴ To ñar'i, vacoasuju Jesús. Vacōari, Tiro vāme cuti maca t̄uj̄u ejayuju. To ejacōari yayioro vij̄ure s̄ajar̄uaboayuju. To bajiboarine yayioro s̄ajamasibesuju. ²⁵⁻²⁶ To bajiri Jesús ĩ ejare queti ajicōari, s̄igō rōmio ĩ t̄uj̄ure vasuju so. Vāti s̄añagō jaco ñañuju so. Jud'io maso me ñañuju. Sirofenicia sitago ñañuju. Jesús r̄ĳoroj̄ua ejacōari, ḡusomuniari t̄uetucōari, ado bajiro b̄uto ĩre s̄eniñuju:

—Ȳure ejarēmoña m̄u. Ȳu maco so us̄uj̄u vāti s̄añagō ñaamo. ĩre burocaya m̄u —Jesúre yiyuju so.

²⁷ To so yisere ajicōari, ado bajiro sore c̄udiyuju Jesús:

—Ȳu yarā jud'io masare ejarēmos̄uoaja. Ȳu yarāre ȳu ejarēmoroto r̄ĳoro ḡajerāre ȳu ejarēmojama, r̄iamasa ĩna basere ēmacōari, yaiare ecaḡure bajiro yiḡuja ȳu —sore yiyuju.

²⁸ To ĩ yisere ajicōari, ado bajiro ĩre c̄udiyuju so:

—Ȳu ūj̄u, riojo gotiaja m̄u. To bajiboarine ĩna ūjarā ĩna bavējasere barāma yaia —Jesúre ĩre yiyuju so. “Jud'io masare ejarēmoḡũ ñaboarine, ȳure quēne mojoroaca ejarēmom̄asiḡuja” yigo, to bajise ĩre yiyuju so.

²⁹ To so yisere ajicōari, ado bajiro sore yiyuju Jesús:

—Quēnaro t̄uoĳacōari, gotiaja m̄u. M̄u maco us̄uj̄u s̄añaḡure vātire ĩre burocōaja ȳu. To bajiri m̄u ya vij̄u tudiasa —sore yiyuju Jesús.

³⁰ So ya vij̄u tudiejacōari, c̄ānijesariaro joej̄u so macore so jesaro ĩacōari, “Vāti so us̄uj̄ure s̄añar'i j̄ere budicoasumi”, yimasiñuju.

Ajibeti, ñagōmasibeti bajiḡure Jesús ĩ catiore queti

³¹ Tiro maca t̄uj̄u ñar'i, Sidón vāme cuti macaj̄u r̄ētoasuju Jesús. To r̄ēto vac̄ne Decápolis sita ñarimacarire quēne r̄ētoasuju. To r̄ētoac̄ne, Galilea Ūtabuc̄ura t̄uj̄u ejacoasuju yuja. ³² To ĩ ñarone, s̄iḡũ ajibeti, ñagōmasibeti bajiḡure āmiejayujarā masa. ĩre āmiejacōari, Jesúre s̄eniñujarā, “Ajibec̄ure ĩ āmori ñujeocōari ĩre catiato” yirā. ³³ To bajiri ajibec̄ure gajeroj̄ua ūmato vasuju Jesús. ĩre ūmato vacōari, ĩ ḡāmo gojerij̄ure ĩ āmovāsoa rāca t̄ōmesōñuju Jesús. To yigajano, ĩ āmovāsoare gooco eotucōari, ĩ ñemerore moaĳañuju, ĩ ñagōmasibetijare. ³⁴ To yicōari, ō vecaj̄ure ĩam̄ucōari, us̄u s̄inisāñuju Jesús. To yiḡune, ado bajiro ĩre yiyuju:

—Efata —yiyuju Jesús. (“Ajiya yuja” yire ūni ñañuju ti.)

³⁵ To ĩ yirone, ajibec̄u ñaboar'i ajicoasuju yuja. To bajicōari, quēnaro ñagōcoasuju ĩ, ñagōmasibec̄u ñaboar'i. ³⁶ To bajiro ĩre yigajanocōari, ado bajiro masare yiyuju:

—Ḡajerāre gotibetimasucōama m̄ua —ĩnare ĩ yiboajaquēne, b̄utobusa gotibator̄ũḡũñujarā masa. ³⁷ To bajiro Jesús ĩ yisere ajivariquēnacōari, no yimasibesujarā ĩna, ti ūnire ajibetir̄ũḡũriarā ñari. To bajiri, ado bajiro Jesús ĩ yisere gotiyujarā:

—Ñajediro quēnaro yimasijeoḡu ñaami. Ajimenare, “Ajiato” ñagōmenare quēne, “Ñagōato” yiḡu ñaami —yiyujarā ĩna.

8

Masa, cuatro mil ñarāre Jesús, bare ĩ ecare queti

(Mt 15.32-39)

¹ Quēna Jesús t̄uj̄u j̄ajarā masa r̄ejacōari, ĩna ñaro r̄ine bare jedicoasuju ĩnare. To bajiri ĩ buerimasare jicōari, ado bajiro yiyuju Jesús:

² —Ado ñarāre ĩamaiaja ȳu. Idiar̄ũm̄u tusaj̄u yuja, ȳu rāca ĩna ñaro. To bajicōari bare maama. ³ Bamenane ĩna ya virij̄u ĩna tudiasere bojabeaja ȳu. S̄iḡũri s̄oj̄u vadiriarā ñaama. ĩnare ȳu tudirotijama, bamenane ĩna vajama, ñiorijarā ñari, rijavējacoaborāma —ĩnare yiyuju Jesús.

⁴ To bajiro ĩ yirone, ado bajiro ĩre yiyujarā ĩ buerimasa:

—Ado, masa manojm ñaja. No bajiro masa ñaro cõro ñna barotire bare bñjamasina manoja —ire yiyujarã ñna.

⁵ To ñna yirone,

—¿No cõro jairo pan cõoati mua? —ñnare yiyuju.

—Cojomo cõro jua jënituario ñaricari ñaja —ire yiyujarã ñna.

⁶ To ñna yirone, rñcacane masare rujirotiyuju Jesús. To yicõari pan cojomo cõro jua jënituario ñaricari ñasere juacõari, “Quënaroyaja mñ”, Diore ñre yivariquënañuju Jesús. To yicõari tire iguesurebatecõari, ñ buerimasare ñsiñuju. To bajiri ñnajua rujirãre ñsibatoyujarã yuja. ⁷ Vai quëne mojoroaca cõoyujarã ñna. To bajiri vaire juacõari, “Quënaroyaja mñ”, Diore yiyuju Jesús quëna. To yicõari, ñ buerimasare ñsibatorotiyuju. ⁸ Sigm ruyariaro mano bañsuctijedicõañujarã. ñna bagajanoro bero, ñna baruasere juarëoñujarã Jesús buerimasa. ñna juarëojama, cojomo cõro jua jënituario ñarajiburi ruyayuju. ⁹ Tire bariarã cuatro mil masa ñañujarã. ñnare ecagajanocõari, ñnare tudirotiyuju Jesús. ¹⁰ To yicõari bero, ñ buerimasa rãca cõmuajm vasãjacõari, Dalmanuta vame cuti sitajm vacoasujarã.

“Ñañamani yñare yioña”, Jesure ñna yiboare queti

(Mt 16.1-4; Lc 12.54-56)

¹¹ Fariseo masa, Jesús tm ejacõari, ñre sënñañujarã, “Cudimasibeticõari, rojose tamõoato ñ” yirã:

—“ ‘Dios ñ cõagm ñnaami’ yñre yimasiato” yigm, õ vecaye ñañamani yñare yioña —ñre yiboayujarã.

¹² To bajiro ñna yisere ajicõari, mñ sñnisañuju Jesús. To yicõari, ado bajiro ñnare yiyuju:

—¿No yirã adirodorianana ñañamani rãca rñne yñ yisere bojati mua? Riojo mñare gotiaja yñ. ñañamani mñare yiobecuja yñ —ñnare yiyuju Jesús.

¹³ To bajiro ñnare yicõa, ñnare jëaveocoasuju Jesús, ñ buerimasa rãca.

Fariseo masa pan ñmato vauvasere bajiro ñna bajire queti

(Mt 16.5-12)

¹⁴ Jesurãca jëana, ñna baroti pan masiritiyujarã. ñna vaticõmuajmre pan cojane cõoyujarã. ¹⁵ To bajiro ñna bajire ñajare, ado bajiro ñnare gotiyuju Jesús:

—Fariseo masa, to yicõari, Herodes quëne “Pan vauvato” yirã, ñna vñosere quënaroyajicõiaña mua —ñ buerimasare yiyuju Jesús.

¹⁶ To ñ yisere ajimasimena ñari, ñna masune ado bajiro gãmerã yiyujarã ñna:

—Pan mani masiritijare, to bajise gotigm yigm —gãmerã yiyujarã.

¹⁷ To bajiro ñna gãmerã yisere masicõari, ado bajiro ñnare gotiyuju ñ:

—¿No yirã “Pan maja manire”, yati mua? ¿Yñre ajimasibeatim mua majim? ¿Adi macarñcuroaye rñne tñõarãre bajiro tñõacõa ñnati mua majim? ¹⁸⁻¹⁹ ¿Yñ yioosere ñarã ñaboarine, ajimasibeatim mua majim? —ñnare yiyuju Jesús.

To yicõari, ado bajise ñnare yirëmoñuju:

—Cojomo cõro ñaricarire panre bñjnocõari, cinco mil masa ñarãre ecacajm yñ. ñnare yñ ecaro bero, ¿nocãrãca jiburi ruyacati tim? —ñnare yiyuju Jesús.

To ñ yisere ajicõari, ado bajiro ñre cõdiyujarã ñna:

—Juaãmo cõro, gñbo jua jënituario ñarajiburi ruyacajm —ñre yicõdiyujarã ñna.

²⁰ Quëna ñnare tudisëñañuju:

—Tijm bero, quëna cojomo cõro jua jënituario ñaricari panre bñjnocõari, cuatro mil masa ñarãre ecacajm yñ. ñnare yñ ecaro bero, ¿nocãrãca jiburi ruyacati tim? —ñnare yiyuju.

—Cojomo cõro, jua jënituario ñarajiburi ruyacajm —ñre yicõdiyujarã ñ buerimasa.

²¹ To bajiro ñna yicõdisere ajicõari, ado bajiro ñnare tudisëñañuju Jesús:

—To bajiro yñ yioocaire masirã ñaboarine, ¿jējñ mñare yñ gotisere ajimasibeatim mua majim? “Fariseo masa, to yicõari, Herodes quëne, ‘Pan vauvato’ yirã, ñna vñosere quënaroyajicõiaña” yñ yijama, bare mere yaja yñ —ñnare yiyuju Jesús.

Betsaida vāme cūti macajure ejacōari, caje ĩabecure ĩna āmiejagure Jesús ĩ ĩarotire queti

²² Bero, Jesús, ĩ buerimasa rāca Betsaida vāme cūti macajure ejayuju. To ĩna ejaro ĩacōari, caje ĩabecure āmiejayujarā masa, “Caje ĩabecure Jesús ĩ moāĩarone, ĩacoarucūmi” yirā. ²³ To bajiro ĩna yiejogure ti maca soĵuabusa ĩre tūa vasuju Jesús. To yicōari, ĩ cajearire goocone eotucōari, moāĩañuju Jesús, “Īato ĩ” yigu. To yicōari, ado bajiro ĩre sēnĩañuju:

—ĶĪati mū? —ĩre yiyuju.

²⁴ To ĩ yirone, caje ĩabecū quēnaca ĩasuooyuju. To bajiri ado bajiro cūdiyuju ĩ:

—Masare ĩaja yū. To bajiro yū ĩaboajaquēne, yucārine vasere bajiro bajiaja —yiyuju.

²⁵ To ĩ yijare, quēna ĩ cajearire tudimoāia quēnoñuju. To ĩ yirone, quēnaro ĩacoasuju. Ņajediro quēnaro ĩre ruyuyuju yuja. ²⁶ To bajiro ĩ bajiro ĩacōari, ado bajiro ĩre gotiyuju Jesús:

—Macajure vacōari, mure yū ĩarotisere gājerāre gotibatobecūne, mū ya vijū tudiasa —ĩre yiyuju Jesús.

“*Rotimuoŕūgōrucūmi*” yigu, Dios ĩ cōar'i űaja mū”, Jesúre Pedro ĩ yire queti

(Mt 16.13-20; Lc 9.18-21)

²⁷ To ĩ yiriaro bero, Cesarea de Filipo vāme cūti sita űarimacarijare ĩ buerimasare ũmato vasuju Jesús. To ĩnare ũmato vacūne, ado bajiro ĩnare sēnĩañuju:

—ĶŅimū űaami yūre yati ĩna, masa? —ĩnare yisēnĩañuju.

²⁸⁻²⁹ To ĩ yisēnĩajare, ado bajiro ĩre cūdiyujarā ĩ buerimasa:

—Sĳgūri, “Juan vāme cūtigū, masare oco rāca bautizarimasū, tudicaticōari bajigūmi”, mure yama ĩna. Gājerāma, “El'ias űamasir'i űagūmi”, yama. Gājerājūama, “Gāji, Diore gotirētosamasir'i űagūmi”, mure yama —Jesúre yicūdiyujarā.

To ĩna yirone,

—Mūajūama, ĳűimū űaami, yūre yati mūa? —ĩnare yiyuju Jesús.

To ĩ yirone, ado bajiro ĩre cūdiyuju Pedro:

—Mū űaja rojose yūa tāmūoborotire yūare yirētosacōari, rotimuoŕūgōrucū, Dios ĩ cōar'i —Jesúre yiyuju Pedro.

³⁰ To bajiro Pedro ĩ yicūdjare, gājerāre gotirotibesuju Jesús.

“Yūre sĳarūarāma”, Jesús ĩ yire queti

(Mt 16.21-28; Lc 9.22-27)

³¹ To yicōari, ĩ bajirotire ado bajiro ĩ buerimasare gotisuooyuju Jesús:

—Yū, Dios ĩ roticōacacū, buto rojose tāmūorucūja. Būcurā, paia űjarā, to yicōari, Dios ĩ rotimasire gotimasiorimasa quēne, rojose yūre yicōari, yūre sĳarūarāma ĩna. Yūre ĩna sĳaboajaquēne, idiarūmū tusatirūmūne yūre catorucūmi Dios —ĩnare yiyuju Jesús.

³² ĩ sĳaecorotire riojo ĩnare ĩ gotise űajare, ajimasicōañujarā. Tire ajimasicōari, ricati ĩre jicāmotocōari,

—“Bajirūaroja” yūare mū yigotise bajibeticōato —ĩre yĳboayuju Pedro.

³³ To ĩ yisere aji, Jesújūama, ĩ buerimasa ĩna űarojūare jūdarūgū, ĩacōari, ado bajiro Pedrore ĩre yiyuju:

—ĶSatanás, vasa mū! Vātia űjūre űagōbosagu yaja mū. To bajiro mū yijama, Dios ĩ tūoĳarore bajiro me tūoĳaja mū. Masa ĩna tūoĳarore bajiro tūoĳagū yaja —ĩre yiyuju Jesús, Pedrore.

³⁴ To yicōari, ĩ buerimasare gājerāre quēne ĩnare jirēocōari, ado bajiro yiyuju Jesús:

—No bojagu yū yū ĩ űarūajama, ĩ bojasere, ĩ ye űarotire tūoĳabecūne, “Jesúre bajiro rojose tāmūorucūja yū quēne” yitūoĳacōari, yūjūare ajisūyarucūmi. ³⁵ No bojarā, ĩna bojaro űare cūtirāma, adi macarucūrore űasere ĩavariquēnacōari, Diore tūoĳamenama, Dios ĩ catisere yayibetire cūomena űarūarāma ĩna. To bajiboarine, yūre ajitirūnūrā, yū oca ĩna gotisere ajijūnisinicōari, ĩna sĳarāma, Dios tū quēnaro űarona űarāma. ³⁶ Sĳgū adi macarucūroju gajeyēni jediro ĩ būjaboajaquēne, beroju rojose tāmūotūjabetiriaroju ĩ vajama, ĩ gajeyēni ĩ būjaboare, űie vaja manoja. ³⁷ űiere Diore ĩsimasibecūmi, ĩ

rijato berojuma “Tudirijabeticōato” yigu, “Dios ĩ catisere yure ĩsiato” yigu. Mani rijato berojuma “Tudirijabeticōato” yigu, Dios ĩ catisere ĩ ĩsise cōro vaja cuti manoja. ³⁸ “Jesúre ajitirũncōari, ĩ ocare ĩna gotimasiose suorine ĩnare rũcũbũobeama adirodoriana” yĩagũ ĩari, ĩna ĩaro rĩjorojũna, “Jesúre rũcũbũogũ ĩaja yũ”, yibojonebesa. To bajiro yibojonegũ ĩari, yũ yũ ĩ ĩnarũabetijama, “Yũ yũ me ĩaami”, ĩre yĩarũcũja yũ quẽne, Dios ĩ roticōacacũ ĩacōari, “Quẽnarẽtogũ ĩaja yũ” yũ jacũ ĩ yĩorore bajiro yigu ĩari, ĩ bususe rãca yũ vadirũmũ. Yũ rãca vadirũarãma Dios ĩ cōarã, ángel mesa —ĩnare yiyuju Jesús.

9

¹ To yicōari, gajeye ĩnare gotirẽmoñuju Jesús:

—Riojo mũare gotiaja yũ. Mũa sĩgũri mũa bajireabetone, “Ñajediro mũũ ĩaami yũ roticōacacũ” Dios mũare ĩ yĩosere ĩarũarãja mũa —ĩnare yiyuju Jesús. g

ĩ buerimasa ĩna ĩaro rĩjorojũna Jesús ĩ godovediĩore queti
(Mt 17.1-13; Lc 9.28-36)

² Cojomo cōro, coja jẽnituarirũmũ bero, Pedro, Santiago, to yicōari Juanre quẽne, mũmariburo joejũ ĩnare ũmato vasuju Jesús. Tojũ ĩnare ũmato ejacōari, ĩna ĩaro rĩjorojũna ricati ruyugũ godovedicoasuju Jesús. ³ Sudi ĩ sãñase bũto boticoasuju. To bajicōari, cajemose busuyuju ti. To bajise botise ĩabetirũgũñujarã ĩna. ⁴ To bajicōari, El'ias ĩamasir'i, Moisés ĩamasir'i rãca Jesús tũ ruyuarũgũcōari, ĩ rãca ĩna ĩagōsere ĩañujarã ĩna, Pedro mesa.

⁵⁻⁶ To bajiro ĩna bajisere ĩacōari bũto gũiyujarã. Bũto gũigu ĩari, “To bajiro yigu yigũja” yiri mene, ado bajiro Jesúre yiyuju Pedro:

—Yũ mũũ, adoju mani ĩajama, quẽnamasucōaja. Mũa ĩaro cōrone vijãiri mũare quẽnobosarũarãja yũ. Mũ yajãi, Moisés yajãi, to yicōari, El'ias yajãi bũabosarũarãja —Jesúre yiboayuju Pedro.

⁷ To bajiro ĩ yirirĩmarone, bueri bũto cajemose ĩnare buebibecōañuju ti. Ti bueri vatoajũ ado bajiro ocaruyuyuju:

—Ānine ĩaami yũ macũ, yũ maigũ. ĩre quẽnaro ajitirũncũna mũa —yi ocaruyuyuju.

⁸ Ti ocaruyuro bero, ĩaboayujarã. El'iare, Moisére quẽne, ĩnare ĩabũjabesujarã. Jesús sĩgũne ĩañuju ĩ yuja.

⁹ To bajiro bajicōari bero, ti buro ĩnare ũmato rojacũne, ado bajiro ĩnare rotiyuju Jesús: —Jẽjũ mũa ĩasere gãjerãre gotibeja maji, Dios ĩ roticōacacũ, yũ rijato bero, quẽna yũ tudicatiroto rĩjoro —ĩnare yiyuju Jesús. ¹⁰ To bajiro ĩna bajirere gãjerãre gotimenane, ĩna masune tũoĩacōa ĩañujarã ĩna. Tire tũoĩacōa ĩarã ĩari, ado bajiro gãmerã yisẽniĩañujarã:

—¿No bajiro yire ũnire yigu yati, “Rijacoaboarine tudicatirũcũja” ĩ yijama? —gãmerã yisẽniĩañujarã Pedro mesa. ¹¹ To bajiro yirã ĩari, ado bajiro Jesúre sẽniĩañujarã ĩna:

—¿No yirã, “ ‘Rotimũorũgōrũcũmi’ yigu, Dios ĩ cōarocũ ĩ ejaroto rĩjoro ejarũcũmi El'ias ĩamasir'i”, yati ĩna Dios ĩ rotimasire gotimasiorimasa? —Jesúre yisẽniĩañujarã ĩna.

¹² To ĩna yijare, ado bajiro ĩnare cũdiyuju Jesús:

—Riojo yiyuma Dios ĩ rotimasire gotimasiorimasa, “El'ias ĩamasir'i ejasũorũcũmi”, ĩna yijama. “ ‘Rotimũorũgōrũcũmi’ yigu, Dios ĩ cōarocũ, ĩ ejaroti ĩajare, jediro Dios ĩ bojarore bajiro yirã quẽnaro ĩayuto mani” yigu ejasũorũcũmi. “To bajiro yaja” yimasirã ĩaboarine, “Rotimũorũgōrũcũmi” yigu, Dios ĩ cōarocũre ĩatecōari, cojo vãme me rojose ĩre yirũarãma masa, Dios oca ĩna yuucamasirejuarema ajimasibeama. ¹³ Riojo mũare gotiaja yũ. El'ias ĩamasir'ire bajiro bajigu jẽre ejaboayumi. Dios oca masa ĩna ucamasiriarore bajiro yirã, ĩna bojarore bajiro rojose ĩre yiyuma ĩna —ĩnare yiyuju Jesús, Pedro mesare.

g 9:1 Dios oca masa ĩna ucamasirere buerẽtoburimasa ado bajiro yicama ĩna: “9.1 gotirijure, ‘Ñajediro mũũ ĩaami yũ roticōacacũ’ Dios mũare ĩ yĩorotire’ Jesús ĩ yijama, ĩ buerimasa sĩgũri ĩna ĩaro rĩjorojũna Jesús ĩ godovediĩorere yigu yirimi”, yicama Dios ocare buerẽtoburimasa sĩgũri.

Masu usuju sãñagũre vãtire Jesús ĩ burocare queti
(Mt 17.14-21; Lc 9.37-43)

¹⁴ Buroju ejarĩarã, ĩna rãcana ĩna ñarõjũre tudiejayujarã. Tudiejacõari, ĩna ĩajama, Jesús buerimasa rãca jãjarã masa ñañujarã. To bajicõari, ĩna rãca, Dios ĩ rotimasire gotimasiõrimasa rãca ĩna gãmerã oca josasere ĩañujarã. ¹⁵ Jesús ĩ vadisere ĩacõari, bũto variquẽnañujarã. Variquẽnarã ñari, ĩ tũ ũmasujarã ĩre sãnĩrã vana. ¹⁶ ĩre ĩna sãnĩgajanoro, ado bajiro ĩnare sãnĩñañuju Jesús:

—¿No bajise ĩna rãca gãmerã oca josari mũa? —ĩnare yiyuju Jesús.

¹⁷ To ĩ yisere ajicõari, sĩgũ ado bajiro Jesũre cãdiyuju:

—Gotimasiõrimasa, yũ macũ ĩ usuju vãti sãñagũ ñaami. To bajiro bajica yigũ, ñagõbecũ ñaami. To bajiri “Jesús, vãtire burocagũmi” yigũ, yũ macũre ãmivabũ yũ. ¹⁸ Tocãrãcajine yũ macũ usuju sãñacõari, ĩre rojose ĩ yijama, biyaroaca rijaquedicõari, ĩ riseju sõmo budi, guji põguẽ, ĩ rujũ tutuajedicoarũgũami. To bajiro ĩ bajijare, mũa buerimasare, “Yũ macũ usuju sãñagũre vãtire burocaya”, ĩnare yisẽniboabũ. ĩre burocamasimema —Jesũre yiyuju ĩ.

¹⁹ To ĩ yisere ajicõari, ado bajiro yiyuju Jesús:

—Diore ajitirũnumena masu ñacõaja mũa. ¿No cõrojũ mũare gotimasiõ tũjaguti yũ? Yoaro mũa rãca yũ ñaboajaquẽne, yũ masisere mũare yũ ũjosere ajitirũnũbeaja mũa maji —ĩnare yiyuju Jesús. To yigũne, —Adõjũna vãti sãñagũre ãmiaya —yiyuju Jesús.

²⁰ To ĩ yisere ajicõari, Jesús tũju ĩre ãmiasujarã. To ĩna yirone, vãtijũna, Jesũre ĩacõari, masu usuju sãñagũ ñari, rojose yiyuju, masũjũare. To bajiro ĩ yijare, rijaquedigũne, ĩ riseju sõmo budiyuju. ²¹ To ĩ bajirone, rijaquedigũ jacũre ado bajiro sãnĩñañuju Jesús:

—¿Nocãrãcarodori ado bajiro bajitũsajari mũa macũ? —ĩre yiyuju Jesús.

To ĩ yisere ajicõari, ado bajiro Jesũre cãdiyuju ĩ:

—Daquẽguaca ñagũjũne to bajiro bajisũocami. ²² Cojõji me jeameju rocatĩacõarũgũmi. To yicõari, oco vatoaju quẽne rocaroacõarũgũmi. To bajiro yirũgũmi, yũ macũre sĩarũ. Yũare mũa ejarẽmomasiõjama, yũare ĩamaicõari, ejarẽmoña mũa —Jesũre yiyuju ĩ.

²³ To ĩ yisere ajicõari, ado bajiro ĩre yiyuju Jesús:

—“Yimasigũmi”, ¿yũre yitũoĩabeati mũa? To bajiro yũre mũa yitũoĩajama, ñiejũna josase manoja —ĩre yiyuju Jesús.

²⁴ To ĩ yisere ajicõari, ado bajiro cãdiyuju ĩ:

—“Yũ macũre catiomasiõgũmi”, mũre yitũoĩamasiõcõaja, bajigũjũma. To bajiro tũoĩavũogũ, “Ñabeticõato” yigũ, yũre ejarẽmoña —Jesũre yivasãñuju ĩ, rijaquedigũ jacũ.

²⁵ To bajiro ĩ yivasãsere ajicõari, jãjarãbũsa masa ũmarẽjañujarã, Jesús tũju. To ĩna bajisere ĩacõari, tutuase rãca ado bajiro vãtire yiyuju Jesús:

—Vãti, yũre ajiya. “Masa ñagõbeticõato”, to yicõari, “Ajibeticõato” yigũ ñaja mũa. ¡To bajiri ãni usũre budiyula! ¡Quẽna ĩre tudisãjabejal! —vãtire yiyuju Jesús.

²⁶ To ĩ yirone, avasãcõari, rijaquedirotiyuju vãtijũna. To yicõari, ĩ usuju sãñaboagu, budicoasuju yuja. ĩ budirone, rijar'ire bajiro bajicoasuju masũjũna. To bajise ĩacõari, “Rijacoajami”, yiyujarã masa. ²⁷ To ĩna yiboajaquẽne, Jesús ĩ ãmore ñiacõari, ĩre tũa vũmũoñuju. To ĩ yirone, rũgõcoasuju yuja.

²⁸ To yicõari bero, to ñarivijũ sãjañuju Jesús. Ti vijũ sãjaejacõari, ado bajiro ĩre sãnĩñañujarã ĩ buerimasa:

—¿No yirã vãtire burocamasibeti yũa? —ĩre yiyujarã ĩna.

²⁹ To bajiro ĩna yisere ajicõari, ado bajiro ĩnare cãdiyuju Jesús:

—Jẽju yũ burocagũre bajiro bajirãre mũa burocagũajama, Diore sãnĩcõari rĩne burocamasĩũarãja mũa —ĩnare yiyuju Jesús.

“Yũre sĩarũarãma”, Jesús ĩ yigotibabore queti
(Mt 17.22-23; Lc 9.43-45)

³⁰⁻³¹ Cesarea de Filipo ñar'i, vacu, Galilea sitare i buerimasare umato retoasuju Jesús. Jājarā masa ina ajisere bojabesuju, i buerimasare goticudigu ñari. Ado bajiro ñare gotiyuju:

—Yure Dios i roticōacacure masare i sirocarucumi sigū. To bajiro i yijama, yure siaruarāma ina. Yure ina sīaboajaquēne, idiarūmu tusatirūmune quēna tudicati-coarucija yu —ñare yiyuju Jesús.

³² To bajiro ñare i gotisere ajimasibesujarā i buerā. To bajirā ñaboarine, ire sēniābesujarā, ire güirā ñari.

“¿Ñimujua ñagūti ñamasugū ñarocu?”, Jesús buerimasa ina gāmerā yire queti
(Mt 18.1-5; Lc 9.46-48)

³³ Capernaum vāme cūti macaju ñare umato vasuju Jesús. To bajivana, “¿Ñimujua ñagūti ñamasugū ñarocu?”, gāmerā yi vasujarā Jesús buerimasa. To bajiro ina yi vare ñajare, ina ya vijū sājaejacōari, ado bajiro ñare sēniāñuju Jesús:

—Maa vana, ¿no bajise gāmerā oca josa vadi mua? —ñare yiyuju.

³⁴ To bajiro i yisēniāsere ajiboarine, cudibesujarā ina, “¿Ñimujua ñagūti ñamasugū ñarocu?” gāmerā yi oca josa vadiriārā ñari. ³⁵ Ina cudibetire, ia, ejarūjucoasuju Jesús. To bajicōari, i buerimasare, juaāmo cōro, gūbo jua jēnituarirācu ñarāre jirēoñuju. To bajiro yicōari, ado bajiro ñare gotiyuju:

—No bojagu ñamasugū i ñarūajama, “Ñamasugū me ñaja yu” yitūoīacōari, masa jedirore moabosarucumi —ñare yiyuju Jesús.

³⁶ To yigūne, sigū daquegure jicōari, ina rījorojua ire āmijeoyuju Jesús. To yicōari, ado bajiro ñare gotiyuju:

³⁷ —Āni daquegu, “Ñamasugū me ñaja yu” i yitūoīarore bajiro tūoīarāma, Ūju Dios yarā ñamasurā ñaama. To bajiro ti bajijare, āni daquegure bajiro tūoīarāre, gājerā tu ina ejaro, quēnaro ñare yirāma, yūrene quēnaro yirā yirāma. To yicōari, yure quēnaro yirāma, yure cōacacure quēne, quēnaro yirā yirāma —ñare yiyuju Jesús.

“Yure ajitirūncōari, mani yise ūnire yigūma, mani rācagu ñagūmi”, Jesús i yire queti
(Mt 10.42; Lc 9.49-50)

³⁸ Ado bajiro Jesúsre gotiyuju Juan:

—Gotimasiorimasu, masa usurijū sāñarāre vātiare bureagure iam yu. “Jesúre ajitirūnugū ñari, ado bajise mūare rotimasijaja yu: ‘Budiya’”, yīñaami, vātiare bureagu. Mani rācagu me i ñajare, “Tire yibesa”, ire yibū yu —Jesúre yigotiyuju Juan.

³⁹ To i yisere ajicōari, ado bajiro ire yiyuju Jesús:

—“Tire yibeticōaña”, ire yibeja. Quēnaro yirimi. No bojagu yure rūcubucōari, iāñānamani i yīoro bero, rojose yure ñagōbecumi. ⁴⁰ No bojagu yure ajitirūncōari, mani yise ūnire yigūma, mani rācagu ñagūmi. ⁴¹ Riojo mūare gotijaja yu. Yure ajisuyarā ñamasurā me ina ñaboajaquēne, yure ajitirūnugū mūa ñajare, quēnaro mūare yirā, to bajiro ina yise vaja, vaja būjaruarāma ina, Dios tūju —ñare yiyuju Jesús.

“Mūa suorine gājerā rojose ina yijama, güiose ñaja”, Jesús i yigotimasiore queti
(Mt 18.6-7; Lc 17.1-2)

⁴² Quēna ado bajiro i buerimasare gotiyuju Jesús:

—Āni daquegure bajiro tūoīarāre, yure ajitirūnugū rojose ina umato yijama, būto rojose tāmūoruarāma. Rojose ñare ina umato yiroto rījoro, tocārācūrene ina āmūarijūre gūta jairica siatucōari, riaga ūcūarojū ñare rearoderuucōajama, rojose tāmūobetibus-aborāma —ñare yiyuju Jesús.

“Būto mūa maise ti ñaboajaquēne, ti suorine Dios i bojabeti mūa yijama, tire reacōaña”, Jesús i yire queti

(Mt 18.8-9)

⁴³ “Rētoro rojose tāmūorobe’ yirā, rojose mūa yisere yitūjaya mūa” yigu, ado bajiro ñare gotiyuju Jesús:

—“Yñ amo suorine rojose yibũ yñ” mña yituoĩamasijama, jatarocaya. Mñare cojo ãmo ti manijama, quẽnabetoja. To bajiboarine, juaãmo rãca mña bajireajama, jeame yatibetimejũ mña vajama, rõtobũsaro quẽnabetiruaroja. ⁴⁴ Tojũ ñna rujũrire becoa batũjabetiruãrãma. To yicõari, jeamere yarocũ quẽne magũmi. ⁴⁵ “Yñ gũbo suorine rojose yibũ yñ” mña yituoĩamasijama, jatarocaya. Mñare cojo gũbo ti manijama, quẽnabetoja. To bajiboarine, jua gũbo rãca mña bajireajama, jeame yatibetimejũ mña vajama, rõtobũsaro quẽnabetiruaroja. ⁴⁶ Tojũ ñna rujũrire becoa batũjabetiruãrãma. To yicõari, jeamere yarocũ quẽne magũmi. ⁴⁷ “Yñ cajea suorine ñabojacõari, rojose yibũ yñ” mña yituoĩamasijama, tiare ãmirocacõaña. Coja cajea mñare ti manijama, quẽnabetoja. To bajiboarine, juañũne caje cõtucõari, mña bajireajama, jeame yatibetimejũ mña vajama, rõtobũsaro quẽnabetiruaroja. ⁴⁸ Tojũ ñna rujũrire becoa batũjabetiruãrãma. To yicõari, jeamere yarocũ quẽne magũmi. h

⁴⁹ “Rojose ñaja” yimasiboarine, rojose mña yijama, quẽnabetoja. To bajiri, “Rojose yibetiruãrãja”, yituoĩacõa ñarũgũña mña. Rojose yiterã ñari, bũto mña bojase ti ñaboajaquẽne, tire mña yibetijama, bũtobũsa Diore ajitirũnrã ñaruarãja mña. To bajiro mña bajirotire bojagũmi Dios.

⁵⁰ Moa ñaja bare sãre. Mña barotire vaibũcũ rii catisere cũrãma, moa turãja mña, “Boarobe” yirã. Moa ti ocaboase ti ocabeticoajama, “Quẽna tudiocato” yirã, no bajiro yimasimenaja mña. Moa ocabetire bajiro bajijama sũgũri. Ñna suorine quẽnaro yimasibeami Dios. Moa ocatũjabetijũare bajiro bajijama sũgũri. Ñna suorine quẽnaro yimasigũmi Dios. Yũre mña ajitirũnrã tũjabetijama, rojose yibetibũsaruarãma gãjerã. Gãjerã quẽnaro mña yisere ñacõari, mñare bajiro quẽnaro yiruarãma ñna quẽne. To bajiro bajirã ñari, quẽnaro gãmerã yĩñaña —ĩ buerimasare yiyuju Jesús.

10

“Mña manajoare reabetiroti ñaja”, Jesús ñ yire queti

(Mt 19.1-12; Lc 16.18)

¹ Capernaum ñar'i, Judea sitaju ñ buerimasare ãmato vasuju Jesús. To eja, Jordán vãme cõtirisã jãe, to boejũjũ jãjarã masa ñ rãca rãjañũjarã quẽna. Tojũ ñnare gotimasioñuju, ñ yirũgũriarore bajirone. ² To ñnare ñ gotimasio ñnare, ñ tũ ejayujã fariseo masa. Ejacõari, “Cũdimasibeticõari, rojose tãmũoato” yirã, ado bajise ñre sãnĩatoyujã ñna:

—¿Sũgũ ñ manajore ñ rocajama, quẽnacõati? —ñre yisãnĩañũjarã.

³ To bajiro ñre ñna yisãnĩasere ajicõari, ado bajiro ñnare cũdiyuju ñ:

—¿No bajise rotimasĩñujari Moisés? —ñnare yiyuju.

⁴ To ñ yisere ajicõari, ado bajiro cũdiyujã ñna:

—Ado bajiro rotimasĩñuju: “No bojagu ñ manajore ñ rocarũajama, ‘Mũre rocagũ yaja’ yise papera ucacõari, ñsiroti ñaja”, yimasĩñuja Moisére Dios ñ roticũmasire —Jesũre yicũdiyujã fariseo masa.

⁵ To ñna yirone, ado bajiro yiyuju Jesús:

—Diore ajiterã ñna ñajare, “Bũtobũsa ñna manajoare rojose yiroma” yigũ, manajoa reare beobetimasĩñuju Moisés ñamasir'i. ⁶ “Rẽmojũ ñmũre, rõmiore rujeomasĩñuju Dios”, yigotiaja Dios oca. ⁷⁻⁸ To yicõari, gajejũ ado bajiro gotiaja Dios oca: “Ûmũ, rõmio ñ rujeore ti ñajare, ñmũjũ, manajo cõtigu ñ jacũare ñnare cãmotadicoarũcũmi. Manajo cõtucõari, jũarã ñaboarine, sũgũ rujũre bajirone ñaruarãma”, yigotiaja Dios oca. ⁹ “To bajiruarãma” Dios ñ yimasire ñajare, mña manajoare reabetiroti ñaja —ñnare yiyuju Jesús.

¹⁰ To ñ yiro bero, vijũ ñacõari, to bajiro ñ gotisere sãnĩañũjarã ñ buerimasa. ¹¹ To ñna yijare, ado bajiro ñnare cũdiyuju Jesús:

—Ñ manajore rocacõari, gajeo ñ manajo cõtijama, Dios ñ ñajama, ñ manajo masu me ñagõmo. Sore ajerio cõtigu yigũmi. ¹² To bajirone bajiaja rõmiore quẽne. So manajũre

h 9:48 gotise, “Tojũ varona, bũto rojose tãmũotũjabetiruãrãma” yire ñni ñaja.

rocacōari, gājire so manajū cūtijama, so manajū masu me ñagūmi, Dios ĩ ĩajama. ĩre ajeri cūtigo yigomo —ĩnare yiyuju Jesús.

Rĩamasare Jesús ĩ ñubuejeore queti

(Mt 19.13-15; Lc 18.15-17)

¹³ Jesús tujū rĩamasacare juaejayujarā masa, “ĩ āmori ñujeocōari, Diore ĩnare sēni-bosato ĩ” yirā. ĩna juaejasere ĩacōari, ado bajiro ĩnare yiyujarā ĩ buerimasa:

—Ĵuadibesa! Gōjanabioro yaja mūa —ĩnare yiyujarā.

¹⁴ To ĩna yisere ĩajūnisinigūne, ado bajiro ĩnare gotiyuju Jesúju:

—Rĩamasare ĩnare matabesa. ĩnare bajiro tūoĩarā ñaama Ūjū Dios yarā quēnaro ĩ yirā.

¹⁵ Riojo mūare gotiaja yū. Rĩamasā ĩna yiecorore bajiro quēnaro yiecorā ñaama Ūjū Dios yarā —ĩ buerimasare yiyuju Jesús.

¹⁶ To ĩnare yigotigajanocōari, rĩamasare ĩ āmori ñujeocōari, Diore ĩnare sēnibosayuju.

Gajeyeūni jaigū, Jesúre ĩ sēniĩare queti

(Mt 19.16-30; Lc 18.18-30)

¹⁷ Quēna Jesús varūtu vacū ĩ bajirone, sīgū, ūmaejayuju. Ejacōari, ĩ rĩjorojuā gūsomuniari tuetugūne, ado bajiro Jesúre ĩre sēniĩañuju:

—Gotimasiorimasū, quēnagū ñaja mū. Yū rijato berojū “Tudirijabeticōato” yigū, Dios ĩ catisere yūre ĩ ĩsire yū bojajama, ĳno bajiro yiroti ñati yūre? —ĩre yiyuju.

¹⁸ To ĩ yisere ajicōari, ado bajiro ĩre cūdiyuju:

—ĳNo yigū, “Quēnagū ñaja mū”, yūre yati mū? Dios sīgūne ñaami quēnagūma. ¹⁹ Mū rijato berojū “Tudirijabeticōato” yigū, Dios ĩ catisere mū bujarūajama, Dios ĩ rotimasirere cūdiroti ñaja. Tire masiaja mū. Dios ĩ rotimasire yū yijama, ado bajise yimasirere yaja yū: “Sĩabesa. Gāji manajo rāca ajerio cūtibesa. Juarudibesa. Socūne, ‘Rojose yimi’ yigotiyirobesa. Gājerāre yitobesa, ‘ĩna ye cūogusa’ yigū. Mū jacūre, mū jacore quēne quēnaro ĩnare rūcūbuoya”, yigotiaja Dios ĩ rotimasire —ĩre yiyuju.

²⁰ To ĩ yisere ajicōari, ado bajiro yicūdiyuju:

—Daquegūjūne tire cūdisūoadimasicajū yū —ĩre yicūdiyuju.

²¹ To ĩ yisere ajicōari, ĩre ĩamaiñuju Jesús. To bajiri, ado bajiro ĩre gotiyuju:

—Cojo vāme ruyaja mū yiroti, mū rijato berojū “Tudirijabeticōato” yigū, Dios ĩ catisere mū bujarūajama: Jediro mū cūosere gājerāre ĩsijeocōaña. To yicōari, ti vaja mū bujasere maiorō bajirāre ĩsima. To bajiro mū yijama, ō vecajū Dios ĩ ñarojū quēnase bujarūcūja mū. To bajiro yigajanocōari, yūre ajisūyaya —ĩre yiyuju Jesús.

²² To ĩ yigū, būto sūtiriti vacoasuju ĩ, gajeyeūni jaigū ñari, tire maigū.

²³ To yigajanogūne, ĩ buerimasare ĩacōari, ado bajiro gotiyuju Jesús:

—Gajeyeūni jairārema, yūre ĩna sūyarūa tūoĩaboajama, būto josarūaroja ĩnare. To bajicōari, yirēto ecobosabetirūarāma —ĩnare yiyuju Jesús.

²⁴⁻²⁵ To bajiro ĩ yisere ajicōari, no yimasibesujarā ĩ buerimasa, ti ũnire ajibetirūgūrā ñari. To bajiri quēna ĩnare gotirēmoñuju Jesús:

—Yū buerā, ajiya. No bojarā, yūre ĩna sūyarūa tūoĩaboajama, būto josarūaroja ĩnare. To bajiboarine būto būsā josarūaroja gajeyeūni jairārema. Vaibūcū camello vāme cūtigū, gājojota gojecare sājarēto budimasibecūmi. To bajirone bajaiaja gajeyeūni jairāre quēne, yūre ĩna ajitirūnū sūyarūaboajama. To bajiro ĩna bajijare, yirēto ecobosabetirūarāma —ĩnare yiyuju Jesús.

²⁶ To bajiro ĩnare ĩ gotisere ajicōari, no yimasibesujarā ĩna. To bajiri ado bajiro ĩre sēniĩarēmoñujarā:

—Riojo mū gotijama, ĳno bajiro bajirājuā Dios tujūre ejarūarāda? —ĩre yiyujarā.

²⁷ To ĩna yirone, ĩnare ĩacōari, ado bajiro ĩnare gotiyuju Jesújuama:

—ĩna masune ejamasimenama masa, Dios tujūre. Diojuama, ñajediro yimasijeocōami. Ñiejūa josase maja, ĩrema. ĩ sūorine ĩ tujū ejamasire ñaja —ĩnare yiyuju Jesús.

²⁸ To ĩ yisere ajicōari, ado bajiro ĩre yiyuju Pedro:

—Jediro yūa gajeyeūnire cūcōari, mūre sūyacajū yūa —ĩre yiyuju.

²⁹⁻³⁰ To ĩ yisere ajicōari, ado bajiro ĩre cūdiyujū Jesús:

—Riojo mũare gotiaja yũ. No bojarã yũre ajitirũnurã ñari, yũ ocare gotiroana, ĩna ya vi, ĩna yarã, ĩna jacũa, ĩna rĩa, to yicōari ĩna ya veserire quẽne, ĩna maise ñaro cõro ĩna vaveojama, ĩna cũoboare rētoabusaro quẽnase bũjarũarãma ĩna, adi macarũcũrore. Yũre ajitirũnurã ñari, rojose tãmũorã ñaboarine, ado bajiro quẽnaro ĩnare yirũcũmi Dios: Jairo viri, jairo veseri, jãjarã yarã cuti, to yicōari jãjarã rĩa cutireayere ĩsirũcũmi Dios. To yicōari, “ĩna rijato berojũma tudirijabeticōato” yigũ, ĩ catisere ĩnare ĩsirũcũmi.
³¹ To bajiboarine, adire quẽne quẽnaro tũoĩaña mũa: Ado bajiro mũa tũoĩarore bajirone tũoĩaboarãma: “Dios ĩ bojase yirã rētoro Dios ĩ bojasere yirã ñari, ñamasurã ñaja yũa. To bajiri, õ vecajũre quẽne ñamasurã ñari, quẽnase bũjarũarãja”, yitũoĩaboarãma. To bajiro yirã ñari, gãjerãre ĩacōari, “ĩna ya vi, ĩna yarã, ĩna jacũa, ĩna rĩa, to yicōari ĩna ya veserire vaveomena ñari, ñamasurã me ñaama. To bajiri, õ vecajũre quẽnase mojoroaca bũjarona ñaama”, yitũoĩaboarãma. To bajiro me bajirũaroja. Adojũ ñamasurã, õ vecajũarema ñamasumena ñarũarãma ĩna. Adi macarũcũrojũ ñamasumenama, õ vecajũarema ñamasurã ñarũarãma —ĩnare yiyujū Jesús.

“Yũre sĩarũarãma”, Jesús ĩ yigotitusare queti

(Mt 20.17-19; Lc 18.31-34)

³² ĩ buerimasa, Jerusalénjũ Jesús ĩnare ĩ ũmato varũtu vajare, “Ujarã ĩre ĩaterã ĩna ñarøjũ ĩ vasere gũibeticōami Jesús”, ĩre yitũoĩa vasujarã ĩna. ĩnajũama, ĩre sũyarã, bũto gũiyujarã. To ĩna bajirone, jũaãmo cõro, gũbo jũa jẽnituarirãcũ ñarãre ĩ buerãre ricati ĩnare jicãmotocōari, ado bajiro ĩnare gotiyujū:

³³ —Quẽnaro ajiya mũa. Jerusalénjũ vana bajaiaja mani. Tojũ mani ejaro, Dios ĩ roticōacacũre, sĩgũ yũre ĩsirocarũcũmi, paia ujarãre, to yicōari, Dios ĩ rotimasire gotimasiormasare. ĩnajũa, “ĩre sĩaroti ñaja”, yũre yirũarãma. To yicōari, romano masare yũre ĩsirũarãma. ³⁴ To ĩna yijare, yũre ajatud'irã, gooco yũre eoreatucōari, bajerũarãma ĩna. To yicōari yucũtẽrojũ yũre jajurocacōarũarãma. Yũre jajurocacōari, yujeboarũarãma. To ĩna yiboajaquẽne, yũre ĩna sĩarirũmũ bero, idiarũmũ tusatirũmũne tudicaticoarũcũja yũ quẽna —ĩnare yiyujū Jesús.

Santiago mesa Jesũre ĩna sẽnire queti

(Mt 20.20-28)

³⁵ To ĩ yiro bero, Zebedeo rĩa, Santiago, to yicōari Juan, Jesũrãca ñagõrã ejayujarã ĩna. Ejacōari, ado bajiro ĩre sẽnĩũjarã:

—Gotimasiormasũ, “Ado bajiro yũare ejarẽmoña” mũre yũa yisẽnisere, mũ cũdise bojaja yũa —ĩre yiyujarã ĩna.

³⁶ To bajiro ĩna yisere ajicōari,

—¿No bajiro mũare yũ yibosasere bojati mũa? —ĩnare yiyujū Jesús.

³⁷ To ĩ yijare, ado bajiro ĩre yiyujarã ĩna:

—“Ñajediro uju ñaja yũ” yĩocōari, mũ rotisũorirodo ti ejaro, ado bajiro yũare mũ ũmato rujirũcũja bojaja yũa: Sĩgũ mũ riojocatũa, gãjire mũ gãcojocatũa yũare ũmato rujirũcũja mũ, mũ rotirore bajirone yũa rotimasirore yigũ —ĩre yiyujarã.

³⁸ To bajiro ĩre ĩna yisẽniboajaquẽne, ado bajiro ĩnare cūdiyujū Jesús:

—Tũoĩamasimenane, yũre sẽniboaja mũa. Yũ rãca mũa rotirũajama, ¿mũa quẽne yũre bajirone rojose tãmũorãtique mũa? —ĩnare yiyujū.

³⁹ To bajiro ĩnare ĩ yirone,

—Bajicōarãja —ĩre yicũdiyujarã.

To bajiro ĩna cũdise ñajare, ado bajiro yiyujū Jesús:

—Riojo mũare gotiaja yũ. Mũa quẽne, yũ tãmũorotire bajiro rojose tãmũorũarãja. ⁴⁰ To bajiro mũa bajiboajaquẽne, yũ riojocatũa, yũ gãcojocatũa mũare rojomasibecũja yũ. “ĩna ñarũarãma yũ macũ tũ rujirona” yũ jacũ ĩ yicana rĩne rujirũarãma —ĩnare yiyujū.

⁴¹ Jesús buerimasa juaãmo cõro ñarã ñna ajibetone, “To bajiro bojaja yu” ñna yisere ajicõari, jünisiniñujarã ñna. ⁴² To bajiro ñna bajijare, ñna jedirore jirẽocõari, ado bajiro gotiyuju Jesús:

—Ujarã, Dios yarã me ñarã, ñna yarãre bũto tutuaro rotirãma ñna. Tire masiaja mu. ⁴³ Mũama, yu yarã ñari, ñnare bajiro bajibetirũarãja. Yũre ajitirũnũrã, ñamasurã ñarũarãma, gãjerã ñna bojasere masicõari, quẽnaro ñnare yiejarẽmorã. ⁴⁴ To bajiri ñamasurã mu ñarũajama, gãjerãre moabosarũarãja mu. ⁴⁵ Dios ñ roticõacacu quẽne, to bajirone yaja yu. “Gãjerã yu bojasejũare masicõari, quẽnaro yũre yato ñna” yigũ me vadicaju yu. “Ñna bojasere masicõari, quẽnaro ñnare yirũcũja” yigũ vadicaju yu. To yicõari, jãjarã rojose ñna yisere Dios ñ masiriorotire ñnare vaja yibosagũagũ vadicaju yu —ñnare yiyuju Jesús.

Caje ñabecu Bartimeo vãme cutigũre Jesús ñ ñarotire queti

(Mt 20.29-34; Lc 18.35-43)

⁴⁶ Jericó vãme cuti maca ñacõari, ñna vatone, jãjarã masa ñnare sũyasujarã, Jesũre ñarã. Toju ñna vatone, ñabecu, Bartimeo vãme cutigũ rujiyuju, maa tu. Timeo macu ñañuju ñ. Maioro bajigũ ñari, ñ barotire, to yicõari, gajeyeũniaca ñ cũrotire tuoĩagũ, gãjoa sãnirujiyuju. ⁴⁷ “Jesús, Nazaret macagũ rẽtoacu yami” masa ñna yisere ajicõari, ado bajiro ñre jivasãñuju:

—Jesús, Uju David ñamasir'i jãnami, “Rotimũorũgõrũcũmi” yigũ, Dios ñ cõar'i ñaja mu. Yũre ñamaiña mu —yivasãñuju ñ.

⁴⁸ To bajiro ñ yivasãrone,

—ñ Avasãbesa! —ñre yiyujarã masa.

To bajiro ñna yiboajaquẽne, bũtobũsa avasãñuju quẽna:

—Uju David ñamasir'i jãnami “Rotimũorũgõrũcũmi” yigũ, Dios ñ cõar'i ñaja mu. Yũre ñamaiña —Jesũre ñre yivasãñuju.

⁴⁹ To ñ yisere ajicõari, tujarũgũñuju Jesús. To bajicõari,

—Ñre jiya mu —masare ñnare yiyuju.

To ñ yijare, ñabecũre jiyujarã ñna:

—Variquẽnaña. Vãmũrũgũña. Mũre jiami Jesús —ñre yiyujarã, ñabecũre.

⁵⁰ To bajiro ñna yisere ajicõari, ñ sudiro joeadore vearocacõañuju, “Guaro vatĩmagũsa” yigũ. To yicõa, vãmũrũgũ vasuju ñ, Jesús tũju. ⁵¹ ñ ejasere ñacõari, ado bajiro ñre yiyuju Jesús:

—ñ No bajiro mũre yu yisere bojati mu? —ñre yiyuju, caje ñabecũre.

To ñ yijare, ado bajiro ñre yicũdiyuju:

—Gotimasiogũ, yu tudĩñarotire mu ejarẽmosere bojaja yu —ñre yiyuju caje ñabecu.

⁵² To bajiro ñ yisere ajicõari, ado bajiro ñre yiyuju Jesús:

—Vasa mu. “Yũre ñamaicõari, ñarotirũcũmi” yũre yitũoĩagũ ñari, ñacoaju mu yuja. Ñie rojose maja mũre yuja —ñre yiyuju Jesús.

To bajiro ñ yirirĩmarone, caje ñabecu ñaboar'i, ñacoasuju ñ yuja. ñacõari, ñ quẽne Jesũre sũyacoasuju.

11

“*Rotimũorũgõrũcũmi*” yigũ, Dios ñ cõagũ ñaja yu” yĩogũ, Jerusalénju Jesús ñ ejare queti

(Mt 21.1-11; Lc 19.28-40; Jn 12.12-19)

¹⁻² Jerusalén cõñana, Betfagé, Betania vãme cuti macari tũju ejayujarã ñna. Ti macari tũjare Olivo vãme cuti buro ñañuju ti. Ti buroju ejaũagũne, jũarã ñ buerãre ado bajiro ñnare gotiyuju Jesús:

—Mani varoto riojo ñarimacare vasa maji. Toju ejacõari, burro macu ñna siaturũgõr'ire bũjarũarãja mu, jesañañmagũre. Ñre õjacõari, yũre ñmiadibosaba. ³ Ti macagũ, mu õjaro ñacõari, “ñ No yirã ñre õjati mu?” mũare ñ yisẽniñajama, “Mani uju ñre bojami. No cõro mene tuocõarũcũmi quẽna”, ñre yicũdiba —ñnare yiyuju Jesús.

⁴⁻⁵ To ĩ yisere ajicōari, vasujarã ĩna. To ejacōari, maa tu ñarivi soje tũre ĩna siaturũgōr'ire ĩabujayujarã. ĩabujacōari, ĩre ĩna õjarone,

—¿No yirã ĩre õjati mua? —yisēniñañujarã ĩna, burro ɛjarã.

⁶ To ĩna yisēniñase ñajare, Jesús ĩnare ĩ cudirotiriario bajirone cudiujarã ĩna. To ĩna yirone, ĩnare varotiyujarã burro ɛjarãjua. ⁷ To ĩna yijare, burro macũre ãmivasujarã, Jesús tujũ. To yicōari, ĩna ye sudi joeayere vejecōari, burro macũ joere jeoyujarã. To ĩna yirone, vajejayuju Jesús. ⁸ Jãjarã masa ñañujarã. ĩna ye sudi joeayere vejecōari, ĩ varotijũre cũ rĩjoro cãtiyujarã. “Yũ ɛjũ ñaja mũ” yirã, to bajiro yiyujarã, Jesũre rũcũbuorã. Gãjerã yucũ rũjũri jasurecōari, maare cũ rĩjoro cãtiyujarã. ⁹ To yicōari, “ “Rotimũorũgōrũcũmi” yigũ, Dios ĩ cōagũ ñaja yũ’ yĩocōari, rotimũorũcũmi yuja” Jesũre ĩre yitũoĩarã ñari, bũto variquēnañujarã ĩna. ĩre rĩjoro cãti vana, ĩre sũyarã quēne, ĩre ĩvariquēnarã, ado bajiro avasã vasujarã:

—¡“Rotimũorũgōrũcũmi” yigũ, Dios ĩ cōar'i ñaami! ¡Quēnase ĩre yivariquēnato mani! ¡Diore rotibosagũ quēnaro ĩ yigũ ñaami! ¹⁰ ¡Ujũ David ñamasir'i jãnami ĩ rotirirodo, “Quēnarirodo ñarũaroja” Dios ĩ yiriarodo ejaroado yaja! ¡Diore quēne, quēnase ĩre yivariquēnato mani, ãni yũ ɛjũre ĩ cōajare! —yivasã vasujarã ĩna.

¹¹ To bajiro ĩna yi vato rĩne, Jerusalénjũ ejayuju Jesús. Ejacōari, Diore yirũcũbuoriavire sãjañuju. Sãjaejacōari, jediro ĩabatojeocōari bero, “Rãioato bajiaja” yigũ, ĩ buerimasa juaãmo cõro, gũbo jua jēnituarirãcũ ñarãre ũmato tudiasuju, Betania macajũ.

Higuera vãme cãtiũre, “Juaji rica cãtibetirũaroja”, Jesús ĩ yire queti

(Mt 21.18-19)

¹² Gajerũmũ Betania maca ñaboa, ĩ buerimasare ũmato vacũ, ñiorijayuju Jesús. ¹³ To bajivacũne, sõjũne higuera vãme cãtiũre ĩabujacõañuju Jesús. Quēnaro jũ cãtiyuju. Ti ricare barũ ojaboayuju. Rica mañuju, tiũjũama. Jũ rĩne ñañuju. Rica mañuju, rica cãtirodo me ñajare. ¹⁴ To bajiri tiũre ado bajiro yiyuju Jesús:

—Juaji rica maniũcarũarãja mua —tiũre yiyuju ĩ.

To bajiro ĩ yisere ajiyujarã ĩna, ĩ buerimasa.¹

Diore yirũcũbuoriavijũ ñacōari, gajeyeũni ĩsirivire bajiro ĩna yĩñajare, Jesús ĩnare ĩ tud'ĩagõbure queti

(Mt 21.12-17; Lc 19.45-48; Jn 2.13-22)

¹⁵ To bajiro ĩ yiro bero, varũtu ejacoasujarã, Jerusalénjũ. Ti macajũ ejacōari, Diore yirũcũbuoriavijũ sãjañujarã. Ti vijũ gajeyeũni ĩsirãre, ĩnare vaja yirãre quēne, tud'ĩagõbuyuju Jesús. Gãjerã ye rãca gãjoa vasoarimasa ĩna gãjoa jeorijãũrĩre tujuareayuju. To yicōari, buja ĩsirimasa ĩna rujiri cũmũrorire tucaguereayuju. ¹⁶ To yicōari, Diore rũcũbuoriavijũ gajeyeũni no bojasere masa jedirore juarotibesuju. ¹⁷ To yicōari, ado bajiro ĩnare gotiyuju:

—Diore gotirẽtobosarimasa ĩna ucamasire ado bajiro gotiaja: “Yũ ya vima, masa jediro yũre sēnirũcũbuorã rējariavi ñarũaroja”, yigotiaja, adi vire. To bajiro Dios ĩ yimasire ti ñaboajaquēne, ado bajiro mua yĩñase sũorine juarudirimasa ya vire bajiro bajiaja ti — ĩnare yiyuju Jesús.

¹⁸ Ti vijũ Diore yirũcũbuoriavijũ ñañujarã paia ɛjarã, Dios ĩ rotimasire gotimasiorimasa quēne. To bajiro Jesús ĩ yisere ĩacōari, “¿No bajiro yicōari, ĩre sãrãti mani?”, gãmerã yĩñagõñañujarã ĩna, ĩre gũirã ñari, ĩ gotimasiosere ajicōari, jãjarã masa ĩna ajirũcũbuose ñajare. ¹⁹ ĩnare gotimasiocōari bero, ti rãioatone, ĩ buerimasare ũmato vacoasuju Jesús.

Higuera rica mani ti sũnĩre queti

(Mt 21.20-22)

¹ 11:14 *Higuera rica cãtirodo me ñaboarine, rica cãticōari, ti jũ cãtirũgũriarore bajiro ti bajijare, “Rica cãtiroja” yigũ, ĩagũ vaboayuju Jesús.*

²⁰ Gajerũmu busurijũ jẽju quẽna maa vana higuera vãme cutiũ, “Rica maniũcarũarãja maa” Jesús i yiriũ tũre ejayujarã ãna. To ejacõari, higuera sñiar'ire ãañujarã. Ti ñemari quẽne sñijedicoasuju ti. ²¹ To cõrone Jesús i ñagõrere tũoĩabũjacõari, gotiyuju Pedro:

—Gotimasiõrimasũ, ãaña. Higuera vãme cutiũre, “Jũaji rica maniũcarũarãja maa” mũ yimasiricũ sñirocacoasuja ti —Jesũre yiyuju.

²² To i yisere ajicõari, ado bajiro i buerimasare gotiyuju Jesús:

—“Dios i ejarẽmose rãca yimasicõarãja”, yitũoĩaña maa. ²³ Riojo mũare gotiaja yũ. No bojagũ yũre ajitirũnũgũ, i burore, “Moa riagajũ maa masune rocaroacoasa” i yijama, to bajirone bajirũaroja, “Dios i ejarẽmose rãca yimasicõagũja” i yitũoĩa tũjabetijama. ²⁴ “Yũa sãnijama, yũare ãsicõagũmi” yitũoĩacõari, Diore maa sãnijama, mũare ãsirũcũmi, ãnare yiyuju. ²⁵ Diore sãnirã, mũare rojose yirãre maa masiriojama, mani jacũ õ vecagũ rojose maa yisere masiriorũcũmi i quẽne. ²⁶ Gãjerãre rojose ãna yisere maa masiribetijama, mani jacũ quẽne rojose maa yisere masiribetirũcũmi —ãnare yiyuju Jesús, i buerãre.

“¿Ñimũ mũre i rotise rãca to bajiro yati mũ?” , Jesũre ãna yisẽniãre queti

(Mt 21.23-27; Lc 20.1-8)

²⁷ To i yiro bero, Jerusalãnju ejayujarã quẽna Jesũrãca. To bajicõari, Diore yirũcũbuõriavijũ sãjañuju Jesús. Sãjaejacõari, i ñacudirone, i tũ ejarũgũñujarã paia ujarã, Dios i rotimasire gotimasiõrimasa, to yicõari, bũcũrã quẽne. ²⁸ Ejarãne, ado bajiro ãre sãnĩãñujarã ãna:

—¿Ñimũ mũre i rotise rãca to bajiro yirũgũati mũ? —ãre yisẽniãñujarã ãna.

²⁹ To bajiro ãna yisere ajicõari,

—Yũ quẽne, ado bajiro mũare sãnĩãja yũ. Yũre maa cũdicõaroju, “I rotise rãca yaja yũ”, mũare yirũcũja maji. ³⁰ ¿Ñimũ rotiyujari, Juanre, “Oco rãca masare ãnare bautizacudiyã” yigũ? ¿Dios rotiyujari? ¿Masajũa rotiyujarique? —ãnare yisẽniãñuju Jesús.

³¹ To i yisere ajicõari, ãna masurione gãmerã ñagõñãñujarã ãna:

—“Dios, Juanre oco rãca bautizarotiyumi” mani yijama, ado bajiro manire sãnĩãjacagũmi: “Tire masirã ñaboarine, ¿no yirã ãre ajitirũnũbeticati mũa?” manire yisẽniãjacagũmi. ³² To yicõari, “Masane, Juanre oco rãca bautizarotiriarãma” mani yijama, manire bũto tud'irũarãma masa, “Diore gotirẽtobosarimasũ ñaboacami Juan” yirã ñari —gãmerã yiyujarã ãna. ³³ To bajiro gãmerã ñagõrã ñari, ado bajiro ãre cũdiyujarã ãna:

—Juanre rotir'ire masibeaja yũ —Jesũre yicõañujarã ãna.

To ãna yisere ajicõari, ado bajiro ãnare cũdiyuju Jesús:

—To bajiro maa cũdijare, “I rotise rãca yaja yũ”, mũare yigotibetirũcũja yũ quẽne —ãnare yiyuju Jesús.

12

“Jud'io masa ãna ajitirũnũbeti ñajare, gãjerãjuare uõrũcũmi Dios” yigũ, ãre moabosari-masa rojose yirã ãna bajire rãca Jesús i gotimasiõre queti

(Mt 21.33-46; Lc 20.9-19)

¹ Gotimasiõre queti masare gotiyuju Jesús:

—Sĩgũ masũ uye vese otegũmi. Tire otegajanocõari, matagũmi. To yicõari, uye oco juarotijũ quẽnogũmi. Tijũ bero, vecajũ ñacõari, i ãtirũnũjesarotijũ quẽnogũmi. To yigajanocõari, gãjerãre, “Yũre ãtirũnũbosaba”, yigũmi. “Uye ti rica cutiõro, gãjerãre ãsicõari, vaja sãnirũarãja. To yicõari, maa juajama, ‘Ado cõro ñaja mani ye. Ado cõro ñaja i ye’ yicõĩama”, ãnare yigũmi. To yicõari, gajeroju vacoacũmi yuja. ² To bajiri cojorũmu, “Uye rica cuti bũcũatoja ti” yigũ, ãre moabosarimasũre cõagũmi, “Uye, yũre ãna cũbosarere yũre juabosaya” yigũ. ³ Uye veseju i ejarone, ãre ñiacõari jarãma vese coderimasa. To yicõa, ãre uye ãsimenane, “Vasa”, yirãma ãna. To bajiri uye juabecũne tudiejagũmi, ãre roticõar'i tũju. ⁴ To bajiri uye i juabetire ãcõari, gãji ãre moabosarimasũre cõagũmi quẽna, vese uju, “Uye yũre juabosagũ vasa” yigũ. Uye veseju

ĩ ejasere ñacõari, rujajine ãre yitud'icõari, ãre quẽne jarãma ãna. To bajiri ã rujoaju cãmi cutigumi ã. To bajiro ãre yigajanocõari, uye ãsimenane, “Vasa”, ãre yirãma ãna. ⁵ To bajiri uye ã juabetire ñacõari, quẽna gãji ãre moabosarimasure cõagumi vese uju. ãre sãrãma. Bero, jãjarãbusa cõarũgũboagumi vese uju. ãnare quẽne to bajirone yirũgũrãma vese coderimasa. Sãgũrire buto jarãma. Gãjerãre sãrãma ãna.

⁶ ãnare ã cõariaro bero, sãgũ ruuyagumi yuja, ã cõarocu. ã ñagumi ã macu, ã maigũ. To bajiri, “Yu macujuare rucubũoruarãma” yitũoĩagũ, ãre cõaboagumi. ⁷ To bajiro ã yicõar'ire, veseju ã ejasere ñacõari, ado bajiro gãmerã ñagõrãma vese coderimasa: “Adi vese uju macune ñaami. To bajiri ã bajirocaveojama, ãne ñaami ãre vasoarocu. To bajiri ãre mani sãajama, mani ye sita ñarũaroja yuja”, gãmerã yĩñagõrãma ãna. ⁸ To bajiri vese sojuaju ãre ñia vati, ãre sãarocacõarãma ãna —ãnare yiyuju Jesũs.

⁹ To bajiro ãnare gotigajanocõari, ado bajiro ãnare gotiyuju quẽna:

—¿Ti vese uju tudiejagu, no bajiro ãnare yigujari ã, ti vese coderimasare? Ado bajiro yigumi: Veseju vacõari, ti vese coderãre sãarucumi. To yicõari, gãjerãjuare coderotigumi ã, ti vesere —ãnare yiyuju Jesũs.

¹⁰⁻¹¹ Gajeye ado bajiro gotirũtuasuju Jesũs:

—“Uye vese uju macure rojorã ãna sãarocarere bajirone viri buarimasa gãta ãna beserocaria ñaboarine, ñamasurica ñarũaroja”, yigotiaja Dios oca masa ãna ucamasire. ¿Tire ãbeticatique mua? Ado bajiro gotiaja:

“Gũta rãca vi quẽnorimasa coja gãtare rocarãma ãna. ãna rocaria ñaboarine, gajea gãta rẽtoro quẽnarica ñarũaroja tia. Tia gãta suorine quẽnarivi quẽnorucumi Dios. Tia manijama, quẽnomasibetibogumi. To bajiro bojagumi Dios mani uju. To bajiri tia gãta suori Dios quẽnaro ã yisere ajimasicõari, buto tuoãa variquẽnaja mani”, yigotiaja Dios oca masa ãna ucamasire —ãnare yigotiyuju Jesũs, paia ujarãre J

¹² Jesũs ã gotimasiosere ajicõari, “Uye vese coderimasa ã yijama, manirene yigu yami. To yicõari, gãtavi quẽnorimasa ã yijaquẽne, manirene yami. ãre rojose mani yisere yigu yami”, yiajimasĩnujarã ãna. To bajiri Jesũre ñiarũaboayujarã. To bajiboarine masare gũirã, ãre ñiabesujarã. ãre ñiarũaboa, vacoasujarã ãna yuja.

“Ujarã, gãjoa manire ãna vaja yirotijama, ãnare ãsiroti ñaja”, Jesũs ã yigotire queti (Mt 22.15-22; Lc 20.20-26)

¹³ Bero, fariseo masa, to yicõari, “Uju ñamasugũ ñarucumi Herodes” yirũgũriarã, Jesũs tu ãna rãcanare cõañujarã ãna, “Ado bajiro josari mua sãniãajama, cudimasibeticõari rojose tãmũorucumi Jesũs” yirã. ¹⁴ To ãna yicõariarã, ado bajiro Jesũre sãniãañujarã ãna:

—Ajiya gotimasiorimasu. “Riojo gotiami”, mure yimasiaja yua. “Ado bajiro mani yisere bojagumi Dios” yigotimasioagũ ñari, riojo uare gotimasioaja mu. “Ado bajiro u gotimasiojama, yure ajijũnisiniruarãma” yitũoĩabecune, riojo gotigu ñaja mu. “ãnoama, ñamasurã ãna ñajare, ãna ajijũnisinibeti vãmejuare ãnare gotimasiorucuja”, yitũoĩabecu ñaja mu. Masa ñajedirore uare riojo gotigu ñaja mu. To bajiro yigu mu ñajare, mu tuoãasere ajirũaja yua. ¿Roma macagu uju, Cãsar, gãjoa manire ã vaja yirotisere mani vaja yijama, quẽnacõarõari? ¿Dios ã rotimasirere cudimena yirãjarique mani, ãre mani vaja yijama? —Jesũre yisãniãaboayujarã ãna.

¹⁵ Jesũjuama, “Rojose yure yiruarã, to bajise yure sãniãatoama ãna”, yimasicõañuju. To bajiri ado bajiro ãnare yiyuju:

—¿No yirã, “Rojose ãre yirãsa” yirã, to bajise yure sãniãatoati mua? —ãnare yiyuju Jesũs. ¹⁶ —Gãjoatii cojotii yure ãoãa —ãnare yiyuju Jesũs.

To ã yijare, gãjoatii ãre ãoñujarã. Gãjoatii ñacõari, ado bajiro ãnare sãniãañuju Jesũs:

—¿Ñimu rioga tuyati? ¿Ñimu vãme tuyati? —ãnare yiyuju Jesũs.

To ã yirone,

—Roma macagu Uju Cãsar vãme cutigu rioga tuyaja. To yicõari, ã vãme quẽne ñaja ti —Jesũre yicũdiyujarã ãna.

J 12:10-11 “To bajiro gotiyumi Dios, yu bajiro tire tuoĩagũ”, ãnare yigotigu yiyumi Jesũs.

¹⁷ To ñna yijare, ado bajise yiyuju Jesús:

—To bajiri aditiire ñacõari, “César yatii ñaja”, yimasajaja mña. To bajiri ñjarã ñna vaja yirotijama, ñnare vaja yiroti ñaja. To bajirone bajiaja Diore quêne. Jediro Dios ñ cõase ti ñajare, “Yña cõose ti ñaboajaquêne, ti rãca mñ bojarore bajiro yiruarãja”, Diore ñre yiroti ñaja manire —ñnare yiyuju Jesús.

To bajiro ñ yisere ajicõari, no yimasibesujarã ñna, ñre bajiro quênaro gotigũre ajibe-tirũgũriarã ñnari.

“¿Bajirearãma, tudicaticoanajari?”, Jesũre ñna yisẽniĩatore queti

(Mt 22.23-33; Lc 20.27-40)

¹⁸⁻¹⁹ To bajicõari, saduceo masa quêne ejayujarã, Jesũre sẽniĩatorã. “Masa ñna rijato bero, ñna usuri, ñna rujuri ñnaro cõrone quẽna tudicatimenama” yirã ññañujarã saduceo masa. Ado bajiro ñre sẽniĩañujarã:

—Ajiya gotimasiorimasũ. Moisés ñamasir'i ado bajiro ñ yiuacũmasire ti ñajare, mũre sẽniĩarã vabũ yña. “Sĩgũ, manajo cutiboa, rĩa magũne ñ bajirocajama, ñ gagũ manajo ñnariore manajo cutirũcumĩ ñ bedijña. To bajiri ñ rãca ñacõari, so macũ cutijama, ñ gagũ macũ ñarũcumĩ”, yimasĩñuju Moisés. ²⁰ Sĩgũ rĩa cojomo cõro, jña jẽnituarirãcũ ñmña ñaboacama. Sĩgõrene manajo cutiboacama ñna. Ñnasũogũ sore manajo cutisũoboacami. Rĩa magũne rijacoacami ñ. ²¹⁻²² Ñ rijato bero, gãji ñ bedi vasoaboacami. Ñ quêne rĩa magũne rijacoacami. Ñ bederã quêne, to bajirone sore manajo cutiboacama. Rĩa manane, rijajedicoacama ñna quêne. So manajña ñna rijajediro bero, so quêne rijacoacamo yuja. ²³ To bajiri bajireacõari, quẽna ñna tudicatijama, ¿ñimũjña ñaguĩda so manajũ masu ñarocũma, ñna ñnaro cõrone sore ñna manajo cuticato bero? —Jesũre yisẽniĩatoyujarã ñna.

²⁴ To ñna yirone, ado bajiro cãdiyuju Jesús:

—Dios oca, masa ñna ucamasire ajimasimena ñaja mña. Dios ñ masisere quêne masirã me ñaja. To bajirã ñnari, Moisés ñ ucamasirere tũoĩacõari, “Riojo me gotiro yaja”, yitũoĩaboaja mña. ²⁵ Ado bajirojña bajiaja: Bajireariarã, ñna tudicatio bero, manajo cutire, manajũ cutire quêne manirũaroja. Ángel mesare bajiro bajirã ñnarãrãma ñna. ²⁶ ¿“Masa ñna bajirearo bero, ñna usuri caticõaroja” yirere ñabeticatique mña? ¿Yucũyoa ñjũriyoa vatoajũ Dios Moisére ñ ñagõmasirere ñabeticatique? Dios masune ñre ñ gotimasirere ado bajiro ucamasĩñumi Moisés: “Mña ñicũna ñamasiriarã Abraham, Isaac, Jacob, ñna rũcũbũo vadimasicacũne ñaja yñ”, yigotimasĩñumi Dios. ²⁷ Masa bajireariarã ñna usuri ti caticõa ñabetijama, to bajise yibetimasiborimi. Bajireariarã, quẽna tudicatarãjña ñna rũcũbũogũ ñnaami. “Ñna usuri ti caticõa ñajare, bajireariarã ñaboarine, Diore rũcũbũocõa ñarãma” yire ñaja. Bũto mavisajaja mña —ñnare yiyuju Jesús.

Dios ñ rotimasire ñamasuri vãmere Jesús ñ gotire queti

(Mt 22.34-40)

²⁸ Sĩgũ, Dios ñ rotimasire gotimasiorimasũ ejayuju. Ejacõari, Jesũrãca ñna ñagõrore ajiññañuju ñ. To bajiri, “Quênaro cãdiami Jesús” yiajigũ ñnari, ñre sẽniĩañuju ñ:

—Dios ñ rotimasire ñamasuse, ¿disejña ñnati? —Ñre yisẽniĩañuju ñ.

²⁹ To ñ yisere ajicõari, ado bajiro cãdiyuju Jesús:

—Dios ñ rotimasire ñamasuse ado bajiro gotiaja: “Ajiya mña, Israel sitana. Dios sĩgũne ñnaami mani ñjũ. ³⁰ Mani ñjũre, Diore bũto mairoti ñaja. No bojagũre mani mairo rẽtoro, no bojase mani cõose, mani bojatũoĩase, to yicõari mani moare cutise rẽtoro Diore mairoti ñaja”, yigotiaja Dios ñ rotimasire ñamasuse. ³¹ To yicõari, gajeye ado bajiro gotiaja ti: “Mñ masu rujũre mñ mairore bajirone mñ tũanare maiña”, yigotiaja Dios ñ rotimasire. Disejña gajeye Dios ñ rotimasire rẽtoro ñamasuse maja —Ñre yiyuju Jesús.

³² To bajiro ñ yisere ajicõari, ado bajiro ñre yiyuju Dios ñ rotimasire gotimasiorimasũ:

—To bajirone bajiaja. Riojo gotiaja mñ. “Sĩgũne ñnaami Dios. Ñre bajiro bajigũ gãji magũmi. ³³ Mani ñjũre Diore bũto mairoti ñaja. No bojagũre mani mairo rẽtoro Diore mairoti ñaja, manire. No bojase mani cõose mani mairo rẽtoro Diore mairoti ñaja.

Diore mairã ñari, mani tuoñase, mani yise, jediro quënaró yiroti ñaja”, yaja. To yicõari, “Mani masu rujure mani mairore bajirone jedirore maiña”, yigotiaja Dios ï rotimasire. Gajeye Moisére Dios ï roticũmasiriarore bajirone vaibucurã ecariarãre siãcõari, Diore rũcubũorã, paire mani ïsijama, quënaja. Gajeye no bojase Dios ï rotimasiriarore bajiro paire mani ïsijama, quënaja. To bajiboarine to bajiro yirã jediro mani ïsise rëtoabusaro quënaja, Diore, to yicõari, masare quëne mani maijama —Jesúre yiyuju Dios ï rotimasire gotimasiorimasu.

³⁴ To bajiro quënaró ï yisere ajicõari, ado bajiro ïre yiyuju Jesús:

—Yũ ïajama, Dios yarã ïre ïna ajitirũnũsere ajimasiaja mũ. ï yũ quënaró ï yigũ mũ ñarũajama, ñamasiaja mũ —ïre yiyuju Jesús.

To bajiro Jesús ï yiro bero, “Mani rëtoro masigũ ñaami” yitũoĩacõari, “‘Ánoama masimena ñaama’ yiro mi” yirã, ïre sëniña tũjacoasujarã yuja. “Mani rëtoro masigũ ñaami Jesús” yitũoĩarã ñari, ïre sëniñarëmobesujarã yuja.

“‘Rotimũorũgõrũcũmi’ yigũ, Dios ï cõarocũ, ¿ñimũ ñarũcũmi, yitũoĩati mũa?”, Jesús ï yisëniĩare queti

(Mt 22.41-46; Lc 20.41-44)

³⁵⁻³⁶ Diore yirũcubũoriavijũ masare gotimasio ñagũne, ado bajiro ïnare sëniĩañuju Jesús:

—“‘Rotimũorũgõrũcũmi’ yigũ, Dios ï cõarocũ, masũ ñarũcũmi. Ujũ David ñamasir'i jãnamine ñarũcũmi”, yama Dios ï rotimasire gotimasiorimasa. To bajiro ïna yitũoĩaboajaquëne, Esp'iritu Santo ï ejarëmose rãca yigũ, Diore yigũre bajiro, “yũ ujũ” yimasĩñujari Ujũ David ñamasir'i, ï jãnami ï ñaboajaquëne, ado bajise ï yiucajama:

“Yũ ujũre ado bajiro yirũcũmi Dios: ‘Yũ riojojocatũa rujiya maji. Mũre ïaterãre, “Rojose yitũjaya” ïnare yũ yiro bero, rojose yimasibetirũarãma yuja. To cõrone rotisũorũcũja mũ’ yirũcũmi Dios, yũ ujũre”, yiucayasiñumi David.

³⁷ To bajiri, “‘Rotimũorũgõrũcũmi’ yigũ, Dios ï cõarocũ, David ñamasir'i jãnami ñarũcũmi” yiucazasire ti ñaboajaquëne, ¿no yigũ ï ujũre bajiro bajigũtique? —ïnare yiyuju Jesús.

To bajiro ï yigotisere ajivariquënañujarã jãjarã masa.

“Rojose tãmũorũarãma Dios ï rotimasire gotimasiorimasa”, Jesús ï yire queti

(Mt 23.1-36; Lc 11.37-54; 20.45-47)

³⁸ Masare ado bajiro ïnare gotimasioñuju Jesús:

—Dios ï rotimasire gotimasiorimasare bajiro bajibeja mũama. Dios ï rotimasire gotimasiorimasa, sudiro yoaquënarĩase sãñacõari, masa ïna ïaro rĩjoro vacudi variquënarãma ïna. To yicõari, jãjarã masa ïna rëjarũgũrijaũrĩre ejarũgũrãma. Gãji ïnare ï bocajama, rũcubũose rãca ïnare ï sënisere ajivariquënarãma. Dios ocare ïna buerivirijure quëne ñamasuri cũmurorire rujivariquënarãma. ³⁹ Boserũmũri ti ñajaquëne, ïna barujijama, ñamasuri cũmurorire rujivariquënarãma ïna. ⁴⁰ Manajũa rijaveoriarã ya virire ëmarã ñaboarine, masa ïna ïaro rĩjorojũa, “‘Quënaró yirã ñaama’ yĩato” yirã, “Yoaro Diore sëniñã yaja”, yisocarũgũboarãma ïna. To bajiro ïna yise vaja, gãjerã rojorã, rojose ïna tãmũose rëtoro rojose tãmũorũarãma ïna —masare ïnare yiyuju Jesús.

Manajũ rijaveorio maioró bajigo ñaboarine, gãjoa so sãre queti

(Lc 21.1-4)

⁴¹ Diore yirũcubũoriavijũ ñacõari, gãjoa sãriajũ riore rujiyuju Jesús. Rujicõari, jãjarã masa tijure gãjoa ïna sãñasere ïañuju. Gãjoa jairã, jairo sãñujarã. ⁴² To ïna yĩnarone, sigõ, manajũ rijaveorio ejacõari, gãjoatii juatiine so sãsere ïañuju. Mojoroaca vaja cutitiiri ñañuju ti. ⁴³ Tire so sãro ïacõari, ado bajiro ï buerimasare gotiyuju Jesús:

—Riojo mũare gotiaja yũ. Adio maioró bajigo, gãjerã rëtoro sãmo so. ⁴⁴ Gãjoa jairã ïna sãboajaquëne, jairo rũyacõaroja ïnarema. Soma, so cũose ñaro cõroacane sãcõamo —ïnare yiyuju Jesús.

13

“Diore yirũcũbũoriavi cagueroca ecorũaroja”, Jesús ĩ yire queti
(Mt 24.1-2; Lc 21.5-6)

¹ Diore yirũcũbũoriavijũ ñar'i, budiasuju Jesús ĩ buerimasa rãca. To ĩ ũmato bajirone, ado bajiro ĩre gotiyuju ĩ buerimasa:

—ĭGotimasiorimasa, ĩaña! Quẽnarivi ñaja. Gũta quẽnase rãca quẽnaro quẽnoñuma ĩna —Jesũre ĩre yiyuju. ² To ĩ yirone, ado bajiro ĩre cũdiyuju Jesús:

—Jairivi ti ñaboajaquẽne, mũa ĩarivi ñaro cõrone cagueroca ecorũaroja. To bajiri adi viaye gajea gũta joere gajea jesabeticõarũaroja —ĩre yiyuju Jesús.

“Macarũcũro ti jediroto rĩjoro ado bajiro bajirũaroja”, Jesús ĩ yire queti
(Mt 24.3-28; Lc 21.7-24; 17.22-24)

³⁻⁴ Tijũ bero, Olivo vãme cũi buro joejũ rujiyuju Jesús. Ti buro riojojũ ñañuju Diore yirũcũbũoriavi. To ĩ rujirone, gãjerã ĩna mano ĩacõari, ĩ buerimasa, Pedro, Santiago, Juan, to yicõari Andrés, ado bajiro ĩre sẽnĩñañujarã ĩna:

—ĭDivato cagueroca ecoroti Diore yirũcũbũoriavi? ĭNo bajiro ti bajiro ĩacõari, “Jesũ ejağũagũ yigũmi”, yimasirãti yũa? ĭNo bajiro ti bajiro ĩacõari, “Adi macarũcũro jediato yaja”, yimasirãti yũa? —Jesũre yisẽnĩñañujarã ĩna.

⁵ To bajiro ĩna yisere ajicõari, ado bajiro ĩnare cũdiyuju Jesús:

—Roori ñarũarãja mũa, “Socarãne, gãjerã manire yitoroma” yirã. ⁶ Jãjarã yitorã ñarũarãma, “Yũne ñaja ‘Rotimũorũğõrũcũmi’ yigũ, Dios ĩ cõagũ” yirã. To bajiro ĩna yisocasere jãjarã masa ĩnare ajisũyaboarũarãma.

⁷ To bajicõari, mũa tũana, to yicõari, gajeroana quẽne, gãjerã rãca ĩna gãmerã sĩasere ajirũarãja mũa. Tire ajicõari, gũibetirũarãja mũa. “Bajirũaroja” Dios ĩ yiriarore bajirone bajirũaroja. To bajiro ĩna gãmerã yĩñaboajaquẽne, adi macarũcũro jediro me bajirũaroja. ⁸ Cojo sitana gaje sitana rãca gãmerã sĩarũarãma. Bũto sita saberũaroja. To yicõari, cojo maca me ñioñarũaroja. To bajiri, rojose tãmũosũorũarãma masa. ĩna tãmũose rẽtobũsaro rojose tãmũoroana yirãma yuja. ⁹ Quẽnaro tũoĩama mũa: Mũare ñejecõari, Dios ocare ĩna buerivirijũ ẽjarã rĩjorojũ mũa juaãrũarãma ĩna. Tojũ mũaare bajerũarãma. To yicõari, yũ ocare mũa gotimasiojare, macari ẽjarã rĩjorojũ mũaare juaãrũarãma ĩna. To yi vanane, ẽjarã ñamasurã rĩjorojũ mũaare juaãrũarãma ĩna. To bajiro mũaare ĩna yijare, yũ oca quẽnasere ĩnare gotirũarãja mũa. ¹⁰ Tire adi macarũcũro ñarã masa ñaro cõrone gotimasiojeo ecorũaroja. ¹¹ Mũaare ñejecõari, ẽjarã rĩjorojũ mũaare ĩna juaejaro, “ĭNo bajiro ñagõrãti yũa?”, yitũoĩarejaibeja mũa. “Ñagõña” mũaare ĩna yirĩmarone, Dios ĩ cõagũ Esp'iritu Santo ĩ ejarẽmose rãca, “Ado bajiro gotirũarãja yũa”, yimasirũarãja mũa —ĩnare yiyuju Jesús.

¹² Quẽna gajeye ado bajiro ĩnare gotirẽmoñuju Jesús:

—Yũ yere ajiterãre gũiose ĩna yisere ĩarũarãja mũa. Sĩgũ rĩa ñaboarine, “Ĩnare sĩato” yirã, ñejerotirũarãma ĩna. To yicõari, jacua quẽne, “Yũ rĩare sĩato” yirã, ĩna rĩare ñejerotirũarãma. ĩna rĩajũ quẽne, ĩna jacũare ajijũnisinicõari, gãjerãre sĩarotirũarãma ĩna. ¹³ Yũ ocare mũa goticudijare, jediro masa mũaare ĩaterũarãma. To bajiro ĩna yiboajaquẽne, no bojarã yũre ajitirũnũ tũjamenarema, rojose tãmũotũjabetiriaroju ĩna varoti ñaboarere ĩnare yirẽtobosarũcũmi Dios —ĩnare yiyuju Jesús.

¹⁴ Quẽna gajeye ado bajiro ĩnare gotirẽmoñuju Jesús:

—Adi macarũcũro jedirirodo, sĩgũ, “Diore rũcũbũobeticõato ĩna” yigũ, Dios ĩ bojabetire yirũcũmi. Diore yirũcũbũoriavijũ ĩ ñasere masirũarãja mũa. (Yũ, Marcos, adi paperare Jesús ĩ gotisere yũ ucasere ĩacõari, ajimasiña.) To bajiri Dios ĩ bojabetire ĩ yisere ĩacõari, “Jerusalén maca ti jedirotirũmũ cõñaro bajijaja”, yimasirũarãja mũa. To bajiro bajirirũmũ Judea sitana gũtayucũju guaro rudicoajaro ĩna. ¹⁵ Sĩgũ ĩ ya vi joejũ jesagũma, rujiacõari, ĩ ya vi jubeajũ gajeyeũni ñasere juaãtĩmabetirũcũmi. ¹⁶ Gãji, vesejũ moañagũ, ĩ ye sudire juagũ tudiatĩmabetirũcũmi, rujarĩmarone yũ ejaroti ñajare. ¹⁷ Rõmia macũ sãñarã, ũjurã cũorã quẽne, rojose tãmũorũarãma ĩna, ũmatĩmabetica

yirã. ¹⁸ “Buto oco quedirirũmure bajibeticõato” yirã, Diore sēnicõa ñarũgũña. ¹⁹ To bajiro bajirirũmuri buto rojose tãmuorũarãma masa. Adi macarũcũro ñasũoriarũmuri masa rojose ñna tãmuoadire rētoro tãmuorũarãma ñna. Rojose ñna tãmuoro bero, to bajise rojose tãmuobetirũarãma yuja. ²⁰ “Yoaro mebusane rojose tãmuoato masa” Dios ï yibetijama, sīgũ catirũyarocũ manibogũmi. “Yũ yarã ñaña mua” ï yirere cũdiriarãre ñamaigũ ñari, “Yoaro mebusane rojose tãmuoato ñna”, yirũcũmi Dios.

²¹ To bajiro bajirũarodori, “Ñine ñaami ‘Rotimũorũgõrũcũmi’ yigũ, Dios ï cõar’i. Ejayumi” gãjerã ñna yijama, ñnare ajibeja mua. To yicõari, gãjerãjuama, “Tone ñagũmi. Ejayuju” mũare ñna yijaquẽne, ñnare ajibeja mua. ²² Jãjarã yitorã ñarũarãma, “Yũne ñaja ‘Rotimũorũgõrũcũmi’ yigũ, Dios ï cõagũ” yirã, to yicõari, “Diore gotirētobosarimasa ñaja yũ” yirã. To bajiro yirã, ñaĩañamani yĩorũarãma, masare yitorã. To bajiro yirũarãma, “Yũ yarã ñaña mua’ Dios ï yirere cũdirã, manijũare ajitirũnũato” yirã.

²³ Tire mũare yũ gotimasiosere quẽnaro tũoĩaña mua. Ti bajiroto rĩjoro jediro mũare gotijeobũ yũ.

“Dios ï roticõacacũ tudiejarũcũja yũ”, Jesús ï yire queti

(Mt 24.29-35, 42, 44; Lc 21.25-36)

²⁴ Tire rojose ñna tãmuogajanoro berone, gaje vãme rojose bajirũaroja. Muiju mũmuagũ asibetirũcũmi yuja. Ñamiagũ quẽne busubetirũcũmi. ²⁵ Ñocõa quẽne, vējacoarũarãma. To yicõari, õ vecaye jediro nũrũarũaroja. ²⁶ To bajiro ti bajiro, Dios ï roticõagũ õ vecayu yũ rujiadore ñarũarãma masa. Yũ masise rãca, oco bueri vatoaju yũ busubatorujiadire ñarũarãma. ²⁷ To cõrone, “Yũ yarã ñaña” Dios ï yirere cũdiriarãre judoaga soje, jũnaga soje, varuaga soje, gajecacatũa varuaga soje ñarã jedirore “Juarẽoato” yigũ, ángel mesare cõarũcũja yũ. To yũ yijare, yũ yarã ñaro cõrone juarẽorũarãma ñna —ñnare yiyuju Jesús.

²⁸ To yicõari, quẽna gajeye ado bajiro ñnare gotirẽmoñuju Jesús:

—Gotimasiore queti mũare gotigũ yaja yũ. Higuera vãme cutiũre tũoĩaña mua. Higuera vãme cutiricũ gajecu bũcũamũjacõari, jũ mameaja. Tire ñacõari, “Mojeroaca rũyaja cũma ti ejaroti”, yimasiaja mani, jud’io masa. ²⁹ Mũare yũ gotisere bajiro bajisere ñacõari, “Mojeroaca rũyaja Jesús ï vadiroti”, yimasirũarãja mua. ³⁰ Riojo mũare gotiaja yũ. Adirodo ñarã mua bajireajediroto rĩjoro, mũare yũ gotirore bajirone bajirũaroja ti. ³¹ Adi macarũcũro ñaro cõrone, to yicõari, õ vecaye quẽne jedicoarũaroja. To bajiboarine, yũ ocama jedibeti mũorũgõcõarũaroja.

³² “Ado cõrone ejarũcũmi Jesús”, yimasigũ magũmi. Ángel mesa quẽne masimenama ñna. Dios macũ ñaboarine, “To cõro ejarũcũja yũ”, yimasibeaja yũ quẽne. Yũ jacũ sīgũne masigũmi —ñnare yiyuju Jesús.

³³ —To bajiro bajiroti ti ñajare, roori ñarũarãja mua, “To cõrone tudiejarũcũmi” yũre yimasimena ñari.

³⁴ Quẽna yũ tudiejaroti ado bajiro bajirũaroja: Sīgũ ñagũmi gaje sitaju varocũ. ï varoto rĩjoro, ñre moabosarimasare jirẽogũmi. ñnare jirẽocõari, tocãrãcũrene ricati ñna moarotire ñnare rotigũmi. To yicõari, soje coderimasũre quẽne, “Yũ tudiejarotire yugũ tocãrãcarũmũne quẽnaro bocaĩama”, yigũmi. ³⁵ ñre bajiro bajirũcũja yũ quẽne. To bajiro bajiroti ti ñajare, roori ñarũarãja mua, “To cõrone tudiejarũcũmi mani mũju” yũre yimasimena ñari. Rãiorijũ, ñami gũdareco, gãjabocũ ñagõrijũ, busurijũ yũ vadirotire masibeaja mua. ³⁶ Roori ñarũarãja mua, “Mani cãniñarone tudiejaromi” yirã. Yũre masimenare bajiro bajibeja. ³⁷ To bajise yũ gotijama, mua rĩrene gotigũ me yaja yũ. Masa jedirore tũoĩacõari gotiaja yũ. Roori ñarũarãja mua —ï buerimasare ñnare yiyuju Jesús.

14

“¿No bajiro yigũ ñaami yitocõari, Jesũre ñre ñiarãti mani, ñre sãrũarã?”, ñna yire queti
(Mt 26.1-5; Lc 22.1-2; Jn 11.45-53)

¹ Juarũmu ruayaju yuja Pascua boserũmu pan ũmato vauvase vuoyamanire basuoriarũmu. To bajicõari, paia ɯjarã, Dios ï rotimasire gotimasiormasa quẽne, ado bajiro gãmerã ñagõñañujarã ña:

—Jesúre sïaruarã, ¿no bajiro yigu ñaami yitocõari, Jesúre ñiarãti mani? —gãmerã yïñagõñañujarã ña. ² —To bajiboarine, boserũmu ñaro ïre mani sïajama, tire ña-jũnisinicõari, manire rojose yiborãma masa —gãmerã yïñagõñañujarã ña.

Jesús rujoare sätiquẽnase rõmio so yuejeore queti

(Mt 26.6-13; Jn 12.1-8)

³ Betania vãme cõtï macaju cãmi boagu ñaboar'i, Simón vãme cõtigu ya vijũ ñañuju Jesús. Ti vijũ Jesús ï barujiro, sïgõ, gũta sotu alabastro vãme cõtï rãca veariaru ãmiejayuju so. Sätiquẽnase buto vaja cõtise, nardo vãme cõtise sãñaritu ñañuju tiru, so ãmiritu. To bajiri, Jesús tuaca eja, tiru ãmuare vëjeacõari ï rujoa joere ïre yuejeoyuju so. ⁴ To bajiro so yisere ñacõari, jũnisiniñujarã sïgũri Jesús buerimasa. To bajiro yirãne, ado bajiro gãmerã yiyujarã ña:

—¡Jairo gãjoa yireago yamo! ⁵ Tire ñicõari, jairo gãjoa trescientos denarios rëtoro bujacõari, maioro bajirãre ejarëmoroti ñaboaja ti —gãmerã yiyujarã ña.^k

To bajiro yicõari, sore tud'yiyujarã ña.

⁶ To bajiro ña yiboajaquẽne, Jesújuama, ado bajiro ñare yiyuju:

—Sore gõjanabiobesa mu. Tire yure so yuejeojama, quẽnaro yure yigo yamo.

⁷ Maioro bajirã mu rãca ñacõa ñarũgũruarãma. No mu bojarirũmu quẽnaro ñare ejarëmomasiurãja mu. Yuma, mu rãca ñacõa ñabetirũcũja. ⁸ Adio, quẽnaro so yimasiro cõro yure yamo. Yure sätiquẽnase so yuejeojama, yure ña yujeroto rïjoro yuejeo rïjoro cõtigo yamo. ⁹ Riojo muare gotiaja yu. Yu bajiroti quẽnase quetire, adi macarũcũroana jedirore gotibatoruarãma masa. To bajirone bajiruaroja sätiquẽnase yure so yuejeose queti quẽne. So yuejeosere masiritimenane tire gotibatoruarãma — ñare yigotiyuju Jesús.

“Jesúre ñiato” yigu, ïre ñaterã tũju Judas ï goticudigu vare queti

(Mt 26.14-16; Lc 22.3-6)

¹⁰ Judas Iscariote vãme cõtigu rãca ñarã ñajediro Jesús buerimasa juãmo cõro, gubo juã jënituarirãcu ñañujarã. To bajiboagu, paia ɯjarã ña ñarojũre vasuju, Jesúre ñare ñisirocaru. ¹¹ Jesúre ñisirocaruasere ajivariquẽnacõari,

—Gãjoa mure ñisurãja yu —ïre yiyujarã ña, paia ɯjarã.

To ña yisere ajivariquẽnacõari, tudicoasuju Judas. Jesús tũjũre ejacõari, “¿Dirĩmaro ñnone Jesúre ñare yu ñisijama, josari mene ïre ñiamasirojari ña?”, yitũoïañuju ñ.

Jesús ñ batũsare queti

(Mt 26.17-29; Lc 22.7-23; Jn 13.21-30; 1 Co 11.23-26)

¹² Pascua boserũmu pan ũmato vauvase vuoyamani basuoriarũmu, to yicõari oveja macure ña sïariarũmu ejayuju ti. To bajiri Jesús buerimasa ado bajiro ïre sënĩañujarã ña:

—Pascua boserũmu ñajare, mani barotire, ¿noju bare yu quẽnoyusere bojati mu? — ïre yisënĩañujarã.

¹³⁻¹⁴ To ña yijare, ado bajiro ñare yicõañuju Jesús:

—Jerusalénju muare yu gotigu tũre vasa mu. To mu ejarone, sïgũ, oco vagu muare bocarũcũmi. ïre sũyaja mu. To bajicõari, vi ñ sãjarone, ti vi ɯjũre ado bajiro ïre yiba: “Gotimasiormasu, ‘¿noju ñati Pascua boserũmu adi ñami yu buerimasare yu ũmato barotijau?’ mure yicõami”, yiba mu. ¹⁵ To mu yirone, muare ñorũcũmi, vecaga sõa, jairisõa, mame quẽnogajanoriasõare. Tone mani barotire quẽnoyuba mu —ñare yiyuju Jesús, ñare varotigu.

¹⁶ To ñ yijare, vacoasujarã ña juarã yuja. To eja, ñ yiriarore bajirone bajiyuju ti. To bajiri tisõaju ña barotire quẽnoyuyujarã ña.

^k 14:5 Cojorũmu moare vaja, cojo denario vaja cõtiyuju.

¹⁷ To bajiri Pascua boserũmũaye bare bariaju ti ejaro, ĩ buerimasa juããmo cõro, gubo juã jẽnituarirãcũ ñarã ejacõari, barujiyujarã ĩna, ĩ rãca. ¹⁸ ĩna bañarone, ado bajiro ĩnare yiyuju Jesús:

—Riojo mũare gotiaja yũ. Sĩgũ mũa rãcagũ, yũ rãca bagũ, yũre ĩaterãre yũre ĩsirocarũcũmi —ĩnare yiyuju Jesús.

¹⁹ To ĩ yisere ajicõari, bũto sutiritiyujarã ĩna. Tocãrãcũne sutiritirã ñari, ado bajiro ĩre sẽnĩĩañujarã ĩna:

—¿Yũne ñabetiboati, mũre ĩsirocarocũ? —ĩre yisẽnĩĩañujarã ĩna.

²⁰ To bajiro ĩna yisere ajicõari, ado bajiro ĩnare cũdiyuju Jesús:

—Mũa rãcagũ sĩgũ, yũ rãca yosebagũ ñaami yũre ĩsirocarocũ. ²¹ Dios oca masa ĩna ucamasire ti gotirore bajiro rojose tãmũorũcũja yũ, Dios ĩ roticõacacũ. To bajirocũ yũ ñajare, yũre ĩaterãre yũre ĩsirocarũcũmi. Yũre ĩ ĩsirocaroti sũorine rojose tãmũorũcũja yũ. “Masare yirẽtobosarũcũmi” Dios ĩ yimasire ñajare, bajirũcũja yũ. To bajiboarine, yũre ĩsirocarocũjũama, rojose tãmũorũcũmi. Ruyuabeticõarocũ ñaboayumi —ĩnare yiyuju Jesús.

²² ĩna bañarone, pan ãmicõari, “Quẽnaja”, Diore yiyuju Jesús. To yigajano, tire mũtocõari, ĩ buerimasare ĩnare ĩsibatogũne ado bajiro ĩnare yiyuju ĩ:

—Baya mũa. Ti ñaja yũ ruju rii —ĩnare yiyuju.

²³ Tire ĩna bagajanorone, idiriabaja ãmicõari, “Quẽnaro yaja mũ”, Diore yiyuju quẽna. To yicõari, tibajare ĩnare ĩsiñuju. ĩna jediro idijedicõañujarã ĩna. ²⁴ ĩsigũne, ado bajiro ĩnare gotiyuju Jesús:

—Adi ñaja tirũmũana “Rojose mani yirere masirioato” yirã, Diore rũcũbuoriaju joere ĩna yuejeoriarore bajiro bajise. Yucũrema, yũ ri'i ñaja. Ti sũorine, “Gajerodo to bajiro mũare yirũcũja yũ” Dios ĩ yicũmasiriarore bajiro bajirũaroja yuja. To bajicõari, jãjarã masa rojose ĩna yisere masiriocõari, tuditũoĩabetirũcũmi Dios yuja.¹ ²⁵ Riojo mũare gotiaja yũ. “Rotimũorũgõrũcũmi” yigũ, Dios yũre ĩ cũroto rĩjoro, quẽna juaji yũe oco idibetirũcũja yũ —ĩnare yiyuju Jesús.

“*Jesũre masibeaja yũ*” yirũcũja mũ”, Pedore Jesús ĩ yire queti

(Mt 26.30-35; Lc 22.31-34; Jn 13.36-38)

²⁶ To ĩ yiro bero, Diore rũcũbuorã, basayujarã ĩna. Basagajano, Olivo vãme cũi buroju vacoasujarã ĩna yuja. ²⁷ To ĩna vatone, ado bajiro ĩnare yiyuju Jesús:

—Adi ñamine yũre ajitirũnũ tũjacõari, vaveorũarãja mũa jediro. Dios oca masa ĩna ucamasire to bajiro ti gotijare, to bajise mũare gotiaja yũ. Ado bajiro gotiaja ti: “Oveja coderimasare bajiro bajigũre sũarũcũja yũ. To bajiri ĩ yarã ovejare bajiro bajirã rudibatecoarũarãma”, yigotiaja Dios oca masa ĩna ucamasire, manire gotiro. ²⁸ Yũre mũa vaveoboajaquẽne, yũre ĩna sũaro bero, quẽna tudicaticõari, Galilea sitaju mũa vato bero, yũjuã, mũa rĩjoro ñatũjarũcũja —ĩnare yiyuju Jesús.

²⁹ To ĩ yisere ajicõari, ado bajiro ĩre yiyuju Pedro:

—Ãnoa jediro, mũre ĩna vaveoboajaquẽne, mũre vaveobetirũcũja yũma —Jesũre ĩre yiyuju.

³⁰ To ĩ yisere ajicõari, ado bajiro ĩre cũdiyuju Jesús:

—Riojo mũre gotiaja yũ. Adi ñami busiyũjuã gãjabocũ juaji ĩ ñagõroto rĩjoro, idiaji, “Jesũre masibeaja; ĩ rãcagũ me ñaja yũ”, yisocarũcũja mũ —Pedore ĩre yiyuju ĩ.

³¹ To bajiro ĩ yisere ajicõari, ado bajiro cũdiyuju Pedro:

—Mũ rãca yũre ĩna sũarũajaquẽne, “Jesũrãcagũ me ñaja yũ”, yisocabetirũcũja yũ —Jesũre yiyuju Pedro.

To bajiro Pedro ĩ yisere ajicõari, gãjerã Jesús buerimasa quẽne, to bajiro yijedicõañujarã ĩna.

¹ 14:24 “Rojose mani yirere masirioato” yirã, Diore rũcũbuoriaju joere judío masa ĩna yuejeomasirere gotiaja.

Getseman'i vāme cūtoju Jesús ī jacure ī sēnigū vare queti
(Mt 26.36-46; Lc 22.39-46)

³² To īna yiro bero, Getseman'i vāme cūtoju īnare ūmato vasuju Jesús. Toju ejacōari, ado bajiro īnare gotiyuju:

—Diore sēnigūacu yaja yu. To yu vatoye, ado rujicōaña mūa maji —īnare yiyuju ī.

³³ To yigajanogūne, Pedrore, Santiagore, to yicōari Juanre quēne ji vasuju Jesús. To vacu, buto tuoīasutiritiyuju ī yuja. ³⁴ To bajiro bajigu nari, ado bajiro yiyuju Jesús ī rāca variarāre:

—Buto tuoīasutiritiaja yu. Sūtiriosene yure sīaro yaja. Adone yure yuñaña maji. Yu cānibetore bajirone cānibeja mūa quēne, Diore sēniñarā —īnare yiyuju Jesús.

³⁵ To yicōari, to sojuabusa varēmoñuju Jesús. Va, sita tūcuroju murocacūcōari, Diore sēniñuju ī, “Yure īna sīarotire yure matabosato ī” yigu. ³⁶ Ado bajiro Diore sēniñuju ī:

—Cacu, nājediro yimasigū naja mū. Yure īna sīaroti matamasiaja mū. To bajiboarine, mū bojarore bajirone bajiato —Diore yiyuju.

³⁷ To yigajano, Pedro mesa īna cānitoyene īna tujū ejayuju. īnare yujiogūne, ado bajise Pedrore īre yiyuju Jesús:

—¿Simón, cāniati mū? ¿No yirā cojo hora cōro cānibetibūsarāne, yure yuñabetimasucōati mūa? ³⁸ Yu cānibetore bajirone cānibesa mūa quēne. To bajicōari, Diore sēniña, “Vātia ūju Satanás ī yirotsere yicōari, Dios ī bojabetire yirobe” yirā. Riojo mūare masiaja yu. “Dios ī bojasere yirūcūja” yirā naboarine, cojojirema rojose tuoīarā nari, Dios ī bojabetijūare yirūgūaja mūa —Pedro mesare īnare yiyuju Jesús.

³⁹ To yicōari, gāme vacu, Diore ī sēniriarore bajirone tudisēniñuju ī quēna. ⁴⁰ To yigajano, vacūne, cāniariarāre īnare ejayuju quēna. Buto vūjaejarā nari, cāniñujarā īna. To bajiri rījoro īnare ī yiriarore bajiro īnare ī sēniñaro, īre cūdimasibesujarā īna.

⁴¹ To bajiro īnare yigajanocōari, Diore sēnigū vasuju Jesús quēna. Diore sēnigū var'i, tudiejacōari, īnare yujiyoyuju:

—¿No yirā cāni manicōati mūa maji? Ado cōrone, Dios ī roticōacacure, rojose yirāre yure īsirocarocu vadicoagūmi yuja. ⁴² To bajiri yujiya mūa. īre bocarā vajaro. Yure īsirocarocu vadiami yuja —īnare yiyuju Jesús.

Jesúre īna nīare queti

(Mt 26.47-56; Lc 22.47-53; Jn 18.2-11)

⁴³ To bajiro Jesús īnare ī yīnarirīmarone, Judas Iscariote vāme cūtigū, Jesús buerimasa rācagūne vayuju yuja. Jājarā ī rāca vayujarā jariaseri cūorā, gājerā yucūjuriri cūorā. Paia ūjarā, Dios ī rotimasire gotimasiorimasa, to yicōari bucūrā quēne īna cōariarā nāñujarā īna. ⁴⁴ Jēre ado bajiro goti vayuju Judas, ī rāca vanare, “īne nāami Jesús' yīamasiato īna” yigu:

—Jesúre sēnicōari, īre usurūcūja yu. To yu yirone, īre nīacōari, quēnaro īre īatirūnu vaja mūa —īnare yi vayuju.

⁴⁵ To bajiro yir'i nari, Jesús rījoroju ejacōari, ado bajiro īre yiyuju Judas:

—Gotimasiorimasu, ¿nati mū? —īre yigūne, usuyuju ī.

⁴⁶ To ī yirone, Jesúre īre nīañujarā Judas rāca vadiriarā.

⁴⁷ To īna yirone, sīgū Jesús tu rūgōgū, ī jariase yoveaāmicōari, paia ūju nīamasugūre moabosarimasure gāmoro jatarocacōañuju. ⁴⁸ To ī yiro bero, īre nīarā ejarāre ado bajiro yiyuju Jesús:

—¿No yirā gajeyeūni juarudirimasure nīarā vanare bajiro jariaseri rāca, yucūjuriri rāca yure nīarā vadiati mūa? Tocārācarūmūne Diore yirūcūbuoriavija mūa nāro mūare gotimasio rujirūgūmū yu. To yu bajiboajaquēne, yure nīabetirūgūmū mūa maji. ⁴⁹ Diore gotirētobosarimasa, ado bajiro yure mūa yirotsere ucamasīnūma. To bajiri, to bajirone yure yaja mūa —īnare yiyuju Jesús, īre nīarā ejarāre.

⁵⁰ Jesúre īna nīasere īacōari, ūmarudijedicoasujarā īna, ī buerimasa jediro. ⁵¹ To īna bajiboajaquēne, gāji mamū, Jesúre īna āmivatone, īnare sūyasuju ī. Sudijāirine

gūmañuju. To ĩ bajirone, ĩre ñiaboayujarã ĩna, Jesúre ãmivana. ⁵² ĩre ñiaca yirã, ĩ gūmaritore tãaveacõañujarã. To ĩna yigu, sudi magũne ũmacoasuju.

Jud'io masa ñjarã, “Mu masu ye suorine sãaecorucuja mu”, Jesúre ĩna yire queti
(Mt 26.57-68; Lc 22.54-55, 63-71; Jn 18.12-14, 19-24)

⁵³ Jesúre ñiacõari, paia ñju ñamasugũ taju ĩre ãmiasujarã. Toju rējacõari, ñañujarã paia ñjarã, Dios ĩ rotimasire gotimasiorimasa, to yicõari bucũrã quẽne. ⁵⁴ Jesúre ĩna ãmivato, sõju yayĩasuyayuju Pedro. ĩnare yayĩasuyacõari, paia ñju ñamasugũ ya vi matariasãniro rētosãjacoasuju. Sãjacõari, Diore yirũcũbũoriavi coderimasa rãca rujiyuju ĩ, jea sũmañagũ.

⁵⁵ Paia ñjarã, to yicõari gãjerã ñjarã, ĩna jediro Jesúre sãarũayujarã. To bajiro yirã ñari, “Rojose masu yigu ñaami Jesús” yisocarõare macañujarã. ⁵⁶ Jãjarã masa socarãne ĩna gotiboajaquẽne, ricati rĩne ĩna yise ñajare, “To bajiro ĩ yire ñajare, ĩre sãaroti ñaja”, yimasibesujarã ĩna maji. ⁵⁷⁻⁵⁸ To bajiboarine, sīgũri vũmurũgũcõari, ado bajiro yisocayujarã ĩna:

—Āni Jesús vãme cutigu ĩ ñagõmasisere ajibu yũ. Ado bajiro yimasimi: “Diore yirũcũbũoriavire caguerocacõari, idiarũmu tũsatirũmũne quẽna gaje vi masa ĩna quẽnorivi mere quẽna tudibũajeocõarucuja”, yimasimi ĩ —yisocayujarã ĩna.

⁵⁹ To bajiro yisocarã ñaboarine, tocãrãcũ ricati rĩne gotiboayujarã ĩna. To bajiro ĩna yise ñajare, “Ī ye suorine rojose tãmũorũcũmi”, Jesúre yimasibesujarã ĩna maji.

⁶⁰ To bajiro ĩna yisocaboajaquẽne, paia ñju ñamasugũ, vũmurũgũcõari, ado bajiro Jesúre yiyuju:

—To bajiro mũre ĩna yi ocasãsere ¿no bajiro yati mu? ¿Cũdibeati mu? —Jesúre ĩre yiboayuju.

⁶¹ To ĩ yiboajaquẽne, cojo vãme cũdibeticõañuju. Ī cũdibetire ĩacõari, ado bajiro Jesúre sēniĩañuju paia ñju ñamasugũ quẽna:

—¿“Rotimũorũgõrũcũmi” yigu, Dios ĩ cõar'ine, Dios macũne ñati mu? —Jesúre yisēniĩañuju paia ñju ñamasugũ.

⁶² To bajiro ĩ yisere ajicõari, ado bajiro ĩre cũdiyuju Jesús:

—Īne ñaja yũ. To bajiri, Dios ĩ roticõacacũ ñari, ĩ riojojocatũa rujicõari, masare beseguagu, oco bueri vatoaju yũ rujiadire ĩarũarãja mũa —paia ñju ñamasugũre yiyuju Jesús.

⁶³ To ĩ yirone, “Jesús ĩ yisere ajiteaja” yigu, ĩ sudire tũavoyuju paia ñju ñamasugũ. To yigũne, ado bajiro ĩ rãcanare yiyuju ĩ:

—Ī “Diore bajiro bajigu ñaja yũ” yigu yami! No yirã gãjerã, “Rojose yigu ñaami” yironare macarēmomenaja mani yuja. ⁶⁴ Mũa quẽne Diore rũcũbũobecũ ĩ yisere ajiaja mũa. To bajiro ĩ yise ajicõari, ¿no bajiro ĩre yiroti ñati? —Ī rãcanare yiyuju paia ñju ñamasugũ.

To bajiro ĩ yisere ajicõari, ado bajiro ĩre cũdiyujarã:

—Rojose masu yicõami. ĩre sãacõaroti ñaja —yicũdiyujarã ĩna.

⁶⁵ To yicõari, sīgũri, Jesúre gooco eoreatuyujarã ĩna. To yicõari, ĩ cajere siabibecõari, ĩre jayujarã. To yicõari,

—“ Ī, mũre jaami' yũre yigotiami Dios”, yũare yiya mu —ĩre yiajatud'iyujarã ĩna.

Diore yirũcũbũoriavi coderimasa quẽne, ĩre jayujarã ĩna.

“Jesúre masibeaja yũ”, Pedro ĩ yire queti
(Mt 26.69-75; Lc 22.56-62; Jn 18.15-18, 25-29)

⁶⁶ Vi jubeaju Jesúre rojose ĩna yiñarone, macajũju ñacõañuju Pedro. To ĩ ñarone, sīgõ, paia ñju ñamasugũre moabosarimaso, ejayuju so. ⁶⁷ Pedro ĩ jea sũmañaro ĩre ĩacõari, ado bajiro ĩre yiyuju so:

—Jesús, Nazaret macagu rãca vacudir'i ñagũja mu quẽne —ĩre yiyuju so.

⁶⁸ To bajiro so yisere ajicõari, ado bajiro yiyuju Pedro:

—“Riojo yaja mɛ”, mure yimasibeaja yɛ. Mure ajimasibeaja —sore yiyuju Pedro. To bajiro yicōari, matariasāniro sājariasoje tɛ vasuju Pedro. ⁶⁹ To ĩ ñasere ĩacōari, quēna soje tɛ ñarāre ado bajiro gotiyuju so, moabosarimaso:

—Āni, Jesúrāca vacudir'i ñaami —yiyuju, ĩnare gotigo.

⁷⁰ To bajiro ĩnare so yisere ajicōari, quēna, —Īre masibeaja yɛ —yiyuju Pedro.

To so yiro bero, to ñarā ado bajiro Pedrore yiyujarā ĩna:

—Riojo yaja. Jesúrāca vacudirūgūgūne ñaja mɛ quēne. Mɛ quēne Galilea sitagɛ ñaja mɛ —Pedrore yiyujarā ĩna.

⁷¹ To bajiro ĩna yisere ajicōari, ado bajiro cɛdiyuju Pedro:

—Īre masibeaja yɛ. Socɛ me yaja yɛ. Socabetimasucōaja. Dios, yure ajigɛmi —ĩnare yicɛdiyuju Pedro.

⁷² To bajiro ĩ yigajanorirĩmarone, gājabocɛ jɛaji ñagōcōañuju yuja. ĩ ñagōsere ajicōari, Jesús ado bajiro ĩre ĩ gotirere masibɛjayuju Pedro yuja: “Gājabocɛ jɛaji ĩ ñagōroto rĩjoro idiaji, ‘Jesúre masibeaja yɛ’ yirɛcɛja mɛ” ĩre ĩ yirere masibɛjayuju. Tire masibɛjacōari, bɛto otiyuju.

15

Pilato tɛjɛ Jesúre ĩna āmiejare queti

(Mt 27.1-2, 11-14; Lc 23.1-5; Jn 18.28-38)

¹ Busurocacɛse rāca bɛcɛrā, paia ɛjarā, to yicōari Dios ĩ rotimasire gotimasiorimasa quēne, ɛjarā ñajediro tudirɛjañujarā ĩna. To bajicōari, Jesús āmorire siacōari, ĩre āmiasujarā ĩna, Pilato vāme cɛtigɛ ya vijɛ vana. To bajiri ĩ ya vijɛ Jesúre āmiejayujarā ĩna. ² Jesúre ĩna āmiejarone, ado bajiro ĩre sēniñañuju Pilato:

—¿Mɛne ñati jud'io masa ɛjɛ? —Īre yiyuju Pilato.

To bajiro ĩ yisere ajicōari, ado bajiro ĩre cɛdiyuju Jesús:

—Mɛ yirore bajirone bajiaja yɛ —ĩre yiyuju Jesús.

³ To ĩ yirone, paia ɛjarā,

—Cojo vāme me rojose yigɛ ñaami. Ado bajise rojose yimi —Pilatore yi ocasāñujarā paia ɛjarā. ⁴ To bajiro Jesúre ĩna yi ocasāsere ajicōari, ado bajiro Jesúre sēniñañuju Pilato:

—¿No yigɛ cɛdibeati mɛ? ¿Cojo vāme me, rojose mure ĩna yisere ajibeati mɛ? —Jesúre yiyuju Pilato.

⁵ To bajiro ĩre ĩ yisēniñaboajaquēne, ĩre cɛdibeticōañuju Jesús. ĩ cɛdibetire ĩacōari, no yimasibesuju Pilato, ĩre bajiro bajigɛre ĩabetirūgūr'i ñari.

“Jesúre sīaroti ñaja”, ĩna yire queti

(Mt 27.15-31; Lc 23.13-25; Jn 18.38-19.16)

⁶ Tocārāca cūma Pascua boserɛmɛ jud'io masa ĩna quēnojama, sīgɛ tubibe ecor'ire ĩna burotigɛre ĩnare bubosarūgūñuju Pilato. ⁷ Tubiberiavijɛ ñarā, “Gobierno ĩ rotiboasere cɛdibeticōari, mani masu rotirāsa” yirā rācagɛ ñañuju Barrabás vāme cɛtigɛ. ĩ babarā rāca rojose yicōari, masare sīañuju ĩ. To bajiro ĩ yire vaja tubiberiavijɛ ñañuju ĩ. ⁸ To bajiri jājarā masa Pilato tɛjɛ ejacōari, ado bajiro ĩre sēniñujarā ĩna:

—Yɛare mɛ yibosarūgūcatore bajiro yiya quēna —ĩre yisēniñujarā ĩna.

⁹ To bajiro ĩna yisere ajicōari, ado bajiro ĩnare sēniñañuju Pilato:

—¿Ñimɛjare yɛ busere bojati mɛa? ¿Jud'io masa ɛjɛre yɛ busere bojatique mɛa? —ĩnare yisēniñañuju Pilato. ¹⁰ “Jesúre ĩajūnisinirā ñari, yɛ tɛ āmiejama” yitɛoĩagɛ ñari, ĩre burɛ, to bajiro yiyuju.

¹¹ To bajiro ĩ yiboajaquēne, masare to rɛjarāre rĩjorojɛne ĩnare ocasācōañujarā paia ɛjarā, “Barrabájɛare burotito mani” yirā. ¹² To bajiri Barrabáre ĩna burotijare, quēna ĩnare tudisēniñañuju Pilato:

—To yijama, ¿no bajiro yigɛti yɛ, Jesúre, “Jud'io masa ɛjɛ ñaami” mɛa yigɛjɛarema? —ĩnare yisēniñañuju.

¹³ To ĩ yirone, ado bajiro ĩre avasācɛdiyujarā:

—Yucútēroju ĩre jajusīaroticōaña m̄u —ĩre yiyujarā ĩna, Pilatore.

¹⁴ To ĩna yijare, ado bajiro ĩnare sēniñañuju Pilato:

—¿Ñie rojose ĩ yire suor̄i ĩre sīarotigati yu? —ĩnare yiyuju Pilato.

To ĩ yiboajaquēne, quēna butobusa tudiavasāñujarā ĩna:

—Yucútēroju ĩre jajusīaroticōaña —yiavasāñujarā ĩna.

¹⁵ To bajiro ĩna yijare, masa to rējarā ĩna bojarore bajiro yir̄uagu ñari, Barrabáre bucōañuju Pilato. Jesújuarema, ĩ surarare ĩsiñuju, “Ĩre bajecōari, yucútēroju jajusīato ĩna” yiḡu.

¹⁶ To bajiri ĩna ya vij̄u, Jesúre āmiejayujarā surara mesa. ĩre āmiejacōari, ĩna jediro ĩre gānibiar̄ugñujarā. ¹⁷ To yicōari, “Uj̄ure bajiḡu ñato” yirā, ujarā ĩna sāñarito ũnore, sūariv̄ujorore Jesúre sāñujarā. To yicōari, ĩ r̄ujoa joere jotabedo ĩna suariabedone ĩre jeoyujarā. ¹⁸ To bajiro ĩre yicōari, ado bajiro ĩre yiajatud'iyujarā:

—Jud'io masa ūj̄ure m̄ure quēnarotiaja yua yuja —Jesúre yiyujarā ĩna.

¹⁹ To yicōari, yucú rāca ĩ r̄ujoare jayujarā. ĩre jacōari, gooco ĩre eoreatuyujarā ĩna. To yicōari, “M̄ure r̄uc̄ub̄uoaja” yiajatud'irā, ĩ r̄ijoroj̄ua ḡusomuniari tuetuyujarā. ²⁰ To bajiro ĩre yigajanocōari, ujarā ĩna sāñarito ũnore ĩna sāriarore ĩre veayujarā ĩna quēna. To yicōari, ĩ sudij̄ua ĩre sāñujarā quēna. ĩre sudi sājaganocōari, yucútēroju ĩre jajusīaroana, ĩre āmiasujarā.

Yucútēroju Jesúre ĩna jajusīare queti

(Mt 27.32-44; Lc 23.26-43; Jn 19.17-27)

²¹ ĩre āmivanane, sīḡu Cirene vāme c̄uti sitagu, Simón vāme c̄utiḡure, Alejandro, to yicōari, Rufo, ĩna jac̄ure bocayujarā. ĩre bocacōari, —Jesús ĩ gaja vatij̄aire ĩre gajabosaya —ĩre yi vasujarā ĩna.

²² To yi vanane, Gólgota vāme c̄uti buroju ejayujarā ĩna. “R̄ujoco Buro” yire ũni ñañuju “Gólgota” yire. ²³ Toju ejacōari, uye ocore, mirra vāme c̄utise rāca v̄uocōari, Jesúre ĩre ioyujarā ĩna. “Ĩre j̄unise j̄uni ruyubeticōato” yirā, yiboayujarā. Idibesuju Jesújuama. ²⁴ To yicōari, yucútēroju Jesúre jajutuyujarā ĩna. To yicōari, Jesús ye sudire bojarā, ado bajiro yiyujarā:

—Ñim̄uj̄ua āni sudi ĩ ūjaro ĩaīarāsa mani —yiajeyujarā, ḡūtarine reac̄ūiañarāne. To bajiro yiajecōari, ĩ ye sudi gāmerā ĩsibatoyujarā ĩna.

²⁵ Muiju asitutuatīj̄u ĩre jajutuyujarā ĩna. ²⁶ Jesús ĩ tuyaritēroj̄ure ĩ r̄ujoa vecare ucaturiaj̄u tuyayuju. “Ado bajiro ĩ yise suor̄ine jaju ecoami”, yīorij̄u ñañuju. Ado bajise gotiyuju: “Āni ñaami jud'io masa ūj̄u”, yigotiyuju ti.

²⁷ Jesúrāca juarā, jaju ecoyujarā ĩna. Gajeyeūni juarudirimasa ñañujarā. Sīḡure Jesús riojojacatuare, gājirema ĩ gācojacatuajuare jajutuyujarā. ²⁸ To bajiro Jesúre yiyujarā, Dios oca masa ĩna ucamasire, “‘Rojorā rācagu ñaami’ ĩre yīaruarāma masa”, Jesúre yimasire ñajare. ²⁹⁻³⁰ Masa rētoana, ĩna r̄ujoari yure, yure yiyujarā, “Jaju ecor'ire ĩre ĩateaja” yirā. To yicōari, ĩre ajatud'iyujarā ĩna:

—“Diore yir̄uc̄ub̄uoriavire caguerocamasija yu. To yicōari, idiar̄um̄u tusatir̄um̄une buajeocōamasija”, yiboacaju m̄u. Socu me m̄u yijama, m̄u yimasise rāca m̄u masune yucútēroj̄ure rujicoaya —Jesúre ĩre yiajatud'iyujarā ĩna.

³¹ Paia ujarā, Dios ĩ rotimasire gotimasiorimasa quēne, to bajirone Jesúre yiajatud'iyujarā ĩna. Ado bajiro yiyujarā:

—Gājerārema catioḡu ñaboarine, ĩ masu rojose ĩ tām̄uoserema yirētomasibeami —yiajatud'i ñañujarā ĩna. ³² —“Rotim̄uor̄uḡor̄uc̄um̄i” yiḡu, Dios ĩ cōaḡu, Israel ñamasir'i jānerabatia mani ūj̄u ñaami. To bajiri yucútēroj̄ure rujicoadiato. To bajiro ĩ bajiro ĩacōari, “Ĩne ñaami”, yimasiruarāja —yiajatud'iyujarā. Juarā Jesúrāca yucútēroju jaju ecoriarā quēne, to bajirone Jesúre yitud'iyujarā ĩna.

Jesús ĩ us̄utadire queti

(Mt 27.45-56; Lc 23.44-49; Jn 19.28-30; He 9.1-28)

³³ Ëmurecaji ñarone, rētiacoasuju yuja. Idia hora rētiañañuju. ³⁴ To cōro ti rētiatusatone, jud'io masa ye rāca ado bajiro tutuaro avasãñuju Jesús:

—Eloi, Eloi, ¿lema sabactani? —yivasãñuju. (“Dios, yu jacu, ¿no yigu yure cāmotadiati ma?” yire ũni ñañuju ti.)

³⁵ Sīgũri toju ñarā, to bajiro ĩ yivasāsere ajicōari, ado bajiro yiyujarā ĩna:

—¿Ajiya mua! Diore gotirētobosarimasu El'ias ñamasir'ire jigũ yami —yiyujarā ĩna.

³⁶ To bajiro Jesús ĩ yivasārone, sīgũ, Jesús tu ũmaejacōari, uye oco jiarere ñiabiacoari, yucá gajaju siatucōari, Jesús rise tujare ñumotuyuju. To yigũne, ado bajiro ĩ rācanare yiyuju ĩ:

—Ñagōbesa mua maji. El'ias ñamasir'i ānire ĩ rujiosere ĩato mani —yiyuju ĩ.

³⁷ Tutuaro avasātusa, usatadicoasuju yuja. ³⁸ Tirĩmarone, Diore yirũcubũoriavi yotoria gasero vorujijedicoasuju ti. “ ‘Dios ĩ ñarisōa’ vāme cuti sōare sājamasibeamas masa” yirā, ĩna yotoria gasero ñañuju.

³⁹ Jesús ĩ usatadiro, ĩ rĩjorojua ĩarũgõñuju surara uju. To bajiri Jesús ĩ usatadisere ĩacōari, ado bajiro yiyuju ĩ:

—Socabesumi. Dios macũne ñaboayumi āni —yiyuju ĩ.

⁴⁰⁻⁴¹ Galilea sitaju Jesũre suyavadiararā rōmiri quẽne sōju ĩarũgõñujarā. ĩna ñañujarā ĩ ejarēmoriarā. ĩna rāca ñañuju Mar'ia Magdalena. Gajeo Mar'ia vāme cutigo quẽne ñañuju. Sone ñañuju Santiago Mojogũ ĩna yigu, to yicōari, José vāme cutigu jaco. Gajeo, Salomé vāme cutigo quẽne ñañuju. Gājerā jājarā ñañujarā Jesũre suyavadiararā rōmiri, Jerusalénju ĩ rijarere ĩariarā.

Jesũre ĩna yujere queti

(Mt 27.57-61; Lc 23.50-56; Jn 19.38-42)

⁴²⁻⁴³ Arimatea macagu, José vāme cutigu quẽne, ñañuju. Jud'io masa ujarā rācagu, masa ĩna ĩarũcubũogũ, “ ‘Rotimũorũgõrucumi’ yigu, Dios ĩ cōar'i ñaami”, Jesũre yituoĩagũ ñañuju. Tirũmũjuama jud'io masa ĩna ususājararũmu rĩjoroagarũmu rāiorotirũmu rĩjoroaca ñañuju. To bajiri José, Jesús ĩ rijatore ĩacōari, “Jesũre rũcubũogũ ñaja yũ” yituoĩatutuacōari, Pilatore sēnigũ vasuju, Jesús rujurire āmirũ.^m

⁴⁴ Pilatojua, José ĩ sēnisere ajicōari, “¿Socabeati? ¿Jere rijacoasujari ĩ?”, yituoĩañuju. To yigu ñari, surara ujare jiyuju. To bajiri ĩ ejarone,

—¿Rijamasucoati Jesús vāme cutigu? —ĩre sēniñañuju ĩ.

⁴⁵ To ĩ yisere ajicōari, —Jere rijacoami —ĩre yicũdiyuju ĩ, surara uju.

To ĩ yirone, José ĩ sēnirore bajirone ĩre cũdiyuju Pilato. ⁴⁶ To ĩ yir'i ñari, sudijāiri botiquēnarĩjāiri rāca Jesũre ĩ gũmarotĩjāirire vaju yicōari, ĩ rujurire rujiogu vasuju. ĩre rujiocōari, ĩre gũmañuju, tijāiri rāca. To yigajanocōari, masa yujerĩavi gũtavi mame ĩ quēnorotirĩavĩju ĩ rujurire cũñuju. To yicōari, ti vi sojere gũtane tũnuobibecũ vacoasuju ĩ. ⁴⁷ Mar'ia Magdalena, to yicōari gajeo Mar'ia, José vāme cutigu jaco quẽne, Jesús rujurire José ĩ cũro ĩañañujarā ĩna.

16

Jesũs ĩ tudicatire queti

(Mt 28.1-10; Lc 24.1-12; Jn 20.1-10)

¹ Ususājararũmu ti jediro, quẽna moasũoriarũmu jējuaca Mar'ia Magdalena, gajeo Mar'ia, Santiago jaco, to yicōari Salomé vāme cutigo quẽne, sutiquēnase vaju yiyujarā ĩna, “Jesũs rujure turāsa mani” yirā. ² To yicōari, muiju ĩ busumũjado, Jesús rujurire ĩna yujerĩavire ĩarā vasujarā ĩna. ³ Vanane,

—¿Ñimũ ñarojari, yujerĩavi gũta ĩna biberiare manire tũnuogobosarocũ? —gāmerā yiyujarā ĩna.

^m 15:42-43 “Ususājararũmure yirā, ĩna moatusariarũmu rāioato bero ñasũoaja”, yirũgũñujarā judío masa. To bajiri, quēnoveo jeocōarũgũñujarā ĩna ususājarotirũmu ejaroto rĩjoro, tirũmure “Moamenane ususājacōa ñarāsa” yirā ñari.

⁴ Ejacōari, ĩna ĩajama, gũta tũnuo bibeboariaro mañuju. ⁵ Jairicarō ñañuju. To bajiri ti vi sãjacōari, sīgũ ángel ĩ rujisere ĩañujarã ĩna. Sudiro botiriase yoariase sãñacōari rujiyuju riojojacatuajũare. Bũto gũiyujarã ĩna. ⁶ To ĩna bajirone, ado bajiro ĩnare yiyuju ĩ:

—Gũibesã mũa. Jesũs Nazaret macagũre, yucãtẽroju ĩna jajusĩamasigũre mũa macasere masiãja yũ. Maami adojũre. Tudicaticoami. ĩre ĩna cũmasirijũre ĩaña mũa. ⁷ Vasa mũa. ĩ buerimasare ado bajiro ĩnare gotiãya: “Mani rĩjoro Galilea sitãju varocũ ñañuju. Toju ĩre tudĩarũarãja mani, ĩ goticatore bajirone”, ĩnare yigotiãya mũa —ĩnare yigotiyuju ángel.

⁸ To ĩ yisere ajicōari, Jesũre ĩna yujeboariãviju budicōari, gũirã ñari bũto nanañujarã. To bajicōari, gãjerãre gotimenane ũmacoãsjarã ĩna.

Mar'ia Magdalenare Jesũs ĩ ruyuaĩore queti
(Jn 20.11-18)

⁹ Tirũmũ, Jesũs ĩ tudicatiriarũmũ, ti semana ñasũorirũmũ ñañuju ti. Busuriju jẽju quẽna tudicaticōari, Mar'ia Magdalenare rĩjoro ruyuaĩoñuju ĩ. Cojomo cõro gãje ãmo juã jẽnituarirãcũ so usũju sãñariãre vãtiãre ĩ bureario ñañuju so. ¹⁰ Jesũs ĩ tudicatisere ĩacōari, ĩ buerimasare ĩre tũoĩasũtiriti otirãre gotigo vasuju so. ¹¹ ĩna tũ ejacōari ado bajiro yiyuju so:

—Quẽna catiami Jesũs. ĩre ĩamũ yũ —ĩnare yiboayuju so.

So gotisere ajiboarine, “Riojo gotiamo”, yibesujarã ĩna.

¹² Bero, ĩ buerimasa juãrã Jerusalénju budicōari ĩna vacudirone, ĩnare ruyuaĩoñuju Jesũs quẽna. Gãjire bajigu ñacōari, ĩnare ruyuaĩoñuju. To bajiri, ĩre ĩamasibesujarã ĩna maji. ¹³ “Jesũs ñaami” yĩãmasicōari, tudiasujarã ĩna, gãjerã ĩ buerimasare gotirã vana. ĩna gotiboajaquẽne, “Riojo gotiãma”, yibesujarã ĩna quẽne.

“Ado bajiro yũ oca masare gotimasiorũarãja mũa”, Jesũs ĩ yire queti
(Mt 28.16-20; Lc 24.36-49; Jn 20.19-23)

¹⁴ To yiro bero, cojorũmũ ĩ buerimasa juããmo cõro, gũbo coja jẽnituarirãcũ ñarã ĩna barujirone, ĩnare ruyuaĩoñuju Jesũs quẽna. ĩnare ruyuaĩocōari, ado bajiro ĩnare gotiyuju Jesũs:

—Yũ tudicatiro bero, gãjerãre yũ ruyuaĩosere ĩacōari, mũare ĩna gotiboasere, “Riojo gotiãma”, yitũoĩabeju mũa. “Jẽre masiãja” yirãre bajiro tũoĩaboabũ mũa. Tũoĩava-soarũabeju mũa —ĩnare yigotiyuju Jesũs. ¹⁵ To bajiro yicōari, quẽna ado bajiro ĩnare rotiyuju Jesũs:

—Masa jedĩrore yũ ocãre ĩnare goticudirũarãja mũa, “Ajitirũnũato” yirã. ¹⁶ No bojagũre, yũ ocãre ajitirũnũcōari, oco rãca bautizarotigũre, “Rojose maja” ĩre yĩãcōari, rojose tãmũotũjabetiriaroju ĩ vaborotire ĩre yirẽtobosarũcũja yũ. To bajiboarine, no bojagu yũ ocãre ajitirũnũbecũrema, rojose ñacõarũaroja ĩre. To bajiri rojose tãmũotũjabetiriaroju varũcumĩ ĩ ũgũma —ĩnare yigotiyuju Jesũs. ¹⁷ —Yũre ajitirũnũrã, ado bajiro yirũarãma ĩna: Yũre ajitirũnũrã ñari, yũ masise sũorine masa usũriju sãñarãre vãtiãre burearũarãma. To yicōari, ĩna masibeti oca ñaboaserene ñagõrũarãma. ¹⁸ ãñare ĩna ñiaboajaquẽne, to yicōari, oco jũnise vũore ĩna idiboajaquẽne, no bajibetoja ĩnare. Diore sãnĩcōari, rijarãre ãmo ñujeorũarãma. To ĩna yirone, caticoarũarãma —ĩnare yiyuju Jesũs.

Dios ĩ ñaroju Jesũs ĩ mũjare queti
(Lc 24.50-53)

¹⁹ To ĩ gotiro bero, Dios ĩ ñaroju mani çju Jesũre ãmimũja vasuju Dios. ĩre ãmimũja ejacōari, riojojacatuajũare ĩre rojoyuju Dios. ²⁰ To ĩ mũjaro bero, masa ñajedĩrore Dios oca goticudirã vasujarã ĩna Jesũs ĩ buerimasa yuja. To bajiro ĩna goticudisere ĩacōari, mani çju Jesũs ĩnare ejarẽmoñuju, “ĩnare quẽnaro ajitirũnũato” yigũ. To bajiri ĩ ejarẽmose rãca ĩãĩãnamani masare yĩoñujarã ĩna quẽne.

To cõrone ñaja.

Evangelio según SAN LUCAS

¹ Teófilo, ¿ñaboati m̄? Jesús ĩ bajire queti m̄re ucabosaḡm̄ yaja ȳm̄. Jājarā masa Jesús ĩ bajire quetire ucayuma ĩna. ² Jesús buerā, ȳm̄are ĩna goticatore bajirone ucayuma. ³ To bajiri, ȳm̄ quēne, ti queti jedirore quēnaro buecōari, tire m̄re ucabosaḡm̄ yaja ȳm̄. ⁴ “Ti quetire quēnaro masijeocōato” yiḡm̄, m̄re ucabosaja.

Oco rāca masare bautizarimas̄ Juan vāme c̄tiḡm̄, ĩ ruyuare

⁵ Judea sitana m̄j̄m̄, Herodes vāme c̄tiḡm̄ ĩ ñarirodo ñañujarā Zacar'ias, ĩ manajo Isabel vāme c̄tigo rāca. Zacar'ias, Ab'ias ñamasir'i jānami ñari, pai ñañuju ĩ. ĩ manajo quēne pai, Aarón ñamasir'i jāneño ñañuju so. ⁶ Dios ĩ ĩajama, quēnarā ñañañujarā ĩna j̄marāj̄une. ĩ rotirore bajirone yiyujarā ĩna. Masa quēne, “Rojose yirā ñaama ĩna”, ĩnare yimasibesujarā. ⁷ Rīa mana rīne b̄c̄m̄rā ñacoasujarā ĩna. B̄to rīa c̄tir̄m̄ar̄ūḡboayujarā, bajirāj̄uma.

⁸⁻⁹ Cojor̄m̄ Diore yir̄c̄m̄b̄oriavij̄m̄ moañañuju Zacar'ias, ĩ yarā rāca. ĩna yir̄ḡuri-
arore bajiro yiyujarā: “Ñim̄j̄ma ‘Dios ĩ ñarisōa’ vāme c̄ti s̄oj̄m̄ ĩ s̄ajaro ĩañarāsa mani”
yirā, reac̄ñañujarā, ḡtarine. To yiḡajanocōari, “Zacar'ias ñaami, tisōaj̄m̄ s̄ajaroc̄m̄”
yimasicōari, ĩre s̄ajarotiyujarā ĩna.

—Quēnase s̄tisere bueaya m̄ —ĩre yiyujarā ĩna.

To bajiri, tisōaj̄m̄ s̄ajaejacōari, bueyuju ĩ, Zacar'ias. ¹⁰ Tire ĩ buetoyene, macaj̄j̄m̄ ñacōari, jājarā masa Diore s̄eniñañujarā ĩna. ¹¹ To bajiri quēnase s̄tisere ĩ bueñarone, ĩ bueñaricasabo riojojacat̄m̄j̄m̄are ruyuar̄ūḡñuju ángel. ¹² To ĩ bajirone ĩre ĩm̄c̄acoasuju Zacar'ias. To bajicōari, b̄to ĩre ḡiyyuju. ¹³ To ĩ bajirone, ado bajiro ĩre gotiyuju ángel:

—Ȳm̄re ḡuibesa m̄. Dios ĩre m̄ s̄enir̄ḡsere m̄re ajiami. To bajiri, ado bajiro m̄re yicōami: “Mac̄ c̄tir̄m̄oc̄o so, ĩ manajo. Juan ĩre vāme yato”, m̄re yimi Dios —ĩre yigotiyuju ángel.

¹⁴⁻¹⁷ To yigajano, ado bajiro ĩre gotir̄tuasuju, Zacar'iare, ĩ mac̄m̄ ñaroc̄m̄ ĩ bajirore gotiḡm̄:

—M̄m̄ mac̄m̄ ñaroc̄m̄re Juanre ĩre ĩacōari, “Ȳm̄re quēnaro r̄c̄m̄b̄oami”, yir̄c̄m̄mi Dios. Ado bajiro bajir̄c̄m̄mi m̄m̄ mac̄m̄: ĩ jacore s̄añaḡj̄m̄re, Esp'iritu Santore cōar̄c̄m̄mi Dios, Esp'iritu Santo ĩ ejar̄m̄ose rāca t̄oĩacōari, Dios ĩ bojarore bajiro Juan ĩ yir̄ḡūrotire yiḡm̄. Masa rojose ĩna t̄m̄oborotire ĩnare yir̄tobosacōari, “Rotim̄or̄ūḡōr̄c̄m̄mi” yiḡm̄, Dios ĩ cōaroc̄m̄, Cristo ĩ ruyaroto r̄j̄oro ruyar̄c̄m̄mi m̄m̄ mac̄m̄. Idire mec̄osere, to yicōari, v̄nore quēne idibetir̄c̄m̄mi. ĩ s̄orine jājarā Dios ĩ bojarore bajiro tudit̄oĩar̄m̄ama Israel ñamasir'i jānerabatia. Diore gotir̄tobosamasir'i El'ias vāme c̄timasir'ire bajiro masare ḡiit̄oĩabec̄ne gotimasior̄c̄m̄mi. Jacua ĩna r̄fare “Tudimaiato ĩna” yiḡm̄, gotir̄c̄m̄mi. Diore ajimena, “T̄oĩavasoato ĩna” yiḡm̄, to yicōari, “Rotim̄or̄ūḡōr̄c̄m̄mi” yiḡm̄, Dios ĩ cōaroc̄m̄re Cristore yurā, quēnase ĩna t̄oĩavasoarotire yiḡm̄, to bajiro yir̄c̄m̄mi. To bajiro yiroc̄m̄ ĩ ñajare, ĩ ruyaro b̄to variquēnar̄c̄m̄ja m̄. Jājarā masa b̄to variquēnar̄m̄ama, b̄c̄m̄ac̄m̄ to bajiro ĩ gotisere ajicōari —Zacar'iare ĩre yigotiyuju ángel.

¹⁸ To ĩ yirone, ado bajiro ĩre yic̄diyuju Zacar'ias:

—¿No bajiro m̄m̄ yisere ĩacōari, “Riojo yami”, m̄re yimasir̄c̄m̄ada ȳm̄? Rīa mana bajiaja ȳm̄. J̄re b̄c̄o ñaamo ȳm̄ manajo. Ȳm̄ quēne b̄c̄m̄ ñaja ȳm̄ —ĩre yiyuju, ángelj̄m̄are.

¹⁹ To bajiro ĩ yijare, ado bajiro ĩre gotiyuju ángel:

—Dior̄ac̄aḡm̄ ñaja ȳm̄, Gabriel vāme c̄tiḡm̄. “Quēnase queti gotiaya” yiḡm̄, ȳm̄re cōami. ²⁰ To bajiri m̄re ȳm̄ gotirore bajiro bajir̄aroja. Adire ȳm̄ gotisere quēnaro ajiya m̄: Ȳm̄ gotisere “Bajibetoja” m̄ yit̄oĩajama, ñagōbec̄m̄ ñacoar̄c̄m̄ja m̄. M̄m̄ mac̄m̄ ĩ ruyaro bero tudin̄aḡoar̄c̄m̄ja m̄, bajiḡj̄m̄ —Zacar'iare ĩre yigotiyuju, ángel.

²¹ To ĩna ḡamerā ȳñaro ũnone, macaj̄j̄m̄ Zacar'iare yucōa ñañujarā ĩna. Yub̄saboana, “¿No yiḡm̄ to cōro yoaro bajiatí?”, yit̄oĩañujarā ĩna. ²² To ĩna ȳñarone, budicoayuju

ī yuja. Īna tujare budiejacōari ĩnare gotimasibesuju, ñagōmasibecu ñari. To ī bajisere ĩacōari, “Diore yirūcubūoriavijū Dios ĩ ruyuaĩosere ĩar'i ñari, bajiami”, yimasicōañujarā ĩna. ĩnare gotimasibeticōa tujasuju ĩ. To bajiro bajigū ñari, ĩ āmorine ĩ bajirere ĩnare gotiyuju.

²³ Diore yirūcubūoriavijū ĩ moarūgūrere moagajanocōari, ĩ ya vijū tudicoasuju ĩ yuja.

²⁴ To ĩ baji tudiejato bero, gūda ñacoasuju so, ĩ manajo, Isabel vāme cūtigo. To bajiri cojomocārācū muijua cōro vi budibeco bajiñañuju so. ²⁵ To bajiñagōne, ado bajiro yitūoĩañuju so: “Rīa manicoadicajū yū. To bajiri buto bojonerūgūcajū yū. Yucūrema Dios yūre ĩamaicōari, quēnaro ĩ yijare, gūda ñaja yū yuja”, yitūoĩa variquēnarūgūñuju so.

Jesús ĩ ruyuarotire ángel ĩ gotigū ejare queti

²⁶ Isabel vāme cūtigo cojomo cōro, coja jēnitarirācū muijua, gūda so ñatusato, quēna gaje queti ĩre gotirotiyuju Dios, ángel Gabriel vāme cūtigūre. Galilea sita, Nazaret vāme cūti macajū ĩre cōañuju Dios. ²⁷ Tojū ñañuju so, Jesús jaco ñaroco, Mar'ia vāme cūtigo. Mamō, ĩmūa rāca ñabeco ñañuju so. Ujū David ñamasir'i jānami, José vāme cūtigū manajoroco ñañuju so. ²⁸ To bajiri Gabriel, so tū ejacōari, ado bajiro sore yiyuju:

—¿Ñaboati mū? Gājerā rōmia rētoro quēnaro mūre yigū ñari, quēnaro mūre codeami Dios —Mar'iare yigotiyuju ĩ.

²⁹ To ĩ yirone, tire ajicōari, buto tūoĩarejaiyuju so: “¿No yigū to bajise yūre yati ĩ?”, yitūoĩarejaiyuju so. ³⁰ To bajise so yitūoĩarone ado bajise sore gotiyuju ĩ, Gabriel:

—Yū gotisere tūoĩarejaibesa mū. Buto mūre maiami Dios. ³¹ Yū gotisere quēnaro ajiya. Gūda ñarūcoja mū. To bajicōari, macū cūtirūcoja mū. Macū cūticōari, Jesús ĩre vāme yirūcoja mū. ³² Masigū ñarūcūmi mū macū. Mū macūre, “Yū macū ñaami”, ĩre yirūcūmi Dios. ĩ ñicū, David vāme cūticacū, “Israel ñacacū jānerabatia uju ñañā mū” yigū, uju ĩre cūcami Dios. ĩre ĩ cūcatore bajirone mū macūre quēne uju ĩre cūrūcūmi ĩ. ³³ To bajiri Israel vāme cūticacū jānerabatiare rotimūorūgōrūcūmi mū macū. ĩ rotise jedibetirūaroja ti —Mar'iare sore yigotiyuju ĩ ángel.

³⁴ To ĩ yisere ajicōari, ado bajiro ĩre sēniñañuju so:

—Īmūa rāca yū ñabetiboajaquēne, ¿no bajiro yūre bajiroti ti? —ĩre yisēniñañuju so.

³⁵ To so yisēniñarone, ado bajise sore yigotiyuju ĩ:

—Dios ĩ rotise rāca gūda ñarūcoja mū. Esp'iritu Santore mū tujū ĩre cōarūcūmi. To bajiri mūre ejacōari, mūre macū yirūcūmi ĩ. To bajiro mūre ĩ yijare, mū macū ñarocūre, “Quēnagū, quēnaro yigū, Dios macū ñaami”, ĩre yimasirūarāma masa. ³⁶ Mū yo Isabel vāme cūtigo quēne būcūo ñaboarine, macū sāñagō ñaamo so. Cojomo cōro coja jēnitarirācū muijua jēre gūda ñatusajamo so, rīa magō ĩna yiboacacone. ³⁷ Dios quēnaro sore ĩ yijare, bajiamo so. Disejuane Diorema josase maja. ĩ yimasise rīne ñacōaja. To bajiri bajiamo. Mū quēne, to bajirone bajirūcoja mū —Mar'iare yigotiyuju ĩ.

³⁸ To ĩ yisere ajicōari, ado bajiro yiyuju so:

—Dios ĩ rotirore bajirone yirūcoja yū. To mū yirore bajirone yūre yato Dios —yiyuju so, Mar'ia, ángeljūare.

To so yiro bero, vacoasuju ĩ, ángel Gabriel vāme cūtigū.

Isabel tujū Mar'ia so ĩagō vare queti

³⁹ Tijū bero, gajeyēni quēnosājeo, guaro vacoasuju so, Judea sita buto buri jairojū, Isabelre ĩagoaco. ⁴⁰ Tojū ejacōari, Zacar'ias ya vijū sājaejacōari, ĩ manajore sēniñañuju so. ⁴¹ To so yiro ajicōari, so gūdajoa sāñagū sūca yuguuiyuju ĩ. ⁴²⁻⁴³ To ĩ yirone, Esp'iritu Santo ĩ ejarēmose rāca tūoĩacōari, ado bajiro Mar'iare gotiyuju Isabel:

—Yū uju jaco ñaroco ejaja mū. Buto quēnaro mūre yiyumi Dios. Mū macū ñarocūre quēne, buto quēnaro ĩre yirūcūmi. Ñamasugō me yū ñaboajaquēne, yūre ĩagō ejaja mū. ⁴⁴ Yūre mū sēniñarone, yū gūdajoa sāñagū sūca variquēnagū, yuguiami. ⁴⁵ “Dios ĩ goticōariare bajiro bajirūcoja yū” yitūoĩagō ñari, variquēnaja mū quēne —Mar'iare yiyuju Isabel.

- ⁴⁶⁻⁴⁹ To bajiro so yirone, variquēnagō ñari ado bajiro yiyuju Mar'ia:
 —Ī bojarore bajiro yirua t̄uoĩagō ñaboarine, ñamasugō me yu ñaboajaquēne, yure ĩamaicōari quēnaro yami Dios. To bajiro yure ĩ yise ñajare, “Ñie rojose mano yure yirētosarūgūgūmi”, Diore ĩre yivariquēnaja yu. Buto quēnaro yami Dios, ĩ bojarore bajiro quēnaro yu yivotire yigu. ĩ ñagūmi masijeogu. Quēnaro yigu ñagūmi. To bajiro quēnaro yure ĩ yise ñajare, “Quēnaro sore yiyumi Dios”, yure yirūgūruarāma masa ñajediro.
- ⁵⁰ ĩre r̄uc̄ub̄or̄are ĩamaicōari, quēnaro yirūgūgūmi Dios. To bajirone yicōa m̄uor̄ūḡor̄uc̄umi.
- ⁵¹ “Gājerā rētoro masirā ñaja yua” yit̄uoĩarā, no bojase ĩna yir̄uaboasere ĩnare yivotibesumi Dios.
- ⁵² Ujarāre ñamasurā ĩna ñaruaboasere ĩnare ñarotibeticōari, ñamasumenajure, “Ñamasurā ñato”, yiyumi.
- ⁵³ Ñie manare quēnasere ĩnare cōaboarine, gajeyeūni jairārema ĩnare cōabesumi.
- ⁵⁴⁻⁵⁵ Adire masiritibecu ñari, to bajiro yiyumi: Mani ñicu, Abrahamre, ĩ beroanare quēne, “Mua masare, mua jānerabatiare quēnaro yicōa ñaruc̄uja yu”, ĩnare yigotimasiñuju Dios. Tire masiritibecu ñari, to bajiro yiyumi —Isabelre yigotiyuju Mar'ia.
- ⁵⁶ Idiarā muijua sore baba c̄utiñaboa, so ya vij̄u tudicoasuju Mar'ia.

Juan vāme c̄utiḡu, masare oco rāca bautizarimasu, ĩ ruyuaru

⁵⁷ Mar'ia so tudiatto bero, mac̄u c̄utiyuju so, Isabel. ⁵⁸ So mac̄u c̄utisere ajicōari, “Quēnaro sore ejarēmogū yiyumi Dios”, yit̄uoĩañujarā ĩna, so yarā, so tuana quēne. To bajiro yit̄uoĩarā ñari, sore variquēna ejayujarā ĩna.

⁵⁹ ĩ ruyuariaro bero, cojomo cōro, idia jēnituarir̄um̄uri ĩ c̄uot̄usato, ĩ t̄uj̄ure ejayujarā masa, ĩna yirūgūriarore bajiro sūcare circuncisión yirā ejarā. To yicōari,

—Ī jac̄u vāmene ĩre vāme yito mani —yiboayujarā ĩna.

⁶⁰ To ĩna yiboajaquēne, jacojuama,

—Bajibeaja. Juan vāme c̄utiami —ĩnare yicōañuju so.

⁶¹ To so yiro ajicōari,

—Mu ya jūnana ti vāmere vāme c̄utibeticoayuma —sore yiyujarā ĩnajuama.

⁶² To yicōari, Zacar'iare, ĩna āmorine ado bajise ĩre sēniñañujarā:

—Mu mac̄ure, ¿No bajise ĩre vāme yir̄uati m̄u? —ĩre yisēniñañujarā ĩna.

⁶³ To ĩna yijare, ñagōbec̄u ñari, ucarijāi sēniñuju Zacar'ias. Tijāire āmicōari, “Juan vāme c̄utiami, yu mac̄u”, ĩnare yiuca ĩoñuju ĩ. Ti ũnire ĩabetirūgūriarā ñari, no yimasibesujarā ĩna yuja. ⁶⁴ Tirīmarone, tudīñagōcoasuju Zacar'ias quēna. To bajicōari, “Quēnamasucōaja”, Diore yivariquēnañuju. ⁶⁵ Ti quetire ajicōari, buto gūiyujarā ĩna tuana ñajediro, ti ũnire ajibetirūgūriarā ñari. Judea sitana burori c̄utoana jediro ti quetire gāmerā gotibatoyujarā ĩna. ⁶⁶ ĩna gotibatosere ajicōari, Zacar'ias mac̄ure Dios ĩ ejarēmose ñajare, “¿B̄uc̄uc̄u, no bajiro yigu ñariquīda?”, yit̄uoĩañujarā.

Zacar'ias ĩ basare queti

⁶⁷ Cojor̄um̄ Esp'iritu Santo ĩ ejarēmose rāca Diore gotirētosaḡu, ado bajiro basayuju Zacar'ias:

⁶⁸⁻⁷⁵ —Tir̄um̄ju ado bajiro Diore gotibosamasiñujarā ĩre gotirētosamasiriarā: “Sīgū, Uju David ñamasir'i jānami, mua jānerabatiare ejarēmogū ruyuaruc̄umi. Ruyuaruc̄ari, mua jānerabatiare ĩaterimasa s̄uorine rojose ĩna t̄am̄oborotire ĩnare yirētosaruc̄umi”, Diore yigotirētosamasiñujarā ĩna. Ado bajiro mani ñic̄ure gotimasiñuju Dios: “Yu goticatore bajiro m̄ure, mua jānerabatiare quēne ĩamaicōari, quēnaro ĩnare yicōa ñaruc̄uja”, manire yigotimasiñuju Dios. Mani ñic̄ure, Abraham vāme c̄utimasir'ire quēne ado bajiro gotimasiñuju Dios: “Yu ñaja Dios. Riojo m̄ure gotiaja yu. Mu jānerabatiare gājerā ĩna ĩatese s̄uorine rojose ĩna t̄am̄oborotire ĩnare yirētosaruc̄uja yu. ĩnare gūimenane,

yә bojarore bajiro ‘Yimasiato İna’ yigü, to bajiro yirucüja yә. Adire masiritibe-tirucüja yә. To bajiri, İna catiñaro cõro ‘Yüare İagümi Dios’ yimasiritimenane, yә bojarore bajiro quënarо yirügüraräma”, yigotimasiñuju Dios. To bajiri, İre gotirëtosarimasa, İna gotimasiriarore bajiro, to yicõari İ masune İ gotimasiriarore bajirone yigüagü yigümi Dios yuja. Yoaro mene adi macarucurojә vadicõari, İre ajitirünaräre rojose mani tãmüborotire yirëtosagüagü yigümi. To bajiro yirocü İ ñajare, “Quënarо yaja mü”, Diore İre yivariquënarо mani — yibasavariquënarоju Zacar'ias.

⁷⁶⁻⁷⁹ To yigajanocõari, “Ado bajiro yirocü ñaja mü”, İ macüre yibasavariquënarоju Zacar'ias:

—Yoaro mene ejarucümi mani çjә, “Rotimüorügörucümi” yigü, Dios İ cõarocü. To bajiro İ bajiroti rjoro ñajare, “Rojose müa yirügüsere yitüjacõari, quënasejüare tõiava-soaya müa, İre yurä”, yigotimasiorocü ñaja mü. To bajiro mü yisere ajicõari, tõiava-soa yuñaräre İamaicõari, quënarо yigü ñari, İ räca quënarо ñacõari, “İ bojarore bajiro quënarо yirä ñato” yigü, İ yere masimenare İnare gotimasiocõari, rojose İna tãmüborotire İnare yirëtosarocüre cõarucümi Dios. To bajiro yigoti rjoro cütirocü mü ñajare, “Masirëtogüre Diore gotirëtosarimasü ñaami”, müre yïararäma masa, —İ macüre Juanre yibasavariquënarоju Zacar'ias.

⁸⁰ Yucü manojә bücayuju Juan väme cütigü. Bücäarütuacüne, Dios İ bojarore bajiro quënarо yigü ñarütuasuju İ. Masare İ gotimasiorotirümü ti ejaroto rjoro, yucü manojәre ñarügüñuju.

2

Jesús İ ruyuare queti

(Mt 1.18-25)

¹ To bajiro bajiñarirodojәre masa ñajediro çjә, César Augusto väme cütigü, İ rotir-imacaire ñaräre, “Ado cõro ñaama” yimasirü, İna vämere ucaturotisüoyuju İ. ² İre rotibosarimasü, Cirenio väme cütigü Siria sitana çjә İ ñarirodore masa vämere ucaturotisüoyuju César. ³ To bajiri, masa ñajediro, İna ñicüa İna ñamasiriarojә väme ucaturotirä varoti ñañuju.

⁴ To bajiri, José quëne, Galilea sitajәre ñarimaca Nazaret väme cütü maca ñar'i, Judea sita Belén väme cütü macajәre vasuju. Ti macajә ruyuamasiñuju İ ñicü ñamasir'i, Çjә David. To İ bajimasire ñajare, tojә vasuju, José, Mar'ia räca İna vämere ucarotigüacü.

⁵ Jëre so jacüre sënicõañuju İ. To bajiro yir'i ñari, so räca vasuju José. “Macü cütirüocomo” Dios İ yirio ñari, güda ñañuju so. ⁶ To bajiri Belén väme cütü macajә İna ejaro, so macü cütürotirümü ejayuju ti. ⁷ To bajiro sore ti bajijare, vacudirä İna cänirivi İna ñarotijәre sëniboayujarä İna. Masa jümücõañujarä, ti vire. To bajiri, vaibücüräre bare ecariavijә ejayujarä İna yuja. Tojә Dios macüre macü cütüyuju Mar'ia. To yicõari, sücare sudigaserorine İre gümañuju so, jud'io masa İna yirügüriarore bajiro yigo. To yicõari, cänijesariaro ti manijare, vaibücüräre bare ecariacorojә so macüre säñuju so.

Oveja coderimasare Jesús İ ruyuasere ängel İ gotire queti

⁸ Belén maca tә ñañujarä İna, oveja coderimasa. Ñamire İnare İatirünñañujarä İna. ⁹ To İna bajirone, İna tujәre ruyuarügüñuju sigü ängel, Diore moabosagü. To İ bajirone, İna tujә buto busubatooyuju, “‘Dios macü ruyuagümi’ yïamasiato İna” yigü. To bajiro ti bajijare, oveja coderimasa buto güiyujarä İna. ¹⁰ To İna bajirone, ado bajiro yiyuju ängel:

—Güibesa müa. Masa İna İavariquënarotire yigü, quënase queti müare gotigü bajijaja yә. ¹¹ Çjә David İ ruyuamasicati macajәre, masa rojose İna yise vaja İnare vaja yibosarocü, yucüne ruyuami. İ ñaami mani çjә, “Rotimüorügörucümi” yigü, Dios İ cõagü. ¹² Ado bajiro bajiñagüre İre bjamasiñaräja müa: Vaibücüräre bare ecariavijә ñagümi. Tojә sudigaserine gümacoar'i, vaibücüräre bare ecariacorojә säñagümi İ. Tojә ñagüre İre İabüjacõari, “İne ñaami”, yimasirüaräja müa —İnare yigotiyuju ängel.

¹³ To ĩ yiñarirĩmarone, gājerā ángel mesa jājarā ruyuyujarā ĩna. Ruyuacōari, ado bajise Diore ĩre basavariquēnañujarā ĩna:

¹⁴ —Dios ō vecagũ quēnarētogũ, to yicōari, masirētogũ ĩ ñajare, quēnaro ĩre yito mani. Dios ĩ ĩavariquēnarā ĩ rāca quēnaro ñato ĩna —yiyujarā ĩna ángel mesa.

¹⁵ To yigajano, tudicoasujarā ĩna, ō vecajũ, Dios ĩ ñarojũ. ĩna tudiato bero, —Dios manire ĩ queti cōarere ajiaja mani. To bajiri, Belénjũ vaĩato mani —gāmerā yiyujarā ĩna oveja coderimasa.

Oveja coderimasa Jesúre ĩna ĩarā vare queti

¹⁶ To bajiro gāmerā yigajano, guaro vacoasujarā ĩna yuja. Tojũ ejacōari, Josére, Mar'iare ĩnare ĩabujayujarā ĩna. Sūcare quēne vaibucurāre bare ecariacorojũ sãñagũre ĩre ĩabujayujarā. ¹⁷ ĩre ĩabujacōari, ángel ĩnare ĩ gotirere to ñarāre ĩnare gotiyujarā. ¹⁸ To ñariarā jediro, ĩna gotisere ajicōari, no yimasibesujarā, ti ũnire ajibetirũgũriarā ñari. ¹⁹ Mar'iajũama ñagōbesuju so, oveja coderimasa ĩna gotisere ajicōari. To bajiboarine, sũca ĩ bajisere bũto tũoĩañuju so masuriojũma. ²⁰ To bajiri oveja coderimasa ti quetire gotigajano, tudicoasujarā ĩna. Tudianane, ado bajise Diore ĩre yivariquēna tudiasujarā ĩna:

—Dios manire ĩ queti cōare, riojo ñañuja ti. Masirētogũ, to yicōari, quēnarētogũ ñagũmi Dios —ĩre yivariquēna vasujarā ĩna.

Diore yirũcũbũoriavijũ, Jesúre ĩna āmiatone, Simeón vāme cũtigũ Jesúre ĩ ĩare queti

²¹ Sũca cojomo cōro idia jēnituarirũmũri ĩ ruyuariaro bero ti tũsato, circuncisiŃn ĩre yiyujarā. To yicōari, Jesús ĩre vāme yiyujarā ĩna, sūcare. Mar'ia gũda so ñaroto rĩjorojũne ángel sore ĩ vāme yirotiriarore bajirone ĩre vāme yirā yiyujarā ĩna.

²²⁻²⁴ To ĩna yiriaro bero, Jerusalénjũ vasujarā ĩna. Moisés ñamasir'ire Dios ĩ roticũmasirere cũdirā bajiyujarā ĩna. Ado bajise roticũmasiñuju ĩ: “Sũca ĩ ruyuaro bero, jũarā masa cōro ñarirũmũri bero, buja mũa ecariarāre ĩsima, paiare. Mũa cũobetijama, vaja yicōari, ĩsima, ‘ĩnare soemũoato’ yirā. To bajiro yiba, yũre rũcũbũorā. To bajiro mũa yijama, sũca ĩ ruyuaroto rĩjoro yũre yirũcũbũoriavi mũa sãjarũgũriarore bajirone sãjamasirũarāja mũa quēna. Mũa ĩsijama, buja mame bũcũarāre ĩsirũarāja mũa. Ũmũ, rŃmio, to cōrone ĩsirũarāja mũa. Buja mame bũcũarā ĩna manijama, jũarā bujare bajirā ñarācare ĩsirũarāja mũa”, yirotimasiñuju Dios. Gajeye ado bajiro yirotimasiñuju Dios: “Mũa macũ ruyuasũogũre, paiare ĩorā, ĩre āmivarũarāja mũa, ‘Dios yũ ñaami’ yĩorā”, yirotimasiñuju Dios. To bajise Dios ĩ yirotimasire ñajare, Jesúre āmivasujarā, paiare ĩoroana.

²⁵⁻²⁶ To bajiri Jerusalénjũ ejacōari, Diore yirũcũbũoriavijũre vasujarā ĩna. Tojũre ñañuju Simeón. Diore quēnaro ajirũcũbũogũ, ĩ rotimasirere quēnaro cũdigũ ñañuju ĩ. “ ‘RotimũorũgŃrũcũmi’ yigũ, Dios ĩ cōarocũ, Cristo, Israel jānerabatiare, yũ yarāre ejarēmorũgũrũcũmi ĩ, ‘Quēnaro ñato’ yigũ” yitũoĩagũ ñari, ĩ ejarotire yugũ bajicŃa ñañuju ĩ. Dios ĩ cŃagũ Esp'iritu Santo ĩ ejarēmose rāca tũoĩagũ ñañuju ĩ. To bajiro bajigũ ñari, cojorũmũ ado bajise tũoĩañuju: “Yũ bajirocaroto rĩjoro, ‘RotimũorũgŃrũcũmi’ yigũ, Dios ĩ cōarocũre Cristore ĩarũcũja yũ”, yitũoĩañuju Simeón. ²⁷⁻²⁹ Cojorũmũ Esp'iritu Santo Dios ĩ cŃagũ ĩre ĩ ejarēmose rāca tũoĩamasicōari, Diore yirũcũbũoriavijũ sãjaejacoasuju ĩ. Tirũmũne Jesúre āmiejayujarā José, ĩ manajo rāca. To ĩna sãjaejarone, ĩna macũre bocaāmicōari, ado bajise Diore yigotiyuju ĩ, Diore variquēnagũ:

—Yũ cũjũ, jere yũ ĩarũarũgũcũcũre yũre mũ goticatore bajirone ĩre ĩacŃaja yuja. To bajiri, variquēnaja yũ. Yũ bajirocacoajama, quēnacŃaroja yuja.

³⁰⁻³¹ ĩre ajitirũnrā rojose yũa tãmũoborotire yũare yirētobosarocũre mũ cŃar'ire ĩre ĩacŃaja jere.

³² ĩ sũorine “Israel jānerabatiare quēnaro yiyumi Dios” yimasicōari, Diore masirũarāma Israel jānerabatia me ñarā quēne —yiyuju Simeón.

³³ José, to yicōari, Mar'ia quēne, Jesús ĩ bajirotire Simeón ĩ gotisere ajicōari, no yimasibesujarā ĩna, “Mani macũ ĩ bajirotire quēnaro goti rĩjoro cũtimasiami” yirā.

³⁴⁻³⁵ To yicōari, quēnaro Dios ĩnare ĩ yiro tire ĩnare ĩnubuejeoyuju Simeón. To yigajano, Jesús ĩ bajiro tire ado bajiro sore gotiyuju quēna, Mar'iare:

—Quēnaro ajiya m̄. “Israel ĩnmasir'i jānerabatia, Dios ĩ bojasere quēnaro masiato” yiḡ, āni sūcare cōañumi Dios. To bajiri ĩ gotimasiosere ajicōari, ĩre tud'iruarāma jājarā masa. To bajiro ĩna yijare, ĩnare ĩacōari, “Diore rūcub̄orā ĩnaja ȳa' yigotiboarine, ĩre terā ĩnaama”, yimasiruarāma gājerāj̄ma. ĩre tud'irāma, ĩna rijato beroj̄ rojose t̄m̄ot̄jabetiriaroj̄ vajedicoaruarāma ĩna. To bajiboarine gājerāj̄ama, jājarā, ānire ajitir̄n̄cōari, Dios yarā ĩacoaruarāma ĩna, rojose t̄m̄ot̄jabetiriaroj̄ vaborona. M̄j̄ama, āni m̄ mac̄ ĩ bajiro tire b̄to s̄tiritir̄ocoja m̄ —Jesús jacore yiyuju Simeón.

³⁶⁻³⁷ To ĩ yiro bero, Diore yir̄cub̄oriavij̄re ĩnañuju Ana vāme c̄tigo. Aser ĩnmasir'i jāneño ĩnañuju so, Fanuel maco. Diore gotir̄etobosarimaso ĩnañuju so quēne. So manaj̄ c̄tiboa'r'i, cojomo cōro j̄a j̄enituarirāca c̄mari so rāca ĩnatusac̄ne, sore bajirocaveo-coasuju. To ĩ bajiveorio s̄gōne ĩnacōar̄ḡũñuju so. To bajiñagō r̄ne, ochenta y cuatro c̄mari c̄ot̄sasuju. Diore yir̄cub̄oriavij̄ ĩnacōari, so quēne Diore ĩre rūcub̄ogo, ĩre so s̄enirir̄m̄ari bare babetir̄ḡũñuju so. ³⁸ Simeón ĩnare ĩ gotiñarone ĩna t̄j̄ ejayuju so Ana. ĩnare ĩ gotisere ajicōari, “Quēnaro yiyuja m̄”, Diore ĩre yivariquēnañuju so. To yigajanocōari, “Rotim̄or̄ḡōr̄c̄m̄i” yiḡ, Dios ĩ cōaroc̄re, “Jerusalén macana quēnaro ĩnato” yiḡ, ĩnare yir̄etobosaroc̄re ĩ ejarotire t̄oĩa yuñarāre, “J̄ere ruyuyumi”, ĩnare yigotibatoyuju Ana.

Nazaret vāme c̄ti macaj̄ ĩna tudiare queti

³⁹ José, to yicōari, Mar'ia quēne Moisés ĩnmasir'ire Dios ĩ roticūmasiriarore bajirone yigajanocōañujarā ĩna. To bajiri, Galilea sitare ĩnarimaca, Nazaret vāme c̄ti macaj̄ Jesúre ĩre āmitudiasujarā ĩna. ⁴⁰ To baji tudieja, ti macaj̄ ĩnacōañujarā ĩna. Toj̄ b̄c̄uayuju Jesús. Quēnaro masir̄tuasuju, ĩ b̄c̄uar̄t̄uatore bajirone. To bajicōari, ruju tutuaquēnaḡ ĩnar̄tuasuju ĩ. To bajiro ĩ bajiñarone ĩre yir̄em̄or̄ḡũñuju Dios.

Diore yir̄cub̄oriavij̄ Jesús ĩ tujare queti

⁴¹ Nazaretj̄ Jesús ĩ ĩnatoye, Jerusalénj̄ tocārāca c̄mane Pascua boser̄m̄ ĩarā var̄ḡũñujarā ĩ jac̄na. ⁴² To bajiri j̄aāmo cōro, ḡbo j̄a j̄enituario ĩnaric̄mari t̄sac̄j̄, Pascua boser̄m̄re ĩaḡuac̄, ĩ jac̄na rāca vasuju Jesús. ⁴³⁻⁴⁵ Boser̄m̄ ĩagajano, ĩna tudirir̄m̄, “To bajiḡm̄i” yimasīna manone, toj̄ne tujacoasuju Jesúj̄ama. To ĩ bajiboajaquēne, “Gājerā rāca baba c̄t̄ivaḡ bajiḡm̄i”, yit̄oĩacōañujarā ĩ jac̄n̄j̄ama. To bajiro ĩna yit̄oĩa vaboajaquēne, r̄iorij̄ ĩna t̄j̄re ejabesuju. To bajiro ĩ bajijare, ĩna yarāre, ĩna rāca vanare, ĩna masirāre s̄enīacudiboayujarā ĩna. “Maami”, yicōañujarā ĩn̄j̄ama. To bajiro ĩna yijare, Jerusalénj̄ne ĩre macarā tudicoasujarā ĩna.

⁴⁶ Toj̄ ejacōari, idiar̄m̄ ĩre macat̄sanaj̄ ĩre ĩab̄jayujarā ĩna yuja. Diore yir̄cub̄oriavij̄ ĩnañuju ĩ. Toj̄ Dios ĩ rotimasire gotimasiorimasa rāca rujicōari, gāmerā ĩnagōñañujarā ĩna. ⁴⁷ ĩ gotisere ajicōari, “Daqueḡ ĩnaboarine, josasere ȳa s̄enīaboajaquēne, quēnaro t̄oĩacōari, ȳare c̄diami”, ĩre yit̄oĩañujarā ĩna. ⁴⁸ To ĩna yiñarone, Jesús jac̄na ĩna t̄j̄ s̄jaejacōari, ĩre ĩācacoasujarā. To bajicōari, ado bajiro ĩre yiyuju ĩ jaco:

—Mac̄, ¿no yiḡ to bajiro ȳare bajiveoati m̄? B̄to t̄oĩarejairāne m̄re macam̄ ȳa —ĩre yiyuju so.

⁴⁹ To bajiro ĩre so yirone, ĩj̄ama ado bajiro sore c̄diyuju ĩ:

—¿No yirā ȳre macari m̄a? ¿Adi vire ȳ jac̄ ĩ bojasere ȳ yiro tire masibeti m̄a? —ĩ jac̄are yic̄diyuju Jesús.

⁵⁰ To bajiro ĩ yisere quēnaro ajimasibesujarā ĩn̄j̄ama. “No bajiro yir̄ yati mani mac̄”, yit̄oĩacōañujarā. ⁵¹⁻⁵² ĩ jacoj̄ama, quēnaro ajimasibetiboarine, so ̄s̄j̄ama quēnaro t̄oĩacōa ĩnañuju.

To bajiro ĩnare ĩ yiro bero, ĩ jac̄na rāca tudicoasuju, Nazaretj̄. Toj̄ b̄c̄uar̄t̄uasuju ĩ. B̄c̄uar̄t̄uac̄ne, ĩ jac̄na ĩre ĩna rotirore bajiro yir̄ḡũñuju ĩ. To bajicōari, b̄tob̄sa

masirũtuasuju ĩ. To bajiro ĩ bajisere ĩre ĩavariquẽnarũgũñuju Dios. Masa quẽne, ĩre ĩavariquẽnarũgũñujarã ĩna.

3

Juan vãme cutigũ, masare oco rãca bautizarimasũ, yucũ manojũ ĩ gotimasiore queti
(Mt 3.1-12; Mr 1.1-8; Jn 1.19-28)

¹⁻² Cojorũmũ yucũ manojũ Zacar'ias macũre, Juanre Jordán vãme cutiyajũ ĩre gotiroticõañuju Dios. To ĩre ĩ gotiroticõarirodore, Tiberio César, juaãmo cõro, cojo gũbo jediro ñaricũmari ĩ rotitusaticũmare, cojo sita me ñarãre rotigũ ñañuju ĩ. ĩre rotibosarã quẽne ñañujarã ĩna. Pilato vãme cutigũ Judea sitanare ĩre rotibosayuju ĩ. Gãji, Herodes vãme cutigũ, Galilea sitanare ĩre rotibosayuju ĩ. Gãji, Herodes bedi, Felipe vãme cutigũ, Iturea, to yicõari, Traconite sita ñarãre ĩre rotibosayuju, ĩma. Gãji Lisania vãme cutigũ, Abilinia sitanare ĩre rotibosayuju. To bajicõari, paia ẽjarã ñamasurã Anás, Caifás vãme cutirã ñañujarã ĩna.

Tirotore Juanre gotirotiyuju Dios. ³ To ĩ yijare, Jordán vãme cutiya riaga tũjũ ñacõari, ĩre ajirã ejarãre ado bajiro gotirũjacudirũgũñuju:

—Rojose mũa yisere tũoĩasutiritiya mũa. To yicõari, “Rojose yirũabeaja yũa. Diorãca quẽnaro ñarũarãja yũa” yirã, oco rãca yũre bautizarotiya mũa. To bajiro mũa yijama, rojose mũa yisere mũare masiriorũcũmi Dios —ĩnare yigotiyuju Juan.

⁴ Ado bajiro Juan ĩ bajiro tire ucamasĩñuju Isa'ias, Diore gotirẽtobosarimasũ ñamasir'i: “Yucũ manojũ sũgũ masũ ado bajiro goticudirũgũrũcũmi: ‘Mani ẽjũ ejarũcũmi. To bajiri, rojose mũa yisere yitũjacõari, quẽnasejũare tũoĩavasoaya mũa, ĩre yurã. Ʋjũ, ĩ vadiroto rĩjoro, quẽnaro quẽnoyurãma masa. Rojoribedo maa, ñaboaria maare riojo maa gorãma, ĩ vadiroto maare.

⁵ Goje ti ñajama, sita rãca biberãma. Buri cuti maa ti ñajajuẽne, coaquẽnocũrãma. To bajiro yũ yijama, “Jediro rojose mũa yisere yitũjacõari, quẽnasejũare tũoĩavasoaya mũa, mani ẽjũre yurã” yigũ yaja yũ.

⁶ To bajiro mũa yiro bero, rojose mũa tãmũoborotire mũare yirẽtobosarocũre Dios ĩ cõagũre ĩajedirũarãja mũa' yigoticudirũgũrũcũmi, yucũ manojũ ñacõari”, yiuca-masiñumi Isa'ias ñamasir'i.

⁷ To bajiri oco rãca Juanre bautizarotirã, ejayujarã jãjarã masa. ĩna bautizarotirone, ado bajiro ĩnare yiyuju Juan:

—Oco rãca mũare yũ bautizasere bojaboaja mũa. Vãtia ẽjũ rojose ĩ yirore bajirone rojose yijairã ñaja mũa. To bajiro bajirã ñari, “Rojose yũa yise vaja rojose yũare yibetirũcũmi Dios”, yitũoĩa vadiboaja mũa. ¿To bajiro mũa bajise sũorine rojose mũa tãmũorotire masibeatique mũa? ⁸ Rojosere yitũjacõari, “Quẽnaro yirã ñaama” masa mũare ĩna yĩamasirõtire yirã, quẽnasejũare yirũgũrona ñaja mũa. Ado bajiro yitũoĩabesa mũa: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirũcũmi Dios”, yitũoĩabesa. Adiari gũtari rãca Abraham jãnerabatiare ĩ godoveorũajama, godoveomasigũmi Dios —ĩnare yiyuju Juan.

⁹ —Oteriyucũri, rica mani yucũrũre bajiro bajiaja mũa. Rica manijare, quẽareacõari, soereariarore bajiro yirũcũmi Dios. Tire bajirone yiecorũarãja mũa quẽne, mũa tũoĩavasoabetijama. ¿Quẽnase mũa yibetire ĩacõari, jeame yatibetimejũ mũare rearũcũmi Dios! —ĩnare yiyuju Juan.

¹⁰ To ĩ yigotisere ajicõari, —¿No bajirojũa yũa yiro tire bojati Dios? —ĩre yisẽniĩañujarã ĩna.

¹¹ To bajiro ĩre ĩna yisẽniĩarone ado bajiro ĩnare cũdiyuju Juan:

—Jũase sudirori cũorã, cojase ĩsima, sudĩ magũre. Bare cũorã, bare magũre ecaba —ĩnare yicũdiyuju Juan.

¹² Ʋjũre gãjoa sãnibosarimasa quẽne ejayujarã, Juanre oco rãca bautizarotirã. Ejacõari, ado bajiro ĩre sãnĩañujarã ĩna quẽne:

—Gotimasiorimasũ, yũajũarema ¿ñiere yũa yiro tire bojati Dios? —ĩre yisẽniĩañujarã ĩna quẽne.

¹³ To bajiro ñna yirone, ado bajiro ñnare gotiyuju Juan:

—Mña ñjarã masare ñna vaja sēnirotiro cōrone sēniña. Ti rētoro vaja sēnibeticōaña mña —ñnare yicūdiyuju Juan.

¹⁴ Surara quēne ado bajiro sēniñañujarã ñna:

—¿Yñarema, no bajiro yña yirotire bojati? —ñre yisēniñañujarã.

To bajiro ñna yisēniñarone, ado bajiro ñnare cūdiyuju ñ:

—Gājerāre ēmabesa mña. Socarāne gājerāre rojose ñagōmacabesa. Mña moase vajare, mña ñjarã mñare ñna vaja yiro cōrone cūovariquēñaña mña —ñnare yicūdiyuju Juan.

¹⁵ Masajñama, Juan ñ gotimasiosere ajicōari, “Rotimñorūgōrñcñmi” yigñ Dios ñ cōarocñre bñto tñoiayucōa ñarã ñari, “¿ñne ñaruyuatique?”, Juanre ñre yitñoiñañujarã, ñna ññriññama.

¹⁶ To bajiro ñna yitñoiñase ñajare, ado bajiro ñnare yiyuju Juan:

—“Rotimñorūgōrñcñmi” yigñ, Dios ñ cōagñ me ñaja yñ. Rojose ñna yisere yitñajacōari, Dios ñ bojaseññare yirāre oco rāca bautizarūgññaja yñ. To bajiro yñ yiboajajuēne, yñ bero ejaññ ñ moaseñña quēnamasucōarñaroja. ñma, Esp'iritu Santore cōamasirñcñmi, masare. “Dios ñ bojabetire yaja yñ” yimasicōari, tñoiavasoarñarāma, Esp'iritu Santo ñ ejarēnose rāca —ñnare yiyuju Juan.

¹⁷ Gajeye ado bajiro masare gotiyuju Juan:

—Yñ bero ejañññama, trigo ajere besegñre bajiro yirñcñmi, masare. To bajiri ti gasere yireacōari, soereariarore bajiro yirñcñmi, jeame yatibetimeññ masare cōagñ. To yicōari, quēnase cōrone juagñre bajiro yirñcñmi, ñre ajitirññarāre juavacñ —ñnare yiyuju Juan.

¹⁸ Masare gotimasioññ, cojo vāme me gotirūgñññuju, Cristo quēnaro ñ yirotire gotimasioññ. ¹⁹ To bajiro ñnare gotirūgñññ ñari, ñññ Herodes, ñ bedi Felipe manajore Herod'ias vāme cñtigore ñ manajo cñtijare, to yicōari, rojose yijaññ ñ ñajare, “Rojose yigñ yaja mñ”, ñre yiyuju Juan. ²⁰ To bajiro Juan ñ yisere ajicōari, rētoro rojose yigñ, tubiberiavijñ Juanre ñre tubibecññuju.

Oco rāca Juanre Jesús ñ bautizarotire queti

(Mt 3.13-17; Mr 1.9-11)

²¹ ñ tubibe ecoroto rñjoro, rojose ñna yisere yitñajacōari, Dios ñ bojaseññare yirāre oco rāca ñnare bautizarūgñññuju Juan. To bajiri, Jesús quēne, rojose yibecñ ñaboarine, oco rāca Juanre bautizarotigñ ejayuju. To ñ yiecoro bero, Diore, ñ jacñre sēniññuju. ñre ñ sēniñarone, ñ vecajñ ñmñagasero soje jñnacoasuju ti. ²² Ti jñnarone, bujare bajigññ rñjadiacōari, Jesús joere rocajeoyuju Esp'iritu Santo. Jesús joere ñ rocajeorone, ado bajiro yñ ocaruyuyuju ñ vecajñ:

—Yñ macñ, yñ maigñ masu ñaja mñ. Mñ rāca bñto variquēñaja yñ —ñre yñ ocaruyuyuju.

Jesús ñicñna ñna vāme cñtimasire queti

(Mt 1.1-17)

²³ Treinta cñmari cōro cñotñsacñ, masare gotimasiosñoyuju Jesús.

To bajiri manire bajiro rñññ cñticōari ñ ruyare ñajare, “José macñ ñnaami”, ñre yitñoiñañujarã masa. To bajiro ñna yitñoiñare ñajare, ñ jacñre bajiro bajiyuju José.

José jacñ ñamasññuju El'i.

²⁴ El'i jacñ ñamasññuju Matat.

Matat jacñ ñamasññuju Lev'i.

Lev'i jacñ ñamasññuju Melqui.

Melqui jacñ ñamasññuju Jana.

Jana jacñ ñamasññuju José.

²⁵ José jacñ ñamasññuju Matat'ias.

Matat'ias jacñ ñamasññuju Amós.

Amós jacñ ñamasññuju Nahúm.

Nahúm jacñ ñamasññuju Esli.

Esli jacñ ñamasññuju Nagai.

²⁶ Nagai jacñ ñamasññuju Maat.

Maat jacu ñamasiñuju Matat'ias.
 Matat'ias jacu ñamasiñuju Semei.
 Semei jacu ñamasiñuju Josec.
 Josec jacu ñamasiñuju Judá.
²⁷ Judá jacu ñamasiñuju Joanán.
 Joanán jacu ñamasiñuju Resa.
 Resa jacu ñamasiñuju Zorobabel.
 Zorobabel jacu ñamasiñuju Salatiel.
 Salatiel jacu ñamasiñuju Neri.
²⁸ Neri jacu ñamasiñuju Melqui.
 Melqui jacu ñamasiñuju Adi.
 Adi jacu ñamasiñuju Cosam.
 Cosam jacu ñamasiñuju Elmadam.
 Elmadam jacu ñamasiñuju Er.
²⁹ Er jacu ñamasiñuju Jesús.
 Jesús jacu ñamasiñuju Eliezer.
 Eliezer jacu ñamasiñuju Jorim.
 Jorim jacu ñamasiñuju Matat.
 Matat jacu ñamasiñuju Lev'i.
³⁰ Lev'i jacu ñamasiñuju Simeón.
 Simeón jacu ñamasiñuju Judá.
 Judá jacu ñamasiñuju José.
 José jacu ñamasiñuju Jonam.
 Jonam jacu ñamasiñuju Eliaquim.
³¹ Eliaquim jacu ñamasiñuju Melea.
 Melea jacu ñamasiñuju Mena.
 Mena jacu ñamasiñuju Matatá.
 Matatá jacu ñamasiñuju Natán.
 Natán jacu ñamasiñuju David.
³² David jacu ñamasiñuju Isa'i.
 Isa'i jacu ñamasiñuju Obed.
 Obed jacu ñamasiñuju Booz.
 Booz jacu ñamasiñuju Sala.
 Sala jacu ñamasiñuju Naasón.
³³ Naasón jacu ñamasiñuju Aminadab.
 Aminadab jacu ñamasiñuju Admin.
 Admin jacu ñamasiñuju Arni.
 Arni jacu ñamasiñuju Esrom.
 Esrom jacu ñamasiñuju Fares.
 Fares jacu ñamasiñuju Judá.
³⁴ Judá jacu ñamasiñuju Jacob.
 Jacob jacu ñamasiñuju Isaac.
 Isaac jacu ñamasiñuju Abraham.
 Abraham jacu ñamasiñuju Taré.
 Taré jacu ñamasiñuju Nacor.
³⁵ Nacor jacu ñamasiñuju Serug.
 Serug jacu ñamasiñuju Ragau.
 Ragau jacu ñamasiñuju Peleg.
 Peleg jacu ñamasiñuju Heber.
 Heber jacu ñamasiñuju Sala.
³⁶ Sala jacu ñamasiñuju Cainán.
 Cainán jacu ñamasiñuju Arfaxad.

Arfaxad jacu ñamasiñuju Sem.
 Sem jacu ñamasiñuju Noé.
 Noé jacu ñamasiñuju Lamec.
³⁷ Lamec jacu ñamasiñuju Matusalén.
 Matusalén jacu ñamasiñuju Enoc.
 Enoc jacu ñamasiñuju Jared.
 Jared jacu ñamasiñuju Mahalaleel.
 Mahalaleel jacu ñamasiñuju Cainán.
³⁸ Cainán jacu ñamasiñuju Enós.
 Enós jacu ñamasiñuju Set.
 Set jacu ñamasiñuju Adán.
 Adán, Dios ñ rujeosomasir'i ñamasiñuju ñ, masa jediro ñicu.

4

Dios ñ bojabetire vátia uju Satanás, Jesúre ñ yirotiñare queti
 (Mt 4.1-11; Mr 1.12-13)

¹ Jordán ñna yirisaju Juan oco rãca ñre ñ bautizaro bero, Esp'iritu Santo bujare bajigu rujiadicõari, Jesús joere rocajeoejagune, ñre ejarẽmosoyuju, Dios ñ bojarore bajiro Jesús ñ yicõa ñarügürotire yigu. To bajivagure yucú manojü ñre ñmato vasuju Esp'iritu Santo.

² Tojüre cuarenta ñarirũmuri Esp'iritu Santo ñ bojarore bajiro vacudiyuju Jesús. To ñ bajiñarone, vátia uju Satanás, ñre ejacõari, “Yü yirotisere yicõari, Dios ñ bojabetire yato” yigu, ñre rotirügüboayuju. To bajiro ñ bajicudirirũmure babesuju Jesús. To bajigu ñnari, bũto ñiorijayuju. ³ To bajiro ñ bajijare, ado bajiro ñre yirotiñoayuju Satanás:

—Dios macune mü ñajama, adia gũtare, pan godoveoya mü —ñre yirotiñoayuju.

⁴ To bajiro Satanás ñre ñ yiboajaquẽne,

—Yibeaja yũ. Dios oca masa ñna ucamasire ado bajiro gotiaja: “Bare rĩne ñamasuse me ñaja. Dios ocare mani cãdisejua ñaja ñamasusema. ‘Bare ti manijare, rijarearũarãja’ yire ti ñaboajaquẽne, rijarere Dios ñ bojabetijama, rijabetirũarãja. Catiñarotire rotigu ñaami”, yigotiaja Dios oca masa ñna ucamasire —ñre yiyuju Jesús.

⁵ To bajiro ñ yiro bero, gũtaũ joeju Jesúre ñmato vasuju Satanás. Toju ñmato ejacõari, adi macarũcuro ñarimacari jediro guaro ñre ñojeocõañuju. ⁶⁻⁷ ñre ñogajanocõari, ado bajiro ñre gotiyuju Satanás:

—“Masa ñajedirore rotiya” yigu, yũre cũcami Dios. ñna gajeyeũni quẽne, yũ ye ñaja. To bajiri, yũ rĩjorojua gũsomuniari tuetucõari, “Yü uju ñamasugũ ñaja mü” yũre mü yirũcũbojama, adi sita ñajediro mre ñsirũcũja yũ —Jesúre ñre yiyuju Satanás.

⁸ To bajiro ñre ñ yigotiboajaquẽne, ado bajiro ñre cãdiyuju Jesús:

—Yibeaja yũ. Ado bajiro gotiaja Dios oca masa ñna ucamasire: “Mani uju Dios sigũrene, ‘Yü uju ñamasugũ ñaja mü’ ñre yirũcũboocõari, cãdire ñaja”, yigotiaja Dios oca masa ñna ucamasire —Satanãre yicãdiyuju Jesús.

⁹⁻¹¹ To ñ yiro bero, Jerusalén macaju Jesúre ñre ñmato vasuju Satanás quẽna. Toju ejacõari, Diore yirũcũbõoriavi joeju ñre ñmato mñasuju. ñre ñmato mñajecõari, ado bajiro yiyuju Satanás:

—Ado bajiro gotiaja Dios oca masa ñna ucamasire:

“Ñre moabosarimasa ángel mesare mre coderotirũcũmi Dios. Mü quedajama, ‘Gũta joeju rocajeogu, ñ gũbo jearomi’ yirã, mre boca ñiarũarãma ñna”, yigotiaja Dios oca. To bajiro Dios oca ti gotijare, Dios macune mü ñajama, adojuene yũre jatiquedi rujiãõña mü —Jesúre yiboayuju Satanás.

¹² To bajiro ñre ñ yiboajaquẽne, Jesújuama, ado bajiro ñre yiyuju:

—To bajiro mü yisere cãdibeaja yũ. “Dios ñ yiriarore bajiro yũre boca ñiarũarãma ángel mesa” yimasirũ, yũ jatiquediñajama, Dios ñ bojabetire yigu yigũja yũ. Gajeye ado bajiro gotiaja Dios oca masa ñna ucamasire: “ ‘Dios, ‘Yirũcũja’ yiyumi’ yitũõiarã, ‘¿Yirũ masu

yiyujari?' yimasiruarã, mua tuoïarore bajiro mua yiajejama, quënaabeaja", yigotiaja Dios oca masa ña ucamasire —ïre yiyuju Jesús, Satanás.

¹³ Rojose ïre yirotiyeoboa, vacoasuju Satanás, "Bero ïre yirotiïagûsa" yigu.

Jesús, Galilea sitaju tudiejacõari, ï gotimasiosuore queti

(Mt 4.12-17; Mr 1.14-15)

¹⁴ Satanás ï vato bero, quëna Galilea sitaju tudicoasuju Jesús. Tudiejacõari, Esp'iritu Santore cuogu ñari, ï ejarëmose rãca disejua ruyariaro mano quënarõ yiyuju Jesús, tojure. To bajiro ï yijare, ï bajise quetire gotibatoyujarã masa, toana jediro, gajeroana quëne. ¹⁵ Dios ocare ña buerivirijua masare gotimasiodirügũñuju Jesús. To bajiro ï yisere ajicõari, "Quënarõ masigũ ñaami", ïre yiyujarã ña, ïre ajirã jediro.

Nazaret vãme cuti macaju Jesús ï tudiejare queti

(Mt 13.53-58; Mr 6.1-6)

¹⁶ Nazaretju, ï bucuariaroju tudiejayuju Jesús. Daquegu ñagũjune jud'io masa ña ususãjararũmurire Dios ocare ña buerivire sãjarügũr'i ñari, ususãjararũmu ti ejarõ sã-jasuju. Sãjacõari, ejarũju ejayuju. To bajiñaboa, vãmurügũñuju, Dios ocare ïagotiguagu.

¹⁷ ï vãmurügũrone, Diore gotirëtosamasir'i, Isa'ias ï ucamasire ñaritutire ïre ïsiñuju ti viagu. To bajiro ï yirone, titutire jãnacõari, ï ïagotirotijure ïabujayuju. ïabujacõari, ado bajiro ñnare ïagotiyuju Jesús:

¹⁸ —"Esp'iritu Santore cuogu ñari, ï ejarëmose rãca tuoïacõari, muare gotiaja yu. 'Maïoro bajirãre quënarõ yu yiroti quetire ñnare gotirucuja mu' yigu, 'Rojose yiruaboarine, tire yibeticõato' yigu, yure cõacami. Sïgũri yure masimena, ïamenare bajiro bajirã, 'Yure masiato ñna' yigu, yure cõacami. Gãjerãma, tubibe ecoriarãre bajiro bajirãre, rojose yisejararãre, 'Rojose ñna yisere yitujato' yigu, yure cõacami.

¹⁹ "Adirodone ñaja Uju Dios, masare rojose ñna tãmuoborotire ñnare ï yirëto-bosarotirodo", ñnare yigotiaya mu' yigu, yure cõacami".

"To bajiro bajiruaroja ti", yucamasiñumi Isa'ias, Dios ocare gotirëtogũ —ñnare yïagotiyuju Jesús.

²⁰ To bajiro yïagoti gajanocõari, ï ïaritutire buacõari, ti viagure tuojuju. To yicõa, ejarũjucoasuju yuja, ñnare bueguagu. To ï bajirone buto ïre ïañujarã ñna jediro, ñnare ï gotisere ajiruarã ñari. ²¹ To bajiro ñna bajirone, ado bajiro ñnare gotiyuju ï:

—Jëre adirodone ñaja, "Bajiruaroja" Isa'ias ï yucamasiriarore bajirone bajirirodo — ñnare yigotiyuju Jesús.

²² To bajiro ï yisere ajicõari, no yimasibesujarã ñna:

—¿No bajiro bajicõari, quënarõ gotimasiosasiati ï? ¿Adi macagu José macu me ñatique? —Jesúre ïre yiyujarã ñna.

²³ To bajiro ñna yisere ajicõari, ado bajiro ñnare yiyuju Jesús:

—Yure rucubuoabeaja mua. Ado bajiro yure yituoïaja mua: "Capernaum vãme cutoju ïañañamani ï yirere ajicaju mani. Riojo gotigu, ïañañamani ï yisere manire quëne yïoato ï", yituoïaja mua. Mani gotise queti, ado bajiro gotiaja: "Sïgũ, uco yigu, ï rijajama, ï masune uco yí, caticoacami. To bajiro ï bajisere ïacõari, 'Uco yigu masune ñaami' yimasirãja mani", yigotiaja. Ti ñnare yure gotirua tuoïaja mua, ado bajiro yu yisere bojarã ñari: "Ñañañamani yigu masu mu ñajama, Capernaumju ïañañamani mu yïorere bajiro mu ya macanare quëne yïoroti ñaja", yure yiboarãja mua —ñnare yigotiyuju Jesús.

²⁴ To yigajano, ado bajiro ñnare gotiyuju quëna:

—Riojo muare gotiaja yu. Diore gotirëtobosarimasu gajeroju Dios ocare ï gotimasiodijama, ïre ajirucuborãma. To bajiboarine, ï ya macanare Dios ocare ï gotimasiojama, ïre ajiterãma. To bajirone bajiaja yure quëne —ñnare yiyuju Jesús. ²⁵ —To bajirone bajimasijuju ti, mani ñicure quëne. Diore gotirëtobosamasir'i, El'ias vãme cutigure, ï yarã ñnemasiriarã, ïre ajitemasiñujarã ñna. El'ias ï ñarirodori yoaro oco quedibetimasijuju. Idia cãma jediro gaje cãma gudareco oco quedibetimasijuju. To bajiro bajica

yiro, bare manimasiñuju. Manajua rijaveomasiriarã, tirodori jãjarã ñamasiñujarã ña.
²⁶ To bajiri El'ias ï ejarëmorotire bojarã, jãjarã ña ñaboajaquêne, ña tujare cõabecune, “Sidón vãme cõtí maca tã ñarimaca, Sarepta vãme cõtí maca ñagõjũare sore ejarëmoaya” yigũ, ïre cõamasiñuju Dios. ²⁷ Eliseo vãme cõtígu, Diore gotirëtobosamasir'ire quêne, to bajirone bajimasiñuju. ï ñarirodori, mani ñicua ñamasiriarã, gase boarã jãjarã ñamasiñujarã ña. Jãjarã ña ñaboajaquêne, ñnare catiobetimasiñuju ï. ïnare catiobetiboarine, gãjerã masujũare, Siria sitagure Naamán vãme cõtíguare catiomasiñuju Eliseo —ñnare yigotiyuju Jesús, Dios ocare ña buerivi rëjarãre.

²⁸ To bajiro ï yigotisere ajicõari, ña jedirone bũto jũnisiniñujarã. ²⁹ To bajiro bajirã ñari, Jesúre ñiacoasujarã ña. Gũtau ñañuju ti, ña ñarimaca tujũ. “Tũ gũtau joejũ ïre turocaqueoto mani” yirã, Jesúre ñia vaboayujarã ña. ³⁰ ïre ña ñia vaboajaquêne, no yimasina manone ña vatoane vacoasuju Jesús.

Masa usuju sãñagũre vãtíre Jesús ï burocare queti
(Mr 1.21-28)

³¹⁻³² Galilea sitare ñarimaca, Capernaum vãme cõtí macajũ vasuju Jesús. Ti macajũ ejacõari, ususãjariarũmũ ti ejaro, Dios ocare ña buerivijũ ñnare gotimasioñuju ï. Ujũre bajiro bojonebecune quẽnaro ï gotimasiojare, ajĩañamani ï gotise ti ñajare, no yimasibesujarã ña.

³³ Ti vire sīgũ ãmũ ñañuju, ï usujũ vãti sãñagũ. ï usujũ sãñacõari, ado bajiro Jesúre ïre avasãñuju vãti:

³⁴ —Jesús, Nazaret vãme cõtí macagu, ¿no yigũ yua tã vadiati mũ? ¡Yũare gõjan-abiobesa! ¿Rojose yua yise vaja, rojose yũare yigũagu vadiati mũ? Mũre ñamasiaja yua. Rojose yigũ me, Dios ï cõar'i ñaja mũ —Jesúre yivasãñuju vãti.

³⁵ To ï yirone, oca tutuase rãca ado bajiro ïre yiyuju Jesús:

—¡Ñagõbesa mũ! ¡To yicõari, ï usujũre budigoya! —vãtíre ïre yiyuju Jesús.

To ï yirone, rijaquedirotiyuju vãti, masũre. To yicõari, rojose ïre yirũagu ñaboarine, rojose ïre yibecune, ïre budigocoasuju yuja. To ï bajijare, masujũama quẽnaejacoasuju. ³⁶ To bajisere ñacõari, ti vi ñarã jediro no yimasibesujarã ña, ti ñnire ñabetirũgũriarã ñari. To bajicõari, ña masune ado bajiro gãmerã sãniãñujarã:

—¿No bajiatí? Ajĩañamani oca manire gotimasioģũ yami. Bũto masigũ ñaami. Vãtia bũto masirã ña ñaboajaquêne, masa usurijũre sãñarãre ñnare bureamasiami —gãmerã yiyujarã ña.

³⁷ To bajiro Jesús ï yĩnasere masa ña gotibatõjare, Galilea sitana tire ajijedicõañujarã ña.

Pedro ãmañicore Jesús ï catiore queti
(Mt 8.14-15; Mr 1.29-31)

³⁸ Dios ocare ña buerivijũ ñar'i, budiasuju Jesús, Simón Pedro ya vijũ vacũ. Ti vijũ sãjaejacõari, Pedro ãmañicore ñañuju. So rujũ bũto asicõari, bũburibũjayuju so. To bajiro so bajijare, Jesús sore ï catiosere bojayujarã ña. ³⁹ To bajiro ña yirone, so tã ejarũģũcõari,

—So rujũ asise, tũjaya —yiyuju ï. To bajiro ï yirone, sore rujũ asiboase sore tũjacoasuju. To bajiro sore ï yicãtiorirĩmarone, vũmũrũģũcõari, bare ñnare ecayuju so.

Jãjarã, rijaye cõtíre Jesús ï catiore queti
(Mt 8.16-17; Mr 1.32-34)

⁴⁰ Tijũ bero, rãiorijũ Jesús tũju juajeyujarã, rijaye cõtíre. To ña bajisere ñacõari, tocãrãcũre ï ãmori ñũjeocõari, ñnare catioyuju Jesús. ⁴¹ Vãti sãñarãre quẽne juajeyujarã. ïnare quêne, ña usurijũ sãñarãre vãtiare bureayuju Jesús. To ï yirone, “Dios macũne ñaami” yimasirã ñari,

—Dios macu ñaja mu —vãtia ña yivasãjare, ñnare ñagõrotibesuju Jesús, “ ‘Masa rojose ñna tãmuoborotire ñnare yirëtobosacõari, “Rotimõorũgõrũcũmi” yigu, Dios ñ cõar'i ñaami Jesús' masare yiajioroma” yigu.^a

“Gaje macarianare quẽne, quẽnase quetire goticudirocu ñaja yu”, Jesús yire queti (Mr 1.35-39)

⁴² Gajerũmu, busuriju, masa manojũ vacoasuju Jesús, Diore sãnignacu. To ñ bajiboajaquẽne, ti macana, ñre macasũya, ejacoasujarã ñna. Toju ñre ñabũjacõari,

—Yuã rãca tudiaya mu. Gãjerã ñna ñnaroju vabesa mu —ñre yiboayujarã ñna. ⁴³ To bajiro ñna yisere ajicõari, ado bajiro ñnare yicũdiyuju Jesús:

—Tudiabeaja yu. Gaje macarianare quẽne, quẽnase quetire goticudirũgũrocũ ñaja yu. “Uju Dios yarã quẽnaro ñ yirona muã ñnaruajama, rojose muã yisere yitũjacõari, yure ajitirũnũña”, ñnare quẽne yigotimasioroti ñaja. “To bajiro yicudiato” yigu, yure cõacami Dios —ñnare yicũdiyuju Jesús.

⁴⁴ To bajiri, gaje macariana jud'io masa Dios ocare ñna bueriviriju sãjacõari, quẽnase quetire gotimasioducirũgũñuju Jesús.

5

Vai sãarimasare Jesús ñ jire queti (Mt 4.18-22; Mr 1.16-20)

¹ Cojorũmu Genesaret vãme cutira utabucũra tũju ñaũuju Jesús. To ñ bajiro ñacõari, jãjarã masa ejayujarã. ñna ejaro ñacõari, ñnare gotimasio ñaũuju ñ. To bajiri ñ gotimasiosere buto ajiruarã ñnari, ñ tũre jãjarãbusa ejayujarã masa. ² To bajiri ñ rũgõboarijũre rũgõbibeacõañujarã. To ñna bajijare, juã cũmuari masa maniari jayasere ñabũjayuju ñ. Vai sãarimasa ñna bajiyucũre coerã ñna vãgãgoriari ñaũuju. Coja ñaũuju Pedro yaga. ³ Tia tu ñaũuju Pedro, vai sãañar'i ñ bajiyucũre coeñagũ. To bajiri tiare vasãjacõari,

—Quẽnaca yure ñuviojoya mu —Pedrore ñre yiyuju Jesús. ñre ñ ñuviojoro bero, cũmuajũ sãñacõari, masare gotimasioñuju quẽna. ⁴ ñnare gotimasio gajanocõari, ado bajiro Pedrore ñre yiyuju:

—Ucũaroju vijajajacõari, muã bajiyucũre rearoderuuya muã! —ñre yiyuju. ⁵ To bajiro ñ yisere ajicõari, ado bajiro ñre yicũdiyuju Pedro:

—Yuã uju, jẽju ñami yuã bajiyucũre rearoderuu ñamicũtiboabu yuã. Vai, mama ñna. To bajiboarine yuare mu rotijare, rearoderuu ñaruarãja quẽna —Jesũre yicũdiyuju Pedro.

⁶ To bajiri, ucũaroju vijajajacõari, ñna bajiyucũre rearoderuucõari, tũajãmũoboayujarã ñna. ñna tũajãmũoboaro, jãjarã ñna sãjajare, ñna bajiyucũri vocoabusa bajiyuju. ⁷⁻¹⁰ To ti bajijare, gãjerã vai sãarimasare jiyujarã ñna, “Yuãre ejarẽmoroaya” yirã. To ñna yirã, ñna tũju ejacõari, ñna ya cũmuajũ vaire juasãñujarã ñna quẽne. Juã cũmuajũne rujaruabusaroju yijũmũojocõañujarã. Pedro rãcana ñaũujarã Zebedeo rã, Juan vãme cutigu, to yicõari, Santiago vãme cutigu. Jãjarã vai ñna sãjaro ñaucajedicoasujarã ñna, ti ñnare ñabetirũgũriarã ñnari. Tire ñaucacõari, Jesús tũre gũsomuniari tuetucõari,

—Masirëtogũ ñaja mu. To bajiro yigu ñnari, quẽnaro yigu mu ñasere masiaja yu. Dios ñ bojarore bajiro yigu me ñaja yuma. Yure baba cutirũabecũja mu, quẽnagũ ñnari —Jesũre yiyuju Pedro. To bajiro ñ yisere ajicõari, ado bajiro ñnare yiyuju Jesús:

—Yure gũibeticõaña muã. Vai sãarimasa muã ñaserema jẽre moagajanocõaja muã. To bajiri yucũrema masa yure ñna ajitirũnũrotijũre yure moabosarã ñarũgũruarãja muã —ñnare yigotiyuju Jesús.

¹¹ To bajiro ñ yijare, ñna cũmuarire vejamocũ, to yicõari, ñna gajeyeũnare quẽne cũcõa, ñre sũyacoasujarã ñna.

Gase boagũre Jesús ñ catiore queti (Mt 8.1-4; Mr 1.40-45)

^a 4:41 “Masare ñ rijabosarotirũmu ti ejabetijare, vãtiare ñagõrotibesuju Jesús”, yiyujarã sãgũri, Dios oca masa ñna ucamasire buerëtoburimasa.

¹² Cojorūmu macaju Jesús ĩ ñaro, ĩ tujū ejayuju rijaye cutigu, ĩ ruju jediro gase boagu. Jesúre ĩacōari, gusomuniari tuetuyuju, ĩre rŭcubuoḡu. To yicōari, ado bajiro Jesúre ĩre yiyuju:

—Yū ũju, yū cāmiŕe mū yarŭajama, yaya —ĩre yisēniñuju ĩ.

¹³ To bajiro ĩre ĩ yisere ajicōari,

—Mū cāmiŕe yarŭcūja yū —ĩre yigŭne, ĩre moaĩañuju Jesús. To bajiro ĩ yirirĩmarone, ĩ cāmi ĩre yaticoasuju yuja. ¹⁴ To ĩre yigajanocōari, gājerāre ĩre gotirotibesuju Jesús. To bajiro ĩre yicōari, ado bajiro ĩre yiyuju:

—Yucŭacane paire mū rujure ĩoaya. Mū rujure ĩre ĩogŭne, Moisére Dios ĩ roticūmasiri-arore bajiro vaibŭcŭrā ecariarāre sĩacōari, paire ĩre ĩsima, Diore rŭcubuoḡu. To mū yisere ĩacōari, “Caticoasumi”, yirŭarāma masa —ĩre yiyuju Jesús, gase boaboar'ire.

¹⁵ To bajiro ĩ yisere masa ĩna masisere ĩ bojabetiboajaquēne, Jesús ĩ yĩñase quetire ajjedicōañujarā. To bajiri, jājarābusa masa ejarŭgŭñujarā, Jesús tujure, ĩ gotisere ajirā, to yicōari, ĩna rijaye cutisere ĩre catorotirā. ¹⁶ To bajiro ĩna bajiboajaquēne, masa manojū ĩnare cāmotadiveocoarŭgŭñuju Jesús, Diore ĩre sēnigŭ vacŭ.

Micagŭre Jesús ĩ catiore queti

(Mt 9.1-8; Mr 2.1-12)

¹⁷ Cojorūmu Jesús masare ĩ gotimasio ñarore, fariseo masa, Dios ĩ rotimasire gotimasiorimasa quēne ajirujiyujarā ĩna. ĩna ñañujarā Galilea sita ñarimacariana, to bajicōari, Judea sita ñarimacariana. Gājerāma, Jerusalén macana ñañujarā. To ĩna ajirujirone, Dios ĩ masise rāca rijaye cutirāre ĩnare catioiñoñuju Jesús. ¹⁸ To bajiro ĩ yĩñarone, micagŭre āmiayujarā. ĩre āmiadicōari, Jesús tujū cŭrŭaboayujarā ĩna. ¹⁹ To ĩna yirŭaboarore jājarā masa ñabibecōañujarā. To bajiri, vijure sājamasibesujarā. “Tire bajicōaja” yirā, vi joeju ĩre āmimujasujarā. ĩre āmimujacōari, Jesús ĩ rŭgōro vecare goje yijorayujarā. To yigajano, micagŭre ĩ jesariju rācane ĩre jidirujio ejoyujarā, Jesús tujū. ²⁰ “Micagŭre ĩamaicōari, ĩre catorŭcŭmi Jesús” ĩna yitŭoĩasere ĩamasicōari, micagŭjuare ado bajiro ĩre yiyuju:

—Rojose mū yirere mŭre masiriocōaja yū —ĩre yiyuju Jesús.

²¹ To ĩ yisere ajicōari, Dios ĩ rotimasire gotimasiorimasa, fariseo masa quēne, ado bajiro tŭoĩañujarā ĩna:

—¿No yigŭ to bajise yati ĩ? To bajiro ĩ ñagōjama, Diore ĩre rŭcubuoḡobecŭ yami. Dios sĩgŭne ñagŭmi, ti ũnire yimasigŭma —yitŭoĩañujarā ĩna.

²² To bajiro ĩna yitŭoĩasere ĩamasicōari, ado bajiro ĩnare yiyuju Jesús:

—“Diore bajiro masa rojose ĩna yisere masiriamasija' yisocaami”, yŭre yitŭoĩaboaja mŭa. ²³ “Rojose mū yirere masiriocōaja” yū yicōa tujajama, “Socŭ yami. Socŭ me yami”, yŭre yĩāmasigŭ magŭmi. To bajiboarine, micagŭre, “Vŭmŭrŭgŭcōari, vasa” ĩre yū yijama, “Socŭ me yami. Rojose ĩ yirere masiriocōami”, yŭre yĩāmasirāja mŭa. ²⁴ To bajiri, “Dios ĩ roticōacacŭ ñari, Diore bajirone masare rojose ĩna yisere masiriamasigŭ ñaami' yŭre yĩāmasiato” yigŭ, āni micagŭre ado bajiro ĩre yaja yū: “Vŭmŭrŭgŭña mŭ. Mū jesarijŭre āmiña. To yicōari, mū ya vijŭ tudiasa”, ĩre yaja yū —ĩre yiyuju Jesús.

²⁵ To ĩ yirirĩmarone, masa jediro ĩna ĩaro rĩjoro vŭmŭrŭgŭcōari, ĩ jesarijŭre āmi, ĩ ya vijŭ vacoasuju ĩ yuja. “Quēnaro yaja mŭ”, Diore ĩre yivariquēna vasuju ĩ. ²⁶ To bajiro Jesús ĩ yisere ĩaŭcacoasujarā masa. “Ti ũnire ĩabetirŭgŭcŭju mani. Āni, Dios ĩ masise rāca yigŭ yami” yitŭoĩacōari, “Quēnaro yaja mŭ”, Diore ĩre yivariquēnañujarā ĩna.

Lev'ire Jesús ĩ jire queti

(Mt 9.9-13; Mr 2.13-17)

²⁷ Micagŭre catiocōari bero vacoasuju Jesús. To bajivacŭ, Lev'i vāme cutigure ĩañuju. Ūjŭre gājoa sēnibosarimasŭ ñañuju. Gājoa sēnirā ĩna rujirijŭre gājoa sēnirujiyuju. To ĩ bajiro, ĩre ĩacōari, ado bajiro ĩre yiyuju Jesús:

—Yure ajisuyaya —ire yiyuju.^b

²⁸ To bajiro ĩ yisere ajicōari, ĩ yere juabecune, Jesúre suyacoasuju ĩ yuja.

²⁹ Bero, ĩ ya vijũ ejacōari, Jesúre rucubuoꝝũ, jairo bare quēnorotiyuju Lev'i. To yicōari, Jesúre, ĩ buerimasare quēne jiyuju. Ujũre gājoa sēnibosarimasare, to yicōari, gājerāre quēne jirēoñuju ĩ. ĩna ñañujarā “Rojose yirā ñaama” masa ĩna yiīarā. To bajiri, jājarā ñañujarā ĩ jirēoriarā. ³⁰ To bajiri, Jesúrāca ĩna bañarone, ejayujarā fariseo masa, Dios ĩ rotimasire gotimasiorimasa quēne. ĩna ñañujarā, Moisére Dios ĩ roticūmasirere bũto ajirucubuoꝝarā, rojose yirā rāca ñarũamena. To bajiri, ĩna bañarojũ ejacōari, ado bajiro Jesús buerimasare ĩnare sēniñañujarā:

—¿No yirā ānoa rojose yirā rāca bati mũa? —ĩnare yisēniñañujarā ĩna.

³¹ To bajiro ĩna yisere ajicōari, ado bajiro ĩnare cūdiyuju Jesús:

—Catiquēnarāma, uco yigũre bojamenama. Rijaye cūtirā rĩne ĩre bojarāma ĩna. ³² To bajiro bajiaja yure quēne. “Rojosere yirā me ñaja yũa” yirāma, yure bojamenama. “Rojose yirā ñaja yũa” yirā rĩne yure bojarāma. Quēnase yirāre jigũagũ me, adi macarucũrojũre vadicaju yũ. Rojasere yirā, “Rojose ĩna yisere yitũjato” yigũ, vadicaju yũ —ĩnare yiyuju Jesús.

“Mani sũtiritisere ĩacōari, quēnaro manire ejarēmorcũmi Dios” yirā, bare babetire queti

(Mt 9.14-17; Mr 2.18-22)

³³ To ĩ yiro bero, Jesúre sēniñañujarā sīgũri:

—Juan vāme cūtigũ, masare oco rāca bautizarimasũ buerimasa, to yicōari, fariseo masa quēne, mani ñicũa ĩna yimasiriarore bajiro Diore ĩna sēnirirũmũrrema bare babetirũgũama. ¿No yirā tire yibeati mũ buerāma? —Jesúre yisēniñañujarā ĩna.

³⁴ To ĩna yisere ajicōari, ado bajiro ĩnare gotimasioñuju Jesús:

—Sīgũ ĩ āmosiarirũmũre ĩre variquēnaejarēmorā ñarāma. To ĩ ũmato yiñaro cōro ĩre variquēnaejarēmocōa ñarāma. ĩnare bajiro bajiaja yũ buerā. Yũ rāca ñari, variquēnacōa ñaama. “Sũtiritimena ñari, no yirā bare babeticōa yimenama” yimasire ñaja. ³⁵ To bajiboarine, cojorũmũ yure ĩna ñiavato ĩacōari, bare bamenane Diore sēnirũgũrũarāma, “Mani sũtiritisere ĩacōari, quēnaro manire ejarēmoato Dios” yirā — ĩnare yiyuju Jesús.

³⁶ To yicōari, quēna gaje gotimasioire queti ado bajise ĩnare gotirēmoñuju Jesús:

—Mame oca yũ gotimasiose ricati ti ñajare, yũ ye rāca mani ñicũa ĩna yimasirere mũa tũoĩavũojama, quēnabeaja. Sudiro bũcũase ti vojama, sudiro mamasere voāmicōari, tiatumenaja mani, bũcũase vorijũre. To bajiro mani yijama, sudiro mamasere yiro-jocōarāja mani. To bajicōari, bũcũase rāca quēnaro ruyubetoja mamasegajũ rāca mani tiaturijũ ñari. To bajiri bũcũase, mamase rāca mani tiavũobetore bajiro, mame oca yũ gotimasiosere, mani ñicũa oca rāca tũoĩavũobesa mũa. ³⁷ To bajirone bajiaja uye oco quēne. Mame uye ocore, vaibũcũgaserone quēnorĩajoa bũcũjoajũare jiomenaja mani. Bũcũjoajũare mani jiojama, jāmũsĩnituca yiro, yivocōaroja tijoajũare. To bajiro mani yijama, uye ocore, vaibũcũgaserone quēnorĩajoare quēne to bajirone yireacōa tũjana yirāja mani. ³⁸ “To bajirobe” yirāma, mame uye ocore vaibũcũgaserone quēnorĩajoa, mamajoajũare jiore ñaroja. To yicōari, uye oco, vaibũcũgaserone quēnorĩajoa quēne, cojoro cōro quēnaro ñarũaroja. To bajiri mame uye ocore, bũcũjoajũare mani jibetore bajiro mame oca yũ gotimasiosere, mani ñicũa oca rāca tũoĩavũobesa mũa. ³⁹ To bajiro mũare yaja yũ, ado bajiro ti bajijare: Mani gotise queti ado bajiro bajiaja: “Uye oco tirũmũjũ ĩna quēnorere idirũgũrũarāma, uye oco mame ĩna quēnose idirũamenama, ‘Tirũmũaye ĩna quēnorejũa quēnaja’ yirā”, yigotiaja mani gotise. To bajirone bajiaja mame oca yũ gotimasiose quēne. Jājarā tirũmũaye ocare ajirucubũosejarāma, mame oca yũ gotimasiosere ajiterāma, “Tirũmũaye ocajũa quēnaja” yirā —ĩnare yiyuju Jesús.

^b 5:27 Leví, jũa vāme, vāme cūtigũ ñañuju. Gaje vāme, Mateo vāme cūtiyuju. Leví, hebreo oca rāca, Mateo romano oca rāca yirũaro yaja.

6

Ususājariarūmu ñaboajaquēne, Jesús buerimasa trigo ajere tūnejuacōari ña bare queti

(Mt 12.1-8; Mr 2.23-28)

¹ Ususājariarūmu ti ejaro, trigo oteriavese cūtove vasujarā, Jesúrāca. To bajivanane, trigo ricare tūnejuacōari, ña āmorine ti gasere sīguēreacōari, bayujarā ña. ² Tire ña basere ñacōari, sīgūri fariseo masa ado bajiro ñnare yiyujarā:

—Ususājariarūmu yire mere yaja mūa —ñnare yiyujarā.

³ To bajiro ña yisere ajicōari, ado bajiro ñnare cūdiyuju Jesús:

—¿David ñamasir'i, ñ babarā rāca ñnoriacōari, ñnare ñ ūmato bamasirere masibeati mūa? ⁴ Ñnoriarā ñari, “Mani rāca ñagūmi Dios” masa ña yirivijure sājacōari, Diore ñre rūcūbuorā pan gājerā ña cūboarerene juacōari, ñ babarā rāca bamasiñuju ñ. To bajiri Moisés ñamasir'i ñ gotimasirema, “Paia rīne baruarāma” ñ yimasiboarerene bamasiñujarā ña. To bajiro ña yiboajaquēne, ti vaja rojose ñnare yibetimasīñumi Dios. ⁵ Yū, Dios ñ roticōacacū, “Ususājariarūmure ado bajiro mūa yijama, quēnaja. To bajirojūa mūa yijama, quēnabeaja”, yirotiḡū ñaja yū —ñnare yicūdiyuju Jesús, fariseo masare.

Āmo ñujobecūre Jesús ñ ñujorotire queti

(Mt 12.9-14; Mr 3.1-6)

⁶ Gaje semana gaja, ususājariarūmu ti ejaro, Dios ocare ña buerivijū tudivasuju Jesús quēna. Sājacōari, toanare gotimasioñuju. Ti vijū ñañuju sīgū, riojojacatūa āmo ñujobecū.

⁷ Dios ñ rotimasire gotimasiorimasa, to yicōari, fariseo masa quēne ñañujarā. “Jesús, rojose yimi’ ʻjarāre ñre yigotiyirorāsa” yirā, Jesúre ñre ñacodeyujarā ña. “Adirūmū ususājariarūmure āni āmo ñujobecūre ñ masise rāca ñ ñujorotijama, ‘Dios, Moisére ñ roticūmasirere cūdibecū yimi’ yigotiruarāja mani”, yitūoñañujarā. ⁸ To bajiro ña yitūoñasere ñamasicōañuju Jesús. To bajigū ñari, ado bajiro yiyuju, āmo ñujobecūjūare:

—Vūmūrūḡūña —ñre yiyuju.

To ñ yirone, vūmūrūḡūñuju ñ.

⁹ To bajiro ñre yicōari, Dios ñ rotimasire gotimasiorimasare, to yicōari, fariseo masare quēne ado bajiro ñnare sēniñañuju Jesús:

—¿Ususājariarūmure quēne, no bojagū masare quēnaro mani yijama, quēnabetojari? ¿Disejūare yiroti ñati? ¿Quēnasejūare, rojosejūare yiroti ñati ti? ¿Rijaye cūtirāre catiorejūare yiroti ñatique? To yiterā, ¿ñnare sīacōaroti ñatique? —ñnare yiyuju Jesús.

¹⁰ ñ sēniñasere ña cūdisere ajirū, tocārācūre ñnare ñaboayuju. ña cūdibeto ñaboacū, ado bajiro ñre yiyuju, āmo ñujobecūjūare:

—Mū āmore ñujoya mū —ñre yiyuju Jesús.

To ñ yirone, ñ āmore ñ ñujorone, quēnaejacoasuju yuja. ¹¹ To bajiro ñre ñ yijare, Jesúre būto jūnisiniñujarā ña Dios ñ rotimasire gotimasiorimasa, to yicōari, fariseo masa quēne. “¿No bajiro yicōari, Jesúre sīarotirāti mani?”, gāmerā yīñagōñujarā ña.

Ī ocare goticudisūoronare Jesús ñ besere queti

(Mt 10.1-4; Mr 3.13-19)

¹² Cojorūmū buroju majasuju Jesús, Diore sēniḡūacū. Toju Diore sēni ñamicūtibusuo-coasuju ñ. ¹³ ñ sēni busuorirūmūre, ñ buerimasare jirēoñuju Jesús. To bajiri ñ tū ña ejarone, jūāāmo cōro, ḡūbo jūa jēnituarirācū ñarā ñnare beseyuju, ñ ocare goticudibosaronare.

¹⁴⁻¹⁵ Ado bajiro vāme cūtirā ñañujarā: Simón vāme cūtibor'i Pedro vāme cūtiḡū, ñ bedi, Andrés ñañujarā. Santiago, Juan, Felipe, Bartolomé, Mateo, Tomás ñañujarā. Alfeo macū, Santiago, to yicōari, Simón vāme cūtiḡū, celote yere tūoñaboar'i ñañuju.

¹⁶ Santiago macū, Judas vāme cūtiḡū ñañuju. Tusagū Judas Iscariote vāme cūtiyuju. ñ ñañuju Jesúre ñsirocar'i. To bajiri jūāāmo cōro, ḡūbo jūa jēnituarirācū ñañujarā Jesús ñ beseriarā.

Masa jājarāre gotimasioacōari, rijaye cūtirāre Jesús ñ catiove

(Mt 4.23-25)

¹⁷ Ì beseriaro bero, ìna rāca rojaejayuju ì, rujatūcurorijū. Tojū gājerā Jesús buerimasa ìre ñayuyujarā ìna. Judea sita ñarimacariana, gājerāma, Jerusalén macana ñañujarā. Gājerā moa riaga tuana, Tiro macana, to yicōari, Sidón macana quēne ñañujarā ìna. Ì gotimasiosere ajiruarā, to yicōari, ì catiosere bojarā, ìre ñayuyujarā ìna. ¹⁸ Ìna usurijure vātia sāñarā ñari, rojose tām̄orā quēne ñañujarā. Ìna usurijure sāñarāre vātiare bureayuju Jesús. ¹⁹ To yicōari, tocārācū rijaye cutirāre quēne catioyuju. To bajiro ì yisere ìacōari, masa jediro ìre moānar̄ayujarā, “Manire quēne catioato” yirā.

Variquēnaronare, to yicōari, rojose tām̄oronare Jesús ì gotimasiore queti

(Mt 5.1-12)

²⁰ Ìnare catiogajano, ì buerimasare ìacōari, ado bajiro ìnare gotiyuju ì:

—“Masimena ñari, m̄ ejarēmose buto bojaja yūa”, Diore ìre yisēnirūgūrāma, ì yarā ñarāma. To bajiri, rojose tām̄oobarine, Dios tujū variquēnaronā ñarāma.

²¹ Yucūrire Dios ì bojabetire yicōari, tuoīasūtiritiñarā quēne, variquēnaronā ñarāma, berojū ìna tuoīasūtiritisere Dios ìnare ì yirētobosaroti ti ñajare.

²² Dios ì roticōacacūre, yūre m̄ua ajitirūnuse s̄orine gājerā m̄uare ajatud'icōari, “Rojorā ñaama” m̄uare ìna yisocaboajaquēne, variquēnaruarāja m̄ua. ²³ To bajiro m̄uare ìna yiboajaquēne, buto variquēnaña m̄ua, “Berojū Dios tujū ejarā, quēnase b̄jaruarāja” yimasirā ñari. M̄ua rījoroana, Diore gotirētobosamasiriarāre quēne, rojose m̄uare ìna yirore bajirone ìnare quēne rojose yimasinujarā masa.

²⁴ Gājerāma, gajeyeūni jairo c̄ovariquēnarā ñari, Diore bojamena ñarāja m̄ua. Adigodojū variquēnarā ñaboarine, berojūma sūtiritiruarāja.

²⁵ Gājerāma, “Disēja yūare r̄yabeaja” yivariquēnarā ñari, Diore bojamena ñarāja m̄ua. Adigodojūre variquēnarā ñaboarine, berojūma variquēnabetiruarāja m̄ua.

Gājerāma, m̄ua rijato bero m̄ua bajiro tire tuoīamenane, adigodoayere tuoīacōari ajarāma, berojū, otiruarāja m̄ua.

²⁶ Masa, “Quēnaro yirā ñaama” m̄uare ìna yisere ajicōari, variquēnaboaja m̄ua. To bajirone bajimasinuju tirūm̄jū. “Diore gotirētobosarimasa ñaja yūa” yitomasiriarāre, “Quēnaro yirā ñama” ìnare yirūc̄ub̄omasiboayujarā m̄ua ñicua.

“Manire ìaterāre quēne mani ìamaijama, quēnaja”, Jesús ì yigotimasiore queti

(Mt 5.38-48; 7.12)

²⁷ Yūre ajitirūnūrāre ado bajise m̄uare rotiaja yū: M̄uare ìaterāre quēne ìamaiña. Ìnare ìamaicōari, quēnaro yiya. ²⁸ Rojose m̄uare yirāre quēne quēnaro ìna ñarotire, Diore ìnare sēnibosaya m̄ua. ²⁹ Cojojacatua, m̄ua vayujuare ì jajama, gajejacatūare quēne ìre jarotiya. Sīgū, m̄ua sudirore joeagarore ì veām̄ijama, jubeagarore quēne ìre veāsicōaña. ³⁰ No bojarā m̄ua gajeyeūnire ìna sēnijama, ìsiña. M̄ua gajeyeūnire juarudigūre, “Yūre tuoya”, ìre yibesa m̄ua. ³¹ Gājerā quēnaro m̄uare ìna yisere bojaja m̄ua. To bajiri quēnaro m̄uare ìna yisere bojarā ñari, quēnaro ìnare yiya m̄ua quēne.

³² M̄uare ìamairā rīne m̄ua ìamaijama, ¿“Quēnaro yaja m̄ua”, m̄uare yīagūjari Dios? Yībecūmi. Rojose yirā quēne, ìnare mairā rīrene ìnare ìamairūgūrāma ìna. ³³ Quēnaro m̄uare yirā rīrene quēnaro m̄ua yijama, ¿“Quēnaro yaja m̄ua”, m̄uare yīagūjari Dios? Yībecūmi. Rojose yirā quēne, quēnaro ìnare yirā rīrene quēnaro yirūgūrāma ìna.

³⁴ M̄uare tuomasirā rīrene no bojasere m̄ua vasoajama, ¿“Quēnaro yaja m̄ua”, m̄uare yīagūjari Dios? Yībecūmi. Rojose yirā, ìnare tuomasirā rīrene ìna sēnisere ìnare ìsirāma ìna quēne. ³⁵ To bajiri ado bajiro m̄uare gotiaja yū: M̄uare rojose yirāre quēne, ìnare maiña m̄ua. Ìnare quēne quēnaro yiya. “Mani ìsisere manire tuoarāma” yituoīamenane, ìnare ìsiña. To bajiro ìnare m̄ua yijama, quēnamasusere m̄uare t̄jorucūmi Dios. “Quēnaro yaja m̄u” Diore yimenarene, to yicōari, rojose yirāre Dios ì mairore bajirone

^c 6:30 “Ado bajiro gotigū yiyuju Jesús”, yicama Dios ocare gotirētoburimasa: “Mani vayujuare jagure, to yicōari, gajeyeūni manire ēmagūre, to yicōari, gājerāre no bojase rojose manire yirāre Jesús ì yijama, ‘Ìnare gāmebeticōari, quēnasejūare yiroti ñaja’ yigū yiyuju”, yicama ìna.

mua maijama, “Dios r̄ia ñaja yua” yīorā yirāja mua. ³⁶ Mani jacu Dios ī ñamairore bajirone mua quēne, masare ñamaiña —ī buerimasare yigotiyuju Jesús.

“*Rojose yirā ñaama. Ti suor̄i rojose tām̄uoruarāma*’ yiruarā, ñare ñabesebesa”, Jesús ī yigotimasiore queti

(Mt 7.1-5)

³⁷ Quēna ado bajiro gotiyuju Jesús:

—“Rojose yirā, ñaama. To bajiro yirā ñari, rojose tām̄uoruarāma”, gājerāre ñare yīabesebesa. To bajiro mua yijama, “Rojose yirā ñaama”, m̄are yīaromi Dios. Gājerā rojose m̄are ña yisere mua masiriojama, rojose mua yisere m̄are masirioruc̄mi Dios quēne. ³⁸ No bojase ña cuobetijama, ñare īsiña. To bajiro mua yijama, ñare mua īsirere ñacō̄acō̄ari, mua īsise rēto busaro m̄are īsiruc̄mi Dios —īre ajitir̄unurāre yigotiyuju Jesús.

³⁹ To yigune, adi gotimasiore quetire ñare gotiyuju:

—Sīgū ñabecu, gāji ñabecure ī tūavajama, gojeju reas̄cō̄anama, ña juarājune.

⁴⁰ Gajeyerema, ñare buegu rēto busaro masirā me ñaama ī buerā. To bajiboarine quēnaro ña buejeocō̄ajama, ñare buerimasare bajirone masirāma ña quēne.

⁴¹⁻⁴² Gajeyerema, ado bajiro yirāre bajiro yaja mua: Gāji buto rojose ī yibetiboajaquēne, “M̄ cajeare s̄jur̄iroaca s̄ñaja. Tij̄uacare āmirocatō” yirāre bajiro yaja mua. Tire buto ñatir̄unurā ñaboarine, mua cajeajure jairis̄ujuro s̄ñar̄ijaure tijaure “Āmirocaya”, yimasibeaja mua, “Buto rojorā ñaja yua” yit̄ōīamasimena ñari. Mua r̄acagu ī yisejuare ñacō̄ari, “Riojo t̄ōīabeaja m̄. ‘Quēnasejure t̄ōīavasoaya’ yirā, riojo m̄re gotiruarāja” yigotirā ñaboarine, “Adi ñaja quēnase. Tij̄ua ñaja rojose”, yimasimenaja, ī rētoro rojose yirā ñari. “Quēnaro yirā ñaja yua” yit̄ōīaboarine, rojorā ñaja mua. “Buto rojorā ñaja yua” mua yit̄ōīamasiro beroju, mua r̄acagure ejarēmomasirāja mua, “Quēnaro riojo ñato ī” yirā —ī buerāre ñare yigotimasioñuju Jesús.

“*Ti rica cutise suor̄ine yuc̄re ñamasajaja mani*”, Jesús ī yigotimasiore queti

(Mt 7.17-20; 12.34-35)

⁴³ —Gajeyerema, yuc̄ v̄anur̄icu, “Quēnase rica cutir̄icu ñaja” mani yiboaricune, quēnabeti rica cutibetoja. To yicō̄ari, v̄anubeti, “Quēnabeti rica cutir̄icu ñaja” mani yiboaricune, quēnase rica cutibetoja. ⁴⁴ Ti rica cutise suor̄ine yuc̄re ñamasajaja mani. Quēnase bare higos v̄ame cutīu ricare juaroana, v̄atijota yuc̄rījure macamenaja mani. To yicō̄ari, uye juaroana, vidiroju ñar̄icu savajotājure macamenaja mani. ⁴⁵ To bajirone bajijaja masare quēne. Sīgūri quēnase t̄ōīarā ñari, quēnase yirāma. Gājerā, rojose t̄ōīarā ñari, rojose yirāma. To bajiro bajijaja mua ñagōse quēne. Masa ña ñagōsere ajicō̄ari, “Rojose t̄ōīarā ñaama. Quēnase t̄ōīarā ñaama”, yimasajaja mua. To bajiri ña us̄riju ña t̄ōīab̄juoñaserene, ña riser̄iju ñagōbur̄ugūama ña —ñare yigotiyuju Jesús.

“*Quēnaro ñare ajitir̄unurā, to yicō̄ari, ñare ajiboarine, ñare cudimenama, ado bajiro bajirāma*”, Jesús ī yigotimasiore queti

(Mt 7.24-27)

⁴⁶ Quēna ado bajiro ñare yiyuju Jesús:

—¿No yirā yu rotisere cudibetiboarine, “Yua uju” yure yati mua? ⁴⁷ Yu gotimasiosere ajicō̄ari, yu rotirore bajiro yiguma, ado bajiro yigu ūgure bajiro bajigu ñagūmi: ⁴⁸ Ī ūgū ñagūmi gūtaj̄ij̄u gojeri coajocō̄ari, botari r̄ugōcō̄ari, vi buagure bajiro bajigu. Vi ī buaro bero, buto oco quediroya. To bajicō̄ari, riaga jaicoatoja. Ti vij̄u ti jaiejacoaboajaquēne, juriaquedibetoja ti vi. ⁴⁹ Yure ajiboarine, yu rotirore bajiro yibec̄j̄ua ñagūmi sita vajaroju vi buagure bajiro bajigu. Ti vi ī buaro bero, buto oco quediroya. To bajicō̄ari, riaga jaicoatoja. Ti vij̄ure ti jaiejarone, yoaro mene juriaquedicoatoja —ñare yigotiyuju Jesús.

7

Surara ɥjɥre moabosarimasɥre Jesús ĩ catiore queti
(Mt 8.5-13)

¹ Gotimasiore queti ĩnare gotigajanocōari, Capernaum vāme cɥti macajɥ vasuju Jesús.
² Ti macajɥre ñañuju romano masɥ. Surara ɥjɥ ñañuju ĩ. ĩre moabosarimasɥ, ĩ maigũ, bɥto rijayuju. Bajirocacɥju yiyuju ĩ. ³ To bajiri ti macajɥ Jesús ĩ vadire ajicōari, “ĩre catiogɥ vadiato Jesús” yigɥ, jud'io masa bɥcɥrāre ĩnare cōañuju ĩ, “ĩre jiaya” yigɥ. ⁴ To bajiri Jesús tɥjɥ ejacōari, ado bajiro ĩre yisēniñujarã ĩna:

—Yɥa tɥagɥ, romano masɥ, surara ɥjɥ, ĩ queti cōarã bajijaɥ yɥa. “Vadiato Jesús. Yɥ maigũ, yɥre moabosagɥ, bɥto rijaami. To bajiri rijacɥ yami. ĩre catiogɥ vadiato” ĩ yijare, bajibɥ yɥa. ⁵ Mani yarã, jud'io masare maiami. To bajiri ĩne Dios ocare yɥa buerotivire bɥaroticami. To yigɥ ĩ ñajare, ĩre sēnibosarã bajibɥ yɥa. ¿ĩre moabosagɥre catiogɥ varɥabeati mɥ? —Jesúre yisēniñujarã ĩna.

⁶ To bajiro ĩna yijare, ĩna rāca vacoasuju Jesús. ĩ cōñatone, gājerã ɥjɥ ĩ cōariarã ĩre bocayujarã ĩna. ĩre bocacōari, ado bajise ĩre queti gotiyujarã ĩna:

—“Yɥ ɥjɥ, quēnagũ ñaja mɥ”, mɥre yami romano masɥ. “Yɥma, rojose yɥ yisere tɥoĩabojonegũ ñari, yɥ ya vire ĩre sājaretimasibecɥja yɥ. ⁷ To bajiri, ĩre boca bojoneaja yɥ”, mɥre yami. No yigɥ sājabecɥja mɥ. “Sājabetiboarine, ĩ ñagōtɥoĩasene catiomasicōagũmi”, mɥre yami. ⁸ “Gājerã surara ɥjarã beroagɥ ñaja yɥ. To bajiri, yɥ quēne, gājerã surarare rotigɥ ñaja yɥ. Sīgũre, ‘¡Vasa!’ yɥ yijama, vajami. Gājire, ‘Vayá’ yɥ yijama, vadiami. To yicōari, yɥre moabosarimasɥre, ‘Tire yiya’ yɥ yijama, yirũgũami. To bajiri, ĩ roque rotigɥ masu ñari, adojɥ sājadibetiboarine, ĩ ñagōtɥoĩasene caticoarɥcɥmi”, mɥre yami —Jesúre yiyujarã ĩna, romano masɥ ĩ gotirotirã.

⁹ To bajiro ĩ yirere ajicōari, no yimasibesuju Jesús. To bajiri, judarũgũcōari, jājarã ĩre sɥyarãre ado bajiro ĩnare gotiyuju:

—Riojo mɥare gotiaɥa yɥ. Israel ñamasir'i jānerabatia yɥ yarã ñaboarine, “Masigũ, to yicōari, quēnagũ ñari, yɥre yirēmorɥcɥmi” romano masɥ yɥre ĩ yitɥoĩarore bajiro tɥoĩagũre ĩabetirũgũaja yɥ —ĩnare yigotiyuju Jesús.

¹⁰ To bajiro ĩ yiro bero, romano masɥ ĩ gotirotiriarã, vijɥre sājacōari, ĩna ĩajama, ĩre moabosagɥre catiquēnagũ ñagũre ĩre ĩañujarã ĩna.

Bajirocar'ire Jesús ĩ catiore queti

¹¹ To ĩ yiriario bero, gaje macajɥ vasuju Jesús, Na'in vāme cɥti macajɥ. ĩ buerã quēne gājerã quēne, jājarã masa ĩ rāca vasujarã ĩna. ¹² Ti macajɥ ĩna ejaro, bajirocar'i rujɥrere gajavayujarã ĩna, ĩre yujeroana. Jājarã masa ĩna rāca vayujarã ĩna. ĩ ñaboar'i jaco quēne, vayuju. Manajɥ rijaveorio ñañuju so. Sīgũne macɥ cɥtirio ñari, bɥto otiyuju. So oti vadone sore bocayuju Jesús. ¹³ Sore ĩamaicōari,

—To cōrone otitɥjaya mɥ —sore yiyuju ĩ.

¹⁴ To yicōari, so macɥ rujɥri ĩna gajarijotire ĩ moaĩaejarũgũrone, tujarũgũcōañujarã ĩna. ĩna tujarũgũrone,

—“Vũmɥrũjuña” mɥre yaja yɥ —ĩre yiyuju Jesús.

¹⁵ To ĩ yirone, vũmɥrũjuri, ñagōñuju ĩ yuja, bajirocar'i. To ĩ bajiro ĩacōari, ĩ jacore tũaĩsiñuju Jesús. ¹⁶ ĩre ĩ catiosere ĩacōari, gũiyujarã masa, ti ũnire ĩabetirũgũriarã ñari. To bajirã ñari,

—Diore gotirētobosarimasɥ ñamasugũ mani tɥjɥre ejaami yuja. ĩ yarã mani ñajare, manire ĩamaicōari, Jesús sɥorine manire ejarēmoami Dios —Diore yirũcɥbuo variquēnañujarã ĩna.

¹⁷ To bajiro Jesús ĩ yisere ajijedicōañujarã ĩna, Judea sitana. Ti sita sojɥana quēne, tire ajiyujarã ĩna.

Juan vāme cɥtigɥ, masare oco rāca bautizarimasɥ ĩ cōariarã, Jesúre ĩna sēniĩare queti
(Mt 11.2-19)

¹⁸ Jesús ĩ yĩnasere masijeocōañuju, Juan, ĩ buerimasa ĩna gotise ti ñajare. ¹⁹ Tire ĩre ĩna gotiro bero, jwarã ĩ buerãre sēniāroticōañuju Juan:

—Jesúre, “¿Mũne ñati, ‘Rotimũorũgõrũcũmi’ yigũ, Dios ĩ cõar'i, ‘Yũ bero ejarũcũmi’ Juan ĩ yigotimasiodacũ? ¿Gãjire yuroti ñatique maji?”, Jesúre yisēniāaaya —ĩnare yicōañuju Juan.

²⁰ To bajiro ĩ yicōariarã, Jesús tũ ejacõari, ado bajiro ĩre sēniāañujarã ĩna:

—Juan vãme cõtigũ, masare oco rãca bautizarimasũ buerã ñaja yũa. “ĩre sēniāaaya” ĩ yicõajare vabũ yũa. ¿Mũne ñati, “Rotimũorũgõrũcũmi” yigũ, Dios ĩ cõar'i, “Yũ bero ejarũcũmi” Juan ĩ yigotimasiodacũ? ¿Gãjire yuroti ñatique maji? —ĩre yisēniāañujarã ĩna.

²¹ To bajiro ĩna yisēniāarã ejarone, jãjarã rijaye cõtirãre catioõoñuju Jesús. Masa usũrijũ sãñarãre vãtiare quẽne bureaõoñuju. To yicõari, caje ĩamenare quẽne ĩnare ĩarotiõoñuju.

²² To bajiri, Juan ĩ cõariarã ĩna sēniāsere ajicõari, ado bajiro ĩnare cũdiyũju Jesús:

—Ado bajiro Juanre gotiba mũa: “Jesús ĩ masise rãca ĩ yijare, ĩabetiboariarã quẽne ĩama. Rujasagueri vaboariarã quẽne, quẽnaro vama. Gase boariarãre quẽne, ĩna cãmi yatibũ. Ajimena ñaboariarã quẽne, ajima. Bajireariarã quẽne, tudicatima. To yicõari, maioro bajirãre quẽne, Dios oca quẽnasere gotimasio ecoma ĩna”, yigotiba, Juan tũjũ ejacõari. ²³ To bajiri, “‘Quẽnase bũjarũarãma yũre ajitirũnrã, ‘Socũ me yami’, yũre yitũoĩarãma’ yimi”, ĩre yigotiaya —ĩnare yiyũju Jesús, Juan ĩ sēniārotiriarãre.

²⁴ To bajiro ĩ yisere ajicõari, ĩna vase rãcane, Juan vãme cõtigũ, masare oco rãca bautizarimasũ ĩ ñare quetire gotiyũju Jesús, jãjarã ĩre ajisũyarãre:

—Yucũ manojũ vana, ¿ñimũ ũgũre tũoĩa vacati mũa? ¿Masa ĩna bojasere bajiro yirũa tũoĩagũre ĩarã vacati mũa? “To bajiro tũoĩagũ me ñacami”, yimasijaja mũa.

²⁵ ¿Ñimũ ũgũre tũoĩarã vacati mũa? ¿Quẽnase sudi sãñagũre tũoĩa vacati? To bajiro me tũoĩariarãja mũa. “Quẽnase sudi sãñarãma, quẽnarivirijũ, ujarã ya virijũ ñarãma”, yimasijaja mani.

²⁶ ¿Ñimũ ũgũre tũoĩa vacati mũa? ¿Diore gotirẽtobosarimasure tũoĩa vacatique mũa? Riojo mũare gotijaja yũ. Gãjerã Diore gotirẽtobosarimasa rẽtoro ñagũre ĩariarãja mũa.

²⁷ Juan ĩ bajiro tire gotiro, ado bajise gotijaja Dios oca masa ĩna ucamasire: “‘Rotimũorũgõrũcũmi’ yigũ, mũre yũ cõaroto rĩjoro, mũre gotiyurocũre cõasũorũcũja yũ maji’ yami Dios. ‘ĩ ñarũcũmi ado bajise gotirocũ: ‘Yoaro mene ejarũcũmi, ‘Rotimũorũgõrũcũmi’ yigũ, Dios ĩ cõarocũ. To bajiri rojose Dios ĩ bojabetire yitũjacõari, ĩ bojasejũare yĩ yuya mũa’ yigotirocũ ñarũcũmi’ yami Dios”, yigotijaja Dios oca masa ĩna ucamasire.

²⁸ Diore gotirẽtobosarimasa ĩna gotimasire rẽtoro ñamasuse ñaja, Juan, Diore ĩ gotirẽtobosasejũa. To bajiro ti bajiboajaquẽne, Juan ĩ gotise rẽtoro ñamasuse ñaja yũ gotiroticõarã ĩna gotise. “Ujũ Dios yarã quẽnaro ĩ yirona mũa ñarũajama, Jesúre ajitirũnũña” ĩna yigotisere yaja yũ. Namasurã ñaama, “Ñamasurã me ñaama Jesús ĩ gotiroticõarã” mũa yĩaboajaquẽne —ĩ rãca ñarãre ĩnare yiyũju Jesús.

²⁹ Juan ĩ gotimasiorere ajitirũnũñujarã ĩna, ujure gãjoa sēnibosarimasa. Gãjerã quẽne, jãjarã ĩre ajitirũnũñujarã ĩna. “Mũ gotirore bajirone bajijaja. Rojose yirã ñaja yũa” yitũoĩacõari, Juanre bautizarotiyujarã ĩna, Diore rũcũbũorã. ³⁰ ĩna bautizarotiboajaquẽne, fariseo masa, Dios ĩ rotimasire gotimasiorimasa quẽne, Juan ĩ gotisere ajicõari, “Bajibeaja ti”, yitũoĩañujarã ĩnajuama. Dios ĩ bojasere yirũabesujarã. To bajiri Juanre bautizarotibesujarã ĩnama.

³¹ Quẽna ado bajiro ĩnare gotiyũju Jesús:

—Ado bajiro yirãre bajiro yirã ñarãja mũa, adirodoriana: ³² Daquerã, gãjerã rãca ajerũamenare bajiro yirã ñarãja. ĩna ajeritũcurojũ rujicõari, gãjerãjũare, ado bajiro ĩnare gotirujirãma: “‘Basavariquẽnato mani’ yirã, mũare jutibosaboabũ yũa. To bajiro yũa yiboajaquẽne, basabejũ mũa. To bajiri, ‘Rijariarãre bũcũrã ĩna oticatore bajiro sũtiriose boca otirũarãja mũa, yũa basañarone’ yiboabũ yũa. To yũa yiboajaquẽne, otibejũ mũa”, ĩnare yigotirãma, ĩna rãca ajerũamenare. ³³ ĩna rãca ajerũamenare bajiro yirã ñarãja mũa, adirodoriana. Juan, quẽnase bare babeti, quẽnase idire idibeti bajiñañuju ĩ. To

bajiro bajigu ĩ ñajare, “Vāti sãñagũ ñagũmi”, ĩre yituoĩacaju mũa, ĩre ajiterã ñari. ³⁴ ĩ bero gotimasiosuocaju yũ, Dios ĩ roticõacacu. Yũjuama, quẽnase bare ba, quẽnase idire idi bajiñaja yũ. To bajiro yigu yũ ñajare, “Jairo bagu ñaami. Idimecugũ ñaami. Ujũre gãjoa sãnibosarimasa, gãjerã rojose yirãre quẽne ĩnare baba cutiami”, yũre yĩajũnisiniaja mũa, yũre quẽne ajiterã ñari. ³⁵ To bajiro Juanre quẽne, yũre quẽne mũa yise ti ñaboajaquẽne, Dios ĩ masise rãca yũa yise ti ñajare, beroju, “Quẽnaro yirã yiboayuma”, yũre yimasiruarãja mũa —ĩ rãca ñarãre yiyuju Jesús.

Fariseo masu ya vijũ Jesús ĩ ñare queti

³⁶ Sĩgũ fariseo masu ñañuju ĩ, Simón vãme cutigu. “Bare bagu vaja”, Jesũre yiyuju ĩ. To bajiro ĩ yijare, ĩ tũju vasuju Jesús. Sãjaecõari, barujiyuju ĩ. ³⁷ Ti macaju rõmio ñañuju rojose yigo. To bajiri, Simón ya vijũ bare bagu Jesús ĩ ejasere ajicõari, gũta sotũ alabastro vãme cuti rãca veariarũ amiejayuju so. Sũtiquẽnase sãñaritũ ñañuju tirũ. ³⁸ Jesús gũbori veca ejarũgũcõari, otiyuju so. So otirone, so caje oco reajeoyuju ti, ĩ gũborire. To yicõari, so joa ñajone tire vejacaroyuju. Tire vejacarocõari, ĩ gũborire usuyuju. To yicõari, sũtiquẽnase so juadirere Jesús gũbori joere yuejeoyuju. ĩre rũcũbuogo yiyuju, to bajiro so yijama. ³⁹ To bajiro so yiro ĩacõari, ado bajiro tũoĩañuju Simón, Jesũre, “Bare baguaba” ĩre yir'ijũ: “Diore gotirẽtobosagu masu ĩ ñajama, iso rõmiore, ‘Rojose yigo ñaamo’ yĩamasicõari, sore moaĩarotibetibogũmi”, yitũoĩañuju ĩ. ⁴⁰ To bajiro Simón ĩ tũoĩasere masicõari, ado bajiro yiyuju Jesús:

—Gotimasiore queti mũre gotiguagu yaja yũ.

To ĩ yirone,

—Yũre gotiya —Jesũre ĩre yicũdiyuju ĩ.

⁴¹ To bajiro ĩ yicũdirone, ado bajiro ĩre gotiyuju Jesús:

—Ûmũa juarã ñarãma ĩna, gãjijũare gãjoa vasoariarã. Sĩgũ, juã cũma moaroto cõro vaja mogũmi ĩ. Gãjijũama, juarã muijua moaroto cõro vaja mogũmi. ⁴² Gãjoa tũoruaboarãma ĩna, bajirãjũma. To bajiri ĩna gãjoa mano ĩacõari, “Tone bajicõato. Yũre mũa vaja mosere mũare masiriocõaja yũ”, ĩnare yigũmi, ĩnare maigũ ñari. To bajiri, ado bajiro mũre sãnĩñaja yũ: Gãjoa vasoariarãre ĩnare ĩ masiriore ñajare, ¿nijũa buto ĩre maigũjari? —ĩre yisẽniñañuju Jesús.

⁴³ To bajiro ĩre ĩ yisẽniĩarone,

—Yũ tũoĩajama, jairo ĩre vaja mor'ijũa, buto ĩre maigũmi —ĩre yicũdiyuju Simón.

To ĩ yirone,

—Riojo yaja mũa —ĩre yiyuju Jesús.

⁴⁴ To yigoticõari, rõmiojũare sore ĩagũne ado bajiro Simónre yiyuju Jesús:

—¿Adiore ĩati mũa? Yũre jiboarine, mũa ya vi yũ ejaro, yũ gũborire yũ coerotire oco yũre ĩsibeju mũa. To bajiboarine adioma so caje oco rãca yũ gũborire coemo soma. To yicõari, so joa ñajone yũ gũborire vejacoecaromo so. ⁴⁵⁻⁴⁶ Yũre sãnigũne, ejarãre mani yarã ĩna yirũgũrore bajiro yũre usubeju mũa. To bajiro mũa bajiboajaquẽne, sãjaejagone yũ gũborire so usurojũne usutũjabeticõa ñaamo adioma, yũre rũcũbuogo. Mũa, yũ rũjoa joere yue sũtiquẽnase yũre yuejeobeju mũa. Yũre rũcũbuobecu ñari, bajibũ mũa. To mũa bajiboajaquẽne, sojuama, yue sũtiquẽnase jairo vaja cutisere yũ gũbori joere yuejeoamo so. ⁴⁷ To bajiri quẽnaro ajiya mũa. Buto yũre so maisere yĩomo so. Tire ĩacõari, ado bajiro sore yimasiaja mani: “‘Rojose yijaigo yũ ñaboajaquẽne, rojose yũ yisere yũre masiriogũmi Dios’ yitũoĩagõ ñaamo”, yimasiaja mani. To bajiboarine, “Diore maibetibusaja” yigũre ĩacõari, ado bajisejuã yimasiaja mani: “‘Buto rojose yibecu yũ ñajare, Dios mojoroaca yũre ĩ masiriojare, ĩre maibetibusacõaja’ yitũoĩagũ ñaami”, ĩre yimasiaja mani —Simónre yiyuju Jesús.

⁴⁸ To yicõari, rõmiore ado bajiro sore yiyuju Jesús:

—Rojose mũa yirũgũrere mũre masiriocõamũ yũ —sore yiyuju Jesús.

⁴⁹ To bajiro ĩ yirone,

—¿No yigũ to bajise yati i? To bajiro i ñagõjama, Diore rūcũbũobecũ yami. Dios sīgũne ñagũmi ti ũnire yimasigũma —yitũoĩañũjarã ñna, gãjerã “Baroaya” yigũ, Simón i jiriarãjua.

⁵⁰ To bajiro ñna yitũoĩajare, ado bajiro sore yiyuju Jesús:

—“Rojose yũ yirũgũsere yũre masiriocõañumi Dios” mũ yitũoĩase ñajare, rojose tãmũotũjabetiriarojũ mũ vaborotire mũre yirẽtobosabũ yũ. To bajiri, “Dios i ñajama, quẽnagõ ñaja yũ”, yitũoĩa variquẽna vasa mũ —sore yiyuju Jesús.

8

Jesúre, i buerimasare quẽne ñnare ejarẽmorũgũriarã rõmiri

¹ Tiju bero, cojo maca me ejacudiyuju Jesús, Dios oca quẽnasere masare gotimasioducud-igũ. “Uju Dios yarã quẽnaro i yirona mũa ñarũajama, rojose mũa yisere yitũjacõari, yũre ajitirũnũña”, ñnare yigotimasioducudiyuju. Ti macarijũre i rãca vasujarã ñna, i ocare goticudisũorona, juaãmo cõro, gũbo jua jẽnituarirãcũ ñarã. ² Rõmia quẽne, ñna usũrijũ sãñarãre vãtiare Jesús i bureariarã, to yicõari, rijaye cutiriarã i catoriarã quẽne ñabajiyujarã ñna, Jesúre sũyarã. Sīgõ, Mar'ia Magdalena vãme cutigo ñañuju so. Cojomo cõro gaje ãmo jua jẽnituarirãcũ so usũjũ sãñarãre vãtiare i bureario ñañuju so. ³ Gajeo, Juana, Cuza manajo, ñañuju so. Cuza, Herodes ya vijũ codegũ ñañuju i. Gajeo, Susana vãme cutigo ñañuju so. Gãjerã rõmia quẽne, jãjarã ñañujarã ñna, Jesúre sũyarã. Ñna cũosere Jesúre, i buerimasare quẽne ñnare isirũgũñũjarã ñna, ñnare ejarẽmorã.

Oterimasũ i bajirere Jesús i gotimasiore queti

(Mt 13.1-9; Mr 4.1-9)

⁴ Jesúre ajirã i tũjũ rẽjarũtuasujarã ñna, gajemacari ñarã quẽne. To ñna bajiro, ado bajise gotimasiore queti ñnare gotiyuju i:

⁵ —Sīgũ oterimasũ, vesejũ ote ajere otegũ vacũmi. Vese ejacõari, ote ajere i reabaterone, gajeye maajũ vẽjaquearoja. To bajiri tire cũdarãma masa, maa vana. To yicõari, minia ejacõari, tire bareacõarãma ñna. ⁶ Gajeyema, gũta joeju reajeoroja. To bajicõari, judiboarine, oco manijare, sñireacoatoja ti. ⁷ Gajeyema, jotayucã vatoajũ vẽjaquearoja. To bajicõari, ti judiboajaquẽne, jotajũa bũcũaveocoatoja ti. ⁸ Gajeyema, sita quẽnarojũ vẽjaquearoja. To baji, judibũcũacõari, quẽnase ñacõari, jairo rica cutiroja. Cojotõ cien ñaricari rica cutiejoroja —ñnare yigotiyuju Jesús.

To yigajanocõari,

—Tire mũa ajimasirũajama, quẽnaro tũoĩaña mũa —ñnare yiyuju Jesús.

“Ado bajiro yirũaro yaja oterimasũ i bajire queti”, Jesús i yigotirẽtobure queti

(Mt 13.10-23; Mr 4.10-20)

⁹ Tiju bero, ado bajiro Jesúre sẽniñañujarã i buerimasa:

—Oterimasũ i bajire queti mũ gotimasiose, ¿no yire ũni ñati ti? —ĩre yisẽniñañujarã ñna.

¹⁰ To bajiro ñna yisẽniñajare, ado bajiro ñnare cũdiyuju i:

—“Uju Dios yarã quẽnaro i yirona yũ ñarũajama, ado bajiro yiroti ñaja” ñna yimasibeticatire Dios i masise rãca ajimasiaja mũama. To bajiboarine, gãjerãjũama, yũ yĩosere ñarã ñaboarine, to yicõari, yũ gotisere ajirã ñaboarine, “To bajiro manire yigotigũ yami”, yimasimenama.

¹¹ “Ado bajiro yirũaro yaja” oterimasũ i bajire quetire yũ gotise: Ote ajere yũ yijama, Dios ocare yigũ yibũ yũ. ¹² Ote aje, maajũ vẽjaquearere yũ yijama, “Uju Dios yarã quẽnaro i yirona ñna ñarũajama, ado bajiro yiroti ñaja” yũ yigotimasiosere quẽnaro ajimasimenare yigũ yibũ yũ. Minia, ejacõari, ote ajere ñna basere yũ yijama, vãtia uju ejacõari, Dios ocare ñna ajimasiboasere guaro i masiriosere yigũ yibũ yũ. To bajiro yami vãtia uju, “Dios ocare ajitirũnũcõari, quẽnaro yirẽto ecoroma ñna” yigũ. ¹³ Gũta joeju vẽjaqueacõari, guaro judibũcũaboarere yũ yijama, yũ yere ajicõari, quẽnaro variquẽnase rãca ajirã ñaboarine, yoaro mene tire ñna quejerotire yigũ yibũ. Sñirearere yũ yijama, yũ yere ajirã ñaboarine, rojose ñna tãmũojama, yoaro mene yũ ocare ñna ajitũjarotire

yigū yibū. ¹⁴ Jotayucú vatoajū vējaqueacōari, judiboarere jotayucúja ti bucuaveorere yū yijama, yū gotisere ajirā űaboarine, tuoġarejairā, to yicōari, gajeyeūni bojatuoġarā űari, yū yejuare ĩna tuoġatujarotire yigū yibū. To bajiro bajirā, yū yere ajisuoararine, yū bojarore bajiro yimenama ĩna. ¹⁵ Sita quēnaroju vējaqueare judibucucacōari, quēnase rica cutirere yū yijama, yū yere ajimasicōari, Dios ĩ bojarore bajiro quēnaro yirāre yigū yibū —ĩnare yigotiyuju Jesús.

Sġabusuariare tuoġacōari, Jesús ĩ gotimasiore queti
(Mr 4.21-25)

¹⁶ Quēna gaje queti ado bajiro ĩnare gotiyuju Jesús:

—Sġabusuariare jġocōari, sotūne tiare mubūamenaja mani. Tiare jġocōari, “űajediro ti vianare űjubusuoato” yirā, vecajū jeorāja mani. Tire bajiro bajiaja yū gotimasiose. “Ajimasibeticōato masa” yigū me, to bajise ĩnare gotiaja yū. “Quēnaro riojo ajimasiato ĩna” yigū, gotirūgūaja. ¹⁷ Dios suorine masa ĩna ajimasibeticati jediro, quēnaro ajimasiruarāma.

¹⁸ No bojagu Diore ajitirūnugūre, “Quēnarobusa ajimasiato” yigū, ĩ masisere cōarucumi Dios. Gājirema, ĩre ajigū űaboarine, ĩre ĩ ajitirūnubetijare, ĩ ajimasiboasere masiriojeocōarucumi ĩ. To bajiri ĩre masibetimasucōarucumi ĩ. To bajiro ti bajijare, mūare yū gotisere quēnaro mūa ajimasirujama, Dios ĩ bojarore bajiro quēnaro yimūorūgōña mūa —ĩ buerimasare yigotiyuju Jesús.

“Yū yarāma, ado bajiro bajirāja űaama”, Jesús ĩ yire queti
(Mt 12.46-50; Mr 3.31-35)

¹⁹ Jesús, masare ĩ gotmasio űarone, ĩ jaco, ĩ bederā rāca ĩre ĩarā ejaboayujarā ĩna. To bajiboarine jājarā masa ĩna űajare, ĩ tujū ejamasibesujarā. ²⁰ ĩ tū ĩna ejamasibetijare, sigū, ado bajiro Jesúre ĩre yiyuju:

—Mū jaco, mū bederā quēne macajūju ejama, mū rāca űagōruarā —Jesúre ĩre yigotiyuju.

²¹ To bajiro ĩ yigotisere ajicōari, ĩre ajiűnarājuare ado bajiro ĩnare yiyuju Jesús:

—No bojarā Dios ocare ajicōari, ĩ rotirore bajiro yirā űarāma yū bederāre bajiro bajirā, yū jacore bajiro bajirā —ĩnare yiyuju Jesús.

Mino vatone, oco sabesere Jesús ĩ tujore queti
(Mt 8.23-27; Mr 4.35-41)

²² Cojorūmū Jesús ĩ buerā rāca cūmuajū vasājacōari,

—Gajejacatūajū jġajaro mani —ĩnare yiyuju Jesús.

²³ ĩna jġatone, buoto mino vasuju. To bajicōari, buoto sabeyuju. Ti saberone, cūmua sagueca yiro, oco sājacōari, rujacoarūayuju. To ti bajiboajaquēne, cānigū yiyuju Jesús.

²⁴ ĩ cāniro ĩacōari, ĩre yujioyujarā ĩna:

—Yūa űju, űrujareana yaja mani! —ĩre yiyujarā ĩna.

To bajiro ĩna yijare,

—ĶMino tujaya! ĶSabese quēne tujaya mūa! —yiyuju Jesús.

To ĩ yirone, tujacoasuju mino. Sabese quēne sabebesuju yuja. ²⁵ To yicōari,

—“Rojose mani tāmūoboajaquēne, manire yirġetobosarucumi”, yure yituoġarā me űaja mūa —ĩnare yiyuju Jesús.

To bajiro ĩ yisere ĩacōari, no yimasibesujarā ĩ buerimasa.

—Ķűimū űgū masū űati āni? Minore, to yicōari, sabesere ĩ tujarotijama, ĩre ajiaja —gāmerā yiyujarā ĩna, ĩre gūirā.

Gerasa vāme cuti maca tuagure ĩ usuju sāűarāre vātiare Jesús ĩ bureare queti
(Mt 8.28-34; Mr 5.1-20)

²⁶ Ŭtabucura gajejacatūajū Gerasa vāme cuti maca tujū ejayujarā. ²⁷ Toju ejacōari, Jesús ĩ majatone, sigū űmū, ti macajū űaboar'i, ĩre bocayuju ĩ. Sudi magūne, yoaro masa rijariarāre ĩna yujereariavijū űarūgūűuju ĩ. Vātia sāűagū űaűuju. ²⁸⁻²⁹ To bajigū űari, cojogi me ĩ masu ĩ bojasere yimasibeticōari, vātia ĩna bojasejuare yirūgūűuju ĩ. To

bajiro bajigu ĩ ñajare, cõmemane ĩre siaboayujarã ĩna. ĩre ĩna siaboajaquẽne, tũasure reacõarũgũñuju ĩ. To yicõari, yucã manojũ varũgũñuju, ĩre sãñarã vãtia to bajiro ĩre ĩna varotijare. To bajiri Jesũre ĩ bocarone,

—Ãni masũ usũju sãñarã, budiya mua —vãtiare ĩnare yiyuju Jesũs.

To ĩ yirone, masũjua, vãtia suõrine avasãcõari, Jesũs rĩjorojua gũsomuniari tuetuyuju. To ĩ bajirone, vãtiajua, masũ usũju sãñacõari, ado bajiro Jesũre sãniãaavasãñujarã:

—Jesũs, masirẽtogũ, Dios macũ ñaja mũ. ¿No yigu yua tũ vadiati mũ? “Yũare gõjanabiobesa”, mũre yisẽniaja yua. “Rojose mua yise vaja, rojose mũare yibeaja yũ”, yũare yiya —Jesũre yisẽniñujarã.

³⁰ To ĩna yirone, ado bajiro vãtia sãñagũre sãniãañuju Jesũs:

—¿Ñimũ vãme cutiati mũ? —ĩre yiyuju.

³¹ To ĩ yisere ajicõari, ado bajiro ĩre cũdiyuju vãtiajua:

—Legiõn vãme cutiaja yua —ĩre yiyujarã. Jãjarã ĩ usũjũre sãñarã ñari, to bajiro ĩre yicũdiyujarã vãtia. To yicõari, bũto Jesũre sãniñujarã:

—Tũsabetigoje tubibe ecocõari, josari tãmuõriarõjũ yũare cõabesa mũ —Jesũre ĩre yisẽniñujarã.

³² Burojũ jãjarã ecariarã yesea macabañañujarã. ĩnare ĩacõari, ado bajiro Jesũre sãniñujarã vãtiajua:

—Yũare mũ bureajama, õa yeseajũare yũare sãjarotiya —ĩre yiyujarã ĩna.

To bajiro ĩre ĩna yijare,

—Mũare varotiaja yũ —vãtiare ĩnare yiyuju Jesũs.

³³ To ĩ yirone, masũ usũjũre sãñaboariarã budicoasujarã yuja, yeseajũare sãjaroana. ĩna sãjarone, buro õmarõja vacõari, utabũcũrajũ rearoderujacõa tũjasujarã.

³⁴ Yeseare coderimasa, to bajiro ĩna bajisere ĩacõari, õmacoasujarã, ĩna ya macajũ vana. Tojũ ejacõari, ti macanare, to yicõari, ti maca tũ ñarimacarianare quẽne, tire gotibatoyujarã. ³⁵ To bajiro ĩna yigotisere ajicõari, Jesũre ĩarã vasujarã ĩna, ti macana. ĩ tũjũ ejacõari, vãtia sãñaboar'ire ĩañujarã ĩna. Sudi sãñacõari, Jesũs tũ rujiyuju. ĩna bajirore bajiro bajigu ñañuju ĩ yuja. Vãtia ĩna sãñajama, tũõamasibecũ ñañuju maji. Quẽnaro tũõagũ ñañuju yuja. To ĩ bajisere ĩacõari, Jesũre bũto gũiyujarã ĩna.

³⁶ Vãtia sãñaboar'i ĩ bajisere ĩariarã, gãjerãre gotiyujarã. ³⁷ To bajiri, Gerasa vãme cuti macana to sojũa vadiriarã quẽne, Jesũre bũto gũirã ñari,

—Vacoasa. Ado mũ ñasere bojabeaja —ĩre yiyujarã ĩna.

To ĩna yijare, tudiacũ, cũmuajũ vasãjañuju Jesũs. ³⁸ To ĩ bajirone, ado bajiro ĩre yiboayuju vãtia sãñaboar'i:

—Mũ rãca bũto varũaja yũ quẽne —ĩre yiboayuju. To bajiro ĩ yiboajaquẽne, ado bajiro ĩre cũdiyuju Jesũs:

³⁹ —Yũ rãca vadibesa. Mũ ya vijũ tudiasa. “Dios ĩ masise rãca yũ usũju sãñarãre vãtiare bureami Jesũs”, mũ yarãre ĩnare yigotiba —ĩre yicũdiyuju Jesũs, vãtia sãñaboar'ire.

To bajiro ĩ yijare, ĩ yarã tũjũ tudicoasuju ĩ. Tudiejacõari, ĩ ya maca ñarã jedirore, ti quetire goticudyuju.

Jairo macore Jesũs ĩ catiore queti

(Mt 9.18-26; Mr 5.21-43)

⁴⁰ Jesũs tudijẽacoasuju quẽna, gãjẽacatũajũ. Tojũ ĩ ejarõtire yucõa ñañujarã ĩna, masa. To bajiri ĩ jẽaeja majatone bũto variquẽnase rãca ĩre sãniñujarã ĩna. ⁴¹⁻⁴² To ĩna bajirone, Dios ocare ĩna buerivi mũ quẽne ejayuju, Jairo vãme cutigu. Jesũre ĩacõari, ĩ rĩjorojua gũsomuniari tuetuyuju, ĩre rũcũbuõgu. To yicõari, ado bajiro Jesũre ĩre sãniñuju:

—Yũ maco sigõne ñagõ, juaãmo cõro, gũbo jua jẽnituari cũmari tũsaco ñaamo so. Bajirocaco yimo. So tũ ejacõari, sore mũ moãajama, caticoarũocomo —Jesũre ĩre yisẽniñuju.

To bajiro Jairo ĩ yisere ajicõari, ĩre sũyasuju Jesũs. Jãjarã masa ĩre sũyacõari, no bajiro yi vamasĩna manõjũ vasujarã ĩna. ⁴³ To bajiro ĩna bajivatoajũre sigõ gãmorõmi cutigo ñañuju so. Juaãmo cõro, gũbo jua jẽnituari cũmari rijañañuju. Uco yirimasa,

sore ñna uco yire vaja, vaja yigo, gãjoa so cuoboarere ñnare ñsijeocõañuju. To bajiro ñnare so yiboajaquẽne, quẽnaejabesuju so. To bajiri gãjerãre Jesús ñ catiore quetire ajirio ñari, jãjarã masa vatoaju Jesúsre sũyasuju so. ⁴⁴ ñ sũyarojua ejarũgũcõari, ñ sudiro gajare moaiañuju. So moaiañirĩmarone, sore quẽnaejacoasuju yuja. ⁴⁵ So moaiañone, ado bajiro masare sãniãañuju ñ:

—¿Ñimũ yũ sudirore moaiañari? —ñnare yisãniãañuju.

—Mũre moaiaña maja —ñre ñna yicãdijedicõajare, ñ buerimasũ, Pedro vãme cutigu, ado bajiro Jesúsre yiyuju ñ:

—¿No yigũ “¿Ñimũ yũre moaiañari?”, yati mũ? Mũ tũjũ jãjarã ñaja yua, mũre moaiañã —ñre yiyuju Pedro.

⁴⁶ To ñ yiboajaquẽne,

—Sĩgõ rõmio, “Quẽnaejagosa” yigo, yũre moaiaño so. Yũre moaiañõne, “Yũ masise sũorine quẽnaejacoajamo”, yimasicõamũ yũ —ñnare yiyuju Jesús. ⁴⁷ To bajiro ñ yijare, “Jẽre ñre yũ moaiañere masicõami” yigo ñari, nanagõne, Jesús rĩjorojua ejacõari, gũso-muniari tuetuyuju so. To yicõari, ñajediro so bajirere Jesúsre gotiyuju. ⁴⁸ To so yirone, ado bajiro sore cudiyuju Jesús:

—Yũ maigõ, “Ñ sudiro gajare yũ moaiañama, quẽnaejacoarũocoja yũ” mũ yitũoĩase ñajare, “Quẽnaejato”, mũre yibũ yũ. To bajiri, “To bajiro yũre yimi”, yitũoĩa variquẽna vasa mũ —sore yiyuju Jesús.

⁴⁹ To bajiro sore ñ yĩñarone, Dios ocare ñna buerivi mũjũ Jairo vãme cutigu ya viagu ejayuju. Ejacõari, ado bajiro Jairore gotiyuju:

—Mũ maco bajirocacoamo. No yigũ mũ ya vijũ gotimasiorimasũ ñ vasere bojabecũja mũ yuja —Jairore yiyuju ñ.

⁵⁰ To ñ yisere ajicõari, ado bajiro Jairore gotiyuju Jesús:

—Tũoĩasutiritibesa mũ. Yũ masisejuare tũoĩacõa ñaña. Mũ tũoĩacõa ñajama, tudicati-coarũocomo so —ñre yiyuju Jesús.

⁵¹⁻⁵³ To yi vanane, ejayujarã Jairo ya vijũre. Tojũ ejana ñna ñajama, ñ maco so bajirocacoajare, bũto otiñañujarã ñna, ti vi ejariarã. To bajiro ñna yĩñajare, ado bajiro ñnare yiyuju Jesús:

—Otibesa mũ. “Bajirocacoajamo” mũ yiboago, cãnigõ yamo —ñnare yiyuju Jesús.

To ñ yijare, ñre ajayujarã ñna, “Bajirocacoamo” yimasirã ñari. To yicõari, bajirocario so jesari sõajare ñnare jãjarotibesuju Jesús. Pedro, Santiago, Juan, to yicõari bajirocario jacũare quẽne tocãrãcũne ñnare jãjarotiyuju Jesús. ⁵⁴ Jãjaejacõari, bajirocario ñmore ñiagũne, ado bajiro sore yiyuju Jesús:

—Daquẽgo, vũmũrũgũña —sore yiyuju.

⁵⁵ To ñ yirone, bajirocario cativũmũrũgũcõañuju so yuja. To so bajisere ñacõari,

—Bare sore ecaya mũ —ñnare yiyuju Jesús.

⁵⁶ So tudicatisere ñacõari, no yimasibesujarã so jacũa, ti ñnare ñabetirũgũriarã ñari. To bajiro ñna bajisere ñacõari, ñna macore ñ catiosere gotirotibesuju Jesús.

9

Ñ ocare goticudisũ oronare Jesús ñ cõare queti

(Mt 10.5-15; Mr 6.7-13)

¹ Cojorũmũ, juaãmo cõro, gũbo jua jẽnituarirãcũ ñarãre ñ buerimasare jirẽoñuju Jesús. ñnare jirẽocõari, masa usũrijũ sãñarãre vãtiare ñna bureamasirotire, to yicõari, rijaye cutirãre ñna catiomasirotire ñnare mũjoyuju ñ. ² To bajiro yicõari, ñnare ñ cõaroto rĩjoro ado bajiro ñnare yiyuju:

—“Mũjũ Dios yarã quẽnaro ñ yirona mũ ñarũajama, rojose mũ yisere yitũjacõari, Jesúsre ajitirũnuña”, yigotimasiodirona ñaja mũ. To bajicõari, rijaye cutirãre catorona ñaja —ñnare yirotyuju Jesús. ³ To yicõari, quẽna ado bajiro ñnare yiyuju Jesús:

—No bojase mũ cuose juaábeja. Tueriyucãri, mũ bare sãriaõari, to yicõari, gãjoare quẽne juaábeja. Gajeye sudi juaámenane, mũ sãñasene sãñacõari, vaja.

⁴ Tocārāca macare m̄a ejajama, m̄a ejas̄orivine cānima. Ti vine ñacōari, ȳ ocare goticudiruarāja m̄a maji, gajeroj̄u m̄a varoto r̄joro. ⁵ M̄a ejarimacana, quēnaro m̄are ña bocaāmibetijama, to yicōari m̄a gotisere ña ajir̄uabetijajuēne, ti macaj̄ure ñabeja. M̄are ña ajir̄uabetijare, m̄a ḡubo sud̄i tuyasere sitare varerea, vacoaja. To bajiro m̄a yijama, “Quēnaro ȳare bocaāmibeticōari, ȳare m̄a ajir̄uabetijare, rojose m̄are yir̄ac̄umi Dios” yir̄a yir̄uarāja m̄a —ñare yiyuju Jesús.

⁶ To bajiro ñi yijare, ñi ocare goticudir̄a vasujar̄a ña: “Rojose m̄a yisere yit̄ujacōari, quēnasej̄ure t̄uōiavasoaya” ñare yigoticōari, Cristo s̄orine quēnaro Dios ñi yirōt̄ire gotimasiocudiyujar̄a ña. Rijaye c̄utir̄are quēne catiocudiyujar̄a, ña vati macari ñaro cōrone.

Jesús ñi bajin̄asere ajicōari, “¿Ñim̄a ũḡũ ñar̄ojari?”, Herodes ñi yit̄uōiare queti

(Mt 14.1-12; Mr 6.14-29)

⁷⁻⁹ Jesús ñi bajin̄asere, to yicōari, ñi goticudirōt̄ir̄iar̄a ña bajin̄asere quēne ajijeocōañuju Galilea v̄ame c̄uti sita ñar̄a ũj̄u, Herodes v̄ame c̄utiḡu. To yicōari, Jesús ñi bajin̄asere masa ña t̄uōiasere quēne ajiyuju Herodes. Ado bajiro t̄uōiañujar̄a s̄iḡuri:

—Juan v̄ame c̄utiḡu, masare oco r̄aca bautizarimas̄une s̄iaecoboarine, tudicaticoarimi —yit̄uōiañujar̄a.

Ḡajer̄ama, ado bajiro yiyujar̄a:

—Diore gotir̄etobosarimas̄u El'ias ñamasir'i ñaḡũmi quēna —yiyujar̄a.

Ḡajer̄aj̄uama, ado bajiro yiyujar̄a:

—Diore gotir̄etobosarimasa ñamasiriar̄a r̄acaḡu tudicatr̄i ñaḡũmi quēna —yiyujar̄a ña, Jesúre.

Herodej̄uama, ado bajiro yiyuju:

—Juan me ñaḡũmi. Ñi r̄ajoare jatarocaroticōacaj̄u ȳ. To bajiri, ¿ñim̄a ũḡũ ñar̄ojari ñi? —yiyuju Herodes. To bajiro yiḡu ñari, Jesúre ñar̄uar̄üḡuboayuju ñi.

Masa, cinco mil ñar̄are Jesús ñi bare ecare queti

(Mt 14.13-21; Mr 6.30-44; Jn 6.1-14)

¹⁰ Ñi goticudirōt̄icōariar̄a, tudiejacōari, Jesúr̄aca r̄ejañujar̄a j̄uaāmo cōro, ḡubo j̄ua j̄enituarir̄ac̄u ñar̄a ñi buerimasa. Ñi r̄aca r̄ejacōari, ña yicudir̄ere ñe gotiyujar̄a. To bajiro ña yiro bero, ñare ũmato vasuju Jesús, masa ña manib̄usaroj̄u, Betsaida v̄ame c̄uti macaj̄u. ¹¹ To bajiri Jesús ñi vati quetire ajicōari, ñe s̄yaejasujar̄a j̄ajar̄a masa. Ña ejasere ñacōari,

—Ȳre ajir̄a, ado m̄a ejase quēnaja —ñare yiyuju Jesús.

To yicōari, ado bajiro ñare gotimasioñuju:

—Ūj̄u Dios yar̄a quēnaro ñi yirona m̄a ñar̄uajama, rojose m̄a yisere yit̄ujacōari, ȳre ajitir̄un̄ña —ñare yigotimasioñuju. To yicōari, rijaye c̄utir̄are catioyuju.

¹² To bajiro yin̄arone, r̄aioroto r̄joro, j̄uaāmo cōro, ḡubo j̄ua j̄enituarir̄ac̄u ñar̄a Jesús buerimasa, ñi t̄u ejacōari, ado bajiro ñe yiyujar̄a:

—Masa manoj̄u ñaja. To bajiri, “Masa c̄utoj̄u bare vaja yibamasiato ña” yiḡu, to yicōari, ña c̄anirot̄ij̄ur̄ire “Vaja yicōari, c̄aniato ña” yiḡu, masare ñare varotiya m̄a —Jesúre yiyujar̄a ña.

¹³ To bajiro ña yiboajaquēne,

—M̄ane ñare bare ecaya —ñare yiyuju ñi.

To ñi yirone,

—Jairo bare c̄obeaja ȳ. Bajiboarine, cojomo cōro pan, j̄uar̄a vai c̄uoaja ȳ. Ña barotire, no bajiro vaja yibosamasimenaja mani —ñe yiyujar̄a.

¹⁴ Ña t̄uj̄ure cinco mil ũm̄a ñañujar̄a ña. To bajiro ña yisere ajicōari, ado bajiro ñare yiyuju Jesús, ñi buerimasare:

—Masare rujatubuari ñare rujirōtiya. Tocār̄acatubuaire “Cincuenta ñarir̄ac̄u rujiya”, ñare yiya m̄a —ñare yiyuju Jesús, ñi buerimasare.^d

^d 9:14 R̄īamasare, r̄omiare cōmenane, ũm̄a buc̄ur̄a r̄irene ña cōjama, cinco mil ñañujar̄a ña.

¹⁵ To bajiro ĩ yijare, ĩ rotirore bajirone ĩnare rujirotijeoyujarã ĩna, Jesús buerimasa. ¹⁶ To bajiro ĩna rujijediro ĩacõari, cojomo cõro ñaricari panre, juarã vai ñarãre quẽne juacõari, õ vecajua ĩamõõuju Jesús. To yicõari, “Quẽnaro yaja mu”, Diore ĩre yiyuju. To yicõari, panre iguesurebatecõari, ĩ buerimasare ĩsiñuju, “Rujirãre ĩnare ĩsibatoya” yigu. Juarã vaire quẽne vêtãrebatecõari, ĩ buerimasare ĩsiñuju, “Rujirã jedirore ĩnare ĩsibatoya” yigu. ¹⁷ Sīgũ ruýariaro mano quẽnaro baucutijedicõañujarã. ĩna bagajano bero, ĩna baruasere ĩna juarẽojama, juaãmo cõro, gubo jua jẽnituario ñarijiburi ruýayuju.

“*Rotimõorũgõrucumi*’ yigu, Dios ĩ cõar’i ñaja mu”, Jesúre Pedro ĩ yire queti
(Mt 16.13-19; Mr 8.27-29)

¹⁸ Cojorũmu ĩ buerimasa rĩne ĩna ñaro, ĩ jacure sēniñuju Jesús. ĩ jacure sēnigajanocõari, ado bajiro ĩnare sēniñaju ĩ:

—¿Ñimũ ñaami yure yati ĩna masa? —ĩnare yisēniñaju.

¹⁹ To ĩ yisere ajicõari ado bajiro ĩre cudiujarã ĩ buerimasa:

—Sīgũri, “Juan vãme cutigu, masare oco rãca bautizarimasu, tudicaticõari bajigumi quẽna”, mure yama ĩna. Gãjerãma, “El’ias ñamasir’i ñaami”, yama ĩna. Gãjerãjuma, “Diore gotirẽtobosamasir’i ñaami”, mure yama —Jesúre yicudiujarã.

²⁰ To ĩna yirone, ado bajiro ĩnare tudisēniñaju Jesús:

—Mũama, ¿ñimũ ñaami yure yati mũa? —ĩnare yiyuju.

To ĩ yirone, ado bajiro ĩre cudiujaju Pedro:

—Mũ ñaja rojose yua tãmõoborotire yure yirẽtobosacõari, rotimõorũgõrucu, Dios ĩ cõar’i —Jesúre yiyuju.

²¹ To bajiro Pedro ĩre ĩ yisere ajicõari, gãjerãre gotirotibesuju.

“Yure sãruarãma”, Jesús ĩ yire queti

(Mt 16.21-28; Mr 8.31-9.1)

²² To yicõari, ado bajiro ĩnare gotiyuju ĩ:

—Yu, Dios ĩ roticõacacu, buto rojose tãmõrucuja. Bucurã, paia ujarã, to yicõari, Dios ĩ rotimasire gotimasiorimasa quẽne, rojose yure yicõari, yure sãruarãma ĩna. Yure ĩna sãboajaquẽne, idiarũmu tusatirũmune yure catorucumi Dios —ĩnare yigotiyuju Jesús.

²³ To yicõari, ĩ buerimasare gãjerãre quẽne ĩnare jirẽocõari, ado bajiro gotiyuju Jesús:

—No bojagu yu yu ĩ ñarujama, ĩ bojasere, ĩ ye ñarotire tũoĩabetirucumi. Tũoĩabeticõari, “Jesúre bajiro rojose tãmõrucuja yu quẽne” yitũoĩacõari, yũhare ajisũyarucumi.

²⁴ No bojarã, ĩna bojaro ñare cutirema adi macarucurore ñasere ĩavariquẽnacõari, Diore tũoĩamenama, Dios ĩ catisere yayibetire cõomena ñaruarãma ĩna. To bajiboarine, yure ajitirũnrã, yu oca ĩna gotisere ajijũnisinicõari, ĩna sãrãma, Dios tu quẽnaro ñarona ñarãma. ²⁵ Sīgũ adi macarucuroju gãjeyeũni jediro ĩ bũjaboajaquẽne, beroju rojose tãmõrutũjabetiriaroju ĩ vajama, ĩ gãjeyeũni ĩ bũjaboare ñie vaja manojã. ²⁶ Masa ĩna ĩaro rĩjoroju, “Jesúre rũcũbuogu ñaja yu”, yibojonebesa. To bajiro yibojonegũ ñari, yu yu ĩ ñarũabetijama, “Yu yu me ñaami”, ĩre yũarucuja yu quẽne, Dios ĩ roticõacacu ñacõari,

“Quẽnarẽtogũ ñaja yu” yu jacu ĩ yũorore bajiro yigu ñari, ĩ bususe rãca yu vadirũmu. Yu rãca vadirũarãma Dios ĩ cõarã, ángel mesa. ²⁷ Riojo mure gotiaja yu. Mũa sīgũri mũa bajireabtone, “Ñajediro uju ñaami yu roticõacacu” Dios mure ĩ yũosere ĩaruarãja mũa —ĩnare yigotiyuju Jesús.^e

ĩ buerimasa ĩna ĩaro rĩjoroju Jesús ĩ godovedĩore queti

(Mt 17.1-8; Mr 9.2-8)

²⁸ To bajiro ĩnare ĩ yigotiriaro bero, cojomo cõro, gaje ãmo idia jẽnituario tusatirũmu cõro, Pedro, Juan to yicõari Santiagore quẽne buro joeju ĩnare ũmato vasuju Jesús.

^e 9:27 Dios oca masa ĩna ucamasirere buerẽtoburimasa sīgũri ado bajiro yicama ĩna: “9.27 gotirijure, ‘“Ñajediro uju ñaami yu roticõacacu” Dios mure ĩ yũorotire’ Jesús ĩ yijama, ĩ buerimasa sīgũri ĩna ĩaro rĩjoroju Jesús ĩ godovedĩore yigu yirimi”, yicama Dios ocare buerẽtoburimasa sīgũri.

29-32 Tojɔ̃ ñna ejaro bero, Diore sēnigũ vasuju Jesús. To ï bajitoye, bũto ñnare vɔ̃-jaejayuju Pedro mesare. To ñna bajiñarone, Jesújua, Diore sēniñagũne, ricati ruyugu godovedicoasuju. To ï bajisere ñaɔcacoasujarã ñna. Sudi ï sãñase bũto boticoasuju. To bajicõari, cajemose busuyuju ti. To ï bajirone, Moisés ñamasir'i, El'ias ñamasir'i rãca Jesús tɔ̃ ruyuarũgũñujarã ñna. Ñna quēne, busubatese rãca ruyuyujarã ñna. To bajicõari, Jerusalén vãme cuti macaju ï siaecorotire Jesúrãca ñna gãmerã ñagõñasere ñañujarã Pedro mesa. ³³ To bajiri Jesúrãca ñagõgajanocõari, ñna cãmotadirirĩmarone, ado bajiro Jesúre gotiyuju Pedro:

—Yɔ̃ ɔ̃jɔ̃, adojɔ̃ mani ñajama, quēnamasucõaja. Mɔ̃a ñaro cõrone vijãiri mɔ̃are bɔ̃abosaruarãja yɔ̃a. Mɔ̃ yajãi, El'ias yajãi, to yicõari, Moisés yajãi bɔ̃abosaruarãja — Jesúre yiboayuju Pedro.

“To bajiro yigɔ̃ yigɔ̃ja” yiri mene yicõañuju. ³⁴ To bajiro ï yirirĩmarone, bueri bũto cajemose ñnare buebibecõañuju ti. To bajiro ñnare ti bajirone, bũto gũiyujarã ñna Pedro mesa. ³⁵ To bajicõari, bueri vatoajɔ̃ ado bajiro ocaruyuyuju:

—Ñine ñaami yɔ̃ macɔ̃, “Rotimorũgõrɔ̃cɔ̃ja mɔ̃” yigɔ̃, yɔ̃ cõagũ. Ñre quēnaro ajitirũnũña mɔ̃a —yì ocaruyuyuju.

³⁶ To bajiro ti ocaruyuro bero, ñaboayujarã. El'iare, Moisére quēne ñnare ñabujabesujarã. Jesús sīgũne ñañuju ï yuja. To bajisere ñariarã ñaboarine, yoaro, gãjerãre tire gotimenane bajicõañujarã ñna.

Masɔ̃ ɔ̃sɔ̃jɔ̃ sãñagũre vãtire Jesús ï burocare queti

(Mt 17.14-21; Mr 9.14-29)

³⁷ Ti burojɔ̃ majariarã, gajerũmɔ̃jɔ̃ rojaejayujarã ñna quēna. Ti buro judojɔ̃, jãjarã masa ñre yurã bajiñarãre ñnare ejayujarã. ³⁸ Jesús ï ejasere ñacõari, sīgũ, ado bajiro ñre sēniñuju:

—Gotimasiorimasɔ̃, yɔ̃ macɔ̃re ñamaiña mɔ̃. Sīgũne ñagũ ñaami. ³⁹ Ñ ɔ̃sɔ̃jɔ̃re vãti sãñañaami. To bajiro ï bajijare, biyarocã rijaquedicõari, ï risejɔ̃ sõmo budirũgũami. ⁴⁰ To bajiri mɔ̃ buerimasare, “Yɔ̃ macɔ̃ ɔ̃sɔ̃jɔ̃ sãñagũre vãtire burocaya”, ñnare yisēniboabɔ̃ yɔ̃. Ñre burocãsimema —Jesúre yiyuju ï.

⁴¹ To ï yisere ajicõari, ï buerimasare, to yicõari, ñre ajirã ejariarãre quēne ado bajiro ñnare yiyuju Jesús:

—Rojosere tɔ̃oĩarã ñari, Diore ajitirũnũmena masu ñacõaja mɔ̃a. ¿No cõrojɔ̃ mɔ̃are gotimasio tɔ̃jaguti yɔ̃? Yoaro mɔ̃a rãca yɔ̃ ñaboajaquēne, yɔ̃ masise mɔ̃are yɔ̃ ɔ̃josere ajitirũnũbeaja mɔ̃a maji —ñnare yiyuju Jesús. To yicõari, —Adojɔ̃ mɔ̃ macɔ̃re ãmiaya —ñre yiyuju, vãti sãñagũ jacɔ̃jɔ̃are.

⁴² To bajiro ï yijare, ï macɔ̃re Jesús tɔ̃jɔ̃ ï ãmivatone, ï ɔ̃sɔ̃jɔ̃ sãñagũ vãti, ñre rijaquedirotiyuju. To bajiro ï yijare, rijarocacũcoasuju. To bajiro ï bajirone,

—To cõrone ñre yitɔ̃jaya —yicõari, vãtire ñre burocacõañuju Jesús.

Vãti ï budirone, catiquēnagũ ñacoasuju daquegɔ̃jɔ̃. To ï bajirone, ï jacɔ̃re ñre tũaĩsiñuju Jesús. ⁴³ To bajiro Jesús ï yisere ñacõari, no yimasibesujarã masa jediro, ti ñnare ñabetirũgũriarã ñari. “Jesús ï yĩose rãca ‘Masirẽtogũ ñaja yɔ̃’ manire yĩogũ yami Dios”, yitɔ̃oĩañujarã ñna jediro.

“Yɔ̃re sãrɔ̃arãma”, Jesús ï yigotibabore queti

(Mt 17.22-23; Mr 9.30-32)

Jesús ï yisere masa ñna tɔ̃oĩañarone, ado bajiro ï buerimasare gotiyuju ï:

⁴⁴ —Mɔ̃are yɔ̃ gotisere ajicõari, masiritibeja mɔ̃a. Yɔ̃re Dios ï roticõacacɔ̃re masare ñsirocarɔ̃cɔ̃mi sīgũ —ñnare yiyuju Jesús.

⁴⁵ To bajiro ï yiboajaquēne, ajimasibesujarã ñna. “Ajimasibeticõato” Dios ï yijare, bajiyujarã. To bajicõari, “Yɔ̃are gotiquēnoña”, yimasibesujarã, ñre gũirã ñari.

“¿Ñimujɔ̃ ñagũti ñamasugũ ñarocɔ̃?”, Jesús buerimasa ñna yi oca josare queti

(Mt 18.1-5; Mr 9.33-37)

⁴⁶ “¿Ñimujua ñagūti ñamasugū ñarocu?” , gāmerā yi oca josayujarā Jesús buerimasa.
⁴⁷ To bajiro ñna gāmerā yisere ñamasicōari, sīgū daquegure jicōari, i tujū ñre rūgōrotiyuju Jesús. ⁴⁸ To yicōari, ado bajiro ñnare gotiyuju:

—Ñni daquegū, “Ñamasugū me ñaja yu” i yitōiarore bajiro tōiarāre, gājerā tū ñna ejaro, quēnaro ñnare yirāma, yūrene quēnaro yirā yirāma. To yicōari, yūre quēnaro yirāma, yūre cōacacure quēne quēnaro yirā yirāma. To bajiri, ado bajise mūare gotiaja yū: Yūre ajitirūnugū, gājerā ñna boasere masicōari, quēnaro ñnare yiejarēmogū ñnarucūmi ñamasugūma —i buerimasare yigotiyuju Jesús.

“Yūre ajitirūnucōari, mani yise űnire yigūma, mani rācagū ñagūmi”, Jesús i yire queti
 (Mr 9.38-40)

⁴⁹ To bajiro i yigotiro berone, ado bajiro Jesúre gotiyuju Juan:

—Gotimasiōrimasū, masa usūrijū sānarāre vātiare bureagure ñamū yūa. “Jesúre ajitirūnugū ñari, ado bajise mūare rotimasiaja yū: ‘Budiya’ ”, yīñami, vātiare bureagū. Mani rācagū me i ñajare, “Tire yibesa”, ñre yibū yūa —Jesúre yigotiyuju Juan.

⁵⁰ To i yisere ajicōari, ado bajiro ñre yiyuju Jesús:

—“Tire yibeticōañā”, ñre yibeja. Quēnaro yirimi —ñre yiyuju Jesús. To yicōari, i buerimasa jedirore ado bajiro yiyuju:

—Ado bajiro ti bajijare, to bajiro yaja yū: No bojagū yūre ajitirūnucōari, mani yise űnire yigūma, mani rācagū ñagūmi —ñnare yiyuju Jesús.

Santiago, to yicōari, Juanre, “Samaria sitajū ñarimacanare rojose ñnare yirūa tōiābesa”, Jesús i yire queti

⁵¹ Dios ō vecajū i ñarojū ñre i āmimūjarotirūmū ti cōñarūtuadijare:

—Jerusalénjū mani varoti ejacoajū. To bajiri varūtu vajaro mani —i, buerāre yi vasuju Jesús.

⁵² Varūtu vacūne, i rācanare i ejaroti quetire, “Goti rījoro cutiaya”, ñnare yicōañuju i. To i yicōariarā, Samaria sitajū ñarimacajū ejacōari, “Jesús i cānirotijure macayurā bajibū yūa”, yiboayujarā ñna. ⁵³ To bajiboarine ti macanajūa, Jesús i ejasere bojabesujarā ñna. “Jerusalénjū vacū bajigūmi” yimasirā ñari, ñre ñaterā bajiyujarā ñna.^f ⁵⁴ To bajiro ñna bajise ñajare, ado bajiro Jesúre sēniñañujarā, Juan, i gagū Santiago rāca:

—Yūa ujū, ¿“Ō vecaye jea űjūvējase rāca ñnare soereacōañā mū”, Diore yūa yisēnisere bojati mū? —ñre yisēniñaboayujarā ñna.

⁵⁵ To bajiro ñre ñna yisēniñarone, jūdarūgūcōari, ado bajiro oca tutuase rāca ñnare gotiyuju Jesús:

—¿No yirā to bajise tōiāti mūa? To bajiro mūa yitōiājama, vāti i bojarore bajiro tōiārā yaja mūa —ñnare yigotiyuju Jesús.

⁵⁶ To bajiro ñnare yigajanocōari, Samaria sitana ñnare ñna bojabetijare, gaje macajūa vacoasujarā ñna.

“Yūre mūa ajisūyarūajama, josarūaroja ti”, Jesús i yigotimasiore queti
 (Mt 8.19-22)

⁵⁷ ñna varūtuatone, sīgū ñna rāca var'i, ado bajiro Jesúre ñre yiyuju:

—No bojaro mū vato cōrone mūre sūyarūaja yū —Jesúre ñre yiyuju i. ⁵⁸ To i yirone, ado bajiro ñre cūdiyuju Jesús:

—Buyairoarema, ñna gojeri ñacajū. Miniare quēne, ñna jibūri ñacajū. To ñna bajiboajaquēne, yū, Dios i roticōacacūma, cānirijū magūre bajiro bajiaja yū. To bajiri yūre mū sūyajama, buto mūre josarūaroja —ñre yicūdiyuju Jesús.

⁵⁹ To ñre i yiro bero, ado bajiro gājijūare yiyuju Jesús:

—Yūre sūyaya mū —ñre yiyuju.

To i yiboajaquēne, ado bajiro Jesúre cūdiyuju i:

^f 9:53 Samaria sitana, samaritanos vāme cutiyujarā ñna. ñna rāca gāmerā ñaterā ñañujarā judío masa. “Jerusalénjū Diore quēnase ñre yirūcūboroti ñaja” judío masa ñna yitōiasere bajiro tōiārā me ñañujarā samaritano masa.

—Ym um, yure yuya m̄ maji. Ym jacu ĩ bajirocacoajare, ĩre yujeguacu yaja ym. ĩre yujecōari bero, m̄re s̄yaracuja ym —Jesúre ĩre yiboayuju.

⁶⁰ To bajiro ĩre ĩ yiboajaquēne, ado bajiro ĩre c̄diyuju Jesús:

—Yuc̄ne yure s̄yaya m̄. “Um Dios yarā quēnaro ĩ yirona m̄a ñar̄ajama, Jesúre ajitir̄un̄a”, yigoticudiaya m̄. Yure ajitir̄un̄a, rijariar̄e bajiro bajirā ñar̄ama. ĩnar̄a rijariar̄e yujeato ĩna —ĩre yic̄diyuju Jesús.

⁶¹ To bajiro ĩre ĩ yiro bero, quēna ḡaji ado bajiro Jesúre yiyuju:

—M̄ r̄aca ym varoto r̄joro, ym ya vianare ĩnare vare gotiguacu yaja ym maji —Jesúre ĩre yiboayuju ĩ. ⁶² To bajiro ĩ yiboajaquēne, ado bajiro ĩre c̄diyuju Jesús:

—“Diore rotibosagure m̄re ajitir̄un̄a s̄yaracuja” yiboarine, gaje v̄ame t̄oĩav̄oḡama, Um Dios ym me ñaḡami —ĩre yic̄diyuju Jesús.

10

Setenta y dos ñarir̄ac̄ure ĩ ocare Jesús ĩ goticudiroticōare queti

¹ Tij̄a bero, Jesús ĩ buerimasare ĩ goticudirotis̄oriar̄a mere, ḡajer̄e beseyuju Jesús. Setenta y dos ñarir̄ac̄u beseyuju. ĩnare besecōari, “Ym ocare goti r̄joro c̄tiaya”, ĩnare yicōañuju ĩ. ĩ goticudiroti macari ñaro cōrone j̄ar̄ari cōañuju.

² ĩnare ĩ cōaroto r̄joro, ado bajiro ĩnare yiyuju:

—Ote jairo b̄uc̄aroja. To bajiro ti bajijare, ote um̄re s̄eniña, “Moabosarimasa cōato ĩ” yir̄a —ĩnare yiyuju Jesús.g

³ To bajiro ĩnare yigoticōari, ado bajiro ĩnare yiyuju quēna:

—Ovejare, buyairoa vatoaj̄u ḡiioroj̄u ĩnare cōaḡure bajiro m̄are gotimasiodirotiaja ym —ĩnare yiyuju. ⁴ —No bojase m̄a c̄ose juaábeja. Ḡajoare, barere quēne juaábeja. Ḡubo sudi juaámenane, m̄a c̄dasene c̄dacōari, vaja. Maaj̄u masare m̄a bocaajama, ĩnare s̄eniña, r̄etocoar̄ar̄aja m̄a, yoaro ĩnare queti gotimaniamenane —ĩnare yiyuju Jesús.

⁵ —Vij̄u ejacōari, “¿Nati m̄a?” ĩnare yigajanocōari, “‘Quēnaro ñaña m̄a’ m̄are yaja ym”, ĩnare yiba, ti vianare. ⁶ To m̄a yirone, ti viana quēnaro m̄are ĩna bocaámijama, m̄a yimore bajiro quēnaro ñar̄ar̄ama. Quēnaro m̄are ĩna bocaámibetijama, “‘Quēnaro ñaña’ ym̄a yibetir̄ar̄e bajirone ñacōaña m̄a” ĩnare yi, vacoaja m̄a. ⁷ No bojar̄a ḡajer̄e moabosarimasa, vaja b̄jar̄ama. To bajirone bajir̄aroja m̄are quēne. Quēnaro m̄are bocaámir̄a t̄une ñacōari, ĩnare m̄a gotimasiose vajane ĩna basene ba, ĩna idise idi yicōa ñar̄ar̄aja m̄a. M̄a ejarivine ñacōar̄ar̄aja m̄a, gaje viri c̄nicudimenane. ⁸ Macaj̄u m̄a ejariviana, no bojase bare m̄are ĩna ecasene ba variquēnama. ⁹ Rijaye c̄tir̄are catioba. To yicōari, “Um Dios yarā quēnaro ĩ yirona m̄a ñar̄ajama, rojose m̄a yisere yitujacōari, Jesúre ajitir̄un̄a”, ti macanare yigotimasioma. ¹⁰ To bajiboarine ym cōarimacajure m̄a ejaro, m̄are quēnaro ĩna bocaámibetijama, ti maca gudarecoj̄u j̄ar̄a ĩna ĩaro r̄joroj̄a ejacōari, ado bajiro ĩnare gotiba m̄a: ¹¹ “Um Dios yarā quēnaro ĩ yirona m̄a ñarotire gotir̄a bajiboab̄u ym̄a. To bajiri, ‘Quēnaro ym̄are bocaámibeticōari, ym̄are m̄a ajir̄abetijare, rojose m̄are yir̄c̄mi Dios’ yir̄a, ad̄i macaye sitare ym̄a ḡubo sudi tuyasere varereaja ym̄a”, ĩnare yigotiba m̄a. ¹² Riojo m̄are gotiaja ym̄a. Ti macana m̄are ĩna ajir̄abeti vaja Dioj̄ama, rojose ĩnare yir̄c̄mi masare ĩ beserir̄m̄a ti ejaro. Sodoma macana ñamasiriar̄a r̄etob̄saro rojose t̄am̄or̄ar̄ama ĩna, m̄are quēnaro bocaámimenama —ĩnare yiyuju Jesús.

ĩre ajitir̄un̄abeti macariana ĩna bajisere to yicōari, ĩna bajirotire t̄oĩacōari, Jesús ĩ gotire queti

(Mt 11.20-24)

ḡ 10:2 To bajiro ĩ yijama, ado bajiro yiḡu yiyuju: “‘J̄ar̄a ñar̄ama ym̄ ocare ajicōari, yure ajitir̄un̄rona. To bajiboarine, mojoroaca ñar̄ama ym̄ ocare gotir̄aj̄a. To bajiro ti bajijare, Diore s̄eniña, ‘J̄ar̄ab̄usa ym̄ ocare gotirimasare cōato ĩ’ yir̄a’ yiyuju Jesús”, yiyujar̄a Dios oca masa ĩna ucamasire buer̄etoburimasa.

¹³ To bajiro ñnare yigoticōari, macariana ñre ñna ajitirūnubetire gotiyuju Jesús:

—Coraz'in macana, to bajicōari, Betsaida macana quēne, buto rojose tām̄uoruarāma. Ti macarianare ñañamani yu yīocatore bajiro, Tiro vāme cūti macanare, Sidón vāme cūti macanare quēne ñañamani yu ñojama, tirūm̄ju rojose ñna yisere tūoīasūtiriticōari, yitūjacoaboriarāma ñnama. “Rojose yua yisere yiruabeaja” yisūtiritirā ñari, sūtiritirā ñna sãñasejua sudi vasoacōari, to yicōari, ñna rujoariju ōja majeoboriarāma. ¹⁴ Sidón macana, to bajicōari, Tiro macana ñamasiriarā rētoabusaro rojose tām̄uoruarāma ñna, Dios, masare ñ beserirūmu ti ejaro. ¹⁵ Capernaum macanajua, “Quēnarā ñari, ō vecaju Dios ñ ñaroju ñarona ñaja mani”, yitūoīaboarāma ñna. To bajiro ñna yitūoīaboajaquēne, Dios tūju ñabetiruarāma. Rojose tām̄otūjabetiraroju ñaja ñna cōaacorotoma. ¹⁶ M̄ua gotisere ajicōari, “Riojo yama” m̄uare ñna yijama, yurene, “Riojo yami” yirā yiruarāma. M̄uare ñna ajitejama, yure ajiterā yiruarāma. To bajiro ñna yijama, yure cōacacure, yu jacure, ajiterā yiruarāma —ñnare yiyuju Jesús, ñ gotiroticōarāre.

Jesús ñ gotiroticōariarā ñna tudiejare queti

¹⁷ Tiju bero, ñ gotiroticōariarā, setenta y dos ñnarirācu Jesús tu tudiejayujarā quēna. Variquēnase rāca tudiejarāne, ado bajiro ñre gotiyujarā ñna:

—Masa usuriju sãñarāre, vātiare, “Jesús ñ rotise rāca m̄uare budirotiaja” yua yijama, cūdima ñna —Jesúre yigotiyujarā ñna.

¹⁸ To ñna yirone,

—Yu rotise rāca vātia uju, Satanás yarāre m̄ua burearone, ō vecaju bujo ñ yabesere bajiro Satanás ñ quedirujiasere ñamu. ¹⁹ “Ññare, cotibajare ñnare cūdaboarine, rojose tām̄uobetiruarāja m̄ua” yigu, yu masisere m̄uare ujojaju yu, “Rojose yirā jediro, to yicōari, vātia quēne rojose m̄uare yibeticōato” yigu. ²⁰ Yu ejarēmose rāca masa usuriju sãñarāre, vātiare, m̄ua burearere tūoīa variquēnaboarine, “Ado cōro ñaama yu rāca ñarūgūrona” Dios ñ yuacatu ecocana ñari, tijure butobusa tūoīa variquēnaroti ñaja — ñnare yigotiyuju Jesús.

“Quēnaja”, Diore Jesús ñ yivariquēnare queti

(Mt 11.25-27; 13.16-17)

²¹ To yigajanocōari, Esp'iritu Santo ñ ejarēmose rāca, “Quēnaja”, Diore yivariquēnagū, ado bajiro yiyuju Jesús:

—Cacu, ō vecagu uju ñaja m̄u. Adi macarucurore quēne, ñajediro uju ñaja m̄u. “Jere masiaja yua” yitūoīaboarāre, “Yu ocare ajimasibeticōato ñna” yigu, ñnare masirioaja m̄u. To yicōari, “Masimena ñaja yua” yirājuare, “Ajimasiato” yigu, ñna ajimasirotire yirēmorūgūaja m̄u. To bajiro m̄u yijama, m̄u bojarore bajiro yigu yaja m̄u —Diore yiyuju Jesús.

²² To yicōari, ado bajiro ñ rāca ñarājuare gotiyuju Jesús:

—Yu jacu ñ ejarēmose s̄uorine jediro yimasijeogu ñaja yu. “Tire yimasiato” yigu, adi macarucurojore yure cōacami yu jacu. To bajiro yure yicacu ñari, yu yisere masijeocōami yu jacu. Yu quēne, ñ yisere masijeocōaja. “Ñre masiato” yigu, yu beserā rīne yu jacure masiama —ñnare yigotiyuju Jesús.

²³⁻²⁴ To yicōari, ñ buerimasa rīne ñna ñaro, ado bajiro ñnare gotiyuju Jesús:

—Variquēnaña m̄uama. Yu yīosere tūoīacōari, yu bojarore bajiro tūoīavasoariarā ñari, tire yu gotimasiosere ajimasijaja m̄uama. Riojo m̄uare gotiaja yu. Tirūm̄ju jājarā Diore gotirētohosamasiriarā yucu m̄uare yu yīosere ñarūamasiboayuma. Yu gotimasiosere m̄ua ajisere ajirūamasiboayuma. To bajiri m̄uama, jairo yu yīosere masirā ñari, to yicōari, yu gotimasiosere ajirā ñari, variquēnaña m̄ua —ñnare yiyuju Jesús, ñ buerāre.

Dios ñ rotimasirere gotigune, samaritano masu ñ yirere Jesús ñ gotire queti

²⁵ To bajiro Jesús ñ yīnarone, sīgū Dios ñ rotimasirere gotimasiorimasu, ñre sēniarū, v̄m̄urūgūñuju. “Ado bajiro yu sēniājama, josase ti ñajare, cūdimasibeticōari bojoneose tām̄uorucumi” yitūoīagū ñari, ado bajise ñre sēniāñuju:

—Gotimasiorimasu, yu rijato beroju “Tudirijabeticōato” yigu, Dios i catisere yure i isisere yu bojajama, ¿no bajiro yiroti ñati yure? —ire yiseniñañuju.

²⁶ To i yisere ajicōari, ado bajiro ire cūdiyuju:

—¿No bajiro yati ti, Dios i rotimasire, tire buegu mu ñajama? —ire boca yiseniñacōañuju Jesús.

²⁷ To bajiro i yisere ajicōari, ado bajiro Jesúre cūdiyuju i:

—Dios i rotimasire, ado bajiro yaja ti: “Mani ñjure, Diore buto mairoti ñaja. No bojagure mani mairo rētoro, no bojase mani cūose, to yicōari, mani bojatuoñase rētoro Diore mairoti ñaja”. To yicōari, “Mu masu rujure mu mairore bajirone mu tuanare maiña” yigotiaja Dios i rotimasire ñamasuse —Jesúre yicūdiyuju Dios i rotimasire gotimasiorimasu.

²⁸ To bajiro i yisere ajicōari,

—Riojo cūdiaja mu. To bajiro mu yirūgūjama, mu rijato beroju “Tudirijabeticōato” yigu, Dios i catisere mure i isisere bujarucuja mu —ire yiyuju Jesús.

²⁹ To bajiro i yisere ajicōari, “Ti vame ñaro cōrone cūdijeobeami” yituoñagū ñari, “Quēna gaje vame yu sēniñajama, gotimasibeticōari, bojoneoro tujarucumi” yigu, Jesúre ire sēniñañuju i quēna:

—¿Ñimarā ñati yu tuana, yu maironama? —ire yiseniñañuju.

³⁰ To bajiro i yiseniñajare, gotimasiore queti gotiyuju Jesús:

—Sīgū jud'io masu, Jerusalénju rojacumi Jericóju ejagu vacu. Maa i vatone, ire ñiarāma juarudirimasa. Ire ñiacōari, sudi i sãñasere, to yicōari, i gajeyeūni ñajediro ire ēma-jeocōarāma ña. To yicōari, masacatibecuju ire quēasīacōarāma ña. To yi, vacoanama ña. ³¹ To ña yi vato bero, vagumi pai. Ire ñarubecu ñari, ire gānirētocoacumi. ³² I bero, paire moabosarimasu vagumi. I quēne ire ñacōari, gānirētocoacumi. ³³⁻³⁴ ña rētoro bero, samaritano masu vagumi. Ire ñamaicōari, i ture tujarūgū ejagumi. To bajicōari, i cāmire ire uco yigu, olivo ñyene, to yicōari, ñye oco rāca i cāmire ire tugumi. To yicōari, sudigase rāca i cāmire ire dureagumi. Dureagajanocōari, i yu burro vame cutigu joeju ire āmijeo, vacoacumi samaritano masu. Vacudirimasa ña cāniriviju ire āmiejocōari, ire codegumi.^h ³⁵ To bajiro ire yicodeñaboa, gajerūmu ti vi ñjure ire gājoa isigūmi, juarūmu moare vaja yire cōro. To yicōari, ado bajiro gotigumi: “Rojorā ña quēasīaecor'ire ire vaja yibosagu yaja yu, ado ire mu coderoti vaja. ¡To bajiri quēnaro ire codeba mu! Ire mu codero bero, yu vaja mojama, ado quēna gāme vagu, mure vaja yicōarucuja yu” ire yigumi, ti vi ñjure —yigotiyuju Jesús, Dios i rotimasire gotimasiorimasure.

³⁶ To bajiro ire yigotigajanocōari, ado bajiro ire sēniñañuju Jesús:

—Ti quetire, ¿no bajiro tuoñati mu? ña idiarā ñariarā, ¿nijua ire ñamaiñujari i? —ire yiseniñañuju Jesús.

³⁷ To bajiro i yiseniñarone,

—“Maioro bajigu ñaami” yīasutiriticōari, quēnaro ire yir'ijua ñarimi ire mair'ima —Jesúre yicūdiyuju Dios i rotimasire gotimasiorimasu.

To bajiro i yirone, ado bajiro cūdiyuju Jesús:

—Riojo yure cūdiaja mu. To bajiri, mu quēne to bajirone yiya. Maioro bajirāre mu ñajama, ñnare ejarēmoña —ire yiyuju Jesús.

Marta mesa ya vijū Jesús i ejare queti

³⁸⁻³⁹ I buerimasa rāca Jerusalénju varūtu vacune, gaje macaju ñnare ūmato ejayuju Jesús. Tojure Marta vame cutigo, so bedeo, Mar'ia rāca ñañuju so. To bajiri ña ya vijū Jesús i ejarone, ire bocacōari, ire sēniñuju Marta. Sājaejacōari, Jesús i gotimasio ñaro ture rujiyuju so bedeo, Mar'ia, ire ajirujigo. ⁴⁰ To bajiro so bajijare, Martajua, “Jairo moare ti ñajare sīgōne ñari, moatīmabeaja yu” yigo, Jesúre ado bajiro ire yiboayuju so:

^h 10:33-34 Samaria sitana, samaritano masa vame cutiyujarā ña. ña rāca gāmerā ñateyujarā judío masa.

—Yn ɥjn, yn sīgōne yn moasejuarema tuoĩabeaja mɥ. Yn bedeo, ynre ejarēmobeamo so. To bajiri, “Mɥ gagore sore moaejarēmoña”, sore yiya mɥ —Jesúre ĩre yiboayuju Marta.

⁴¹ To bajiro so yisere ajicōari, ado bajiro sore cɔdiyuju Jesús:

—Marta, yn maigō, moarere tuoĩarejaibesa mɥ. ⁴² Mɥ bedeo, quēnasejuare tuoĩamasiamo so. To bajiri yn gotisere ajigo yamo. To bajiro so bajijare, sore moarotire maja —sore yicɔdiyuju Jesús.

11

Diore mani sēnirotire Jesús ĩ gotimasiore queti

(Mt 6.9-15; 7.7-11)

¹ Cojorɥmɥ ĩ jacure ĩre sēniñuju Jesús. To ĩ yigajanorone, sīgũ ĩ buerimasɥ ado bajiro ĩre sēniñaju:

—Juan vāme cɔtigɥ, masare oco rāca bautizarimasɥ, ĩ buerāre Diore ĩna sēnirotire gotimasioñuju ĩ. To bajiri, ¿ynre quēne Diore yna sēnirotire ynre gotimasioğũti mɥ? —Jesúre yisēniñaju ĩ.

² To bajiro ĩ yijare, ado bajiro ĩ buerimasare gotimasioñuju Jesús:

—Diore mɥa sēnijama, ado bajiro sēniuarāja mɥa:

“Yna jacɥ, masa ñajediro, ‘Quēnarētogũ ñaja mɥ’ mure yirɥcɥbɥoato ĩna. Adi macarɥcɥroana, mɥ bojase rīne yna yirotoire tuoĩa yurũgũaja yna. Jēre õ vecaju mɥ ñarojɥ mɥ yarã mɥ rotirore bajirone yĩnarãma. To bajiri adi macarɥcɥrojere quēne mɥ rotirore bajiro rīne yirere bojaja yna.

³ Tocārācarɥmune yna barotire cōaña mɥ.

⁴ ‘Rojose yna yisere masirioya’ mure yisēniaja yna, rojose ynre yirāre quēne masiriorã ñari.

Rojose yna yirotoire masigũ ñari, ‘Tire yibeticōato ĩna’ yigɥ, ynre matabosaya”. Ado bajiro Diore mɥa sēnijama, quēnaja —yiyuju Jesús, ĩ buerimasare.

⁵⁻⁶ To yicōari, gotimasiore queti ado bajiro ĩnare gotiyuju:

—Sīgũ, vacudigɥ, ñami gɥdarecojɥ ĩ baba ya vijure ejagumi. ĩ ejaro ĩacōari, bare ĩre ecaroti ti manijare, gaje viagɥ ĩ babare sēnigũ vacoacumi. ĩ ya vijɥ ejacōari, “Yn baba ĩ ejaro ĩre yn ecaroti ti manijare, mure bare sēnigũ bajibɥ yn”, ĩre yigumi.

⁷ To bajiro ĩ yirone, ado bajiro ĩre cɔdigumi: “Ynre gōjanabiobesa mɥ. Jēre sojere bibecōamɥ yn. Yn, yn rīa quēne cānirã yaja yna. To bajiri, vāgācōari, mure ĩsimasibeaja yn”, ĩre yicɔdicōagumi. ⁸ ĩre ĩ ĩsirɥabetiboajaquēne, ĩre ĩ sēnitɥabetijare, ĩ bojasere ĩsicōarɥcumi.

“Diore mɥa sēnijama, mure cɔdirɥcumi”, Jesús ĩ yigotimasiore queti

(Mt 7.7-11)

⁹ To bajiri quēnaro ynre ajiya mɥa. Diore mɥa sēnijama, cōarɥcumi. ĩre sēnicōari, mɥa macajama, bujaruarāja mɥa. Sīgũ no bojase ĩre ti rɥayajama, gāji ya vijɥ ejacōari sājare, sēniñagumi. ĩ sēniñajare, ĩre sājareticōari, ĩre ejarēmogumi. To bajirone bajiaja Diore sēniarēre quēne. ĩre mɥa sēnisere ajicōari, quēnaro mure yiejarēmogumi.

¹⁰ “Dios manire ejarēmogumi” yituoĩarã ñari, ĩre ĩna sēnisere ĩnare cōarɥcumi. ĩna macajaquēne, bujaruarãma —ĩ buerimasare yiyuju Jesús.

¹¹ To yicōari, quēna ado bajiro ĩnare gotimasioñuju Jesús:

—“Vai bojaja yn” mɥa macɥ ĩ yisēnijama, ¿aña, bar'i merene ĩsirātique mɥa? ĩsimenaja mɥa. ¹² “Gājabocɥ rīa bojaja yn” mɥa macɥ ĩ yijama, ¿cotibajare ĩsirātique mɥa? ĩsimenaja mɥa. ¹³ Diore bajiro quēnase yirã me ñaboarine, mɥa rīare quēnaro yaja mɥa. To bajiri tire masicōari, ado bajiro Diore yimasajama mani: “No bojarã Esp'iritu Santore cɥoruarã, mani jacɥ õ vecagure ĩna sēnijama, ĩnare cōarɥcumi”, yimasajama mani —ĩ buerimasare yiyuju Jesús.

“Vātia ɥjn ĩ masise rāca yigɥ yami Jesús”, ĩna yire queti

(Mt 12.22-30; Mr 3.20-27)

¹⁴ Sīgũ vāti sãñagũ ñañuju. “¡Ñagõbeticõato!” yigũ, ï usũjũre sãjacõari, ñañuju. Ìre Jesús ï burocarone, ñagõmasicoasuju masũjũa. Tire ñacõari, no yimasibesujarã masa, ti ùnire ñabetirũgũriarã ñari. ¹⁵ Sīgũri, ado bajiro Jesũre ïre yitũoĩañujarã ña:

—Ì usũjũ vãtia ùjũ Beelzebũ vãme cutigũ sãñagũ ñaami Jesús. To bajiri Beelzebũ ï masise rãca vãtiare bureaami —Jesũre ïre yitũoĩañujarã ña.

¹⁶ Gãjerãma, ado bajiro Jesũre yiyujarã:

—“Dios ï cõagũ ñaami” yũa yĩãmasirotire yigũ, õ vecaye ñaãñamani yũare yĩõña —Jesũre ïre yiboayujarã ña. ¹⁷ “Beelzebũ sãñagũ ñaami” socarãne ña yitũoĩasere masicõari, ado bajiro ñare gotiyuju Jesús:

—Cojo sitana rotirimasa ña gãmerã quẽajama, ña masune gãmerã sĩayayirã yirãma. To bajirone bajiroja cojo macanare quẽne, cojo vi ñarãre quẽne. ¹⁸ To bajirone bajiroja vãtiare quẽne. Vãtia ña gãmerã bureajama, “Masare rojose yitũjato mani” yirã yiborãma. To bajiro ti bajijare, “Beelzebũ vãme cutigũ ï masise rãca masa usũrijũ sãñarãre vãtiare bureaami” yũre mũa yiboase, riojo yirã me yaja mũa. ¹⁹ To bajiro yũre mũa yitũoĩaboajama, mũa buerã quẽne masa usũrijũ sãñarãre vãtiare ña bureasere, “Vãti ï masise rãca burearãma ña quẽne” yirãre bajiro yaja mũa. To bajiro mũa yijama, “Tũoĩamavisiarã yaja mũa”, mũare yirũarãma ña, mũa buerã. ²⁰ Ado bajirojũa tũoĩarona ñaboaja mũa: “Vãtia ùjũ ï masise rãca me yami. Esp'iritu Santo ï masise rãcajũa vãtiare bureaami”, yũre yitũoĩarona ñaja mũa. To yicõari, “ ‘Rotimũorũgõrũcumĩ’ yigũ, Dios ï cõar'ĩ ñaami”, yitũoĩamasiroti ñaja mũare.

²¹ “To bajiro yimasiroti ñaboaja” yigũ ñari, “Quẽnabusaro yimasiato” yigũ, quẽna gajeye gotimasiore queti mũare gotiaja yũ: Sīgũ, guamũ, jairo besu cũogũ ñari, ï ya viayere quẽnaro ï ñatirũñjare, no bajiro yicõari juarudimasimenama. ²² To bajiboarine, “Jairo cũogũ yũ ñajare, yũre ãmamasigũ magũmi” ï yitũoĩaboasere, gãji ejacõari, ïre quẽagũmi. To yicõari, ï besure, ï gajeyeũnire quẽne ãmacõari, gãjerã ï babarãre ïsibatogũmi ï rãtoro tĩmagũ. Tire bajiro bajiaja yũre quẽne. Vãtia ùjũ, masigũ ï ñaboajaquẽne, yũjũa, ï rãtoro masigũ ñaja yũ. Ì rotiboasere ïre yirotibeticõari, vãtiare yũ burease sũorine, vãti ï rotiajeboariarãre ïre ãmagũ yaja, “Yũ yarã ñato” yigũ.

²³ No bojarã yũ gotiboasere ajitirũñmenama, yũre ajitirũñboronare matarã yirãma. No bojarã, “Jesũre ajitirũñña” yũre yigoticudibosamenama, “Ìre ajibesa” yirãre bajiro bajirã ñarãma —ñare yiyuju Jesús.

Vãti, masũ usũjũre sãñar'ĩ, budicõari, ï tudisãjare queti

(Mt 12.43-45)

²⁴ Quẽna ado bajiro yiyuju Jesús:

—Vãti, masũ usũjũre budicõari, oco manorijũ vacudigũmi. Tujariajau bujabecũ ñari, ado bajiro tũoĩagũmi: “Yũ budiriarojũne vacoarocũ ñagũja yũ”, yitũoĩagũmi. ²⁵ Masũ usũjũre ï budigoriarore tudiejagũ ï ñajama, gãjanabiose mano, quẽnarivire bajiro masũ usũjũre ñaejagũmi. ²⁶ To bajiro ï usũjũre ñaejacõari, cojomo cõro jũa jãnituarirãcũ vãtia ï rãtoro rojose yirãre ùmato ejagũmi. To yicõari, ña ñaro cõrone masũ usũjũre sãjarãma ña. To bajiri, rãtorobũsa rojose yigũ ñagũmi masũ yuja. To bajirone bajirũaroja mũare adirodoriana rojose yirãre quẽne. Vãtiare yũ bureacõaboajaquẽne, yũre ajitirũñmena ñari, bũtobũsa rojose yirã ñaja mũa —ñare yiyuju Jesús.

²⁷ To bajiro ï yisere ajicõari, sīgõ rõmio masa vatoajũ ñacõari, ado bajiro Jesũre ïre yiyuju:

—Bũto variquẽnagõmo so, mũre ùjubũcũorio —ïre yiyuju so.

²⁸ To so yirone, ado bajiro sore cũdiyuju Jesús:

—To bajiro yũre mũ yiboajaquẽne, Dios ocare ajicõari, ï rotisere quẽnaro yirã ñarãma bũto variquẽnarãma —sore yicũdiyuju Jesús.

“Ìããñamani mũ yĩõsere bojaja yũ”, ña yire queti

(Mt 12.38-42; Mr 8.12)

²⁹ Jesús tũjũre jãjarãbũsa masa ña ejarũtuatone, ado bajiro ñare gotiyuju Jesús:

—M̄ua adirodoriana, rojose yirā jājarā ñaja m̄ua. Ȳure ajiterā ñari, ĩaĩañamani m̄uare ȳu ȳiõsere bojaboaja m̄ua. To bajiro m̄ua bojaboajaquēne, m̄uare ȳiõbetiruc̄uja ȳu. To bajiboarine Jonás ñamasir'i Diore gotirētosarimas̄u ĩ bajimasirere bajiro bajĩoroti ñaroja. ³⁰ Jonás ĩna t̄uj̄u ĩ ejaroto r̄ijoro ĩ bajimasirere ĩnare ĩ gotisere ajic̄õari, “Diore gotirētosaḡu ñaami”, ĩre yit̄uõĩamasĩñujarā ĩna, N'ĩnive v̄ame cuti macana ñamasiriarā. Ti ũnre bajiro bajiruc̄uja ȳu quēne, Dios ĩ rotic̄õacac̄u ñari. To bajiro ȳu bajise ñajare, “Dios ĩ c̄õar'line ñañumi”, yimasiruarāma masa.¹ ³¹ “Ūju Salomón quēnaro masiḡu ñañuju” yire quetire ajic̄õari, Sabá sitana ūjo ñamasirio, s̄õju vadic̄õari, ĩre ajigo ejamasĩñuju so. Salomón rētoro ñamasuḡu ñaja ȳu. To bajiro ȳu bajiboajaquēne, m̄uaj̄uama, ȳure ajitir̄ũñubeaja m̄ua. To bajiri masare Dios ĩ beserir̄ũm̄u ti ejaro, ado bajiro bajiruar̄oja m̄uare: Salomón t̄u ejamasirio, tudicatic̄õari, “M̄ua ye s̄ũorine rojose t̄am̄uoruar̄aja”, m̄uare yir̄uocomo so, ȳu gotisere ajirā ñaboarine, rojose m̄ua yit̄ujabetijare, ĩnare yiyuju Jesús. ³² N'ĩnive macana ñamasiriarā, Jonás ñamasir'i Dios oca ĩ gotisere ajic̄õari, rojose ĩna yisere s̄utiritic̄õari, yit̄ujamasĩñujarā ĩna. Jonás rētoro ñamasuḡu ñaja ȳu. To bajiro ȳu bajiboajaquēne, m̄uaj̄uama, rojose m̄ua yisere yit̄ujabeaja m̄ua. To bajiro yirā m̄ua ñajare, masare Dios ĩ beserir̄ũm̄u ti ejaro, ado bajiro bajiruar̄oja: N'ĩnive maca ñamasiriarā, tudicatur̄arāma ĩna. Tudicatic̄õari, “M̄ua ye s̄ũorine rojose t̄am̄uoruar̄aja”, m̄uare ȳiĩaruarāma —ĩnare yiyuju Jesús.

³³ To yic̄õari, quēna gaje queti, gotimasiore queti ado bajiro ĩnare gotiyuju Jesús:

—S̄ĩabusuariare j̄eõc̄õari, sot̄une tiare mub̄uamenaja m̄ua. Tire j̄eõc̄õari, “Ñajediro ti vianare ũj̄ubusuato” yirā, vecaj̄u jeor̄aja m̄ua —ĩnare yigotiyuju Jesús. J

³⁴⁻³⁵ To yic̄õari, quēna gaje gotimasiore queti ĩnare gotiyuju:

—M̄ua caje quēnaro ti ruyujama, “Tine ñaja quēnamasuse”, ȳiĩamasijaja m̄ua. To bajiboarine, m̄ua caje quēnaro ti ruyubetijama, quēnabetire ĩac̄õari, m̄ua masune, “Ti ñaja quēnamasuse”, yisocar̄aja m̄ua. Tire bajiro bajijaja m̄ua t̄uõĩase quēne. Dios ĩ bojarore bajiro quēnaro m̄ua t̄uõĩajama, ñajediro quēnaro riojo t̄uõĩamasiruar̄aja m̄ua. ĩ bojabetire m̄ua t̄uõĩajama, “Riojo t̄uõĩamasijaja” m̄ua masune yisocañarā r̄ĩne, ñajediro riojo t̄uõĩamasimena ñacoaruar̄aja m̄ua. To bajiri, quēnabetire ĩac̄õari, “Mani masune, ‘Ti ñaja quēnamasuse’ yisocarobe” yirā, Dios ĩ bojarore bajiro quēnaro t̄uõĩaña m̄ua. ³⁶ Dios ĩ bojarore bajiro quēnase r̄ĩne m̄ua t̄uõĩajama, ñajediro quēnaro riojo t̄uõĩamasiruar̄aja m̄ua —ĩnare yiyuju Jesús.

Fariseo masa, to yic̄õari, Dios ĩ rotimasire gotimasiorimasa quēne, “Rojose t̄am̄uoruar̄aja m̄ua”, Jesús ĩnare ĩ yire queti

(Mt 23.1-36; Mr 12.38-40; Lc 20.45-47)

³⁷ To bajiro ĩ yigajanoro bero, s̄ĩḡu fariseo mas̄u,

—Ȳu ya vij̄u ȳu r̄aca baḡu vayá m̄u —Jesúre yiyuju.

To bajiro ĩ yir'i ñari, ĩ t̄uj̄u s̄ajaejac̄õari, ĩ ãmori coebec̄une, baejar̄uju vasuju Jesús. ³⁸ To ĩ bajiro ĩac̄õari, “ “Manire ĩvari quēnato Dios” yirā, mani ñic̄ua ĩna yimasiriarore bajiro ãmori coec̄õari r̄ĩne, baroti ñaja’ yirotimasirere yir̄ũc̄ub̄uobeami Jesús” ĩre ȳiĩaḡu ñari, no yimasibesuju fariseo mas̄u.

³⁹ To bajiro ĩre ĩ yit̄uõĩasere ĩamasic̄õari, ado bajiro ĩre gotiyuju Jesús:

—Idiriabaja, bare jeobariabajare bajiro bajijaja m̄ua, fariseo masa. Idiriabaja, bare jeobariabaja joema coeribajari ñaboarine, jubej̄uama buto ueri cutibajarire bajiro bajijaja m̄ua. M̄ua us̄uri bajisej̄uarema t̄uõĩabeaja m̄ua. To bajirā ñari, “Quēnaro yirā ñaja ȳu” yit̄uõĩaboarine, rojosere quēne t̄uõĩarā ñari, rojorā ñaja m̄ua. ĩaũorā ñari, “Ĩnare yitoc̄õari, ĩna c̄uobosere ēmaruar̄aja”, yit̄uõĩarā ñaja m̄ua. ⁴⁰ T̄uõĩamasimenare bajiro bajirā ñaja m̄ua, “Rojorā ñaja mani” yimasimena ñari. ¿Dios, mani ruj̄urire rujeor'i, mani us̄urire quēne rujeobesujarique ĩ? Mani us̄urire rujeor'i ñari, quēnaro mani t̄uõĩasere

ĩ 11:30 “Ti ũnre bajiro bajiruc̄uja” Jesús ĩ yijama, rijacoaboarine, ĩ tudicatirotire t̄uõĩac̄õari, yiyuju. J 11:33 To bajiro Jesús ĩ yijama, ĩ oca riojo masirāma, “Ḡajer̄are gotimasioroti ñaja” yiḡu, yiyuju.

quēne bojaami Dios. ⁴¹ Rojosere tuoīatujaya. To bajiro m̄ua yijama, Dios ī bojarore bajiro tuoīarā ñari, quēnaro yirā masu ñaruarāja m̄ua.

⁴² Buto rojose tām̄uoruarāja m̄ua, fariseo masa. Dios ī rotimasirere buerētobucōari, ñamasuse mejuare ajitirūn̄urāja m̄ua. To bajiro yirā ñari, bare sāv̄uorere, an'is, menta, comino vāme cutire mojoroaca ti vaja cutiboajaquēne, Diore yirūcub̄uoriavi moabosari-masare īsiaja m̄ua. To bajiro yirā ñaboarine, Dios ī rotimasire ñamasusejuarema ajitirūn̄umenaja m̄ua. Ado bajiro bajiaja ñamasuse: Quēnaro riojo yire, gājerāre īmaire, to yicōari, Diore maire quēne ñaja ñamasuse. Tire quēne yirūgūrona ñaja m̄ua.

⁴³ Buto rojose tām̄uoruarāja m̄ua, fariseo masa. Boserūm̄u ñaro rūcub̄uoriajauju baruji variquēnaja m̄ua. Dios ocare īna bueriviriju quēne rūcub̄uoriajauju ruji variquēnaja. Masa īna ñariju m̄ua ejajama, rūcub̄uose rāca m̄uare īna sēnisere bojarūgūaja m̄ua.

⁴⁴ Buto rojose tām̄uoruarāja m̄ua. Masa, gojere bajiro bajiaja m̄ua. Ti goje joere vaboarine, “Masa īna yujeriagoje ñaroja” yimasimenama, ō ēñerocaju ti ñajare. Tire bajiro bajiaja m̄uare quēne. Rojose m̄ua tuoīasere masimena ñari, “Rojorā rāca ñaja mani”, m̄uare yimasibeama masa, m̄ua taju ejarā —īnare yigotiyuju Jesús, fariseo masare.

⁴⁵ To bajiro ī yigotirone, sīgū Dios ī rotimasire gotimasiorimasu ñañuju ī. Ado bajiro Jesúre yiyuju:

—Gotimasiorimasu, tuoīamasiri mene goticōaja m̄u. Fariseo masare to bajiro m̄u yijama, yuare quēne tud'igū yaja m̄u —Jesúre īre yiyuju.

⁴⁶ To bajiro ī yirone, ado bajiro īre cūdiyuju Jesús:

—M̄ua, Dios ī rotimasire gotimasiorimasa quēne buto rojose tām̄uoruarāja. Dios ī rotimasire masirā ñari, ī rotimasire rētoḅusaro yirotirūgūaja m̄ua. “Cojo vāme me mani rotise ñajare, cūdijeomasimenama īna” yimasirā ñaboarine, īnare īm̄aimenane, “Ñajediro yua gotirētoḅuse riojo ñaja”, masare īnare yirūgūaja m̄ua.

⁴⁷ Buto rojose tām̄uoruarāja m̄ua. Diore gotirētoḅosamasiriarāre m̄ua ñicua īna sīamasiriarāre īna yujemasirijau joere quēnarijauri quēnoaja m̄ua, “Quēnarā ñañuma” yirā. ⁴⁸ To bajiro m̄ua yijama, “Quēnarā ñañuma” yirā me yaja m̄ua. Ado bajiroju yirā yaja: “Diore gotirētoḅosamasiriarāre mani ñicua īna sīamasire quēnañuja ti” yirā yaja m̄ua, m̄ua ñicua rojose īna yiriarore bajiro rojose yirā ñari.

⁴⁹ To bajiro m̄ua yiroto rījorojune masicōañumi Dios, quēnaro tuoīagū ñari. Ado bajiro yiyumi, m̄ua ñicua, to yicōari, m̄uare quēne tuoīayugū ñari: “Jud'io masa vatoaju yure gotirētoḅosarāre, to yicōari, gājerā yu oca goticudirimasare quēne cōarucija yu. Īnare sīaruarāma īna. Gājerārema, rojose īnare yiruarāma”, jud'io masare m̄uare yiyumi Dios. ⁵⁰⁻⁵¹ To bajiri m̄ua ñicua īna yimasire, m̄ua yisere quēne ado bajiro m̄uare yirucumi Dios: Abel ñamasir'ire m̄ua ñicu ī sīasūomasire, to yicōari Diore gotirētoḅosarimasare m̄u ñicua īna sīamasire, to yicōari Diore yirūcub̄uoriavi jubeaju ñarijau soem̄uorijau taju m̄ua ñicua Zacar'iare īna sīatusamasire ti ñajare, buto rojose tām̄uoruarāja m̄ua adirūmuri ñarā. Īna bajimasiriarore bajirone Diore m̄ua ajitirūn̄ubeticōa ñajare, īna sīamasire vaja rojose īnare ī yiroti rētoḅusaro rojose m̄uare yirucumi Dios, adirūmuri ñarāre.

⁵² Buto rojose tām̄uoruarāja m̄ua, Dios ī rotimasire gotimasiorimasa. Tire buerētobucōari, ñamasuse mejuare ajitirūn̄ucōari, gotimasiovadicaju m̄ua. To bajiro m̄ua yijama, “Uju Dios yarā quēnaro ī yirā ñabeticōato mani” yirāre bajiro yīñaja m̄ua. To yicōari, “Gājerā, Uju Dios yarā quēnaro ī yirā ñabeticōato īna” yirā yaja m̄ua. Dios yarā īna ñarūaboajaquēne, īnare matarā yaja m̄ua. To bajiri m̄ua quēne ī yarā ñabetiruarāja m̄ua —īre yicūdiyuju Jesús, Dios ī rotimasire gotimasiorimasare.

⁵³⁻⁵⁴ To yigajano, īre jivar'i ya vijure Jesús ī budiato, buto īre jūnisiniñujarā Dios ī rotimasire gotimasiorimasa, fariseo masa quēne. Īre jūnisinirā ñari, buto īre sēniñagōjan-abioyujarā īna. “Ī cūdimasibetijama, īre ocasārāsa mani” yirā, quēnaro ajisuya vasujarā.

12

“Quēnaro yirā ñaja yua’ yituõaboarine, ‘Rojorā ñaama’ ñnare yĩfamasicōari, ñna gotimasiosere ajibesa”, Jesús ĩ yire queti

¹ “Rojose Jesúre yirāsa” yirā, ĩre ñna ajicode ñarone, jājarā masa ĩ tujure rējañujarā ñna. Jājarā masu rējarā ñari, ñna masune gāmerā cudarorijū ñañujarā ñna. To ñna bajĩñarone, Jesús ĩ buerimasajũare ado bajiro gotisũoyuju ĩ:

—Fariseo masa “Pan vauvato” yirā, ñna vnosere quēnaro ajicōĩaña mũa. “Quēnaro yirā ñaja yua” yituõaboarine, rojose yirā ñaama. ² Masa ñna masibeti jediro, ĩ beserirũmũ ti ejaro, “Quēnaro tire masiato” yigũ, masare ñnare gotirũcũmi Dios. ³ Masa ñna ajibeto yayioroaca mũa ñagōsere, “Jediro ajiato” yigũ, mũa ñagōrere gotirũcũmi Dios —ĩ buerimasare yigotiyuju Jesús.

“Masa rojose yirāre güimenane, Diojũare güiroti ñaja mũare”, Jesús ĩ yire queti
(Mt 10.26-31)

⁴ To yicōari, quēna ado bajiro ĩ buerimasare gotiyuju Jesús:

—Yũ babarāre ado bajiro mũare gotiaja yũ: Mũare sĩarũarāre güibeja mũa. Mũa usuri-jũrema sĩamasimenama ñna. ⁵ Diojũare mũa güijama, quēnaja. ĩ ñnaami mani catisere rotigũ. ĩ masu masiami. To bajiri rojose tãmũotũjabetiriaroju mũare reamasicōami.

⁶ Cojomocārācũ miniare mani vaja yijama, jũatii gājoatiiri rāca vaja yire ñnaroja ti, mojoroaca vaja cutirā ñna ñajare. To cōroaca vaja cutiboarine, Dios ĩ rotibetone rijagu magũmi. ⁷ Masajũare, Dios ĩ ĩajama, jairo vaja cutirāre bajiro manire ĩaami. Manire bũto maiami ĩ. To bajiro bajigũ ñari, mani rũjoajoare, cojojoara rũyabeto cōĩajeogũ ñaami. To bajiri rojose mũare yirāre güibeja —ĩ buerimasare yiyuju Jesús.

“Masa ñna ĩaro rĩjorojũa, ‘Jesúre ajitirũnũgũ ñaja yũ’ mũa yijama, quēnaja”, Jesús ĩ yire queti

(Mt 10.32-33; 12.32; 10.19-20)

⁸ Quēna ado bajiro ĩ buerimasare gotiyuju Jesús:

—Ado bajiro mũare gotiaja yũ: Masa ñna ĩaro rĩjorojũa, “Jesúre ajitirũnũrā ñaja yua” yirārema, yũ quēne õ vecaju yũ jacũ yarā ángel mesa ñna ĩaro rĩjorojũa, “Ānoa ñaama yũ yarā”, yĩĩorũcũja yũ. ⁹ To bajiboarine masa ĩaro rĩjorojũa, “Jesúre ajitirũnũrā me ñaja yua” ñna yijama, yũ quēne, Dios ĩ roticōacacũ, õ vecaju yũ jacũ yarā ángel mesa ñna ĩaro rĩjorojũa, “Yũ yarā me ñaama ñnama”, yĩũcũja yũ.

¹⁰ No bojarā, Dios ĩ roticōacacũre rojose yũre ñna ñagōro bero, sũtiriticōari, Diore ñna sēnijama, rojose ñna yisere masiriorũcũmi. To bajiboarine, Esp'iritu Santo ĩ masise rāca moagũre, “Satanás ye rāca moami” ñna yitud'ijama, Esp'iritu Santojũare rojose yirā yirāma. Tirema gajerodo ti ñnacoaboajaquēne, masiriobetirũcũmi Dios.

¹¹ Yũ ocare mũa gotimasiojare, mũare ñejecōari, Dios ocare ñna buerivirijũ ɸjarā rĩjorojũa mũare juaárũarāma ñna. To yicōari, macari ɸjarā rĩjorojũa mũare juaárũarāma ñna. To yi vanane, ɸjarā ñamasurā rĩjorojũa mũare juaárũarāma. ɸjarā rĩjorojũa mũare ñna juajaro, “¿No bajiro ñagōrāti yua?”, yituõiarejaibeja mũa. ¹² “Ñagōña” mũare ñna yirĩmarone, mani jacũ Dios ĩ cōagũ, Esp'iritu Santo ĩ ejarēmose rāca “Ado bajiro gotirũarāja yua”, yimasirũarāja mũa —ĩ buerimasare yigotiyuju Jesús.

“Jairo gajeyeũni mani cũobetijaquēne, no yibeaja”, Jesús ĩ yire

¹³ To bajiro ĩ yiro bero, ado bajiro Jesúre sēniĩañuju sĩgũ:

—Gotimasiorimasũ, yũ jacũ ñnamicacũ gajeyeũnire cũobeaja yũ. Yũ gagũ, tire juacũcacũ ñaboarine, yũre ĩsirũabeami. To bajiri, “ĩ ye ñarotire ĩre ĩsiña mũ” ĩre yiya, yũ gagũre —Jesúre ĩre yiyoayuju ĩ.

¹⁴ To bajiro ĩ yisere ajicōari, ado bajiro ĩre cũdiyuju:

—“Tire yirotirimasũ ñarũcũja mũ” yigũ me, yũre cōacami Dios —ĩre yicudiyuju Jesús.

¹⁵ To yicōari, masa jedirore ado bajiro gotiyuju:

—Gãjerã ye gajeyeünire bojañabesa. To yicõari, gajeyeüni cutirã mua ñajama, buto tire maibesa. Jairo mani cõojama, mani cõobetijaquêne, no yibeaja. Ti suori me variquênare ñaroja —ñare yiyuju Jesús.

¹⁶ To yicõari, gotimasiore queti ñare gotimasioñuju Jesús:

—Sĩgũ masu gajeyeüni jaigu ñagũmi. Ī ote quêne, jairo rica cutiroja ti. ¹⁷ Jairo ti ricacuto ñacõari ado bajiro tũoĩagũmi: “¿No bajiro yiguti yu? Nojua cũmasiriaro maja yu”, yitũoĩagũmi. ¹⁸ To bajiro yitũoĩagũne, “Ado bajiro yirucuja yu”, yitũoĩabujagumi. “Bare cũriavirire caguereacõari, gaje viri jacabusariviri buarucuja yu. To yicõari, ti virijure yu barere, yu gajeyeünire quêne cũrucuja yu. ¹⁹ To yigajanocõari, ado bajiro tũoĩa variquênarucuja yu: ‘Guaro jedibetirũaroja ti, yu cõose. To bajiri, ususãja, quênaro bare ba, idire idi, yivariquêna ñarucuja yu’”, yitũoĩaboagumi, socune. ²⁰ To bajiro ĩ yitũoĩañarone, ado bajiro ĩre yigumi Dios: “Tũoĩamasibecure bajiro yaja mu. Mu rijato bero mu bajiro tire tũoĩabecune yicõaja mu. Adi ñamine rijacoarucuja mu. To bajiri mu cõosema, ¿ñimũ yejua ñarũaroadã?”, ĩre yigumi Dios. ²¹ Tire bajirone bajiaja Diore tũoĩamenane, jairobua gajeyeüni juacũrũtuanarema. “Disejua ruyabetirũaroja yuare” ña yiboajaquêne, Dios ĩ ñajama, “Yu ye quênasejũare bũjabetirona ñaama, yure ajitirũnũmena ñari”, ñare yĩaami Dios —ñare yiyuju Jesús.

“Ī rĩa mani ñajare, manire ĩatirũnũrucumi Dios”, Jesús ĩ yire queti (Mt 6.25-34)

²² To ĩ yiro bero, ado bajiro ĩ buerimasare gotiyuju quêna:

—To bajiro Dios ĩ yĩase ti ñajare, adi macarucurojũre mua bajiro tire tũoĩarejaibesa mua. “¿No bajiro bũjacõari, bare ba, idi, sudi sãña, yicatiñarãti yua?”, yitũoĩarejaibesa. ²³ Quênamasuse mani usure, to yicõari mani rujũre manire ĩsiñumi Dios. To bajiri mani baroti, mani idiroti, to yicõari sudi mani sãñarotire quêne cõarũgũrucumi ĩ. ²⁴ Minia ña bajisere tũoĩaña mua. ĩna otebetiboajaquêne, to yicõari, bare ña juarẽocũbetiboajaquêne, ñare bare cõarũgũami Dios. “Miniare quêne ĩamaigũ ñari, manire roque rẽtoro maigũmi”, ¿yimasibeati mua? ²⁵ “Adi macarucurojũre ñarã yoaro catirũarãja yua” mua yitũoĩarejaiboase, “Yoarobua catiatio” yiro, mũare ejarẽmomasibeaja ti. ²⁶ To bajiro ti bajijare, mua catiñarotire tũoĩarejaibesa.

²⁷ Sudi mua sãñarotire quêne tũoĩarejaibesa. Go bucasere tũoĩañasaque mua: Moabeti, to yicõari, sudi sãñarua tũoĩarejaibeaja ti. To bajiboarine, Ījũ Salomõn ñamasir'i gajeyeüni jaigu ĩ ñaboajaquêne, quênase ĩ sudi sãñamasire rẽtoro quênase ñaja ti. ²⁸ Gore buto quênase ñarotirũgũami Dios. Quênase ñaboarine, yoaro mene sĩnicoatoja. Ti sĩniro ñacõari, bare quênorũarã, tire juacõari, soerãma masa. To bajiri yoaro catise me ti ñaboajaquêne, tire quênorũgũgũmi Dios. Go rẽtoro manire roque maigũ ñari, “Manire sudi cõarucumi Dios”, yimasiroti ñaja mũare. “To bajirone yigumi Dios”, yiajitirũnũbetibũsarã ñaja mua. ²⁹ To bajiri, “¿No bajiro bũjacõari, bare ba, idi, yicatiñarãti yua?”, yitũoĩarejaibesa. ³⁰ Dios yarã me ñarãma, tire buto tũoĩarejairãma. Manijũarema, mani jacũ ñagũmi, “Ti ruyaja, ñare” yimasigũ. ³¹ To bajiri, “Ījũ Dios yarã, quênaro ĩ yirã ñaja mani. Ī bojarore bajiro quênase rĩne yirũarãja”, yitũoĩarũgũña mua. To bajiro mua yijama, adi macarucuroaye mua cõobetire bũjarũarãja mua.

Õ vecajũ Dios tũjũ quênase mani bũjaroti queti (Mt 6.19-21)

³² Jãjarã me ñaja mua. To bajiboarine tũoĩarejaibesa. Ījũ Dios quênase mũare cõavariquênarũgũami. To yicõari, ĩ ñaroju õ vecajũ variquênase rãca mũare bo-caãmĩrucumi. ³³ Jediro mua cõose gãjerãre ĩsijeocõaña. To yicõari, ti vaja bũjacõari, maioro bajirãre ĩsima. To bajiro mua yijama, õ vecajũ Dios ĩ ñaroju quênase bũjarũarãja mua. Mũare quênaro Dios ĩ yise jedibetirũaroja. Tojũre juarudirimasa ejabetirũarãma. To yicõari, quênaro mũare Dios ĩ yisere barearã manama. ³⁴ Õ vecaye quênase mua bũjaroti jedibetiroti ti ñajare, mua cõosejũare tire tũoĩarejaimenane, “Quênaro yua yise

vaja ð vecaju vaja tacūrã yaja” yituoĩacõari, quẽnaro yirũgũña —ĩ buerimasare yigotiyuju Jesús.

“Yũ tudiejarotire quẽnaro tũoĩayuya”, Jesús ã yire queti

³⁵⁻³⁶ Ado bajiro ãnare gotiyuju Jesús:

—Adi macarũcũrore vaveorũcũja yũ. To bajiboarine, tudivadirũcũja quẽna. Yũ manitoye quẽne, yũ bojarore bajiro quẽnaro yicõa ñama, yũ tudiejarotire tũoĩayurã ñari —ĩnare yiyuju Jesús.

To bajiro yigajanocõari, gotimasiore quetire tũoĩacõari, ãnare gotiyuju Jesús:

—Sĩgũ ẽju gãjerã ãna ãmosiarirũmũ, boserũmũ ãna yiro, ãagũ vacoacũmi ã. To bajiri ã tudiejaroto rĩjoro ãre moabosarimasa ãre yurãma ãna. “¿No cõro tudiejarũti ã?”, yirũgũrãma ãna. Tudiejacõari, “Manire ã jirone, guaro sojere jãnarũarãja mani”, yitũoĩarãma ãna. ³⁷ To bajiri cãnibetiriarã ñari, ãna ẽju ã tudiejaro, bũto variquẽnarãma ãna. To cõrone ãna ẽju ãnare rujirotigũmi. ãnare rujiroti, ã masune ãnare bare ecagũmi, ãna ẽju ñaboarine. ³⁸ To bajiri ñami gudareco ti ñacoaboajaquẽne, cãnibetiriarã ñari, ãna ẽju ã tudiejaro, ãre ãacõari, bũto variquẽnarãma ãna.

To bajiri ẽju ã manitoyeju ã tudiejarotire yurã, ãna cãnibetiriarore bajiro bajicõa ñarũarãja mũa, yũre yurã ñari. Yũ bojarore bajiro quẽnaro yicõa ñama mũa. To bajiro mũa bajijama, yũ tudiejaro ãacõari, bũto variquẽnarũarãja —ĩnare yigotiyuju Jesús.

³⁹ To yicõari, quẽna gaje queti gotiyuju:

—Adi quetire quẽne tũoĩañã: Sĩgũ vi ẽju, “Adi ñami juarudirimasũ ejarũcũmi” ã yimasijama, roori ñabogũmi, ãre matarũ. ⁴⁰ To bajiri, “Dios ã roticõagũ ã tudiejarotire mani masibetirĩmarone tudiejaromi” yirã, roori ñarũgũrũarãja mũa —ĩnare yigotiyuju Jesús.

“Ado bajiro bajigũmi yũ tudiejarotire roori ñagũma”, Jesús ã yire queti

(Mt 24.45-51)

⁴¹ To bajiro ã yijare, sĩgũ ã buerimasũ, Pedro vãme cõtigu, ado bajiro Jesũre ãre sẽnĩañuju ã:

—Yũ ẽju, ¿tire yũa rĩrene gotigu yati mũ? ¿Jedirore gotigu yatique mũ? —ãre yisẽnĩaboayuju ã.

⁴² To ã yirone, ado bajiro ãre cũdiyuju Jesús, gaje queti, gotimasiore rãca gotigu:

—Ado bajiro bajirũcũmi yũre quẽnaro ajitirũnũ tũjabecũ, quẽnaro tũoĩagũ: Ʋju, gajeroju ñagũacũ, ã varoto rĩjoro, “Yũ ya vianare yũre codebosaba” yigu, ãre moabosarimasũre ã cũvar'ire bajiro bajigu ñagũmi. ⁴³ ã ẽju, ã rotiriarore bajirone ã moayurere tudiejacõari, ã ãejajama, quẽnaro ãre yigũmi, ãre moabosarimasũre. ⁴⁴ Riojo mũare gotiaja yũ. Ʋju ã bojarore bajirone ã yire ti ñajare, ã cũose jedirorene, ãre ãtirũnũrotigũmi. ⁴⁵ Ado bajiro bajirũcũmi yũre quẽnaro ajitirũnũbecũma: Rojose yigu ã ñajama, ẽju ã vato bero, “Yoatoju tudiejarũmi” yitũoĩagũ ñari, ã ẽjũre moabosarimasare rojose yigũmi. To yicõari idimecũrũgũrãre baba cõtĩcõari, ãna rãca idirũgũgũmi ã quẽne. ⁴⁶ To ã yĩñarone, ã ẽju, tudiejarũmi. Tudiejacõari, ã rotiriarore bajiro ã yibetire ti ñajare, rojose ãre yigũmi. To bajiri “Quẽnaro yirã ñaja yũ” yiboarine, ãna yirore bajiro yimena rojose ãna tãmũrore bajirone tãmũogũmi.

⁴⁷ No bojagu ã ẽju ã bojasere masiboarine, ã rotiriarore bajiro ã yibetijama, tudiejacõari, bũto ãre quẽasĩacõagũmi ã ẽju. ⁴⁸ Gãjjjũa, ẽju ã bojasere masibecũne ã yijama, tudiejacõari, quẽnabũsane ãre quẽagũmi ã ẽju —ĩnare yigotiyuju Jesús.^k

“Yũre mũa ajitirũnũsere ãacõari, mũare ãajũnisinirũarãma”, Jesús ã yire queti

(Mt 10.34-36)

⁴⁹⁻⁵⁰ Quẽna ado bajiro ãnare gotiyuju Jesús:

^k 12:48 Adi vãmere yigu yiyuju Jesús: Adi macarũcũroju Jesús ã tudiejarone, ẽju ãre moabosarimasare ã yiriarore bajiro ãnare yirũcũmi Dios. To bajiri Dios ã bojasere quẽnaro masirãre, “Quẽnaro yiya”, yami Dios. ã bojasere quẽnarobũsa masirã, “Bũtobũsa masiña”, yami Dios. Mani masiro cõro mani yisere bojaami Dios.

—“Rojose tãmuotujabetiriaroju mani vaborotire manire yirëtohosarucumi Jesús' yivariquënarona ñato” yigu, vadicaju yu. To bajiro bajicacu ñari, gãjerã tire tuoïamenare ñare soereaguagure bajiro bajicaju yu. To bajicacu ñari, guaro ñare yu rijabosarotire bojaja yu. ⁵¹ “Quënarõ ñato ñna masa' yigu, vayumi Jesús”, yure yituoïabesa mua. Dios ñ bojabeti yirã, yu ocare ajijünisinicõari, yure ajitirünurãre ñateruarãma ñna. To bajiri ado bajirojua yure yituoïañã: “ Ñ suorõ ricatiri tuoïaruarãma masa' yigu bajiyumi Jesús”, yure yituoïañã. ⁵² “Ado bajiro bajiruaroja” yigu yaja yu: Cojo viana ñaboarine, sīgñri yure ajitirünurã ña, gãjerãjua yure ajiterã ña, bajiruãrãma. ⁵³ Ñ macu, yure ñ ajitirünujama, ñ jacujua ñre ñaterucumi. Jacujua, yure ñ ajitirünujama, ñ macujua, ñre ñaterucumi. So macojua, yure so ajitirünujama, so jacojua, sore ñaterucocomo. Jacojua, yure so ajitirünujama, so macojua, sore ñaterucocomo. So jëjojua yure so ajitirünujama, so ñmañicojua, sore ñaterucocomo. So ñmañicojua yure so ajitirünujama, so jëjojua, sore ñaterucocomo —ñare yigotiyuju Jesús.

Rodori bajisere ñ gotimasiore queti

(Mt 16.1-4; Mr 8.11-13)

⁵⁴ To yicõari, ado bajiro ñare gotirütuasuju Jesús, jãjarã masare:

—Muiju ñ rocasãtojuã bueri ti vadijama, “Oco quediruãja”, yïãmasiaja mua. ⁵⁵ To yicõari, mino varuagũmuaye ti vēatujama, “Buto asirucumi muiju”, yïãmasiaja mua. ⁵⁶ Ñamasuse mere ñamasicõari, “Masirã ñaja yua”, yituoïaboaja mua. Ñamasusejuare masibeaja mua. Adirũmũri yu yisere ñarã ñaboarine, “Dios ñ roticõar'i ñari, yami”, yïãmasibeaja mua —ñare yiyuju Jesús.

“Rojose mua yigure oca quënoña”, yire queti

(Mt 5.25-26)

⁵⁷ Ado bajiro ñare gotiyuju Jesús quëna:

—¿No yirã mua masune yu yisere ñacõari, “¿To bajirojua yiroti ñatique?”, yituoïabeati mua? ⁵⁸ Gãjire rojose mua yijama, oca quënorimasu tujũ mua ejaroto rĩjoro, ñ rãca oca quënoroti ñaja mua juarãne. Oca quënorimasu tũ ejamenane, mua oca quënobetijama, masare coderimasure juarotirucumi, muare. Ñjua, muare tubiberucumi. ⁵⁹ Riojo muare gotiaja yu. Rojose mua yire vaja mua vaja yibetijama, budimenaja mua. Tire bajirone bajiruaroja. Dios ñ vaja sënirirũmu ejaroto rĩjorojua, rojose mua yir'ire ñre oca quënoña. Mua gãmerã oca quënobetijama, Dios ñ vaja sënirirũmu ti ejaro, rojose tãmuotujabetiriaroju, tudibudiyamanoju muare cõarucumi —ñare yigotiyuju Jesús.

13

“Rojose mua yisere yitujacõari, Dios ñ bojarore bajirojua mua yibetijama, rojose mua yise vaja bajiyayiruãja mua quëne”, Jesús ñ yire queti

¹ Tirũmũne queti gotirã Jesús tujũ ejayujarã ñna. Ñ tujũ ejacõari, ado bajise ñre gotiyujarã ñna:

—Galilea sitana, Diore yirũcũbuoriavijũ sãjaejacõari, Diore rũcũbuorã, vaibũcũrãre sãñujarã ñna. To ñna bajirone, Uju Pilato ñ yarãre ñare sãaroticõañuju —Jesúre yigotiyujarã ñna.

²⁻³ To bajiro ñna yigotisere ajicõari, ado bajiro ñare gotiyuju Jesús:

—Galileana ñna bajiyayirere muare gotirucuja yu: Buto rojose ñna yise vaja me bajiyayiyujarã ñna. Gãjerã Galileana rëtoro rojose yirã me ñaboayujarã ñna. Mua quëne, rojose mua yisere mua tuoïavasoabetijama, bajiyayicoaruarãja mua. ⁴⁻⁵ Siloé vãme cuti macajure cojo vi, juriaquediato, juããmocãrãcu, cojo gũbo jedi, gaje gũbo idia jënituarirãcu masare sãñuju ti. Buto rojose ñna yire vaja me bajiyayiyujarã ñna quëne. Gãjerã Jerusalén macana rëtoro rojose yirã me ñaboayujarã ñna. Mua quëne rojose mua

yisere yitujacōari, Dios ĩ bojarore bajirojua mua yibetijama, bajiyayicoaruarāja mua — ĩnare yigotiyuju Jesús.¹

Higuera vāme cutiū rica manire tuoīacōari, Jesús ĩ gotimasiore

⁶ Quēna gaje queti gotimasiore queti ĩnare gotiyuju Jesús:

—Sīgū masu vese cutigu ñagūmi. ĩ ya vesere higuera vāme cutiure otegumi. ĩ oter'i, “Всуча, rica cuticoatoja ti” yigu, ĩagū vacumi. Vaejacōari, ĩaboagumi. Rica manicōaroja. ⁷ To ñagūmi, ĩ vesere codebosarimasu. To bajiri, ĩjuaare ado bajiro gotigumi: “Jēre idia cūma tiure rica macaboaja yu. Rica manirūgūaja ti. Quēarocacōaña mu, tiure. Rojoricu ñaja ti. Gaji ote vasoaroti ñaja”, ĩre yigotigumi. ⁸⁻⁹ To ĩ yiboajaquēne, ado bajiro ĩre cūdigumi vese coderimasu: “Maji. Quēarocabeticōato mani. Adi cūmare quēne quēnaro tiure ĩacoderuaja yu. Sita quēnase tu, vaibucurā guda quēne tu, quēnaro tiure code, gaje cūma gāme tudīaruarāja mani quēna. To cōrone ti rica manicōajama, quēarocaruarāja mani”, ĩre yicugudimi vese coderimasu — ĩnare yigotiyuju Jesús^m

Ususājariarūmu rōmiore Jesús ĩ catiore queti

¹⁰ Ususājariarūmu ti ñaro Dios ocare ĩna bueriviju masare gotimasio ñañuju Jesús.

¹¹ ĩnare ĩ gotimasio ñarojue ñañuju sīgō rōmio. Yoaro, juaāmo cōro, cojo gūbo jedi, gaje gūbo idia jēnitarirāca ñaricūmari so usuju vāti ĩ sāñajare, mubiarine ñacōañuju so. ¹²⁻¹³ To so bajīñasere ĩacōari, sore yiyuju.

—Jēre mu rijaye cutise mure jedicoaju ti —sore yiyuju Jesús.

To yigūne, so sūyarojua joere ĩ āmori ñujeoyuju. ĩ ñujeorirīmarone, riojo vūmujocoasu so yuja. Vūmujogone, ado bajiro gotiyuju:

—Jesús sūorine quēnaro yure yami Dios —yigotiyuju so.

¹⁴ To bajiro so yiboajaquēne, Dios ocare ĩna buerivi ũju, so quēnaejasere ĩacōari, Jesúre ĩajūnisiniñuju ĩ. “Ususājariarūmure catiorotibeama ũjarā. To bajiri, ‘Rojose yigu ñaami’”, Jesúre yijūnisiniñuju ĩ. To bajiro Jesúre ĩre yijūnisinigū ñari, ado bajiro masajūare gotiyuju:

—Tocārāca semana, cojomo cōro coja jēnitarirācarūmuri, moariarūmuri ñaja ti. To cōrojū mua catirotire sēnirā vadirūgūroti ñaja. Adirūmu ususājariarūmu ũnorema to bajiro yirā ejabesa mua — ĩnare yigotiyuju ĩ.

¹⁵ To bajiro ĩnare ĩ yirone, ado bajiro ĩre gotiyuju Jesús:

—“Quēnaro yirā ñaja yua” yituoīaboarine, rojorā ñaja mua. Ususājariarūmu ti ñaboajaquēne, mua ta vecuare, burroare, bare ecariaviju ñarāre ĩnare jojiocōari, ĩna oco idirojū tūa varūgūaja mua. ¹⁶ To bajiro mua yirūgūse ñajare, adiore yu catiosere ĩacōari, buto variquēnaroti ñaboaja muare. Vaibucu me ñaamo. Mani yo, Abraham ñamasir'i jāneñone ñaamo so. Vātia ũju sore siacōari, cuogure bajiro yiyumi. Juaāmo cōro, cojo gūbo jedi, gaje gūbo idia jēnitarirāca cūmari to bajiro sore cuoñañumi. To bajiro sore ĩ yicuoñajare, “Ususājariarūmune sore catiocōaroti ñaroja”, yibu yu. Mua quēne yure bajiro tuoīamasiña — ĩre yiyuju Jesús, ti vi ũjue.

¹⁷ To bajiro ĩ yisere ajicōari, “Riojo gotiami”, yibojoneñujarā ĩna, ĩre tud'iriarā. Gājerājuama, buto variquēnañujarā ĩna, jediro quēnase rīne Jesús ĩ yirūgūse ĩacōari.

“Mostaza vāme cutiū rica, ajeare bajiro bajaia”, Jesús ĩ yire

(Mt 13.31-32; Mr 4.30-32)

¹⁸ Higuera, rica manire sīgū ĩ rocare queti Jesús ĩ gotiro bero, ado bajirone masare gotimasioñuju:

—“Rotimūorūgōrucuja mu” yigu, Dios ĩ cōagū, yu gotimasiosere no bojarā ĩna ajitirūñujama, muare yu gotisere mojoroaca ajimasiboarine, rojose ĩna ñare cutisere

¹ 13:4-5 13:2-5 “ĩna bajiyayirotire Jesús ĩ gotijama, ĩna rijato beruju, rojose ĩna tāmūotūjabetirotire yigu yiyuju”, yituoīaama sīgūri, Dios oca masa ĩna ucamasire buerētoburimasa. ^m 13:8-9 “Adi quetire Jesús ĩ gotijama, ‘Masa rojose ĩna yise vaja rojose tāmūotūjabetiriaroju ĩnare reategu ñari, rojose ĩna yisere yitujacōari, ĩ bojasejūare ĩna yirotire yugūmi Dios’ yimasiogū yiyuju ĩ”, yiyujarā sīgūri, Dios oca masa ĩna ucamasire buerētoburimasa.

tuoivasoacōari, tocārācarūmuri quēnaro ñamujarūgūcōari, quēnaro ajimasimujarūgūjama, ado bajiro bajiruaroja: ^{n 19} Sīgū ĩ ya vese mostaza ajea otegūmi. To bajiri ĩ oterica mojoricaca ñaboarine, ti judibucacoajama, ote yucūri rētoabusaricū jairicū ñaroja tiū. Jairicū ti ñajare, tiū rujurijū minia ĩna ria cūtirotijurire quēnorāma ĩna — ĩnare yigotimasioñuju Jesús.

“Pan vauvasere bajiro bajaia” Jesús ĩ yire queti

(Mt 13.33)

²⁰ Quēna ado bajiro gotimasioñuju Jesús:

—“Rotimurūgōrūcūja mū” yigū, Dios ĩ cōagū, yū gotimasiosere no bojarā ĩna ajitirūñujama, mūare yū gotisere mojoroaca ajimasiboarine, rojose ĩna ñare cūtisere tuoivasoacōari, tocārācarūmuri quēnaro ñamujarūgūcōari, quēnaro ajimasimujarūgūjama, ado bajiro bajiruaroja: ²¹ Rōmio, pan quēnogoago, trigo vetare idiaji vasācōari, pan ũmato vauvasere vūogomo so. To so yijare, jairo vauvaroja ti. Tire bajirone bajiruaroja, Diore rotibosagūre yūre ajitirūñurā jājarābūsa mūa būjuroti — ĩnare yigotimasioñuju Jesús.

“Eyabetisoje ñaja Dios tūjū vana sājariaro”, Jesús ĩ yigotimasiore queti

(Mt 7.13-14, 21-23)

²² Jerusalénjū vacū ñaboarine, tocārāca maca ĩ rētorimacarire ĩnare gotimasiovasuju Jesús. ²³ To ĩ bajivatone, sīgū ĩ rācagū ĩre sēniñañuju ĩ:

—¿Yū ũjū, masa rojose tāmūotūjabetiriaroju vaborona Dios ĩ yirētobosarona, mojoroaca ñarāti? —ĩre yisēniñañuju, Jesúre.

To bajiro ĩ yisere ajicōari, ĩ rācanare ado bajiro ĩnare gotimasioñuju Jesús:

²⁴ —Ūjū Dios yarā quēnaro ĩ yirā mūa ñarūajama, eyabetisojere sājārāre bajiro josarūarāja mūa. Ti josaboajaquēne, ĩ yarā ñaña mūa. Riojo mūare gotiaja yū: ĩ yarā mejuama, jājarā ñarūarāma ō vecaju eyabetisoje sājārūaboarā. ²⁵⁻²⁶ Soje bibero bero ejarūarāma ĩna. To bajicōari, sojere jānamasimena ñari, ado bajiro yūre sēniñaboarūarāma ĩna: “Ūjū, soje jāña mū” yūre yiboarūarāma. To ĩna yirone, “Mūare masibeaja yū”, ĩnare yirūcūja yū. To bajiro ĩnare yū yisere ajicōari, ado bajiro yūre yirūarāma ĩna: “Mū rāca bare ba, idi, yicanane ñaja yūa. Yūa ya macajūre ejacōari, yūare gotimasioacaju mū”, yiboarūarāma ĩna. ²⁷ To ĩna yirone, “‘Jēre mūare masibeaja’ yigotigajanomū yū. ¡Vasa! Rojorā ñaja mūa”, ĩnare yirūcūja yū. ²⁸ To yū yirone, ĩna ñicūa, Abraham, Isaac, Jacob, to yicōari Diore gotirētobosamasiriarā ñajediro Dios tūjū quēnaro ĩna ñasere ĩacōari, būto sūtiritirūarāma ĩna, ĩnare yū sājartobetijare. To bajicōari, būto rojose tāmūrā ñari, guji pōguē, oti, yirūarāma ĩna. ²⁹ To bajiboarine Dios tūjū ejarūarāma gājērā. Muiju ĩ jiado vadiriarā, ĩ rocasāto vadiriarā, to yicōari varuaga soje vadiriarā, gajejacetūa varuaga soje vadiriarā ñarūarāma. Tojūre ĩ rāca barujirūarāma ĩna. ³⁰ Jājarā adoju ñamasurā, ō vecajuarema ñamasumena ñarūarāma ĩna. Adī macarūcūroju jājarā ñamasumenama, ō vecajuarema ñamasurā ñarūarāma — ĩnare yigotimasioñuju Jesús. P

³¹ To bajiro ĩ yigotimasiore, Jesús tūjū ejayujarā fariseo masa sīgūri. ĩ tūjū ejacōari, ado bajiro gotiyujarā ĩna:

—Gajeroju vacoasa mū. Ūjū Herodes, mūre sīarū macañañuju ĩ —Jesúre yigotiyujarā ĩna.

³² To bajiro ĩna yisere ajicōari, ado bajiro ĩnare cūdiyuju Jesús:

ⁿ 13:18 Mostaza ajea ti bajire queti Jesús ĩ gotirere, “Ado bajiro yiruaro yaja”, yiyujarā Dios oca masa ĩna ucamasirere buerēto budiriarā sīgūri. “Jesús ĩ gotimasiosere ajitirūñurā ĩ ñarirodo mojoroaca ñaboarine, jājarā ĩna būjurotire yigū yiyuju Jesús”, yiyujarā ĩna. ^o 13:29 Diorāca ĩna barujitire Jesús ĩ yijama, Diorāca quēnaro ĩna ñarotire yigū yiyuju, yiyujarā Dios oca masa ĩna ucamasire buerēto burimasa. ^p 13:30 “To bajiro Jesús ĩ yijama, judío masa Dios ĩ besetūo boariarā jājarā ĩ tūjū ĩna ejabetitire, to yicōari, judío masa me ñarā ĩ besetūsarā ĩ tūjū ĩna ejarotire yigū yiyuju ĩ”, yitūoñañujarā sīgūri Dios oca masa ĩna ucamasire buerēto burimasa.

—Herodere quēnaro tūoīagūre ado bajiro ĩre gotiba m̄ua: ³³ “Moaroti ñaja yure maji. Masa us̄urij̄u s̄añar̄are v̄atiare ĩnare burearoti, to yic̄ōari rijaye cutir̄are catioroti ñaja yure maji. Ȳuma, ȳu bajin̄arotire quēnaro masiaja ȳu. To bajiri Jerusal̄enj̄une vac̄u bajiaja ȳu. To bajiro ȳure varotiami Dios. Tone Diore gotir̄ētosamasir̄ar̄are s̄iarear̄ūḡumasiñujar̄ā ĩna, masa. Tone ȳure quēne s̄iar̄uar̄ama ĩna”. To bajiro ȳu gotisere ȳure gotibosaba m̄ua —ĩnare yic̄ūdiȳuju Jesús.

Jerusal̄én macana ĩna bajirotire Jesús ĩ t̄uoīas̄utiritire queti
(Mt 23.37-39)

³⁴ To bajiro ĩnare yigajanoc̄ōari, Jerusal̄én macanare ĩre ĩna s̄iarocaro bero ĩna bajirotire t̄uoīac̄ōari, ado bajiro yiȳuju Jesús:

—Jerusal̄én macana, Diore gotir̄ētosamasir̄ar̄are s̄īamasir̄ar̄ā jānerabatia ñac̄ōama ĩna. Dios ĩ c̄ōamasir̄ar̄are ĩ ocare gotimasiorimasare ḡūtane ĩnare reas̄īamasir̄ar̄ā jānerabatia ñaama. Coj̄oji me ḡājaboco so quer̄uj̄u ēñeroca so r̄iare so juar̄ēorore bajiro ĩnare yir̄uaboacaj̄u ȳu, ĩnare coder̄u. To bajiro ȳu yir̄uaboajaquēne, ĩnaja ȳure bojabeticama. ³⁵ To bajiri j̄ere “ĩna ñarij̄ure codet̄ujac̄ōaja ȳu yuja”, yit̄uoīami Dios. Riojo gotiaja ȳu: “¡Rotim̄uor̄ūḡōr̄uc̄m̄i’ yiḡu, Dios ĩ c̄ōar’i vadiami! ¡Quēnase ĩre yivariquēnato mani! ¡Diore rotibosagu ĩ ñajare, ĩre quēnaro yato Dios!”, yure ĩna yiroto r̄ijoro, quēna juaji ȳure ĩabetir̄uar̄ama ĩna —ĩnare yit̄uoīa ñaḡōñuju Jesús, Jerusal̄én macanare.

14

Us̄uḡure Jesús ĩ catiore queti

¹ Us̄us̄ājariar̄ūm̄u ti ñaro, fariseo masa ūj̄u ya vij̄ure baḡu vasuju Jesús. Toj̄u ĩ ejar̄o, “Jesús, rojose yimi” ūjar̄are yi ocas̄ar̄uar̄ā, Jesúre quēnaro ĩacodeyujar̄ā ĩna, fariseo masa, Dios ĩ rotimasire gotimasiorimasa quēne. ² Toj̄u ñañuju s̄īḡū, ĩ ruj̄u jediro us̄uḡu. ³ To bajiri fariseo masa, Dios ĩ rotimasire gotimasiorimasa quēne ĩna t̄uoīasere masic̄ōari, ado bajiro ĩnare s̄ēniñañuju Jesús:

—¿Adir̄ūm̄u us̄us̄ājariar̄ūm̄ure rijaye cutir̄are manire catiorotibedi Dios oca masa ĩna ucamasire? —ĩnare yis̄ēniñañuju ĩ.

⁴ To bajiro ĩ yiboajaquēne, ĩre c̄ūdibesujar̄ā ĩnajuama. To bajiri us̄uḡure jic̄ōari, ĩre catiyȳuju Jesús. To yic̄ōari, ĩre varotiȳuju. ⁵ ĩre varotic̄ōari, ĩ vato bero ñar̄are ado bajiro ĩnare gotiȳuju ĩ:

—Ta vec̄u m̄ua ecar’i, goj̄ej̄u ĩ quediros̄ājama, “Us̄us̄ājariar̄ūm̄u ñaja” yir̄ā, ¿āmir̄ā vamenada m̄ua? —ĩnare yigotiȳuju Jesús.

⁶ To ĩ yisere ajic̄ōari, no bajiro ĩre c̄ūdimasibesujar̄ā ĩna.

“Masa, ñamasumenaj̄uare, ‘Ñamasur̄ā ñato’ yiḡu yir̄uc̄m̄i Dios”, yire queti

⁷ To ĩ yiro bero, toj̄u bar̄ā ejar̄ā, r̄ūc̄ub̄uor̄iaj̄ur̄ire rujir̄uayujar̄ā ĩna. To ĩna bajisere ĩac̄ōari, ado bajiro ĩnare gotimasioñuju Jesús quēna:

⁸⁻⁹ —No bojaḡu ĩ āmosiarotire “ĩar̄ā vadiato” yigotiecor̄ā m̄ua ñajama, ĩ t̄uj̄u ejar̄āne, r̄ūc̄ub̄uor̄iaj̄u rujibeja. To bajiro m̄ua bajibetijama, r̄ūc̄ub̄uor̄iaj̄u m̄ua rujiro bero ḡāji m̄ua r̄ētoro ñamasuḡū ĩ ejaama, ado bajiro m̄uare gotir̄uc̄m̄i vi ūj̄u: “T̄usaroj̄ua rujiaya m̄uama. Ānij̄ua, m̄ua bero ejaaj̄ua, adore rujir̄uc̄m̄i”, m̄uare yir̄uc̄m̄i. To bajiro ĩ yirone, buto bojoner̄uar̄āja m̄ua. ¹⁰ To bajiri “ĩar̄ā vadiato” m̄uare ĩna yijama, ĩna t̄uj̄u ejaac̄ōari, t̄usaroj̄ua rujiba m̄ua. Vi ūj̄u, m̄uare ĩac̄ōari, “R̄ūc̄ub̄uor̄iaj̄uj̄ua rujiaya m̄ua”, yir̄uc̄m̄i. To bajiro m̄uare ĩ yiro ajiri, m̄uare yir̄uc̄ub̄uor̄uar̄ama ĩna, rujir̄ā quēne. ¹¹ Ado bajiro ti bajijare, to bajiro bajiaja: No bojaḡure, ñamasuḡū ñar̄uaḡure, “Ñamasuḡū me ñato”, ĩre yir̄uc̄m̄i Dios. No bojaḡure, “Ñamasuḡū me ñaja ȳu” yiḡu, quēnaro ḡājer̄are yir̄uc̄ub̄uoḡuj̄uare, “Ñamasuḡū ñato”, ĩre yir̄uc̄m̄i Dios —ĩnare yigotimasioñuju Jesús.

Maioro bajir̄are Jesús ĩ mairotire queti

¹² To yigajanoc̄ōari, viaḡure ado bajiro ĩre gotiȳuju Jesús:

—Gājerāre m̄ barotijama, m̄ babarāre, m̄ yarāre, to yicōari, jairo c̄orāre m̄ t̄anare, ĩnare barotibeticōaña. ĩnare m̄ barotijama, bero ĩnaj̄a quēna barotirāma, c̄orā ĩari yibeticōaña. ¹³ To bajiri, gājerāre m̄ barotijama, ĩe c̄omenare, micarāre, rujasagueri vanare, to yicōari, ĩamenare quēne barotiya m̄. ¹⁴ ĩnaj̄ama m̄re bare ecamasimenama ĩna, mojoroaca c̄orā ĩari. To bajiro ĩnare m̄ yijama, b̄to variquēnar̄uc̄ja m̄. Beroj̄a ĩ bojarore bajiro yiriarāre rijariarāre, ĩ c̄atorir̄m̄j̄a m̄re vaja yir̄uc̄mi Dios, to bajiro m̄ yise vaja —viaḡure yigotiyuju Jesús.

“*Ī mac̄a ĩ āmosiaḡuadijare, masare jir̄eoḡūmi ̄j̄a*”, Jesús ĩ yigotimasiore queti
(Mt 22.1-10)

¹⁵ To bajiro ĩ yisere ajicōari, s̄ḡū, Jesúrāca barujiḡa, ado bajiro ĩre gotiyuju:

—*̄j̄a Dios t̄j̄a ō vecaj̄a ĩ rāca barona variquēnar̄ar̄aja mani* —Jesúre ĩre yigotiyuju.

¹⁶ To bajiro ĩ yisere ajicōari, ado bajiro ĩre c̄adiyuju Jesús:

—To bajirone bajiboroja, Dios t̄j̄a m̄ ejajama —*ĩre yic̄adiyuju Jesús. To yicōari, gotimasiore quetire gotiyuju:*

—Cojor̄m̄ s̄ḡū mas̄ quēnaro boser̄m̄ yiḡūmi. Tir̄m̄ ĩaroto r̄j̄oro jājarā masare jiḡūmi, ĩnare ūmato bar̄. ¹⁷ To bajiri boser̄m̄ ti ejaro, ĩre moabosaḡure c̄oḡū, ado bajiro ĩre yiḡūmi: “*Ȳa rāca barona barā vadiato ĩna. ‘Bare quēnogajanoaja ȳa j̄ere’*, m̄re yicōami’ ĩnare yigotiba”, ĩre yigotiḡūmi, ĩre moabosarimas̄re. ¹⁸ To bajiro ĩ yicōar’i, gājerāre jicudiboaḡūmi. ĩna ĩajediro ricatine ĩre boca c̄adirāma ĩna. ĩ jis̄oḡu ado bajiro ĩre c̄diḡūmi: “Cojot̄curo oteriat̄curo vaja yib̄ ȳa. Toj̄ure ĩaḡuac̄a yaja ȳa. To bajiri, ‘*Ī t̄j̄a baḡa var̄aboarine, vamasibeaja’ ȳre yigotibosaba*”, ĩre yic̄diḡūmi. ¹⁹ Gājima, ado bajiro ĩre c̄diḡūmi: “‘Cojomocār̄ac̄a ta vec̄a vaja yib̄ ȳa. ĩnare ĩāaḡuac̄a yaja’ yicōami. To bajiri, ‘Vadimemi’ ĩre yicōama, m̄ ̄j̄ure”, ĩre yic̄diḡūmi, ĩ quēne. ²⁰ Gājij̄ama, ado bajiro yiḡūmi quēna: “Manajo c̄uticoaja ȳa, yuc̄acane. To bajiri boser̄m̄ ĩaḡū vamasibeaja ȳa”, ĩre yic̄diḡūmi. ²¹ To bajiro ĩna yijare, ĩ ̄j̄a ya vij̄a tudiejacōari, ĩna yicōasere ĩre gotiḡūmi. To bajiro ĩna yicōasere ĩ gotiro ajij̄ūnisiniḡūmi ĩ ̄j̄a. J̄ūnisiniḡūne, ado bajiro rotiḡūmi quēna: “*¡Guaro vasa m̄! ¡Macari ĩajediro vasa m̄! ĩe c̄omenare, micarāre, ĩamenare, rujasagueri vanare, ĩnare jiba. ĩnaj̄a, ȳa t̄j̄a barā vadiato ĩna*”, ĩre yigotiḡūmi, ĩre moabosarimas̄re. ²² To bajiri ̄j̄a ĩ yirore bajiro yigotidiḡūmi ĩre moabosarimas̄. ĩ goticudiro bero, tudiejacōari, ado bajiro ̄j̄ure gotiḡūmi: “*̄j̄a, ȳre m̄ roticōarore bajirone ĩnare gotigajanom̄ ȳa yuja. Masa bojar̄emocōaja maji*”, yigotiḡūmi. ²³ To bajiro ĩ yijare, ado bajiro ĩre rotiḡūmi ̄j̄a quēna: “*Maca t̄sarōanare maa t̄ri ĩarāre quēne ĩnare jijeocōama m̄. ‘Ȳa vi j̄m̄coajaro’ yiḡu yaja ȳa. ²⁴ ‘Ȳa rāca baroadiato’ ȳa yicōaboar̄aj̄ama, ȳa rāca babetir̄ar̄ama ĩna*”, ĩre yiḡūmi ĩ ̄j̄a —*ĩre yigotiyuju Jesús.*

“*Ȳre ajitir̄n̄ḡū ĩ masu ruj̄ure ĩ mairo r̄etoro ȳre maiḡūmi*”, Jesús ĩ yire queti
(Mt 10.37-38)

²⁵ Tir̄m̄ri jājarā masa Jesúrāca vasujarā ĩna. To ĩna bajiro j̄dar̄ḡū, ĩnare ĩacōari, ado bajiro gotiyuju Jesús:

²⁶ —No bojaḡu ȳa bueḡu, ĩ jac̄ure, ĩ jacore, ĩ manajore, ĩ r̄iare ĩ mairo r̄etob̄saro ȳre maiḡūmi. To bajicōari, catiquēnaḡū ĩaḡū quēne, rijaye t̄m̄o gajajuaḡu ĩaboarine, ȳre maiḡūmi. ²⁷ No bojaḡu, “Jesúre bajiro rojose t̄m̄os̄yar̄uc̄ja ȳa” yit̄ōabec̄u, ȳre ajitir̄n̄ḡū ĩamasibec̄ūmi —*ĩnare yigotiyuju Jesús.*

²⁸ To yigajanocōari, gotimasiore queti ĩnare gotiyuju ĩ:

—*̄m̄arivi quēnor̄a, “Ti vire ȳa quēnojama, ¿vaja t̄j̄acoar̄aboati?” yiḡu, ĩ ye gājoare c̄ōaḡūmi. ²⁹ ĩ c̄ōābetijama, ti vire ĩ quēnogajanobetone, ĩ vaja yīnaboase gājoa jediveocoatoja ti, ĩre. To bajiri ĩ vire quēnogajanobec̄ūmi. Gājerā, ĩ quēnogajanobeto ĩacōari, ĩre ajarāma ĩna. ³⁰ “Adi vire quēnoarine, gajanomasibeami ĩ”, ĩre yijarāma ĩna —*ĩnare yigotiyuju Jesús.**

³¹ To yigajano, gaje queti ĩnare gotir̄tuasuju:

—Ujɔ, gāji ɔjɔ rāca ĩna gāmerā quēajama, ado bajiro tɔoġagūmi: “¿Yua diez mil ñarirācɔ yure moabosarimasa rāca, veinte mil masa cɔogɔre quēarētocūrājari yua?”, ¿yitɔoġasɔobecɔjarique? ³² “Īnare quēarētomasimenaja yua” ĩ yitɔoġajama, “¿No bajiro yua yiotire bojati mɔ, ‘Yua rāca gāmerā quēabeticōato’ yirā?”, ĩ ũmɔare yisēniġa roticōagūmi, gāji ɔjɔ tɔjɔre. ³³ To bajiri, vi bɔagɔre, to yicōari, gāmerā sġaroana ɔjɔre bajiro bajajaja yɔ. Jēre yɔ yiotire cōġajeocajɔ yɔ. To yicōari, “To bajiro ĩna yijama, yɔ buerā ñarɔarāma”, yimasajaja yɔ. To bajiro yigɔ yɔ ñajare, ado bajisere tɔoġamasġna mɔa: No bojagɔ, jediro ĩ cɔosere yɔ bojarore bajiro yɔ yiotisere bojabecɔ, yure ajitirġnɔgū ñamasibecɔmi —ġnare yigotiyuju Jesús.

“Yɔre ajitirġnɔrā, moa ocasere bajiro ĩna bajijama, quēnaja”, Jesús ĩ yire queti
(Mt 5.13; Mr 9.50)

³⁴ Quēna ado bajiro gotiyuju Jesús:

—Moa ñaja bare sāre. Mɔa barotire vaibɔcɔ rii catisere cūrāma, moa turāja mɔa, “Boarobe” yirā. ³⁵ Moa ti ocaboase ti ocabeticoajama, “Quēna tudiocato” yirā, no bajiro yimasimenaja mɔa. To bajiri, tire reacōarāja mɔa. Moa ocatɔjabetire bajiro mɔa bajijama, quēnaja. Tire mɔa ajimasirɔajama, quēnaro tɔoġaġna mɔa —ġnare yigotiyuju Jesús.¶

15

Oveja coderimasɔre bajiro manire Dios ĩ maitɔjabeti queti
(Mt 18.10-14)

¹ Jesúre ajirā ĩ tɔjɔ ejarġgūñujarā. Īna ñañujarā rojose yirā, ɔjɔre gāġoa sēnibosari-masa, to yicōari, gājerā quēne. ² To bajiri fariseo masa, Dios ĩ rotimasire gotimasiorimasa quēne ñañujarā. Ado bajiro Jesúre gōjajñujarā ġna:

—Rojose yirāre maiami. Īna rāca barġgūami —ġre yigōjacodeyujarā ġna.

³ To bajiro ġna yijare, gotimasiore queti ado bajiro ġnare gotimasioñuju Jesús:

⁴ —Sġgū ñagūmi cien ovejare codegɔ. Cojorġmɔ sġgū oveja yayicoacɔmi. To bajiri ġnare coderimasɔ, rɔyarāre, noventa y nueve ñarāre ta vesejɔ ġnare cūcōari, yayir'ire macagū vacoacɔmi ĩ, “Bɔjacōarijɔ tɔjarɔcɔja” yigɔ. ⁵ Yayir'ire bɔjacōari, bɔto variquēnagūne, ġre gaja tudicoacɔmi, ĩ ya vijɔ. ⁶ ĩ ya vi ejacōari, ĩ babarāre, ĩ tɔanare quēne, rējarotigɔmi. “Oveja yayir'ire bɔjabɔ yɔ. Mɔa quēne yure variquēna ejarēmoġa”, ġnare yġvariquēnagūmi. ⁷ Tire bajiro bajiroja ō vecajɔ Dios ĩ ñarojɔ. Oveja yayir'ire bɔjacōari, ĩ variquēnariarore bajiro variquēnarāma ángel mesa, Diore moabosarā, sġgū masɔ, rojose ĩ yisere yitɔjacōari, Dios ĩ bojasejɔare ĩ yijama. Socarāne gājerāma, “Quēnarā ñaja yua” yitɔoġarārema variquēnamenama ángel mesa —ġnare yigotimasioñuju Jesús.

Gāġoatiire yġyayiocōari, titiire bɔjagone, so variquēnariarore bajiro manire Dios ĩ maitɔjabeti queti

⁸ To yicōari, gaje queti gotirēmoñuju Jesús quēna:

—Rōmio, jɔaāmocārācatiiri, gāġoatiiri cɔogo ñagōmo. Cojotii ti yayiro ġacōari, sġabusuoriare so ya vire sġabusuogomo so. To yicōari, quēnaro tumacagōmo, “Titiire bɔjacōarijɔ tɔjarɔocoja” yigo. ⁹ Titiire bɔjacōari, bɔto variquēnagōne, so babarāre, so tɔanare quēne rējarotigomo. “Gāġoatiire yayiritiire bɔjabɔ yɔ. Mɔa quēne yure variquēnaejarēmoġa”, ġnare yġvariquēnagōmo. ¹⁰ Tire bajiro bajiroja ō vecajɔ Dios ĩ ñarojɔ. Gāġoatiire bɔjacōari, so variquēnariarore bajiro variquēnarāma ángel mesa, Diore moabosarā, sġgū masɔ, rojose ĩ yisere yitɔjacōari, Dios ĩ bojasejɔare ĩ yijama —ġnare yigotimasġñuju Jesús.

Ī macɔ ĩ tudiejaro ġacōari, rojose yġboar'irene ĩ jacɔ ĩ masirioreaye Jesús ĩ gotimasiore queti

¶ 14:35 Adi quetire Jesús ĩ yijama, ado bajiro yigɔ yiyuju, yġyujarā Dios oca buerētoburimasa: Īre ajitirġnɔmenama, moa ocabetire bajiro ñarā yirāja mɔa. To bajiri mɔa sɔyarɔajama, yɔ sġġreene mɔa ajitirġnɔ sɔyajama, quēnaja.

¹¹ To yicōari, gaje queti gotirēmoñuju Jesús quēna:

—Sīgũ masũ juarã rĩa cutigu ñagũmi. ¹² Ì bedijua, ì jacure ado bajise ìre yigũmi: “Casũ, yũ ye ñarotire yũre ìsiña mũ”, ìre yigũmi. To bajiro ì yijare, ìnare ɱojeocōagũmi ì jacũ, ìna ye ñarotire. ¹³ To ì yiro beroagarũmũrine, ì macũ, ì bedijua gaje sitajũ varũ ì yere ìsigũmi ì. Ti gãjoa rãcane vacoacũmi, gaje sitajũ vacũ. Tojũ ejacōari, rujajine ì gãjoare yibatereajeocōagũmi. ¹⁴ To bajiro yireacōari bero, josari tãmũogũmi, tojũre. To ì bajinãrone, ti sitajũ bare quēnaro manoja. To ti bajijare, bũto ñiorijasũogũmi. ¹⁵ To bajiro bajiboacũ, toagũre moare sēnigũmi ì. To bajiri ecariarã yeseare ìre coderotigũmi ì. ¹⁶ Ìnare codeñagũjũ, yesea ìna basene barũaboagũmi, mano ñiorijagũ ñari, ñimũjuane ìre ìna bare ecabecũ ñari. ¹⁷ To bajinãboacũ, tũoĩagũmi ì: “Yũ jacũ moabosarimasarema jãjarã ìna ñaboajaquēne, ìna base rũyaquēnacũda ti. No yigũ yũma adojuere ñiorija ñati yũ”, yitũoĩagũmi. ¹⁸ To yi, “Bacũ. Casũ ya vijũ tudiarocũ ñagũja yũ. Tojũre tudiejacōari, ado bajise Casũre ìre yirũcũja yũ: ‘Casũ, rojose yicajũ yũ, Diore, mũre quēne. ¹⁹ To bajiri macũ yũre mũ yise bojabeaja yũ. Mũre moabosarimasũre bajirojũa yũre yiya mũ’ yũ jacũre ìre yicōa ejarũcũja yũ”, yitũoĩagũmi. ²⁰ To yi, ì jacũ ì ñarøjũa tudicoacũmi, maane.

To bajiro ì bajivato, sōjũne ì jacũ bocañacōari, ìre ìamaigũmi. To bajiri ìre vabocacōari, jabario, usu, ìre yigũmi, ì jacũ. ²¹ To bajiro ì yirone, “Casũ, Diore rojose ìre yicajũ. Mũre quēne rojose mũre yicajũ yũ. To bajiri macũ yũre mũ yise bojabeaja yũ”, ìre yigũmi. ²² To bajiro ì yiboajaquēne, ìre moabosarimasare jicōari, “Sudi quēnase masũre juaaýa. To yicōari, ìre sudi sãña. Ìmo sãriabedore quēne ìre sãña. Gũbo sudire quēne ìre sãña. ²³⁻²⁴ To yicōari, ta vecũ mame jaigũre ìre sãña mũa. Ìre bacōari, basavariquēnato mani. Yũ macũre, ‘Rijacoarimi’ ìre yirũgũboabũ yũ. Caticōañumi”, ìnare yigũmi ì jacũ. To yicōari, ìre basajeorãma ìna.

²⁵ To bajiro ìna yinãrijũre ì macũ ñasũogũjuama, vesejũne bocañacōagũmi. To bajinãboacũ, tudiacũmi yuja. Tudiacũ, ì ajicōñarũtu vajama, to basa ocaruyu ñarãma ìna. ²⁶⁻²⁷ Tire ajicōari, ì jacũre moabosarimasũre ìre sēniĩagũmi, “¿Ñiere yirã yiri ìna?” yigũ. To bajiro ì yirone, “Mũ bedi tudiejami. To bajiri ta vecũ mame jaigũre sãrotimi mũ jacũ, mũ bedi ì tudiejajare”, ìre yigũmi ì. ²⁸ To bajiri tire ajicōari, bũto jũnisinigũmi, ì gagũ, vire sãjarũabecũ. To bajiri ì jacũ tire, “¿To bajibeticōaña mũ!” yigũ, budiacũmi. ²⁹ To bajiro ì bajirone, ado bajise ì jacũre ìre yigũmi: “Tocãrãca cũma mũ ye moarere mũre moabosarũgũboacajũ yũ. To bajiboarine, divatojuane no sīgũ vaibũcũaca cabrito vãme cutignacare, ‘Ì babarã rãca basavariquēna bato ìna’ yigũ, yũre ìsibeticajũ mũ. ³⁰ To bajiboarine, mũ macũ rojorã rōmiri rãca mũ ye gãjoare yireagũ var'ijũarema, ta vecũ mame jaigũre sãacōari, basavariquēnaja mũ”, ìre yigũmi, ì jacũre.

³¹ To bajiro ì yijare, ado bajiro ìre cũdigũmi ì jacũ: “Ado yũ rãcane ñacōarũgũaja mũ. To bajiri yũ cũose jediro mũ ye ñaja ti. ³² Yucũrema basavariquēnato mani, mũ bedi, ‘Rijacoarimi’ yũ yirũgũboagũ, gãme tudiejami. Ìre bũjacōaja mani yuja”, ìre yigũmi ì jacũ —ìnare yigotimasioñuju Jesús.

16

Ujũre moabosarãre ìre rotibosarimasũ socũne quēnaro yitocōari, rojose ì yirere Jesús ì gotimasioire queti

¹ Ado bajise ì buerimasare gotiyuju Jesús quēna:

—Sīgũ gajeyũni jaigũ ì yere codebosagũre ìre cũogũmi. Gãjerãjũa, “Mũ yere yibatereagũ yami”, ìre yigotirãma. ² To bajiro ìna yisere ajicōari, ì yere codebosagũre ìre jicōari, ado bajiro ìre yigũmi: “Gãjerã, mũ yibatereasere gotiama. To bajiri mũ yisere cōĩari, ucaticōaña mũ. Yũ yere codebosabetirũcũja mũ yuja”, ìre yigotigũmi ì ɱjũ. ³ To bajiro ì yijare, ado bajiro tũoĩarejaigũmi ìre codebosarimasũ: “¿No bajiro bajigũti yũ? Yũ ɱjũ yũre bucōarũcũmi yuja. No gajeye moare bũjabecũja yũ yuja. Ote oteroti ñarore coatĩmabecũja yũ. Voioneose, gãjerãre gãjoa sēnibecũja yũ”, yitũoĩarejaigũmi ì. ⁴ To bajiro yitũoĩarejaiboacũ, “Jẽre yũ yirotire masiaja yũ yuja, ‘yũ ɱjũ yũre ì buro bero, gãjerã ìna ya virijũ yũ ejaro yũre ìamaiato ìna’ yigũ”, yigũmi. ⁵ To bajiri ì ɱjũre vaja morãre ìnare

jijeocōagūmi. To bajiro yituoīar'i űari, sīgū ĩ ejaro, ado bajiro ĩre yigūmi: “¿No cōro yu uĵure vaja moati mu?” ĩre yisēniīagūmi. ⁶ To bajiro ĩ yisēniīarone, “Cien űarirajeri uyerajeri bare roagu sāvhorere tire vaja moaja yu”, ĩre yigūmi. To bajiro ĩ yirone, “Ja. Ruĵiya. ‘Adi mu vaja more tuyariĵūrore moĵoroaca cincuenta űaro vaja moaja’ yīucatu vasoatoya”, ĩre yigūmi. ⁷ To bajiro ĩre yigajanocōari, gāĵi ĩ ejaro, ĩre sēniīagūmi: “¿No cōro vaja moati mu?” ĩre yigūmi. “Cien jibūri pan quēnorotire vaja moaja yu”, ĩre yigūmi. To bajiro ĩ yirone, “Adi mu vaja more űariĵūrore moĵoroaca ochenta jibūri vaja moaja yīucatu vasoatoya”, ĩre yigūmi. To yicōari, gāĵerāre quēne to bajiro rīne yigūmi. ⁸ To bajiro ĩ yiro ajicōari, “Quēnaro yigu me űaboarine, tuoīamasigū űaami”, yituoīagūmi ĩ uĵu, ĩre —ĩnare yigotiyuju Jesús, ĩ buerimasare.

—To bajiro tuoīaama ĩna, jāĵarā masa, Diore ajiterā. Gajeyeūnire buo tuoīarā, masare yitocōari, vaja buĵamasiamā ĩna. Yure ajitirūnūrāĵuama, “Quēnabusaro Dios ĩ bojarore bajiro ajitirūnūato ĩna” yirā, quēnaro mu yiro tire tuoīabetibusacōaja mu.

⁹ To bajiri ado bajiro muare gotiaja yu: Rijanane mu yere, mu gajeyeūnire juavamasibetiruarāja. To bajiri mu cuosere maioro bajirāre ĩsiña mu. To bajiro mu yijama, mu rijato bero, ĩnare quēnaro yiriarā mu űajare, Dios ĩ űaroĵu quēnaro muare ĩavariquēnaruarāma ĩna.

¹⁰ Gajeyere quēne muare gotiaja yu. Gajeyeūni, gāĵoa codebosarimasu moĵoroaca űasere quēnaro codeguma, jairo űasere quēne quēnaro codemasiami. Gāĵima, gajeyeūni, gāĵoa codebosarimasu űagū moĵoroaca űasere codemasibecuma, jairo űasere quēne codemasibecumi. ¹¹ Adi macarucuroĵure Dios muare ĩ ĩsise “Dios ĩ cōase űaja” yituoīacōari, mu gāĵoare, gajeyeūnire, mu cuosere quēnaro mu cuomasijama, Dios, buo variquēnacōari, ĩ tuayere quēnamasusere muare uĵorucumi, tuoīamasireayere, moamasireayere, to yicōari mu űarotiyere quēne. ¹² Adi macarucuroayere ĩ cōasere mu cuomasibetijama, quēnamasuse mu cuoborotire uĵobetirucumi Dios.

¹³ Diore yirūcubūorāma, adi macarucuroayere tuoīarūcubūomenama, “Dioĵu űaami űamasugū” yituoīarā űari —ĩnare yigotiyuju Jesús.

Gajeyeūnire, gāĵoare buo bojarāre Jesús ĩ gotire queti

¹⁴ To bajiro ĩ yisere ajicōari, űagōĵuruañujarā fariseo masa, gajeyeūnire, to yicōari, gāĵoare quēne, tire buo bojarā űari. ¹⁵ To ĩna yijare, ado bajiro ĩnare gotiyuju Jesús:

—Quēnase mu yijama, “‘Quēnarā űaama’ manire yīīato masa” yirā, yitorūgūaja mu. To bajiro mu yiboajaquēne, mu tuoīasere ĩamasigū űaami Dios. To bajiri, “Quēnamasucōaja” masajuama ĩna yīīaboasere, Dioĵuama, “Quēnabetimasucōaja” yīīaami —fariseo masare ĩnare yiyuju Jesús.

“Yu uĵu űaami Dios’ mu yijama, ĩ rotisere cudiroti űaja”, Jesús ĩ yire queti

¹⁶ Quēna ado bajiro ĩnare gotimasioñuju Jesús:

—Rēmoĵure Dios yere Moisés ĩ rotimasirere, Diore gotirētobosamasiriarā masare ĩna gotimasiorema, Juan vāme cutigu, masare oco rāca bautizarimasu ĩ gotimasioriaĵune tusaja. “Uĵu Dios yarā quēnaro ĩ yirā mu űaruajama, roĵose mu yisere yitūjacōari, Jesure ajitirūnūña” yiseĵu űaja űamasusema. Tire ajirā űari, quēnaro yure ajivariquēnasuyasuoadicama jāĵarā masa.

¹⁷ Adirūmūriaye űamasuse ti űaboajaquēne, Moisére Dios ĩ roticūmasire, to yicōari, Diore gotirētobosarimasa ĩna gotimasioimasire űajediro űacōarūgūroĵa. Adi macarucuro jediroto rĵoro, coĵo vāme godocutibetiruroĵa. űajediro Dios ĩ gotiriarore bajirone bajiruroĵa —ĩnare yigotimasioñuju Jesús.

*“Ī manajore rocacōari, gajeore ĩ manajo cutijama, quēnabeaja”, Jesús ĩ yire queti
(Mt 19.1-12; Mr 10.1-12)*

¹⁸ Quēna ado bajiro ĩnare gotimasioñuju Jesús:

—Sīgū ĩ manajore rocacōari, gajeore ĩ manajo cutijama, ĩ manajo masu me űaamo. Sore ajerio cutigu yami, Dios ĩ ĩajama. To yicōari, manaju rocaro rāca ĩ manajo cutijaquēne,

ĩ manajo masu me ñaamo. Sore ajerio cõtigu yami, Dios ĩ ĩajama —ĩnare yigotimasiñuju Jesús.

Sĩgũ gajeyeũni jaigu, to yicõari, Lázaro vãme cõtigu rãca ĩna bajirere Jesús ĩ gotire queti

¹⁹ To bajiro yigajanocõari, quẽna ado bajiro ĩnare gotiyuju Jesús:

—*Sĩgũ* ñagũmi jairo gajeyeũni cõogũ. Quẽnase sudi, vaja jacase rĩne sãnarũgũgũmi. Tocãrãcarũmurine bare quẽnase rĩne ba, boserũmũ quẽno, variquẽnarũgũgũmi. ²⁰ ĩ ya vi soje tuaca ñie cõobecũ, maioro masu bajigu rujigũmi, Lázaro vãme cõtigu. ĩ rujuri cãmi boagu ñagũmi ĩ. ²¹ ĩ bareasere barũa rujigũmi. To ĩ bajirujirone, ĩ cãmirẽ ĩre verogõjanabiorãma yaia. ²²⁻²³ Cojorũmũ rijacoacũmi Lázaro. ĩ rijato bero, õ vecajũ ĩ ñicũ Abraham tũjũ ĩ usũre ãmicõanama ángel mesa. Bero, gajeyeũni jaigu quẽne bajirocacoacũmi. Bajirocacõari, yuje ecogũmi. To bajicõari, rojose tãmũotũjabetiriaroju cõaecogũmi. Toju ñacõari, ĩamũogũne, Abraham, Lázaro rãca ĩna ñaro ĩabũjagũmi, õ vecajũ ñarãre. ²⁴⁻²⁵ ĩnare ĩabũjacõari, Abrahamre ado bajise avasãiamũogũmi: “Ñicũ, yũre ĩamaiña. Adi jeamere bũto rojose tãmũoaja yũ. Lázarore, yũ tũjũ ĩre cõaña. Mojoroaca oco juaádiato”, ĩre yiavasãgũmi. To ĩ yirone, ado bajiro ĩre cũdigũmi Abraham: “Tũoĩaña jãnami. Mũ ya macajũ ñagũ quẽnasere cõocajũ mũ. Variquẽnacajũ mũ. Lázarojuama toju ñagũ bũto rojose tãmũocami. Yucũrema, quẽnaro variquẽnaro ñagũ bajiami yuja. Mũjuama bũto rojose tãmũogũ bajiaja mũ yuja. ²⁶ Gajeyerema jairigoje ñamatacõaja. To bajiri mũ tũjũre ejamasibeaja yũ. Mũajũa quẽne yũ tũjũre ejamasibeaja mũ”, ĩre yicũdigũmi Abraham.

²⁷ To bajiro ĩ yijare, gajeyeũni jaigu ñaboar'i ado bajiro ĩre yigũmi: “Lázarore yũ jacũ ya vijũ ĩre cõaña’ yigũ yaja. ²⁸ Yũ bederã cojomocãrãcũ ñarãre, Lázarore ĩre gotiroticõaña. ĩna quẽne, adoju rojose yũ tãmũorore bajiro bajiroma’ yigũ yaja”, Abrahamre yigotiboagũmi. ²⁹ To ĩ yirone, “Moisés, to yicõari, Diore gotirẽtobosamasiriarã quẽne ĩna ucarere jẽre tire cõorãma ĩna, mũ yarã. Tire bueato ĩna”, ĩre yicũdigũmi Abraham. ³⁰ To ĩ yirone, “Bajĩbeaja. Buemenama. ‘Rijar'ine tudicaticõari, gotiami manire’ yirã, ĩre ajirũcũbũocõari, tũoĩvasoaruarãma ĩna”, ĩre yiiboagũmi, jeameju rojose tãmũoñagũ. ³¹ To ĩ yirone, ado bajiro ĩre cũdigũmi Abraham quẽna: “Moisés, to yicõari, Diore gotirẽtobosamasiriarã, ĩna ucamasirere mũ bederã ĩna ajitirũnũbetijama, rijar'i, ĩnare ĩgotiboajaquẽne, ĩre ajimenama”, yigũmi Abraham —ĩnare yigotiyuju Jesús, fariseo masare.

17

“Mũa sũorine gãjerã rojose ĩna yijama, gũiose ñaja”, Jesús ĩ yigotimasiore queti
(Mt 18.6-7, 21-22; Mr 9.42)

¹ ĩ buerimasare ado bajiro gotimasioñuju Jesús:

—Rojose yirã jãjarã ñarãma. To bajiri gãjerãre rojose ũmato yirũarãma. To ĩna yise sũori bũto rojose tãmũorũarãma. ² Rojose ĩnare ĩna ũmato yiroto rĩjoro, tocãrãcũrene ĩna ãmũarijũre gũta jairica siatucõari, riaga ũcũaroju ĩnare rearoderuucõajama, rojose tãmũobetibusaborãma.

³ To bajiri, “Rojose mani ũmato yijama, rojose tãmũoborãja” yirã, quẽnaro tũoĩamasirine ñarũgũña mũa. *Sĩgũ* rojose mũare ĩ yijama, “Rojose yũre yibũ mũ”, ĩre yiya. To bajiro mũ yisere ajicõari, “Riojo yaja mũ” ĩ yisũtiritijama, rojose mũare ĩ yisere ĩre masirioya mũa. ⁴ Tocãrãcãjine rojose mũare ĩna yijama, ĩnare masirioya, rojose mũare ĩna yiro cõrone, “Jũaji rojose mũare yibetirũcũja” yirãre —ĩnare yiyuju Jesús.

“Dios ĩ rotimasirore bajirone yirũaja yũa” yirã, Jesús buerã ĩna sãniboare queti

⁵ To bajiro ĩ yisere ajicõari,

—“Tocãrãcãjine masiriotĩmamenaja” yitũoĩarã ñari, yũa masiriotĩmarotire Dios ĩ ejarẽmosere bojaja —yiyujarã ĩna.

⁶ To bajiro ĩre ĩna yirone, ado bajiro ĩnare gotiyuju Jesús:

—Mojoroaca yimasirã ñaboarine, “Dios ï ejarẽmose rãca yimasicõarãja” yirã, icu morera vãme cutiure, “Mua masune vnevati, rügõaya” mua yirotijama, to bajirone bajiruaroja ti —ĩnare yigotiyuju Jesús.

“Ejũre moabosarimasu, ado bajiro bajire ñaroja”, Jesús ï yire

⁷ To yigajanocõari, ado bajiro ñnare gotirũtuasuju ï quẽna:

—To bajiri, ãããamãni mua yijama, ado bajirojua tuoĩama mua: Moabosarimasu suorã ïre mua rotisere tuoĩaña: Ovejare muare codebosaguar'ire, ï tudiejaro, “Mũjua basũoya”, ïre yimenaja mua. ⁸ Ado bajirojua ïre yirãja mua: “Yua barotire roabosaya. Roaganocõari, yuare ecaba. Yua bagajano bero, mũjua barũcũja mu”, ïre yirãja mua. ⁹ Mua moarotisere ï moaro ãcõari, “Quẽnaja ti”, ïre yimenaja mua, “Yuare moabosarimasu ñaami” ïre yituoĩarã ñari. ¹⁰ To bajiro ïre mua yituoĩarore bajirone tuoĩagũmi ï quẽne. To bajiri, “Quẽnaro yaja mua’ manire yato Dios” yituoĩacõari, “Ñamasurã ñaja” yirãre bajiro yisocabesa. “No bojagũre moabosarimasu, ï moarotiecorore bajiro bajigũ ñaja”, yituoĩarũgũña —ĩnare yigotiyuju Jesús.

Gase boarãre Jesús ï catiore queti

¹¹ To bajiri Galilea sita, Samaria sita rãca vatojere varũtuasuju ï, Jesús, Jerusalén macajũ vacũ. ¹² Varũtu vacũne, gaje maca ejayuju. Ti macajũre ï ejaro, juaãmocãrãcũ rujũri gase boarã ïre bocayujarã ñna. ï tuaca ejamenane, sõjũ ñarine ado bajiro ïre yivasãñujarã ñna:

¹³ —Jesús yua mũjũ, yuare ãmaiña mu —ïre yiyujarã.

¹⁴ To bajiro ñna yivasãrone, ñnare ãcõari, ado bajiro ñnare yiyuju Jesús:

—Paĩare mua rujũrire ïoaya. To mua yijama, catioarũarãja mua —ĩnare yiyuju ï.

To bajiro ï yijare, vacoasujarã ñna. Maa ñna vato rĩne ñna cãmi boaboare yaticoasuju ti yuja. ¹⁵ To bajiro sũgũ rujũ gase boagu ñar'i, ti yatiro ãcõari, jũdarũgũ, Jesús tũju tudicoasuju quẽna. Tudiacũne, variquẽnagũ ñari, “Quẽnaro yũre yami Dios”, yivasã varũtuasuju ï. ¹⁶ Jesús tũjũre tudiejacõari, muqueayuju ï. To bajicõari, ado bajiro Jesũre gotiyuju:

—Yũ gase boaboase mu suorine ti yatijare, bũto quẽnaja —Jesũre ïre yigotiyuju. ï ñaũju samaritano masũ. ¹⁷⁻¹⁸ To bajiro ï yisere ajicõari, ado bajiro yiyuju Jesús:

—Juaãmocãrãcũre gase boariarãre yũ catioboajaquẽne, ãni samaritano masũ, ï sũgũne tudiadiami, “Quẽnaro yũre yami Dios” yigũ vagũ —ï rãcanare ñnare yigotiyuju Jesús.

¹⁹ To bajiro yigajanocõari, ï catior'ire ado bajiro ïre yiyuju:

—Vũmũrũgũña. Vasa. “Yũre ãmaicõari, catiorũcũmi Jesús” mu yituoĩajare, mũre catiobũ yũ —ïre yigotiyuju Jesús.

“Dios ï roticõagũ, ¿no cõro ejagũti ï?”, Jesũre ñna yisẽniĩare

(Mt 24.23-28, 36-41)

²⁰⁻²¹ Cojorũmu ado bajiro Jesũre sẽniĩañujarã fariseo masa:

—¿No cõro ejacõari, rotisũogũti Dios ï cõarocũ? —ïre yisẽniĩañujarã ñna.

To bajiro ïre ñna yisẽniĩarone ado bajiro ñnare cũdiyuju Jesús:

—Mua yutuoĩarore bajiro bajibeaja ti. Ruyurone, “Adine ñaja. Ise ñaja” yimasiña-manire bajiro bajise ñaja, Dios ï roticõagũ ï ejasema. Jẽre mua vatoane ñaboaja ti —ĩnare yiyuju Jesús.

Jesús adi macarũcũro ï tudiejaroti queti

²² To bajiro yicũdigajanocõari, ï buerãre ado bajiro ñnare gotiyuju Jesús:

—Yoaro yũ rãca ñaruaboarãja mua. To bajiro mua bajiboajaquẽne, mua rãca ñacõa ñabetirũcũja yũ. ²³ To bajiri yũ tudivadiroto rĩjorore, “Íne ñaami. Tudiejami. Tone ñami”, muare yisocarũarãma. To bajiro ñna yijama, ñnare ajibetirũarãja mua. ²⁴ Eũmagasero jedirojũ bũjo ï yabesere masa ñna ñarore bajiro yũ vadore yũre ãare ñaruaroja. ²⁵ To bajiro yũ bajiroti rĩjorore, adirodoana jairo rojose yũre ñna yisere rojose tãmũroti ñaja ti. “Dios ï cõagũ me ñaami” yica yirã, yũre sãrotirũarãma masa. ²⁶ Yũre ñna

sīaro bero, tudicaticōari, quēna vadirucija yu, adi macarucurojere. Noé ñamasir'i ĩ ñariarodo masa ĩna bajiñamasiriarore bajiro bajiñaruarāma, Dios ĩ roticōacacu, yu tudiejarirūmure quēne. ²⁷ Adi macarucuro ti rujaroto rījoro bare ba, idi, manajo cuti, yicōa ñamasiñujarā ĩna. Diore tūoīari mene, “¿To bajiroado yatique?” yimenane, jairica cūmua quēnogajanocōari, Noé ĩ vasājaro ũnone to bajiro yicōa ñamasiñujarā ĩna. “To bajiroado yiroja” ĩna yimasibetone, ĩnare ruureacōañuju Dios. To bajirone bajiruarāma masa, yu tudiejarirūmure quēne. ²⁸ To bajirone bajiñamasiruarā masa, Lot ñamasir'i ĩ ñariarodoana quēne. Sodoma macana bare barā, idirā, gajeyeūni gāmerā ĩsirā, gājerā vaja yicōari cuorā, gājerāma, oterā, viri buarā, yicōa ñamasiñujarā ĩna, Diore tūoīamenane. ²⁹ Sodomajere ñaboar'i Lot ĩ rudiro bero, ō vecaye jea ĩjuse azufre vāme cutise rāca Dios ĩ soereamasiriarore bajiro bajirone bajiruroja ti. ³⁰ To bajirone bajiñaruarāma masa, Dios ĩ roticōacacu yu tudiejarirūmure quēne.

³¹ To bajiri, quēnaro ñaña mua, rojosere yimenane. Yu gotisere quēnaro tūoīamjarūgūña, “No bojarijaune vagūmi” yitūoīarā ñari. No yimasiña maniruroja. Sīgū ĩ ya vi joeju jesagūma, rujiacōari, ĩ ya vi jubeaju gajeyeūni ñasere juaátimabetirucūmi. Gāji, veseju moañagū, ĩ ye sudire juagu tudiatimabetirucūmi, rujarimarone yu ejaroti ti ñajare. ³² Lot manajo so bajimasirere tūoīaña mua. Gajeyeūnire ũmaveovaco ñari, tire maigō, ĩatūoca yigone, moatutune godovedirocacoasuju so.

³³ No bojarā, no ĩna bojarone ñare cutirāma adi macarucuro ñasere ĩavariquēnacōari, Diore tūoīamenama, Dios ĩ catisere yayibetire cuomena ñaruarāma ĩna. To bajiboarine, yure ajitirūnūrā, yu oca ĩna gotisere ajijūnisinicōari, ĩna sīarāma, Dios tūju quēnaro ñarona ñarāma.

³⁴ Gajeyerema adi macarucuroju yu tudivadoju, ñami ti ñajama juarā ũmua cāniñarāre ejacōari, sīgū āmiecorucūmi. Gājima, āmiecobetirucūmi. ³⁵ Ūmua ti ñajama, rōmia juarā trigore vāiaabo ñaruarāma. To bajiri, sīgō āmiecorucocomo. Gajeoma, āmiecobetirucocomo. ³⁶ Juarā ũmua veseju moañaruarāma. To ĩna yīnarone, sīgū āmiecorucūmi. Gājima, āmiecobetirucūmi —ĩnare yigotiyuju Jesús.

³⁷ To bajiro ĩnare ĩ yigotirone,

—¿Nojere to bajise bajiroti ti? —ĩre yisēniñarone ĩ buerimasa.

To bajiro ĩre ĩna yisēniñarone, ado bajiro cudiyuju Jesús:

—Rijar'i, ĩ boacūñarorema, yuca ejarāma ĩna —ĩnare yicudiyuju Jesús.^r

18

“Yuare ejarēmogūmi, yua sēnijama' yitūoīarā ñari, Diore sēnitūjabetiroti ñaja”, Jesús ĩ yire queti

¹ “Diore ĩre sēnitūjabeticōato ĩna” yigu ĩnare gotimasioñuju ĩ:

² —Cojo macare sīgū masu ñagūmi masa ĩna yisere ĩacōiarimasu. Diore, to yicōari, masare quēne rūcūbūobecu ñagūmi. ³ ĩ ya macajere sīgō ñagōmo manaju rijaveorio. Biyarocaca ado bajiro ĩre sēnigō ejaboagomo: “Yure ejarēmoña mu. Rojose yure yami”, ĩre yiboagomo. ⁴ To bajiro so yiboajaquēne, sore yibosadabecūmi. To bajiboarine, buto ĩre so sēnicōa ñajare, ado bajiro tūoīagūmi yuja: “Diore, to yicōari, masare quēne rūcūbūobecu ñaja yu. ⁵ To bajiro bajigu ñaboarine, buto so sēnigōjanabiocōa ñajare, sore ejarēmorucija yu. Sore yu ejarēmobetijama, yure gōjanabiocōa ñabogomo”, yitūoīagūmi —ĩnare yigotiyuju Jesús.

⁶ Ti quetire gotigajanocōari, “Ado bajiro yiruro yaja”, ĩnare yiyuju:

—Masa ĩna yisere ĩacōiarimasu ĩ yirere ajīiasaque mua: ⁷⁻⁸ ¿Dios, ĩ ejarēmosere bojarā ĩre sēnitūjamenare, ĩ yarāre, yoaro ĩnare ejarēmobecutique ĩ? To bajiro yibecūmi Diojuma. Mua sēniro cōrone tocārācājine mūare cudimasiami. To bajiri, ¿Yuare ejarēmogūmi Dios” yitūoīacōari, ĩre sēnitūjamenare, tudivagu, bujarucuada yu? —yiyuju Jesús.

^r 17:37 “Yuca ejarāma, masu boagu ĩ ñarore” ĩ yijama, “Rojose yirāma, no bojarone ñacōarāma” yigu yiyuju Jesús.

Fariseo masu, gājoa sēnirimasu rāca Diore ĩna sēnirere Jesús ĩ gotimasiore queti

⁹ Quēna gaje queti ĩnare gotimasioñuju. ĩre ajirā sīgūri ado bajise yituoñañujarā ĩna: “Quēnaro yirā ñaja yuama”, yituoñañujarā ĩna. To bajiro yicōari, “Rojorā ñaama ĩnama”, gājerāre yīarā ñañujarā ĩna. To bajiro yirā ĩna ñajare, ado bajise queti ĩnare gotiyuju Jesús:

¹⁰ —Ūmua juarā ñarāma ĩna, Diore yirūcūbuoriaviju ĩre sēnirā vana. Sīgū fariseo masu ñagūmi. Gāji, ujure gājoa sēnibosarimasu ñagūmi ĩ. ¹¹ Fariseo masu, Diore yirūcūbuoriavijure sājearūgūcōari, ado bajiro Diore ĩre yigūmi, ĩ tuoñase rāca: “Dios, mure variquēnaja yu, gājerāre bajiro bajibetir'i. Gājerāma, juarudirā ña, yitorā ña, gājerā manajoare ajeriarā cūtirā ñarāma ĩna. Ado ejagu, ujure gājoa sēnibosarimasu, ĩre bajiro bajigu me ñaja yu. To bajiri mure variquēnaja yu. ¹² Tocārāca semana juaji bare babeaja yu, mu rotimasirere cūdigū ñari. Yu moase vaja juāāmocōro ñaritiiri vaja tagu, cojotii mu ya vire cūbosarūgūaja yu”, Diore ĩre yigūmi. ¹³ Gājjūa gājoa sēnibosarimasu ōjune tujacōari, ō vecajure ĩamūobecūmi, ĩ rojosere bojone, sūtiritimasucōagū ñari, ĩ cotitērore jagune, ado bajise Diore sēnigūmi: “Dios, yure ĩamaiña mu. Rojose yu yisere yure masirioya mu”, Diore yisēnigūmi. ¹⁴ Yure quēnaro ajiya mu: Rojose ĩ yisere sūtiriticōari, Diore sēnigūma, rojose ĩ yisere masirio ecocōari, ĩ ya vijū tudiacūmi. Gājjūama, fariseo masu, ĩ ya vijū tudiajama, “Rojogu ñaami”, Dios ĩ yīagū ñagūmi. To bajiro ti bajijare, ado bajiro mure gotiaja yu: “Quēnaro yirā mani ñajare, ‘Quēnarā ñaja mu’ manire yīagūmi Dios” yituoñarāre, “Quēnarā me ñaama. Rojorā ñaama”, yīagūmi Dios. No bojagure, “Quēnagū me ñaja yu” Diore yisūtiritigūjare, “Quēnagū ñaami”, ĩre yīarūcūmi Dios — ĩnare yigotiyuju Jesús.

Rīamasare Jesús ĩ ñubuejeore queti

(Mt 19.13-15; Mr 10.13-16)

¹⁵ Jesús tujū rīamasacare juajayujarā masa, “ĩ āmori ñujeocōari, Diore ĩnare sēnibosato ĩ” yirā. ĩna juajesere ĩacōari, ado bajiro ĩnare yiyujarā ĩ buerimasa:

—Jjadibesa! Gōjanabioro yaja mu —ĩnare yiyujarā. ¹⁶ To bajiro ĩnare ĩna yiboajuquēne, rīamasare jirēocōari, ado bajiro ĩ buerimasajūare yiyuju Jesús:

—Rīamasare, “Jjadibesa” ĩnare yibesa. “Quēnaro yure yirūcūmi Dios” yituoñarā ñaama rīamasa. ĩna tuoñarore bajiro tuoñarā ñaama Ūju Dios yarā. ¹⁷ Riojo mure gotiaja yu. Rīamasa ĩna yiecorore bajiro yiecorā ñarāma Ūju Dios yarā —ĩ buerimasare yiyuju Jesús.

Gajyeūni jaigu, Jesúre ĩ sēniñare queti

(Mt 19.16-30; Mr 10.17-31)

¹⁸ Sīgū ujū, ado bajiro Jesúre ĩre sēniñañuju:

—Gotimasioremasu, quēnagū ñaja mu. Yu rijato beroju “Tudirijabeticōato” yigu, Dios ĩ catisere yure ĩ ĩsere yu bojajama, ĩno bajiro yiroti ñati yure? —Jesúre ĩre yiyuju.

¹⁹ To ĩ yisere ajicōari, ado bajiro ĩre cūdiyuju:

—ĩNo yigu, “Quēnagū ñaja mu”, yure yati mu? Dios sīgūne ñaami quēnagūma. ²⁰ Mu rijato beroju “Tudirijabeticōato” yigu, Dios ĩ catisere mu bujarūajama, Dios ĩ rotimasirere cūdiroti ñaja. Tire masiaja mu. Dios ĩ rotimasire yu yijama, ado bajise yimasirere yaja yu: “Gāji manajo rāca ajerio cūtibesa. Sīabesa. Juarudibesa. Socūne, ‘Rojose yimi’ yigotirobesa. Mu jacure, mu jacore quēne quēnaro ĩnare rācūbuoya”, yigotiaja Dios ĩ rotimasire —ĩre yiyuju.

²¹ To ĩ yisere ajicōari, ado bajiro yicūdiyuju:

—Daquegūjane tire cūdisuoadicaju yu —ĩre yicūdiyuju.

²² To ĩ yisere ajicōari, ado bajiro ĩre gotiyuju Jesús:

—Cojo vāme ruyaja mu yiroti, mu rijato beroju “Tudirijabeticōato” yigu, Dios ĩ catisere mu bujarūajama: Jediro mu cūosere gājerāre ĩsijeocōaña. To yicōari, ti vaja bujacōari, maior bajirāre ĩsima. To bajiro mu yijama, ō vecaju Dios ĩ ñaroju quēnase bujarūcūja mu. To bajiro yigajanocōari, yure ajisuyaya —ĩre yiyuju Jesús.

²³ To ĩ yigu bũto sutiriti vacoasuju ĩ, gajeyeũni jaigu ñari, tire maigũ. ²⁴ ĩ sutiritisere ĩacõari, ado bajiro ĩ buerimasajuare gotiyuju Jesús:

—Gajeyeũni jairãrema, yũre ĩna sũyarũa tuoĩaboajama, bũto josarũaroja ĩnare. To bajicõari, yirẽto ecobosabetirũarãma. ²⁵ Vaibũca camello vãme cõtigu, gãjojota gojeacare sãjarẽtobudimasibecũmi. To bajirone bajiaja gajeyeũni jairãre quẽne, yũre ĩna ajitirũnu sũyarũaboajama. To bajiro ĩna bajijare, yirẽto ecobosabetirũarãma —ĩnare yiyuju Jesús.

²⁶ To bajiro ĩnare ĩ yisere ajicõari, no yimasibesujarã ĩna. To bajiri ado bajiro ĩre sẽnĩĩañujarã:

—Riojo mũ gotijama, ¿no bajiro bajirãjũa Dios tũjũre ejarũarãda? —ĩre yiyujarã.

²⁷ To bajiro ĩna yisere ajicõari, ado bajiro ĩnare cũdiyuju Jesús:

—Ĩna masune ejamasimenama masa, Dios tũjũre. Diojũama, ñajediro yimasijeocõami. Ñiejũa josase maja ĩrema. ĩ sũorine ĩ tũjũ ejamasire ñaja —ĩnare yiyuju Jesús.

²⁸ To ĩ yisere ajicõari, ado bajiro ĩre yiyuju Pedro:

—Yũ ẽjũ, jediro yũa gajeyeũnire cũcõari, mũre sũyacajũ yũa —ĩre yiyuju.

²⁹⁻³⁰ To ĩ yisere ajicõari, ado bajiro ĩre cũdiyuju Jesús:

—Riojo mũare gotiaja yũ. No bojarã yũre ajitirũnũrã ñari, yũ ye gotiroana, ĩna ya vi, ĩna yarã, ĩna manajoa, ĩna jacũa, ĩna rĩa, to yicõari ĩna ya veserire quẽne ĩna vaveojama, ĩna cũoboare rẽtobũsaro quẽnase bũjarũarãma ĩna, adĩ macarũcũrore. To yicõari, ĩna rijato berojũama “Tudirijabeticõato” yigu, ĩ catisere ĩnare ĩsirũcũmi Dios —ĩnare yicũdiyuju Jesús.

“Yũre sãrũarãma”, Jesús ĩ yigotitusare queti

(Mt 20.17-19; Mr 10.32-34)

³¹ Jerusalẽnju ĩnare ũmato varũtu vacũne, jũaãmo cõro, gũbo jũa jẽnĩtuarĩrcũ ñarãre ĩnare gotirũ, ricati ĩnare jicãmotoyuju Jesús. To bajiro yicõari, ado bajiro ĩnare yiyuju:

—Quẽnaro ajiya mũa. Jerusalẽnju vana bajiaja mani. Dios ĩ roticõacacũ, yũ bajirotire jairo ucayuma tirũmũana Diore gotirẽtobosamasiriarã. Ñajediro ĩna ucarere bajirone bajijeocõarũaroja yũre. ³²⁻³³ Romano masare yũre ĩsirũarãma. To ĩna yijare, yũre ajatud'irã, gooco yũre ecreatucõari, bajarũarãma ĩna. To yicõari, yucũtẽroju yũre jajurocacõarũarãma. Yũre jajurocacõari, yujeboarũarãma. To ĩna yiboajaquẽne, yũre ĩna sãrirãmũ bero, idiarãmũ tusatirũmũne tudicaticoarũcũja yũ quẽna —ĩnare yiboayuju Jesús.

³⁴ To bajiro ĩnare ĩ yisere ajimasibesujarã ĩna, ĩna ajimasirotire Dios ĩ cõabetijare.

Caje ĩabecũre Jesús ĩ ĩarotire queti

(Mt 20.29-34; Mr 10.46-52)

³⁵ Jericó vãme cõtĩ macajũ ĩ cõñatone, caje ĩabecũ rujiyuju, maa tũ. Maioro bajigu ĩ barotire, to yicõari, gajeyeũniaca ĩ cũrotire tuoĩagũ, gãjõa sẽnigũ bajiyuju. ³⁶ Masa jãjarã ĩna rẽtosere ajicõari,

—¿No bajiro bajiatĩ ti? —ĩnare yisẽnĩañuju ĩ.

³⁷ To bajiro ĩnare ĩ yisẽnĩarone,

—Jesús Nazaret macagũ, rẽtoacũ yami —ĩre yiyujarã ĩna.

³⁸ To bajiro ĩna yisere ajicõari, ado bajiro Jesũre jiavasãñuju ĩ:

—Jesús, yũa ẽjũ, Ɔjũ David ñamasir'i jãnami, “Rotimũorũgõrũcũmi” yigu, Dios ĩ cõar'i ñaja mũ. Yũre ĩamaiña mũ —yivasãñuju ĩ.

³⁹ To bajiro ĩ yivasãrone,

—¡Avasãbesa! —ĩre yiyujarã ĩna, Jesũre ĩre rĩjoro cõtĩ vana.

To bajiro ĩna yiboajaquẽne, bũtobũsa avasãñuju quẽna:

—Ɔjũ David ñamasir'i jãnami, “Rotimũorũgõrũcũmi” yigu, Dios ĩ cõar'i ñaja mũ. Yũre ĩamaiña —Jesũre ĩre yivasãñuju.

⁴⁰⁻⁴¹ To ĩ yisere ajicõari, tujarũgũñuju Jesús. To bajicõari,

—Īre jiya m̄a —masare ĩnare yiyuju. To bajiro ĩ yijare, Jesús t̄j̄m̄ ĩre jiejoyujarã ĩna. To ĩna jiegoro ĩacõari, —¿No bajiro m̄re ȳa yisere bojati m̄a? —ĩre yiyuju Jesús, caje ĩabec̄re.

To ĩ yijare, ado bajiro ĩre yic̄diyuju:

—Ȳa ̄j̄m̄, tudĩar̄aja ȳa —ĩre yiyuju.

⁴² To bajiro ĩ yisere ajicõari, ado bajiro yiyuju Jesús:

—“Ȳre ĩamaicõari, ĩarotir̄c̄m̄i” ȳre yit̄oĩaḡ ĩnari, ĩacoaj̄m̄ m̄a. N̄ie rojose maja m̄re yuja —ĩre yiyuju Jesús.

⁴³ To bajiro ĩ yirir̄marone, caje ĩabec̄a ĩnaboar'i, ĩacoasuju ĩ yuja. ĩacõari, ĩ quēne Jesúre s̄yacoasuju. “Quēnaro yaja m̄a”, Diore ĩre yivariquēna vasuju ĩ. Masa quēne tire ĩarã, “Quēnaro ĩre yami Dios”, yiyujarã ĩna quēne.

19

Zaqueo rãca Jesús ĩ bajire queti

¹ To bajiri, Jericó vãme c̄ti macare r̄etoac̄u bajiboayuju Jesús. ² To ĩ bajivatore, s̄iḡ ti macaḡm̄ ñañuju, Zaqueo vãme c̄tiḡu. ĩ ñañuju ḡãjoa s̄enibosarimasa ̄j̄m̄. Gajeyeũni jaiḡm̄ ñañuju. ³ To bajiri, Jesús ĩ r̄etoato b̄uto ĩar̄aboayuju. ĩre ĩarã jãjarã ĩna ñajare, ĩre ĩab̄j̄abesuju ĩ, yeḡnaca ñari. ⁴ To bajiri, Jesús ĩ varoti maa t̄j̄m̄ ĩ r̄ijoro ũma va, yuc̄j̄m̄ m̄jasuju, Jesúre ĩre ĩar̄c̄. ⁵ ĩ jesarõ eñeroca ejayuju Jesús. To bajicõari, ĩre ĩam̄oĩuju, Zaqueore. ĩre ĩam̄oḡũne,

—Zaqueo, guaro rujiaya m̄a. Yuc̄u m̄a ya vij̄m̄ tujar̄c̄ja ȳa —ĩre yiyuju Jesús.

⁶ To bajiro ĩre ĩ yirone, guaro rujiacõari, variquēnaḡũne, Jesúre ĩre ũmato vasuju Zaqueo, ĩ ya vij̄m̄. ⁷ To bajiri Zaqueo ya vij̄m̄ Jesús ĩ ñasere ĩacõari, ado bajiro gãmerã yiyujarã masa:

—Rojoḡm̄ t̄re ñaḡũ bajiami —yiyujarã ĩna.

⁸ ĩ ya vij̄m̄ ñacõari, ado bajiro Jesúre gotiyuju Zaqueo:

—Ȳa c̄ose, gajeyeũnire, maioro bajirãre ḡdareco ĩnare ĩsir̄c̄ja ȳa. Gãjerãre ĩnare yitocõari, ĩna ye ñaboasere ĩmacaj̄m̄ ȳa. To bajiri ĩnare ȳa ĩmacati r̄etoro ĩnare ĩsir̄c̄ja ȳa. Babarir̄ac̄aji ĩnare ȳa ĩmacati r̄etob̄saro ĩnare ĩsir̄c̄ja —Jesúre ĩre yiyuju ĩ.

⁹⁻¹⁰ To bajiro ĩre ĩ yisere ajicõari, ado bajiro ĩre gotiyuju Jesús:

—Quēnaro yaja m̄a. Abraham Diore ĩ ajitir̄n̄masiriarore bajiro Diore ajitir̄n̄aja m̄a. To bajiro yiḡm̄ m̄a ñajare, m̄re, to yicõari, m̄a ya vianare quēne, rojose m̄a yisere m̄are masiriocõaja ȳa. To yicõari, rojose m̄a tãmborotire m̄are yir̄etobosar̄c̄ja ȳa. Yayirãre bajiro bajirãre, rojose tãmboronare, ĩnare yir̄etobosaḡm̄ vadicāj̄m̄ ȳa, Dios ĩ roticõac̄u —ĩre yigotiyuju Jesús.

Moabosarimasa ĩna bajirere Jesús ĩ gotimasiore queti

(Mt 25.14-30)

¹¹ To bajiro ĩre ĩ yigotisere ajicõari, ado bajiro t̄oĩaboayujarã masa: “Jerusal̄enj̄m̄ ĩ ejaroti mojoroaca ti r̄yajare, yuc̄nacane Israel vãme c̄ti sitare manire rotis̄oĩc̄m̄i Jesús, Dios ĩ roticõar'i, romano masare bucõari”, yit̄oĩaboayujarã ĩna. To bajiro ĩna yit̄oĩasere ĩamasicõari, gotimasiore quetire ado bajiro ĩnare gotiyuju Jesús:

¹²⁻¹³ —S̄iḡũ ñaḡũmi gaje sitaj̄m̄ varoc̄u, ̄j̄m̄ ñamasuḡũ ĩ ñarõj̄m̄, ̄j̄m̄ ĩ ñarotire s̄eniḡũ, “Ȳa ya macanare rotiḡusa” yiḡm̄. ĩ varoto r̄ijoro, ĩre moabosarimasare j̄aãmoc̄ãrc̄ure jir̄eoḡũmi. ĩnare jir̄eocõari, ĩ ye gãjoare ĩnare bateḡũmi. “Ȳa manitoyej̄m̄ adi gãjoa rãca vaja yicõari, m̄a vaja yisere gãjerãre ĩsirã, jaib̄saro vaja s̄enima, ‘Jaib̄saro gãjoa b̄jarãsa’ yirã”. To yigajano, vacoac̄m̄i. ¹⁴ To bajiro ĩ bajiboajaquēne, ĩ ya macana ̄j̄m̄ ĩ ñasere bojamenama ĩna. “Ȳa ̄j̄m̄ ĩ ñasere bojabeaja” yirã, ĩna rãcanare gotiroticõarãma, ̄j̄m̄ ñamasuḡũre.

¹⁵ To bajiro ĩnare ĩna yicõaboajaquēne, ĩna ̄j̄m̄ ĩre c̄iḡũmi ̄j̄m̄ ñamasuḡũ. To bajiro ĩ yir'i ñari, ĩ ya macanare ĩnare rotiḡm̄ tudiejaḡũmi. Tudiejacõari, ĩ gãjoa ĩsiriarãre ĩnare jicõaḡũmi, “Tire quēnaro yimasiboayujari ĩna” yiḡm̄. ¹⁶ ĩ moarimas̄u ejas̄oĩḡm̄, ado

bajiro ïre yigumi: “Gãjoa yure mu ïsicati rãca mre bjarëmobosabu yu, juaãmocãrãcaji yure mu ïsicati rëtobusaro”, ïre yigumi, ï çjure. ¹⁷ To bajiro ï yijare, “Yure quënarò moabosayuja mu. Yu yicatore bajiro yure cadiyuja mu. Mojoroaca mre yu ïsicati rãca yu yicatore bajiro yigum ñajare, ñamasuse moare mre moarotiaja yu. Juaãmocãrãca macarianare rotirucuja mu”, ïre yigumi ï çju. ¹⁸ ï bero gãji e jagumi: “Gãjoa yure mu ïsicati rãca mre bjarëmobosabu yu, cojomocãrãcaji yure mu ïsicati rëtobusaro”, ïre yigumi, ï çjure. ¹⁹ To bajiro ï yijare, “Cojomocãrãca macarianare rotirucuja mu”, ïre yigumi ï çju.

²⁰⁻²¹ ï bero, ï çjure ïogũ e jagumi gãji: “Adine ñaja mu gãjoa, yure mu ïsicati. Sudigaserone gumacõari, cõcaju yu, ‘Buto roticõari ï bojarore bajiro yirere bojagu ñacami’ mre yigũigu ñari”, ïre yigumi. ²² To bajiro ï yijare, ado bajiro ïre cãdigumi ï çju: “To bajiro yure yituoãgũ ñaboarine, yure quënarò moabosabetir'i mu ñajare, rojose mre yirucuja yu. ²³ Gãjoa mre yu ïsicati rãca vaja yicõari, mu vaja yisere gãjerãre ïsicõari, jaibusaro vaja sënibetiboarine, gãjoa cõriavijua mu cõjama, jaibusaro yure bjarëmobosaboriaja mu”, ïre yitud'igumi ï çju. ²⁴⁻²⁵ To bajiro yigotigajano, ï tã rügõrãre ïacõari, ado bajiro ïnare rotigumi: “Anire gãjoa yu ïsiboacatire ëmaña. Tire ëmacõari, juaãmocãrãcaji ïre yu ïsicati rëtobusaro bjarëmocõari cuogujuare ïre ïsiña”, ïnare yigumi ïna çju. To bajiro ï yirotibojajuëne, “Jëre jairo cuoami ïma”, ïre yicõarãma, ïna çjure. ²⁶ To bajiro ïre ïna yisere ajicõari, ado bajiro gotigumi ïna çju: “No bojagu ïre yu ïsise rãca yu bojarore bajiro yigum, quënase bjarucumi. No bojagu ïre yu ïsise rãca yu bojarore bajiro yibecurema, ïre yu ïsiboacatire ïre ëmarucuja yu, ‘Yu bojarore bajiro yimasibeami’ yigum. ²⁷ Çju yu ñasere bojamenarema, yu rãjorojua jieocõari, ïnare siareacõaña mu”, yigumi ïna çju —ïnare yigotiyuju Jesús.^s

“*Rotimucõgõrucumi*’ yigum, Dios ï cõagũ ñaja yu” yïogũ, Jerusalénju Jesús ï ejare queti

(Mt 21.1-11; Mr 11.1-11; Jn 12.12-19)

²⁸ To bajiro yigotigajanocõari, varũtu vasuju Jesús, Jerusalén ñaejari maajure. ²⁹⁻³⁰ Varũtuacõari, ejayuju, Betfagé, Betania vãme cuti macari tujure. Ti macari tujure, Olivo vãme cuti buro ñañuju ti. Ti burojũ e jaguagune, juarã ï buerãre ado bajiro ïnare gotiyuju ï:

—Mani varoto riojo ñarimacare vasa maji. Toju ejacõari, burro macu ïna siaturügõr'ire bjaruarãja mu, jesañamagũre. ïre õjacõari, yure amiadibosaba. ³¹ Ti macagu sigũ, mu õjaro ïacõari, “¿No yirã ïre õjati?” mre ï yisëniãjama, “Mani çju ïre bojami”, ïre yicudiba —ïnare yiyuju Jesús.

³² To ï yisere ajicõari, vasujarã ïna. To ejacõari, Jesús ï gotiriarore bajirone burro macure ïabujayujarã ïna. ³³ ïre ïna õjarone,

—¿No yirã ïre õjati mu? —yiyujarã ïna, burro çjarã.

³⁴ To bajiro ïna yirone,

—Mani çju bojaami —ïnare yicudiyujarã ïna.

³⁵ To bajiro ïnare yigajanocõari, burro macure amivasujarã, Jesús tujum. To yicõari, ïna ye sudi joeayere vejecõari, burro macu joere jeoyujarã. To yigajanocõari, Jesúre ïre vajejarotiyujarã ïna. ³⁶ To bajiri burro joere jesamaja vasuju Jesús, Olivo vãme cuti buro majacu. To ï jesamaja vatone, ïna ye sudi joeayere vejecõari, ï varotijure cõ rãjoro cutiyujarã. “Yu çju ñaja mu” yirã, to bajiro yiyujarã, Jesúre rucuburõ. ³⁷ To bajiro ïna yi vati maajure jesamaja, joe jeacõari, Jerusalénju ï rojaroto rãjoro, “Quënarò yaja”, Diore yivasã variquënañujarã ïna, jãjarã. Dios ï masise rãca ïañamani Jesús ï yiorere tuoãcõari, ado bajiro yivasã variquënañujarã:

^s 19:27 “‘Çju ñaami’ yure yirucuburõmenare rojose tãmucõtãjabetiriarojũ ïnare rearucuja yu’ yigum, yiyuju Jesús”, yama ïna Dios oca buerëtoburimasa.

³⁸ —“Rotimworügörucumi” yigũ, Dios ĩ cõar'li, ñaami. ¡Diore rotibosagũ quẽnaro ĩ yigũ ñaami! Manire ĩvariquẽnagũmi Dios. Quẽnagũ masune ñaami —yivasã variquẽnañujarã ĩna.

³⁹ To bajiro ĩna yivasã ñarone, sīgũri ñañujarã fariseo masa quẽne. To bajiri Jesúre rũcũborã ĩna yivasãsere ajicõari, ado bajiro Jesúre yiboayujarã ĩna:

—Mũ buerãre avasãrotibeticõaña mũ —ĩre yiboayujarã ĩna.

⁴⁰ To bajiro ĩre ĩna yiboajaquẽne, ado bajiro ĩnare cũdiyujũ Jesús:

—To bajiro ĩna yivasãbetijama, adiarĩ gũtarĩjũare avasãroticõarucumi Dios —ĩnare yicũdiyujũ Jesús.

⁴¹ To yĩ va, Jerusalén maca tũaca ejagũne, ti macare ĩagũne, otiyujũ Jesús. ⁴² Ado bajiro yiotiyujũ:

—Yucũne Jerusalén macana, variquẽnarere ĩnare Dios ĩ cõarũaboasere, ĩna masune ajitirũnũ sũyamasibeama. To bajiri quẽnaro ñavariquẽnamasibetirũarãma. ⁴³⁻⁴⁴ Masa rojose ĩna tãmũosere yũ sũorine Dios ĩnare ĩ yirẽtobosasere masimena ñari, bũto rojose tãmũorũarãma ĩna. ĩnare quẽarũarã vadirũarãma gãjerã. Adi macajũre vadicõari, ĩnare gãnibiaquearũarãma, “Rudiroma” yirã. Gãnibiaqueacõari, quẽnaro sĩajeocõarũarãma, ĩnare. Virire quẽne, gajeyeũnire quẽne jediro reajeocõarũarãma ĩna. To bajiro ĩna yireacõaro bero, adi maca ñaboariaro, rujatũcuro ñarũaroja ti —yiotiyujũ Jesús, Jerusalén macare ĩagũne.

Diore yirũcũborĩavijũ ñacõari, gajeyeũni ĩsiriavire bajiro ĩna yĩñajare, Jesús ĩnare ĩ tud'ĩagõbure queti

(Mt 21.12-17; Mr 11.15-19; Jn 2.13-22)

⁴⁵⁻⁴⁶ To bajiro yigajano, varũtu vaejacoasuju ĩ, Jerusalénjũ. To ejacõari, Diore yirũcũborĩavijũ sãjañuju ĩ. Sãjaejacõari, ti vijũ ĩsiñarãre ãgõbucõañuju ĩ. ĩnare ãgõbucõagũne, ado bajiro ĩnare gotiyujũ:

—Dios ĩ rotimasire masa ĩna ucamasire ado bajiro gotiaja: “Yũ ya vima, yũre sãnirũcũborã rẽjariavi ñarũaroja”, yigotiaja, adi vire. To bajiro ĩ yimasire ti ñaboajaquẽne, mũa sũorine juarudirimasa ñarivire bajiro bajaiaja ti —ĩnare yigotiyujũ Jesús.

⁴⁷ To bajiro ĩnare ĩ yĩãgõburĩaro bero, tocãrãcarũmũri ti vine masare buerũgũñuju Jesús. To ĩ yisere, paia mũjarã, Dios ĩ rotimasire gotimasiorimasa quẽne, masa mũjarã quẽne, “¿No bajiro ĩre sãrãti mani?”, yitũoĩarũgũñujarã ĩna. ⁴⁸ No bajiro yimasibesujarã ĩna, bajirãjũma, masa ñajediro bũto ĩre ĩna ajitirũnũ sũyajare.

20

“¿Ñimũ mũre ĩ rotise rãca to bajiro yati mũ?”, Jesúre ĩna yisẽniĩare queti

(Mt 21.23-27; Mr 11.27-33)

¹ Cojorũmũ, Diore yirũcũborĩavijũ masare gotimasioñuju Jesús. “Rojose mũa yisere yitũjacõari, quẽnasejũare tũoĩavasoaya” ĩnare yigoticõari, ĩ sũorine quẽnaro ĩnare Dios ĩ yirotere gotimasioñuju ĩ. To bajiro ĩ yigotimasio ñarone, ĩre sãnĩarã, ĩ tũre ejayujarã bũcũrã, paia mũjarã, Dios ĩ rotimasire gotimasiorimasa quẽne. ² Ado bajiro ĩre yisẽniĩañujarã ĩna:

—¿Ñimũ mũre ĩ rotise rãca to bajiro yirũgũati mũ? —ĩre yisẽniĩañujarã ĩna.

³ To bajiro ĩna yisere ajicõari,

—Yũ quẽne, ado bajiro mũare sãnĩajaja yũ: ⁴ ¿Ñimũ rotiyujari, Juanre, “Oco rãca masare ĩnare bautizacudiya” yigũ? ¿Dios rotiyujari? ¿Masajũa rotiyujarique? —ĩnare yisẽniĩañuju Jesús.

⁵ To ĩ yisere ajicõari, ĩna masune gãmerã ñagõñujarã ĩna:

—“Dione, Juanre oco rãca masare bautizarotiyumi” mani yijama, ado bajiro manire sãnĩajacagũmi: “Tire masirã ñaboarine, ¿no yirã ĩre ajitirũnũbeticati mũa?” manire yisẽniĩajacagũmi. ⁶ To yicõari, “Masane, Juanre oco rãca bautizarotirĩarãma” mani yijama, gũtarĩne manire reasĩarũarãma masa, “Diore gotirẽtobosarĩmasũ ñaboacami

Juan” yirã ñari —gãmerã yiñagõñujarã ña. ⁷ To bajiro yirã ñari, ado bajiro ñe cãdiyujarã ña:

—Juanre rotir'ire masibeaja yua —Jesúre yicãdiyujarã ña.

⁸ To ña yisere ajicõari, ado bajiro ñare cãdiyuju Jesús:

—To bajiro mua cãdijare, yure rotigũ vãmere gotibetirucãja yũ quẽne —ñare yiyuju Jesús.

“Jud'io masa ña ajitirũnũbetijare, gãjerãjuare ujorucumi” yigũ, moabosarimasa rojose yirã ña bajire rãca Jesús ñ gotimasiore queti

(Mt 21.33-44; Mr 12.1-11)

⁹ To bajiro ñare yigajanocõari, gotimasiore queti ado bajiro ñare gotiyuju Jesús:

—Sĩgũ masũ ãye vese otegũmi. Tire oteganocõari, gãjerãre, “Yure ñatirũnũbosaba”, yigũmi. “Ûye ti rica cutiro, gãjerãre ñsicõari, vaja sãniruarãja. To yicõari, mua juarotire, ‘Ado cõro ñaja mani ye. Ado cõro ñaja ñ ye’ yicõãama”, ñare yirotigũmi. To yicõari, gajerojũ vacoacũmi. ¹⁰ To bajiri cojorũmũ, “Ûye rica cuti bucũacoatoja” yigũ, ñe moabosarimasure cõagũmi, “Ûye, yure ña cũbosarere yure juabosaaya” yigũ. Ûye vesejũ ñ ejarone, ñe ñiacõari jarãma vese coderimasa. To yicõa, ñe ãye ñsimenane, “Vasa”, yirãma ña. To bajiri ãye juabecũne tudiejagũmi, ñe roticõar'ĩ tãjũ. ¹¹ To bajiri ãye ñ juabetire ñacõari, gãjire cõagũmi quẽna, vese ãjũ, “Ûye yure juabosagũ vasa” yigũ. Ûye vesejũ ñ ejasere ñacõari, rujajine ñe yitud'icõari, ñe quẽne jarãma ña. To bajiro ñe yigajanocõari, ãye ñsimenane, “Vasa”, ñe yirãma ña. ¹² To bajiri ãye ñ juabetire ñacõari, quẽna gãjire cõagũmi vese ãjũ. Ûye vesejũ ñ ejasere ñacõari, ñe quẽne jarãma ña. To bajiri cãmi cutigũmi. To yicõari, ñe ñiacõari, vese sojũajũ rocarãma ña.

¹³ To bajiro ti bajijare, “¿No bajiro yiguti yũ?”, yitũoĩagũmi ãjũ. “Yũ maigũre, yũ macũre ñe cõarucãja yũ. Ñjuare rũcũborãma ña”, yitũoĩagũmi. ¹⁴ To bajiro yitũoĩacõari, ñ macũre cõagũmi. To bajiro ñ yitũoĩaboajaquẽne, ñ macũ vesejũ ñ ejasere ñacõari, ado bajiro gãmerã ñagõrãma vese coderimasa: “Adi sita ãjũ ñ bajirocaveojama, ñ macũne ñaami vasoarocũ. To bajiri ñe mani sãajama, mani ye sita ñarũaroja yuja”, gãmerã yirãma ña. ¹⁵ To bajiri vese sojũajũ ñe ñia oja vanama. To yicõari, sãarãma ña yuja —ñare yiyuju Jesús, ti quetire gotigũ.

To bajiro ñare yigajanocõari, ado bajiro ñare gotiyuju quẽna:

—¿Ti vese ãjũ tudiejagũ, no bajiro ñare yigujari ñ, ti vese coderimasare? ¹⁶ Ado bajiro yigũmi: Vesejũ vacõari, ti vese coderãre sãagũmi. To yicõari, gãjerãre coderotigũmi, ti vesere —ñare yiyuju Jesús.

To bajiro ñ yisere ajimasicõañujarã jud'io masa. To bajiri,

—¿Bajibeticõato til! —yiyujarã ña. “Ûjũ macũre sãariarãre bajiro bajaia mua’, manire yami” yimasicõañujarã ña.

¹⁷ To bajiro ña yirone, ñare ñacõari, ado bajiro ñare yiyuju Jesús:

—¿“Ûye vese ãjũ ñ macũre rojorã ña sãarocarere bajirone gũtavi quẽnorimasa coja gũtare rocarũarãma” Dios oca masa ña yucamasirere ñabeticatique mua? Ado bajiro gotiaja:

“Gũta rãca vi quẽnorimasa coja gũtare rocarãma ña. Ña rocaria ñaboarine, gajea gũta rãtoro quẽnarica ñarũaroja tia. Tia gũta sũorine quẽnarivi quẽnorucumi Dios.

Tia manijama, quẽnomasibetibogũmi”, yigotiaja Dios oca masa ña ucamasire.

¹⁸ To yigajano, ado bajiro gotirũtuasuju ñ Jesús:

—No bojarã, yũ ocare ajiterã, rojose tãmũorũarãma ña —ñare yiyuju Jesús.

¹⁹ To bajiro Jesús ñ gotimasiosere ajicõari, “Manirene mani bajisere yigũ yami”, yiajimasiñujarã paia ãjarã, Dios ñ rotimasire gotimasiorimasa quẽne. “Ûjũ macũre sãariarãre bajiro bajaia mua’ manire yami”, yiajimasiñujarã ña. To bajiro yirã ñari, Jesúre ñiarũaboayujarã ña. To bajiboarine masare gũirã, ñe ñiabetesujarã.

“Ûjarã gãjoa manire ña vaja yirotijama, ñare ñsiroti ñaja”, Jesús ñ yigotire queti

(Mt 22.15-22; Mr 12.13-17)

²⁰ Jesúre ñiaruarã ñari, gãjerãre cõañujarã ñina, Jesús tujũ. To bajiri, “Mani ujũ César ï rotisere quẽnabeaja’ ï yisere ajirudirã vasa. To bajiro ï yise ti ñajama, ïre gotiyirãsa mani, Pilatore”, yituoĩaboayujarã. To bajiri Jesús tujũre ï gotisere ajirãre bajiro bajitoyujarã ñina cõariarã. ²¹ Jesús tũ ejacõari, ado bajiro ïre sãnĩañujarã ñina:

—Ajiya gotimasiorimasũ. “Riojo gotigu ñaja mũ”, yimasiaja yũa. “Ado bajiro mani yisere bojagũmi Dios” yigotimasioğũ, ñaro cõrone riojo yũare gotimasioaja mũ. “Ado bajiro yũ gotimasiojama, yũre ajijũnininiruarãma” yituoĩabecũne, riojo gotigu ñaja mũ. Masa ñajedirore riojo gotigu ñaja mũ. To bajiro yigu mũ ñajare, mũ tuoĩasere ajirũaja yũa. ²² ¿Roma macagũ ujũ, César, gãjoa manire ï vaja yirotisere mani vaja yijama, quẽnacõarojari? ¿Dios ï rotimasirere cõdimena yirãjarique mani, ïre mani vaja yijama? —Jesúre yisãnĩaboayujarã ñina.

²³⁻²⁴ Jesújũama, “Rojose yũre yiruarã, to bajise yũre sãnĩatoama ñina”, yimasicõañuju. To bajiri, ado bajiro ñinare gotiyuju:

—Gãjoatii cojotii yũre ñoña mũa.

To ï yijare, gãjoatii ãmiadi, ïre ñoñujarã ñina. Gãjoatiire ñacõari, ado bajiro ñinare sãnĩañuju Jesús:

—¿Ñimũ rioga tuyati? ¿Ñimũ vãme tuyati? —ñinare yiyuju Jesús.

To ï yirone,

—Roma macagũ Ujũ César vãme cutigu rioga tuyaja. To yicõari, ï vãme tuyaja ti — Jesúre yicũdiyujarã ñina.

²⁵ To ñina yijare, ado bajise yiyuju Jesús:

—To bajiri aditiire ñacõari, “César yatii ñaja”, yimasiaja mani. Ujarã manire ñina vaja yirotijama, ñinare vaja yiroti ñaja, manire. To bajirone bajiaja Diore quẽne. “Dios sũori bajiaja” mani yimasijama, “Yũa cõose ti ñaboajaquẽne, ti rãca mũ bojarore bajiro yiruarãja”, Diore ïre yiroti ñaja, manire —ñinare yiyuju Jesús.

²⁶ To bajiro ï yisere ajicõari, no yimasibesujarã ñina, to bajise quẽnaro ñagõğũre ajibetirũgũriarã ñari. To bajiri, ïre sãnĩatũjacõañujarã yuja. Jesús rojose ï yibetijare, ñina ujũre ocasãmasibesujarã ñina.

“¿Bajirearãma, tudicicoanajari?”, Jesúre ñina yisãnĩatore

(Mt 22.23-33; Mr 12.18-27)

²⁷⁻²⁸ To bajicõari, saduceo masa quẽne sũgũri ejayujarã, Jesúre sãnĩatorã. “Masa ñina rijato bero, ñina usũri ñina rujũri ñaro cõrone quẽna tudicatimenama” yirã ñañujarã saduceo masa. Ado bajiro ïre sãnĩañujarã:

—Ajiya, gotimasiorimasũ. Moisés ñamasir'i ado bajiro ï yiuacũmasire ti ñajare, mũre sãnĩarã vabũ yũa. Ado bajiro yimasinũju Moisés: “Sũgũ, manajo cutiboa, rĩa magũne ï bajirocajama, ï gagũ manajo ñariore manajo cutirucũmi ï bedijũa. To bajiri ï rãca ñacõari, so macũ cutijama, ï gagũ macũ ñarucũmi”, yimasinũju Moisés. ²⁹ Sũgũ rĩa cojomo cõro, jũa jẽnituarirãcũ ãmũa ñaboacama. Sũgõrene manajo cutiboacama ñina. Ñasũogũ sore manajo cutisũoboacami. Rĩa magũne rijacoacami ï. ³⁰⁻³¹ ï rijato bero, gãji ï bedi vasoaboacami. ï quẽne rĩa magũne rijacoacami. ï bederã quẽne, to bajirone sore manajo cutiboacama. Rĩa manane, rijajedicoacama ñina quẽne. ³² So manajũa ñina rijajediro bero, so quẽne rijacoacamo yuja. ³³ To bajiri bajireacõari, quẽna ñina tudicatijama, ¿ñimũjũa ñaguĩda so manajũ masu ñarocũma, ñina ñaro cõrone sore ñina manajo cuticato bero? — Jesúre yisãnĩatoyujarã ñina.

³⁴⁻³⁵ To ñina yirone, ado bajiro cũdiyuju Jesús:

—Bajireariarã, “Quẽnarã ñaama” Dios ï yĩarã, quẽna tudicatiro bero, manajo cutire, manajũ cutire quẽne manirũaroja. ³⁶ Tudirijabetirona ñari, to bajiro bajiruarãma. Õ vecajũ ángel mesare bajiro bajirã ñaruarãma. To bajicõari, ï sũorine tudicatiriarã ñari, Dios rĩa ñaruarãma —ñinare yicũdiyuju Jesús. ³⁷ —¿“Masa ñina bajirearo bero, ñina usũri caticõaroja” yirere ñabeticatique mũa? ¿Yucũyoa ãjũriyõa vatoajũ Dios Moisére ï ñagõmasirere ñabeticatique? Dios masune ado bajiro gotimasinũmi ï oca masa ñina ucamasire

rāca: “M̄ua ñic̄ua ñamasiriarā Abraham, Isaac, Jacob, ñna r̄uc̄ub̄uo vadimasicac̄une ñaja ȳu”, yigotimasiñumi Dios. ³⁸ Masa bajireariarā ñna us̄uri ti caticōa ñabetijama, to bajise yibetimasiborimi. Bajireariarā, quēna tudicatrājua ñna r̄uc̄ub̄uoḡu ñaḡumi. Masa ñna us̄uri ti caticōa ñabetiboajaquēne, “Diore r̄uc̄ub̄uorā ñarāma”, yimasina maja. “Ñna us̄uri ti caticōa ñajare, bajireariarā ñaboarine, Diore r̄uc̄ub̄uocōa ñarāma”, yire ñaja —ñare yiyuju Jesús.

³⁹⁻⁴⁰ To ñ yise ñajare, saduceo masa, ñre sēniñarēmobesujarā, ñre ḡuirā ñari. To bajiri, ado bajiro Jesúre yiyujarā s̄iḡuri, Dios ñ rotimasire gotimasiorimasajama:

—Gotimasiorimas̄u, quēnaro c̄adiaja m̄u —ñre yiyujarā ñna.

“*‘Rotim̄uor̄uḡōr̄uc̄umi’* yiḡu, Dios ñ c̄aroc̄u, ¿ñim̄u ñar̄uc̄umi, yit̄uōiati m̄ua?” , Jesús ñ yisēniñare queti

(Mt 22.41-46; Mr 12.35-37)

⁴¹⁻⁴³ To bajiro ñre ñna yiboajaquēne, ado bajiro masare gotiyuju Jesús:

—“*‘Rotim̄uor̄uḡōr̄uc̄umi’* yiḡu, Dios ñ c̄aroc̄u, mas̄u ñar̄uc̄umi. Ūju David ñamasir'i jānamine ñar̄uc̄umi” yise ñaja. To bajiro m̄ua yit̄uōiaboajaquēne, Diore yiḡure bajiro, “ȳu ūju”, yimasiniujari Ūju David ñamasir'i, ñ jānami ñ ñaboajaquēne, ado bajise ñ yiucajama: “Ȳu ūj̄ure ado bajiro yir̄uc̄umi Dios: ‘Ȳu riojojacatua rujiya maji. M̄ure ñaterāre, “Rojose yit̄ujaya” ñare ȳu yiro bero, rojose yimasibetiruarāma yuja. To cōrone rotis̄uor̄uc̄uja m̄u’ yir̄uc̄umi Dios, ȳu ūj̄ure”, yiucayasiñumi David.

⁴⁴ To bajiri, “*‘Rotim̄uor̄uḡōr̄uc̄umi’* yiḡu, Dios ñ c̄aroc̄u, David ñamasir'i jānami ñar̄uc̄umi” yiucaasire ti ñaboajaquēne, ¿no yiḡu ñ ūj̄ure bajiro bajigutique? —ñare yiyuju Jesús.

“*Rojose t̄am̄uor̄uarāma* Dios ñ rotimasire gotimasiorimasa”, Jesús ñ yire queti

(Mt 23.1-36; Mr 12.38-40; Lc 11.37-54)

⁴⁵⁻⁴⁶ To bajiro ñare yigajanocōari, masa ñna ajjediro, ado bajiro ñ buerimasare gotiyuju Jesús:

—Dios ñ rotimasire gotimasiorimasare bajiro bajibeja m̄uama. Dios ñ rotimasire gotimasiorimasa, sudiro yoaquēnariase s̄añacōari, masa ñna ñaro r̄ijoro vacudi variquēnarāma ñna. To yicōari, jājarā masa ñna r̄ejar̄uḡurijaur̄ire ejar̄uḡurāma. Ḡaji ñare ñ bocaajama, r̄uc̄ub̄uose rāca ñare ñ sēnisere ajvariquēnarāma. Dios ocare ñna buerivirijure quēne ñamasuri c̄um̄ur̄ore rujivariquēnarāma. Boser̄um̄uri ti ñajaquēne, ñna bajama, ñamasuri c̄um̄ur̄ore rujivariquēnarāma ñna. ⁴⁷ Manajua rijaveoriarā ya virire ēmarā ñaboarine, masa ñna ñaro r̄ijorojua, “*‘Quēnaro yirā ñaama’* yīiato” yirā, yoaro Diore sēnirā yaja, yisocar̄uḡūboarāma ñna. To bajiro ñna yise vaja, ḡajerā rojorā, rojose ñna t̄am̄uose r̄ētoro rojose t̄am̄uor̄uarāma ñna —ñare yiyuju Jesús.

21

Manaju rijaveorio maioro bajigo ñaboarine, ḡajoa so s̄are queti

(Mr 12.41-44)

¹ Diore yir̄uc̄ub̄uoriaviju ñacōari, ḡajoa jairā ḡajoa s̄ariaj̄uj̄ure ḡajoa ñna s̄añasere ñañuju Jesús. ² To ñna yīñarone, s̄iḡō, manaju rijaveorio, ḡajoaatii j̄uatiine so s̄asere ñañuju. Mojoroaca vaja c̄atitiiri ñañuju ti. ³ Tire so s̄aro ñacōari, ado bajiro ñ buerimasare gotiyuju Jesús:

—Riojo m̄uare gotiaja ȳu. Adio maioro bajigo, ḡajerā r̄ētoro s̄amo so. ⁴ Ḡajoa jairā ñna s̄aboajaquēne, jairo r̄uyacōaroja ñnarema. Soma, so c̄uose ñaro c̄oacane s̄acōamo —ñare yiyuju Jesús.

“*Diore yir̄uc̄ub̄uoriavire* jud'io masa me ñarā caguerocacōaruarāma”, Jesús ñ yire queti

(Mt 24.1-2; Mr 13.1-2)

⁵⁻⁶ Diore yir̄uc̄ub̄uoriavire ñacōari, s̄iḡuri ñ buerimasa ado bajiro Jesúre ñre yiyujarā:

—Quēnarivi ñaja. Ḡta quēnase rāca quēnaro quēnoñuma ñna. Diore r̄uc̄ub̄uorā ñna c̄ure quēne quēnase ñaja —Jesúre ñre yiyujarā ñna.

To bajiro ña yisere ajicōari, ado bajiro gotiyuju Jesús:

—Adi vi mua ñarivi ñaro cōrone cague vējajedicoaruarōja. To bajiri adi viaye gajea gūta joere jesabetiruarōja —ñare yiyuju Jesús.

“Macarucuro ti jediroto rījoro ado bajiro bajiruarōja”, Jesús ī yire queti

(Mt 24.3-28; Mr 13.3-23)

⁷ Ado bajiro Jesúre ñre sēniñañujarā ña:

—¿Divato cagueroca ecoroti Diore yirūcubūoriavi? ¿No bajiro ti bajiro ñacōari, “Jesús ejagūagu yigūmi”, yimasirāti yua? ¿No bajiro ti bajiro ñacōari, “Adi macarucuro jediatio yaja”, yimasirāti yua? —Jesúre yisēniñañujarā ña.

⁸ To bajiro ña yisere ajicōari, ado bajiro ñare cūdiyuju Jesús:

—Roori ñaruarāja mua, “Socarāne, gājerā manire yitoroma” yirā. Jājarā yitorā ñaruarāma, “Yūne ñaja ‘Rotimūorūgōrūcūmi’ yigu, Dios ī cōagū” yirā. To yicōari, “Adi macarucuro ti jediroti cōñaja”, yitoruarāma. To bajiro ña yiboajaquēne, ñare ajitirūnūbetiruarāja mua. ⁹ To bajicōari, mua tuana to yicōari, gajeroana quēne gājerā rāca ña gāmerā sīasere ajiruarāja mua. Tire ajicōari, gūibetiruarāja mua. “Bajiruarōja” Dios ī yiriarore bajirone bajiruarōja. To bajiro ña gāmerā yīnaboajaquēne, adi macarucuro jediro me bajiruarōja.

¹⁰ Cojo sitana, gaje sitana rāca gāmerā sīaruarāma. ¹¹ Būto sita saberuarōja. To yicōari, cojo maca me ñioñaruarōja. To bajicōari, cojo sita me gajeye rojose cōarucūmi Dios, “Rojose tāmūoato masa” yigu. Vecajure ñaiañamani gūiose Dios ī yīiose ñaruarōja.

¹² To bajiro ti bajiroto rījoro, mūare ñejecōari, rojose mūare yiruarāma masa. Dios ocare ña buerivijū ñjarā rījorojua mūare juaácōari, mūare goti yiruarāma ña. To yicōari, mūare tubiberuarāma. Yū ocare mua gotimasiojare, macari ñjarā rījorojua mūare juaáruarāma ña. To yi vanane, ñjarā ñamasurā rījorojua mūare juaejaruarāma ña. ¹³ To bajiro mūare ña yijare, yū oca quēnasere ñare gotiruarāja mua. ¹⁴ Mūare ñejecōari, ñjarā rījorojua mūare ña juaáoto rījoro, “¿No bajiro ñagōrāti yua?”, yitūoīarejāibetiruarāja mua. ¹⁵ Mūa ñagōrotijū ti ejaro, “Ado bajiro ñagōroti ñaja”, yimasiruarāja. Mūa ñagōjama, mua masise rāca me ñagōruarāja. Yū masise rāca ñagōruarāja. Yū masise mūare yū cōajare, mua ñagōsere ajicōari, “Socarā yaja mua”, mūare yibetiruarāma mūare ñaterā —ñare yiyuju Jesús. ¹⁶ —Mūa jacua, mūa bederā, mūa yarā, mūa rācana quēne, mūare ñsirearuarāma ña. To bajiro ña yijare, sīaecoruarāja mua sīgūri. ¹⁷ Yūre ajitirūnūrā mua ñajare, mūare ñateruarāma jājarā masa. ¹⁸ To bajiro mūare ña yiboajaquēne, ñie mūare godocūtiruarōja. Dios ī ejarēmose rāca ī tūjū ejacōari, quēnaro ñacōa ñarūgūruarāja mua. ¹⁹ Yūre mua ajitirūnū tūjabetijama, to bajirone bajiruarāja mua.

²⁰ Jerusalén macajure surara ña gānibiasere mua ñajama, “Jerusalén maca ti jedirotirūmū cōñaro bajiaja”, yimasiruarāja mua. ²¹⁻²² Jerusalén maca jedirotire Dios oca masa ña ucamasire ti gotirore bajiro bajiruarōja. Rojose tāmūoriarūmūri ñaruarōja. To bajiroto ti ñajare, Jerusalén maca tuana, Judea sitana, Jerusalén macajū rudibeticōato ña. Gūtayucūjūjū guaro rudicoajaro ña. Jerusalén macana quēne, guaro rudicoajaro ña. ²³ To bajiro bajirirūmūre būto rojose tāmūoruarāma masa, ī bojasere ña yibetire Dios ī ñajūnisinijare. Rōmia macū sāñarā, ūjurā cūorā quēne, rojose tāmūoruarāma ña, ūmatīmabetica yirā. ²⁴ Sīgūrire jasīaruarāma jud'io masa me ñarā. Gājerāre, sīaecomenare ñare ñejebatecoaruarāma, gajerorijū. To yicōari, ña ye sita cūoruarāma jud'io masa me ñarā, “To cōrone rotitūjaruarāma” Dios ī yitūoīariarūmū ti ejaroto rījoro.

“Dios ī roticōacacū tudiejarucūja yū”, Jesús ī yire queti

(Mt 24.29-35, 42-44; Mr 13.24-37)

²⁵ Jud'io masa me ñarā ña rotirirodo jedirijau, muiju ūmūagu, to yicōari, ñamiagu quēne, ñocōa quēne, būto gūiose bajīoruarāma. Tire ñagūiruarāma adi macarucuroana ñajediro. Moa riaga būto jacase saberuarōja. To bajiro ti būsisere ajigūicōari, no yimasibetiruarāma ña. ²⁶ Ō vecayere nūñobatorucūmi Dios. To bajiro ti bajiro ñacōari,

“Adi macarucuro jediatio yaja” yituoĩacõari, buto güiruarãma ñna. Sīgũri ñamecũ vanane, rijavẽjaruarãma ñna. ²⁷ To bajicõari, yũ masise rãca, buto bususe rãca, oco bueri vatoaju adi macarucurojũre Dios ĩ roticõacacũ yũ rujiadire ñaruarãma ñna. ²⁸ To bajiri, adi güiose ti bajisũorore ĩacõari, tuoĩatutuaruarãja mũa. Tuoĩatutuacõari, ñamũoruarãja mũa, “Yucũacane rojose tãmũotũjabetiriaroju mani vaborotire manire yirẽtobosagũagũ yigũmi Dios” yimasirã ñari —ñnare yigotiyuju Jesús, ĩ buerãre.

²⁹ To yigajanocõari, gotimasiore queti gotiyuju quẽna:

—Yucũre tuoĩaña mũa. ³⁰ Yucũ gajecu bucũamũjacõari, jũ mameaja. Tire ĩacõari, “Mojeroaca rũyaja cũma ti ejaroti”, yimasiaja mani, jud'io masa. ³¹ Tire bajiro mũare yũ gotise ti bajisere ĩacõari, “Mojeroaca rũyaja Diore rotibosagũ, Jesús ĩ vadiroti”, yimasiruarãja mũa.

³² Riojo mũare gotiaja yũ. Adirodo ñarã mũa bajireajediroto rĩjoro, mũare yũ gotirore bajirone bajirũaroja ti.^t ³³ Adi macarucuro ñaro cõrone, to yicõari, õ vecaye quẽne jedicoarũaroja. To bajiboarine, yũ ocama, jedibeti mũorũgõcõarũaroja.

³⁴ To bajiri yũ vadirotire masiritibesa. Idire mecũose idimecũcõari, yũre mũa masiritijama, quẽnabetoja. To bajicõari, gajeyeũni mũa cũose, to yicõari, gajeye mũa cũorũa tuoĩasere buto tuoĩarã ñari, yũre mũa masiritijama, quẽnabetoja. ³⁵ “To cõrone ejarucũmi” jãjarã masa ñna yimasibetirĩmarone, tudiejarucũja yũ. To yũ bajijare, masa ñajediro yũre rudimasibetirũarãma ñna. ³⁶ To bajiro bajiroti ti ñajare, roori ñaruarãja mũa. To bajicõari, ado bajiro Diore sãnirũgũrũarãja mũa: “‘Dios ĩ roticõacacũ ĩ tudivadiroto rĩjoro, rojose tãmũoroti ti ñaboajaquẽne, ĩre ajitirũnũ tũjabeticõari, õ vecaju ĩ rĩjoroju bojonemenane ejato’ yigũ, yũare ejarẽmoña”, ĩre yisãnirũgũrũarãja mũa —ñnare yigotiyuju Jesús.

³⁷ Tocãrãcarũmũrine Diore yirũcũbũoriavijũ masare gotimasiorũgũñuju Jesús. Ñamirema ñnare vaveocõari, Olivo vãme cũti buroju cãnirũgũñuju. ³⁸ Quẽna busurijũ jãjarã masa ĩre ajirã sãjarũgũñujarã ñna, Diore yirũcũbũoriavijũ.

22

“¿No bajiro yicõari, Jesũre ñnarãti mani, ĩre sũaruarã?”, ñna yire
(Mt 26.1-5, 14-16; Mr 14.1-2, 10-11; Jn 11.45-53)

¹ Pascua boserũmũ pan ũmato vauvase vũoyamani basũoriarũmũ cõñañuju. ² To bajicõari, paia mũjarã, Dios ĩ rotimasire gotimasiorimasa quẽne, Jesũre sũaruarã, masare güirã ñari, “¿No bajiro yicõari, ĩre ñnarãti mani?”, gãmerã yĩnãgõñañujarã ñna.

³ To ñna yituoĩañatoyene, Judas Iscariote vãme cũtigũ rãca ñarã ñajediro Jesús buerimasa, jũaãmo cõro, gũbo jũa jẽnitarirãcũ ñañujarã. To bajiboagũre, ĩ ucũjũre sãjacoasuju vãtia mũju, Satanás vãme cũtigũ. ⁴ To bajiri, ĩ ucũju vãtia mũju ĩ sãjare, ĩ sũorine rojose tuoĩacõari, paia mũjarã, Diore yirũcũbũoriavi coderã ñna ñarõjũre vacoasuju Judas. Ñna tũju ejacõari, Jesũre ĩ ĩsirocarotire gãmerã ñnãgõñañujarã ñna. ⁵ Jesũre ĩ ĩsirocarũasere ajivariquẽnacõari,

—Gãjoa mũre ĩsiruarãja yũa —ĩre yiyujarã. ⁶ To ñna yisere ajivariquẽnacõari, tudicoasuju Judas. Jesús tũjũre ejacõari, “¿Dirĩmaro ũnone Jesũre ñnare yũ ĩsijama, josari mene ĩre ñiamasirojari ñna?”, yituoĩañuju ĩ.

Jesũs ĩ batũsare queti

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pascua boserũmũ pan ũmato vauvase vũoyamani basũoriarũmũ, to yicõari, oveja macũre ñna siariarũmũ ejayuju ti. ⁸ To bajiri Pedore, Juanre ado bajiro ñnare yicõañuju Jesús:

—Adi ñnami bare mani barotire quẽnoyurã vasa mũa —ñnare yicõañuju.

⁹ To bajiro ĩ yisere ajicõari,

—¿Noju bare quẽnoyurãti yũa? —ĩre yisẽnĩñañujarã ñna.

^t 21:32 Griego masa ye rãca “esta raza” yiroma, judío mesare yiro yaja. To bajicõari, “esta generaci3n” ti yijama, adirodo ñarãre yiro yaja.

10-11 To bajiro ñna yisēniñarone, ado bajirone ñnare cūdiyujū Jesús:

—Yūre quēnaro ajiya mña. Macajū mñare yū gotigū ture vasa mña. To mña ejarone, sīgū, oco vagū mñare bocarūcūmi. Ñre sūyaja mña. To bajicōari, vi ĩ sājaronē, ti vi űjūre ado bajiro ñre yiba: “¿Nojū ñati Pascua boserūmū adī ñami yū buerimasare yū űmato barotijau?” mñre yicōami gotimasiorimasū”, yiba mña. 12 To mña yirone, mñare ñorūcūmi, vecajūa sōa, jairisōa, quēnogajanoriasōare. Tone mani baroti quēnoyuba mña —ñnare yiyujū Jesús, ñnare varotigū.

13 To ĩ yijare, vacoasujarā ñna jñarā yuja. To eja, ĩ yiriarore bajirone bajiyujū ti. To bajiri tisōajū ñna barotire quēnoyuyujarā ñna.

14 To bajiri Pascua boserūmūaye bare bariajū ti ejaro, ĩ buerimasa jñāmo cōro, gūbo jñā jēnituarirācū ñnarā ejacōari, barujiyujarā ñna, ĩ rāca. 15 To bajiñarāne, ñnare űmato baguagūne, ado bajiro ñnare gotiyujū Jesús:

—Rojose yū tāmñoroto rñjoro, mña rāca Pascua boserūmū bare bñto barña tñoñacajū yū. 16 Dios ĩ roticōacacū ñnari, mñare yū űmato baro bero, quēna tudībabetirūcūja. To bajiboarine, adī macarūcñroju yū tudivado beroju yñre roticōacacū ĩ ñnarojñre tudī mña rāca quēnaro bavariquēnarūcūja yū, rojose tāmñoboriarāre yū yirētobosarā rāca —ĩ buerimasare ñnare yiyujū Jesús.

17 To yigajano, idiriabaja āmicōari,

—Quēnaro yaja mñ —Diore yiyujū.

To yicōari, tibaja ñnare ĩsigūne, ado bajiro yiyujū ĩ:

—Mña jediro adire idiya. 18 Riojo mñare gotiaja yū. “Rotimñorūgōrūcūja mñ” yigū, Dios yñre ĩ cūroto rñjoro, űye oco idibetirūcūja yū —ñnare yiyujū.

19 To yigajanocōari, pan āmicōari, “Quēnaja”, Diore yiyujū Jesús. To yigajano, tire mñtocōari, ĩ buerimasare ĩsibatogūne, ado bajiro ñnare gotiyujū ĩ:

—Ti ñaja yū rujū rii. Mñare rijabosarūcūja yū. Yū rijato bero, mñare yū rijabosare tñoñacōari, yñre rñcñbñorā, ado bajirone rējacōari, barūgūrñarāja —ñnare yigotiyujū ĩ.

20 To yicōari, bare ñna baro bero, űye oco sññaribajare āmicōari, ado bajiro ñnare gotiyujū Jesús quēna:

—Adi ñaja tirūmñana, “Rojose mani yirere masirioato” yirā, Diore rñcñbñorijajū joere ñna yuejeoriarore bajiro bajise. Yucñrema, yū ri'i ñaja. Ti sñorine, “Gajerodori ado bajiro masare quēnaro yirūcūja yū” Dios ĩ yigotimasiriarore bajiro bajirñaroja yuja. Yū rijato bero, mñare yū rijabosare tñoñacōari, yñre rñcñbñorā, ado bajirone rējacōari, idirūgūrñarāja —ñnare yiyujū Jesús.

21-22 To yigajano, ado bajiro ñnare gotiyujū quēna:

—Dios ĩ tñoñariarore bajiro rojose tāmñorūcūja yū, Dios ĩ roticōacacū. To bajiro bajirocū yū ñajare, sīgū mña rācagū, yū rāca bagū, yñre ĩaterāre yñre ĩsirocarūcūmi. Yñre ĩ gotiyirose sñorine rojose tāmñorūcūja yū. “Masare yirētobosarūcūmi” Dios ĩ yimasire ñajare, tñrotire yigū bajirūcūja yūma. To bajiboarine, yñre gotiyirogūjñama, rojose tāmñorūcūmi —ñnare yigotiyujū Jesús, ĩ buerimasare.

23 To bajiro ĩ yisere ajicōari,

—¿Ñimūjñā ñati, ñre ĩsirocarocūma? —ñna masune gāmerā yisēniñañujarā ñna.

“¿Ñimūjñā ñagūti ñamasugūma?”, Jesús buerimasa ñna gāmerā yire queti

24 To bajiro gāmerā yigajanocōari,

—¿Ñimūjñā ñagūti ñamasugūma? —gāmerā yi oca josayujarā ñna. 25 To bajiro ñna yijare, ado bajiro ñnare gotiyujū Jesús:

—űjarā, Dios yarā me ñarā, ñna yarāre bñto tutuaro rotirāma ñna. To bajiro yirā ñna ñaboajaquēne, “Masare quēnaro yirā ñaama”, yññarūcñbñore ñaja. 26 Mñama, yū yarā ñnari, ñnare bajiro bajibetirñarāja. Yñre ajitirñnugū, ñamasugū ñnarūcūmi, gājerā bedire bajiro bajitñoñagū. To bajiro yū yijama, “Gājerā ñna bojasere masicōari, quēnaro ñnare yirñcñbñogū ñnarūcūmi” yigū yaja yū. 27 ¿Nijñā rētoro ñamasugū ñnarojari, rotigūjñā,

rotiecogujua? Moarotigu ñagūmi ñamasugūma. To bajiro ti bajiboajaquēne, yujua, mua ujua ñaboarine mua bojasere masicōari, quēnaro muare yigu ñaja yu.

²⁸ Rojose tāmoadicaju yu. To bajiro bajigu yu ñaboajaquēne, yure ajitirūncōa ñaja mua. ²⁹⁻³⁰ To bajiro bajirā mua ñajare, ado bajiro quēnaro muare yirucuja yu: “Rotimūorūgōrucuja mu” yigu, yu jacu yure ī cūroju, “Rotiruarāja mua quēne” yigu, muare cūrucuja yu quēne. To cōrone juaāmo cōro, cojo gūbo jua jēnituario ñariaserire rujiruarāja mua. To yicōari, mani yarā, jud'io masa, juaāmo cōro, cojo gūbo jua jēnituarirācu ñarā masatubuarire rotiruarāja mua. Yure ajitirūnūrāre, to yicōari, yure ajitirūnūmenare ĩacōāmasiruarāja. To yicōari, yu rāca bare ba, idi yiiñarūgūruarāja mua —ĩnare yiyuju Jesús.

“*Jesúre masibeaja yu' yirucuja mu*”, Pedrore Jesús ī yire queti
(Mt 26.31-35; Mr 14.27-31; Jn 13.36-38)

³¹ To yigajanocōari, ī buegure Pedrore ado bajiro gotiyuju Jesús:

—Quēnaro yure ajiya mua. Vātia ujua, “¿Jesúre ajitirūnūrā masu ñati ĩna?” yīarū, rojose ĩnare cōaruaja yu”, Diore yisēniīañuju ī, muare. To bajiro ī yijama, “Rojose ĩnare yu cōajama, Jesúre ajitirūnu tujacoanama ĩna” yigu, yiyuju ī, tire. ³² To bajiro Diore ī yiboajaquēne, Diore mure sēnibosabu yu, “Yure ajitirūnūbetiboarine, quēna yure ajitirūnūato ī” yigu. To bajiri yure ajitirūnūbetiboarine, quēna yure mu ajitirūnūro bero, gājerā yu buerā ñarāre ejarēmoma, quēnaro yure ĩna ajitirūncōa ñarūgūrotire yigu —Pedrore ĩre yiyuju Jesús.

³³ To bajiro ĩre ī yisere ajicōari, ado bajiro Jesúre ĩre yiyuju Pedro:

—Mure ĩna tubibeboajaquēne, mure ĩna sīacōajaquēne, mu rāca ñacōa ñagū ñari, sīaecomasiaja yu quēne —Jesúre ĩre yiyuju Pedro.

³⁴ To ī yisere ajicōari, ado bajiro ĩre cūdiyuju Jesús:

—Riojo mure gotiaja yu. Busiyujua gājabocu ī ñagōroto rījoro idiaji, “Jesúre masibeaja; ī rācagu me ñaja yu”, yirucuja mu —Pedrore ĩre yiyuju ī.

³⁵ To yigajanocōari, ī buerimasare ado bajiro ĩnare sēniīañuju Jesús:

—¿Mua cūosere, mua barere, gajeye gūbo sudire quēne tire muare juarotibeticōari, “Juarāri, vacōari, yu ocare gotibosacudiaya” yigu, muare yu yirotisucotirūmure ñie muare godocucati? —ĩnare yisēniīañuju.

—Yure godo cūobeticaju —yicūdiyujarā ĩna.

³⁶ To bajiro ĩna yicūdisere ajicōari, ado bajiro ĩnare gotiyuju Jesús:

—Yucūrema mua cūosere, mua barere, to yicōari, mua gājoare quēne juaya. Jariase cūobecū, sudiro yoariase, ī gūboju tūsariasere ĩsicōari, jariasere vaja yiya. ³⁷ Masa rojose yure ĩna yirotire quēnaro mua tūoāmasirotire yigu, to bajise muare yaja yu. Ado bajiro yure gotiyuja Dios oca masa ĩna ucamasire: “Rojorāre ĩnare ĩna yirore bajiro ĩre yiruarāma, rojose ī tāmūrotire yirā”, yure yigotiyuja ti. Diore gotirētobosarimasa, “Ado bajiro bajiruarōja” ĩna yucamasire ñajare, to bajiro yure yiruarāma. Ñajediro ĩna ucamasirere bajirone bajijeocōaruaroja yure —ĩnare yiyuju Jesús.

³⁸ To bajiro ĩnare ī yisere ajimasibeticōari, ado bajiro ĩre yiyujarā ĩna, ī buerā:

—Yua ujua, ĩaña mu. Adone juajāi, jariase cūoaja yua —yiyujarā ĩna.

To bajiro ĩna yijare,

—To bajiro masu yimenaja mani —ĩnare yicūdiyuju Jesús yuja.

Getseman'i vāme cūtoju veseju, Jesús ī jacure ī sēnigū vare

(Mt 26.36-46; Mr 14.32-42)

³⁹ To yigajanocōari, Jerusalén vāme cuti macaju ñar'i, Olivo vāme cuti buroju ī buerimasare ī ũmato varūgūriarore bajirone ĩnare ũmato vasuju Jesús. ⁴⁰ Toju ejacōari, ado bajiro ĩnare gotiyuju Jesús:

—Vātia ujua Satanás ī yirotisere yicōari, “Dios ī bojabetire yirobe” yirā, Diore sēniña —ĩnare yiyuju Jesús.

⁴¹⁻⁴² To bajiro ñnare yicōa, ñ sīgũne to sojubusa vasuju ñ. Ñacōarine ñagũ, gusomuniari tuetucōari, ado bajiro Diore sēniñuju ñ:

—Cacu, yũre ñna sñaroti matamasajaja mũ. To bajiboarine, mũ bojarore bajirone bajiato —Diore yiyuju.

⁴³ To bajiro ñre yigajanorone, ángel Diore moabosagu ruyuyaju ñ. Ruyucōari, “Dios ñ bojarore bajiro yicōa ñato” yigũ, Jesúre ejarēmoñuju ñ. ⁴⁴ To ñ yiro bero, rojose ñ tãmuorotire tuoña sñiritigũ ñari, butobusa Dios ñ ejarēmorotire sēnitajabesuju Jesús. To bajiro bajiñagũ ñne, buto ri'i rãca vusase usaca budicōari, “tapi, tapi, tapi” yivējareacũñuju ti, sita joejũre.

⁴⁵ Diore sēnigajano, vãmũrũgũcōari, ñ buerã tu tudiejayuju. Ñ gotirere buto tuoñasñiriticodeboa, cãnicōasujarã. ⁴⁶ Ñna tu ejaçōari,

—Cãnibesa mũa. Vãmũrũgũcōari, Diore sēniña, “Vãtia mũ Satanás ñ yirotsere yicōari, Dios ñ bojabetire yirobe” yirã —ñnare yiyuju Jesús.

Jesúre ñna ñiare queti

(Mt 26.47-56; Mr 14.43-50; Jn 18.2-11)

⁴⁷ To bajiro Jesús ñnare ñ gotiñarirĩmarone, jãjarã masa vayujarã ñna. Ñnare ñmato vagũ, Judas Iscariote vãme cõtigu, Jesús buerimasũ ñar'ine ñañuju ñ. To bajivadi, Jesús rñjorojũ ejaçōari, socũne ñre buto ñamaigũre bajiro ñre usugũagu yiyuju. ⁴⁸ To ñ yirone, ado bajiro ñre gotiyuju Jesús:

—Judas, ¿Dios ñ roticōacacũre yũre sñaronare, “To bajiro usugotigũsa”, yituoĩaboati mũ? —ñre yiyuju Jesús.

⁴⁹ To bajiro ñ yirone, Jesúre ñna ñiarũaro ñamasicōari,

—Yũa mũ, ¿jariase rãca ñnare jasurereacōarãti yũa? —yisēniñañujarã ñna, ñ buerã.

⁵⁰ To yisēniñarãne, sīgũ ñ buegu, ñ jariase yoveaãmicōari, paia mũ ñamasugũre moabosarimasũre gãmorõ jatarocacōañuju. ⁵¹ To ñ yisere ñacōari, ado bajiro ñre yiyuju Jesús:

—Yibesa mũa —ñnare yiyuju Jesús, ñ buerãre.

To yicōari, gãmorõ jataroca ecogũjũare ñ gãmorore ñmitucōari, ñnariore bajirone yiquēnocōañuju Jesús. ⁵² To yicōari, ñre ñnarũarãre, paia mũjarãre, Diore yirũcũbũoriavi coderimasare, to yicōari, bũcũrãre quēne, ado bajiro ñnare yiyuju Jesús:

—¿No yirã gajeyeũni juarudirimasũre ñnarãre bajiro jariaseri rãca, yucũ rãca yũre ñnarã vadiati mũa? ⁵³ Tocãrãcarũmũrine Diore yirũcũbũoriavijũ mũa ñnaro gotimasiorũgũmũ yũ. To bajiboarine yũre ñnabetirũgũmũ mũa maji. Yucũrema Dios ñ tuoñacatore bajirone bajirũaroja. To bajiri, Satanás sũorine rojose mũa bojarore bajiro yimasirũarãja mũa yuja —ñnare yiyuju Jesús.

“Jesúre masibeaja yũ”, Pedro ñ yire queti

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ To bajiro ñ yirone, Jesúre ñnaciōari, paia mũ ñamasugũ tũju ñre ñmiasujarã. Toju ejaçōari, sãjasujarã ñna. Ñre ñna ñmivato, sũju yayiĩasũyayuju Pedro. ⁵⁵ To bajiri Jesúre ñmivariarã sīgũri toju ejaçōari, macajũ tũcuro gũdarecoju tujayujarã. Tone jea riocōari, rujiyujarã ñna, jea sũmañarã. To ñna bajiñarone, ejaçōari, ñna rãca rujiyuju Pedro quēne, jea sũmagũ. ⁵⁶ Jeame tu rujigũ ñari, quēnaro ruyuyuju ñ. To bajiro ñ bajijare, sīgõ paia mũ ñamasugũre moabosarimasõ, jeame tu ñ rujiro ñre ñamasicōari,

—Jesúrãcagũne ñnaami —Pedrore yiyuju so.

⁵⁷ To bajiro so yisere ajicōari, ado bajiro sore yiyuju Pedro:

—Ñre masibeaja yũ —sore yiyuju.

⁵⁸ To ñ yiro beroaca, ñre ñacōari,

—¿Jesúrãcagu ñnabetiboati mũ? —ñre yiyuju gãji.

To bajiro ñ yisere ajicōari,

—Ñ me ñaja yũ —yiyuju ñjũama.

⁵⁹ Cojo hora bero, gãji, Pedro ñ ñagõsere ajicōari, ñ babarãre ado bajiro yiyuju:

—Jesúrācagūne ñaami, Galilea sitagū ñari —yiyuju ĩ.

⁶⁰ To bajiro ĩre ĩ yisere ajicōari, ado bajiro yiyuju Pedro:

—“Riojo yaja mū”, mure yimasibeaja yū. Jesúre masibeaja —ĩre yiyuju Pedro.

To bajiro ĩ yirirīmarone, gājabocū ñagōcōañuju yuja. ⁶¹ ĩ ñagōrone, Jesús, jūdarūgūcōari, Pedrorē ĩañuju ĩ. ĩ jūdarūgū ĩarone, Jesús ĩre ĩ gotirere masibūjayuju Pedro yuja, “Gājabocū ĩ ñagōroto rījoro, idiaji, ‘Jesúre ajisūyagū me ñaja yū’ yirūcūja mū” Jesús ĩ yirere. ⁶² Tire masibūjacōari, vacoasuju. Vacōari, buto otiyuju.

Jesúre ĩna ajatud'ire queti

(Mt 26.67-68; Mr 14.65)

⁶³ To bajiri, Jesúre ĩacoderimasa, ĩre jacōari, ajatud'iyujarā ĩna. ⁶⁴ ĩ cajere siabibecōari, ĩre jayujarā. To yicōari,

—“ ĩ, mure jaami’ yure yigotiami Dios”, yūare yiya mū —Jesúre ĩre yisēñā tud'iyujarā ĩna.

⁶⁵ To yicōari, cojo vāme me ĩre yiajatud'iyujarā ĩna.

Jud'io masa ũjarā ñamasurā, “¿Dios macūne ñati mū?”, Jesúre ĩna yisēñāre queti

(Mt 26.59-66; Mr 14.55-64; Jn 18.19-24)

⁶⁶⁻⁶⁷ Busuro bero, paia ũjarā quēne, to yicōari, Dios ĩ rotimasire gotimasiorimasa quēne, Jesús ture rējañujarā ĩna. Rējacōari, ĩre āmiasujarā ĩna, ũjarā ñamasurā tūjere. Tojū ejacōari, ado bajiro Jesúre yiyujarā ĩna:

—“Rotimūorūgōrūcūmi” yigū, Dios ĩ cōagū mū ñajama, yūare gotiya —Jesúre ĩre yiyujarā ĩna.

To bajiro ĩre ĩna yisere ajicōari, ado bajiro cūdiyuju Jesús:

—“ĩne ñaja yū” yū yijama, yūre ajirūamenaja mūa. ⁶⁸ Yūjūa, yū sēñāajama, yūre cūdimenaja mūa —ĩnare yiyuju Jesús. ⁶⁹ To yigajanocōari, ado bajiro ĩnare gotiyuju quēna:

—Yū bajiro tire masibeticōari, to bajiro yūre yaja mūa. Dios ĩ roticōacacū ñari, yoaro mene ĩ riojocacatūa rujicōari mūare yū besero ĩarūarāja mūa —yiyuju Jesús.

⁷⁰ To bajiro ĩ yisere ajicōari,

—¿“Dios macūne ñaja yū” yigū yati mū? —ĩre yisēñāñujarā ĩna jediro.

To bajiro ĩna yisere ajicōari,

—To bajirone bajiaja. ĩne ñaja yū —ĩnare yicūdiyuju ĩ yuja.

⁷¹ To bajiro ĩ yisere ajicōari, ado bajiro gāmerā ñagōñujarā ĩna:

—“Dios ĩ cōacacū, ĩ macū ñaja yū” ĩ yise sūorine Diore rojose yigū yami. No yirā gājerāre, “Rojose yigū ñaami” yironare macarēmomenaja mani yuja —gāmerā yiyujarā ĩna.

23

Pilato tūjū Jesúre ĩna āmiejare queti

(Mt 27.1-2, 11-14; Mr 15.1-5; Jn 18.28-38)

¹⁻² To yigajanocōari, Jesúre ĩre āmiasujarā ĩna jediro, Pilato vāme cūtigū ya vijū vana. ĩ tūjū ĩre āmiejacōari, ado bajiro Jesúre gotiyiroyujarā ĩna:

—Ānire būjabū yūa. Ado bajiro yimi: “Ūjū Césare gājoa mūare ĩ vaja yirotisere mūa vaja yijama, quēnabeaja. To yicōari, ‘Rotimūorūgōrūcūmi’ yigū, Dios ĩ cōagū ñaja yū”, yimi —Jesúre ĩre yigotiyiroyujarā ĩna.

³ To bajiro ĩna yise ñajare, ado bajiro Jesúre sēñāñuju Pilato:

—¿Mūne ñati jud'io masa ũjū? —ĩre yiyuju Pilato.

To bajiro ĩ yisere ajicōari, ado bajiro ĩre cūdiyuju Jesús:

—To bajirone bajiaja —ĩre yiyuju Jesús.

⁴ To ĩ yirone, paia ũjarāre, to yicōari, jājarā masa to ñarāre quēne ado bajiro ĩnare yiyuju Pilato:

—Yū ĩajama, ñie rojose yigū me ñaami —ĩnare yiboayuju Pilato.

⁵ To bajiro ĩ yiboajaquēne, buto avasāñujarā ĩna:

—Galilea sitajure gotimasiosuoyumi. Bero, Judea sitana ñajedirore gotibatomavioami —ïre yiyujarã ña.

Herodes tujũ Jesúre ña ãmiejare queti

⁶⁻⁷ To bajiro ña yisere ajicõari, ado bajiro ñnare sēñiañuju Pilato:

—¿Ñani, Jesús Galileagu ñati? —ñnare yisēñiañuju ñ.

To ñ yirone,

—Toagune ñaami —yicũdiyujarã ña.

To bajiro ña yijare,

—Ujũ Herodes ya sitagu ñ ñajare, Herodejua ñre ñacõiato —ñnare yiyuju Pilato.

Tirũmurire Jerusalénjune ñañuju Herodes quēne, Pilato ñ ñarimacane. To bajiri tire masicõari, Herodes tujũ Jesúre cõañuju Pilato. ⁸ To bajiri, Jesús ñ ejaro, ñre ñacõari, buto variquēñañuju Herodes, buto ñre ñaruarũgũr' ñari. Yoaro ñre ñaruaoyuju. Jesús ñ yirere ajirũgũr' ñari, ñ ñaro rĩjorojua quēne, ñañamani Jesús ñ yĩosere buto ñaruaoyuju ñ. ⁹ To bajiro yigu ñari, yoaro Jesúre sēñiañuju ñ. To bajiro ñ yiboajaquēne, ñre cũdibesuju Jesús. ¹⁰ Paia ujarã, Dios ñ rotimasire gotimasiorimasa buto rojose avasãgotiyiro ñañujarã ña. ¹¹ To bajiri, Jesús ñ cũdibeti ñaboana, ñre ajatud'iyujarã Herodes, ñ surara quēne. To yigajanocõari, quēnariase sudiro Jesúre sãcõari, ñre tũocõañujarã, Pilato tujure quēna. ¹² Tirũmũne Herodes, Pilato rãca gãmerã oca quēnoñujarã ña, gãmerã ñateboariarã.

“Jesúre sãaroti ñaja”, ña yire queti

(Mt 27.15-26; Mr 15.6-15; Jn 18.39-19.16)

¹³ ñ tujũ Jesúre ñ tũocõajare, paia ujarãre, masa ujarãre to yicõari, masa to ñarãre quēne jirẽoñuju Pilato. ¹⁴ ña ejaro, ado bajiro yiyuju ñ:

—“Ujũ César ñ rotisere cũdibesa mũa' yigotimavioami” yirã, jẽjũ ññire yũ tujũ ãmiejabũ mũa. To bajiro mũa yise ñajare, mũa ajiro ñre quēnaro sēñiaaboabũ yũ. Yũ ñajama, ñie rojose yibecũ ñaami. ¹⁵ Herodes quēne, “Ñie rojose yibecũ ñaami” yigu ñari, yũ tujũ ñre tũocõañumi. “Ñie rojose ñ yiro cõro ñre sãña manoja”, yaja yũ. ¹⁶ To bajiri ñre bajegajanocõari, bucõarũarãma yũ surara —ñnare yigotiboayuju Pilato, to rējariarãre.

¹⁷ Tocãrãca cũma Pascua bosemũ jud'io masa ña quēnojama, sĩgũ, tubibe ecor'ire ña burotigũre ñnare bubosarũgũñuju Pilato.

¹⁸ To bajiri, “Jesúre ñre bucõarũcũja yũ” ñ yisere ajicõari, ado bajiro Pilatore avasã-jedicõañujarã masa:

—¿Bajibeticõato! ¿Barrabájũare bucõari, Jesújũare sãarotiya mũ! —yivasã jedicõañujarã ña.

¹⁹ Barrabás vãme cũtigũ, “Gobierno ñ rotiboasere cũdibeticõari, mani masu rotirãsa” yitũoĩacõari, ñ babarã rãca masare sãr' ñañuju. To bajiro ñ yire vaja tubiberiavijũ ñañuju ñ.

²⁰ To ña yiro bero, quēna ado bajiro gãme tudisēñiañuju Pilato. To bajiro ña yivasã ñaboajaquēne, Jesúre bucõarũ, quēna ñ budirotire sēñiaaboayuju Pilato. ²¹ To bajiro ñ yirone,

—¿Yucũtẽrojũ ñre jaju sãaroticõaña mũ! ¿Ñre jajutuya! —ñre yivasã cũdiyujarã ña.

²² To bajiro ña yirone, jẽre jũaji ñnare ñ gotiboasere gotiboayuju ñ quēna:

—¿Ñie rojose ñ yire sũori ñre sãarotigũti yũ? ñre quēnaro sēñiamũ yũ. Yũ ñajama, ñie rojose yibecũ ñaami. To bajiri, ñre bajegajanocõari, bucõarũarãma yũ surara —ñnare yigotiboayuju Pilato quēna.

²³ To ñ yiboajaquēne, ña yiriarore bajiro, ñre avasãtũjabesujarã ña, Jesúre sãarũarã. To bajiro ña yivasãcõa ñajare, ña rotirore bajiro cũdigũ, Barrabájũare ñre bucõañuju. ²⁴⁻²⁵ To yicõari, Jesújũarema ñ yarã surarare ñsiñuju, “Yucũtẽrojũ ñre jajusãiato ña” yigu.

Yucũtẽrojũ Jesúre ña jajusãre queti

(Mt 27.32-44; Mr 15.21-32; Jn 19.17-27)

²⁶ To bajiri Jesúre ñamicoasujarã ña, ñre sãrã vana. ñre ñmivanane, sĩgũ Cirene vãme cũti sitagu, Simón vãme cũtigũre bocayujarã. ñre bocacõari,

—Jesús ĩ gaja vatijaire ĩre gajabosaya —ĩre yi vasujarã ĩna.

²⁷ Jãjarã masa Jesúre sųyayujarã ĩna. Rõmia quẽne, ĩre sųyacõari, otiyujarã ĩna. ²⁸ To bajiro ĩna otisere ajicõari, judarũgũñuju Jesús. Judarũgũcõari, ado bajiro ĩnare gotiyuju ĩ:

—Mũa Jerusalén macana rõmiri, yũre otibesa. Mũa bajiro tire, to yicõari, mũa rĩa ĩna bajiro tire tuoĩacõari, otiya. ²⁹ No bojarirũmũa ejarũaroja buto rojose mũa tãmũorotirũmũa. Tirũmũre ado bajise tuoĩarũarãja mũa: “Rĩa mana rõmiri rojose tãmũorã ñaboarine, buto sutiritibetirũarãma, ‘Bũcurã rĩne bajirearũarãja yũa’ yituoĩarã ñari”. ³⁰ To bajiri, “Josari rojosere tãmũorobe; rojose mani yise vaja rojose manire cõarũcũmi Dios” yirã, guaro bajireadarotire yirã, “Gũtayucũri yũare tãjoreadaya”, yituoĩarũarãma.^u ³¹ Yũ yirore bajirone bajirũarãja mũa. Ado bajiro yũ gotisere ajituoĩañã mũa: “Ñie rojose yibecũ ñaami” yũre yirã ñaboarine, yũre rojose yama ĩna. To bajiri, “Rojorã ñaama” mũare yĩarã ñari, rõtobũsaro mũare rojose yirũarãma ĩna —ĩnare yigotiyuju Jesús, ĩre otisųyarãre.

³² To bajiri gãjerã jũarã rojose yiriarãre jua vasujarã, Jesúrãca, ĩnare sĩarũarã. ³³ ĩnare jua va, Rũjoco Buro vãme cuti buroju majaejayujarã. Toju Jesúre, to yicõari, rojorãre quẽne, yucãtẽrorijũ jajutuyujarã ĩna. Sĩgũre Jesús riojojacatuare, gãjirema ĩ gãcojacatuajũare jajutuyayujarã. ³⁴ Jesús ĩre ĩna jajuturo bero, ado bajiro Diore sẽnĩñuju ĩ:

—Cacu, yũre sĩarãre rojose ĩna yisere masirioya mũa. “Rojose yirã yirãja yũa” yimasimenane yama ĩna.

To bajiro ĩ yiro bero, Jesús ye sudire bojarã, ado bajiro yiyujarã surara: “Ñimũjũa ĩ sudire ĩ ẽjaro ĩarãsa mani” yirã, gãtarine reacũia ajeñañujarã. To yiajecõari, ĩ sudire gãmerã ĩsibatoyujarã ĩna. ³⁵ Tire ĩacõari, Jesúre ajatud'iyujarã masa. ĩna ẽjarã quẽne, ado bajiro Jesúre ajatud'iyujarã ĩna:

—Gãjerãre rijaye cutirãre catorũgũmi. To bajiri, “Rotimũorũgõrũcũmi” yigũa, Dios ĩ cõagũ ĩ ñajama, ĩ masune rujiadimasiato —yiajatud'iyujarã ĩna.

³⁶⁻³⁷ Surara quẽne ĩre ajatud'iyujarã ĩna. ĩ tũju ejacõari, ỹye oco jiasere Jesúre idirotiboyujarã. ĩre idirotirãne, ado bajiro ĩre ajatud'iyujarã ĩna:

—Mũa jud'io masa ỹju mũa ñajama, mũa masune rujiaya —ĩre yiajatud'iyujarã ĩna.

³⁸ Jesús ĩ jaju ecoritẽrojũre ĩ rũjoa vecare griego masa oca, romano masa oca, jud'io masa oca ĩna ucuria jũro tuyayuju. Ado bajise yirijũro ñañuju ti: “Ãni ñaami jud'io masa ỹju”, yiucare ñañuju.

³⁹ To bajicõari, sũgũ rojogu Jesúrãca yucãtẽroju jaju ecor'i ado bajiro ĩre tud'iyuju ĩ quẽne, Jesúre:

—¿“Rotimũorũgõrũcũmi” yigũa, Dios ĩ cõagũ me ñatique mũa? ĩ mũa ñajama, rujiacõari, yũare yirõtobosaya —ĩre yitud'iyuju ĩ quẽne.

⁴⁰ To bajiro ĩ yisere ajicõari, gãjijũama, ado bajiro ĩre boca yiyuju ĩ:

—Rojose mani yire sũori manirema jajutuama ĩna. To bajiri, ¿Dios tũju ejacõari, rojose mũa yise vaja rojose mũre ĩ yiro tire gãibeatique mũama? ⁴¹ Manima, mani masu ye sũorine bajiaja. To bajiboarine, ĩjũama, ñie rojose yibecũ ñaami —boca yiyuju.

⁴² To bajiro yigajanocõari, ado bajiro Jesũjũare gotiyuju ĩ:

—Jesús, “Rotimũorũgõrũcũmi” yigũa, mũre cõar'i Dios ĩ cũro bero, yũre ĩamaicõari, rojose yũ yise vaja rojose tãmũotũjabetiriaroju yũ vaborotire yũre yirõtobosaba —Jesúre yigotiyuju ĩ.

⁴³ To ĩ yisere ajicõari,

—Yũre quẽnaro ajiya mũa. Adirũmũne yũre ajitirũnrã ĩna variquẽna tũjabetoju yũ rãca ñarũcũja mũa —ĩre yicũdiyuju Jesús.

^u 23:30 “ ‘Rojose ĩna yise sũorine rojose ĩna tãmũorotire tuoĩamecurã, gãtayucũri, burori, yũare tooya”, yirũarãma’ yaja Ap 6.16-17. To bajiboarine Lc 23.30 gaje vãme yirũaro yaja”, yiyujarã Dios ocare buerõtoburimasa sũgũri.

Jesús i usutadire queti

(Mt 27.45-56; Mr 15.33-41; Jn 19.28-30)

⁴⁴⁻⁴⁵ Jesúre ina jajušariarümüne, ümürecaji ñarone, rētiañuju yuja. Idia hora cōro rētiañañuju. Idia hora rētiatusatone, Diore yirücbuoriavijü sudigasero yotoriario vorujjedicoasuju ti. Tiase yotoriario, “‘Dios i ñarisōa’ vāme cuti sōare sājamasibeamas masa”, yimasiriario ñaboayuju. ⁴⁶ To ti bajirone,

—¿Cacü, yu usüre mü tujü cōaja yu! —Diore yivasā, usutadicoasuju i yuja.

⁴⁷ To bajiro i bajijare, ado bajiro yiyuju surara üjü:

—Riojone bajiboayuja. Ñie rojose yigü me ñamasiboayumi āni —yiyuju i.

⁴⁸⁻⁴⁹ Jājarā masa ñañujarā, Jesúre ina sīarore iarā vadiriarā. Jesúre masirā quēne, Galilea sitana rōmiri ire sūyaboariarā quēne, ire ina sīasere sōjü iarügōñujarā ina quēne. Tire iagajanocōari, bũto sūtiritirāne tudijedicoasujarā ina.

Jesúre ina yujere queti

(Mt 27.57-61; Mr 15.42-47; Jn 19.38-42)

⁵⁰ Arimatea macagü, José vāme cutigü ñañuju. Jud'io masa üjarā rācagü, masa ina iarücbuogü, quēnaro yigü ñañuju i. To bajicōari, Diore quēnaro ajirücbuogü, i rotimasirere quēnaro cudigü ñañuju. ⁵¹ Üjarā Jesúre ina sīarüasere bojabesuju iñuama. “‘Rotimüorügörucümi’ yigü, Dios i cōar'i ñaami”, Jesúre yitüoigü ñañuju. ⁵² Jesús rujürire āmirü, Pilatore sēnigü vasuju i. ⁵³ Ire sēnicōari, Jesús rujürire āmirujiocōari, sudijāiri botirijāiri rāca ire gūmañuju. To yigajanocōari, masa yujeriavi gütavi ina quēnorivijü i rujürire cūñuju. Gājerāre yujeñaña manivi ñañuju ti vi. ⁵⁴ Tirümuñuama jud'io masa ina usüsājariarümü rījoroagarümü rāiorotirümü rījoroaca ñañuju.^v

⁵⁵ Jesúrācana rōmiri, Galilea sitana vadimasiriarā rōmiri Jesúre ire yujeroanare iasuyayujarā ina. Inare sūya, eja, ina yujerivire iacōari, Jesús rujürire ina cūrore iañujarā ina. ⁵⁶ Iagajanocōari, tudicoasujarā. Tudiejacōari, ina ñarivijü sūtiquēnasere rijariarā rāca cūrere quēnoñujarā ina. To yigajanocōari, usüsājariarümü ti ejaro, Dios i rotimasiriarore bajiro usüsājañujarā ina.

24

Jesús i tudicatire queti

(Mt 28.1-10; Mr 16.1-8; Jn 20.1-10)

¹ Gaje semana ina moasüoriarümü ti busumüjado Jesús rujürire ina yujerivire iarā vasujarā rōmia, sūtiquēnase ina quēnorere, “Tuto mani” yirā. ² Ejacōari, ina iajama, gūta tūnuobibeboaria mañuju. ³ To bajiri ti vi sājacōari, iaboayujarā ina. I rujüri mañuju. ⁴ To bajiro ti bajiro iacōari, “¿No bajiro bajiyujari ti?” ina yitüoiarone, ina türe ángel mesa juarā ruyuarügücōañujarā ina. Bũto yaase sudi sāñarā ñañujarā ina. ⁵ To bajiro ina bajirone, bũto güirāne, gusomuniari tuetucōari, müreacücoasujarā ina. To ina bajirone, ado bajiro inare gotiyujarā ina, ángel mesa:

—¿No yirā rijariarā yujeriaroju Jesúre macati müa? ⁶ Maami adorema. Jēre caticoami. Müa rāca Galileaju ñagü, ado bajiro müare i goticatire tüoñaña müa: ⁷ “Dios i roticōacacü, rojorāre isiecorücsüja yu. Yüre jajutu sīarüarāma ina. To bajiboarine yüre ina sīaro bero, idiarümü túsatirümüne quēna tudicaticoarücsüja yu”, müare yicami Jesús —inare yigotiyujarā ina ángel mesa.

⁸⁻¹⁰ To bajiro Jesús inare i gotirere tüoñabüjacōari, tudicoasujarā ina. Toju ñañujarā Jesús buerimasa juaāmo cōro, gūbo, coja jēnituarirācü ñarā, gājerā i rāca ñarā quēne ñañujarā ina. To bajiri ina tüjüre tudiejacoasujarā ina, rōmia. Ado bajiro vāme cutirā ñañujarā ina: Mar'ia Magdalena vāme cutigo ñañuju so. Bero Juana, bero gajeo Mar'ia, Santiago jaco ñañuju so. To yicōari, gājerā quēne ñañujarā ina. To bajiri Jesús buerimasa

^v 23:54 “Üsüsājariarümüre yirā, ina moatüsararümü rāioato bero ñasüoaja”, yirügüñujarā judío masa. To bajiri, quēnoveo jeocōarügüñujarā ina usüsājarotirümü ejaroto rījoro, tirümüre “Moamenane usüsājacōa ñarāsa” yirā ñari.

tujū ejacōari, jediro ĩnare bajirere gotiyujarā ĩna. ¹¹ To bajiro ĩnare ĩna gotiboajaquēne, ĩnare ajitirūnubesujarā Jesús buerimasa. “Mecurā yama ĩna”, yituoĩañujarā ĩna.

¹² To bajiboarine, Pedrojũama, ĩna gotisere ajicōari, ũmacoasuju ĩ. ũma vaejacōari, sojeju mubiar'i, ĩasōñuju ĩ. Jesúre ĩna gũmaboare rĩne ñañuju ti. Tire ĩacōari, “¿No bajiro bajicōari, bajiyujari ti?” yituoĩarejaigũne, tudicoasuju ĩ.

Emaús vāme cūti macaju vanare Jesús ĩnare ĩ ruyuaĩore queti
(Mr 16.12-13)

¹³ Tirũmũne Jesúrāca ñariarā jũarā vasujarā ĩna, Emaús vāme cūti macaju vana. Jerusalénju ñacōari, Emaús vāme cūti macajure varia maa, once kilómetros ñañuju ti.

¹⁴ To vanane, Jesús ĩ bajirocarere gāmerā queti gotivasujarā ĩna. ¹⁵ To bajiro ĩna yi vatone, ĩnare ĩmũñuju Jesús. ¹⁶ ĩnare ĩ ĩmũboajaquēne, “Jesúne ñaami”, yimasibesujarā, Dios, ĩre ĩna ĩamasiborotire ĩnare ĩ masiriocōajare. ¹⁷ To bajiri ĩ rāca vacōa ñañujarā ĩna. To bajivacũne,

—¿Ñie ũni quetire gāmerā gotiati mũ? —Jesús ĩnare ĩ yisēniĩarone, sutiritirāne, tujarũgũñujarā ĩna.

¹⁸ To bajicōari, sīgũ, Cleofas vāme cūtigũ ado bajiro Jesúre sēniĩañuju ĩ:

—¿Mũma Jerusalénjũre vacudigu ñaboarine, adirũmũri bajiĩasere masibeatu mũ? — Jesúre ĩre yisēniĩañuju ĩ.

¹⁹ To bajiro ĩ yisere ajicōari, ado bajiro ĩre yiyuju Jesús:

—¿No bajiro bajise ũnire yigu yati mũ? —ĩnare yisēniĩañuju ĩ.

To bajiro ĩ yisere ajicōari, ado bajiro Jesúre ĩre cūdiyujarā ĩna:

—Jesús, Nazaret macagũre ĩna yimasisere yaja yũ. ĩma, Diore gotirētosagũ ñari, quēnaro masare gotimasiocōari, ĩañañamanire yĩogũ ĩ ñajare, Dios, to yicōari masa jediro, “Quēnagũ ñaami”, ĩna yĩagũ ñaboami. ²⁰ To bajiro yigu ĩ ñaboajaquēne, paia ĩjarā, mani ĩjarā rāca ĩre s̃aroticōamasiñũma ĩna. Yucútērojũ ĩre jajus̃arotimasiñũma.

²¹ “ĩma, Israel sitanare, quēnaro yũ ñarotire yiejarēmorocũ ñagũmi”, yituoĩamasiboabũ yũ. ĩre ĩna s̃iamasirirũmũ rāca mani cōĩajama, idiarũmũ t̃usatirũmũ ñaja. ²²⁻²⁴ “ĩ rujũrĩre b̃jabeju yũ”, yima. “To yũ ĩañarone, yũare ruyuaĩoma ángel mesa. Yũare ruyuaĩocōari, ‘Jere tudicaticoami Jesús’”, ĩnare yigotiyujarā ĩna. “To bajiro yima” ĩna yigotisere ajicōari, no yimasibetiboana, yũ rāca ñarā, sīgũri ĩarā vasuma ĩna. Toju vaejacōari, rōmia ĩna gotiriarore bajirone Jesús rujũri ti manore ĩañujarā ĩna quēne — Jesúre yigotiyujarā ĩna, Emaús vāme cūti macaju vana.

²⁵ To bajiro ĩna yisere ajicōari, ado bajiro ĩnare yiyuju Jesús:

—Tuoĩamasimenare bajiro bajiaja mũ. Diore gotirētosarimasa ñamasiriarā “Rotimũorũgōrũcũmi” yigu, Dios ĩ cōarocũ ĩ bajirotire ĩna ucamasire ti ñaboajaquēne, “Riojo gotiriarāma”, yituoĩabeaja mũ maji. ²⁶ “‘Rotimũorũgōrũcũmi’ yigu, Dios ĩ cōarocũ, ĩ rotiroto rĩjoro, rojose t̃amũorũcũmi”, yucamasiñũma ĩna jediro —ĩnare yiyuju Jesús.

²⁷ To yigajanocōari, “Rotimũorũgōrũcũmi” yigu, Dios ĩ cōarocũ ĩ bajirotire Moisés ĩ ucamasirere, gājerā ñajediro Diore gotirētosamasiriarā ĩna ucamasirere quēne ĩnare gotirētobuyuju ĩ.

²⁸ To bajiro ĩnare goti vacũ rĩne, ĩna vati macare ejacōari, ĩna tujaro ũnone Jesújũama, rētoarocũre bajiro bajiyuju. ²⁹ To ĩ bajiboajaquēne, ĩre rētoarotibesujarā ĩna.

—Vabesa mũ. Adone yũ rāca tujaya. Rāioato bajiaja —ĩre yiyujarā.

To bajiro ĩre ĩna yijare, ĩna ya vijũ ĩna rāca s̃ajasuju ĩ. ³⁰ ĩna s̃ajaejacōari bero, ĩna rāca barujigũne, pan āmicōari, “Quēnaja”, Diore yigotiyuju Jesús. To yigajanocōari, panre matocōari, ĩnare ĩsibatoyuju ĩ. ³¹ To ĩ yirone, ĩre ĩna ĩamasirotire cōañuju Dios. ĩre ĩna ĩamasirirĩmarone, yayicōa tujasuju Jesús. ³² To ĩ bajirone, ado bajiro gāmerā yiyujarā ĩna:

—Manire ĩmũcōari, quēnaro ĩ gotirĩtu vadisere ajivariquēnamũ mani. To bajiri, “Jesúne ñaami”, yĩamasiroti ñaboabũ ti —gāmerā yiyujarā ĩna.

Evangelio según SAN JUAN

¹ Dios macu Jesucristo suorine Diore masiama masa. Rẽmojune jere ñie manojurene ñacõamasinuju Jesús, i jacu rãcane. Jesúne, Dios ñacoadimasinuju. ² Macarucuro, õ vecayere quẽne, tire Dios i rujeoroto rĩjoroju jere i rãcane ñacõamasinuju i macu. ³ Macarucurore, õ vecayere quẽne ñajediro i macu suorine tire rujeomasinuju Dios. I macu i manone Dios i rujeoroti maniboriaroja. ⁴ Mani rijato berojuma, “Tudirijabet-icõato” yigu, Dios i catisere isigũ, ñacoadimasinuju Dios macu. I jacu i catisere i macu i isise suorine Diorãca quẽnaro ñaama masa, ire masirã yuja. ⁵ Diore ajimenajuma, rojose yirã ñari, “Riojo ñamasusere masiaja yuma”, yituoĩaboarãma. To bajiro yirã ñaboarine, “Diorãca quẽnaro ñato” yigu, Jesucristo i isisere masa jediro ña ajibetirotire yirã, yimasimenama Diore ajiterã.

⁶⁻⁷ Sígũ ñacami Juan vãme cutigu. Masare, “Rojose yirũabeaja yua. I suorine Diorãca quẽnaro ñaja yua” yirãre oco rãca ñnare bautizagu ñacami. Ire goti rĩjoro cutirotiyumi Dios, i macu i bajiroti quetire. I bajiroti quetire ajicõari, “To bajiro masu bajigu ñagũmi” i macure masa jediro ña yituoĩarotire bojagu ñari, to bajiro ire goti rĩjoro cutirotiyumi Dios. ⁸⁻⁹ Riojo ñamasuse Juan i gotimasociatima i masune tuoĩaquẽnocõari, i goticati me ñacaju ti. Dios macu adi macarucurojũre ejacacu yejua ñacaju ti, riojo ñamasuse Juan i gotimasociati. “Rojose mani tãmuoborotire manire yirẽtobosarocu ñaami” Dios macure masa ña yituoĩarotire yigu, ire goti rĩjoro cutirimasu ñacami Juanma.

¹⁰ Jesúma, adi macarucurojũre manire bajiro rujũ cuticõari i ruyuaroto rĩjorojune jere ñacõañuju i. I suorine adi macarucurore Dios i rujeomasire ti ñaboajaquẽne, ire ñacõari, “Ñni, Dios macu ñaami”, ire yimasibeticama ña, adi macarucuroana masa. ¹¹ Jud'io masa, “Yũ rĩa ñaja mũa” Dios i yigoticũboariarã tũju manire bajiro rujũ cuticõari, ña rãca i ñarũgũboajaquẽne, ire ñatecama ña. ¹² Ire ña ñateboajaquẽne, sígũri ire yua ajitirũnjare, “Yũ rĩa ñaja mũa”, yũare yĩañumi Dios. ¹³ “Jud'io masa ñari, Dios rĩa ñaja yua”, yimasina manoja. Gãjerã masa quẽne, to bajiro yimasibeama. To yicõari, “Mani masune mani tuoĩase suorine Dios rĩa ñaja mani”, yimasina manoja. Ado bajirojũa bajiaja: “ ‘Yũ rĩa ñaja mũa’ i yĩamajare, i rĩa ñacoaju”, yirejua ñaja.

¹⁴ Dios macu manire bajiro rujũ cuticõari, yua rãca bajirũgũcami. Yũare ñamaicõari, quẽnaro yirũgũcami. To yicõari, Dios yere gotigu, riojo gotimasiorũgũcami. “I ñacami Dios macu. Sígũne ñagũ, i jacure bajiro ñamasugũ ñacami”, ire yimasiaja yua, ire ñacana. ¹⁵ Irene goticami Juan vãme cutigu, masare oco rãca bautizarimasu. Jesús i ejarone, ado bajiro masare goticami:

—Ñnine ñaami mũare yu goti rĩjoro cutiguma. I bajirotire gotigu, ado bajiro mũare yigotiadicaju yu: “Yũ bero sígũ ejarucumi. Yũ rĩjorojune jere ñacõañumi. To bajigu i ñajare, yu rẽtoro ñamasugũ ñaami ñma” mũare yigotiadicaju yu —yicami Juan, Jesús i bajirotire gotigu.

¹⁶ Masare maimasucõagũ ñari, mani ñajedirorene quẽnaro manire yirũgũami Dios macu. ¹⁷ Moisés ñamasir'i suorine masare Dios i rotimasirere masire ñaja. Jesucristo suorine Dios manire i maisejũarema masire ñaja. I ocare quẽne, riojo ñamasusere, Jesucristo suorine tire masire ñaja. ¹⁸ Nijũane Diore ire ñagũ magũmi. To bajiboarine i macu sígũne ñagũ, i jacu rãcagu ñari, i jacure bajirone tuoĩagũ ñari, i jacu i bajisere riojo manire gotimasociami.

Juan vãme cutigu, masare oco rãca bautizarimasu, Jesucristore i goti rĩjoro cutibosare queti

(Mt 3.11-12; Mr 1.7-8; Lc 3.15-17)

¹⁹ To bajiri paiare, ñnare ejarẽmorãre quẽne cõañuma ñna ɯjarã, Jerusalén macana. “¿Ñimɯ ñnati mɯ?” masare oco rãca bautizagɯre Juanre ñre yisẽniĩama” yirã, ñnare cõañuma. ²⁰ To bajiro ñre ñna yisẽniĩasere ajicõari, ado bajiro ñnare yicɯdicami Juan:

—Yɯma, masa rojose ñna tãmuoborotire ñnare yirẽtobosacõari, “Rotimɯorũgõrɯcɯmi” yigɯ, Dios ñ cõagũ me ñnaja yɯ —ñnare yicami Juan.

²¹ To bajiro ñ yirone, ñre sẽnĩiaquẽnocama ñna:

—¿Ñimɯ ũgũjɯa ñnati que mɯ, to yijama? ¿El'ias, Diore gotirẽtobosamasir'i, gãme tudicaticõari, bajiatique mɯ? —ñre yisẽniĩacama.

—Í me ñnaja yɯ —yicõacami quẽna.

To bajiro ñ yirone, ñre sẽnĩiacama quẽna:

—¿Mɯne ñnati que Diore ñre gotirẽtobosarimasɯ, “Ejarɯcɯmi” ñna yigɯ? —Juanre yisẽniĩacama.

—Í me ñnaja yɯ —yicõacami quẽna.

²² To bajiro ñ yise ñajare:

—¿Ñimɯ ũgũjɯa ñnati mɯ? —ñre yicama ñna. —Yɯare sẽnĩiaroticõarãre, “Í ñaami”, ñnare yigotirɯaja yɯ. ¿Ñimɯ ũgũ ñnaja yɯ, yatique mɯ, mɯ masune mɯ yijama? —ñre yisẽniĩacama quẽna, Juanre, masare oco rãca bautizagɯre.

²³ To bajiro ñna yisere ajicõari, ado bajiro ñnare yicɯdicami:

—Yɯne ñnaja, yucú manojɯ masare gotimasiodirũgũgũma. Ado bajiro yigotirũgũaja yɯ: “Mani ɯjɯ ejarɯcɯmi. To bajiri rojose mɯa yisere yitɯjacõari quẽnasejɯare tɯoĩava-soaya, ñre yurã”, yirũgũaja yɯ. To bajiro yɯ yigotirotire jẽre tirũmɯjɯne, “To bajiro yirɯcɯmi ñ”, yiuca rĩjoro cɯticõamasiniumi Diore ñre gotirẽtobosarimasɯ, Isa'ias ñnamasir'i —yicɯdicami Juan, ñre sẽnĩiarãre.

²⁴ Fariseo masa ñna cõariarã ñnacama ñna, Juanre sẽnĩiacana. ²⁵ Quẽna ñre sẽnĩiacama ñna:

—To bajise yigɯ ñnaboarine, Cristo me ñnaboarine, El'ias ñnamasir'i me ñnaboarine, Diore gotirẽtobosarimasɯ “Ejarɯcɯmi” ñna yigɯ me ñnaboarine, ¿no yigɯ oco rãca masare bautizatique mɯ? —Juanre yisẽniĩacama.

²⁶ To bajiro ñna yisere ajicõari ado bajiro ñnare yicɯdicami:

—Yɯma, masa rojose ñna yisere yitɯjacõari, Dios ñ bojasejɯare yirãre oco rãca ñnare bautizagɯ ñnaja yɯ. To bajiboarine mani ñnarigodojɯ jẽre ñagũmi, “To ñagũmi” mɯa yimasibecɯ. ²⁷ Yɯ bero masare gotigɯ ñnaboarine, yɯ rẽtoro ñnamasugũ ñagũmi ñma. Ñnamasurã rĩne ñre yibosamasiama, ñnamasugũ masu ñ ñajare —ñnare yicɯdicami Juan.

²⁸ To bajiri, adi ñajediro bajicajɯ Betania vãme cɯti macajɯ. Ti maca ñacajɯ Juan, masare oco rãca ñ bautizacatiya Jordán vãme cɯtirisa gajejacetɯajɯ.

²⁹ Gajerũmɯ, yɯa tɯjɯ Jesús ñ vadone ñre ñacami Juan vãme cɯtigɯ, masare oco rãca bautizarimasɯ. ñre ñacõari ado bajiro masare yigoticami:

—Íaña mɯa yuja. ñne ñaami Dios yɯ, oveja macɯre bajiro masare rijabosarocɯ. No bojarãre “Rojose yɯ yise vaja yɯre rijabosayumi” ñre yironare rojose ñna yise vaja ñnare rijabosarocɯ. ³⁰ Í yirotirene goti rĩjoro cɯtigɯ ado bajiro mɯare yigoticajɯ yɯ: “Masa ñna ñaro rĩjorojɯa yɯ gotimasioro bero gotimasiorɯcɯmi gãji” mɯare yicajɯ yɯ. “Yɯ rĩjorojɯne jẽre ñacoayumi ñma. To bajiri yɯ rẽtoro ñnamasugũ ñaami” mɯare yicajɯ yɯ. ³¹ Yɯ quẽne, “Í ñagũmi” yimasibeticajɯ yɯ maji. To bajiboarine, “ñne ñagũmi ‘Rotimɯorũgõrɯcɯmi’ yigɯ, Dios ñ cõar'i” mani yĩnamasirotire bojagɯ ñari, oco rãca masare bautizadicaajɯ yɯ —yɯare yicami Juan.

³²⁻³⁴ Quẽna gajeje ado bajiro yɯare yigoticami:

—ñre ñaboarine, “ñne ñagũmi ‘Rotimɯorũgõrɯcɯmi’ yigɯ, Dios ñ cõar'i”, yimasibeticajɯ yɯ maji. To bajiboarine Dios ado bajiro yɯre yí ocaruyucami ñ, “Masare oco rãca bautizarɯcɯja mɯ” yɯre yí ocaruyucõari: “Yɯ cõagũ, Esp'iritu Santo, bujare bajigɯ rujiadicõari, ñ joere rocajeorɯcɯmi. ñne ñarɯcɯmi, ‘Rojose ñna yisere quẽnaro masicõari, tɯoĩavasoatĩmato ñna’ yigɯ, Esp'iritu Santore cõarocɯ”, yɯre yí ocaruyucami Dios. To

bajiro yure ĩ yicatore bajirone ĩamũ yũ yuja. To bajiri, “Dios macũ ñaami”, yimasiaja yũ yuja —yigoticami Juan, yũare gotigũ.

Jesúre ĩre ajisũyasũoriarã queti

³⁵ Gajerũmũ oco rãca masare ĩ bautizacatojũ ñacami Juan quẽna. ĩ rãca ñacajũ yũa, jũarã, ĩ buerã. ³⁶ To yũa ñaro, Jesús ĩ rẽtoato ĩre ĩacõari, ado bajiro yũare goticami Juan:

—Īaña. ĩne ñaami Dios yũ, oveja macũre bajiro masare rijabosarocũ —yũare yicami Juan.

³⁷ To bajiro Juan ĩ yisere ajicõari, Jesúre ĩre sũyacajũ yũa yuja. ³⁸ To ĩre yũa sũyatone, jũdarũgũ ĩacõari,

—¿Ñiere bojarã bajiati mũa? —yũare yisẽniĩacami.

To bajiro ĩ yisẽniĩarone:

—Gotimasiorimasũ, ¿nojũ ñari mũ ñaro? —ĩre yisẽniĩacajũ yũa.

³⁹ To bajiro ĩre yũa yirone,

—Īarã vayá —yũare yicũdicami.

To bajiro ĩ yijare, ĩre sũyaejacoacajũ yũa, ĩ ñarojũre. Muiju ĩ rocasãroto rĩjoro ejacajũ yũa, tojũre. To bajiri ĩ rãca bajiña, tojũne cãnicoacajũ yũa yuja.

⁴⁰ Juan vãme cũtigũ, masare oco rãca bautizarimasũ ĩ gotisere ajicõari, yũ rãca Jesúre ĩre sũyacacũ ñacami Andrés. Simón Pedro vãme cũtigũ bedi ñacami. ⁴¹ Jesúre ĩre ĩamasicõari, guaro ĩ gagũ Simónre ĩre jigũ vacoacami. ĩre bũjacõari ado bajiro ĩre gotiyuju:

—“Rotimũorũgõrũcũmi” yigũ, Dios ĩ cõagũ, Cristo mani yitũoĩayũñarũgũgũre ĩamũ yũ yuja —ĩre yiyuju Andrés.

⁴² To bajiro ĩre yĩ, yũa cũtojũa ĩre jicoayumi Andrés. Simónre ĩre ĩacõari, ado bajiro ĩre yicami Jesús:

—Simón ñaja mũ, Jonás macũ. To bajiboarine Pedro vãme cũtirũcũja mũ yuja — Simónre ĩre yicami Jesús. (Gũta yire ũni ñaja ti, “Pedro” yire.)

⁴³ Gajerũmũ Galilea vãme cũti sitajuare yũare ũmato vacami Jesús. To bajiri tojũre ejacõari, Felipe vãme cũtigũre ĩre bũjacami yuja. ĩre bũjacõari, ado bajiro ĩre yicami Jesús:

—Yũ rãca vayá. Yũre ajitirũnũ sũyaya mũ —ĩre yicami.

⁴⁴ Betsaida vãme cũti macagũ ñacami Felipe. Ti macanane ñacama Pedro, ĩ bedi Andrés quẽne. ⁴⁵ Jesúre ĩamasicõari, Natanael vãme cũtigũre ĩre gotigũ vacoacami Felipe. ĩre bũjacõari, ado bajiro ĩre gotiyuju ĩ:

—“Bajirũcũmi” Moisés ñamasir'i ĩ yucamasir'ire ĩamũ yũ yuja. Diore ĩre gotirẽto-bosarimasa quẽne, “To bajirũcũmi” ĩna yucamasir'ire ĩamũ yũ yuja. ĩ ñaami Nazaret vãme cũti macagũ, Jesús vãme cũtigũ, José vãme cũtigũ macũ —Natanaelre ĩre yigotiyuju ĩ.

⁴⁶ To bajiro ĩ yirone,

—¿Īma Nazaret vãme cũti macagũ ñaboarine, quẽnagũ ñaguĩda? —Felipere ĩre yisẽniĩañuju Natanael.

—Vayá. ĩre ĩaĩatoque mani —ĩre yiyuju Felipejũama.

To bajise gãmerã yicõari, yũa tũjũ vadicoayuma ĩna yuja.

⁴⁷ Natanael ĩ vadore ĩacõari ado bajiro yicami Jesús:

—Õ tũsagũ, Israel ñamasir'i jãnami Dios ĩ bojasere yigũ vadiami. Masare yitogũ me ñaami —yicami Jesús.

⁴⁸ To bajiro ĩ yirone,

—¿No bajiro yicõari yũre ĩamasiati mũ? —ĩre yicami Natanael.

To bajiro ĩ yirone,

—Felipe mũre ĩ jiroto rĩjorojũne higuera vãme cũtiũ ãñeroca mũ ñarojũne jẽre mũre ĩacõamũ yũ —ĩre yicami Jesús.

⁴⁹ To bajiro ĩ yisere ajicõari:

—Gotimasiorimasu, Dios macu ñaja mu, yuare Israel ñamasir'i jānerabatiare rotimorūgōrocu —īre yicami Natanael.

⁵⁰ To bajiro ī yisere ajicōari ado bajiro īre yicudicami Jesús:

—“¿Higuera vāme cūtiñ eñeroca mu ñarojune jēre mure ĩacōamu yu” mure yu yiserene ajicōari, “ ‘Rotimorūgōrucumi’ yigu, Dios ĩ cōar'i ñaami”, yuare yimasiati mu? Adī rētoro ĩaiañamanire mure yīiorucija yu —īre yicami Jesús.

⁵¹ Gajeye quēna ado bajiro yuare yicami Jesús:

—Ñamasusere riojo mure gotiaja yu: Ūmuagase ro soje ti jānarone, yu, Dios ĩ roticōacacure, to yicōari, Diore moabosarāre ĩna mujatore, ĩna rujiadore quēne ĩaruarāja mu —yuare yicami Jesús.

2

Caná vāme cūti maca ĩna āmosiare queti

¹ Juarūmu bero, Galilea sita Caná vāme cūti macajure sīgū ĩ manajo cūtirūmu boserūmu ñasucaju ti. Jesús jaco quēne ñacamo so, tojure. ² Jesúre, to yicōari, yuā ĩ buerāre quēne, yuare jicama ĩna. To bajiro ĩna yicana ñari, yuā quēne Jesúrāca ñacaju tojure. ³ Yuā idiñaro rīne uye oco jedicoacaju. To ti bajirone, ado bajiro Jesúre yicamo ĩ jaco:

—Uye oco jedicoaju yuja —īre yicamo.

⁴ To so yirone,

—¿Caco, no yigo tire yuare gotiati mu? Maji, ĩaiañamani Dios ĩ masise rāca yu yīoroti ejabeaja maji —sore yicami Jesús.

⁵ To bajiro ĩ yisere ajicōari ado bajiro ĩnare yicamo so, uye oco iorimasare:

—Ī rotirore bajiro yiya —ĩnare yicamo so.

⁶ Tore ñacaju oco varia soturi, gūtane ĩna vearia soturi. Cojomo cōro, coja jēnituario ñari soturi ñacaju ti. “Ado bajiro mani yijare, ‘Rojose mana ñaja muā’ manire yīaami Dios” yirā ĩna coeri soturi, oco soturi ñacaju ti. Ti soturi cincuenta, to yicōari, setenta litros cōro juari soturi ñacaju. ⁷ To bajiri ado bajiro uye oco iorimasare ĩnare yicami Jesús:

—Oco jiojūmuoña adi soturire —ĩnare yicami.

To bajiro ĩ yisere ajicōari, ti soturi ñaro cōrone jiojūmuocama ĩna. ⁸ ĩna jiojūmuogajanoro ĩacōari, ado bajiro ĩnare yicami Jesús:

—Boserūmu ūmato yirimasare mojoroaca vaāmi vati, ĩre ioaya —ĩnare yicami Jesús.

Īnare ĩ yirotiore bajirone iocama ĩna. ⁹ Tire ĩ idiroto rījorojune oco jēre uye oco godovedicoasuja ti, ti sotu ñaro cōrone. “Toaye uye oco ñaroja”, yimasibeticami. Tire iorimasa rīne masicama ĩna. Tire idicōari, mame manajo cūtirocure jicami boserūmu ūmato yirimasu. ¹⁰ Ī ejarone, ado bajiro ĩre yicami:

—Gājerāma, ĩna boserūmu yisuo vajama, quēnasejare iosuocama. Jairo masa ĩna idiro berojū, quēnabetibusare iocama ĩna yuja. Muā quēnasejare ruayuja mu, yucnaca ĩna ioserema —īre yicami boserūmu ūmato yirimasu.

¹¹ To bajiro Jesús ĩ yicati, ĩaiañamanire Dios ĩ masise rāca ĩ yīosucati ñacaju ti Galilea sita, Caná vāme cūti macajure. ĩaiañamanire ĩ yīojama, “ ‘Rotimorūgōrucumi’ yigu, Dios ĩ cōacacu ñaja yu” yigu yīosucami. To bajiro ĩ yīosere ĩacōari, butobusa ĩre ajitirūncaju yuā, ĩ buerā.

¹² Boserūmu ti jediro bero, Capernaum vāme cūti macaju ūmato vacami Jesús. Ī jaco, ĩ bederā, to yicōari yuā ĩ buerā quēne, ĩ rāca vacaju yuā. Yoarobusa ñacaju yuā, ti macajure.

Diore yirūcubūoriavijū ñacōari, gajeyeūni ĩsiriavire bajiro ĩna yīñajare, Jesús ĩnare ĩ tud'īāgōbure queti

(Mt 21.12-13; Mr 11.15-18; Lc 19.45-46)

¹³ Yuā jud'io masa Pascua boserūmu yuā yirotiurūmuri cōñaro Jerusalénju ejacaju yuā, Jesúrāca. ¹⁴ Toju Diore yirūcubūoriavijū ta vecna ĩsirimasa, oveja ĩsirimasa, buja ĩsirimasa quēne ñacama. Gājerā ye rāca gājoa vasoarimasa quēne ĩna rujiri cūmurorijū

rujicama ña. ¹⁵ To bajiro ña yiñasere ñacōari bajeriamare quēnocami Jesús. To bajiro yicōari ña yarã ta vecuare, ovejare Diore yirūcubūoriavijū ñarãre ñare bajeāgōbucami. Gājoa vasoarimasa ye gājoatiirire varebatereacōacami. To yicōari ña gājoa jeorijaŕire tucaguereacami. ¹⁶ To yicōari, buja ñsirimasare ado bajiro yicami yuja:

—Ānoa mūa ñsironare juabudi vasa mūa. Yū jacū ya vire gajeyeūni ñsirivi godoveobesa mūa —ñare yicami Jesús.

¹⁷ To bajiro ñ yisere ajicōari, Dios oca masa ña ucamasirere ado bajiro tūoñabūjacajū yū, ñ buerã: “Mū ya vire quēnaro ña yirūcubūobetijare, ñare ñajūnisinirūcūja yū. To bajiro yū yise ñajare yūre ñarocarūarãma ña”, yirere tūoñabūjacajū yū.

¹⁸ To ñ yirone, to ñacana jud'io masa Jesúre ñre sēniñacama:

—“Dios ñ masise rãca yigū yaja yū” mū yijama, ¿no bajiro yūare yīōguada mū? —ñre yisēniñacama ña, Jesúre.

¹⁹ To bajiro ña yisere ajicōari ado bajiro ñare yicūdicami Jesús:

—Adi vi Diore yirūcubūoriavire mūa caguerocacōajama, idiarūmū tūsatirūmūne quēna ti vire būajeocōarūcūja yū —ñare yicami.

²⁰ To bajiro ñ yisere ajicōari,

—Cuarenta y seis ñaricūmari josayujarã ña, adi vire būañarã. ¿Mūma, “Idiarūmū berone quēna būajeocōarūcūja”, yiboati mū? —Jesúre ñre yicama ña.

²¹ Jesús to bajiro Diore yirūcubūoriavire ñ yijama, ñ masu rujūrene yigū yicōañumi. ²² ñ bajirocaro bero gāme ñ tudicatiato, “To bajiro bajirūaroja” ñ yigoticatire tūoñabūjacajū yū, ñ buecana. Tire tūoñabūjacōari, Dios ocare masa ña ucamasirere, Jesús ñ goticatire quēne ajitirūñacajū yū.

“Masa jediro ña tūoñasere ñamasigū ñaami Jesús”, yire queti

²³ Jerusalénjū Pascua boserūmū ña yīñaro, quēna gajeye ñañañamanire masare yīōcami Jesús. To bajiro ñ yīōjare, “ ‘Rotimūorūgōrūcūmi’ yigū, Dios ñ cōar'i mani ũjū ñaami”, ñre yiajitiñūncama jājarã masa. ²⁴⁻²⁵ Jesújūama to bajiro ña yiajitiñūnsere ñamasicōari, “Socarã mene yama”, yibeticōacami, masa jediro ña tūoñasere ñamasigū ñari.

3

Jesús, Nicodemo rãca ñ ñagōre queti

¹ Sīgū fariseo masū, Nicodemo vāme cūtigū ñacami. Jud'io masa vatoajūre ñamasugū ñacami ñ. ² ñamijū Jesúre ñre ñagū ejayuju. ñ tūjūre ejacōari, ado bajiro Jesúre ñre yiyuju: —Gotimasiōrimasū, “Mūre cūñumi Dios, ‘Masare gotimasiōato’ yigū”, mūre yimasiaja yū. Sīgū mū yirore bajirone yīōñamanire yigūre ñabeticajū. To bajiri, “Diorãca ñacōari, yami”, yimasiaja yū —Jesúre ñre yiyuju.

³ To bajiro ñ yisere ajicōari, ado bajiro Nicodemore gotiyuju Jesús:

—Riojo mūre gotiaja yū. No bojarã, quēna gāme ruyuamenama, Dios ñ ñarōjūre ejamasimenama —Nicodemore yiyuju Jesús.

⁴ To bajiro ñ yijare, ado bajiro Jesúre sēniñañuju Nicodemo:

—¿No bajiro būcū ñacoaboarine, quēna gāme tudiruyacoare ñarōjari? ¿Quēna ñ jacore sājacoacūjarique ñ, quēna gāme tudiruyaru? —Jesúre ñre yiyuju Nicodemo.

⁵⁻⁶ To bajiro ñ yisere ajicōari, ado bajiro ñre cūdiyuju Jesús:

—“Quēna gāme ruyuaroti ñaja” yū yijama, masa sūorine gāme ruyuarotire yigū me yaja. “Quēna gāme ruyuaroti ñaja” yū yijama, “ ‘Dios ñ cōagū, Esp'iritu Santo ñ ejarēmose rãca Diorãca quēnaro ñacōari, ñ bojarore bajiro yirã ñato’ yigū, ñ yirotere sēniroti ñaja”, yigūjūa yaja. “Dios ñ bojabeti yirūabeaja yū. ñ sūorine ñ rãca quēnaro ñaja yū” yirã, oco rãca bautizarotiriarã, to yicōari, Esp'iritu Santo ñ ejarēmose rãca Diorãca quēnaro ñarã, ña rñe ñarãma Dios ñ ñarōjūre ejacōari, ñ rãca ñamūorūgōrona. ⁷ “Dios ñ cōagū, Esp'iritu Santo ñ ejarēmose rãca Diorãca quēnaro ñarã, ña rñe Dios ñ ñarōjūre ejacōari, ñ rãca ñamūorūgōrūarãma” mūre yū yisere, ajiyamanire bajiro ajimavisiabesa mū. ⁸ Mino no ti bojarone vēatucōaroja ti. Mino ti vēatujama, ajiaja mani. To bajiboarine, “Toaye vadoja.

Tojũare vatoja”, yimasibeaja mani. Tire bajirone bajigu ñaami Dios ĩ cõagũ, Esp'iritu Santo. “Esp'iritu Santo ĩ ejarẽmose rãca quẽnaro ñacõari, ĩ bojarore bajiro yigu ñato” yigu, gãjire ĩ yirotire masibeama masa —Nicodemore yiyuju Jesús.

⁹ To bajiro ĩ yirone, quẽna gãme sẽnĩaquẽnoñuju Nicodemo:

—¿No bajiro bajiroada ti? —Jesũre ĩre yisẽnĩa quẽnoñuju ĩ.

¹⁰ Ado bajiro ĩre cãdiyuju Jesús:

—¿Israelita masare ĩnare gotimasiogũ ñaboarine, adi quetirema masibeatĩ mũ?

¹¹ Riojo mũre gotiaja yũ. Mani ĩase, Dios ĩ yiserene, mũare gotirũgũaja yũ. To bajiboarine yũ gotirũgũsere ajicõari, “To bajiro me bajiaja”, yicõarũgũaja mũ. ¹² Adi macarũcũroayere yũ gotisere ajitegu ñari, Dios ĩ bajisere ĩabũjayamanire yũ gotijaquẽne, ajiterũcũja mũ —ĩre yiyuju Jesús.

¹³ Gajeye quẽna ado bajiro ĩre gotiyuju Jesús:

—Sĩgũ, Dios ĩ ñarõjũre mũjar'i maami. Yũ sĩgũne ñaja yũ, Dios ĩ ñarõjũne rujiadicõari, tudi gãme mũjarocũma. Dios ĩ roticõacacũ ñaja yũ Diorãcagũ. ¹⁴ Tirũmũju Moises ñamasir'i, yucũ manõju ñacudigu yucũ joeju ñãare bajigu ñagũre cõmene quẽnor'ire ĩre jeomasĩñuju, “Ãña cũniecoriarã ĩre ĩamũoato ĩna” yigu. To bajiro ĩ yir'ire ñãa cũniecoriarã, ĩre ĩamũorãju, caticoamasiñujarã ĩna quẽna. To bajiro bajirũaroja yũre quẽne, Dios ĩ roticõacacũre quẽne. Yucãtẽroju yũre jajutucõari, vũmũorũgõrũarãma ĩna, yũ bajirocarõtire yirã. ¹⁵ To bajise bajirocũ ñari, no bojarã, “Jesucristo ĩ bajirocare sũorine yũre ĩavariquẽnacõari quẽnaro yirũcũmi Dios” yitũoĩarãre ĩna rijato beroju “Tudirijabeticõato” yigu, yũ catisere ĩnare ĩsirũcũja yũ —Nicodemore ĩre yiyuju Jesús.

Ñajediro masare maigũ ñari, ĩ macũre Dios ĩ cõare queti

¹⁶ —Ñajediro masare maimasucõagũ ñari, ĩ macũ sĩgũne ñagũre ĩre cõañumi Dios, “Masare rijabosato” yigu. To bajiro ĩ yire ñajare, “Jesucristo ĩ bajirocare sũorine yũre ĩavariquẽnacõari, quẽnaro yirũcũmi Dios” yitũoĩarãma, ĩna rijato beroju “Tudirijabeticõato” yigu, Dios ĩ catisere ĩ ĩsiriã ñarãma. ¹⁷ Adi macarũcũroanare, “Rojose ĩna yise vaja rojose ĩnare yato” yigu me, ĩ macũre cõañumi Dios. Ado bajirojũa yiyumi. “Mũre ajitirũnũrona ĩna rijato beroju, rojose tãmũotũjabetiriarõju ĩna vaborõtire ĩnare yirẽtobosarũcũja mũ” yigu, ĩ macũre cõañumi Dios.

¹⁸ “Dios macũ ñagũmi” Jesũre yitũoĩagũre rojose tãmũotũjabetiriarõjũre ĩre cõabeterũcũmi Dios. Dios macũ sĩgũne ñagũre, “Dios macũ me ñagũmi” ĩre yigũjũarema, to bajiro ĩre ĩ yise vaja rojose tãmũotũjabetiriarõju ĩre cõarũcũmi Dios. ¹⁹ ĩ macũre adi macarũcũrojũre ejacacũre ĩre ajitirũnũmenare rojose tãmũotũjabetiriarõju ĩnare rearũcũmi. ĩ macũ sũorine Diorãca quẽnaro ñaama masa, ĩre masirã. Masajũama rojose yitũjarũamena ñarã ñari, quẽnasejũare tũoĩavasoarũamenama ĩna. To bajiri Dios macũre ajitirũnũmenama. To bajiro yirã ĩna ñajare, ĩnare rearũcũmi Dios. ²⁰ Rojose yirã, Dios macũre terãma ĩna. “Masa rĩjorojũa, ‘To bajise rojose yicajũ mũ’ yũre yiromi Jesús” yibõjõnerã ñari. ²¹ Dios ĩ bojasere quẽnasejũare yirãma, Dios macũre ajitirũnũrãma ĩna. Yayiorõju yirudibeama ĩnajũama, “‘Dios ĩnare ĩ yirẽmojare, quẽnasejũare yirũgũama’ yimasiatõ ĩna” yirã.

Juan masare oco rãca bautizarimasũ, Jesús ĩ ñasere ĩ tudigõtire

²² Nicodemore Jesús ĩ gotiro bero, vacõacajũ yũa, Judea sitajũ. Tojũre yoarõbũsa ñacajũ yũa. Tojũ masare oco rãca bautiza ñarũgũcãjũ yũa. ²³ Juan, oco rãca bautizarimasũ, Salim vãme cõtĩ macã tũjũ Enõn vãme cõtĩ macãjũ oco rãca masare bautizarũgũñuju ĩ quẽne. Tojũre riaga jairo ti oco cõtĩjare, ĩnare bautiza ñarũgũñuju ĩ. Jãjarã masa ĩre bautizarõtĩrã ejarũgũñujarã ĩna, tojũre. ²⁴ Ado bajiro yĩñamasĩñuju Juan, tubiberiãvĩju ĩ tubibe ecoroto rĩjoro: ²⁵ Oco rãca masare Juan ĩ bautiza ñarone, gãji jud'io masũ, Juan buerã tũjũre ejayuju ĩ. Ejacõari, “To bajiro me bajiaja. Ado bajirojũa mani yijare, ‘Rojose mana ñaja mũa’ manire yĩagũmi Dios” yigu, ĩna rãca oca josayuju ĩ. ²⁶ ĩ rãca ĩna oca josariaro bero, Juan tũjũ ejacõari, ado bajiro ĩre gotiyujarã ĩ buerã:

—Gotimasiorimasu, Jordán vāme cūtirisa ijacatuaju m̄ ūagoticacu, m̄ yirūgūrore bajirone masare oco rāca ĩnare bautizarūgūñuju ĩ. To bajiri jājarā masa mani tujure ejaborona, ĩ tujua rīne varūgūrāma ĩna, ĩre yigotiyujarā ĩna —Juanre, masare oco rāca bautizarimasure.

²⁷ To bajiro ĩna yisere ajicōari, ado bajiro ĩnare gotiyuju Juan:

—Ñie manane ñaborāma masa, Dios ĩ cōabetijama. Mani bajirūgūse quēne Dios ĩ bojasere bajirone bajirūgūaja ti. ²⁸ “Rotimurūgōrūcūmi” yigu, Dios ĩ cōar'i me ñaja yu. “ ĩ ejaroto rījoro, ĩre goti rījoro cūtiato’ yigu, Dios ĩ cōar'i ñaja yu”, jere m̄are yigoticōacaju yu —ĩnare yiyuju Juan, ĩ buerimasare.

²⁹ To yicōari, “Āmosiagu babare bajiro bajiaja yu” yigu, ado bajiro ĩ buerāre ĩnare gotimasioñuju Juan:

—Āmosiariarūm̄ so manaju ñarocu babare ajisuyaroco me ñagōmo. So manaju ñarocujare ajisuyaroco ñagōmo. So manajure so ajisuyasere ĩacōari, buto variquē-nagūmi ĩ baba. Tire bajirone, “Masa jājarāre oco rāca bautizarūgūñuju ĩ quēne” m̄a yisere ajicōari, buto variquēnaja yu quēne. ³⁰ Yu rētoro ñamasugū ñaami ĩma. To bajiri, yure ĩna rūcuburo rētoro ĩre ĩna rūcubosere bojaja yu —ĩ buerāre yiyuju Juan.

“Gāji magūmi Jesúre bajiro bajigu”, yire queti

³¹ Dios tujū vadir'i ñaami jediro ujū ñamasugū. Gāji ĩ cōro ñamasugū magūmi. Adi macarūcurojare ruyuararā, adi macarūcuroayere ĩarā ñari, tirene gotiaja mani. Dios tujū vadir'ima ō vecayere, to yicōari, adi macarūcuroayere quēne quēnaro masigū ñari, jediro ujū ñamasugū ñaami. ³² ĩma, ĩ ĩarere, ĩ ajirere gotiami ĩ, Dios yere. To bajiboarine ĩ gotisere ajitirūnūbeama masa. ³³ “Jesús ĩ yirore bajiro bajiroja” ĩre yiajigūma, to bajiro ĩ yiajise sūorine “Socagu me ñaami Dios” yigu ñagūmi. ³⁴ Esp'iritu Santore ĩre cōañumi ĩ macure adi macarūcurojare ĩ cōar'ire, “ĩ tūoīarore bajiro tūoīamasiato” yigu. To bajiro ĩ yir'i ñari, Dios ocarene goticami Jesús. ³⁵ Mani jacu Dios, ĩ macure maigū ñari, “Ñajedirore rotiya m̄”, ĩre yicūñumi. ³⁶ No bojagu, Dios macure ajitirūnūgūma, Dios ĩ catisere cūogu ñaami. To bajiboarine no bojagu Dios macure ajitirūnūbecūma, Dios ĩ catisere cūobeami. To bajiro ĩ bajijare, rojose ĩ yisere ĩajūnisini tujabecūne, rojose ĩ yise vaja, rojose ĩre yirūcūmi Dios, rojose tāmūotujabetiriaroju ĩre rocagu.

4

Jesús, Samaria sitago oco vago ejagore “Yure ioya”, ĩ yire queti

¹ To bajiri, “Juan rēto busaro masare oco rāca bautizarūgūñuju Jesúma. To bajiri Juan buerimasa rēto busaro ñañujarā Jesús ĩ buerimasajua” yire quetire ajiyujarā fariseo masa. ² (Quēnaro masuma, masare oco rāca bautizabetirūgūcami Jesús. Yñajua, ĩ buerimasajua masare oco rāca ĩnare bautizarūgūcaju.) ³ To bajiri, “Jesús masare oco rāca bautizagu yigūmi” fariseo masa ĩna yitūoīasere masicōari, Judea sitare ñacana vacoacaju yua Jesúrāca, Galilea sitaju tudiana yuja.

⁴ To vana, Samaria sitare rētoaroti ñacaju yuare. ⁵ To bajiri tojare ejacoacaju yua, Sicar vāme cūti macajure. Ti macama Jacob ñamasir'i, ĩ macu Josere ĩ ĩsimasire sita tujū ñacaju ti. ⁶ Tojare ñacaju oco goje, Jacob ñamasir'i ya goje. Bogagu ñari, ti goje ture ejarūju ejacami Jesús. Ūmurecaji cōro muiju tūacami. ⁷⁻⁸ Yua ĩ buerājūama gaje macaju bare vaja yirā vacoacaju yua. Tojare Jesús ĩ rujirone, sīgō Samaria sitago oco vago ejayumo so. So oco vago ejaro ĩacōari, sore oco sēniñuju Jesús:

—Oco yure ioya —sore yiyuju ĩ.

⁹ Sore ĩ oco sēnirone, ado bajiro ĩre yiyuju so, Samaria sitago:

—¿No yigu jud'io masu ñaboarine, Samaritana yu ñaboajaquēne, yure oco sēniati m̄? —Jesúre yiyuju so. Samaritano masa, jud'io masa rāca gāmerā terā ñacoayuja yua. To bajiri, to bajiro Jesúre ĩre yiyuju so.

¹⁰ To bajiro so yisere ajicōari:

—Dios ĩ ĩsirotire m̄ masijama, “ĩ ĩaami ȳre oco s̄nigũ” m̄ yimasijama, ȳj̄are oco s̄nibogoja m̄. Ȳre m̄ oco s̄nijama, oco catireayere m̄re iobogũja ȳ —sore yiyuju Jesús.

¹¹ To bajiro ĩ yijare,

—Ñiene oco vabecũja m̄. Ĕm̄arigoje ñaja adi goje. ¿Noj̄ayere ȳre catorotirema ȳre oco ioguada m̄? ¹² Mani ñicu Jacob ñamasir'i adi gojere c̄masiñumi ĩ. ĩ qūene idimasiñuju, adi goje ocore. ĩ r̄ia qūene idiyujarã. ĩ yarã vaib̄c̄rã ecariarã qūene idiyujarã. M̄ma, ¿“ĩ r̄etro ñamasugũ ñaja ȳ” yiḡ yatique m̄? —Jesúre ĩre yiyuju so.

¹³ To bajiro so yijare, ado bajiro sore c̄diyuju Jesús:

—No bojarã adi goje ocore idiboariarã, qūena ḡame oco idir̄ac̄oar̄arãma. ¹⁴ No bojarã oco catireayere masare ȳ iorãma, qūena ḡame oco idir̄abetir̄arãma. ĩnare ȳ oco iose s̄orine Diorãca qūenaro ñac̄o ñarũḡur̄arãma —sore yigotiyuju Jesús.

¹⁵ To bajiro ĩ yisere ajic̄ari:

—Tij̄are idir̄aja ȳ qūene, “Qūena adi gojeayere tudi oco vac̄ari, idirobe ȳ” yigo —Jesúre ĩre yiyuju so.

¹⁶ To bajiro so yirone,

—Vasa. M̄ manaj̄re ĩre jiaya. ĩre ji, vaba qūena adoju —sore yiyuju Jesús.

¹⁷ To bajiro ĩ yijare,

—Manaj̄ maḡ ñaja ȳ —yic̄diyuju so.

To so yisere ajic̄ari, ado bajiro sore yiyuju Jesús:

—“Manaj̄ maḡ ñaja ȳ” m̄ yiserema soco me yaja m̄. ¹⁸ Cojomoc̄ar̄c̄j̄ manaj̄na c̄tirio ñaja m̄. Qūena yuc̄ m̄ r̄aca ñagũ qūene, m̄ manaj̄ masu me ñaami. To bajiri, “Manaj̄ maḡ ñaja ȳ” m̄ yiserema soco me yaja m̄ —sore yiyuju Jesús.

¹⁹ To bajise sore ĩ yisere ajic̄ari, ado bajiro ĩre yiyuju so:

—Diore gotir̄etobosaḡ ñaja m̄, m̄re yimasijaja ȳ —yiyuju so, so bajisere ĩ gotise ñajare. ²⁰ —Mani ñic̄na, adi buroj̄ ejac̄ari, vaib̄c̄re soem̄omas̄iñujarã, Diore ĩre yir̄c̄b̄orã. To bajiboarine m̄ma, jud'io masama, “Jerusal̄enj̄ r̄ine yir̄ḡuroti ñaja”, yir̄ḡujaja m̄ma —Jesúre yiyuju so.

²¹ To bajiro so yijare, ado bajiro sore yiyuju Jesús:

—M̄re ȳ gotisere ajitir̄ññ̄a m̄: Cojor̄m̄ adi burore qūene, to yic̄ari Jerusal̄enj̄re qūene Diore, mani jac̄re, ĩre yir̄c̄b̄orã vabetir̄arãma masa. ²² M̄ma, Diore qūenaro m̄ma masibec̄rene r̄c̄b̄oaja m̄ma. Ȳn̄aj̄ama, m̄ma r̄etro ĩre masijaja ȳna. Ȳna, jud'io masa s̄orine masa rojose ĩna t̄m̄borotire ĩnare yir̄etobosar̄c̄mi Dios. ²³ “Cojor̄m̄ Diore ĩre yir̄c̄b̄orã vabetir̄arãma” m̄re ȳ yigotiserema yoato mene bajirotere m̄re gotijaja ȳ. Masa, Diore r̄c̄b̄orã masuma, Esp'iritu Santo ĩ bojarore bajiro t̄oĩac̄ari, ĩre r̄c̄b̄oama ĩna. To bajiro ĩre yir̄c̄b̄osere bojaami mani jac̄. ²⁴ ĩb̄ajayamaḡ ñaami Dios. To bajiri, masa ĩre ĩna r̄c̄b̄omasuc̄ar̄ajama, socarã mene Esp'iritu Santo ĩ bojarore bajiro t̄oĩac̄ari, ĩre r̄c̄b̄orãma —sore yiyuju Jesús.

²⁵ To bajiro ĩ yisere ajic̄ari ado bajiro yiyuju so:

—“Diore gotir̄etobosaḡ ejar̄c̄mi, Cristo ĩna v̄ame yiḡ”, yimasijaja ȳ. Ejac̄ari, ȳre qūenaro gotiqūenojeor̄c̄mi —Jesúre yiyuju so.

²⁶ To bajiro so yirone,

—ĩne ñaja ȳ, m̄re ñaḡḡma —sore yicami Jesús.

²⁷ To bajiro sore ĩ yĩnarone, tudiejac̄aj̄ ȳna, ĩ buerã. To r̄omio r̄aca ĩ ñaḡñajare, no yimasibeticaj̄ ȳna, tiũnire ĩbetir̄ḡur̄arã ñari. To bajiboarine, “¿Ñie ũnire bojati m̄? ¿No yiḡ so r̄aca ḡamerã ñaḡori m̄ma?”, ĩre yis̄n̄ibeticaj̄ ȳna. ²⁸ Ȳna tudiejarone oco varia sot̄re ãmibec̄one, so ñariaroj̄ vacoacamo so. So ñariaroj̄ tudiejac̄ari, ado bajiro masare ĩnare yigoticudiyuju so:

²⁹ —Jediro ȳ yiadirere, “Ado bajiro yicaj̄ m̄” ȳre yigotiḡre ĩarã vayá m̄ma qūene. ¿Diore gotir̄etobosaḡ, Cristo me ñaḡ yiguida ĩ? —ĩnare yiyuju so.

³⁰ To bajiro so yirere ajicōari, Jesúre ĩarã, yua tujure vayuma ĩna. ³¹ ĩna ejaroto rĳjoro ado bajiro Jesúre yihoacaju yua:

—Gotimasiorimasu, baya —ĳre yihoacaju yua.

³² To bajiro ĳre yua yihoajuquene, ado bajiro yuare cudicami Jesús:

—Jere yurema yu bare nacōaja mua masibeti —yuare yicōacami.

³³ To bajiro ĳ yirone,

—¿Sĳgũ ĳre bare cūgũ ejarida ĳ? —yua masune gāmerã yisēniācaju yua.

³⁴ To bajiro yua gāmerã yĳnagōsere ajimasicōari, ado bajiro yuare yicami Jesús:

—Yure cōacacu ĳ bojasere yu yijama, ti moarere yu yigajanojama, tine ĳaja yu barere bajiro bajise. Masama bare bavariquēnarūgūama. Yuma yure cōacacu ĳ bojasere bajiro yicōari, variquēnarūgūaja yu. ³⁵ “Babari muijua ruyaja maji, ote ti bucuaroti, tire mani juarēoroti”, tocārāca cūmari yirūgūaja mua. Dios ocare masare gotimasiorājuma, ti ųnire yituoĳabesa. “Masare Dios ocare mani gotimasiorotijū ejabeaja maji”, yituoĳabesa mua. Yuma ado bajiro yaja: Jere ote bucuaocaju yuja. Yucuaacane tire juaroti ĳaja. ĩāĳasaque. Jājarã masa yure ajitirūnūrona vadiama ĩna. Ado cōrone ĳnare mua gotimasiojama, quēnamasucōaja, muare yaja yu. ³⁶⁻³⁷ Socaro me bajiaja bucūrã ĳna gotimasire: “Sĳgũ ĳnagūmi otegū. Gāji ĳnagūmi ti rica cutiro boca juarēogū”, yiyujarã bucūrã. To bajiro masune bajiaja ti, yu ocare gotimasiorāre quēne. Tuoĳasaque mua: Sĳgūri ĳnaama yu ocare masare gotimasiosuorã. Oterimasare bajiro bajirã ĳnaama. ĩna bero ĳnare gotimasiorã, ti rica cutiro boca juarēorāre bajiro bajirã ĳnaama gājerã. ĩnajua ĳna gotimasiorone, ĳnare ajitirūnūama masa yuja. To bajiri goti rĳjoro cutiriarã ĳna, bero gotimasiorã ĳna, bajiama ĳna. No bojagu otericare juarēogū, vaja bujagu yigūmi. To bajirone bajirāma yu ocare masare gotimasiorã quēne, variquēnarere bujarã. ĩna gotimasiose ti ĳajare, yure ajitirūnūama masa. To bajiri yure ajitirūnūrã ĳnari, Diorāca quēnaro ĳnarūgūruarāma, ĳna rijato beroju quēne. To bajiro ĳna bajisere ĳcōari, ĳnare gotimasiosuoboariarã, bero ĳnare gotimasiorã rāca buto variquēnaruarāma ĳna. ³⁸ Tirūmuju quēne muare cōacaju yu, mua gotimasiose suorine masa ĳna ajitirūnūrotire yigu. Yu ocare ĳnare gotimasiosuoriarã me ĳaja mua, bajirājuma. To bajiri, gājerã ĳna gotimasioboariarã ĳnaama, muajua mua gotimasiorone, yure ajitirūnūrona —yuare yigoticami Jesús, ĳ buerimasare.

³⁹ To bajiro ĳnare ĳ yiro bero, “Jediro yu yiadirere, ‘Ado bajiro yicaju mu’ yure yigotimi ĳ’ rōmio so yigotisere ajicōari, jājarã ti macariana Samaria sitana, ado bajiro Jesúre tuoĳacama ĳna: “Diore gotirētosagū, Cristo ĳnaami”, Jesúre yituoĳacama ĳna. ⁴⁰ To bajiro yituoĳarã ĳnari, Jesús tu vadieja, ĳre ĳavariquēnacōari, yuare tujaroticama ĳna. To bajiri, ĳna rāca juarūmu ĳnacaju yua. ⁴¹ ĩna rāca nacōari, Jesús ĳ masune ĳnare ĳ gotimasiosere ajicōari, “Diore gotirētosagū, Cristo ĳnaami”, yituoĳacama jājarābusa. ⁴² Jesúre ĳre ajitirūnūcōari, ado bajiro sore yicama ĳna, rōmiore:

—Jere, ĳre ajitirūnūaja yua, mu gotise rĳne me. Yucūne yua masune ĳre ajicōari, “To bajiro masu bajigu ĳnaami”, ĳre yiajitirūnūaja yua yuja. “ĳne ĳnaami adi macarucuroana rojose mani tāmūborotire manire yirētosarocu”, yimasiaja yua yuja —sore yicama ĳna, ti macana.

ĳamasugū macure Jesús ĳ catiore queti

⁴³ To yiro bero juarūmu bajiĳna, vacoacaju yua quēna, Jesúrāca, Galilea sitajuare vana.

⁴⁴ Ado bajiro yuare yigoticami Jesús, ĳna gotimasirere gotigu:

—“Diore gotirētosarimasare ĳna ye sitana ĳnare rūcūbūobeama” yise socaro mene yigotiaja ti —yuare yigoticami Jesús.

⁴⁵ Galilea sitajure Jesús ĳ ĳnarirojure ĳ rāca yua ejatone quēnaro yuare yicama toana. ĩna quēne Jerusalēnjū Pascua boserūmu ĳnaro ĳarã variarã tudiejariarã ĳnacama ĳna. To bajiri jediro Pascua ĳnaro Jesús ĳ yicatire ĳariarã ĳnauma ĳna quēne.

⁴⁶ To bajiro bero Galilea sita Caná vāme cuti macaju ejacaju yua quēna, Jesúrāca. To ĳnacaju, ocorene uye oco ĳ godoveocato. Tojure ĳnacamĳ sĳgū masu ųjure rotibosagū. ĳ

macu, Capernaum vāme cūti macaju buto rijañañuju ī. ⁴⁷ To bajiri, Judea sitaju ñar'i Galilea sitajuare Jesús ī vadisere ajicōari, ĩre ĩagū ejacami ujure rotibosagu. Jesús tujure ejacōari ado bajiro ĩre yicami:

—Yu ya viju vayá. Yu macu bajirocacu yimi. ĩre catiogū vayá —Jesúre, ĩre yicami.

⁴⁸ To bajiro ī yisere ajicōari, ado bajiro ĩre yicami Jesús:

—Īañañamanire yu yĩosere mña ĩabetijama, “Dios ī masise rāca yigu yami”, yure yiajitirūnubetiruarāja mña —ĩre yicami Jesús.

⁴⁹ To bajiro ī yiboajaquēne:

—Yu rāca mñ vadibetijama, bajirocacoarucami yu macu —Jesúre ĩre yicami.

⁵⁰ To bajiro ī yijare yuja:

—Mñ ya viju tudiasa. Jēre ĩre catiocōaja yu —ĩre boca yicōacami Jesújuama.

To bajise ĩre ī yisere ajicōari, Jesúre ĩre ajitirūnucami. To bajiri ī ya viju tudicoacami yuja. ⁵¹ Ī ya vire ī cōñarūtuate, ĩre moabosarimasa bocacōari, ado bajiro ĩre yigoti bocayujarā ĩna:

—Jēre mñ macu quēnacami yuja —ĩre yiyujarā ĩna.

⁵² To bajiro ĩna yirone,

—¿No cōro masune tudiquēnasuori ī, yu macu? —ĩnare yisēniñañuju.

—Ñamica, ũmurecaji ñaro masune ĩre tujamasimū ti —ĩre yiyujarā ĩna, ĩna ujure.

⁵³ To bajiro ĩre ĩna yibocarone, “To cōro muiju ī tūsatone, ‘Jēre mñ macure catiocōaja yu’ yure yimasimi Jesús”, yituoĩamasiñuju ī. To bajiri ī quēne, ĩ yarā quēne, “‘Rotimūorūgōrucami’ Dios ī yicōagū, manire ejarēmorocu ñaami”, Jesúre ĩre yiajitirūnūñujarā ĩna.

⁵⁴ Ti ñacaju quēna gaje ĩañañamani Jesús ī yĩobabocati, Judea sitare ñacōari, Galilea sitaju tudiejacōari, ī yĩocati.

5

Micagūre Betzata utara tujū ñagūre Jesús ī catiore queti

¹ To ī yiro bero, jud'io masa ĩna bajimasirere tuoĩacōari, boserūmū ti ejaare, Jerusalénju yure ũmato vacami Jesús. ² Ti macana ĩna vajanare, “Sājaroma ĩna” yirā, ĩna matagāniriacūni soje, Oveja vāme cūti soje ñacaju ti. Ti soje ture ñacaju masa ĩna guarita. Hebreo ocama Betzata vāme cūticaju tira. Tira ture cojomocārāca viriaca sitane ĩna veariaviriaca ñacaju, rijaye cūtirā ĩna cūnariviriaca. ³ Tojure jājarā ñacama rijaye cūtirā. Caje ĩmena, rujasagueri vana, micarā quēne, to cūñacama. Tira oco ti saberotire yurā, bajicūñacama ĩna. ⁴ Dios tuagu, ángel, tocārācaji tirajure ī ejarone, tira oco saberūgūñuju ti. To ti bajirone, no bojagu rijaye cūtigū, varocarosūogū rīne guaro catirūgūñuju ī. ⁵ Toju rijaye cūtirā vatoaju ñacami sīgū treinta y ocho cūmari rijañar'i. ⁶ Ī cūñaro ĩacōari, yoaro ī cūñarūgūrere ĩamasicōari, ado bajiro ĩre sēniñacami Jesús:

—¿Quēna tudicati quēnaejacoarūati mñ? —ĩre yicami Jesús.

⁷ To bajiro ī yisere ajicōari, ado bajiro ĩre yicami:

—Sīgūjuama oco ti saberone yure āmiroñuagū maami. Tocārācaji oco ti sabero, gājerāju rīne yu rījoro ñuñaveocōarūgūama ĩna —ĩre yicami, Jesúre.

⁸ To bajiro ī yirone,

—Vūmūrūgūña. Mñ cūñaritore āmiña. To yicōari, vasa —ĩre yicami Jesús.

⁹ To ī yirirīmarone, quēnaro catiquēnagū ñacoacami ī yuja. Ī cūñaritore āmi, vasuocami yuja. Tirūmū ñacaju jud'io masa yua usūsājariarūmū. ¹⁰ To bajiri ī cūñaritore ĩ gaja vato ĩacōari, ado bajiro ĩre yicama jud'io masa ujarā:

—Yucūma usūsājariarūmū ñaja. To bajiri mñ cūñaritore gajabesa mñ. To bajiro mñ yijama, moare ñaja ti —ĩre yicama sīgūri, Jesús ī catiocacure.

¹¹ To bajiro ĩna yiro, ado bajiro ĩnare cūdicami Jesús ī catiocacū:

—Yure catiogū, “Mñ cūñaritore āmiasa”, yure yimi —ĩnare yicami.

¹² To bajiro ī yisere ajicōari, ado bajiro ĩre sēniñacama ĩna:

—¿Ñimū ñari, “Mñ cūñaritore āmiasa” mure yigūma? —ĩre yisēniñacama ĩna.

¹³ To bajiro ïre ïna yisēniïaboajaquēne, tojøre jãjarã masa vatoajũ Jesús ï vayayicoajare, “Ï ñaami”, ïnare yigotimasibeticami. ¹⁴ Tijn bero, Diore yirũcũbũoriavijũ yũa ñaro, rijarũmũri cõtir'ïre ïre ïabũjacami Jesús quēna. ïre ïabũjacõari, ado bajiro ïre yicami Jesús:

—Ajiya. Quēnaro quēna tudicaticojũ mũ. Quēna gãme rojose yibesa, “Bũtobusa rojose tãmũorobe” yigũ —ïre yicami Jesús.

¹⁵ To bajiro ï yiro bero micase rijaye cõtiboacacũ, ïre sēniïaboariarã tũjũ ejacõari, “Jesũne ñaami, yũre catiogũ”, ïnare yigotiyumi ï. ¹⁶ To bajiri usũsãjariarũmũre micaboacacũre Jesús ïre ï catiocatore bajiro gãjerãre to bajirone ï yirũgũjare, josari ï tãmũorotire yirã, ïre rojose yisũyacama ïna, jud'io masa ujarã. ¹⁷ “Usũsãjariarũmũ ti ñaboajaquēne, masare ï catiose vaja, rojose tãmũoato ï” yirã ïna ñaboajaquēne, ado bajiro ïnare yicami Jesũjũama:

—Masa rijaye cõtirãre catiotũjabecũ ñaami Dios, yũ jacũ. To bajiri ïnare catiotũjabeaja yũ quēne —ïnare yicami Jesús.

¹⁸ “Usũsãjariarũmũre Dios ï moarotibetiboajaquēne, moami Jesús”, ïre yijũnisinicama jud'io masa ujarã, ïre sãrũarã. To yicõari, “Dios ñaami yũ jacũ” ï yisere ajicõari, “ ‘Diore bajiro ñamasugũ ñaja yũ’ yigũ yami”, yicama ïna. To bajiro yirã ñari, bũtobusa jũnisinirã ñari, ïre sãrũa tũoĩacama ïna.

“*Dios macũ* ñari, ï rotirore bajiro yimasija yũ”, Jesús ï yire

¹⁹ To bajise ïna yitũoĩasere ïamasicõari ado bajiro ïnare yicami Jesús:

—Ñamasusere riojo mũare gotiaja yũ: Dios macũ ñari, yũ bojase yibeaja yũ. Yũ jacũ ï yisere ïacõari, ï yirore bajirone yaja yũ. Jediro yũ jacũ ï yirore bajirone yũ quēne ï macũ quēne, to bajirone yaja. ²⁰ Yũ jacũ yũre maĩami. Yũre maigũ ñari, jediro ï yisere yũre ïoami. Adirũmũriaye rētoro josasere yũre yĩõõũcũmi. To bajiro ï yisere yũ yĩõõsere ïacõari, no yimasibetirũarãja mũa quēne, ti ïnire ïabetirũgũriarã ñari. ²¹ Bajireariarãre catiorũgũami yũ jacũ. To bajiri yũ, ï macũ quēne, ï yirũgũrore bajirone yirũgũaja yũ, no yũ bojarãre. ²² Masa rojorãre beserocũ me ñaami yũ jacũ. “Ïnare beserocũ ñaja mũ”, yũre yicami. ²³ To bajiro yũre yicami, ïre quēnaro ïna yirũcũbũorore bajirone yũre quēne “Yirũcũbũoato ïna” yigũ. Quēnaro yũre yirũcũbũobecũma, yũ jacũre, yũre cõacacũre quēne yirũcũbũobecũ yigũmi —jud'io masa ujarãre yicami Jesús.

²⁴ To bajiro ïnare yigajanocõari, ado bajiro goticami Jesús:

—Ñamasusere riojo mũare gotiaja yũ: No bojagũ yũ ocare ajicõari, yũre cõacacũre ajitirũnũgũma, Dios ï catisere cũogũ ñaami. ï ũgũrema, rojose tãmũotũjabetiriarojũ ïre cõabetirũcũmi Dios. ²⁵ Ñamasusere riojo mũare gotiaja yũ: Adirũmũri bajiro tirene mũare yaja yũ: Yũre ajitirũnũmenama, bajireariarãre bajiro bajirãma, ïna rijato berojũ “Tudirijabeticõato” yigũ, Dios ï catisere cũomena ñari. To bajiboarine Dios macũre yũre ajitirũnũrũarãma sãgũri. ïnajuare, “Ïna rijato berojũ tudirijabeticõato” yigũ, Dios ï catisere ïnare ïsirũcũja yũ. ²⁶ Masare yũ jacũ ï catiorũgũrore bajiro yũre ï catioroticati ñajare, ï catisere ïnare ïsimasiaja yũ. ²⁷ To yicõari, Dios macũ ñaboarine, masũre bajiro rujũ cõticõari, masa vatoajũ ñar'i yũ ñajare, “Masare besemasirũcũja mũ”, yũre yicami yũ jacũ. ²⁸ To bajiro yũ yisere ajiyamanire bajiro ajitũoĩabesa mũa. Bajireariarã jediro ïnare yũ jiro, ïna ajijediro tirũmũ ejarũaroja. ²⁹ To cõrone yũ jisere ajicõari, yũ tũjũ ejajedirũarãma ïna, tudicatiana yuja. Yũ tũ ejacõari, quēnaro yirũgũriarãma, Diorãca quēnaro ñacõa ñarũgũrũarãma ïna. Rojose yirũgũriarãrema rojose tãmũotũjabetiriarojũ ïnare cõarũcũja yũ yuja —ïnare yigoticami Jesús, jud'io masa ujarãre.

“*Ado bajiro* yũre ïna yire sũori, ‘ “Rotimũorũgõõũcũmi” yigũ, Dios ï cõar'i ñaami’ yũre yimasiroti ñaja”, Jesús ï yire queti

³⁰ Quēna ado bajiro ïnare goticami Jesús:

—Yũ bojarore bajiro yigũ me ñaja yũ. Yũre cõacacũ ï bojarore bajiro yirũa tũoĩagũ ñari, masare rojose yirãre, to yicõari quēnase yirãre yũ ïabesejama, quēnaro riojo yaja yũ. ³¹ “To bajiro yigũ ñaja yũ” yũ masurione yũ yijama, “Socũ yami”, yũre yiroti ñaboroja.

³² To bajiboarine, ñaami sīgū, yure gotibosagu. Yure ī gotibosase, quēnaro riojo ñaja ti. ³³ Gāji quēne, “Īne ñaami ‘Rotimorūgōrucumi’ yigu Dios ī cōar’i”, yure yigotibosayumi, Juan, masare oco rāca bautizarimasu. Ī tujure mua ejarēmorimasare sēñiaroticōañuja mua. Quēnaro riojo mware cūdiyumi. ³⁴ “Rotimorūgōrucumi” yigu Dios ī cōar’ire yure ī gotibosajaquēne, yure ī gotibosabetijaquēne, no yibeaja ti, yure, Dios ī cōacacu ñari. Juan yure ī gotibosarere mware gotiaja yu, tire ajitirūnucōari, rojose tāmūotūjabetiriaroju mua vabetirotire bojagu ñari. ³⁵ Sīabusuocōari quēnaro riojo ĩamasire ñaja. Tire bajirone bajicami Juan, quēnaro riojo yure gotibosacacu ñari. Īre ajivariquēnañuja mua maji. ³⁶ To bajiro mware yiboarine, “Sīgū ñaami yure gotibosagu” yu yijama, Juanre tūoīagū me yaja yu. Juan yure ī gotibosacati rētoro ñamasuse ñaja. Tima ĩaīañamanire mware yu yīorūgūse, yu jacu yure ī rotise ñaja. Tire ĩacōari, “Socu me yami. Dios ī cōar’i ñaami”, yure yimasiamas masa. ³⁷⁻³⁸ Yu jacu yure cōacacu quēne, ĩ masune, “Yu macu, yu cōagū ñaami” yigu ñari, masa ĩna ajimasirotire ĩnare cōarūgūami. Ī cōacacure yure ajitirūnūmena ñari, ĩre ajimena, to yicōari, ĩ ocare ajitirūnūmena ñaja mua.^a ³⁹⁻⁴⁰ Dios ocare masa ĩna ucamasirere bato buerūgūboaja mua, “Ti ocare mani buejama, Diorāca quēnaro ñacōari, mani rijato beroju ī rāca quēnaro ñacōa ñarūgūuarāja mani” yirā. To bajiboarine yu bajiserene mware ti gotiboajaquēne, yure ajiruabeaja mua. Yure mua ajitirūnūjama, Diorāca quēnaro ñacōari, mua rijato beroju ī rāca quēnaro ñacōa ñarūgūborāja mua.

⁴¹ “Quēnaro yure yirūcubuoato masa” yigu me, adi macarucurojare vadicaju yu. ⁴² Mua tūoīasere ĩamasijaja yu. To bajiri, “Diore mairā me ñaja mua”, mware yimasijaja yu. ⁴³ Yu jacu yure ī roticōajare, adoju vadicaju yu, mware gotimasioḡū. To bajiro yu bajiboajaquēne, yure ajitirūnūbeaja mua. No bojagu, Dios ī cōabecurema, “Masa quēnaro yure yirūcubuoato ĩna” yigu ī vadijama, ĩjware ajitirūnūuarāja mua. ⁴⁴ Mua masune quēnase gāmerā yirūcubūorere bojarūgūaja mua. Dios sīgūne ñaami mani ũju. To bajigu ī ñaboajaquēne, “Quēnase manire yato Dios” yirā, no bojase mua yirotire yitūoīabetirūgūaja mua. To bajiro bajirā ñari, yure ajitirūnūbeaja mua. ⁴⁵ Yu jacu tujure mua ejaro, “Yure ajitirūnūbeticama”, mware yigotiyirobetirucūja yu. Moisés ñamasir’ine ñaami to bajisere mware yigotiyirogu. “Moisés ñamasir’i ī rotimasirere quēnaro mani ajitirūnūjama, Dios taju varuarāja mani”, yitūoīaboaja mua. ⁴⁶ To bajiboarine yu bajirotirene ucamasīñumi Moisés. To bajiri ī ucamasirere mua ajitirūnūmasucōajama, yure quēne ajitirūnūborāja mua. ⁴⁷ Ī ucamasirere quēnaro ajitirūnūmena ñari, yure quēne ajitirūnūbeaja mua, —ĩnare yicami Jesús, jud’io masa ũjarāre.

6

Masa, cinco mil ñarāre Jesús ī bare ecare queti
(Mt 14.13-21; Mr 6.30-44; Lc 9.10-17)

¹ To bajiro ĩnare ī yiro bero, ũtabucura Galilea vāme cūtura gajejacatūajuaju yware ũmato jēcami Jesús. Gaje vāme, Tiberias vāme cūticaju tira. ² “Dios macune ñaja yu” yigu, rijaye cūtirāre Jesús ī catiorūgūserere ĩacōari, jājarā masa ĩre sūyarūgūcama ĩna. ³ Gajejacatūaju ejacōari, burore yware ũmato majacōari, rujicami Jesús. ⁴ Pascua boserūmū jud’io masa yua quēnorotirūmū cōñacaju. ⁵ To bajiri jājarā masa Jesúre ĩre sūyarūgūrā ĩna vadore ĩacōari, ado bajiro Felipere ĩre yicami Jesús:

—Īnare ecaruarā, ĩnoju bare vaja yirāti mani? —ĩre yicami.

⁶ “Ado bajiro yirucūja yu” yimasiboarine, “Mu ejarēmose rāca ecamasicōaruarāja’ Felipe yure ī yicūdiro ajigusa” ĩre yigūne, yicōañumi Jesús. ⁷ To bajiro ĩ yijare ado bajiro ĩre yicūdicami Felipe:

—Doscientos gājoatiiri rāca vaja yiboarine, ĩnare ecajeomasibetiborāja mani —Jesúre ĩre yicami.

^a 5:37-38 “ ‘Diore ajimena, to yicōari, ĩre ĩamena ñaja mua’ Jesús ī yijama, ‘Īre ĩarā ñaboarine, to yicōari, ĩre ajirā ñaboarine, ‘Dios macu ñaami’ yimasibeama’ yigu yiyuju”, yiyujarā Dios ocare masa ĩna ucamasire buerētoburimasa.

⁸ To ĩ yirone, yua rācagu, Pedro bedi Andrés vāme cutigu, ado bajiro Jesúre yicami:

⁹ —Sīgũ daquegu, cojomo cōro pan cebada vāme cutise, to yicōari, juarā vaire cūboami, bajigujuma. Masa jājarā ĩna ñajare, tĳjariaro manimasucōaja ti —Jesúre ĩre yicami Andrés.

¹⁰ To bajiro ĩ yirone,

—Masare ĩnare rujirotiya —yicami Jesús.

Tojare tatūcuro ñacaju. To bajiri, ta joeju rujicama. Cinco mil ũmua ñacama ĩna.^b

¹¹ ĩna rujijediro ĩacōari, pan daquegu ĩ baborotirene juacōari, “Quēnaro yaja mu”, Diore yivariquēnacami Jesús. To yicōari ĩ buerāre yuare ĩsicami, “Rujirāre ĩsibatoya” yigu. Vaire quēne, to bajirone yicami. Sīgũ ruariaro mano quēnaro bausucutijedicōacama.

¹² ĩna bagajanoro ĩacōari, ado bajiro yuare yicami Jesús:

—ĩna baruasere juarēoña. Bajirearobe tĳjuma —yuare yicami Jesús.

¹³ To bajiro yuare ĩ yijare, cebada vāme cutise cojomo cōro pan ñaboarere yua juarēojama, juāāmo cōro, gubo juā jēnituarō ñarijiburi ruayacaju. ¹⁴ To bajiro ĩaĩañamanire Jesús ĩ yĳoro ĩacōari, ado bajiro yicama masa:

—Diore gotirētobosarimasu, adi macarucurojare vadicoari, manire rotirocune ñaami —Jesúre ĩre yicama masa.

¹⁵ To bajiro ĩna yijare, “Yu bojabetiboajaquēne, yure āmivacōari ũju yure cūrūama” yimasicōari, ĩ sīgũne buro joejare majacoacami Jesús.

Oco joene Jesús ĩ vare queti

(Mt 14.22-27; Mr 6.45-52)

¹⁶ Ti rāioato ĩacōari, ũtabucurare rojaejacaju yua, Jesús buerimasa. ¹⁷ Rojaeja, cūmua vasāja jēacaju yua, gajejacatūaju Capernaum vāme cuti macaju vana. Ti rētiacoaboajaquēne, ejabeticōacami Jesús. ¹⁸ To yua bajijearūtuate, buto mino vacaju. To bajica yiro, buto sabetuocōacaju ti. ¹⁹ Cinco o seis kilómetro cōro yua jēatusatone, yua tujū oco joene vadicaami Jesús. Oco joene ĩ vadire ĩarāne, ũcacaju yua. ²⁰ To bajiro yua bajiboajaquēne, ado bajiro yuare yicami Jesús:

—Gūibesa. Yune ñaja —yuare yi vadicaami Jesús.

²¹ To bajiro yuare ĩ yijare, variquēnarāne, ĩre sācaju yua. ĩre yua sārĳrĳmarone jēaejacoacaju yua yuja.

Jesúre masa ĩna macare queti

²²⁻²⁴ ũtabucura gajejacatūaju tujacana, cūmuane yua ĩ buerā Jesús ĩ manone yua jēasere ĩacama ĩna. To bajiri gajerūmu yua tudijēaejabetore ĩacōari, Jesúre quēne ĩre ĩabeticōari, Tiberias macana ĩna ejase cūmune jēaejayuma, Capernaum vāme cuti macaju, Jesúre macarā.

“Pan quēnamasusere bajiro bajigu ñaja yu”, Jesús ĩ yire queti

²⁵ Yuare ĩabujacōari, ado bajiro Jesúre yisēniācama ĩna:

—Gotimasiorimasu, ¿Divato adore ejari mu? —ĩre yisēniācama ĩna.

²⁶ To bajiro ĩna yisēniāsere ajicōari:

—Ñamasusere riojo muare gotiaja yu. ĩaĩañamanire yu yĳosere ĩari, “To bajiro yigu ĩ ñajare, ĩre ajitirūnu sūyaroti ñaja” yirā me yure macasuyaja mu. “Quēnaro bausucutiriaroju bare ecagu ñaami” yirā ñari, bajaia mu. ²⁷ Bare mu bojamasusejuma yoaro meacane muare jediveocoatoja ti. To bajiri mu barotire tūoĳarejaibeticōaña mu. Gajeye barere bajiro bajise ñaja, Dios ĩ roticōacacu yure ajitirūnūarē yu ĩsisema. Jedibetirūaroja tima. “‘Tire ĩsimasiame’ yure yimasiato ĩna” yigu, ĩaĩañamanire yu yĳorūgūrotire yure ũjocami Dios. To bajiri, bare jedibetijūare bojarā, Dios ĩ bojasere yiya mu —ĩnare yicami Jesús.

²⁸ To bajiro ĩ yijare, ĩre sēniācama ĩna:

—¿No bajiro yua yĳotire bojati Dios? —ĩre yisēniācama.

^b 6:10 Rĳamasare, rōmiare cōmenane, ũmua bucūrā rĳrene ĩna cōjama, cinco mil ñaĳujarā ĩna.

²⁹ To bajiro ĩna yisere ajicōari ado bajiro ĩnare yicūdicami Jesús:

—Dios ĩ cōacacure yure m̄ua ajitirūn̄usere bojaami Dios —ĩnare yicami Jesús yuja.

³⁰ To bajiro ĩ yijare,

—¿Ñie ũnire Dios ĩ masise rāca ĩaĩañamanire yuare yīoruc̄ada m̄u, tire ĩacōari “Yure ajitirūn̄ato ĩna” yuare yigu? ³¹ Mani ñic̄ua ñamasiriarā yuc̄a manoj̄u ñacudirā, maná vāme c̄utisere bamasĩñujarā ĩna. To bajirone gotiaja Dios ocare masa ĩna ucamasire. T̄uoĩasaque: “Bare Dios ĩ ñaroayere manire ecagu yivējañumi”, yigotiaja Dios oca, masa ĩna ucamasire —Jesúre ĩre yicama. To bajiro ĩna yijama, “Moisés ñamasir'i s̄orine bajiriaroja ti” yirā yicama.

³² To bajiro ĩna yisere ajicōari, ado bajiro c̄udicami Jesús:

—Ñamasusere riojo m̄uare gotiaja yu: Moisés ñamasir'i me Dios ĩ ñaroayere barere ĩnare cōacami. Yu jac̄une ñaami ĩ ñaroayere barere ĩnare cōacac̄uma. To bajirone bajiaja pan quēn̄amasusere quēne. Tire m̄uare cōami Dios. ³³ Tire m̄ua bajama, m̄ua rijato beroj̄u, “Tudirijabeticōato” yigu, Dios ĩ catisere ĩsiecoruarāja m̄ua.

³⁴ To bajiro ĩ yirone,

—To yijama, pan quēn̄amasusere yuare ecarūḡuma m̄u —ĩre yicama ĩna yuja.

³⁵ To bajiro ĩna yijare, ado bajiro ĩnare yicami Jesús yuja:

—Yune ñaja pan quēn̄amasuse Dios ĩ cōase. To bajiri, no bojagu yure ajitirūn̄uḡuma, bauc̄utirūḡuḡure bajiro bajiḡumi. To bajiri, disejuane Dios ĩ ejarēmose ĩre r̄uyabeteruaraja. ³⁶ To bajiro yu bajiboajaquēne, yure ajitirūn̄ubeaja m̄ua, yure ĩarā ñaboarine. Jēre tirene m̄uare gotiboabu yu. ³⁷ No bojarā yure ajitirūn̄urāma, yu jac̄u s̄orine yu bojarore bajiro quēn̄asejuare t̄uoĩvasoariarā ñaama. No bojagu yure ajitirūn̄uḡure, “M̄ure bojabeaja”, ĩre yibetiruc̄aja yu. ³⁸ Adojure vaḡu, yu bojasere yir̄u me rujiadicaj̄u yu. Yu jac̄u ĩ bojasejuare yir̄u, vadicaju yu. ³⁹ Ado bajiro bojaami yu jac̄u, yure cōacac̄u: ĩ s̄orine yure ajitirūn̄urā ñajediro, ñatusarirūm̄ure rojose t̄am̄uot̄ujabetiriaroj̄u ĩna vasere bojabeami. ĩ t̄uj̄u ĩna ñasejuare bojaami.^c ⁴⁰ No bojagu, “Dios mac̄u ñaja m̄u” yure yimasicōari, yure ajitirūn̄uḡure, Dios ĩ catisere ĩ c̄osere bojaami yu jac̄u —ĩnare yicami Jesús.

⁴¹ “Pan quēn̄amasusere bajiro bajigu ñaja yu Dios ĩ ñaroju rujiadicac̄u” Jesús ĩ yisere ajicōari, ñagōjaicama jud'io masa ũjarā. ⁴² Ado bajiro gāmerā yicama:

—¿Adi mac̄agu, José mac̄u me ñatique? ĩ jac̄ure, ĩ jacore quēne masiaja mani. To bajigu ñaboarine, “Dios ĩ ñaroju rujiadicaj̄u yu”, manire yisocaboami —gāmerā yicama ĩna.

⁴³ To bajiro ĩna gāmerā yīñajare, ado bajiro ĩnare yicami Jesús:

—Yure ñagōmacabesa m̄ua. ⁴⁴ Yu jac̄u s̄orine yu bojarore bajiro quēn̄asejuare t̄uoĩvasoariarā r̄ine ñaama yure ajitirūn̄urā. Ñatusarirūm̄u ĩnare catoruc̄aja yu.

⁴⁵ Diore gotirētosariarā yure ajitirūn̄urona ĩna bajiro tire yirā, gotirā ado bajiro uca yuma ĩna: “Dios ĩ masise s̄orine masiruarāma ĩna jedirone”, yuca yuma ĩna. To bajiri yu jac̄u ĩ masise s̄orine yu bojarore bajirojuare t̄uoĩvasoacōari, yure ajitirūn̄uruarāma.

⁴⁶ Mas̄u, nij̄uane yu jac̄ure ĩaḡu maami. Yu s̄iḡune ĩ t̄uj̄ure rujiadicac̄u ñari, ĩre ĩacac̄u ñaja yu. ⁴⁷ Ñamasusere riojo m̄uare gotiaja yu: No bojagu yure ajitirūn̄uḡuma, Dios ĩ catisere c̄oḡu ñaami. ⁴⁸ Pan quēn̄amasusere bajiro bajigu ñaja yu. ⁴⁹ M̄ua ñic̄ua yuc̄a manoj̄u maná vāme c̄utisere bare, Dios ĩ cōarūḡurere barūḡuriarā ñaboarine bajireajedicoasuma ĩna. ⁵⁰ Yurema, pan quēn̄amasusere bajiro bajiḡure, masa ĩna ajitirūn̄ujama, bajireacoaboarine, quēna tudicaticōari, quēnaro ñarūḡuruarāma ĩna.

⁵¹ Yune ñaja pan quēn̄amasusere bajiro bajigu Dios ĩ cōacac̄uma. No bojarā yure barā ĩna rijato beroj̄u, quēna tudicaticōari, quēnaro ñarūḡuruarāma. To bajiro ĩna bajiro tire yigu, ĩnare rijabosaruc̄aja yu —jud'io masa ũjarāre yicami Jesús.

⁵² To bajiro ĩ yisere ajicōari, ĩna masune ado bajiro gāmerā yicama ĩna:

—¿No bajiro ĩ ruj̄ure manire ecariqūida ĩ? —gāmerā yicama ĩna.

⁵³ To bajiro ĩna yisere ajicōari, ado bajiro ĩnare yicami Jesús:

^c 6:39 Ñatusarirūm̄ure ĩ yijama, adi macaruc̄uro ti jediro tudiejacōari, masare ĩ ĩabeserirūm̄ure yigu yiyuju Jesús.

—Ñamasusere riojo mũare gotiaja yu: Yũre, Dios ĩ roticõacacũre, yu rujũre mũa babetijama, yu ri'ire quẽne mũa idibetijama, mũa rijato beroju “Tudirijabeticõato” yigu, Dios ĩ catisere cõobetĩuarãja mũa. ⁵⁴ No bojagu yu rujũre bagũ, yu ri'ire idigu ñaami Dios ĩ catisere cõogũ. To bajicõari, ĩ rijato beroju ñatusarirũmũre tudicaticõari, quẽnaro ñarũgũrũcũmi. ⁵⁵ Yu rujũ ñaja bare ñamasuse. To bajicõari, yu ri'i ñaja idire ñamasuse. ⁵⁶ To bajiri yu rujũre bacõari, yu ri'ire idigũma, yu rãcagu ñagũmi. Yũjua quẽne, ĩ rãcagu ñaja yu. ⁵⁷ Yu jacũ, yũre cõacacũ catirere cõogũ ñaami. To bajiri ĩ suorine catiaja yu. To bajirone bajirũcũmi yũre ajitirũnũgũ quẽne. Yu suorine ĩ rijato beroju quẽna tudicaticõari, yu rãca quẽnaro ñacõa ñarũgũrũcũmi. ⁵⁸ To bajiri pan quẽnamasusere bajiro bajigu, Dios ĩ ñarõju rujiadicacũ ñaja yu. Yũma mũa ñicũare õ vecaye bare Dios ĩ cõare maná vãme cõtisere bajiro bajigu me ñaja. Mũa ñicũa, maná vãme cõtisere bariarã ñaboarine, bajireajediya ña. No bojagu yũre ajitirũnũgũma, ĩ rijato beroju quẽna tudicaticõari, yu rãca quẽnaro ñacõa ñarũgũrũcũmi —ĩnare yicami Jesús, jud'io masa ẽjarãre.

⁵⁹ Ado bajiro ĩ gotimasio ñajama, Capernaum vãme cõtĩ maca ñarivi, Dios ocare ña buerivijũ ñacõari, ĩnare gotimasio cami Jesús.

“Yu ocare ajitirũnũgũrema, ‘Tudirijabeticõato’ yigu, Dios ĩ catisere ĩsirũcũja”, Jesús ĩ yire queti

⁶⁰ To bajiro ĩ gotisere ajicõari, jãjarã ĩre sũyarã, ado bajiro gãmerã yicama ña:

—To bajiro ĩ yigotimasiose, no bajiro yimasiriario maja. Tire ajivariquẽnagũ magũmi —gãmerã yicama ña.

⁶¹ To bajiro ña gãmerã yisere masicõacami Jesús. To bajiri, ado bajiro ĩnare yicami:

—To bajiro mũare yu yigotimasiosere ajitebesa mũa. ⁶² “Riojo me yami” mũa yitũoĩajama, Dios ĩ roticõacacũ õ vecaju yu vadicatojũre quẽna yu tudimũjatore ĩacõari, “Riojo yiyumi”, yitũoĩaboarũarãja mũa. ⁶³ “Yu rujũre ña base suorine, ña rijato beroju ‘Tudirijabeticõato’ yigu, Dios ĩ catisere cõogũarãma masa” yu yijama, yu rujũre yigu me yaja yu. Yũre masa ña ajitirũnũsejũare yigu yaja. Yũre ajitirũnũrãrema Esp'iritu Santore ĩnare cõarũcũja yu, ña rijato beroju, “Tudirijabeticõato” yigu. ⁶⁴ To bajiro yu yigotisere, “Socũ yami”, yitũoĩaja mũa sũgũri —ĩnare yicami Jesús.

Rẽmojũne, “Ña ñarũarãma ‘Socũ yami’ ” yũre yitũoĩarã, to yicõari, “Ĭ ñarũcũmi yũre ĩsirocarocũ” yimasigũ ñari, to bajiro ĩnare yicami.

⁶⁵ To bajiro yigajanocõari, ado bajiro ĩnare gotiquẽnocami:

—“Yũre sũyarã sũgũri, ‘Socũ yami’, yũre yitũoĩaama” yimasigũ ñari, “Ñimarã yũre ajitirũnũrã maniborãma, yu jacũ suorine quẽnasejũare ña tũoĩavasoabetijama”, mũare yĩbũ yu. To bajiri yu jacũ suorine quẽnasejũare tũoĩavasoarã me ñari, “Socũ yami”, yũre yaja mũa sũgũri —ĩnare yicami Jesús.

⁶⁶ To bajiro ĩ yisere ajicõari, jãjarã ĩre sũyaboacana ĩre cãmotadicõari, jũaji ĩ rãca vacudibeticama ña yuja. ⁶⁷ To bajiro ña bajiro ĩacõari, jũaãmo cõro, gũbo jũa jẽnituarĩrãcũ ñarãre ado bajiro yũare sẽnĩĩacami Jesús:

—¿Mũa quẽne, “Ĭre cãmotadito mani”, yũre yitũoĩati mũa? —yũare yisẽnĩĩacami.

⁶⁸ To bajiro ĩ yisere ajicõari, ado bajiro ĩre yicũdicami Pedro:

—Ñimũjua mũre bajiro bajigu magũmi. Yũa rijato beroju, “Tudirijabeticõato” yigu, Dios ĩ catisere yũare mũ ĩsere gotiaja mũ. ⁶⁹ Mũre ajitirũnũaja yua. “Rojose yigu me, Dios ĩ cõar'i ñaja mũ”, mũre yimasiaja yua —Jesũre ĩre yicami Pedro.

⁷⁰ To bajiro ĩ yisere ajicõari ado bajiro yũare yicami Jesús:

—Mũarema, ¿jũaãmo cõro, gũbo jũa jẽnituarĩrãcũ ñarãre yũne mũare bese juabeticati yu? To yu yicana mũa ñaboajaquẽne, mũa vatoare ñaami sũgũ vãtia ẽjũre cũdigũ —yũare yicami Jesús.

⁷¹ To bajise ĩ yijama, Simón macũ Judas Iscariotere yigu yiyumi Jesús, yua jũaãmo cõro, gũbo jũa jẽnituario rãcagu ñaboarine, ĩre ĩsirocarocũ ĩ ñajare.

7

Jesús bederã ñaboarine, ñre ñna ajitirũnubetire queti

¹ To bajiro ñ yiro bero, quẽna Galilea sitajũ yũare ñmato vacudicami Jesús. Judea sitajũ ñarũabeticami, ti sitana jud'io masa ẽjarã ñre ñna sãarũajare. ² Yucú manojũ ñna ñicũa ñna ñacudimasirere tũoĩariarũmũri, Enramadas vãme cuti boserũmũ cõñacajũ. ³ To bajiri, Jesús bederã ado bajiro ñre yicama:

—Judea sitajũ mũre sũyaboacana, jãjarã ñarãma. To bajiri adojũre tujabesa. Tojũane tudicoasa mũ, ñna quẽne, “Ñaĩañamanire mũ yĩorũgũsere ñato ñna” yigũ. ⁴ No bojagũ, jãjarã masa ñre ñna ñamasirotire ñ bojajama, masa mojoroaca ñarojũre yĩocudibecũmi. Ñaĩañamanire yĩomasigũ ñari, jãjarã ñna ñarojũare yĩoaya mũ —ñre yicama ñna, Jesús bederã.

⁵ Jesús bederã ñaboarine, “‘Rotimũorũgõrũcũmi’ yigũ, Dios ñ cõar'i ñaami”, ñre yitũoĩarã me ñacama. ⁶ To bajiri ado bajiro ñnare yicami Jesús:

—Judeajũ yũ varoti ejabeaja maji. No bojarirũmũ mũa vajama, mũarema quẽnacõaja. ⁷ Diore ajimena mũa ñajare, mũare ñatemenama. Yũrema ñateama ñna, “Mũa yirũgũse, rojose ñaja ti” ñnare yũ yijare. ⁸ Enramadas boserũmũ ñarã vasa mũama. Yũrema, yũ varoti ejabeaja maji —ñ bederãre yicami Jesús.

⁹ To bajiro ñnare ñ yiro bero, Galilea sitajũre ñacõacajũ yũa maji.

Enramadas vãme cuti boserũmũre Jesús ñ gotimasiore queti

¹⁰ Ñ bederã ñna vato bero, Jesús quẽne, Enramadas boserũmũ ñmato ñagũ vacami. To bajiboarine, yayioroaca yũare ñmato ejacami. ¹¹ To ñacama jud'io masa ẽjarã quẽne. Ñre macaboacama.

—¿Nojũ ñati ñ? —yicudiboacama.

¹²⁻¹³ Tirũmũrĩre jãjarã masa Jesũre ñagõjai ñacama ñna. Sĩgũri ado bajiro yicama:

—Quẽnaro yigũ ñagũmi —yicama ñna.

Gãjerãjũama:

—Quẽnaro yigũ me ñagũmi. Masare yitogu ñagũmi —boca yicama. ẽjarãre gũirã ñari, ñna masune yayioroaca gãmerã ñagõcõa ñacama ñna, Jesũre gõjarã.

¹⁴ Enramadas boserũmũ ñna yi gũdareco cutiato, Diore yirũcũbũoriavire sãjacõari, masare ñnare gotimasiocami Jesús yuja. ¹⁵ Ñ gotimasiosere ajicõari, no yimasibeticama jud'io masa ẽjarã:

—Buebetir'i ñaboarine, ¿no yigũ to bajise gotimasioasiati ñ? —yicama ñna.

¹⁶ To bajiro ñna yisere masicõari,

—Yũ gotimasiosema yũ ye me ñaja. Yũre cõacacũ ye ñaja ti. ¹⁷ Dios ñ bojasere mũa yirũajama, “Dios ñ yerene gotimasioami”, yimasiborãja mũa. ¹⁸ No bojagũ no ñ tũoĩasene gotigũma, masa quẽnase ñre ñna yirũcũbũosere bojagũmi. No bojagũ ñre cõacacũre Diore masa quẽnase ñre ñna yirũcũbũosere bojagũma, riojo masune gotigu ñagũmi. Ñie ñnijuare masare ñnare yitobecũmi.

¹⁹ ¿Moisẽs ñamasir'i Dios ñ rotimasirere mũare cũbesujarique ñ? Tire cũorã ñaboarine no bojagũ mũa vatoare Dios ñ rotimasirere cũdijeogu maami. Rojose yũ yibetiboajaquẽne yũre sãarũaja mũa —masare yicami Jesús.

²⁰ To bajiro ñ yisere ajicõari, ado bajiro ñre cũdicama ñna masa:

—Vãti mũ ẽsũjũre sãjacõari, rojose mũre yitogu yigũmi. Ñimũjũa mũre sãarũagu magũmi —ñre yicama ñna, Jesũre.

²¹ To bajiro ñna yijare,

—Usũsãjariarũmũ ñaboajaquẽne, sũgũ rijagũre yũ catioro ñacõari ñacacajũ mũa, “Usũsãjariarũmũ ñaboajaquẽne moami” yĩaterã. ²² Moisẽs ñamasir'i sũcacare circuncisiõn yirere mũare rotiyumi ñ. Ñ masu me tire rotisũoyumi. Jẽre ñ ñicũajũne to bajirone yicoadimasĩnujarã ñna. To bajiro rotimasire ñajare, ẽsũsãjariarũmũ ti ñaboajaquẽne, sũcare circuncisiõn yaja mũa. ²³ Moisẽs ñamasir'i ñ rotimasirere cũdirã ñari, ẽsũsãjariarũmũ ti ñaboajaquẽne sũcare circuncisiõn yaja mũa. Yũjũarema ẽsũsãjariarũmũ ti

ñaboajaquêne sīgũ rijagure yu catiojama, ¿no yirã yure jünisiniati mua? ²⁴ Ñie manone rujajine quênaro tuoñabetiboarine, “Rojose ñre ñaja”, yure yibesa mua. “Rojose ñre ñaja” mua yijama, quênaro tuoña ríjoro yicõari, “Rojose ñre ñaja”, yure yiya mua —ñare yicami Jesús, masare.

“Dios ñ ñarøjure vadicasu ñaja yu”, Jesús ñ yire queti

²⁵ To bajiro ñ yisere ajicõari, Jerusalén macana sīgũri ña masune gãmerã sēniñacama ña:

—¿Sĩaruarã, ña macagu me ñaruyuati ñ? ²⁶ Ado mani jediro ríjorojũare ñagõñaami ñ. To ñ bajiboajaquêne sīgũ ñre boca yimatagu maami. Adoana ujarã, “Cristo Dios ñ cõagũ, mani uju ñagũmi ñ”, ¿yituoĩarãda ña? ²⁷ “Ti macagu vayumi”, yimasiaja mani. Cristorema, “Í ejaro, ‘Toagu vayumi’ yimasibetiruarãja mani”, yiadire ñaja —ñare masune gãmerã yicama ña, Jerusalén macana sīgũri.

²⁸ To bajiro ña yisere ajicõari, Diore yirũcũbũoriavijũ gotimasio ñacasu, oca tutuase rãca ñagõcami Jesús yuja:

—Yure ñacõari, “Ti macagu ñaami”, yure yituoĩaboaja mua. To bajiro mua yituoĩajama, yure cõacacure riojo yigure masibeaja mua. ²⁹ Yuma ñre masiaja. Í cõacacune ñaja yu. Í ñarøjune vadicaju yu —ñare yicami Jesús.

³⁰ To bajiro ñ yijare, buto ñre ajijünisinirã ñari, ñre ñiarũaboacama ña, jud'io masa ujarã. To bajiboarine ñre ñiamasibeticama ña, “To cõrone ñiaecorũcũmi” Dios ñ yiriarũmũ ti ejabetijare. ³¹ Gãjerãma jãjarã ñre ajitirũnũcama ña. To bajiri ado bajiro yicama ña:

—Cristo, Dios ñ cõar'í ñagũmi ñni. No bojagu ñ rētoro ñaĩañamanire yigu manirũcũmi —yicama ña, ñre ajitirũnrã.

Jesúre ñre ñiaruarã, Diore yirũcũbũoriavire coderimasa ña ejare queti

³² Masa Jesús ñ bajisere yayioroaca ña gotiro ajiyuma fariseo masa. To bajiri, Diore yirũcũbũoriavi coderimasare Jesúre ñre ñiarotiyuma ña, paia ujarã quêne. ³³ Ña ejaro ñacõari ado bajiro yicami Jesús:

—Yure cõacacũ tũju quēna tudiarũcũja yu. To bajiri yoaro meaca adore masa tũjũre ñarũcũja yu. ³⁴ Yure macaruarãja mua. To bajiboarine yure bũjabetiruarãja mua. Yu ñarøjure no bajiro yí vamasibetiruarãja mua —masare ñare yigoticami Jesús.

³⁵ To bajiro Jesús ñ yisere ajicõari, jud'io masa ujarã ña masune gãmerã sēniñacama ña:

—¿Nojũre variquída ñ, ñre mani bũjabetirotøjũrema? Mani ñaro sojuaju vacõari griego masa rãca vũsarã tũju varũ yigũmi, ñ yijama. Tojũre vacõari, gãjerã masare, o mani yarãre gotimasio gũ varũ yigũmi, ñ yijama. ³⁶ “Yure macaboarine yure bũjabetiruarãja mua. To bajicõari yu ñarøjure vamasibetiruarãja mua” ñ yijama, ¿no yire ñnire yati ñ? —gãmerã yĩñagõcama ña.

“Masa Diorãca quênaro ñaruarã, ado bajiro bajirãma”, Jesús ñ yire queti

³⁷ Masa manojũ ña ñicua ña ñacudĩmasirere tuoĩatusariarũmũ, tirũmũ ñacaju rujarũmũ masuma. Tirũmũre vũmũrũgũcõari, oca tutuase rãca ñagõcami Jesús:

—Sīgũ ñ oco idirũajama, oco sēnigũmi. Tire bajirone, no bojagu Diore ñ masirũajama, yu tũjũre vadicõari ñre yu catiorotire sēnigũ ejato ñ. ³⁸ Ajiya mua. Ado bajiro gotiaja Dios ocare masa ña ucamasire: No bojarã yure ajitirũnrãrema, “Ña usũrijũ oco masare catiose, riagare bajiro ũmayucõa ñarũaroja, ‘Diorãca quênaro ñacõa ñarũgũrãjaro’ yiro”, yigotiaja Dios oca —masare ñare yigoticami Jesús.

³⁹ To bajiro ñ yijama, “Yure ajitirũnrãre ña usũrijũre, Dios ñ cõagũ Esp'iritu Santo ejacõari quênaro ñare ejarēmocõa ñarũgũrũcũmi, ña rijato beroju tudirijabeticõari, Diorãca quênaro ñaronare” yigu yicami Jesús. Õ vecajũre, quēnase ñre yirũcũbũoriavijũre Jesús ñ tudiejabetijare, Dios ñ cõagũ Esp'iritu Santore adi macarũcũrore Jesúre ajitirũnrũcanare cõabesumi Dios maji.

Ricatiri rñe masa ña tuoĩare queti

⁴⁰ Jesús ñ ñagõsere ajicõari, sīgũri ado bajiro yicama:

—Diore ìre gotirètobosarimasa, Dios ocare ucarã, “To bajirucumi” masa ìna yiuca-masir'i masune ñaami —yicama ìna, sîgûri.

⁴¹ Gãjerãjũama ado bajiro yicama ìna:

—Cristo, “Rotimũorũgõrucumi” yigũ, Dios ì cõar'i masune ñacõaami —yicama ìna.

Gãjerãma ado bajiro yicama:

—Cristo me ñaami. No bajiro yigũ, Galileagũne Cristo ñabecumi. ⁴² Dios ocare masa ìna ucamasire ti gotijama, ado bajiro yaja: “Ujũ David ñamasir'i jãnerabatia jãnamì ñarucumi Cristo. To bajiri David ñamasir'ire bajirone Belén macagũne ñarucumi ì quẽne”, yigotiaja Dios oca —yicama ìna.

⁴³ Ado bajise ricatiri rĩne Jesúre ìre yitũoĩacama ìna. ⁴⁴ Sîgûri ìre ñiarũaboacama. To bajiboarine ìre ñiamasibeticama.

Jud'io masa ujarã, Jesúre ìna ajitirũnũbetire queti

⁴⁵ Diore yirũcũbũoriavire coderimasa Jesúre ìre ñiamasibeticõari, fariseo masa, paia ujarã tũjũre tudiacama ìna. Ñie manane ìna ejaro ìacõari ado bajiro ìnare yisẽniĩañũjarã ìna paia ujarã:

—¿No yirã ìre ãmiadibeti mũa? —ìnare yiyujarã ìna.

⁴⁶ Ado bajiro ìnare yicũdiyujarã Diore yirũcũbũoriavire coderimasa:

—Ìre bajiro ñagõrã manicama ìna —yiyujarã ìna.

⁴⁷ To bajiro ìna yijare, fariseo masajũa ado bajiro ìnare yiyujarã:

—¿To yitogũ ì yiserene ìre ajiri mũa? ⁴⁸ Mũa ujarã ñaja yũa. Yũama sîgũ ìre ajitirũnũgũ maja. Mani ujarã quẽne sîgũ ìre ajitirũnũgũ maami. ⁴⁹ Adoana masa Moisés ñamasir'ì ì rotimasirere masibeticõari, Jesúre ìre ajitirũnrãma. To bajiro ìna bajijare, ìnare rearucumi Dios —yiyujarã ìna fariseo masa.

⁵⁰ Nicodemo ñamijũ Jesúre ìre ìagũ ejar'i, fariseo masũ ñañuju ì quẽne. Ì babarãre ado bajiro ìnare yiyuju ì:

⁵¹ —¿Majique! Moisés ñamasir'ì manire ì rotimasirere yirã, ì gotisere ajicõari, ìre sẽniĩabetiboarine, “Rojose ñaja ti, ìre”, yimasibeaja mani —yiyuju Nicodemo, ì babarãre.

⁵² To bajiro ì yijare,

—¿Mũ quẽne Galileagũ ñatique mũ? Dios ocare masa ìna ucamasiriatutire ìaĩasaque mũ. Tire mũ buero bero, “Diore gotirètobosarimasũ Galileajũ vadir'ì manirucumi” yiuaturere masirucũja mũ quẽne —ìre yiyujarã ìna, Nicodemore tud'ìrã.

⁵³ To bajiro ìre yicõa, ìna ya virijũ tudijedicoasujarã ìna.

8

Rõmio manajũ cõtiboarine, gãji rãca ajeri cõtigo Jesús tũjũre so ejare queti

¹ Macajũ yũa tujarone, Olivo vãme cõtì burojũ majacoacami Jesús. ² Gajerũmũ, busurijũ, Diore yirũcũbũoriavijũ tudiejacami quẽna Jesús. Ì ejaro ìacõari jãjarã masa ì tũre rẽjacama. To bajiro ìna bajijare, rujicõari yũare gotimasioacami Jesús.

³ To bajiro yũare ì yigotimasio ñarone, fariseo masa, Dios ì rotimasire gotimasiorimasa quẽne ejacama. Sîgõ rõmio manajũ cõtiboarine gãji rãca ajeri cõtigore yũa ìaro rĩjorojũare sore jiaejocama ìna. ⁴ To yicõari, ado bajiro Jesúre ìre yicama ìna:

—Yũare masiogũ, adio rõmio manajũ cõtiboarine gãji rãca so ajeri cõtisere ìamũ yũa.

⁵ Moisés ñamasir'ì ì rotimasire ado bajiro yirotiaja ti: “To bajiro yirãrema gũtane ìnare reasĩaña”, yaja ti. Mũma, ¿no bajiro tũoĩati mũ? —Jesúre ìre yicama.

⁶ “Moisés ì yiriarore bajirone Jesús manire ì cũdibetijama, ‘Jesús, rojose yimi’ ” ujarãre yì ocasãrũarã, Jesúre sẽniĩatoboacama ìna. To bajiro ìna yisẽniĩatobojaquẽne, mubiãcõari ì ãmo vãsoane ucacami Jesús, sita tũcurojũre. ⁷ Ìre ìna sẽniĩatũjabetijare, vũmũrũgũcõari, ado bajiro ìnare yicami Jesús yuja:

—Mũa rãcagũ, “Rojose yibecũ ñaja yũ” yigũ, gũtane mũare ùmato rocavasũoato — ìnare yicami Jesús.

⁸ To bajiro yicōa, quēna mubiacoacami Jesús. Mubiacoari, sita tūcurore ucacōa ñacami quēna. ⁹ To bajiro ĩ yisere ajicōari, “Rojose yibeticaju” yigu manicami. To bajiri, sore gūtane rocavamenane, bācārā vasuo, tijū bero gājerā vajedicoacama ĩna. To ĩna baji veogo, so sīgōne Jesúrāca tujacamo so. ¹⁰ To ĩna bajiro bero, vāmūrūgūcōari, so sīgōne so ñaro ĩacōari, ado bajiro sore sēniāacami Jesús:

—¿Nojū ñati ĩna yuja, “Rojose yimo” mure yirāma? ¿Rojose mū yise vaja, sīgūjūama mure sīamenane, vacoajari ĩna? —sore yicami Jesús.

¹¹ To bajiro ĩ yijare,

—Yure sīamenane, vacoajama —Jesúre yicamo.

To so yisere ajicōari, ado bajiro sore yicami Jesús:

—Yū quēne, “Rojose mū yire vaja rojose tāmūorūocoja”, yibeaja yū. Vasa. Quēna gāme rojose yibeja mū yuja —sore yicami Jesús.

“Yū suorine Diore masire ñaja”, Jesús ĩ yire queti

¹² Quēna ado bajiro masare ĩnare yigoticami Jesús:

—Yū suorine Diore masiama masa. Yure ajitirūnumasurāma, Diore masimenare bajiro bajibeturārāma ĩna. Yure ajitirūnrāre catioaja yū, ĩna rijato berojū, “Quēnaro catijedicōa ñarūgūrājarō” yigu —ĩnare yicami Jesús.

¹³ To bajiro ĩ yisere ajicōari, ado bajiro yicama fariseo masa:

—“To bajiro bajigu ñaja yū” mū yiboajaquēne, nijūane gāji mami, “Riojo gotiami” mure yigūma. To bajiri to bajiro mū yiboase vaja maja ti. To bajiro yitocōagū yaja mū —Jesúre ĩre yicama.

¹⁴ To bajiro ĩna yijare, ado bajiro ĩnare yicadicami Jesús:

—Yū vadicatojūre masiaja yū. Yū varotore quēne masiaja yū. To bajiri yū masune yū gotise ñaboarine, socase me ñaja ti. Mūama, yū vadicatojūre, to yicōari, yū varotore quēne masibeaja mūa. ¹⁵ Masa ñari, riojo masimenane, “Rojose yirā ñaama”, gājerāre yīābeserūgūaja mūa. Yūma, masa ĩna yisere ĩabesegu me yaja. ¹⁶ To bajiboarine masa rojose ĩna yisere yū ĩabesejama, yū sīgūne ĩabesebeaja yū. Yū jacū, yūre cōacacū, yū rācane ĩabeseami. To bajiri, masare, “Rojose yirā ñaama” yū yijama, riojo masune ĩnare gotiaja yū. ¹⁷ Mūa ñicūa ĩna rotimasirere ado bajiro yuicamasire ñaja ti: “Rojose yimi” jūarā ĩna yijama, ĩnare ajiya”, yaja ti, mūa ñicūa ĩna rotimasire. ¹⁸ To bajiri, “To bajiro bajigu ñaja yū”, masare yīōrūgūaja yū, yū masu quēne. Yū jacū yūre cōacacū quēne, ĩ masune, “Yū macū yū cōagū ñaami” yigu ñari, masa ĩna ajimasirotire ĩnare cōarūgūami —ĩnare yicami Jesús.

¹⁹ To bajiro ĩ yisere ajicōari, ado bajiro ĩre sēniāacama ĩna:

—¿Nojū ñati mū jacū? —ĩre yicama, Jesúre.

To bajiro ĩna yijare ĩnare cadicami Jesús:

—Yure ĩamasibeaja mūa. To bajiri yū jacūre quēne masibeaja mūa. Yure mūa ĩamasijama, yū jacūre quēne masiborāja mūa —ĩnare yicami Jesús.

²⁰ Diore yirūcūbūoriavijū, masa ĩna gājoa sārīajū tūjūre rūgōcōari, to bajise masare ĩnare yigotimasioacami Jesús. Tojū jud'io masa ũjarā ĩna moarijū ti ñaboajaquēne, Jesúre ñiamasibeticama, ĩre ĩna ñiaroticu maji ti ejabetijare.

“Yū vatojūre no bajiro yi vamasibeturārāja mūa”, Jesús ĩ yire

²¹ Quēna ado bajiro masare yigoticami Jesús:

—Varūcūja yū. Yū vato bero, yūre macaboarūarāja mūa. Yure būjamena rīne rojose mūa yise rācane bajireacoarūarāja mūa. To bajiri yū vatojūre vamasibeturārāja mūa —ĩnare yicami Jesús.

²² To bajiro ĩ yisere ajicōari, ado bajiro gāmerā yicama ĩna, jud'io masa ũjarā:

—¿Ī masune sīayayirū yati ĩ, “Yū varotojūre vabetirūarāja mūa” ĩ yijama? —gāmerā yicama ĩna.

²³ To bajiro ĩna yisere ajicōari:

—Mуama, adigodoana њaja. Yуma, ѓ vecaguу њaja. Adi macarуcуroana Diore ajimena њaja муama. Yуma, adi macarуcуroagu me њaja уу. ²⁴ To bajiri, “Rojose муa yise rācane bajireacoarуarāja муa”, муare yibу уу. “Їne њaja уу” уу yimore bajiro уure муa ajitirūnубeticajama, rojose муa yise rācane bajireacoarуarāja муa —їnare yicami Jesús.

²⁵ To bajiro ї yisere ajicōari, ado bajiro їre sēniїacama їna:

—ЇNimу ũgū њati му? —їre yicama їna, Jesúre.

To bajiro їna yirone, їnare cūdicami Jesús:

—Муare gotisуogуjune, “Ї њaja уу” муare yisуoadicaju уу. ²⁶ Jairo муare уу gotiroti њaboaja ti. Rojose муa yisere їacōari, “Ado bajiro rojose yaja муa” cojoi me муare уу yiborotine bajicōaja ti. To bajiboarine masare adi macarуcуroanare муare уу gotijama, уure cōacacу ї gotirotise rїne gotirūgūaja уу —їnare yicami Jesús.

²⁷ To bajiro ї yiboajaquēne, “Yure cōacacу’ yigу, ‘Diore, ї jacure’ yigу yami”, yiajimasibeticama їna. ²⁸ To bajiri ado bajiro їnare yigoticami Jesús:

—Dios ї roticōacacune њaja уу. Yucūtēroju masa уure їna jajuturo bero bajisere їacōari, “Riojo yiyumi. To bajiro masune bajigу њaўumi”, уure yimasirуarāja муa. “Ї masurione ї tūoїasere me gotirūgūўumi. Ї jacу їre ї gotimasiorotisere gotirūgūўumi”, yimasirуarāja муa. ²⁹ Yure cōacacу уу rācane њacōa њarūgūami. Ї bojase rїne yaja уу. To bajiri уure vaveobetirūgūami —masare yigoticami Jesús.

³⁰ To bajiro Jesús ї yisere ajicōari, jājarā masa їre ajitirūnуcama.

“Dios rїa me њaama rojose yirā”, Jesús ї yire queti

³¹ To bajiri jud'io masare їre ajitirūnурāre ado bajiro goticami Jesús:

—Муare уу gotimasiorūgūsere муa ajitirūnу tūjabetijama, уу buerā masune њarуarāja муa. ³² To bajiro bajirā rїne Dios ocare socabetire ajimasirуarāja муa. Ti ocare ajimasicōari, rojose муa yisejasere yitūjarуarāja муa, Dios ї bojaseуare yirуarā —їnare yicami Jesús.

³³ To bajiro ї yijare, ado bajiro yicama їna:

—Abraham њamasir'i jānerabatia њari, Dios yarā њaja уу. To bajiri, ѓno bajiro yigу, “Rojose муa yisejasere yitūjarуarāja муa, Dios ї bojaseуare yirуarā”, уure yati му? —Jesúre їre yicama їna.

³⁴ To bajiro їna yisere ajicōari, ado bajiro yicami:

—Їnamasusere riojo муare gotiaja уу: No bojarā rojose yirāma, rojose yisejarā њari, rojose yitūjamasibeama. ³⁵ Sīgū ї uјure moabosarimasу, “Ado уure moarotigу rācane њacōa њarūgūrуcуja уу”, yimasibeami. Uју macууama, ї rācane њacōa њarūgūrуcуmi. To bajiri, Dios rїama, ї rācane њacōa њarūgūrуarāma. ³⁶ To bajiri, rojose муa yisejasere уу суorine “Yitūjarуarāja” муa yijama, “Rojose maja їnare”, муare yirуcуja уу yuja. ³⁷ “Abraham њamasir'i jānerabatia њaja уу” муa yisere masiaja уу. To bajiro yirā њaboarine, уу gotisere ajitirūnубeticōari уure sїarуaja муa. ³⁸ Yу jacу уure ї yїocaire муare gotiaja уу. Муama, муa jacу rojose yigу ї rotisere cūdirā њaja —їnare yicami Jesús.

³⁹ To bajiro ї yisere ajicōari, ado bajiro yicama їna:

—Abraham њamasir'їne њaўumi, “ууa jacу” ууa yigуma —Jesúre їre yicama їna.

To bajiro їna yirone, ado bajiro їnare yicami Jesús:

—Abraham ї yirūgūriarore bajirone yiborāja муa, ї rїa муa њajama. ⁴⁰ Yу jacу, Dios oca socase mere ї gotirotirore bajirone муare уу gotimasioboajaquēne, уure sїarуaja муa. Abraham њamasir'їma ti ũnire yibetirūgūmasiўumi. ⁴¹ Yure sїarуarā, муa jacу masu rojose yigу њadir'i ї yirūgūrore bajirone yirā њaja муa —їnare yicami Jesús.

To bajiro ї yijare, ado bajiro їre yicama:

—Yуa jacу masuma, Dios њaami. Gāji mami уuarema. Ї rїa masune њaja уuama —Jesúre їre yicama їna.

⁴² To bajiro їna yisere ajicōari, ado bajiro їnare cūdicami Jesús:

—Múa jacu masune Dios í ñajama, yure maiboriarāja mua. Yu masu me vadicaju yu. Dios yure í cōajare vadicaju yu. Dios tuju vadicōari adone ñaja yu. ⁴³ ¿No yirā yu gotisere ajimasibeati mua? Yu gotimasiosere ajiruamena ñari, tire ajimasibeaja mua. ⁴⁴ Múa jacuma, vātia uju ñaami. Í ría ñaja mua. To bajiri í bojasere bajirone mua quēne yirua tuoīaja mua. Rēmojuone masare sīarimasune ñacoayumi vātia uju. Riojo gotibetirūgūami. Yitorimasu, socase jacu ñaami. Í gotijama, socarūgūami. Rēmojuone to bajirone bajicoayumi. ⁴⁵ Yurema socabeti quetire gotigu yu ñajare, yure ajitirūnubeaja mua. ⁴⁶ Sīgū, “Ado bajise rojosere yicaju mu”, yure yimasigū mami. To bajiri, riojo mūare yu gotiboajaquēne, ¿no yirā yure ajitirūnubeati mua? ⁴⁷ Dios ría mua ñajama, í ocare ajiboriarāja mua. Í ría me ñari yure ajiruaabeaja mua —ñare yicami Jesús.

“*Abraham ñamasir'i rījoroju*ne ñacoadicaju yu”, Jesús í yire

⁴⁸ To bajiro í yirone, cūdicama jud'io masa ujarā:

—“Samaria sitagu, vāti sãñagū ñaja mu” mure yua yirūgūse riojone yiyuja yua —Jesúre ire yicama jud'io masa ujarā yuja.

⁴⁹ To bajiro ña yisere ajicōari, ado bajiro ñare yicami Jesús:

—Vāti sãñagū me ñaja yuma. Yu jacu Diore quēnase ire yirūcūbuoaja yu. Mūama, yure rūcūbuobeaja mua. ⁵⁰ “Quēnaro yure yirūcūbuoato ña masa” yigu me vadicacu ñaja yu. Sīgūne ñaami, quēnaro masa yure ña yirūcūbuosere bojaguma. Yure rūcūbuom-enare ñamasigū ñaami. ñamasicōari, rojose yure ña yise vaja rojose tāmurotirucumi. ⁵¹ Ñamasusere riojo mūare gotiaja yu. No bojarā yu gotisere ajitirūnurāma, bajireabetiruarāma ña —ñare yicami Jesús.

⁵² To bajiro í yisere ajicōari, ado bajiro Jesúre yicama jud'io masa ujarā:

—To bajiro mu yisere ajicōari, “Vāti sãñagū masune ñaami”, mure yimasiaja yua yuja. Abraham ñamasir'i, Diore gotirētobosarimasa ñamasiriarā quēne, bajireajedicoasuma ña. To bajiro ña bajire ti ñaboajaquēne, “Yure ajitirūnurāma bajireabetiruarāma ña”, yiboaja mu. ⁵³ Yua ñicu Abraham ñamasir'i, ñamasugū ñamasiñuju ña. ¿Í rētoro ñamasugū ñatique mu? Abraham quēne, Diore gotirētobosarimasa quēne bajireajedicoasuma ña. To yijama, ¿ñimu ūgū ñati mu? —Jesúre ire yicama ña.

⁵⁴ To bajiro ña yijare, ñare cūdicami Jesús:

—Yu masurione, “Quēnagū ñaja yu. Quēnase yigu ñaja yu” yu yiboajama, ñie vaja maja ti. Yu jacu ñaami quēnase yure yirūcūbuogū, “Íne ñaami yua Dios” mua yiboagu. ⁵⁵ Ire masibeaja mua. Yuma, ire quēnaro masiaja. “Íre masibeaja” yu yijama, mūare bajirone socagu ñaboguja yu. Yuma, quēnaro masune ire masicōaja yu. Í yirore bajirone ire cūdiaja yu. ⁵⁶ Múa masa ñicu, Abraham ñamasir'i, “Cojorūm ejarucumi Dios í cōagū, ñajediro masa uju” yigu, variquēna yuñamasiñumi. To bajiri adi macarucurojure yu ejaro ñacōari, variquēnamasucōacami —ñare yicami Jesús, jud'io masa ujarāre.

⁵⁷ To bajiro í yisere ajicōari, ado bajiro ire yicama ña, Jesúre:

—Bucu me ñaja mu. Cincuenta cūmari cūobetiboarine, ¿no yigu, “Abraham ñamasir'ire ire ñacaju yu”, yati mu? —ire yicama ña.

⁵⁸ To bajiro ña yijare, ado bajiro ñare yicami:

—Ñamasusere riojo mūare gotiaja yu. Abraham ñamasir'i í ñaroto rījorojuone jēre ñacōacaju yu —ñare yicami Jesús.

⁵⁹ To bajiro í yisere ajicōari, gūtari juacama, ire rearuarā. To bajiro ña yirone, ñare rudicōa budiacami Jesús, Diore yirūcūbuoriavire ñaboacacu.

9

Caje ñabecu ruyuar'ire Jesús í ñarotire queti

¹ To bajivacūne, sīgū rēmone caje ñabecu ruyuar'ire ire ñabujacami Jesús. ² To í bajisere ñacōari, ado bajiro ire sēniīacaju yua, í buerimasa, Jesúre:

—Gotimasiogū, ¿no yigu rēmone ñabecu ruyuyujari ña? ¿Í jacūajua o í masu ye sūori bajiyujarique? —Jesúre ire yisēniīacaju yua.

³ To bajiro yua sēniārone, ado bajiro yuare cūdicami Jesús:

—Ī masune rojose ĩ yire vaja me, ĩ jacua quēne rojose ĩna yire vaja me, to bajigu ruyuyumi ĩ. “Dios ĩ masisere masirājaro masa” yigu, to bajigu ruyuyumi. ⁴ Ūmua ti ĩnaro moamasiaja mani. Rāioro berojuma moamasibeaja mani. To bajirone bajaiaja mani catise quēne. Ado ĩnarāma, moamasiaja mani. To bajiboarine, no bojarirūmū mani bajireacoajama, moamenaja mani. To bajiri, yure cōacacu ĩ rotirore bajirone quēnaro yirūgūroti ĩaja. ⁵ To bajiri adi macarucurojūre masa rujūre bajiro rujū cūticōari, yu ĩnasere ĩacōari, to yicōari, yu gotimasiosere ajicōari, Diore masiama masa. Ti ĩaja yu moare —yicami Jesús.

⁶ To bajiro yigajanogūne, sita tūcurojūre gooco eoreacūcami. To yicōa, ĩ goocone sitare yierocami. To yicōari, ĩabecure tine tucami, ĩ cajere. ⁷ To bajiro ĩre yicōari ado bajiro ĩre yiroticami, ĩabecure:

—Siloé vāme cūtirita, masa ĩna guarūgūritaju vasa. Tojū ejacōari, mū cajere coeba —ĩre yicami Jesús, ĩabecure. (Hebreo oca rāca “siloé” ĩna yijama, “cōar'i” yirā yicama.)

To bajiri Jesús ĩ coerotisere ajicōari, ĩ coerotirore bajirone ĩ cajere coegū vacoacami ĩabecu. ĩ cajere coegajanogūne, ĩacoasuju. To bajiri ĩ ya vijū tudicoasuju. ⁸ ĩ tudiejarō ĩacōari, ĩ yarā, ĩre ĩarūgūriarā, ado bajiro ĩre yiyujarā ĩna:

—“¿Yure ĩamaicōari, yure ĩsiña” yirujirūgūgū me ĩnati ĩma? —yiyujarā ĩna.

⁹ To bajiro ĩna yirone,

—Īne ĩnaami —yiyujarā ĩna sīgūri.

Gājerājuama:

—Ī me ĩnaami. ĩre bajigūne ĩnaami, bajigujūma —yiyujarā gājerāju.

To bajiro ĩna yisere ajicōari ĩ masune,

—Īne ĩaja yu —yigotiyuju ĩ.

¹⁰ To bajiro ĩ yigotijare ado bajiro ĩre yisēniāñujarā masa:

—¿No bajiro yicōari, ĩacoati mū yuja? —ĩre yiyujarā ĩna.

¹¹ To bajiro ĩna yijare,

—Sīgū, Jesús vāme cūtigū ĩ goocone sitare yierocōari yu cajere tumi. Tire tucōari, ado bajiro yure yirotimi: “Siloé vāme cūtiritaju vacōari, mū cajere coeba”, yure yimi. To bajiri tiraju ejacōari, yu cajere coebu yu. To bajiro yigūne, ĩacoaju yu yuja —ĩnare yiyuju ĩ.

¹² To bajise ĩnare ĩ yigotijare, ado bajiro ĩre yisēniāñujarā masa:

—¿Nojū ĩnarojari, to bajiro mūre yir'ima? —ĩre yisēniāboayujarā ĩna.

—Ba. Masibeaja yu —yiyuju ĩabecu ĩnaboar'i.

¹³ To bajiro ĩ yisere ajicōari, fariseo masa tujūre ĩabecu ĩnaboar'ire ĩre jiasujarā ĩna.

¹⁴ ĩ goocone sitare yierocōari ĩabecure Jesús ĩ caje ĩaroticatirūmūma, jud'io masa ĩna ūsusājarirūmū ĩacaju ti. ¹⁵ To bajiri ĩabetiboacacure ĩna āmiejarō ĩacōari, ado bajiro ĩre yisēniāñujarā fariseo masa:

—¿No bajiro yicōari, ĩabetirūgūboagūne, ĩacoati mū yuja? —ĩre yisēniāñujarā fariseo masa.

To bajiro ĩre ĩna yirone,

—Ī goocone sitare yierocōari, yu cajere tumi. Tire coegūne ĩacoaju yu yuja —ĩnare yigotiyuju ĩ.

¹⁶ To bajiro ĩ yirone,

—Mūre to bajiro yir'ima, Dios ĩ cōar'i me ĩnagūmi. Ūsusājarirūmūre rūcūbuobesumi —yiyujarā ĩna.

Gājerājuama ado bajiro yiyujarā ĩna:

—Rojose yigu ĩ ĩnaja, ado bajiro ĩaiañamanire yibetiborimi —yiyujarā gājerājuama.

To bajiri ricatiri rīne tūoiañujarā ĩna fariseo masa. ¹⁷ To yicōari bero, quēna gāme sēniāñujarā ĩna, ĩabecu ĩnaboar'ire:

—Mūma, ¿no bajiro tūoati mū, “ĩato” mūre yir'ire? —yiyujarā ĩna.

To bajiro ĩna yirone,

—“Diore gotirētobosarimasu ñagūmi”, yaja yuma —yiyuju ĩ.

¹⁸ “Īabecu ruyuar'i ñaboarine, ĩacoasumi yuja”, yirwabesujarã ĩna maji. To bajiro ĩabetiboar'i jacuare jicōañujarã ĩna. ¹⁹ ĩna ejaro, ado bajiro ĩnare yisēniñañujarã ĩna:

—¿Mua macu, ĩabecu ruyuacacu mua yigune ñati ānima? ¿No bajiro yicōari ĩabecu ñaboarine, ĩacoasujari ĩ yuja? —yisēniñañujarã ĩna, ĩ jacuare.

²⁰ To bajiro ĩna yisēniñajare, ĩnare gotiyujarã ĩna:

—Īne ñaami yua macune, ĩabecu ruyuacacune. ²¹ To bajiboarine, “Ado bajiro yicōari, ĩaami yuja”, yimasibeaja yua. Ī cajere ĩarotir'ire masibeaja yua. Īre sēniñaña mua. Bucu ñaami jēre. Ī masu mware gotiato —yiyujarã ĩ jacua.

²² Jud'io masa ujarãre ĩnare güirã ñari, “Jesúne ñaami ĩre ĩarotir'i” ĩnare yiterã ñari, to bajise yiyujarã ĩ jacua. Jud'io masa ujarã ado bajiro yituoñañujarã ĩna:

—“Jesús ñaami ‘Rotimworügōrcumi’ yigu, Dios ĩ cōar'i, mani ujū” yirãre sãjarotibetiruarãja mani, Dios ocare ĩna buerivirijure —yituoñañujarã ĩna.

²³ To bajiri, “Manire sãjarotibetoma” yirã, “Bucu ñaami. Īre sēniñaña”, ĩnare yiyujarã ĩabetiboar'i jacua.

²⁴ To bajiro ĩna yijare, ĩabetiboar'ire ado bajiro ĩre yiyujarã ĩna quēna:

—Dios sīgūrene quēnase ĩre yirūcubuoja, mu cajere ĩarotir'i ĩ ñajare. Jesújuarema, “Rojose yigu ñaami”, ĩre yimasiaja yua —ĩre yiyujarã ĩna.

²⁵ To bajiro ĩna yisere ajicōari, ado bajiro yiyuju ĩ:

—“Rojose yigu, quēnase yigu ñagūmi”, ĩre yimasibeaja yua. “Īabecu ñaboacacu, yucurema ĩagū ñaja yu yuja”, yimasiaja yua, tirema —yiyuju ĩ.

²⁶ To bajiro ĩ yisere ajiboarine, quēna ĩre sēniñañujarã ĩna:

—¿No bajiro mure yiri ĩ, “Īato ĩ” mure yigu? —ĩre yiyujarã ĩna.

²⁷ To bajiro ĩna yijare, ado bajiro ĩnare cūdiyuju ĩ:

—Jēre mware gotiboabu yua. Yure ajibeaja mua. ¿No yiruarã quēna gāme gotire bojati mua? ¿Mua quēne ĩ buerã ñaruatique? —ĩnare yiyuju ĩ.

²⁸ To bajiro ĩ yisere ajicōari, ĩre tud'iyujarã ĩna:

—Muma, ĩ buegu ñaja mu. Yuma, Moisés ñamasir'i ĩ rotimasirere buerã ñaja yuma.

²⁹ “Moisés ñamasir'ire ñagōñumi Dios”, yimasiaja yua. Mure cator'irema masibeaja yua. “Toju vadir'i ñagūmi”, yimasibeaja yua, ĩrema —yiyujarã ĩna.

³⁰ To bajiro ĩna yisere ajicōari, ado bajiro ĩnare cūdiyuju ĩ:

—Yu cajere ĩ ĩarotiboajaquēne, “Toju vadir'i ñañumi”, yimasibeaja mua. ³¹ “Rojose yirãrema ajibecumi Dios. Īre rūcubucōari, ĩ bojasere yirã rĩrene ajigūmi Dios”, yimasiaja mani. ³² “Īabecu ruyuar'ire sīgū ĩre ĩaroticōañuju” yire ajiyamanicaju ti. ³³ Yure ĩarotiguma, Dios ĩ cōagū me ĩ ñajama, yure no yimasibetiborimi —ĩnare yiyuju ĩ.

³⁴ To bajiro ĩ yijare, ado bajiro ĩre yiyujarã ĩna:

—Rēmone rojose rāca ruyuar'i ñaja mu. To bajigu ñaboarine, “Īnare gotimasiorucuja yu”, ¿yituoñaboati mu, yuare? —ĩre yiyujarã ĩna, ĩabecu ñaboar'ire.

To yicōa, ĩre bucōañujarã ĩna, Dios ocare ĩna bueriviju ñaboagure.

“Yure ajitirūnmenama, caje ĩamenare bajiro bajiamā”, Jesús ĩ yire queti

³⁵ Īabecu ñaboar'ire ĩre ĩna bucōasere ajicaju yua, Jesúrāca. To bajiri ĩre ĩabujacōari, ado bajiro ĩre yicami Jesús:

—¿Dios ĩ roticōacacure ajitirūnñati mu? —ĩre yicami Jesús.

³⁶ To bajiro ĩ yirone, ado bajiro ĩre cūdicami:

—Yure gotiya. “Ī ñaami”, yiya. Īre ajitirūnñaja —Jesúre ĩre yicami.

³⁷ To bajiro ĩ yirone, ado bajiro ĩre cūdicami Jesús:

—Jēre ĩre ĩaja mu. Īne ñaja yu, ado mu rāca ñagōgūne —ĩre yicami Jesús.

³⁸ To bajiro ĩ yirone,

—Yu ujū, mure ajitirūnñaja yu —Jesúre ĩre yicōa, ĩ rĩjorojuare gusomuniari tuetucami, “Ñamasugū masune ñaja mu” ĩre yirūcubuoju.

³⁹ To ĩ yiro bero, ado bajiro masare yicami Jesús:

—Īamenare bajiro bajirã ñaama Dios ocare ajitirũnumena. “Quẽnaro Diore ajitirũnũato ña” yigũ, adi macarũcũrojũre vadicaũ yũ. To bajiboarine Diore ajitirũnumena ñaboarine, “ ‘Diore ajitirũnrã ñaja yũ’ yirãma, rojose tãmũotũjabetiriaroju varũarãma ña” yigũagũ vadicaũ yũ —ĩnare yicami Jesús.

⁴⁰ To bajiro ĩ yijare, to ñacana fariseo masa sīgũri, Jesũre ĩre sẽnĩĩacama ña:

—Ĵ “Dios ocare masimena ñaama ña quẽne” yigũ, yũare yati mũ? —Jesũre ĩre yicama ña.

⁴¹ To bajiro ña yirone,

—“Dios ocare quẽnaro masibeaja yũ” mũa yigotijama, rojose maniboriaroja ti, mũare. “Ĵẽre Dios ocare masiaja yũ” yirã ñari, yũre mũa ajitirũnũbetijare, rojose ñacõa ñaja mũare —ĩnare yicami Jesús.

10

Ovejare ĩatirũnũgũre bajiro Jesús ĩre ajitirũnrãre ĩ codese

¹ Quẽna masare gotimasioğũ ado bajiro yicami Jesús:

—Ñamasusere riojo mũare gotiaja yũ. No bojagũ oveja ña ñarisãnirore, sojere sãjabecũ, soje manijũrene joresãjagũma, juarudirimasũ o gãjerã yarãre ĩmacudirimasũ ñagũmi. ² Sojene sãjagũma, ĩnare coderimasũ ñaami. ³ Ovejare coderimasũre, “Sãjajaro ĩ” yigũ ĩre soje jãnabosagũmi, ti sãniro sojere codegũ. ĩ sãjatone ĩ oca jedisere ajimasicõarãma ña oveja. ĩna vãmene ĩnare jibugũmi, ĩnare masigũ ñari. ⁴ ĩnare jibujeocõari, ĩnare rĩjoro cũti vacũmi. ĩ ocare ajimasicõari, ĩre sũyarãma ña. ⁵ ĩna ajimasibecũrema sũyamenama ña. ĩ ocare ajimasibeticõari, ĩre rudirũarãma ña —ĩnare yicami Jesús, masare.

⁶ Ado bajise ĩnare yigotimasioboacami Jesús. ĩnajũama boca ajimasibeticama.

“Oveja ña sãjarisojere bajiro bajigũ ñaja yũ”, Jesús ĩ yire queti

⁷ ĩna ajimasibetire masicõari, ado bajiro ĩnare goticami Jesús quẽna:

—Ñamasusere riojo mũare gotiaja yũ. Yũ ñaja soje, oveja ña sãjarisojere bajiro bajigũ. Ovejare bajiro bajirã ñaama masa. ⁸ Yũ rĩjoro ejariarãma, “ ‘Rotimũorũgõrũcũmi’ yigũ, Dios ĩ cõagũ ñaja yũ”, yisocariarãma. ĩna ñaro cõrone juarudirimasare bajiro bajirã ñacoayuma ña, yũre ajitirũnrãre, “Ajitirũnũbeticõaña” yirã. To bajiro ĩnare ña yiboajaquẽne, yũre ajitirũnrãjũama, ĩnare cũdibesuma ña. ⁹ Yũ ñaja sojere bajiro bajigũ. No bojarãre yũre ajitirũnrãre, rojose tãmũotũjabetiriaroju ña vaborotire ĩnare yirẽtobosarũcũja yũ. Ovejare coderimasũre bajirone quẽnaro ĩnare ĩacoderũgũrũcũja yũ. To bajiri ñie gũiose mano quẽnaro ñacõa ñarũgũrũarãma ña.

¹⁰ Juarudirimasa, masare juarudirũarã, ĩnare sãama ña. Yũjũama, “Sīgũ rũyabeto catireayere quẽnaro cũjedicõato ña” yigũ, vadicaũ yũ. ¹¹ Yũ ñaja ovejare quẽnaro coderimasũre bajiro bajigũ. Ovejare quẽnaro coderimasũre ĩre ña sãarũboajaquẽne, quẽnaro ĩnare codecõa ñarũcũmi. ĩre bajiro bajigũ ñaja yũ. Yũre ajitirũnrã rojose ña yise vajare yũne ĩnare vaja yibosarocũ ñaja yũ. ¹² Sīgũ, vaja bojagũ rĩne ĩ moajama, quẽnaro ovejare codetirũnũbecũmi. Buyairo ĩ ejaro ĩacõari, ovejare vaveocoacũmi ĩ, ĩre rudigũ. ĩ yarã oveja me ña ñajare, ĩnare vaveocoacũmi. To bajiri, buyairo jiaejacõari, ovejare ĩnare ãgõbatereacõagũmi. ¹³ Vaja bojagũ masune moagũ ñari, ovejare ĩnare maibecũne, ĩnare vaveorũcũmi, ĩ yarã me ña ñajare.

¹⁴⁻¹⁵ Yũ ñaja ovejare quẽnaro coderimasũre bajiro bajigũ. Dios, yũ jacũ yũre ĩ masirore bajirone yũ quẽne ĩre masiaja. Tire bajirone yũre ajitirũnrãre quẽne ĩnare ĩamasiaja yũ. ĩnajũ quẽne, yũre ĩamasiamã ña. ĩnare rijabosarocũ ñaja yũ. ¹⁶ Yũre ajitirũnrõna, sīgũri, jud'io masa me ñarũarãma. ĩnare quẽne ĩnare jirẽorũcũja yũ. ĩna quẽne yũre cũdirũarãma ña. To bajiri cojorũmũ cojo masare bajirone bajicõa ñarũgũrũarãma ña, gãmerã ĩamairã. To bajiri yũ sīgũne quẽnaro ĩnare coderũgũrũcũja yũ.

¹⁷ Yũre ajitirũnrãre ĩnare rijabosarũaja yũ, “ĩna rijato beroju rojose tãmũotũjabetiriaroju vatoma ña” yigũ. Yũ rijato beroju quẽna tudicatirũcũja yũ, bajigũjũama. Yũre

ajitirūnūrāre yu rijabosaruajare, yu jacu buto yure maiami. ¹⁸ Masare yu rijabosaruabeti-jama, no bajiro yicōari yure sīabetiborāma ĩna. Masare yu rijabosaruase ñaja yu bojarore bajirone yu yiroti. To bajiri, quēna yu tudicatirūajama, caticoa masiaja yu. To bajiro yu yimasirotire yure cūcami yu jacu —masare yigoticami Jesús.

¹⁹ To bajiro ĩ yisere ajicōari, jud'io masa ujarā ricatiri rīne tuoīacama ĩna. ²⁰ Jājarā ĩna rācana ado bajiro yicama:

—Vāti sãñagũ, mecūrimasũ ĩ ñaboajaquēne, ¿no yirā ĩre ajiatu mũa? —ĩnare yicama ĩna.

²¹ Gājerājũama, ado bajiro yicama ĩna:

—Vāti sãñagũ ĩ ñajama, to bajise ñagōbetiborimi; to yicōari, caje ĩamenare quēne ĩnare ĩarotibetiborimi —yicama ĩna.

Jud'io masa ujarā, Jesúre ĩna ajirūabeti queti

²² Jerusalénju Diore yirūcubūoriavijure ñarāre Diore rūcubūomenare ĩnare bucōari, ĩna quēnorere tuoīariarūmuri ñacaju ti, tirūmuri. Juebucurūmuri ñacaju ti. ²³ To bajiri Diore yirūcubūoriavijũ sājacōari, Salomón vāme cutijacatuajũare vacaju yua Jesúrāca. ²⁴ To bajiro yua bajĩnarone, Jesús tũju jud'io masa ujarā rējacōari, ado bajiro ĩre sēniīacama:

—¿No cōroju, “Ī me ñaami. ĩne ñaami”, mure yimasirāti yua? “Rotimūorūgōrūcumi” yigu, Dios ĩ cōar'i mũ ñajama, yucane riojo yuare gotiya —Jesúre ĩre yicama ĩna.

²⁵ To bajiro ĩna yisere ajicōari, ado bajiro cudicami Jesús:

—Jēre mũare gotiboaja yu. Yure ajibeaja mũa. Yu jacu ĩ rotisene cojoji me mũare yīōcōarūgūboaja yu. Tire ĩacōari, “Īne ñaami”, mũare yiroti ñarūgūboaja ti. ²⁶ Yu yarā me ñaja mũa, bajirājũama. To bajiri yure ajitirūnūbeaja mũa. ²⁷ Oveja ĩna uju ocare ĩna ajimasirore bajirone yu yarā yure ajimasiamama ĩna. Yu quēne quēnaro ĩnare masiaja. To bajiri yure ajitirūnũ sũyaama ĩna. ²⁸ Dios ĩ catisere ĩnare ĩsiaja yu. To bajiri nijũane yure jicāmoto ecobetirūcumi. To bajiri, ĩna rijato beroju, quēna tudicatijedicōari yu rāca quēnaro ñacōa ñarūgūruarāma. ²⁹ “Īnare cūoato” yigu, yu jacu yure cūcami. Nijũane ĩ rētoro masigũ magũmi. To bajiri nijũane yure jicāmoto veomasibetirūcumi. ³⁰ Yu, yu jacu rāca sīgũne ñaja yua —yicami Jesús, jud'io masa ujarāre.

³¹ To bajiro ĩ yirone, gūtarire juacama ĩna, ĩre rearuarā. ³² To bajiro ĩna yisere ĩacōari, ado bajiro ĩnare yicami Jesús:

—Yu jacu ĩ masisene cojoji me mũa ĩaro rījoroju ĩaĩañamanire yīōrūgūmũ yu. ¿Di vāme yu yīōsere ĩacōari, “Rojose yigu yami” yirā, gūthane yure rearuati mũa? —ĩnare yicami Jesús.

³³ To bajiro ĩ yirone, ado bajiro ĩre cudicama ĩna jud'io masa ujarā:

—Īaĩañamanire mũ yīōse sũori me gūta rāca mure rearuarāja yua. Rujajine Diore mũ yise vaja mure rearuarāja yua. Yuare bajiro masũ ñaboarine, “Dios ñaja yu”, yiboaja mũ —ĩre yicama ĩna, Jesúre.

³⁴ To bajiro ĩna yijare, ado bajiro ĩnare yicami Jesús:

—“Yure bajiro bajirā ñaja mũa' yiyumi Dios”, yīucamasire ñaja, mũa ñicua ĩna rotimasire. ³⁵ “Dios ocare masa ĩna ucamasire riojo ñamasuse ñaja”, yimasiaja mani. “Ī ocare ajitirūnūrāre, Yure bajiro bajirā ñaja mũa' yiyumi Dios”, yimasiaja mani. ³⁶ “Mũ sīgũne ñaja mũa, yure bajiro bajigu” yigu, adi macarūcurojũare yure cōacami Dios. To bajiro ĩ yicacu yu ñaboajaquēne, “Dios macu ñaja yu” yu yirone, ¿no yirā, “Diore yiajegu yaja mũa”, yure yati mũa? ³⁷ Yu jacu ĩ yirore bajirone yu yibetijama, yure ajitirūnūbesa. ³⁸ Yu jacu ĩ yirore bajirone yu yijama, yure ajitirūnūbetiboarine, yu yīōsere ĩacōari, “Dios macu ñaami”, yituoīaroti ñaja mũare. To bajiri, “Yu jacu rācane ñaja yu. Ī quēne yu rācane ñaami” yu yigotimasiosere ajicōari, “Riojo gotiami”, yure yimasirona ñaja mũa —ĩnare yicami Jesús.

³⁹ To bajiro ĩ yisere ajicōari, ĩre ñiarūaboacama ĩna. Jesúũama boca rudicoacami.

⁴⁰ To bajivacu, Jordán vāme cūtirisa gajejacatuaju yuare ūmato jēacoacami Jesús. Toju ejacōari, masare oco rāca Juan ī bautiza ñacatojūre tujacaju yua yuja. ⁴¹ Tojūre jājarā masa īre ĩarā ejacama. Jesúre īre ĩacōari, ado bajiro gāmerā yicama ĩna:

—Īaĩañamanire yĩobetiĥoarine, jediro Jesús ī bajisere gotigu, socu mene gotiyumi Juan —gāmerā yicama masa.

⁴² Tojūre jājarā masu, Jesúre īre ajitirūnu sūyasuocama ĩna yuja.

11

Lázaro ī bajirocare queti

¹⁻² Sīgū ñacami Lázaro vāme cūtigu. Ī bederā rōmiri ñacama Mar'ia, gajeo Marta. ĩna ñacama Betania vāme cūti macana. Mar'ia ñacamo so, Jesús gūborire sūtiquēnase tucōari so joa ñajone vejacarocaco. Būto rijayuju Lázaro. ³ Lázaro ī rijaro ĩacōari, ī bederā rōmiri Jesúre īre oca cōañuma ĩna:

—Mū baba Lázaro būto rijami —īre yi oca cōañuma ĩna.

⁴ Tīre ajicōari, ado bajiro yuare yicami Jesús:

—Rijaye īre sīabetoja. “Quēnarētogū ñaami Dios. Ī cōrone quēnagū ñaami ī macu quēne’ yirūcūbūorājaro masa” yigu, rijagu bajigūmi —yuare yicami Jesús. “Īre rijaye īre sīabetoja” yigu, “Rijayayicōa tujabetirūcūmi” yirūne yicōañumi.

⁵ Lázarore, ī bederā rōmiri Martare, to yicōari, Mar'iare quēne ĩnare maicami Jesús.

⁶ To bajiboarine, “Būto rijami Lázaro” ĩna yisere ajiboarine, vabeticami Jesús maji. Tone yua ñacatone juarūmu ñacōacaju yua maji, Jesúrāca. ⁷ To baji, juarūmu bero yuare ī buerāre ado bajiro yuare yicami Jesús:

—Ita quēna, Judea sitaju. Lázaro ī ñaroju vajaro mani —yuare yicami Jesús.

⁸ To bajiro ī yisere ajicōari, ado bajiro īre sēniācaju yua:

—Cānūbusane toana jud'io masa ūjarā gūta rāca mūre rearuacama ĩna. ¿Tojūre quēna tudivaroti tuoĩati mū, yuare gotimasiogū? —īre yisēniācaju yua, Jesúre.

⁹ To yua yirone, ado bajiro yuare cūdicami Jesús:

—Adi macarūcūrojuere mani catiro cōro quēnaro cōĩamasiami Dios. Ī bojaro cōro catiruarāja mani. No bojarā Diore masirā, Dios ī bojasere yitūjabeama, yūre ajitirūnūrā ñari. ¹⁰ Diore masimenajuama, Dios ī bojasere yirūabeama, yūre ajitirūnumena ñari —yuare yicami Jesús.

¹¹ Tīre yuare goticōa, quēna gajeye yuare gotirēmocami:

—Mani baba Lázaro, cānicoarimi. To bajiri īre yujiogūacu yaja yu —yicami Jesús.

¹² To bajiro ī yijare, ado bajiro īre yicaju yua:

—Cānigū ī bajijama, caticoarūcūmi —īre yicaju yua, Jesúre.

¹³ “Cānigū bajigūmi” Jesús ī yisere ajicōari, “Ī ūsusājarere yigūmi”, yicōacaju yua. To bajiro yua yitūoĩaboajaquēne, Jesújuama, “Bajirocacoarimi” yirūne yicōañumi Jesús.

¹⁴ To bajiri, “Yūre quēnaro ajimasibeama ĩna” yigu, riojo yuare goticami Jesús:

—Lázaro bajiyayicoarimi —yicami yuja. ¹⁵ —Variquēnaja. Quēnaro ī tūjūre vabeju yu, “Riojo Dios macūne ñaami” mūa yirūcūbūorotire yigu. To bajiri, ita. Īato, Lázarore —yuare yicami Jesús.

¹⁶ Jesús buerimasu yua rācagu, Tomás vāme cūtigu ñacami. Cojoi ruyuarāne, juarā ruyuar'i yua yicacu ñacami. Ado bajise yuare yicami:

—Ita mani quēne. Jesúrācane bajiyayirāsa —yuare yicami Tomás.

“Yū ñaja masare catiomasiḡū”, Jesús ī yire queti

¹⁷ To bajiri, Betaniaju yua ejarone, —Babarirūmūri tusaju, Lázarore ĩna yujero bero —yuare yigoticama masa.

¹⁸ Jerusalén macaju ñacōari, vajama, tres kilómetros vaejariaro ñacaju Betania maca.

¹⁹ Jerusalén maca vadiriarā jud'io masa jājarā ejayuma, Lázaro ī bajirocajare otirā. “Quēnabeti bajiaja ti mūa gagū ī bajiyayise” Martare, to yicōari Mar'iare quēne yiotirā ejayuma ĩna. ²⁰ To bajiro ĩna yīnarone, “Vadiami Jesús” ĩna yisere ajicōari, yuare bocago,

vadicoayumo Marta. To so bajiro ũnone, so bedeo, Mar'iajuma, vadibesumo. Vijune ñacõañumo so. ²¹ Jesús tujare ejacõari, ado bajiro ñre yicamo Marta:

—Yũ ujũ, adone mũ ñajama, yũ gagũ bajiyayibetiborimi. ²² Ñ bajirocato bero ti ñaboajaquẽne, “Diore mũ sãnijama, mũ sãnimore bajirone mũre cudirucumi Dios”, yimasiaja yũ —Jesũre ñre yicamo so, Marta.

²³ To so yisere ajicõari,

—Mũ gagũ quẽna caticoarucumi —sore yicami Jesús.

²⁴ To bajiro ñ yijare,

—Socũ me yaja mũ. Ñatũsarirũmũ masare Dios ñ catorirũmũ, quẽna caticoarucumi yũ gagũ —ñre yicamo so.

²⁵⁻²⁶ To so yisere ajicõari, ado bajiro sore yicami Jesús:

—Yũ ñaja masare catiogũ masuma. No bojarã yũre ajitirũnrãma bajiyayicoaboarine, quẽna tudicaticõarũrãma ñna. To ñna bajiro bero, jũaji tudirijabetirũrãma. ¿Tire ajitirũnũati mũ quẽne? —Martare sore yisẽniĩacami Jesús.

²⁷ To bajiro ñ yisere ajicõari,

—“Yũ ujũ, mũ yimore bajirone bajiaja ti. Mũne ñaja, ‘Rotimũorũgõrũcumi’ yigũ, Dios ñ cõar'i, masa ñajediro ujũ. Dios macũne ñaja mũ, adi macarucũrojũre vadir'i”, mũre yimasiaja yũ —Jesũre ñre yicamo so.

Lázaro masa boero tujũ Jesús ñ otire queti

²⁸ To yicõa, so bedeo Mar'iare, sore jigo, tudicoacamo Marta. So tujare ejacõari, ado bajiro Mar'iare sore gotirudiyuju so, yayioroaca:

—Manire gotimasiorimasũ tone ñaami. “Vadiato”, mũre yimi —sore yiyuju Marta, so bedeo.

²⁹ To sore so yigoticõarojũma, guaro vũmũ budi vadicoayumo so Mar'ia, Jesũre ñre ñagoago. ³⁰ Jesũrãca ti macajũre ejabeticajũ yũma maji. Marta yũare so bocacatojũne ñacõacajũ yũma maji. ³¹ Mar'ia rãca ñañuma ñna jud'io masa, so gagũ ñ bajiyayijare otirã. To bajiri Mar'ia guaro so vũmũ vado ñacõari sore sũyayuma ñna quẽne. “Masa boero tujũ otigo, vaco bajigomo” yirã baji ruyuyuma ñna.

³² Mar'ia, Jesús tujũ ejacõari, ñ gũbori tujũ gũsomuniari tuetucamo so, ñre rũcũbuogo. To yicõari, ado bajiro ñre yicamo so:

—Yũ ujũ, cãnũjũ mũ ejajama, yũ gagũ bajiyayibetiborimi —Jesũre ñre yicamo so, Mar'ia.

³³ Mar'ia so otisere ñacõari, so rãca vadicana jud'io masa quẽne ñna otisere ñacõari, Jesús, bũto sũtiriticami. ³⁴ To bajicõari ñnare sãnĩĩacami Jesús:

—¿Nojũ ñre yujemasiri mũma? —ñnare yisẽniĩacami Jesús.

To bajiro ñ yirone,

—Adojũa ñagũ vadiĩasa yũma ujũ —ñre yicama ñna.

³⁵ To bajiro ñre ñna yirone, oticami Jesús. ³⁶ Jesús ñ otisere ñacõari, ado bajiro yicama ñna jud'io masa, sũgũri:

—Ñaĩasaque. Lázarore bũto ñre maiboayumi —gãmerã yicama ñna.

³⁷ To bajiro ñna yirone, gãjerã sũgũri ado bajiro yicama:

—Caje ñabecũre ñaroticacũ ñaboarine, ¿no yigũ Lázarorema, “Rijabeticõato”, yima-sibesujari? —gãmerã yicama ñna sũgũri, to ñnãcodecana.

Lázaro ñ tudicatire queti

³⁸ Bũto sũtiritigũne, ejarũgũcami Jesús, Lázaro masa boero tujũre. Gũtavi ñacajũ ti, bajirocar'ire ñna yujeriajũ. Gũtane bibe ecoyujã. ³⁹ Tojũre ejagũne,

—Gũtare tũnuo gocõaña —ñnare yicami Jesús.

To bajiro ñ yirone ado bajiro ñre yicamo so, Marta, Lázaro ñaboar'i bedeo:

—Yũ ujũ, majique! Babaricãrãcũmũ tusacoajũ ñ bajiyayiro bero. Jẽre ñni sũti-coacumi —Jesũre yicamo so.

⁴⁰ To so yiboajaquẽne, ado bajiro sore yicami Jesús:

—Yure mu ajitirñujama, rëtoro ñamasusere Dios ï yimasisere ïarñocoja mu, mure yibu yu —sore yicami Jesús.

⁴¹⁻⁴² To bajiri yuja, gütare tñuogocama masa. Ìna tñuogorone, ò vecajñare ïarñocõari, ado bajiro yicami Jesús:

—Cacu, “Quëñaja” mure yaja, yure mu ajise ñajare. Tocārācajine mure yu sēniro ajirūgūaja mu. To bajiri, “ ‘Dione ñaami Jesúre ïre cõar'i’ yimasiato ñna” yigu, ñna ïaro rñjorojña yu yimasirotire mure sēniaja yu —Diore yicami Jesús.

⁴³ To yigajanogñe, tutuase avasācami Jesús yuja:

—Lázaro, budiaya mu —yicami Jesús.

⁴⁴ To bajiro ï yirone, bajirocar'ire ñna yujer'i ñaboarine, budicoadicami Lázaro. Ì ricarire to yicõari, ï rujure quëne sudine dñrear'i ñacami. Ì gñbori, ï rñjoa quëne sudine gñmar'i ñacami. To bajiri,

—Ïre õjaña mña. Vajaro ï —ñnare yicami Jesús.

“¿No bajiro yicõari, Jesúre ïre sñarāti mani?” , ñna yire queti

(Mt 26.1-5; Mr 14.1-2; Lc 22.1-2)

⁴⁵ To bajiro Jesús ï yñosere ïacõari, jñjarā jud'io masa, Mar'iare baba cñticaña, Jesúre ïre ajitirññu sñyasñocama ñna. ⁴⁶ Gñjerāma, Jesús ï yñosere ïacõari, fariseo masare gotirā vasujarā ñna. ⁴⁷ Ìna gotisere ajicõari, fariseo masa, paia ñjarā rāca rējañujarā ñna. Rējacõari, jud'io masa ñjarāre, Dios ï rotimasire gotimasiorimasare quëne jirēocõañujarā ñna. To bajiri ñna rāca ado bajiro gāmerā ñagõñujarā ñna:

—¿No bajiro ïre yirāti mani? Buto masune ñañañamanire yñogñ yami. ⁴⁸ To bajirone ïre mani yiboa tñajajama, masa jediro ïre ajitirññurñarāma. To bajicõari, Diore yirñcñbñoriavire caguereacõarñarāma romano masa. To yicõari mani ñnarimacarire reajeocõarñarāma ñna —gāmerā yiyujarā ñna.

⁴⁹ Ti cñmare paia ñju ñamasugñ Caifás vāme cñtigñ ñacami. To bajiro ñna yisere ajicõari, ado bajiro ñnare gotiyuju ï:

—Masibeaja mña. ⁵⁰ Mani ye jedirore ñna reajama, quëñabetoja. To bajiri ñañañamanire yñogñ, manire rijabosato ï —yiyuju Caifás.

⁵¹⁻⁵² Ì masurione to bajise tñoñacõari, yibesuju Caifás. Paia ñju ñamasugñ ñari, Dios sñorine to bajiro gotiyuju, Jesúre ïre sñarñagñ ñaboarine. “Jud'io masa rñrene ñnare rijabosabetirñcñmi Jesús. No bojarā Jesúre ïre ajitirññurñona Dios rña ñaronare adi macarñcñroanare ñnare rijabosarñcñmi Jesús” yimasibecñ ñaboajaquëne, ï tñoñasere Caifāre cõañuju Dios. ⁵³ To bajiri, Caifás ï gotirñarñmñe, “¿No bajiro yicõari Jesúre ïre sñarāti mani?”, gāmerā yisñoyujarā ñna, jud'io masa ñjarā.

⁵⁴ To bajiri, jud'io masa ñna ñarorema ñacudibeticami Jesús yuja. To ñabecñe, yucú manojñ ñarimaca, Efra'in vāme cñti macajña yñare ñmato vacoacami Jesús.

⁵⁵ Pascua boserñmñ ñna yiroto mojoroaca rñyacoadicajñ ti. To bajiri, jñjarā masa vacama Jerusalénjñ, “ ‘Rojose mana ñaja mña yuja’ manire yñato Dios” yirā, paia ñna yirotirere yirā vana. ⁵⁶ Tojñre ejacõari, Jesúre macaboayujarā ñna. Ìre macaboana, Diore yirñcñbñoriavijñre ejacõari ado bajiro gāmerā sēññañujarā ñna, Jesús ï ejabetijare:

—¿Mñma no bajiro tñoñati mñ? ¿Boserñmñ vadibetimasucõagñ yiguída? —gāmerā yiyujarā ñna, Jesús ï ejabetijare.

⁵⁷ Fariseo masa, to yicõari, paia ñjarā quëne, “Jesúre mña ñabñajajama, yñare gotiba. Ìre ñnarñarā yaja yña”, yiyujarā ñna, masare.

12

Jesús gñborire sutiquënasene rñmio so yuejeore queti

(Mt 26.6-13; Mr 14.3-9)

¹ Cojomo cõro, coja jēnituarirñmñri Pascua boserñmñ ñaroti ti rñyarñtuato Betania vāme cñti macajñ vacajñ yña, Jesúrāca. Lázaro ï ñarimaca ñacajñ ti maca Betania. To ñacajñ Lázarore, bajirocaboar'irene Jesús ïre ï catiocato. ² Jesús ï ejaro ïacõari, ïre

rūcuborā ĩre bare quēnoecacama toana rōmiri. Lázaro bedeo, Marta ñacamo, yuare bare jeogo. Lázaro quēne ñacami, yua rāca bagu. ³ Yuare bañarone sutiquēnase nardo vāme cutisere āmiejacamo Lázaro bedeo ñatusago, Mar'ia vāme cutigo. Trescientos gramos cōro ñacaju ti. Jairo vaja cutise ñacaju. Tine Jesús guborire yuetucamo so. Yuetucōari so joa ñajone tire vejacarocamo so. Vi jūmūrone sutijūmūcoacaju ti.

⁴ Tone ñacami Judas Iscariote quēne. ĩ quēne yuare bajirone Jesús buegu ñacami. ĩ ñañumi Jesúre ĩaterāre ĩsirocarocu. Jesús guborire so yueturo ĩacōari, ado bajiro sore yicami:

⁵ —Tire sutiquēnasere ĩsicōari, trescientos ñaritiiri juaroco ñaboayumo so. Ti vaja juacōari, maioro bajirāre ĩnare mani ĩsijama, quēnaboyuja ti —sore yicami Judajūama.

⁶ Maioro bajirāre maibetiboarine to bajiro yicōacami ĩ. Juarudirimasu ñari to bajise yicami ĩ. ĩ ñarūgūcami yua gājoare juabosarimasu. To bajiro yica yigūne yua gājoare juarudicōarūgūñumi ĩ. ⁷ To bajiri Judas to bajise sore ĩ yijare, ado bajiro ĩre yicami Jesús:

—Tone yicōato. Yuare ĩna yujeroto rĳjoro yuejeo rĳjoro cutigo yamo so. ⁸ Maioro bajirā mūa rāca ñacōa ñarūgūruarāma, mūa ejarēmorona. Yūma, mūa rāca ñacōa ñabetirūcūja —ĩre yicami Jesús.

Lázarore ĩna sĳarūare queti

⁹ “Betania macaju ñaami Jesús” ĩna yisere ajicōari jud'io masa jājarā ejacama. Jesús sĳgūrene ĩre ĩarā ejarā me, bajicama ĩna. Lázarore, Jesús ĩ catior'ire ĩarā rācane vayuma ĩna. ¹⁰⁻¹¹ Lázarore quēne sĳarūayujarā ĩna paia ujarā, ĩre Jesús ĩ catiore suorine, jājarābusa Jesújuare ajitirūnu suyacōari, ĩnare ĩna cāmotadise ñajare.

“*Rotimūorūgōrūcūmi*” yigu, Dios ĩ cōagū ñaja yu” yĳogū, Jerusalénju Jesús ĩ ejare queti

(Mt 21.1-11; Mr 11.1-11; Lc 19.28-40)

¹²⁻¹³ Jerusalénju Pascua boserūmu ĩna yĳnarore ĩarā, jājarā masa ejayuma ĩna. To bajiri Mar'ia Jesúre so yuetucatirūmu beroagarūmu ñacaju tirūmūma. To bajiri tirūmūrene Jesús ĩ ejarotire ajicōari, jejejū ũni rujañoquerire jasurejuacōari Jesúre bocacama. ĩre bocarā, ado bajiro yivasā variquēnacama ĩna:

—ĳ“*Rotimūorūgōrūcūmi*” yigu, Dios ĩ cōar'i ñaami! ĳQuēnase ĩre yivariquēnato mani! ĳDiore rotibosagu quēnaro ĩ yigu ñaami! —Jesúre ĩre yivasā variquēnacama ĩna.

¹⁴ To bajiro ĩna yi vatone, burro vāme cutigure ĩre bujacōari, ĩre vajejacami Jesús, “To bajirone bajirūcūmi” Dios oca, masa ĩna yuicamasire ñajare. Ado bajiro yuicamasinūma ĩna:

¹⁵ “Mūa Jerusalén macana, gūibetirūarāja mūa. Mūa uju ñarocu burro vāme cutigu joeju jesacōari, vadirūcūmi”, yuicamasinūma.

¹⁶ Maji to bajiro ĩna yuicamasirere ajimasibeticaju yua, ĩ buerimasa. Jesús masare rijabosacōari Dios ĩ ñaroju ĩ tudimujato bero, “Dios ocare masa ĩna ucamasire, Jesús ĩ vaditotirene gotiyuja ti”, yimasicaju yua yuja.

¹⁷ Jēre ĩna yujerijure Lázarore Jesús ĩ catiocatire ĩacana, masa jedirorene gotibatocōañuma. ¹⁸ To bajiri, ĩaĳañamanire Jesús ĩ yĳocatire ajicōari Jesúre ĩarā ejacama jājarā masa. ¹⁹ To bajiro masa ĩna yisere ĩacōari fariseo masa ĩna masune gāmerā ñagōñujarā ĩna:

—ĩaĳa. Masa jediro ĩ ocare ĩre ajitirūnūama ĩna yuja. No yiriaro maja mani —gāmerā yiyujarā fariseo masa.

Griego masa Jesúre ĩna macare queti

²⁰ Pascua boserūmūre Jerusalénju Diore rūcuborā vana rāca sĳgūri vūacama griego masa. ²¹ Felipere sēniarā ejayujarā ĩna. Galilea sita Betsaida vāme cuti macagu ñacami Felipe. Jesús buegu ñacami ĩ quēne. Ado bajiro Felipere yiyujarā ĩna:

—Jesúrāca ñagōrūaja yua —Felipere ĩre yiyujarā ĩna.

²² To bajiro ĩna yisere ajicōari, Andrére ĩre gotigu vasuju Felipe. To bajiri ĩna juarā Jesúre gotirā ejacama, yua tūju. ²³ ĩna gotisere ajicōari, ado bajiro yicami Jesús, ĩnare:

—Ym ñaja Dios ĩ roticōacacm. Yure ĩna sĭarotirŭmm cōñaja ti. Yure ĩna sĭaro bero, “Rĕtoro quĕnagŭ ñaami”, yure yimasiruarāma masa. ²⁴ Ñamasusere riojo mŭare gotiaja ym: Ym rijabosabetijama, masa ñajediro, Diorāca quĕnaro ñabeticōari, ĩna bajirearo bero, rojose tāmŭotŭjabetiriaroju varuarāma. Trigo aje oteriarore bajirone bajiaja ti. Trigo ajea, sita ĕneroca tiare ĩna coacŭbetijama, judibetoja ti. Tiare ĩna coacŭjama, judicōari, jairo rica cŭtiruaroja ti. To bajirone bajiruaroja yure quĕne. Yure ĩna yujejare, ym sŭorine ĩna rijato bero quĕnaro catijedicōa ñarŭgŭruarāma jājarā yure ajitirŭnrōna. ²⁵ No bojarā, no ĩna bojarone ñare cŭtirāma adi macarucuro ñasere ĩavariquĕnacōari, Diore tŭoĭamenama, Dios ĩ catisere cŭomena ñaruarāma ĩna. To bajiboarine, yure ajitirŭnrā, “Ī oca ym gotise ñajare, yure ĩna sĭacōajama, quĕnacōaroja” yirāma, Dios ĩ catisere cŭorā ñaruarāma. ²⁶ No bojagm ym bojasere yirŭagm, quĕnaro yure ajitirŭnm sŭyaroti ñaja. To bajiro bajigŭma, ym rāca ñacōa ñarŭgŭrucm. To bajiro bajigŭrema quĕnaro ĩre rŭcŭbŭorucm ym jacm —ĩnare yicami Jesús.

“Masare rijabosarucŭja ym”, Jesús ĩ yire queti

²⁷ To bajiro yicōari, ado bajiro ñagōcamĭ Jesús quĕna:

—Buto tŭoĭasŭtiritiaja ym. ĩNo bajiro yigŭti ym? ĩ“ ‘Cacm rojose tāmŭoromi’ yigŭ, yure matabosaya”, yigŭti ym? To bajiro yibetirucŭja ym. Tire tāmŭorŭne vadicacm ñaja ym —yicami Jesús.

²⁸ To bajiro yicōa, Diojŭare sĕnicami yuja:

—Cacm, mŭ bojarore bajirone bajiato. Masa mŭre rŭcŭbŭorājaro —Diore ĩre yicami Jesús yuja.

To bajiro ĩ yirone, ō vecajm ocaruyucajm:

—Mŭ sŭori “Masa quĕnaro yure yirŭcŭbŭoato” yigŭ, yicoadicajm ym. To bajiri, yirucŭja ym quĕna, mŭ bajiro tire —yi ocaruyucajm ō vecajm.

²⁹ Tire ajirāne,

—Bŭjo ñaromi —yicajm ym sĭgŭri.

Gājerāma:

—Āngel ĩre ñagōgŭ yiromĭ —yicama ĩna.

³⁰ To bajiro masa ĩna yisere ajicōari, ado bajiro yicami Jesús:

—“Yure yiro me”, yi ocaruyujaja ti. Mŭare “Ājato” yiro, yaja. ³¹ Yucŭacane rojose yure yirāre ĩabesŭorucmĭ Dios. To bajiro ĩ yisŭorone masare ĩnare rojose yirotigŭre yirĕtorŭgŭrucŭja ym. To ym yirone, masare ĩ rotirŭgŭboasere rotimasibetirucmĭ ĩ yuja. ³² Yucŭtĕroju masa yure ĩna jajutuse sŭorine masa ñajediro ĕju ñarucŭja ym yuja. To bajiro ym bajise sŭorine, “Dios macm, ym ĕju ñarucŭja mŭ, mŭ masise rāca yure ejarĕmorocm”, yiruarāma jājarā adi macarucuroana.

³³ To bajiro ĩ yijama, “Ādo bajiro sĭaecorucŭja” yigŭ yicami. ³⁴ To bajiro ĩ yijare, ado bajiro ĩre cŭdicama masa:

—Dios ocare masa ucamasire ti gotijama, “ ‘Rotimŭorŭgōrucmĭ’ yigŭ, Dios ĩ cōarocm bajirocabetirucmĭ”, yigotiaja ti. To bajiro ti yigotiboajaquĕne, ĩno yigŭ, “ ‘Rotimŭorŭgōrucmĭ’ yigŭ, Dios ĩ cōagŭre yure jajuturuarāma ĩna”, yati mŭ? ĩÑimŭjma Dios ĩ roticōar'i masuma ñati? —Jesŭre ĩre yicama ĩna.

³⁵ To bajiro ĩna yijare, ado bajiro cŭdicami Jesús:

—Ym sŭorine riojo ñamasusere masiama masa, ĩna masirŭajama. Yoaro mene mŭare vaveogŭagm yaja ym. To bajiri yure quĕnaro ajitirŭnŭtusaya mŭa, “Ī yirore bajirone yirāsa mani” yirā. To bajise mŭa yijama, rojose tāmŭotŭjabetiriaroju vabetiruarāja mŭa. Diore masimenajŭama, rojose tāmŭotŭjabetiriaroju ĩna varotire masibeama. ³⁶ To bajiri, mŭa rāca ym ñarone yure ajitirŭnŭña, “Īre bajirone Diore masicoaruarāja mani” yirā —ĩnare yicami Jesús.

To bajiro masare ĩnare yigotigajanocōa, ĩna masibetojŭa vacōari, ĩnare yayicami Jesús.

Jud'io masa Jesŭre ĩna ajitirŭnŭbetire queti

³⁷ Jesús, jairo ĩaĩañamanire ĩnare ĩ yĩoboajaquēne, ĩre ajitirũnũbeticama masa.
³⁸ “To bajiro bajirũaroja ti” Isa'ias ñamasir'i, ĩ yimasire ñajare, bajicaju ti. Ado bajiro yuucamasiñumi:

“Yua uju, mure yua gotirẽtobosasere ajiboarine, to yicõari, mu yĩosere ĩboarine, mure ajitirũnũgũ maami”, yuucamasiñumi Isa'ias ñamasir'i.

³⁹ Dios ĩ cõarocure ajitirũnũbetironare yigu ado bajiro ucamasiñumi Isa'ias ñamasir'i quēna:

⁴⁰ “ĩre ĩna ajitirũnũbeti vaja ĩna masiboasere ĩnare masiriojeocõarucumi Dios. To bajiro ĩ yise ñajare, ĩre ajimasibetiruarãma. Riojo ĩna ajimasijama, rojose ĩna yirũgũsere tuoĩasutiriticõari, tuoĩavasoaborãma ĩna. Yure ĩna sēnijama, yure ĩna cãmotadicõa tũjaborotire ĩnare yirẽtobosabogũja yu, yigotiami Dios”, yuucamasiñumi Isa'ias ñamasir'i.

⁴¹ “Cristo rẽtoro ñamasugũ maami” Dios ĩ yĩosere ĩacõari, to bajiro yuucamasiñumi Isa'ias.

⁴² “To bajiro bajirũaroja” Isa'ias ĩ yuucamasire ñaboajaquēne jãjarã jud'io masa, to yicõari ĩna ujarã quēne sigũri Jesũre ĩre ajitirũnũcama ĩna. To bajirã ñaboarine, masa ĩna ajiro rĩjoroju, “Jesũre ajitirũnũrã ñaja”, yibeticama ĩna bajirãju, fariseo masa, “Jesũre ajitirũnũrãre sãjarotibetiruarãja mani, Dios ocare mani buerivijure” ĩna yire ñajare. To bajiri ĩnare gũirã, “Yure masiroma” yirã, tire gotibeticama ĩna. ⁴³ To bajiro yirã ñari, Dios ye rẽtobusaro masa yejuare rũcũbuorere bojacama ĩna.

“Yure ajitirũnũmenare rojose ĩna tãmuotũjabetiraroju ĩnare cõarucumi Dios”, Jesũs ĩ yire queti

⁴⁴ Ruyugoaro goticami Jesũs:

—Yure ajitirũnũrãma, yu sigũrene ajitirũnũrã me yama. Yu jacu yure cõacacure quēne ajitirũnũrã yama. ⁴⁵ Yure ĩarãma, yu jacure quēne ĩarã yama. ⁴⁶ Yu suorine Diore masiama masa. Adi macarucurojure vadicaju yu, “Yure ajitirũnũcõari, rojose yitũjato” yigu. ⁴⁷ Yu ocare ajiboarine yure ĩna ajitirũnũbetijama, yu me ñaja rojose tãmuotũjabetiraroju ĩnare cõarocuma. Adi macarucuroanare rojose yiguagu vadicacu me ñaja yuma. Yure ajitirũnũrãre ĩna ñaro cõrone rojose tãmuotũjabetiraroju ĩna vaborotire ĩnare yirẽtobosaguagu vadicaju yu. ⁴⁸ To bajiboarine, yure rũcũbubeticõari, yu ocare ajitirũnũmenama, ñatusarirũmu rojose tãmuotũjabetiraroju varuarãma ĩna. ⁴⁹ Yu masurione tuoĩacõari, tire gotigu me yaja yu. Yu jacu yure cõacacu ĩ gotirotise rĩne gotiaja yu. ⁵⁰ “Yu jacu ĩ rotisere ĩna ajitirũnũjama, ĩna rijato beroju, tudirijabeticõari, yu rãca quēnaro ñacõa ñarũgũrãrãma ĩna”, yimasiaja yu. To bajiri yu gotijama, yu jacu yure ĩ yirotiore bajirone gotiaja yu —masare yicami Jesũs.

13

ĩ buerimasare ĩna gũborire Jesũs ĩ coere queti

¹⁻³ Pascua boserũmu yua batasaroto rĩjoro, jẽre, “Yu jacu tũju adi macarucurore yu vaveoroto mojoroaca ruyaja yuja”, yimasicõacami Jesũs. Simõn macure, Judas Iscariotere, “Jesũs vajanare ĩnare ocasãrucuja yu, ĩre ñiato ĩna' yigu” yirere ĩre cõañumi ĩ, vãtia uju. Jẽre tire masicõañumi Jesũs. “Dios tũju vadicacu ñaja yu. To bajiri ĩ tũju quēna tudiarucuja yu. Rẽmoju, ‘No yiyamagũ ñaja mu. No mu bojasere yimasiaja mu’ yure yicoadicami Dios”, yimasicõacami Jesũs. Rẽmoju, adi macarucuroanare, ĩre ajitirũnũcanare, yure maicoadicami “Mure maimasucõaja yu” yigu, ado bajiro bajicami Jesũs adi macarucurojure ĩ ñatusacatirũmuri. Tire mure gotiguagu yaja yu.

⁴ Yua batusañarone, vũmũrũgũcõari, joeado ĩ sãñaritore veacami Jesũs. To yicõari, ĩ ruju gũdarecore toallare siatucami. ⁵ To yicõari, rujabajaju ocore jiocami. Jiojeo, yua gũborire coecami Jesũs. Coecõari, toalla rãca yua gũborire carocami.

⁶ Pedro gũborire ĩ coegũadone, ado bajiro ĩre boca yicami:

—¿Yu uju ñaboarine, yu gũborire coegũagu yati mu? —yicami Pedro.

⁷ To bajiro ĩ yijare, ado bajiro ĩre cudicami Jesũs:

—Yucucacarema mña guborire yu coesere tuoïamasibeaja mña maji. Bero tire ajimasiruarāja mña —yicami Jesús.

⁸ To bajiro ĩ yiboajaquēne:

—Yu guborire coebetirucuja mñ —Jesúre ĩre yicami Pedro.

To bajiro ĩ yirone,

—Mñ guborire yu coebetijama, yu rācagu me ñarucuja mñ —Pedrore ĩre yicami Jesús.

⁹ To bajiro ĩ yisere ajicōari, ado bajiro ĩre cudicami Pedro:

—To mñ yiro ũnoma yu gubori rīne coebesa. Yu āmorire quēne, yu rujoare quēne coeya —Jesúre ĩre yicami Pedro.

¹⁰ To bajiro ĩ yisere ajicōari, ado bajiro ĩre cudicami Jesús:

—Jēre guacōar'irema, jediro ĩ rujure coere maja. Gubori rīne coejama, quēnaja. Ueri manare bajiro bajirā ñaja mña. To bajiboajaquēne sīgũ ñaami mña rācagu ueri cutigure bajiro bajigu —yuare yicami Jesús.

¹¹ “Ī ñaami yure ĩsirocarocu” yimasicōari, “Mña jedirone ueri mana ñajedicōa bajibeaja mña”, yuare yicami Jesús.

¹² Yu guborire coegajanocōari, quēna ĩ veacūcatiasere sãñacami Jesús. To yigajano, quēna gāme ejarũjucōari ado bajiro yuare goticami Jesús:

—¿Mña guborire yu coesere ajimasiati mña? ¹³ “Yuare gotimasiogũ, yua uju”, yure yaja mña. Ī masune ñaja yu. To bajiro yure mña yijama, quēnaja. Riojone yaja mña. ¹⁴ Yu, mña uju, mñare gotimasiogũ ñaboarine, mña guborire yu coejare, mña masu quēne, mña gāmerā gubori coejama, quēnaja. ¹⁵ “Yu yirore bajirone yato ĩna” yigu, mñare yĩogũ yaja yu. ¹⁶ Ñamasusere riojo mñare gotiaja yu: Sīgũ moabosarimasu ñamasugũ me ñaami ĩ. Ī ujujuama ñamasugũ ñaami. Sīgũ gāji ĩ cōar'ĩ ĩ ñajama, ñamasugũ me ñaami. Ñamasugũjuama ĩre cōar'ĩ ñaami. To bajiri mña uju ñari, “Yu yirore bajirone mña masu quēne gāmerā ejarēmoña mña”, mñare yaja yu. ¹⁷ Yu gotisere ajicōari, quēnaro mña yijama, variquēnaruarāja mña.

¹⁸ Mña jedirorene yigu me yaja yu adirema. Yu besecanare, mñare quēnaro masi-aja yu. Yucucacane yu bajiroti Dios ĩ goticūcati ejaruaroja ti. Ado bajiro yigotiaja ti, Dios ocare masa ucamasire: “Yu rāca bagu ñaboarine yure ĩsirocarocu ñaami”, yigotiaja Dios oca. ¹⁹ Ti bajiroto rījoroaca mñare gotiaja yu. To bajiro ti bajiro ĩacōari, “‘Rotimurũgōrucumi’ yigu, Dios ĩ cōar'ĩ ñaami”, yure yiajiritirũnũarāja mña. ²⁰ Ñamasusere riojo mñare gotiaja yu: Yu cōarāre ajitirũnũarāma, yure quēne ajitirũnũarāma. No bojarā yure ajitirũnũarāma, yure cōacacure quēne ajitirũnũama —yuare yicami Jesús.

“Sīgũ mña rācagu yure ĩaterāre yure ĩsirocarucumi”, Jesús ĩ yire queti

(Mt 26.20-25; Mr 14.17-21; Lc 22.21-23)

²¹ To bajiro yigoticōari bero, bũto tuoïasutiriticami Jesús. To bajiri quēnaro riojo yuare goticami:

—Ñamasusere riojo mñare gotiaja yu. Sīgũ mña rācagu, yure ĩaterāre yure ĩsirocarucumi —yuare yicami Jesús.

²² To bajiro ĩ yisere ajicōari, yua ĩ buerimasa, yua masune gāmerā ĩacaju yua, “¿Ñimũjuare yati?” yirā ñari. ²³ Yure ĩ buegure bũto yure maicami Jesús. To bajiri yua batũsacatire ĩ tuaca barujucaju yu. ²⁴ “¿Ñimũjuare yati mñ?” ĩre yisēniĩato” yigu, yure sōjucami Pedro. ²⁵ To bajiro ĩ yiro ĩacōari, Jesús tũbusaca vũruacaju yu, ĩre sēniĩagũ:

—Yu uju, ¿ñimũju ñati mñre ĩaterāre ĩsirocarucuma? —ĩre yisēniĩacaju yu.

²⁶ To yu yirone, ado bajiro yure cudicami Jesús:

—Pan yosecōari, yu ĩsigũne ñarucumi yure ĩsirocarucuma —yicudicami Jesús.

To yicōa yuja, Simón macu Judas Iscariotere, ĩsicami ĩ yuja. ²⁷ Tire bocaāmicōari, ĩ barone ĩ usũjure vātia uju sãjacoa ruyucami Judare. To bajiro ĩ bajijare, ado bajiro ĩre yicami Jesús:

—Mñ yirua tuoïasere yidaya mñ —Judare ĩre yicami Jesús.

²⁸ Ī rāca baruujicana sīgūjuma to bajiro ĩ yisere ajimasibeticaju yua. ²⁹ Yua ye gājoare coderimasu ĩ ñajare, “‘Boserūmu ñaro mani baroti vaja yiaya’ ĩre yigu yigumi Jesús”, yituoĭaboacaju yua sīgūri. Gajeyerema, “‘Maioro bajirāre gājoa ĩsiaya’ yigu yigumi ĩ yijama”, yicōacaju yua.

³⁰ Bagajano, vacoacami Judas yuja. Jēre ñamiju ñacaju ti.

“Gāmerā ĩamaiña”, Jesús ĩ yire queti

³¹ Judas ĩ budiato bero, ado bajiro yuare yicami Jesús:

—Yucacane, “Quēnamasugū ñaami Dios ĩ roticōacacu”, yimasiroti ñaja. To bajiro yuare yirā ñari, “Quēnamasugū ñaami Dios quēne”, yimasiroti ñaja ti. ³² Diore masa ĩna rūsucbhojama, yuare quēne, “Īre rūsucbhojarāma”, yirucumi Dios. Yoaro mene to bajiro yiguagu yami Dios. ³³ Yu rīare bajiro bajirā ñaja mua. Mua rāca yoaro ñacōa ñabetirūgūrucija yu. Yuare macaboararāja mua. Cānu jud'io masa ujarāre yu gotimasirore bajirone muare quēne gotiaja yu. “Yu varotore vamasimenaja mua”, muare yaja yu. ³⁴ Yucune mame rotisere muare gotiaja yu: Ado bajiro bajiñama mua: Muare yu ĩamaiadicatorre bajirone mua quēne gāmerā ĩamaiña. ³⁵ Mua gāmerā ĩamairo ĩacōari, “Jesús buerimasa ñaama”, muare yīaruarāma ĩna, masa jediro —yuare yicami Jesús.

“Jesúre masibeaja yu’ yirucija mu”, Pedrorre Jesús ĩ yire queti

(Mt 26.31-35; Mr 14.27-31; Lc 22.31-34)

³⁶ To bajiro ĩ yisere ajicōari, Jesúre sēniīacami Pedro:

—Yu ujū, ĩnoju vacu yati mu? —Īre yicami Pedro.

To bajiro ĩ yijare,

—Yucacarema yu varotojūre vamasibecija mu ma maji. Ado beroju yuare suyarucija mu —Pedrorre ĩre yicami Jesús.

³⁷ To bajiro ĩ yirone,

—Yu ujū, ĩno bajijare yucacarema mu rāca suyamasibecuada yu? Mu sīaecoroti ñaboajaquēne, yujua sīaecorucija yu —Jesúre yicami Pedro.

³⁸ To bajiro ĩ yirone, ado bajiro ĩre cūdicami Jesús:

—ĩSocabetiboatime mu? Ñamasusere riojo mure gotiaja yu: Gājabocu ĩ ñagōroto rījoro idiaji, “Jesúre ĩre masibeaja yu”, yirucija mu —Pedrorre ĩre yicami Jesús.

14

“Yu suorine Dios tujure ejamasire ñaja”, Jesús ĩ yire queti

¹ To bajiro Pedrorre ĩre yigajanocōari ado bajiro yuare yigoticami Jesús quēna:

—Buto tuoĭarejaibeticōaña mua. Diore ĩre ajitirūnucōari, yuare quēne ajitirūnūña. ² Yu jacu ya vijure jairo mua ñarotijauri ñaja ti. To ti bajibetijama, muare gotibetiboguja yu. Toju mua ñarotire muare quēnoyugu varu bajiaja yu. ³ Toju mua ñarotijaurire quēnogajanocōari, quēna gāme vadirucija yu. “Tojūre yu ñaro yu rāca ñarājaro” yigu muare juagu ejarucija yu quēna. ⁴ Yu vaejarotore masiaja mua. To bajiri toju vaejaria maare masiaja mua —yuare yicami Jesús.

⁵ To bajise ĩ yiboajaquēne, ado bajiroju ĩre yicami Tomás:

—Yua ujū, mu varotore masibeaja yu. ĩNo bajiro yicōari, to varia maare masiruarāda yu? —Jesúre ĩre yicami.

⁶ To bajiro ĩ yirone ado bajiro ĩre yicūdicami Jesús:

—Yune ñaja varia maare bajiro bajiguma. Yu suorine Dios tujure ejare ñaja ti. Yu suorine riojo ñamasusere masire ñaja ti. “Īna rijato beroju tudirijabeticōato” yigu, Dios ĩ catisere masare ĩnare ĩsigū ñaja yu. To bajiri, yuare ajitirūnurā rīne yu jacu tujure ejaruarāma. ⁷ Yuare mua masijama, yu jacure quēne ĩre masiruarāja mua. Yuare ĩarā ñari, “Ī jacure masiaja yu”, yimasiruarāja mua —yuare yicami Jesús.

⁸ To bajiro ĩ yirone, ado bajiro ĩre yicami Felipejuma:

—Yua ujū, mu jacure yuare ĩoña mu. To mu yicōaroju, “Riojo gotiami yuare”, yimasiruarāja yu yuja —Jesúre ĩre yicami Felipe.

⁹ To bajiro Felipe ĩ yijare,

—Tirũmũjũne mũa rãca ñacõa sũoadicajũ yũ. ¿No yigũ to yũ bajiboajaquẽne yũre ĩamasibeati mũa maji? No bojagũ yũre ĩagũma, yũ jacũre ĩagũ ñaami. To bajiri, “Mũ jacũre yũare ĩoña”, yibeticõañã mũa. ¹⁰ “Yũ jacũ rãcane ñacõaja yũ. ĩ quẽne yũ rãca ñaami”, mũare yaja yũ. Tire ajicõari, ¿“Riojone gotiami”, yũre yibetimasucõati mũa, yũre ajitirũnrã? Mũare yũ gotirũgũserema yũ masune yũ tũoĩase mere mũare gotiaja yũ. Yũ jacũ, yũ rãcane ñacõarũgũgũ ĩ yise ñajare, jediro yicoadicajũ yũ. ¹¹ “Yũ jacũ rãcane ñaja yũ. ĩ quẽne yũ rãcane ñaami” yũ yisere yũre ajitirũnrã. Yũ gotisere ajicõaboarine yũre mũa ajitirũnrãbetijama, ĩañañamanire yũ yĩoadirũgũcatire tũoĩacõari, yũre ajitirũnrã mũa. ¹² Ñamasusere riojo mũare gotiaja yũ: No bojagũ “ ‘Rotimũorũgõrũcũmi’ yigũ, Dios ĩ cõar'i ñaami” yũre yiajitirũnrãgũma, yũ yirore bajirone yirũcũmi. Yũcũacane yũ jacũ tũ vagũagũ yaja yũ. Dios tũ yũ tudiajare, ĩañañamani yũ yĩocati rẽtobũsaro ĩañañamanire yĩorũarãja mũa quẽne. ¹³ Yũre ajitirũnrã ñari, gũimenane sãnirũgũma mũa. To bajiro mũa yijama, no mũa bojasere mũa sãniro cõrone mũare ĩsirũgũrũcũja yũ, “ ‘Quẽnamasugũ ñaami’ yũ jacũre yimasiato ĩna” yigũ. ¹⁴ Yũre ajitirũnrã ñari, gũimenane yũre mũa sãnijama, no mũa sãnirore bajirone mũare cũdirũcũja yũ —ĩ buerãre yũare yicami Jesús.

“Esp'iritu Santore cõarũcũmi Dios”, Jesús ĩ yire queti

¹⁵ To bajiro yigajanocõari, ado bajiro yũare goticami Jesús quẽna:

—Yũre mũa maimasucõajama, yũ rotisere cũdirũarãja mũa. ¹⁶ To bajiro mũa yijama, yũ jacũre ĩre sãnirũcũja yũ, “Yũre ñavasoarocũre ĩre cõato ĩ” yigũ. ĩ cõarocũ ñaami Esp'iritu Santo riojo gotigũ. Mũa rãca ñacõarũgũrũcũmi, mũare yirẽmogũ. ¹⁷ Diore ajimena Dios ĩ cõagũ Esp'iritu Santore masibeama ĩna. To bajiri ĩna usũrijũre ĩre sãjarotimasibeama. Mũa rãca ĩ ñajare, ĩre masirã ñaja mũama. Mũa usũrijũre ñacõarũgũrũcũmi.

¹⁸ Vagũagũ yaja yũ. Mũa rãca ñagũ vadirũcũja yũ quẽna. ¹⁹ Yũcũacane vagũagũ yaja yũ. To bajiri yũre ajimenama, yũre ĩabetirũarãma. Mũa rãca yũ ñarũgũrotire masirũarãja mũama. Yũ rijato bero quẽna gãme caticõarocũ yũ ñajare mũa quẽne, yũre ajitirũnrã, mũa rijato berojũ quẽna gãme caticõari ñacõarũgũrũarãja mũa quẽne. ²⁰ Yũ jacũ rãca ñacõaja yũ. Mũa rãca quẽne ñacõaja yũ. Mũajũna quẽne, “Yũ rãcane ñacõaja mũa” yũ yirore bajirone, yũ tudicaturũmũ, “Socũ mene yiyumi Jesús”, yimasirũarãja mũa yuja. ²¹ Yũ rotisere cũdigũma, yũre maigũ ñaami. Yũre maigũrene ĩre mairũcũmi yũ jacũ quẽne. Yũ quẽne ĩre mairũcũja yũ. ĩre maicõari, ĩ rãca ñagũ ejarũcũja yũ. To yũ bajiro yũre ĩabetiboarine ĩ rãcane yũ ñasere “Masiato” yigũ ĩre rotirũcũja yũ —yũare yicami Jesús.

²² To bajiro ĩ yisere ajicõari, Judas Iscariote me, gãji Judas vãme cũtigũ, ado bajiro ĩre sãnĩfacami:

—Yũna cũjũ, ¿no yigũ gãjerãre ĩnare yĩobecũne, yũna rĩrene yũare yĩorũcũada mũa? — Jesũre ĩre yisẽniĩfacami Judas.

²³ To bajiro ĩ yirone, ado bajiro cũdicami Jesús:

—No bojarã yũre mairã, yũ gotisere ajitirũnrãrũarãma. To bajiri yũ jacũ ĩnare mairũcũmi. To bajiri yũ quẽne, yũ jacũ quẽne, ĩna tũ ñarã vadirũarãja yũ. ²⁴ No bojagũ yũre maibecũma, yũ gotisere ajitirũnrãbecũmi. Mũare yũ gotisema yũ masune yũ tũoĩarujeose mere mũare gotiaja yũ. Yũ jacũ yũre cõacacũ ĩ gotirotisere gotiaja yũ.

²⁵ Maji mũa rãca ñagũ ñari, tire mũare gotiaja yũ. ²⁶ Yũre ñavasoarocũre, Esp'iritu Santore ĩre cõarũcũmi yũ jacũ. Ñajediro mũare yũ gotiadicatire, “Masiritiroma” yigũ, mũare ejarẽmogũcũmi —yũare yicami Jesús.

²⁷ Gajeye quẽna ado bajiro yũare goticami Jesús:

—Mũare vare gotigũagũ yaja yũ. Mũare yũ rijabosaroti ñajare, Diorãca quẽnaro ñarũarãja mũa. Yũre ajimenajũama, “Ado bajiro mani yijama, quẽnaro ñarũarãja mani” yiboarine, Diorãca quẽnaro ñamasibetirũarãma. To bajiri, tũoĩarejaibesa mũa. To bajicõari, gũibesa. ²⁸ “Vagũagũ yaja yũ. To bajiboarine mũa rãca ñagũ vadirũcũja yũ quẽna” yũ yisere ajibũ mũa. Socarã mene yũre mũa maijama, “Yũ jacũ tũjũre vagũagũ

yaja yu” yu yisere ajicōari, quēnaro variquēnaboriarāja maa. Ī ñaami yu rētoḅusaro ñagū. ²⁹ Yu bajiroto rījoro tire muare gotiaja yu. To bajiri to ti bajiro ĩacōari, ḅutobusa yuare ajitirūnūarāja maa.

³⁰ Gajeye jairo muare ñagōrēmobetirūcujaja yu. Diore ajimenare rojose yiroḅigu, vātia ũju, jēre vadicoagūmi. To bajiboarine, yuare rotimasigū me ñaami ĩma. ³¹ Yu jacu ĩ rotirore bajirone yaja yu. To bajiro yu yisere ĩacōari, “Ī jacure maigū masune ñacōaami”, yimasirūarāma masa —yuare yicami Jesús.

To bajiro yigajanocōari,

—Ita. Vajaro mani —yuare yicami Jesús yuja.

15

“*Ūyebu* ñamasuribure bajiro bajigu ñaja”, Jesús ĩ yire queti

¹ —Ūyebu ñamasuribure bajiro bajigu ñaja yu. Tibure ĩatirūnūgūre bajiro bajigu ñaami yu jacu. ² To bajiri tibū rūjuri ti rica manijama, jasurereacōarūcūmi. Ti rica cūtijama, quēnaro ĩatirūnūrūcūmi. “Jairobasa rica cūtiato” yigu, sīnirirūjūrema, tire bejareacōarūcūmi. ³ Rica cūti rūjūre bajiro bajirā ñaja maa, muare yu gotimasiosere ajitirūnūrā ñari. To bajiri yu jacu suorine jēre rojose mana ñacoadicaju maa. ⁴ Quēnaro yu rāca ñacōarūgūma maa. To bajiro maa bajijama, maa rācane ñacoarūgūrūcujaja yu. Ūyebu rūju tibūjūre ti tuyabetijama, rica manoja ti. To bajirone bajirūarāja maa. Yu rāca maa ñabetijama, quēnase yimasibetirūarāja maa yuja.

⁵ Yu ñaja ūyebure bajiro bajiguma. Tibū rūjūre bajiro bajirā ñaja maa. No bojarā yu rāca ñarāma, ĩna rāca yu ñajare, quēnase rīne yirūarāma ĩna. To bajiro ĩna bajijama, jairo rica cūtirāre bajiro bajirā ñarūarāma ĩna. Yu manijama, ĩna masurione Dios ĩ ĩavariquēnasere yimasibetirūarāma ĩna. ⁶ No bojagu yu rāca ñabecūrema ĩre rocacōarūcūmi yu jacu. Sīnirirūjūre āmicōari, jeameju ũarocagure bajiro ĩre yicōarūcūmi yu jacu.

⁷ Yu rācane ñacōari, muare yu gotimasiosere masiritibeticōari, maa bojasere yuare maa sēniro cōrone muare ĩsirūcujaja yu. ⁸ Quēnase rīne maa yirūgūserē ĩacōari, yu jacure quēnase ĩre yirūcūḅorūarāma masa. To bajiri, “Jesūre ĩre ajitirūnūrā ñaama”, muare yimasirūarāma ĩna. ⁹ Yu jacu yuare ĩ mairōre bajirone muare quēne maiaja yu. Yu mairā ñaja maa. To bajiri quēnase rīne yirūgūña maa, yu bojarore bajirone yirā. ¹⁰ Yu rotisere maa cūdirūgūjama, yu mairā ñarūgūrūarāja maa. To bajirone yaja yu quēne. Yu jacu yuare ĩ rotisere cūdirūgūajaja yu. To bajiri yuare mairūgūami yu jacu.

¹¹ “Yuare bajirone quēnaro variquēnaro ñato ĩna” yigu muare gotiaja yu. ¹² Ado bajiro muare rotiaja yu: Muare yu maiadicatore bajirone gāmerā maiña maa. ¹³ Sīgū ĩ babare maigū ñari, ĩ rijabosajama, tijua ñaja ñamasuse gāmerā maireayema. ¹⁴ Yu rotirore bajiro maa cūdijama, yu babarā ñarūarāja maa. ¹⁵ To bajiri, “Yuare moabosarimasa ñaja maa”, muare yibeaja yu yuja. Moabosarimasama ĩna ũju ĩ yisere masimenama ĩna. “Yu babarā ñaja maa”, muare yaja yu yuja. Jediro yu jacu yuare ĩ gotiadicatire muare gotimasiocoadicaju yu. To bajiri yu babarā ñaja maa. ¹⁶ Yuare besecana me ñaja muama. Ūju maa besecaju yu. “Quēnase rīne yato ĩna” yigu, muare besecaju yu. To bajiro maa yijama, gājerā muare ĩacōari, muare ajicōari yuare ajitirūnūarāma ĩna quēne. To bajiri Dios ĩ catisere suorūarāma ĩna quēne. To bajiri, quēnase maa yijama, yuare maa sēnirore bajirone muare ĩsirūcūmi yu jacu. ¹⁷ Ado bajiro muare rotiaja yu: Gāmerā ĩamaiña maa —yuare yicami Jesús.

“*Diore ajimena*, muare ĩatud'irūarāma”, Jesús ĩ yire queti

¹⁸ Quēna ado bajiro yuare gotimasiocami Jesús:

—Diore ajimena muare ĩna ĩatud'ijama, “Yuare rīrene ĩatud'irā me yirāma ĩna. Jesūre quēne ĩre ĩatud'icoadicama ĩna”, yitūoīamasirūarāja maa. ¹⁹ Diore ajimenama, ĩnare bajiro tūoīarāre maiama ĩna. To bajiri ĩnare bajiro maa tūoīajama, muare quēne maiboriarāma ĩna. Diore ajimena rāca maa ñarore muare besecaju yu, “Tūoīavasoacōari, yuare ajitirūnūrājaro” yigu. To bajiri muare ĩatud'iaama Diore ajimena yuja. ²⁰ Muare yu gotisere masiritibesa maa: “Moabosarimasuma, ñamasugū me ñaami. Ūju maa

ñamasugũ ñaami ñma” yigũ, mũare gotibũ yũ. Diore ajimenama, mũa ɸjũre, yũre rojose yisũyarũgũama. To bajiri mũare quẽne rojose yisũyarũarãma. To bajiboarine tũoĩava-soacõari, yũ gotimasiosere cũdirũgũama. To bajiri mũare quẽne mũare cũdirũarãma. ²¹ Yũre cõacacũre quẽne masibeama Diore ajimena. To bajiri yũre ajitirũnrã mũa ñajare, mũare quẽne rojose yisũyarũarãma ñna.

²² Masare gotimasioğũ yũ vadibetijama, “Rojose yirã ñaja mani. Dios ĩ rotiriarore bajirone cũdibeaja”, yimasibetiboriarãma, Diore ajimena. Ñnare yũ gotimasioro bero ñajare, “Rojose mana ñaja”, yimasibeama ñna yuja. ²³ No bojarã yũre ĩatud'irã, yũ jacũre quẽne ĩatud'irã yama ñna. ²⁴ Ñna ĩaro rĩjorojũma Dios ĩ masise rãca ĩaĩañamanire yũ yĩĩobetijama, “Yũare Dios ĩ masise rãca ĩaĩañamanire ĩ yĩĩobetijare, ‘Dios ĩ cõar'i, Cristo ñaami’ ĩre yimasibeaja yũ”, yiboriarãma ñna. Dios ĩ masise rãca ĩaĩañamanire yũ yĩĩoro ĩacana ñaama ñna. Tire ĩacana ñaboarine ñna ĩatirũnũbeti vaja rojose ñnare ñacõa ñaja. To bajiri, yũre ĩateama ñna. Yũ jacũre quẽne ĩre teama ñna. ²⁵ Dios ocare masa ñna ucamasire ti gotirore bajirone bajiaja ti yuja, yucũrirema. Ado bajise gotiaja ti: “Ñie manone yũre ĩateama ñna”, yigotiaja ti —yũare yicami Jesús.

²⁶ To bajiro yicõari, gajeyere quẽna ado bajiro yũare gotimasioçami Jesús:

—Dios ĩ cõagũ Esp'iritu Santore socabecũre mũare cõarũcũja yũ, yũ gotimasirũgũsere “Ajimasiato” yigũ, mũare ejarẽmorocũre. ²⁷ Yũ gotimasiosũorojũne yũ rãcane ñacoadicajũ mũa. To bajiri, yũ gotimasioçatire ajicana ñari, ĩaĩañamanire yũ yĩĩocatire ĩacana ñari, masare gotimasioçarãja mũa —yũare yicami Jesús.

16

¹ Quẽna ado bajiro yũare gotimasiorũtuacami Jesús:

—“Yũre ajiquejeroma” yigũ, adire mũare gotiaja yũ: ² Dios ocare mani buerũgũriviju mũa ñarore mũare bucõarũarãma ñna. To bajiro yicõari mũare sĩarãne, “Dios ĩ bojasere bajiro ãnoare ĩre sĩabosaja mani”, yitũoĩaboarũarãma ñna. ³ To bajiro ñna yijama, yũre quẽne, yũ jacũre quẽne masimena ñari, yirũarãma ñna. ⁴ “ “To bajiro masune bajirũaroja ti” yiquĩda ĩ Jesús' yitũoĩamasirãjaro ñna” yigũ, mũare gotiaja yũ.

Esp'iritu Santo ĩ ejarẽmorotire Jesús ĩ gotimasiore queti

Rẽmojũre mũare gotisũogũ, mũare gotibeticajũ yũ maji, “Ñna rãca ñarũcũja yũ maji” yigũ ñari. ⁵ Yũre cõacacũ tũjũ vagũagũ yaja yũ yuja. To yũ bajiboajaquẽne, “¿Nojũ vagũagũ yati mũ?” yũre yisẽniĩabeaja mũa. ⁶ Sẽniĩamenane, mũare yũ yigotiserene tũoĩasũtiritiaja mũa. ⁷ To bajiri, riojo mũare gotiaja yũ. Yũ vacoajama, mũare quẽnarũaroja. Yũ vabetijama, mũare ejarẽmorocũ, Esp'iritu Santo mũa rãca ñagũ vadibetibogũmi. Yũ vajama, ĩre cõarũcũja yũ. ⁸ Esp'iritu Santo ĩ vadijama, ĩ ejarẽmose rãca, “Riojo manire yiyumi Dios. Rojose yirã ñaja mani”, yimasirũarãma masa. ĩ ejarẽmose rãca quẽnase masune yirere masirũarãma ñna. Gajeye quẽne, ĩ ejarẽmose rãca ado bajiro tũoĩamasirũarãma masa: “Diore mani cũdibeti vaja rojose tãmũotũjabetiriaroju manire cõarũcũmi Dios”, yimasirũarãma. ⁹ Yũre ñna ajitirũnũbeti vaja rojose tãmũotũjabetiriaroju ñna varotire Esp'iritu Santo ĩ ejarẽmose rãca masirũarãma. ¹⁰ Yũ jacũ ĩ ñarojũre yũ varoti ti ñajare, yũre ĩabetirũarãja mũa. Yũ jacũ tũ ñacõari, yũ cõagũ Esp'iritu Santo ĩ ejarẽmose rãca, “Quẽnaro riojo yigũ ñañumi”, yimasirũarãja mũa. ¹¹ “Masare rojose yirofigũre vãtia ɸjũre rojoroju, rojose tãmũoato” yigũ, ĩre yũ cõarotire Esp'iritu Santo ĩ ejarẽmose rãca masirũarãja mũa.

¹² To bajiro yigajanocõari, ado bajiro yũare yigotimasioçami Jesús:

—Jairo mũare yũ gotiroti ñaboaja ti. To ti bajiboajaquẽne yucũne mũare yũ goti-jeocõajama, ajimasimenaja mũa maji. ¹³ Dios ĩ cõagũ Esp'iritu Santo mũa tũ ejacõari, ĩ ejarẽmose rãca riojo masu ajimasijeorũarãja mũa. ĩ sĩgũ ĩ ejarẽmose rĩne bajibetirũaroja. Yũ jacũ ĩ rotise rãca ejarẽmorũcũmi. To yicõari, “Ado bajiro bajirũaroja” ĩ yise rãca ajimasirũarãja. ¹⁴ To yicõari, mũa rãca yũ yĩĩarũgũcatire mũa ajimasirotire mũare ejarẽmorũcũmi Esp'iritu Santo, “ ‘Jesús, quẽnamasugũ ñaami’ ĩre yirũcũbũoato ñna” yigũ. ¹⁵ Ñajedirone yũ jacũ yũre ĩ rotirore bajirone mũare gotiaja yũ quẽne. To bajiri,

“M̄ua r̄aca ȳu yiadicatire m̄uare gotimasior̄uc̄ami Esp'iritu Santo”, m̄uare yib̄u ȳu — ȳuare yicami Jesús.

¹⁶ To yiḡune, quēna ado bajiro goticami Jesús:

—Yuc̄une ȳu jac̄u t̄uj̄u vaḡuaḡu yaja ȳu. To bajiri ȳure īabetir̄uar̄aja m̄ua. To bajiboarine quēna yoaro mene ȳure īac̄oar̄uar̄aja m̄ua —ī buer̄are ȳuare yicami Jesús.

“T̄uoīas̄utiritir̄ā ñaboarine, variquēnar̄uar̄aja m̄ua”, Jesús ī yire queti

¹⁷ To bajiro ī yisere ajic̄ōari, s̄īḡūr̄i ī buer̄ā, ado bajiro ḡāmer̄ā yisēniīac̄aj̄u ȳua:

—¿No yire ūn̄ire yiḡu yati ī? —ḡāmer̄ā yic̄aj̄u ȳua. —“Ȳu jac̄u t̄uj̄u vaḡuaḡu yaja ȳu. To bajiri ȳure īabetir̄uar̄aja m̄ua. To bajiboarine quēna yoato mene ȳure īac̄oar̄uar̄aja m̄ua”, manire yami —ḡāmer̄ā yic̄aj̄u ȳua. ¹⁸ —“Yoato mene ȳure īar̄uar̄aja” manire ī yijama, ¿no bajiro bajir̄u yati? “T̄ire yiḡu yami”, yiajimasibeaja mani —ḡāmer̄ā yic̄aj̄u ȳua.

¹⁹ To ȳua yiñarone, “Ȳure sēniīar̄uama īna”, yimasic̄ōac̄ami Jes̄újuama. To bajiri ado bajiro ȳuare yicami:

—“Yoaro mene ȳure īabetiroana yaja m̄ua. To bajiboarine quēna yoato mene ȳure īacoar̄uar̄aja m̄ua”, m̄uare yib̄u ȳu. To bajiro ȳu yiserene, ¿m̄ua masune ḡāmer̄ā sēniīati m̄ua? ²⁰ Riojo ñamasusere m̄uare gotiaja ȳu. T̄uoīas̄utiritir̄ā ñari, otir̄uar̄aja m̄ua. Diore ajimenama, variquēnar̄uar̄ama īna. M̄uama, t̄uoīas̄utiritir̄ā ñaboarine yoaro mene quēna variquēnac̄oar̄uar̄aja m̄ua. ²¹ Adire bajiro bajir̄uaroja ti: S̄īḡō r̄ōmio, mac̄u c̄utigoago, t̄uoīas̄utiritigomo so, “Josari t̄ām̄uor̄uocoja” yigo. So mac̄u c̄utiro beroj̄uma, tire t̄uoīas̄utiritibecone, variquēna masirioc̄ōaḡōmo so. ²² Tire bajirone m̄ua quēne yuc̄rema t̄uoīas̄utiritiaja m̄ua. To bajiboarine quēna m̄uare īaḡū vadir̄uc̄aja ȳu. Ȳure īac̄ōari, buto variquēnar̄uar̄aja m̄ua quēna. To bajiro m̄ua variquēnasere ḡāji, “Variquēnabetic̄ōañ̄a m̄ua”, yibetir̄uc̄ami.

²³ Tir̄ūm̄u ti ejarone yuja, ñiejuare ȳure sēniīabetir̄uar̄aja m̄ua yuja. J̄ere masic̄oar̄uar̄aja m̄ua. Riojo ñamasusere m̄uare gotiaja ȳu: “‘Rotim̄uor̄ūḡōr̄uc̄ami’ yiḡu, Dios ī c̄ōar̄'i ñaami” ȳure yiajiritir̄ūnr̄ā ñari, ȳu jac̄ure m̄ua sēnijama, m̄ua sēniro c̄ōrone m̄uare īsir̄uc̄ami. ²⁴ “Jes̄úre ajitir̄ūnr̄ā ñaja ȳua”, yisēnibetic̄aj̄u m̄ua maji, ȳu jac̄ure. Ado beroma yuja, “Jes̄úre ajitir̄ūnr̄ā ñaja ȳua”, yisēnir̄ūḡūñ̄a m̄ua. To bajiro m̄ua yijama, m̄uare īsir̄uc̄ami ȳu jac̄u, “Quēnaro variquēnato īna” yiḡu —ȳuare yicami Jesús.

“R̄ojose ȳure īna yiboajaquēne, rojosere yibetic̄ōari, Dios ī bojasejuare yicoadicāj̄u”, Jesús ī yire queti

²⁵ Gajeye quēna ado bajiro ȳuare yigoticami Jesús:

—M̄uare ȳu gotijama, gotimasiore r̄aca m̄uare goticoadicāj̄u ȳu maji. Bero m̄uare ȳu gotijama, gotimasiore r̄aca me m̄uare gotir̄uc̄aja ȳu. To bajiro ȳu jac̄u yere m̄uare ȳu gotijare, quēnaro ajimasir̄uar̄aja m̄ua. ²⁶ Ȳu jac̄u t̄uj̄u ȳu tudiejato berone, “Ȳuare sēnibosaya m̄u”, ȳure yibetir̄uar̄aja m̄ua. M̄ua masune, ȳu jac̄ure ḡüimenane, “Jes̄úre ajitir̄ūnr̄ā ñaja ȳua”, ĩre yisēnir̄ūḡūnr̄ā ñaja m̄ua. ²⁷ M̄uare maiami ȳu jac̄u, ȳure m̄ua maijare. “Dios ī c̄ōar̄'i ñaami” m̄ua yiajiritir̄ūnjare, m̄uare maiami ī. ²⁸ Ȳu jac̄u t̄u ñar̄'i, adi mac̄ar̄uc̄uor̄j̄ure vadicāj̄u ȳu. To bajiri adi mac̄ar̄uc̄uor̄anare vaveoc̄oar̄uc̄aja ȳu, quēna ȳu jac̄u t̄u tudiac̄u —ȳuare yicami Jesús, ī buer̄are.

²⁹ To bajiro ī yisere ajic̄ōari ĩre c̄udicāj̄u ȳua yuja:

—Yuc̄rema gotimasiore r̄aca me, m̄u gotisere quēnaro ajimasija ȳua yuja.

³⁰ “Ñajediro masiḡū ñaja m̄u”, yīamasiaja ȳua yuja. M̄ure ȳua sēniīaroto r̄ijorojuene j̄ere ȳua sēniīarotire masic̄ōaja m̄u. To bajiri, “Dios t̄u vadir̄'i ñaja m̄u”, m̄ure yiajiritir̄ūn̄aja ȳua yuja —Jes̄úre ĩre yic̄aj̄u ȳua.

³¹ To bajiro ȳua yijare, ado bajiro ȳuare c̄udicami Jesús:

—¿Socar̄ā mene, “Quēnaro m̄ure ajitir̄ūn̄aja ȳua”, ȳure yati m̄ua? ³² Riojo m̄uare gotiaja ȳu: Yuc̄une ȳure c̄āmotadijedicoar̄uar̄aja m̄ua. To bajiro m̄ua bajiboajaquēne, s̄īḡūne ñabetir̄uc̄aja ȳu. Ȳu r̄ācane ñac̄ōa ñar̄uc̄ami ȳu jac̄u. ³³ Ti jediro m̄uare gotiaja ȳu, “Ȳure ajitir̄ūn̄c̄ōari, quēnaro ñac̄oar̄uar̄aja m̄ua” yiḡu. Adi mac̄ar̄uc̄uor̄oana, Diore ajimena, rojose m̄uare īna yijare, rojose t̄ām̄uor̄uar̄aja m̄ua. To bajiboarine,

tuoiatīmama: Masa rojose yure ĩna yiboajaquēne, rojose yibeticōari, Dios ĩ bojasejũare yicoadicaju yũ. To bajiri, mũa quēne yure bajirone yimasirũarãja mũa —yũare yicami Jesús, ĩ buerãre.

17

Ī buerimasare Diore Jesús ĩ sēnibosare queti

¹ To bajiro yicōari bero, õ vecajũare ĩamũocōari, ado bajiro yicami Jesús:

—Cacũ, mũ tũju yũ tudiaroti mojoroaca ruyaja ti yuja. Masa, “Quēnamasugũ ñaami” yure ĩna yimasirotire yigu, ejarēmoña. To bajiro mũ yijama, yũ sũorine, “Quēnamasugũ ñaami”, mũre quēne yirũarãma ĩna. ² Mũ macũ ñaja yũ. “Masare ñajedirore rotimasiato ĩ” yigu yure cōacaju mũ. Mũ sũorine yure ajitirũnrã, “Īna rijato bero quēnaro catijedicōa ñarũgũrãjaro” yigu yure cōacaju mũ. ³ Ado bajiro bajiamã ĩna tudirijabetirere sũorãma: Dios ñamasugũre, mũre masiama. To yicōari, mũ roticōacacũre quēne yure masiama.

⁴ Adi macarũcũrojũ yũ ñaro, yũ sũorine quēnase mũre yirũcũbũocoadicama ĩna masa. Yure mũ yirotirũgũro cōrone jēre mũre yibosagajanoaja yũ. ⁵ Adi macarũcũro ti ruyuaroto rĩjorojũne mũre bajirone rũcũbũo ecogu ñacoadicaju yũ. To bajiri, mũ tũju yũ tudiejaro, quēna yure ĩna yirũcũbũorotire yigu, yure yirēmoña mũ.

⁶ Yũ buerimasa mũre ajimena rãca ĩna ñarore mũ besecana ñama. Īnare besecōari, yure ĩsicaju mũ. To bajiri yũ sũorine mũre masiama ĩna yuja. Mũ yarã ñacōari, mũ ocare cũdirã ñaama. ⁷ To bajiri jediro yũ gotimasiose, to yicōari, ĩaĩañamani yũ yĩosere ĩacōari, “Dios sũorine yami”, yimasiamã ĩna. ⁸ Mũ ocare yure mũ gotiroticatore bajirone ĩnare goticoadicaju yũ. Tire ajicōari, “Dios tũ vadir'i, Dios ĩ cōar'i ñaami”, yure yimasiamã ĩna yuja.

⁹ Mũre ĩnare sēnibosaja yũ. Mũre ajimenarema ĩnare mũre sēnibosabeaja yũ. Yure mũ ĩsicana ñajare, sēnibosaja yũ. ¹⁰ Yũ yarã ñarã ñari, mũ yarãne ñarã bajiamã. Īna sũorine yure quēnase yirũcũbũoama masa.

¹¹ Yũcũacane mũ rãca ñagũ vaguagu yaja yũ. To bajiri adi macarũcũrore vaveoacu yaja yũ yuja. Yure ajitirũnrãma, adi macarũcũrojũ tujacōarã yama ĩna. Cacũ, rojose yigu me ñaja mũ. Mũ masise, yure mũ ĩsicati rãcane ãnoare ĩnare ĩatirũnũña. Cojoro cōro tuoĩarã ñaja mani. Manire bajirone ĩna quēne “Sĩgũre bajirone tuoĩato ĩna” yigu, ĩnare ĩatirũnũña. ¹² Adi macarũcũrojũre ĩna rãca ñagũ yũ yimasirotire yure mũ ĩsicati ñajare, quēnaro ĩnare ĩatirũnũcōadicaju yũ. “Sĩgũ rojose tãmũotũjabetiriarojũ vatomi” yigu quēnaro ĩnare ĩatirũnũcōadicaju yũ. To bajiboarine sĩgũ ñaami rojose tãmũotũjabetiriarojũ varocu. “To bajiro bajirũaroja” mũ yicatire masa ĩna ucamasicati ti goticatore bajirone yigu bajirũcũmi ĩma.

¹³ Yũcũacane mũ tũ vaguagu yaja yũ yuja. Adi macarũcũrojũre ñagũ maji adire mũre sēniaja yũ, “Yure ajitirũnrã, yũ variquēnarore bajirone ĩna quēne quēnaro variquēnã-jedicōato ĩna” yigu. ¹⁴ ãnoa yũ buerã, yure mũ gotiroticature ajicōari tuoĩavasoacana ñaama ĩna. To bajiri mũre ajimena ĩna tuoĩare bajirone tuoĩabeama ĩna yuja. Yure bajirone tuoĩarã ñama. To bajiro bajirã ĩna ñajare, ĩnare ĩateama masa, mũre ajimena. ¹⁵ Yure ajitirũnrãre, “ ‘Mũre ajimena rãca vatoaju ñabeticōato ĩna’ yigu, ĩnare juacoasa mũ”, mũre yibeaja yũ. Ado bajirojũa mũre sēniaja yũ. Quēnaro ĩnare yirēmoña, “Vãtia mũre ĩre cũdiroma ĩna” yigu. ¹⁶ Mũre ajimena ĩna tuoĩarore bajirone tuoĩagũ me ñaja yũ. To bajiri, yure ajitirũnrã quēne, mũre ajimena ĩna tuoĩarore bajiro tuoĩarã me ñaama ĩna. ¹⁷ Riojo ñamasuse ñaja ti mũ oca. To bajiri yure ajitirũnrãre ĩnare yirēmoña mũ, mũ ocare “Quēnaro ajimasiato ĩna” yigu. Mũ ocare ajimasicōari, “Quēnase rĩne yirã ñato” yigu, ĩnare yirēmoña. ¹⁸ Mũre ajimena vatoajũre yure cōacaju mũ. Yũ quēne, to bajirone mũre ajimena vatoajũre yure ajitirũnrãre ĩnare cōaguagu yaja yũ. ¹⁹ “Yũ bajirotire mũ tuoĩacatore bajirone bajirũaroja ti”, mũre yaja yũ, “Yũ sũorine quēnase ĩnare ejarũaroja” yimasigũ ñari. To bajiro mũre yaja yũ, “Yure ĩacōari, ‘Dios ocare socabetire Jesús ĩ cũdirore bajirone cũdirãsa mani’ yato ĩna” yigu —yicami Jesús, Diore sēnigũ.

²⁰ Gajeye ado bajiro Diore sēnicami Jesús:

—Yū rāca ñacōari, yūre ajitirūnūrā rīrene ñnare sēnibosagū me yaja yū. Ānoa ñna gotimasiose ti ñajare, “Gājerā quēne, yūre ajitirūnūrārāma” yigū, ñnare quēne sēnibosaja yū. ²¹ “Yūre ajitirūnūrā ñajediro sīgūre bajiro ñato ñna” yigū, mūre sēniaja yū, to yicōari, “Mani rāca quēne ñacōa ñato ñna” yigū. Cacu, yū rāca ñaja mū. Yū quēne, mū rāca ñaja. To mani bajirore bajirone sīgūre bajiro ñna ñasere bojaja yū. To bajiro ñna bajiro ñacōari, “Socū mene Dios ī cōar'ī ñañumi Jesús”, yitūoīavasoarārāma masa. ²² “‘Diorāca ñaami’ masa yūre yirūcūbūoato” yigū, yūre ejarēmoadicajū mū. To bajirone yūre ajitirūnūrāre quēne, yūre mū ejarēmocatore bajirone ñnare ejarēmocūcūja yū, masa, ñnare ñacōari “‘Diorāca ñaama’ ñnare yirūcūbūoato” yigū. To bajiro ñnare yirūcūja yū, mani bajirore bajirone, “Sīgūre bajiro ñato ñna” yigū. ²³ ĩna rāca ñarūgūaja yū. Mū quēne, yū rāca ñarūgūaja mū. To bajiri sīgūre bajirone tūoīarārāma ñna. To bajiro ñna bajiro ñacōari, “Dios ī cōar'ine ñañumi Jesús”, yimasirūarāma masa. “Ī macūre ī maiore bajirone ñnare quēne maiami Dios”, yimasirūarāma masa.

²⁴ Cacu, yūre ajitirūnūrā yūre mū ĩsicana ñaama ñna. To bajiri yū rāca ñna ñarotire bojaja yū, mū rāca yū rotiñarore “Īarājaro ñna” yigū. To bajiri, mū rāca yū rotisere ñacōari, “Adī macarūcūro ti ruyaroto rījorojūne Jesūre maicoayumi Dios” ñna yimaserotire bojaja yū. ²⁵ Cacu rojose yigū me ñaja mū. Mūre ajimenama, mūre masibeama ñna. Yūma, mūre masiaja yū. Ānoa yū buerā quēne, “Dios ī cōar'ine ñaami”, yūre yimasiamā ñna. ²⁶ “Ado bajiro bajigū ñaami Dios”, ñnare yigotimasiocoadicajū yū, yūre ajitirūnūrāre. To bajirone ñnare gotimasiocōaja yū maji, yūre mū maiore bajirone “Gājerāre maiato ñna” yigū. To yicōari, “Īna rāca yū ñacōa ñarūgūrotire masiato ñna” yigū to bajiro yūre ajitirūnūrāre ñnare gotimasioaja yū —Diore ĩre yicami Jesús.

18

Jesúre ñna ñiare queti

(Mt 26.47-56; Mr 14.43-50; Lc 22.47-53)

¹ To bajiro Diore Jesús ī yisēniro bero, Cedrón vāme cūti cora gajejacatūajū vacajū yūa, ī rāca. To vanane, olivo vāme cūtisere oterivesejūre jiacajū yūa. ² Tocārācājine ti vesejūre rējacajū yūa. To bajiri Judas, Jesúre ĩaterāre ĩsirocacacu quēne, yūa rāca rējarūgūcacū ñari, tojūre quēnaro masicami. ³ To bajiri ti vesere masigū ñari, surarare, to yicōari, Diore yirūcūbūoriavi coderimasare ūmato ejacami Judas. Paia ūjarā, to yicōari, fariseo masa ñna cōariarā ñacama. Jariaserine besu cūocama ñna. Sīgūri sīabusuoriari, gājerā mūjorijāirire bajise sīare cūocama ñna. ⁴ Jēre, “To bajirone yūre yirūarāma” yigoticacu ñari, ñnare bocagūacami Jesús. ĩnare bocacōari ado bajiro ñnare sēniāacami:

—Īñimūre macati mūa? —ĩnare yicami Jesús.

⁵ To bajiro ī yirone,

—Jesús Nazaret macagūre macaja yūa —ĩre yicūdicama ñna.

To bajiro ñna yirone,

—Yūne ñaja —ĩnare yicūdicami ĩjūama.

Judas, Jesúre ĩaterāre gotiyiror'ī quēne ñna rāca ñacami. ⁶ “Yūne ñaja yū” Jesús ī yirone, jūdavējacoacama ñna. ⁷ To ñna bajirone, ñnare tudisēniāacami Jesús:

—Īñimūre macarā bajiatī mūa? —ĩnare yicami Jesús.

To bajiro ī yirone,

—Jesús Nazaret macagūre macaja yūa —yicama ñna.

⁸ To bajiro ñna yisere ajicōari:

—“Yūne ñaja yū”, jēre mūare yībū yū. Yūrene mūa macajama, yū rācanare ñnare varotiya maji —ĩnare yicami Jesús.

⁹ To bajiro ī yijama, “‘To bajirūaroja tī’ ī yigoticatore bajiro bajiato” yigū yicami. Ado bajise Diore ĩre yicami: “Cacu, yūre mū ĩsicanare quēnaro ñnare ĩatirūnūcoadicajū yū, ‘Sīgū bajiyayiro mī’ yigū”, yicami Jesús.

¹⁰ Jesúre ñna ñiaruaro ñacōari, ñ jariasere yoveacami Pedro. Tiasene paia ɥju ñamasugũre moabosarimasure, Malco vāme cutigure riojojacatuaga gãmorore ñre jatarocacōacami Pedro. ¹¹ To bajiro ñ yijare, ado bajiro Pedrose ñre yicami Jesús:

—Mɥ jariasere tudisuacōaña quēna. Rojose yɥ tãmuorotire yɥ jacɥ ñ bojacatire, “Tãmuoruabecɥmi”, ¿yɥre yiboatime mɥ? —Pedrose ñre yicami Jesús.

Anás ya vijɥ Jesúre ñna ñmiejare queti
(Mt 26.57-58; Mr 14.53-54; Lc 22.54)

¹² To bajiro ñ yirone surara, ñna ɥju rāca, Diore yirũcɥbuoriavi coderimasa quēne Jesúre ñiacama ñna. ñre ñiacōari, ñ ñmobearire siacama ñna. ¹³ To yicōari, Anás ya vijɥ ñre ñmicoacama ñna yuja. Caifás ũmañicɥ ñacami Anás. Ti cũmare paia ɥju ñamasugũ ñacami Caifás. ¹⁴ Caifás ññañuju: “Ñre mani sãabetijama, mani ñaro cōrone sãajeocōaruarāma ñna romano masa. To bajiri manire rijabosagũre bajirone bajiato ñ”, yigotir' ññañuju ñ.

“Jesúre masibeaja yɥ”, Pedro ñ yire queti
(Mt 26.69-70; Mr 14.66-68; Lc 22.55-57)

¹⁵ Pedro rāca, Jesúre ñna ñmivato sɥyacajɥ yɥ. Paia ɥju ñamasugũre quēnaro ñ masigũ ñacajɥ yɥ. To bajiri josari mene paia ɥju ya vi ta biberiasãniro rētosãjacoacajɥ. ¹⁶ Pedrojuama ta biberiasãniro sɥyarojuajune sãjabecɥne tujacoacami. To bajiri paia ɥju ñamasugũre masigũ ñari, ta biberiasãnirore coderimaso rāca ñagōgũ tudibudicoacajɥ yɥ. To yicōari Pedrose ñre jisōcayɥ yɥ. ¹⁷ To cōrone ta biberiasãnirore coderimaso, Pedrose ñre sēñiācamo so:

—¿Jesús buerimasa rācagɥ me ñati mɥ? —ñre yicamo so, Pedrose.

To so yirone,

—Ñ me ñaja yɥ —sore yicami Pedro.

¹⁸ Ti ɥsajare, paia ɥju ñamasugũre moabosarimasa, Diore yirũcɥbuoriavi coderimasa quēne jea riocōari, sũmañacama ñna. Pedro quēne ñna rāca sũmañacami.

Paia ɥju ñamasugũ, Jesúre ñ sēñiāre queti
(Mt 26.59-66; Mr 14.55-64; Lc 22.66-71)

¹⁹ Jesúre ñna ñmiejaro, ñacōari, paia ɥju ñamasugũ, ado bajiro ñre sēñiāñuju:

—¿Nocārācɥ ñati mɥ buerā? ¿Ñie ũnire ñnare gotimasiorũgũati mɥ? —ñre yisēñiāñuju ñ, Jesúre.

²⁰ To bajiro ñ yijare, ado bajiro cɥdiyuju Jesús:

—Masa ñaro rĩjorojuama gotisuoadicajɥ yɥ, Diore yirũcɥbuoriavijure, to yicōari, ñ ocare mani buerũgũrivirijure quēne. Disejuane yayioroaca yɥ gotimasiore maja. ²¹ ¿No yigɥ yɥjuare sēñiāti mɥ? Yɥre ajicanajure ñnare sēñiāñasaque. Yɥ gotirũgũcatire mure gotiruarāma ñna. Tire masirāma ñna —ñre yiyuju Jesús, paia ɥju ñamasugũre.

²² To bajiro Jesús ñ yisere ajicōari, sĩgũ, Diore yirũcɥbuoriavi coderimasa Jesús riogare jayuju. ñre jacōari,

—To bajiro mɥ yicɥdijama, paia ɥju ñamasugũre ñre rũcɥbuogɥ me yaja mɥ —Jesúre ñre yiyuju Diore yirũcɥbuoriavi coderimasa.

²³ To bajiro ñ yirone, ñre cɥdiyuju Jesús:

—Riojo me yɥ yijama, “Ado bajiro yaja mɥ”, yɥre yigotiya mɥ. Riojo yɥ yiboajaquēne, ¿no yigɥ yɥre jati mɥ? —ñre yiyuju Jesús.

²⁴ To bajiro ñre yisēñiācōari bero, ñre ñna siarere jojiorotibecɥne paia ɥju ñamasugũ Caifás vāme cutigɥ tujure Jesúre cōañuju Anás.

Quēna, “Jesúre masibeaja yɥ”, Pedro ñ yire queti
(Mt 26.71-75; Mr 14.69-72; Lc 22.58-62)

²⁵ To ñna yĩñaro ũnone jea sũmacōa ñacami Pedro. ñ rāca jea sũmañarā ado bajiro ñre yisēñiācamo ñna:

—¿Ñ buerimasa me ñati mɥ quēne? —ñre yisēñiācamo ñna.

To bajiro ñna yirone, —Bajibeaja. Ì me ñaja yu —yicami Pedro.

²⁶ To bajiro ñ yirone, sīgũ paia ɸjũre moabosarimasu Pedroro ñre sēniĩacami:

—Olivo vāme cūtisere oterivesejũ, ñ rāca mu ñaro, mũre ñamũ yu —ñre yicami. Ì ñacami Pedro ñ gāmoro jatacasu.

²⁷ To bajiro ñ yisēniĩasere ajicōari,

—Ì me ñaja yu —yicōacami quēna Pedro.

To bajiro ñ yirirĩmarone, gājabocu ñagōcōacami yuja.

Pilato tuju Jesúre ñna ãmiejare queti

(Mt 27.1-2, 11-14; Mr 15.1-5; Lc 23.1-5)

²⁸ Tijũ bero, Caifás ya vi ñariarã, Pilato ya vijũare Jesúre ñre ãmivacama. Jud'io masa ɸju ñaboarine, Roma vāme cūti macagu ñacami Pilato. To cōrone busumũjacoacaju yuja. Ì ya vire sājabeticama ñna jud'io masa, “Gājerã masa ya vi mani sājajama, Pascua bare bamasimenaja mani” yitũoĩarã ñari. ²⁹ To bajiri, Pilato ñna rāca ñagōru budiacami ñ yuja:

—¿Ñie rojose ñ yise sũori ñre ocasãti mu? —yicami Pilato, jud'io masare.

³⁰ To bajiro ñ yisēniĩarone, ado bajiro ñre cūdicama ñna:

—Rojose ñ yibetijama, mu tu ñre ãmiejobetiboriarãja yua —ñre yicama ñna.

³¹ To bajiro ñna yirone,

—Ñre ãmicoasa mu. Mu masune rojose ñ yisere ñacōĩajeocōari, rojose ñ yise vaja rojose ñre yiba mu yuja —ñnare yiboacami Pilato, jud'io masare.

To bajiro ñnare ñ yirone,

—Yua, jud'io masama, masare sīamasibeaja —Pilatore ñre yicama ñna.

³² “Yucūtēroju yũre jajutusĩacōaruarãma masa” Jesús ñ yicatore bajirone bajicaju ti.

³³ Quēna sājacōari, Jesúre ñre jiyuju Pilato. To yicōari, ado bajiro Jesúre ñre yisēniĩañuju:

—¿Jud'io masa ɸju masune ñati mu? —Jesúre ñre yiyuju Pilato.

³⁴ To bajiro ñ yirone,

—¿Mu masu tũoĩarine, to bajise yũre yisēniĩati mu? ¿Gājerã mũre ñna gotijare, to bajise yũre sēniĩatique mu? —ñre yiyuju Jesús, Pilatore.

³⁵ To bajiro ñ yijare,

—Jud'io masu me ñaja yu, tia. Mu yarãne, paia ɸjarã rāca, yu tu mũre ãmiejoama ñna. ¿Ñie ñni rojose yirori mu? —Jesúre ñre yiyuju Pilato.

³⁶ To bajiro ñ yisere ajicōari, ado bajiro ñre cūdiyuju Jesús:

—Masa ɸju mu yigũre bajiro bajigu me ñaja yu. To bajiro bajigu yu ñajama, yũre sũyarimasa yũre ñaterãre ñna rāca gāmerã quēaboriarãma ñna, “Yũre ñiaroma ñna” yirã. To bajiri, masa ɸju mu yigũre bajiro bajigu me ñaja yu. Yũre rotise adone ñabeaja —Pilatore ñre yiyuju Jesús.

³⁷ To bajiro ñ yirone,

—To yijama, ¿ɸju ñati mu? —yiyuju Pilato.

To bajiro ñ yirone ñre cūdiyuju Jesús:

—Mu yirore bajirone bajiaja yu. ɸjũne ñaja yu. Adi macarũcũrojũre vadicōari ruyuacaju, riojo ñamasusere gotiru. No bojarã yu gotisere ajivariquēnarãma, yũre ajitirũnrã ñaama —Pilatore ñre yiyuju Jesús.

³⁸ To bajiro ñ yirone,

—¿Ñie ñnire yigu yati mu, ñamasuse ñaja mu yiserema? —Jesúre ñre yiyuju Pilato.

“Jesúre sīaroti ñaja”, ñna yire queti

(Mt 27.15-31; Mr 15.6-20; Lc 23.13-25)

To bajiro Jesúre ñre yisēniĩa gajanocōari, budiejacami Pilato, jud'io masare gotiguagu quēna:

—Yu ñajama, ñie rojose yigu me ñaami. ³⁹ Tocãrãca cũmari Pascua mu yiro cōro, sīgũ tubibe ecor'ire mũare bubosarũgũaja yu. To bajiri, ¿mu jud'io masa ɸjũre yu bubosasere bojati mu? —ñnare yicami Pilato, jud'io masare.

⁴⁰ To bajiro ñnare ñ yijare, ado bajiro ñre avasãcūdicama ñna:

—¡Īrema bubesa m̄! ¡Barrabájum̄are ĩre bucōaña! —yivasācama ĩna, Pilatore.
Barrabájum̄ama, juarudirimas̄ n̄añuju.

19

¹ To bajiro ĩna yisere ajicōari, Jesúre ĩre bajerotiyuju Pilato yuja. ² Jesús r̄ujoa joere jotabedo suariabedo ĩre jeoyujarā surara. To yicōari, Ɂjarā ĩna s̄ñarito ũnore s̄uariv̄ujorore ĩre s̄ñujarā ĩna. ³ To bajiro ĩre yigajanocōa, ĩ t̄ub̄usa ejar̄ũḡcōari, ado bajiro ĩre yiyujarā ĩna:

—Jud'io masa Ɂj̄ure m̄ure quēnarotiaja ȳna yuja —yiajatud'iyujarā ĩna, Jesúre.
To yicōari ĩ riogare ĩre jayujarā ĩna.

⁴ To bajiro ĩna yiro bero quēna budiejacōari jud'io masare ado bajiro ĩnare yicami Pilato yuja:

—¡Īaña m̄! Ȳn̄ ĩajama, ñiej̄na rojose yiḡn̄ me ñaami. M̄na quēne ĩre ĩacōari, “Ȳure bajiro t̄uoĭato” yiḡn̄, ĩre buaja ȳn̄ —ĩnare yicami Pilato.

⁵ To bajiro ĩ yirone, jotabedo jesacōari, s̄uariv̄ujorore s̄ñacōari budiadicami Jesús. To cōrone yuja ado bajiro masare yicami Pilato:

—¡Īaña m̄! Āni ñaami ĩ yuja —ĩnare yicami Pilato.

⁶ To bajiro ĩ yirone, Jesús ĩ budiadore ĩacōari ado bajiro avasācama ĩna paia Ɂjarā, Diore yir̄ũc̄b̄uoriavi coderimasa quēne:

—¡Yuc̄t̄eroj̄n̄ ĩre jajutuya! ¡Īre jajutuya! —yivasācama ĩna.

To bajiro ĩna yirone,

—¡M̄na masune ĩre āmivacōari yuc̄t̄eroj̄n̄ ĩre jajutuaya m̄! Ȳuj̄na ȳn̄ ĩajama, ñiej̄na rojose yiḡn̄ me ñaami —ĩnare yicami Pilato, jud'io masare.

⁷ To bajiro ĩ yisere ajicōari, ado bajiro ĩre c̄udicama jud'io masa:

—Ȳna ñic̄na ĩna rotimasiriarore bajirone yirā “Rijacoajaro” yaja ȳna, “Dios mac̄n̄ ñaja ȳn̄” ĩ yise vaja —Pilatore ĩre yicama ĩna.

⁸ To bajiro ĩna yisere ajicōari b̄utobusa güiyuju Pilato. ⁹ To bajiri quēna vij̄n̄ ĩre jicōari ĩre s̄eniñañuju Pilato:

—¿Noaḡn̄ masu ñati m̄? ĩre yis̄eniñañuju Pilato.

To bajiro ĩ yis̄eniñaboajaquēne —ĩre c̄udibesuju Jesús.

¹⁰ To bajiri quēna ĩre tudis̄eniñañuju Pilato:

—¿Ȳure c̄udibeatime m̄? Ḡajer̄are m̄ure yuc̄t̄eroj̄n̄ ȳn̄ jajuturotir̄uajama, jajutu rotimasiaja ȳn̄. M̄ure ȳn̄ bur̄uajajuquēne bucōamasiaja ȳn̄. ¿Tire masibeatique m̄? —Jesúre ĩre yiyuju Pilato.

¹¹ To bajiro ĩ yirone,

—No bajiro yicōari rotimasibetiboḡnja m̄, Dios ĩ bojabetijama. Masare rotiroc̄ure m̄ure c̄ucami Dios. To bajiri m̄ t̄uj̄ure ȳure cōaḡure, m̄ r̄etoro rojose masu ñacōaja ti —Pilatore ĩre yiyuju Jesús.

¹² To bajiro ĩ yisere ajicōari, “¿No bajiro yicōari, Jesúre ĩre bucōaroti ñaboati ti?”, yit̄uoĭañuju Pilato yuja. To bajiro ĩ yit̄uoĭaboajaquēne, ado bajiro yivasācama jud'io masa:

—Īre m̄ bucōajama, Ɂj̄n̄ ñamasuḡñ̄ César v̄ame c̄utiḡn̄ r̄acaḡn̄ me ñar̄uc̄nja m̄. No bojaḡn̄ ĩre s̄enibec̄une, “Ūj̄n̄ ñar̄uc̄nja ȳn̄” yiḡn̄ma, César ĩ ĩateḡn̄ ñaami. To bajiri, ĩre m̄ bujama, quēnabeaja —Pilatore ĩre yivasācama ĩna.

¹³ To bajiro ĩna yisere ajicōari, Jesúre ĩre jiburoticami Pilato yuja. To yicōari, rotiḡn̄ ĩ rujirij̄ure ejar̄ũj̄coacami Pilato. Gabata v̄ame c̄uticaj̄n̄ hebreo ocarema. “Ḡūtane b̄uoriaj̄n̄” yire ũni ñacaj̄n̄ ti. ¹⁴ Pascua boser̄ũm̄ bare basuoriar̄ũm̄ r̄ijoroagar̄ũm̄, ñacaj̄n̄ ti. Ūm̄recaji ñaro ado bajiro ĩnare yicami Pilato, jud'io masare:

—Āni ñaami m̄na Ɂj̄n̄ —ĩnare yicami.

¹⁵ To bajiro ĩ yisere ajicōari, b̄uto avasācama ĩna quēna:

—¡S̄iacōaroti ñaja! ¡S̄iacōaroti ñaja! ¡Yuc̄t̄eroj̄n̄ ĩre jajutus̄arotiya m̄! —Pilatore ĩre yivasā c̄udicama ĩna.

To bajiro ìre ìna yise ñajare, ado bajiro ìnare yicami Pilato:

—¿No yigũ mũa ɸjũre jajutusĩarotigũada yũ? —ìnare yicami Pilato.

To bajiro ì yijare, ado bajiro ìre cũdicama paia ɸjarã:

—César sīgũne ñaami yũa ɸjũma. Ñimũjũa gãji maami —yicama ìna, Pilatore.

¹⁶ To bajiro ìna yisere ajicõari, “Yucũtẽrojũ ìre jajusĩato ìna” yigũ, Jesũre ìnare ìsicami Pilato. To bajiri Jesũre ìre ãmicoacama ìna yuja.

Yucũtẽrojũ Jesũre ìna jajusĩare queti

(Mt 27.32-44; Mr 15.21-32; Lc 23.26-43)

¹⁷ Ìre ìna ãmiato, yũa quẽne sũyacajũ yũa. Ìre ãmivacõari, yucũtẽrore ìre gajaroticama ìna. Hebreo ocama Gólgota vãme cũi burojũ ìre ãmivacama ìna. “Rũjoco Buro” yire ùni ñacajũ ti. ¹⁸ Tojũ ìre ãmiejacõari, Jesũre yucũtẽrojũ ìre jajutucama ìna. Ì tũ gãjerã jũarã ìnare jajutucama. Sīgũre ì riojojacatũa, gãjire ì gãcojacatũa ìnare jajutucama ìna. ¹⁹ Jesũs ì tuyaritẽrojũre ì rũjoa vecare ì vãmere ucaturotiyumi Pilato. Ado bajise yituyacajũ: “Jesũs Nazaret macagũ, jud'io masa ɸjũ” yucature ñacajũ ti. ²⁰ Jãjarã jud'io masa tire ìacama ìna. Maca tũacane ñacajũ ti, Jesũre ìna jajutucato. Ì rũjoa veca vãme tuyase griego oca, hebreo oca, lat'in oca quẽne ñacajũ ti. ²¹ To bajiri jud'io masa paia ɸjarã ado bajiro ìre yicama, Pilatore:

—“Jud'io masa ɸjũ ñaami” mũa yucarotiboare quẽnabeaja ti. “ ‘Jud'io masa ɸjũ ñaja yũ’ yiboami”, yucavasoarotiya mũa —Pilatore ìre yicama ìna.

²² To bajiro ìna yiboajaquẽne, ado bajiro ìnare cũdicami Pilato:

—Jẽre uca ecocoamũ. To bajiro ñacõato —ìnare yicami Pilato.

²³ Yucũtẽrojũ Jesũre jajutugajanocõari, ì sudi sãnaboarere juacama ìna surara. Babaricãracajũ vocõari, gãmerã batocama ìna. To bajiri, cojasene rũyacajũ ti, ìna ãmirotiase. Jesũs ì sãnarito joeado tiayamano ñacajũ ti. Riojone suamũjagajanoriaro ñacajũ ti. ²⁴ To bajiri ado bajiro gãmerã yicama surara:

—Tiasere vobeticõato mani. “Ñimũjũa tiasere ì ãmiũjaro ìarãsa mani” yirã, gũtariacane reacũĩacama ìna.

To bajiro ìna yijama, Dios ocare masa ìna ucamasire ti gotiriarore bajirone bajicajũ ti yuja, ado bajiro ti yimasire ñajare: “Yũ ye sudire gãmerã batorũarãma ìna. ‘Ñimũjũa tiasere ì ãmiũjaro ìarãsa mani’ yirũarãma ìna. To yirãne gũtariacane reacũĩarũarãma ìna”, yigotiaja Dios ocare masa ìna ucamasire. To bajiri, to bajirone yicama surara.

²⁵ Jesũs yucũtẽrojũ ì tuyaro tũjũ adocãrãcũ ñacajũ yũa: Ì jaco, to yicõari, so yo Cleofas manajo Mar'ia vãme cũiigo, gajeo Mar'ia Magdalena, ñacajũ yũa. ²⁶ Yũ Jesũs ì buecacũ, ì maigũ quẽne ñacajũ yũ. Ì jaco rãca yũ ñasere ìacõari ado bajiro yicami Jesũs:

—Caco, ì ñarũcũmi mũa macũre bajiro bajigũ —sore yicami Jesũs, yũjũare.

²⁷ To yicõari, yũjũare ado bajiro yicami:

—Mũa jacore bajiro bajigo ñarũocomo so —yũre yicami Jesũs.

To bajiro ì yise ñajare, yũ ya vijũ sore ùmato ñarũgũcujũ yũ yuja.

Jesũs ì usũtadire queti

(Mt 27.45-56; Mr 15.33-41; Lc 23.44-49)

²⁸ Jesũs, to bajise yũare ì yiro bero, “Dios ì bojadicatoro bajirone jẽre adi macarũcũrojũre yijeocõaja yũ yuja” yigũ ñari, Dios ocare masa ìna ucamasire, “Ti gotirore bajirone bajiato ti” yigũ,

—Bogoaja yũre —yicami Jesũs yuja.

²⁹ To ñacajũ ɸye oco jiase. Tire, sudiro bũrũane ñiabiãcõari, hisopo vãme cũiiricũ gajane siatucama ìna, tibũrũare. To yicõari, Jesũs rise tũjũre ñumũotucama ìna. ³⁰ ɸye oco jiase veroĩacõari ado bajiro yicami Jesũs:

—Dios ì roticõacatore bajirone jẽre yijeocõaja yũ yuja. To cõrone ñaja —yicami Jesũs.

To yigũne, murocayo, usũtadicõa tũjacami Jesũs yuja.

Surara, Jesũs varubũre ì sarejorare queti

³¹ Pascua boserūmu bare basuoriarūmu rījoroagarūmu ñacaju ti. Gajerūmu yua jud'io masa ususājariarūmu ñacaju. To bajiri yucútēroju rijariarā rujuri tuyasere bojabeticama ña. To bajiri Pilatore ñe sēniñujarā jud'io masa ujarā:

—Yucútēroju tuyarāre ña ñicugūri gōare jatūrerotiya mu, “Guaro rijacoajaro” yigu. To yicōari ña rujurire rujio rotiya —ñe yiyujarā ña, jud'io masa ujarā.

³² To bajiri Pilato ñ rotijare, ñ yarā surara vacōari, yucútēroju Jesús taju juarā tuyarāre ña ñicugūri gōare jatūrecama ña. ³³ Jesús taju ejarūgūcōari, “Jēre usutadicoasumi ñanima”, ñe yīacama ña. To bajiri ñ ñicugūri gōare jatūrebeticama ña.

³⁴ To bajiboarine Jesús varubure sīgū surara sarejoracami. Ñ sarejorarone, ri'i, oco rāca budicaju. ³⁵ Yū, tire gotigu, tire ñacacu masune ñacōaja yū. “Riojo gotiaja tire”, yimasiaja yū. Muare quēne, quēnabusaro “Jesús ñaami Dios macu mani uju, ñ masise rāca manire ejarēmogū” yimasiatō ña” yigu, riojo tire gotiaja yū. ³⁶ To bajiro ti bajijama, Dios ocare masa ña ucamasire ti gotirore bajirone jediro bajicaju ti. Ado bajiro gotiaja Dios oca: “Cojo gōaro ñe gōaro jajeabetiruarāma ña”, yigotiaja ti Dios oca. ³⁷ Gajeju Dios oca ti gotijama, ado bajiro gotiaja: “Sarejora ecor'ire ñaruarāma masa”, yigotiaja Dios oca.

Jesúre ña yujere queti

(Mt 27.57-61; Mr 15.42-47; Lc 23.50-56)

³⁸ To ña yiro bero, Arimatea vāme cuti macagu José, Jesús rujurire āmiru Pilatore sēniñuju ñ. Jesúre ñe ajitirūnacacu ñacami José. To bajiboarine gājerāre gotibaticami, jud'io masa ujarāre güigu. To bajiri, “Āmiña” Pilato ñ yijare, Jesús rujurire rujiogu vasuju José. ³⁹ Nicodemo ñamiju Jesúrāca ñagōgū ejar'i quēne ejayuju. Treinta y cuatro kilo cōro rūcuse sutiquēnasere juajayuju ñ. Mirra vāme cutise, áloe vāme cutise rāca vūore ñañuju ti sutise. ⁴⁰ To bajiri José, Nicodemo rāca, Jesús rujurire rujiocōari sudijāiri botiquēnarijāirine sutisere tucōari, ñe gūmañujarā ña. Yua jud'io masa, to bajiro yirūgūcaju yua, bajirearāre yujerā. ⁴¹ Jesúre yucútēroju ña jajutusīacato, ote vese taju ñacaju ti. Ti vesejūre masa yujeriavi gūtavi mame quēnorivijūre ñ rujurire cūñujarā. Gājerāre yujeñañamanivi ñañuju ti vi. ⁴² Ususājariarūmu, Pascua bare basuoriarūmu ti ejaroto mojoroaca ruyacaju ti. To bajiri ti vijū Jesús rujurire cūñujarā ña, sōju me ti ñajare.

20

Jesús ñ tudicature queti

(Mt 28.1-10; Mr 16.1-8; Lc 24.1-12)

¹ Gaje semana ña moasuoriarūmu busuriju jēju rētiabusarōjūne vasuju so Mar'ia Magdalena. Jesúre ña yujeriavi tu ejacōari, so ñajama, gūta tūnuobibeboaria mañuju.

² To ti bajiro ñacōari, ūmadi, yua taju ejacamo so. Pedro, yū, Jesús bato ñ maicacu, ñacaju yua. Yua taju ejaacōari, ado bajiro yuare goticamo so:

—Mani uju rujurire āmicoasuma ña. “Toju ñ rujurire cūriarāma ña”, yimasibeaja yū —yuare yicamo so.

³ To so yisere ajicōari, Pedro rāca ñarā vacoacaju yua. ⁴ Yua juarā, cojoro cōro ūmacaju yua. Pedro rētoabusaro ūmacaju yujua. To bajiri, yujua ñ rījoro ejacoacaju yū. ⁵ Mubiacōari, ti vire ñasōcaju yū. Ñe ña gūmaboare rīne ñacaju. Sājabeticaju yū, bajigujuma. ⁶ Yū beroju ejacami Pedrojuma. Ña ñe ña yujerivijū sājacoacami. Ñ quēne, Jesúre ña gūmaboare rīrene ñacami. ⁷ Jesús rujoare ña gūmariaro ricatiju ti jesaro ñacami. Ñe ña dūreariaboare gajeroju jesacaju ti. ⁸ To cōrone yū quēne ñ rījoro ejasucacu quēne sājacoacaju yū. Tire ñacōari, “Tudicaticoasumi Jesús”, yimasicaju yū yuja. ⁹ “Rijacoaboarine tudicaticoarusumi Jesús” Dios ocare masa ña ucamasire ti yigotisere ajimasibeticaju yua maji. ¹⁰ To bajicōa, yua ya vijū tudicoacaju yua yuja.

Mar'ia Magdalenare Jesús ñ ruyuañore queti

(Mr 16.9-11)

¹¹ Mar'ia Magdalenama, Jesúre ñna yujeriavi tujune oticōa tujasumo so. Otiñagōne, mubiacoari, ti vire ñasōcōañuju so. ¹² ñasōcōagōne, juarã ángel mesa, botiquēnase sãñacōari rujirãre ñañuju so. Sīgũ Jesús r̃joa ñariarojuare rujiyuju ĩ. Gãji, ĩ g̃bori ñariarojuare rujiyuju. ¹³ So otiñaro ñacōari, sore sēniñañujarã ñna, Mar'ia Magdalenare:

—¿No yigo otiami m̃? —sore yiyujarã ángel mesa.

To bajiro ñna yirone,

—Ỹm̃ ñj̃m̃ rujirire ãmicoasuma ñna. “Toj̃m̃ ĩ rujirire c̃ur̃iarãma ñna”, yimasibeaja ỹm̃ —yiyuju so.

¹⁴ To bajiro ñnare yigotigajanocōari, j̃dar̃ũg̃ũgōne Jesúre ñañuju so. Ñre ñaboarine, “Jesúne ñaami”, yimasibesuju so. ¹⁵ To cōrone ĩj̃na sore sēniñañuju ĩ:

—¿No yigo otiami m̃? ¿Ñim̃re macati m̃? —sore yiyuju Jesús.

“Adi vese coderimas̃ ñag̃ũmi”, yit̃uõacōañuju so. To bajiri ado bajiro ñre yiyuju so:

—Ñ rujirire m̃ ãmic̃ujama, “To c̃ũm̃ ỹm̃”, ỹre yigotiya. ãmigō var̃uo yaja ỹm̃ —ñre yiyuju so.

¹⁶ To so yirone, ado bajiro sore yiyuju Jesús yuja:

—Mar'ia —sore yiyuju.

To bajiro ĩ yirone hebreo ocane ado bajiro ñre yiyuju so:

—Rabuni —yiyuju so. “Gotimasiog̃ũ” yire ñni ñaja ti.

¹⁷ To so yirone, ado bajiro sore c̃udiyuju Jesús:

—Ỹre moaĩabesa maji. Ỹm̃ jac̃u t̃j̃m̃ m̃j̃abeaja ỹm̃ maji. Vasa. Ỹm̃ yar̃are ñnare gotiaya: “Dios mani jac̃u, mani r̃ũc̃ub̃uog̃ũ, ĩ ñaroj̃m̃ vac̃u yimi”, ñnare yigotiaya —sore yigotirotiyuju Jesús, Mar'ia Magdalenare.

¹⁸ To bajiro ĩ yirio, ỹre gotigo ejacamo so. “Mani ñj̃re ñam̃ ỹm̃”, ỹre yicamo so. To yicōari, Jesús ĩ gotiroticōariarore bajirone ỹre goticamo.

Ñ buerimasare Jesús ĩ ruyuañore queti

(Mt 28.16-20; Mr 16.14-18; Lc 24.36-49)

¹⁹ Moas̃uoriar̃ũm̃ r̃ãioati ñamire ỹna Jesús ĩ buecana vij̃re r̃ejacōari, ñacaj̃m̃ ỹna. Ỹna yar̃ã jud'io masare ñnare güirã ñari, sojere tubibecōari ñacaj̃m̃ ỹna. To bajiro ỹna bajiñaro ỹna vatoane ruyuar̃ũg̃ũcōacami Jesús:

—¿Ñati m̃na? Quēnaro ñaña m̃na —ỹre yicami Jesús.

²⁰ To yig̃ũne, ĩ ãmorire ñna jajucati, ĩ varub̃re ñna sarecatire ỹre ñocami Jesús. Ỹna ĩ buecana ỹna ñj̃re ñacōari, b̃to variquēnacaj̃m̃ ỹna yuja. ²¹ To bajiri quēna ado bajiro ỹre gotir̃ũtuacami Jesús:

—Quēnaro ñaña m̃na. Ỹm̃ jac̃u masa t̃j̃m̃ ỹre ĩ cōacatore bajirone ỹm̃ quēne m̃re cōaja ỹm̃ yuja —ỹre yicami Jesús.

²² To yig̃ũne, ỹre jutijeocami. Jutijeog̃ũne, ado bajiro yicami:

—Dios ĩ cōag̃ũre Esp'iritu Santore bocañmiña m̃na. ²³ Ñre bocañmicōari, g̃ãjerã rojose ñna yisere m̃na masiriojama, Dios quēne rojose ñna yisere masirior̃ũc̃ũmi. Rojose ñna yisere m̃na masiriobetijama, Dios quēne rojose ñna yisere masiriobetir̃ũc̃ũmi —ỹre yicami Jesús.

Jesús ĩ tudicatio Tomás ĩ ñare queti

²⁴ Ỹre Jesús ĩ ruyuañororema, Tomás ỹna r̃acag̃ũ cojoi ruyuar̃ãne, juarã ruyuar'i ỹna yicac̃u manicami maji. ²⁵ Jesús ĩ ruyuañoro bero Tomãre ñab̃j̃acōari, “Mani ñj̃re ñre ñam̃ ỹm̃”, ñre yiboacaj̃m̃ ỹna. To bajiro ñre ỹna yiboajaquēne ado bajiro ỹre boca c̃udicami Tomás:

—Ñ ãmorire ñre ñna jajucati gojerire ñacōari ỹm̃ t̃õmeĩabetijama, to yicōari ĩ varub̃re ñna sarecatij̃re ỹm̃ moaĩabetijama, “Ñne ñaami”, yimasibec̃uja ỹm̃ —ỹre boca yicami Tomás.

²⁶ Cojomo cōro idia j̃nituarir̃ũm̃ri bero quēna r̃ejacaj̃m̃ ỹna. Tir̃ũm̃ ỹna r̃ejarir̃ũm̃re Tomás quēne ñacami yuja. Soje turiaro ti ñaboajaquēne ỹna vatoane ruyuar̃ũg̃ũc̃ũmi Jesús quēna.

—¿Ñati mña? Quēnaro ñaña mña —yñare yicami Jesús.

²⁷ To yicōa, ado bajiro Tomáre ñre yicami:

—Yñ amorire ñacōari, mñ ãmo vãsoane yñre tōmeñaña mñ. Mñ ãmo vãsoane yñ varubure ñna saremasirijure tōmeñaña. “Í me ñagũmi”, yibeja yuja. “Íne ñaami”, yimasña mñ yuja —ñre yicami Jesús.

²⁸ To bajiro ñre ñ yirone,

—Yñ ñjñ, Dione ñaja mñ —Jesúre yicami Tomás.

²⁹ To bajiro ñ yirone, ado bajiro ñre cñdicami Jesús:

—Tomás, yñre ñagũ ñari, “Íne ñaja mñ”, yñre yaja mñ. Gãjerãma yñre ñabetiboarine mñ yirore bajirone yñre ñna yijama, quēnaro variquēnaruarãma ñna —Tomáre ñre yicami Jesús.

“*Masa, Jesúre ñre ajitirñnarãjaro*’ yigñ, adi quetire ucaja yñ”, Juan ñ yire

³⁰ Gajeye jairo ñañañamanire yñocami Jesús, yñare ñ buerãre. Ti ñaro cōrone ucajeobeaja yñ, adi queti ucagñ. ³¹ Yñ ucasema, “Mani rijato berojñ, rojose tãmuotujabetiriarojñ mani vaborotire manire yirētosacōari, ñ rotirore yigñ, Dios ñ cōar'i, to yicōari, ñ macñ ñagũmi Jesús” mña yitñōarotire yigñ, ucaja yñ. To bajiro Jesúre mña yitñōajama, mña rijato berojñ, “Tudirijabeticōato” yigñ, Dios ñ catisere ñsiecoruarãja mña quēne.

21

Í buerimasa, cojomo cōro jña jēnituarirãcñ ñarãre Jesús ñ ruyuañore queti

¹ Tijñ bero, quēna yñare ruyuañocami Jesús, ñ buecanare. Tiberias vãme cñtira tñsarojñ yñare ruyuañocami ñ. Ado bajiro bajicami: ² Adocãrãcñ ñacajñ yña, rējacana: Simón Pedro vãme cñtigñ, Tomás yña rãcagñ cojoji ruyuarãne, jñarã ruyuar'i yña yicacñ, Natanael, Galilea sitagñ Caná vãme cñti macagñ, yña Zebedeo rña, gãjerã jñarã Jesús ñ buecana ñacajñ yña. ³ To yña bajiñarone, ado bajiro yicami Pedro:

—Vai vayagñacñ yaja yñ —yicami.

To bajiro ñ yijare,

—Yña quēne mñ rãca vana yaja —ñre yicajñ yña.

To yí, ñ rãca vascacajñ yña. Va, cñmua vasãjacajñ yña. Ti ñamire vai vaya ñamicñtibocajñ yña. ⁴ Ti busumñjadone ñtabñcñra tñne yñare ruyuañocōacami Jesús. To ñ bajiboajaquēne, “Íne ñagũmi”, yimasibeticajñ yña. ⁵ Ado bajise yñare yicami:

—¿Vai sñabeati mña? —yñare yicami Jesús.

To bajiro ñ yijare,

—Vai vayaboaja yña. Sãjabeama —ñre yicajñ yña.

⁶ To yña yirone,

—¿Cñmua riojojacatñare bajñre rocaroaya mña! To bajiro mña yijama, vai sñaruarãja mña —yñare yicami Jesús.

To ñ yirore bajirone yicajñ yña. Jãjarã vai ñna sãjajare, no yí tñamñ sãtñmabeticajñ yña. ⁷ Tire ñaboacñ, yñ, Jesús ñ maicacñ ado bajiro ñre yicajñ yñ, Pedroe:

—Mani ñjñe ñaami —ñre yicajñ yñ.

Tire ajicōari, ñ sudiro veacñcatiasere guaro sãña, jatirocaroa, bacōa jãjacami ñ, Jesús ñ ñarojñare. ⁸ Cien metros cōro vijariarojñre jayacajñ yña. To bajiri jabua cñtojñre bajñre sãjacanare vaire vejajãjacajñ yña. ⁹ Jãjajea, majacōari, jeame ñjñime vecare vai jesarãre ñnare ñacajñ yña. To bajicōari, pan quēne jesacajñ ti. ¹⁰ Yña ejaro ñacōari ado bajiro yñare yicami Jesús:

—Gãjerã vai juadirēmoña yucñacane mña vayasñarãre —yñare yicami Jesús.

¹¹ To bajiro ñ yisere ajicōari, cñmujñre ejasãjacami Pedro. To yicōari, bajñre boejñ vejamocñcami, jacarã vai sãñaricñre. Ciento cincuenta y tres ñarirãcñ ñacama vai ñajediro. Jãjarã ñna ñaboajaquēne, surebeticajñ ti, bajñ. ¹² To ñ yiro bero, ado bajiro yñare yicami Jesús:

—Bayujiroaya —yñare yicami Jesús.

“¿Ñimũ ñati mũ?”, ìre yisēniīabeticajũ yũ, “Mani ɸjũne ñaami” yirã ñari. ¹³ To yicõa, yũ tũjũ ejarũgũ, panre yũare ìsibatocami. Vaire quēne, to bajirone yicami.

¹⁴ Idiaji yũare ruyuaĩocoacami, ì sĩaecocato bero tudicaticõari.

Simón Pedro rãca Jesús ì ñagõre queti

¹⁵ Yũ bayujigajanoro bero, Pedrorre ìre sēniīacami Jesús:

—¿Mũ rãcana yũre ìna mairo rētoro yũre maiati mũ Pedro, Jonás macũ? —ìre yisēniīacami Jesús.

To bajiro ì yirone,

—Yũ ɸjũ mũre maiaja yũ. Mũre yũ maisere masiaja mũ —Jesúre ìre yicami Pedro.

To bajiro ì yijare,

—¡Oveja rĩare ìna ecarũgũriarore bajirone yũ yarãre yũre gotimasiobosaba mũ! —ìre yicami Jesús.

¹⁶ Quēna tudisēniīacami Jesús, Pedrorre:

—¿Yũre maimasucõati mũ Pedro, Jonás macũ? —ìre yicami Jesús.

To bajiro ì yirone Pedrojuama:

—Yũ ɸjũ mũre maiaja yũ. Mũre yũ maisere masiaja mũ —Jesúre ìre yicami Pedro quēna.

To bajiro ì yijare,

—¡Ovejare coderiarore bajirone yũ yarãre yũre codebosaba mũ! —ìre yicami Jesús.

¹⁷ To yicõa, quēna ìre tudisēniīaquēnocami Jesús:

—¿Yũre maiati mũ Pedro, Jonás macũ? —ìre yicami Jesús.

Idiaji, “¿Yũre maiati mũ?” Jesús ì yisere ajicõari, sũtiriticoacami Pedro yuja. To bajiri ado bajiro Jesúre ìre yicami Pedro:

—Yũ ɸjũ, ñajediro masigũ ñaja mũ. Mũre yũ maisere masiaja mũ —Jesúre ìre yicami Pedro.

To bajiro ì yijare,

—Ovejare ìna ecarũgũrore bajirone yũ yarãre yũre gotimasiobosaba mũ. ¹⁸ Socũ mene mũre gotiaja yũ. Tirũmũjũ mamũ ñagũjũma sudi sãñacõari, no mũ bojarone vacudirũgũcajũ mũ maji. Bũcũ mũ ñatone mũ ãmorire siacõari, mũ varũabetojũre mũre ãmirũarãma ìna —Pedrorre ìre yicami Jesús.

¹⁹ To bajise Pedrorre ì yijama, ì sĩaecoroti vãmere gotimasioyũ yicami. To bajiro mũ yiecosere ìacõari, “Diore rũcũbũorũarãma masa” yigũ, to bajise goticami Jesús, Pedrorre. To yigajanogũne,

—Vayá yũ rãca. Yũre ajitirũnũ sũyaya —ìre yicami Jesús.

“Jesús ì maimasugũ ñacajũ yũ”, Juan ì yire queti

²⁰ Jũdati ìacõari ìnare yũ sũyaro yũre ìacami Pedro. Yũ ñacajũ Jesús ì buecacũ, bũto ì maicacũ. Yũne ñaja Jesús, Pascua boserũmũ yũare ì ùmato batũsacatirũmũ ì tũbũsaca ñacõari, “¿Ñimũ ñati, mũre ìaterãre ìsirocarocũma?” Jesúre yisēniīacacũ. ²¹ Yũre ìacõari, ado bajiro Jesúre ìre yisēniīacami Pedro:

—Yũ ɸjũ, ãnima, ¿no bajiro bajirijariquĩda? —Jesúre ìre yisēniīacami Pedro.

²² To bajiro ì yirone, ado bajiro ìre cũdicami Jesús:

—Quēna yũ tudivadirotoju ì catirotire yũ bojjajama, caticõa ñarũgũrũcũmi maji. No bajiro mũre yibeaja ti, mũ masibetijaquēne. Mũma yũre ajitirũnũ sũyaya mũ —Pedrorre ìre yicami Jesús.

²³ To bajiro ì yirone, yũjũarema, “‘Rijabetirũcũmi’ yigũ yigũmi” yirene masicõacama ìna. To bajiboarine Jesũjuama, “Rijabetirũcũmi”, yibeticami. Ado bajirojũa yicami ì: “Yũ tudiejarijũjũ ì catisere yũ bojjajama, caticõarũcũmi maji. Tire mũ masibetijama, no yibeaja mũre” yigũ yicami Jesús. Tire quēnaro ajimasibeticõari, “Rijabetirũcũmi Juan” yire queti gotibatoyuma ìna.

²⁴ Juan ñaja yũ, Jesús ì buecacũ. Yũne ñaja, adi paperare ucagũ. Yũ gotisere, “Riojo gotiaja ti”, yimasiaja mani.

²⁵ Gajeye jairo ñaja Jesús ã yĩocati. Jediro Jesús ã yirũgũcatire mani ucajeocõajama, adi macarũcarore tĩjabetiboroja paperatutiri.

To cõrone ñaja.

HECHOS de los Apóstoles

“Esp'iritu Santore m̄are cōaruc̄aja yu”, Jesús ī yire queti

¹⁻² ¿Teófilo, ñaboati m̄a? Tir̄um̄a m̄re papera cōas̄ocaj̄u yu. Ti papera r̄aca Jesús ī yis̄orere masare ī gotimasiorere m̄re ucacōacaj̄u yu. Ī bueriar̄a ȳre ña goticato cōro ucajeocōacaj̄u yu. Ī ruyuarere ucacōacaj̄u yu. To yicōari, ī s̄iaecorere, tudicaticōari ò vecaj̄u ī m̄jarere quēne ucacaj̄u yu. Ò vecaj̄u ī m̄jaroto r̄ijoro, ī bueriar̄e ñare gotimasioroticōaḡū, Esp'iritu Santo ī ejarēmose r̄aca, “Ado bajiro yiba m̄a” ñare ī yigoticūrere ucacaj̄u yu. ³ Ī rijato bero, tudicaticōari ī cōaronare coj̄oji me ñare ruyuañoñuju Jesús. To bajicōari, cuarenta ñarir̄um̄ari ña r̄aca ñaḡū, ñare ī ūmato yir̄uḡur̄arore bajiro ñare ūmato yicōa ñañuju, “Īne ñaami” ña yimas̄otire yiḡu. To bajiñaḡū, “Yu rijabosare s̄orine ȳre ajitir̄un̄r̄e ĩavariquēnaami Dios yuja”, ñare yigotimas̄oñuju.

⁴ Īna r̄aca ñaḡūj̄u, ado bajiro ñare gotiyuju Jesús maji:

—Adone ñacōama maji, Jerusalénne. Dios mani jac̄u ī gotirere bajirone ī cōaḡū Esp'iritu Santo ejarotire yuba m̄a. Tire m̄are yu goticatire ajicaj̄u m̄a. ⁵ Tir̄um̄j̄u oco r̄aca m̄are bautizacami Juan, “Dios ī bojabeti yir̄uabeaja” m̄a yit̄oñajare. To bajiri, yoaro mene Esp'iritu Santore m̄are cōaruc̄ami Dios, m̄a r̄aca ñaroc̄re, “Dios ī bojarore bajirone yimas̄iati” yiroc̄re —ñare yiyuju Jesús.

Jesús ò vecaj̄u ī m̄jare queti

⁶ To bajiri, Jesúr̄aca r̄ejar̄a ado bajiro s̄eniñañujar̄a ña:

—Tir̄um̄j̄u romano masa, mani Israel ñamasir'i jānerabatia ye sitare ēmacōari, moarotis̄oadimas̄iñuma ña. ¿Yuc̄rema, ñare bucōari, “‘Rotim̄or̄uḡōrc̄aja m̄’ yiḡu, Dios ī cōaḡū ñaja yu”, yigotigati m̄a? —Jes̄ure ĩre yiyujar̄a ña.

⁷ To bajiro ña yijare, ado bajiro ñare c̄diyuju Jesús:

—No bajiro yicōari, masimenaja m̄ama. Dios mani jac̄uma ī masise r̄aca ī yirotire, ī s̄iḡūne masiami. ⁸ To bajiboarine, Dios ī cōaḡū Esp'iritu Santo ī vado, ī masise m̄are ejar̄aroja ti. To bajiri, ḡajer̄a masa t̄j̄u vacōari ȳre gotibosar̄a var̄ar̄aja m̄a. Jerusalénj̄re, adi maca Judea sita jediro, Samaria sitaj̄u quēne, macar̄uc̄ro ñaro cōrone ȳre gotibatocudibosar̄ar̄aja m̄a —ñare yiyuju Jesús ī buer̄are.

⁹ To bajiro ñare gotigajanoḡūne, ĩre ña ĩañarone m̄jacoasuju Jesús. Buerigasero ejaç̄ne yayicoasuju. To bajiro ī bajiro bero ĩre tud̄iñabesujar̄a yuja. ¹⁰ Ī m̄javeoro bero to bajirone vecaj̄re ĩam̄ocōa ñañujar̄a ña maji. To ña bajirone ña vatoaj̄u juar̄a ángeles ruyuar̄uḡūcōañujar̄a ña. B̄uto botise sudi s̄añar̄a ñañujar̄a ña. ¹¹ To bajicōari, ado bajiro ñare gotiyujar̄a ña:

—M̄a Galileana, ¿ñiere yir̄a ūm̄agaseroj̄are ĩam̄ocōa ñati? Jesús, m̄a r̄aca ñar'i, ūm̄agaseroj̄u ī m̄jato m̄a ĩarore bajirone tudir̄ujadīr̄uc̄ami quēna —Jesús bueriar̄e yiyujar̄a ángeles.

Judare, Mat'ias ī ñavasoare queti

¹² To bajiri, Olivo v̄ame c̄ti buro ñañujar̄a ña, Jesús ī bueriar̄a, ī cōarona. To bajiri Jerusalénj̄u tudicoasujar̄a ña yuja. Ti buro t̄acane ñañuju ti, ti maca. ¹³ Ti macaj̄u ejaçōari, vij̄u vecaga s̄oj̄re ñañujar̄a ña. Ado bajise v̄ame c̄tiyujar̄a ña: Pedro, Juan, Santiago, Andrés, Felipe, Tomás, Bartolomé, Mateo, ḡaji Santiago Alfeo mac̄u ñañuju ĩ. Ḡaji Simón Celote ña yiḡu ñañuju. Ḡaji, Santiago mac̄u Judas ñañuju ĩ. Toc̄ar̄ac̄u ñañujar̄a ña. ¹⁴ S̄iḡūre bajirone t̄oñacōari, r̄ejar̄uḡūñujar̄a ña, Diore s̄enir̄a. Jesús beder̄a, ĩ jaco Mar'ia, ḡajer̄a r̄omia quēne ñañujar̄a ña.

¹⁵ Tir̄um̄ir̄e ña r̄aca r̄ejar̄uḡūñujar̄a ña, Jes̄ure ajitir̄un̄r̄a. Ciento veinte cōro ñariar̄ama ña. Īna vatoaj̄u v̄m̄ur̄uḡūcōari, ado bajiro ñare gotiyuju Pedro:

¹⁶ —Ajiya mua, yu yarã. Tirũmũ Esp'iritu Santo ï ejarẽmose rãca Judas ï bajirotire ucamasĩnju, mani ñicu David ñamasir'i, Jesũre ïre ñiacanare ũmato ejacacũre. ¹⁷ To bajiri Judas yua rãcagũ ñaboacami. ï ye moare quẽne ñaboacajũ ti. ¹⁸ Judas, ï masune rojose yicõari, rijacoasuju ï. ï rãjoajũane quediruji, tũasiarocayocõa tũjasuju. To baji, tuvagũa potogũne, ï gũdamisi budibatecoasuju ti. To ï bajiro bero, rojose ï yire vaja gãjoa ñarãre juacõari, ti sitare vaja yiyujarã ñna gãjerã. ¹⁹ To bajiri to ñna yijare, Jerusalén ñarã, Acældame vãme yiyujarã ñna, ti sitare. ñna ocarema ri'i vese yire ũni ñañuju ti. ²⁰ “To bajiro bajirũaroja” David ñamasir'i ï yimasire socase me ñañuja, ado bajiro ï ucamasirema:

“Masa mano ñato ï ya vi. To bajiro bajicõari ï ye moare ñaboarere, gãji moavasoato”, Diore yuicabosayuju David ñamasir'i, Judas ï bajirotire goti rĩjoro yigũ.

²¹⁻²² To bajiro David ñamasir'i ï yuicamasire ti ñajare, Judare ïre vasoagũ, Jesús ï rijato bero quẽna ï tudicatiro ñacacũre, Juan, Jesũre ï tuñĩabiaro ñacacũre, yua Jesús ï cõasũocana rãca vacudicacũre macato mani —yiyuju Pedro.

²³ To bajiro ï yiro bero, juarãre ũmũare beseyujarã ñna. “José vãme cutigũ quẽnagũmi” yicõari, “Gãji, Mat'ias vãme cutigũ quẽnagũmi”, yiyujarã ñna. Josere, Justo ïre yiyujarã gãjerã. Gaje vãmerema, Barsabás ïre yiyujarã. ²⁴ To bajiro yicõari, ado bajiro Jesũre ïre sēniñujarã ñna:

—Jesús yua mũ, mũ masiaja ñajediro masa ñna tũoĩasere. To bajiri ãnoare, “Nijũa ñati mũ besegũ” yũare ioña mũ. ²⁵ Judare vasoarocũ yua rãca moarocũre ioña yũare. Rojose yiru Judas yũare vaveocami. To bajiri yucũrirema rojose ï yicati vaja, rojose tãmũotũjabetiriaroju ñagũmi —yisēniñujarã ñna, Jesũre.

²⁶ To yigajano, José vãme ucatuyujarã ñna, gũtajũre. To yicõari, gajea gũtare Mat'ias vãme ucatuyujarã. “Tiarire reacũĩato mani, ¿ñimũjua ñati Dios ï besegũma?”, yiyujarã ñna. Gũtarire reacũĩacõari, “Mat'iane ñaami Dios ï besegũma”, yimasĩñujarã ñna. To bajiri, juaãmo cõro, coja gũbo jēnituarirãcũ ñañujarã maji. To bajiri, Mat'ias rãca ñarã, juaãmo cõro jua jēnituarirãcũ ñañujarã yuja.

2

Dios ï cõagũ Esp'iritu Santo ï ejare queti

¹ Pentecostés boserũmũre Jesũre ajitirũnrã rējañujarã ñna. ² To bajiro ñna bajiñarone, ñaro tũsarone busi ocaruyuyuju õ vecajũ. Bũto mino cutiejarore bajiro ejayuju, ñna ñarivijũre. ³ To bajicõari, jea mũjũsere bajise ruyuyuju. To bajicõari tocãrãcũrene ñnare quedireajeoyuju. ⁴ To bajiro ti bajirone, Dios ï cõagũ, Esp'iritu Santo ñnare ejayuju, tocãrãcũrene. Ejacõari, ñna ñagõmasirotire ñnare mũjoyuju. To bajiro ï yijare, tocãrãcũne ricatiri rĩne ñagõjedicoasujarã ñna, gãjerã masa yere.

⁵ Pentecostés boserũmũ ñaro, jud'io masa Jerusalén macajũre boserũmũ ñarã ejariarã ñañujarã, Diore rũcũbuorã. Jud'io masa ñaboarine, ricatiri rĩne ñagõrã ñañujarã, gaje macariana vadiriarã ñari. ⁶ To bajiri mino vatore bajiro ti bũsere ajicõari, jãjarã masa rējañujarã ñna, ti bũsirojũre. To ejacõari ñna ajijama, ricati oca ñagõrã ñaboarine, sīgũ rũyariaro mano ñna ocare ajiyujarã ñna. To bajiri, no bajiro yimasĩña mañuju ñnare. ⁷ No yimasibeticõari, ñna masune ado bajiro gãmerã yiyujarã ñna:

—¿Galileana me ñati, mũa ñajama? ⁸ Galileana, mũa ocare, yua ocare quẽne ñagõmasimena ñaboarine, ãnoajũama, ¿no bajiro yicõari, mani ocare ñagõmasiati ñna yuja? ⁹⁻¹⁰ Adocãrãca sitana vadiriarã ñaja mani: Partia, Media, Elam, Mesopotamia, Judea, Capadocia, Ponto, Asia, Frigia, Panfilia, Egipto, to yicõari, Cirene maca adojuana Africana quẽne, Roma macajũ vadiriarã sīgũri jud'io masa quẽne ñaama. ¹¹ To yicõari, gãjerã jud'io masare bajiro Diore rũcũbuorã Roma macajũ vadiriarã ñaama ñna quẽne. Creta, Arabia vadiriarã quẽne ñaama. To bajiro mani bajiboajajuẽne, Dios quẽnaro manire ï yĩnasere mani oca rãca manire gotiama, Galileana ñaboarine —gãmerã yiyujarã ñna.

¹² To bajiro yitũoĩarejaica yirã, no bajiro yimasibesujarã ñna. To bajiri ado bajiro gãmerã yicõa ñañujarã:

—¿Ñie ùnire yirã, to bajiro yati ñna? —gãmerã yisēniãñujarã ñna.

¹³ Gãjerãjuama:

—Mecurã yama, yiajatud'iyujarã ñna —Jesús buerimasa ñariarãre.

To rëjarãre Pedro ï gotimasiore queti

¹⁴ To bajiro ñna yiajatud'isere ajicõari, juaãmo cõro, coja jēnituarirãcũ ñarã rãca vūmūrūgūñuju Pedro. Vūmūrūgūcõari, bũto tutuase rãca ado bajiro gotiyuju Pedro, to rëjarã ñna ajijediro:

—Quēnaro ajiya yũ yarã, yũ gotisere, Jerusalén ñarã quēne. ¹⁵ “Mecurã yaja mũa”, yũare yirãja mũa. Mecurã me yaja yũa. Busurijũaca ñaja maji. Masa mecũriajũ ejabeaja maji. ¹⁶ Ado bajirojũa bajiaja: Yũare mũa ñase, “To bajiro bajirũaroja”, yiyuju Diore gotirētosamasir'i, Joel. Ado bajiro yiucamasiñuju:

¹⁷ “Adi macarũcũro ñatusarirũmũre Esp'iritu Santore ñre cõarũcũja yũ, jediro masare. To bajiri, ï suorine mũa rĩa, Diore gotirētosarũarãma ñna. Mamarãma, yũ yĩosere ñamasirũarãma ñna. Bũcurãma, yũ cõasere cãjiriarũarãma.

¹⁸ Tirũmũre Esp'iritu Santore cõarũcũja yũ, yũre ajitirũnũrãre. Ūmũare, rõmiare quēne ñre cõarũcũja yũ. To bajiri yũ ocare gotimasioreũarãma ñna.

¹⁹ To bajiri õ vecajũ ñaĩañamanire mũare yĩogũ, adigodo quēne ñaĩañamanire yĩorũcũja yũ. Ri'i ñarũaroja ti. To bajicõari, jea ũjũse, bueri buemũjarũaroja ti.

²⁰ Ūmũagu muiju quēne rētiacoarũcũmi. Ñamiagu muiju quēne ri'ire bajirone sũagũ ñacoarũcũmi. Ti jediatone, Dios rojose yirãre ñabeserirũmũ ejaro bajirũaroja. Ñamasurirũmũ ñarũaroja, Jesús to bajiro ï yĩorirũmũ. Gajerũmũ tire bajiro bajibetirũaroja yuja. Gũiorirũmũ ñaro yirũaroja yuja.

²¹ To bajiboajaquēne no bojarã, ‘Yũ ũjũ, rojose yigũ ñaja yũ. Rojose yũ yisere masirioya mũ’ yirãre rojose ñna yise vaja rojose tãmũotũjabetiriaroju ñna vaborotire ñnare yirētosarũcũja yũ, yami Dios”, yiucamasiñuju Joel —yiyuju Pedro.

²² To yicõa, quēna tudigotiyuju Pedro:

—Dios ï beserimasa ajiya mũa. Nazaret macagu Jesús ñaĩañamanire Dios ï masise rãca mũare yĩõñumi. To bajiri, “Dios ï rotirore bajiro yiyumi Jesús”, yimasiaja mũa, tire ñacana ñari. ²³ To bajiro yimasirã ñaboarine, Jesúre ñaterãre ocasãñuja mũa. To yicõari, yucũtēroju ñnare jajurotiyuja mũa, ñre. Tire mũa yiroto rĩjorojũne masicõañuju Dios. “To bajiro rojose ñre ñna yiboajaquēne, quēnasejũare yirũcũja yũ” yigũ, ñre cõañuju Dios, Jesúre. To bajiri mũare matabesumi, “Jesúre ñre sãto ñna” yirã, ñre ñaterãre mũa ñsiboajaquēne. ²⁴ To bajiro Jesúre mũa yiboajaquēne, Diojũama, Jesús ï sãacoro bero, quēna ñre catiocõañumi. To bajiri rijayayicõa tũjabesumi Jesús, no yiyamagũ ñari. ²⁵ To bajiri tirũmũju mani ñicũ David ñamasir'i, Jesús ï bajiro tire yigũ, ado bajiro ucamasiñumi ñ:

“Casũ, yũ rãcane ñaja mũa. Yũre mũa ejarẽmose ti ñajare, ñiere gũibeaja yũ.

²⁶ Tire yũ tũoñajama, yũre quēnamasucõaja. To bajiri bũto variquēnagũ quēnase mũre ñagõaja yũ. To bajiri, ‘Yũ ruju ti yayiboajaquēne, quēna tudicaticoarũcũja yũ’ yitũoĩa tutuaja yũ.

²⁷ Casũ, masiaja yũ, ñna yujerojũne ñacõa ñabetirũcũja yũ. Mũ macũ ñaja yũ. Mũre rũcũbũoaja yũ. To bajiri yũ ruju boarocabetirũaroja ti.

²⁸ To bajiri quēna yũre catiorũcũja mũa. To cõrone bũto variquēnarũcũja yũ, mũa rãca ñagũ ñari”, yiucamasiñumi David, Jesús ï yiro tirene yigũ.

²⁹ Ñ tũoñase mere yimasiñuju ñ. Ñ rijato, adone ñre yujerocamasiñujarã, ñrema. “Ado ñaja ñre yujeriaro”, yimasiaja mani. ³⁰ To bajiro bajiro tire goti rĩjoro cãtirimasũ ñamasiniñuju David. “Beroju ‘Rotimũorũgõrũcũmi’ yigũ, Dios ï cõagũ, yũ jãnami ñarũcũmi. Yũre bajiro ũju ñarũcũmi”, yimasiñuju David, Diore gotirētosagũ. ³¹ To bajiro ti bajiro tire masigũ ñari, “Rotimũorũgõrũcũmi” yigũ, Dios ï cõarocũ Cristo rijacoabarine, ñ tudicatirotire ucamasiñuju. “Ñna yujerojũne ñacõa ñabetirũcũmi Cristo. To bajicõari, ñ ruju quēne, boabetirũaroja. To bajigũ ñari, tudicaticoarũcũmi quēna”, yiucamasiñuju. ³² Jesús ñ rijato bero, ñre tudĩacajũ yũa. To bajiri, “Dios ñre catioyumi”, yimasiaja yũa. ³³ Jesúre,

ō vecajū ñacōari, ñre jiyuju Dios. To bajiri rūcubūoriajūre Dios ñ rujiro riojojacatuajūare rujigūmi. Tojūre Dios ñ gotiriarore bajirone, “Esp'iritu Santore rotiya mū”, Jesúre ñre yiyuju. To bajiri Jesújūa yūare cōañumi, Esp'iritu Santore. Jējū mūa ñase, mūa ajise quēne, Esp'iritu Santo ñ ejajare, bajibū ti. Tine ñaja ti, Dios ñ cōagū Esp'iritu Santo ñ ejase.

³⁴ Quēna David ñamasir'i ñ bajimasirere gotiaja yū. David ñ masu ñ bajirotire yigū me, ucamasinūju. Ñ rujū, Dios ñ ñarojūre mūjabetiriaroja. To bajiboarine Jesús ñ mūjarotire yigūne, ado bajiro yucamasinūju David:

“Yū riojojacatūa rujiya maji.

³⁵ Mūre ñaterāre, “Rojose yitūjaya” ñnare yū yiro bero, rojose yimasibetirūarāma yuja. To cōrone rotisūorūcūja mū' yirūcūmi Dios, yū ũjūre”, yucamasinūmi David.

³⁶ To bajiri, “Israel ñamasir'i jānerabatiare, ‘Socase me ñaja' yimasirājaro” yigū, mūare gotiaja yū. Jesúre, yucūtērojūre mūa sīar'irene, mani ũjū ñamūorūgōrocūre cōañuju Dios —yiyuju Pedro, masare.

³⁷ To bajiro ñ yisere ajicōari tūoīarejai sūtiritiyujarā ñna. To bajiri, Pedro rācanare sēniñañujarā:

—¿Yūa yarā, no yirāti yūa? —yiyujarā ñna.

³⁸ To bajiro ñna yirone, cūdiyuju Pedro:

—Rojose mūa yisere sūtiriticōari tūoīavasoaya. To yicōari, oco rāca bautizarotiya mūa, “Yūare rijabosar'i ñaami' Jesúre ñre yitūoīarā ñaja yūa” yirā. To bajiro mūa yijama, rojose mūa yisere masiriocōari, Esp'iritu Santore mūare cōarūcūmi Dios. ³⁹ Esp'iritu Santore mūare cōarūcūmi, mūa rīare quēne, mūa jānerabatiare quēne, sōjūanare quēne. “Yū rīa ñarūarāja mūa” ñ yirere cūdirā ñajedirore ñre cōarūcūmi Dios —yiyuju Pedro.

⁴⁰ Ti rīne gotigū me yiyuju Pedro. Jairo ñnare gotimasioñuju. To yigūne ado bajiro gotiyuju:

—Masa adirūmūana rojose yirā rāca ñabesa mūa. Cāmotadicoasa mūa, “Rojose tāmūotūjabetiriarojū ñna rāca vatobe” yirā —yiyuju Pedro.

⁴¹ To bajiro ñ yigotisere quēnaro ajiyujarā ñna. To bajiri tres mil cōro ñnarā, ñarēmoñujarā ñna, Jesúre ajitirūnūrā. To bajiri, ñnare bautizarotiyujarā ñna, “Rojose yirūabeaja. Dios yarā ñaja yūa yuja” yirā. ⁴² To bajiri Jesús ñ gotiroticōasūoriarā rāca rējañujarā ñna. Tocārācarūmūne ñna rāca rējarūgūñujarā. To bajiri sīgūre bajiro tūoīañujarā ñna. To bajicōari Diore sēnirūgūñujarā ñna. Bare barā quēne, Jesús ñ yirotiriarore bajirone yibayujarā ñna.

Jesúre ajitirūnūrā ñna bajire queti

⁴³ Tirūmūri Jesús ñ gotiroticōasūoriarā jairo ñañañamanire yiyujarā, Dios ñ masisere ñnare ñ cōajare. Tire ñacōari, no yimasibesujarā ñna toana ñajediro. ⁴⁴⁻⁴⁵ Tocārācūne Jesúre ajitirūnūrā sīgūre bajiro tūoīañujarā. “Yū ye ti ñaboajaquēne, mūre ti rūyajama, ñsirūcūja yū”, gāmerā yitūoīajedicōañujarā ñna. Gājerāre maioro bajirāre ñacōari, ñna ye gajeyeñire ñsicōari vaja sēni, juayujarā, ñna, maioro bajirāre gājoa ñsirūarā. ⁴⁶⁻⁴⁷ Tocārācarūmū sīgūre bajiro tūoīarā ñnari, Diore yirūcūbūoriavijūre rējarūgūñujarā ñna, Diore sēnirā. To yigajano, gājerāre jicoasujarā ñna, ñnare barotirā. ñna ya virijū ejacōari, bare barāne, Jesús ñ rotiriarore bajirone yibavariquēnañujarā ñna. To bajiro bajirā, quēnase Diore yirūcūbūorūgūñujarā ñna. To bajiri ñnare ñacōari, “Quēnaro yirā ñaama”, yīañujarā ñna, ti macana. To bajiri, Jesús ñ masisere ñnare cōañuju. ñnare ñ cōajare, cojorūmū rūyabeto ti macana sīgūri, Jesúre ñre ajitirūnūsoyujarā ñna. To bajicōari, Jesúre ajitirūnūrā tūjū rējañujarā ñna quēne. ñna rāca ñnarā, jājarābūsa ñañujarā, Jesúre ajitirūnūrā.

3

Pedro, micagūre ñ catiore queti

¹ Tocārācarūmū ñamicajūa tūsato, Diore sēnirā ejarūgūñujarā ñna jud'io masa. To bajiri cojorūmū Pedro, Juan rāca, Diore ñre sēnirā vasujarā ñna quēne, Diore yirūcūbūoriavijū. ² Ti vi soje tūre rujiyuju rēmone micagū rūyuar'i. Tocārācarūmū tojūre ñre

āmiejorūgūñujarā ī babarā. Ti soje, Quēnarisoje vāme cūti soje ñañuju ti. Ti soje ture rujicōari, ti vi sājārāre, “¿Yure ĩamaicōari, gājōa ĩsiruabeati m̄a?”, yirujirūgūñuju ī. ³To bajiri, Pedro, Juan rāca ĩna sājatone, gājōare ĩnare sēniñuju micagū. ⁴To bajiro ī yisere ajicōari, ĩre ĩañujarā ĩna. To yirāne, ado bajiro ĩre yiyuju Pedro:

—Adojūare ĩaña, m̄a —ĩre yiyuju.

⁵To ī yijare, “Yure ĩsiruarāma mojoroaca” yigū, quēnaro ĩnare ajiyuju micagūjūama.

⁶To yicōari, ado bajiro ĩre yiyuju Pedro:

—Gājōa maja yūare. Gajeye quēnamasuse mure yirēmorcūja yū. Jesucristo Nazaret macagū ī masise rāca mure varotiaja yū —yiyuju Pedro, micagūre.

⁷To yicōari, ī riojojacatuaga āmore ñiacōari, ĩre tūavūm̄uorūgōñuju Pedro. To ī yirone, ī ñicūgūri, ī āñatigāri tīmacoasuju, ĩre, micaboar'ire yuja. ⁸To bajicōari, jatirocarūgūcōari, vasuoyuju ī yuja. ĩna rāca sājajuju micaboar'i, Diore yirūcūbuori-avijure. To jatisājacune, “Dios quēnaro yure yami. Yū rijaye cūtisere yure catioami”, yivariquēnañuju ī. ⁹Ti vi ñarā, to bajiro ī yivariquēnasere ĩañujarā ĩna. ¹⁰To bajiri ĩre ĩamasicōari ūcajujarā ĩna. “¿‘Quēnarisoje’ vāme cūti soje tū gājōa sēnirujirūgūgū me ñati ī?”, yiyujarā ĩna.

Diore yirūcūbuoriavijū Pedro ī gotimasiore queti

¹¹To bajiri micagū ñaboar'i, Pedrose, Juanre ĩnare ñiatuayuju, “Yure vaveobeticōato ĩna” yigū. Salomón vāme cūtijacatuajūare rūgōñujarā ĩna, Pedro, Juan rāca. To bajiro ĩna bajirone, masa ĩna ñaro cōrone ūmarējañujarā ĩna, ĩre ĩna catorore ĩaucacōari. ¹²ĩna ūmarējaro ĩacōari, ado bajiro ĩnare gotiyuju Pedro:

—¿No yirā ĩaucati? ĩaucabesa, m̄a, yū yarā Israel ñamasir'i jānerabatia. Āni micar'ire yūa masune catiobeju yūa. “Diore quēnaro cūdirā ñari, ĩre catioma”, yitūoĭabesa m̄a. ¹³Ado bajirojūa bajiaja: Mani ñicūa Abraham, Isaac, to yicōari, Jacob ĩna rūcūbuomasir'i, ī bojasere yicacure Jesúre “Ñamasugū ñaami” yirūcūbuogu, āni micar'ire yūare catoro-timi. To bajiro yigū ī ñaboajaquēne, Jesúre ĩaterāre ocasācaju m̄a, ūjarāre, “ĩre sĭato ĩna” yirā. Ūju Pilato, Jesúre ī burotirūaboajaquēne, m̄ajūa ĩre sĭarūacaju. ¹⁴Dios ī bojase rĭne yigūre Jesúre burotimenane, Barrabájūare ĩre buroticōacaju m̄a, Pilatore. ¹⁵To bajiro m̄a yijama, ĩna rijato beroju “Tudirĭabeticōato” yigū, Dios ī catisere ĩsirocure sĭarotiyuja m̄a. To bajiboarine rijar'irene tudicatiocōañuju Dios. ĩre ĩacōari, “Quēna tudicaticoasumi”, yimasiaja yūa. ¹⁶Āni micagū ñaboagure ĩre ĩaja m̄a. “Jesús yure catorocūmi” ī yitūoĭajare, rēmone ī ñicūgūri tīmacoaju ti. Tire ĩacōari, “Jesús sūorine bajaia ti”, yimasiaja m̄a.

¹⁷Mani ūjarā rāca Jesúre ĩre sĭaroticaju m̄a, riojo tūoĭabetica yirā. ¹⁸“To bajirone bajirūaroja ti” Dios ī yimasire ñajare, bajicaju tima. Ado bajiro ucamasinujarā Diore ĩre gotirētosariarā: “Rojose tām̄ocōari, sĭaecorocūmi Cristo”, yucamasinujarā ĩna. ¹⁹Tire ajicōari, rojose m̄a yisere yitūjacōari, Diore sēniña m̄a. To m̄a yijama, rojose m̄a yisere masiriorocūmi. To bajiro ī yijare, ī rāca quēnaro ñaruarāja m̄a. ²⁰To bajiro m̄a bajijama, Jesúre m̄are cōarocūmi Dios quēna, tirūm̄ujūne “‘Masa ūju ñaña m̄’ yigū mure cōarocūja” yimasir'i ñari. ²¹Yucūrema ō vecaju ñagūmi Jesús. “To cōrone adĭ macarūcūrore tudiquēnorocūja yū” Dios ī yitūoĭariaro bajiro ti bajiroto rĭjoro, tone ñacōa ñarocūmi. Adĭ ñaja tirūm̄uana Diore ĩre gotirētosamasiriarā, ĩna ucamasire. ²²Diore gotirētosamasir'i, Moisés vāme cūtigū, ado bajiro gotimasiñuju, mani ñicūare: “Dios mani ūju yure ī cōacatore bajirone gāji ī ocare gotirocure cōarocūmi. ĩ cōarocūma, mani rācagūne ñarocūmi. Jediro ī yirore bajirone cūdiruarāja m̄a. ²³ĩ yirore bajiro cūdimenarema, ĩnare bucōaroti ñaja ti. ĩnare bucōari ĩnare sĭaroti ñaja”, yimasinuju Moisés. Adĭ ñaja, Jesús ī bajirotire goti rĭjoro yigū, mani ñicūare ī gotimasire.

²⁴Samuel vāme cūtimasir'i, to yicōari, ĩre bajiro bajirā quēne ī beroana Diore ĩre gotirētosariarā ñajediro, adĭrūm̄uri bajirotire gotiyujarā ĩna quēne. ²⁵Tirūm̄ujū, mani ñicūare Dios ī gotirere gotimasiñujarā ĩna. Dios mani ñicūare ī goticōare tĭ ñajare, quēnase manire ejarūaroja ti. Ado bajiro mani ñicū Abraham ñamasir'ire gotimasiñuju

Dios: “Masa jedirore quēnaro yirucuja yu, mu jānerabatia sūori”, yimasiñuju Dios, mani ñicu ñamasir'ire gotigu. ²⁶ To yimasir'i ñari, i macure catiocōari bero, mani jud'io masa tujure ire cōasuoymu Dios, “I sūori, rojose ña yisere masiriocōari, quēnaro ñato ña” yigu cōañuju, i macure —ñare yigotimasioñuju Pedro.

4

Pedrore, to yicōari, Juanre tubiberiavij masa ujarā, ña tubibere queti

¹⁻² To bajiri Pedro, Juan rāca, ado bajiro masare gotimasioñujarā ña:

—Jesús, sīaecogu ñaboarine, quēna tudicaticoasumi. To bajiri mani quēne tudicatiruarāja, yimasiaja mani —yiyujarā Pedro, Juan rāca.

To ña yiñarore paia, to yicōari, saduceo masa quēne ejayujarā ña. Diore yirucubuo-riavire coderimasa uju quēne ejayuju i. Buto jūnisiniejayujarā ña, Pedro, Juan rāca to bajiro ña gotimasiosere ajicōari. ³ To bajiri Pedrore, Juanre quēne ñare ñejecōari, tubibe, vaveocoasujarā ña, rāioriju ti ñajare. ⁴ To bajiro ñare ña yiboajaquēne, Jesús ocare ajicōari, jājarā ajitirūnsuojujarā ña. To bajiri ūmua cinco mil ñañujarā ña.

⁵ To bajiri busuriju tudirējañujarā ña quēna, jud'io masa ujarā, Dios i rotimasire gotimasiorimasa, to yicōari, bucūrā quēne. ⁶ Paia uju ñamasugū Anás, to yicōari, i yarā Caifás, Juan, Alejandro ñañujarā ña quēne. ⁷ To bajiri, Pedro, Juan rāca tubibe ecoriarāre, jirotiyuju Anás. To i yijare, i rījorojuare ejarūgū ejayujarā Pedro, Juan rāca. To ña ejaro, ado bajiro ñare sēniñañuju Anás:

—¿Ñimū masare mūare gotimasiorotimasiri? ¿Ñimū i masise rāca micagūre catiomasiri mūa? —ñare yisēniñañuju Anás.

⁸⁻⁹ To bajiro i yisēniñaro, Dios i cōagū Esp'iritu Santo i ejarēmose rāca cojo vāme ruyabeto quēnaro cūdiyuju Pedro:

—Yua ujarā, bucūrā quēne, quēnaro yure ajiya. “¿Ñimū i masise rāca micagūre catiomasiri mūa?” yūare mūa yisēniñasere cūdirucuja yu. ¹⁰ “Quēnaro masiato” yirā, adi macana, to yicōari, “Israel sitana ñaro cōrone masiato” yirā, ñamasusere mūare gotiaja yua. Jesucristo Nazaret macagu suorine micagū ñaboar'i catimasimi. Jesús, yucátēroju mūa sīar'ine, Dios i tudicator'ine, micagū ñaboagure ire catiomasimi. ¹¹ Tirūmūju David ñamasir'i ado bajiro ucamasiñumi: “Gūta rāca vi quēnorimasa coja gūtare rocarāma. Ña rocaria ñaboarine, gajea gūta rētoro quēnarica ñaruarōja tia. Tia gūta suorine quēnarivi quēnorucūmi Dios. Tia manijama, quēnomasibetibogūmi”, yucamasiñumi. “Ado bajiro bajiaja” yire ūni ñaja adi: Mūa jud'io masa ujarā, Jesús ire bojabetesu mūa. To bajiboarine ñamasugū ñaami. ¹² Jesús rīne ñaami adi macarucuroana masa, ña rijato beroju, rojose ña tāmūborotire ñare yirētobosarocu, Dios i cōar'i. Gāji to bajiro manire yirētobosagu maami —yiyuju Pedro.

¹³ To bajiri Pedro, Juan rāca quēnaro masirāre bajiro ña ñagōsere ajimasicōañujarā ujarā. “Pepera buebetiriarā ñaboarine, quēnaro ñagōama ña. Jesúrāca ñarūgūriarāne ñaruyuama ña. To bajiri ire bajirone gotimasioama”, yitūoñañujarā ña, ujarā. ¹⁴ To bajiri micagū ñaboar'i, Pedro, Juan rāca i ñajare, “Rojose yiyuja mūa”, yimasibesujarā ujarā. ¹⁵⁻¹⁶ To yi, budiarotiyujarā ujarā, Pedrore, to yicōari Juanre quēne. To yicōari ado bajiro ña masune gāmerā ñagōñujarā ña:

—¿No yirāti mani ñare, Pedrore, Juanre quēne? Jerusalén macana ña ñaro cōrone masiama micar'ire ña catorere. To bajiri, “Socarā yama”, yimasiña maja. ¹⁷ To bajiri ado bajiro ñare gotiroti ñaja: “Jesús yere quēna mūa ñagōrēmōjama, rojose tāmūorā vana yaja mūa”, ñare yiroti ñaja, “To cōrone Jesús yere gotibatobeticōato yuja” yirā —yitūoñañujarā ujarā. ¹⁸ To yi, quēna ñare jisōñujarā ña, Pedrore, to yicōari, Juanre quēne. Ña sājaejarone:

—Jesús yere masare gotimasioyobesa mūa —yiyoayujarā ña, Pedrore, to yicōari, Juanre quēne. ¹⁹ To bajiro ujarā ña yisere ajicōari, ado bajiro cūdiyuju Pedro, Juan rāca:

—Mware yua cūdijsama, Diore cūdimena yirāja yua. To bajiri, mua tūoīajama, mua juare yua cūdijsama, ¿riojo yirā yirājari yua? ²⁰ Jesúre yua ĩacati, yua ajicatire quēne, tire gotitujamasimenaja —yiyujarā Pedro, Juan rāca.

²¹ Tire ajicōari,

—Gotimasiobeticōaña, Jesús yere. Jesús yere mua gotijama, rojose tām̄uoruarāja mua —yiyujarā ujarā quēna.

Micagū ĩ catisere ĩacōari, “Quēnaro yigū ñaami Dios”, yiyujarā masa. To ĩna yisere ajirā ıari, Pedrone, to yicōari, Juanre quēne rojose ĩnare yimasibesujarā ĩna. To bajiri ĩnare budiroticōañujarā ujarā. ²² Micagū ñaboar'i, Pedro, Juan rāca ĩna cator'i, cuarenta cūmari rētoḅusaro tūsacū ñañuju ĩ.

“*Jesús yere gotimasicōa ñato ĩna' yigū*, yware ejarēmoña”, Diore ĩna yisēnre queti

²³ Budicoanajuma, ĩna babarā tujū vacoasujarā Pedro, Juan rāca. Tojū ejacōari paia ujarā, to yicōari, ḅcūrā quēne, ĩnare ĩna yirere gotiyujarā ĩna. ²⁴ Tire ajicōari, sīgūre bajirone tūoīacōari, ado bajiro Diore sēniñujarā ĩna:

—Dios, yua jacū, mū rīne ñajediro masirētogū ñaja mū. Mūne, ũm̄uagaserore quēnoñuja, sitare quēne, riagarire quēne jediro. Adī macarucuroayere jediro rujeoyuja mū. ²⁵ Tirūmujū yua ñicū mū bojarore bajiro yimasir'i David ñamasir'i, Esp'iritu Santo ĩ ejarēmose rāca ado bajiro ucamasiñumi:

“¿No yirā ‘Rotim̄uorūgōrūcūmi’ yigū, Dios ĩ cōagūre jūnisiniati jud'io masa, to yicōari, jud'io masa me ñarā quēne? ¿No yirā Diore rojose yirūaboati ĩna?”

²⁶ ‘Rotim̄uorūgōrūcūmi’ yigū, Dios ĩ cōagūre, to yicōari, Diore quēne rojose yiruarā, adi macarucuroana ujarā rējacōari, ñayuruarāma”, yīucamasiñumi David.

²⁷ Socū me yimasīñumi David. ĩ gotimasiriarore bajirone bajicajū. Ujū Herodes, Poncio Pilato vāme cūtigū quēne, jud'io masa, to yicōari, jud'io masa me quēne, rējacama ĩna. Mū bojase rīne yīgūre, “Rotim̄uorūgōrūcūmi” yigū, mū cōar'ire Jesúre rojose ĩre yiruarā rējacama ĩna. ²⁸ “Ado bajirone bajiruarōja” mū yiriarore bajiro yirā, to bajiro yicama ĩna. ²⁹ To bajiri Dios yua jacū, yware ajiya. “Rojose tām̄uoruarāja mua” yware ĩna yisere masiritibesa mū. Mū yirore bajiro mūre cūdiruaja yua. To bajiri yware yirēmoña mū, “Ñie gūimenane Jesús ĩ goticatire quēnaro gotiato ĩna” yigū. ³⁰ Mū masise rāca masa rijarāre catiōya mū. ĩaīañamanire quēne yiya mū, “Jesús, Dios ĩ bojase rīne yigū, ĩ macū suorine to bajiaja ti’ yato ĩna masa” yigū —yiyujarā ĩna, Diore sēnirā.

³¹ Diore ĩna sēnigajanoro, sita nūruañuju. Tirīmarone, Dios ĩ cōagū Esp'iritu Santo, ĩ masisere ĩnare ĩsiñuju. To ĩ yijare, cojo vāme ruyabeto Dios ĩ bojarore bajirone gūimenane, Dios ocare masare gotiyujarā ĩna.

Jesúre ajitirūnūrā ĩna gāmerā yirēmore queti

³² Jesúre ajitirūnūrā sīgūre bajiro tūoīarā ñañujarā ĩna. ĩna cūosere, “Yū sīgū ye ñaja”, yibesujarā ĩna. Ñajedirore, “Mani ye ñaja” yirā, ĩna babarāre ĩsiñujarā ĩna. ³³ Jesús ĩ bajireayere gotimasio tujabesujarā Jesús ĩ gotiroticōasuoriarā. “Jesús, rijacoaboardine, tudicaticōari ñaami quēna”, yigotiyujarā ĩna, masare. To bajiro quēnaro ĩnare yigoticōari, ĩaīañamanire ĩnare yīoñujarā. “To bajirone quēnaro yīñato ĩna” yigū, Jesúre ajitirūnūrā ĩna ñaro cōrone quēnaro ĩnare yirēmoñuju Dios. ³⁴⁻³⁵ Sita cūorā, viri cūorā, gājerāre ĩsiñujarā ĩna. To yicōari, gājoa ḅujayujarā. Gājoa ḅujacōari, Jesús ĩ gotiroticōasuoriarāre ĩsiñujarā ĩna, “Maioro bajirāre ĩnare ĩsiato” yirā. To bajiri ĩna rācana nijūa maioro bajigū mañujarā yuja. ³⁶ To bajiro Jesúre ajitirūnūrā vatoare, sīgū jud'io masū levita jūnagū ñañuju ĩ. José vāme cūtigū ñañuju. Chipre vāme cūtiyoaju ruyuar'i ñañuju ĩ. Jesús ĩ gotiroticōasuoriarā, Josére gajeye ĩre vāme yiyujarā, Bernabé. Griego ocama, “Quēnase gājerāre oca cūtigū” yire ũni ñañuju ti vāme. ³⁷ Sita cūoyuju José. Tire gājire ĩsiñuju ĩ. Ti vajane gājoa ḅujacōari, Jesús ĩ gotiroticōasuoriarāre ĩsiñuju, “Maioro bajirāre ĩsiato” yigū. Quēnaro yigū ñañuju José.

5

Anan'ias, ĩ manajo Safira rāca, ĩna yitore queti

¹ Anan'ias vāme cūtigū ĩ manajo Safira rāca, quēnaro yirā me ñañujarā ĩna. Anan'ias ĩ manajo rāca ĩna ya vesere gājerāre ĩsiñujarā. To yicōari, gājoa bujayujarā ĩna. ² Anan'ias ĩ manajo rāca cojoro cōro tuoñañujarā ĩna. To bajiri gājoa mojoro yayioyujarā ĩna. To yicōari Jesús gotiroticōasuoariāre ĩsigū vacoasuju, ruyasere. ĩna tujū ejacōari,

—Ado cōrone bujabu yu —ĩnare yĩsiñuju Anan'ias.

³⁻⁴ To ĩ yisere ajicōari, ado bajiro ĩre yiyuju Pedro:

—Anan'ias, ĩno yigū Diore ĩategure vātia ujure cūdiati mu? ĩMu ya vese me ñari, mu ĩsiriavesema? ĩTi vese vaja mure ĩna ĩsirema, mu ye me ñari? To bajiro ti bajiboajaquēne, “Ti vese vaja ñaro cōrone mure ĩsija yu”, yitoaja mu. To bajiro yuare mu yitojama, yu rĩrene yitogu me yaja mu. Diore, Esp'iritu Santore quēne yitogu yaja mu —yiyuju Pedro, Anan'iare.

⁵ To ĩ yisere ajicōari, rijaquedicoasuju Anan'ias. To bajiro ĩ bajirere ajicōari, buto güiyujarā toana. ⁶ Sīgūri mame bucuarā Anan'ias rujure gūmacōari, ĩre yujerā vacoasujarā ĩna.

⁷ Tres hora bero ejayuju Anan'ias ñaboar'i manajo. “To bajiro bajiraroja”, yibesuju so. ⁸ To so ejarone,

—ĩAdi ñati vese vaja, jediro mua bujare? —sore yiyuju Pedro.

—Ti ñaro cōrone ñaja —ĩre yicūdiyuju so.

⁹ To so yisere ajicōari, ado bajiro sore yiyuju Pedro:

—ĩNo yirā mu manaju rāca cojoro cōro tuoñacōari, Dios ĩ cōagū Esp'iritu Santore yitoruari mua? Ō tusaroma mu manajure yujerā variarā. Mure quēne āmiaroana yirāma, mure yujeruarā —sore yiyuju Pedro.

¹⁰ To ĩ yirirĩmarone, rijaquedicoasuju sojuma. Sājanane, rijaqueariore ĩabujayujarā mame bucuarā. To bajiri sore āmibudicōari, so manajure ĩna yujeraro tujū sore yujeyujarā. ¹¹ To bajiri, Jesure ajitirūnūrā ñajediro, to yicōari, ĩna tuana quēne, “To bajiyuju” yisere ajicōari, buto güiyujarā ĩna.

Jesús ĩ gotiroticōasuoariā, ĩañañamanire ĩna yĩore queti

¹² Tirūmurire Jesure ajitirūnūrā jediro sīgure bajiro tuoñarā, Diore yirūcubuoariavi, Salomón vāme cūtijacatuajure rējarūgūñujarā ĩna. To bajicōari, Jerusalén macana ĩna ĩaro rĩjoro Dios ĩ masise rāca ĩañañamanire yĩoñujarā ĩna Jesús ĩ gotiroticōasuoariā. ¹³ To bajiri, Jesure ajitirūnūrāre, “Quēnarā masu ñaama”, ĩnare yirūcubuoayujarā Jerusalén macana. To bajiro yiboarine, Anan'ias ĩ manajo Safira mesa ĩna bajirere masicōari, “Jesure ajitirūnūgū ñaja yu quēne’ yisocacōari sājarucuja yu”, yibesujarā ĩna, güirā.

¹⁴ To bajiri jājarābusa ñarūtusujarā Jesure ajitirūnūrā. Rōmia quēne, ũmua quēne ñañujarā. ¹⁵ ĩañañamanire Pedro ĩ yĩorere ajicōari, rijaye cūtirāre ĩna jesariajauri rācane maa tu ĩnare juajoyujarā ĩna. To bajiro ĩna yiejorā, Pedro ĩ rētorotire yuñañujarā, “Yuare moñato ĩ” yirā. “ĩ moñabetijaquēne, ĩ vāti mani joere ti rētojama, caticoaruarāja mani” yirā, yuñañujarā ĩna. ¹⁶ To bajicōari, ti maca tuana jājarā masa vasujarā, Jerusalénjure, rijaye cūtirāre, to yicōari ĩna usurijure vātia sāñarāre quēne juavana. To bajiri rijaye cūtiboiarā catijedicoasujarā. ĩna usurijure vātia sāñarāre, vātiare ĩnare bureayujarā ĩna, Jesús ĩ gotiroticōasuoariā.

Jesús ĩ gotiroticōasuoariāre ĩna ĩajūnisinire queti

¹⁷ Tire ajicōari, paia ujū ĩ rācana, saduceo masa quēne buto jūnisiniñujarā, Jesús ĩ gotiroticōasuoariāre. ¹⁸ To bajiri ĩnare ñejeroticōari tubiberiavijū tubiberotiyujarā ĩna, Jesús ĩ gotiroticōasuoariāre. ¹⁹ To ĩna yiboajaquēne, tubiberiavijū ĩna ñaro, ángel ĩnare ruyuyuju ĩ, ñamijū. To bajicōari, ĩnare jānabucōañuju. ²⁰ ĩnare jānabucōari,

—Diore yirūcubuoariavijū vasa mua —yiyuju. —To ejacōari masare gotiba, Dios ĩ catisere ĩna suorotire yirā —ĩnare yiyuju ángel.

²¹ To bajiri busuriju jējū, Diore yirūcūbūoriavire sājaejacōari, masare ĩnare gotima-sioñujarā quēna.

Dios oca masare ĩna gotimasio ñarone, paia ũjū, ĩ rācana, to yicōari, Israel sitana ũjarā quēne rējañujarā ĩna. To yicōari, “Tubiberiavijū ñarāma” yirā, ĩnare jiroticōañujarā ĩna.

²² ĩna jiroticōariarā tubiberiavijūre ĩna ejaro, mañujarā ĩna. To bajiboa, tudicoasujarā ĩna, gotirā tudiana. ²³ Tudiejacōari, gotiyujarā ĩna:

—Tubiberiavi quēnaro turiaro ti ñarore ejaboabū yūa. Ti vire coderimasa quēne tone ñaboama ĩna. To bajiboarine sojere jānacōari yūa ĩajama, mama ĩna, Jesús ĩ gotiroticōasūoriarā —yigotiyujarā ĩna, tudiejana.

²⁴ Tire ajicōari, paia ũjū, Diore yirūcūbūoriavire coderimasa ũjū quēne, no yimasibesujarā ĩna yuja. “To bajiro ĩna bajijama, ¿no bajiro yiroana yirāda ĩna?”, yiyujarā ĩna. ²⁵ To ĩna yitūoĭarejaiñarone sĭgū, ĩna ture ejacōari, ado bajiro ĩnare gotiyuju:

—Mūa tubibecūboariarāma, Diore yirūcūbūoriavijū masare gotimasio ñama ĩna — ĩnare yigotiyuju.

²⁶ To ĩ yijare, Diore yirūcūbūoriavi coderimasa ũjū, ĩre moabosarimasa rāca Jesús ĩ gotiroticōasūoriarāre ĩnare ñejerā vasujarā ĩna. To bajicōari rujaji yimenane, ĩnare ñejecoasujarā, “Rujajine ĩnare mani yijama, manire gūthane reasĭborāma masa” yigūirā ñari. ²⁷ To bajiro ĩnare yĭ vacōari, ũjarā rĭjorojuare ĩnare ũmato ejayujarā ĩna. ĩna ejaro ĩacōari, ado bajiro ĩnare yiyuju paia ũjū:

²⁸ —Jesús yere mūa gotimasiosere, mūare gotirotibetiboacajū yūa. To yūa yĭboajaquēne, adoanare Jerusalén macanare ĩna ñaro cōro ĩnare buecudiyuja mūa. To bajiri sĭgū ruyariaro mano masiama mūa gotimasiodisere. “ĩna sūorine sĭaecocami Jesús”, yiyuja mūa, yūare —yiyuju paia ũjū, Jesús ĩ gotiroticōasūoriarāre.

²⁹ To ĩ yĭsere ajicōari ado bajiro ĩre cūdiyuju Pedro, ĩ babarā rāca:

—Diojuare cūdiroti ñaja manire. Masa ĩna rotisere rētoro ñaja Dios ĩ rotisejūa.

³⁰ Mani ñicūa ĩna rūcūbūomasir'ine ñaami Jesúre yucūtēroju mūa jajusĭarotir'irene tudicator'ima. ³¹ Ō vecajū ñacōari, Jesúre ĩre jiyuju. To bajiri ĩ riojojocatua rūcūbūorĭajūre rujigūmi. Jesús masa ũjū ñarocūre, ĩna rĭjato beroju rojose tāmūotūjabetirĭarōju ĩna vaborotire ĩnare yirētosarocūre cūñuju Dios. “Mū sūori Israel jānerabatia rojose ĩna yĭsere yitūjamasirūarāma” yigū, to yicōari, “To bajiro yirāre rojose ĩna yĭsere masirĭomasirūcūja yū” yigū, ĩre cōañuju Dios. ³² Tire masĭaja yūa. Dios ĩ cōagū Esp'iritu Santo rāca ñaja yūa. To bajiri jediro Dios ĩ yĭrere gotĭaja yūa. No bojagūre Dios ĩ yĭrore bajiro cūdigūre, Esp'iritu Santore ĩre cōarūcūmi —yiyujarā ĩna, Pedro ĩ babarā rāca.

³³ To ĩ yĭsere ajicōari, buto jūnisinirā ñari, ĩnare sĭarūayujarā. ³⁴ Gamaliel vāme cūtigū, ĩna rācagū, Dios ĩ rotimasirere gotimasiorimasū ñañuju ĩ, masa ĩna rūcūbūogū. Vūmūrūgūcōari, —Pedro, ĩ babarāre ĩnare bucōaña —yiyuju, gājerā ũjarā rāca ñagōrū.

³⁵ To yicōari, ado bajiro ĩ babarāre gotiyuju:

—Quēnaro ajiya yū yarā mūa. Ānoare mūa yĭrūasere quēnaro tūoĭaña mūa. ³⁶ Teudas ĩ yĭrere masĭritibesa mūa. Yoabeaja ti, “Ñamasugū ñaja” ĩ yĭboariaro bero. Tire ajicōari, “Socarō me bajiroja”, ĩre yĭsūyaboayujarā cuatrocientos ñarā. Tijū bero, gājerā ĩre sĭacōañujarā. To bajiri ĩre sūyaboariarā no ĩna bojarone bajicōañuma ĩna. ĩ gotimasĭoiboare quēne to cōrone jedicoasuja. ³⁷ Tijū bero, “To cōro ñaama masa” yimasirūarā, ĩna ucaturōtirĭrūmūrĭre Galileagū, Judas vāme cūtigū ñañuju. ĩre quēne ĩ gotisere ajicōari jājarā masa ĩre sūyaboayujarā. Tijū bero, ĩre sĭacōañujarā gājerā. To ĩna yijare, ĩre sūyaboariarā no ĩna bojarone bajicōañuma ĩna quēne. ³⁸ To bajiri mūare gotĭaja yū: Gōjanabiobesa ānoare. No ĩna bojarore bajiro yato. ĩna masune tūoĭacōari, ĩna gotimasĭocudĭjama, yayĭori mene jedicōarūaroja tia. ³⁹ Dios ĩ gotirotiserene ĩna yijama, gājerāre ĩna gotisere “Ajitirūnūbeticōato” yirā, no bajiro yimasimenaja mūa. To bajiri mūa yĭrūasere quēnaro tūoĭaña mūa; Dios ĩ rotiserene yicōari, “Yĭbetirotirene yiyuja” yĭrobe —ĩnare yiyuju Gamaliel, ĩ babarāre.

⁴⁰ To ĩ yĭsere ajicōari,

—Socū me yaja mū. To bajiro masu bajirūaroja ti —yiyujarā ĩna.

To yi, Pedrore, to yicōari, ī babarāre quēne jiejojōari, īnare bajerotiyujarā īna yuja. Īnare bajegajano, Jesús yere īna gotimasiosere gotirotibesujarā īna yuja. To yicōari, īnare budirotiyujarā. ⁴¹ To bajiro īnare īna yiro bero, Pedro, ī babarā rāca ũjarā vatoare ñariarā, variquēnase rāca budicoasujarā. Jesúre mani ajitirūnuse suori rojose yiecoaja mani. “To bajiro bajiruarāma, Jesúre ajitirūnu tujamena ñari’ Dios ī yire ñajare, bajaiaja mani”, yituoīa variquēna budiasujarā.^a ⁴² To bajiri Jesús yere ũjarā īna gotirotibetiboajaquēne, masare gotimasio tujabesujarā īna. Tocārācarūmune Diore yirūcubūoriavijure, to yicōari īna ya virijure quēne Jesucristo yere masare gotimasiocudirūgūñujarā īna.

6

Cojomo cōro jua jēnituairācu īnare ejarēmōrāre īna besere

¹ Tirodore Jesúre ajitirūnurā jājarābusa ñarūtuasujarā īna. To bajiri, griego oca ñagōrā, hebreo oca ñagōrāre ado bajiro ñagōjaisuojujarā:

—Tocārācarūmune mua bare batojama, cojoro cōro batobeaja mua. Manajua rijaveoriarāre hebreo oca ñagōrā rōmiri rīne jairo īsiaja mua —yiyujarā īna griego oca ñagōrā.

² To bajiro īna gāmerā ñagōjaisere ajicōari, Jesúre ajitirūnurā jedirore īnare jirēoñujarā īna, Jesús ī gotiroticōasūoriarā. To yicōari, ado bajiro īnare yiyujarā īna:

—Yūarema, yua gotimasiosejua ñaja, bare batoreaye rētoro ñamasusema. Bare batorejūare yua yijama, Diore īre cūdimena yirāja yua. ³ To bajiri, cojomo cōro jua jēnituairācu ñarā beseya mua, mua vatoanare, bare batorona ñaronare. Quēnaro tuoīarā, “Quēnaro yirā ñaama” mua yirā, Dios ī cōagū Esp'iritu Santo ī ejarēmose rāca tuoīarā, cojo vāme ruyabeto Dios ī bojarore bajirone yirāre, īnare beseya mua. ⁴ Ado bajirojua yirūgūruarāja yuama. Diore īre sēnirūgūruarāja. To yicōari, Dios ocare masare gotimasiōrā ñaruarāja, yuama —yiyujarā Jesús ī gotiroticōasūoriarā.

⁵ To bajiro īna yisere ajicōari, sīgūre bajiro tuoīacōari, Esteban vāme cūtigūre beseyujarā īna. Jesúre quēnaro ajitirūnugū ñañuju ī. To bajicōari, Esp'iritu Santo ī ejarēmose rāca tuoīagū, cojo vāme ruyabeto Dios ī bojarore bajiro yigū ñañuju. To yicōari, gājerā Estebanre bajiro bajirāre beseyujarā īna. Adocārācu ñañujarā īna: Felipe, Prócoro, Nicanor, Timón, Parmenas, to yicōari, Antioqu'ia macajū vadir'i, Nicolás, tocārācu ñañujarā, “Bare batoato” yirā īna beseriarā. Nicoláma, jud'io masū me ñaboarine jud'io masare bajiro bajiyuju ī. ⁶ Īnare besegajanocōari, “Ānoa ñaama masa, yua beserā”, yiyujarā, Jesús ī gotiroticōasūoriarāre. To īna yijare, īnare āmo ñujeocōari Diore īre sēniñujarā Jesús ī gotiroticōasūoriarā, “Quēnaro īnare ejarēmoato Dios” yirā.

⁷ To bajiri, masa jājarābusa ajitirūnūñujarā, Jesús yere. To bajirā rīne, tojūre Jerusalénjūre, Jesús yere ajitirūnurā, jājarābusa ñarūtuasujarā īna. Paia quēne jājarā, Jesús yere ajitirūnūñujarā īna.

Estebanre īna ñiare queti

⁸ Estebanre quēnaro yirēmoñuju Dios. To yicōari, ī masisere īre ũjoyuju. To bajiri jairo ĩañañamanire masare yīñoñuju Esteban. ⁹ ĩañañamani Esteban ī yīñoñaro, ī rāca gāmerā ñagōñujarā īna. Dios ocare īna buerivijū vadiriarā ñañujarā. Moabosarimasa ñaboariarā ya vi vāme cūtiyuju ti vi. Cojo macana me ñañujarā īna, bajirājūma. Cirene macana, Alejandr'ia macana ñañujarā īna. Īna rācana Cilicia sitana, Asia sitana ñañujarā īna. Esteban rāca ñagōboanane, oca josayujarā īna. ¹⁰ Esp'iritu Santo ī ejarēmojare, īna rētoro masiñuju Esteban. To bajiri no bajiro īre yimasibesujarā īna. ¹¹ To bajiri, gājerāre yayioroaca gājoa ĩsiñujarā īna, “‘Rojose yimi’ ũjarāre yato īna” yirā. To bajiri, “‘Diore, to yicōari, Moisés ñamasir'ire quēne rojose īnare ñagōmacami’ yigotiba mua”, īnare yiyujarā. ¹² To bajiro īna yigotire ñajare, Estebanre buto jūnisiniñujarā ti macana. To bajiri, būcūrā, Dios ī rotimasire gotimasiōrimasa rāca Estebanre ñañujarā, īna ũjarā tūjūre īre āmivaruarā. ¹³ Īna ũjarā tūjūre īna āmiejarone gājoa ĩsiecoriarā, ado bajiro yisocayujarā:

^a 5:41 Mt 5.11-12.

—Diore yirūcubūoriavire, to yicōari, Moisés ī rotimasirere quēne rūcubūobecu rojose ñagōrūgūami Esteban. ¹⁴ Ado bajiro ī gotisere ajirūgūmū yua: “Jesús Nazaret macagu, Diore yirūcubūoriavire caguerearūcūmi. To yicōari, Moisés manire ī roticūmasirere vasoarūcūmi”, yigotirūgūmi Esteban —yisocayujarā īna.

¹⁵ To īna yisocasere ajicōari, īna ūjarā yoaro īre īañañujarā, Estebanre. Īre īna ĩajama, ángel riogare bajiro rioga cūtiyuju Esteban.

7

“Ñie rojose yibeju yu”, Esteban ī yire queti

¹ To bajiri, paia ūju, Estebanre ĩre sēniñañuju:

—¿“Rojose yimi” mure īna yise, riojo yati īna? —Īre yiyuju, Estebanre.

² To ī yirone, ado bajiro ĩnare cūdiyuju Esteban:

—Yu yarā, ajia mua. Tirūmūju mani ñicu Abraham ñamasir'i, Mesopotamia ī ñarone, Harán vāme cūti macajure ī ñagū varoto rījoro, ī rāca ñagōmasiñuju Dios. ³ Ado bajiro yimasīñuju: “Mū ñarore, to yicōari, mū yarāre quēne vaveoya, gaje sitaju mure yu ĩorotoju vacu”, ĩre yimasīñuju Dios, mani ñicu ñamasir'ire. ⁴ To bajiro Dios ī yisere ajicōari, Caldea maca ñar'i, Harán vāme cūti macajure ñagū vamasīñuju. To ī ñaro, ĩ jacu ñamasir'i ĩre rijaveocoamasīñuju. Tijū bero, adoju mani ñari sitajure ĩre ñarotimasīñuju Dios. ⁵ “Adi sitaju ñaña” Dios ī yiboajaquēne, ñajediro gājerā ye sita ñamasīñuju ti maji. To bajiri, “Adi ñaja yu ye sita”, yimasibesuju Abraham. Rēmone, “Ado bajiro bajiruarōja”, yimasīñuju Dios, Abrahamre: “Ti sitare mure ĩsirūcūja yu. Mū rijato beroju, mū jānerabatia ye sita ñaruarōja”, yimasīñuju Dios, Abrahamre, rīa magū ī ñaboajaquēne. ⁶ To yicōari, ado bajiro ĩre gotimasīñuju Dios: “Cojorūmū adi sitare vaveoruarāma mū jānerabatia. Adi sitare vaveocōari, gājerā sitajure ñaruarāma. Tojūre īna ñaro, cuatrocientos cāmari ĩnare rotiajeruarāma īna. ⁷ To bajiboarine mū jānerabatiare rojose ĩnare īna yise vaja gāmetorūcūja yu quēne. Tijū bero, mū jānerabatia ti macare tudiveocoaruarāma. To baji, adi sitajure tudiejaruarāma quēna. Adoju ñacōari yure sēnirūcubūoruarāma”, yiyuju Dios, mani ñicure Abraham ñamasir'ire. ⁸ To yicōari, ado bajiro Abrahamre rotimasīñuju Dios: “Yu gotisere, ‘To bajirone bajiruarōja’ mū yicūdiyama, mū macu ī ruyaro bero, circuncisión ĩre yirūcūja mū. ‘Dios yu ñaami’ yigu, to bajiro ĩre yirūcūja mū”, yimasīñuju Dios, Abrahamre. To bajiro Dios ī yire ñajare, ĩ macu Isaac ĩ ruyaro cojomo cōro, idia jēnituarirūmū tusatirūmure circuncisión ĩre yimasīñuju Abraham. To bajiri Isaac ĩ macu Jacob vāme cūtigūre circuncisión ĩre yimasīñuju. Jacob quēne to bajirone yimasīñuju, ĩ rīare mani ñicua ñamasiriarāre. Juaāmo cōro, jua jēnituarirācu ñamasīñujarā īna.

⁹ Jacob rīa, īna bedi, José vāme cūtigūre buto ĩre ĩatemasiñujarā ĩ gagū mesa. To bajiri Egipto sita vanare ĩre ĩsicōari, vaja sēnimasiñujarā īna. To bajiro īna yiboajaquēne quēnaro ĩre ĩtirūnucōa ñañuju Dios. ¹⁰ Egiptoju José rojose ĩ tāmūborotire ĩre yirētosamasiñuju Dios. To bajiri ūju, faraón īna yigu rāca ñamasīñuju José. To ĩ bajiñaro, ĩ masisere ūjomasiñuju Dios, Josére. Faraón, ĩre ĩvariquēnacōari, “Rotigū ñato, ĩre yicūgūjaro ĩ” yigu yimasīñuju Dios. To bajiri Egipto sitana ñaro cōrone, ĩ ya vianare quēne, “ĩnare rotirūcūja mū”, Josére ĩre yicūmasiñuju faraón.

¹¹ To ĩ yiro bero, Egipto sitajure bare jedicoamasīñuju. Canaán sitajure quēne jedicoamasīñuju. Masa buto ñiorijamasīñujarā īna. To bajicōari rojose tāmūomasīñujarā īna. Mani ñicua, no ūno bare būjamasibetimasīñujarā īna. ¹² To bajiri José jacu mani ñicu ñamasir'i, Jacob, “Egiptoju trigo īna juacūre ñañuju ti” yirere ajicōari, ĩ rīare cōamasīñuju “Vaja yirā vajarō” yigu. ¹³ Egiptoju bare juarā vamasīñujarā īna. Tijū bero, quēna tojūne vamasīñujarā īna. To īna bajiro ĩacōari, ado bajiro ĩnare yimasīñuju José: “Yure ĩamasibeaja mua. Mua bedine ñaja yu”, ĩnare yimasīñuju. To bajiro José ĩ yirere ajicōari, “Ī yarā ñaama”, yimasīñuju faraón. ¹⁴ To bajiri José, ĩ yarā īna ñaro cōrone ĩ jacure quēne jiroticōañuju, “Egiptoju ñato īna” yigu. ĩna jediro ñarā, setenta y cinco ñamasīñujarā īna. ¹⁵ To bajiri, Egiptoju vamasīñuju Jacob. Egiptoju yoaro ñaboacūju,

bajirocacoamasiñuju Jacob. To bajicōari, ī rīa ñariarā, mani ñicua ñamasiriarā quēne, tojune bajireamasiñujarā īna. ¹⁶ Jacob ī bajirocaro bero, ī rujurire juamasiñujarā, Siquem vāme cuti macaju. Tojū ejacōari, īre yujemasiñujarā, gūtaviju. To ñamasiñuju Abraham, Hamor rīare ī vaja yimasiriavi, gūtavi.

¹⁷ To bajiboarine mani ñicua ñamasiriarā, Egiptojuere jājarābusa masa bujumasiniñujarā. To īna bajināro rīne, cōñamasiñuju mani ñicua ñamasiriarāre Dios ī sita īsiroti, mani ñicu Abraham ñamasir'ire ī gotiriarore bajirone ti bajiroti. ¹⁸ Tijū bero, gāji ujū Egiptojuere rotisūomasiniñuju. José ī ñamasirere masibecu, to yicōari, mani ñicua ñamasiriarāre rūcūbūobecu ñamasiñuju ī. ¹⁹ Īne mani ñicua ñamasiriarāre īnare yitomasiniñuju. To yicōari, rojose yimasiniñuju. Mame ruyuarā rīamasare riagaju īnare rearotimasiniñuju ī, “Bujūroma” yigu. ²⁰ Tirodorene ruyumasiniñuju Moisés quēne. Dios ī ĩajama, quēnagūaca ñamasiñuju ī. To bajiri, ī jacua idiarā muijua īre cūomasiniñujarā īna. ²¹ To bajinābo, so macuacare vijure īre yayiomasibeticōari, riagaju īre jomasiniñuju so. To so yir'ire, ujū Egiptoagu maco, īre ĩabujacōari, so macure yigore bajiro īre masomasiniñuju so. ²² To bajiro so yibūcūomasir'i, Egiptoana īna bajisere quēnaro masiniñuju ī, Moisés. Ī ñagōjama quēnaro tūoīamasicōari ñagōñuju ī, īna yere. Quēnaro ī yisere ĩacōari, būto īre yirūcūbūoyujarā īna.

²³ Cuarenta cūmari cūotusacu, “Yū yarāre ĩagū varūcūja yū”, yitūoīamasiniñuju ī. ²⁴ To yi va, īna tūju ī ejaro, ī yure egipcio masū īre ī bajero ĩacōari, īre gāmetoca yigu, īre sīacōamasiniñuju Moisés. ²⁵ “ ‘Egipcio masa rojose manire īna yisere manire yirētobosarocū, Dios ī cūr'i ñaami Moisés' yure yimasiruarāma yū yarā”, yitūoīamasiboayuju Moisés. To bajiro ī yitūoīaboajaquēne, tire tūoīabetimasiniñujarā ĩnajuama. ²⁶ To bajiri gajerūmū quēna ī yarāre īnare ĩagū vamasiniñuju Moisés. To ejacōari, ī yarā juarā īna gāmerā quēañarore ĩamasiniñuju ī. Īnare ĩacōari, ado bajiro īnare yimasiboayuju: “Yure ajiya maji. ĩNo yirā cojo masa ñaboarine, gāmerā quēati mūa?”, īnare yimasiboayuju. ²⁷ To ī yirone, ī babare quēagūjua, Moisére īre turocacōañuju, īre jūnisinigū: “ĩNimū ‘Īna ujū ñaāna' mure yicati? ²⁸ ĩNamica egipcio masure mū sīariarore bajiro yure quēne sīaru yatique mū?”, īre yimasiniñuju ī, Moisére. ²⁹ To bajiro ī yisere ajicōari, Egipto sita ñar'i, Madián sitajuare rudicoamasiñuju Moisés. Tojū manajo bujacōari, juarā rīa cutimasiniñuju ī.

³⁰ To bajiri, cuarenta ñaricūmari bero, cojorūmū Sina'i vāme cutiricu gūtaū tūju yucū manojure vacudigu vamasiniñuju Moisés. To bajiro ī bajirone, ī tūjūre yucū zarza vāme cutiū, ũjūrgōmasiniñuju. To bajiro vatoajure ruyuarūgūñuju ángel. ³¹ Tire ĩacōari, ũcacoamasiñuju Moisés. Quēnaro ĩaru tūbusaca ī vatone ado bajiro īre ñagōmasiniñuju Dios: ³² “Yūne ñaja Dios. Mū ñicua Abraham, Isaac, Jacob quēne īna rūcūbūocacūne ñaja yū”, yimasiniñuju Dios, Moisére. Tire ajicōari, gūigu nanamasiniñuju ī. To bajiri, ĩarūabetimasiniñuju. ³³ Quēna tūdiñagōñuju Dios: “Adone yū ñaro ñaja ti. To bajiri mū gūbo sudi vejeja mū, yure rūcūbūogū. ³⁴ Yū yarā Israel ñamasir'i jānerabatia, Egiptoju rojose īna tāmūosere ĩarūgūaja yū. To bajicōari, īna sūtiritisere ĩaja yū. To bajiri, ‘Egiptoanare cāmotadiato īna’ yigu, īnare yirēmogū vabū yū. Egiptoju quēna mure tudiarotiaja yū”, īre yimasiniñuju Dios —yigotiyuju Esteban, ũjarāre.

³⁵ To yicōa, quēna gotirūtuasuju:

—Moiséne ñaami, mani ñicua īna ajirūabetir'i. “Yūa ujū me ñaja mū. Rojose yūa yisere ĩacōarimasū me ñaja mū”, īre yimasiniñujarā mani ñicua. To bajiro īna yiboajaquēne, Diojūama, Egiptoju ñamasiriarāre īnare ũmato varocūre yigu, yucū zarza vāme cutiū ũjūñaro vatoajure ángel sūorine Moisére gotimasiniñuju Dios. ³⁶ To bajiri ĩaīañamanire yīomasiniñuju Moisés, Egiptoju. To yigajano, mani ñicua ñamasiriarāre īnare ũmato vadimasiniñuju. To bajivacu, moa riaga Oco Sūarisa vāme cūtojūre, to yicōari, yucū manojure quēne ĩaīañamanire īnare yīomasiniñuju Moisés. ³⁷ Īne ñamasiñumi ado bajiro mani ñicua ñamasiriarāre īnare gotimasir'i: “Dios mani jacū yure ī cōacatore bajirone, gāji ī ocare gotirocūre cōarūcūmi. Dios ī cōarocūma, mani yūne ñarūcūmi”, yimasiniñuju Moisés mani ñicua ñamasiriarāre. ³⁸ Moiséne mani ñicua ñamasiriarā rāca gūtaū Sina'i

vāme cūtiŋ veaju rējamasiñuju. Ī sīgūne gūtaujure mūjacōari, ángel rāca ñagōmasiñuju. To ĩ yijare, ĩre ĩsimasiñuju, Dios ĩ rotisere, mani jedirone mani ajitirūnŋ sŋyarotire.

³⁹ To bajiboarine tire ĩ gotisere ajiruabetimasiñujarā ĩna, mani ñicua. Tire ajiterā ñari, quēna Egiptojure tudiaruamasiñujarā ĩna. ⁴⁰ To yicōari Moisés gūtau joeju ĩ ñatoye rīne, ĩ gagŋ Aarón vāme cūtigŋre ado bajiro ĩre yimasiñujarā ĩna: “¿Noju ñati mŋ bedi, Egipto sitaju mani ñaro manire ūmato vadicaŋma? Toju ĩ bajiñasere masibeaja mani. To bajiri, Diore bajiro bajigŋre mani rŋcŋbŋorocŋre quēnoña mŋ. Ī ūgŋ rāca mani ñajama, manire quēnarŋaroja ti. No mani varŋarore manire ūmato varŋcŋmi”, yimasiñujarā, Aarón ñamasir'ire. ⁴¹ To yirā ñari, ta vecŋ macŋacare bajigŋ quēnorujeomasiñujarā ĩna. To yicōari, vaibŋcŋrā ecariarāre sīacōari, soeĭsimasiñujarā. To yicōari, basavariquēna codemasiñujarā, ĩna quēnorujeor'i ta vecŋ macŋre bajigŋ ñagŋre rŋcŋbŋorā. ⁴² To bajiri Dios ĩnare ĩatirūnŋ tŋjacoamasiñuju. ĩna bojarore bajiro ĩna yirŋajare, ĩnare matabetimasiñuju Dios. To bajiri ñocoare, muijŋre quēne, ñamiagŋ muijŋre quēne, yirŋcŋbŋomasiniñujarā ĩna yuja. To bajiri Diore gotirētosamasir'i, Amós, ado bajiro ĩ ucamasire ñajare, bajiyuja ti:

“Israel ñamasir'i jānerabatia, yŋre ajiya mŋa: ¿Cuarenta ñaricŋmari yucŋ manoju ñarā, vaibŋcŋrā, mŋa sīarāre yŋre rŋcŋbŋorā, yŋre soeĭsirŋgŋcati mŋa?

⁴³ Yŋre rŋcŋbŋomenane, mŋa masu mŋa quēnorujeoriarārene rŋcŋbŋocajŋ mŋa. Mo-joriviaca quēnocajŋ mŋa. To yicōari, ti vi jubeaju Moloc vāme cūtigŋre ĩre jeocōari gajarŋgŋcaju mŋa. Gājire quēne ñocore bajiro bajigŋre mŋa quēnorujeor'ire, Refán vāme cūtigŋre ĩre rŋcŋbŋocajŋ mŋa. To bajiro mŋa yirŋgŋcati ñajare, Babilonia sojuaju mŋare cōarŋcŋja yŋ”, yimasiñuju Dios ĩnare —yiyuju Esteban, ŋjarāre gotigŋ.

⁴⁴ To yicōa, ado bajiro ĩnare gotirēmoñuju Esteban:

—To bajiri mani ñicua yucŋ manoju ñarā, cabra vāme cūtirā gase rāca ĩna quēnorivire cŋomasiniñujarā ĩna. “Mani rāca ñagŋmi Dios” ĩna yirŋcŋbŋorivi ñamasiniñuju ti vi. Dios, Moisére ĩ yīoriarore bajirone ti vire quēnorujeomasiñujarā ĩna. No ĩna bojaro vana quēne ti vire āmicoarŋgŋmasiniñujarā ĩna. ⁴⁵ Moisés ĩ rijato bero, Josué vāme cūtigŋre ĩre ñavasoamasiñuju. Moisés rācana ĩna bajirearo bero, ti vire cŋosŋyayujarā ĩna rīa, mani ñicua. Ti vire āmicōari, adi sita Canaán vāme cūti sitajure vadimasiñujarā ĩna. To bajiri Dios ĩnare yirēmoñuju, mani ñicŋ David ñamasir'i ĩ ñaro quēne ñacōamasiñuju ti vi maji, cabra gasene ĩna quēnorivi. ⁴⁶ David ñamasir'ire quēnaro ĩre yimasiñuju Dios. To bajiri Diore variquēnagŋ ñari, ĩ yarā Jacob jānerabatia rāca, ĩre ĩna yirŋcŋbŋoroti vire ĩre bŋabosarŋamasiñuju. To ĩ yitŋoĭaboajaquēne, ĩre bŋarotibetimasiñuju Dios. ⁴⁷ David macŋ Salomón ñamasir'ijŋa Diore ĩre vi bŋabosamasiñuju yuja —yiyuju Esteban, ŋjarāre gotigŋ.

⁴⁸ To yicōa, quēna gotirŋtuasuju ĩ:

—To bajiboarine, masa ĩna quēnorivire ñabecŋmi Dios, Diore ĩre gotirētosamasir'i, ado bajiro ucamasire ñajare:

⁴⁹ “‘Adi macarŋcŋroaye, to yicōari, ō vecaye ñajediro ŋju ñaja yŋ. To bajiro bajigŋ yŋ ñaboajaquēne, ¿no bajirivi yŋre bŋabosarŋarāda mŋa? ¿No bajirijŋ quēnobosarŋarāda yŋ ŋsŋsājarotijŋrema?

⁵⁰ Yŋne ñaja ñajediro rujeocacŋma’ yami Dios”, yucamasiniñumi ĩre gotirētosamasir'i —yigotiyuju Esteban.

⁵¹ To bajiro ĩnare yigajano, ado bajiro ĩnare gotirēmoñuju quēna:

—Dios ocare ajitirŋnŋbetirŋgŋaja mŋa. “Dios magŋmi” yirāre bajiro ĩ ocare ajiteaja mŋa. Mani ñicŋare bajiro Dios ĩ cōagŋ Esp'iritu Santore cŋdimena ñaja mŋa. ⁵² Sīgŋ, Diore gotirētosar'i, mŋa ñicua quēnaro ĩna yir'i manicoayumi. To bajiri, Cristo rojose yibecŋre, ĩ ejarotire gotiriarāre quēne ĩnare sīamasiñuma mŋa ñicua. To yiriarā ñari, cānŋribŋsane “Jesúre ĩre sīato” yirā ĩre ĩaterāre ĩsirocayuja mŋa. To bajiro mŋa yijare,

ĩre sĩañuma. ⁵³ Dios ĩ rotimasirere cudibetirũgũaja mũa, ángel mesa sũori mũa ñicua ĩna gotiecore ti ñaboajaquẽne —ũjarãre ĩnare yiyuju Esteban.

Estebanre ĩre ĩna sĩare queti

⁵⁴ Tire ajicõari, yaia guarãre bajiro guji ĩoñujarã ĩna, Estebanre bũto jũnisinirã ñari. ⁵⁵ To bajiro ĩre ĩna yiboajaquẽne, Esp'iritu Santo ĩ masisere ũjar'i ĩ ñajare, bũtobusa ĩre ejarẽmoñuju Esp'iritu Santo. To bajiri, õ vecaju ĩamũogũne, Dios ĩ ñasere ĩabũjayuju. To bajicõari, ĩ riojojacatua ñagũre Jesũre quẽne ĩañuju. ⁵⁶ Tire ĩacõari, ado bajiro ũjarãre ĩnare yiyuju Esteban:

—Ĩaña mũa quẽne. Ũmũagasero soje jãnacajũ. Dios ĩ roticõacacũ, ĩ riojojacatũajũare ñaami —yiyuju Esteban.

⁵⁷ To ĩ yijare, quẽna ĩ tudĩñagõrotire ajiterã, ĩna gãmo gojerire bibeyujarã ĩna. To yi, ĩna jediro bũto avasãcõari, ĩre ñiarã ũmarẽjañujarã ĩna. ⁵⁸ To yicõari, ti maca sojũajũ ĩre vejacoasujarã ĩna, gãtarine ĩre reasĩaroana. Tojũ eja, ĩna sudi joeayere vejecõari, Saulo vãme cutigũre ĩre ĩsiñujarã ĩna, “Tire codebosato” yirã. To yicõari, gãtarine Estebanre ĩre reasũovasujarã ĩna.

⁵⁹ Gũtane ĩre ĩna reañarone, Jesũre ado bajiro sẽnĩñuju Esteban:

—Jesús, yũ ũjũ yũ ũsũre bocaãmiña mũ —yiyuju Esteban.

⁶⁰ To yi, gũsomuniari tuetucõari, avasãñuju Esteban:

—Yũre rojose ĩna yisere ĩnare masirioya mũ —Jesũre ĩre yisẽnĩñuju Esteban.

To yigajanogũne, rijacoa tũjasuju Esteban.

8

Saulo, Jesũre ajitirũnũrãre rojose ĩ yirũgũre queti

¹⁻³ Estebanre gũtane ĩre reasĩariarã rãcagũ, ĩna sudire coderine ñañuju Saulo. “Estebanre ĩre sĩacõato”, yitũoĩañuju ĩ quẽne. Esteban ĩ sĩaecoro bero, ĩ rujũrĩre ĩacõari, sĩgũri jud'io masa Diore quẽnaro rũcũbuorã ĩre yujeyujarã ĩna. To yirãne, bũto otiyujarã Estebanre. Tirũmũrine Jesũre ajitirũnũrãre Jerusalénjũ ñarãre rojose yisũoyujarã ti macana. To bajiri Saulo quẽne, Jesũre ajitirũnũrãre cojovi rũyabeto ĩnare macañuju ĩ. ĩnare bũjagũne, ũmũare quẽne rõmiare quẽne ĩnare juacõari tubibecũrũgũñuju ĩ. To bajiri ĩna jedirone Jesũre ajitirũnũrã, ĩgotiroticõasũoriarã rãca ñariarã rudiasujarã Judea sitajũ, to yicõari, Samaria sitajũre quẽne. Jesús ĩ gotiroticõasũoriarãma Jerusalénre vaveobesujarã ĩna.

Jesucristo yere Samaria sitajũ Felipe ĩ gotimasiore queti

⁴ Jerusalén macana rudiriarã no ĩna vacudiro cõrone Jesús yere gotimasiocudiyujarã ĩna. ⁵ Felipe, Jerusalénjũ ñar'i, Samaria sita ñarimacajũre vasuju. Tojũ ejacõari, “Rotimũorũgõrũcũmi” yigũ Dios ĩ cõar'i Jesús yere ĩnare gotimasioñuju Felipe. ⁶ Jãjarã masa rẽjañujarã, ĩgotisere ajirũarã ñari. To bajicõari, ĩañañamanire ĩ yĩosere ĩañujarã ĩna. To bajicõari ĩ gotimasiosere quẽnaro ajiyujarã ĩna. ⁷ To ĩna bajirone jãjarã masa ũsũrijũre sãñarãre vãtiare bureayuju Felipe. ĩnare ĩ bureajare, bũto avasãbudivasujarã ĩna vãtia. Jãjarã rijarãre quẽne catioyuju ĩ. Micarãre, rujasagueri vanare quẽne quẽnoejarotiyuju ĩ. ⁸ To bajiri ti macana bũto variquẽnañujarã ĩna.

⁹⁻¹¹ Ti macajũre Simón vãme cutigũ ñañuju. Cojo cũma me ĩ masisere yĩoñuju ĩ. “Gãjerã rëtoro masigũ ñaja yũ” yigũ, ĩañañamani yĩorũgũñuju ĩ. To bajiro yigũ ñari, “Yũ ñaja ñamasugũma”, yiyuju ĩ, masare. To ĩ yise ñajare, sĩgũ rũyariaro mano ĩre ajiyujarã. Bũcũarã quẽne, rĩamasa quẽne jediro quẽnaro ĩre ajiyujarã ĩna. “Diore bajiro masiami”, ĩre yirũcũbuorũgũñujarã ĩna. ¹² To yiriarã ñaboarine, Jesucristo ĩ rijabosare sũorine ĩre ajitirũnũrãre, “Yũ yarã ñaja” Dios ĩ yĩavariquẽnasere gotiyuju Felipe. Tire ajicõari, Jesũre ĩre ajitirũnũñujarã ũmũa, rõmia quẽne. To yicõari, oco rãca Felipere ĩre bautizarotiyujarã, “Jesũre ajitirũnũaja” yirã. ¹³ Simón quẽne, Jesús yere ajitirũnũñuju ĩ. To yicõari, oco rãca bautizarotiyuju ĩ quẽne. To ĩ yiro bero, Felipere baba cutisũoyuju. To

yicōari ĩaĩañamanire Dios ĩ masise rāca Felipe yĩosere ĩacōari, no yimasibesuju Simón, ti ũnire ĩabetirũgũr'i ñari.

¹⁴ Jesús gotiroticōasũoriarã Jerusalénjũ ñarã, “Samaria sitana jãjarã Dios ocare ajitirũñũjarã” yire quetire ajiyujarã ĩna. To bajiri, Samariajũre cōañujarã ĩna, Pedore, to yicōari, Juanre quēne. ¹⁵⁻¹⁶ To bajiri, Samaria sitajũre ejacōari, Diore ĩnare sēnibosayujarã ĩna, toana Jesũre ajitirũñũsorãre. Oco rāca bautizarotiriarã ĩna ñaboajaquēne, Dios ĩ cōagũ Esp'iritu Santo ĩnare ejabesuju maji. To bajiri, “Esp'iritu Santo ĩnare ejato” yirã, Diore sēniñujarã ĩna. ¹⁷ To yicōari, Pedro, Juan rāca, Diore sēnicōari Jesũre ajitirũñũsorãre ĩna ãmori rāca ĩnare ñujeoyujarã ĩna. To cōrojũ Esp'iritu Santo ejayuju, ĩnare.

¹⁸⁻¹⁹ ĩna ãmori rāca ĩna ñujeorore Esp'iritu Santo ĩ ejasere ĩañuju Simón. Tire ĩacōari ĩnare gãjoa ĩsirũ, ado bajiro yiyuju Simón:

—Gãjerãre yũ ãmo ñujeorone Esp'iritu Santo ĩ ejarotire bojaja yũ quēne —ĩnare yiyuju Simón.

²⁰ To bajiro ĩ yisere ajicōari, ado bajiro ĩre cãdiyuju Pedro:

—Vaja mani Dios ĩ cōasere, “Vaja yire ñaroja ti”, yitũoĩaboaja mũ. To bajiro yitũoĩagũ ñari, mũ gãjoa rācane bajirocacoarũcũja mũ. ²¹ Rojose mũ tũoĩasere masiami Dios. To bajiri, Esp'iritu Santore mũre cōabetirũcũmi Dios. ²²⁻²³ Mũ tũoĩasere ĩamasicōaja yũ. Rojose rĩne tũoĩagũ ñaja mũ. To bajiri, rojose mũ tũoĩasere yitũjaya. To yicōari, Diore sēniña mũ, “Rojose yũ yisere masirioya” yigũ —yiyuju Pedro.

²⁴ To bajiro ĩ yisere ajicōari, ado bajiro ĩre cãdiyuju Simón:

—Diore sēnibosaya mũa, yũre. Mũa gotisere bajiro yũre ti bajiro tire bojabeaja yũ —yiyuju Simón.

²⁵ To ĩ yiro bero, Jesús ĩ yirere ĩna ĩarere, to yicōari, ĩ gotimasiorere ti macanare gotiyujarã. ĩnare gotimasio gajanocōari, Jerusalénjũ tudianane Samaria sita ñarimacarianare Jesús ye quēnasere ĩnare gotimasioñujarã ĩna.

Etiop'ia sitagũre Felipe, oco rāca ĩ bautizare queti

²⁶ To ĩna bajiñarone, Felipere ado bajiro ĩre yiyuju ángel:

—Jerusalénjũ vasa. To ejacōari, Gaza vãme cũi maca vati maare vaja mũ. Yucũ manojũ ñavati maa ñaja ti maama —yiyuju ángel, Felipere.

²⁷ To bajiri Felipe vacoasuju, ángel ĩ gotiriarore bajirone. Maa vacũ, Etiop'ia sitana ẽjore gãjoa codebosarimasũre ĩre ĩañuju Felipe. Jerusalénjũ Diore ĩre rũcũbũogũ ejar'i, tudiacũ bajiyuju ĩ. ²⁸ Caballo ĩ tũa vaticorojũ sãñacōari, Diore gotirẽtobosamasir'i, Isa'ias ĩ ucamasirere buesãñañuju ĩ.

²⁹ To bajiri, ado bajiro yiyuju Esp'iritu Santo, Felipere:

—Ĩ tũbũsa vacōari, ĩre baba cũi vasa mũ —yiyuju, Felipere.

³⁰ To bajiri ĩ tũ vaejacōari, ajiyuju, Diore gotirẽtobosamasir'i Isa'ias ĩ ucamasirere ĩ buesere ajiyuju Felipe. Tire ajicōari,

—¿Mũ buesere ajimasiati mũ? —yiyuju Felipe, Etiop'ia gũre.

³¹ To ĩ yirone:

—“To bajiro yirũaro yaja”, yiajimasibeaja yũ, ñimũ yũre ĩ gotiro cōro —yiyuju ĩ, Felipere. To yigũne, —Yũ tũ vasãjagũaya —yiyuju Etiop'ia gũ.

³² Dios ocare Isa'ias ñamasir'i ĩ ucamasirere ĩ buere ado bajiro yiyuju ti:

“Ovejare sũaroana ĩre ñiacōari ĩna jiatore bajiro ĩre yirũarãma ĩna. To bajiri, ovejare ĩna joa suaro ĩ avasãbetore bajiro yigũ, rojose ĩre ĩna yiboajaquēne, ñagõbetirũcũmi.

³³ Masa ĩna ĩaro rĩjoro bojoneose yiecorũcũmi. Rojose ĩ yibetiboajaquēne, ‘Rojose yigũ me ñaami’ ĩre yibosagũ manirũcũmi. To bajiri, ĩ sũacoro bero, ‘Ĩ jãnerabatia ñaama’ yimasĩna manirũaroja”, yucamasire ñañuju, Etiop'ia gũ ĩ buere.

³⁴ To bajiri,

—Yũre gotiya mũ. Ñimũre yiro yati, to bajiro ti yijama. ¿Ĩ masune ĩ bajiro tire tũoĩacōari yiyujari? ¿Gãji ĩ bajiro tire yigũ, ucamasĩñujarique ĩ? —yiyuju Etiop'ia gũ, Felipere.

³⁵ To ĩ yijare, Isa'ias ĩ ucamasirere ĩre ĩagotigũne, ado bajiro ĩre gotiyuju Felipe:
—Isa'ias ñamasir'i to bajiro ĩ ucajama, Jesús ĩ bajiro tirene yigũ yimasiñumi —ĩre yigotiyuju Felipe. To yicõari, Jesús ĩ bajirerere ĩre gotimasioñuju yuja.

³⁶ To yi vana rĩne, maa tu utabucura ejayujarã ĩna. To eja,
—Īña, ado ñaja oco. ¿Yucũne, oco rãca yũre bautizarũbeati mũ? —yiyuju Etiop'iağũ, Felipere.

³⁷ To ĩ yirone, ado bajiro ĩre yiyuju Felipe:
—“ Jesũne ñaami Dios macũ, rotimũorũgõrocũ' yigũ ĩ cõar'i” mũ yijama, oco rãca mũre bautizarũcũja yũ —ĩre yiyuju Felipe.

To ĩ yirone, ado bajiro ĩre cũdiyuju Etiop'iağũ:
—To bajirone bojaja. Jesũne ñaami Dios macũ, rotimũorũgõrocũ yigũ ĩ cõar'i, yaja yũ —yiyuju Etiop'iağũ.

³⁸ To yi, utabucura tũjũ tujayujarã. To bajicõari, ũmato rojasuju, oco rãca Etiop'iağũre ĩre bautizağũacũ. ³⁹ ĩre bautiza gajano, ĩna majarũgũrone, ñaro tũsarone ruyubeti-boarine Esp'iritu Santo ĩre ãmicoasuju, Felipere. To bajiri ĩre ĩabeticõa tũjasuju Etiop'iağũ. To bajiboajaquẽne, quẽnaro variquẽna vasuju ĩ Etiop'iağũ. ⁴⁰ Felipejũama, “To bajiro bajiriaja” yiri mene, Azoto vãme cũi macajũ ejayuju. Tojũ ñacõari, cojo maca rũyabeto Jesús ĩ bajirere masare gotimasiodiyuju ĩ. Goticudigũ rĩne, Cesarea vãme ti macajũre ejacoasuju ĩ Felipe.

9

*Saulo, tũoĩavasoacõari, Jesũre ĩ ajitirũnũre queti
(Hch 22.6-16; 26.12-18)*

¹ Saulo ñañuju. Jesũre ajitirũnũrãre sĩarũ, bũto ĩnare ĩajũnisinirũgũñuju maji. To bajiri, paia uju ñamasugũre sãnigũ vasuju. ² Damasco vãme cũi maca ñarivi, Dios ocare ĩna buerivirijũ Jesũre ajitirũnũrãre macagũ varũ, papera sãnĩñuju:

—Īnare yũ ĩabũjaro cõrone ãmũare, rõmiare quẽne, juadirũcũja yũ, Jerusalénjũ ĩnare tubibecũrũ —yiyuju Saulo, paia uju ñamasugũre sãnigũ.

³ ĩre sãnigajano, vasuju ĩ. Maa ĩ vato rĩne Damasco macajũ ĩ cõñatone, ñaro tũsarone vecajũ bũto caje mose busurujiayuju ti. ⁴ To bajiro ti bajijare, quedirocacũcoasuju Saulo. ĩ quedirocacũatone, ado bajiro ocaruyuyuju ti:

—Saulo, Saulo, ¿no yigũ rojose yũre yisũyarũgũati mũ? —yi ocaruyuyuju, õ vecajũ.

⁵ To bajiro ti yirone,

—¿Ñimũ ũgũ ñacõari, to bajise yũre yati mũ? —yiyuju Saulo.

To ĩ yirone,

—Yũne ñaja, Jesús, rojose mũ yisũyarũgũgũne —ĩre yiyuju Jesús. ⁶ To bajiro ĩre yicõa, —Damascojũ vasa mũ. To mũ ejaro, “Ado bajiro yiya”, mũre yirũarãma —Saulore yiyuju Jesús.

⁷ Saulo rãca vana, masa maniboarine, to bajiro yi ocaruyusere ajicõari, no yimasibesujarã ĩna. ⁸ To ti bajiro bero, vũmũrũgũcõari, ĩarũaboayuju Saulo. ĩ caje ruyubesuju. To ĩ bajijare, ĩ babarã Damascojũ vana ĩre tũa vasujarã ĩna. ⁹ Damascojũ ejacõari, idiarũmũ ĩabeti, babeti, idibeti, bajiñañuju Saulo.

¹⁰ Damascojũre Jesũre ajitirũnũgũ ñañuju ĩ, Anan'ias vãme cũiğũ. ĩre ruyuaĩocõari:

—Anan'ias —ĩre yiyuju Jesús.

—Adone ñaja yũ —yiyuju Anan'ias.

¹¹ To ĩ yirone,

—Vasa Riojo vãme cũi maajũre. Ti maa vacũne, Judas vãme cũiğũ ya vire ejarũcũja mũ. Tojũ ejacõari, “¿Adone ñati Saulo, Tarso vãme cũi macagũ?”, ĩre yiba mũ. Yucũrema yũre sãnigũ yami Saulo. ¹² Jẽre ĩre ĩomũ yũ, ĩ tũjũ mũ ejarotire. To bajiri ĩ tũ sãjaejacõari mũ ãmo ñujeorũcũja mũ, “Quẽna tudĩĩato” yigũ —Anan'iare yiyuju Jesús.

¹³ Tire ajicõari, ado bajiro yiyuju Anan'ias:

—Bũto queti ajirũgũaja yũ, Diore ajitirũnũrãre Jerusalénjũ ñarãre rojose ï yirũgũrere.
¹⁴ Yũare mũre rũcũbuorãre tubiberũ, ejarimi —Jesũre ïre yiyuju Anan'ias.

¹⁵ To ï yise ñajare, ado bajiro Anan'iare gotiyuju Jesús:

—Yũ ocare masare gotimasiorocũ yigũ, ïre cũmũ yũ, Saulore. Ujarãre, jud'io masare quẽne, jud'io masa mere quẽne gotimasiorucũmi. ¹⁶ To bajiri, “Yũare gotimasiosagũ ñari, rojose tãmuorucũja mũ”, ïre yirucũja yũ —Anan'iare ïre yiyuju Jesús.

¹⁷ To ï yijare, vacoasuju Anan'ias. Vijũ sãjajecõari, ï ãmo ñujeoyuju, Saulore. To yigũne,

—Yũ rãcagũ, ajiya mũ. Jesús mani uju, mũ vado, mũre ruyuaĩorine yũre cõami, “Quẽna tudi caje ïato” yigũ. “Dios ï cõagũ Esp'iritu Santo mũre ejato” yigũ yũre cõami —Saulore ïre yiyuju Anan'ias.

¹⁸ To ï yirone, rujarũturori ï cajearijũre ñase jãnevẽjañuju, Saulore. To ti bajirone quẽna tudĩacoasuju Saulo. To bajisere ïacõari, vũmũrũgũcõari, oco rãca ïre bautizarotiyuju Saulo, “Jesũre ajitirũnũgũ ñaja yũ” yigũ. ¹⁹ To ï yiro bero, bacõari, ruju tĩmacoasuju Saulo quẽna. To bajiri yoarobũsa ñañuju Saulo, Jesũre ajitirũnũrã rãca, Damascojũ.

Saulo, Jesús yere Damascojũ ï gotimasiosũore queti

²⁰ Bero, Dios ocare ïna buerivijũ sãjajecõari, “Dios macũ ñaami Jesús”, ïnare yigotimasioñuju Saulo. ²¹ To ï yisere ajicõari, no yimasibesujarã ïna, ñajediro:

—Ñni Saulo, ¿Jerusalénjũ Jesũre ajitirũnũrãre ïnare sãr'i me ñati? To yicõari, ¿Jesũre ajitirũnũrãre ñejerũ me adojũre vayujari ï? ¿Ïnare ñejecõari, paia ujarãre ïsibequĩda ï? —yiyujarã masa.

²² To bajiro ïna yitũoĩaboajaquẽne, tocãrãcarũmũ jãjarãbũsa, Jesũre ajitirũnũñujarã ïna, Saulore ajicõari. “Socũ me yaja yũ. Jesũne ñaami, ‘Rotimũorũgõrucũmi’ yigũ Dios ï cõar'ĩ”, yiyuju Saulo. Quẽnaro ï gotise ñajare, no bajiro yimasibesujarã ïna, jud'io masa Jesũre ïre ajimena.

Jud'io masa, Saulore ïre ïna sãrũajare, ï rudire queti

²³ To bajiri Damascojũ, Saulo ï gotĩnasere ïacõari, “Ïre sãroti ñaja manire”, yitũoĩañujarã ïna, jud'io masa Jesũre ïre ajitirũnũmena. ²⁴ To bajiri ïre ïna sãrũasere ajiyuju Saulo. Ñami, ãmũ quẽne ïre sãrũarã, quearũgũñujarã ïna maca budiriasojeri tũjũre. ²⁵ Ïre ïna sãrũaboajaquẽne, Saulo Jesús yere ï gotimasiosere ajitirũnũrã ïre ejarẽmoñujarã, “Rudiajaro” yirã. Ñami, maca matariacũni veca ñarisojeju, jibũ jairijibũne sãcõari, ticũni sũyarojũajũ ïre rujiocõañujarã. To bajiro ïna yijare, rudicoasuju Saulo.

Jerusalénjũ Saulo ï bajire queti

²⁶ Rudiva, Jerusalénjũ ejacoasuju ï. Tojũre ejacõari, Jesũre ajitirũnũrã rãca rẽjarũaboayuju ï. “Jesũre ïre ajitirũnũgũ me ñagũmi Saulo” yitũoĩarã ñari, bũto ïre gũiyujarã ïna. ²⁷ To ïna bajiboajaquẽne, Bernabé vãme cutigu, Saulore ïre ejarẽmoñuju ï.

—Vayá. Jesús ï gotiroticõasũoriarãre ïnare ñagõto mani —Saulore ïre yiyuju Bernabé. To yi, ïna tũju ejacõari, ado bajiro Saulo ï bajirere ïnare gotiyuju Bernabé:

—Ñnre Saulore maajũ ï vatone ïre ruyuaĩoñuju Jesús. Ïre ruyuaĩocõari ïre ñagõñuju ï. To ï yiro bero, Damasco vãme cuti macanare gũibecũne Jesús ï bajirere gotimasioñuju —ïnare yiyuju Bernabé, Jesús ï gotiroticõasũoriarãre.

²⁸ To ï yisere ajicõari, “Mani rãcagũ ñaami Saulo”, ïre yitũoĩañujarã ïna yuja. To ïna yijare, Jerusalénjũ ïna rãca ñacõañuju Saulo. To bajiro bajigũ rĩne gũiri mene Jerusalén macanare Jesús ï bajirere ïnare goticudiyuju ï. ²⁹ Jud'io masa ñaboarine griego oca ñagõrã quẽne ñañujarã. To bajiri, Saulo rãca ñagõboanane, oca josayujarã. To yirãne, ïre sãrũayujarã ïna. ³⁰ Ïre ïna sãrũasere ajicõari, Cesarea vãme cuti macaju Saulore ïre ãmicoasujarã ï rãcana. Ïre ãmiejacõari, ï ya macaju Tarso vãme cuti macajũre cõacõañujarã ïna.

³¹ Tirodore Judea, Samaria, Galilea sitana quẽne Jesũre ajitirũnũrã rojose tãmuobesujarã. Dios ï cõagũ Esp'iritu Santo ïnare ï ejarẽmose rãca Jesús ocare bũtobũsa

ajivariquēnarūtuasujarā ĩna, Jesúre ajitirūnrā. To bajiri jājarābūsa ĩnarūtuasujarā ĩna, Diore quēnaro cūdirā.

Micagūre Pedro ĩ catiore queti

³² To bajiri Jesús ĩ gotiroticōasuoriarā rācagū Pedro vāme cūtigū, Jesúre ajitirūnrāre ĩacudigū, Lida vāme cūti macajū, ejayuju Pedro. ³³ Tojū ejacōari, micagūre Eneas vāme cūtigūre ĩre ĩabūjayuju ĩ. Cojomo cōro idia jēnituario rāca cūmari ĩ cānijesariojū jesacōarūgūñuju ĩ. ³⁴ ĩre ĩabūjacōari, ado bajiro ĩre yiyuju Pedro:

—Ajiya mū. Jesucristo mūre catioami. To bajiri vūmūrūgūñā. To bajicōari mū cānijesariojūre quēnocūñā mū —yiyuju Pedro.

To bajiro ĩ yirone, micagū ĩaboar'ĭ vūmūrūgūñuju ĩ. ³⁵ ĩ bajisere ĩañujarā Lida vāme cūti macana, to yicōari, Sarón vāme cūti macana quēne. Tire ĩacōari, Jesúre ĩre ajitirūnrāñujarā ĩna jediro.

Rijarioe Pedro ĩ catiore queti

³⁶ Tirūmūri Jope vāme cūti macajū Tabita vāme cūtigo ĩañuju so. Jesúre ĩre ajitirūnrāgō ĩañuju. Griego ocarema, Dorcas vāme cūtigo ĩañuju. Quēnase yigo ĩañuju so. Maioro bajirāre quēnaro yirēmōrūgūñuju. ³⁷ To bajiro yicudiboacone, bajirocacoasuju so. To bajiri so yarā so bajirocato ĩacōari, rijariarāre ĩna yirūgūriarore bajiro sore ĩna yujeroto rījoro, so rujūre coecōari, vecaga sōajū sore cūñujarā ĩna. ³⁸ Jope vāme cūti maca tūne ĩañuju Lida vāme cūti maca. To bajiri, Lida macajū Pedro ĩ ĩasere ajiyujarā Jope macana, Jesúre ajitirūnrā. Tire ajicōari, jūarā, Pedrore “ĩre jirā vajaro” yirā ĩnare cōañujarā ĩna. To bajiro ĩna yicōariarā, ĩ tūjū ejacōari, ado bajiro ĩre yiyujarā ĩna:

—Yūa rāca guaro vayá —ĩre yiyujarā ĩna.

³⁹ To ĩna yisere ajicōari, ĩna rāca vacoasuju Pedro. Tojū ejacōari, Dorcas bajirocario so ĩnarisōajūre ĩre jīmūocōañujarā ĩna. Jājarā manajūa rijaveoriarā otīñañujarā ĩna, so ruju tūre. To ĩna yīnarone, Pedro ĩ ejaro ĩacōari, ĩ tūjūre gānibiarūgūcoasujarā rōmia, ĩre gotirūarā:

—ĩañā mū. Dorcas ĩaboario so bajirocaroto rījoro jairo sudi yūare tiaīsiboacamo —yirāne, Pedrore ĩre juañōñujarā ĩna.

⁴⁰ To ĩna yirone,

—Adi sōare vijagocoasa maji —ĩnare yiyuju Pedro.

To yigajanocōari, gūsomuniari tūetucōari, Diore sēniñuju Pedro. Diore sēnigajanocōari, rijarioe jūdarūgū ĩañuju. Jūdarūgū ĩacōari:

—Tabita, vūmūrūjuñā mū —sore yiyuju Pedro.

To ĩ yisere ajicōari, tudicaticoasuju so. To bajigo ĩnari, Pedrore ĩacōari vūmūrūjuñuju so. ⁴¹ To so bajirone, so āmore ĩnacōari sore tūāvūmūoñuju Pedro. To yicōari, ti sōare vijagoriarāre ĩnare jājarotiyuju quēna:

—Quēna so tudicatisere ĩarā vayá mūa —ĩnare yiyuju Pedro, manajūa rijaveoriarāre, gājerā Jesúre ajitirūnrāre quēne.

⁴² To bajiri, quēna so tudicatisere ajiyujarā toana Jope vāme cūti macana ĩajediro. Tire ajicōari, jājarā ĩañujarā “Jesús ĩ masise rāca yiyumi Pedro” yirā ĩnari, “Jesúre ajitirūnrā ĩnato mani quēne” yirā. ⁴³ To bajiro ĩ yiro bero, yoaro Jopejū ĩnacudiyuju Pedro, vaibūcūrā gasene sudi, to yicōari vasojoari quēnorimasū, Simón vāme cūtigū tūjūre.

10

Cornelio tūjū Pedro ĩ vare queti

¹ To bajiri Cesarea vāme cūti macajūre, Cornelio vāme cūtigū ĩañuju ĩ. Surara mesare coderā ūjū ĩañuju romano masū. Italia sitana surara ūjū ĩañuju ĩ. To bajiri cojomo cōro masa cōro ĩnarāre rotigū ĩañuju ĩ. ² Jud'io masū me ĩaboarine, quēnaro Diore ĩre rūcūbūoyuju, ĩ ya viana rāca. Jud'io masare maioro bajirāre quēnaro ĩnare yirēmōrūgūñuju ĩ. Tocārācarūmūne Diore ĩre sēnirūgūñuju. ³ To bajiri cojorūmū ĩamicajūa tūsatō, ángel ĩre ruyuañōñuju, Corneliore.

Quēnaro ĩre ĩamasucōañuju Cornelio. ĩ tujure sājajecōari,
—¡Cornelio! —ĩre yiyuju ángel.

⁴ To ĩ yiboajaquēne, ĩre cudibesuju maji. ĩre güügũ ñari, ĩre ĩacōa ñañuju Cornelio. To bajigũne,

—¿Ñie bojati mu? —ĩre yiyuju Cornelio.

To ĩ yirone,

—Diore ĩre mu sēnisere ajivariquēnarũgũami. Maioro bajirãre mu ejarēmosere quēne ĩavariquēnarũgũami. To bajiri mure quēnaro yigũagu yami. ⁵ To bajiri, Jope vãme cuti macajure ñaami Simón Pedro vãme cutigu. ĩre jirã varonare ĩnare cōaña mu. ⁶ Gãji Simón vaibucurã gasene sudi, to yicōari vasojoari quēnorimasu ya vijure ñaami Simón Pedro, utabucura tujũ ñarivire —ĩre yiyuju ángel, Corneliore.

⁷ To yigajanocōari, ĩre vaveocoasuju ángel. ĩ vato bero, juarã ĩre moabosarimasare to yicōari, ĩ surarare quēnaro Diore ajirũcũbuogũre quēne ĩre jiyuju Cornelio. ⁸ ĩnare jicōari, ángel ĩre ĩ gotirere ĩnare gotiyuju. To yigajanocōari, Jope macajũ ĩnare varotiyuju.

⁹ To ĩ yicōariarã, gajerũmu ñmurecãji ñaro Jope maca tu tũsasujarã ĩna. To ĩna bajirone, vi rijo tũnajũ mujacōari, Diore ĩre sēniñuju Pedro. ¹⁰ Yoaro Diore sēniñagũ ñari, ñiorijacoasuju. To bajiri gãjerãre ĩre ĩna bare quēnobosañasere yuyuju ĩ. To ĩ bajiñarone, ado bajise ĩre ruyuaĩoñuju Pedrora: ¹¹ Ō vecajũ ñmũagasero soje jãnacōasuju ti. To bajicōari, sudijã jairijã jũajacatua gaja ñiacōari yorujiocōariarore bajiro rujiayuju ti. Rujiadi, ĩ tujũ ejayuju. ¹² Tojure ñañujarã vaibucurã jediro. Jēnirã, vurã, ãña quēne, ñajediro ñañujarã ĩna. ¹³ ĩ tujũ ti ejaro, ado bajiro yi ocaruyuyuju ō vecajũ, Pedrora:

—Vũmũrũgũña mu. ĩnare sãacōari, baya —ĩre yi ocaruyuyuju.

¹⁴ Tire ajicōari ado bajiro yiyuju Pedro:

—Babeaja yũ. Rēoriarãre divatojũane baĩabeticajũ yũ —boca yicōañuju Pedro.

¹⁵ To ĩ yirone, quēna ocaruyuyuju:

—“Rēore ñaja”, yibesã. “Baya” Dios ĩ yisema, quēnase ñaja —yi ocaruyuyuju.

¹⁶ Idiajijũ ĩre bajĩocōasuju ti. To baji, tudimũjacoasujarã. ¹⁷ Tire ĩacōari, “¿Ñie ũni yũre bajiatu ti?”, yitũoĩañuju Pedro. To ĩ yĩñarone, Simón vaibucurã gasene sudi, to yicōari vasojoari quēnorimasu ĩ ñarijũre gãjerãre sēniĩacōari ĩ ya vi soje tũre ejayujarã Cornelio ĩ cōariarã. ¹⁸ Ejacōari,

—¿Adi vire Simón Pedro vãme cutigu ñati? —yiyujarã ĩna.

¹⁹ Pedro ĩ ĩasere ĩ tũoĩañarone, ado bajiro ĩre gotiyuju Esp'iritu Santo:

—Idiarã ñmũa mure macarã ejama. ²⁰ Vũmũrũgũcōari, ĩnare ĩagũ rujiasa mu. Tũoĩarejalbecũne vasa, yũ cōarã ĩna ñajare —Pedrora ĩre yiyuju Esp'iritu Santo.

²¹ To bajiri, ĩna tũre rujiacōari,

—Yũne ñaja mũa macagũ. ¿No bajiro yirã vadi mũa? —ĩnare yiyuju ĩ.

²² To bajiro ĩ yisere ajicōari, ado bajiro Pedrora gotiyujarã ĩna:

—Yũa ñjũ Cornelio yũare cōami. Surara ñjũ ñaami. Quēnaro Diore ajirũcũbuoami. “Quēnase yigũ ñaami”, ĩre yama jud'io masa jediro. To bajiri ado bajiro ĩre gotiyuju ángel: “Cornelio ajiya mu. Simón Pedrora jiaya mu. To yicōari ĩ gotisere quēnaro ajiba mu”, yũa ñjũre ĩre yiyuju ángel —yiyujarã Cornelio ĩ cōariarã, Simón Pedrora.

²³ To ĩna yisere ajicōari, ado bajiro ĩnare yiyuju Pedro:

—Ado sãjaaya maji. Rãioato yaja. Yũ tu cãniña maji —ĩnare yiyuju Pedro.

To yi, gajerũmu ĩna rãca vasuju yuja. Sĩgũri Jopeana Jesũre ajitirũnrã, ĩ rãca vasujarã, ĩre baba cuti vana.

²⁴ To bajiri gajerũmu, Cesarea vãme cuti macajũ ejayujarã ĩna. ĩna ejaroto rĩjoro, ĩ yarãre, to yicōari, ĩ babarãre quēne ĩnare jirẽoñuju Cornelio, “Simón Pedro ĩ gotisere ajito mani” yigũ. ²⁵ To baji, vi tujũ ĩna ejarone, Pedrora bocaãmirũ budiasuju Cornelio. ĩre bocacōari, gũsomuniari tũetuyuju, Pedrora rũcũbuogũ. ²⁶ To ĩ yijare,

—Vũmũrũgũña mu. Mure bajirone masu ñaja yũ quēne —Corneliore ĩre yiyuju Pedro.

²⁷ To yi, gãmerã ñagõrãne vijũ sãjacoasujarã yuja. Sãjajecōari, jãjarã ejacōari, bajiñarãre ĩnare ĩañuju Pedro.

²⁸ Īnare ĩacōari, ado bajiro gotiyuju ĩ:

—Yua jud'io masa, gājerā masa ya vire yua sājajama, to yicōari, no bojarijū gājerā masa rāca yua vusajama, yua ɛjarā ĩna rotisere cūdimena yirāja yua. Tire ajiriarāja m̄ua. To bajiro ti bajiboajaquēne, Dioma ado bajiro yure yimasimi: “‘Quēnaja’ yu yisema quēnase ñaja. ‘Rēore ñaja’ yibesa m̄u”, yure yimasimi Dios. To bajiri, “Jud'io masu ñaboarine gājerā masa rāca yu ñajama, quēnacōaja ti”, yimasijaja yu yuja. ²⁹ To bajiri m̄ua ocare ajicōari, tuoĩarejaibecune vabu yu. To bajiri, ĩno bajiro yato yirā, yure bojacōari m̄ua? —Īnare yiyuju Pedro.

³⁰ To ĩ yisere ajicōari, ado bajiro ĩre cūdiyuju Cornelio:

—Cānu babarirūm̄u rījoroagarūm̄u, ñamicajua, ado cōro muiju ĩ t̄usatone Diore sēniñamasim̄u yu. ĩre yu sēniñarone, sudi b̄uto botise sãñacōari, yure ruyuarūgūmasimi ángel. ³¹ Ruyuarūgūcōari, ado bajiro yure gotimasimi: “Diore ĩre m̄u sēnisere ajivariquēnarūgūami. Maioro bajirāre m̄u ejarēmosere quēne ĩavariquēnarūgūami. To bajiri m̄ure quēnaro yigūagu yami. ³² To bajiri, Jope macajū Simón Pedro vāme cūtigure jiaya. Gāji Simón, vaibucurā gasene sudi, to yicōari vasojoari quēnorimasu ya vijure ñaami, utabucura tujū ñarivire”, yure yimasimi ángel. ³³ To ĩ yijare, guaro m̄ure jicōamasim̄u yu. Quēnaro vayuja m̄u. Ado m̄u ejajare, variquēnaja yua. Adojure Dios ĩ ĩaro rējamu yua, ñajediro m̄ure ĩ gotirotirere ajiruarā —Pedrore ĩre yiyuju Cornelio.

Cornelio rācanare Pedro ĩ gotire queti

³⁴ To bajiro ĩ yisere ajicōari, ado bajiro gotiyuju Pedro yuja:

—Ajimasijaja yu yuja. Gājerā masare ĩ mairo rētoro jud'io masare maigū me ñaami Dios. ³⁵ No bojarāre Diore mani r̄ucub̄ojama, quēnaro mani yijama, cojoro cōrone manire ĩavariquēnaami Dios. ³⁶ Dios ĩ ejarēmose rāca yua yarā Israel ñamasir'i jānerabatiare ĩnare gotimasiorūgūaja yua, ñajediro ɛju Jesucristo suorine Diorāca quēnaro ĩna ñaroti quetire. ³⁷⁻³⁸ Jesús, Nazaret vāme cūti macagu ĩ bajirere masirāja m̄ua. Galilea vāme cūti sitajū oco rāca Juan ĩre ĩ bautizariaro bero, Esp'iritu Santore, to yicōari, ĩ masisere Jesúre cōañumi Dios. To bajiro ĩ yicōar'i ñari, masare quēnaro yicudicami, Galilea sitanare, to yicōari Judea sitanare quēne. ĩna us̄rijure vātia sãñarāre, vātiare ĩnare bureacudicami. Tire masirāja m̄ua. ³⁹ Ti jedirore ĩacajū yua Jesús ĩ gotiroticōasucana, Jerusalén vāme cūti macajū yicatire quēne. To bajiro ĩ yiro bero, Jerusalénju yucūtērojū ĩre jajusīacama ĩna. ⁴⁰ To bajiro ĩre ĩna yiboajaquēne, idiarūm̄u t̄usatirūm̄une, ĩre catiocōari, “Īnare ruyuañoña”, Jesúre ĩre yiyumi Dios. ⁴¹ Jediro masa mere Jesúre ĩre ruyuañorotiyumi. Rēmojane Jesús ĩ bajicatire gotirona ĩ cūcana yua ñajare, “Īre catioyumi Dios” yua yimasirotire yigu, ĩre ruyuañorotiyumi. To bajiri, Jesús ĩ tudicatiro bero, ĩ rāca ba, idi, yicajū yua. ⁴² “Catirāre, bajireariarāre quēne ĩna yisere ĩacōiarocure Jesúre ĩre cūñumi Dios”, yuare yigoticudiroticami Jesús. ⁴³ Diore gotirētobosamasiriarā ĩna ñaro cōrone Jesús ĩ bajirotire ucamasinujarā ĩna. To bajiro yirā ñari, no bojarāre, Jesúre ajitirūnarāre, rojose ĩna yisere Dios ĩ masiriorotire ucamasinujarā —yiyuju Pedro.

Dios ĩ cōagū Esp'iritu Santo jud'io masa mere ĩnare ĩ ejasore

⁴⁴ Īnare ĩ gotimasio ñarone, Dios ĩ cōagū Esp'iritu Santo ĩnare ejayuju ĩ. ⁴⁵⁻⁴⁶ To ĩ bajirone, ricatiri rīne oca ñagōsuojujarā ĩna, quēnase Diore yir̄ucub̄uorā. Tire ĩacōari, “Jud'io masa mere quēne ejaami Dios ĩ cōagū Esp'iritu Santo” yirā ñari, no yimasibesujarā Pedro rāca ejariarā jud'io masa. ⁴⁷ To bajiri, ĩ rācanare ado bajiro ĩnare gotiyuju Pedro:

—Yure ajiya yu yarā. Esp'iritu Santo, manire ĩ ejacatore bajirone ĩnare quēne ĩ ejajare, ĩmani rācagu nijane, “Oco rāca ĩnare bautizabeticōato” yigu magūmi? —Īnare yiyuju Pedro. ⁴⁸ To yicōari, —“Jesús suorine Dios yarā ñaama” yirā, oco rāca ĩnare bautizaya m̄ua —ĩ rācanare ĩnare yiyuju Pedro.

To bajiri, ĩna bautiza ecoro bero, “Vabesa maji. Yua rāca ñacōaña”, Pedrore ĩre yiyujarā Cornelio rācana.

11

Jerusalén macana Jesúre ajitirünuräre Pedro ĩ gotire queti

¹ To bajiri Jesús ĩ gotiroticōasuariorā, gājerā ĩre ajitirünurā Judea sitanajua, “Jud'io masa me ñaboarine, Jesúre ajitirünurāñujarā” yire quetire ajiyujarā ĩna. ²⁻³ To bajiri, Jerusalénjua Pedro ĩ tudiejaro, ado bajiro ĩre sēniñañujarā ĩna:

—¿No yigū jud'io masa vi me ti ñaboajaquēne, sājacati mū? To bajicōari, ¿no yigū ĩna rāca bacati mū? —yiyujarā, Pedrose.

⁴⁻⁵ To bajiro ĩre ĩna yijare, ado bajiro riojo ĩnare gotiyuju Pedro:

—Jope macajū ñacōari, Diore ĩre yū sēnirone, ado bajiro yūre ruyucajū. Vecajū sudijāi jairijāi juajacatua gaja ñiacōari, yorujocōariarore bajiro ejacajū ti, yū tujū. ⁶ “¿Ñie ñati, ti jubejure?” yigū, quēnaro ĩacajū yū. Tojū ñacama sāñarā vaibucurā jediro. Āña, jēnirā, to yicōari, vūrā quēne ñacama. ⁷ ĩnare yū ĩarone, ō vecajū ado bajiro ocaruyucajū: “Pedro, vūmūrūgūña mū. ĩnare sīacōari, baya mū”, yūre yi ocaruyucajū ti. ⁸ “Babeaja yū. Rēorere divatojuane baīabeticajū yū”, boca yicōacajū yū. ⁹ To yū yirone, ado bajiro yūre ocaruyucajū quēna: “‘Rēore ñaja’, yibesa. ‘Baya’ Dios ĩ yisema, quēnase ñaja”, yūre yi ocaruyucajū. ¹⁰ Idiajijū to bajiro yūre bajīocajū. To baji, tudimujacoacajū quēna. ¹¹ Ti mūjato bero, idiarā ejacama, yū ñarivijure. Cesarea vāme ti macagū Cornelio vāme cūtigū ĩnare cōañumi, yūre “Macato ĩna” yigū. ¹² ĩna ejarone, “Tūōiarejaibecūne vasa mū” Esp'iritu Santo yūre ĩ yijare, vacajū yū. Cojomo cōro coja jēnitarirācū Jesúre ajitirünurā yūre baba cūti vacama ĩna. ĩna rāca vacōari, Cornelio ya vijure sājacajū yū. ¹³ Yū sājaejarone, ángel, ruyuañocōari, ĩre ĩ gotirere yūare goticami Cornelio. Ado bajiro yūare goticami: “‘Jope macajū mū ĩmūare ĩnare cōaña mū, Simón Pedro vāme cūtigūre “ĩre jirā vajarō” yigū. ¹⁴ Mūre, mū ya vianare quēne gotimasiorucūmi ĩ. Mūare ĩ gotimasiose suorine mūa rijato bero, rojose tāmūotujabetiriaroju mūa vaborotire yirēto ecobosaruarāja mūa’, yūre yigotimasimi ángel”, yūare yicami Cornelio. ¹⁵ To bajiro yūare ĩ yiro bero, ĩnare gotimasioacajū yū. ĩnare yū gotimasiosuorone, Esp'iritu Santo manire ĩ ejacatore bajirone ĩnare quēne ejacami. ¹⁶ To ĩ bajirone, mani ũjū Jesús ĩ goticatire masibujacōacajū yū: “Tirūmūjū oco rāca mūare bautizacami Juan, ‘Dios ĩ bojabeti yirūabeaja’ mūa yitūōājare. To bajiri, yoaro mene Esp'iritu Santore mūare cōarucūmi Dios, mūa rāca ñarocūre, ‘Dios ĩ bojarore bajirone yimasiatō’ yirocūre” manire ĩ yigoticatire. ¹⁷ Jesucristore ajitirünurā mani ñajare, Esp'iritu Santore manire ĩ cōacatore bajirone ĩnare quēne cōacami Dios, jud'io masa me ĩna ñaboajaquēne. ĩnare quēne to bajiro ĩ yijare, “Jud'io masa me ñari, mani rācana me ñaama”, yimasibeaja yū —ĩnare yiyuju Pedro.

¹⁸ To bajiro ĩ yisere ajicōari, ĩre sēniñatujacōañujarā ĩna. Ado bajirojua yiyujarā ĩna yuja:

—Quēnaro yigū ñaami Dios. “Jud'io masa mere quēne, rojose ĩna yisere masirioami, ĩna rijato berojū ĩ rāca quēnaro ñacōa ñato ĩna” yigū —yiyujarā jud'io masa Jesúre ajitirünurā.

Antioqu'iana, Jesúre ajitirünurā ĩna rējare queti

¹⁹ Tirūmūri rījoro Estebanre sīacōari gājerāre quēne Jesúre ajitirünurāre rojose ĩnare yiyujarā ĩna Diore masimena. To bajiri sīgūri Jesúre ajitirünurā Fenicia sita ñarimacarijū, Chipre vāme cūtiyoa ñarimacarijū, to yicōari, Antioqu'ia vāme cūti macajū quēne rudiasujarā ĩna. Ti macarijūre ejacōari, jud'io masa rīrene Jesús yere ĩnare gotiyujarā ĩna. ²⁰ Gājerāma, Chipre vāme cūtiyoa ñarimacariana, Cirene vāme cūti macana, vacōari Antioqu'ia macajū ejayujarā. Tojū ejacōari, jud'io masa mere quēne Jesús yere ĩnare gotiyujarā ĩna. ²¹ “Quēnaro gotimasioato ĩna” yigū, ĩnare ejarēmoñuju Esp'iritu Santo. To bajiri Jesús ĩ bajirere ajicōari, masa ĩna rotisere ĩna ajirūcūbūboarere ajitujacōari, jājarā Jesúre ajitirünurāyujarā ĩna.

²² Jesúre ñna ajitirũnũrere ajiyujarã Jerusalén macana Jesúre ajitirũnũ sũyarã. To bajiri ñna tũjũre Bernabé vãme cũtigũre ñre cõañujarã. ²³ To ñna cõar'i, ejacõari, Dios quẽnaro ñnare ñ yisere ñañuju. To bajiri bũto variquẽnacõari, ado bajiro ñnare gotiyuju:

—Tocãrãcũne, Jesúre ñre ajitirũnũrũgũña mũa —ñnare yiyuju Bernabé.

²⁴ Esp'iritu Santo ñ ejarẽmose rãca tũoĩagũ ñnari, cojo vãme rũyabeto Dios ñ bojarore bajiro quẽnaro yigũ, to bajicõari, Jesúre quẽnaro ajitirũnũgũ ñañuju Bernabé. To bajiri jãjarã masa, ñ gotimasiosere ajicõari, Jesúre ajitirũnũsũoyujarã ñna.

²⁵ Tijũ bero, Tarso vãme cũti macajũre vasuju Bernabé, Saulore macagũ. ²⁶ To ñre ejabũjacõari, “Ita mũ, Antioqu'iajũ”, ñre yiyuju. To bajiri vasujarã Antioqu'iajũre. Tojũre cojo cũma ñañujarã ñna, Jesúre ajitirũnũrã rãca. Tojũ ñnacõari jãjarã masare Dios oca Jesús yere ñnare gotimasioñujarã ñna. Ti macane Jesúre ajitirũnũrãre, “Cristiano masa ñaama ñna”, yisũoyujarã. “ ‘Mani mũ ñaami Cristo’ yirã ñaama” yire ñni ñañuju ti vãme.

²⁷ Tirũmũrĩrene Jerusalén macana, Diore ñre gotirẽtobosarimasa ejayujarã tojũre, Antioqu'iajũre. ²⁸⁻³⁰ ñna rãcagũ ñañuju Agabo vãme cũtigũ. Jesúre ajitirũnũrã ñna rẽjarũgũrojũre sãjajecõari, Esp'iritu Santo ñ ejarẽmose rãca tũoĩacõari, ado bajiro ñnare gotiyuju Agabo:

—Judea sita ti ñnaro cõrone, ñnio ejarũaroja. Bare jedicoarũaroja —yiyuju Agabo.

To ñ yisere ajicõari, “Judeana ñniorĩjarũarãma ñna. Gãjoa ñnare cõato mani”, yiyujarã Antioqu'iana Jesúre ajitirũnũrã. To ñna yĩriarore bajirone yiyujarã ñna. ñna cũose ñna ñsimasiro cõro Saulore, Bernabére quẽne ñnare ñsiñujarã, Judea ñnarãre Jesúre ajitirũnũrã bũcũrãre “ñnare ñsiato” yirã. To bajiro ti bajijama, Roma macagũ Claudio vãme cũtigũ masa ñnajediro mũ ñ ñnariarodore bajiyuju.

12

Santiago ñ sãacore, to yicõari tubiberiavire Pedro ñ budire

¹ Tirũmũrĩrene, Mjũ Herodes, Jesúre ajitirũnũrãre sũgũrĩre rojose ñnare yisũoyuju ñ. ² To yicõari, “Juan bedire Santiagore ñ rũjoare jataya mũa”, ñnare yiyuju ñ. ³⁻⁴ To bajiro ñre ñ yĩrotisere ajicõari, bũto variquẽnañujarã jud'io masa ñ yarã sũgũri. ñna variquẽnaro ñacõari, Pedrere quẽne ñnariotĩcõari, tubiberotiyuju ñ. To bajiro ti bajijama, pan vũoyamanire ñna bariarũmũrĩre bajiyuju. ñre tubiberotigũ, “Rudiromi” yigũ, ado bajiro quẽnaro coderotiyuju ñ:

—Diez y seis ñnarãre babaricãrãcũne vacõari, tocãrãcajĩne babaricãrãcũ codevasoaya mũa —ñnare yiyuju. To yicõari, “Pascua boserũmũ ti jediro, masa ñna ñaro rĩjoro Pedrere ñre sãarotĩrũcũja yũ”, yitũoĩañuju Herodes. ⁵ To bajiri quẽnaro masune code ecocõañuju Pedro. Tire ajicõari, gãjerã Jesúre ajitirũnũrã Diore bũto ñre sãnibosayujarã ñna.

⁶ Gãjerũmũ busurĩjũne ñaboayuju, Herodes Pedrere ñ sãarotĩrũmũ. Jũarã surara coderimasa vatoajũre cãnicũñañuju Pedro. Jũãmojũne cõmemari rãca siaecocõañuju. Gãjerã surara soje tũne coderũgõñujarã ñna. ⁷ To ñna bajiboajaquẽne, ñnaro tũsarone ruyuyuju ángel. To ñ bajirone Pedrere ñna tubiberiasõa busujũmũcõañuju. To bajicõari, Pedrere ñre moañañuju ángel, ñre yujĩogũ. ñ yujĩro ñacõari,

—Vũmũrũgũña mũ —ñre yiyuju, Pedrere.

To ñ yĩrone, Pedrere ñna siaboariamari, cõmemari jojivẽjacoasuju. ⁸ To ti bajirone,

—Mũ sudi sãñaña. Mũ gũbo sudi cũdaya —Pedrere ñre yiyuju. To yigũne, ado bajiro yirẽmoñuju:

—Mũ sudiro joeagarore quẽne sãña. To yicõari, vayã. Yũre sũyaya mũ —ñre yiyuju ángel, Pedrere.

⁹ To ñ yĩrone, ñre sũyacoasuju Pedro. To bajiboarine, “To bajiro bajigũja yũ”, yimasibesuju ñ. “¿Socarõ me bajiatĩ ti?” yĩboacũ, “Ba. Socarõ bajiroja gãjeyerema”, yitũoĩañuju Pedro. ¹⁰ To bajivana rĩne, jũã soje surara ñna coderisojerire rẽtoasujarã ñna. Tũsarisoje, cõme soje ñañuju ti. Ti soje tũ ñna ejarone, ti masune jãnacõasuju ti. To bajĩ budirũgũ, maa ñre ñ ñmãto vacũne, “To bajigũmi” yimasĩña manone yayicoasuju ángel. To bajiri Pedro sũgũne tũjacõañuju yuja.

¹¹ To bajisere ĩacōari, “Socarō me bajiaja”, yimasicoasuju Pedro. “ ‘Herodes ĩre sĩaromi’ yigũ, yũre ũmato budirocũre cōañumi Dios”, yitũoĩañuju ĩ. “To bajiri jud’io masa rojose yũre ĩna yirũaboase rētocoaɟũ ti yuja”, yitũoĩañuju Pedro.

¹² To yitũoĩamasicōari, Juan Marcos vāme cõtigu jaco, Mar’ia ya vijũ vacoasuju ĩ. Ti vijũre jājarā masa rējacōari ñañujarā, Diore sēnirā. ¹³ To ĩna yĩnarore soje tũ ejacōari, —ĴÑaboati mũa? —yiyuju Pedro.

Ti vijũre, sĩgō ti vianare ejarēmorimaso ñañuju so, Rode vāme cõtigo. To bajiri Pedro ĩ sēniĩasere ajicōari, soje tũ ejarũgũcōari, ajiyuju so, “ĴÑimũa ñarōjari?” yigo. ¹⁴ Soje jānabecone ajirũgōca yigo, Pedro ocare ajimasiñuju. ĩ ocare ajimasicōari bũto variquēnañuju. To bajigo ñari, soje jānabecone gotigo tĩjasuju, ti vianare.

—Macajũɟũ ñaromi Pedro —ĩnare yigotiyuju so.

¹⁵ To bajiro ĩnare so yirone,

—Mecũgō yigoja mũa —sore boca yiyujarā ĩna.

To ĩna yijare,

—Soco me yaja yũ —ĩnare boca yicũdiyuju so.

To so yijare,

—Ba, ángel, Pedrorē coderimasũ ñagũmi —sore yiyujarā ĩna.

¹⁶ To ĩna yiboajaquēne,

—ĴÑaboati mũa? —yĩ ocaruyucōa ñañuju Pedro, macajũɟũ ñacōari.

To bajiri, sojere jānacōari, Pedrorē ĩre ĩaũcayujarā ĩna. ¹⁷ ĩre ĩna ĩaũcasere ĩacōari, ĩnare, “Ñagōbesa” yigũ, ĩ āmone ñumũoñuju Pedro. To yicōari, “Ado bajiro yũre yirēmomi Dios, tubiberiavijũ yũ ñaro”, ĩnare yigotiyuju. Tire gotigajanocōari,

—Adire Santiagore, to yicōari, mani rācanare Jesũre ajitirũnũrāre quēne ĩnare gotiaya mũa —ĩnare yiyuju Pedro.

To bajiro ĩnare yigotigajanocōari, gajeroɟũ vacoasuju ĩ.

¹⁸ Gajerũmũa busuato tubiberiavire codeboariarā, Pedro ĩ mano ĩacōari, “ĴNo bajiro bajiyujari ĩ?” gāmerā yiboana, bũto tũoĩarejaiyujarā ĩna. ¹⁹ Herodes quēne, Pedro ĩ mano ĩacōari, ĩre macarotiboayuju. ĩre bũjabesujarā ĩna. To bajijare, tubiberiavijũ codeboariarāre ĩnare sēniĩaboayuju Herodes. ĩna cũdimasibetijare, “ĩnare sĩacōañũ”, yiyuju ĩ. To yicōari bero, Judea sitajũ ñar’i, Cesarea vāme cõtĩ macajũ ñagũ, vacoasuju Herodes.

Herodes ĩ bajirocare queti

²⁰ Tirũmũrē Tiro vāme cõtĩ macanare, to yicōari Sidón vāme cõtĩ macanare quēne bũto ĩnare jũnisiniñuju Herodes. To bajiri Sidón macana, Tiroana rāca rējacōari, Herodere ñagōrā vasujarā ĩna. “Herodes ĩ jũnisinicōa ñajama, ɟũ ĩ ñari sita bare mani bũjarũgũsere ĩsibecũmi” yirā ñari, to bajiro bajiyujarā ĩna. Herodes tũjũre ñañuju ĩre ejarēmogũ ñamasugũ, Blasto vāme cõtigu. To bajiri Herodere ĩna ñagōroto rĩjoro, ĩre ñagōñujarā ĩna, Blastore. To ĩna yise ñajare, ĩnare ĩamaicōari, ĩnare ñagōbosayuju Blasto. ĩnare ĩ ñagōbosarone, “Cojorũmũa ĩnare ñagōrũcũja yũ maji”, ĩre yiyuju Herodes. ²¹ “To cōro ĩnare ñagōrũcũja yũ” ĩ yiriarũmũa ti ejaro, ɟũ ñagũ ĩ sãñase sudi quēnase sãñañuju ĩ Herodes. To yicōari, rotigu ĩ rujiri cũmurojũre ejarũjucōari, masare gotiyuju ĩ. ²² ĩ ñagōsere ajicōari,

—Masũ me ñaami āni. Dione ñaami —yivasã variquēnañujarā masa.

²³ To bajiro ĩna yĩnarone, ángel Herodere rijaye ĩre cōañuju. To ĩ yijare, ĩ gũdajoajũre vāsia ĩna bajare, bajirocacoasuju Herodes. “To bajise yibesa mũa. Dios me ñaja yũ. Dios sĩgũrene rũcũbuoya mũa” ĩ yibetijare, to bajiro bajiyuju ĩre.

²⁴ Herodes ĩ bajirocarirodore Jesús ĩ bajirere Dios oca gotisere ajicōari, jājarābũsa Jesũre ajitirũnũrũtuasujarā ĩna.

²⁵ Bernabé, Saulo rāca Jerusalén vāme cõtĩ macanare gājoa ĩnare ĩsigajanocōari, Antioqu’iajũ tudiasujarā ĩna. Gāji, Juan Marcos vāme cõtigu, ĩna rāca vasuju ĩ.

13

Saulo, Bernabé rāca Dios ocare ĩna gotimasiodis *more queti*

¹ To bajiri, Antioqu'ia vāme cūti macajure Jesúre ajitirūnūrā rācana, ĩnare gotimasiorā, to yicōari, gājerā Diore gotirētosarā ñañujarā. Adocārācū ñañujarā: Bernabé, Simón, Lucio, Cirene vāme cūti macagū, Manaén, Saulo. Tocārācū ñañujarā ĩna. Simónre, Nīgū ĩre yiyujarā gājerā. Manaénjua, Hju Herodes ñamasir'i rācagū ñaboayuju ĩ. Cojovata būcuararā ñañujarā ĩna. ² To ñacōari, bare bamenane, Diore ĩre yirūcūbūo ñañujarā ĩna. To yīñarāne, Esp'iritu Santo sūorine ado bajiro yiyujarā ĩna, Bernabére, Saulore quēne:

—Gajerojū mūa gotimasiodirotire bojami Dios. To bajiri, ĩ bojarore bajirone yiruarāja mūa —ĩnare yiyujarā.

³ To yicōari, quēna Diore rūcūbūorā bare bamenane, Diore ĩnare sēnibosayujarā ĩna, Bernabére, Saulore. To yicōari, ĩna rūjoari joere ĩna āmori ñujeoyujarā, Bernabére, Saulore, “Dios ĩ bojarore bajirone gotimasiodiya” yirā. To bajiro ĩnare yigajanocōari, ĩnare varotiyujarā ĩna.

Chipre vāme cūtiyoa ñarimacarire Pablo, Bernabé rāca ĩna gotimasiorā vare queti

⁴ To bajiri Esp'iritu Santo ĩnare ĩ cōajare, vacoasujarā ĩna, Bernabé, Saulo, Seleucia vāme cūti macajure. Ti maca moa riaga tū ñañuju ti. To bajiri, rojaeja, cūmua jairicajū vasāja vacoasujarā ĩna, Chipre vāme cūtiyoajū vana. ⁵ Salamina vāme cūti maca jetagare rocatuejayujarā ĩna. Ejacōari, tiyoa ñarimacarire jud'io masa Dios ocare ĩna buerivirijūre Jesús bajirere Dios oca gotisere gotimasiodiyujarā ĩna. ĩna rācagū, ĩnare ejarēmogū ñañuju Juan vāme cūtigū.^b

⁶⁻⁸ To bajiri goticudirā rīne, Pafos vāme cūti macajure ejasujarā ĩna. Tojūre sīgū Barjesús vāme cūtigūre ĩre ĩabūjayujarā ĩna. Barjesús ti yijama, griego ocarema Elimas yirūaro yiyuju ti. Jud'io masū ñañuju ĩaīañamanire yigū. “Diore gotirētosarimasū ñaja yū”, yisocagū ñañuju ĩ. Ti macagū ũjūjua, Sergio Paulo vāme cūtigū, quēnaro tūoīagū ñari, quēnaro masigū ñañuju. To bajigū ñari, Jesús ĩ bajirere ĩna gotimasiosere ajirū, Bernabére, Saulore ĩnare jicōañuju ĩ. To ĩ yire ñajare, ĩre gotimasioñujarā ĩna. ĩna gotimasio ñarone,

—Ĩnare ajibesa —yiyuju Barjesújua, “Jesúre ajitirūnūrōmi” yigū. ⁹⁻¹⁰ To ĩyiboajaquēne, Esp'iritu Santo ĩ ejarēmose rāca tūoīacōari, Barjesúre ĩre ĩacōari, ado bajiro ĩre yiyuju Saulo, romano ocarema Pablo vāme cūtigū:

—Vātia ũjūre bajiro socajagū ñaja mū. Jediro quēnasere būto tegū ñaja mū. Dios oca quēnaro riojo ti gotiboajaquēne, “Tire ajibeticōaña. Socase ñaja”, masare yimavisioģū ñaja mū. ¹¹ To bajiri yucūne rojose mū yise vaja rojose mūre cōaami Dios. Caje ĩabecūne ñacōarūcūja mū, Dios ĩ bojaro cōro —ĩre yigotiyuju Pablo, Barjesúre.

To bajiro ĩ yirone, ĩabecū ñacoasuju ĩ yuja. To bajiri, “Yū āmore ñiacōari yūre tūato” yigū, masare vare macaboayuju ĩ yuja. ¹² To ĩ bajisere ĩacōari, “Jesús ĩ bajirere gotimasiorā ñari, to bajiro yama” yitūoīagū ñari, Jesús ĩ bajirere ajitirūnūñuju ti macana ũjū.

Pisidia sita ñarimaca Antioqu'iajū Jesús ĩ bajirere ĩna gotimasiore queti

¹³ To bajiri Pablo rācana, Pafos vāme cūti macare ñariarā, cūmua jairica rāca vacoasujarā ĩna, Perge vāme cūti macajū vana. Panfilia sitajūre ñañuju Perge. Ti macajū ĩna rāca ejacōari, Juanjua, Jerusalénjū tudicoasuju. ¹⁴ Perge maca ñariarā, Pisidia sita ñarimaca Antioqu'ia vāme cūti macajū vasujarā. Ti macajū ejacōari, ũsusājararūmū ñaro, jud'io masa Dios ocare ĩna buerivijū sāsajujarā ĩna. ¹⁵ To bajiri Moisés ñamasir'i ĩ ucamasirere, to yicōari Diore gotirētosamasiriarā ĩna ucamasirere quēne ĩgotiyuju gāji. To bajiro ĩ yiro bero, Pablo rācanare sēnīañujarā ĩna, ti vi ũjarā:

—“Būto būsā Diore ajitirūnūato ĩna” yirā, quēnase oca yūare gotiya mūa —ĩnare yiyujarā ĩna.

^b 13:5 Lucas, “Juan” ĩ yijama, Juan Marcos vāme cūtigūre yami.

¹⁶ To bajiro ña yijare, v̄m̄ur̄üḡc̄õari, ï ãmone ñum̄õñuju Pablo, “Ñagõbesa m̄a” yiḡu. To bajiro yic̄õari, ado bajiro ñnare gotiyuju ï:

—Ȳure ajiya m̄a, Israel ñamasir'i jānerabatia, to yic̄õari, ñajediro Diore r̄uc̄ub̄õorã quẽne: ¹⁷ Dios, Israel ñamasir'i jānerabatia ña r̄uc̄ub̄õoḡu, Egipto sitaj̄u ña ñaro ñnare b̄uj̄erotimasiñuju ï. To yic̄õari, ï masise r̄aca yuc̄á manoj̄u ñnare ùmato vamasiñuju ï. ¹⁸ To bajiri, cuarenta ñaric̄umari yuc̄á manoj̄u ñarã ïre ña r̄uc̄ub̄õob̄etiboajaquẽne, ña r̄aca ñac̄õa ñar̄üḡñuju ï. ¹⁹ Bero, ï suorine Canaán sita ñarimacarianare heteo masare, gergeseo masare, amorreo masare, cananeo masare, ferezeo masare, heveo masare, to yic̄õari jebuseo masare quẽne ñnare s̄iareac̄õari, ña ñaboaria macarire ñamasinujarã ña. To bajiro ña bajijama, “Ȳu yarãj̄ma, ti sitare ñaruarãma” Dios ï yimasire ñajare, to bajiro bajiyuma ña. ²⁰ To bajiri, Egipto sitaj̄ure ña ñas̄uoriac̄uma, to yic̄õari Canaán sitaj̄ure ña ñas̄uomasiriac̄uma r̄aca, cuatrocientos cincuenta ñaric̄umari t̄usamasiñuju ti.

Bero, ḡajerã masa rojose ñnare ña yijare, ñnare ùmato ñaronare c̄umasinuju Dios. Samuel v̄ame c̄utiḡure ïre c̄ut̄usamasiñuju. Diore gotir̄etobosaḡu ñamasinuju ï. ²¹ Samuel ï ñarirodore, “Gaje sitare ñj̄u ï ñarore bajiro ȳa quẽne ñj̄u bojaja”, yimasinujarã jud'io masa. To ña yijare, ña ñj̄u ñaroc̄ure c̄umasinuju Dios. ï c̄us̄omasir'i ñamasinuju Cis mac̄u, Saúl v̄ame c̄utiḡu. Benjam'in ñamasir'i jānami ñamasinuju ï. Cuarenta ñaric̄umari rotimasiñuju Saúl. ²² Rojose ï yisere ñavariquẽnabetic̄õari, Isa'i ñamasir'i mac̄u David v̄ame c̄utiḡuj̄ure ñj̄u ñarotimasiñuju Dios. “Ñajediro yir̄uc̄umi”, yĩamasinuju Dios, David ñamasir'ire. ²³ To bajiri, “David jānamire, Israel ñamasir'i jānerabatia rojose ña t̄am̄oborotire ñnare yir̄etobosaroc̄ure ïre c̄õaruc̄aja ȳu” Dios ï yigotiriarore bajirone Jesúre ïre c̄õañumi. ²⁴ Israel ñamasir'i jānerabatiare Jesús ï gotimasirototo r̄ijoroj̄une, ña jedirore ado bajiro ñnare gotimasirotoḡñuju Juan v̄ame c̄utiḡu: “Rojose m̄a yisere t̄õõas̄utiritiya m̄a. T̄õõas̄utiritic̄õari, ‘Rojose yir̄abeaja ȳa. Diorãca quẽnaro ñaruarãja ȳa’ yirã, oco r̄aca ȳure bautizarotiya m̄a. To bajiro m̄a yijama, rojose m̄a yisere m̄are masirioruc̄umi Dios”, ñnare yigotimasirotoḡñuju ï. ²⁵ To bajiro ï yigotimasirotoḡñure ï gotigajanoroto r̄ijoro, ado bajiro ñnare gotiyuju: “‘Rotim̄or̄üḡõruc̄umi’ yiḡu, Dios ï c̄õaḡũ me ñaja ȳu. Ȳu bero ejaruc̄umi ñma. Ñamasurã r̄ine ïre yibosamasiama, ñamasuḡũ masu ï ñajare”, masare yigotiyuju Juan —yiyuju Pablo.

To yic̄õa, quẽna tudigotiyuju:

²⁶ —Abraham ñamasir'i jānerabatiare to yic̄õari, ñajediro Diore r̄uc̄ub̄õorãre quẽne rojose mani t̄am̄oborotire manire ï yir̄etobosaruase quetire manire c̄õañumi Dios. ²⁷ Jerusalén macana, to yic̄õari, ña ñjarã quẽne, “Ñine ñaami ‘Rotim̄or̄üḡõruc̄umi’ yiḡu, Dios ï c̄õaḡũ, maní yur̄üḡũ”, Jesúre ïre yimasibesujarã ña. Tocãrãca semana us̄us̄ajariar̄um̄ire Diore gotir̄etobosariarã ña ucamasirere ñagotirã ñaboarine riojo t̄õõamasibesujarã. “Dios ï c̄õaḡũ me ñaami” yirã, Jesúre ïre s̄iarotiyujarã ña, “To bajiro bajiruroja” Dios ï yimasiriarore bajirone yirã. ²⁸ Disej̄ma rojose Jesús ï yise ti maniboajaquẽne, “Ïre s̄iarotiya”, Pilatore ïre yiyujarã ña. ²⁹ “To bajiro yiruarãma ña” Dios ï yiriarore bajirone ti bajiro bero, Jesúre yuc̄t̄eroj̄u tuyaḡure ï ruj̄ure ãmirujioc̄õari, masa yujeriavi ḡõtaviñ̄ ïre c̄ũñujarã ña. ³⁰ Ïre ña s̄iaboajaquẽne, ïre catioc̄õañuju Dios quẽna. ³¹ ï s̄iaecoroto r̄ijoro, Galilea sitaj̄u ï r̄aca vadic̄õari Jerusalénj̄u ejariarãre tudicatic̄õari cojor̄m̄u me ñnare ruyuaõñuju Jesús. To bajiri, ï bajirere gotir̄üḡama ña, ïre ñariarã ñari.

³²⁻³³ To bajiri, quẽnase quetire m̄are gotiaja: Tir̄um̄j̄u mani ñic̄ure jud'io masare, “Quẽnaro m̄are yir̄uc̄aja” ï yimasiriarore bajirone yiyumi Dios. Manire, ña jānerabatiare, to yic̄õari ñajedirore quẽne yibosaḡu, Jesús ï rijacoaboajaquẽne, ïre catiõyumi Dios. Ado bajiro gotiaja ti, Dios ï goti r̄ijoro c̄utire, Salmo segundo ucare: “Ȳu mac̄u ñaja m̄u. Adir̄um̄u ȳure bajirone rotis̄uoruc̄aja m̄u yuja”, yimasinuju Dios, Jesúre ïre ï gotirotire yiḡu. ³⁴ “Jesúre ï catioro bero, tudirijabetiruc̄umi” yiḡu, quẽna gajej̄u ado bajiro yimasinumi Dios: “Davidre ȳu goti r̄ijoro c̄uticatore bajirone quẽnaro m̄are yir̄uc̄aja ȳu yuja”, yimasinumi Dios. ³⁵ Quẽna gajej̄u ado bajiro gotiaja ti: “M̄u bojasere yiḡure, ‘Ï rijato bero, boayayiro mi’ yiḡu, ïre tudicatiõruc̄aja m̄u”, yaja ti. ³⁶ To bajiro ti

yijama, David ñamasir'i i bajiroti mere gotiyuja. Dios i bojasere yigu ñamasiñuju David. To bajiro yigu i ñaboajaquēne, i bajirocaro bero gūtaviju, i ñicūare ña yujerivijare i rujurire yujemasiñujarã masa. Ñe ña yujero bero, i rujuri ñaboare boayayicoarioja ti.
³⁷ To bajiboarine Jesúsama, rijacoaboarine, Dios ñe i catiojare, i rujuri boayayibesuju.
³⁸⁻³⁹ To bajiri, ado bajiro tuoñaña mua: “Moisés ñamasir'ire Dios i roticūmasirere cudije-
 oroti ñaja manire”, yimasicaju mani. “Ñajedirore mani cudijeojama, ‘Quēnarã ñaama’
 Dios i yīarã ñari, mani rijato beroju i taju ñaruarãja”, yicaju mani. To bajiboarine,
 “Cudijeogu magūmi”, yicoadicaju mani. Yucurema ado bajirojua bajiaja yuja: Jesús
 mani ajitirūñujama, rojose mani yisere masiriocōari, Jesús manire i rijabosare suorine,
 “Ñe rojose mana ñaama”, manire yīagūmi Dios. ⁴⁰⁻⁴¹ Dios ocare ajiterã, ña bajirotire
 ucamasiñuma Diore gotirētosariarã. Ado bajiro ñe ucabosamasiñuma:

“Yū ocare ajiterã, ña ñamanire yū yīorotire, ‘Bajibetiruarōja’ mua yiboasere ñaucacōari,
 bajireacoaruarãja mua”, yucamasiñuma Diore gotirētosariarã.

To bajiri, “Ña bajirotire bajiro bajiruarabeaja yua” yituoīacōari, mūare yū gotisere quēnaro
 ajiya mua —ñare yigotiyuju Pablo.

⁴² To bajiro ñare yigotigajanocōari, Pablo, Bernabé rãca ña budiatone, ado bajiro
 ñare yiyujarã ña, Dios ocare ña buerivi ñarã:

—Gaje semana ususājariarūmu ti ñaro yūare gotimasiorēmōrã vaba quēna —ñare
 yiyujarã ña.

⁴³ Jud'io masa, to yicōari gājerã Diore rūcūbuorã quēne, Pablo, Bernabé rãca budicōari,
 ñare sūyasujarã ña. To ña bajirone,

—“Manire maigū ñari, Jesús i rijabosare suorine manire ñavariquēnaami Dios”, yicōa
 ñarūgūña mua —ñare yiyujarã ña, Pablo, Bernabé rãca.

⁴⁴ To bajiri, gaje semana ususājariarūmu ti ñaro ti macana, jājarã rējañujarã ña, Jesús
 i bajirere Dios oca gotisere ajirã. ⁴⁵ Jājarã ña rējasere ñacōari, buto jūnisiniñujarã jud'io
 masa. To bajicōari, “Socū yaja mu”, Pablōre ñe yitud'iyujarã ña. ⁴⁶ To ña yiboajaquēne,
 bojonemenane, ado bajiro gotiyujarã Pablo, Bernabé rãca:

—Dios oca, jud'io masare gotimasiosuore ñaja ti. To bajiboarine, tire ajiteaja mua. To
 bajiro yirã ñari, “Mani rijato beroju tudicatibetiruarãja mani” yirãre bajiro yaja mua. To
 bajiri Dios ocare ajiterã mua ñajare, gājerã masare ñare gotimasiorūtuana yaja yua yuja.

⁴⁷ Ado bajiro yūare rotiyumi Dios:

“Yū ocare mua gotimasiose suorē yūre masiruarãma jud'io masa me ñarã. ‘Adi
 macarūcūroana ñajediro, rojose tāmūotūjabetiriarōju ña vaborotire ñare yū
 yirētosarotire sēnirājarō’ yigu, mūare cōagū yaja yū”, yūare yiyumi Dios —
 ñare yigotiyujarã Pablo, Bernabé rãca, jud'io masare.

⁴⁸ To ña yisere ajicōari, “Quēnaro masu yigu ñaami Dios”, yivariquēnañujarã jud'io
 masa mejua. To bajicōari, “Ña rijato beroju, quēna tudirijabetiruarãma” Dios i
 yimasiriarã, Jesúsre ñe ajitirūñusuo yujarã ña. ⁴⁹ To bajiri, Pablo, Bernabé rãca, mani űju
 i bajirere ña gotisere ti macana, to yicōari ti maca tuana quēne ajjediyujarã ña. ⁵⁰ Ña
 gotisere ña ajjedicoaboajaquēne, Pablōre, Bernabére gotiyiro yujarã ña, jud'io masa,
 gajeyeūni jairã rōmiri Diore rūcūbuorãre, to yicōari ti macana ñamasurãre quēne. To
 bajiro ña yijare, jūnisinicōari, Pablo, Bernabére varotiyujarã ña. ⁵¹ To bajiro ña yijare,
 ti macaye sitare ña gūbo sudi tuyasere varerea, vacoasuju Pablo, Bernabé rãca. To bajiro
 ña yijama, “Yūare mua ajiruarbetijare, rojose mūare yirūcūmi Dios” yirã yiyujarã ña.
 To yicōari, Iconio vāme cuti macaju vacoasujarã ña. ⁵² To bajiro ña bajiboajaquēne,
 ña gotimasioore suorine Jesúsre ajitirūñarãma, buto variquēnañujarã ña. To bajicōari,
 Esp'iritu Santo i ejarēmose rãca tuoīacōari, cojo vāme ruyabeto Dios i bojarore bajirone
 yirūgūñujarã ña.

¹ Iconio macaju ejacōari, jud'io masa Dios ocare ĩna buerivire sãjasujarã Pablo, Bernabé rãca. Sãjaejacōari, quẽnaro ĩna gotimasiojare, Jesúre ĩre ajitirũnũsuojujarã ĩna, jãjarã jud'io masa, jud'io masa me ñarã quẽne. ² To bajiro ĩna bajiboajaquẽne, jud'io masa, Pablo, Bernabé rãca ĩna gotiboasere ajimenama, “Jesúre ajitirũnrã socarã ñaama”, jud'io masa me ñarãre ĩnare yigotiyujarã ĩna. To ĩna yijare, Jesúre ajitirũnrãre ĩateyujarã ĩna. ³ Ti macajure yoaro ñacōañujarã Pablo, Bernabé rãca. “Mani ẽju ĩ bajirere mani gotirotire manire ejarẽmorucumi” yituoĩarã ñari, “Ī rijabosare suorine manire ĩvariquẽnaami Dios” yire quetire ĩnare gotirũgũñujarã ĩna. To yicōari, Jesús quẽnaro ĩnare ĩ ejarẽmojare, ĩañañamanire yĩorũgũñujarã ĩna. ⁴ To bajiro ĩna yĩnaboajaquẽne, ti macana ricatiri rĩne tũoĩañujarã ĩna: Sígũri Pablo mesa ĩna gotisere ajitirũnũñujarã. Gãjerãma, ĩnare ĩaterã, jud'io masa rãcana ñañujarã. ⁵ To bajiri, jud'io masa, jud'io masa me ñarã quẽne, “Gũtane Pablora, Bernabére reasĩato mani”, gãmerã yiyujarã, ĩna ẽjarã rãca. ⁶⁻⁷ To ĩna yirũase quetire ajicōari, Licaonia sitaju rudicoasujarã Pablo mesa. Ti sitaju ejacōari, Listra vãme cuti maca, Derbe vãme cuti macare, to yicōari, ti macari turire quẽne Jesús ĩ bajirere goticudiyujarã ĩna.

Listra vãme cuti macana, Pablora gãta rãca ĩre ĩna reare queti.

⁸ Listra macare ñañuju sīgũ rẽmojuone ruyugũjuone micar'i. To bajiri, no yivamasibecu ñañuju. Pablo ĩ gotimasiosere ajitirũnũrujiyuju ĩ. ⁹ ĩre ĩ ajitirũnũsere, to yicōari, “Jesús, yũre catorucumi” ĩ yituoĩasere ĩre ĩamasicōañuju Pablo. ¹⁰ To yicōari, oca tutuase rãca ado bajiro ĩre yiyuju:

—Vũmũrũgũña —ĩre yiyuju Pablo. To ĩ yirone, jativũmũrũgũcoasuju. To bajiri quẽnaro vamasigũ ñañuju. ¹¹ To bajiro Pablo ĩ yisere ĩacōari, ado bajiro avasãñujarã, ĩna oca, Licaonia oca rãca:

—Masa ĩna rũcũbuorã õ vecana, manire bajirone rujũ cuticōari, adojure rujiayuma —yivasãñujarã ĩna.

¹² To yicōari Bernabére, “Zeus” ĩre yiyujarã ĩna. Pabljũarema, “Hermes” ĩre yiyujarã ĩna, “Zeure ñagõbosagu ñaami” yirã.^C ¹³ Ti maca tũjũre Zeure yirũcũbuoriavi ñañuju. Ti vijũre pai ĩ yirore bajiro yigũ ñañuju, “Zeure rũcũbuoto mani” masare ũmato yigũ. “Pablo, to yicōari Bernabére ĩnare rũcũbuoto mani” yigũ, ta vecna, gore quẽne juaáyuju ĩ. “Pablo mesare rũcũbuoto mani” yigũ, vaibũcũrã sĩacōari, masare ũmato soeru yiboayuju. ¹⁴⁻¹⁵ ĩ ũmato yigũadire ĩamasicōari, “Ti ũnire yũare yirũcũbuobetiroti ñaja” yirã, ĩna sudire tũavoyujarã. To yicōari, masa ĩna ñaro ũmaejacōari, oca tutuase rãca ado bajiro ĩnare gotiyujarã ĩna:

—¿No yirã to bajise yati mũa? Yũa quẽne masane ñaja yũa. Mũare bajirãne ñaja. To mũa yise ũnirene, “Yitũjato ĩna” yirã, mũaare gotirã vabũ yũa. To bajiro yũare mũa yiboase, vaja maja. Tire yitũjacōari, Dios catimũorũgõgũjuare yirũcũbuoya mũa. ĩ ñaami ũmũagaserore, sitare, ocore, ñajediro rujeor'i. ¹⁶ Tirũmũjũrema masa no bojarãrene ĩna rũcũbuosere, bojabecu ñaboarine, “Tone yicōato”, ĩnare yimasiñuju Dios. ¹⁷ “Tone yicōato” yigũ ñaboarine, quẽnaro ĩnare yicoadimasiñumi Dios, “‘Quẽnagũ ñaami’ yimasiato ĩna” yigũ. ĩne ñaami oco quedisere, rica cutire quẽne mũaare cõarũgũgũma, “Rodori rica cutiato” yigũ. ĩne ñaami barere mũaare cõarũgũgũma. Mũaare quẽnaro ĩ yise ñajare, variquẽnaja mũa —ĩnare yigotiyujarã Pablo, Bernabé rãca.

¹⁸ To bajiro ĩnare ĩna yigotiboajaquẽne, “Pablo, Bernabére ĩnare rũcũbuorã vaibũcũrã sĩaisito mani”, yituoĩacōañujarã ĩna.

¹⁹ To bajiro ĩna yĩnarone, jud'io masa, Antioqu'ia macana, to yicōari, Iconio macana quẽne ejayujarã ĩna. Ejacōari, Pablora, Bernabére ĩnare gotiyujarã ĩna, ti macanare. To bajiro ĩna yijare, gãta rãca Pablora ĩre reayujarã, ĩre sĩarũarã. To bajiro ĩre yicōari, “Jẽre rijacoajami” yirã, ti maca tũsarõju ĩre vejavacōari, ĩre rocacōañujarã ĩna. ²⁰ To bajiro ĩna yirocar'ire ĩre ejayujarã ĩna, Jesúre ajitirũnrã. To ĩna ejarone, vũmũrũgũ, ti macajũane

^C 14:12 Licaonia masa ĩna rũcũbuorãre ĩnare ñagõbosagu, “Hermes vãme cutigumi” yituoĩarã ñari, to bajiro Pablora ĩre yiyujarã ĩna.

jiacoasuju Pablo quēna. Gajerūmu Derbe vāme cūti macajua vacoasuju Pablo, Bernabé rāca.

²¹ Ti macajure ejacōari, toanare Jesús ī bajirere ĩnare gotimasioñujarā. Tire ajicōari, jājarā ñañujarā Jesúre ajitirūnūsuorā. ĩnare gotimasio gajanocōari, Litra macajū vasujarā ĩna quēna. Litra macare eja, ĩna rāca bajiña, Iconio macajua vacoasujarā ĩna. Ti macare eja, ĩna rāca bajiña, Pisidia sita ñarimacajua Antioqu'iajū vacoasujarā ĩna. ²² To ĩna bajicudiriarijū ñariarāre Jesúre ajitirūnūrāre ado bajiro ĩnare gotiyujarā ĩna:

—Jesúre ajitirūnūrā mani ñajare, rojose manire yirūgūama masa. To bajiro manire ĩna yiboajaquēne, Jesúre ajitirūnūcōa ñaruarāja mani, “Ī yarā ñari, ī tujū ejarona ñaja mani” yirā —ĩnare yiyujarā ĩna. ²³ To yicōari, ĩnare ūmato ñaronare bucūrāre ĩnare beseyujarā. To yicōari, bare bamenane ado bajiro Diore mani ɸjūre ĩnare sēnibosayujarā ĩna: “Ado ñarā mu yarā ĩna ñajare, quēnaro ĩnare yirēmoña, mure ĩna ajitirūnūcōa ñarotire yigu”, ĩnare yisēnibosayujarā ĩna. Jesúre ajitirūnūrā ĩna ñarimacarine ejacōari, to bajiro rīne yicōañujarā, Diore ĩnare sēnibosarā.

Pablo, Bernabé rāca, Siria sita ñarimaca Antioqu'iajū ĩna tudiare queti

²⁴⁻²⁵ Pisidia sita ñarimacari ñariarā, Panfilia sitare ñarimacare, Perge vāme cūti macare ejayujarā. Ti macajū ejacōari, Jesús ī bajirere ĩnare gotimasioñujarā ĩna. To yigajanocōari, Atalia vāme cūti macajū vacoasujarā ĩna. ²⁶ Ti macajū ejacōari, cūmuane vacoasujarā, Antioqu'ia macajū tudiana, “Quēnaro ĩnare ejarēmoato” yirā, Diore ĩnare sēnibosariarā ĩna ñarojū. ĩna goticudiroticōariarore bajirone yijeocōariarā ñari, Antioqu'iajūre tudiejayujarā ĩna, Pablo mesa. ²⁷ Ti macajure tudiejacōari, Jesúre ajitirūnūrāre rēocōari ĩna bajicudirere, Dios ĩnare ī yirēmorere, to yicōari, jud'io masa me ñaboarine Jesúre ĩna ajitirūnūrere quēne ĩnare gotiyujarā ĩna. ²⁸ Tone yoaro ñacōañujarā, Jesúre ajitirūnūrā rāca.

15

Jerusalénjū rējacōari ĩna gāmerā ñagōre queti

¹ Tirodore, sīgūri Judea sitana Jesúre ajitirūnūrā, Antioqu'ia macajure vasujarā. To ejacōari toanare Jesúre ajitirūnūrāre ĩnare gotimasioñujarā. Ado bajiro ĩnare gotiyujarā ĩna:

—Moisés ñamasir'ire circuncisión yirere Dios ī roticūmasirere, mūa yibetijama, rojose tāmūotujabetirarojū mūa varotire mūare yirētobosabetirūcūmi Jesús —ĩnare yigotiyujarā ĩna, Jesúre ajitirūnūrāre.

² Pablo, Bernabé rāca, to bajiro ĩna yisere ajicōari, buto ĩnare jūnisiniñujarā ĩna. To bajiri, “To bajirone bajiroja” ĩna gāmerā yimasibetijare, Jerusalénjū Pablōre, Bernabére, to yicōari, gājerā ĩna rācanare quēne ĩnare cōañujarā Antioqu'iana. “Jerusalén macanare Jesús ī gotiroticōasūoriarāre, to yicōari, ĩre ajitirūnūrāre ĩnare ūmato ñarāre quēne, circuncisión yirere ĩnare sēniāaya mūa”, ĩnare yicōañujarā ĩna.

³ To ĩna yicōariarā, Fenicia sitare, Samaria sitare quēne ejacōari, Jesúre ajitirūnūrāre ado bajiro ĩnare gotibatoyujarā ĩna:

—Jud'io masa me ñaboarine, yūa gotimasiosere ajicōari, ĩna rūcūbuoboarere rūcūbuotujacōari, Jesúre ajitirūnūcama —ĩnare yigotibatoyujarā ĩna.

Tire ajicōari, buto variquēnañujarā ĩna.

⁴ Jerusalénjū Pablo, Bernabé rāca ĩna ejaro, quēnaro ĩnare bocaāmiñujarā Jesús ī gotiroticōasūoriarā, gājerā Jesúre ajitirūnūrā, to yicōari, ĩnare ūmato ñarā quēne. To bajicōari, Dios suorine jediro ĩna yirere ĩnare gotiyujarā ĩna, Pablo, Bernabé rāca. ⁵ To bajiro ĩna yisere ajicōari, fariseo masa, Jesúre ajitirūnūrā, vūmūrūgūcōari, ado bajiro yiyujarā ĩna:

—Jesúre ajitirūnūrāre jud'io masa me ñarāre quēne, ĩnare circuncisión yiroti ñaja ti. Moisére Dios ī yiroticūmasiriarore bajirone yiroti ñaja ĩnare quēne —yiyujarā ĩna.

⁶ To bajiro ñna yijare, Jesús ï gotiroticōasuoariarā, gājerā Jesúre ajitirūnūrāre ūmato ñarā, rējañujarā ñna, to ñna yisere gāmerā ñagōrētobudiruarā. ⁷ Yoaro gāmerā ñagōñañujarā ñna. To ñna bajinarone, vūmūrūgūcōari, ado bajiro ñnare gotiyuju Pedro:

—Yū yarā Jesúre ajitirūnūrā, yūre ajiya. Tirūmūjū mūa rācagūre yūre besecōari, jud'io masa me ñarāre Jesús ï bajicatire yū gotirotire yigū, yūre cōacami Dios, “Tire ajicōari, Jesúre ajitirūnūato ñna” yigū. Tire masiaja mūa. ⁸ Masa ñna tūoīasere masigū ñari, jud'io masa me ñarāre quēne Esp'iritu Santore ñnare cōacami Dios, manire ï cōacatore bajirone. To bajiro ñnare ï yicati ñajare, “Ñnare quēne ñavariquēnaami Dios”, yimasiaja mani. ⁹ “Jud'io masa me ñna ñajare, rojose ñna yisere ñnare masiriobetirūcūja”, yibesumi Dios. Jesúre ñna ajitirūnūsuorijaune, rojose ñna yisere masiriocōari, Jesús ï rijabosare suorine “Ñie rojose mana ñaama”, ñnare yīañumi Dios. ¹⁰ To bajiro ñnare ï yire ti ñaboajaquēne, “Mūare ruyaja. Dios mūare ï ñavariquēnase mūa bojajama, ado bajiro yiroti ñaja”, ñnare yaja mūa, Jesúre ajitirūnūrāre. To bajiro ñnare mūa yijama, Jesús ï rijabosare suorine quēnaro Dios manire ï yisere ajimenare bajiro yirā yaja mūa. Circuncisión ñnare mūa yirotijama, Dios ï rotimasire ñaro cōrone cūdiroti ñaroja ñnare. Rēmojūne mani ñicūa quēne yijeobeticoadimasīñuma. Mani quēne, tire cūdiobeticajū mani. ¹¹ Ado bajirojūa tūoīaroti ñaja manire: “Tire mani cūdise suori me, rojose mani tāmūoborotire manire yirētobosagū, Jesucristo manire rijabosayumi”, yiroti ñaja manire. To bajirone bajiaja jud'io masa me ñarāre quēne —ñnare yigotiyuju Pedro.

¹² To bajiro Pedro ï yisere ajicōari, ñagōbesujarā ñna yuja. To ñna bajirone, Dios ï masise suorine ñañañamanire jud'io masa me ñarāre ñna yīorere ñnare gotiyujarā Pablo, Bernabé rāca. ¹³ To bajiro ñna yigajanoro bero, ado bajiro yiyuju Santiago vāme cūtigū:

—Yū yarā, yūre ajiya. ¹⁴ Jud'io masa me ñarā ñna bajirere manire gotigajanoami Simón. ï gotisere ajicōari, “Jud'io masa me ñarāre quēne ñnare besecōari, ‘Yū rīa ñaama ñna’ yīñavariquēnañumi Dios”, yimasiaja mani. ¹⁵ Ti bajirotire tūoīacōari ado bajiro ucamasīñujarā Diore gotirētobosamasiriarā:

¹⁶⁻¹⁸ “Adirūmuri ñarā, Ūjū David ñamasir'i jānerabatia, ūjarā me ñaama ñna. To bajiro ñna bajiboajaquēne, berojū mūa jud'io masare ñamaicōari, David jānamire, “Rotimūorūgōrūcūja mū” yigū, ïre yicōarūcūja yū. ï rotisūorone, jud'io masa me ñarā quēne yū rīa ñaruarāma. To bajiro ñna bajirotire yigū, ïre cōarūcūja yū' yami Dios”, yūcamasīñujarā ñna, mani ūjūre Jesúre Dios ï cōarotire yirā —yigotiyuju Santiago.

¹⁹ —To bajiri, ado bajiro tūoīaja yū: Jud'io masa me ñaboarine, ñna rūcūbūorere rūcūbūo tūjacōari, Dios ï bojasejūare yirāre jairo ñnare rotibetiroti ñaja. ²⁰⁻²¹ Tirūmūjūne ūsūsjariarūmū ti ejaro, Dios ocare ñna buerivirijū Moisés ñamasir'ire Dios ï roticūmasirere gotimasiocoayuma ñna, tocārāca macarine. To bajiri ñamasuse rīne ado bajiro ñnare yūcacōato mani: “Ado bajirā ñarāma” ñna masune yiquēnorujeocōari, ñna yirūcūbūorā tūjūre vaibūcūrāre sīacōari, mojoroaca ñna tūjū cūrāma. Tire babesa, ñnare yūcacōato mani. To yicōari, manajo cūtirā, manajū cūtirā, manajo mana, manajū mana quēne, gājerā rāca ajeriarā cūtibesa, ñnare yūcacōato mani. Vaibūcūrā sīariarāre ñna ri'ire yireamenane, babesa. ñna ri'ire quēne idibesa, ñnare yūcacōato mani —ñnare yiyuju Santiago.

Jud'io masa me ñarāre ñna ucacōare queti

²² To bajiro ï yisere ajivariquēnacōari, Jesús ï gotiroticōasuoariarā, Jesúre ajitirūnūrā, ñnare ūmato ñarā quēne, “Pablo, Bernabé rāca Antioqu'iajū mani cōaronare beseto mani”, yiyujarā ñna. To bajiri, Judas, Barsabás ñna yigū, to yicōari Silas vāme cūtigū ñañujarā ñna. Jesúre ajitirūnūrā vatoajure ñamasurā ñañujarā ñna. ²³ To bajiri, Pablo, Bernabé rācare ñnare cōañujarā ñna. Ado bajise queti ñna rāca ucacōañujarā ñna:

“Jesúre ajitirūnūrā, ñnare ūmato ñarā to yicōari, Jesús ï gotiroticōasuoacana quēne, mūa yarā ñaja yua, mūa quēne Jesúre ajitirūnūrā mūa ñajare. To bajiri mūare, jud'io masa me ñarāre, Antioqu'ia macanare, Siria sitanare, to yicōari Cilicia sitanare quēne mūare quēnaroticōaja yua. Cojo masare bajiro bajirā ñari, Jesús bederā rīne ñaja

mani. ²⁴ Ado yua rācana sīgūri, ĩnare yua cōabetiboajaquēne, m̄ua ñarøjure vacōari m̄uare ĩna gotimavisiocudise quetire ajibũ yua. ²⁵ To bajiri, ‘ĩnare ucacōato mani, tire ĩnare gotiquēnorā. To yicōari, ado mani rācanare “ĩnare ĩarā vajaro” yirā, Pablo, Bernabé rāca ĩnare cōato mani’ yituoĭaja yua. Pablo, Bernabé, yua ĩamairā ñaama ĩna. ²⁶ ĩnare ĩna sĭarũaboajaquēne, Jesús mani ẽjũ ĩ bojasere yicōa ñañuma ĩna, tojũ ĩna gotimasiocudijaquēne. ²⁷ To bajiri Judare, Silare, m̄uare cōaja yua, Pablo, Bernabé rāca. Tojũ ejacōari, m̄uare yua ucacōasere quēnaro m̄uare gotiquēnorũarāma ĩna. ²⁸ Esp'iritu Santo yuare ĩ tuoĭaejarēmose rāca, ñamasuse rĭne m̄uare yiroticōaja yua: ²⁹ ‘Ado bajirā ñarāma’ ĩna masune yiquēnorujeocōari, ĩna r̄ũcũbũorā tũjũre vaibũcũre sĭacōari, mojoroaca ĩna tũjũ cūrāma. Tire babesa m̄ua. To yicōari, vaibũcũrā m̄ua sĭariarāre ĩna ri'ire yireamenane, babesa. ĩna ri'ire quēne idibesa. To yicōari, manajo cũtirā, manajũ cũtirā, manajo mana, manajũ mana quēne, gājerā rāca ajeriarā cũtibesa. Adire m̄ua yijama, quēnase yirā ñarũarāja m̄ua. M̄uare quēnarotiaja yua”, ĩnare yiuacōañujarā ĩna, Antioqu'ianare, jud'io masa me ñarāre.

³⁰ To bajiri, Antioqu'ia macajũ ĩna varotirā, ĩnare vare goti, vacoasujarā ĩna. To ejacōari Jesúre ajitirũnrāre ĩnare rēocōari, gotiquēnorā ĩna ucacōarere ĩnare ĩsĭñujarā ĩna. ³¹ Tire ĩacōari, bũto variquēnañujarā ĩna, tuoĭasũtiritiñaboariarā. ³² Judas, Silas quēne, Diore gotirētobosarimasa ñañujarā ĩna. To bajiri toanare Jesúre ajitirũnrāre Jesús ocare quēnaro gotimasioñujarā. Tire ajicōari, bũtobũsa ajivariquēnañujarā ĩna. ³³ ĩna rāca yoaro ĩna bajiñaro bero, ĩnare queti cōariarā tũjũ tudiana, ĩnare ĩna vare gotirone,

—Quēnaro tudiasa m̄ua —ĩnare yitũocōañujarā ĩna.

³⁴ To ĩna bajirone,

—Adone tujagũ yaja yũ —yitujacōañuju Silama.

³⁵ Pablo, Bernabé quēne, Antioqu'iajũre tujayujarā ĩna. To ñacōari, gājerā jājarā rāca Jesús ĩ bajirere masare gotimasiocōa ñarũgũñujarā ĩna.

Jesús ĩ bajirere Pablo ĩ goticudigũ tudivare queti

³⁶ Antioqu'iajũ yoaro bajiñaboana,

—Ita. Quēna ĩnare tudiĩacudito, Jesús ĩ bajirere mani goticudicati macarire, “¿Mani goticudicatore bajirone ajitirũncōa ñati?” yirā —ĩre yiyuju Pablo, Bernabére.

³⁷ To bajiri, Juan Marcos vāme cũtigũre ĩre jiarũaboayuju Bernabéjũama. ³⁸ ĩre ĩ jiarũaboajaquēne, bojabesuju Pablojũama, Panfilia macajũ Jesús ĩ bajirere ĩna gotimasiocudirore ĩnare ĩ tudiveore ti ñajare. ³⁹ To bajiri sĭgũre bajiro tuoĭamasibetica yirā, gāmerā cāmotadicōañujarā ĩna. Bernabéjũama, Chipre vāme cũtiyoajũ Juan Marcore ĩre ũmato vasuju. ⁴⁰ To ĩ bajiro bero, Pablojũama, Silare ĩre jiyuju. ĩna varoto rĭjoro, toana Jesúre ajitirũnrā Diore ĩnare sēnibosayujarā, Pablore, Silare quēne, “ĩna goticudiro ĩnare ejarēmoato Dios” yirā. To bajiro ĩna yiro bero, vacoasujarā ĩna. ⁴¹ To bajivana, Siria sitare, Cilicia sitare quēne, Jesúre ajitirũnrāre ĩnare gotimasiocudirũgũñujarā ĩna, “Bũtobũsa ajivariquēnato ĩna” yirā.

16

Timoteo, Pablore, Silare, ĩ baba cũti vare queti

¹ To bajivana, Derbe vāme cũti macare, to yicōari Litra vāme cũti macajũre quēne ejayujarā Pablo mesa. Ti macajũre Jesúre ajitirũnũgũre, Timoteo vāme cũtigũre ĩre bũjayujarā ĩna. Jesúre ajitirũnũgũ jud'io maso macũ ñañuju ĩ. ĩ jacũma, griego masũ ñañuju. ² Litra macana, Iconio macana quēne, “Quēnaro yigũ ñaami”, ĩnare yigotiyujarā Jesúre ajitirũnrā, Timoteore. ³ “ĩ jacũ griego masũ ñacami”, yimasijedicōañujarā ti macariana. To bajiri ĩ rāca Timoteo ĩ vacudirotire bojagũ ñari, “Jud'io masa adi macariana, ‘Circuncisión yiyamagũ ñagũmi Timoteo’ yĩateroma” yimasigũ ñari, “Circuncisión yirotiya”, yiyuju Pablo. ⁴ To bajiro yicōa, vacoasujarā ĩna, Timoteo rāca. ĩna ejarimacari ñaro cōrone Jesúre ajitirũnrāre ado bajiro ĩnare gotirũgũñujarā ĩna:

—Jerusalén macana Jesús ĩ gotiroticōasuariorā, ĩre ajitirūnūrāre ĩnare ũmato ñarā quēne, “Adi vāmere yibetiroti ñaja” ĩna yirere —ĩnare gotirūgūñujarā.

⁵ To bajiro ĩna yigotirūgūsere ajivariquēnañujarā ĩna, ti macariana Jesúre ajitirūnūrā. To bajicōari, jājarābūsa ñarūtuasujarā ĩna.

Pablora Macedonia sitagu ĩ ruyuaĩore queti

⁶ Asia sitajure Jesús suorine quēnaro Dios ĩ yisere ĩnare gotirotibesuju Esp'iritu Santo. To bajiri tojure vamenane, Frigia, Galacia, to yicōari, Misia sita ñarimacarianare quēne ĩnare gotimasiocudiyujarā ĩna. ⁷ Misia sita tūsarijū ejacōari, Bitinia sitajure varuaboayujarā ĩna. ĩnare varotibesuju Esp'iritu Santo. ⁸ To bajiri, Misia sitare varūtu vanane, ti sita ñarimaca Troas vāme cūti macajū ejayuma ĩna. ⁹ Ti macajure Pablo ĩ ejarāioati ñamire, Macedonia sitagu ĩre ruyuaĩoñuju. Ruyuaĩocōari, ado bajiro ĩre yiyuju:

—Vayá. Ūare ejarēmogūaya —ĩre yijiyuju.

¹⁰ ĩre ĩ ruyuaĩojare,

—Macedonia sitajū vajaro. Tojure Jesús suorine quēnaro Dios ĩ yisere mani gotirotire yigu, ĩre ruyuaĩorotiyumi Dios —yitūoĩacajū ūa.

To yirā ñari, ūa gajeyeūnire quēnosācajū ūa, Macedoniajū varuarā.^d

Filipos vāme cūti macajū Pablo mesa ĩna bajire queti

¹¹ To bajiri, Troas maca ñariarā, cūmuane vacōari, Samotracia vāme cūtiyoajū ejacajū ūa. To ejacōari, gajerūmū Macedonia sita ñarimaca, Neápolis vāme cūti macajure vacajū ūa. ¹² Romano masa, Macedonia sitare ēmacōari ĩna ñaro ñacajū. Ti maca ejacōari, Filipos vāme cūti macajū vacajū ūa. Jairimaca, ñamasuri maca ñacajū ti maca. Tojure yoarobusaca ñacajū ūa. ¹³ Ūsusājariarūmū ti ñaro, ti maca tūsarojū vacajū ūa, riaga boejū. “Jud'io masa, rējacōari Diore ĩre ĩna sēnirijū ñaroja”, yitūoĩa rojacajū ūa. Rojaejacōari, to rējarāre rōmiare ĩnare gotimasiocajū ūa, Jesús suorine quēnaro Dios ĩ yisere. ¹⁴ Sīgō ūare ajigo, Lidia vāme cūtigo ñacamo, Tiatira vāme cūti macago. Sudijāiri, sūarivūjojāiri ĩsicōari, vaja sēnigō ñacamo. Quēnaro Diore yirūcūbuogo so ñajare, “Pablo ĩ gotimasiocere ajimasiato” yigu, ĩ masisere sore cōañumi Dios. To bajiro sore ĩ yijare, Jesúre ĩre ajitirūnūsucamo so. ¹⁵ To bajiro so bajijare, sore, to yicōari, so ya vianare quēne oco rāca ĩnare bautizacajū ūa. To ūa yiro bero,

—“Jesúre ĩre ajitirūnūgō ñamo” ūare mūa yijama, ūa ya vijū ñarā vayá mūa —ūare yicamo so.

To so yijare, so ya vijū ñacajū ūa.

¹⁶ Cojorūmū Diore sēniriarojū vana, gājerāre moabosarimasore sore bujacajū ūa. Vāti sāñagō ñacamo so. Vāti suorine masa ĩna bajiro tire tūoĩacōari, riojo gotigo ñacamo. To bajiro bajigo so ñajare, ĩna bajiro tire masiruarā, sore sēniīarūgūñujarā. To so yise vaja jairo gājoa bujarūgūñujarā so ūjarā. ¹⁷ To bajiri ūare sūyacōari, ado bajiro ūare yivasā sūyarūgūcamo so:

—Ānoa, masirētogū Dios ĩ bojasere yirā ñaama. Dios, masa rojose ĩna tāmūoborotire ĩnare ĩ yirētobosarotire gotirimasa ñaama —yivasā sūyarūgūcamo so.

¹⁸ Tocārācarūmūne to bajiro so yivasā sūyajare, buto gōjanabidicami Pablo. To bajiri judarūgūcōari, so ūsujū vāti sāñagūre ado bajiro ĩre yicami:

—Jesucristo ĩ rotise rāca mūre budirotiaja ūa —ĩre yicami Pablo.

To bajiro ĩ yirone, budicoacami vāti.

¹⁹ So ūsujure vāti ĩ budicoajare, masa ĩna bajiro tire gotimasibeco ñacamo so yuja. To bajiro so bajijare, “So suorine gājoa bujarūgūboabu mani. No yicōari, gājoa bujariaro maja mani yuja” yijūnisinirā ñari, Pablora, Silare quēne ĩnare ñejecama so ūjarā. ĩnare ñejecōari, masa ĩna yisere ĩacōīarimasa tūjū ĩnare juaácama. ²⁰ ĩna tū ejacōari, ado bajiro goticama ĩna:

^d 16:10 Adi quetire ucamasirí Lucas vāme cūtigu, Troas maca ñacōari, Filipos vāme cūti macajū Pablo rāca varí ñari, “yicami Pablo”, yuicayumi.

—Ānoa jud'io masa mani ñarimacanare gotigōjanabioama. ²¹ Īna ñicua ĩna yimasiri-
arore bajiro yiroti ñaja, yigotimasioama ĩna. Manima romano masa mani ñajare, ĩna
gotisere mani ajjama, ʘjũ César ĩ rotisere cudimena yirāja mani —ĩnare yigoticama ĩna,
vāti sãñaboario ʘjarã.

²² To bajiro ĩna yisere ajicōari, jājarābusa ĩnare ĩajūnisinicama ĩna. ĩnare sudi
vejecōari, ĩnare bajaroticama masa ĩna yisere ĩacōārimasa. ²³ Bũto ĩnare ĩna bajero bero,
tubiberiavi ĩnare tubiberoticama. To yicōari,

—Quēnaro ĩnare ĩatirūnũma —ĩre yicama ĩna, ti vire coderimasũre.

²⁴ To ĩna yijare, gũdareco ñari arũajũre no yirudimasiña manojũ ĩnare juacōari, yucújai
goje cutijãine ĩna gũborire yirēto buñiacōari, ĩnare tubibecūcōañuju.

²⁵ To ĩ yicōariarã, ñami gũdareco ñaro Diore sēni, basa, yĩñañujarã ĩna, Pablo, Silarāca.
Gãjerã, ti vi tubibe ecoriarã, to ĩna yisere ajiyujarã. ²⁶ To bajiro ĩna yĩnarone, bũto sita
sabeyuju. To bajiro ti bajirone, ti vi ñarisōari sojeri jedirone jānajedicoasuju. Cōmema-
rine ĩnare ĩ siaboare jojijedicoasuju, ĩna jedirorene. ²⁷ To bajiro ti bajirone, yujicōari, ti
vi ñarisōari sojeri ñaro cōrone jānariasojeri ti ñacōajare, “Budijedicōariarãma ĩna” yigũ,
ĩ masune jariase rãca sãagũagũ yiboayuju ti vi ĩacoderimasũ. ²⁸ To ĩ yigũadone,

—¡Mũ masune siabeticōaña! Yũa ñaro cōrone adorine ñajedicōaja yũa —ĩre yiyuju
Pablo.

²⁹ To ĩ yisere ajicōari, sĩabusuorotiyuju ti vi coderimasũ. To yicōari, ti vijũre ũmasã-
jacōari, bũto gũigũ ñari, nanagũne Pablo, Silarāca rĩjorojũare gũsomuniari tuetuyuju,
ĩnare rũcũbuogũ. ³⁰ To ĩ yiro bero, ĩnare bucōari, ado bajiro sēniñañuju ĩ:

—Rojose yũ tãmũoborotire Dios yũre ĩ yirētorotire yũ bojajama, ¿no bajise yiroti ñati
yũre? —ĩnare yisēniñañuju ĩ.

³¹ To ĩ yisere ajicōari, ado bajiro ĩre cudiyujarã ĩna:

—Mani ʘjũ Jesũre mũ ajitirũñujama, rojose tãmũotũjabetiriarojũ mũ vaborotire mũre,
mũ yarãre quēne yirēto bosarũcũmi Dios —ĩre yiyujarã Pablo, Silarāca.

³² To bajiro ĩre yicōari, ĩre, ĩ ya vianare quēne mani ʘjũ ocare ĩnare gotimasioñujarã
ĩna. ³³ Ti ñamine Pablo mesa cãmire coeyuju ĩ, tubiberiavi coderimasũ. ĩnare ĩ
coegajanorone, ĩre, ĩ ya vianare quēne oco rãca ĩnare bautizayujarã ĩna. ³⁴ To bajiro
ĩnare ĩna yiro bero, ĩ ya vijũ ĩnare jiacōari bare ĩnare ecayuju. Diore ajitirũñũrã ñari,
bũto variquēñañujarã ĩna.

³⁵ Gajerũmũ busurijũ masa ĩna yisere ĩacōārimasa, ado bajiro ĩna surarare ĩnare
yiyujarã ĩna:

—Tubiberiavi coderimasũre ĩre gotiaya, “Pablöre, Silare ĩnare bucōato” —ĩnare
yiroticōañujarã ĩna. ³⁶ To ĩna yiroticōare ti ñajare, ado Pablo mesare ĩnare gotiyuju ti
vi coderimasũ:

—“Pablöre, Silare ĩnare bucōaña”, yũre yicōañuma ĩna. To bajiri, “Rojose manire
yirēmomenama”, yitũoĩa variquēña budiasa mũa —ĩnare yiyuju ĩ.

³⁷ To ĩ yiboajaquēne, ado bajiro ĩnare yiyuju Pablo, masa ĩna yisere ĩacōārimasa ĩna
cōariarãre:

—Bajibeaja. Roma macana yũa ñaboajaquēne, rojose yũa yirere ĩacōāmenane, yũare
bajerotimasima ĩna, masa ĩna ĩaro rĩjorojũa. To yicōari yũare tubiberotimasima. To
bajiro yũare yirã ñaboarine, ¿no yirã masa ĩna ĩabetone yũare burotiati ĩna? ĩna masune
yũare burã vadiato —ĩna cōariarãre ĩnare yiyuju Pablo.^e

³⁸ To ĩ yijare, masa ĩna yisere ĩacōārimasa tũjũ ejacōari, Pablo ĩ gotirere ĩnare
gotiyujarã ĩna. To ĩna yisere ajicōari, “Roma macana ñañuma ĩna quēne” yimasicōari,
bũto gũiyujarã ĩna. ³⁹ To bajiri tubiberiavi ejacōari, “Rojose mũare yũa yimasisere
masirioya mũa”, ĩnare yiyujarã, Pablo mesare. To ĩna yiro bero, ĩnare bucōari, rũcũbuose
rãca ĩnare varotiyujarã ĩna, masa ĩna yisere ĩacōārimasa. ⁴⁰ To bajiro ĩnare ĩna yiro bero,

^e 16:37 Pablo jacũ Roma macana surara rãca quēnaro ĩ moajare, Roma macagũ me ĩ
ñaboajaquēne, “Roma macagũ ñaami” ĩna yuicature cũoyuju, jud'io masũ ñaboarine. To
bajiro ĩna yire ti ñajare, ĩ macũ Pablo quēne, “Tarso macagũ ñaboarine, Roma macagũ
ñaja”, yiyuju.

Lidia ya vijū vasujarā ĩna. Ti vijū sājaejacōari, to ñariarāre Jesúre ajitirūnrāre quēnaro ĩnare gotiyujarā ĩna. ĩnare gotigajanocōari, vacoasujarā Pablo mesa.

17

Tesalónica vāme cūti macajū Pablo mesa rojose ĩna tāmūore

¹ To bajivanane, Anf'ipolis, Apolonia vāme cūti macare rētoanane, Tesalónica macajūre ejayujarā Pablo mesa. Tojūre jud'io masa Dios ocare ĩna buerivi ñañuju ti. ² To bajiri ĩ yirūgūriarore bajiro yigūacu, ti vire sājañuju Pablo. Idia semana cōro tocārācarūmū usūsājariarūmūri ñaro Dios oca masa ĩna ucamasirere ĩnare bueajiocōari, ado bajiro ĩnare gotimasiorūgūñuju:

³ —Tire quēnaro mūa buejama, “‘Rotimūorūgōrūcūmi’ yigū, Dios ĩ cōarocū rojose tāmūocōari, ĩ rijarotire, to yicōari, quēna ĩ tudicatirotire gotiaja ti”, yimasirūarāja mūa quēne. “To bajiro bajirūcūmi” ĩna yuicamasir'i, “Jesúne ñaami”, mūare yaja yū —ĩnare yigotimasioñuju Pablo.

⁴ To bajiro ĩ yisere ajicōari, sīgūri jud'io masa, griego masa Diore rūcūbūorūgūriarā, to yicōari, rōmia ñamasurā quēne, “Pablo mesa rācana ñaja yūa”, yiyujarā ĩna. ⁵ To bajiro ĩna yisere buto ĩajūnisiniñujarā gājerā jud'io masa. ĩajūnisinicōari, jājarā masa ĩna rējarūgūrijau ejacōari, “Pablōre, Silare ĩnare ñejecōari, rojose yito mani” yirā, rojose yirāre ĩnare jirēoñujarā ĩna. To yicōari, “Jasón ya vijū ñarāma” yirā, ĩnare macarā sājasujarā ĩna. ⁶ ĩnare būjabetica yirā, Jasón to yicōari gājerā Jesúre ajitirūnrāre quēne, ĩnare vejabudiacōari, ti maca ūjarā tūjū ĩnare juaásujarā. To ejacōari, ado bajiro ĩnare avasāgotiyujarā ĩna:

—Ānoa, macarūcūro jediro ñarā masare gōjanabiorā ñaama. To bajiri adojūre quēne manire gōjanabiorā ejama ĩna. ⁷ Jasón ĩnare bocaāmiñumi ĩ ya vijū. ĩna jedirone, Ūjū Cēsar ĩ rotisere ajirūcūbūomena ñaama. “Gāji ñaami mani ūjū, Jesús vāme cūtigū”, yirūgūama ĩna —yivasā gotiyujarā ĩna.

⁸ To bajiro ĩna yigotisere ajicōari, maca ūjarā, gājerā to rējarā quēne, buto avasājūnisiniñujarā ĩna. ⁹ To yicōari, Jasónre, gājerā Jesúre ajitirūnrāre quēne ĩnare gājoa sēniñujarā ĩna, “Tire mūa ĩsijama, mūare burūarāja yūa” yirā. To ĩna yijare, gājoa ĩnare ĩna ĩsironē, ĩnare bucōañujarā ĩna.

Berea vāme cūti macajūre Pablo mesa ĩna bajire queti

¹⁰ Tirūmū rāioati ñamine, Berea vāme cūti macajū Pablo mesare ĩnare varotiyujarā ĩna Jesúre ajitirūnrā. Tojūre ejacōari, Dios ocare ĩna buerivijūre sājañujarā ĩna. ¹¹ Tesalónica vāme cūti macanare bajiro tūoīabesujarā ĩna, ti macana jud'io masa. Pablo ĩ gotimasiosere buto ajivariquēnañujarā ĩna. Tocārācarūmūrine Pablo ĩ gotisere ajicōari, Dios oca masa ĩna ucamasirere buerūgūñujarā ĩna, “¿Pablo ĩ gotisere bajirone gotiati?” yirā. ¹² To bajiri jājarā jud'io masa, griego masa rōmia ñamasurā, ūmūa quēne, Jesúre ĩre ajitirūnrāre quēnaro Dios ĩ yisere Pablo ĩ gotimasio ñasere ajiyujarā Tesalónica macana jud'io masa. Tire ajicōari, Pablo ĩ gotimasio ñarōjūre vasujarā ĩna. Tojū ejacōari, “Pablo rojose yigū ñaami”, ĩnare yigotiyujarā ĩna. To ĩna yijare, Pablōre buto ĩre jūnisiniñujarā ĩna, ti macana. ¹⁴ To ĩna yijare, moa riaga boejū Pablōre ĩre varotiyujarā ĩna Jesúre ajitirūnrā. To bajiboarine, Timoteo, Silarāca Berea macane ñacōañujarā ĩnama. ¹⁵ Pablo rāca variarā, Atenas vāme cūti macajū ĩre cūejoyujarā ĩna. ĩre cū, Berea macajū ĩna tudiatone, “Guaro yū tūjū vayá”, yuicacōañuju Pablo, Silas, Timoteore.

Atenas vāme cūti macajū Pablo ĩ bajire queti

¹⁶ Pablo, Atenas macajū ñacōari, Silas, Timoteore ĩnare yuñañuju ĩ. To bajiñagū, ti macana, ĩna yīnasere ĩañuju, “Ado bajirā ñarāma” ĩna masune yiquēnorujeocōari, ĩna yirūcūbūoñasere. Tire ĩacōari, buto tūoīarejaiyuju. ¹⁷ To bajiri jud'io masa Dios ocare ĩna buerivijū sājacōari, ĩnare gotimasioñuju Pablo, Jesús sūorine quēnaro Dios ĩ yisere. Griego masare, Diore rūcūbūorūgūriarāre quēne gotimasioñuju. To yicōari,

tocārācarūmūrīne masa īna rējarūgūrijau ejarāre īnare gotimasioñuju Pablo. ¹⁸ Tojūre epicúreo masa, to yicōari estoico masa ī rāca ñagōñujarā īna. To yicōari, īna masune ado bajiro gāmerā yiyujarā īna:

—¿Ñie ūnīre ñagōru yiboati, āni tuoīamasibecu? ¿No bajise gotiru yiboati? Ī yarā īna rūcubūorāre “Īna quēne rūcubūoato” yigu, manire gotimasioru yiboami —gāmerā yiyujarā īna, Jesús rijacoaboarine, quēna ī tudicatirere Pablo ī gotisere ajicōari.

¹⁹ To bajiro gāmerā yicōari, ĩre jiasujarā īna, masa rējacōari īna gāmerā gotiroju, Areópago vāme cutoju. To ejacōari,

—¿Ñie ūnīre ajiñāmanire yūare gotirūgūati mu? ^f ²⁰ Mu gotise ūnīre ajibetirūgūmu yua. Mu gotiri vāmere masirūaja yua —Pablore ĩre yiyujarā īna.

²¹ (Atenas vāme cuti macana, to yicōari, gājerā gajeroju vadiriarā quēne, īna ajiñabe-tirūgūre īna ajijama, Areópagoju vacōari, ti rione gāmerā gotirūgūñujarā īna.)

²²⁻²³ To bajiri īna vatoajūre vāmūrūgūcōari, ado bajiro īnare gotiyuju Pablo:

—Atenas vāme cuti macana, yūre ajiya mu. “Ado bajirā ñarāma” yiquēnorujeocōari, mu rūcubūorā jājarā ñaama adi macare. Īnare buto rūcubūorā ñaja mu. Mu quēnorī-arāre mu rūcubūorivirire, ĩacudica yigu, cojoju soemūorīajūre, uaturere ĩamu yu. Ado bajiro yibu ti: “Ado ñaja Dios ĩañamagūre rūcubūorīaju” yibu. ĩre masibetiboarine, mu rūcubūogure muare gotigūagu vadimasimu yu.

²⁴ ĩne ñaami Dios, ñajediro uju, adi macarūcuro ūmūagaserore, to yicōari, catirā ñajedirore rujeor'i. Masa īna buariavire ñagū ūgū me ñaami ĩma. ²⁵ Masa ĩre īna yibosere bojagu me ñaami. Disejua ĩrema ruyabetoja. ĩne ñaami ñajediro mani catirotire manire ĩsirūgūgūma.

²⁶ “Macarūcuro ti ñaro cōrone jājarā masa ñarūtuarāma” yigu, rēmojūre sīgūne ūmūre rujeosūomasīñuju. Mani catirotirodorire, to yicōari, mani ñaroti sitare quēne manire cūbosamasīñuju. ²⁷ “Ībūjayamagū ñaboarine, yūre īna sēnijama, yūre masirūarāma īna” yigu, to bajiro manire rujeomasīñuju ĩ. Sōju me ñaami. Ado mani rācane ñacōagūmi. ²⁸ ĩ suorine catiaja mani. Sīgūri mu yarā ado bajiro ucamasīñuma īna: “Mani rūcubūogu yarā ñaja mani. To bajiri ĩ rīa ñaja mani”, yucamasīñuma. ²⁹ To bajiri, Dios rīa ñari, “Orone, cōme vetane, gūtane masare bajirā īna quēnorīarā ūgū ñagūmi mani rūcubūogu”, ĩre yituoīabeticōato. Masa īna quēnoboasema Diore bajiro bajise me ñaja ti. ³⁰ Tirūmūjūrema, “Ado bajirā ñarāma” īna masune yiquēnorujeocōari, īna yirūcubūoñasere bojabecu ñaboarine, rojose yibetimasīñumi Dios, “Ī bojabetire yirā yirāja mani” īna yimasibetijare. To bajiboarine yucūrema, “Yu ĩavariquēnabetire yitūjacōari, yu bojasejūare yiya”, yami Dios, masa ñajedirore. ³¹ To bajiri, “Cojorūmu masa īna yisere riojo ĩabeserocūre cūrūcūja yu”, yimasīñuju Dios. To bajiro ĩ yir'i ñari, adi macarūcurojūre ejacōari, ĩ rijato bero Dios ĩre ĩ catiore ñajare, “Masa īna yisere ĩabeserocu ñaami”, yimasire ñaja —īnare yigotiyuju Pablo.

³² “Bajirocacoaboarine quēna tudicaticoasuju” Pablo ĩ yigotisere ajicōari, ĩre ajayujarā īna, sīgūri. To īna yirone, gājerājuama:

—To mu gotiserema, gajerūmu mūre ajirūarāja —ĩre yiyujarā īna.

³³ To bajise ĩre īna yijare, vacoasuju Pablo. ³⁴ Sīgūri, Pablo ĩ gotisere ajicōari, Jesūre ĩre ajitirūnūsoyujarā īna. Dionisio, Areópago masu ñañuju ĩ. To yicōari, Dámaris vāme cutigo, gājerā quēne ñañujarā īna.

18

Corinto vāme cuti macaju Pablo ĩ bajire queti

¹ To bajiro bero, Atenas macaju ñar'i, Corinto vāme cuti macaju vacoasuju Pablo. ² Toju ejacōari, Ponto sitaju ruyuar'i jud'io masu Aquila vāme cutigūre ĩabūjayuju. Italia sitagu uju Claudio vāme cutigu, Roma vāme cuti macajūre jud'io masa īna ñasere bojabecu ñari, īnare varotiyuju ĩ. To ĩ yijare, Italiaju ñariarā, Corinto macaju ejayujarā īna, Aquila,

^f 17:19 Areópago vāme cutore rējarūgūriarā Areópago vāme cutiyujarā.

ĩ manajo Priscila vāme cūtigo rāca. Īnare ĩabũjar'ĩ ñari, ĩna ya vijũ ĩnare ĩagũ vasuju Pablo. ³ Vaibũcũrā gaserorine viri bũarotire quēnocōari, vaja sēnirā ñañujarā ĩna. To bajiri Pablo quēne, tire moarũgũr'ĩ ñari, ĩna tũjũ ñacōari, ĩna rāca moañuju ĩ. ⁴ ĩna rāca ñacōari, ʘsʘsājariarũmũ ti ejaro Dios ocare ĩna buerivijũ vacōari, jud'io masare, griego masare quēne, “Jesús yere ajitirũnuato” yigũ, ĩnare gotimasiorũgũñuju Pablo.

⁵ Macedonia sitajũ ñariarā, Pablo ĩ ñarõjũre Corinto macajũre ejayujarā Silas, Timoteo rāca. To bajiri ĩna ejaro bero, vaibũcũrā gaserorine viri bũarotire ĩ quēnorũgũboarere yitũjacōari, tocārācarũmũne jud'io masare ĩnare gotimasiorũgũñuju. “Jesúne ñaami masa rojose ĩna tāmũoborotire ĩnare yirētobosacōari, rotimũorũgōrocũ, Dios ĩ cōar'ĩ”, ĩnare yigotimasiorũgũñuju Pablo. ⁶ To bajiro ĩnare ĩ yigotiboajaquēne, ĩre ajiterā “Rojose yigũ ñaami Pablo. Socagũ ñaami”, yiyujarā ĩna. To bajiro ĩre ĩna yijare, “To cōrone mũare gotitũjagũ yaja” yigũ, ĩ sudi sãñasere tũayayeyuju Pablo. To yicōari, ado bajiro ĩnare yiyuju:

—Jesús sũorine Dios quēnaro ĩ yisere mũare yũ gotisere ajiterā ñari, sũoye cũtiaja mũa. Yũ sũori me bajirũarāja mũa. To bajiri, jud'io masa mejuare mũare yũ gotiboasere ĩnare gotigũacũ yaja yũ —ĩnare yigotiyuju Pablo.

⁷ To yigajanocōari, ti vi ñar'ĩ, budicoasuju ĩ. Ti vi tũre ñañuju Ticio Justo vāme cũtigu ya vi. Jud'io masũ me ñaboarine, Diore ajirũcũbũogũ ñañuju ĩ. To bajiri ĩ tũ sãjasuju Pablo. ⁸ Jud'io masa Dios ocare ĩna buerivĩ ʘjũ Crispo vāme cũtigu, ĩ ya viana, to yicōari Corinto macana quēne, jãjarā Pablo ĩ gotimasiosere ajicōari, “Jesúrācana ñaja yũa” yirā, oco rāca bautizarotiyujarā ĩna. ⁹ Cojo ñami Pablõre ruyuaĩocōari, ado bajiro ĩre yiyuju Jesús, mani ʘjũ:

—Gũibesa. Gũibecũne yũ yere ĩnare gotimasio cōa ñaña. ¹⁰ Mũ rācane ñaja yũ. To bajiri mũare ñiacōari, rojose mũare yirocũ maami. Adi macare jãjarā ñaama yũre ajitirũnrā — Pablõre ĩre yigotiyuju Jesús. ¹¹ To bajiri cojo cũma jedi, gaje cũma gũdareco Corintojũre Dios ocare ĩnare gotimasio ñañuju Pablo.

¹² Tirodore Acaya sita ʘjũ ñañuju Galiõn vāme cũtigu. To bajiri Pablo ĩ gotimasio ñarone, jud'io masa, ĩre ñiacōari, Galiõn tũjũ Pablõre ĩre ãmiasujarā ĩna, “Rojose yigũ ñañumi' ĩre yato” yirā. ¹³ To ejacōari, ado bajiro Galiõnre gotiyujarā ĩna:

—“Ado bajiro yũre yirũcũbũorũgũrũarāja mũa” Dios ĩ yicũmasire mere masare ũmato yirũgũami —ĩre yigotiyujarā ĩna.

¹⁴ To ĩna yijare, Pablo ĩ ñagõgũadone, ado bajiro ĩnare gotiyuju Galiõn:

—Rojose ĩ yire ti ñajama, “Rojose yigũ yiyumi”, mũare yiajibogũja yũ. ¹⁵ To bajiboarine mũa ñicũa ĩna yirũgũrere ĩ yijama, ĩ yibetijaquēne, no yibeaja, yũrema. To bajiri no yigũ ĩ yirere ĩacõĩabecũja yũ. Mũa masune tire oca quēnoña —ĩnare yiyuju Galiõn, jud'io masare.

¹⁶ To yigajanocōari, ĩnare budirotiyuju ĩ. ¹⁷ To ĩ yirā, budianane Dios ocare ĩna buerivĩ ʘjũ Sóstenes vāme cũtigũre ĩnare ũmato var'irene ñiacōari, quēañujarā ĩna. To ĩna yiboajaquēne, “To yaja mũa”, ĩnare yibeticõañuju Galiõn.

Antioqu'ia macajũ tudiejacōari bero, Dios ocare Pablo ĩ tudigotigũ vare queti

¹⁸ To bajiro bero, Corinto macajũre yoaro ñacõañuju Pablo. To bajirũaboacũ, Jesúre ajitirũnrāre vare goti, vacoasuju. Priscila so manajũ Aquila quēne ĩ rāca vasujarā ĩna, Siria sitajũ vana. Cencrea macajũ ejacōari, “Tire yirũcũja yũ” Diore ĩre yir'ĩ ñari, ĩ rũjoa joare suarotiyuju Pablo. To bajiro ĩ yiro bero, cũmuane Efeso macajũ vacoasujarā ĩna. ¹⁹ Ti macajũ ejacōari, Priscila so manajũ Aquila rāca to ĩna ñatoyene, jud'io masa Dios ocare ĩna buerivijũ vasuju Pablo. Ti vi ejacōari, ĩnare gotimasioñuju ĩ. ²⁰⁻²¹ To ĩ yĩñarone,

—Yũa rāca yoarobũsa ñacõaña —ĩre yiboayujarā ĩna.

To ĩna yijare,

—Mũa rāca yoaro ñamasibeaja yũ. Dios ĩ bojajama, quēna mũare ĩagũ vadirũcũja yũ —ĩnare yiyuju.

To yicōari, ñnare vare goti vacoasuju cūmuane, Cesarea macajū vacū. ²² Cesarea macare ejacōari, Jerusalénju vacoasuju ī. To ejacōari, Jesúre ajitirūnrāre ñnare quēnaroti gajanocōari, Antioqu'ia macajū vacoasuju. ²³ Ti macajū ejacōari, yoaro ñañuju. To bajinaboacū, vacoasuju Galacia sitajure, to yicōari, Frigia sitajure quēne, Jesúre ajitirūnrāre “Būtobusa ajitirūnrūtujaro” yigū, ñnare goticudigūacū.

Efeso macajure Apolos vāme cūtigū ī gotimasiore queti

²⁴ Tirodore Efeso macajū ejayuju jud'io masū, Apolos vāme cūtigū. Alejandr'ia vāme cūti macajū ruyuar'ī ñañuju ī. Dios ocare masa ñna ucamasirere quēnaro masigū ñañuju ī. ²⁵ “Jesús ñañumi, ‘Rotimūorūgōrūcūmi’ yigū, Dios ī cōar'ī” gājerā ñna yigotimasior'ī ñañuju ī. “Rojose mūa yisere yitūjacōari, ‘Dios ī bojasejūare yirūarāja’ yirā, oco rāca bautizarotiya” Juan ī yire rīne masiñuju ī. To bajiboarine, ī masiro cōro quēnaro gotimasio variquēnañuju. ²⁶ Ti macajū ejacōari, Dios ocare ñna buerivijure bojonebecūne ñnare gotimasioñuju ī. To bajiro ī yisere ajiyujarā ñna, Priscila, so manajū rāca. Tire ajicōari, “Cojo vāme ñre ruyaja” yirā, ricati ñre jicāmotocōari, ñre gotirēmoñujarā ñna, Jesús ocare, to yicōari ī bajirere quēne. ²⁷ Ī gotimasiorotire ñre ñna gotirēmoro bero, Acaya sitana Jesúre ajitirūnrā ñna ñarōjū varūa tūoñañuju Apolos. “To mū vajama, quēnamasucōaroja ti”, ñre yiyujarā ñna, Efeso vāme cūti macana Jesúre ajitirūnrā. To bajiri Acaya vāme cūti sitanare queti ñnare ucacōañujarā ñna, “Apolo mūa tū ī ejaro, quēnaro ñre bocañmiña mūa” yirā. To bajiri, Acayajure vacoasuju ī. To ejacōari, Dios ī ejarēmose rāca Jesúre ajitirūnūsoriarāre ado bajiro ñnare yirēmoñuju Apolos: ²⁸ Quēnaro tūoñagū ñnari, masa ñna ñaro rījorojūa, jud'io masa ñna gotiboasere, “To bajiro me bajiaja” yigū, Dios oca masa ñna ucamasirere gotiyuju ī.

—“Rotimūorūgōrūcūmi” yigū Dios ī cōar'ī, ñne ñaami Jesús —yigotimasioñuju ī.
Quēnaro ī gotimasiojare, “To bajiro me bajiaja”, yimasibesujarā jud'io masa.

19

Efeso vāme cūti macajū Pablo ī bajire queti

¹ Corinto vāme cūti macajū Apolos ī ñatoyene, Pablojūa gūtayucū vatoajū ñnari-macarire rētoacōari, Efesoju ejayuju. Tojū ejacōari, Jesúre ajitirūnrāre sīgūrire ñnare bñjayuju Pablo. ² ñnare bñjacōari, ado bajiro ñnare sēniñañuju:

—Jesúre ñre mūa ajitirūnūsorijū, ĩDios ī cōagū Esp'iritu Santo mūare ejacati? —ñnare yiyuju.

To ī yisere ajicōari,

—ĩÑimū ñnati Dios ī cōagū Esp'iritu Santo mū yigūma? ĩre masibeaja yūa —ñre yicūdiyujarā ñna.

³ To ñna yisere ajicōari,

—ĩÑie ũnire yirā, oco rāca bautizaroticati mūa? —ñnare yisēniñañuju Pablo.

To ī yisere ajicōari,

—Juan ī yirere yirā, oco rāca bautizaroticañū yūa —ñre yicūdiyujarā ñna.

⁴ To bajiro ñna yijare,

—“Rojose yirūabeaja yūa. Dios ī bojasejūare yirūarāja yūa” yirāre ñnare bautizayuju Juan. To yicōari, “Yū bero ejarocūre ñre ajitirūnūma mūa”, ñnare yigotiyuju ī, Jesús ī ejarotire yigū —ñnare yigotiyuju Pablo.

⁵ To yicōari Jesús ī gotimasiorere, ī bajirere quēne ñnare gotiyuju Pablo. Tire ajicōari, “Manire rijabosayumi Jesús mani ũjū. To bajiri ī rācana ñaja yūa” ñre ñna yiajitirūnūsojare, oco rāca ñnare bautizayuju Pablo. ⁶ To yigajanocōari, ī āmori rāca ñnare ī ññueorone, Esp'iritu Santo ñnare ejayuju. To ñnare ī bajirone, ajiyamani oca ñagōñujarā ñna. To yicōari, Diore ñre gotirētobosayujarā ñna. ⁷ Juaāmo cōro, gūbo jūa jēnituarirācū ñañujarā ñna.

⁸ Jud'io masa Dios ocare ñna buerivijū tūoñagūibecūne idiarā muijua ado bajiro ñnare gotimasio ñañuju Pablo:

—Jesúne ñaami “Rotimæorügörucumi” yigü, Dios ï cõar'ï. Ìre ajitirünærare, “Yæ rãcana ñaama” ñnare yïavariquẽnaami Dios —ñnare yigotirügũñuju.

⁹ To bajiro ñnare ï yigotiboajaquẽne, sïguri ïre ajitecoasujarã ñna. To bajiri, “Jesús yere ajitirünæ sÿyare socase ñaja”, yigotiyujarã ñna, ti vi rëjarãre. To bajiro ñna yijare, Tirano vãme cõtigu ya vi, bueriavijü Jesús yere ajitirünærare ñnare ùmato vacõari, tocãrãcarümæne ñnare gotimasiorügũñuju Pablo. ¹⁰ Jæa cüma ñnare gotimasio ñañuju ï. To bajiri Asia sitana, jud'io masa, to yicõari griego masa quẽne, mani uju Jesús ï bajirere to yicõari, ï gotimasiorere Pablo ï gotisere ajijedicoasujarã ñna. ¹¹ Tirodore ñañamanire Dios ï masise rãca yïoñuju Pablo. ¹² To bajiri, Pablo ï masune rijaye cõtirãre ï moaïagü vabetiboajaquẽne, sudi joeaye, to yicõari ñna rÿjoa siariarorine Pablöre ïre moaïaroticõari, juacoarügũñujarã rijaye cõtirã tÿju. Tire ñna juæjasere moaïarãne, caticoarügũñujarã. Masa usurijü sãñarã vãtia quẽne, budicoarügũñujarã.

Masü usujü sãñagüre vãtire, “Budiya”, Esceva rïa ñna yiboare

¹³ Masa usurijü sãñarãre vãtiare bureacõari, vaja sënicudirimasa ñañujarã ñna, ñañamanire Pablo ï yïoriodore. To yirüguriarã ñnari, “Jesús ï rotise rãca yaja yæa’ mani yijama, quẽnaro manire cudiruarãma vãtia”, gãmerã yiyujarã ñna. To yirã ñnari, “Pablo masare ï gotimasiorügügü, Jesús ï rotise rãca budiya”, yirügũñujarã ñna, masa usurijü sãñarãre vãtiare.

¹⁴ To bajiro yirügũñujarã jud'io masü paia uju ñamasugü Esceva vãme cõtigu rïa. Cojomo cõro, jæa jënituarirãcÿ ñañujarã ñna. ¹⁵⁻¹⁶ To bajiro yirüguriarã ñnari, vãti sãñagü ï ñarivjÿre sãjæjacõari, “Jesús ï rotise rãca budiya”, yiboayujarã, masü usujü sãñagüre vãtire. To ñna yirone,

—Jesúrema masiaja yæ. Pablöre quẽne ïre masiaja. To bajiboarine mæarema masibeaja —ñnare yicõañuju vãti. To yigüne, —Ñnare quẽña mæ —yiyuju vãti, ï sãñagüre.

To ï yijare, ñnare quẽacõari, ñna sudire voreajeocõañuju. To ï yiriarã, cãmironi cõticõari, sudi manane, ùmabudicoasujarã, ïre rudiana. ¹⁷ Efeso macana, jud'io masa, to yicõari griego masa quẽne, to bajiro Esceva rïa ñna yiecorere ajicõari, bÿto güiyujarã ñna. To yicõari, Jesús yere ñna gotijama, rÿcÿbuose rãca gotiyujarã ñna.

¹⁸ To yicõari, Jesúre ajitirünæ, Dios ï bojabetire ñna yirügürere masa ñna ajiro rïjorojæa gotirã ejayujarã ñna, “Tire tudiyibetiruarãja yæa” yirã. ¹⁹ “Gãjerã rëtoro masirã ñaja yæa” yirã, ñañamanani yïorimasa, ñna ucariatutirire buerã ñañujarã gãjerãma. To bajiri ñna buerüguriatutirire juadicõari, soereayujarã ñna, masa ñna ñaro rïjorojæa. Cincuenta mil ñaritiiri cõro vaja cÿti ñañuju titutiri. ²⁰ To bajiri, Jesús yere ajitirünæ, jãjarãbÿsa ñarütuasujarã ñna.

²¹ To bajiro ti bajiro bero, ado bajiro yiyuju Pablo: “Macedonia sitanare, Acaya sitanare ñacudigü varocÿ ñagüja yæ. To bajigüne, Jerusalén macajÿre ejacoarÿcÿja yæ. Ti macajÿre ñacõari, Roma vãme cÿti macajÿre quẽne ejacoarÿcÿja yæ”, yituoïañuju Pablo. ²² To bajiro yituoïagü ñnari, Macedonia sitajÿre ï varoto rïjoro, ïre ejarëmorãre, Erasto, to yicõari, Timoteore ñnare cõañuju ï. Ìjæama, Asia sitajÿre ñacõañuju maji.

Efeso macagü Demetrio vãme cõtigu, Jesúre ajitirünærare rojose ï yiræare queti

²³ Tirodore Jesús yere ajitirünæmena, Jesús yere ajitirünæ, bÿto jünisiniñujarã, Efeso macana rïne ñaboarine. ²⁴ Demetrio vãme cõtigu ñañuju. Masore bajigo ñagõre ñna quẽnorio Artemisa vãme cõtigore ñna rÿcÿbuorivire bajiriviriaca cõme botisene quẽnocõari ïsigü ñañuju ï. Gãjerã quẽne, ï quẽnose ùnire quẽnorimasa ñañujarã ñna. Tire quẽnorã ñnari, tire ïsicõari, jairo gãjoa bujarügũñujarã ñna. ²⁵ Ìre bajiro moare cõtirãre, to yicõari ïre moabosarimasare quẽne jirëoñuju Demetrio. Ì tÿ ñna ejarone, ado bajiro ñnare gotiyuju ï:

—Mani moase jairo vaja cõtija ti. Tire manire ñna moarotibetijama, ñie mana ñaruarãja mani. Tire masiaja mæa. ²⁶ Pablo ï gotirügüsere ajirügüja mani. “Masa ñna quẽnorãma, rÿcÿbuoriarã me ñaama”, yigotirügüami. To bajiro ï gotisere ajitirünæ, adi macana rïne ñabeama. Asia sita ñaro cõrone ñarãma, ï gotisere ajitirünæ. ²⁷ To

bajiro ī yigoticōa ñajama, mani quēnosere vaja yibeticōari, Artemisare sore rūcubuoarā ĩna ejarūgūriviure ejabetiruarāma ĩna. To yicōari, Asia sitana jediro, adi macarucuro ñarā jediro, sore rūcubuooboiarā sore rūcubuoobetiuarāma yuja —ĩnare yigotiyuju Demetrio.

²⁸ To bajiro ĩnare ī gotijare, ajijūnisinicōari, ado bajiro avasāñujarā ĩna:

—Mani ya maca, Efeso vāme cūti macago ñaamo Artemisa. Ñamasugō ñaamo —yiavasāñujarā ĩna.

²⁹ To bajiro ĩna yiavasā ñarone, jājarābūsa ĩna tujure rējacōari avasārēmoñujarā ĩna. To yiñarāne sīgū ī tūoiarore bajiro tūoiacōari, Gayore, Aristarcōre quēne ĩnare ñejeñujarā. Macedonia sitana ñañujarā ĩna, Pablo rācana. ĩnare ñejecōari, ti macana ñajediro ĩna rējarūgūriarōjū ĩnare juaāsujarā ĩna. ³⁰ “ĩna rējarōjū ĩnare juacoasujarā” ĩna yisere ajicōari,

—ĩnare juavariarāre ñagōgū vacū yaja —yiboayuju Pablo.

To ī yisere ajicōari, ĩre varotibesujarā gājerā Jesúre ajitirūnrājūa. ³¹ Gājerā Pablo babarā, Asia sitana ũjarā sīgūri, ti macare ejariarā, “Tojūre vabeticōato” Pablōre ĩre yire queti cōañujarā, “ĩre ñiaroma” yirā. ³² Tojūre rējarā, rujajine tūoiamecūcōañujarā ĩna. To bajiri, no ĩna bojarone ricatiri rīne avasācōa ñañujarā ĩna. “Tire yirā rējamū mani”, yimasibeticōañujarā. ³³ To bajiro ĩna yiñarone, “Yūare ñagōbosaya; manire quēne rojose yiroma ĩna” yirā, ĩna yū Alejandro vāme cūtigūre ĩre turocavioyujarā jud'io masa. To ĩna yijare, “Avasātujaya” yigū, ī āmo rāca vāre vāre yiboayuju. ³⁴ To bajiro ī yiboajaquēne, “Jud'io masūne ñaami ī quēne” ĩre yīamasicōari, jūa hora cōro, ĩna jedirone avasājedicōañujarā ĩna.

—Mani ya maca, Efeso vāme cūti macago ñaamo Artemisa. Ñamasugō ñaamo —yiavasā ñañujarā ĩna.

³⁵ To ĩna yiñarone, ti macana ũjū,

—To cōrone avasātujaya —ĩnare yiyuju.

ĩna avasātujarone ado bajiro ĩnare gotiyuju:

—Ajiya mūa, adi macana: Masa jedirone, “Artemisare sore rūcubuoariavire, to yicōari, ō vecajū quedirujadiariajūre sore bajigo ruyurijū, masa ĩna rūcubuoarijūre coderimasa ñaama”, manire yimasiamā ĩna. ³⁶ To bajiro ĩna yiñajare, rujajine yibesa. Quēnaro tūoiacōari yiya. ³⁷ Mani rūcubuoogore rujajine sore ĩna yibetiboajaquēne, to yicōari rūcubuoariaviayere ĩna juarudibetiboajaquēne, ānoare ĩnare ñejeayuja mūa. ³⁸ Demetrio, to yicōari, ī quēnose ũnire quēnorimasa quēne, “Rojose yūare yama” ĩna yirūajama, masa ĩna yisere ĩacōīarimasa tujure vajaro. ĩna ñaama, tire yirimasama. ³⁹ Gaje vāme mūa ñagōrūa tūoiājama, ũjarā ĩna rējarōjū vacōari, quēnaro tire gotiroti ñaja. ⁴⁰ “¿No yirā rujajine yimasiri mūa?”, manire yisēniīarāma romano masa, mūa avasācōa ñajama. To bajiro manire ĩna yisēniīarone, “To bajiro ti bajijare, yibū yūa”, ĩnare yigotimasibetiuarāja mani. To bajiri, “Rujajine mūa yicudire vaja, rojose tāmūorūarāja mūa” manire yiroma —ĩnare yiyuju ũjū. ⁴¹ To yigotigajanocōari, —Mūa ya virijū tudiasa —ĩnare yiyuju ī.

20

Macedonia sitanare, Grecia sitanare quēne Pablo ī goticudire

¹ To bajiro ĩna yiriario bero, “Ado bajiro ñarūarāja mūa” ĩnare yigotirū, Jesúre ajitirūnrāre ĩnare jirēoñuju Pablo. To yigajanocōari, ĩnare vare goti, vacoasuju ī, Macedonia sitajū vacū. ² Ti sitajū ejacōari, Jesúre ajitirūnrāre, būtoḃūsa ĩre ĩna ajitirūnrōtore ĩnare goticudiyuju. To yicōari, Grecia sitajū vacoasuju ī. ³ Ti sitajū ejacōari, idiarā muijua ñañuju ī. To bajiñaboa, Siria sitajūre varūaboayuju. Jud'io masa ĩre ĩna sīarūasere ajicōari, vabesuju. To bajiri, “Macedonia sitare rētoarūcūja yū, Efeso macajū vacū”, yitūoiāñuju Pablo. ⁴ ĩre baba cūti vacana ado bajiro vāme cūtirā ñacama ĩna: Berea vāme cūti macagū, Pirro macū Sópater vāme cūtigū ñacami. To bajicōari,

§ 19:31 Efeso vāme cūti macama, Asia sitajūre ñarimaca ñañuju.

Segundo, Aristarco ñacama Tesalónica macana. Derbe vāme cūti macagu Gayo quēne ñacami. T'iquico, Tróximo, to yicōari, Timoteo ñacama ña Asia sitana.^h ⁵ Troas vāme cūti macaju vana, yua rījoro vacoacama ña, toju yuare yuroana. ⁶ Boserūmu pan ūmato vauvase vnoyamani bariarūmuri bero, vacaju yua, Filipos vāme cūti macaju. Ti maca ñariarā, Troas macajure vana, cojomocārācarūmu bero, ejacaju yua, ti macajure. Ti macaju yuare yuyuma rījoro vacana. Ña rāca cojomo cōro, jua jēnituarirūmuri ñacaju yua.

Troas macanare Jesúre ajitirūnrāre Pablo ĩ gotire queti

⁷ Sábado rāioriju rējacaju yua, Jesúre ajitirūnrā. “Yua rijato bero, muare yua rija-bosarere tūoīarā, uye ocore idi, to yicōari, pan ba, yirūgūnarāja mu” Jesús ĩ yiroticūre ñajare, tire yiruarā rējacaju yua. Yua baroto rījoro, Jesús ocare ñare gotimasiocami Pablo. Busuriju varocu ñari, goticōa ñacami. ĩ gotiñaro rīne, ñami gudareco ejacoacaju. ⁸ Idiatuti cūtivi ñacaju yua rējacativi. To bajiri tūsaritutiūre ñacaju yua. Jairo síabusuore ñacaju ti. ⁹ Mame bucagu Eutico vāme cūtigu, yua rāca ñacami. ĩaburiasojejūre rujicōari, cānijuriarujicami. To bajica yigu, quedijasīacoacami. To bajiri rijar'ire tūavūmūbooa yicōacama. ¹⁰ To ña yisere ĩacōari, rujiadicami Pablo. Rujiejacōari, ĩre tūavūmūogūne, jabariocami. To yigūne,

—ĩaucabeticōaña. Rijayayibeami —yuare yicami.

¹¹ To yicōari, mujacoacami quēna. Jesús ĩ rijabosarere tūoīagū, bare ūmato bacami. To yicōa, gotirūtuacūne gotibusuocoacami. To ĩ yigajanoro bero, vacoacaju yua. ¹² Ti macana, variquēnarāne Euticore ĩre tūacoacama ña, Pablo ĩ cator'ire.

Mileto macajure Pablo ĩ vare queti

¹³ Maane Pablo ĩ varoto rījoro, cūmuane Aso macaju vacaju yua, “Toju yure sāruarāja mu” ĩ yijare. ¹⁴ Aso macaju yua ejaro bero, maaju vadicoari, ejacami. ĩ ejaro bero, Mitilene vāme cūti macaju ĩre sāvacaju yua. ¹⁵ Ti macaju yua ejabusuocatirūmure Qu'io vāme cūtiyoa cānamuñarore ejacaju yua. Gajerūmu, Samos vāme cūtiyoaju ejacaju yua. Gajerūmu vana, Mileto vāme cūti macaju ejacaju yua. ¹⁶ Asia sitajure yoaro ñaruabecu ñari, “Efeso macare rētocoaruarāja mani”, yicami Pablo. Jerusalējūre Pentecostés boserūmu rījoro ejaruagu ñari, guaro varuacami.

Efeso macanare Jesúre ajitirūnrāre Pablo ĩ gotitusare queti

¹⁷ Mileto macajure ñacōari, Efeso macana Jesúre ajitirūnrāre ūmato ñarāre jigū, ñare ucacōacami Pablo. ¹⁸ ĩ jicōarā ña ejaro, ado bajiro ñare goticami Pablo:

—Mu tūju ejasūogu, quēnaro yu yirūgūcatire bajirone yu yicōa ñasere masiaja mu.

¹⁹ Mani ũju Jesús ĩ bojasere yu yijama, yu masune tūoīacōari, yigu me yirūgūcaju yu. Yua yarā jud'io masa yure ña sāruarajare, buto rojose tāmucaju yu. Cojo vāme me rojose tāmucōari, otirūgūcaju yu. ²⁰ Mu rējariviriju, to yicōari mu ya virijure quēne, yure ña sārūasere güibecu, muare ejarēmoru, yu masiro cōro Dios ocare muare gotimasiurūgūcaju yu. ²¹ Jud'io masare, to yicōari, jud'io masa me ñarāre quēne, “Rojose mu yisere yitūjacōari, ‘Dios ĩ bojasejūre yiruarāja. To yicōari, mani ũju Jesucristo ĩ rijabosare suorine rojose yua yisere Dios ĩ masiriojare, ĩ rāca quēnaro ñaja yua’ yitūoīaña”, muare yigotirūgūcaju yu. ²² Esp'iritu Santo yure ĩ rotise rāca, Jerusalén macaju vacū bajiaja yu. Toju yure bajirotire masibetiboarine, bajiaja yu. ²³ To bajiboarine masiaja yu, bajigūjuma. Tocārāca macari yu ejaro, Esp'iritu Santo ado bajise yure gotirūgūami: “Tubibe ecorūcūja mu. To yicōari, gajeye rojose tāmucorūcūja mu”, yure yigotirūgūami. ²⁴ Tire tūoīaboarine, yu bajirotire güibeaja yu. Ñamasuse me ñaja ti. Ado bajisejua ñaja ñamasuse: Masare Dios ĩ maisere quēnase quetire mani ũju Jesús yure ĩ gotiroticatire tire yijeocōaruaja yu.

^h 20:4 Macedonia sitaju ñacōari, Pablo rācanare ĩarí ñari, “Adocārācu ñacama”, yuicayumi Lucas. To yicōari, ĩ rāca varí ñari, “Bajicaju yua”, yuicayumi.

²⁵ Dios ï bojarore bajiro Jesúre ajitirünurere muare gotimasio gajanocōaja yu. To bajiri yure tudiiabetiruarāja mua. ²⁶⁻²⁷ Quēnaro yure ajiya mua: Güibecune, jediro Dios ï bojarore cōrone muare gotijeocōacaju yu. To bajiri, “Pablo, quēnaro yure ï gotibeticati suori rojose tāmnoaja yua”, yibetiruarāja mua. ²⁸ “Rojosere yibetiruarāja”, yituoīacōa ñarügüruarāja mua. Mua rācanare ïre ajitirünuräre ñnare rijabosayumi Jesús, “Yu yarā ñaama’ yīiato Dios” yigu. To bajiri, Esp’iritu Santo muare ï roticūriarore bajirone quēnaro ñnare ūmato ñarügüruarāja mua. ²⁹ Yu vaveoro bero ejaruarāma gājerā, “Diore gotirētosarimasa ñaja yua” yitorimasa. Mua ñnaro vatoajure ejacōari, ñna gotitose suorine Jesúre ajitirünurē tujacōari, rojose tāmnoarāma mua rācana. ³⁰ Mua quēne, Jesúre ajitirünuräre ūmato ñarā ñaboarine, “To bajiro me bajiaja. Ado bajirojua bajiaja ti”, yisocaruarāja mua sīgūri, “Yuaruare ajisuyato ñna” yirā. ³¹ To bajiro bajiroti ti ñajare, “Rojose yibetiruarāja”, yituoīacōa ñarügüruarāja mua. Tocārācurene, idia cūma tire muare gotirügūcaju yu, ūmari, to yicōari ñnare quēne. Tire muare gotiñagūne, sīgūri mua bajirotire tuoīacōari, cojoji me otisutiritirügūcaju yu.

³² To bajiro muare yirügūcacu ñari, “Ñnare ñatirünūña”, yisēniaja yu, Diore. Muare ñamaicōari, quēnaro Dios ï yisere, to yicōari muare yu gotimasioatire quēne tire masiritibetiruarāja mua. Tire mua masiritibetijama, Jesúre butobusa ajitirünurūtuaruarāja mua. To yicōari, Dios rīa ñari, mua rijato beroyu ï gotiriarore bajirone ï ñaroyure quēnaseayere bujaruarāja mua. ³³ Dirūmu ūnone gājerā ñna cūosere gājoare, sudire ñnare sēnigōjanabetirügūcaju yu. ³⁴ Yu masu moacōari, yu bojasere, yu rācana ñna bojasere quēne tire vaja yirügūcaju yu. Tire masiaja mua. ³⁵ To bajiro yu yijama, “Mani bojasere, to yicōari, maioro bajirā ñna bojasere ñnare vaja yīsiruarā, quēnaro moarügūroti ñaja” yigu, yicaju yu. Ti ūnire ado bajiro manire gotimasioñuju mani uju Jesucristo: “Īsiecocōari, ï variquēnaro rētoro variquēnagūmi gājeräre ï ñsijama”, manire yigotiyuju Cristo. To bajiri, tire masiritibeticōaña mua —ñnare yigoticami Pablo, Efesoana Jesúre ajitirünuräre ūmato ñaräre.

³⁶ To bajiro ñnare yigotigajanocōari, ñna rāca gūsomuniari tuetucōari, “Diore sēnito mani”, ñnare yicami Pablo. ³⁷ To ï yigajano bero, otirāne Pablore ïre jabario, usu, yicama ñna. ³⁸ “Yure tudiiabetiruarāja mua” ï yijare, buto sutiriticama ñna. To bajirā ñari, cūmua yua vasājavatoju yure ñasuyaejocama ñna.

21

Jerusalénjare Pablo ï vare queti

¹ Ñnare vare gotigajano, vasāja, vacoacaju yua, Cos vāme cutiyojū. Gajerūmu vana, Rodas vāme cutiyojū ejacaju yua. Tiyoare rētoanane, Pátara macaju ejacaju yua. ² “Fenicia sitajure vana yaja”, yicama. To bajiri ñna vatiane ñna rāca vacoacaju yua. ³ To bajivana, Chipre vāme cutiyoare ñacaju yua. To bajiri, tiyoa visarore vacaju. To baji rētoanane, Siria sitaju ejacaju. Ti sita ñnarmaca, Tiro vāme cuti macaju rocatuejacōari, gajeyēni cūcama ñna. ⁴ Tone tujacaju yua quēne. To bajiri toanare Jesúre ajitirünuräre ñabujacōari, cojomo cōro juā jēnitarirūmari ñacaju yua, ñna rāca. To yua bajiñaro Esp’iritu Santo Pablo ï bajirotire ñnare ï gotirere masirā ñari, “Jerusalénjare vabeticōaña mu”, ïre yiboacama ñna. ⁵ To ñna yiboajaquēne, vacoacaju yua quēna. Ñna manajoa, ñna rīa, jediro yure ñasuyarā vadicama ñna. Ñna rāca jabuaju rojaejacōari, gūsomuniari tuetucōari, Diore sēnicaju yua. ⁶ Diore sēnigajano, ñnare vare goti, vasāja, vacoacaju yua. Ñna quēne, ñna ya viriju tudicoacama.

⁷ Tiro variarā, Tolemaida vāme cuti macaju ejacaju yua. To ejacōari, Jesúre ajitirünuräre ñabujacaju yua. To bajiri ñna rāca cojorūmu ñacaju. ⁸ Gajerūmu Cesarea vāme cuti macaju vacaju yua. To ejacōari, Felipe ya viju vacaju. Jesús ï bajirere gotimasioğū ñacami Felipe. Jerusalén macana Jesúre ajitirünuräre, “Bare batoato” yirā ñna beseriarā rācagu ñacami. ⁹ Babaricārāco rīa rōmiri cuticami. Manajua mana ñacama. Diore gotirētosarimasa rōmiri ñacama ñna. ¹⁰ Yoaro ï tu ñacōacaju yua. To yua bajiñaro, Agabo vāme cutigu ejacami. Judea sitagu Diore gotirētosarimasu ñacami. ¹¹ Yu tu

sājaejacōari, Pablo ī vēñarigaserore tūaveaāmicami. To yicōari, ī āmorire, ī gūborire quēne siacami, ti gaserone. To yigūne, ado bajiro yicami:

—Esp'iritu Santo ado bajiro yūre gotiami: “Yū āmori, yū gūbori yū siarore bajiro Pablore ĩre siaruarāma ĩna jud'io masa, Jerusalén macana. ĩre siacōari, jud'io masa me ñarāre ĩsiruarāma”, yūre yigotiami Esp'iritu Santo —yūare yigoticami Agabo.

¹² To ĩyisere ajicōari, Cesarea macana, yūa quēne, Jerusalénjūre Pablore ĩre varotibeti-boacaju. ¹³ To yūa yirone, ado bajiro yūare yicami:

—¿No yirā otiami mūa? Yūre yisūtiribeticōaña. Jesúre ajitirūnūgū yū ñajare, jud'io masa Jerusalén macana yūre ĩna siajama, ĩna sīajaquēne quēnacōarūaroja. To bajirone mani ũjū Jesús ĩ bojajama, “To bajirone bajiato”, yaja yū —yūare yicami Pablo.

¹⁴ To bajiro yūare ĩ yicūdjare, “Vabesa”, ĩre yibeticaju yūa.

—Dios ĩ bojarore bajiro bajiya mū —ĩre yicōacaju yūa yuja.

¹⁵ Tijū bero, yūa gajeyēnure quēnosā, Jerusalénjū vacoacaju yūa. ¹⁶ Sīgūri Cesarea macana Jesúre ajitirūnūrā, yūare ũmato vacama, Chipreagu, Mnasón vāme cūtigū ya vijū. Tojū yūare cū, tudicama ĩna, “ĩ ya vijū cāniato” yirā. Tirūmūjūne Jesúre ajitirūnūgū ñacoayumi Mnasón.

Santiagoore Pablo ĩ ĩagū vare queti

¹⁷ Jerusalénjūre yūa ejato, toana Jesúre ajitirūnūrā, variquēnase rāca yūare sēnicama ĩna. ¹⁸ Gajerūmū yūa rāca vacami Pablo, Santiago ya vijūre. To ñañuma Jesúre ajitirūnūrāre ũmato ñarā jedirone. ¹⁹ To bajiri ĩnare quēnaroti gajanocōari, ĩ gotimasiorere Dios ĩ ejarēnose rāca jud'io masa me ñarā Jesúre ĩna ajitirūnūrere ĩnare gotijeocōacami Pablo. ²⁰ To bajiro ĩnare ĩ yisere ajicōari, “Dios sūorine to bajiro yiyumi Pablo” yirā ñari, Diore yirūcūbno variquēnacama ĩna. To yigajanocōari, Pablore ado bajiro ĩre goticama ĩna:

—Adojūre jājarā masu ñacōama jud'io masa, Jesúre ajitirūnūrā. To bajirā ñaboarine, “Moisés ñamasir'ire Dios ĩ roticūmasirere quēne yicōa ñarūgūroti ñaja ti” yirā rīne ñacōama ĩna. ²¹ To yicōari, ado bajiro mū yirūgūre yūare gotirūgūama: Jud'io masa, gaje sitaju ñarāre, “Moisére Dios ĩ roticūmasiboarere tire yibeticōato mani. Rīamasare quēne ĩnare circuncisión yibeticōato mani. Mani ñicūa ĩna yisūoadimasirere quēne tire yibeticōato mani” ĩnare mū yirūgūre ajicōari, yūare gotirūgūama —ĩre yicama, Pablore.

²² —Mūre jūnisinirā ñari, mū ejasere ajicōari, ejaruarāma ĩna. To bajiri, ¿no bajiro yiruarāda mani? ²³ Ado bajiro yirūcūja mū: Adore babaricārācū ũmūa ñaama ĩna, “Tire yiruarāja yūa” Diore ĩre yiriarā. ²⁴ Diore yirūcūbūoriavijūre ĩna rāca vaja mū. Ti vijū ejacōari, ĩna yirore bajiro yiba. “‘Tire yiruarāja’ yicōari, yūa yibetirere masirioya Dios” yirā, ĩre ĩna soemūosere, to yicōari, ĩna joare ĩna suarotisere ĩnare vaja yibosaba mū. To bajiro mū yijama, “Socarō bajiyuja ti. Moisés ñamasir'ire Dios ĩ roticūmasirere cūdigū ñaami ĩ quēne”, mūre yiruarāma ĩna, jud'io masa, mani yarā. ²⁵ Jud'io masa me ñaboarine, Jesúre ajitirūnūrājūare adocārāca vāmene ĩnare roticaju mani: “‘Ado bajirā ñarāma’ ĩna masune yiquēnorujeocōari, ĩna rūcūbūorā tūjūre vaibūcūrāre sīacōari, mojoroaca ĩna tūjū cūrāma. Tire babesa mūa. Manajo cūtirā, manaju cūtirā, manajo mana, manaju mana quēne, gājerā rāca ajeriarā cūtibesa. Vaibūcūrā mūa sīariarāre ĩna ri'ire yireamenane, babesa”, ĩnare yicaju mani —Pablore ĩre yigoticama ĩna, Santiago ya vijū ñacana.

Diore yirūcūbūoriavijū ñagūre Pablore ĩna ñiare queti

²⁶ To bajiri, gajerūmū Diore yirūcūbūoriavijū ĩna rāca vacami Pablo. To ejacōari, “‘‘Tire yiruarāja’ yūre mūa yicatore bajiro mūa yibetire mūare masirioaja yū’ manire yato Dios” yirā, ĩ babarā ĩna yirore bajiro yiyuju ĩ quēne. To yigajanocōari, paia tūjū sājasuju, Diore yirūcūbūoriavijū. “Vaibūcūrā ĩna soemūorotirūmū ti ejaro vadirūcūja yū, ĩna soemūose vaja ĩnare vaja yibosagu”, yigotigūacū bajiyuju ĩ.ĭ

ĭ 21:26 Lucas, ĩna rāca vabetirī ñari, “yiyujarā”, yiucaayumi.

²⁷ To yir'i ñari, cojomo cōro, jua jēnitarirūmu ti ejaroto rjoro, vasuju Pablo, Diore yirūcubūoriavijū. Ti vijū ñagūre ire ñañujarā jud'io masa Asia sita vadiriārā. Ire ñacōari, “Rojose yirūgūr'i ñaami”, masare yigotiyujarā, “Pablōre jūnisiniato” yirā. To ñna yijare, ire jūnisinicōari, “Ire ñiato mani”, yūmasujarā ñna. ²⁸ To yicōari, ado bajiro avasāñujarā ñna:

—Israel ñamasir'i jānerabatia, yuare ejarēmōrā vayá. Rojose yigū ñaami āni. “Manire ñateato” yigū, masa ñaro cōrone gotimasiocudirūgūami. To bajiro ī yirā ñari, Moisére Dios ī roticūmasiboarere, to yicōari, Diore yirūcubūoriavire rūcubūobeama. To bajise ñnare gotirūgūr'i ñari, Diore yirūcubūoriavire rūcubūobecu, griego masare ñnare ūmato sājāñumi —masare yivasā gotiyujarā ñna, Pablōre ire jūnisinirā.

²⁹ Efeso macajū vadir'i, griego masū, Trófimo vāme cūtigū rāca Pablo ī ñarore ire ñañujarā ñna. To bajiri, “Diore yirūcubūoriavijū ire ūmato sājariimi Pablo” yitūoīarā ñari, to bajise yiyujarā ñna.

³⁰ “Rojose yiyumi Pablo” ñna yisocasere ajicōari, Jerusalén macana ñajedirone buto jūnisinirā ñari, avasā ūmarējañujarā ñna, Pablōre ñiaroana. Ire ñiacōari, Diore yirūcubūoriavijū ñagūre ire vejabudiasujarā ñna, ire sīaroana. Ire vejabudianane, ti vi sojere tubibe, yicoasujarā ñna. ³¹ Pablōre sīaroana ñna yīnarirīmarone, romano masū surara ūjūre queti ejayuju, jūnisinirā, masa ñna avasāñase. ³² To bajiri, surarare jirēocōari ñnare ūmato vasuju, Pablōre ñna jañarojūre. ñna vado ñacōari, ire jatūjacōañujarā ñna. ³³ Surara ūjū, ejacōari ire ñiañuju. To yicōari, “Cōmemarine ire siaya”, yiyuju, ī surarare. To yicōari, “¿Ñimū ñati ī? ¿No bajise rojose mūare yiri?”, ñnare yisēñiañuju ī, Pablōre jūnisinirāre. ³⁴ To ī yisēñiasere ajicōari, jājarā ire ñna cūdimavisicōajare, “To bajiro rojose yiyumi”, yiajimasibeticōañuju surara ūjū. Tire ajimasibeticōari, “Mani ñarivijū ire āmicoaya”, yiyuju, ī surarare. ³⁵⁻³⁶ To bajiri Pablōre ñiacōari, ñna ñarivi mūjariajū tūjū ire āmiejayujarā. To ire ñna āmiejagūre “Pablōre sīaña” yivasācōari, būtoḃusa ire jayujarā. To ñna yijare, ire āmimūjasujarā, ñna ñarivijū.

Īre sīaruarāre Pablo ī ñagōre queti

³⁷ Īre ñna āmisājaroadone,

—Mū rāca ñagōrūaja yū —surara ūjūre ire yiyuju Pablo, griego oca rāca.

To ī yirone,

—¿Griego ocare ñagōmasiatique mū? ³⁸ “Egipto sitajū ñar'i, adi sitare ejacōari, ‘Gobierno ī rotiboasere cūdibeticōari, mani masune rotirāsa’ ñnare ūmato yicōari, sīarimasa cuatro mil ñarāre yucū manojū ñnare ūmato var'i ñagūmi”, mūre yitūoīaboabū yū —Pablōre ire yiyuju surara ūjū.

³⁹ To ī yisere ajicōari, ado bajiro ire cūdiyuju Pablo:

—Jud'io masū ñaja yū, Cilicia sita ñarimaca Tarso vāme cūti macagū. To bajiri, ānoa yūre jūnisinirā rāca ñagōrūaja yū —ire yiyuju Pablo.

⁴⁰ To ī yijare, ire ñagōrotiyuju surara ūjū. To cōrone Pablōjū, mūjariarojūre rūgōcōari, ī āmone ñumūoñuju, “Ñagōbesa mūa” yigū. To ī yirone, ñagōtūjacoa būsayujarā. To bajiri, hebreo oca rāca ado bajiro ñnare ñagōñuju Pablo:

22

¹ —Yū yarā, to yicōari, yū jacūare bajiro bajirā yūre ajiya: “Rojose yibesumi” yūre mūa yimasirotire yigū mūare gotigūagū yaja yū —ñnare yiyuju Pablo.

² Īna oca rāca ñnare ī ñagōjare, ire ajiruarā, ñna jedirone ñagōbeti jedicōañujarā. To ñna bajiro ñacōari, ado bajiro ñnare gotiyuju ī:

³ —Jud'io masū ñaja yū quēne. Cilicia sita ñarimaca Tarso vāme cūti macajū ruyuar'i ñaja yū. Tojū ruyuar'i ñaboarine, ado Jerusalénjū būsūacajū yū. To bajicōari, Moisés ñamasir'ire Dios ī roticūmasirere quēnaro yūre buecami Gamaliel. To bajiri, quēnaro masicajū. Tire masigū ñari, “Dios ī bojase rīne yirā yaja” mūa yitūoīarore bajiro yitūoīagū ñacajū yū quēne. ⁴ To bajiro tūoīagū ñari, “Jesūre ajitirūñarā, Dios ī rotimasirere rūcubūobeama” yitūoīacōari, ado bajiro rojose ñnare yicajū yū: Ūmūare, rōmiare

quêne ñnare ñejecōari, tubiberiavirijũ ñnare tubibecũrũgũcajũ yũ. To yicōari, ñnare s̄iarotirũgũcajũ yũ. ⁵ Socũ me yaja yũ. Paia Ʃjũ ñnamasugũ, to yicōari ñ r̄aca r̄ejarũgũr̄a quêne, tire ñacana ñari, yũ bajicatire masiama. “Damasco v̄ame c̄uti macana, mani yar̄a, tojũre m̄ure yir̄emoato ñna” yir̄a, yũre ucabosacōari, ñsicama ñna. To bajiri, Jesũre ajitirũnũr̄are macagũacũ, Damasco macajũre vaboacajũ yũ, “Ñnare ñejecōari, Jerusal̄enjũ yũ juaejor̄are rojose ñna yise vaja rojose ñnare yato” yigũ.

“Rojose yicacũ ñaboarine, Jesũre ajitirũnũsũocajũ yũ”, Pablo ñ yire queti
(Hch 9.1-19; 26.12-18)

⁶ Ɣm̄urecaji muiju ñ t̄usato Damascore yũ cōñatone, ñnaro t̄usarone vecajũ bũto caje mose busurujiadicajũ ti. ⁷ Yũre ti busurocaturone, quedicoacajũ yũ. Yũ quedirocacũatone, ado bajiro ocaruyucajũ ti: “Saulo, Saulo, Ʃno yigũ rojose yũre yisũyarũgũati m̄ũ?”, yĩ ocaruyucajũ ti. ⁸ To bajiro ti yirone, “Ʃñimũ ũgũ ñnacōari, to bajise yũre yati m̄ũ?”, ñre yicajũ yũ. To yũ yirone, “Yũne ñaja, Jesũs, Nazaret macagũ, rojose m̄ũ yirũgũgũne”, yũre yĩ ocaruyucami. ⁹ Yũ r̄aca vacana quêne, bususere ñacama. To bajiboarine Jesũs yũre ñ ñagōsere ajibeticama ñna. ¹⁰ To bajiro yũre ñ yisere ajicōari, “Yũ Ʃjũ, Ʃno bajiro yigũti yũ?”, ñre yis̄eniĩacajũ yũ. To yũ yirone, “Damascojũ vasa m̄ũ. To m̄ũ ejaro, ‘Ado bajiro yija’ m̄ure yirũar̄ama”, yũre yĩ ocaruyucami. ¹¹ Yũ caje ñamasibeticajũ. To yũ bajijare, yũ babar̄a Damascojũ vana yũre t̄ũa vacama ñna.

¹² Ti macajũre ñañumi Anan'ias v̄ame c̄utigũ. Moisés ñnamasir'ire Dios ñ roticũmasirere quēnaro ajitirũnũgũ ñnami. “Quēnaro yigũ ñnami”, ñre yicama jud'io masa jediro. ¹³ Yũre ñagũ ejacōari, ado bajiro yũre yicami: “Yũ maigũ, Saulo, tudĩña m̄ũ quēna”, yũre yicami. To yũre ñ yirone, ñacoacajũ yũ. ¹⁴ To yicōari, ado bajiro yũre gotirũtuacami: “Mani ñicua ñna r̄ũcũbũosũoadimasir'i Dios, m̄ure beseyumi, ‘Rojose yibecũre, yũ macũre ñacōari, ñ ñagōsere ajiato’ yigũ, to yicōari, ‘Yũ bojasere masigũjaro’ yigũ. ¹⁵ To bajiri Diore gotir̄etobosarimasũ ñnarũcũja m̄ũ. M̄ũ ajirere, m̄ũ ñarere quêne, tire gotirũcũja m̄ũ. ¹⁶ Ʃno yigũ yumaniajari? V̄m̄urũgũña. ‘Rojose yũ yisere yũre masirioya’ mani Ʃjũ Jesũre ñre yija. To yicōari, ‘Ñre ajitirũnũgũ ñaja’ yigũ, oco r̄aca bautizarotiya”, yũre yicami Anan'ias.

¹⁷⁻¹⁸ Ti macajũ yũ ñacato bero, Jerusal̄enjũre tudiejacōari, Diore yirũcũbũoriavijũ, Jesũre s̄enigũ s̄ajacajũ yũ. Ñre yũ s̄eniñarone yũre ruyuaĩocōari, ado bajiro yũre yicami: “Divatone vasa. Yũ bajisere adi macanare m̄ũ gotijama, m̄ure ajibetirũar̄ama ñna”, yũre yicami. ¹⁹ To yũre ñ yisere ajicōari, ado bajiro ñre yicajũ yũ: “Yũ Ʃjũ, toc̄ar̄aca vine, Dios ocare ñna buerivirire s̄ajacōari, m̄ure ajitirũnũr̄are ñejecōari, ñnare bajarũgũcajũ yũ. To yicōari tubiberiavijũ ñnare tubiberũgũcajũ yũ. To yũ yirũgũcana masir̄ama ñna. ²⁰ M̄ure gotir̄etobosarimasũre Estebanre ñre s̄iaroana ñna yĩñarone, ‘Ñre s̄iarocacōaña’ yicajũ yũ quêne. To yicōari, ñna sudi joeayere ñna vejecũsere ñnare codebosacajũ yũ”, ñre yicajũ yũ. ²¹ To bajiro ñre yũ yiboajaquêne, “Vasa m̄ũ. Sōjũ m̄ure cōagũagũ yaja yũ, jud'io masa me ñna ñarorijũ”, yũre yicami yũ Ʃjũ —jud'io masare ñnare yigotiyuju Pablo.

Surara Ʃjũ Pabllore ñ s̄eniĩare queti

²² To cōro ñ gotit̄usatone, “Jud'io masa me ñar̄a t̄jũ vasa m̄ũ’ yũre yicami yũ Ʃjũ Jesũs” ñ yisere ajiter̄a ñari, bũto avas̄atud'icōañujar̄a ñna:

—Catitegũ yami. Ñre s̄iarocacōaña —yivas̄añujar̄a ñna.

²³ To bajiro yĩñar̄ane, bũto jũnisinir̄a ñari, ñna sudi joeayere vejecōari, ñ c̄utojũare reacōañujar̄a ñna. To yicōari, sitane mareayujar̄a ñna. ²⁴ To ñna yijare, surara Ʃjũña ado bajiro yiyuju, ñ surarare:

—Ñre ñmis̄ajacōari, ñre bajeya m̄ũ. Ñre bajecōari, “Ʃno bajiro m̄ũ yijare, m̄ure avas̄ajũnisiniati ñna?”, ñre yis̄eniĩaña m̄ũ —ñnare yiyuju.

²⁵ Ñre siatucōari, ñre ñna bajeroadone, to r̄ũgōgũre, surara Ʃjũre rotibosarimasũre ado bajiro ñre yiyuju Pablo:

—Rojose yũ yirere ñacōĩabetiboarine, yũre m̄ũ bajejama, Ʃquēnacōarolari ti, Roma macagũ yũ ñaboajaquêne? —Ñre yiyuju Pablo.

²⁶ To bajiro ĩ yisere ajicōari, ĩ ɥjũre gotigu vasuju:

—“Roma macagu ñaja”, yũre yimi. ¿No bajiro ĩre yiguti mu? —ĩre yiyuju.

²⁷ To bajiro ĩ yisere ajicōari, Pablore ĩre sēniĩagũ vasuju surara ɥjũ:

—Yũre gotiya mu: ¿Roma macagu ñati mu? —ĩre yisēniĩañuju ĩ.

To ĩ yisere ajicōari,

—Roma macagũne ñaja yũ —ĩre yiyuju Pablo.

²⁸ To ĩ yisere ajicōari, ado bajiro Pablore ĩre yiyuju:

—“‘Roma macagu ñaami’ yũre yĩtato ĩna” yigu, jairo vaja yicaju yũma.

To ĩ yirone, ado bajiro ĩre yiyuju Pablo:

—Yũrema, yũ jacũjũne, Roma macagu ñacōañumi. To bajiri, Roma macagu ñaja yũ —ĩre yiyuju Pablo.

²⁹ To ĩ yisere ajicōari, ĩre bajarũaboariarã, bũto gũiyujarã. To bajiri ĩre vũrũgocoasujarã ĩna. “Pablo, Roma macagu ĩ ñaboajaquẽne, ‘Cõmemarine ĩre siaya’ ĩnare yibũ yũ” yigu ñari, bũto gũiyuju surara ɥjũ.

Jud'io masa ɥjarã rãca Pablo ĩ ñagõre queti

³⁰ To bajiri gajerũmu, “Pablore ĩre jojioya mu”, ĩnare yiyuju surara ɥjũ. To yicōari, paia ɥjarãre, jud'io masa ɥjarã ñaro cõro ĩnare jirẽoñuju, “‘Ado bajise rojose yimi Pablo’ yũre yigotiya mu” ĩnare yisēniĩarũ. To bajiri, ĩna ejaro ĩacōari, Pablore ĩre jiyuju, “ĩna rãca ñagõguaya mu” yigu.

23

¹ To ĩ yigu ñari, ɥjarã rĩjorojũa rũgõcōari, ado bajiro ĩnare gotiyuju Pablo:

—Yũre ajiya, yũ yarã: Dios ĩ bojase jediro yirũgũaja yũ. To bajiro yigu ñari, tũoĩarejaibecũne ñacōaja yũ —ĩnare yiyuju Pablo.

² To bajiro ĩ yisere ajicōari, Anan'ias vãme cõtigu paia ɥjũ ñamasugũ, ĩ tũ rũgõrãre, “Pablo risere jaya”, ĩnare yiyuju. ³ To bajiro Anan'ias ĩ yijare,

—Mũre jarũcũmi Dios. “Quẽnaro yigu ñaja yũ” yitũoĩaboarine, rojose yigu ñaja mu. “Moisēs ñamasir'ire Dios ĩ roticũmasirere cũdibecũ ñaami” yũre yĩ ocasãrũaboarine, yũre mu jarotijama, tire cũdibecũ yaja mu —Anan'iare ĩre yiyuju Pablo.

⁴ To ĩ yisere ajicōari, ĩ tũ ñarã ado bajiro Pablore ĩre yiyujarã:

—¿To bajise ĩre yitud'iatu mu, Dios ĩ cũr'ire paia ɥjũ ñamasugũre? —ĩre yiyujarã ĩna.

⁵ To ĩna yijare, ado bajiro yiyuju Pablo:

—“Paia ɥjũ ñamasugũ ñagũmi”, yimasibeju yũ. “Mũare ũmato ñagũre ĩre tud'ibesa”, yigotiaja Dios oca masa ĩna ucamasire —ĩnare yiyuju Pablo.

⁶ Pablore gotiyiroriarã, saduceo masa, to yicōari fariseo masa ñañujarã ĩna. To bajiri, ĩnare ĩamasicōari, ado bajiro ĩnare yiyuju Pablo:

—Yũ yarã, yũre ajiya mu. Fariseo masũ ñaja yũ. Yũ ñicũa quẽne fariseo masa ñamasĩũma ĩna. “Masa bajireariarãre ĩnare tudicatorũcũmi Dios” yigu yũ ñajare, yũre gotiyirorã yaja mu —ĩnare yiyuju Pablo.

⁷ To ĩ yijare, fariseo masa, saduceo masa rãca gãmerã oca rẽtorũayujarã ĩna. To bajiro bajica yirã, gãmerã ajimasibesujarã. ⁸ Fariseo masama, ado bajiro tũoĩarã ñañujarã ĩna:

“Bajireariarãre tudicatorũcũmi Dios. Ángel mesa, to yicōari, mani vatoa ĩna ñaboajaquẽne, ĩabũjayamana quẽne ñarãma”, yitũoĩarã ñañujarã ĩna. Saduceo masajũama,

“Bajireariarãre tudicatiobetirũcũmi Dios. Ángel mesa quẽne manama. ‘Mani vatoare ĩabũjayamana ñarãma’, ĩna yirã quẽne, manama”, yirã ñañujarã ĩna. ⁹ To bajica yirã, bũtobũsa avasãñujarã ĩna. Sĩgũri fariseo masa, Dios ĩ rotimasire gotimasiorimasa ado bajiro yiyujarã ĩna:

—“Ñie rojose yibetirimi”, yaja yũama. ĩabũjayamagũ, ĩre ñagõrimi. ĩ yijama, ángeljũa ĩre ñagõrimi —yiyujarã ĩna.

J 23:3 “Mũre jarũcũmi Dios” Pablo ĩ yijama, “Rojose mu yise vaja rojose mũre yirũcũmi Dios” yigu yiyuju.

¹⁰ Butobusa ñna avasājare, “Íre sīaroma” yigū, “Mani ya vijū ñre ãmicoasa mũa”, ñnare yiyuju surara ұжұ.

¹¹ To ñ yijare, ñre ãmivacōari, ñre tubibeyujarā ñna quēna. To ñna yiro bero, ñnamijū Pablöre ñre ruyuañoñuju mani ұжұ. ñre ruyuañocōari, ado bajiro ñre yiyuju:

—Tuoĩagüibesä mũ. Ado Jerusalénjũre yũre mũ gotibosarore bajirone Roma vãme cütĩ macajũre quēne gotirucujä mũ —Pablöre ñre yiyuju mani ұжұ Jesús.

*Pablöre ñna sīarũ*aboare queti

¹² Gajerũmũ busurijũ, “Ado bajiro Pablöre ñre sīarũarāja mani”, yiyujarā ñna sīgũri, jud'io masa. “Pablöre ñre mani sīaroto rĩjoro bare babeti, idibeti, bajirũarāja mani. To bajiro mani yibetijama, rojose manire yato Dios”, yiyujarā ñna. ¹³ Cuarenta rētoro ñarirãcũ ñañujarā ñna, “Pablöre ñre sīarãsa mani” yiriarā. ¹⁴ To bajiro yicōari, paia ұjarãre, Dios ñ rotimasire gotimasiorimasare quēne ñnare gotirã ejayujarā ñna:

—“Pablöre ñre mani sīaroto rĩjoro bare babetirũarāja mani. ñre sīamenane mani bare bajama, rojose manire yato Dios”, yibũ yũa. ¹⁵ To bajiri paia ұjarã, to yicōari masa ұjarã quēne, surara ұjũre ado bajiro ñre yiuacōañä mũa: “Yũa tũjũ Pablöre ñre cōañä. ñre ajiquēnorooana yaja yũa”, ñre yiuacotoya mũa. Adore ñ ejabetone ñre sīacōarũarāja yũa — ñnare yiyujarā ñna.

¹⁶ To bajiro ñna yisere ajiyuju Pablo bedeo macũ. Tire ajicōari, surara ya vijũ vasuju, Pablöre ñre gotiguacũ. ¹⁷ Tire ñ gotijare, surara ұjũre rotibosagũre ñre jiyuju Pablo. ñ ejaro ñacōari, ado bajiro ñre yiyuju:

—Ñnare jiasa mũ. Újũre ñre ñagōrũami —ñre yiyuju Pablo.

¹⁸ To ñ yijare, ұжұ tũjũ ñre jiasuju. To ejacōari, ado bajiro ñre yiyuju:

—Pablo, yũ tubibecũmasigũ yũre jicōari, “Ñnare mũ ұжұ tũjũ ñre jiasa. ñ rãca ñagōrũami”, yũre yimi. To bajiri ñre jiabũ yũ —ñre yiyuju.

¹⁹ To ñ yirone, gajerobusa ñre tũaacōari, ñre sēniñañuju ñ:

—¿Ñnere yũre ñagōrũati mũ? —ñre yiyuju surara ұжұ.

²⁰ To ñ yirone, ado bajiro ñre yiyuju:

—Jud'io masa, sigũre bajiro tuoĩacōari, busiyũ, “ ‘Yũa tũjũ Pablöre ñre cōañä. ñre ajiquēnorooana yaja yũa’ ñre yiuacotoya”, yima, ñna ұjarãre. ²¹ To bajiri ñnare ajibeja mũ. Cuarenta rētoro ñarirãcũ ñnama ñna, Pablöre queacōari ñre sīarona. “Íre mani sīaroto rĩjoro bare babeti, idibeti, bajirũarāja mani. To bajiro mani yibetijama, rojose manire yato Dios”, yiñama ñna. To bajiri ñnare mũ cūdirotire yurã yirãma —surara ұjũre ñre yigotiyuju Pablo bedeo macũ.

²² To ñ yisere ajicōari,

—Vasa. Yũre mũ gotisere gãjerãre ñnare gotibeja —ñre yiyuju surara ұжұ.

Surara ұжұ, Félix tũjũ, Pablöre ñ cōare queti

²³ To yicōari, jũarã ñre rotibosarãre ñnare jicōari, ado bajiro ñnare yiyuju ñ:

—Yucũ ñami nueve ñaro, Cesarea vãme cütĩ macajũ Pablöre ñmato vana yirãja mũa. Adocãrãcũ ñnare jirēoña, mũa rãca varona: Doscientos ñarirãcũ gũbone varona, setenta ñarirãcũ caballo joe varona, to yicōari, doscientos ñarirãcũ reare besu cūocōari varonare ñnare jirēoña mũa. ²⁴ To yicōari, caballo, Pablo ñ jesavarocũre quēne quēnoyuya. Sīaecobecũne, Újũ Félix tũjũ Pablo ñ ejasere bojaja yũ —ñnare yiyuju ñre rotibosarãre, surara ұжұ.

²⁵ To bajiro yigajanocōari, Újũ Félixre ado bajiro ñre ucayuju ñ:

²⁶ “¿Félix, yũ rũcũbuogũ, tone ñaboati mũ? Mũre quēnaroticōaja yũ. Yũ ñaja Claudio Lisias vãme cütigũ, surara ұжұ. ²⁷ Jud'io masa, ñnare ñiacōari, ñre sīarũayuma ñna. ñre ñna sīaroadone, ‘Roma macagũ ñaami’ yire quetire ajicōari, yũ surara rãca matamasimũ yũ.

²⁸ ‘¿No bajise rojose yiri?’ ñnare yisēniñarũ, jud'io masa ұjarã tũjũ ñre ãmiamasimũ yũ.

²⁹ To yũ ejaro ñacōari, ñna ñicũa ñna yirũgũrere, ñ yibetirere yũre gotimasima ñna. Tire ajicōari, ‘Ñie rojose yibesumi. To bajiri, ñre tubibecũña manoja ti. To yicōari, ñre sīaña manoja’ yiajimasimũ yũ. ³⁰ ñre ñna sīarũasere ajigũ ñari, mũ tũjũ ñre cōaja yũ. To yicōari,

'Rojose yimi' ìre yi ocasãrãre quêne, 'Ûju Félix tujũ vasa mũa' ìnare yirũcũja, ' "Ado bajise rojose yimi" mure yigotiato ìna' yigũ", ìre yiucacõañuju surara ùju, Ûju Félixre.

³¹ To bajiro ì yiriarã ñari, ñamine Pablöre ìre ùmato vacõari, Ant'ipatris vãme cõtì macajũre ejayujarã ìna. ³² Ìna va ñami cutibusuoriarũmũne, tudicoayujarã ìna, caballo joe vabetiriarãma. Caballo joeju vana rĩne, Pablo rãca vasujarã ìna. ³³ Cesarea macajũ ejacõari, ìna ùju ì ucacõariajũrore Ûju Félixre ìre ìsiñujarã ìna. To yicõari Pablöre quêne ì tujũ ìre cũñujarã. ³⁴ Ì ucarere ìacõari, "¿Noagu ñati ì?", ìnare yisẽniãañuju Félix. To ì yirone, "Cilicia sitagu ñaami", ìre yicũdiyujarã ìna. ³⁵ To ìna yisere ajicõari, Pabljũare ado bajiro ìre yiyuju:

—"Rojose yimasimi" mure yi ocasãrã ìna ejaroju yũre mũ gotisere ajirũcũja yũ —ìre yiyuju Ûju Félix.

To yicõari, Ûju Herodes ñamasir'i ya vijũ ìre cũcõari, ì surarare ìacoderotiyuju.

24

"Rojose yibeticajũ yũ", Pablo, Ûju Félixre ì yire queti

¹ Cojomocãrãcarũmũ bero ejayujarã jud'io masa. Paia ùju ñamasugũ Anan'ias vãme cõtigu, Tértulo vãme cõtigu, to yicõari bucũrã quêne ñañujarã ìna, Pablöre, "Ado bajiro rojose yimasimi" ìre yi ocasãrã ejarã. Tértulo ñañuju ìnare ñagõbosagu, romano masa ìna rotisere masigũ. To ìna ejaro bero, Pablöre ìre jicõañuju Ûju Félix. ² Pablo ì sãjaejarone, Félixre "Ado bajiro rojose yimi Pablo" yigũagu, ado bajiro ìre gotiyuju Tértulo:

—Adi sitanare quẽnaro yũare coderũgũaja mũ. Quẽnaro rotigu mũ ñajare, quẽnaro ñarũgũaja yũ. "Ado bajirojũ ìnare yũ rotijama, quẽnarũaroja" yitũoĩacõari yũare rotirũgũaja mũ. To bajiri, rĩjoro rotiriarã rẽtoro quẽnaro rotimasijaja mũ. ³ Adi sitanare quẽnaro mũ rotisere tũoĩacõari, "Quẽnamasucõaja", mure yivariquẽnarũgũaja yũ. ⁴ Gajeye jairo ñaboaja, mure yũ gotirũase. Moare jaibũsagũja mũ. To bajiboarine gaje vãme mure gotirũaja yũ. Tire ajiya mũ maji. ⁵ Ìni Pablo vãme cõtigu, yũ jud'io masa jedirore buto gotimavisiocudirũgũami. To bajiro ì yijare, quẽnaro ñamasibeaja yũ. To bajiri, nazareno masare socase yirãre ìnare ùmato ñagũ ñaami. Tire masijaja yũ. ⁶⁻⁷ Diore yirũcũbũoriavire rũcũbũobecũ, sãjamasiñumi. To bajiro ì bajire ñajare, ìre ñiamasimũ yũ, yũare rotise ti yirore bajirone rojose yirũarã. To yũ yiroadone, surara ùju Lisias vãme cõtigu ì surara rãca ejacõari, yũare ãmacoamasimi. To yicõari, "Ûju Félix tujũ vacõari, oca quẽnorũarãja mũa", yũare yimasimi. To bajiri, bajibũ yũ. ⁸ To bajiri mũ masu, ìre sãnĩacõari, "Socarã mene yiyuma ìna. Rojose yigũ ñaami", yimasirũcũja mũ —Ûju Félixre ìre yiyuju Tértulo.

⁹ Ìre ì gotigajanorone, "Socũ me yami. To bajirone bajimasimũ", ìre yigotirẽmoñujarã jud'io masa, Tértulo rãcana. ¹⁰ To ìna yiro bero, Pabljũare ìre ñagõrotiyuju Félix. To ì yijare, ado bajiro ìre gotiyuju Pablo:

—"Cojo cũma me jud'io masa yũ yisere quẽnaro riojo ìacõiarũgũami. To bajiri yũ yisere quêne quẽnaro riojo ìacõiarũcũmi" mure yitũoĩamasigũ ñari, variquẽnase rãca mure gotiaja yũ. ¹¹ Jerusalenjũre Diore yirũcũbũogũ, ejamasimũ yũ. Yũ ejamasiro bero, jũãmo cõro, gũbo jũ jẽnituarirũmũri ñatũsajũ. Tire gãjerãre mũ sãnĩajama, yũ gotirore bajirone mure gotirãma ìna quêne. ¹² Rojose yũ yibetiboajaquêne, ãnoa socarãne yũre gotiyiroama. Diore yirũcũbũoriavijũre gãjerã rãca gãmerã oca josabetimasimũ yũ. Dios ocare buerivirijũre, to yicõari ti maca tũri ñarãre quêne ìnare gotimavisiobetimasimũ yũ. ¹³ Rojose yũ yiro cõro, "Rojose yimasimi", mure yigotimasimenama ìna. ¹⁴ Ado bajirojũ bajigũ ñaja yũ. Jesús vãme cõtigu ajitirũnũgũ ñaja yũ. Yũ ñicũ ìna rũcũbũomasir'ire Diore ìre rũcũbũogũ ñaja yũ. "Socasere ajitirũnũgũ ñaami" yũre ìna yijama, Jesũre yũ ajitirũnũjare, yama. To bajiro ìna yiboajaquêne, yũ ñicũre Moisés ñamasir'ire Dios ì roticũmasire jediro, to yicõari, Diore gotirẽtobosariarã ìna ucamasirere quêne ajitirũnũgũ ñaja yũ. ¹⁵ "Cojorũmũ masa bajireariarãre rojose yiriarãre, quẽnase yiriarãre quêne ìnare catorũcũmi Dios" ìna yitũoĩayurore bajirone

tuoĭaja yu quēne. ¹⁶ To bajiro tuoĭagũ ñari, yu yimasiro cōro quēnasere yirũgũaja yu, Dios quēne, masa quēne, “ ‘Rojose yigũ ñaami’ yũre yiroma” yigũ.

¹⁷ Cojo cũma me gajerori ñacudiboacu, Jerusalénjũre ejamasimũ yu, yu yarã sīgũri maioro bajirãre ñare gãjoa ĩsigũ. To yicōari, Diore rũcũbũogũ ñari, paĩare vaibũcurã sĭaroticōari, ñare soemũorotigũ bajimasimũ yu. ¹⁸⁻¹⁹ “Tire yirũcũja” yicōari yu yibe-tirere, Diore yirũcũbũoriaviju ñacōari, “Yũre masirioya” Diore yu yigajanorone, yũre ĩamasima jud'io masa, Asia sita vadiriarã. Jãjarã masa rãca ñacōari, rujajine yicudigũ me bajimasimũ yu. Tire yu yibetiboajaquēne, yũre jũnisinirã ñari, ñiamasima ĩna. ĩna masune adojũre vadicōari, rojose yu yirere mũre gotirã ejarona ñaama ĩna. ²⁰ ĩna ejabetijama, ado ñarã, jud'io masa ujarã rĩjorojũa ejacōari, “Ado bajise rojose yimi” yũre yi ocasãmasirã, rojose yu yirere mũre gotirona ñaama ĩna. ²¹ ĩna rĩjorojũa ñacōari, ado bajiro ñare gotimasimũ yu: “ ‘Masa bajireariarãre ñare tudicatorũcũmi Dios’ yigũ yu ñajare, yũre gotiyirorã yaja mũa”, ñare yimasimũ yu —Uju Félixre ĩre yigotiyuju Pablo.

²² To ĩ yisere ajicōari, Jesũre ajitirũnurã ĩna bajisere quēnaro masigũ ñari, ado bajiro ñare gotiyuju Uju Félix:

—Jẽre ajicōaja yu. Surara uju Lisias ĩ ejarojũ, Pablore yu yirotere mũare gotirũcũja —ñare yiyuju ĩ Uju Félix.

²³ To bajiro ñare yigotigajanocōari, surara ujure, “Ado bajiro ĩre codeba mũa”, yiyuju Félix:

—Tubiberiavi ñacōari, ĩ vacudijama, ĩ ĩacudijaquēne, “Vabesa”, ĩre yibeja. ĩ babarã ĩre ĩarã ĩna ejajama, ĩre yirẽmorã ejajaquēne, “¿No yirã bajiatĩ?”, ñare yibeja —ĩre yi vacoasuju Félix.

²⁴ To ĩ yivariaro bero, yoatoju tudiejayuju ĩ quēna, ĩ manajo Drusila vãme cũtigo rãca. Jud'io maso ñañuju so. Ejacōari, Pablore ĩre jirotiyuju ĩ. ĩ ejaro ĩacōari,

—Jesucristore ajitirũnurere yũare gotiya —Pablore ĩre yiyujarã ĩna.

²⁵ —Dios quēnase rĩne manire yirotiãmi. Rojose yirũaboarine, “Rojose yibetirũarãja” mani yituoĩasere bojaami Dios. Gajerũmũ masa rojose ĩna yisere ĩ ĩabeserirũmũ ejarũaroja —ñare yigotiyuju.

Tire ajĩucacōari,

—Jẽre ajicōaja yuã. Quēna gajerũmũ yu moare manirũmũ mũre jirũcũja. To cōrojũ mũ gotisere ajirẽmorũcũja —ĩre yiyuju Félix.

²⁶ Tijũ bero, cojoci me Pablore ĩre jirũgũñuju Félix. Jesús ocare ĩ gotimasiose rĩne, ajirũ me ĩre jirũgũñuju ĩ. “Yũre mũ bucōajama, gãjoa mũre ĩsirũcũja” ĩ yisere ajirũne, ĩre jicōarũgũñuju. ²⁷ To bajiro ĩ yĩnaro rĩne jũa cũma rētocoasuju ti. “Jud'io masa yũre jũnisiniroma” yigũ, Pablore ĩre bubblesuju ĩ. Jũa cũma bero, uju ĩ ñaboasere budicoasuju Félix. To bajiri, Porcio Festo vãme cũtigũjũa uju sãjañuju.

25

Uju Festo rãca Pablo ĩ ñagõre queti

¹ Cesarea macajũ uju ĩ sãjariaro bero, idiarũmũ ñacōari, Jerusalén macajũare vasuju Festo. ²⁻³ Toju ĩ ejaro ĩacōari, paia ujarã, gãjerã jud'io masa ñamasurã quēne,

—Rojose yicami Pablo —Festore ĩre yi ocasãñujarã ĩna. To yicōari, —Pablore yũare mũ jiroticōabosajama, quēnarũaroja —Uju Festore ĩre yisẽniñujarã ĩna. To bajiro ĩna yijama, “Maa ĩ vadojũne Pablore ĩre sãcoarãsa mani” yirã, yiboayujarã ĩna.

⁴ To bajiro ĩre ĩna yiboajaquēne, ado bajiro ñare yiyuju Festo:

—Cesarea macajũne ĩre codecõa ñarũarãma ĩna. To bajiri, yoaro mene tojũre tudiarũcũja yu quēna. ⁵ To yu bajirone, mũa rãcana sīgũri yu rãca tojũre vaejacōari, rojose Pablo ĩ yirere yũre gotirũarãma ĩna —ñare yicudiyuju Festo.

⁶ To bajiro ñare ĩ yiro bero, Jerusalénjũre jũaãmocãrãcarũmũ cōro ñacōari, Cesarea macajũre tudiasuju Festo. ĩ ejabusuorirũmũne oca ĩna ñagõquēnorijũjũ rujicōari, Pablore ĩre jicõañuju ĩ. ⁷ Pablo ĩ sãjaejaro ĩacōari, “Cojo vãme me rojose yicami”, Festore ĩre yigotiyujarã ĩna, jud'io masa, Jerusalénjũ vadiriarã. “Rojose yicami” yicõarã

ñaboarine, “Ado bajise rojose yicami”, yimasibesujarã ñna. ⁸ To ñna yiro bero, “ ‘Rojose yibesumi’ yũre yato” yigũ, ado bajiro yiyuju Pablo:

—Ñie rojose yibeticajũ yũ. Jud'io masa ñna rotisere, to yicõari, Ʋjũ César ñ rotisere quẽne cudirũgũcajũ yũ. To yicõari, Diore yirũcũbuoriavire quẽne, rũcũbuorũgũcajũ yũ —yiyuju Pablo.

⁹ To ñ yirone, “Jud'io masa yũre tud'iroma” yigũ, ado bajiro Pablore ñre sãnĩañuju Festo:

—¿Jerusalénjũ ejacõari, rojose mũ yirere mũre yũ sãnĩañajama, quẽnati? —Ñre yisãnĩaboayuju.

¹⁰ To ñ yiboajaquẽne, ado bajiro ñre yiyuju Pablo:

—Bajibeaja. No yigũ vabecũja. Ʋjũ César “Masa rojose ñna yisere ñacõñaña” ñ yiriavine ñaja yũ. To bajiri adone yũre sãnĩacõaroti ñaja. Yũ yarã jud'io masare rojose ñnare yibeticajũ yũ. Tire quẽnaro masiaja mũ. ¹¹ Rojose yũ yire sũori ñnare mũ sãrotijama, “Yũre sãabesa”, yibecũja yũ. To bajiri, socarãne “Rojose yicami” yũre ñna yĩ ocasãjare, “Ñre sãña” yigũ, yũre ñsirocagũ magũmi. “Rojose yiyujari yũ” yigũ, Roma macagũ, Ʋjũ Césare ñre ñacõãrotirũcũja yũ —Ñre yicũdiyuju Pablo.

¹² To bajiro Pablo ñ yijare, ñre ñagõejarẽmorãre, “¿No bajiro yiroti ñnati ñre?” ñnare yisãnĩacõari bero, ado bajiro yiyuju Festo:

—“¿Rojose yiyujari yũ?” yigũ, Ʋjũ Césare ñre ñacõãrotirũcũja yũ” mũ yijare, ñ tũjũ mũre cõarũcũja yũ —Pablore ñre yiyuju Festo.

Ʋjũ Agripa rãca Pablo ñ ñagõre queti

¹³ To ñ yiriarũmuri bero, Ʋjũ Festore ñagũ ejayuju Ʋjũ Agripa, Berenice vãme cõtigo rãca. ¹⁴ Cojorũmũ me ñ rãca ñacõañujarã ñna. To ñna bajĩnarone Pablo ñ bajisere Agripare ñre gotiyuju Festo:

—Sĩgũ ñaami ado, Pablo vãme cõtigu, Ʋjũ Félix ñ tubiber'i. ¹⁵ Jerusalénjũ yũ ñaro, “Rojose yicami”, yũre yigoticama bũcũrã jud'io masa, paia ẽjarã quẽne. “Rojose ñ yicati vaja ñre sãrotiya mũ”, yũre yiboacama ñna. ¹⁶ To bajiro yũre ñna yiboajaquẽne, “Yibeaja yũ. Yũna, romano masama, rojose masa ñna yirere ñacõãmenane, sãrotire manicoadimasiñuja. ‘Rojose yimi’ yigotiyirorã, to yicõari, rojose yir'i rãca ñnare jirẽocõari, sãnĩãre ñacoadimasiñuja”, ñnare yicajũ yũ. ¹⁷ Adojũre ñna rãca yũ ejabusuocaturũmũne, Pablore ñre jicõacajũ yũ. ¹⁸ “Ñre gotiyirorã, ‘Bũto rojose masu yimasimi’ yũre yigotirũarãma ñna”, yitũoĩaboacajũ yũ. “Rojose yigũ yiyumi” yiajiyamanirene goticõacama. ¹⁹ “Yũna rũcũbuosere rũcũbuobeami. ‘Jesús vãme cõtigu, rijacoaboarine tudicatiami quẽna’ yisocarũgũami Pablo”. “ ‘Rojose yigũ yimi’ yirã vaja”, yirã, ti rĩne yũre goticama. ²⁰ To bajiro ñna yijare, “Rojose yiyumi”, yimasibeticajũ yũ. To bajiri, “¿Jerusalénjũ ejacõari, rojose mũ yirere mũre yũ sãnĩañajama, quẽnati?”, ñre yisãnĩaboacajũ yũ. ²¹ To yũ yirone, ado bajiro yũre yicũdicami: “ ‘Rojose yiyujari yũ’ yigũ, Ʋjũ Césare ñre ñacõãrotirũcũja yũ”, yũre yicami. To ñ yijare, surarare ñnare coderoticajũ yũ, Ʋjũ César ñ ñarojũre ñre cõarũ —Agripare ñre yigotiyuju Festo.

²² To ñ yisere ajicõari,

—Yũ quẽne, ñ gotisere ajirũaja yũ —Festore ñre yiyuju Agripa.

To ñ yijare, —Busiyũ ajirũcũja mũ, ñ gotisere —Ñre yiyuju Festo.

²³ To bajiri gajerũmũ masa ñna rẽjarivijũ Pablore ajigũ ejayuju Agripa, Berenice rãca. “Manire ñacõari, ‘Ñamasurã ñaama ñna’ manire yato” yirã, rũcũbuoro ejayujarã ñna. ñna rãcana, surara ẽjarã, gãjerã Cesarea macana ñamasurã quẽne ejayujarã ñna, Pablore ajirã. ñna ejaro bero, Pablore ñre jiyuju Festo. ²⁴ Pablo ñ ejarone ado bajiro gotiyuju Festo:

—Ʋjũ Agripa, ado rẽjarã jediro, ñaña mũna. Ñni ñaami Pablo. Bũto ñre sãrũarũgũama jud'io masa. Jerusaléana, adi macana quẽne, “Ñre sãcõaroti ñaja”, yivasãboacama ñna.

²⁵ “Ñie rojose ñ yire sũori ñre sãña manoja ti”, yicajũ yũ. To bajiro yũ yiboajaquẽne, “ ‘Rojose yiyujari yũ’ yigũ, Ʋjũ Césare ñre ñacõãrotirũcũja yũ” yũre ñ yijare, “Ʋjũ César ñ ñarojũ ñre cõarũcũja”, yicajũ yũ. ²⁶⁻²⁷ To bajiro yitũoĩaboarine, rojose ñ yirere ucamasibeaja yũ, mani ẽjũre, Césare gotigũ. Rojose ñ yirere gotibecũne ñre yũ ucacõajama,

tuoīamasibecūre bajiro yigū yiguja yū. Tire tuoīagū ñari, Pablōre ĩre jicōamū yū, mūa ajiro rījorojūa, “Ūjū Agripa ĩre sēniīato” yigū. ĩre sēniīacōari, “Rojose yiyumi Pablo” mū yisere ajicōari, “Ūjū Cēsare ĩre ucacōarūcūja”, ĩre yibū yū —ĩnare yiyuju Festo.

26

¹ To bajiro Festo ĩ yisere ajicōari, ado bajiro Pablōre ĩre yiyuju ūjū Agripa:

—Mū yirūgūrere yūare gotiya —Pablōre ĩre yiyuju Agripa.

To ĩ yijare, ado bajiro ĩnare gotiyuju Pablo:

²⁻³ —Yū ūjū Agripa, mū ajiro rījoro gotiguagū ñari, variquēnase rāca gotiguagū yaja yū. Jud'io masa mani yisere quēnaro masiaja mū. Gāmerā ajimasibeticōari, yūa gāmerā oca rētorūgūsere quēne quēnaro masiaja mū. To bajiri jud'io masa, “Rojose yigū ñaami” ĩna yiboasere mū ajiro rījoro gotiguagū yaja yū. To bajiri quēnaro yū gotisere ajirūcūja mū —yiyuju Pablo, Agripare.

⁴ —Yū ya maca ñacōari, mamū ñagū yū bajiñarūgūcatire masirāma jud'io masa jediro. To bajicōari, Jerusalēnjūre yū bajirūgūcatire quēne masirāma. ⁵ Yūre masirā ñari, “Fariseo masū ñacami”, mūre yigotirāma ĩna, ĩnare mū sēniīajama. Fariseo masama, Dios manire ĩ rotimasirere buto ajirūcūbūorā ñaama. ⁶ “Bajireariarāre ĩnare tudicatorūcūja yū”, yigotimasiñumi Dios, mani ñicūare. To ĩ yire ti ñajare, “To bajirone yirūcūmi” yituoīagū yū ñajare, “Rojose yigū ñaami”, yūre yī ocasācama. ⁷ Tire yū yituoīarore bajirone tuoīaama jud'io masa, juaāmo cōro, gūbo jūa jēnitarirāca jūnari ñarā jedirone. Tire tuoīarā, ñari ūmūari, ñamirire quēne buto Diore ĩre yirūcūbūorūgūama ĩna. Tire tuoīagū yū ñajare, “Rojose yigū ñaami”, yūre yī ocasācama jud'io masa. ⁸ ¿No yirā, “Bajireariarāre tudicatorūcūmi Dios”, yituoīabeati mūa? —yiyuju Pablo.

“*Jesúre ajitirūnūrāre rojose ĩnare yirūgūcājū yū*”, Pablo ĩ yire queti

⁹ Quēna ado bajiro gotiyuju Pablo:

—“Nazaret macagū Jesús vāme cūtigū yere ĩna ajitirūnūse vaja, cojo vāme me rojose ĩnare yirūcūja yū”, yituoīarūgūcājū yū. ¹⁰ To bajiro yigū ñari, Jerusalēnjūre ñacōari, rojose ĩnare yirūgūcājū yū. “Jesús yere ajitirūnūrāre ĩnare tubibeya mū” paia ūjarā yūre ĩna yijare, jājarā Jesúre ajitirūnūrāre ĩnare tubiberūgūcājū yū. To yicōari, “ĩnare sīacōato mani” ūjarā ĩna yijama, “To bajirone bojaja”, yirūgūcājū yū quēne. ¹¹ Cojōji me Dios ocare bueriavirijū sājaejacōari, “ ‘Rotimūorūgūgūcūmi’ yigū, Dios ĩ cōar'i me ñarimi Jesús’ yīya mūa” yigū, ĩnare buto rojose yicudirūgūcājū yū. Buto ĩnare ĩategū ñari, gājerā masa ĩna ñarimacarijūre ĩna rudicoaboajaquēne, rojose ĩnare yirū, ĩnare sūyarūgūcājū.

“*Jesúre ajitirūnūnūocājū yū*”, Pablo ĩ yire queti

(*Hch 9.1-19; 22.6-16*)

¹² Jesúre ajitirūnūrāre rojose ĩnare yigū yū ñajare, “Damasco vāme cūti macajū vasa” paia ūjarā yūre ĩna yijare, yū babarā rāca vacajū yū. ¹³ To yūa bajivato, ūmūrecāji ñaro, ūmūagū muiju ĩ bususe rētoro buto caje mose busucājū ti. ¹⁴ To bajiro ti bajijare, quedicoacājū yūa. Yūa quediocacūatone, hebreo oca rāca ado bajiro yī ocaruyucājū ti: “Saulo, Saulo, ¿no yigū rojose yūre yisūyarūgūati mū? To bajiro mū yijama, mū masune rojose yigū yaja mū”, yūre yī ocaruyucājū ti. ¹⁵ To bajiro ti yirone, “¿Ñimū ūgū ñacōari, to bajise yūre yati mū?”, ĩre yicājū yū. To yū yirone, “Yūne ñaja, Jesús, rojose mū yisūyarūgūgūne”, yūre yī ocaruyucāmi. ¹⁶ To yigūne, “Vūmūrūgūña mū. ‘Yūre gotibosarūcūmi’ yigū, mūre ruyuaīoaja yū. To bajiri, yū bajicatire, to yicōari yucūaca mū ĩasere, bero mūre yū yīorotire quēne masare gotimasiodirūcūja mū. ¹⁷ Mū yarā jud'io masa, to yicōari jud'io masa me ñarā quēne, rojose mūre ĩna yīrotire mūre yirētosarūcūja yū. ¹⁸ ‘Vātia ūjū ĩ bojasere yitūjacōari, Dios ĩ bojasejūare yirā ñarūarāma ĩna’ yigū, yū bajicatire mūre gotimasioroticōagū yaja yū. Mū gotimasiosere ajitirūnūrā ñari, rojose ĩna yisere masirio ecocōari, Dios yarā ñarūarāma ĩna quēne”, yūre yicāmi Jesús —ĩre yiyuju Pablo, Agripare.

“*Jesús ruyuaīocōari, yūre ĩ yīroticatire bajirone cūdicājū yū*”, Pablo ĩ yire queti

¹⁹ —To bajiri, yure ruyuañocōari, i yirocaticire bajirone cudicaju yu. ²⁰ Damasco vāme cūti macanare ĩnare gotimasiosuocaju yu. Bero, Jerusalén macanare, Judea sitanare, to yicōari jud'io masa me ñarāre quēne ĩnare gotimasioducirūgūcaju yu. “Rojose yua yisere yitujacōari, ‘Dios i bojasejuare yiruārāja yua’ yigoticōari, quēnasejuare yirūgūña maa”, ĩnare yigotirūgūcaju yu. ²¹ To bajiro yu yijare, Diore yirūcubuoariaviju yu ñaro yure ñiacōari, yure siaruaboacama ĩna, jud'io masa. ²²⁻²³ To bajiro yure ĩna yiruaboajaquēne, quēnaro yure ejarēmocami Dios. Yure i ejarēmose ñajare, ñamasurā, ñamasumenare quēne, mware gotimasiodca ñarūgūaja yu. Moisés ñamasir'i, to yicōari Diore gotirēto-bosamasiriarā quēne, “Ado bajiro bajiruaroja”, yuicamasiñuma: “‘Rotimūorūgōrūcūmi’ yigu, Dios i cōagū, rijacoaboarine, quēna tudicatisuorocū ñarūcūmi. To bajiro i bajiroti ñajare, Diorāca quēnaro ñacōari, i catisere ĩsieoaruarāma, jud'io masa, jud'io masa me ñarā quēne”, yuicamasiñuma. “‘Bajiruaroja’ ĩna yuicariarore bajirone bajiaja”, mware yigotirūgūaja —ĩnare yigotiyuju Pablo.

“*Jesúre ajitirūnuato*” yigu, Pablo Agripare i gotimasiore queti

²⁴ To bajiro Pablo i yigotiñarone, ado bajiro yivasāñuju Festo:

—To bajiro yimecūcōagū yaja mu. Jairo bueri ñari, no bojasene tuoñacōari, goticōaja mu —Pablōre ĩre yivasāñuju Festo.

²⁵ To bajiro i yijare, ado bajiro yiyuju Pablo, Festore:

—Yimecūgū me yaja yu. Mware yu gotise socase me ñaja ti. Tire quēnaro ajicōari, “To bajirone bajiroja”, yimasiroti ñaja. ²⁶ Jesús i bajirere yu gotise yayioroju gotire me ñaja. Masa ĩna ĩaro bajire ñaja ti. To bajiro bajire ti ñajare, masare yu gotimasioducire masigūmi Ūju Agripa. To bajiri, gūibecūne ñajediro ĩre gotiaja yu —Festore ĩre yiyuju Pablo.

²⁷ To yicōari, Agripajuare ado bajiro yiyuju Pablo:

—Diore gotirētobosariarā ĩna ucamasirere mu ajirūcubuosere masiaja yu —ĩre yiyuju Pablo.

²⁸ To bajiro ĩre i yisere ajicōari, ado bajiro yiyuju Agripa:

—“To cōro ĩre yu gotirone tuoñavasoacōari, Jesúre ĩre ajitirūnucoarūcūmi”, ¿yure yituoñacōati mu? —ĩre yiyuju Agripa.

²⁹ To i yisere ajicōari, ado bajiro yiyuju Pablo:

—Yoaro meaca mware yu gotiboajaquēne, “Jesúre yu ajitirūnuore bajiro ĩre ajitirūnuato i” yigu, Diore mware sēnibosaja yu. To yicōari, maa jedirore Jesúre maa ajitirūnuotire bojaja yu. To bajiboarine Jesúre maa ajitirūnuose suori yure bajiro maa tubibe ecosere bojabeaja yu —yiyuju Pablo.

³⁰ To i yisere ajicōari, Agripa, Festo, Berenice, to yicōari Pablōre ĩre ajiñariarā jediro, vūmūrūgū budicoasujarā ĩna. ³¹ Budianane, ado bajise gāmerā yiyujarā ĩna:

—Ñie rojose yibesumi. To bajiri, ĩre tubibecūre, ĩre siare quēne mañuja ti —gāmerā yiyujarā ĩna.

³² To yicōari, ado bajiro yiyuju Agripa, Festore:

—“¿Rojose yiyujari yu?” yigu, Ūju Césare ĩre ĩacōiarotirūcūja yu” Pablo i yibetijama, ĩre bucōaroti ñaboayuja —Festore ĩre yiyuju Agripa.

27

Roma vāme cūti macajure Pablōre ĩre ĩna cōare queti

¹ “Pablōre, gājerā tubibe ecoriarāre quēne, Italia vāme cūti sitajure ĩnare cōato mani”, yicama ĩna. To yirā ñari, Julio vāme cūtigure,

—ĩnare ūmato vasa —ĩre yicama. Roma macana surarare Ūju César i beseriarāre rotigu ñacami Julio. ² Cūmua ñacaju Adramitio vāme cūti macana yaga. Asia sitajure varoado bajicaju tia. To bajiri tia rāca vacaju yu. Yua rāca ñacami Aristarco vāme cūtigū quēne. Macedonia sita ñarimaca, Tesalónica vāme cūti macagu ñacami.^k ³ Gajerūmū Sidón

^k 27:2 Lucas vāme cūtigū, Pablo rāca varí ñari, “vacaju yu”, yuicayumi.

vāme cūti macajū ejacajū yua. “Rojose tāmūoami Pablo” yīamaicōari, “Mū babarāre īnare ĩacudiaya. No mū bojase mūre ĩsiato”, ĩre yicami Julio. ⁴ Ti maca űariarā, vacajū yua quēna. To yua bajivatone, būto mino vacajū. To bajicōari, yūare vēatūocajū. To ti bajijare, Chipre vāme cūtiyoa tūre gāniacajū yua. ⁵ To bajivana, Cilicia sitare rēto, Panfilia sitare, Licia sita űarimaca Mira vāme cūti macare ejacajū yua.

⁶ Ti macajū gajea cūmua Alejandr'ia vāme cūti macana yagare, Italiajū varoado bajiricare ĩacōari, tia rāca yūare ũmato vacami surara ũjū. ⁷ Būto mino ti vajare cojorūmū me josari vacōari, Gnido maca cānamuűarore ejacajū yua. Yua vato riojo būto mino ti vacōa űajare, Creta vāme cūtiyoa cūtojuā vacoacajū yua. Tiyoa űarimaca Salmón vāme cūti macare rēto, tiyoa tūre vacajū yua, mino ti vabetibūsarōjuā vana. ⁸ Josari masu bajivana, Lasea maca tū űarimaca Buenos Puertos vāme cūti macajūre ejacajū yua.

⁹ Cojorūmū me vacoacajū yua. To bajiri tone būto yūare gūiocoacajū yuja, juebūcu ti cōñajare. To bajiri, ado bajiro ĩnare goticami Pablo:

¹⁰ —Vabeticōato. Mani vajama, rojose tāmūoruarāja. Cūmua rujacoaruarōja. Gajeyeūni quēne yayicoaruarōja. Mani quēne sīgūri rujareacoaruarāja —ĩnare yigoti-boacami Pablo.

¹¹ To ĩ yiboajaquēne, ĩre cūdibeticami surara ũjū. Cūmua ũjarājū, “Vacoajaro mani” ĩna yisejūare ajicami. ¹² Ti maca jetaga rocaturiaro juebūcu ti űajama quēnabesuju. To bajiri, “Fenice vāme cūti macajū vajaro mani. Ti maca jetaga quēnaro rocaturiaro űaűuju ti, mino ti vabetibūsajare. Toju mani űaro juebūcu rētoruarōja”, yitūoĩacama ĩna jedirone.

Būto mino ti vare queti

¹³ To bajiri ĩna vatojuare mino ti vasere ĩacōari, “Vajaro mani”, yicama ĩna. To yi, cūmua ruucūűariajau ancla vāme cūtiyūre tūamūosā, tiyoa tūre vacoacajū yua.

¹⁴ To yua bajivatone, gajerojuā būto tutuaro mino vadicōari, yūare vēaviocōacajū ti. Nordeste vāme cūti űacajū ti. ¹⁵ To ti bajijare, “Tiyoa tūbūsa vanasa mani” yirā, tiare veaquēnobūsabocama ĩna. Būto būsa mino ti vajare, “Manire ti vēacōarore bajirone vacoajaro mani”, yicōacama ĩna. ¹⁶ To bajivana, Cauda vāme cūtiyoa cōñarore rētoanane, mino ti vabetibūsajare, cūmua jairica tūre ĩna siajoriare tiare tūamūosācama ĩna, yua vacatia jubeajū. ¹⁷ To yigajanocōari, “Saguerobe” yirā, yua vacatia rāca quēnaro siaűiacōacama ĩna. Sirte vāme cūtijū cōñanane, “Jōrero vana yaja mani” yirā, ancla vāme cūtiyūre rocaroaruucama ĩna. To bajiro ĩna yijare, mino ti vēacōarore bajirone vacajū yua. ¹⁸ Gajerūmū to bajirone mino ti vacōa űajare, būto sabecōa űacajū. To ti bajijare, “Rujarobe” yirā, gajeyeūni gājerāre ĩsiruarā ĩna juaboarere juarearodecōacama ĩna. ¹⁹ To ĩna yibusorirūmū, to bajirone mino vacōari, ti sabecōa űajare, cūmuayere quēne juarearodecama ĩna yuja. ²⁰ Cojorūmū me, muiju ruyubeticami. űamire quēne űocoa ruyubeticama. Mino ti vatūjabetijare, “Rujareacoaruarāja mani”, yitūoĩacajū yua.

²¹ Yoaro babeti vacajū yua. To yua bajivajare, ado bajiro yūare goticami Pablo:

—“Vabeticōato mani” mūare yū yimasisere mūa ajijama, Creta vāme cūtiyoajūne mani űacōajama, rojose tāmūobetiborāja mani. ²² To bajiboarine, tūoĩasūtiritibesa mūa. “Cūmua ti yayicoaboajaquēne, manima caticōaruarāja”, yitūoĩaĩna mūa. ²³ Jējuaga űami ángel yūre ruyūoĩcōari yūre gotimi, Dios, yū ũjū, ĩ cōagū. ²⁴ Ado bajiro yūre gotimi: “Gūibesā mū. Ūjū César tū ejacōari, ‘ĶRojose yiyujari yū?’ yigū, ĩre ĩacōĩarotirūscūja mū. Dios, mūre ĩamaigū űari, ĩre mū sēnijare, rojose mūa tāmūoborotire mūare yirēto bōsarūcūmi. Mū rāca vana jedirone catijedicōaruarāma ĩna”, yūre yimi ángel. ²⁵ To bajiri tire ajirā űari, sūtiritibesa mūa. “Dios ĩ gotiroticōariarore bajirone bajiruarōja”, yaja yū. ²⁶ To bajiri, yucūyoa cōñarōjuā mino manire vēatucōaruarōja —yūare yigoticami Pablo.

²⁷ Adriático vāme cūtiyajūre juā semana vacajū yua, mino yūare vēatucōase rāca. To bajivana rĩne, űami gudareco ti tūsato, “Yucūyoare cōñacoana yirāja mani”, yicama cūmuare ĩacoderimasa. ²⁸ To bajiri űcūase cōĩariama rāca “Ķno cōro űcūati ti?” yirā, ruucōĩacama ĩna. Treinta y seis metros űcūacajū ti. Yoarobūsa vacōari, ruucōĩacama

ĩna quẽna. Veintisiete metros ũcuacaju yuja. ²⁹ To ti bajijare, “Gũtare rocaturo, cũmua vadirobe” yirã, cũmua ruucũñiare ancla vãme cutijaurire babarirãcajare rearoderuucama ĩna, cũmua gũde ñasejare. To yicõari, “Guarobusa busuato” yirã, Diore sēnicama ĩna. ³⁰ To yicõari, “Īguẽaju ñasere quẽne rearoderuuroana yaja yua”, yicama cũmuare ĩacoderimasa. Cũmua mojorica rãca rudiuarã yirã yiboayuma. ³¹ To ĩna yiboajaquẽne, surara ɯjare, to yicõari surarare quẽne ado bajiro ĩnare goticami Pablo:

—Cũmuare ĩacoderimasa ĩna rudicoajama, catibetiruarãja mua —ĩnare yigoticami.

³² To ĩ yijare, “Rudicoanasa mani” ĩna yiboariare, ĩna siariamarire yijesurecõari, vẽjarocarocõacama ĩna, surara.

³³ To ĩna yiro bero, busujedibetone yua jedirore baroticami Pablo:

—“¿No bajiro bajirãti mani?” yitũoĩarã ñari, jua semana quẽnaro bare bamenane ñasoaju mua. ³⁴ To bajiri bare baya mua, “Catirãsa” yirã. Nijũane mani rãcagu rijayayibetirucami —yũare yigoticami Pablo.

³⁵ To bajiro yũare ĩ yiro bero, panre ãmicõari, “Quẽnaro yaja mu”, yicami, Diore sēnigũ. To yigajanocõari, bacami. ³⁶ To ĩ yisere ajivariquẽnacõari, bacaju yua quẽne. ³⁷ Tia cũmuare vacana, doscientos setenta y seis ñarirãcu ñacaju yua. ³⁸ Yua baũsucutiro bero, trigo joarire rearodecama ĩna, “Rũcubetibũsaro vanasa” yirã.

Pablo mesa ĩna rujare queti

³⁹ Busuro bero yucũyoare ĩacõari, “¿No ũnoju ñati?”, yicama ĩna. To bajiro yiboarine, jabua ti ruyujare, “Tibua cutojũare rocaturãsa”, yicama cũmuare ĩacoderimasa. ⁴⁰ To bajiri, ancla bũto ti rũcũjare, ti cãnorĩ rãcane jasureruucõacama ĩna. To ĩna yirone, gãjerãma “Cũmuare veaturãsa” yirã ĩna siaturiajãirire jojocama ĩna, jabuajũare jãjarũarã. To yicõari, cũmua ĩguẽa cutojua ñarigaserore mino tuarigaserore tũamũocama ĩna, “Cũmuare ũmato jãjajaro” yirã. ⁴¹ Tũsarojũare jãjajamenane ti jõrejare, cũmua ĩguẽa jabuaju jejacõacaju ti. To ti bajirone, bũto oco sabeca yiro, cũmua gũde cutojũare sabevaruucõacaju.

⁴² To ti bajirone, tubibe ecoriarã ĩna juadiriarãre “Baájãjarudiatoma” yirã ĩnare sãrũacama suraraju. ⁴³ ĩna sãrũaboajaquẽne, Pabloure maigũ ñari, ĩnare sãrotibeticami ĩna ɯjũna.

—Tire yimenane, baámasirãma jatirearodecõari, tũsarojua baájãjasa mua —ĩnare yicami. ⁴⁴ —Baámasimenama, yucũjãiri, to yicõari, no bojase jayase rãca ñiacõari tũsarojua baájãjasa —yicami. To bajiri sigũ rujarocariaro mano jabuaju baájãjajacaju yua.

28

Malta vãme cutiyojũ ejacõari, Pablo mesa ĩna bajire queti

¹ Toju ejacõari, “Malta vãme cutiyojũ ñaja mani”, yĩamasicaju yua. ² Tijuana masa, to yua ejaro, quẽnaro yũare yicama. Bũto oco ti quedijare, yũare usacaju. To yua bajijare, jeame riocõari, “Sũmaroaya mua quẽne”, yũare yicama. ³ Jearũjuri juagu vacõari, ĩna riori mere ĩ tĩarone, ãña jearũjuri vatoa ñar'i, “Jea asisere rudiacũja” yigu, ĩ ãmojũre jatirocayocõari, cũnicami, Pabloure. ⁴ ĩ cũniyojasere ĩacõari, ado bajiro gãmerã yicama toana:

—Masa sãrimasũ ñagũmi. ĩna rujariaroju ĩ rujarocabetijare, ĩ masa sãre vaja ĩre ãña cũnirotigomo so, mani rũcubũogo —gãmerã yicama ĩna.

⁵ To bajiro ĩna yiboajaquẽne, jeameju ãñare ĩre yayerocatĩacõacami. To bajicõari, visiorũgũ yibeticami Pablo. ⁶ “Guaro mijirũaroja. Ti mijibetijaquẽne, ñaro tũsarone rijacoa tũjarũcũmi”, yitũoĩaboacama tijuana jediro. To yicõari, yoaro ĩre ĩacodeñaboacama. ĩna tũoĩarore bajiro ĩ bajibetijare, ado bajiroju tũoĩacama ĩna yuja: “Mani rũcubũogu, masũre bajiro ruju cuticõari, ejami”, gãmerã yicama ĩna yuja.

⁷ To yua bajĩnacatiju tũre ñacaju, tiyoana ɯju Publio vãme cutigu ye sita. Quẽnaro yũare bocaãmicami. To bajiri, idiarũmũ ĩ rãca yua ñaro quẽnaro yũare yicami. ⁸ ĩ tu yua ñaro, “Bũto rijaami yũ jacũ” ĩ yisere ajicaju yua. “Bũbũribũjacõari, gũda cuduami.

Mano gajajuar'i cānijesariaro joeju jesaami", yicami. To bajiro ī yijare, ĩre ĩagū jājacami Pablo. ĩ tu jājaejacōari, Diore ĩre sēnibosacami. To yicōari, ĩ āmori űnujeocami. To ĩ yirone, caticoacami ĩ yuja. ⁹ ĩre ĩ catiosere ajicōari, toana rijaye cūtirā, ĩre catorotirā ejacama ĩna. To ĩna bajijare, ĩnare catiocami Pablo. ¹⁰ To ĩ yijare, yuare rūcubūorā, quēnaro yirūgūcama ĩna. To yicōari, yua varoto rĳoro, yua bojase jediro yuare ĩsicama.

Romaju Pablo ĩ ejare queti

¹¹ Malta vāme cūti yoajure idiarā muijua űnacaju yua. "Juebūcū ti rētoro bero vanasa" yirā, tujayuma Alejandr'ia vāme cūti macana. To bajiri, juebūcū bero, ĩna rāca vacaju yua quēna. Tia ĩguēajure, "Ado bajirā űnarāma cūmuare ĩacoderimasa mani rūcubūorā, Cāstor, to yicōari Pólux vāme cūtigū quēne" yicōari ĩna quēnoriarā űnacama. ¹² Siracusa vāme cūti macaju ejacōari, idiarūmū űnacaju yua. ¹³ Ti macaju űnacōari vana, Regio vāme cūti macaju ejacaju yua. Gajerūmū yua vato riojo mino ti vajare, Puteoli vāme cūti macaju vaejacaju yua. ¹⁴ Ti macaju ejacōari, Jesúre ajitirūnūrāre ĩnare bujacaju yua. "Yua rāca cojo semana űñaña mūa", yuare yicama ĩna. To bajiri ĩna rāca cojo semana űnacaju yua. To baji, Romaju vacaju yua. ¹⁵ Yua vadi quetire ajicōari, yuare bocarā vayuma ĩna, ti macana Jesúre ajitirūnūrā. To bajiri, Foro de Apio vāme cūti macaju yuare bocacama. Gājerāma, Tres Tabernas vāme cūtoju yuare bocacama ĩna. To ĩna bajiro ĩacōari, variquēnagū űnari, "Quēnaro yaja mū", Diore ĩre yicami Pablo. ¹⁶ Roma vāme cūti macaju yua ejaro, tubiberiavija Pablo ĩ űnarūbetijare, "Gaje vija sĳū ĩ űnacōajama, quēnacōaroja. To bajiboarine sĳū surara ĩre coderūcūmi", yicama.

Romaju űnacōari, Pablo ĩ bajire queti

¹⁷ Romaju ĩ ejaro bero idiarūmū űnatusacū, "Jud'io masa űjarāre ĩnare jirēoña", yicami Pablo. ĩna rējajediro, ado bajiro ĩnare goticami:

—Yure ajiya yu yarā. Mani yarāre rojose yu yibetiboajaquēne, to yicōari, mani űnicua ĩna yirūgūre yu rūcubūorūgūboajaquēne, yure űnacōari, romano masare ĩsicama mani yarā, Jerusalén macana. ¹⁸ űnie rojose yu yibetijare, "Rojose yibesumi" yicōari yure burūaboacama romano masajuama. ¹⁹ Yure ĩna burūaboajaquēne, mani yarāju, "ĩre bubeticōaña", ĩnare yicama. To ĩna yijare, "Rojose yiyujari yu' yigū, Roma macagu, űju Césare ĩre ĩacōarotirūcūja", yicaju yu. "Rojose yure ĩna yicati ti űnjare, rojose ĩnare yiya' yiru me, űju César tūju varūcūja", yicaju yu. ²⁰ Tire gotiru mūare jicōamū yu. Israel űnamsir'i jānerabatia mani tūoĳayurūgūcācū, jēre ejayumi. To bajiri, ĩre yu ajitirūnūjare, cōmema rāca yure siarūgūama —ĩnare yigoticami Pablo.

²¹ To ĩ yisere ajicōari, ado bajiro ĩre yicama ĩna, Roma macana jud'io masa űjarā:

—Judea sitana ejaboarine, "Rojose yigu űnaami Pablo", yuare yigotibetirūgūama. ĩna ucacōasere quēne ĩabetirūgūaja yua. To bajiri mū bajisere masibeaja yua. ²² To bajiboarine, "Jesúre masa ĩna ajitirūnūjama, quēnabeti űnaja" masa ĩna yise rĳne ajirūgūmū yua. To bajiri, mū tūoĳase yuare mū gotisere bojaja —ĩre yicama ĩna, Pablore.

²³ To bajiro ĩre yirā űnari, ĩ gotisere ajirā ĩna rējarotirūmūre ĩre goticama ĩna. "Tirūmū rējararāja mani" ĩna yicatirūmū ti ejaro, jājarābūsa rējacama ĩna.

To bajiri, ado bajiro ĩnare gotimasiocami Pablo:

—Jesúne űnaami "Rotimūorūgōrūcūmi" yigū, Dios ĩ cōar'i. ĩre ajitirūnūrāre, "Yu yarā űnaama" ĩnare yĳavariquēnacōari, quēnaro yirūgūami Dios —ĩnare yigotimasiocami Pablo.

Tire ĩ gotimasiojama, Moisés űnamsir'ire Dios ĩ roticūmasirere, to yicōari Diore gotirētobosamasiriarā ĩna ucamasirere masigū űnari, ĩnare gotimasioģū yicami. Busurijū ĩ goticoajama, rāiorijūju gotigajanocami. ²⁴ To bajiro ĩ yisere ajicōari, "Socū me yami. Riojone bajiroja", yiajicama sĳūri. To bajiboarine gājerāma ajitebūacama. ²⁵ To bajiri sĳūre bajiro tūoĳabetica yirā, budisūocama ĩna. To ĩna bajirone, ado bajiro ĩnare goticami Pablo:

—Ado bajiro mūa bajirotire yigū, Esp'iritu Santo, mūa űnicua űnamsiriarāre ĩ yimasire riojo űñaűja ti. "Ado bajiro ĩnare gotiya", yimasĳūmi, Isa'ias űnamsir'ire:

²⁶ “M̄ yarãre ñnare gotiaya m̄: ‘Ȳre ajirã ñnaboarine, ajimasibeticõa ñnaruarãma. Ȳ yĩosere ñarã ñnaboarine, “¿To bajiro bajisere yiḡu yatique ñ?”’, yĩamasibeticõa ñnaruarãma.

²⁷ Ado bajiro bajirã ñnari, ȳ yere ajimasimena ñnarãma ñna: Gãmo gojeri tusubeti, to yicõari, caje ñamenare bajiro bajirãma. To bajiro ȳ yijama, “Ȳ yere tuoĩarua-mena ñaama” yiḡu yaja ȳ. To bajirã ñnari, tire quẽnaro ajimasibeama. Ȳ yere ñna tuoĩarujama, tire ajimasicõari, ȳ bojarore bajiro tuoĩavasoacõari, ȳre s̄nirũcub̄oborãma ñna. Ȳre ñna s̄nijama, ȳre ñna cãmotadicõa t̄jaborotire ñnare yir̄etobosaboḡuja ȳ’, ñnare yigotiaya m̄”, Isa'iare ñre yigotimasĩnumi Esp'iritu Santo. To bajiro ñ yijama, adirodorianare quẽne, m̄are gotiḡu yimasiĩnumi.

²⁸ To bajiri quẽnaro ajiya m̄a: Adirũm̄ire Jesús suorine quẽnaro Dios ñ yisere jud'io masa me ñnarãj̄are gotimasiocudiroti ñnaja. Ñnarujama tire ajirã ñnari, ajitirũn̄uarãma —ñnare yigoticami Pablo.

²⁹ To bajiro ñ yigotijare, s̄ḡure bajiro tuoĩabetica yirã, gãmerã oca r̄etocõari, budijedi-coacama jud'io masa.

³⁰ J̄a c̄ma ñnami Pablo, gãjoa bojarã ñnari, ñre ñna vasoariavijure, Roma macajure. To bajiñaḡũ, ñre ñarã ejarã jedirore quẽnaro ñnare yirũḡucami. ³¹ Gũibec̄ne ado bajiro ñnare gotimasiurũḡucami:

—Jesucristore m̄a ajitirũn̄jama, “Ȳ yarã ñaama” m̄are yĩavariquẽnacõari, quẽnaro m̄are yirũḡuruc̄mi Dios. To yicõari, —Ado bajiro Jesucristore ajitirũn̄roti ñnaja —ñnare yigotimasiurũḡucami.

Tire ñ gotimasio ñnaro, “Ñnare gotibesa”, ñre yibetirũḡucama ñna, romano masa. To cõro ñnaja.

Carta de San Pablo a los ROMANOS

Roma vāme cūti macana, Jesucristore ajitirūnūrāre Pablo ī ucacōare queti

¹ Yū űaja Pablo vāme cūtigū adi quetire mūare ucacōagū. Jesucristo, ī bojasere yigu űaja yū. Yūre besecōari, yūre cōacami Dios, “Yū macū sūori quēnaro yū yise quetire gājerāre gotimasiocudirūcūja mū” yigū.

²⁻³ Adi quetire Jesucristo ī bajirotire quēnasere ucasūomasiñuma īna tirūmūanajū Diore gotirētobosariarā. To bajiri adigodojūre masūre bajiro rujū cūticōari ī ruyūare ti űajare, tirūmūana ī bajirotire yirā īna ucariarore bajirone bajiyumi. To bajiri, “Ujū David űamasir'i jānami űañumi”, ire yimasijaja mani. ⁴ To bajiri ī sīacoro bero, Dios ī masise rāca ire catiocōari, “űajediro űjū űaña mū” ire ī yire ti űajare, “Jesucristo mani űjū, Dios macūne űaami”, ire yimasijaja mani.

⁵ To bajiri Jesucristo sūori quēnaro yūre yigū, yūre goticudirotiyumi Dios, “Tocārāca sitana ī macū ī bajirere ajicōari, quēnaro ire ajitirūnūato” yigū. ⁶⁻⁷ To bajiri mūa quēne Roma űarā, “Cristore ire ajitirūnūña” Dios ī yirere cūdiriarā űaja mūa, Jesús yarā. Mūare būto maiami Dios. Jesūre ajitirūnūrā űari, Dios rīa űañuja mūa. Mūare quēnarotigū, mani jacū Diore, to yicōari, mani űjū Jesucristore, ado bajise mūare sēnibosaja yū: “Quēnaro īna űarotire yirā, īnare ejarēmoña”, mūare yisēnibosaja yū.

Roma macanare Pablo ī iagū varūare queti

⁸ űasūose ado bajise mūare gotijaja yū: Cristore ire mūa ajitirūnūse gotirūgūama tocārāca macariana. To bajiro īna yisere ajicōari, “Dios ī yise sūorine Cristore ajitirūnūrāma” yimasigū űari, “Quēnaro yaja mū”, Diore ire yaja yū. ⁹ Tocārācajine Diore yū sēnijama, mūare quēne sēnibosarūgūaja yū. Dios yūre ī rotirore bajiro būto cūdivariquēnaja yū. Ī yirore bajiro cūdigū űari, ī macū sūori quēnaro ī yise quetire goticudirūgūaja yū. To bajiri, masiami Dios, mūare yū sēnibosasere. ¹⁰ Diore sēnigū, “Mū bojajama, no bojarirūmū īnare īacudigū varūcūja yū”, ire yisēnirūgūaja yū. Mūa tūjū varū, tūoīacōa űarūgūboaja yū. ¹¹ “Būto būsā Jesūre ajitirūnūato” yigū, mūare ejarēmorūaja yū. ¹² Mūa quēne, yū quēne, “Būto būsā ire ajitirūnūrāsa mani” yigū, mani gāmerā ejarēmosere bojaja yū.

¹³ Cojōji me mūa tūjūre yū varūarūgūboasere masiña mūa, yū mairā. “Gaje sitana yū gotisere ajicōari, Cristore ire īna ajitirūnūcatorē bajiro mūa rācana quēne ajitirūnūato” yigū, varūarūgūboaja yū. Mūa űarōjūre varūa tūoīagū űaboarine, mūa tūjūre vama-sibeticajū yū. ¹⁴⁻¹⁵ Yū moare űaja Jesucristo ī bajire sūorine Dios quēnaro masare ī yisere gotimasiore. Griego ocare űagōrāre quēne, īna mere quēne, quēnaro masirāre, masimenare quēne gotimasioroti űaja yūre. To bajigū űari, Roma macajū ejacōari, mūa rācanare quēne būto gotimasiorūaja yū.

“Masa, Jesucristore ire ajitirūnūcōari, quēnaseayere īna būjjajare, tire gotibojonebeaja yū”, Pablo ī yire queti

¹⁶ Jesucristo ī bajire sūorine masare quēnaro Dios ī yise queti, quēnase űaja. Tire ajicōari, Jesucristore īna ajitirūnūjare, rojose īna yise vaja rojose īna tāmūotūjabetirotire īnare yirētobosami Dios. Quēnaro ī yise űajare, ti quetire gotibojonebeaja yū. Jud'io masa, ti quetire ajisūocajū. Tijū bero, ajisūyarūtūajama jud'io masa me quēne. ¹⁷ Ado bajiro yaja ti queti: “ ‘ ‘ űie rojose mana űaama' yato Dios’ yigū, yūre rijabosayumi Jesús' yitūoīarāre, ‘ űie rojose mana űaama' īnare yīaami Dios’, yaja ti. Ījūne to bajiro ī yire űajare, to bajiro tūoīaja mani. Tirene gotijaja Dios ocare masa īna ucamasire. Ado bajiro gotiami Dios: “ ‘ űie rojose magū űaami' yū yīavarūquēnagūma, ‘Cristo sūorine Diorāca quēnaro űaja yū' yigū űari, ‘ Ī rijato berōjū tudirūjabeticōato ī' yigū, yū catisere yū īsigū űarūcūmi ī űgūma”, yigotijaja Dios ocare masa īna ucamasire.

“Masa jediro rojose yirã ñaama”, Dios ï yĩase queti

¹⁸⁻¹⁹ “Ado bajiro ti bajijare, ‘Rojose mana ñaama’ Dios manire ï yĩasere bojaja mani jediro”, yigotimasiogmagu yaja yu. Dios ï rujeorere ïacõari, “To bajiro tuoĩagũ ñagũmi”, yimasiroti ñaja. To yicõari, “Masa rojose ña yisere ïategu ñaami”, ïre yimasiroti ñaja. “To bajiro tuoĩagũ ñagũmi” ïre yimasiroti ti ñaboajaquẽne, ïre rũcububeticõari, rojose yirã ñari, gãjerã ïre ña masirũaboasere “Ïre masibeticõañã” yirã yama. To bajiro ña yijare, rojose ñare ï yijama, riojo yigu yirucumi Dios. ²⁰ Ìabũjayamagũ ï ñaboajaquẽne, ï rujeorere ïacõari, “ ‘To bajiro yir'i ï ñajare, ï masisere masiaja’ yure yato ña” yigu, adi macarucũrore rujeomasĩnumi Dios. To bajiri, tire ïacõari, “Ñagũmi mani rẽtoro masigũ, adi macarucũrojũre yirũeosũor'i”, yire ñacoayuja. To bajiro yire ti ñacoadijare, “Diore masiña manicaju ti”, yimasĩna maja. To yicõari, “Dios ï bojabetire masibecu ñari, no yu bojarone yirũgũcaju yu”, yimasĩna maja. ²¹ Tirũmũju, Diore masiboarine, quẽnaro ïre rũcububetimasĩnujarã masa. Quẽnaro ñare ï yiboajaquẽne, “Quẽnaro yaja mu”, ïre yibetimasĩnujarã ña. To bajiro bajirã ñari, socasejuare ajitirũnucõari, Dios ï ñajama, rojose ti ñaboajaquẽne, “Quẽnasere yirã yaja mani”, yicoayuma ña. ²² To bajiro bajica yirãne, “Bũto masirã ñaja yua” yicõarã ñaboarine, ñamasusejuarema masiriticoayuma ña. ²³ Dios rijabetirocũjuare ïre rũcububeticõari, masa rijarona rujũre bajirojuã quẽnorujeocõari, rũcububoyujarã ña. To yicõari, vurãre bajirã, vaibucũrãre bajirã quẽnorujeocõari, rũcububoyujarã ña.

²⁴ To bajiri, ïre ña ajitirũnubetijare, “Rojose ña yirũaro cõro yicõa ñato ña”, ñare yicõañuju Dios. To bajiro ñare ï yijare, bũtobũsa bojoneose yirũtuasujarã ña. ²⁵ Dios yere ajitirũnubeticõari, socasejuare ajitirũnũrũtuayujarã ña. To yica yirã, Diore jediro rujeor'ijũare ïre rũcububeticõari, ï rujeorejuare ña masune quẽnorujeocõari, rũcububoyujarã ña. Diojuã ñaami masa ña rũcububo tũjabetirocũma. To bajirone bajimũorũgõato.

²⁶ To bajiri gaje vãmejua rĩne masa ña rũcububocõa ñajare, “No ña bojaro yicõa ñato ña”, ñare yicõañuju Dios. Ado bajiro yirũgũnujarã ña: “Rõmia, ãmua rãca yirũarãma” Dios ï yiboarere yibeticõari, rõmia rĩne gãmerã ajeriarã cutiyujarã ña. ²⁷ Ëmua quẽne, “Rõmia rãca yirũarãma” Dios ï yiboarere yibeticõari, ãmua rĩne bũto gãmerã yirũacõari, gãmerã yiyujarã ña. To bajiri ña rujũriaye rãca bojoneose yirã ña ñajare, rojose ñare yiyuju Dios.

²⁸ Ïre ña ajibeti vaja, “No ña bojaro bajicõato”, ñare yiyuju Dios. ²⁹⁻³¹ Rojose ña yijama, ado bajiro yirũgũrãma: Jairo gajeyeũni cõorã ñaboarine, jaibusaro bojarẽmorã ñarãma. Gãjerãre, “Yu rẽtobusaro quẽnaro ñaama”, yĩajũnisinirã ñarãma. Gãjerãre sĩa, bũto oca josajai, socajairã ña, bajirãma. Gãjerã rojose ña yirere ajicõari, gãjerãre gotirudijairã ñarãma. Masa ña ajiro rĩjorojuã quẽne, socarãne, “Ado bajise rojose yima”, yigotirãma. Diore ïre terã ñarãma. Gãjerãre tud'irã ñarãma. “Ñamasurã ñaja yua”, yijairã ñarãma. Gãjerãma, “Ñamasurã ñaja yua” yitũoĩarã ñaboarine, “To bajiro bajirã ñaja yua”, yimenama. Rojose ña yirotire quẽnaro yimasirã ñarãma. Ña jacũare ocarẽtorã ñarãma. “Quẽnase ñaja. Rojose ñaja”, yimasimena ñarãma. Ña gotirore bajiro yirã me ñarãma. Gãjerã ña yarã ña ñaboajaquẽne, ñare ñamaimena ñarãma ña. Maioro bajirãre sutiritiĩamena ñarãma ña. To bajiri, rojose jediro yirã ñarãma. ³² To bajiro yirãrema, “ ‘Rojose ña yise vaja, rojose tãmũotũjabetiriaroju cõarucũja yu’ yiyumi Dios” yimasicõarã ñaboarine, rojose yitũjamenama. To yicõari, ña yirore bajiro gãjerã ña yijama, rojose ña yisere ïacõari, bũto variquẽnarãma ña.

2

“Rojose, quẽnase masa ña yisere ñabeserucumi Dios”, yire

¹ “Rojose ña yise vaja Dios rojose ñare ï yijama, riojo yigu yigumi” yitũoĩacõari, “Quẽnarã ñaja yua; yũarema rojose yibecumi” mũa yitũoĩaboajaquẽne, “Yũare quẽne, rojose yũare yato Dios” yirã yirãja mũa. Rojose ña yirore bajirone rojose yaja mũa quẽne. To bajiri, “Rojose yimena ñaja yua”, yimasimenaja mũa. ² “Dios ñaami, ‘Rojose

īna yise vaja rojose tām̄uoruarāma' yīamasigūma", yimasiaja mani. ³ "Rojose īna yise vaja rojose īnare yirucumi Dios" yicōari, "Rojose yibetirucumi uarema", yituoīaboati m̄ua, īnare bajiro rojose yirā n̄aboarine? ⁴ Rojose m̄ua yise vaja guaro rojose m̄uare ī yibetijama, "Manire maigū n̄ari, rojose yibetirucumi Dios", yituoīaboati m̄ua? To bajiro me bajiaja. M̄uare īamaicōari, rojose m̄ua yise vaja guaro rojose m̄uare yiruabeami Dios. Rojose m̄ua yisere sutiriticōari, m̄ua tuoīavasoarotire bojaami. Rojose m̄ua yisere "Yitujato" yigu, m̄uare yugu bajiami maji. ⁵⁻⁶ To bajiri rojose m̄ua yise vaja rojose m̄uare ī yibetijare, "Rojose yirā yaja yua" yisutiritimena n̄ari, rojose yitujabeaja m̄ua. To bajiri, rojosere m̄ua yicōa n̄arūgūjare, masare ī beserirūm̄u ti ejaro, rojose yirāre rojose tām̄uotujabetiriaroju ī cōarotirūm̄u b̄uto m̄uare jūnisinigū n̄ari, rojose m̄uare yirucumi Dios. To ī yijama, "Ī yirore bajiro yigu n̄aami", yimasire n̄aruaroja. ⁷ Sīgūri quēnasere yitujamena n̄aama īna. "Quēnaro yirūgūcaju m̄ua", manire yato ī Dios", yituoīarā n̄aama. Dios t̄uju īna n̄arotire bojarā n̄aama. To bajiro īna tuoīajare, īna rijato beroju "Tudirijabeticōato" yigu, ī catisere īnare īsirucumi Dios. ⁸ Gājerājuama to bajise tuoīarā me n̄aama īna. Īna bojarore bajiro tuoīarā n̄ari, Diore ajimena n̄aama īna. Īre ajimena n̄ari, rojose yirūgūama īna. To bajiro īna yise n̄ajare, b̄uto jūnisiniami Dios. Īnare jūnisinigū n̄ari, masare ī beserirūm̄u ti ejaro, rojose tām̄uotujabetiriaroju īnare cōarucumi. ⁹ Jud'io masa, jud'io masa me quēne, rojose yirāma, b̄uto rojose tām̄uoruarāma īna. ¹⁰ Quēnasere yitujamenajuarema, "Quēnaro yirūgūcaju m̄ua" īnare yicōari, "Yū rāca quēnaro n̄aruarāja m̄ua", īnare yirucumi Dios. To bajiro yirucumi, jud'io masare, to yicōari jud'io masa mere quēne.

¹¹ Masare ī īabesejama, "Ānoama rojose yirā īna n̄aboajaquēne, n̄amasurā īna n̄ajare, īnare quēnaro yirucuja yū" yigu me n̄aami Dios. To bajiro yigu n̄ari, rojorāre rea, quēnarāre jua, yirucumi. ¹² Jud'io masa me n̄arāre, Moisére Dios ī roticūmasirere c̄uomena īna n̄aboajaquēne, rojose īna yise vaja rojose tām̄uotujabetiriaroju īnare reacōarucumi. To yicōari, Moisére Dios ī roticūmasirere c̄uorāre quēne, tire c̄uorā n̄aboarine īre īna c̄udibeti vaja rojose tām̄uotujabetiriaroju īnare reacōarucumi. ¹³ "Dios ī rotimasirere c̄uorā n̄aja yua" yirā n̄aboarine, ti rotirore bajiro īna c̄udibetijama, n̄ie vaja maja. "Quēnase yirā n̄aama", īnare yīabetirucumi Dios. Ī rotimasire ti yirore bajiro c̄udirā rīne n̄aruarāma, "Quēnase yirā n̄aama" ī yīarā. ¹⁴ To bajiri jud'io masa me n̄arā, Moisére Dios ī roticūmasirere masibetiboarine, quēnasere īna yijama, Dios ī rotimasirere ajicōari, c̄udirāre bajiro bajirāma, ī bojasere yirā n̄ari. To bajiro yirā, Dios ī ucarotimasirere c̄uomena n̄aboarine, rojose īna yisere masirāma, Dios ī masisere īnare ī cōase ti n̄ajare. ¹⁵ "Dios ī rotise n̄aja ti" yimasimena n̄aboarine, Dios ī bojasere masirāma īna. To bajiri rojose īna yijama, "Rojose yirā yaja yua", yituoīarāma. To yicōari, quēnasere īna yijama, "Quēnase yirā yaja yua", yituoīarāma. ¹⁶ To bajiro masa īna yituoīarūgūse n̄ajare, masare ī beserirūm̄u ti ejaro Jesucristore cōarucumi Dios, masa jediro īna tuoīarūgūrere īacōari, "Ado bajiro tuoīarā n̄ari, quēnase b̄ujarā, rojose tām̄uorā, bajiruarāja m̄ua" īnare yato ī" yigu. To bajiro ī yiroti ti n̄ajare, Jesucristo manire ī rijabosare s̄uorine Dios quēnaro ī yise quetire yū gotimasiojama, tire quēne gotirūgūaja yū.

"*Moisére Dios ī roticūmasirere* c̄udirā n̄ari, Dios yarā n̄aja yua", jud'io masa īna yire queti

¹⁷ Ado bajiro yituoīaboarāja m̄ua jud'io masa sīgūri: "Jud'io masa n̄ari, Moisés n̄amasir'ire Dios ī roticūmasirere r̄ucubuoaja yua. To bajiri Dios yarā n̄aja yua, rojose ī yibetirona", yituoīaboarāja m̄ua. ¹⁸ Moisére Dios ī roticūmasirere c̄uorā n̄ari, ī bojarore bajiro yirere masirāja. To yicōari, "Dios ī rotimasire masicōari, quēnasere yimasirā n̄aja yua", yirāja m̄ua. ¹⁹⁻²⁰ To bajise yituoīarā n̄ari, ado bajiro tuoīaboarāja m̄ua: "Dios yere masimenare gotimasiorimasa n̄aja mani", yiboarāja m̄ua. "Rojose yirāre Dios ī bojasejare gotimasioaja mani. To bajiro mani yibetijama, r̄īmasare bajiro tuoīacōa n̄aruarāma", yituoīaboarāja m̄ua, "Dios rotimasirere c̄uorā n̄ari, Dios ye jediro riojo masijeorā n̄aja mani" yituoīarā n̄ari. ²¹ To bajiri gājerā masare gotimasioarine,

ꞥmꞥajꞥama gājerāre mꞥa gotimasiorore bajiro yibeati mꞥa? Gājerā masare, “Mꞥa juarudijama, quēnabeaja ti” yigotiboarine, mꞥajꞥama juarudirāja mꞥa. ²² “Mꞥa manajo me rāca, rōmia quēne mꞥa manajꞥ me rāca mꞥa ajeriarā cūtijama, quēnabeaja ti” yirā ñaboarine, mꞥajꞥama, ꞥno yirā tire yicōarūgūati mꞥa? “Gājerā masa, Diore masimena, ñna masune ñna quēnoriarājuare rūcūbꞥosocarāma. To ñna yisere ñaterā ñaja yꞥa” yigotiboarine, ꞥno yirā ñna yirūcūbꞥosocariviriayere ñasere juarudiati mꞥa? ²³ “Moisére Dios ĩ roticūmasirere ñamasusere cꞥoaja yꞥa” yivariquēnarā ñaboarine, ti rotirore bajiro yimenaja mꞥa. To bajiro mꞥa bajijama, Diore terā bajirāja mꞥa. To bajiro mꞥa bajisere ñacōari, gājerā masa quēne, ĩre terāma. ²⁴ Ti ũnire gotiaja Dios ocare masa ñna ucamasire: “ ‘Dios yarā ñaja yꞥa’ yigotirā ñaboarine, rojose yirūgūrāja mꞥa. To bajiri Diore masimena quēne, ‘Rojosere quēnaro yigꞥ ñagūmi Dios’ yitꞥoīaama ñna”, yigotiaja Dios ocare masa ñna ucamasire.

²⁵ Circuncisión yiecoriarā ñarāja mꞥa. “ ‘Dios yarā ñaja yꞥa. To bajiri ĩre cūdirona ñaja yꞥa’ yimasiritibeticōato ñna” yigꞥ, to bajiro mani ñicꞥare yirotimasĩnumi Dios. To bajiro Dios manire ĩ yirotimasire ti ñajare, ĩ rotimasire ñaro cōrone mani cūdijeocōajama, circuncisión mani yiecore, vaja cūtiboroja ti. To bajiboarine Dios ĩ rotimasire jediro cūdijeomena ñari, circuncisión yiecobetiriarāre bajirone bajicōaja mani. ²⁶ No bojarā, circuncisión yiecoyamana ñna ñaboajaquēne, Dios ĩ roticūmasirere masibetiboarine, ti yirore bajiro ñna yijama, “Yꞥ yarā ñaama”, yĩagūmi Dios. ²⁷ Jud'io masajꞥama, Dios ĩ rotimasire masa ñna ucamasirere cꞥorā ñaboarine, to yicōari, circuncisión yiecoriarā ñaboarine, Diore quēnaro cūdimenaja mꞥa. Gājerā masa circuncisión yiecobetiriarā ñaboarine, Dios ĩ roticūmasirere masibetiboarine, ti yirore bajiro yirā ñarāma. To bajiro bajirā ñari, mꞥare jud'io masare ñacōari, “Rojose yirā ñaama”, mꞥare yĩarꞥarāma. ²⁸ Jud'io masa quēnase ñna gotiboajaquēne, to yicōari quēnase ñna yiboajaquēne tire ñacōari, “Jud'io masa masu ñaama”, yĩabeami Dios. Circuncisión yiecoriarā ñna ñaboajaquēne, “Jud'io masa masu ñaama”, ñnare yĩabeami Dios. ²⁹ Dios ĩ ñajama, Esp'iritu Santo ĩ ejarēnose rāca tꞥoīarā rĩne ñaama ĩ yarā, jud'io masa masuma.

3

¹ To bajiro yꞥ gotisere ajicōari, ado bajiro tꞥoīarāja mꞥa jud'io masa sīgūri: “No yirā, ‘Jud'io masa ñaja yꞥa’ yimenaja mani. Jud'io masa mani ñajaquēne, ñie bꞥajamenaja. Circuncisión yire quēne, ñie vaja manaja”, yitꞥoīaboarāja mꞥa. ² To bajiro me bajaiaja. Cojo vāme me jud'io masare quēnaro yiyumi Dios. Ñasꞥose ado bajiro mꞥare gotiaja yꞥ: Mani ñicꞥare ĩ ocare cūñnumi Dios. “Quēnaro mꞥare yirꞥꞥaja yꞥ”, ñnare yimasĩnumi Dios. Tire ajicōari, ado bajiro tꞥoīarāja mꞥa: ³ “Mani ñicꞥa sīgūri Dios ĩ rotimasirere cūdimena ñna ñajare, ‘Quēnaro ñnare yirꞥꞥaja yꞥ’ Dios ĩ yiboarere yibetirꞥꞥami”, yitꞥoīaboarāja mꞥa. “Diore ajitirūnrūgūrꞥarāja” yirā ñaboarine, ñna yirore bajiro yirā me ñaama masama. Diojꞥama, to bajiro bajigꞥ me ñaami. “Quēnaro ñnare yirꞥꞥaja” yir'i ñari, ĩ yirore bajiro yirꞥꞥami. ⁴ Ado bajiro bajaiaja: Masa mani socaboajaquēne, Dioma, socagꞥ me ñaami. Tirene ucamasĩnumi Diore gotirētobosarimasꞥ:

“Mꞥare yꞥ cūdibeti vaja, rojose yꞥre mꞥ yiro ñacōari, ‘ ‘Yirꞥꞥaja’ ĩ yiriarore bajiro yami’ mꞥare yirūcūbꞥo variquēnarꞥarāma masa. To bajiri, ‘Socagꞥ ñaami’ mꞥare yigꞥ manirꞥꞥami”, yucamasĩnumi.

⁵ ĩ rotisere cūmasĩnumi Dios, mani ñicꞥare. “Yꞥ rotirore bajiro mꞥa yibetijama, rojose mꞥare yirꞥꞥaja”, ñnare yimasĩnumi. To bajiro ĩ yimasire ti ñaboajaquēne, ĩre ajibeticoayuma ñna. To bajiri, jud'io masare, “Yꞥ yarā ñaama”, yĩabeami Dios yuja. Jud'io masare, “Yꞥ yarā me ñaama” ĩ yirere ajicōari, “ĩre ñna cūdibeti vaja, ‘Rojose’ yirꞥꞥaja ĩ yiriarore bajirone yigꞥ ñaami” yirā ñari, ĩre rūcūbꞥoama ñna, jud'io masa me. To bajiri, jud'io masajꞥama, Dios mꞥare rojose ĩ yisere masicōari, “ ‘Gājerā yꞥre rūcūbꞥo variquēnato ñna’ yigꞥ, yꞥ yarā me ñaama jud'io masama”, yigꞥmi Dios. “To bajiro ĩ yijama, mani rāca rojose yigꞥ, yigꞥmi Dios”, ꞥyitꞥoīati mꞥa? ⁶ To bajiro me bajaiaja. Masa

rojose ñna yise vaja Dios rojose ñnare ï yijama, vatojene rojose yigũ me yami. To bajiri, masa rojose ñna yisere ïamasigũ ñnari, rojose ñnare yirũcũmi Dios.

⁷ To bajiro mũare yũ gotisere ajicõari, ado bajiro tũõarẽmobarãja mũa jud'io masa: “Dios ï rotimasirere cãdijeobetiboarine, ï rotimasirere yirã ñnaja mani. To bajiri rojosere mani yiboajaquẽne, rojose manire yimasibeami Dios. Rojose mani yise vaja, rojose manire ï yijama, rojose manire ï yisere ïacõari, “To bajiro yirũcũja” ï yiriarore bajiro yigũ yami Dios’ yĩacõari, rũcũbũo variquẽnarũarãma jud'io masa me ñarã”, yitũõaboarãja mũa. ⁸ To bajiro me bajiaja. To bajiboarine, jud'io masare yũ gotimasiosere ajicõari, sigũri ado bajiro yũre ñagõmacarãma ñna: “ “Gãjerã, Diore rũcũbũo variquẽnato ñna” yigũ, rojose yito mani’ yigũmi Pablo”, socarãne yũre yĩagõmacarãma ñna. To bajiro yirãma, rojose tãmuotũjabetiriaroju reacorã ñarãma.

“Mani jedirone rojose mani yise vaja, sũoye cõtiaja mani”, yire

⁹ To bajiro mũare yũ gotisere ajicõari, ¿ado bajiro yitũõõati mũa? “Dios manire ï ñajama, gãjerã masa rẽtoro quẽnarã ñnaja mani jud'io masa”, ¿yitũõõati mũa? To bajiro me bajiaja. Mani jud'io masa, jud'io masa me ñarã quẽne, ñajediro rojose mani yise vaja sũoye cõtiaja mani, Dios ï ñajama. ¹⁰ Tirene, ado bajiro gotiaja Dios ocare masa ñna ucamasire: “Jediro mũ rotirore bajiro cãdigũ magũmi.

¹¹ ‘Adi ñnaja quẽnase. Tijua ñnaja rojose’ yimasimena rĩne ñaama. ‘Mũ bojarore bajiro yirũcũja yũ’ mũre yisẽnigũ magũmi.

¹² Masa jediro mũ ocare ajirũgũboariarã, tire ajitũjacõari, rojosejũare yirã ñarãma ñna. Gãjerãre quẽnaro yirã manama. Quẽnasere yirã manimasucõarãma.

¹³⁻¹⁴ Ñna ñagõjama, masa yujeriagojerire jãna ãniorãre bajiro yama ñna. Socajairã ñaama. Gãjerãre jũnisinicõari, ñna tud'ijama, ñna oca, ãña rĩma jũnisere bajiro budiaja.

¹⁵ Gãjerãre ñna tud'ijũnisijama, guaro sĩarã ñarãma.

¹⁶ Rojose yirã ñna ñajare, ñna vacudirijuri ñarãjua, rojose tãmuõoama ñna.

¹⁷ Gãjerã rãca quẽnaro ñarere masimena ñaama.

¹⁸ Diore gũimena ñnari, ñre rũcũbũomena ñarãma”, yigotiaja Dios ocare masa ñna ucamasire.

¹⁹ Dios ï rotimasirere, “Mani jud'io masare cũñumi, ‘Yũ rotisere quẽnaro cãdiato ñna’ yigũ”, yimasiaja mani. To bajiri Dios ï rotimasirere masiboarine tire yibeticõari, “Yũma sũoye maja”, yimasina maja. To bajiri, jud'io masa, jud'io masa me ñarã quẽne, “Dios ocare ti yirore bajirone, ‘Rojose yirã ñnaja’ ”, yimasiaja mani. ²⁰ “ ‘Yũ rotiro cõrone cãdijeogu ñnaja mũ’ yũre yĩarũcũmi Dios”, yimasigũ magũmi. “Dios ï rotimasire ñnaro cõrone yijeomena ñnari, sũoye cõtiaja mani”, yimasiaja mani jediro.

“Jesucristo manire rijabosayumi” yitũõõarãre, “Ñie rojose mana ñaama”, Dios ï yĩiare queti

²¹ To bajiro yirã ñaboarine, yucũrema ado bajirojua yimasiaja mani yuja: “Dios ï rotimasire ñnaro cõrone yijeomena ñaboarine, sigũrĩre, ‘Ñie rojose mana ñaama’ yĩãami Dios”, yimasiaja mani. Mani ñnaja, Cristore ajitirũnrã ñnari, “Ñie rojose mana ñaama” Dios ï yĩarã. To bajiro manire ï yirore goti rĩjoro cõtiyuja, Moisere Dios ï roticũmasire, to yicõari, Diore gotirẽtobosariarã ñna ucamasire quẽne. ²²⁻²⁴ Ado bajiro bajiaja ti, Dios quẽnaro manire ï yise: Dios ï rotimasire ñnaro cõrone cãdijeogu magũmi. To bajiboarine mani jedirore maigũ ñnari, “Masa rojose ñna yise vaja ñnare vaja yibosaaya” yigũ, ï macũre cõañumi Dios. ï macũ ï rijabosare ti ñajare, rojose mani yisere manire masirioyumi Dios, Cristore ajitirũnrãre. To yigũ ñnari, “Ñie rojose mana ñaama”, manire yĩãami Dios yuja. To bajiro bajiaja jud'io masare, jud'io masa me ñarãre quẽne. ²⁵ “Masa rojose yirãre rojose tãmuotũjabetiriaroju cõaroti ñnaja” yir'i ñnari, “Rojose tãmuõroma” yigũ, Jesucristore ï macũre cõañumi, ñajediro rojose yirãre ñnare rijabosarocũre. To bajiro ï yire ñajare, masare rijabosayumi Jesús. ï ri'i rãca manire ï vaja yibosare ti ñajare, rojose mani yisere masirioyumi. To ï yijare, no bojagu Jesũre ajitirũnũgũre, “Ñie rojose magũ ñaami”, ñre yĩãami Dios. To bajiro ï yijama, “Yirũcũja” ï yirore bajiro yigũ yami.

²⁶ To bajiro yir'i ñari, tirũmuanaju rojose ña yisere ñaboarine, rojose ña yise vajare rojose tãmuotujabetiriaroju ñare cõabesumi. To yicõari, yucure quẽne, "Rojose yirã ñaboarine, yũare rijabosayumi Jesucristo" yitũoĩarãre rojose tãmuotujabetiriaroju ñare cõabetirũcumi.

²⁷ To bajiri, "Dios ï rotimasire ti yirore bajirone mani yijare, 'Quẽnase yirã ñaama' manire yĩagũmi Dios", yimasĩna maja. Ado bajirojua yire ñaja: " 'Jesucristo mani mũũ, manire ï rijabosare ñajare, 'Ñie rojose mana ñaama' manire yĩagũmi Dios' yirãjũare, 'Ñie rojose mana ñaama' ñare yĩagũmi Dios", yire ñaja. ²⁸ To bajiri, Moisére Dios ï roticũmasirere mani masiro cõro quẽnaro mani cũdiboajaquẽne, "Quẽnase yirã ñaama", manire yĩabecumi. "Jesucristo manire ï rijabosare ti ñajare, ñie rojose mana ñaja mani yuja" mani yisejũare masicõari, "Rojose mana ñaama", manire yĩagũmi Dios.

²⁹ ¿Dioma, jud'io masa mũũ rĩne ñagũjarique? Bajigumi, bajigũjuma. Bajicõari, jud'io masa me ñarã mũũ quẽne ñagũmi. ³⁰ Sigũne ñaami Dioma. Gãji magũmi. To bajiri circuncisión yiecoriarãre, yiecoyamanare quẽne, "Jesucristo manire ï rijabosare ti ñajare, ñie rojose mana ñaja mani yuja" mani yisere masicõari, "Rojose mana ñaama", manire yĩagũmi Dios. ³¹ To bajiri, "Jesucristo ï rijabosare sũorine manire ñavariquẽnaami Dios" mani yitũoĩajama, "Moisére Dios ï roticũmasirejua vaja mano tujaroja", yitũoĩarãja mũũ sigũri. To bajiro me bajiaja. Moisére Dios ï roticũmasirere rearã me yirãja. "Jesucristo sũori manire ñavariquẽnagũmi Dios" yimasirã ñari, tire yirẽmorã yirãja mani.

4

"Ñie rojose magũ ñaami Abraham' yĩamasiñumi Dios", yire

¹ Abraham, jud'io masa ñicu ñamasir'ire ado bajise ï yijare, "Ñie rojose magũ ñaami" ñie yĩamasiñumi Dios yire quetire mũare gotirũcũja yũ. ² Abraham quẽnaro ï yimasire ti ñaboajaquẽne, "Rojose magũ ñaami", ñie yibesuju Dios. "Rojose magũ ñaami" ñie ï yijama, "Quẽnaro yigũ yũ ñajare, 'Rojose magũ ñaami' yũre yĩagũmi Dios", yiborimi Abraham. ³ Ado bajirojua gotiaja Dios ocare masa ña ucamasire: "Abrahamre, 'Quẽnaro mũre yirũcũja yũ' Dios ñie ï yisere ajicõari, 'Í yirore bajirone bajirũaroja' ï yimasire ñajare, 'Ñie rojose magũ ñaami' ñie yĩamasiñuju Dios", yigotiaja ti, Dios ocare masa ña ucamasire. ⁴ No bojagũ gãjire ï moabosajama, ñie ï moabosase vaja ñie vaja yigũ, ñie ïsigũmi. ñie ï moabosase vaja bũjacõari, "Vaja manone yũre ñisigũ me yimi. ñie yũ moabosase vajare yigũ, yũre ñisimi", yigũmi. ⁵ Tire bajiro me bajiaja ti, manire Diore ajitirũnrãre. "Dios ï rotimasire ti yirore bajiro mani yise ñajare, 'Ñie rojose mana ñaama' manire yĩagũmi Dios", yitũoĩabeaja. Ado bajirojua tũoĩarã ñaja mani: "Dios ï bojarore bajiro yirã me mani ñaboajaquẽne, quẽnaro manire yigũmi. Rojose mani yisere 'Manire masirioato Dios' yigũ, manire vaja yibosayumi Jesús. To bajiro manire ï yibosare ti ñajare, 'Ñie rojose mana ñaama' manire yĩagũmi Dios, yaja ti, ï oca. To bajiro ti yijare, to bajirone bajiroja", yitũoĩarã ñaja mani. To bajiro yitũoĩarãre, "Ñie rojose mana ñaama", yĩagũmi Dios. ⁶ Tire tũoĩagũ, David ñamasir'i, ado bajiro ucamasĩnumi: "Rojose ña yisere tũoĩabecũne, 'Rojose mana ñaama' ñare yĩagũmi Dios, ñie ajitirũnrãre. To bajiro ñare ï yijare, variquẽnarũarãma", yiuucamasĩnumi David ñamasir'i. ⁷ Ado bajiro yiuucamasĩnumi ñie:

"Variquẽnarũarãma rojose ña yisere Dios ï masiriorã.

⁸ 'Rojose mani yiro bero, manire masiricõari, "Rojose yicajũ mũũ. To bajiri rojose mũare yirũcũja yũ" tudiyibetirũcumi Dios' yitũoĩarãma, variquẽnarũarãma", yiuucamasĩnumi David.

⁹ Variquẽnarere ti yijama, jud'io masa, circuncisión yiriarã rĩne yiro me yaja. Circuncisión yiecoyamana jud'io masa mere quẽne yiro yaja. Abraham ï bajimasirere tũoĩasaque mũũ quẽna: Dios ñie ï gotimasirere, "Í yirore bajirone bajirũaroja" yigũ ï ñajare, "Ñie rojose magũ ñaami", ñie yĩamasiñuju Dios. ¹⁰ To bajiro ñie ï yijama, ¿circuncisión ï yiecoriaro berojua, ï yiecobetojua bajiyujarique? "Ñie rojose magũ ñaami" Abrahamre Dios ñie ï yijama, circuncisión ï yiecoroto rĩjorojũne ñie yimasĩnumi.

¹¹ Dios ìre ì gotimasirere, “Ì yirore bajirone bajiruaroja” yigũ ì ñajare, “Rojose magũ ñaami”, ìre yĩamasiñumi Dios. To yicõari bero, “To bajiro ìre yũ yicature masiritiromi” yigũ, circuncisiõn ìre yirotimasiñuju, Abrahamre. To bajiri Abraham circuncisiõn ì yiecoroto rĩjorojũne, “Rojose magũ ñaami”, ìre yĩamasiñuju Dios. To bajiro bajimasir'i ñari, jud'io masa ñicũ rĩne ñagũ me bajimasĩñumi Abraham ñamasir'ima. “Dios ì yiriarore bajirone bajiruaroja” ì yitũoĩamasiriarore bajirone yitũoĩarã ìna ñajare, “Ñie rojose mana ñaama” Dios ì yĩarãre quẽne, ìna ñicũne ñamasiñumi Abraham. ¹² Jud'io masa circuncisiõn yiecorõari, Abraham circuncisiõn yiecorõari, “Dios ì yirore bajiro bajiruaroja” ì yitũoĩamasiriarore bajirone tũoĩarãre quẽne ìna ñicũ ñamasiñumi Abraham.

“Cristore mani ajitirũñajama, ‘Yirũcũja’ ì yiriarore bajirone yirũcũmi Dios”, yire queti

¹³ “Mũre, mũ jãnerabatiãjũre quẽne, adi macarũcũro ti ñaro cõrone mũare mũorũcũja yũ”, yimasĩñuju Dios, Abrahamre. “Yũ rotisere quẽnaro cãdiami” yigũ me, to bajiro ìre yimasĩñuju Dios. Abrahamjũ, “‘Yirũcũja’ Dios ì yiriarore bajirone bajiruaroja” yitũoĩamasir'i ì ñajare, “Rojose magũ ñaami” ìre yĩagũ ñari, to bajiro ìre yimasĩñuju Dios. ¹⁴ “Dios ì roticũmasire ti yirore bajiro yirã rĩne, macarũcũro ti ñaro cõrone mũjarũarãja” mani yitũoĩajama, Dios Abrahamre, “Mũre, mũ jãnerabatiãre quẽne mũorũcũja yũ” ì yimasĩboarejũama vaja maniboroja. ¹⁵ “Dios ì roticũmasire ti yirore bajiro mani yijama, macarũcũro ti ñaro cõrone mũjarũarãja” mani yitũoĩajama, riojo gotirã me yirãja mani, Dios ì roticũmasire ñaro cõrone cãdijeomena ñari. “Macarũcũro mũjarũarãja” mani yitũoĩaboajaquẽne, rojose manire yirũcũmi Dios, ì roticũmasirere cãdijeomena mani ñajare. “Dios ì roticũmasire mani cãdibetiboajaquẽne, ‘Rojose mana ñaama’ yĩagũmi Dios” yitũoĩarã rĩne ñaama “Rojose mana ñaama” Dios ì yĩarã.

¹⁶ To bajiri, “Ì yirore bajirone bajiruaroja” ì yitũoĩase ñajare, Abrahamre ìamaicõari, “Macarũcũro jedirore mũre mũorũcũja yũ”, ìre yimasĩñuju Dios. To bajirone bajiaja manire quẽne. Abraham Diore ì tũoĩariorore bajiro Diore mani tũoĩajama, manire quẽne, “Abraham jãnerabatiã ñari, adi macarũcũro jedirore mũjarũarãja mũa”, manire yĩagũmi Dios. To bajiri jud'io masa Moisére Dios ì roticũmasirere cõcorõari, Abraham ì tũoĩariorore bajirone ìna tũoĩajama, ìnare quẽne to bajirone yirũcũmi Dios. ¹⁷ Dios ocare masa ìna ucamasire quẽne, to bajirone gotiaja: “Jãjarã masa cojo sitana me ñarã ñicũ ñarũcũja mũ’ yigotimasĩñuju Dios, Abrahamre”, yigotiaja. To bajiro Dios ì yisere ajicõari, “Ì yirore bajirone bajiruaroja”, ìre yitũoĩamasiñuju Abraham. To bajiri, rijariãre catiogũ, to yicõari, ñajediro rujeomasir'i ñaami Dioma.

¹⁸ “Bũcũ ñari, rĩa maniacũ bajiaja” Abraham ì yitũoĩaboajaquẽne, “Jãjarã ñarũarãma mũ jãnerabatiã” Dios ìre ì yijare, “Ì yirore bajirone bajiruaroja”, yimasĩñuju Abraham. “Bajirũcũja mũ” ì yiriarore bajirone yigũ, jediro ñicũ ñaami yuja. ¹⁹ Abraham, cien cũmari cõro tũsacũ ñamasiñuju. Ì manajo rãca, jũarãjũne bũcũrã ñari, rĩa cãtibetiarãrãjũ ñamasiñujarã. To bajiri, “To cõro bajirearũarãja yũa” yimasibetiboarine, “Dios ì yirore bajirone bajiruaroja”, yicõa ñagũ ñamasiñuju Abraham. ²⁰ “‘Bajiruaroja’ Dios yũre ì yicati bajibetiruaroja”, yibecũ ñamasiñuju Abraham. To bajiro bajigũ ñari, “Dios ì yirore bajirone yirũcũmi” yigũ ñari, “Socagũ me ñaami Dios” ìre yiajirũcũbũomasucoamasiñuju Abraham. To bajiri, “Mũ yirore bajirone yigũ ñaja mũ”, Diore yivariquẽnamasiñuju Abraham. ²¹ “Ì yirore bajirone yirũcũmi. Ì yimasibeti manija, Diorema”, yitũoĩamasiñuju. ²² “To bajiro yũre tũoĩagũ ì ñajare, ‘Rojose magũ ñaami’ ìre yĩaja yũ”, yimasĩñuju Dios. To bajirone gotiaja ti, Dios ocare masa ìna ucamasire.

²³ Abraham sĩgũrene, “Rojose magũ ñaami”, yuca ecobesuja Dios ocare masa ìna ucamasire. ²⁴ Manire quẽne, Abraham Diore ì tũoĩamasiriarore bajirone ìre mani tũoĩajama, “Rojose mana ñaama”, yĩagũmi Dios. Ì ñaami mani mũ Jesucristo ì rijato bero ìre cãtior'ima. ²⁵ “Rojose ìna yise vaja ìnare vaja yibosaya” yigũ, Jesucristore ìre rijaroticõañumi Dios. To yicõari, Jesucristo ì rijato bero, “‘Rojose mana ñaama’ manire yĩagũsa” yigũ, ìre tudicatoyumi quẽna.

5

Rojose mana mani bajise queti

¹⁻² To bajiri, “Rojose mani yise vaja manire vaja yibosayumi mani ɥɥ Jesucristo” mani yitɔoɪasere masicɔari, “Rojose mana ɲaama”, manire yɪagɔmi Dios. To bajirɔ ɲari, “Mani rijato beroɥ, ɪ rɔca quɛnaro ɲacɔa ɲarɔgɔrɔarɔja”, yivariquɛnaja mani. To yicɔari, “Yɔre bajiro quɛnase rɪne yirɔ ɲato’ yigɥ, manire yirɛmogɔ yami”, yivariquɛnaja mani. ³ To bajiro yirɔ ɲari, rojose tɔmɔboarine, variquɛnaja mani. Tiaye rɪne variquɛnarɔ me yirɔja mani. Rojose tɔmɔboarine, “Jesucristo sɔori Diorɔca quɛnaro ɲaja’ yitɔoɪarɔ ɲari, rojose yirɔboarine, tire yibeɥ yɔa”, yimasijaja mani. ⁴ Cojosi me rojose tɔmɔorɔ ɲaboarine, “Jesucristo sɔori Diorɔca quɛnaro ɲaja” yitɔoɪarɔ ɲari, rojose yirɔboarine, tire yimena ɲari, “ɪ ɲarɔɥ ɪ rɔca quɛnaro ɲarɔarɔja”, yitɔoɪarɔarɔja mani. ⁵ Esp'iritu Santore manire cɔaɲumi Dios. To bajiro ɪ yiriarɔ ɲari, “Manire maiami Dios”, yimasijaja mani. To bajiri, “ɪ ɲarɔɥ ɪ rɔca ɲabetirɔarɔja”, yisɔtiritibetirɔarɔja mani.

⁶ Rojose yitɔjamasimena mani ɲajare, rojose mani yisere masiriorɥ, ɪ macɔre cɔaɲumi Dios, “Rojose ɲna yise vaja, ɲnare vaja yibosaya” yigɥ. ⁷ Josari ɲaroja ti, gɔjire ɲna sɪaroadone, “Yɔɥna ɪre rijabosarɔcɔja” yirema. Dios ocare ajitirɔnɔgɔre ɪre ɲna sɪaroadijaquɛne, ɪre maigɔ ɲari, “Yɔɥnare sɪaɲa”, yimasigɔ magɔmi. To bajiboarine quɛnaro ɪre yigɥ ɪ ɲajama, “Yɔɥnare sɪaɲa”, yimasibogumi, cojojirema. ⁸ Rojose yirɔ mani ɲaboajaquɛne, Jesucristoɥama manire rijabosayumi. To bajiri, “Manire bɔto maiami Dios”, yimasijaja mani. ⁹ Rojose yirɔ mani ɲaboajaquɛne, Jesucristo manire ɪ rijabosare ti ɲajare, “Rojose mana ɲaama”, manire yɪaami Dios. To bajiri, “Rojose tɔmɔtɔjabetiriarɔɥ manire cɔabetirɔcɔmi”, yimasijaja mani. ¹⁰ Rojose mani yisere ɪategɥ ɲaboarine, tire masiriorɥ, ɪ macɔre manire cɔaɲumi, “ɲnare rijabosaaya” yigɥ. To bajiri ɪ macɥ manire ɪ rijabosaro bero ɪre catiocɔari, “Rojose mana ɲaama”, manire yɪajɔnisini tɔjayumi Dios. To bajiri, ado bajiro yimasijaja mani: “Dios tɔɥ ɪ rɔca quɛnaro ɲato’ yigɥ, bɔtobusa manire yirɛmorɔgɔrɔcɔmi Jesucristo”, ɪre yivariquɛnaja mani. ¹¹ Ti rɪne yivariquɛna tɔjamenane, “Jesucristo mani ɥɥ manire ɪ rijabosare ɲajare, Diorɔca quɛnaro ɲaja mani”, yivariquɛnaroti ɲaja.

Adán ɪ bajire, to yicɔari, Jesucristo ɪ bajire rɔca Pablo gotire

¹² Adán ɲamasinɔju rojose yisɔr'i. To bajiro ɪ yimasire vaja rijacoamasinɔju. To bajiro ɪ yimasire ti ɲajare, jedirone rojose yirɔ ɲari, bajireacoayuja mani quɛne. ¹³ Dios Moisere ɪ roticɔroto rɪjoroɥne, masa jediro rojose yimasinɔjarɔ ɲna. To ɲna yiboajaquɛne, ɪ roticɔre ti manijare, “Yɔ rotirore bajiro yibeama ɲna”, yɪabetimasinɔju Dios. ¹⁴ To bajiro ɪ yɪabetiboajaquɛne, Moisere ɪ roticɔroto rɪjoroana quɛne bajireacoadimasinɔuma. To bajiro ɲna bajijama, Adán Dios ɪre ɪ roticɔsere masiboarine, ɪ cɔdibetimasire vaja bajireasɔoadimasinɔuma ɲna. To bajiri Adán manire ɪ yiomasire sɔorine bajireacoarɔgɔja mani quɛne. To bajiboarine, “Quɛnase yigɔre ɪre cɔarɔcɔja yɔ. ɪ sɔorine quɛnaro ɲarɔarɔama ɲna”, yimasinɔju Dios.

¹⁵ Adán rojose ɪ yisɔomasire vaja rojose manire ti ɲaboajaquɛne, manire ɪamaicɔari, quɛnaro masu manire yirɛmoami Dios. To bajiri Adán sɔorine “Rojose yirɔ ɲaama” manire ɪ yɪare ti ɲaboajaquɛne, yucɔrema Jesucristo sɔorine “Rojose mana ɲaama”, manire yɪagɔmi Dios. To yicɔari, bɔtobusa quɛnaro manire yirɛmocɔa ɲagɔmi Jesucristo, “Diorɔca quɛnaro ɲato” yigɥ. ¹⁶ Adán, rɛmoɥne rojose ɪ yisere ɪacɔari, “Mɔ yise sɔorine, mɔ quɛne, mɔ jɔnerabatiaɥ quɛne, bajireajedicɔarɔarɔama”, yimasinɔju Dios. To bajiro manire yimasir'i ɲaboarine, yucɔrema cojosi me rojose mani yise ti ɲaboajaquɛne, tire masiriocɔari, “ɲie rojose mana ɲaama”, manire yɪagɔmi Dios. ¹⁷ Sɪgɔ rojose ɪ yisɔomasire sɔorine masa jediro bajireacoayuja mani. To bajiro bajirɔ mani ɲaboajaquɛne, Dios, masijeogɥ ɲari, manire ɪamaicɔari, quɛnaro masu manire ejarɛmogɔmi. “Jesucristo manire rijabosayumi” yirɔre, rojose mani yisere masiriocɔari,

“Rojose mana ñaama. Īna rijato berojũ ‘Tudirijabeticõato’ yigũ, yũ catisere ĩnare ĩsirũcũja yũ”, manire yĩĩagũmi Dios.

¹⁸ Adán rojose ĩ yisũomasire sũorine, “Masa jediro bajireacoarũarãma”, manire yimasiñuju Dios. To bajiro ĩ yimasire ti ñacõaboajaquẽne, “Jesucristo yũare rijabosayumi” yirãre, “Ñie rojose mana ñaama. Īna rijato berojũ ‘Tudirijabeticõato’ yigũ, yũ catisere ĩnare ĩsirũcũja yũ”, ĩnare yigũmi Dios. ¹⁹ To bajiro yũ yijama, ado bajiro yigũ yaja yũ: Sĩgũ Diore ĩ cũdibetimasire sũorine rojose yirã ñacoayuja mani jediro, Dios ĩ ĩajama. To bajiro bajiriarã ñaboarine, Jesucristo, Dios ĩ rotirore bajirone ĩ cũdire sũorine, “Rojose mana ñaama” ĩ yĩĩarã jãjarã ñarũtuajũ mani yuja.

²⁰ Dios cũmasiñumi, ĩ roticũmasirere Moisés ñamasir'i rãca, “ ĩ roticũriarore bajiro yibeticõari, rojose yijairã ñaja mani’ yimasiato ĩna” yigũ. ĩ rotimasirere masiboarine, bũtobũsa rojose yiyuma. To bajiro ĩna yiboajaquẽne, Diojũama, bũtobũsa ĩnare ĩamaiñumi.

²¹ Rojose mani yise vaja, bajireacõari, rojose tãmuotũjabetiriaroju varona ñañuja mani. To bajirone mani ñaboajaquẽne, manire ĩamaigũ ñari, mani ƣjũre Jesucristore cõañumi Dios, “Mũre ajitirũnrãre rojose ĩna tãmuoborotire ĩnare yirẽtobosaaya” yigũ. To bajiri Jesucristo manire ĩ rijabosare sũorine, “Rojose mana ñaama, manire yĩĩacõari, ĩna rijato berojũ ‘Tudirijabeticõato’ yigũ, yũ catisere ĩnare ĩsirũcũja yũ”, manire yĩĩagũmi Dios.

6

“Rojose mani yisere yitũjacõari, Dios ĩ bojasejũare yirã ñato mani”, yire queti

¹ To bajiri Dios manire ĩ ĩamaisere yũ gotisere ajicõari, ƣno bajiro tũoĩati mũa? “Rojosere ĩna yiboajaquẽne, rojose yigũ me ñañumi. To bajiri, bũtobũsa rojose yito mani. To bajiro mani yiboajaquẽne, manire maigũ ñari, manire masiriocõa ñarũcũmi”, ƣyitũoĩaboati mũa? ² ĩTo bajiro me bajiaja! “Manire rijabosayumi” yitũoĩarã ñari, rojose yirũaboarine, tire yibetisũoyuja mani. To bajiro yiriarã ñaboarine, ƣno yirã rojosere tudiyirãjari mani? ³ ƣBautizarere ajimasiati mũa? Oco rãca manire ĩna bautizarone, “Cristore ajitirũnrã ñaja yũ” yirã, ado bajiro yiriarãja mani: “ “Rojose ĩna yisere, tire yitũjato” yigũ, Cristo manire rijabosayumi’ yirã ñari, rojose mani yisere to cõrone yitũjato”, yiriarãja mani. ⁴ To bajiri rojose mani yisere yitũjarũarã ñari, oco rãca mani bautizarotirone, Jesucristo rãca rijanare bajiro bajiyuja mani. To bajicõari, Jesucristo ĩ yuje ecoro bero, ĩ masise rãca ĩre tudicatĩoyumi Dios. To bajiri, ĩ rãca tudicatirãre bajiro bajiyuja mani, bautismo mani yiecoro bero. To bajirã ñari, Jesucristo ĩ ejarẽmose rãca Dios ĩ bojarore bajiro yirã ñaja mani.

⁵ To bajiri, Jesucristo rãca rijariarãre bajiro bajirã ñari, tudicatir'i ĩ ñajare, ĩ rãca tudicatiriarãre bajiro bajirã ñari, ĩ ejarẽmose rãca quẽnase yirũgũroti ñaja manire. ⁶ “Rojose mani yisere yitũjacõari, Jesucristojũare ĩre ajitirũnrãja” yirãre, manire rijabosayumi Jesús, rojose mani yisere “Yitũjato” yigũ. To bajiro ĩ bajire ti ñajare, rojosere yirũa tũoĩaboarine, tire yitũjaroti ñaja. ⁷ Masũ ĩ bajirocacoajama, jũaji rojose yibecũmi. To bajiri mani quẽne rojose yirũgũriarã ñaboarine, Jesũre ajitirũnrãca yirã, jũaji rojose yibetiroti ñaja manire. ⁸⁻⁹ Mani quẽne, Jesucristo rãca rijariarãre bajiro bajirã ñari, rojose yirũaboarine, tire yibetirũarãja. “Jesucristo ĩ rijariaro bero tudicaticõari, jũaji tudirijabetirũcũmi” yimasirã ñari, “ĩ ejarẽmose rãca quẽnase yicõa ñarũgũrũarãja mani, adigodoju quẽne, to yicõari, mani rijato berojũ quẽne”, yitũoĩaja mani. ¹⁰ Jesucristo cojojine rijayumi, “Rojosere yitũjacõari, quẽnasejũare yato ĩna” yigũ. To bajiri jũaji tudirijabecũmi. ĩ rijaro bero, tudicaticõari, yucũrema õ vecajũ ñacõari, Dios ĩ bojasere yĩĩagũmi. ¹¹ To bajiro tũoĩarũgũroti ñaja manire quẽne. “ ‘Quẽnasejũare yato’ yigũ manire ĩ rijabosare ti ñajare, rojosere yirũaboarine, tire yibetirũarãja. To bajicõari, Jesucristo ĩ ejarẽmorã ñari, Dios ĩ bojasere yicõa ñarũarãja mani quẽne”, yitũoĩarũgũroti ñaja manire.

¹²⁻¹³ Mani rujũ, yoaro catirotirujũ me ñaja. To bajiri Dios ĩ bojabetire yirũarã ñaboarine, tire yibetirũarãja mani. “Rijacoaboarine, Jesucristo ĩ tudicatire ñajare, ĩ ejarẽmose rãca Dios ĩ bojasejũare yirũarãja” yitũoĩacõari, quẽnasejũa yirã ñarũarãja

mani. ¹⁴⁻¹⁵ “Dios Moisére ĩ roticũmasirere mani cudibetijama, rojose tãmuotujabetiri-aroju manire cõarucumi”, yituoĩa güibetiroti ñaja manire. Dios, manire maigũ ñari, ĩ macure cõañumi, rojose mani yise vajare, “Vaja yibosato” yigu. To bajiri, “Ñie rojose mana ñaama’ manire yĩagũmi Dios”, yaja mani. To bajiri, rojosere yiruaboarine, Jesucristo ĩ ejarẽmose rãca rojose yibeaja mani.

“Rojose mana ñaama’ Dios ĩ yĩarã ñari, rojose mani yijama, quẽnacõaroja”, ¿yituoĩati mua? To bajiro me bajiaja. ¹⁶ “Rojosere yiruãrã ñari, tire mani yicõa ñajama, ti rione yisejacoanaja mani”, ¿yimasibeati mua? “To bajiro mani yijama rojose tãmuotujabetiri-aroju varuarãja mani”, ¿yimasibeati mua? “Tire yibeticõari, Dios ĩ bojarore bajirojua mani yicõa ñajama, ĩ bojasejuare yisejacoanaja mani”, ¿yimasibeati mua? ¹⁷ Tirũmũjuma rojosere yisejariã ñari, ti rione mũare yiruamacõriaroja ti. To bajiri sũgũ moarimasu cuticõari, ĩre ĩ rotiajeriarore bajiro mũare bajiriaroja rojosejua. To bajiro mũare ti bajiboajaquẽne, ado bajisejua yituoĩañuja mua yuja: “Jesucristo manire rijabosayumi, rojose mani yise suori”, yituoĩañuja mua. To bajiri yucurema Dios ĩ bojasere yirã ñarãja mua. Tire tũoĩacõari, Dios suorine to bajiro yirã mua ñajare, “Quẽnaro yaja mũ”, ĩre yaja yu. ¹⁸ Dios suorine rojose yitujacõari, quẽnasejuare ĩ bojarore bajiro yirã ñarãja mua. ¹⁹ Moarimasu cuticõari, ĩ rotirere quẽnaro masirãja mua. To bajiri tire cõĩacõari, mũare gotibu yu. Tirũmũjuma rojose yisejarã ñañuja mua. Yucurema ado bajiro Diore sãnirũgũña: “Mũ bojase quẽnase rĩne yiruaja yua”, ĩre yisãnirũgũña mua.

²⁰ Rojasere yirã ñaboarine, “Rojose yirã yaja yua”, yimasibetiriãja mua. ²¹ Rojasere rĩne mua yijama, ¿dise ũni quẽnase bujacati mua? Bũjabetiriãja. Rojasere mua yirũgũrere mua tũoĩajama, “Bojoneose yirã yiyuja mani”, yirãja mua. Rojasere rĩne mua yicõa ñajama, rojose tãmuotujabetiri-aroju varona ñaboriarãja mua. ²² To bajiboarine, yucurema, Dios ĩ ejarẽmose rãca rojosere yitujacõari, ĩre cudirãja mua yuja. ĩre cudirã ñari, Dios ĩ ejarẽmose rãca butobusa ĩ bojasere yirũtuanaja mua. To bajicõari, mua rijato beroju tudicaticõari, ĩ rãca quẽnaro ñacõa ñarũgũruãrãja mua. ²³ To bajiri, masa rojose mani yise vaja mani rijato beroju rojose tãmuotujabetiri-aroju varoti ñaja. To bajiboarine, Jesús yarã mani ñajama, rojose mani yise vaja, mani vaja yibetiboajaquẽne, mani rijato beroju “Tudirijabeticõato” yigu, ĩ catisere manire ĩsiami Dios.

7

“*Rojose mana ñarãsa’ yirã, Moisére Dios ĩ rotimasirere ajisũyabetiroti ñaja*”, yire queti

¹ Yũ mairã, Moisére Dios ĩ rotimasirere masirãja mua. Mani catiro cõro tire cudire ñaja. Mani rijacoajama, tire cudimasimenaja. ² Tire bajirivãme mũare gotiaja yu: Rõmio so manaju cutijama, ĩ catiro cõro so manaju rãca so ñajama, quẽnaja. So manaju ĩ bajirocacoajama, “Gãjire manaju cutibesa”, yibeaja Dios Moisére ĩ roticũmasire. To bajiri so manaju ĩ bajirocaro bero, gãji so manaju cutijama, Dios ĩ rotimasirere cudibeco me bajigomo. ³ To bajiboarine, so manaju ĩ catirone, gãji rãca so ajeri cutijama, “Rojose yigo yamo”, sore yĩare ñaroja. So manaju ĩ rijato beroju, gãji rãca so manaju cutijama, Dios rotimasirere cudibeco me yigomo. To bajiri, “Rojose yigo yamo”, sore yimasiña manaja.

⁴ Tire bajiro bajiaja manire quẽne. Cristo ĩ rijaroto rĩjoro, Dios ĩ rotimasirere mani cudibeti vaja rojose tãmuotujabetiri-aroju manire varoti ñaboayuja maji. To bajiboajaquẽne, rojose mani yisere “Masirioato Dios” yigu, manire rijabosayumi Cristo. ĩre ajitirũnrã, ĩ rãca rijariãre bajiro bajiaja mani. To bajiri yucurema, “Dios ĩ rotimasirere mani cudibetijama, rojose tãmuotujabetiri-aroju manire cõarucumi Dios”, yituoĩagũibetiroti ñaja manire. Cristo, mani yu ñaami. ĩre catioyumi Dios, “Yũ macure ajitirũnrã, yu bojarore bajiro yato” yigu. ⁵ Jesũre mani ajitirũnrõto rĩjorojuma, rojose rĩne yirã ñarũgũñuja mani. Moisére Dios ĩ roticũmasirere masiboarine, ti yirore bajiro yiruabesuja mani. To bajiri, rojose yisejarã ñari, ti rione manire yiruamacõñuja ti. To bajiro yirã ñari, rojose tãmuotujabetiri-aroju varona ñaboayuja mani maji. ⁶ Yucurema, “Moisére yu roticũcatire cudijeoroti ñaja, yu tũju ĩna ñarũajama”, yituoĩabeami Dios. To bajiro ĩ yibetijare, “Dios ĩ rotimasirere mani cudibetijama, rojose tãmuotujabetiri-aroju

manire cōarucumi Dios”, yituoīagüirā me ñaja mani yuja. To bajirā ñari, Esp'iritu Santo ï ejarēmose rāca Dios ï bojarore bajiro yirā ñaja mani.

Rojose mani yisere Pablo ï gotire queti

⁷ To bajiro m̄are ȳu gotisere ajicōari, ¿ado bajiro yituoīati m̄a? “Dios, Moisére ï roticūmasire, ‘Rojose yiya m̄a’ manire yiro yaja”, ¿yituoīati m̄a? To bajiro me bajaia. “‘Rojose yirā ñaja mani’ yimasiato” yiro, yaja ti, Moisére Dios ï roticūmasire. Moisére ï roticūmasire ti manijama, “Rojose yirā ñaja mani”, yimasibetiboriarāja mani. Ado bajiro bajaia: “Gājerā ye gajeyeünire bojaīabesa”, yigotiaja Dios ï roticūmasire. To bajiro ï yimasirere ȳu masibetijama, “Rojose yiḡu yaja”, yimasibetiboriaja ȳu. ⁸ “Bojaīabesa” Dios ï yimasirere masicōari, “Ȳu bojaīajama, rojose yiḡu yaja” yimasiboarine, rojose yiḡu ñari, butobusa gājerā yere bojaīarūtuacaj̄u ȳu. Dios ï rotimasire ti manijama, “Rojose yiḡu yaja ȳu”, yimasire maniboriaroja. ⁹ Moisére ï roticūmasirere ȳu masiroto r̄joroj̄uma, “Quēnaro yiḡu ñaja ȳu”, yituoīaboacaj̄u ȳu maji. “Bojaīabesa” Dios ï yimasirere masicōari, “Ȳu bojaīajama, rojose yiḡu yaja” yimasiboarine, butobusa gājerā yere bojaīarūtuacaj̄u ȳu. To bajiri, “Dios ï ñajama, rojose tām̄otujabetiriaroj̄u varoc̄u ñaja ȳu”, yimasicaj̄u ȳu yuja. ¹⁰ “Masa, ȳu rāca quēnaro ñato” yiḡu, Moisére roticūmasiñumi Dios. To ï yimasire ti ñaboajaquēne, “Tire ȳu c̄udibetijare, rojose tām̄otujabetiriaroj̄u ȳu cōarucumi Dios”, yituoīacaj̄u ȳu. ¹¹ “Gājerā ye gajeyeünire bojaīabesa” yirere ajicōari, “Tire ȳu c̄udijama, ‘Quēnaro yiḡu ñaami’ ȳu yīarucumi Dios”, yituoīacaj̄u ȳu. To yituoīaboarine, gājerā yere bojaīacōa ñacaj̄u ȳu. Tire yitujabec̄u ñari, “Rojose tām̄otujabetiriaroj̄u ȳu cōarucumi Dios”, yituoīacaj̄u ȳu.

¹² To bajiri, Dios, Moisére ï roticūmasire, ñajediro riojo yise ñaja ti. To bajicōari quēnase ñaja. ¹³ Tire ajicōari, Dios ï rotimasire quēnase ti ñaboajaquēne, “‘Ti s̄orine rojose yirā ñari, rojose tām̄otujabetiriaroj̄u varuarāma masa’, yiḡu yami”, ¿ȳu yituoīati m̄a? To bajiro me yaja ȳu. “Rojose ña yise vaja rojose tām̄oruarāma” yiḡuj̄u yaja ȳu. “‘Rojose masu yirā ñaja mani’ yituoīamasiato’ yiroj̄u bajiyuja Dios ï rotimasirema”, yimasiaja mani.

¹⁴ Dios ï roticūmasire, quēnase ti ñaboajaquēne, rojosere yir̄u tuoīarā ñari, Dios ï bojabetij̄uare yaja mani. To bajiri, s̄iḡu moarimas̄u cuticōari, ïre ï rotiajerore bajiro manire bajaia. ¹⁵ Mani bajisere ajimasibeaja mani. Quēnasere mani yir̄uasej̄uarema yibetirüḡuaja mani. To yicōari, “Rojose yibetiruarāja” mani yituoīasej̄uare yirüḡuaja mani. ¹⁶ “Mani yirüḡusere yir̄uabeaja” mani yituoīajama, “Quēnase ñaja Dios ï rotimasire” yirā yaja mani. ¹⁷ “Mani yirüḡusere yir̄uabeaja” yirā ñaboarine, tire mani yijama, mani masune yirā me yaja mani. Rojosej̄u manire ūmato yirüḡuaja. ¹⁸ Quēnasere yiruarā ñaboarine, rojosej̄uare yirüḡuaja mani. To bajiri, “Quēnasere yimasimena ñaja mani”, yimasiaja. ¹⁹ Quēnasere mani yir̄uasej̄uare yibeticōari, mani yir̄uabeti rojosej̄uare yirüḡuaja mani. ²⁰ To bajiri, “Mani yirüḡusere yir̄uabeaja” yirā ñaboarine, tire mani yijama, mani masune yirā me yaja mani. Rojosej̄u manire ūmato yirüḡuaja.

²¹⁻²³ Ado bajiro bajirüḡuaja manire: “Quēnasere yiruarāja” yirā ñaboarine, rojosej̄uare yirüḡuaja mani. Dios ï rotimasire ti yirore bajiro mani yir̄uacōaboajaquēne, rojosej̄u manire ūmato ti yicōa ñajare, rojosej̄uare yirüḡuaja mani.

²⁴ To bajiri rojose yitujamasimena ñari, rojose tām̄otujabetiriaroj̄u mani varotire tuoīacōari, buto s̄utiritiaja mani. “¿Ñim̄u manire yirēmoḡuti, rojose yitujacōari, Dios ï bojasej̄uare mani yirüḡuotire yiḡu?”, yis̄utiritiaja mani. ²⁵ To bajiro s̄utiritiboarine, “‘Rojose yitujacōari, ȳu bojasej̄uare yirā ñato ña’ yiḡu, mani ñj̄uare Jesucristore ïre cōañumi Dios”, yivariquēnaroti ñaja manire. To bajiri, “Quēnaro yaja m̄u”, Diore ïre yivariquēnato mani.

To bajiri Dios ï bojarore bajiro mani yir̄uaboajaquēne, rojosej̄u manire ūmato ti yicōa ñajare, rojosere yicōa ñaja mani.

8

“Esp'iritu Santo ï ejarēmose rāca quēnasere yimasiaja mani”, yire queti

¹⁻² Yucurema, “Yu roticatore bajiro yibeama” Dios ĩ yĩarã me ñaja mani. Jesucristo yarã ñari, “Rojose mana ñaama” ĩ yĩarã ñaja. To bajicõari, rojose yiruaboarine, Esp'iritu Santo ĩ ejarẽmojare, rojosere yimena ñaja mani. To bajiri, rojose tãmuotujabetiriaroju vabetiruarãja. ³ Ado bajiro bajiyuja manire: Dios Moisére ĩ roticũmasire ti yirore bajiro cudijeomasibesuja mani, rojosejuare yirã ñari. Mani cudijeobetijare, rojose magũ ĩ ñaboajaquẽne, “Rojose yigũ ñaja mũ” ĩre yigure bajiro ĩ macure rijaroticõañumi Dios, “Rojose ĩna yisere ĩnare vaja yibosaya” yigũ. Mani rujure bajiro ruju cutigu ñaboarine, rojose yibecu ñari, rojose mani yise vaja manire rijabosayumi. ⁴ To bajiro yiyumi Dios, “Yu ejarẽmose rãca yũ bojarore bajiro quẽnase rĩne yirã ñato” yigũ. To bajiri, rojosere yiruãrã ñaboarine, tire yibeaja mani. To yicõari, Esp'iritu Santo ĩ ejarẽmose rãca tũoĩacõari, Dios ĩ bojarore bajiro yirũgũaja mani.

⁵ Rojose yirãma, rojose ĩna yirotere tũoĩarũgũrãma ĩna. Esp'iritu Santo ĩ bojarore bajiro yirãma, “Ĭ bojarore bajiro yirãsa” yirã tũoĩarũgũrãma. ⁶ Rojose yirãma, rojose tãmuotujabetiriaroju varona ñaama ĩna. Esp'iritu Santo ĩ bojarore bajiro yirãma, ĩna rijato beroju, Diorãca quẽnaro ñacõa ñarũgũruãrãma. ⁷ Rojose yirãma, Diore terã ñarãma ĩna. To bajirã ñari, ĩ bojarore bajiro yimasimenama. ⁸ To bajiro yirãrema, ĩnare ĩvariquẽnabeami Dios.

⁹ Mũajuama, rojose yirã me ñaja mũa, Esp'iritu Santo mũa rãca ĩ ñajare. Esp'iritu Santo ĩ bojarore bajiro yirã ñarãja mũa. Esp'iritu Santore cũobecu, Jesucristo yũ me ñaami, ĩ ugũma. ¹⁰ Rojose mũare ũmato yirirujũrĩma, boacoaruaroja. Boarotirujũri ti ñaboajaquẽne, Cristo rãcana mũa ñajare, “Rojose mana ñaama”, mũare yĩagũmi Dios. To bajiro mũare ĩ yĩajare, ĩ rãca quẽnaro ñarãja mũa. ¹¹ Dione ñaami Jesús ĩ rijacoaboajaquẽne, ĩre tudicator'i. ĩre ĩ catoire ti ñajare, Esp'iritu Santore cũorã ñaja mũa. ĩre cũorã mũa ñajare, mũa rijato beroju Cristore ĩ catoriarore bajirone mũare quẽne tudicatorũcũmi Dios, juaji boabetirotirujũrĩre mũare ĩsigũ.

¹² To bajiri yũ mairã, rojose yiruaboarine, tire yibetiroti ñaja mũare. ¹³ Rojose mũa yĩñajama, mũa rijato beroju rojose tãmuotujabetiriaroju varuarãja mũa. Rojose yiruaboarine, Esp'iritu Santo ĩ ejarẽmose rãca rojosere mũa yibetijama, mũa rijato beroju “Tudirijabeticõato” yigũ, ĩ catisere mũare ĩsirũcũmi Dios.

¹⁴ Esp'iritu Santo ĩ ejarẽmose rãca yirãma, Dios rĩa ñarãma ĩna. ¹⁵ “Rojose mani yijare, rojose tãmuotujabetiriaroju manire cõarũcũmi Dios’ yigũiato ĩna” yigũ me, manire ejarẽmoami Esp'iritu Santo. ĩ sũorine Dios rĩa ñaja mani. To bajicõari, ĩ ejarẽmose rãca, “Dios ĩ macure ĩ mairore bajiro manire maiami” yitũoĩarã ñari, “Cacu”, yaja mani, Diore. ¹⁶ Esp'iritu Santo ĩ ejarẽmose rãca, “Dios rĩa ñaja”, yimasijaja mani. ¹⁷ To bajiri ĩ rĩa, Cristo yarã mani ñajare, ĩ macure ĩ mairore bajirone manire maigũ ñari, manire quẽne quẽnaro yirũcũmi Dios. Adigodoju, “Cristo ĩ bojasere yica” yirã, rojose mani tãmuojama, mani rijato bero Dios tũju quẽnaro ñarũgũruãrãja. ĩ macũ quẽnaro ĩ ñarore bajirone quẽnaro ñarũgũruãrãja mani quẽne.

Mani rijato bero, quẽnaro mani ñaroti queti

¹⁸ To bajiri adirũmũri, “¿No yirã rojose tãmuoati mani?”, yitũoĩa sutiritibetiroti ñaja manire, rojose mani tãmuose rẽtoro quẽnaro Diorãca ñarona ñari. ¹⁹ Adi macarũcũro Dios ĩ rujeore jediro, Dios ĩ rĩare quẽnaro ĩ yirotirũmũ ti ejarore ĩaruaro buto yũñaroja ti. ²⁰ Rẽmoju Dios ĩ rujeorema, adirũmũri ti bajirore bajiro me bajimasĩñuju. Adãn rojose ĩ yise ti ñajare, “Boase rĩne ñacõaruaroja” Dios ĩ yimasire ñari, adirũmũri ñase quẽne, boase rĩne ñacõaja. To bajiboarine, “Cojorũmũ adi macarũcũro ĩ rujeorere Dios ĩ tudiquẽnorotirũmũ ejarũaroja”, yimasijaja mani. ²¹ To bajiri ĩ rujeore jedirone “Boabeticõari, quẽnase rĩne ñato” yigũ, tudiquẽnorũcũmi quẽna. To yicõari, “Yu rĩa quẽnase rĩne yirã ñato” yigũ, tudirijayamanire manire ĩsirũcũmi. ²² Adirũmũri quẽne Dios ĩ rujeore jedirone rojose tãmuocõa ñaja ti. Tire masijaja mani. Rõmio macũ cutigoago, rojose so tãmuorore bajiro rojose tãmuoaja ti. ²³ Esp'iritu Santo ĩ ejarẽmorã ñaboarine, rojose yicõa ñarã ñari, rojose tãmuorũgũaja mani. To bajiri, “Quẽnase rĩne

yirã ñato” yigũ, tudirijayamanire Dios manire ï ïsirotire bojarã ñari, bũto tũoĩacõa ñarũgũaja mani. ²⁴ “Tudirijayamanire ïsirucũmi”, yitũoĩacõa ñarũgũaja mani, rojose mani yise vajare Jesús ï vaja yibosariarã ñari. Jere quẽnase rĩne yirã mani ñajama, tudirijayamanire manire ï ïsirotire, no yirã yumenaja mani. ²⁵ Mani cũobeti ti ñajare, quẽnaro tire yucõa ñarũgũuroti ñaja.

²⁶ Esp'iritu Santo manire ejarẽmogũmi, “Rojose yiruaboarine, tire yibeticõato ñna” yigũ. To yicõari, Diore mani sãnimasibetire masicõari, manire sãnibosarũgũgũmi, ï masise rãca. ²⁷ Dios ï bojarore bajiro manire sãnibosagũmi. To bajiri, Esp'iritu Santo manire ï sãnibosasere masigũmi Dios. ï ñaami mani tũoĩasere masigũma.

Cristore ajitirũnarã ñari, “Dios ï ejarẽmose rãca quẽnase rĩne yirã ñarũarãja mani”, yire queti

²⁸ Dios ï beseriarã ñari, ïre maiaja mani. To bajiri, quẽnaro mani ñarotire yigũ, manire ï yirẽmorũgũsere masiaja mani. Rojose tãmũoboarine, “Quẽnaro mani ñarotire yigũ, manire yirẽmogũmi”, yitũoĩacõa ñaroti ñaja. ²⁹ Rẽmojũne Cristore ajitirũnũronare manire masicõañũmi Dios. “Yũ macũ Jesucristore bajiro quẽnase rĩne yirã ñarũarãma ñna” yigũ. To bajiri, “Yũ bojarore bajiro yirãrema, ñna gagũ ñarucũmi Jesucristo”, yicõa-masiñũmi Dios. ³⁰ To bajiri rẽmojũne, “Cristore bajiro quẽnase rĩne yirã ñarũarãma” ï yiriarã ñaja mani. To bajiro manire yigũ ñari, “Rojosere yitũjacõari, ï macũre ajitirũnũrato” yigũ, manire ejarẽmoñũmi. To yicõari, ï macũre mani ajitirũnũjare, “Rojose mana ñaama”, manire yĩañũmi. To bajiri, ï macũ yarã mani ñajare, “ ïre bajiro quẽnase rĩne yirã ñato’ yigũ, ñnare ejarẽmorũcũja”, yiyumi Dios.

³¹ Ti oca quẽnasere masicõari, ado bajiro yirẽmomasiaja mani: “Dios manire ejarẽmoami, rojose tãmũotũjabetiriaroju vabeticõato ñna” yigũ. Rojose gãjerã manire ñna yiboajaquẽne, “Dios manire ï ejarẽmojare, no bajiro manire yimasimenama”, yimasiaja mani. ³² ï maigũ ï ñaboajaquẽne, ï macũre ïre cõañũmi Dios, “Masare rijabosato” yigũ. To bajiro yirã ñari, quẽnasere manire ejarẽmocõa ñarucũmi Dios. ³³ To bajiri, ï beseriarãre manire ïamaicõari, “Rojose mana ñaama”, manire yĩagũmi Dios. To bajiro ï yirã mani ñajare, “Rojose yirã ñaama”, manire yimasimenama. ³⁴ Rojose mani yise vaja, manire vaja yibosagũ rijayumi Jesucristo. Tudicaticõari, Dios ï rujiro riojojacatũajũare rujicõari, manire ñagõbosarũgũgũmi. To bajiri, “Rojose yirã ñaama”, manire yibetirucũmi ï quẽne. ³⁵ Cristo manire ï maisere, “¿No yigũ ñnare maiaati?” yigũ magũmi. Cojoji me rojose mani tãmũoboajaquẽne, gãjerã rojose manire ñna yiboajaquẽne, ñiorijarã, sudi mana mani ñaboajaquẽne, gũioroju mani vaboajaquẽne, gãjerã manire ñna sĩaboajaquẽne, manire maicõa ñarucũmi Cristo. ³⁶ Tirũmũju Dios ocare masa ñna ucamasire mani bajisere gotiro, ado bajiro gotiaja ti:

“Mũ yarã yũa ñajare, gãjerã yũare sĩarũgũama ñna. Ovejare juaãcõari, ñna sĩaroju juaejacõari, ñna sĩarore bajiro yũare yirũgũama”, yigotiaja Dios oca.

³⁷ Ñajediro rojose mani tãmũose ti ñaboajaquẽne, manire ï ejarẽmocõa ñajare, “Manire bũto maicõa ñaami”, yitũjabetirũarãja mani. ³⁸⁻³⁹ Dios manire ï maisere matase manija. Mani bajireacoajaquẽne, mani ñacõajaquẽne, manire maitũjabetirucũmi. Adirũmũri rojose mani tãmũose, to yicõari, gajerũmũri rojose mani tãmũoroti ti ñaboajaquẽne, manire maitũjabetirucũmi Dios. Ángel mesa, vãtia, adigodo mũjarã, õ vecana, õ õñerocana, ñañamana quẽne, rojose manire ñna yiboajaquẽne, manire ejarẽmocõa ñarucũmi Dios, ï tũju mani ejarotire yigũ. Jesucristo yarã mani ñajare, manire bũto maigũmi Dios.

9

Israel sitanare Dios ï besere queti

¹⁻³ “Yũ yarã, Jesús ï bajirere ñna ajitejare, ï yarã me ñaama”, yisũtiritiaja yũ. ïre ajitirũnũgũ ñari, Esp'iritu Santo ï ejarẽmose rãca, “Riojo gotiaja yũ”, yimasiaja yũ. ñnare maigũ ñari, rojose ñna yise vaja ñnare vaja yibosagũ, Cristore ïre cãmotadicõari, rojose tãmũotũjabetiriaroju varũaboaja yũ; “To bajiro yũ bajise vajane, ñnajũa Cristo

rācana ñato” yigũ. ⁴ Yũ yarāre ado bajiro quēnaro ñnare yiyumi Dios: ñnare besecōari, “Yũ rīa ñaja mũa”, ñnare yiyumi. To yicōari, ñañamagũ ñaboarine, ñañamani ñnare yīorũgũñumi, “Mani rāca ñagũmi” ñna yimasirotire yigũ. Moisés ñamasir'ire ĩ rotisere ĩre cūmasiñumi. To yicōari, “Yũ bojasere mũa yijama, quēnaro mũare yirũcũja yũ”, ñnare yimasĩñumi. “Mũre, mũ jānerabatiajũre quēne, adi macarũcũro ti ñnaro cōrone mũare ẽjorũcũja yũ”, ñnare yimasĩñumi. ⁵ Yũ ñicũa, Diore rũcũbũorā ñamasĩñujarā ñna. ñna jānamine ñañumi Cristo. ñne ñagũmi Dios, ññajediro ẽjũ. ĩ ñnaami masa ñna rũcũbũo tũjabetirocũma. To bajirone bajimũorũgđato.

⁶ Yũ yarā israelita masare Dios oca quēnase ti gotiboajaquēne, “Quēnaro yirũcũja” ĩ yiriarore bajiro ĩ yibetijama, “Socũ yiyumi”, yitũoĩarāja mũa sīgũri. To bajiro me bajaiaja. ĩre ajitirũnũrā rĩne ñarāma quēnaro ĩ yirona. Gājerāma, israelita masa ñaboarine, Dios ĩ ĩajama, ĩ rīa me ñarāma, ĩre ajitirũnũmena ñari. ⁷ Abraham jānerabatia ñnaro cōrone, ĩ jānerabatia masu me ñarāma, Dios ĩ ĩajama. Ado bajiro Abrahamre gotimasiñuju Dios: “Mũ macũ Isaac rīa ñarũarāma mũ jānerabatia masuma”, yimasĩñuju Dios. ⁸ To bajiro ti yijama, ado bajiro yiro yaja: “Quēnaro mũre yirũcũja yũ” ĩre ĩ yirere ajitirũnũrājũ ñaama Dios rīa. ñna roque, Abraham jānerabatia masu ñaama, Dios ĩ ĩajama. ⁹ Dios, ado bajiro ĩre yimasĩñumi, Abrahamre: “Gaje cũma ado cōrone mũre ĩagũ vadirũcũja yũ quēna. To bajiri, tirodore mũ manajo Sara, macũ cũtirũocomo”, ĩre yigoti rĩjoro cũtimasiñumi Dios.

¹⁰ Adi mũare yũ gotise rĩne ñabeaja. Abrahamre Dios ĩ gotiro bero, ĩ macũ Isaac vāme cũtigũ, bũcũacōari Rebecare manajo cũtiyuju. Sore ĩ manajo cũtiro bero, cojoji rīa cũtigone, jũarā rīa cũtimasiñuju so. Esaũ, Jacob vāme cũtimasiñujarā. Jũarājũne sīgũ rīa ñaboarine, Dios ĩ ĩajama, Jacob sīgũne ñamasĩñuju Abraham jānami masu. ¹¹⁻¹² ñnare so rīa cũtiroto rĩjoro, ado bajiro sore gotimasiñuju Dios: “Mũ macũ cũtisũogũ, ĩ bedire moabosarimasũ ñarũcũmi”, sore yimasĩñuju Dios, Rebecare. ñna jũarājũne, quēnasere, rojosere quēne ñna yibetojũne, to bajiro sore gotimasiñuju Dios. To bajiro sore ĩ yimasire ti ñajare, ado bajiro yimasiaja mani: “Masa quēnasere ñna yise sũori me, ĩ bojarāre besegũmi Dios”, yimasiaja mani. ¹³ To bajiri, Dios ocare masa ñna ucamasire ado bajiro gotiaja: “Jacobjũare ĩre maicōari, Esaũrema ĩre ĩatecajũ yũ”, yigotiaja Dios oca.

¹⁴ To bajiro ĩ yijama, “Rojose yigũ yigũmi Dios”, yitũoĩaboarāja mũa. To bajiro me bajaiaja. ¹⁵ Ado bajiro Moisére gotimasiñuju Dios: “Masa jediro rojose yirā ñna ñaboajaquēne, yũ bojarāre besecōari, ñnare ĩamairũcũja yũ”, ĩre yimasĩñuju Dios, Moisére. ¹⁶ To bajiri, Dios manire ĩ ĩamairotire mani sēniro me, manire ĩamaigũmi. To yicōari, “Quēnase mani yise sũori manire besegũmi Dios”, yimasĩña maja. “ĩ bojarāre ĩamaicōari, besegũmi”, yimasire ñaja. ¹⁷ Egipto vāme cũti sitagũ ẽjũre Dios ĩre ĩ yirotire gotiro, Dios ocare masa ñna ucamasire ado bajiro yaja: “Ƴjũ mũre cũcajũ yũ, ‘Yũre mũ ajirũabeti sũori Egiptoanare rojose yũ yisere ĩacōari, ‘Masigũ ñnaami Dios’ masa yũre yirũcũbũoato ñna’ yigũ”, yigotiaja Dios ocare masa ñna ucamasire. ¹⁸ To bajiro Dios ĩ yimasire ñajare, “ĩ bojarāre ĩamaicōari quēnaro yigũ ñagũmi Dios”, yimasire ñaja. To yicōari, “ĩre ajiterārema, ‘Bũtobũsa yũre ajiteato ñna’ yigũ ñagũmi”, yimasire ñaja.

¹⁹ Tire ajicōari, ado bajiro tũoĩarāja mũa sīgũri: “Dios ĩ yirũasere, ‘Tire yibeticđato’ yigũ magũmi. ĩ manijare, ĩ bojarore bajiro yigũ ñari, rojose mani yisere ĩacōari, ‘Rojose tāmũorũarāma ñna’ Dios ĩ yijama, rojose yigũ, yigũmi”, yitũoĩarāja mũa sīgũri. ²⁰ To bajiro mũa tũoĩajama, ado bajiro mũare cũdigũja yũ: Dios ĩ rujeoriarā ñari, “Rojose yũare yaja mũ”, ĩre yimasibeaja mani. Riri sotũ quēne, “¿No yigũ to bajiri sotũ yũre veari mũ?”, yibetoja ti, ti sotũre veari'ire. ²¹ Riri sotũri ĩ veajama, ĩ vearũa tũoĩase cōro veagũmi. Cojobũrũaye ti ñaboajaquēne, “Gājerā, yũ veari sotũre ĩacōari, ‘Quēnase veamasigũ ñnaami’ yũre yĩato ñna” yigũ, quēnari sotũ veagũmi. Gajerũrema, “Yũ cũoroti sotũ ñarũaroja” yigũ, “Ado bajiri sotũ yũ veajama, quēnaja”, yigũmi. “To bajirone manire yigũmi Dios quēne”, yimasiaja mani.

²²⁻²³ To bajiro yigũ ñari, jud'io masa rojose ñna yise vaja rojose tāmũotũjabetiriaroju ñnare ĩ cōarũajama, cōamasigũ ñaboarine, ñnare cōabesumi. ñnare ĩ cōabetijama,

gãjerãjua, “Yũ ocare ìna ajitirũnũjare, ìnare ìamaicõari, ‘Rojose mana ñaama’ ìnare yĩarũcũja” yigũ, bajiyumi. To bajiri, jud'io masare rojose tãmũotũjabetiriaroju ìnare cõabetiboarine, rojose ìna yijare, “Rojose tãmũoña mua”, ìnare yirũgũñumi, “ ‘Jũnisinigũ ñaami’ yũre yimasiato” yigũ.^a ²⁴ To bajiro yigũ ñari, “Yũre ajitirũnũato” yigũ, manire besenyumì, jud'io masare, jud'io masa me ñarãre quẽne. ²⁵ Tirene gotiaja Dios ì yirere, Oseas ñamasir'ì ì ucamasire:

“Yũ yarã merene, “Yũ yarã ñaama”, yirũcũja yũ. Yũ ìamaibeticanare, “Yũ ìamairã ñaama”, yirũcũja yũ, yami Dios.

²⁶ “Yũ rĩa me ñaama ìna’ Dios ì yiriaro bero ti ñaboajaquẽne, ‘Catimũorũgõgũ Dios rĩa ñaama ìna’ yirũarãma”, yucamasiñuju Oseas ñamasir'ì.

²⁷ Isa'ias ñamasir'ijũama, ado bajiro Diore gotirẽtobosamasiñumi, manire jud'io masare tũoĩagũ: “Jud'io masa moa riaga jare bajiro jãjarã ñaboarine, mojoroaca ñarũarãma, ‘Rojose tãmũotũjabetiriaroju vabeticõato’ yigũ, yũ yirẽtobosarã. ²⁸ Jãjarã masa, adigodoana, rojose ìna yise vaja, ‘Rojose tãmũotũjabetiriaroju ìnare cõarũcũja’ ì yiriarũmũ ti ejaro rẽmone ìnare cõarearũcũmi”, yucamasiñuju Isa'ias. ²⁹ Quẽna gajeju ado bajiro ucamasiñuju Isa'ias, jud'io masa mani bajiro tire yigũ:

“Rojose ìna tãmũoborotire sīgũrire Dios masijeogu ìnare yirẽtobosabecũne, Sodomanare, Gomorranare, ì yiriarore bajiro ìnare ì yireajeocõa tũjajama, mani jãnerabatia maniborãma”, yucamasiñuju Isa'ias, jud'io masa mani bajiro tire yigũ.

Cristore ajitirũnũrãre, “Rojose mana ñaama” Dios ì yĩarere jud'io masa ìna ajirũabeti queti

³⁰ Tire tũoĩacõari, jud'io masa me ñarãre ado bajiro yimasiaja mani: “ ‘¿No bajiro yirãti mani, “Rojose mana ñaama” Dios, manire ì yĩarotire yirã?’ yitũoĩabetiboarine, ‘Rojose mani yise vaja, manire rijabosayumi Cristo’ ìna yitũoĩajare, ‘Rojose mana ñaama’ ìnare yĩagũmi Dios”, yimasiaja mani. ³¹ To yicõari, jud'io masajuarema ado bajiro yimasiaja mani: “Dios ì rotimasire ti yirore bajiro mani yijama, ‘Quẽnase yirã ñaama’ manire yĩarũcũmi Dios”, yitũoĩaboayuma ìna. To bajiro yitũoĩaboarine, ì rotimasire jediro ìna cũdibetijare, “Quẽnase yirã ñaama”, ìnare yĩabesuju Dios, yimasiaja mani. ³² ¿No yirã to bajise bajiyujari ìna? “Jesucristo, manire ì rijabosare ti ñajare, manire ìavariquẽnagũmi Dios”, yibesuma. “Quẽnaro mani yisere ìacõari, ‘Quẽnase yirã ñaama’ manire yĩavariquẽnarũcũmi Dios”, yitũoĩaboayuma ìna. To bajiro yitũoĩarã ñari, gũta jũatarãre bajiro bajiyuma.^b ³³ Ado bajiro yaja Dios oca, tire gotiro:

“Sión vãme cũti macare gũta cũrũcũja yũ, masa ìna jũata quedirotiare. Tiare ajitirũnũrãma, yũ goticatore bajiro ìnare quẽnaro yirũcũja yũ. To bajiro ìnare yũ yijare, ‘ ‘Yirũcũja’ ì yiriarore bajiro yigũ ñaami’ yirã, sũtirĩtibetirũarãma”.

10

¹ Ajija mua, yũ mairã, Cristore ajitirũnũrã. “Jud'io masa jediro rojose tãmũotũjabetiriaroju vatoma” yigũ, Diore ìnare sãnibosarũgũaja yũ. ² Ado bajiro ìna bajisere masiaja yũ: Dios ì bojasere bũto yirũaboama ìna. To bajiboarine, “Ti ñaja ì bojase”, yimasibeama. ³ “Rojose mani yisere Dios ì masiriose vaja, manire vaja yibosayumi Cristo. To bajiri, Dios ì ñajama, ‘Rojose mana ñaama’ manire yĩagũmi”, yitũoĩabeama. “Ì rotimasirere mani cũdijama, ‘Rojose mana ñaama’ manire yĩarũcũmi Dios”, yitũoĩaboama. To bajiro ìna yijama, Dios ì bojase yirã me yirãma. ⁴ “Cristo sũorine manire ìavariquẽnagũmi Dios” yitũoĩarãrema, “Rojose mana ñaama”, yĩagũmi Dios. “Yũ roticatire cũdirã ñari, rojose mana ñaama”, ìnare yibecũmi.

⁵ “Dios ì rotisere cũdirãma, rojose mana ñaama” yigũ, ado bajiro ucamasiñumi Moisés ñamasir'ì: “Dios ì roticatore bajirone cũdirãma, Diorãca quẽnaro ñacõa ñarũgũrãrãma

^a 9:22-23 *Rojose tãmũotũjabetiriaroju ìnare cõabetiboarine*, “Rojose tãmũoña mua” ìnare ì yijama, adi macarũcũro ñacõari, rojose ìna tãmũoñarotire yigũ, yiyuju. ^b 9:32 “Gũtare jũatayuma” ti yijama, jud'io masa Jesucristore ìna ajiterere yiro yaja.

ina, adigodoju, to yicōari, ina rijato beroju quēne”, yiucamasiñuju Moisés. ⁶ To i yimasire ti ñaboajaquēne, “Dios i rotimasire ti yimore bajirone cudigu magūmi”, yimasijaja mani. To yicōari, “Jesucristore masa ina ajitirūñjama, ‘Rojose mana ñaama’ inare yiñagūmi Dios”, yimasijaja mani. To bajiro yirā ñari, “Dios i ñaroju ñagūre manire yirētobosarocure Cristore ire amirā varoti ñaja”, yituoīabetiroti ñaja, manire. ⁷ To yicōari, “Rijariarā ina ñaroju ñagūre Cristore ire tudicatorā varoti ñaja”, yituoīabetiroti ñaja, manire. ⁸ “To bajiro tire yituoīamenane, ‘Dios i yiriarore bajirone bajiyuja’ yituoīamasicōari, gājerāre tire gotiya”, yigotijaja Dios oca. To bajiri, tirene masare ado bajiro gotimasiorūgūaja yua: ⁹ “Jesús i rijacoaboajaquēne, ire tudicatioyumi Dios” yituoīacōari, “Jesús ñaami mani ujū” mña yigotijama, rojose tāmnotujabetiriaroju mani vaborotire manire yirētobosarucūmi Dios, yigotimasiorūgūaja yua. ¹⁰ Tire inare yua gotimasiojama, “Rojose mana ñaama” inare yiñacōari, rojose tāmnotujabetiriaroju ina vaborotire inare yirētobosarucūmi Dios yirā, inare gotimasiorūgūaja.

¹¹ To bajirone gotijaja Dios oca: “Jesúre ajitirūñrārema yu goticatore bajiro inare quēnaro yu yijare, ‘Yirucija’ i yiriarore bajiro yigu ñaami’ yirā, sutiritibetiruarāma”, yigotijaja ti. ¹² Ina ujū ñagūmi jud'io masare, jud'io masa me ñarāre quēne. To bajiri, ire sēñirārema, quēnaro inare yigūmi. ¹³ Tire gotijaja Dios ocare masa ina ucamasire: “‘Rojose yua yise vaja rojose tāmnotujabetiriaroju yua varotire yuare yirētobosaya’ ire yisēñirārema yirētobosarucūmi mani ujū”, yigotijaja Dios ocare masa ina ucamasire. ¹⁴ To bajiro ti gotiboajaquēne, “Dios i cōar'i ñañumi” ina yituoīabetijama, no bajiro ire yisēñimenama. To yicōari, Jesús i bajire quetire ina ajibetijama, no bajiro yimasicōari, “Dios i cōar'i ñañumi”, ire yimasimenama. No bajirojua yicōari tire masimenama ina, ñimujane Jesús i bajirere inare i gotimasioebetijare. ¹⁵ “Jesús i bajirere gotimasiocludiaya” ñimujane inare i yiro cōro gotimasiocludirā vamenama. To bajiro yituoīarāre ado bajiro gotijaja Dios ocare masa ina ucamasirere: “Masare quēnaro Dios i yise quetire gotimasiorā ina ejasere buto iavariquēnaja mani”, yigotijaja ti.

¹⁶ To bajiro ti yiboajaquēne, jud'io masa Jesús i bajire quetire ajirā jājarā ñaboarine, mojoroaca ñaama ire ajitirūñrāma. To bajiro ina bajiro tire yigu, Isa'ias ñamasir'i ado bajiro ucamasiñumi: “Yū ujū, yuare mñ gotimasiorotisere ajiruarāma rñe ñacōama”, yiucamasiñumi Isa'ias. ¹⁷ To bajiri, Cristo i bajirere ina gotimasiosere ajicōari, “To bajirone bajirimi Cristo”, yituoīare ñaja.

¹⁸ To bajiri, Jud'io masa, ¿Cristo i bajirere ajibesujarique ina? Ajiboayuma, bajirājuma. Ado bajiro gotijaja Dios ocare masa ina ucamasire: “Dios ocare gotimasiocludiyujarā ina. To ina yijare, Cristo i bajirere ajijedicōañujarā”, yigotijaja Dios oca.

¹⁹ ¿Jud'io masa tire ajiboarine, quēnaro ajimasibesujarique? Ajimasiboayuma. “Ado bajiro bajiruarāma jud'io masa”, yigotijaja Moisés i ucamasire:

“‘Dios ocare ajimasimena ñaama’ mña yirāre, ‘Yū yarā ñaja mña’, inare yirucija yū. Inajuarē quēnaro yū yisere iacōari, inare jūnisiniruarāja mña’ yami Dios”, yiucamasiñumi Moisés.

²⁰ Isa'ias ñamasir'i quēne, güituoīari mene ado bajiro ucamasiñumi:

“Yūre macamenajua, yūre bujaruarāma. “Diore masiruarāja” yituoīamenajua, yūre masiruarāma’ yami Dios, jud'io masa me ñarāre tuoīagū”, yiucamasiñumi Isa'ias.

²¹ Jud'io masajuare Dios i gotirere ado bajiro ucamasiñumi Isa'ias: “Tocārācarūmne, ‘Yū yarā mña ñasere bojaja yū’, inare yirūgūboacaju yū. Yūre cudibeticōari, yūre oca rētorūgūcama ina’ yami Dios”, yiucamasiñumi Isa'ias.

11

Israelita masare Dios i ñamaire queti

¹ To bajiri, ¿i yarāre jud'io masare inare maitujacoasujari Dios? Bajibeaja. No yigu maitujabecūmi. Yū quēne, jud'io masū ñaja. Yū ñicū ñasur'i ñamasijuju Abraham. To bajiri, i jānami ñamasir'i, Benjam'in ñamasir'i ya jūnagu ñaja yū. ² Tirūmujū, yua jud'io

masare, “Yũ yarã ñaruarãja mũa”, yimasĩnumi Dios. To bajiro yir'i ñari, maitũjabeami. El'ias ñamasir'i Diore ĩ sēnimasire masa ĩna ucamasirere ĩaruarãja mũa. “Jud'io masa yũ yarãre rojose ĩna yise vaja rojose ĩnare yiya” yigũ, ado bajiro yimasĩnumi: ³ Yũ Ʃjũ, yũre ajiya. “Mũre gotirētobosarimasare sãajeocõama ĩna. Mũre ĩna rũcũbuorijũre quēne reajeocõama ĩna. Yũ sīgũne, mũre rũcũbuogũma rũyaja yũ. Yũre quēne sãarũama”, Diore ĩre yimasĩnumi El'ias. ⁴ To bajiro ĩ yisere ajicõari, ado bajiro ĩre cũdimasĩnumi Dios: “Mũ sīgũ me rũyaja. ‘Yũ yarã ñaja mũa’ yũ yirã, siete mil ñarirãcũ rũyaama, yũre rũcũbuorã, Baal vãme cutigure rũcũbuomena”, yimasĩnumi Dios, El'ias ñamasir'ire. ⁵ Yucũre quēne sīgũrĩre jud'io masare yũare ĩamaicõari, quēnaro ĩ yire ñajare, “Yũ yarã ñaja mũa” ĩ yirã ñaja yũa. ⁶ Quēnaro mani yibetiboajaquēne, manire ĩamaicõari, quēnaro ĩ yire ti ñajare, ĩ yarã ñaja mani. To bajiro ti bajijare, “Quēnaro mani yise sũori me, ‘Yũ yarã ñaama’ manire yĩañumi Dios”, yimasiaja mani.

⁷ Ado bajiro bajiyuja jud'io masare: “Rojose mana ñaama” Dios ĩ yĩasere ĩna bojaboajaquēne, Diojũama, “Rojose mana ñaama”, ĩnare yĩabesumi. To yibetiboarine, sīgũrĩre ĩamaicõari, quēnaro ĩ yire ti ñajare, “Rojose mana ñaama” ĩ yĩarã ñari, ĩ yarã ñaja yũa. Gãjerãrema, “Yũre ajiterã ñari, bũtobusa yũre ajiteruarãma”, yiyumi Dios. ⁸ Tire gotiro, ado bajiro gotiaja Dios oca:

“Yũre ajiterã ñari, bũtobusa yũ ocare ajimasibetiruarãma’ yirũcũmi Dios. To bajiro ĩ yijare, ĩ ocare masa ĩna ucamasirere ĩaboarine, ajimasibetiruarãma. Gãjerã ĩ ocare ĩna gotiboajaquēne, ajimasibetiruarãma ĩna”, yigotiaja Dios oca.

ĩ gotiriarore bajirone bajicõa ñaja ti, yũ yarãre. ⁹⁻¹⁰ David ñamasir'i quēne, ado bajiro ucamasĩnumi, Diore ĩ sēnigũ:

“Jud'io masa, boserũmũ yivariquēnaboarã, sũtiritiato, to yicõari, ajimasibetiruarãma ĩnare yiya. Rojose ĩna yise vaja rojose tãmũoruarãma ĩnare yiya. To yicõari rojose ĩna yise vaja, sīgũne bũto rũcũsere juacõari, ĩ tãnivatore bajiro bajiato ĩnare yiya”, Diore ĩre yisēnimasĩnumi David.

Jud'io masa me ñarã, rojose ĩna yise vajare Dios ĩnare ĩ yirētobosare queti

¹¹⁻¹² To bajiri, ¿Jud'io masa Cristo ocare ĩna ajirũabeti vaja, “Yũ yarã me ñaja mũa”, ĩnare yicõa tũjasujari Dios? To bajiro me bajaiaja. Jud'io masa jãjarã ĩre ĩna ajirũabetijare, jud'io masa me ñarãjũa Cristo ocare ajitirũnũnuma. ĩna ajitirũnũjare, rojose ĩna yise vaja rojose tãmũotũjabetiriaroju ĩna vaborotire ĩnare yirētobosayumi. To bajiro ĩ yijama, “‘Quēnaro manire ĩ yiborere ĩnajuare quēnaro yigũmi Dios’ yitũoĩacõari, ‘Manire quēne quēnaro yato Dios’ yirã, yũre ajitirũnũnato jud'io masa” yigũ, jud'io masa mere quēnaro yiyumi Dios. Jud'io masa quēne ĩna ajitirũnũjama, masa jedirore rētoro quēnaro yirũcũmi Dios.

¹³ Jud'io masa mejũare ado bajiro mũare gotiaja yũ: Mũare gotimasiorocũre yũre cõacami Cristo. To bajiri, “Ti moare ñamasuse ñaja” yigũ ñari, yũ masiro cõro quēnaro gotimasiorũgũaja yũ. ¹⁴ Mũare yũ gotimasiojama, yũ yarã jud'io masa, mũare yũ gotimasiosere ajicõari, “Yũare ĩ gotiborotire ĩnajuare gotimasioami’ yirã ñari, ĩna quēne Cristore ajitirũnũnato” yigũ, mũare gotimasioaja yũ. To bajiri, rojose ĩna yise vaja rojose tãmũotũjabetiriaroju ĩna vaborotire ĩnare yirētobosarũcũmi Dios. ¹⁵ Jud'io masa, Cristo ocare ĩna ajirũabetijare, jud'io masa mejũare gotimasioajũ yũ. To bajiri Cristo ocare ajitirũnũrã ñari, adigodoju Diorãca quēnaro ñaama ĩna. Dios ĩ bojariarore bajiro jud'io masa quēne, Cristo ocare ĩna ajitirũnũjama, rētoro quēnarũaroja ti. Tudirijayamanire Dios ĩ catisere sũorã ñaruarãma. ¹⁶ Pan mani quēnorotibũrũayere mojobũrũaca ãmicõari, mani quēnoricare, “Dios yaga ñarũaroja” mani yijama, tiare quēnorũ mani juarũare quēne, Dios ye rĩne ñacõaroja, ĩ ĩajama. Yucũ ñemare, “Dios ya ma ñarũaroja” mani yiboajaquēne, tiũ rũjũri jedirone ĩ ye rĩne ñacõaroja. Abraham ñamasir'ire quēne, “Yũ yũ ñaami”, ĩre yĩamasiĩnumi Dios. To bajiro ĩre yir'i ñari, ĩ jãnerabatia jedirore, “Yũ yarã ñaama”, ĩnare yĩarũcũmi Dios.

¹⁷ Tirũmũjũma, jud'io masa, olivo vãme cuti rũjũre bajiro ñañuma. To bajiro ĩna bajiboajaquēne, tirũjũre jatarocariarore bajiro ĩnare yiyumi Dios, ĩre ĩna ajitirũnũbeti

vaja. M̄ua, jud'io masa mej̄ua, no bojaric̄u yuc̄ú r̄uj̄ure bajiro m̄ua bajiboajaquēne, Jesucristore m̄ua ajitir̄ūnuse suorine ti r̄uj̄ure jataāmiadicōari, olivo vāme cuti r̄uj̄u ī jatarocariar̄uj̄ure vasoaḡure bajiro yiyumi Dios. To bajiro ī yijama, “Sīḡū r̄iare bajiro bajirā ñar̄uarāma” yiḡu yiyumi. ¹⁸ To bajiri, jud'io masa suor̄i Dios ye quēnase b̄jarā ñari, jud'io masare, “Ȳu yarā me ñaama” ī yīar̄are īatebesa m̄ua. “Īna r̄etro quēnarā ñaja ȳua”, yit̄uoīabesa. Ado bajiroj̄ua t̄uoīañ̄a: “Ȳu yarā ñaama’ manire ī yīaroto r̄ijoroj̄ua, jud'io masarema, ‘M̄ua suor̄i masa jedirore quēnar̄uaroja ti’ ĩnare yimas̄iñuju Dios”, yit̄uoīañ̄a m̄ua.

¹⁹ To bajiro m̄uare ȳu yigotiboajaquēne, m̄ua sīḡūri ado bajiro t̄uoīarāja m̄ua: “Yuc̄ú r̄uj̄uri rojosere mani jasurerearore bajirone jud'io masare, ‘Ȳu yarā me ñaama’ ĩnare yīañ̄umi Dios, ‘Gājerā masa ȳu r̄ia ñato’ yiḡu”, yit̄uoīarāja m̄ua. To bajiro yit̄uoīacōari, “Jud'io masa r̄etro quēnarā ñaja mani”, yit̄uoīaboarāja m̄ua. ²⁰ To bajiro t̄uoīar̄e ado bajiro c̄diaja ȳu: Diore ĩna ajitir̄ūnubeti suor̄i, jud'io masare reayumi Dios. To bajiro ĩnare yiboarine, m̄uaj̄uare ī yar̄are bajiro m̄uare ĩaami, ĩre m̄ua ajitir̄ūnuse suor̄i. ĩre m̄ua ajitir̄ūn̄u s̄yabeticōajama, ī yarā me ñaborāja. To bajiri, “Jud'io masa r̄etro ñamasurā ñaja”, yit̄uoīabeticōañ̄a. Dioj̄uare ḡūiia, “Ȳuare quēne rearomi” yirā. ²¹ Jud'io masa ĩre ĩna ajitir̄ūn̄u s̄yabeti suor̄i, rojose ĩna yire vaja ĩnare masir̄ibesumi Dios. Olivo r̄uj̄ure ñas̄uorir̄uj̄u jatarocariarore bajiro ĩnare yiyumi. To bajiri m̄ua jud'io masa me ñarā quēne, ĩre m̄ua ajitir̄ūn̄u s̄yabetijama, to bajirone yir̄uc̄umi. ²² Diore m̄ua teboajaquēne, m̄uare ĩamaicōari, quēnaro ī yirere, to yicōari, jud'io masa, Cristo ocare ĩna ajitir̄ūnubeti vaja “Ȳu yarā me ñaama” ĩnare ī yirere t̄uoīañ̄a. Tire masirā ñari, “Cristore mani ajitir̄ūn̄u t̄ujajama, manire quēne, ‘Ȳu yarā me ñaama’ yīar̄uc̄umi”, yimas̄iña m̄ua. ²³ Jud'io masa quēne, Cristo ocare ĩna ajitir̄ūn̄ujama, ĩnare ĩamaicōari, “Ȳu yarā ñaja m̄ua quēne”, ĩnare yīar̄uc̄umi Dios quēna. ²⁴ Jud'io masa me m̄ua ñaboajaquēne, ĩnare ī yis̄uoriarore bajirone m̄uare ĩamaicōari, “Ȳu yarā ñaama”, m̄uare yīañ̄umi. To bajiro ī yire ñajare, “Quēna ĩre ĩna ajitir̄ūn̄ujama, josari mene, ‘Ȳu yarā ñaama’ ĩnare yīacōaḡūmi, jud'io masare”, yimasire ñaja.

Jud'io masa rojose ĩna yise vajare Dios ĩnare ī yir̄etobosaroti

²⁵ Ȳu mairā, masa ĩna masibeticatire ado bajiro m̄uare gotiaja ȳu: “ ‘Dios yarā ñari, ȳua r̄ine ñaja ī ocare quēnaro riojo ajimasirā’ yibeticōato” yiḡu, ad̄i ocare m̄uare gotiaja ȳu: Adir̄ūm̄uri jud'io masa jājarā ñarāma Cristo ocare ajiterā. Jud'io masa me Cristore ĩna ajitir̄ūn̄ujediro bero, jud'io masa quēne, Cristore ĩre ajitir̄ūn̄uarāma ĩna. ²⁶ ĩna ajitir̄ūn̄ujare, rojose ĩna yise vaja rojose ĩnare ī yiborotire ĩnare yir̄etobosar̄uc̄umi Dios. Tirene, ado bajiro gotiaja Dios ocare masa ĩna ucamasire:

“Sión vāme cuti macaḡu ejar̄uc̄umi, jud'io masa rojose ĩna yisere Dios ī masir̄iose vajare, ĩnare vaja yibosaroc̄u. Rojose ĩna yisere ī suor̄ine yit̄ujacōari, ȳure ajitir̄ūn̄uarāma quēna.

²⁷ Rojose ĩna yisere masiriocōari, ȳu goticatore bajirone yir̄uc̄uja ȳu”, yigotiaja Dios ocare masa ĩna ucamasire.^C

²⁸⁻²⁹ Cristo ī bajire suor̄ine quēnaro Dios ī yisere jud'io masa jājarā ĩna ajir̄uabetijare, ĩnare ĩateḡumi Dios. ĩna ajir̄uabetijare, jud'io masa mej̄uare m̄uare gotimas̄iocaj̄u ȳua. To bajiboarine, jud'io masa ñic̄ua ñamasir̄iar̄are, “Ȳu r̄ia, quēnaro ȳu yirona ñar̄uarāja, m̄ua jānerabatia quēne” ĩnare yir'i ñari, ĩnare maicōa ñaḡūmi Dios. To bajicōari, “Yir̄uc̄uja” ī yir̄iarore bajirone yiḡu ñari, Cristo ī bajirere ĩna ajitir̄ūn̄uro, ĩnare quēne, “Ȳu r̄ia ñaama”, yīar̄uc̄umi. ³⁰ Tir̄ūm̄uj̄uma Dios ocare ajiterā ñañuja m̄ua maji. To bajiro bajiriarā m̄ua ñaboajaquēne, jud'io masa Dios ocare ĩna ajir̄uabetijare, m̄uaj̄uare ĩamaicōari, rojose m̄ua yise vaja rojose m̄ua t̄am̄uoborotire m̄uare yir̄etobosayumi. ³¹ To bajiri yuc̄urema jud'io masa ñaama Dios ocare ajiterā. To bajiro ĩna bajiboajaquēne, m̄uare ĩamaicōari, ī yir̄iarore bajirone rojose ĩna yise vaja rojose ĩna t̄am̄uoborotire ĩnare yir̄etobosar̄uc̄umi Dios. ³² Ado bajiro bajiyuja manire: Jud'io masare, ĩna mere quēne, “Ȳu bojarore

^C 11:27 He 8.8-12. b

bajiro yirã me ñaama”, manire yiñañumi Dios, “Manire rijabosayumi” Jesúre yituoïarãre ñamaicōari, quēnaro ñ yirotire yigũ.

³³ Mani jedirore quēnaro yigũ ñagũmi Dios. ¡Masijeogũ ñagũmi! Ñre bajiro quēnaro yigũ magũmi. Ñimũjuane, ñ tuoïasere, to yicōari ñ yisere quēne masibecũmi. ³⁴ Ado bajiro gotiaja Dios ocare masa ñna ucamasire: “Dios, mani ɸju, ñ tuoïasere masigũ magũmi. Ñre gotimasiogũ magũmi. ³⁵ ‘Quēnaro mani yijare, Dios quēne quēnaro manire yirocu ñagũmi’ yimasibeaja mani”. ³⁶ “Quēnase yure yirũcũbũo variquēnato” yigũ, ñajedirore rujeomasiñumi Dios. To bajiro ñ yire ñaro cōrone cũogũ ñagũmi. To bajiro bajigũ ñ ñajare, quēnase ñre rũcũbũo variquēnatũjabetiroti ñaja, manire. To bajirone bajimũorũgōato.

12

“Dios ñ bojasere yirũgũrũarãja mani”, yire queti

¹ To bajiri, yũ mairã, Dios manire ñ ñamaisere masirã ñari, ñ bojarore bajiro quēnase rĩne yiroti ñaja. To bajiro mani yiñajama, ñre rũcũbũorã yirãja mani. Tire ñavariquēnagũmi Dios. ² Adigodoaye rĩne tuoïarã ñna tuoïarore bajiro tuoïabetiroti ñaja mũare. Mũajuama, Dios ñ ejarēmose rãca ñ bojasere yirũgũña. To bajiro mũa yijama, “Quēnasere, Dios ñ ñavariquēnasere yirã yaja”, yimasirũarãja.

³ Yure ñamaicōari, quēnaro yure yigũ, yure goticudirotiyumi Dios. To bajiri ado bajiro mũare gotiaja yũ: “Mani masune Dios ñ bojasere yimasiaja mani”, yituoïabesa mũa. Ado bajirojũa tuoïaña mũa: “Tocãrãcũre ricatiri rĩne mani yimasirotire ɸjoyumi Dios. To bajiri, ñ ejarēmose rãca yirũarãja”, yituoïaña mũa. ⁴ Mani rujure jairo ñaja. Ñmo, cajea, gãmoru, gũbo, gajeye quēne ñaja, cojo rujũ ñaboarine. Ricati rĩne yaja. Cajea rãca ña, gãmoru rãca aji, ñmo rãca ñmi, gũbo rãca va, bajimasire ñaja manire. ⁵ To bajirone bajiaja Cristore ajitirũnũrãre quēne. Jãjarã ñaboarine, Cristore ajitirũnũrã ñari, cojo rujure bajirone bajiaja mani. To bajicōari, cojo masare bajiro quēnaro gãmerã ejarēmorũgũaja mani.

⁶ Tocãrãcũre ricati rĩne ñ bojarore bajiro mani yimasirotire manire ɸjoyumi Dios. To bajiri ñ ɸjore mani yimasise rãca Cristore ajitirũnũrãre ñnare ejarēmoroti ñaja. “Ñnare yũ gotisere ajicōari, gotirẽtobosarimasa ñato” yigũ, ñna yimasirotire ñnare Dios ñ ɸjore ti ñajama, “Tire manire ɸjoyumi” yituoïacōari, gãjerãre gotimasiroti ñaja. ⁷ “Gãjerãre ejarẽmoato” yigũ, ñna yimasirotire Dios ñ ɸjore ti ñajama, ñnare quēnaro ejarēmoroti ñaja. “Dios ocare ajimasicōari, gãjerãre gotimasioato” yigũ, ñnare ñ ɸjore ti ñajama, “Tire manire ɸjoyumi” yituoïacōari, quēnaro gotimasioroti ñaja. ⁸ “Yure ajitirũnũrã bũtobusa ajitirũnũato” yigũ, ñna gotimasiorotire ɸjoyumi Dios. Tire ɸjoecoriarãma, quēnaro gotimasioroti ñaja. Maioro bajirãre gãjoa ñsigũma, “To bajiro yũ yise vaja yure ejarēmorũarãma ñna” yituoïagũ me, ñsiroti ñaja. Rotirãrema, quēnaro rotiroti ñaja. Maioro bajirãre ejarēmorãrema, variquēnase rãca ñnare ejarēmoroti ñaja.

“Ado bajise ñaroti ñaja Cristore ajitirũnũrã”, yire queti

⁹ Socarãne, “Mũare maiaja”, yitobesa. To yicōari, ñnare mai, ñnare ejarẽmo, rojose yibeti, quēnase rĩne yirũgũña. ¹⁰ Cristore ajitirũnũrã ñari, sũgũ rĩare bajiro bajiaja mũa. To bajirã ñari, quēnaro gãmerã ñamaicōari, rũcũbũoya, “Ñnajũa ñaama ñamasurãma” gãjerã ñnare ñna yĩarũcũbũorotire yirã.

¹¹ Dios ñ bojasere mũa yijama, teyējairãne yibesa mũa. Tocãrãcarũmũne Dios mũare ñ ejarēmose tuoïacōari, variquēnase rãca ñ bojasere quēnaro yirũgũña.

¹² “Õ vecajũ manire quēnaro yirũcũmi Dios” yimasirã ñari, quēnaro variquēnase rãca ñnacōarũgũña mũa. Rojose tãmũoboarine, Diore ajitirũnũcōa ñnarũgũña. Ñre ajitirũnũcōari, “Yũare ejarẽmoña”, ñre yisēnitũjabeja mũa.

¹³ Cristore ajitirũnũrã rojose ñna tãmũojama, ñnare ejarẽmoña. Ejarãre quēnaro yiya.

¹⁴ Rojose mũare yirãre, “Quēnaro ñnare yato Dios” yirã, ñnare sēnibosaya.

¹⁵ Gãjerã quēnaro ñna variquēnajama, ñnare variquēnaejarẽmoña. Gãjerã ñna sũtiriti-jama, ñnare sũtiritiejarẽmoña.

¹⁶ Gãjerã rãca cojo masare bajiro gãmerã ïamaiña. “Ñamasurã ñaja yua”, yituoïabesa. “Ñamasurã me ñaama” gãjerã ña yirãre baba cutiya mua. “Gãjerã rëtoro masirã ñaja yua”, yituoïabesa.

¹⁷ Quênase rïne yirügũña mua, “Quênaro yirã ñaama” masa ña yïarotire yirã. Rojose muare yirãre ñare gãmebesa mua. ¹⁸ Mua yimasiro cõro quênase rïne yiya, “Masa jediro mani rãca quênaro ñato” yirã. ¹⁹ Gãjerã rojose muare ña yiboajaquêne, “Dios rïne ñaami, masa rojose ña yise vaja, rojose ñare yirocũ” yirã ñari, rojose muare ña yijama, ñare yigãmebesa mua. Dios ocare masa ña ucamasire ado bajiro gotiaja: “Yũ ñaja, rojose ña yise vaja, ñare rojose yirocũ”, yigotiaja ti. ²⁰ Gaje vãme, ado bajiro gotiaja, rojose manire yirãre ñare mani yirotire yiro: “Muare ïategũ ï ñiorijajama, bare ïre ecaya. ï idirũajama, ïre ioya. To bajiro ïre mua yijama, rojose muare ï yisere tuoïacõari, muare bũto bojonerucũmi”, yigotiaja Dios oca. ²¹ Gãjerã rojose muare ña yijama, rojose ñare yicõarũaboarine, quênasejuare yicõa ñaña.

13

¹ Dione ñagũmi masa ujarã ñaronare ñare cõrimasũ. ï cõriarã ña ñajare, ña rotirore bajiro quênaro yirügũruarãja mua. ² Dios ï cõrãre cõdimenarema, ña cõdibeti vaja rojose ñare yirucũmi Dios. ³ Quênase yirãrema gũiorã me ñaama ujarã. Rojose yirãjuarema gũiorã ñaama ña. To bajiri quênase rïne yiya mua. Quênase rïne mua yijama, “Quênaro yirã ñaama”, muare yïarũarãma mua ujarã. ⁴ “Masa quênaro gãmerã ejarẽmoato” yigũ, ujarãre cõgũmi Dios. To ï yiboajaquêne, rojose mua yijama, “Rojose yua yise vaja rojose yuare yirũarãma ujarã” yimasirã ñari, ñare gũirũarãja mua. “Rojose yirãre rojose ña yise vaja rojose yure yibosato” yigũ, ñare cõgũmi Dios. ⁵ “Rojose mani yise sũori rojose manire yïroma” yituoïarã ñari, ujarãre cõdirügũruarãja mua. Tiaye rïne, cõdirã me, Gajeye quêne, “Mani cõdisere bojagũmi Dios” yirã ñari, cõdirügũruarãja. ⁶ Masa ujarã Diore moabosarügũama, manire “Quênaro ñato” yirã. To bajiri manire ña moabosase vaja ñare vaja yiroti ñaja.

⁷ Mua ujarã jedirore Dios ï bojarore bajirone quênaro ñare yiroti ñaja. ña vaja taro cõrone ñare vaja yiya. “Gajeye moare ña yise vajare quêne ñare vaja yiya” muare ña yirore bajirone cõdirũarãja mua. To yicõari, quênaro ñare yirucũbuoya.

⁸ Gãjerãre mua vaja mojama, mua vaja mosere vaja yiya. Mua rãcanare ïamaiña. To bajiro mua yijama, Dios ï rotise ñaro cõrone cõdirã yirãja. ⁹ Dios ï rotimasire ado bajiro gotiaja: “Manajo cutirã, manajũ cutirã, manajo mana, manajũ mana quêne, gãjerã rãca ajeriarã cutibesã. Sïabesa. Juarudibesã. Gãjerã ye gajeyeũnire bojaïabesa”, yigotiaja Dios ï rotimasire. To bajicõari, gajeye ñarẽmoaja Dios ï rotimasire. Tire cojo vãme muare gotigũagũ yaja yũ. Cojo vãme ti ñaboajaquêne, tire quênaro mani cõdirã, Dios ï rotise ñaro cõrone cõdirã yirãja mani. ï rotimasire ado bajiro yaja: “Mũ masu rujũre mũ mairone bajirone mũ rãcanare maiña”, yigotiaja Dios ï rotimasire. ¹⁰ Mani rãcanare mani maijama, rojose ñare yimenaja. To bajiro mani yijama, Dios ï rotise ñaro cõrone cõdirã yirãja mani.

¹¹ Tirũmũju Cristo ï bajirere ajisũorãjũne, “Tudiejacõari, quênaro manire yirucũmi”, yicõasũoyuja mani. To bajiri yucũrema, “ï tudiejarotirũmũ cõñadiaja” yimasirã ñari, tire tuoïatũjamenane, bũtobũsa Dios ï bojarore bajiro yito mani. ¹² Cristo ï ejarotirũmũ cõñacoajũ. To bajiri vãti ï bojasere ña yirirodori jedicoato yaja. To cõrone rojose yirãre rearucũmi Cristo. Tire masicõari, “Cristo manire ejarẽmoato” yirã, ïre sãnito mani, “Rojose yirũaboarine, tire yibeticõari, ï bojasejuare yirãsa mani” yirã. ¹³ To bajiro mani bajijama, quênase rïne yirũarãja mani. Boserũmuri ñaro idimecũcõari, avasãmecũcũdirãre bajiro bajibetiroti ñaja manire. Manajo cutirã, manajũ cutirã, manajo mana, manajũ mana quêne, gãjerã rãca ajeriarã cutibetiroti ñaja. Gãmerã oca rëtoeticõato. Gãjerã ña yisere ïajũnisinibeticõato mani. ¹⁴ Ado bajirojua yirã ñato mani: “Mani uju Jesucristo manire ejarẽmoato” yirã, ïre sãnirügũto mani. ïne

ñagūmi manire ejarēmogū, “Rojose yiroma” yigu. To bajiri ī ejarēmose ti ñajare, rojose yiruaboarine, tire yibetiruarāja mani.

14

“Cristore ajitirūnūrā ñari, gāmerā ajirūcubuo to mani”, yire

¹ “Cristo yure ejarēmogūmi” yituoīgū ñaboarine, tuoīgūigūrema, quēnaro ĩre yiya. “Ado bajiro yiroti ñaja” ī yisere ajicōari, “Bajibeaja. Ado bajirojua yiroti ñaja, mure”, ĩre yi oca rēto besa. ² Sīgūri, Cristore ajitirūnūrā, “Bare vāme cuti ñaro cōrone mani bajama, quēnaja”, yituoīaama ĩna. Gājerāma, “Cristo manire ejarēmogūmi” yituoīarā ñaboarine, “Vaibucu rii mani bajama, quēnabetoja” yituoīgūicōari, bamenama ĩna. ³ Bare jediro barājua, “Mani bajama, quēnabetoja” yigūirāre, “Tuoīamasimena ñaja mua”, ĩnare yibetiroti ñaja. Bamenajua quēne, jediro barāre, “Rojose yirā yaja mua”, ĩnare yīñagōjaibesa, “Īna quēne, yu rīa ñaama” Dios ī yirā ĩna ñajare. ⁴ Cristore ajitirūnūrā, Dios ī rotirā ñaja mani. To bajiri sīgūri ĩna bajisere ĩacōari, “Quēnaro yaja mua. Ado yua rāca ñaña”, ĩnare yirā ñaboarine, ricati tuoīarārema, “Quēnaro yibeaja mua. Gajeroju vasa”, ĩnare yibetiroti ñaja. Dios sīgūne ñaami ti ũnire yimasigūma. To yicōari ī rotirāre ejarēmogūmi, “Yu rāca ñacōa ñato ĩna” yigu. To bajiri ricati tuoīarāre quēne, “Yu rāca ñacōa ñato”, ĩnare yimasigūmi.

⁵ Sīgūri, Cristore ajitirūnūrā ado bajiro tuoīaama ĩna: “Cojorūmune, gajerūmuri rētoro ñamasurirūmu Diore rūcubuoariūmu ñaja”, yituoīaama. Gājerā Cristore ajitirūnūrā, ado bajiro tuoīaama: “Tocārācarūmune Diore rūcubuoaroti ñaja”, yituoīaama ĩna. To bajiboarine ricati rīne mua tuoīase, no yibeaja. Diore mua sēnise ñaja ñamasusema, “Ī boasere yaja” mua yimasiro tire yirā. ⁶ Sīgū ñagūmi, “Adirūmu ñaja ñamasurirūmu Diore rūcubuoariūmu” yigu. Mani ĩjūre Diore rūcubuoogūmi. Gājima, “Bare vāme cuti ñaro cōrone mani bajama, quēnaja” yigu ī bajama, “Quēnaro yaja mu”, Diore yigūmi. Gāji, vaibucu rii babecu ñaboarine, gajeye bare bañagūne, “Quēnaro yaja mu”, Diore yirūcubuoogūmi ī quēne.

⁷⁻⁹ Cristore ajitirūnūrā, mani masune tuoīacōari, yirā me ñaja mani. Ado bajiro bajiaja: Sīaeco boarine, tudicaticoasumi Cristo, ĩna catijaquēne to yicōari ĩna rijacoajaquēne, “Īna ĩju ñarucūmi” Dios ī yijare. To bajiri adigodo mani catiñaro cōro, mani rijato beroju quēne, “Yu masune rotiaja. Gāji yure rotibeami”, yimasiña manija. Cristo yarā ñari, mani rijato beroju quēne ī yarā ñacōa ñaruarāja mani. To bajiri, Cristo ī bojase rīne yicōa ñaroti ñaja.

¹⁰ To bajiro ti bajiboajaquēne, ĩno yirā, “Rojose yaja mua”, mua yarāre ĩnare yīñagōjai coderūgūati? To yicōari, ĩno yirā mua yarāre, “Tuoīamasimena ñaja mua”, yīiateati mua? Mani ñaro cōrone, Dios ī ñaroju ejarona ñaja mani. To bajiri, “Ānoa ñaama quēnase yicana. Ānoa ñaama rojose yicana”, yīābeserucūmi. To bajiro ī yiro tire masirā ñari, gājerā Cristo yarāre, “Rojose yaja mua”, yīñagōjaibesa. ¹¹ Ado bajiro gotiaja Dios oca Isa'ias ī ucamasire:

“Socu me yaja yu. Ado bajise bajiruaroja ti, masa jedirore: Yu ĩaro rījorojua yure rūcubuoarā, gūsomuniari tuetucōari, “Masa ĩna yisere masigū ñaja mu”, yure yiruārāma ĩna’, yami mani ĩju”, yiu camasiñumi Isa'ias.

¹² To bajiro ī yimasire ñajare, “Tocārācūne, ĩna yire jedirore Diore ĩre gotiruarāma ĩna”, yimasiaja mani.

¹³ To bajiri, “Rojose yaja mu” gāmerā yīñagōjaibetiruarāja mani. Tire yibeticōari, “Mani rācanare rojose ĩnare ũmato yirobe” yirā, quēnase rīne yito mani. ¹⁴ Yu, mani ĩju Cristo ī gotimasiocatire ajicacu ñari, ado bajiro yaja yu: “Bare vāme cuti ñaro cōrone mani bajama, quēnaja”, yimasiaja yu. To bajiro yu yiboajaquēne, ñarāma gājerā Cristore ajitirūnūrā, “Vaibucu rii yu bajama, rojose yigu, yiguja yu”, yituoīarāma. ¹⁵ “Vaibucu rii yu bajama, quēnabetoja” yigu ñari, muajua tire mua baro ĩacōari sutiritigūmi. To bajiro ī bajisere masirā ñaboarine, mua bacōa ñajama, “Mure maibeaja” yirāre bajiro yirāja mua. Mua rī mere, gājerāre quēne rijabosagu bajiyumi Cristo. To bajiri

sīgū, Cristore ajitirūnugū, “Vaibucu rii yu bajama, rojose yigu yaja” ī yisere ajicōari, vaibucu riire babeja. “Mani basere ī bajama, ‘Rojose yigu yaja yu’ yituoīacōari, rojose tāmūotūjabetiriaroju vatomi” yirā, tire babetiruarāja mūa. ¹⁶ To bajiri, “Mani yise quēnase ti űaboajaquēne, tire īacōari, ‘Rojose yirā yama’ gājerā manire yīarāma” mūa yimasijama, tire yibeticōaņa. ¹⁷ Mani barotire, mani idirotire buto tuoīaroti me űaja. Mani űju ī bojarore bajiro quēnaro mani yisejuare tuoīaroti űaja. To yicōari, Esp'iritu Santo manire ī ejarēmose suorine gājerā mani rāca quēnaro īna variquēnarotijuare tuoīaroti űaja, manire. ¹⁸ Esp'iritu Santo ī ejarēmose suorine Cristo ī bojarore bajiro quēnaro mani yijama, “Quēnaro yirā űaama”, manire yīavariquēnagūmi Dios. To bajicōari, masa quēne, “Quēnaro yirā űaama”, manire yīaruarāma īna.

¹⁹ To bajiri butobusa ī bojarore bajiro mani yijama, gāmerā ejarēmorā yirāja mani, “Jediro Cristo ī bojarore bajiro yirā űarāsa mani” yirā. ²⁰ To bajiri sīgū, Cristore ajitirūnugū, mūa baroti űaboasere īacōari, “Babetiroti űaja” ī yijama, tire babetiruarāja mūa. “Mani basere ī bajama, ‘Rojose yigu yaja yu’ yituoīacōari, rojose tāmūotūjabetiriaroju vatomi” yirā, tire babetiruarāja mūa. Mani base jediro quēnase rīne űacōaja. To bajiboarine mani rācagu Cristore ajitirūnugū, “Vaibucu rii yu bajama, rojose yigu yaja” ī yīasere, mani bajama, rojose īre yiorāre bajiro yirāja mani. ²¹ Mani rācagu Cristo yu, mūa basere, űye oco mūa idise, to yicōari, gajeye no bojase mūa yisere īacōari, ī quēne ī yijama, “Rojose yigu yaja”, yituoīagūmi. To bajiro tuoīagū ī űajare, to bajiro mūa yijama, rojose īre yiorāre bajiro yirāja mūa. ²² To bajiri, “Bare vāme cūti űaro cōrone mani bajama, quēnaja”, “Mani bajama, quēnabeaja” mūa yituoīasere, gāmerā gotimenane, Dios sīgūrene mūa tuoīasere gotiroti űaja. “To bajiro yua yisere īacōari, ‘Quēnaja’ yīagūmi Dios” yirāma, variquēnarāma. ²³ “Yua bajama űDios ī bojabetire yirojari yua?” yīboarine īna bacōajama, rojose yirā yirāma. To bajirone bajiaja. “Dios ī bojabetire yirā yaja” yīboarine, mani yijama, manire quēne rojose űaroja.

15

“Mani űaroti rīne tuoīaroti me űaja”, yire queti

¹ “Cristo yuare ejarēmogūmi” yituoīarā űaboarine, tuoīagūirāre, “To bajiro mūa bajise quēnabeaja” īnare yimenane, īnare rūcūbuocōaņa. Mūa űaroti rīne tuoīamenane, tuoīagūirāre īnare ejarēmoroti űaja. ² Mani rācana Cristore ajitirūnrā, gājerā īre ajitirūnrā űaboarine, tuoīagūirā quēne, īnare ejarēmoroti űaja, “Butobusa Cristore ajitirūncōari, variquēnase rāca quēnaro űato īna” yirā. ³ Cristo adigodo ejacōari, ī yiriarore bajiro yito mani. Ī sīgūne ī variquēnarotire bojagu me űaņumi. Mani variquēnarotijuare bojagu űari, buto rojose tāmūoņumi, manire ejarēmogū. To bajiri, ado bajiro gotiaja Dios ocare masa īna ucamasire: “Rojose yirā, mure īna rūcūbuobetijama, yūrene rūcūbuomena yicama”, yigotiaja Dios ocare masa īna ucamasire, Cristo ī jacure Diore ī yirere yiro. ⁴ Jediro Dios ocare masa īna ucamasire quēnaro manire gotimasioaja ti. To bajiri tire mani buejama, quēnaro gotimasioacōa űaruarāja mani, “Butobusa Cristore ajitirūnūato īna” yirā. To bajiri, “Ō vecaju manire quēnaro yirucūmi Dios” yimasirā űari, variquēnacōa űaruarāja mani. ⁵ Dios manire ejarēmoami, “Īna rācanare gotimasioacōa űaruarāma” yigu. “Yūre ajitirūncōa űato” yigu, mani variquēnarotire cōaami. To bajiri, butobusa mūare ejarēmoato Dios, mūa gāmerā mairōtire yigu. To bajiro ī yijama, Jesucristo ī bojarore bajiro yirā űaruarāja mūa. ⁶ To bajiro manire ī ejarēmoare, mani űaro cōrone mani űjūre Jesucristo jacure īre rūcūbuo variquēnaruarāja mani.

Jud'io masa mere Cristo ī bajirere īna gotimasiore queti

⁷ To bajiri, “Yū yarā űaja mūa” Cristo mūare ī mairiarore bajirone gāmerā maiņa mūa. Mūa gāmerā maisere īacōari, “Dios suorine bajiaja” yirā űari, “Quēnagū űagūmi Dios”, īre yiruarāma masa. ⁸ Adi macarucurojūre jud'io masare īnare ejarēmogū vayumi Cristo. Yua űicūare, “ ‘To bajiro bajiruroja’ īnare ī yimasiriarore bajirone yigu űaami Dios’ yimasioato īna” yigu, yuare ejarēmoņumi. ⁹ Jud'io masa rī mere ejarēmogū vagū

bajiyumi Cristo. Jud'io masa mere quēne ejarēmogū bajiyumi. “Masare Dios ĩ ĩamaisere masicōari, ĩre quēnaro r̄cub̄no variquēnato jud'io masa, jud'io masa me quēne” yigū, vayumi Jesús. To bajisene gotiaja Dios ocare masa ĩna ucamasire:

“Jud'io masa me, yū rāca m̄re yivariquēnato ĩna’ yigū, varuc̄ja yū. Yū s̄orine m̄re yir̄cub̄nocōari, basaruarāma ĩna”, yigotiaja Dios ocare masa ĩna ucamasire, Cristo ĩ jacure ĩ gotirere yiro.

¹⁰ Quēna gajeye ado bajiro gotiaja Dios ocare masa ĩna ucamasire:

“M̄a jud'io masa me, Dios yarā jud'io masa rāca cojo masare bajiro variquēnaruarāja m̄a”, yigotiaja Dios oca.

¹¹ Gajeye quēne ado bajiro gotiaja ti:

“Jud'io masa, ĩna me quēne, masa jediro ĩre r̄cub̄no variquēnaruarāja m̄a”, yigotiaja ti.

¹² Isa'ias ĩamasir'i quēne ado bajiro ucamasiñumi:

“Isa'i jānami s̄igū ruyuaruc̄mi, jediro masa ĩjū ĩaroc̄. ĩre ajitir̄n̄cōari, ĩ s̄orine Diorāca quēnaro ĩarūḡuarāja mani’ yiruarāma ĩna”, yucamasiñumi Isa'ias.

¹³ “Cristo s̄orine Diorāca quēnaro ĩarūḡuarāja” yit̄oĩamasirere manire cōagū ĩagūmi Dios. ĩrene ado bajiro m̄are sēnibosaja yū: “M̄re ajitir̄n̄r̄tuacōari, quēnaro variquēnarā, m̄ rāca quēnaro ĩacōa ĩnato ĩna’ yigū, ĩnare ejarēmoña. To yicōari, ‘Esp'iritu Santo ĩ ejarēmose rāca butobusa tire masiato ĩna’ yigū, ĩnare ejarēmoña”, Diore m̄are yisēnibosaja yū.

“Diore gotir̄etobosagū yū ĩarotire Dios ĩ cōar'i ĩnari, m̄are ucacōagū yaja”, Pablo ĩ yire queti

¹⁴ Yū mairā, “Quēnaro yirā ĩarāma ĩna. Cristo ocare quēnaro masirā ĩnari, quēnaro gāmerā gotimasiarā ĩarāma ĩna”, m̄are yimasaja yū. ¹⁵ To bajiro m̄a bajisere masigū ĩaboarine, papera rāca quēnaro riojo m̄are gotiaja yū. “Tir̄m̄jū m̄a ajirere masiritibeticōato” yigū, m̄are ucacōaja yū. Dios yure ĩamaicōari, ĩ ocare gotir̄etobosagū yū ĩarotire ĩ bojacati ĩajare, m̄are ucaja yū. ¹⁶ “Jesucristo ĩ bajirere jud'io masa mere gotimasiato” yigū, yure cōacami Dios. To bajiro ĩ yicati ĩajare, yū gotimasiore ajicōari, Cristore ajitir̄n̄uama jud'io masa me ĩarā. ĩre ajitir̄n̄r̄ ĩnari, Esp'iritu Santo ĩ ejarēmose rāca “Rojose mana ĩaama”, Dios ĩ yīarā ĩnari, ĩ yarā ĩaama.

¹⁷ To bajiri, “Dios ĩ boasere yigū, Jesucristo s̄orine quēnaro moaja”, yivariquēnaja yū. ¹⁸⁻¹⁹ Jud'io masa mere yū gotimasiojama, yū masune t̄oĩacōari, gotigū me yaja. Cristo, ĩ ejarēmose rāca gotimasioaja yū. Tire ajicōari, Cristo ĩ ejarēmose rāca quēnaro yū yisere ĩacōari, to yicōari, Esp'iritu Santo s̄orine ĩaĩañamani yū yīosere ĩarā ĩnari, “Yure ejarēmoruc̄mi Cristo”, ĩre yit̄oĩasuc̄ama ĩna. To bajiri, Jerusalénjune Cristo ĩ bajirere gotisuc̄ac̄, gaje macarire quēne goticudigū r̄ine, Iliria sitajū gotiejocajū yū. ²⁰ “Cristo ĩ bajirere gotimasioñamana ĩna ĩarojure, gotimasioigū varuc̄ja”, yit̄oĩa vadirūḡuc̄ajū yū. Gājerā ĩna goticōariarorema gotimasioigū varuc̄abeticajū yū. ²¹ To bajiro yū bajirotire yiro, ado bajiro gotiyuja, Dios ocare masa ĩna ucamasire:

“Cristo ĩ bajirere masibetiriarā, gotimasio ecoruarāma.

To bajiri, tire ajimasiruarāma”, yigotiyuja ti.

Romajū Pablo ĩ varua t̄oĩare queti

²² To bajiri, Cristo ĩ bajirere gotimasioñamana ĩna ĩarojure gotimasiojudigū ĩnari, m̄a t̄re varuc̄abarine, vabetirūḡuc̄ajū yū maji. ²³ Tir̄m̄jūne m̄a t̄ varuc̄acōa ĩacajū yū. To bajiro bajiruarūḡuc̄ac̄ ĩnari, adi sitanare ĩnare gotimasiojeocōari, m̄a t̄jūna varua t̄oĩaja yū yuja. ²⁴ Espaňajū vacū m̄are ĩarētoaruc̄ja yū. To bajiri m̄a rāca yoaro variquēnacōa ĩaruc̄agū ĩaboarine, yoaro m̄a rāca ĩabetiruc̄ja yū, bajigujūma. To bajiboarine m̄a ejarēmose bojaja yū, Espaňa yū ejamasirotire yigū. ²⁵ To bajiro yū bajiroto r̄joro Jerusalénjū vacoac̄u yaja maji, Cristore ajitir̄n̄r̄are ĩnare ejarēmoguc̄ac̄. ²⁶ Cristore ajitir̄n̄r̄, Macedonia vāme cuti sitana, Acaya vāme cuti sitana quēne, ado bajiro t̄oĩañujarā ĩna: “Jerusalén macana, Cristore ajitir̄n̄r̄ maioru bajirare gājoa rāca ĩnare ejarēmoto mani”, yit̄oĩañujarā ĩna. To bajiro yit̄oĩariarā, ĩna ĩsirere juacōari,

Jerusalén macanare ĩsiguacu yaja yu. ²⁷ ĩna masune tuoĩacõari, “Īnare ejarẽmoto mani”, yituoĩañujarã ĩna, jud'io masa me ñaboarine. Jud'io masa suorine, jud'io masa mere, Dios yarã ĩna ñase ejayuja ti. To bajiri jud'io masare maioro bajirãre ejarẽmoroti ñaja. ²⁸ To bajiri Jerusalén macanare gãjoa ĩnare yu ĩsiro bero, Espaňaju vacu, muare ĩarẽtoarucuja yu. ²⁹ “Mua tu yu ejaro, mani ñajediro mani variquẽnarotire cõarucami Cristo”, yimasijaja yu.

³⁰ Yu mairã, Jesucristore ajitirũnurã ñaja mua. To bajicõari, Esp'iritu Santo suorine gãjerãre ĩamairã ñaja. To bajiri yu bajisere tuoĩacõari, Diore yure sēniejarẽmoña yaja yu. ³¹ “Judeana Cristo ĩ bajirere yu gotisere ajiterã rojose yure yiroma” yirã, Diore yure sēniejarẽmoña. To yicõari, “Jerusalén macana, Cristore ajitirũnurã gãjoa yu ĩsirotire variquẽnase rãca boca juato ĩna” yirã, Diore yure sēniejarẽmoña. ³² To bajiri Diore yure mua sēniejarẽmojama, variquẽnase rãca mua tũju ĩagũ ejarucuja yu, Dios ĩ bojajama. Mua tũju eja, mua rãca quẽnaro usũsãjarucuja yu. ³³ Dios, quẽnaro mua ñarotire muare ejarẽmoato ĩ. To bajirone bajiato.

16

Pablo ĩ quẽnaroticõare queti

¹ Febe vãme cutigore mua tu sore cõagũ yaja yu. Dios suorine Cristore ajitirũnugõ ñaamo so. Cristore ajitirũnurã Cencrea vãme cuti macana rãca Diore moabosarimaso ñaamo so. ² Sone ñaamo jãjarã Cristore ajitirũnurãre quẽnaro ejarẽmorio. Yure quẽne ejarẽmorũgũmo. To bajiri mua tu so ejaro, “Mani ujure ajitirũnugõ ñaamo so quẽne” yimasirã ñari, so bojase cõro sore yirẽmoña, “Cristore ajitirũnurã ñaja mani” yirã.

³ Yure bajiro Jesucristo ocare gotimasiarã ñacana, Prisca, so manaju Aquila, quẽnato ĩna. ⁴ “Īre mani ejarẽmojama, manire quẽne sãarãma” yimasiboarine, yure ĩna sãaborotire yirẽtobosacama ĩna. To bajiri, “Quẽnaro yure yicaju mua”, ĩnare yiucacõaja yu. Yu sãgũ mere, “Quẽnaro yirã yicaju mua”, ĩnare yaja yu. Yu sãgũ me to bajiro muare yicõaja yu. Jud'io masa me, tocãrãca macariana Cristore ajitirũnurã quẽne, yirũgũama. ⁵ Quẽnato Cristore ajitirũnurã Aquila ya vi rẽjarũgũrã. Quẽnato yu maigũ, Epeneto quẽne. ĩ ñaami Asia sitagu Cristore ajitirũnũsuor'i. ⁶ Mar'ia, quẽnato, bũto muare ejarẽmorio quẽne. ⁷ Yu yarã, Andrõnico, Junias quẽne quẽnato. ĩna rãca tubiberiaviju ñacaju yu. ĩna ñacama yu rĩjoro Cristore ajitirũnũsuoriarã. Cristo ocare ajitirũnurã ĩna cõarã rẽtoro quẽnaro yicudiyuma ĩna.

⁸ Quẽnato yu maigũ Ampliato quẽne. Mani ujure ajitirũnugũ ĩ ñajare, ĩre bũto maiaja yu. ⁹ Gãji, yure bajiro Cristo ocare gotimasiogũ, Urbano vãme cutigu, quẽnato. To bajicõari, yu maigũ Estaquis quẽne, quẽnato. ¹⁰ Apeles quẽne, quẽnato. Rojose tãmuoarine, Cristore ajitirũnũcõa ñacami. Aristõbulo, to yicõari ĩ ya viana quẽne, quẽnato. ¹¹ Yu yu Herodiõn quẽne, quẽnato. Mani uju Cristore ajitirũnurã Narciso ya viana, quẽnato. ¹² Trifena, to yicõari, Trifosa quẽne quẽnato. Mani uju Cristore bũto moabosarimasa ñaama. Mani maigõ Pẽrsida quẽne, quẽnato. So quẽne, mani uju Cristore bũto moabosacamo. ¹³ Rufo quẽne quẽnato. Cristore quẽnaro ajitirũnugũ ñacami. ĩ jaco quẽne quẽnato. Sone ñacamo, yu jacore bajiro yure maicaco. ¹⁴ To yicõari, As'incrito, Flegonte, Hermes, Patrobas, Hermas, ĩna rãcana quẽne, Cristore ajitirũnurã jediro quẽnato. ¹⁵ Filõlogo, Julia, Nereo, to yicõari, ĩ bedeo quẽne, quẽnato. Olimpã, to yicõari, ĩna rãcana Cristore ajitirũnurã jediro quẽnato.

¹⁶ Cristo suorine cojo masare bajiro bajirã ñari, quẽnaro gãmerã yisēniãa, yĩñaña mua. Adoana, Cristo ocare ajitirũnurã jediro, muare quẽnaroticõama ĩna.

¹⁷ Yu mairã, gajeye ado bajiro muare gotimasioaja yu: Mua rãcana sãgũri ricati ĩna gotijare, sãgũre bajiro tuoĩamenaja mua. Cristo oca mua ajiriarore bajiro me bajiaja ĩna yisema. To bajiri ĩnare cãmotadicõaña. ¹⁸ Mani uju Cristo ĩ bojasere yirã me ñarãma ĩna. ĩna tuoĩarore bajiro yirã ñari, socarãne quẽnaro gotitorãma. To bajiri socase ĩna gotisere ajitirũnurãma, quẽnaro tuoĩamasimena. ¹⁹ Muarema, ĩnare bajiro mua bajibetijare, “Īna ujarãre quẽnaro cũdirã ñaama”, yama masa, muare. To bajiro mua

bajisere ajivariquēnaja yu. To bajiri, quēnase rīne m̄ua yisere bojaja yu. ²⁰ Quēnaro mani ñarotire cōagū ñaami Dios. To bajiro yigu ñari, vātia ujure ĩre cūdaabogure bajiro yirucumi, “Socarimasa ĩna gotiboasere ajibeticōato ĩna” yigu. To bajiri, “Quēnaro ĩnare yiya” mani uju Jesucristore m̄uare yisēnibosaja yu.

²¹ Yu baba, Cristo ocare gotimasioḡū, Timoteo vāme cutigu, m̄uare quēnarotiami. Yu yarā Lucio, Jasón, Sos'ipate quēne, m̄uare quēnarotiama.

²² Yu Tercio, Pablo ĩ rotirore bajiro adi paperare ucabosagu quēne, mani uju Cristore ajitirūnugū ñari, m̄uare quēnarotiaja yu.

²³ Gayo quēne, m̄uare quēnarotiami. ĩ ya vijune ñacōari, Cristore ajitirūnura rējarūḡūaja. Erasto adi macajure ḡājoa codebosarimasu quēne, m̄uare quēnarotiami. Cristo suorine mani yu, Cuarto vāme cutigu quēne, “Quēnato”, m̄uare yami.

²⁴ To bajiri, “Quēnaro ĩnare yiya”, mani uju Jesucristore m̄uare yisēnibosaja yu. To bajirone bajiato.

“Diore rūcubuo variquēnato mani”, yire queti

²⁵ Diore rūcuburā ñari, “Quēnaro yigu ñaami. Rētoro masigū ñaami”, Diore yirucuburoti ñaja. ĩ ocare quēnaro m̄ua ajitirūnujama, “Manire ejarēmogūmi Cristo” m̄ua yituoīarotire cōarucumi Dios. ĩ ocare gotimasiorūḡūaja yu, masa rojose ĩna tām̄oborotire Cristo ĩ yirētobosarere. Tirūmujuma ti ũnire gotimasio ecobesuja maji. ²⁶ To bajiboarine, Diore gotirētobosariarā ĩna ucamasirere ajicōari, “To bajise bajirotire gotiro yaja”, yimasibesuma. Adirūmurirema, “‘Cristo ĩ rijabosare ti ñajare, “Quēnarā ñaama”, manire yīḡūmi Dios’, masa jediro yure yimasiato” yigu, ti oca mani ajimasirotire manire cōañumi Dios, adi macarucuroju ñacōa ñarūḡūḡū.

²⁷ ĩ ñagūmi jediro masigū. ḡāji ĩre bajiro bajigu magūmi. Jesucristo manire ĩ codese suorine ĩre yirucubuo variquēnacōa ñato mani. To bajirone bajiato.

To cōrone ñaja.

Primera carta de San Pablo a los CORINTIOS

Corinto vāme cūti macana, Cristore ajitirūnūrāre Pablo ī ucacōare queti

¹⁻³ Adi quetire mūare cōagū, Pablo vāme cūtigū ñaja yū. ¿Ñati mūa, Corinto macana, Dios sūori ī macū ocare ajitirūncōari, rējarūgūrā? Jesucristo ī rijabosare ñajare, “Rojose mana ñaama” yicōari, “Yū rīa ñaama” Dios ī yīārā ñaja mūa. Sóstenes rāca ñacōari, mūa rī mere ucaja yūa. “Mani ũjūre Jesucristore sēnirā jediro, adi quetire ajiato” yirā, ucaja yūa. Mūare quēnarotirā, mani jacū Diore, to yicōari, Jesucristo, mani ũjūre, ado bajise mūare sēnibosaja yūa: “Quēnaro mūa rāca īna ñarotire yirā, īnare ejarēmoña”, mūare yisēnibosaja yūa. Dios ī bojarore bajiro yūre cōacami Jesucristo, “Yū sūorine yū jacū quēnaro ī yise quetire gājerāre gotimasiodiuya mū” yigū.

“Mūa bajisere tūoīacōari, ‘Quēnaro yaja mū’ Diore yaja yū”, Pablo ī yire queti

⁴ Tocārācājine Dios, mani jacūre sēnigū, mūare quēnaro ī yisere tūoīacōari, “Quēnaro yaja mū”, īre yivariquēnarūgūaja yū. Jesucristore ajitirūnūrā mūa ñajare, quēnaro mūare yirūgūami Dios. ⁵ Īre ajitirūnūrā mūa ñajare, ī oca jediro quēnaro riojo ajimasicōari, mūa gotimasiorotire, to yicōari, ī bojarore bajiro mūa yimasirotire yigū, mūare ũjoyumi Dios. ⁶ To bajiro mūare ī yire ñajare, Cristo ī bajirere mūare yūa gotimasiosere ajicōari, “Socase me ñaja”, yicajū mūa. ⁷ Ñajediro mūa yimasiroti mūare ī ũjore ti ñajare, mani ũjū Jesucristo ī tudiejarotire yurāre, ñie ruyabetoja, mūare. ⁸ “Yūre quēnaro ajitirūncōa ñato” yigū, mūare ejarēmorūcūmi. To bajiri, Jesucristo ī ejarirūmūre, ñimūjūane, “Rojose yirā ñaama”, mūare yimasigū manirūcūmi. ⁹ “‘Yirūcūja’ ī yirore bajiro yigū ñari, manire ejarēmorūcūmi Dios”, yimasajaja mani. Ī ñaami, “Jesucristore ajitirūnūrā” yirere manire cōagū. To bajiri ī ejarēmose sūorine mani ũjū, Cristore ajitirūnūrā ñari, quēnaro gāmerā baba cūtirūgūaja mani.

Corinto macana ricati rīne īna tūoīare queti

¹⁰ Yū mairā, yū gotirore bajiro yirā ñaboarine, gajeye mūa yise quēnabeaja. Mani ũjū, Jesucristore yibosagū, ado bajiro mūare yaja yū: Rojose mūa yijama, “Jūaji rojose yimenasa mani” yicōari, sīgūre bajiro tūoīaña. ¹¹ “To bajiro yama Corinto macana” Cloé yarā īna yisere ajicōari, to bajiro mūare yaja yū. ¹² Ado bajise yūre gotiama: “Sīgūri, ‘Pablōre ajisūyarā ñaja yūa’, gājerāma, ‘Apolore ajisūyarā ñaja yūa’ yama. Gājerāma, ‘Pedrore ajisūyarā ñaja yūa’, gājerāma, ‘Cristore ajisūyarā ñaja yūama’ yama”, yūre yigotiama Cloé yarā. ¹³ ¿No bajiro yirā to bajise ñagōjaiati mūa? “Mani ũjū Cristo sīgūne ñaami” yirā ñaboarine, “Jājarā ñaama mani ũjarā” yisocarāre bajiro yīñaja mūa. ¿Yū, Pablone rojose mūa yire vajare yirētobosagū, yucūtērojū rijabosayujarique yū? “Pablōre ajitirūnūrā ñaja yūa” yirā me, oco rāca bautiza ecoyuja mūa. ¹⁴⁻¹⁵ “Crispo vāme cūtigū, to yicōari, Gayo vāme cūtigū, īna rīne ñacama oco rāca yū bautizacana”, yitūoīaja yū. To bajiri mūa rācana, “Pablōre ajitirūnūrā ñaja yūa”, yimasirā manama. Tire tūoīacōari, “Tocārācūne ñacama yū bautizacana”, Diore īre yivariquēnaja yū. ¹⁶ Estēfnas ya viana quēne ñacama oco rāca yū bautizacana. To cōrone yiriaja yū. ¹⁷ “Oco rāca masare īnare bautizacudiaya” yigū me, yūre cōacami Cristo. “Yū sūorine Dios quēnaro masare ī yisere gotimasiodiuya” yigūjūa, cōacami. “‘Quēnaro ī gotimasiojare, īre ajitirūnūrā yūa’ yato” yigū, me yūre cōacami. To bajiro īna yijama, “‘Yucūtērojū rojose mani yise vajare yirētogū, manire rijabosayumi’ yitūoīarā me ñarūarāma”, yūre yicami Jesucristo.

“Jesucristo manire ī rijabosare, ñamasuse oca ñaja”, yire queti

¹⁸ Yucūtērojū Cristo ī rijabosarere ajicōari, “Socase ñaja”, yitūoīaama rojose tāmūotū-jabetiriarojū varona. Dios tūjū varonajūama, ti quetire ajicōari, “Masijeogū ñaami Dios. Ī sīgūne ñagūmi rojose mani tāmūoborotire yirētobosarocū”, yitūoīaama. ¹⁹ Tire bajirone gotiaja Dios oca masa īna ucamasire:

“Masirã ñaja yua’ yirãre masimenare bajiro ñinare yirucuja yu, yure ñina masirotire yigu”, yigotiaja Dios oca masa ñina ucamasire.

²⁰ To bajiri, “Dios ï rotimasire riojo gotimasiorã ñaja yua” yirãre, to yicõari, gãjerã, “Adi macarucuro ñase jedirore masirã ñaja yua” yirãre masimenare bajiro ñinare yami Dios. ²¹ Masijeogu ñaami Dios. To bajiri adi macarucuroana, masa ñina masune ñina buese, ñina tuoïase suori ñine ñina masirotire bojabesumi. Ado bajirojua ñina yisejuare bojayumi: Ï macu ï bajirere ajitirunurã rĩrene rojose ñina tãmuoborotire ñinare yirẽtobosagu ñaami Dios. To bajiri ti ocare ajicõari, “To bajiro yimecurã yama. Socase ñaja”, yama Diore masimena.

²² To bajiri, jud'io masa quẽne, ti quetire ñina ajitirunusuroto rĩjoro, “Socase me ñaja yua yirotire yirã, ñaãñamani yuare yĩõña”, yirã ñaama. Griego masajuama, “Quẽnaro ñina gotijama, ñinare ajisuyaruarãja mani”, yirã ñaama. ²³ To bajiro ñina yituoïaboajaquẽne, yujajama, yucútẽroju Cristo manire ï rijabosarere gotimasiorũgũaja. Jud'io masa ñina ajitese, griego masa, “Yimecurã yama” yuare ñina yisere yirũgũaja yua. ²⁴ To bajiboarine, Cristo ï bajirere yua gotimasiosere ajicõari, jud'io masa, griego masare quẽne, “Yu macure ajitirunũña” Dios ï yirere ñina cudijama, ï masisere ñinare cõaami. To ï yijare, “Masijeogu ñaami Dios”, yirũgũama. ²⁵ Gãjerãjua, Diore masimena ñari, “Yimecurã yama Cristore ajitirunurã”, yituoïaboama. To bajiro ñina yiboajaquẽne, “Masijeogu ñaami Dios. Ïre bajiro yimasigũ magũmi”, yimasiaja mani, ï ocare ajitirunurãma. ²⁶ Yu mairã, Dios muare ï besere tuoïaña mua. Jãjarã me ñacaju mua, ñamasurã, masare rotirimasa, to yicõari, “Masirã ñaama” Diore masimena ñina yĩarã. ²⁷ To bajiro mua ñarotire bojayumi Dios. “ ‘Tuoïamasimena ñaama’ masa ñina yirã, to yicõari ñina rucubuoena ñaruarãma yu macure ajitirunurã”, yiyumi Dios. To bajiro ï yijama, “ ‘Masirã ñaama’ Diore masimena ñina yirucubuarãre, ‘Masirã me ñaãnuma’ yato” yigu, yiyumi. ²⁸ “ ‘Ñamasurã me ñaama’ to yicõari, ‘No yimasimenama’ masa ñina yirãjua, yu macure ajitirunuruarãma”, yiyumi Dios. “ ‘Ñamasurã ñaama’ masa ñina yĩarã, ñamasurã me ñato” yigu, to bajiro yiyumi. ²⁹ To bajiro yigu ï ñajare, ï ñaro rĩjoro, “Masa ñina rucubuoogu, ñamasugũ ñari, mu macu ï bajirere ajicõari, ‘Riojo gotiaja’ yicaju yu”, ñine yirocu magũmi. ³⁰ To bajiri Dios suorine Jesucristo ï bajirere ajicõari, ï yarã ñaja mua. To bajiri, Dios ocare ñamasusere masirã ñaja mua. Rojose mua yisere ï masiriojama, Cristo ï rijabosare suorine, “Rojose mana ñaama” Dios ï yĩavariquẽnarã ñaja mua. ³¹ Dios macu suorine to bajiro mua bajise ñajare, ado bajiro gotiaja Dios ocare masa ñina ucamasire: “ ‘Ñamasurã ñaja yua’ yituoïamenane, ‘Manire quẽnaro yiyumi Cristo. Ïjua ñaami ñamasugũ’ yivariquẽnaroti ñaja”, yigotiaja Dios ocare masa ñina ucamasire.

2

“Masigũ ñaja yu” masa ñina ñaro rĩjorojua, yibecune, Cristo ï bajirere Pablo ï gotimasioro queti

¹ Dios oca masa ñina masibetirere muare yu gotimasioicatire tuoïaña mua, yu mairã. “ ‘Masigũ ñaami’ yure yĩato ñina” yigu me, muare goticaju yu. ² “Yucútẽroju Jesucristo ï rijabosare rĩne ñinare gotirucuja” yituoïagũ ñari, to bajiro muare goticaju. ³ Mua tu ejagu, gotimasioebetirocure bajiro muare bojonecaju yu. To bajiro bajigu ñari, nanacaju yu. ⁴ Cristo ï bajirere muare yu gotiguadjama, “Masirã ñaja yua” yirã ñina yirore bajiro me muare goticaju yu. “ ‘Pablo quẽnaro ï gotijare, Cristore ajitirunũaja yua’ yato” yigu me, muare goticaju. Muare yu gotimasioro, Esp'iritu Santo ï masise rãca ï ejarẽmojare, “Riojo gotiami Pablo”, yure yiajitirunũcaju mua. ⁵ To bajiri, masa ñina masise rãca me ajimasicõari, Cristore ajitirunũcaju mua. Dios ï masise muare ï cõajare, Jesucristore ajitirunũhocaju mua.

“Esp'iritu Santo ï ejarẽmose rãca Diore masire ñaja”, Pablo ï yire queti

⁶ Jesucristo ocare quẽnaro ajitirunurã ñina ñajama, yua gotimasiorotire Dios ï cõajare, josabusase ñinare gotimasiorũgũaja yua. Yua gotimasiose, adigodoana, masirã, to yicõari, çjarã ñina masise me ñaja. Ñina masiboase rãcane ñina rijato, yayicoaruarõja tijama.

⁷ Yua gotimasiosejuama, Dios ye, i masise, i cõase ñaja. Ti oca, masa ñna masibeticati ti ñaboajaquẽne, adi macarucuro i rujeoroto rĩjorojune, “Masare quẽnaro yirucuja” i yimasire ñaja. ⁸ Adigodoana ujarã tire ajimasirã manicama. Tire ñna ajimasijama, mani uju Cristo quẽnamasugũre, “Yucũtẽroju ire jajutu siacõaña”, yibetiboriarãma ñna. ⁹ To bajirone gotiaja Dios ocare masa ñna ucamasire:

“Dios, ire mairãre, ‘Quẽnase ñnare uxorucuja’ yi goti rĩjoro yiyumi. Masa ñna ñabetirũgũre, ñna ajiñabetirũgũre, to yicõari ñna tũoĩabujabetirũgũre quẽne ñaja”, yigotiaja Dios oca masa ñna ucamasire.

¹⁰ Yucurema, mani masibetirũgũrere Esp'iritu Santo i ejarẽmose suorine Dios i ujosere masiaja mani. Ñajediro masiami Esp'iritu Santo. Dios i tũoĩasere quẽne masigũ ñaami.

¹¹ Gãjerã ñna tũoĩasere, “To bajiro tũoĩama”, yimasina maja. Mani masu mani tũoĩase rĩne masire ñaja. To bajirone bajiaja, Dios i tũoĩase quẽne. Mani masibetiboajaquẽne, Esp'iritu Santo sigũne masiami, Dios i tũoĩasere. ¹² To bajiboarine, adigodoana Diore masimena ñna tũoĩase ñni mere manire cõañumi Dios. Esp'iritu Santojuare manire cõañumi, manire i ujosere quẽnaro mani ajimasiro tire yigu. ¹³ To bajiri yua gotimasiojama, gãjerã uare ñna gotimasioire mere gotimasiorũgũaja. Esp'iritu Santo uare i ejarẽmojare, quẽnaro gotimasiorũgũaja yua.

¹⁴ Esp'iritu Santore cuomena, i ejarẽmose rãca yua gotimasiosere ajicõarã ñboarine, ajimasimena ñari, “Tũoĩamasimena ye ñaja”, yicõama. To bajiro ñna yiboajaquẽne, Esp'iritu Santo suorine Dios yere quẽnaro ajimasire ñaja. Esp'iritu Santore cuomena, i ocare ajimasimenama. ¹⁵ Esp'iritu Santore cuorãjuama, masa ñna yise jedirore ñacõari, “Quẽnaro yama. Rojose yirã yama”, yimasiamama. To bajiro yirã ñna ñajare, Esp'iritu Santore cuomenajuama, ñna yisere ñacõari, “Socarã yama”, ñnare yimasibeama. ¹⁶ Dios oca masa ñna ucamasire ado bajiro ti gotijare, “Esp'iritu Santore cuorã ñna yisere ñacõari, ‘Socarã yama’ ñnare yimasibeama Esp'iritu Santore cuomena”, mure yaja yu: “Mani uju, i tũoĩasere masigũ magũmi. Ire gotimasioigũ magũmi”, yigotiaja Dios oca masa ñna ucamasire. To bajiro ti gotiboajaquẽne, Esp'iritu Santo suorine Cristo i tũoĩarore bajiro tũoĩarã ñaja mani.

3

“Dios i bojasere yirã ñaja yua”, Pablo i yire queti

¹ Mua tũju ñacudigu, Esp'iritu Santo i bojarore bajiro yirãre yu gotimasioicatore bajiro mure gotimasioeticaju yu. Cristore ajitirũnũsuorã mua ñajare, Diore tũoĩabeticõari ñna masune ñna bojarore bajiro yirãre yu gotimasioicatore bajiro mure gotimasioicaju yu. ²⁻³ Cristo i gotimasiorere, josari me busane ajimasirere mure gotimasiorũgũcaju. “Yu gotimasiosuore ajimasibeticõa ñaama” yigu, josere mure gotimasioeticaju. Yucu quẽne to bajirone bajicõa ñarãja mua maji. Beroaye mure gotimasioroti ti ñaboajaquẽne, mure yu gotimasioboacatirene tudigoticõaroti ñaroja. Mua masune mua bojarore bajiro mua yicõa ñajare, to bajiro yaja yu. Gãjerã ñna bajisere ñacõari, “Yua rẽtoro quẽnaro ñaama” yĩajũnisini, ñagõjai, bajiñarãja mua. To bajiro mua bajiñajama, Esp'iritu Santore cuomenare bajiro mua masune mua bojarore bajiro yicõa ñarãja. ⁴ Ado bajiro yirã mua ñajare, to bajiro yaja yu: “Sigũri, ‘Pablore ajisuyarã ñaja yua’, gãjerãjuama, ‘Apolore ajisuyarã ñaja yuama’ yirũgũama” ñna yisere ajiaja yu.

⁵ Apolos, ñamasugũ me ñaami. Yu quẽne, ñamasugũ me ñaja. Diojua ñaami ñamasugũma. Ire moabosarimasa ñaja yua. Tocãrãcũne, mani uju, uare i moaroticõari-are bajirone moaja yua. Yua gotimasioire suorine Cristore ajitirũnũsuoyua mua.

⁶ Yu, mure Cristo ocare gotimasiosocaju. Yu gotimasioero bero, butobusa mure gotimasiorẽmoñumi Apolos. To bajiro yua yisere ejarẽmoami, Dios “Butobusa Cristore ajitirũnũato” yigu. ⁷ To bajiri Cristo i bajirere gotimasiosuorã, ñna bero tire gotirẽmorã quẽne, ñamasurã me ñaja yua. Diojua, ñaami ñamasugũma, “Yu macũre ajitirũnũcõari, butobusa ajitirũnũrũtuajaro ñna” yiguma. ⁸⁻⁹ Gotimasiosuorã, gotimasiorẽmorã, cojoro cõro ñacõaja yua, Diore moabosarã. Tocãrãcũre ire ñna moabosase vaja, vaja yirũcũmi

Dios. M̄a ñaja Dios ĩ ĩatir̄n̄r̄a, ȳare ĩ moarotic̄arij̄are bajiro bajir̄a. To bajic̄ari, Dios ĩ qūenorivire bajiro bajiaja m̄a. ¹⁰ Ȳj̄a, ti vire buas̄oḡare bajiro bajiḡa ñaja. Dios, ȳare ĩ yir̄em̄ojare, ĩ oca ñamasusere qūenaro m̄are gotimasios̄ocaj̄a ȳ. Ȳ gotimasioro bero gotimasior̄a, ȳare buar̄em̄or̄are bajiro yir̄a ñaama. To bajiri, qūenaro riojo Dios ocare ĩnare gotimasioroti ñaja. ¹¹ Ado bajise m̄are gotimasioaj̄a ȳ: “Jesucristo manire ĩ rijabosare ñajare, rojose mana, Dios ĩ ĩavariqūenar̄a ñaja mani”, yigoticaj̄a ȳ. Ti oca ñaja ñamasuse. Ḡajer̄a ricati ĩna gotimasiojama, Dios ye mere gotimasior̄a yir̄ama. ¹²⁻¹³ Siḡuri, Dios ocare ĩna gotimasiojama, qūenaro riojo gotir̄ama. Ḡajer̄ama, qūenaro riojo gotimasioimenama. Toc̄ar̄ac̄urene gotimasiorimasare, “Qūenaro gotiyuma. Qūenaro gotimasibesuma”, yimasir̄ar̄aja mani, masa jedirore Dios ĩ ĩabeserir̄um̄j̄. To bajiri, ĩna gotimasiorere, “Qūenase ñaja” yimasir̄, jeamej̄a tire soeĭaḡare bajiro yir̄uc̄ami Cristo. ĩna gotimasiore qūenase ti ñajama, ũabetoja. Qūenabeti ti ñajama, ũajedic̄oar̄aroja. ¹⁴ Qūenase ñari, ti ũabetijama, vaja yir̄uc̄ami Cristo. ¹⁵ Rojose ñari, ti ũajedic̄oajama, rojose t̄am̄or̄ar̄ama qūenaro yibetiriar̄a. Rojose t̄am̄oroti ti ñaboajaqūene, rojose t̄am̄ot̄ujabetiriaroju ĩnare c̄obetir̄uc̄ami Cristo, ĩre ajitir̄n̄r̄a ĩna ñajare. Vi ti ũaro rudi budir̄are bajiro bajir̄ar̄ama.

¹⁶ ĩ “Esp'iritu Santore c̄or̄a ñaja mani”, yimasibeatique m̄a? ¹⁷ Dios yar̄a ñaja m̄a. To bajiro bajir̄a m̄a ñajare, ḡajer̄a rojose m̄are ĩna ũmato yijama, ũmato yir̄aj̄are buto rojose ĩnare yir̄uc̄ami Dios.

¹⁸ M̄a masune socabesa. Adigodoaye r̄ine t̄oĭar̄a, “Masir̄a ñaja ȳa” ĩna yit̄oĭarore bajiro m̄a yijama, m̄a masune socar̄a yir̄aja. “Ñamasur̄a me, masir̄a me ñaja”, yit̄oĭaroti ñaja m̄are. To bajiro m̄a yijama, ñamasur̄a ñar̄ar̄aja m̄a. ¹⁹ Dios ĩ ĩajama, ĩre ajitir̄n̄mena ĩna t̄oĭase, t̄oĭamasimena ye ñaja. Dios ocare masa ĩna ucamasire ado bajiro ti gotijare, to bajiro bajiaja: “ ‘Dios oca socase ñaja’ yit̄oĭar̄a ñari, ‘Ȳa masise r̄aca ado bajiro yir̄ar̄aja’ yit̄oĭaboar̄are matar̄uḡḡumi Dios, ‘Masimena ñaboarine, to bajiro t̄oĭañuja mani’ yimasiato” yiḡ. ²⁰ Qūena gajej̄a ado bajiro gotiaja Dios ocare masa ĩna ucamasire: “Ȳare ajitir̄n̄mena, ‘ ‘Masir̄a ñaja ȳa’ ĩna yit̄oĭaboase, vaja maja’ yimasiḡumi Dios”, yigotiaja Dios ocare masa ĩna ucamasire. ²¹⁻²² To bajiri, “M̄are gotimasiorimas̄a r̄etro yimasiḡ ñaami ȳare gotiḡ”, m̄a r̄acanare yivariqūenabesa. No yir̄a to bajise yimenaja. Ȳ, Pablo, Apolos, to yic̄ari, Pedro, ȳa jediro, m̄are moabosarimasare bajiro m̄are ejar̄em̄or̄a, m̄are gotimasioaja ȳa. Adigodoaye jediro m̄are c̄ubosayumi Dios. Tire masic̄ari, ĩ ocare ajitir̄n̄r̄a qūenaro ñaja m̄a. To bajiri, m̄a rijato bero qūene, Dios t̄uj̄a qūenaro ñar̄uḡr̄ar̄aja. ²³ Dios mac̄a yar̄a m̄a ñajare, jediro m̄a ye r̄ine ñac̄oja.

4

Jesucristo ocare gotimasiorimasa ĩna bajire queti

¹ M̄are gotimasiorimasare: “Cristore moabosarimasa ñaama”, ȳare yiya m̄a. ĩ oca masa ĩna masibeticatire ȳare gotimasiorotic̄ocami Dios. ² Moabosarimasa mani ñac̄a ñar̄ajama, ĩna rotirore bajirone c̄udir̄uḡuroti ñaja. ĩna bojarore bajiro ĩna yijama, ĩnare rotiḡj̄a, qūenaro ĩnare ĩavariqūenaḡumi. ³ Ȳj̄arema, “Cristo ĩ bojarore bajiro qūenaro moaḡ ñaami Pablo” m̄a yijama, m̄a yibetijaqūene, no yibeaja ȳrema. Masa ũjar̄a qūene, “Cristo ĩ bojarore bajiro qūenaro moaḡ ñaami Pablo” ĩna yijama, ĩna yibetijaqūene, no yibeaja. Ȳ masune, “ĩCristo ĩ bojarore bajiro qūenaro moati ȳ, moamasibeatique ȳ?”, yit̄oĭabeaja ȳ. ⁴ No yiḡa to bajise t̄oĭabec̄aja. Cristore qūenaro moabosadicaj̄a. To bajiro ȳa yiboajaqūene, “Cristo ĩ bojarore bajiro qūenaro moacami Pablo” yire ũni me ñaja ti. Mani ũj̄a Cristo ñaami, “Ȳ bojarore bajiro qūenaro moacami. Qūenaro moabeticami” yimasiroc̄ama. ⁵ To bajiro yiroc̄a ĩ ñajare, Cristo ĩ tudiejaroto r̄joro, “Āni qūenaro moaami. ĩj̄a, qūenaro moabeami”, ȳare yibetiroti ñaja m̄are. Masa ĩna ajibeto, mani yisere, mani t̄oĭasere qūene, ĩ tudiejarir̄um̄, “Ajjedic̄oato masa” yiḡa, manire gotitir̄uc̄ami. To c̄orone mani yirere

ĭabesejeomasiruarāja mani. Quēnaro yiriarāre, “Quēnaro yicajū m̄a”, ĭnare yiruc̄umi Dios.

⁶ “Dios oca m̄are gotimasiorimasare ado bajiro tuoĭaroti ñaja’ yimasiato ĭna” yigū, Apolos ĭ bajisere, to yicōari, yū bajisere m̄are gotibū yū. “Yūa bajisere tuoĭacōari, Dios ocare masa ĭna ucamasire ti gotirore bajiro tuoĭato ĭna quēne” yigū, to bajiro m̄are yibū yū, ado bajiro tuoĭarā m̄a ñajare: “Yūare gotimasioġūjūa, m̄are gotimasioġū rētoro masigū ñaami”, yaja m̄a. To bajiro yibetiroti ñaja. ⁷ “Yūare gotimasioġūjūa, m̄are gotimasioġū rētoro masigū ñaami” m̄a yijama, “Gājerā rētoro masirā ñari, butobusa masigūre besemasiaja yūa” yirā yirāja. “To bajiro yirā ñato” yigū me m̄a masirotire ĩjoyumi Dios. Jediro m̄a masise Dios ĭ ĩjore ñaja. To bajiri, Dios ĭ ĩjore ti ñaboajaquēne, ĩm̄a masune tuoĭacōari, “Masirā ñaja yūa” yirāre bajiro yati m̄a? Tire yibeticōaña.

⁸ ĩjarāre bajiro tuoĭarūġūaja m̄a. To bajiro tuoĭarā ñari, “ĭna gotimasiosere bojabeaja. Masimena ñaama”, yūare yīĭaja m̄a. Dios yere quēnaro masirā m̄a ñajama, yūa quēne, m̄a masisere ajitirūnūborāja. ⁹ To bajiri, “Dios yarā ĭ ĭamaimena ĭ cūriarāre bajiro bajiaja”, yituoĭaja yūa. “Vaja mana ñaja m̄a. M̄a sĭa ecosere ĭaruarāja” masa ĭna yirāre bajiro bajiaja yūa. “‘Adi macaruc̄uroana, ō vecana ángel mesa quēne, Cristore ajitirūnūrā rojose ĭna tām̄osere ĭna ĭarūajama, ĭnare ĭato’ yigū, yūare cūñumi Dios”, yituoĭaja yūa. ¹⁰ Cristo ĭ bojasere yirā yūa ñajare, “Tuoĭamasimena ñaama”, yūare yama masa. To bajiro yūare yiboarine, m̄ajūarema, masirāre bajiro m̄are ĭama. “Dios ĭ ejarēmobetijama, ĭ ocare quēnaro gotimasimenaja mani”, yituoĭarā ñaja yūa. To bajiro yirā yūa ñaboajaquēne, “Dios oca quēnaro masiaja yūa”, yirūġūaja m̄a. Gājerā ĭna r̄uc̄uborā m̄a ñaboajaquēne, yūarema r̄uc̄ubobetirūġūama masa. ¹¹ Tirūm̄jū yūa bajicatore bajirone bajicōa ñarūġūaja yūa, adirodorire quēne: Buto ñiorija, oco idirūaboa, sudi mani, masa quēne rojose yūare yirūġūama. Yūa ñarotivi quēne, maja yūare. ¹² Dios ocare gotirā ñaboarine, yūa masune buto josari moarūġūaja yūa, yūa ñase vaja, yūa base vaja, vaja yiruarā. Gājerā yūare ĭna ajatud’iboajaquēne, “Quēnaro m̄are yato Dios”, ĭnare yicūd̄irūġūaja yūa. Rojose yūare ĭna yiboajaquēne, ĭnare gāmebetirūġūaja. ¹³ Yūare ĭna tud’iboajaquēne, quēnasejūare tuoĭacōari, ĭnare gotirūġūaja yūa. Tirūm̄jū yūare ĭna ĭatecator bajirone ĭatecōa ñarūġūama.

¹⁴ “Yū ucacōasere ĭacōari, ajibojoneato” yigū me, adi quetire m̄are ucacōaja yū. Yū mairā, yū rĭare gotimasioġūre bajiro m̄are gotiaja yū, “Quēnaro riojo masiato ĭna” yigū. ¹⁵ Cristo ĭ bajirere m̄are gotimasiorā, diez mil ñarā ĭna ñaboajaquēne, yū sĭġūne ñaja, m̄are gotimasiosuc̄uc̄u. Yū gotimasiosere ajicōari Jesucristore ajitirūnūsc̄ajū m̄a. To bajiri m̄a jac̄ure bajiro bajiaja yūma. ¹⁶ To bajiro yū bajijare, yū yirūġūcator bajiro m̄a yijama, quēnaroja.

¹⁷ To bajiro m̄a bajirotire bojagū ñari, Timoteore, m̄are ejarēmoroc̄ure, m̄are cōaja yū. “Cristore ajitirūnūġū ñari, ado bajiro bajirūġūami Pablo”, m̄are yigotiruc̄umi, Jesucristore ajitirūnūrā jedirore yū gotimasioicatire. Yū mac̄u, yū maigūre bajiro bajigū mani ĩjū ĭ bojasere yigū ñaami Timoteo. ¹⁸ “Jūaji ejabec̄umi Pablo” yituoĭarā ñari, sĭġūri m̄a rāca “Ñamasurā ñaja yūa”, gāmerā yivariquēnarāja m̄a. ¹⁹ “Yū varotire Dios ĭ bojajama, yoaro mene m̄are ĭagū varuc̄uja”, yituoĭaja yū. M̄a tū ejacōari, to bajiro gāmerā m̄a yīñasere masiruc̄uja yū. Dios ĭ ejarēmose rāca m̄a yijama, m̄a rāca butobusa Cristore m̄a ajitirūnūserere quēne ĭamasiruc̄uja. ²⁰ Ado bajise ti bajijare, to bajiro yaja yū: Dios yarā me ñaama socarāne, “Diore ajirā ñaja yūa” yigotiboarine, ĭ bojarore bajiro yimena. ĭ yarā ñaama ĭ ejarēmose rāca ĭ bojarore bajiro yirā. ²¹ To bajiri m̄a tū ejacōari, ĩno bajiro m̄are yū yirore bojatī? Rojose m̄a yisere m̄a yitūjabetijama, tutuaro m̄are gotiruc̄uja yū. Tire m̄a yitūjajama, m̄are yū maisere quēnaro m̄are gotiruc̄uja yū.

¹ Gaje vāme mūare gotirūaja yū. Sīgū mūa rācagū ī jacū manajore ī ajerio cūtisere ajibū yū. To bajiro ī yijama, buto rojose yigū yiyumi. Gājerājuama, Diore ajimena ņaboarine, ti ūnire yimenama űna. ² To bajiro yirā ņaboarine, “Dios oca masirā űaja yūa”, yivariquēnarāja mūa. Mūa rācagū rojose ī yisere ĩasūtiriticōari, ĩre burocaroti űaboayuja ti. ³⁻⁴ Mūa rāca űabetiboarine, mūa rāca űagūre bajiro tūoĳaja yū. Mani űju Jesucristo ĩ ejarēmose rāca, “Ado bajiro ĩre yiroti űaja”, yimasajaja yū, ĩ jacū manajore ajerio cūtigūre. To bajiri mūa rējaroju, mūa rāca űabetiboarine, yū tūoĳasejuma mūa rāca űarūcūja yū. To bajicōari, mani űju Jesucristo quēne, mūa rāca űarūcūmi, mūare ejarēmogū. ⁵ ĩ jacū manajore ajerio cūtigūre, “Satanás ĩ bojarore bajiro rojose ĩre yato” yirā, ĩre burocaya. “Rojose tāmūogū űari, ĩ jacū manajore ajerio cūtibeticōari, Dios ĩ bojarore bajirojūa yato” yirā, to bajiro ĩre yirūarāja mūa. Tire ĩ yitūajajama, mani űju Cristo, masare ĩ ĩabeserirūmū ti ejaro, rojose yir'ī ĩ űaboajaquēne, rojose tāmūotūjabetiriaroju ĩ vaborotire ĩre yirētobosarūcūmi.

⁶ Mūa rācagū rojose ĩ yīűaboajaquēne, “Dios oca masirā űaja yūa” mūa yivariquēnase quēnabeaja. Tire bajiro bajiaja pan ūmato vauvase. Mojoroaca vūore ti űaboajaquēne, vauvajediaja ti. Tire bajirone bajiaja rojose mani yise. Mani rācagū, rojose ĩ yicōa űajama, ĩ yisere ĩacōari, mani jediro rojose yijedicoanaja. ⁷ Jud'io masa, Pascua boserūmūri quēnorā, pan ūmato vauvasere űna reajeorore bajiro rojose mūa yisere reajeocōaűa mūa. “Jediro rojose mūa yise yitūjacōaűa” yigū yaja yū. “Rojose mana űato mani” yirā, to bajiro yiya mūa. Oveja macūre bajiro masare Jesucristo ĩ rijabosare sūorine rojose mani yise vaja manire ĩ vaja yijeobosare űajare, to bajiro yiroti űaja. ⁸ “Rojose mani tāmūoborotire manire yirētobosayumi” yirā, “Yirūarāja” mūa yitūoĳarore bajirone quēnase rīne yiroti űaja.

⁹ Tirūmūju papera mūare cōagū, ado bajiro gotiboacaju yū: “Gāmerā ajeriarā cūtirā rāca űabesa”, mūare yuicaboacaju yū. ¹⁰ To bajiro yū yijama, “Cristore ajitirūnūmena rāca űabesa” yigū me yicaju yū. Adigodojūre jājarā űarāma: Manajo mana, manaju mana, manaju cūtirā, manajo cūtirā quēne, gājerā rāca ajeriarā cūtirā űarāma. To yicōari, jairo gajeyeūni cūorā űaboarine, jaibūsarō bojarēmōrā űarāma. Juarudirimasa űarāma. “Ado bajirā űarāma” űna masune yiquēnorujeocōari, rūcūbuorā quēne űarāma. Cristore ajitirūnūmenajūa jājarā űna űajare, ĩnare tūoĳacōari, “Rudiya” mūare yū yiboajama, no bajiro yicōari, rudimasimenaja mūa. Rijana rīne űarāma rudirāre bajiro bajirāma. ¹¹ Mūare yū ucacōacatire, “Quēnaro ajimasiato” yigū, ado bajise mūare papera ucacōaja yū quēna: “Ado bajiro bajirāma” yitūoĳagū, “ĩna rāca űabesa”, mūare yuicacōacaju: “Cristore ajitirūnūnrā űaja yūa” yiboarine, gāmerā ajeriarā cūtirā űarāma. To yicōari, jairo gajeyeūni cūorā űaboarine, quēna gajeye bojarēmōrā űarāma. Socarāne gājerāre, “Rojose yima”, yigotirimasa űarāma. “Ado bajirā űarāma” űna masune yiquēnorujeocōari, rūcūbuorā űarāma. Idimecūrā, to yicōari, juarudirimasa quēne űarāma. “ĩna űna rāca űabesa” yū yuicajama, űna rāca mūa babetirotire quēne tūoĳagū yaja. ¹²⁻¹³ Cristore ajitirūnūmena űna yisere ĩacōari, “Adi quēnase űaja; tījūa rojose űaja”, yibeseroti me űaja manire. Dios sīgūne űnaami to bajise yirocūma. Cristore ajitirūnūnrā űaboarine, rojose űna yisere ĩacōari, “Tire yitūjacōato” yirā, rojose ĩnare yiroti űaja. To bajiri Dios ocare masa űna ucamasire ti gotirore bajiro yiya mūa. Ado bajiro gotiaja: “Mūa rācagū rojose yigūre ‘Yūa rāca űabesa’ ĩre yicōaűa”, yigotiaja Dios oca.

6

“Cristore ajitirūnūnrā rīne, rojose gāmerā mūa yijama, ĩre ajitirūnūmena tūju vame-nane, mūa masune oca quēnoroti űaja”, yire queti

¹ Gajeye quēnabeti mūa yisere mūare gotirūaja yū. Cristore ajitirūnūnrā rīne rojose mūa gāmerā yijama, ĩno yirā oca quēnoruarā, Cristore ajitirūnūmena tūju vacōari, oca quēnorotirūgūati mūa? ĩNo yirā Cristore ajitirūnūnrā rīne rējacōari, ĩnare oca quēnorotibēati mūa? “To bajiro bajiaja”, ĩyibojonebēati mūa, Cristore ajitirūnūmena tūjūa varuarā? ² “Dios yarā űari, Cristore ajitirūnūmena rojose űna yisere ĩabeserona

ñaja mani” yimasirã ñaboarine, ¿no yirã ñamasuse mere mña rojose gãmerã yisere oca quënomasibeati mña? Mña masune oca quënomasicõarãja. ³ Ángel mesa, vãtia, ñna yisere quëne ñabeserona ñari, adigodo mña yiñasere roque rëtoro ñabesemasirãja mña. ⁴ Ñna yisere ñabeserona ñaboarine, rojose gãmerã mña yisere, Cristore masimenare oca quënorotirã varügüaja mña. ⁵ “¿To bajiro yirügüñujari mani?” mña yimasirotire yigü, to bajiro mñare gotiaja yu. Tire masicõari, Cristore ajitirünmenare oca quënorotibetiruarãja mña yuja. “Masirã ñaja yua” yirã ñaboarine, Cristore ajitirünmena tujü mña oca quënorotirã vajama, “Rojose mani gãmerã yisere mani rãcagü oca quënorimasu magümi” yirãre bajiro yaja mña. ⁶ To bajiri ado bajiro bajiaja mña: Cojo masare bajiro bajirã ñaboarine, rojose gãmerã yaja mña. To bajiro mña yise quënabeti ñaja. To yicõari, mña masune oca quënomenane, Cristore ajitirünmenajuare mña oca quënorotirã vase ñaja rëtoabusaro quënabeti.

⁷ Mña masune rojose mña gãmerã yijare, quënabeaja. Gãjerã tujü ñnare oca quënorotirã vamenane, ado bajirojua mña yijama, quënaboroja: Gãji rojose mñare ñ yisere gãmemenane, “Yñare yitocõari, yua ye ñaboasere mñ ãmase tone bajicõato. Mñre masirioaja yua” ñre mña yijama, gãjerã tujü mña vase rëtoro quënaraja. ⁸ To bajiro ñmato bajiroti ñnarene, ¡mñajuane ñaja rojose yisurãma! ¡Mñane ñaja gãjerã Cristore ajitirünrãre, mña mairona ñaboarãre yitocõari, ñna yere ãmarã!

⁹ To bajiro rojose mña yisere, “Rojose me ñaja” mña yituoñase socase ñaja. To bajiri, to cõrone mña yirügüsere yitujacõaña. “Rojose yirãma, Dios tujü ejarona me ñaama”, yimasiaja mña. Rojose yirãma, ado bajiro yirã ñarãma: Manajo cutirã, manajü cutirã, manajo mana, manajü mana quëne, gãjerã rãca ajeriarã cutirã ñarãma. “Ado bajirã ñarãma” yiquënorujeocõari, rücuburã ñarãma. ¹⁰ Juarudirimasa ñarãma. Jairo gajeyëni cõorã ñaboarine, quëna gajeye bojarëmorã ñarãma. Idimecurã ñarãma. Socarãne, “Ado bajise rojose yima”, yigotirimasa ñarãma. Gãjerãre yitocõari, ñna cõboasere ãmarã ñarãma. “Ñna ñnama, Dios tujü ejarona me ñaama”, yimasirãja mña. ¹¹ Mña quëne ñnare bajiro bajiyuja mña maji. Yucurema Jesucristo, to yicõari Esp'iritu Santo sñorine “Rojose mana ñaama yu yarã” Dios ñ yïñarã ñaja mña.

“Dios ñ bojarore bajiro yiroti ñaja”, yire queti

¹² Ado bajiro yisere ajirügüaja mña: “Mani bojarore bajiro yimasiaja”, yigotiaja. To bajiro yigotiboajaquëne, mani tuoñarore bajiro mani yijama, quënabetoja. “Butobusa Dios ñ bojarore bajiro yirã ñato mani” yirã, yibetiroti ñaja manire. “Tire mani yisejacõajama, ti rione manire yirñamacõroja” yirã ñari, yibeticõato mani. ¹³ Gãjerãma, ñna rujü ti bojarore bajiro yirñarügürã ñari, ado bajiro yirügüama: “Mani gñdajoajü mani basãroti ñaja bare. To bajicõari, gñdajoajüa quëne bare basãrotijoa ñaja”, yirügüama. To bajiro ñna yise, socase me ñaja, bajirojüma. To bajiboarine, mani base, mani gñdajoa quëne ñamasuse me ñaja. Cojorñmñ tire reajeocõarucumi Dios. To bajiri, “Mani rujü quëne rõmia rãca ajeriarã cutiatio” yiro me bajiaja. Cristo ñ bojasejñare yirotirujü ñaja. To bajiri, Cristojüa quëne, “Yñ bojasere yirã ñaama” yigü, manire ejarëmogümi. ¹⁴ Mani rujü ti bajiyayiboajaquëne, mani ñjü Cristore ñ catoriarore bajirone manire quëne ñ masise rãca catorucumi Dios.

¹⁵ Cristo yarã ñari, ñre moabosarimasa ñaja mani. To bajiro bajirã ñaboarine, ¿rõmia, ñmñare ajeriarã cuticõari, vaja sënirã rõmiri rãca ñarãti mña? ¡Ñbetiruarãja! ¹⁶ “Ñna rõmiri rãca mani ajeriarã cutijama, ñnare ajeriarã cutirã ñari, cojo rujñne, rujü cutirãre bajiro bajirã ñarãja mani”, yimasirãja mña, Dios ocare masa ñna ucamasire ado bajiro ti gotijare: “Manajo cutijama, jñarã ñaboarine, sigü rujñre bajiro ñaama, Dios ñajama”, yigotiaja Dios ocare masa ñna ucamasire. ¹⁷ Manajo cutirere ti gotirore bajirone mani quëne, Cristore ajitirünrã ñari, Cristo rãca cojo usñne, usñ cutirãre bajiro bajiaja mani, Dios ñ ñajama.

¹⁸ To bajiri Cristo yarã ñari, rõmia rãca ajeriarã cutiruaboarine, yibeticõaña mña. Gajeye rojose mña yisema, quënacõaraja. To bajiboarine, rõmia rãca mña ajeriarã cutisejñaja quënabeti masu. ¹⁹ Esp'iritu Santore mani usñrijñre manire cõañumi Dios.

To bajiri mani usuriŋ ŋajare, “Esp'iritu Santo ŋarivire bajiro bajajaja”, yimasirāja m̄a. To bajiri mani ruŋ, mani masu ruŋ me ŋaja. Dios ye ŋaja. ²⁰ “Ȳu yarā ŋato” yiḡu, Satanás yarā ŋaboarāre í mac̄u í rijare suorine, “Ȳu yarā ŋaama”, manire yiyumi Dios. To bajiri rōmia rāca ajeriarā c̄utimenane, Dios í bojarore bajiro rīne yiruarāja. To bajiro mani yijama, Diore r̄uc̄ub̄orā yiruarāja mani.

7

Īna manajo c̄utitire ĩna s̄eniĩac̄ōarere Pablo í c̄udire queti

¹ Papera rāca ȳure m̄a s̄eniĩac̄ōarere m̄are c̄udijaja ȳu. “S̄iḡu manajo maḡu í ŋac̄ōajama, ¿quēnati?”, ȳure m̄a yis̄eniĩac̄ōarere, “Quēnaja”, yaja ȳu, tire. ² To bajiboarine, “Manajo mana, rōmia rāca ajeriarā c̄utire ĩna bojajama, manajo c̄utiroti ŋaja”, yaja ȳu. Rōmia quēne, ĩna manaj̄u c̄utijama, quēnaja. ³ Manajo c̄utic̄ōari, í yiruarō c̄ōro so c̄udijama, quēnaja. Īna quēne, í manajo so yiruarō c̄ōro í c̄udijama, quēnaja. ⁴ Manaj̄u c̄utic̄ōari, “Ȳu bojarore bajiro ĩre yiruc̄oaja ȳu”, yibetiruc̄o como. So manaj̄u í yirore bajiro c̄udiruc̄o como. Īm̄u quēne, manajo c̄utic̄ōari, “Ȳu bojarore bajiro sore yiruc̄aja ȳu”, yibetiruc̄umi. Ī manajo so yirore bajiro c̄udiruc̄umi. ⁵ To bajiri, ĩna manajoa rāca ĩna yijama, “Yibesa”, yibetic̄ōato ĩna manajoj̄u. ĩna manajoj̄u quēne, ĩna yiruarajama, “Yibesa”, yibetic̄ōato ĩna manaj̄u. To bajiboarine, “Diore r̄uc̄ub̄orā, yibetic̄ōato mani maji” ĩna juarāj̄une ĩna yit̄uōajama, quēnaja. Diore r̄uc̄ub̄o gajanoc̄ōari, ĩna yirūḡuriorore bajiro ĩna yijama, quēnaja. To bajiro ĩna yijama, “Gājerā rāca ajeriarā c̄utiya”, yimasibetiruc̄umi v̄atia ŋj̄u, Satanás.

⁶ Adi jediro m̄are ȳu gotise, m̄are rotiḡu me yaja ȳu. “Ȳu gotirore bajirone m̄a yijama, quēnaja” yiḡu, tire m̄are gotiaja ȳu. ⁷ “Ȳure bajiro manajo mana m̄a ŋajama, quēnaboroja”, yit̄uōajaja ȳuma. To bajiboarine s̄iḡure bajiro bajirā me ŋaja mani. Tocārāc̄ure ricati Dios í masisere manire ŋjoyumi.

⁸ Manajo manare, manaj̄u manare, manaj̄u rijaveoriarāre quēne ado bajiro m̄are gotiaja ȳu: Ȳure bajiro manajo mana, rōmia quēne manaj̄u mana m̄a ŋac̄ōajama, quēnaja. ⁹ To bajiboarine, manajo maḡu í ajerio c̄utiruarajama, manajo c̄utiato. To bajirone yato rōmia quēne. Ajeriarā c̄utire buto ĩna t̄uōajama, manaj̄u c̄utiato.

¹⁰ Manaj̄u c̄utirāre, ado bajiro m̄are gotiaja ȳu: M̄a manaj̄uare reare maja. Ti ŋaja mani ŋj̄u í rotire. Ȳu masu t̄uōac̄ōari, yiḡu me yaja. ¹¹ So manaj̄ure so rocajama, ḡaji manaj̄u c̄utire maniruaroja. So manaj̄u ŋar'í rāca so oca quēnojama, quēnaja. To bajirone bajajaja ŋm̄ure quēne. Ī manajo c̄utijama, rocare maja.

¹² Mani ŋj̄u ȳure í rotire me, ȳu masune t̄uōac̄ōari, ado bajise m̄are gotiaja, Cristore ajitir̄un̄ubeco rāca manajo c̄utirāre: M̄u manajo Cristore ajitir̄un̄ubeco ŋaboarine, m̄u rāca so ŋac̄ōa ŋaruarajama, sore rocabetiroti ŋaja. ¹³ To bajirone gotiaja manaj̄u c̄utirāre quēne. M̄a manaj̄u Cristore ajitir̄un̄umena ŋaboarine, m̄a rāca ĩna ŋac̄ōa ŋaruarajama, ĩnare reabetiroti ŋaja. ¹⁴ Ado bajiro ti bajijare, tire gotiaja ȳu: M̄a manaj̄u, Cristore ajitir̄un̄umena ŋaboarine, m̄a rōmiaj̄u Cristore ajitir̄un̄urā m̄a ŋajare, í yarāre í ĩamaiore bajiro ĩnare ĩamaiami Dios. To bajirone bajajaja Cristore ajitir̄un̄umena rōmirire quēne. Cristore ajitir̄un̄umena ĩna ŋaboajaquēne, m̄are ĩna manaj̄u c̄utijare, í yarāre í ĩamaiore bajiro ĩnare ĩamaiami. To bajiro ti bajibetijama, m̄a r̄iare, Cristore ajitir̄un̄umena bajiro ĩnare ĩlaborotire í yarāre í ĩamaiore bajiro m̄a r̄iare quēne ĩnare ĩamaiami. ¹⁵ Cristore ajitir̄un̄uḡu manajo Cristore ajitir̄un̄ubeco ŋari, ĩre so rocaruarajama, rocac̄ōato. To bajirone bajiato rōmioj̄uare quēne. Cristore ajitir̄un̄ubeco ŋari, í manajore í rocaruarajama, rocac̄ōato. To bajiro ĩna yijama, quēnac̄ōaroja. Quēnaro mani ŋase bojaami Dios. ¹⁶ Ado bajiro ti bajijare, to bajise m̄are gotib̄u ȳu: “Cristore ajitir̄un̄uḡo ȳu ŋajare, ȳu manaj̄u ȳu rāca í ŋac̄ōa ŋajama, Cristore ajitir̄un̄ucoaruc̄umi í quēne”, yimasimenaja m̄a. Īm̄a quēne, “Cristore ajitir̄un̄urā ȳu ŋajare, ȳu manajoa ȳu rāca ĩna ŋac̄ōa ŋajama, Cristore ajitir̄un̄ucoaruarāma ĩna quēne”, yimasimenaja m̄a, ĩna bajitire masimena ŋari.

¹⁷ To bajiri Cristore ajitirünnumena ñna bojarore bajiro ñna yicōa ñaboajaquēne, manijũarema Cristore mani ajitirünũsorijũne ricati rĩne mani ñarotire manire ɯjoyumi Dios. To bajiro ñ yire ñajare, manire ñ cũriarore bajirone mani ñacōa ñajama, quēnaja. To bajiro rĩne gotirũgũaja yũ, tocārāca macariana Cristore ajitirünũrāre. ¹⁸ Tire yũ gotijama, ado bajise tũoĩacōari yaja: Cristore mũa ajitirünũroto rĩjorojũne jud'io masa ñari, circuncisiõn yiecoriarā ñañuja mũa. To bajiri mũa rācana, “‘Jud'io masa ñaama’ yĩiaroma” yirā, circuncisiõn yiyamanare bajiro ñarũarũgũrāja mũa. Ti ñũire yibeticōañ mũa. Mũa ñariarore bajiro ñacōaña. Gājerāma, Cristore mũa ajitirünũroto rĩjorojũne, circuncisiõn yiecobetiriarā ñañuja mũa, jud'io masa me ñari. Mũa rācana, “Jud'io masare bajiro circuncisiõn mani yirotijama, quēnaroja”, yitũoĩarāma. “Ti ñũire yibeticōato ñna”, yaja yũ. ¹⁹ Circuncisiõn yiecoriarā mani ñajama, mani ñabetijaquēne, no yibeaja. Dios ñ bojarore bajiro mani yisejũa ñaja ñamasusema. ²⁰ To bajiri “Cristore mani ajitirünũsorijũne tocārācũre Dios manire ñ cũriarore bajirone mani ñacōa ñajama, quēnaja”, mũare yaja yũ. ²¹ Cristore mũa ajitirünũroto rĩjorojũne, gājerāre moabosarimasa ñañuja mũa. To bajiri adirũmũrĩre quēne to bajirone mũa moabosacōa ñajama, tũoĩarejaisesa. To bajiboarine, mũa ɯjarā, “Mũa masune moamasirũarāja” mũare ñna yijama, ñnare vaveocōari, mũa masu mũa bojarore bajiro moarũarāja mũa. ²² Gājerāre moabosarimasa ñna bojase rĩne yiriarā ñaboarine, Cristore mũa ajitirünũsorijũne, Satanás ñ bojasere yitũjacōari, Dios yarājũa ñacoasuja mũa. Gājerāre moabosarimasa me ñariarā quēne, Cristore ñna ajitirünũsorijũne, Cristo yarā ñ bojasejũare yirā ñacoasuma ñna. ²³ “Yũ yarā ñato” yigũ, Satanás yarā mũa ñaboarone, ñ macũ ñ rijare sũorine, “Yũ yarā ñaama”, mũare yiyumi Dios. To bajiri gājerā, Dios ñ bojabetire mũare ñna yirotisere ñnare cũdibetiroti ñaja. ²⁴ To bajiri Cristore mani ajitirünũsorijũne Dios manire ñ cũrere mani yicōa ñajama, quēnaja.

²⁵ Gajeye, manajũ mana, manajo mana mũa sēniĩacōarere mũare cũdiaja yũ. Mani ɯjũ yũre ñ yirotire me ñaja ti. Yũ masune tũoĩacōari, mũare gotigũ yaja. Mani ɯjũ, yũre ñamaicōari, yũre ejarēmũrũgũami, “Quēnaro riojo tũoĩagũ ñato” yigũ. To bajiro yũre ñ yijare, yũre mũa ajitirünũjama, quēnaja. ²⁶ Cristore ajitirünũrā ñari, bũto rojose yiecorā ñaja mani. To bajiri, ado bajiro ñaroti ñaja: Manajo mana, to yicōari manajũ mana, mũa ñacōajama, quēnaja. ²⁷ Manajoa cũtirā, manajũ cũtirā quēne, gāmerā reabesa. Manajo mana quēne, manajo macabesa. Manajũ mana quēne, manajũ macabesa. ²⁸ To bajiro yũ gotisere ajiboarine, ñ manajo cũtijama, to yicōari rōmio quēne, so manajũ cũtijama, rojose yirā me yirāma ñna. To bajiboarine manajoa cũticōari, rojose ñna tãmũojama, bũtobũsa josari ñarũaroja ñnare. Tire, bũtobũsa rojose ñna tãmũosere bojabescu ñari, “Manajũ mana, to yicōari manajo mana mũa ñacōajama, quēnaja”, mũare yibũ yũ.

²⁹ Quēnaro tũoĩaña yũ mairā. Ado bajise yigũ, “Mũa ñariarore bajirone mũa ñacōajama, quēnaroja”, mũare yibũ yũ: Cristo ñ ejarotirũmũ cõñaro masu bajijaja. To bajiri manajo cũtirā, rōmia manajũa cũtirā quēne, manajo mana mũa ñariarore bajirone ñacōari, Cristo ñ bojasejũare yĩnarũgũroti ñaja mũare. ³⁰ Sũtirĩtirā, mũa sũtirĩtisere bũto tũoĩabesa. Variquēnarā quēne, mũa variquēnasere tũoĩabesa. Gajeyeũni bũjarā quēne, mũa cũosere tũoĩabesa. “Adigodojũ yoaro meaca catirũarāja mani” yitũoĩarā ñari, to bajiro bajijaja. ³¹ Adigodoaye yoaro me jediroti ti ñajare, bũto tire tũoĩabesa. Ñamasuse me ñaja ti. Tire mũa tũoĩajama, Cristo ñ bojasejũare quēnaro yimasimenaja mũa.

³² Adigodoayere bũto mũa tũoĩasere bojabeaja yũ. Manajo magũma, Cristo ñ bojasejũare bũto tũoĩagũmi, ñajediro ñ yisere ñ ñavariquēnarotire bojagu ñari. ³³ To bajiboarine, manajo cũtigũma, adigodoayere bũto tũoĩagũmi, ñ manajo so variquēnarotire bojagu ñari. ³⁴ To bajiri Cristo ñ bojasere tũoĩa, to yicōari, ñ manajo so bojasejũare quēne tũoĩa, yigũmi. Jua vāme tũoĩare ñaroja ñre. To bajicōari, manajũ magõma, Cristo ñ bojasejũare bũto tũoĩagõmo, ñajediro so yisere ñ ñavariquēnarotire bojago ñari. To bajiboarine, manajũ cũtigõma, adigodoayere bũto tũoĩagõmo, so manajũ ñ variquēnarotire bojago ñari.

³⁵ “Manajo cutiruagu manajo cutibeticōato” yigu me, tire mware gotiaja yu. “Quēnaro tuoīacōari, manajo cutiatio ĩna” yigu, tire gotiaja yu. Dios ĩ bojase rĭne mua yĭñasere bojaja yu.

³⁶ ĩ manajo cutiuroco ĩnario rāca, sore buto bojagu ĩnari, manajo cutiatio. To bajiro ĩ yijama, rojose yigu me yigumi. ³⁷ To bajiboarine, “Manajo cutibetirucuja” yiguma, manajo cutibeticōato. To bajiro bajigu ĩnari, gājerāre quēne, ĩ ajeriarā cutibetijama, quēnaja. ³⁸ To bajiri ĩ manajo cutiuroco ĩnario rāca, manajo cutiguma, quēnaro yigu, yigumi. “Manajo cutibetirucuja” yigujama, ĩ rētoro quēnaro yigu, yigumi.

³⁹ Manaju cutigo, so manaju ĩ catiĩnaro cōro ĩ rāca ĩnacōa ĩnaroco ĩnaamo maji. ĩ rijato beroju, gājire, no so bojugure, mani ujure ajitirunugure, manaju cutiruocomo. ⁴⁰ To bajiboarine, “So manaju ĩ rijato bero, gājire so manaju cutibetijama, rētoro quēnaro ĩngōmo”, yituoĭaja yu. Yu quēne, Esp'iritu Santore cōogu ĩnaja yu. To bajiri quēnaro tuoīacōari, to bajiro mware gotiaja.

8

“Jesúre ajitirunurāre ĩnare yirobetiroti ĩnaja”, yire queti

¹ Quēna gajeye mware gotiguagu yaja yu. Vaibucurāre sĭacōari, “Ado bajirā ĩnarāma” yiquēnorujeoriarā tujure ĩnare rucuborā, mojoroaca vaibucu riire cūrügūama. To yicōari, ruyasere barügūama. To bajiri, ĩna yisere ĩacōari, “Socarā yama. ĩna rucuboboarā manama” yimasirā ĩnari, “Yu quēne, yu bajama, quēnacōaja”, yirāja mua. To bajiro mua yijama, gājerā, “Tire babetiroti ĩnaja manire” yituoĭaboarājuare ĩnare ĩamaimenane, “ĩna rētoro ĩnamasurā ĩnaja yu” yirāre bajiro yaja mua. To bajiro yimenane, ado bajiroju yiroti ĩnaja: “ĩnare ĩamaicōari, ĩnare ejarēmoroti ĩnaja, ‘Butobusa Diore ajitirunato ĩna’ yirā”. ² Masijeobetiboarine, “Quēnaro masigū ĩnaja yu” sĭgū ĩ yiboajama, ruyacōaroja ĩre, quēnaro riojo ĩ masiroti. ³ Diore ĩ maijama, ĩ bojarore bajiro yigu ĩ ĩnare, “Quēnaro masigū ĩnaami”, ĩre yĭamasigūmi Dios.

⁴ Yirucuboruarā ĩna quēnorujeose ĩne vaja maja. “Dios sĭgū ĩnaami, mani rucubogu. Gājerā ĩre bajiro bajirā manama”, yimasiaja mani. ⁵ Gājerā ĩna gotijama, “Jājarā ĩnarāma mani yirucuborā. Ō vecana, adigodoana quēne ĩnarāma”, yituoĭaboarāma. ⁶ To bajiro ĩna yiboajaquēne, “Dios sĭgūne ĩnaami mani jacu”, yimasiaja mani. ĩne ĩnaami ĩnadediro, “Yu bojasere yato ĩna” yigu, manire rujeor'i. To bajicōari, Jesucristo sĭgūne ĩnaami mani uj. Jesucristo suorine ĩnadediro rujeoyumi Dios. To bajiri ĩ sĭacore suorine Dios yarā ĩnaja mani.

⁷ To bajiro yirā mani ĩnaboajaquēne, gājerā ĩnaama Cristore ajitirunurā ĩnaboarine, mani tuoĭarore bajiro tuoĭamena. ĩna ĩnaama, Cristore ĩna ajitirunuroto rĭjoroju, “Ado bajirā ĩnarāma” ĩna masune yiquēnorujeocōari, rucuborügūriarā. To bajiro yirügūriarā ĩnari, ado bajiro tuoĭarāma: “Vaibucurāre sĭacōari, ‘Ado bajirā ĩnarāma’ yiquēnorujeoriarā tujure ĩnare rucuborā, mojoroaca vaibucu riire ĩna cūsere mani bajama, rojose yirā yaja mani”, yituoĭarāma. ⁸ To bajiro ĩna yijama, riojo tuoĭarā me yama. Mani bajama, mani babetijaquēne, ĩnamasuse me ĩnaja, Dios ĩĭajama. “Tire mani babetijama, rētoĭusaro manire ĩavariquēnarucumi Dios”, yire maja. ⁹ “Mani base jediro quēnase rĭne ĩnacōaja” yirā ĩnaboarine, babetiruarāja mua. Gājerā Cristore ajitirunurā, “ĩna basere mani bajama, ‘Rojose yirā yaja yu’ yituoĭacōari, rojose tāmnotujabetiriaroju vatoma ĩna” yirā, tire babetiruarāja mua. ¹⁰ To bajiro yu yijama, ado bajiro yigu yaja yu: “Babetiroti ĩnaja” gāji ĩ yisere mua baro ĩacōari, “Yu bajama, quēnabetoja” yituoĭaboarine, bagumi ĩ quēne. ¹¹ Cristore ajitirunurā ĩnaboarine, mua tuoĭarore bajiro tuoĭamenare quēne rijabosagu bajiyumi, “Yu rāca quēnaro ĩnato” yigu. To bajiri, “Mani base jediro quēnase rĭne ĩnacōaja” mua yise suorine mua mairona ĩnaboarā ĩna quēne ĩna bajama, “Rojose yirā yaja yu” yituoĭarā ĩnari, rojose tāmnotujabetiriaroju vanama. ¹² Mua rācagu Cristore ajitirunugū, “Babetiroti ĩnaja” ĩ yĭaboasere mua bajama, rojose ĩre yirorā yirāja mua. To bajiro mua yijama, ĩ sĭgūrene rojose yirā me, yirāja mua. Cristore quēne rojose yirā

yirāja. ¹³ To bajiri, “Vaibucu rii yu bajama, Cristore ajitirünugüre rojose ìre yirogure bajiro yiguja yu” yituoïagũ ñari, baïobetiroti ñaja.

9

“Jesucristo ì cõar'i me ñaami Pablo” ña yirere Pablo ì cüdire

¹ Yu bojarore bajiro yimasigũ ñaboarine, Jesucristo ì bojasejũare yigu ñaja yu. Jesús, mani ujure ìacacu ñaja yu. Gãjeräre ì cõasũoriarore bajiro yure quëne cõacami. Yure ì gotiroticõacati sũorine ìre ajitirünurã ñaja mua. ² “Jesucristo ì cõar'i me ñaami Pablo” gãjerã ña yiboajaquëne, muaũama, mũare yu gotimasiosũocati sũorine Cristore ajitirünurã ñari, “Jesucristo ì cõar'i ñaami”, yiroti ñaja mũare.

³ “Jesucristo ì cõar'i me ñaami Pablo” yure yiräre ado bajiro ñnare cüdiaja: ⁴ Yu Pablo, to yicõari, Bernabé quëne, Jesús ì cõacana ñaja yua. To bajiri gãjerã Jesús ì bajirere gotimasioräre ña baroti, to yicõari, ña idirotire mua ìsirũgũrore bajirone yure quëne ìsiroti ñaja. ⁵ Pedro, ì rãcana quëne Cristo ì gotiroticõariarã, to yicõari, mani ujũ Jesús bederã quëne, Jesúre ajitirünuräre manajoa cüticõari, ña rãca varũgũama. To bajiro ña bajijare, ña manajoare quënarõ codebosarũgũaja mua. To bajiri “Yua quëne, manajo cüticõari, vamasirãja”, yituoïaja yua. ⁶ Jesús ì bajirere gotimasiodirrimasa gajeye moare moamenane, “Quënarõ yure gotimasioato” yirã, ñnare mua ejarẽmõriarore bajiro yimenane, “Ña masune moacõari, vaja yato ña ñarotire”, ¿yituoïati mua, yũarema? ⁷ Surara mesa quëne, ña moare rĩne moarãma. “Ña moare ña moajama, ña ñaroti vaja ìsiecorũarãma”, yimasire ñaja. Uye oterimasũma, “Tire barucumi”, yimasire ñaja. Cabrare coderimasũ quëne, “Ña õjecoa idirucumi”, yimasire ñaja. ⁸ To bajiri, “Mani moase sũorine quënose bũjaroti ñaja”, yimasire ñaja. To bajiri, Dios ocare masa ña ucamasire quëne, tire bajiro gotiaja. ⁹⁻¹⁰ Ado bajiro gotiaja Moisés ñamasir'ire Dios ì roticũmasire: “Ta vecũ risere siabibebesa, trigo gasere ìre mua cüda jãnerotijama, ì quëne bato' yirã”, yigotiaja. To bajiro ì gotijama, ta vecũ rĩrene tuoïagũ me yimasifũumi Dios. Mani jedirore tuoïacõari, yigu, yimasifũumi. Vese moarã, to yicõari, gãjerã ña otere rica juaräre quëne, “Mani moase sũorine quënose bũjarũarãja' yimasiatõ” yigu, tire yimasifũumi Dios. ¹¹ Jesús ì bajirere mũare gotimasiosũocaju yua, “To bajiro mani yise sũorine Cristore ajitirünurũarãma sigũri” yirã. Mũare yua gotimasiojama, ote ajere oteräre bajiro mũare yicaju yua. To bajiri yua gotimasiocati sũorine Cristore ajitirünurã ñari, yua otecatiricare bajiro bajirã ñaja mua. To bajiro bajirã mua ñajare, yua gotimasiocati vaja, mũare yua sãnijama, ¿vaja yiroti me ñaboayujarique? ¹² Gãjerã Cristo ì bajirere ña gotimasiojare, ñnare vaja yirũgũrãja mua. To bajiri, mũare gotimasiosũocanare roque, ¿ñnare mua ìsiro rẽtoro yure vaja yiroti me ñatiquẽ?”

To bajiro yiroti ti ñaboajaquëne, mũare vaja sãnibeticaju yua. Bũto josari yua moarũgũcati ti ñaboajaquëne, “Yũare ejarẽmoña”, mũare yibeticaju yua, “Gãjoa bojarã, Jesús ì bajirere gotimasioama' manire yiroma” yirã. ¹³ Diore yirũcũbũoriaviju ìre rũcũbũorã, bare ña cũsere ti vi moarimasa ñari, ña baroto cõro juacõari, barũgũama. Tire masiaja mua. ¹⁴ “Tire bajirone bajirũaroja yu ocare gotimasiodirrimasare quëne. Ña gotimasiose vajane bacatirũarãma”, yiyumi mani ujũ Cristo. ¹⁵ To bajiro ì yirere masigũ ñaboarine, mũare vaja sãnibeticaju yu. Sãnibeticacu ñari, “Yucũju yure vaja yiya” mũare yucagũ me yaja yu. Bũto ñiorijagu ñaboarine, mũare bare sãnibecũ rĩne, rijacoarucũja yu. To bajiri, Jesucristo ì bajirere yu gotimasiodirrimajama, vaja sãnibetirũgũaja. “Vaja taami Pablo' gãjerã ña yisere bojabecũ ñari, vaja sãnibeticaju”, yivariquënjaja yu.

¹⁶ Cristo ì bajirere gotimasioagũ ñari, “Ñamasugũ ñaja yu”, yituoïabetirũgũaja. Jesucristo yure ì gotiroticati ñaja yu moare. Tire yu gotimasiobetijama, rojose tãmũobogũja. ¹⁷ Jesucristo yure ì gotimasiorotibetone, yu masu “Ì ocare gotimasiodirrimacũja” yu yijama, “Yu gotimasiose vaja, quënose bũjarucũja”, yituoïabogũja yu. To bajiboarine, Jesucristo yure gotimasioroticõacami. To bajiri quënose yu bũjjajama, yu bũjabetijaquëne, no yibeaja ti. Ì ocare gotimasiocõa ñaroti ñaja yure. ¹⁸ To bajiro ti bajijare,

vaja sēnibecūne, Jesucristo ī bajirere gotimasio variquēnarūgūaja yu, vaja sēniroti ti ņaboajaquēne.

¹⁹ To bajiri yu gotimasiose vaja, yure vaja yimena ņari, rotimasibeamas masa. Yure ņina rotimasibetiboajaquēne, “Jājarābusa Cristore ajitirūnuato” yigu, ņina ņavariquēnarore bajiro bajiņarūgūaja yu. ²⁰ Jud'io masa tuju yu ņajama, Cristore ņina ajitirūnurotore bojagu ņari, ņinare bajiro bajiņaja yu quēne. To bajiro yu yijama, ado bajise yigu yaja yu: Moisére Dios ī roticūmasirere ajirūcūbuorā tuju yu ņajama, “Cristore ajitirūnuato” yigu, ņina yirūcūbuorore bajiro yirūgūaja. “Tire quēnaro mani ajirūcūbuojama, manire ņavariquēnarucūmi Dios” ņina yituoīarore bajiro tuoīagū me ņaboarine, to bajiro yirūgūaja yu. ²¹ Jud'io masa me ņarā tuju yu ņajama, “Cristo ocare yu gotimasiosere ajitirūnuato” yigu, ņina ņasere bajiro ņacōari, ņinare gotimasiorūgūaja. To bajiro yu bajijama, Dios ī bojabetire yigu me bajiaja. Jesucristore ajitirūnucōa ņarūgūaja yu. ²² “Manire ejarēmorucūmi Cristo” yituoīaboarine, tuoīagūirā tuju yu ņajama, ņinare bajiro bajiņaja yu quēne, “Yu gotisere ajivariquēnacōari, butobusa Cristo ocare ajitirūnuato” yigu. “Sīgūri yu gotimasiosere ajicōari, Cristore ajitirūnuato” yigu, yu yimasiro cōro yirūgūaja yu. ²³ “Cristore mua ajitirūnūjama, rojose tāmūotujabetiriaroju mua vaborotire muare yirētobosarucūmi” yire quetire ajijedicōato masa” yigu, to bajiro yirūgūaja. To bajiri, “Gājerā Cristore ajitirūnurāre Dios quēnaro ī yirotere bajiro yure quēne quēnaro yato” yigu, to bajiro yirūgūaja yu.

²⁴ Cristore ajitirūnurā, Dios quēnaro manire ī yirotere mani bojajama, josari yirūgūroti ņaja. Ūmatīmarā cōro buto ņina ūmaboajaquēne, sīgū ņagūmi ņina rētoro ūmacōari, quēnase bujarocū. To bajiri mani quēne, gājerā rētoro ūmagūre bajiro mani yimasiro cōro yirūgūroti ņaja, quēnase mani yise vaja, Dios quēnaro manire ī yirotere bojarā ņari. ²⁵ To bajiri, ī ūmaroto rījorojune quēnaro ņayucōagūmi. To bajiro ī bajijama, yoaro mene rojoribedo ti ņaboajaquēne, “Gājerāre ūmarētocōari, bujagusa” yigune bajicōagūmi. To bajiro ī bajijosase ūnire yirāne, Cristore ajitirūnurā quēne ī bojarore bajiro mani yisere ņacōari, yayiroti mejuare manire ī ņisrotire bojarā, quēnaro yirūgūaja mani. ²⁶ Quēnase mani bujaroti, yayiroti me ti ņajare, yu yimasiro cōrone Dios ī bojarore bajiro yiņarūgūaja yu. Ūmagū ī ūmagajanorotiju rīne tuoīacōari ūmagūmi. Īre bajiro bajiaja yu quēne, Dios quēnaro yure ī yirotere bojatuoīagū ņari, ī bojarore bajiro yiņarūgūaja yu. Quēarimasu ņaboarine, quēnaro ņose ejobecūmi. Yūjūama, quēnaro ņose ejogure bajiro bajigu ņari, Dios quēnaro yure ī yiroti rīrene tuoīagū, Dios ī bojarore bajiro yirūgūaja yu. ²⁷ To bajiri, yu gotimasiorāre quēnaro Dios ī yirotere yu gotiboajaquēne, “Rojose yure yiromi” yigu, yu bojasere yiruaboarine, ī bojasejuare yirūgūaja.

10

“Rūcūbuoruarā ņina quēnorujeoriarāre rūcūbuobesa”, yire

¹ Adire masiritibesa mua: Jud'io masa yua ņicua, Moisés ņamasir'ire sūyamasiriarā ņina bajimasirere masiritibesa. “Egiptoana ņinare sīabeticōato” yigu, Dios ī masise rāca buerine yua ņicūare buebibecōamasiņuju. To ī yijare, jediro jēacoamasiņujarā riaga, Oco Sūarisa vāme cutiya, gajejacatūaju ņinare rudirā. ² To bajiro ņina bajijama, “Moisére ajitirūnurā ņaja yua” yīorā bajimasiņujarā ņina. ³ ņina jēaro bero, ņina jediro ō vecaye manā vāme cuti Dios ī cōarere barūgūmasiņujarā. ⁴ To yicōari, ņina idicatirotire yigu, gūtajure oco budirotimasīņuju Dios. Ti oco ņina idise quēnase ņamasīņuju. Jesucristo quēne, gūtare bajiro ņagū quēnasere cōagū ņacoayumi. To bajicōari, gūta sūorine ņina catijama, Cristo, ruyubetiboarine, ņinare ī ņatirūnūjare, ņina jedirone quēnaro ņacoayuma. ⁵ Quēnaro ņinare ī ņatirūnūboarone, jājarā rojose ņina yijare, ņinare ņavariquēnabetimasiņuju Dios. To bajiro ņina yisere ņavariquēnabecu ņari, “Hjorucūja” ņinare ī yiboaria sitaju ņina ejabetone, “Yucū manojuare bajireacōaña mua”, ņinare yimasīņuju Dios.

⁶ To bajiro ņina bajimasire ņajare, “Dios ī bojabetire mani yijama, ņinare ī yimasiriarore bajiro manire quēne yiromi Dios” yimasirā ņari, mani yibetijama, quēnaja. ⁷ To bajiri yua ņicua sīgūri, “Ado bajigu ņagūmi” yiquēnorujeocōari, ņina rūcūbuomasiriarore bajiro

rūcubuoobesa m̄ua. Yua ñicua, ñna rūcubuoomasirere ado bajiro gotiaja Dios ocare Moisés ĩ ucamasire: “ ‘Ado bajigu ñagūmi’ yiquēnorujeocōari, ‘Īre rūcubuoorā yaja’ yirā, barujiyuma. To yicōari, idiyuma. To yigajanocōari, basavariquēnacama”, yigotiaja Dios ocare Moisés ĩ ucamasire, Dios ĩ bojabetire ñna yimasirere gotiro. ⁸To yicōari, gajeye yua ñicua sīgūri, rōmia rāca gāmerā ñna ajeriarā cūtimasire ũnire yibetiroti ñaja manire. To bajiro ñna yijaise vaja, cojorūmune veintitres mil ñnarāre bajirearotimasīñuju Dios. To bajiri ñnare ĩ yimasiriarore bajiro, “Manire quēne yiromi” yirā, yibetiroti ñaja. ⁹“Rojose mani yijama, rojose manire yirucūmi” yituoīaboarine, rojose yitujamena ñari, āña cūnieco, bajireacoamasīñujarā ñna. To bajiri, “Rojose tāmurobe” yirā, ñna yimasiriarore bajiro yibetiroti ñaja manire. ¹⁰Yua ñicua sīgūri Diore ñagōmacamasīñujarā. To bajiro ñna yise suorine ĩ tuagure ñnare sīarearoticōamasīñuju Dios. To bajiri āngeljua ñnare sīareacōamasīñuju. “Manire quēne to bajiro yirotiromi Dios” yirā, ĩre ñagōmacabetiroti ñaja.

¹¹“To bajise rojose yua ñicua ñna yimasiriarore bajiro mani yijama, ñnare ti bajimasiriarore bajiro bajiruarōja manire quēne”, yimasīaja mani. Adirodoriana, mani tuoīamasirotire yigu, ñna bajimasirere Moisére ucarotimasīñumi Dios. ¹²To bajiri, Cristore quēnaro ajitirūnugūma, quēnaro tuoīamasiri ñnato, “Jud'io masa rojose ñna bajimasiriarore bajiro yure bajirobe” yigu. ¹³Quēnaro tuoīaroti ti ñnaboajaquēne, “ ‘Rojose yirūabeaja’ yicōaboarine, rojose yicōaroti ñaja”, yituoīaroti me ñaja m̄uare. “Yure rojose ĩ rotirore bajiro m̄uare rotibecūmi Satanás”, yiroti me ñaja. Gājerāre rojose ĩ yirotirore bajiro rīne manire yirotirūgūami. Rojose manire ĩ yirotiaboajaquēne, “Tire yibeticōari, yu bojasejūare yirā ñnato” yigu, manire ejarēmorcūmi Dios.

¹⁴To bajiri yu mairā, “Jud'io masa rojose ñna bajimasiriarore bajiro manire bajirobe” yirā, quēnaro tuoīamasiri ñña m̄ua. “Ado bajirā ñarāma”, ñna masune yiquēnorujeocōari, ñna rūcubuoorāre rūcubuoobeticōaña. ¹⁵Quēnaro tuoīamasirā ñari, m̄uare yu gotisere ajicōari, “Riojo gotiami Pablo”, yituoīamasiruarāja m̄ua. ¹⁶Cristo manire ĩ rijabosarere tuoīarā, ũye ocore mani idiroto rījoro, “Quēnaja” Diore yicōari, mani idijama, ¿Cristo ri'ire idirā me yatique mani? Pan mani baroto rījoro, “Quēnaja” Diore yicōari mani bajama, ¿Cristo rujū riire barā me yatique mani? To bajiro mani yijama, “Manire ejarēmogūmi”, yituoīaja mani. To bajiro mani yisere ĩacōari, b̄utobusa manire ejarēmogūmi, “Yure ajitirūnūato” yigu. ¹⁷Jājarā ñnaboarine, pan cojane batecōari, baja mani. To bajiro yirā ñari, ĩ yarā ñaja mani jediro.

¹⁸Jud'io masa, Diore rūcubuoorā, vaibucurāre sīacōari, mojoroaca soem̄uorāma. To yicōari, ruyasere barāma. Tire ñna bajama, “Manire ejarēmogūmi”, yituoīaama ñna. To bajiro ñna yisere ĩacōari, “B̄utobusa yure ajitirūnūato” yigu, ñnare ejarēmogūmi Dios. To bajirone tuoīarāma, “Ado bajirā ñarāma” ñna masune yiquēnorujeocōari, rūcubuoorā quēne. ¹⁹To bajiro yu yijama, “Catirā ñarāma ñna quēnorujeoriarā” yigu me yaja. To yicōari, “Īnare rūcubuoorā vaibucu rii ñna cūse ñamasuse ñaja” yigu me yaja. ²⁰Ado bajirojua yigu yaja yu: Diore masimena, ñna quēnorujeoriarāre ñna rūcubuoajama, vātiajūare rūcubuoorā yirāma. To bajiri, vātiare m̄ua ejarēmosere, to yicōari, vātiajua quēne, ñnare m̄ua ajitirūnurotire yirā, m̄uare ñna ejarēmorotire bojabeaja yu. ²¹To bajiri mani ũjūre rūcubuoocōa, vātiare quēne rūcubuo mani yijama, quēnabetoja. To bajiro yibetiroti ñaja manire.

²²To bajiro mani yijama, ĩajūnisinirucūmi mani ũju. Ī rētoro masirā me ñaja mani. To bajiri, “Rojose mani yise vaja, rojose ĩ yijama, rudimasibetiruarāja mani”, yimasīaja.

“Mani ñaroti rīne tuoīaroti me ñaja”, yire queti

²³Ado bajiro yisere ajirūgūaja m̄ua: “Mani bojarore bajiro yimasīaja”, yigotiaja. To bajirone bajaaja, bajirojuma. Jediro mani yise manire ejarēmobeaja. To bajiro mani yijama, “Gājerā, Dios ĩ bojarore bajiro yirā ñnato” yirā me, yirāja mani. ²⁴Mani masu quēnaro mani ñaroti rīne tuoīaroti me ñaja. Gājerā quēnaro ñna ñarotire quēne tuoīarūgūuarāja mani.

²⁵ Vaibucsu rii ñna ñsirijũ ñasere vaja yicõari, “Rojose ñaroja” yituoĩamenane, mũa bajama, quẽnaja. “¿Ñna quẽnorujeor'ire rũcũbuorã ñna cũrũare ñati adi?”, yisẽniĩabeja. Dios ocare masa ñna ucamasire ado bajiro ti gotijare, “Sẽniĩabetiroti ñaja”, mũare yaja yũ: ²⁶ Adi macarucũroaye jediro Dios ñ rujeore ti ñajare, bare ñaro cõrone mani bajama, quẽnaja.

²⁷ Cristore ajitirũnũbecũ, “Yũ tu barã vayã” yicõari, no bojase ñ ecasere mũa bajama, quẽnaja. “¿Ñna quẽnorujeor'ire rũcũbuorã vaibucsu rii ñna cũrũare ñati adi?” yisẽniĩamenane, mũa bajama, quẽnaja. ²⁸⁻³⁰ “Tire mani bajama, quẽnaja” mũa yituoĩajama, gãji magũmi, “Rojose yirã yaja mũa” yigũ. Ñna quẽnorujeor'i tũjũ ñna cũrũare riire, “Quẽnaja” Diore mũa yisẽniro bero mũa bajama, rojose yirã me yirãja mũa. To bajiboarine, Cristore ajitirũnũgũ, “Ñna quẽnorujeor'i tũjũ ñna cũrũare rii ñaja, mani babeti” ñ yigotijama, babeja. ³¹ To bajiri mani bajama, mani babetijaquẽne, mani idijama, mani idibetijaquẽne, no bojase mani yijama, Dios ñ bojarore bajiro yirũarãja mani, ñre rũcũbuorã. ³² Gãjerãre ñamaimenane mani bojarore bajiro mani yisere ñacõari, “Ñna quẽne rojose yiroma” yirã, yibetiroti ñaja. ³³ Tire mũare yũ gotirore bajiro yirũgũaja yũ. To bajiro yigũ ñari, yũ masu yũ bojasere yibecũne, yũ rãcana jediro ñnare yũ ejarẽmorotijũare tũoĩacõari, yirũgũaja yũ, “Yũ yise sũorine Cristore ajitirũnũcõari, rojose tãmuotũjabetiriaroju ñ yirẽtobosarã ñato” yigũ.

11

¹ To bajiri, “Cristo ñ bajiñariarore bajiro yiroti ñaja” yituoĩacõari, yũ yimasiro cõro yirũgũaja yũ. To bajiri mũa quẽne, yũ bajiñarũgũsere tũoĩacõari, mũa yimasiro cõro yirũgũroti ñaja.

Rẽjariavijũ Diore sãnirã, ñ ocare gotirã, rõmia ñna bajiroti queti

² “Jediro yũ gotimasioatire masiritimenane, ajitirũnũcõa ñnarãja mũa”, yivariquẽnaja yũ. ³ To bajiro yigũ ñaboarine, gajeye mũare gotimasioaja yũ. Rẽjacõari, Diore mũa rũcũbuose, “Ado bajirojũa yiroti ñaja”, mũare yigotigũ yaja yũ: Tocãrãcũre rotigũ ñari, mani rũjoare bajiro bajiami Cristo. To bajirone bajiaja rõmia manajũa cõtirãre. Ñna manajũa, ñna rũjoare bajiro bajirã ñnarãma, ñnare rotirã ñari. To bajirone bajiaja Cristore quẽne. Ñ jacsũ, ñ rũjoare bajiro bajigũmi, ñre rotigũ ñari. ⁴ To bajiro ti bajijare, rẽjariavijũ, rũjoa jeoriarori jeocõari, Diore ñna sãnijama, Dios oca ñna gotijaquẽne, Cristore rũcũbuomena yirãma. ⁵ Rõmiajũama, ñna rũjoa jeoriarori jeomenane Diore ñna sãnijama, Dios oca ñna gotijaquẽne, ñna manajũre rũcũbuomena yirãma. Ñna rũjoa jeoriarori ñna jeobetijama, joa suagoriarãre bajiro bajirã ñnarãma, ñnare rũcũbuomena ñari. ⁶ To bajiro ti bajijare, “Rõmia manajũa cõtirã ñna rũjoa jeoriarorire ñna jeorũabetijama, ñna joare suagoroti ñaja”, mũare yaja yũ. To bajiro yũ yijama, “Bojoneose ti ñajare, rũjoa jeoriarorire jeoato” yigũ yaja. ⁷ To bajiri ñmũa, Diore ñna sãnijama, ñ ocare ñna gotijaquẽne, rũjoa jeoriarorire jeobetiroti ñaja, “Yũre rotibosacõari, yũre rũcũbuoato” yigũ, Dios ñ rujeoriarã ñari. Rõmiajũama, “Ñmũare rũcũbuoato” yigũ, Dios ñ rujeorio ñnaamo. ⁸ Rõmio gõarore ãmicõari, ñmũre rujeobesumi Dios. Ñmũ gõarojũare ãmicõari, rõmiore rujeomasinũmi Dios. ⁹ “Rõmiore ejarẽmoato” yigũ me, ñmũre rujeomasinũmi Dios. Rõmiojũa, ñmũre ejarẽmoato yigũ, rujeomasinũmi. ¹⁰ To bajiro bajimasire ti ñajare, ñna manajũare rũcũbuorã, rũjoa jeoriarori ñna jeojama, quẽnaja. To bajiro ñna yijama, “Dios ñ bojarore bajiro yama, ñna manajũare rũcũbuorã”, yĩavariquẽnarũarãma ángel mesa. ¹¹ Ñmũare quẽne, rõmiare quẽne rujeoyumi Dios. Rõmia ñna manijama, quẽnaro ñamasimenama ñmũa. Rõmia quẽne, ñmũa ñna manijama, quẽnaro ñamasimenama. ¹² Ñmũ gõarone rõmiore Dios ñ rujeomasirio so ñaboajaquẽne, ñmũa, rõmia sũorine ñna ruyuase ti ñajare, “Gãmerã ejarẽmoroti ñaja”, yaja mani. To bajicõari, mani jediro ñaja Dios ñ rujeoriarã.

¹³ Mũa masune quẽnaro tũoĩamasiña. “Rẽjariavijũ Diore sãnirã, ñ ocare gotirã quẽne, rũjoa jeoriarori jeomenane rõmia ñna yĩñajama, quẽnabeaja”, yimasirãja mũa. ¹⁴ “Ñmũa yoese ñna joa cõtijama, bojoneose ñaja”, yituoĩaja mani. ¹⁵ Rõmiajũarema, “Yoese joa

cutirã ñaama”, yituoïaja mani. “Ína joa ñna rujoarire buase ñato” yigũ, Dios ñ cūmasire ñajare, to bajiro tuoïaja mani, rōmiare. To bajiri yoese ñna joa cutijama, variquēnaama rōmia. ¹⁶ Sīgũri to bajiro muare yũ gotisere ajicōari, “To bajiro me bajiaja” ñna yijama, “Ñajediroana Cristore ajitirũnrãre, to bajise rĩne gotirũgũaja yua, muare yũ gotiri vãmere”, ñnare yigotiroti ñaja.

Cristo ñ batũsare boserũmũre bañarã ñna rũcũbuobetire queti

¹⁷ Rējacōari, muã basere tuoïavariquēnabeaja yũ. “Rējacōari bato mani” muã yibetijama, quēnacōaboriaroja. ¹⁸ “Rējaboarine, ricati rĩne tuoïarã ñnari, ricatitubuari rujicōari, gãjerã rãca oca josaama”, yire queti ajiaja yũ, muare. Ado bajiro tuoïarã muã ñajare, “To bajirone bajirãma”, muare yaja yua: ¹⁹ “Mani tuoïarore bajiro tuoïarã rãca mani rujijama, ‘Ína ñaama Dios oca quēnaro masirã’ manire yiruarãma”, yituoïarãja muã. ²⁰ Ricati rĩne tuoïarã ñnari, “Cristo ñ batũsarere tuoïacōari bato mani” muã yiboase, Cristore rũcũbuomena yirãja. ²¹ Muã juavarere gãjerãre yumenane, bajeocōarãja muã. To bajiri jairo barã, to yicōari, idimecũrã muã ñaboajaquēne, muã bero ejarã sīgũri bare mana ñnari, ñiorijacōa ñnarãma. To bajiro yirã ñnari, cojo masare bajiro bajirã ñaboarine, muã bero ejarã rãca baba cutimasiña manoja muare. ²² Viri cutirã ñnarãja muã. Muã ya virijũne bare ba, idi, muã yijama, quēnaja. To bajiro muã yibetijama, gãjerã bare cũomenare rojose yĩorã yirãja muã. Gãjerã Cristore ajitirũnrãre ñaterã ñnari, ¿to bajiro yatique muã? “‘Bare cũomenare quēnaro yaja muã’ yato Pablo”, ¿yituoïaboati muã? Yibeaja yũ. To bajiro muã yijama, rojose masu yirã yirãja muã.

Mani mũjũ ñ rijaroto rĩjoro ñ batũsare queti

(Mt 26.26-29; Mr 14.22-25; Lc 22.14-20; Lc 4.1-7)

²³⁻²⁴ Adi muare yũ gotimasiose, mani mũjũ ñ rijaroto rĩjoro ñ batũsare queti ñaja. Yũre ñ goticati, to yicōari, muare yũ gotirētocati ñaja. Ado bajiro bajiaja: Mani mũjũre Judas ñre ñ ñsirocaroto rĩjoro, panre ãmicōari, “Quēnaja”, Diore yisēniñuju Jesús. To yigajano, panre mũtocōari, ñ buerimasare ñsibatogũne, ado bajise gotiyuju ñ: “Ti ñaja yũ rujũri. Muare rijabosarũcũja yũ. Yũ rijato bero, muare yũ rijabosare tuoïacōari, yũre rũcũbuorã, ado bajirone rējacōari, barũgũruarãja”, ñnare yigotiyuju. ²⁵ To yicōari, bare ñna baro bero, mũye oco sãñaribajare ãmicōari, ado bajiro gotiyuju Jesús quēna: “Adi ñaja tirũmũana, ‘Rojose mani yirere masirioato’ yirã, Diore rũcũbuoriajũ joere ñna yuejeoriarore bajiro bajise. Yucũrema, yũ ri'i ñaja. Ti sũorine, ‘Gajerodori ado bajiro masare quēnaro yirũcũja yũ’ Dios ñ yigotimasiriarore bajiro bajirũaroja. Yũ rijato bero, muare yũ rijabosare tuoïacōari, yũre rũcũbuorã, ado bajirone rējacōari, idirũgũruarãja”, ñnare yiyuju Jesús. ²⁶ ñ rotiriarore bajirone mani bajama, mani idijaquēne, yĩorũgũroti ñaja, “Manire rijabosayumi mani mũjũ” yirã. ñ tudiejarojũ to bajiro yitũjarũarãja mani.

²⁷ To bajiri, mani mũjũ manire ñ rijabosarere tuoïagũ, panre ba, to yicōari, mũye ocore idi, yiboarine, rũcũbuobeti rãca ñ yijama, Cristore rũcũbuobecũ yigũmi. “Cristo ri'i, ñ rujũri quēne, ñie vaja mani ñaja” yigũ yigũmi. ²⁸ To bajiri panre mani baroto rĩjoro, to yicōari, mũye ocore mani idiroto rĩjoro, rojose mani yirere tuoïa, Diore yigoticōari, panre ba, mũye ocore idi, yiroti ñaja. ²⁹ To bajiro yibecũrema, Cristo manire ñ rijabosare quēnaro ñ tuoïabetijare, rojose ñre yirũcũmi Dios. ³⁰ To bajiro ti bajijare, jãjarã ñnarãja muã rijaye cutirã. Gãjerãma, bajireacoana, bajireamena quēne ñnarãja muã. ³¹ Cristo manire ñ rijabosarere quēnaro tuoïacōari, to yicōari, rojose mani yirere tuoïa, Diore mani yigotijama, rojose manire yibetirũcũmi Dios. ³² Rojose mani yise sũori rojose Dios manire ñ yijama, “Rojose yitũjacōari, yũre ajimena rãca rojose tãmũotũjabetiriarojũ vabetirũarãma” yigũ yigũmi.

³³ To bajiri yũ mairã, mani mũjũ manire ñ rijabosare tuoïacōari panre barã, to yicōari mũye ocore idirã muã rējajama, gãjerãre yucōari, ñna ejajediro baba. ³⁴ Muã rējaroto rĩjoro, muã ñiorijajama, muã ya virijũ muã bajama, quēnacōaroja. To bajiro muã yijama, no yigũ rojose muare yibecũmi Dios.

Muã tũjũ ejacōari, gajeye quēnaro muare gotirũcũja yũ.

12

“Yũ ujose rãca gãmerã ejarẽmomasiato” yigũ, Esp'iritu Santo manire ï yire queti

¹ Yũ mairã, gajeye Esp'iritu Santo ï masise manire ï ujosere gotiguagu yaja yũ, “Masiato” yigũ.

² Diore mũa ajirũcũbuoroto rĩjoro, mũare yitorimi vãtia mũũ, Satanás. To ï yijare, “Ado bajirã ñarãma” ñna masune yitũoĩa quẽnorujeocõari, ñagõmena ñna ñaboajaquẽne, “Rẽtoro masirã ñarãma” socarãne yirũcũbuorã ñañũja mũa maji. ³ To bajiri, ado bajise mũa masisere bojaja yũ: Esp'iritu Santo rãca ñagũma, “Rojose tãmũotũjabetiriaroju Jesũre cõaroti ñaja”, yibecũ ñagũmi. To bajicõari, “Mani mũũ, Jesũre, Dione ñagũmi” yigũma, Esp'iritu Santo ï ejarẽmose rãca tire yigũmi.

⁴ “Dios ï bojarore bajiro yimasiato” yigũ, ï masisere manire mũjoyumi Esp'iritu Santo. ï sũgũne manire mũjor'i ï ñaboajaquẽne, tocãrãcũre ricati rĩne mani yimasirotire manire mũjoyumi. ⁵ Dios ï bojasere yirã, ricati rĩne mani yimasise ti ñaboajaquẽne, sũgũne ñaami mani mũũ. ⁶ Ricati rĩne manire ï ejarẽmose ti ñaboajaquẽne, sũgũne ñaami manire ejarẽmogũma. ⁷ Ado cõrone Esp'iritu Santo manire ï ujosere mũare gotigu yaja: Tocãrãcũre Esp'iritu Santo ï ñajama, “Gãjerãre ejarẽmomasiato” yigũ, ï masisere mũjogũmi. “Esp'iritu Santo ï mũjor'i ñari, to bajiro yami”, yimasire ñaja. ⁸ “Quẽnaro tũoĩacõari gotimasioğũ ñato” yigũ, ï yimasirotire ïre mũjogũmi. Gãjirema, “Dios ocare quẽnaro ajimasicõari, ñnare gotimasioğũ ñato” yigũ, ï yimasirotire ïre mũjogũmi. ⁹ Gãjirema, “Dios ï masise rãca yũre ejarẽmorucũmi” ï yitũoĩarotire ïre mũjogũmi. Gãjirema, rijaye cutirãre ï catorotire ïre mũjogũmi. ¹⁰ Gãjirema, ñaĩañamani ï yĩorotire ïre mũjogũmi. Gãjirema, “Ïre yũ gotisere ajicõari, yũre gotirẽtobosarimasũ ñato” yigũ, ï yimasirotire ïre mũjogũmi. Gãjirema, gãjerã ñna gotisere ajicõari, “Esp'iritu Santo ï ejarẽmojare, ñnare gotiama; vãtijũa ï ejarẽmojare, ñnare gotiama” ï yimasirotire ïre mũjogũmi. Gãjirema, gãjerã oca masibecũ ñaboarine, ï ñagõmasirotire ïre mũjogũmi. Gãjirema, “Ti ocare buebecũ ñaboarine, ajimasicõari, gotirẽtogũ ñato” yigũ, ï yimasirotire ïre mũjogũmi. ¹¹ Ricati rĩne tocãrãcũre ï bojarore bajiro ñna yimasirotire ñnare mũjogũmi.

“Cojo ruju ñaboarine, mani rujure jairo ñabateaja”, yire queti

¹² Mani rujure jairo ñabateaja, cojo ruju ñaboarine. To bajirone bajiaja mani Cristore ajitirũnrã quẽne. ¹³ Jediro ñaja mani. Jud'io masa, jud'io masa me ñarã quẽne ñaja mani. Sũgũri gãjerãre moabosarã, gãjerãma, moabosamena ñaja mani. Mani jedirore oco rãca mani bautiza ecorone, manire ejayumi Esp'iritu Santo. To bajiri Esp'iritu Santo sũorine Cristo yarã, cojo masare bajiro ñaejayuja mani.

¹⁴ Mani ruju, cojo ruju ñaboarine, jairo vãme cutibatoaja. ¹⁵ Mani rujure, gũbo ti tũoĩajama, “Ãmo me ñaja yũ. To bajiri, rujuaye me ñaja” ti yiboajaquẽne, rujuayene ñacõa ñaroja. ¹⁶ Gãmorõ ti tũoĩajama, “Cajea me ñaja yũ. To bajiri, rujuaye me ñaja” ti yiboajaquẽne, rujuayene ñacõa ñaroja. Tire bajirone bajiaja mani quẽne. Sũgũ, Cristore ajitirũnũgũ, gãjire ñacõari, “Ïre bajiro yimasigũ me ñaja yũ. To bajiri Cristo yũ me ñagũja yũ” ï yiboajaquẽne, Cristo yũne ñacõa ñagũmi. ¹⁷ Mani ruju ñaro cõrone, cajea rĩne ti ñacõajama, ¿no bajiro ajimasirãda mani? Mani ruju ñaro cõrone, gãmorõ rĩne ti ñacõajama, ¿no bajiro vĩnimasirãda mani? Tire bajirone bajiaja Cristore ajitirũnrãre quẽne. Ïre ajitirũnrã jediro, cojo vãme rĩne quẽnaro yimasirã mani ñajama, gaje vãme Dios ï bojasere yimasimena ñaborãja mani. ¹⁸ To bajiri, Dios, manire rujeosũogũjũne, mani ruju ñasere, “Adijũne ti ñajama, quẽnaja” yigũ, mani rujuayere rujeoyumi. To bajiri, mani ruju, cojo ruju ñaboarine, ricati rĩne ti ñabaterore bajirone bajiaja Cristore ajitirũnrãre quẽne. ¹⁹ Mani rujuaye, cojojũne jairijũro ti ñajedicoajama, rujujũama nojũa ñabetoja. ²⁰ To bajiri mani rujuaye jairo ñabateboarine, cojo rujũne ñaja.

²¹ To bajiro ti bajijare, mani cajea ti yijama, “Ñie vaja maja ãmo”, yimasibetoja. Mani rujoa quẽne, “Ñie vaja maja gũbori”, yimasibetoja. Ñajedirone manire ejarẽmoaja. Tire bajiro bajiaja Cristore ajitirũnrãre quẽne. Cristore ajitirũnũgũ, gãjire ñacõari, “Yũre bajiro yimasigũ me ñaami. Vaja magũ ñaami”, yibetiroti ñaja. ²² Ado bajirojũa bajiaja:

Mani ruju ñasere, “Adijuma ñamasuse me ñaja” mani yituoĩaboasene ñaja ñamasuse. ²³⁻²⁴ Mani ruju ñasere jediro toobetiboarine, “Ñamasuse me ñaja” mani yisere, “Gãjerã ñaroma” yirã, sudine sãñatoorũgũajaja mani. To bajiro mani yijama, mani ñorijũ rẽtoro tijaure mairãre bajiro yirã yaja. “To bajirone bajiato” yigũ, to bajise manire rujeoyumi Dios. ²⁵ Mani ruju jairo ñabateboarine, cojoro cõro ñamasuse ñaja. Mani Jesũre ajitirũnũrã quẽne, to bajirone bajirã ñaja. Jãjarã ñaboarine, ñamasurã rĩne ñaja mani. To bajiri variquẽnase rãca gãmerã mairõti ñaja. ²⁶ Mani ruju, cojojũ rojose ti tãmuojama, mani ruju jedirone rojose tãmuojedicõaja. To yicõari, mani ruju, cojojũ quẽnaro ti yiecojama, mani ruju jedirone quẽnaro yiecojedicõaja.

²⁷ To bajirone bajiaja mani Cristore ajitirũnũrã quẽne. Tocãrãcũne ñ yarã ñaja mani. Sĩgũ mani rãcagũ ñ sutiritijama, mani jedirone ñ rãca sutiritiaja. To yicõari, sũgũ mani rãcagũ ñ variquẽnajama, mani jedirone variquẽnaja mani. ²⁸ “Jãjarã ñacõari, ricati yato ñna” yigũ, tocãrãcũre ñ masisere manire ujoyumi Dios. To bajiri ñ bajirere goticudironare yũare cõacami Jesũs. Gãjerã, ñre gotirẽtobosaronare cũñumi Dios. Gãjerã, Dios oca gotimasioronare cũñumi. Gãjerã, ñaĩañamani yĩoronare cũñumi. Gãjerã, rijaye cutirãre cationare cũñumi. To yicõari, gãjerãrema ejarẽmoronare cũñumi. Gãjerãrema, Cristore ajitirũnũrãre ñmato ñaronare cũñumi. Gãjerãrema, ñna masibeti oca ñaboasere ñagõronare cũñumi. ²⁹ “Ricati rĩne yirũarãma” ñ yiriarã ñari, mani jedirone, Jesũs ñ bajirere goticudirã me ñaja. Mani jedirone Diore gotirẽtobosarã me ñaja. Mani jedirone, Dios ocare gotimasiorã me ñaja. Mani jedirone, ñaĩañamani yĩorã me ñaja. ³⁰ Mani jedirone, rijaye cutirãre catorã me ñaja. Mani jedirone, mani masibeti ocare ñagõrã me ñaja. Mani jedirone, mani masibeti oca ñna ñagõsere buemena ñaboarine, tire ajimasicõari, gotirẽtoburã me ñaja. ³¹ To bajiri, jedirone masijeobetiboarine, quẽnamasusejuare ñ uxorõtire sãniña.

To bajiro mũa yiboajaquẽne, gajeye ñaja rẽtoro ñamasuse. Tire mũare gotiguagu yaja yũ.

13

“Gãjerãre mani maise ñaja ñamasusema”, yire queti

¹ Cojo oca ruyabeto mani ñagõmasiboajaquẽne, to yicõari, ángel mesa yere quẽne ñagõmasijoecõaboarine, gãjerãre mani maibetijama, vaja mana ñarãja mani. Ñagõre me ñaroja. Bũto bũsiserẽ yibũsiorãre bajiro yirãja mani, gãjerãre mani maibetijama. ² Diore gotirẽtobosarã, to yicõari, Dios ye masa ñna masibetire masijeorã ñaboarine, gãjerãre mani maibetijama, vaja mana ñarãja mani. “Manire ejarẽmorũcũmi” Cristore yituoĩarã ñari, gũtaure, “Gajerojũ vũrũrũgũcoasa mũa masune” yimasiboarine, gãjerãre mani maibetijama, vaja mana ñarãja mani. ³ “Masare ñnare maibetiboarine, maioro bajirãre jediro yũ cõosere ñnare ñsijeocõari, yũ masu ruju quẽne ñnare rijabosacoarũcũja” yũ yijama, “Quẽnaro yigũ ñaami” yũre ñna yivariquẽnasere bojagũ yũ yijama, Dios tũju ñie vaja bũjabecũja yũ.

⁴ Gãjerãre mani maijama, ado bajiro bajirũarãja mani: Rojose manire ñna yiboajaquẽne, ñnare jũnisinimenane, quẽnasejuare ñnare yirũarãja. Quẽnaro ñna ñajama, “Yũa rẽtoro quẽnaro ñnaama”, yĩajũnisinirã me ñnarũarãja. “Ñamasurã ñaja yũa” yirã me ñnarũarãja. ⁵ Quẽnaro mani ñnase rĩ mere tũoĩarãja mani. Gãjerã quẽnaro ñna ñasere quẽne tũoĩarãja. Gãjerã rojose manire ñna yiboajaquẽne, ñnare rũcũbũorã, yoaro mene jũnisini tũjacoarũarãja. ⁶ Gãjerã rojose ñna yisere ñavariquẽnamenaja. Quẽnaro ñna yisejuare ñavariquẽnarãja. ⁷ Gãjerã rojose ñna yijare, bũto rojose mani tãmuose ti ñaboajaquẽne, ñnare maitũjamena ñari, ñnare ñagõmacamenaja. Rojose ñna yiboajaquẽne, quẽnaro ñna yirotere tũoĩacõa ñnarũarãja.

⁸ Gãjerãre mani maise, jedise me ñaja. Diore gotirẽtobosarejuama, jedise ñaja. Masa ñna masibeti oca ñagõre, mani masise quẽne, jedise ñaja. ⁹ Ado bajiro ti bajijare, “Jedise ñaja”, mũare yaja yũ: Adirodori Dios ñ masise manire ñ ujoye ti ñaboajaquẽne, jediro masibeaja mani. ñre gotirẽtobosare Dios ñ ujoye ti ñaboajaquẽne, ñajediro

ajimasibeaja mani. ¹⁰ To bajiboarine, ĩ tujũ mani ejaro, ĩ masisere manire ĩ Ʃjojare, jediro ajimasijeoc̄aruarãja mani. To c̄orone adirodoriaye mani masise, vaja maniruaroja.

¹¹ Ado bajiro bajaiaja: Daqueguaca yũ ñajama, ñagõjeomasibeticajũ yũ maji. To bajicõari, quẽnaro tuoĩabeticajũ. Вучуасчју, to bajiro yũ bajicatire yitujacajũ yũ. ¹² Tire bajirone bajaiaja adi quẽne: Quẽnaro ruyubetiase ěoro ĩariarore bajiro Dios yere quẽnaro ajimasijeobeaja mani maji. To bajiboarine, Dios tujũma ěoro quẽnaro ruyubetiase ĩarãre bajiro me Diore ĩaruarãja mani. To c̄orojũma quẽnaro ajimasijeoc̄aruarãja mani yuja.

¹³ To bajiri idia vãme ñaja, adirũmuriaye ñamasuse mani yirũgũroti: Diore ajitirũnrũgũroti ñaja. Gaje vãme, “Dios ĩ gotiriarore bajiro ĩ masise manire Ʃjojec̄arũcũmi”, yituoĩarũgũroti ñaja. To bajicõari, tũsari vãme ñaja ñamasuri vãme, “Gãjerãre mairũgũroti ñaja” yiri vãme.

14

Gajeye oca masiñamani ñaboasere ĩna ñagõre queti

¹ To bajiri gãjerãre mani maise ñamasuse ti ñajare, mani yimasiro c̄oro gãjerãre mairũgũto mani. To yicõari, gajeye Dios ĩ masise ĩ yarãre ĩ Ʃjosere bũto bojarã ñari, ĩre s̄enirũgũroti ñaja. Tire bojarã, gajeye mũa bojaro r̄etro Diore gotir̄etobosarotire mũare ĩ Ʃjosere mũa bojajama, quẽnaja. ² Ado bajiro ti bajijare, to bajise mũare yaja yũ: Sĩgũ, masiñamani oca ĩ ñagõjama, masare ñagõgũ me yigũmi. Diore ñagõgũ yigũmi, Esp'iritu Santo ĩ Ʃjose rãca. ĩ rãcanajũama, ĩre ajimasimenama, “To bajirone bajiato” yigũ, Dios ĩ yise ti ñajare. ³ Gãjijũama, Diore gotir̄etobosagũ, masare gotigũ yigũmi. To bajiro ĩ yijare, bũtobũsa Diore ajitirũnrũama. ⁴ Masiñamani oca ñagõgũrema, ĩ sigũrene quẽnaja ti. Gãji, Diore gotir̄etobosagũjũama, ĩ rãca r̄ejarãre ejarẽmogũ yigũmi.

⁵ To bajiri sigũ ruyabeto oca masiñamanire mũa ñagõjama, quẽnaroja. To bajiboarine, Diore mũa gotir̄etobosajama, r̄etobũsaro quẽnaruaroja. To bajiboarine, masiñamani oca ñagõgũ ĩ ñagõrone, “Mani rãca r̄ejarã ajimasicõari, bũtobũsa Diore ajitirũnrũato” yigũ, gãji tire ĩ gotir̄etobujama, ñamasuse moagũ yigũmi, ĩ quẽne. ⁶ Ado bajiro bajaiaja: Yũ mairã, mũare ĩagũ ejagũ, masiñamani oca yũ ñagõjama, ĩno bajiro mũare ejarẽmogũ yiguada yũ? Mũare yũ ejarẽmorũajama, ado bajirojũa yiroti ñaja: Dios ĩ ejarẽmose rãca ĩ ocare buecõari mũare gotiroti ñaja. To bajiro yũ yibetijama, ĩ ocare buebetiboarine, ĩ ejarẽmose rãca tuoĩacõari mũare gotiroti ñaroja.

⁷ Gotimasiore queti mũare gotigũ yaja: Tõroare quẽnaro ĩ jutibetijama, “Ti basare jutigũ yami”, yimasina manojã. To bajirone bajiroja arpa vãme cõtijare quẽne. Quẽnaro ĩ yibũsomasibetijama, “Ti basare yami”, yimasina manojã. ⁸ Surarare jigũ, trompeta vãme cõtijũ quẽnaro ĩ jutibetijama, “Sĩarotigũ yiromi”, ĩre yiajimasimenama, quẽnaro ĩ jutibeti ti ñajare. ⁹ To bajirone bajaiaja, gãjerã, oca masiñamani mũa ñagõboajama. Mũa ñagõboasere ajimasibeticõari, “To bajiro yire ũni ñaja”, yimasibetiruarãma ĩna. To bajiro bajica yiro, masa mano ñagõriarore bajiro bajicõaroja. ¹⁰ Adi macarũcũrore jãjarã masa ñarãma ricati rĩne ñagõrã. ĩna cojo masama, gãmerã ajicõarãma. ¹¹ To bajiboarine, yũ ocare ajibecũ rãca, yũa ñagõboajama, gãmerã ajimasimenaja. To bajiro ti bajijama, gãmerã ejarẽmomasiña manojã. ¹² To bajirone bajiroja mũare quẽne, masiñamani oca mũa ñagõjama. Gãjerãre ejarẽmomasiñenaja. To bajiri, Esp'iritu Santo ĩ masise mũare ĩ Ʃjorotire bũto bojarã ñari, gãjerãre ejarẽmorotijũare s̄eniña, “Bũtobũsa Diore ajitirũnrũato” yirã.

¹³ Gãjerãre ejarẽmorotire tuoĩarã ñari, masiñamani oca ñagõrã quẽne, Diore s̄eniña mũa, “Ti ocare buebecũ ñaboarine, ajimasicõari, gãjerãre gotir̄etobumasirã ñarãsa” yirã. ¹⁴ Diore s̄enigũ, oca masiñamani yũ ñagõjama, Esp'iritu Santo ĩ ejarẽmose rãca to bajiro ñagõgũja yũ. “To bajiro yirũaro yaja” yimasibetiboarine, ñagõgũja yũ. To bajiri gãjerãma yũre ajimasimenama. ¹⁵ To bajiro ti bajijare, ado bajiro yiroti ñaja: Cojojirema Esp'iritu Santo ĩ masise yũre ĩ Ʃjose rãca Diore s̄eniroti ñaja. Gajejũma, yũ masune tuoĩacõari, ĩre s̄eniroti ñaja. Cojojirema Esp'iritu Santo ĩ masise yũre ĩ Ʃjose rãca basaroti ñaja. Gajejũma, yũ masune tuoĩacõari, basaroti ñaja. ¹⁶ To bajiro mani

yibetijama, Esp'iritu Santo manire ĩ ʘjose rāca Diore mani yirūcubʘojama, “Tire ñagōrā yama”, manire yimasimenama ĩna. To bajiri, mani rāca Diore yirūcubʘomasimenama. ¹⁷ “Quēnaro yaja mʘ” Diore mani yiboajaquēne, manire ajimasibeticōari, quēnabʘsaro Diore ajitirūnʘmenama gājerā. ¹⁸ Mʘa rētoro masiñamani oca ñagōaja yʘ. To bajiri, yʘ masibeti oca ñaboasere yʘ ñagōmasise yʘre ĩ ʘjose ti ñajare, “Quēnaro yaja mʘ”, Diore ĩre yaja yʘ. ¹⁹ To bajiboarine, cojomocārāca vāme cōro gotimasiorʘarūgūaja, quēnaro ĩna ajimasirotire yigʘ. Diez mil ñari vāme ñase oca gājerā ĩna ajimasibeti yʘ gotijama, ajimasibetiborāma.

²⁰ Yʘ mairā, rīamasare bajiro tʘoĩabesa mʘa. Bʘcʘrā ĩna tʘoĩarore bajiro tʘoĩacōari, quēnaro tʘoĩamasiña, yʘ gotimasiosere. Rojosere rīamasa ĩna tʘoĩamasibetore bajiro mʘa quēne rojosejʘarema yibeticōaña. ²¹ Dios ocare masa ĩna ucamasire ti gotijama, ado bajiro gotiaja: “ĩna tʘjʘ gajeye oca ñagōrāre cōarʘcʘja. To bajiro yʘ yiboajaquēne, yʘre ajibeticōa ñarʘarāma”, yigotiaja Dios oca masa ĩna ucamasire. ²² Ado bajiro manire yaja ti: “Masiñamani oca, Esp'iritu Santo ĩ masisere manire ĩ ʘjose rāca mani ñagōjama, Cristore ajitirūnʘrā ĩna ĩaro rījoro ñagōroti me ñaja. ĩre masimena ĩna ĩaro rījorojʘa ñagōroti ñaja”, yaja ti manire. To yicōari, Diore mani gotirētosajama, Cristore ajitirūnʘmena ĩna ĩaro rījoro ñagōroti me ñaja. ĩre ajitirūnʘrā ĩna ĩaro rījorojʘa ñagōroti ñaja, “Quēnabʘsaro Cristore ajitirūnʘato ĩna” yirā. ²³ To bajiro mʘare gotiboarine, ado bajise mʘare yicōa ñaja yʘ: “Masiñamani oca mani ñagōjama, ñie vaja manoja. Tire ajimasimenama gājerā”, mʘare yicōa ñaja yʘ. Mani jediro rējacōari, masiñamani oca mani ñagōjama, gājerā Cristo ĩ bajirere ajimena, to yicōari ocare ajimena, sājajacōari, “Mecʘrā yama”, manire yīarʘarāma. ²⁴ To bajiboarine, Diore mani gotirētosañarone, sājajacōari, Dios oca ti ñajare, “‘Rojose yirā ñaama’ yʘare yīagūmi Dios”, yimasirʘarāma Cristo ĩ bajirere ajimena. ²⁵ “Yʘa ʘsurijʘ rojose yʘa tʘoĩasere masicoami Dios”, yirʘarāma. To yicōari, Diore rūcubʘorā, gʘsomonuari tʘeturʘarāma ĩna. To yicōari, “Socarā me yaja mʘa. Mʘa rācane ñagūmi Dios”, yirʘarāma.

“Rējacōari, Diore rūcubʘorā, ado bajiro yirūgūroti ñaja”, yire

²⁶ Yʘ mairā, rējacōari, Diore rūcubʘorā, ado bajiro mʘa yijama, quēnaja. Sīgūri basa, gājerāma, Dios ocare buecōari gotimasio, gājerāma, Dios ĩnare ĩ ñagōrotisere goti, gājerāma, masiñamani oca ñagō, to yicōari, gājerāma, masiñamani ocare ajimenare, “Ado bajiro yirʘaro yaja”, ĩnare yirʘarāja mʘa. “Quēnabʘsaro Diore ajitirūnʘato” yirā, ti jediro gāmerā ejarēmorʘarāja mʘa. ²⁷ Masiñamani oca mʘa ñagōrʘajama, jʘarā, idiarā cōrone ñagōrʘarāja mʘa. Jājarā ĩna ñagōjama, quēnabetoja. Sīgū ĩ ñagōro bero, ñagōrʘcūmi gāji. ĩ bero ñagōrʘcūmi ñagōtʘsagʘ. Ajimasimena ñaboarine, masiñamani oca ĩna ñagōro bero, gājerā ti ocare ajimenare ĩna gotisere, “Ado bajiro yirʘaro yaja” ĩnare yigotimasiorimasʘ quēne ñarʘcūmi. ²⁸ “Ado bajiro yirʘaro yaja” yigotirimasʘ ĩ manijama, ĩna ĩaro rījoro mʘa masibeti ocare ñagōbetiroti ñaja. Ñagōbumenane, mʘa tʘoĩase rāca Diore mʘa ñagōjama, quēnaja. ²⁹ Dios ocare mʘa gotimasiojama, jʘarā, idiarā cōrone ñagōrʘarāja mʘa. Gājerā mʘa ñagōsere ajicōari, “Socabeama”, yijajimasirʘarāma. ³⁰ Sīgū, ĩ gotiñarone, ĩ gotisere ajigūjʘa, Dios ĩ ejarēmose rāca tʘoĩacōari, ĩ quēne ĩ gotirʘajama, gotisʘogūjʘa gotitʘjato, “ĩjʘa gotiato” yigʘ. ³¹ To bajiri, sīgū ĩ gotiro bero, gotirʘcūmi gāji. ĩ bero gotirʘcūmi gāji. To bajiro rīne yirūgūrʘarāja mʘa. To bajiro mʘa yivajama, sīgū rʘyabeto Dios ocare ajivariquēnarʘarāma ĩna. ³² Diore gotirētosarā, ado bajiro bajirā ñari to bajiro quēnaro gotirūgūarʘarāja mʘa: Mʘa gotirētose Esp'iritu Santo mʘare ĩ ʘjosere, “Ado cōrone tire yʘ gotijama, quēnaja”, yimasirāja mʘa. ³³ Ñie oca mano mani rējasere ĩavariquēnarʘcūmi Dios. Rējacōari, gājerā ĩna gotirʘaro rūcubʘomenane mani ñagōjama, ĩavariquēnabecūmi.

To bajiri gājerā Jesúre ajitirūnʘrā ĩna rējarore bajiro, rojose oca mano mʘa rējajama, quēnaja. ³⁴ Diore rūcubʘorā, ĩna rējaro, rōmiamā ñagōbetirona ñaama, to bajiro ĩna yibetirūgūre ti ñajare. ĩna manajʘa ĩna rotirore bajiro cūdiroti ñaja. To bajirone

gotiaja Dios ocare masa ĩna ucamasire. ³⁵ ĩna masirġajama, ĩna ya vijġ tudiejacġari, ĩna manajġare ĩna sġniġajama, quġnaroja. “Rġjariavijġre ĩagġbetirġarġma rġmia” yire ti ĩajare.

³⁶ ĶNo yirġ yġ gotirore bajiro yibeticġa ĩati mġa maji? “Ī oca yġare cġġumi Dios, ‘Gġjerġ masare quġnaro riojo gotibosato’ yigġ”, Ķyitġoġaboati mġa? “Yġa rġne Dios ocare masa ĩna ucamasirere masirġ ĩaja yġa”, Ķyitġoġaboati? Mġa rġ me ĩaja Dios ocare ajicana. ³⁷ Sġgġ, “Diore gotirġtobosagġ ĩaja yġ” ĩ yijama, mġare yġ gotisere ajicġari, “Dios ĩ rotirore bajirone gotiami Pablo”, yimasirġcġmi. To bajirone yirġarġma gġjerġ quġne, “Esp'iritu Santo ĩ masise yġare ĩ ĳose rġca gġjerġre ejarġmoaja yġa” yirġ. ³⁸ Yġ gotimasiosere, “Socase ĩaja” sġgġ ĩ yigotijama, ĩre ajibeja.

³⁹ Yġ mairġ, ado bajiro mġare yaja yġ: Diore gotirġtobosaroti, Esp'iritu Santo mġare ĩ ĳjorotire bġto bojarġgġġna. Rġjacġari, gġjerġ masiġnamani oca ĩna ĩagġjama, “Īagġbesa”, ĩnare yibeja. ⁴⁰ To bajiboarine, gġmerġ rġcġbġorġ, quġnaro tġoġacġari, yġ gotirore bajiro yirġgġġna.

15

“Socase me ĩaja Cristo ĩ tudicatire”, yire queti

¹ Yġ mairġ, quġna Cristo ĩ bajirere mġare yġ gotimasiosġocatire mġa tuditġoġasere bojaja. Tire ajicġari, Cristore ajitirġnġrġ ĩacoacajġ mġa. ² To bajicġari, “Pablo ĩ gotirore bajirone yiyumi Cristo” mġa yitġjabetijama, rojose mġa tġmġoborotire mġare yirġtobosacġari, quġnaro mġare yirġcġmi Dios. To bajiboarine, mġa ajitirġnġ tġjajama, mġare yirġtobosabetirġcġmi Dios.

³ Ti oca ĩamasuse, Cristo yġre ĩ goticati ĩacajġ. Ado bajiro bajiaja: Dios ocare masa ĩna ucamasire ti gotirore bajirone rojose mani yise vaja manire rijabosayumi Cristo. ⁴ ĩre ĩna jajusġaro bero, ĩre yujeyujarġ ĩna. To bajiboarine, idiarġmġ tġsatirġmġne Dios ocare masa ĩna ucamasire ti gotirore bajirone ĩre catioyumi Dios. ⁵ To ĩ yijare, tudicaticġari, Pedrore ruyuaġoġuju Cristo. Bero, ĩ buerġ ĩariarġ cġrore ruyuaġoġuju quġna. ⁶ Bero, gġjerġ quiniento rġtoro ĩnarġre ĩre ajitirġnġrġre ruyuaġoġuju Cristo. To bajiri, jġjarġ caticġama maji, to bajiro ĩ bajirere ĩariarġ. Gġjerġma, rijareacoasuma. ⁷ Bero, Santiagore ruyuaġoġuju. Bero, ĩ ocare ĩ gotiroticġariarġ jedirore ruyuaġoġuju.

⁸ ĩnare ĩ ruyuaġoriaro bero, yġre quġne ruyuaġocami. ĩre yġ ajitirġnġroto rġjoro, “Cristore ajitirġnġrocġ ĩagġmi”, yġre yimasibeticama masa. Gġjerġ Cristo rġca ĩacġari, ĩre ĩna ajitirġnġriarore bajiro ĩre ajitirġnġbeticajġ yġ maji. ⁹ ĩre ajitirġnġrġre bġto rojose ĩnare yisġyacacġ ĩari, Cristo ocare gotigġ ĩaboarine, ĩamasugġ me ĩaja yġ. Gġjerġ ĩ ocare ĩ gotiroticġariarġ ĩama ĩamasurġma. ¹⁰ To bajiboarine Dios, yġre ĩamaicġari, Cristo sġorine ĩ ocare yġre gotiroticġaġumi. Quġnaro yġre ĩ yijare, quġnaro ĩre moabosaja yġ. To bajiri, “ĩre gotirotiboacajġ yġ”, yġre yibecġmi. Gġjerġ Cristo ĩ oca ĩ gotirotiriarġ rġtobġsaro gotimasiorġgġaja yġ, “Jġjarġbġsa ĩre ajitirġnġrġ ĩato” yigġ. Yġ masune yigġ me yaja. Yġre ĩamaicġari, quġnaro yġre ejarġmorġgġgġmi Dios. ¹¹ Cristo ĩ bajire yġ gotijama, gġjerġ Cristo ĩ gotirotiriarġ ĩna gotijaquġne, no yibeaja. Jediro mġare yġa gotise, ti rġne ĩacġaja, mġa ajitirġnġcati.

“Mani rijato bero, quġna mani tudicatibetijama, vaja maniboroja Cristore mani ajitirġnġse”, yire queti

¹² To bajiri, “ĩ rijato bero ĩre catioyumi Dios” yġa yigotise ti ĩaboajaquġne, mġajġama, Ķno yirġ “Bajireariarġ, tudicatimenama”, yati mġa? ¹³ To bajiro mġa yisere quġnaro tġoġaġna mġa: Tudicatire ti manijama, Cristo quġne tudicatibetiborimi. ¹⁴ Cristo ĩ rijato bero, Dios ĩre ĩ catiobetijama, ĩ oca masare yġa gotise, vaja maniboroja. ĩre mġa ajitirġnġse quġne, vaja maniboroja. ¹⁵⁻¹⁶ To bajiri, Dios Cristore ĩ tudicatiobetijama, socasere Dios ĩ gotiroticġarġre bajiro bajiborġja yġa. “Bajireariarġ tudicatibeticġato” ĩ yijama, Cristore quġne ĩre tudicatiobetiborimi Dios. ¹⁷ “Tudicatibetirimi Cristo” mġa

yituoġajama, ĩre mġa ajitirġnġuse, vaja maniboroja. Rojose mġa yisere mġare masiriobeti-borimi Dios. ¹⁸ To bajicġari, Cristore ajitirġnġriarġ quġne, tudicatio ecomenare bajiro bajirġma bajireariarġ, Cristo ĩ tudicatibetijama. ¹⁹ Cristore ajitirġnġrġ ĩaboarine, mani tudicatibetijama, ĩre ajitirġnġmena ĩna sġtiritiro rġtoro tġmġoborġja mani.

²⁰ Ado bajirojġa bajiaja: Cristo ĩ rijacoaboajaquġne, ĩre catioyumi Dios. To bajiri ĩ ĩagġmi, rijacoaboarine, quġna tudicaticġari, rijabetirocġ ĩasġogġma. To bajiro ĩ bajijare, “Mani quġne ĩre ajitirġnġrġ ĩari, rijacoaboarine, ĩre bajiro quġna tudicaturġrġja”, yimasiaja mani. ²¹ Sġgġ sġorine masa bajireare ĩasġoyuja. To bajiboarine, quġna sġgġ sġorine bajireacoaboarine, tudicature ĩasġoyuja. ²² Ado bajiro bajiaja: Adġn ĩamasir'i jġnerabatia ĩari, rijarġrġja mani. To bajiboarine Cristore ajitirġnġrġ ĩ yarġ mani ĩajare, manire catorġcġmi Dios. ²³ Cristo ĩagġmi rijacoaboarine quġna tudicatisġor'i. To bajicġari, adigodojġ ĩ tudiejaro, ĩre ajitirġnġriarġ tudicaturġrġma. ²⁴ To bajiro ti bajirone, adi macarġcġro jedirġaroja. ĩre ĩaterġ ĩaro cġrone ĩna rotiboasere ĩnare yirotibetirġcġmi Cristo. Adigodoana rojose yirotirġ, ō vecana rojose yirotirġre quġne ĩnare yirotibetirġcġmi. To yigajanocġari, ĩajediro, ĩre ajitirġnġrġre ĩ jacġ Diojġare ġjorġcġmi, “ĩajediro ġjġ ĩamasugġ ĩarġgġrġcġja mġ” yigġ. ²⁵ Cristo ado bajiro yirocġ ĩ ĩajare, “To bajirone bajirġaroja”, mġare yaja yġ: Cristo ĩ jacġre ĩ ġjoroto rġjoro, ĩ rotiĩarirodone, ĩre ĩaterġ ĩaro cġrone ĩna rotiboasere ĩnare yirotibetirġcġmi. ²⁶ ĩre ĩaterġ ĩna rotiboasere yirotibeticġari, quġna masa ĩna bajirease quġne bajibetirotirġcġmi Cristo. To bajiri ĩre ajitirġnġrġrema, jġaji rijare manirġaroja. ²⁷ Dios ocare masa ĩna ucamasire ti gotirore bajirone jediro ġjġ ĩarocġre Cristore cġrġcġmi Dios. Bajigġjġma, ĩ jacġre rotigġ me ĩaami Cristo. ²⁸ To bajiri, ĩre ĩaterġ ĩaro cġrone ĩna rotiboasere ĩnare yirotibeticġari, jedirore rotigġ ĩarġcġmi Cristo. Tirġmġne ĩ rotimasirotire ĩ ġjorere ĩre tudġisirġcġmi, ĩ jacġre, “ĩajediro ġjġ ĩamasugġ ĩarġcġja mġ” yigġ.

²⁹ “Bajireariarġ tudicatimenama” sġgġri mġa yisere tuoġacġari, gajeye mġare gotirġmorġaja yġ. ĩNo yirġ, bajireariarġ, oco rġca bautiza ecobetiriarġre tuoġacġari, “ĩnare bautiza ecobosato mani”, yati mġa? Bajireariarġ ĩna tudicatibetijama, oco rġca ĩna bautiza ecore vaja maniboroja ti. ³⁰ Gġjerġre Cristo ĩ bajirere yġa goticudise quġne, vaja maniboroja ti. Tire yġa goticudijare, rojose yġare ĩna yirġase ti ĩaboajaquġne, goticudicġa ĩaja yġa. Bajireariarġ ĩna tudicatibetiboajaquġne, ĩno yirġ to bajise yicġa ĩati yġa? ³¹ Yġ mairġ, riojo mġare gotiaja yġ. Bġto yġre ĩna sġarġajare, tocġrġcarġmġne tire tuoġarġgġaja. To bajiboarine, tire yġ tuoġaro cġro yġ goticati sġorine Jesucristo mani ġjġre mġa ajitirġnġsere tuoġavariquġnarġgġaja. ³² Adoana, Efeso macana yġre ĩatecġari, bġto rojose yġre ĩna yirġaboajaquġne, tone goticġa ĩacajġ yġ. Bajireariarġ ĩna tudicatibetijama, yġ goticati vaja, vaja bġjabetibogġja yġ. Mani rijato bero, mani tudicatibetijama, Cristore ajitirġnġmena ĩna tuoġarore bajiro tuoġaroti ĩaboroja. Ado bajiro tuoġarġma ĩna: “Mani bajireacoajama, tudicatimenaja mani” yituoġarġ ĩari, “Mani bojarore bajiro yito mani”, yituoġarġma.

³³ To bajiro ĩna yisere ajitirġnġbesa. “Rojose yirġ rġca mġa baba cġtijama, quġnaro yirġ ĩaboarine, ĩnare bajiro rojose yirġrġja mġa quġne” yirere masiritibesa. ³⁴ “Mani rijato bero, tudicatimenaja mani” mġa yituoġaboasere to cġrone tuoġatġjaya mġa. To yicġari, rojose mġa yisere quġne yitġjaya. “Rojose yirġ rġca baba cġtibesa”, mġare yibġ yġ, mġa rġcana sġgġri Diore masimena ĩna ĩajare. Tire mġare gotiaja yġ, yġ gotisere ajicġari, mġa tuoġabojonerotire yigġ.

Rijacoaboarine, quġna mani tudicatiroti queti

³⁵ “Mani rijato bero, tudicatiroti ĩaja manire” mġare yġ yiboajaquġne, sġgġri ĩarġja mġa ado bajise sġniġarġ: “Bajireariarġ ĩaboarine, ĩno bajiro tudicaturġda? To yicġari, ĩno bajiro rujġ cġtirġda?”, yġre yisġniġarġja mġa. ³⁶ To bajiro yġre mġa sġniġajama, quġnaro tuoġamasimena yirġja mġa. Ado bajirojġa bajiaja: Ote mani otejama, joeaye boacatoja. To bajiboarine, jubeayejġa judiroja. ³⁷ Trigo aje, gajeye mani otejama, rujġ jediro me oteaja mani. ³⁸ Mani otero bero, “Ote ti ĩarore bajirone judiato” yigġ, tire

judirotimasigūmi Dios. Trigo aje ti ñajama, trigo judiruaroja. ³⁹ Gajeyere quēne tuoiaña: Mani catirã, jediro ricati rīne rujū cūtiaja mani. Masa, vaibucurã, minia, vai quēne ricati rīne rujū cūtiama. ⁴⁰ Ō vecana quēne, ricati rujū cūtirāma. “Ō vecana ñato” yigū, ñare rujeoyumi Dios. To bajirone bajaiaja, adigodoaye quēne. “Adigodoaye ñato” yigū, tire rujeoyumi Dios. To bajiri ricati ñaja ti. Ricati ñaboarine, quēnase rīne ñacōaja. ⁴¹ To bajirone bajaiaja ũmūagu muiju ī bususere quēne. Ũmūagu muiju ī busuro cōro me busuami ñamiagu quēne. To bajicōari ñamiagu muiju ī busuro cōro me busuama ñocoa quēne.

⁴² To bajirone bajiruarāja mani. Mani rijato bero, quēna tudicaticōari, ricati rujū cūtiruarāja mani. Mani rujūrire gājerã ña yujero bero, boacoatoja. To bajiboarine, bero ricati rujū Dios manire ī īsirotijūama, rijabetirotirujū ñaruaroja. ⁴³ Mani rujū boarotirujū ñaja. To bajiboarine, bero Dios manire ī īsirotirujūjūama, no yimasiñamani rujū ñaruaroja. ⁴⁴ Mani rujū, “Adigodojū ñato” yigū, Dios ī rujeoriarujū ñaja. To bajiboarine, bero Dios manire ī īsirotirujūjūama, “Yū rāca quēnaro ñaruarāma” yigū, manire ī īsirotirujū ñaruaroja.

⁴⁵ Ado bajiro gotiaja Dios ocare masa ña ucamasire: “Adán ñamasir'ire ī catirotire ñe īsimasiñuju Dios”, yigotiaja. Adán beroagu ñaboarine ī rētoro ñamasugū ñaami Cristo. Ñe ñaami ñe ajitirūnūrã, rijacoaboarine, tudirijayamanire ũjogu. ⁴⁶ To bajiro ti bajiboajaquēne, ī rāca ō vecajū ñarotirujū mere manire īsisoyumi. To bajiro ī yiro bero, ō vecajū ī rāca mani ñarotirujūre manire īsirucūmi. ⁴⁷ Adán ñamasir'ire sitane rujeomasiñuju Dios. To bajiri adigodoagu ñamasiniuju ī. Bero vadir'i, Cristojūama, ō vecajū vadir'i ñañuju. ⁴⁸ Adigodoana Adán ñamasir'i rujū cūtiriarore bajiro rujū cūtiaja mani. To bajirone bajiruaroja, manire Cristore ajitirūnūrãre quēne. Cristo, rijacoaboarine, tudicaticōari, ī rujū cūtiriarore bajiro rujū cūtiruarāja mani quēne.

⁴⁹ Adigodoana Adán ī rujū cūtimasiriarore bajiro rujūri cūtirã ñaja mani. To bajiboarine, Dios tūjū ejacōari, Cristore bajiro rujū cūtiruarāja mani.

⁵⁰ Yū mairã, ñamasusere mūare gotigū yaja yū: Ado mani rujū cūtisema Dios tūjū ñarotirujū me ñaja. Gaje rujū, rujū cūticōari, Dios tūjū ñaruarāja. ⁵¹ Quēnaro yūre ajiya mūa. Masa ña masibeticatire mūare gotigū yaja yū: Cristo ī tudiejarō, ñe ajitirūnūrã jediro rijajedibetiboarine, sigū ruyabeto gaje rujū, rujū cūticoaruarāja mani. ⁵² Trompeta vāme cūtijū, ña jutibusiorone, guaro cajea bibitiarore bajirone bajireariarã, tudicaticōari, rijabetirotirujū, rujū cūtiruarāma. To bajiro ña bajirone, mani quēne bajireamenane Cristore ajitirūnūrã ñari, gaje rujū, rujū cūtiruarāja mani. ⁵³ Ado bajiro ti bajijare, to bajiro bajiroti ñaja: Mani rujū cūtise, rijacōari, boaroti ñaja. To bajiri rijabetirotirujūjūare, rujū cūtiroti ñaja. ⁵⁴⁻⁵⁵ To bajiro mani rujū cūtirone, Dios ocare masa ña ucamasire ti gotirotire bajiro bajiruaroja. Ado bajiro gotiaja: “Rijaroti ñaboasere reajeorucūmi Dios. To bajiro ī yijare, ñe ajitirūnūrã, tudirijabetiruarāma. To bajiri, no yirã ña bajirotire güimenama”, yigotiaja Dios ocare masa ña ucamasire. ⁵⁶ Dios ī rotimasiriarore bajiro yimena ñari, rojose tāmūoruarāma. To bajiro bajiroti ti ñajare, ña bajirearotire güirāma masa. ⁵⁷ To bajiboarine, mani ũjū Jesucristo manire ī rijabosare ñajare, mani bajirotire güibeaja mani. Tire tuoīacōari, “Quēnaro yaja mū”, Diore yito mani.

⁵⁸ To bajiri Jesucristore ajitirūnūrã tūjabetiruarāja mūa, yū mairã. To yicōari, mūa yimasiro cōro Dios ī bojasere yirūgūña. “Ñajediro Dios ī bojase mani yijama, quēnaro manire yirucūmi” yituoīacōari, to bajiro yirūgūña.

16

Jerusalén macanare ejarēmorã, gājoa ña juarēore queti

¹ Gājerã Cristore ajitirūnūrãre ejarēmorã gājoa mūa juarēorotire mūare gotigū yaja. Galacia sitana Cristore rūcuborã ña rējaro, ñare quēnaro yū roticatore bajiro mūare rotigū yaja. ² Tocārãca domingo ñaro, gājoa mūa īsiruarō cōro, mūa īsijama, quēnaja. Tire cojojūne juarēocūma. To bajiro mūa yijama, mūa tūjū yū ejaro, tire juarēoroti

maniruaroja. ³ M̄ua t̄uj̄u ejačōari, ḡajoa m̄ua c̄usere juavaronare, “Ānoa ñaama tire juavaronā”, yiba. To bajiri, queti ñare ucabosar̄uc̄ja ȳu. “Ānoa ñaama quēnaro yirā. Ñare quēnaro bocaāmiña” yire quetire ñare ucabosar̄uc̄ja ȳu, “Jerusalén macanare iōato” yiḡu. ⁴ “Pablo rāca varuarāma” m̄ua yit̄uoīajama, ȳu rāca varuarāma.

Pablo, Corinto macaj̄u ĩ varua t̄uoīare queti

⁵ Macedonia sitaj̄u varuc̄ja ȳu. Toj̄u ĩacudiḡu vac̄ne, m̄ua t̄uj̄u ejaruc̄ja. ⁶ Yoaro, j̄uebuc̄u ñaro cōro m̄ua rāca ñaruc̄ja, ȳu bajijama. M̄ua t̄u ȳu ñaro, ḡajerā t̄uj̄u ȳu ĩacudiḡu varotire yirā, ȳure ejarēm̄uarāja m̄ua. ⁷ Ado cōrone m̄ua t̄u ȳu vajama, yoaro m̄ua rāca ñabetiboḡuja ȳu. To bajiri m̄ua t̄uj̄u vabeaja maji. Mani ̄uj̄u ĩ bojajama, yoarobusa m̄ua rāca ñaboḡuja ȳu. ⁸⁻⁹ Efeso macaj̄une ñacōaruc̄ja maji, jājarā ȳure ĩaterā ĩna ñaboajaquēne, Jesús ĩ bajire ȳu gotimasiosere quēnaro ajiruarā jājarā ĩna ñajare. To bajiri Pentecostés boser̄um̄u adoana ĩna yiro bero, varuc̄ja ȳu.

¹⁰ Timoteo, m̄ua t̄u ĩ ejajama, “Manire güibec̄ne, quēnaro riojo gotiato” yirā, quēnaro ĩre yiba. Ȳure bajirone mani ̄uj̄u ĩ bojasere yiḡu ñaami ĩ quēne. ¹¹ To bajiri ĩre quēnaro r̄uc̄buoba. Ȳu t̄uj̄u vaḡu, m̄uare ĩarētovaḡumi. To bajiri, ȳu t̄uj̄u ejaḡu, “Variquēnase rāca ejato ĩ” yirā, quēnaro ĩre ejarēm̄oma. Ḡajerā Cristore ajitir̄un̄rā rāca ĩ ejarotire ñayuruarāja ȳu.

¹² Mani maiḡu, Apolos ĩ bajisere ȳure sēniīacōañuja m̄ua. Ḡajerā Cristore ajitir̄un̄rā rāca m̄ua t̄uj̄u ĩre varotir̄uḡuocaj̄u ȳu. Varuabeticami. No bojarir̄um̄u ĩ vatir̄um̄u, varuc̄umi, bajiḡuj̄ama.

“Estéfanos mesa ĩna rotirore bajiro m̄ua yijama, quēna”, Pablo ĩ yire queti

¹³ Rojose yirāre güimenane, quēnaro t̄uoīacōari ñar̄uḡuñā m̄ua. To bajicōari, mani ̄uj̄u Cristore t̄uoīat̄uj̄abesa, “Dios ĩ bojasere yit̄uj̄arobe” yirā. ¹⁴ M̄ua yise jediro quēnaro ḡamerā maire rāca yir̄uḡuruarāja m̄ua.

¹⁵ Acaya sitaḡu, Estéfanos, ĩ yarā rāca Cristo ĩ bajirere ȳu gotimasiosere ajitir̄un̄usocama. Adir̄um̄uri ñarā, Cristore ajitir̄un̄rāre ejarēmoama ĩna. Tire masiaja m̄ua. ¹⁶ Ñare, to yicōari, ĩna rāca moarāre quēne quēnaro m̄ua c̄udisere bojaja ȳu.

¹⁷ Estéfanos, Fortunato, Acaico ĩna ejasere b̄uto variquēnaja ȳu. Jediro ȳu t̄uj̄u m̄ua ejamasibetijare, ĩnajua, ejačōari, m̄ua gotiroti ñaboasere quēnaro m̄uare gotibosama. ¹⁸ Quēnaro m̄uare ĩna gotibosajare, m̄ua variquēnarore bajiro variquēnaja ȳu quēne. To bajiri, “Ȳuare quēnaro m̄ua gotibosajare, variquēnaja ȳu” yirā, quēnaro ñare yiba m̄ua.

Pablo, ñare ĩ quēnaroticōare queti

¹⁹ Asia sitana Cristore ajitir̄un̄rā, “Quēnato”, m̄uare yicōama. Aquila, ĩ manajo Prisca, ĩna ya vi rējarā quēne, mani ̄uj̄ure ajitir̄un̄rā ñari, m̄uare quēnarotiana. ²⁰ Adoana Cristore ajitir̄un̄rā, m̄uare mairā, “Quēnato”, m̄uare yicōama ĩna quēne. Ḡamerā mairā ñari, rējacōari, quēnaro ḡamerā yiba.

²¹ Ȳu Pablo, ȳu masune, “Quēnato”, m̄uare yiucacōaja ȳu.

²² Mani ̄uj̄ure ĩre ajitir̄un̄mena, rojose t̄am̄uot̄uj̄abetir̄iaroj̄u varuarāma ĩna. Mani ̄uj̄u, yoaro mene ĩ tudiejasere bojaja ȳu.

²³ Mani ̄uj̄u, quēnasere m̄uare cōar̄uḡuato. ²⁴ M̄ua quēne, Jesucristore ajitir̄un̄rā m̄ua ñajare, “M̄uare b̄uto t̄uoīamaiaja”, m̄uare yicōaja ȳu.

To cōro ñaja.

Segunda carta de San Pablo a los CORINTIOS

Corinto vāme cuti macana, Cristore ajitirūnūrāre, Pablo ī ucacōare queti

¹⁻² ĶNati m̄ua Corinto vāme cuti macana, Dios s̄ori ī mac̄u ocare ajitirūnūcōari, rējarūgūrā? Adi queti m̄uare ucaja ȳua. Jesucristo s̄ori Dios yarā ñaja m̄ua. M̄ua rī mere ucaja ȳua. M̄ua ye sitana, Acayana jediro Dios yarā adi quetire ĩna ĩarotire bojaja ȳua. M̄uare quēnarotirā, mani jac̄u Diore, to yicōari, Jesucristo mani ūj̄ure ado bajise m̄uare sēnibosaja ȳua: “Quēnaro m̄ua rāca ĩna ñarotire yirā, ĩnare ejarēmoña”, m̄uare yisēnibosaja ȳua. Ȳu ñaja Pablo, adi paperare m̄uare cōagū. “Ȳu ocare gājerāre gotimasiodirūc̄uja m̄u” yigū, Dios ī bojarore bajiro ȳure cōacami Jesucristo. Mani maigū, Timoteo rāca ñaja ȳu.

³ Diore ĩre r̄uc̄uoto, mani ūj̄u Jesucristo jac̄ure.

Īne ñaami manire ĩamaigū. Mani tuoīasutiritisere, “S̄utiritibeticōato” yigū ñaami.

⁴ Ñajediro rojose mani t̄am̄uojama, manire ejarēmōrūgūami. To bajiro manire ī yisere masicōari, mani quēne, gājerā rojose ĩna t̄am̄uojama, ĩnare ejarēmomasiruarāja mani.

⁵ “Diorāca quēnaro ñato” yigū, rojose manire t̄am̄uobosayumi Cristo. To bajiri, gājerā Diorāca quēnaro ĩna ñarotire yirā, rojose t̄am̄uobosarūgūaja ȳua quēne. B̄utobusa rojose ȳua t̄am̄uōñaro rīne, “S̄utiriti t̄ujacōari, variquēnato” yigū, b̄utobusa quēnaro manire ejarēmōrūgūgūami Cristo. To bajiro ti bajijare, “Quēnaro yaja m̄u”, Diore ĩre yivariquēnarūgūaja ȳua. ⁶ To bajiri, m̄uare quēnaro ȳua ejarēmosere, to yicōari, ī rāca quēnaro m̄ua ñarotij̄uare quēne tuoīarā ñari, rojose t̄am̄uorūgūaja ȳua. To bajiro ȳua bajiboajaquēne, ȳuare quēnaro ejarēmōrūgūami. To bajiri, ȳua s̄orine m̄uare quēne ī ejarēmojare, m̄ua quēne, rojose t̄am̄uoboarine, Cristore ajitirūnu t̄ujabetiruarāja. ⁷ “Rojose mani t̄am̄uorore bajiro rojose t̄am̄uorā ĩna ñajare, manire ī ejarēmōrore bajiro ĩnare quēne ejarēmogū yigūmi Dios” yimasirā ñari, “Cristore ajitirūnu t̄ujabetiruarāma”, m̄uare yit̄uoīaja ȳua.

⁸ Ȳu mairā, adoju, Asia sitaju b̄uto rojose ȳua t̄am̄uocaire m̄ua masisere bojaja ȳu. B̄uto rojose t̄am̄ucana ñari, “Ȳuare s̄iabeticōato” yirā, no bajiro yimasibeticaju ȳua.

⁹ “Manire s̄iaruarāma”, yit̄uoīacaju ȳua. “Dios ñaami manire rujeor’i, rijariarāre quēne catiogū. To bajiri adigodoj̄ure ī s̄igūne ñaami manire maigū” ȳua yit̄uoīarotire yiro bajicaju. ¹⁰ Ȳuare ĩna s̄iaborotire yirētobosayumi Dios. To bajiri, “Ī yicatore bajiro manire yirētobosarūc̄umi quēna”, ĩre yit̄uoīa variquēnacōa ñaja ȳua. ¹¹ Diore m̄ua sēnise s̄orine ȳuare ejarēmōruarāja m̄ua quēne. Gājerā quēne, ȳuare sēnibosaruarāma. To bajiri ĩna rāca jājarā ñaruarāja m̄ua, ȳuare quēnaro Dios ī yisere ajicōari, “Quēnaro yaja m̄u”, Diore ĩre yirona.

“Ado bajiro tuoīagū ñari, m̄ua t̄uj̄u vabeaja ȳu maji”, Pablo ī yire queti

¹² Ado bajise tuoīacōari, variquēnaja ȳua: “Dios ī bojarore bajiro masare quēnaro yicaju mani”, yit̄uoīaja ȳua. Masare yitorā me ñaja ȳua. “Corinto macana rāca ñarā, quēnaro Dios ocare gotimasiodicaju”, yit̄uoīaja ȳua. Ȳuare quēnaro yiyumi Dios, “Gājerāre quēnaro yato” yigū. Ȳua masune ȳua tuoīasene gotibeticaju. Dios ī masise rāca to bajiro yicaju ȳua. ¹³ M̄uare ucacōarā quēnaro riojo m̄ua ajimasirotire ucacaju ȳua. To bajiri ñajediro ȳua ucacaire quēnaro ajimasinuja m̄ua. Bero quēne, jediro ȳua ucarotire ajimasiruarāja m̄ua. ¹⁴ To bajiboarine, ȳua ucasere quēnaro ajimasijeobeaja m̄ua maji. Quēnaro ȳuare m̄ua ajimasijeosere bojaja ȳua. Ȳuare m̄ua ajimasijeojama, mani ūj̄u Jesucristo ī tudiejarirūm̄u ti ejaro, “Quēnaro ȳuare gotimasioñuma Pablo mesa”, yivariquēnaruarāja m̄ua. Ȳua quēne, “Quēnaro ajitirūnūrā ñaama”, yit̄uoīa variquēnaruarāja.

¹⁵ Tire tuoīagū ñari, quēna m̄uare ĩagū varua tuoīacaju ȳu. “To bajiro ȳu bajijama, ĩnare ȳu ejarēmojare, b̄utobusa variquēnaruarāma”, m̄uare yit̄uoīaboacaju ȳu.

¹⁶ “Macedonia sitaju vac̄u, ĩnare ĩarētoarūc̄uja ȳu. Quēna tudiaḡu, ĩnare ĩarētoadirūc̄uja”,

yituoĩaboacaju. Mũa tujũ ejacõari, “Judea vãme cũiti sita yũ ejamasirotaire yirã, yũre ejarẽmoruarãma”, mũare yituoĩaboacaju. To bajiro yituoĩaboarine, beroju ricati tuoĩacaju yũ. ¹⁷ Mũa tujũ yũ ejabetijare, “Quẽnaro tuoĩabecũne, to bajise yituoĩaboayumi”, yũre yirãja mũa. “To bajiro yirũcũja yũ” yiboarine, ricatijũa yigũ me ñaja yũ. ¹⁸ Mani jacũ Dios, riojo gotigũ ñaami. To bajiri yũ, yũ babarã quẽne riojo gotirã ñaja yũa. To bajiro yiruarãja yũa yijama, yũa yirore bajirone yaja yũa. “To bajiro bajirã ñaama”, yũare yĩagũmi Dios. ¹⁹ Jesucristore ajitirũnũgũ ñari, to bajiro yaja yũ. Yũ Pablo, Silvano^a, Timoteo quẽne, Jesucristo yere mũare goticaju yũa. Ĩ ye queti socase me ñaja. “To bajiro yirũcũja” yiboarine, ricatijũa yire me ñaja. To bajiri, “Yiruarãja” yũa yirore bajirone gotirũgũaja. ²⁰ “Quẽnaro masare yirũcũja” Dios ĩ yigoticũre jedirore yijeogũ ñaami Cristo. To bajiro yigũ ĩ ñajare, quẽnaro Diore yirũcũbuo variquẽnaja mani. ²¹ ĩne ñaami Dios, mũare, to yicõari yũare quẽne, Jesucristo yarã mani ñarotire yigũ, manire beser'i. To yicõari, yũare ĩ ye ocare ũmato gotimasioronare yũare cũcami. ²² “Yũ yarã ñaruarãma yuja” yigũ, mani usũrijũre cõañumi, Esp'iritu Santore. Mani usũrijũre ejacõari, ĩ ñajare, “Jesucristo yarã ñaja mani. To bajiri Dios ĩ gotiriarore bajirone jediro ĩ ñaroju quẽnamasusere bũjaruarãja”, yimasija mani.

²³ Ado bajiro tuoĩagũ ñari, mũa tujũ vabeticaju yũ maji: Mũa tujũ ejacõari, mũare yũ gotiserene, “Tud'ire bajiro ajisũtiritiroma” yigũ, vabeticaju yũ. To bajiri vabeticõari, “Queti yũ ucace rãca ĩnare gotirũcũja maji”, yituoĩacaju yũ. Socũ me yaja yũ. Riojo masiami Dios quẽne. ²⁴ Mũaare rotiruarã me to bajiro mũare gotimasioaja. Jẽre Diore quẽnaro tuoĩamasirã ñaja mũa. Quẽnaro mani ñajediro variquẽnase rãca bũtobũsa Diore mani masirotaire yirã, mũare ejarẽmorũgũaja yũa.

2

¹ Tirũmũju mũa tujũ ejacõari, mũare yũ gotiro, bũto sũtiriticaju mũa. To bajiri sũtiriticaju yũ quẽne. To bajiro ti bajijare, quẽna yũ ĩaro rĩjoro mũa sũtiritirotire bojabecu ñari, “Ĩna tujũ ĩagũ vabecũja yũ maji”, yituoĩacõacaju yũ. ² Mũa sũtiritijama, ñimũ rãca variquẽnabetibogũja yũ. To bajiri mũare yũ gotise sũorine mũa sũtiritisere bojabecu ñari, vabeticaju yũ. ³ Mũa tujũ ejacõari, sũtirititegũ, mũare paperare ucacõacaju, mũa rãca yũ variquẽnarotijũare bojagũ ñari. ⁴ Ti quetire mũare ucagũ, sũtiriticõari, bũto oticaju yũ. Tire mũa ĩasũtiritirotire bojabeticaju. Tire ĩacõari, “Bũto manire maiami Pablo” mũa yimasirotaire bojacaju.

“Rojose yirere masirioya”, Pablo ĩ yire queti

⁵ Mũa rãcagũ rojose ĩ yirere ajicõari sũtiriticaju yũ. Yũ sĩgũ me sũtiriticaju. Rojose ĩ yirere masicõari, sũtiritiriarãja mũa quẽne. Bũtobũsa ĩ sũtiritirotire mũa yisere bojabeaja yũ. ⁶ Jẽre jãjarã rẽjacõari, rojose ĩ yire vaja rojose ĩre yiyuja mũa. “To cõrone rojose tãmũoato” ĩre mũa yisere bojaja yũ. ⁷ Rojose ĩ yirere masiriocõari, ĩre baba cũitiya quẽna. To bajiro mũa yibetijama, sũtiriticõari, Cristore ajitirũnũ tũjacoarũcũmi. ⁸ To bajiri quẽnaro ĩre yiya mũa yuja, “Yũre maiama’ yimasianto ĩ” yirã. ⁹ Tirũmũju papera mũare ucacõacaju yũ, “Yũ yirotisere yicõati?” yimasirũ. ¹⁰ Gãji rojose ĩ yirere mũa masiriojama, yũ quẽne ĩ yirere masirioaja. To bajiri rojose ĩ yire ti ñajama, ĩre masiriorũcũja. Bũto mũare maigũ ñari, Cristo ĩ ĩaro rĩjorojũa to bajiro yirũcũja. ¹¹ Mani gãmerã masiriocõa ñajama, vãtijũa ĩ bojarore bajiro manire rotimasibecũmi. Bajirãjũma, masare rojose ĩ yitoajerũgũsere jẽre masiaja mani.

Troas vãme cũiti macaju ejacõari, Pablo ĩ tuoĩarejaire queti

¹² Troas vãme cũiti maca ejacõari, Cristo oca quẽnasere toanare gotimasio ñacaju yũ. To yũ bajirone, jãjarã masa yũre ajirã ejacama. ¹³ To bajiro ĩna ajirũaboajaquẽne, yũjũa, mani maigũre mũa tujũ yũ cõacacũre Tito vãme cũitigũre bũjabeticõari, bũto

^a 1:19 Jesucristore ajitirũnũgũ ñari, to bajiro yaja yũ. Yũ Pablo, Silvano, Timoteo a 1.19 Silas ti yijama, griego oca rãca yiyuju. Silvano ti yijama, latĩn oca rãca yiyuju. Hch 15.22; 18.5; 1 Pe 5.12 macaĩa.

tuoīarejaicaju yu. To bajiri, toanare vare goticōari, ĩre macagū vadicaju yu, adoju, Macedonia sitaju.

¹⁴ “Cristo manire ĩ rijabosare suorine vātia uju, rojose yirotigu, manire ĩ rotiriarore bajiro yibeticōato” yigu yiyumi Dios. To bajiro ĩ yijare, vātia ujure ajibeticōari, Dios ĩ bojasejuare yirūgūaja mani. “Jediroju quēnase sutise ti sutibatorore bajiro ĩajediroanare ti quetire gotibatoato” yigu, yuare goticudi rotirūgūami. To bajiro yigu ĩ ĩajare, “Quēnaro yaja mu”, Diore yivariquēnato mani. ¹⁵ Ti quetire masare yua gotibatose ĩavariquēnagūmi Dios. Yua gotibatose suorine masa jediro, Dios taju varona, rojose tāmnotujabetiriaroju varona quēne, tire ajijedirāma. ¹⁶ Cristore ajitirūnumena rojose masu ĩna bajirotire yua gotimasiosere ajiteama, rojose tāmnotujabetiriaroju varona ĩari. Gājerājuama, Dios taju varona, quēnase masu ĩna bajiroti yua gotijare, tire ajivariquēnaama. Yua masune yua tuoīasene gotibeaja. Dios ĩ masise rāca tire gotimasiorūgūaja. ¹⁷ Bajirājuama, gājerā, jājarā ĩarāma, Dios ocare gotimasiorā. ĩnama, “Tire goticōari, gājoa bujarāsa” yirā ĩaama. Yujajama, ĩnare bajiro yirā me ĩaja. Jesucristo yarā, Dios ĩ cōariarā ĩari, ĩ ĩaro rĳoroju rucubose rāca ĩ ocare gotimasiorūgūaja.

3

“Quēnaro muare yirucuja’ Dios ĩ yiriarodo ti ejaare, ado bajiro bajiaja”, Pablo ĩ yire queti

¹ ĩna masurione, “Quēnaro gotimasiorā ĩaja”, yama Pablo mesa. Papera jūro, “Quēnaro gotimasioama’ yirijūro gājerā ĩnare ĩna ucabosariajūrore ĩoroti ĩaja” yirere yiboarāja mu. Bajibeaja. Gājerā gotimasiorimasajuama, to bajiro yiriajūrore ĩna ĩorore bajiro ĩoroti me ĩaja yuarema. ² Mu ĩaja “Dios ocare quēnaro gotimasioama” yua yĳorijūrore bajiro bajirā. Muare ĩacōari, “Pablo mesa, ĩnare ĩamaicōari, Dios ocare quēnaro gotimasioņuma”, yuare yimasirāma masa jediro. Rojose mu yirere yitujacōari, quēnaro mu yisejuare ĩarā ĩari, to bajise yirāma. ³ “Cristo ĩ ejarēmojare, to bajiro bajiaja”, muare yimasire ĩaja. Tirūmuju gūtajāiriju ucacūmasiriarore bajiro muare yibesumi Dios. Ado bajiroju yiyumi: Mu usuju Esp'iritu Santore cōaņumi. To yicōari, quēnasejuare tuoīarotire yiyumi, “Cristo yarā ĩaama” gājerā muare ĩna yirotire yigu.

⁴ “Cristo suorine manire ejarēmoami Dios” yirā ĩari, “Ti quetire quēnaro gotimasioaja”, yaja yua. ⁵ “Yua masurio yua masise rāca masare gotimasioaja”, yibeaja yua. ĩajediro quēnase yua yise, Dios ĩ masise rāca yaja. ⁶ To bajiri Dios oca tirūmuayere ĩ vasoarere gotirētobumasiaja yua. “Yu roticūserē cūdiēobecūne, ĩ bajirocajama, rojose tāmnotujabetiriaroju varucūmi”, yigotiyuja tirūmuaye. Mameayejuama, tirūmuayere bajiro me bajiaja. Ado bajiroju bajiaja: “Esp'iritu Santore suorā rĳe yure cūdiruarāma. To bajiri, Diorāca ĩacōa ĩarūgūruarāma”, yigotiaja Dios oca.

⁷ Tirūmuju ĩ rotirere gūtajāiriju ucacōari, Moisés ĩamasir'ire ĩsimasiņuju Dios. Tire ĩna cūdiēobeti suori rojose tāmnotujabetiriaroju varoti ĩamasiņuju. Tire ĩ ĩsirone, buto yaase rāca ejayuju, “Dios ye ĩaja” yiro. Ado bajiro bajimasiņuju ti: Dios ĩ ucarijāirire ĩ boca juarone, buto ĩ rioga yaamasiņuju, Moisére. Buto yaarica rioga cūtigu ĩ ĩajare, ĩre ĩamasibetimasijarā israelita masa. To bajiboarine yoaro mene quēna yaabeticoamasijuju. ⁸ Adirodorirema, mameaye oca, Dios ĩ vasoare ĩajare, Esp'iritu Santo, mani usuriju ejacōari, ĩ ejarēmose suorine Diorāca mani ĩacōa ĩarūgūrotire masiaja mani. To bajiri “Tirūmuaye oca rētoro ĩamasuse ĩaja mameaye oca Dios ĩ vasoare”, yituoīaja mani. ⁹ Tirūmuaye oca Moisére cūgū, “ĩamasuse ĩaja”, yĳomasijuju Dios. To bajiro ĩ yire ti ĩaboajaquēne, gājerā tire cūdiēomena ĩari, “Rojose tāmnotuarāja”, yituoīamasijujarā masa. Yucūrema mameaye oca Dios ĩ vasoare suorine, “Dios ĩ ĩajama, rojose mana ĩaja”, yimasiaja mani. To bajiri, “Tirūmuaye rētoro ĩamasuse ĩaja”, yimasiaja mani. ¹⁰ Mameaye oca, Dios ĩ vasoare, tirūmuaye rētoro ĩamasuse ti ĩajare, “ĩamasuse me ĩariaroja tirūmuayema”, yituoīavasoare ĩaja, adirodorirema. ¹¹ Dios ĩ vasoare, juaji ĩ vasoabetiroti ti ĩajare, “Tirūmuaye oca yoaro ĩabesuja”, yimasiaja mani. To bajiri yucūrema, “Tirūmuaye oca rētoro ĩamasuse ĩaja”, yituoīaja mani.

¹² “Ñamasuse ñaja Dios ï vasoare” yituoïarã ñari, bojonemenane tire gotimasioducdirügüaja yua. ¹³ Moisés ñamasir'ire bajiro bajirã me ñaja yua. Moiséma, Dios ïre ï ñagõro bero, ï rioga yaase yayirütuasere, “Israelita masa iaroma” yigũ, ï rãjoa jeoriaro jeotomasinũju. Yuaama, ï yimasiriarore bajiro yayior'i, masare gotimasioducdirügüaja. ¹⁴ Tirũmũjũre quẽne Dios ocare ajitirũnũrũabetimasinũjarã israelita masa. To bajiri ï ocare ajiboarine, “To bajiro yirũaro yaja”, yimasibetimasinũjarã. Adirũmũri quẽne to bajirone bajicõa ñaama ñna. Cristore ajitirũnũrã rĩne, Dios ocare ïacõari, ajimasiamã ñna. ¹⁵ Tire mũare tudigotiaja yũ. Israelita masa, mani mũũ Cristore ajitirũnũbeticõari, Moisés ï ucamasire ajimasibeama maji. ¹⁶ To bajiboarine, rojose ñna yisere yitũjacõari, mani mũjũre ñna ajitirũnũsũojama, ñnare ejarẽmogũmi, “Tire ajimasiatõ ñna” yigũ. ¹⁷ Mani mũjũre ajitirũnũsũorãre ejami Esp'iritu Santo. To bajiri, “Rojose mana ñaama” Dios ï yĩavariquẽnarã ñari, “Dios ï rotimasire mani yijeobeti vaja, rojose manire yirũcũmi Dios”, yituoïabeaja mani. ¹⁸ Jesucristore ajitirũnũrã ñari, “Quẽnarẽtogũ ñagũmi”, ïre yituoïamasiaja mani. To bajiri, ï bojarore bajiro yirügüaja mani. To yirã rĩne, bũtobũsa ïre bajiro bajirũarãja mani, Esp'iritu Santo ï ejarẽmorã ñari.

4

¹ Yũare ïamaicõari, ï ocare yũare gotimasiorotiyumi Dios, masare. To bajiro yũare ï yijare, tire tuoïavariquẽnacõari, ti ocare gotimasioducdirügüaja yua. ² Masa bojoneosere yirã, yayiorõjũ ñna yirore bajiro yibeaja yuaama. “Manire ajitirũnũato ñna” yirã, masare yitobeaja yua. Gãjerã, “Quẽnase bũjarãsa” yirã, ñna masu ñna tuoïarujeore bajiro gotimavisiobeaja yua, “Manire ïagũmi Dios” yirã ñari. To bajiri, “Quẽnaro gotimasioama Pablo mesa”, yũare yimasijedirãma masa. ³ Quẽnaro gotimasiorã yua ñnaboajaquẽne, jãjarã ñaama tire ajimasimena. Mani mũjũre ajiterã ñari, to bajiro bajiamã. Rojose tãmũotũjabetiriarõjũ varona ñaama ñna. ⁴ “Ajimasibeticõa ñnato” Satanás ï yise ñajare, yua gotimasiosere ajimasibeama. ï ñnaami vãtia mũjũ, Dios ï bojabetire masare ñnare yirotigũ. Cristo, Diore bajiro bajigũ ï ñajare, ï oca quẽnãmasusere ajitirũnũcõari, quẽnaro ïre masa ñna rũcũbũosere bojabeami Satanás. ⁵ “Yũajuare rũcũbũoato” yirã me, ti ocare gotimasiorügüaja yua. “Mani mũjũ Jesucristõjũare rũcũbũoato” yirãjũa yaja. Jesũre maicõari, mũare moabosarãre bajirone bajirügüaja, tire mũare gotirã. ⁶ Dios, rẽmojũne adi macarũcũro rẽtiaboarere busurotimasinũju. Tire ï yimasiriarore bajirone ï yere mani ajimasibetiboarere mani ajimasiorotire yiyumi. To bajiri, “Quẽnarẽtogũ ñnaami Dios”, yimasiaja mani yucũrema yuja, Jesucristo quẽne quẽnãmasugũ ï ñasere masirã ñari.

Cristore ajitirũnũcõari, quẽnaro ñnare queti

⁷ Cristo ï gotiroticõariarã, ñamasurã me ñaja yua. ï ocajũa ñaja ñamasusema. Yua masune yua tuoïasene masare gotimasioabeaja. Bũto tuoïamasirã me ñaja yua. To bajiro yua bajisere bojagũmi Dios, “Ñna masise ñna ye me ñaja. Dios yene ñaja” masa yũare ñna yimasiorotire yigũ. ⁸ Gãjerã bũto rojose yũare yirügüama. To bajiro ñna yiboajaquẽne, Dios ï bojarore bajiro gotimasiodcõa ñnarügüaja yua. Rojose tãmũoboarine, “¿No bajiro bajirãti?”, yituoïarejaibetirügüaja. ⁹ Jãjarã yũare ïaterã ñna ñnaboajaquẽne, Dioma yua rãca ñnacõa ñnarügüami. Cojõji me bũto rojose yũare yiboarine, sãabetirügüama. ¹⁰ No bojaro yua vacudirojũ yũare sãarũarã ñnaama ñna. Jesũre ñna sãariarore bajiro yũare quẽne sãarũama. “Yũare sãaroma” yigũ, yũare quẽnaro coderügüami Jesús. Tire ïacõari, “Catigũ ñnaami Jesús”, yituoïarügüama masa. ¹¹ Jesũre ajitirũnũrã yua ñajare, yũare sãarũarügüama masa. Yũare ñna sãarũaboajaquẽne, yua caticõa ñasere ïacõari, “Tudicaticõari, ñnare ïatirũnũrügüami Jesús”, yĩãmasire ñaja. ¹² To bajiro rojose tãmũoboarine, yua gotimasiodcati ñajare, Jesũre ajitirũnũrã ñnacõacajũ mũa. To bajiri, mũa rijato berõjũ mũa catirotire Dios ï catisere ï ïsicana ñaja mũa.

¹³ Masa yũare ñna sãarũaboajaquẽne, no yibeaja yũare. Sĩgũ Dios ocare ucamasir'i Diore ï ajitirũnũriarore bajiro ajitirũnũcõa ñaja yua quẽne. Ado bajiro gotiaja ï ucamasire: “Diore ajitirũnũgũ ñari, ï ocare masare gotimasioaja yũ”, yigotiaja Dios oca ï ucamasire. To bajiro tuoïaja yua quẽne. Diore ajitirũnũrã ñari, yua catiñaro

cōro ī ocare gotimasiodōa ñaruarāja yua. ¹⁴ Ado bajiro tōōarā ñari, masa yuare īna sīaruasere güibeaja yua: “Mani çju, Jesús ī rijacoaboajaquēne, ĩre catioyumi Dios. To bajiri, Jesús yarā mani ñajare, manire quēne, catiorucumi Dios”, yitōōaja yua. “Muare quēne catiocōari, ĩ ñaroju õ vecaju manire jua varucumi Dios”, yitōōaja yua. ¹⁵ Ado bajiro tōōarā ñari, “Yua rāca varuarāja mua”, yibũ yua: “Mani gotimasiosere ajirona quēnase bujato ĩna’ yirā, rojose tām̄orũgũaja mani”, yitōōaja yua. To bajiri mani çju ocare gotimasiorā ñari, rojose tām̄orā ñaboarine, tire gotimasiodōa ñaja, “Jājarābusa Jesucristore ajitirũnurũtuajaro” yirā. “Manire ĩamaicōari, quēnaro yami Dios”, yivariquēnaruarāma ĩre ajitirũnurā. To bajiri, jājarābusa ñarũtuaruarāma ĩre quēnaro rũcũborā.

¹⁶ To bajiri, Dios, quēnaro yuare ĩ yijare, tire tōōavariquēnacōari, ĩ bojarore bajiro yirũgũaja yua. Yua rujuuama butobusa ti bucualedi vaboajaquēne, yu tōōasejuama tocārācarũmũne butobusa quēnase yirua tōōarũtuana yaja yua, Dios ĩ ejarēmose rāca.

¹⁷ Adigodo ñarā, rojose yua tām̄orũgũse yoaro mene jedicoaroti ñaja. Beroju Dios ĩ ñaroju, jedibetirotire, quēnamasusere bujaruarāja yua. ¹⁸ “Mani rujuaye, mani ĩase jediro, yoaro me jedicoaruroja. Mani ĩabujabetijuama, ñacōa ñarũgũroti ñaja”, yitōōaja yua. To bajiri yua ĩase, tire buto tōōabetirũgũaja yua. Diore, to yicōari, ĩ ye yua ĩabujabetijuarema buto tōōarũgũaja.

5

¹ To bajiri mani rujuama, vire bajiro bajiriruju ñaja. Vi ti boarore bajirone, mani ruju quēne boaruroja. Ti boacoaboajaquēne, mani rijato beroju gajeruju manire vasoarucumi Dios, õ vecaju. Ti rujuama, boabetiruju ñaruroja. To bajiro ĩ yirotire jēre masiaja mani. ² To bajiro mani bajiroti ti ñajare, cojojirema adigodoju ñarā, buto rojose tām̄oboana, õ vecaju mani ñarotiruju rācaju ñarua tōōarũgũaja mani. ³ Adirũmuri mani çju ĩ tudiejajama, buto quēnaruroja. Gājerā rijariarā gaje ruju Dios ĩ vasoabetiriarā tujure vabetiruarāja mani. Riojone gaje ruju vasoaruarāja, to bajiro ĩ bajijama. ⁴ To bajiri, cojojirema adigodo ñarā, rojose tām̄oboana, ruju çti quejerũgũaja mani. Tire mani yijama, “Bajiyayiruaaja” yirā me yaja. Bajiyayibetiboarine, rijabetiruju bojarā yaja. ⁵ Mani tōōarujeore me ñaja ti, mani ruju vasoaroti. Dios ñaami, “Gaje ruju vasoaruarāma” yir’ima. To yicōari, Esp’iritu Santore manire cōañumi, “Dios ĩ gotiriarore bajirone mani rujure vasoarucumi’ yimasiao” yigũ.

⁶ “Maji adigodoju ñarā, mani çju Cristo ĩ ñaroju ejamasibeaja”, yimasiaja. To bajiri mani bajirotire tōōa yurā, tire tōōavariquēnaja mani. ⁷ Adigodo ñarā, Cristore ĩabetiboarine, “ĩ gotiriarore bajirone quēnaro yirucumi”, ĩre yitōōarũgũaja mani. ⁸ Adoju to cōrone ñaruaaja mani, mani çju ĩ ñarõjũre mani varotire yirā. ⁹ To bajiri adigodoju ñarā quēne, õ vecaju mani ñarā vajuquēne, Dios ĩ ĩavariquēnase rĩne yiruarũgũaja. Diseju gajeye ñamasuse maja manire. ¹⁰ Cojorũmu mani jediro Cristo ĩ ĩaro rĩjoroju ejarona ñaja mani. To bajiri, “Ānoa ñaama quēnase yicana. Ānoa ñaama rojose yicana”, yĩabeserucumi. Yĩamasicōari, manire vaja yirucumi.

“Cristo ĩ rijabosare sũorine Dios ĩ ĩavariquēnarā ñaja mani”, Pablo ĩ yire queti

¹¹ To bajiro ĩ beserirũmu ti ejaro, “Rojose ĩnare yiromi” yirā ñari, “ĩre ajitirũnũato” yirā, ĩnare gotimasiorũgũaja yua. “To bajirone tōōaama Pablo mesa”, yuare yimasigũmi Dios. Mua quēne, to bajirone mua yitōōasere bojaja yua. ¹² Tire muare yua gotijama, yuare mua ĩavariquēnasere bojarā me yibũ yua. Ado bajiroju bajiaja: Yuare ñagōmacarāre, “Ado bajiro tōōacōari, çdimasiato” yirā, tire muare gotibũ yua. Yuare ñagōmacarā ñaama, gāji ĩ tōōasere masibetiboarine, “Quēnagũ ñaami”, yitōōarāma. Quēnaro ĩ bajisere ĩacōari, “Quēnagũ ñaami”, yĩarā ñaama. ¹³ Yuare ñagōmacarā sīgũri, “Tōōamasimena, mecũrimasa ñaama Pablo mesa”, yuare yirāma. No yibeaja ti. Dios ĩ bojarore bajiro masare gotimasioaja yua. Gājerāma, “Quēnaro yitomasirā ñarāma”, yuare yĩagōmacarāma. Ti quēne, no yibeaja. “Muare yitorā yama” muare ĩna yiboajaquēne, tire ajicōari, Dios ye quēnase bujaja mua. ¹⁴ “Manire ĩamaiami Cristo”

yituoĩacõari, ĩre cudiũaaja yua. Manire bũto ĩamaigũ ñari, rojose mani yise vaja manire rijabosayumi. To bajiri, “ĩre ajitirũnũrãre manire ĩ rijabosare ñajare, mani quẽne ĩ rãca rijariarãre bajiro bajiyuja”, yituoĩaja mani. ¹⁵ “Rojose yitũjacõari, yũ bojasejuare yimasiato” yigũ, ĩre ajitirũnũronare manire rijabosayumi Cristo. ĩ rijato bero, tudicaticõari ĩ ejarẽmose ñajare, ĩre ajitirũnumasiája mani. ¹⁶ Tirũmũjũma, Cristore, to yicõari, gãjerãre quẽne, ĩna tuoĩasere masibetiboarine, “Ãnoa ñaama quẽnarã; ãnoa ñaama rojorã”, yituoĩariarãja mani maji. Cristore ajitirũnũcõari, to bajiro tuoĩabeaja mani yuja. ¹⁷ To bajirone bajiaja Cristore ajitirũnũrã jedirore. Cristore ajitirũnũsuorã, Esp'iritu Santore suorã ñari, rojose ĩna yirũgũrere yirũa tuoĩabetirũgũama.

¹⁸⁻¹⁹ Dios ñaami, “To bajirone tuoĩato” manire yigũ. Tirũmũjũ ĩ terã mani ñaboajaquẽne, Cristo ĩ rijabosare suorine, ĩ yarã, ĩ ĩavariquẽnarã mani ñarotire yiyumi. Rojose mani yisere masiriocõari, “Rojose mana ñaama”, manire yĩagũmi. To yicõari, “Gãjerã quẽne, yũ ĩavariquẽnarã ñato ĩna” yigũ, ĩ ocare yũare gotimasioduci roticõañumi. ²⁰ To bajiri, Cristore gotirẽtobosarimasa ñaja yua. Mũare yua gotimasiojama, Dios ĩ masune vadicõari, ĩ gotiroti ũnirene gotimasiorũgũaja. Cristore gotirẽtobosarã ñari, ado bajiro masare bũto sãnĩarũgũaja yua: “Rojose yua yisere masirioya mũ; mũ ĩavariquẽnarã ñaruaja’ ĩDiore yirũabeati mũa?”, ĩnare yirũgũaja yua. ²¹ Ñie rojose yibecu ĩ ñaboajaquẽne, “Rojose yigũ ñaja mũ” ĩre yigũre bajiro ĩ macũre rijaroticõañumi Dios, “Rojose ĩna yisere ĩnare vaja yibosaya” yigũ. “Cristore ajitirũnũronare, ‘Ñie rojose mana ñaama’ ” manire ĩ yĩarotire yigũ, yiyumi.

6

¹ Dios ĩ ejarẽmose rãca ĩ yere gotimasiorã ñari, ado bajiro mũare rotiaja yua: Dios, mũare ĩamaicõari, quẽnaro ĩ yire ñajare, ĩ ejarẽmose rãca ĩ bojarore bajiro quẽnaro yirũgũña. ² Dios ocare masa ĩna ucamasire ado bajiro ti gotiaja: “Mũare yũ yirẽmorirũmũ ti ejaro, mũa sãnĩsere ajicõari, mũare quẽnaro ejarẽmorũcũja yũ, rojose mũa tãmuosere mũare yirẽtobosagũ”, yigotiaja Dios ocare masa ĩna ucamasire.

Quẽnaro ajiya mũa. Yucũne ñaja rojose mani tãmuosere Cristo suorine Dios manire ĩ yirẽtobosarirũmũ. To bajiri yucũne ĩre mũa sãnĩjama, “Yũ bojase yimasiato” yigũ, mũare ejarẽmorũcũmi.

³ To bajiri, Dios ocare gotimasiorã, gãjerãjũ “‘Socaserene gotiama’ yũare yiroma” yirã, rojose yibetirũgũaja yua. ⁴ Ñajediro yua bajisere ĩacõari, “Dios ĩ bojarore bajiro yirã ñaama Pablo mesa”, yimasiama masa. Cojoi me gãjerã rojose yũare ĩna yiboajaquẽne, ĩnare gãmebeaja yua. Bũto rojose tãmuoiboarine, tire tuoĩarejaimenane, Dios ĩ bojarore bajiro yicõa ñaja yua. Ado bajiro rojose tãmuorũgũaja yua: ⁵ Yũare ĩna bajerũgũse, tubiberiavijũ yũare ĩna tubiberũgũse, rãjacõari, rojose yũare yirũarã yũare ĩna tud'irũgũse, to bajicõari, bũto moarã ñari cojojirema ñamire quẽne busuocõarũgũcajũ. To bajicõari, cojoi me ñiorijarũgũcajũ. To bajiboarine, Dios ĩ bojarore bajiro yicõa ñacajũ yua. ⁶ Gajeyere quẽne ado bajiro yua bajisere ĩacõari, “Dios ĩ bojarore bajiro yirã ñaama Pablo mesa”, yũare yimasiama masa: “Rojose yirobe” yirã, quẽnase tuoĩarũgũaja yua. Dios ocare quẽnaro masiaja. Gãjerã rojose yũare ĩna yiboajaquẽne, ĩnare jũnisinibeaja yua. Socarã mene gãjerãre mairã ñari, ĩnare quẽnaro yirũgũaja. Esp'iritu Santo, yua rãca ñacõari, yũare ejarẽmorũgũami. ⁷ Dios oca, riojo ti gotirore bajirone gotimasiorũgũaja. Dios ĩ ejarẽmose rãca ĩ bojarore bajiro yirũgũaja. To bajiro yirũgũaja, “Vãtia mũ Satanás manire rojose ĩ yirotsere cudirobe” yirã, to yicõari, “Gãjerã, rojose yitũjato” yirã. ⁸ Cojojirema yũare rũcũbuoama masa. Gajerũmũrema rũcũbuobeama. Cojojirema quẽnaro yũare ñagõama. Gajerũmũrema rojose yũare ñagõama. “Socarimasa ñaama Pablo mesa” masa yũare ĩna yituoĩaboajaquẽne, riojo gotimasioaja yua. ⁹ No bojaro yua vato, “Gãjerã ñaama” masa yũare ĩna yĩaboajaquẽne, yũare quẽnaro masiama sĩgũri. Cojoi me “Rojose yibũ mũa” yigoticõari, yũare ĩna sĩaruaboajaquẽne, caticõa ñacajũ yua. ¹⁰ Cojojirema bũto sutiritirã ñaboarine, mani mũ quẽnaro ĩ yisere, to yicõari, quẽnaro ĩ yirotsere tudituoĩacõari, variquẽnarũgũaja yua. Maioro bajirã yua ñaboajaquẽne, Dios

ocare masare уна gotimasiose suorine, Dios ye quēnamasuse бѳјаама ѝна. “Њие mana ѝаааа Pablo mesa” masa ууаре ѝна yigotiboajaquēne, Dios ye quēnamasuse ѝ ѳјose jediro suorѝ ѝаја уна.

¹¹ Corinto macana, ууаре ајја. Уна тѳѳіase cōro муаре gotijeoaja уна, муаре бѳто мairѝ ѝари. ¹² Quēnaro gāmerѝ maire ti manijama, уна suorі me bajiroja. Муаре бѳто уна maiboajaquēne, муајуааа, ууаре maimenaja. ¹³ Јасѳ ѝ rіare maigѳ ѝ ѝаgōrore bajiro муаре ѝаgōaja ун. Муаре ун mairore bajirone уре maiѝа муа quēne.

“*Mani* усѳјѳ Dios ѝ ѝајаре, Cristore ajitirѳnѳmena rѝca baba cѳtibetiroti ѝаја manire”, yire queti

¹⁴ Cristore ajitirѳnѳmena rѝca baba cѳtibesa муа. Dios ѝ bojase yirѝ, Dios ѝ bojabeti yirѝ rѝca ѝна baba cѳtijama, ѳno bajiro ѝна yisere ѝavariquēnaguѝda Dios? Bususere bajiro me bajiaja rѝtiase. Busuroјѳ rѝtiabeaja. Rѝtiaroјѳ, busubeaja. Tire bajirone bajiroti ѝаја Cristore ajitirѳnrѝre quēne. Cristore ajitirѳnѳmena rѝca baba cѳtibetiroti ѝаја. ¹⁵ “Ado bajiro yiroti ѝаја” Cristo ѝ yijama, ѝre ajicōari, ѳ “Му gotirore bajirone тѳѳіaja ун quēne”, yicѳdiguida Satanás? Sіgѳre bajiro тѳѳіarѝ me ѝаааа. To bajiro bajiaja mani Cristore ajitirѳnrѝre quēne. Ыre ajimena ѝна тѳѳіarore bajiro тѳѳіabeaja mani. ¹⁶ Dios yarѝ ѝаја mani, ѝre ajitirѳnrѝre. To bajirone gotiaja Dios ocare masa ѝна ucamasire. Ado bajiro gotiaja ti:

“Ун yarѝ усѳјѳ ѝarѳgѳrѳсѳја ун. No boјaro ѝна ѝarојѳ ѝна rѝca ѝarѳgѳrѳсѳја. Ына rѳcѳbѳogѳ ѝarѳсѳја ун. To bajicōari, ун yarѝ ѝarѳarѝа ѝна”, yigotiaja Dios ocare masa ѝна ucamasire.

To bajiri, Dios yarѝ ѝaboarine, ѳ ѝна masu ѝна quēnorujeoriarѝre rѳcѳbѳorѝ rѝca baba cѳtirѝda mani?

¹⁷ Ына rѝca baba cѳtibetiroti ti ѝајаре, gajeye Dios ocare masa ѝна ucamasiriarore bajiro yiroti ѝаја муаре. Ado bajiro gotiaja ti, mani ѳјѳ ѝ gotimasire:

“Уре ајименаре cāmotadiya муа. ‘Dios ѝ bojabeti yirobe’ yirѝ, ѝnare baba cѳtibesa. To bajiro муа yijama, ун yarѝ ѝarѳarѝа муа”, yigotiami mani ѳјѳ.

¹⁸ “Муа јасѳ ѝarѳсѳја ун. To bajicōari, ун rіa ѝarѳarѝа муа”, yigotiaja Dios ocare masa ѝна ucamasire, masijeogѳ mani ѳјѳ ѝ ѝаgōre.

7

¹ Dios ѝ gotimasire to bajiro manire ti gotijare, ѝ boјarore bajiro jediro roјose mani yise yitѳјacōari, ѝre rѳcѳbѳorѝ ѝari, ѝ bojase rіne yito mani, “Roјose mana ѝato” yirѝ.

Corinto macana, roјosere yitѳјacōari, quēnaseјuare ѝна yire

² Quēna ado bajise муаре gotiaja уна: Ууаре maiѝа муа. Њимѳјуаре roјose yibeticajѳ уна. Њимѳјуаре roјose yirobeticajѳ. Њимѳјуаре yitobeticajѳ уна, “Уна masurio quēnase бѳјarѝа” yirѝ. ³ Tire муаре уна gotijama, “Pablo mesare ѝаgōmacarѝ, roјose yiyuja mani” муа yirotire yirѝ me yaja. “Њие roјose yibeticama Pablo mesa” муа yirotijѳuare yirѝ yaja уна. Јѝјѳ уна gotirore bajirone муаре tudigotiaja уна: Бѳто муаре maiaja уна. Муа bajireacoajaquēne, муа caticōajaquēne, муаре maitѳјabetirѳarѝа уна. ⁴ “Quēnaro yirѝ ѝаааа Corinto macana; уна gotirore bajirone cѳdirѳarѝа” муаре yitѳѳіacōari, roјose tѳmѳorѝ ѝaboarine, бѳто variquēnaja уна.

⁵ “Macedonia sitajѳ ejacōari, roјose tѳmѳomenaja mani”, yitѳѳіaboacajѳ уна. Adoјѳ quēne бѳто roјose tѳmѳocajѳ. Ууаре ѝatecōari, tud'irѳgѳcama. To bajiri, “ѳЈesѳre ajitirѳnrѝre, ѝre ajitirѳnѳ тѳјarѝti?”, yitѳѳіareјaicajѳ уна. ⁶ Dios ѝаааи тѳѳіa sѳtiriritirѝre, “Тѳѳіa variquēnato” yigѳ. To bajiri, тѳѳіa sѳtiriritirѝ ѝaboarine, Dios ѝ eјarѝmose rѝca тѳѳіavariquēnamѳ уна. Tito ѝ ejase suorine, “Тѳѳіa variquēnato”, ууаре yiyumi Dios. ⁷ Tito eјasere variquēnacōari, gajeyere quēne variquēnamѳ. Муа bajisere ѝ ѝavariquēnare quetire ajicōari, variquēnaja уна quēne. Ado bajiro муа bajisere ууаре gotimi: “Бѳто мѳre ѝarѳаааа Corinto macana. ‘Roјose mani yicati suorine бѳто sѳtiritiyuju Pablo’ yire quetire ajicōari, бѳто sѳtiritima. Мѳre rѳcѳbѳocōari, мѳ ucacatore bajirone yima”, ууаре yigotieјami Tito. To bajiro ѝ yisere ajicōari, бѳтобѳsa variquēnaja ун.

⁸ Tirūmujū papera mware yu ucacōaro bero, “Tire ĩacōari, sūtiritiruarāma ĩna. To bajiri cōabetiroti űaboayuja”, yituoĭa sūtiriticajū yu maji. To bajiboarine, sūtiritibeaja yucurema, “Yoaro me sūtiritiriarāma” mware yimasigū űari. ⁹ “‘Sūtiritiatio ĩna’ yigu yiyuja yu” yigu me, variquēnaja yu. “Sūtiriticōari, rojose ĩna yicati yitujacōari, quēnase tuoĭaűuma” yigu, variquēnaja yu. To bajiro mwa bajisere bojayumi Dios. To bajiri tirūmujū mware yu papera cōacati, mware quēnaűuja ti. ¹⁰ Rojose yigare, “Rojose tāmwoato” yigu űaami Dios. To bajiro ĩ yijama, “Rojose ĩ yisere yitujacōari, yujware ajitirūnūato” yigu, yiyumi. To bajiro ĩ bajijama, rojose ĩ tāmwoaborotire ĩre yirētosarucami Dios. Diore ajiterājūama, rojose ĩna yisere tuoĭa sūtiritibeama ĩna. To bajiri, rojose tāmwoatujabetiriaroju varuarāma ĩnama. ¹¹ Mwa rāca yu űaro, “Rojose mani yijama, mani yibetijaquēne, no yibeaja”, yituoĭaboacajū mwa maji. “Mani yisere ĩvariquēnabeami Dios”, yijūnisiniriarāja mwa. Dios mware ĩ ĩvariquēnabetire tuoĭa gūiriarāja mwa. “Manire oca űaja. Tire oca quēnoroti űaja”, yiyuja mwa. Dios ĩ ĩvariquēnasere bojarā űari, yu ucacōacatore bajiro yivariquēnaűuja mwa. Rojose yir'ire rojose ĩ yire vaja, rojose ĩre yiyuja mwa. To bajiri, “Quēnaro yiyuma ĩna. űie rojose maja ĩnare”, mware yituoĭaja yu yuja. ¹² Tirūmujū mware papera cōagū, mwa rācagu rojose yir'i, to yicōari rojose yiecor'ire quēne buto tuoĭabeticajū yu. Mwaűware quēnaro tuoĭagū űari, mware ucacōacajū yu. “‘Pablōre rucubwoĭā űari, ĩ rotirore bajiro yama ĩna’ Dios ĩ yĭamasisere tuoĭamasiato” yigu, ucacajū yu.

¹³ To bajiri quēnaro mwa yirere tuoĭacōari, variquēnaja yu. “Quēnaro ĩna yicatire ĩacōari, yu tuoĭarejaiboacatire tuoĭa tujacōari, variquēnacajū yu”, yigotimi Tito. To bajiro ĩ yijare, butobusa mware variquēnaja yu. ¹⁴ Mwa tujū Titore yu cōaroto rĭjoro, ado bajiro ĩre yicajū yu: “ĩnare yu ucacōasere quēnaro cūdiruarāma Corinto macana”, ĩre yicajū yu. ĩre yu goticatore bajirone quēnaro cūdiyuja mwa. To bajiri, tire ajivariquēnaja yu. ¹⁵ Mwa tujū ĩ ejaro, buto rucubwoose rāca ĩre mwa bocaāmirere, to yicōari, ĩre quēnaro mwa cūdirere tuoĭabujacōari, butobusa mware maiami Tito. ¹⁶ “Yu rotise, josase ti űaboajaquēne, quēnaro cūdiruarāma” mware yituoĭacōari, buto variquēnaja yu.

8

“Maioro bajirāre variquēnase rāca ejarēmojama, quēnaja”, yire

¹ Yu mairā, gajeyere mware gotigū yaja: Adoana, Macedonia sitanare, Cristore ajitirūnūrāre, Dios, ĩnare ĩamaicōari, quēnaro ĩ yise sūorine quēnaro ĩna yicati queti mware gotigū yaja. ² Buto rojose tāmwoobarine, variquēnase rāca Diore ajitirūnūcōa űaama. To bajicōari, jairo gājoa cūomena űaboarine, gājerāre ejarēmowarā, ĩna cūose cōro juarēoűuma. ³ ĩna cūoro cōro ĩsicama. Bajibeaja. “ĩsiecoruarāma ĩna” yiboariaro rētoabusaro ĩsiecocama. ĩacajū yu, to bajiro ĩna yiro. ⁴ ĩnare yu sēnibetiboajaquēne, ado bajiro yure yicama: “Jerusalén macana Cristore ajitirūnūrā maioro bajirāre buto ejarēmowaja yu. To bajiri adi gājoa yware juabosa vacōari, mwa ĩsijama, buto quēnarwaroja”, yware yicama. ⁵ Yu tuoĭaboacato rētoro quēnaro, ado bajiro yicama: “Mw bojarore bajiro yirwaja yu”, Diore ĩre yisēni gajanocōari, “ĩ bojarore bajiro mware cūdiruarāja”, yware yicama. ⁶ To bajiri, “Adoana Macedonia sitana ĩna juarēoriarore bajiro, mwa, Corinto macana quēne mwa yijama, quēnarwaroja” yituoĭacōari, mware gājoa juarēorotisūor'ire Titore tudivarotijaja yu. “Toju vacōari, gājoa ĩna juarēorere juarēojeoba mw”, ĩre yaja yu. ⁷ Gājerā Cristore ajitirūnūrā rētoabusaro ĩre ajitirūnūrā űaja mwa. To bajiri ĩ ocare quēnarobusa gotimasiaja. To bajicōari, ĩna rētoabusaro yware mairā űari, ĩna rētoabusaro Dios ĩ bojarore bajiro yware ejarēmo variquēnarā űaja. To bajiri, maioro bajirāre quēne tuoĭamaicōari, gājerā ĩna cōase rētoro gājoa mwa cōajama, quēnarwaroja.

⁸ To bajiro mware yu yijama, rotigū me yaja yu. “Tire ajicōari, maioro bajirāre gājerā ĩna ejarēmo variquēnase rētoro ĩnare ejarēmo variquēnato mani” mwa yirore bojagu, adi sitana quēnaro ĩna yicatire mware gotibū yu. To bajiro mwa yijama, “Socarā mene

maioro bajirāre mairā ñaja yua” yirā, yirāja mua. ⁹ Mani uju, Jesucristo, ado bajiro quēnaro manire i yire ñajare, “Quēnaro ñnare ejarēmoto mani”, yituoīaroti ñaja muare: Manire ñamaicōari, i rijabosarere masiaja mua. Diorāca jediro cuogu ñaboarine, manire ñamaigū ñari, adigodojūre vadicōari, maioro bajigū ñacoasuju i. To bajiro bajiyuju, Diorāca quēnaro ñacōari, ñiejua manire ruyabetirotire yigu.

¹⁰ Muare rotibetiboarine, quēnaro mua ñarotire bojagu ñari, yu tuoīasere ado bajiro muare gotigu yaja yu: Rijoroaga cūmare quēne, variquēnase rāca ñnare ejarēmoma tuoīasuo yuja mua. To yicōari, gājoa juarēosuo yuja mua. ¹¹ To bajiri, “Maioro bajirāre mani ejarēmoma tuoīvariquēnasuocatore bajirone juarēojeocōato mani”, yivariquēnaña. Ñna ñsiro cōrone juarēocōari, cōaña. ¹² “Jairo mani ñsibetijama, ñvariquēnabesami Dios”, yituoīabesa. Jairo suorā, mojoroaca suorā quēne, mani ñsimasiro cōro mani ñsivariquēnajama, manire ñvariquēnagūmi Dios.

¹³ “Maioro bajirāre ejarēmoña” yu yijama, “Cōajeocōaña” yigu me yaja yu. “Maioro bajirāre gājoa cōajeocōari, maioro bajiya mua” yigu me yaja. ¹⁴ “Cristore ajitirūnrā, nijūane maioro bajirā manicōato” yigu yaja. Adirūmūreima mua ñaja jairo suorā. To bajiri, “Maioro bajirā ñaama ñna” yire quetire ajicōari, gājoa ñnare mua cōajama, quēnarūaroja. To bajiri, ñna quēne, maioro mua bajise quetire ajicōari, muare ejarēmorūarāma. To bajiri ñiejua ruyabetoja ñnare, muare quēne. To bajiro mani yijama, cojoro cōro suorā ñnarūarāja mani jediro. ¹⁵ To bajiro mani yijama, Dios ocare masa ñna ucamasire ti gotirote bajiro cūdirā yirūarāja mani. “To bajirone bajirūaroja”, yucamasiñumi Moisés, israelita masa ñna juarēoro bero, cojoro cōro cōīacōari, ñna ñsibatomasire ñajare. Ado bajiro gotiaja: “Jairo juarēoriarā ñaboarine, ñna bojaro rētoro bujabeticama ñna. Gājerāma, mojoroaca juarēoriarā ñaboarine, ñna bojaro cōro bujacama”, yigotiaja Dios ocare Moisés i ucamasire.

“Mua tujū Tito mesare cōagū yaja”, Pablo i yire queti

¹⁶ Muare tuoīamaicōari, buto yu ejarēmoma cōro muare ejarēmoma Tito quēne. “To bajiro tuoīato i” yigu, yiyumi Dios. To bajiro i yijare, “Quēnaro yaja mū”, Diore ñre yaja yu. ¹⁷ “Corinto macanare quēna mū ejarēmogū vajama, quēnarūaroja” yua yisēniāsere ajicōari, buto variquēnami Tito. Muare buto ejarēmoma uju ñari, “Yūre mua sēniāaroto rijorojūne, yu masu yu tuoīase rāca, ‘Yucūne varūcūja’ yituoīamū yu”, yūare yimi.

¹⁸ Tito rāca varocūre, yua maigūre cōaja yua. I ñaami, manire bajirone Cristore ajitirūnugū. Ñre ajitirūnrā jediro, “Cristo oca quēnasere quēnaro gotirētobumasigū”, ñna yirūcūbuogu ñaami. ¹⁹ Cristo ocare quēnaro gotirētobugū rī me ñaami. Adoana, Macedonia sitana, Cristore ajitirūncōari rējarūgūrā, “Gājoa manire juabosarāre ejarēmoma” yirā, ñna besecacu quēne ñaami. Ti gājoa, maioro bajirāre yua ñsiroti suorine, “Maioro bajirāre quēnaro ejarēmo variquēnarā ñaama, Cristore ajitirūnrā”, yituoīarūarāma masa. To yicōari, mani uju Jesucristore rūcūbuorūarāma. ²⁰ “Pablo mesa ñna masune ñna yireajare, gājoa ejabetoja” ñna yigōjarotire bojamena ñari, yūare baba cūtirocūre ñre bojacajū yua quēne. ²¹ “Quēnaro yama” Dios i yīvariquēnase rī mere bojaja yua. Masa quēne, to bajise ñna yīvariquēnasere bojaja.

²² To bajiri, gājire cōaja yua, Tito mesa rāca. Cristore ajitirūnugū ñari, mani yu ñaami i quēne. Ñre ñamasirā ñari, “Quēnaro yigu ñaami”, ñre yimasiaja yua. Cojoi ruyabeto quēnaro ejarēmo variquēnarūgūami. To bajicōari, “Corinto macana quēnaro cūdiana ñna” Tito i yisere ajicōari, butobusa muare ejarēmoma. ²³ To bajiri Tito, to yicōari, i babarā juarā ñaama, mua tujū yua cōarā. Jēre Titore ñre masirāja mua. I ñaami yu baba, “Cristore quēnaro ajitirūnūato” muare yigu, yu rāca moarūgūgū. Gājerā juarā, Titore baba cūti vana, Jesucristore ajitirūnrā ñari, mani yarā ñaama ñna quēne. “Quēnaro yirā ñaama” adi macariana ñna yīarā, mua tujū ñna cōarā ñaama. Quēnaro ñna yise suorine Cristore quēnabusaro rūcūbuoama masa, adi macariana. ²⁴ Mua tujū ñna ejaro, quēnaro ñnare yiba. “Cristore ajitirūnrāre ñamairā ñaama Corinto macana” yaja yua,

adi macarianare Tito mesare cōarāre. To bajiri ĩnare quēnaro m̄ua yijama, “Riojo yama Pablo mesa”, yiruarāma ĩna.

9

Cristore ajitir̄un̄r̄are maioro bajir̄are ejar̄emore queti

¹⁻² “Cristore ajitir̄un̄r̄are maioro bajir̄are ejar̄emor̄ā, ḡajoa juar̄eoc̄ari mani cōajama, quēnar̄aroja”, yit̄uoīar̄ā ĩaja m̄ua. To bajiri, m̄ua cōar̄ua t̄uoīase quetire masiḡū ĩari, “To bajiro m̄ua yijama, quēnar̄aroja”, m̄uare yiuacabetiroti ĩaboaja. Adoana, Macedonia sitanare, ado bajiro ĩnare goticaj̄u ȳu: “Acaya sitana, Corinto macana, mani mair̄ā, j̄ere i c̄uma ‘To bajiro yiroti ĩaja’ yis̄uoyujar̄ā”, ĩnare yicaj̄u ȳu, m̄uare. Tire ajic̄ari, “Mani quēne to bajirone yiroti ĩaja” yit̄uoīac̄ari, jājar̄ā ḡajoa ĩsicama. ³ To bajiro yis̄uoriar̄ā m̄ua ĩaboajaquēne, ȳu varoto r̄ijoro Tito mesare cōaja ȳu. “Ḡajoa juar̄eoc̄ari, ȳure yuato” yiḡu, ĩnare cōaja ȳu. Adoanare gotir̄ā, “Ȳu ejaroto r̄ijoro ḡajoa juar̄eoc̄ari, yuruar̄āma”, yaja ȳua, m̄uare. To bajiri m̄ua t̄uj̄u ȳu ejaro, “Ḡajoa juar̄eojobeaja maji” m̄ua yisere ajir̄uabeaja ȳu. Adoanare ĩnare ȳu gotirote bajiro m̄ua bajirotire bojaja. ⁴ Adoana Macedonia sitana s̄iḡūri ȳure ĩna baba c̄uti vajama, ḡajoa manone m̄uare ĩna ĩarotire bojabeaja. “Corinto macanare quēnaro masiaja. Ȳua ejaroto r̄ijoroj̄ane, ḡajoa juar̄eojec̄oar̄ar̄āma ĩna”, yaja ȳua, adoanare gotir̄ā. To bajiri, m̄ua c̄uo yubetijama, bojoneruar̄āja ȳua. M̄ua quēne, bojoneruar̄āja. ⁵ Mani bojonerotire bojabec̄u ĩari, ȳu varoto r̄ijoro, Tito mesare m̄ua t̄uj̄u ĩna vasere bojaja. “Īsiruar̄āja” m̄ua yigotiriarore bajirone m̄ua ĩsirotire yir̄ā, m̄uare ejar̄emor̄uar̄āma ĩna. To bajiri ȳu ejarone, ĩsicōar̄uar̄āja m̄ua. To bajiro m̄ua yijama, “Pablo, ejac̄ari, ĩnare ĩ ĩsirotijare, ĩsiter̄ā ĩaboarine, ĩsiñujar̄ā”, yire manir̄aroja. “Pablo ĩ ĩsirotibetiboajaquēne, ĩna masune maioro bajir̄are t̄uoīamaic̄ari, ĩsivariquēnañujar̄ā”, yirej̄ua ĩnar̄aroja.

⁶ Ḡajoa ĩsiroana, gotimasiore quetire masiritibeja: “Oterimas̄u, mojoroaca ĩ otejama, mojoroaca ti ricare b̄ujar̄uc̄umi. Jairo oteḡuma, jairo b̄ujar̄uc̄umi”.^b ⁷ To bajiri tocār̄ac̄u, “Ado c̄oro ĩsir̄uc̄aja ȳu” m̄ua yit̄uoīaro c̄oro m̄ua ĩsijama, quēnar̄aroja. Ḡajoa mai-boarine, m̄ua ĩsijama, quēnabetoja. M̄ua ĩsiteboajaquēne, ḡaji ĩ ĩsirotijare, m̄ua ĩsijama, quēnabetoja. M̄ua masune ĩsir̄uar̄ā, m̄ua ĩsijama, quēnar̄aroja. ĩsivariquēnar̄are ĩamaiami Dios. ⁸ To bajiro m̄ua yisere ĩac̄ari, quēnaro m̄uare yir̄uc̄umi Dios. M̄ua bojaro r̄etobusaro cōar̄em̄uc̄umi. To bajiro manire yami, “Ḡajer̄are ejar̄emor̄ā, ĩajediro quēnaro ĩna yiro bero, ĩiej̄ua r̄uyabetic̄oato” yiḡu. ⁹ “To bajiro quēnaro mani yisere bojaami Dios”, yimasiaja mani, Dios ocare masa ĩna ucamasire quēnaro yiḡure ado bajiro ti gotijare:

“Maioro bajir̄are jairo ĩsir̄uḡūami. To bajiro quēnaro ĩ yir̄uḡūisere masiritibetic̄ari, quēnaro ĩre yir̄uc̄umi Dios”, yigotiaja Dios ocare masa ĩna ucamasire.

¹⁰ Dios ĩnaami “Ote aje c̄uoato” yiḡu, manire cōaḡū. Ti ote aje s̄uorine bare r̄i mere b̄ujaja mani. Quēna gajeye ote aje mani oterotire quēne b̄ujaja mani. Tire bajiro bajiaja Dios quēnaro manire ĩ yise. “Ado bajiro bajiato” yiḡu, quēnaro manire yami: Quēnaro manire ĩ yise s̄uorine, cojoji me quēnaro yaja mani. Quēna gajer̄ūm̄urema ḡajer̄are quēnaro yimasiaja mani. Ḡajer̄ā quēne, quēnaro mani yir̄ā, ḡajer̄are quēnaro yimasiamā ĩna quēne. “To bajiro bajiato” yiḡu, quēnaro manire yami Dios. ¹¹ Jairo m̄uare ĩsir̄uḡūr̄uc̄umi Dios, “Maioro bajir̄are ejar̄emoato” yiḡu. To bajiro m̄ua yijama, “Quēnaro yaja m̄u”, Diore ĩre yir̄uar̄āma jājar̄ā masa. To bajirone yir̄uar̄āma Jerusalén macana Cristore ajitir̄un̄r̄ā quēne. Ḡajoa m̄ua juar̄eore ȳu juaejasere ĩac̄ari, “Quēnaro yaja m̄u”, Diore ĩre yir̄uar̄āma ĩna. ¹² To bajiri, ḡajer̄ā Cristore ajitir̄un̄r̄ā, maioro bajir̄are ḡajoa m̄ua cōaroti, ĩna r̄i mere quēnar̄aroja. Tire ĩac̄ari, “Quēnaro yaja m̄u” ĩre ĩna yiroti ti ĩajare, Diore quēne quēnar̄aroja. ¹³ Ḡajoa ĩnare m̄ua cōasere ĩac̄ari, “Cristore ajitir̄un̄r̄ā masu ĩnar̄āma Corinto macana. Manire ejar̄emoc̄ari, ḡajer̄are quēne ejar̄emoama” m̄uare

^b 9:6 Ado bajiro manire gotimasiore yaja ti queti: Ḡajer̄are ejar̄emor̄ā, ĩsiter̄ā ĩari, mojoroaca mani ĩsijama, Dios ye quēnamasuse, mojoroaca manire ŋjor̄uc̄umi. ĩsivariquēnar̄ā ĩari jairo mani ĩsijama, jairo quēnamasuse manire ŋjor̄uc̄umi.

yituoĩacõari, variquēnase rāca Diore rūcubuoarāma ĩna. ¹⁴ “Manire ĩna ejarēmose Dios suorine bajiaja” mũare yituoĩamaicõari, Diore buto mũare sēnibosaruarāma ĩna. ¹⁵ “Quēnaro yaja mũ”, Diore ĩre yiroti ñaja manire. Quēnamasusere manire yibosayumi Dios. Rojose mani yise vajare “Yirētosato” yigũ, ĩ macũre cõañumi.

10

“Dios yũre ĩ rotise rāca gotimasioaja yũ”, Pablo ĩ yire queti

¹ Yũ, Pablo, ado bajise gotigũ yaja, sīgũri yũre ñagõmacarāre: Quēnabeti masa ĩna yiboajaquēne, ĩnare ĩamaicõari, quēnaro ejarēmorũgũñuju Cristo, “Rojose yitũjacõari, quēnasejua tũoĩato” yigũ, ĩre bajiro mũare ejarēmoruaja yũ quēne. “Mani rāca ĩ ñajama, bojonegũre bajiro manire gotiami Pablo. Sõju ñacõari, manire ĩ ucacõajama, tud'igũre bajiro gotirũgũgũmi”, yiyuja mũa. ² Rojose yirāre tud'igũre bajiro gotigũ ñaboarine, mũa tũju ejacõari, tud'igũre bajiro gotiruabeaja. To bajiri yũre mũa ñagõmacasere yitũjacõaña, “Mani tũju ejacõari, tud'igũre bajiro gotiromi” yirā. To bajiro mũa yiboajaquēne, sīgũri, adigodoaye rĩne tũoĩarā, “Ĩna masu ĩna bojarore bajiro yirā ñaama Pablo mesa” yũare yĩñagõmacarāre tud'igũre bajiro gotiroti ñaja. ³ Adigodoaye rĩne tũoĩarā rāca ñaboarine, yũa masu yũa bojarore bajiro yirā me ñaja yũ. ⁴ Yũa masise adigodoaye me ñaja. Dios ĩ masise rāca yũa gotijama, yũare ĩna ñagõjaiboajaquēne, ĩnare gotirētobumasija yũa. ⁵ Cristo ocare ajiterā, “Masirā ñaja yũa” yivariquēnarāre Diore sēnibosaja yũa, “ ‘Riojo me tũoĩañuja yũa’ yato” yirā. No bojasene gājerā ĩna tũoĩase, Cristo ĩ bojabeti ti ñajama, tire yitũjacõari, “Cristo ĩ bojarore bajiro rĩne tũoĩato” yirā, Diore sēniaja yũa. ⁶ To bajiro mũare sēnibosaja yũa. Mũa rācana yũare bajiro tũoĩamenare rojose ĩna yise vaja rojose ĩnare yirũgũruarāja yũa, “Mũa jediro Cristo ĩ bojarore bajiro yũare cũdirũa tũoĩato” yirā.

⁷ “To bajigũ ñaami” yũre yĩamasirā ñaboarine, yũ tũoĩasejuarema masibeaja mũa. Gāji, “Cristore ajitirũnũgũ ñaja” yigũ ĩ ñajama, Cristo yarā yũa ñasere quēne masirocũ ñaami. ⁸ “Cristore gotirētobosarimasũ ñari, mũare rotimasija yũ” yũ yigotijare, “To bajiro ĩ yijama, ‘Ñamasugũ ñaja yũma’ manire yigũ yami”, yitũoĩaboarāja mũa. To bajiro mũa yiboajaquēne, Cristo, to bajiro yirocũre yũre ĩ cõacati ñajare, bojonebecũne tire gotiaja yũ. Mani mũju, “Yũ yere ajicõari, sutiritiatio” yigũ me, yũre cõacami. “Tire ajivariquēnato” yigũjua, yũre cõacami. ⁹ “Ĩ ucacõase rāca yũare tud'igũre bajiro yũare gotirũgũami Pablo” mũa yitũoĩaboasere bojabeaja yũ. ¹⁰ Ado bajise yirā, tire bajiro yũre tũoĩaboarāja mũa sīgũri: “Sõju ñacõari, papera rāca goticõajama, tud'igũre bajiro manire gotiami Pablo. Mani rāca ĩ ñajama, bojonegũre bajiro manire gotiami. Ñie vaja maja mani rāca ñagũ, ĩ ñagõse”, yũre yitũoĩaboarāja mũa. ¹¹ To bajiro yũre mũa yiboajaquēne, to bajiro bajigũ me ñaja yũ. Tud'igũre bajiro gotiroti ti ñajama, yũ ucacõase rāca yũ gotimasirore bajirone gotimasija yũ, masa tũ yũ ñajaquēne.

¹² Mũa rācana sīgũri, ĩna tũoĩa gotirote bajiro yibeaja yũama. Ado bajiro tũoĩacõari, gotirāma ĩna: “¿Ñimũ ñati mani vatoaju butobusa tũoĩagũ? Yũ ñaja butobusa tũoĩagũ” gāmerā yĩñagõrāma ĩna. “Gājerā rētoro masirā ñaja mani”, yitũoĩarāma ĩna. Tũoĩamasimena ñarāma ĩna ũnama. ĩnare bajiro yibeaja yũama. ¹³ Yũa masune tũoĩarujeocõari, gotibeaja yũama. “Ado bajiro bajirā ñaja yũa” mũare yũa gotijama, Dios, yũare ĩ rotire ñajare, to bajise mũare yaja. To bajiri, “Corinto macanare quēne yũ ocare gotimasiorũarāja mũa”, yũare yiroticõañumi. ¹⁴ To bajiri, Dios, yũare ĩ rotijare, gājerā rĩjoro vacõari, Cristo ĩ rijabosare suorine quēnaro Dios ĩ yisere mũare gotimasiocajũ yũa. ¹⁵ Gājerā ĩna gotimasioriarāre ĩacõari, “Yũa gotimasiose suorine Cristore quēnaro ajitirũnũrā ñaama”, yibeaja yũama. Yũa masu yũa moare rĩne mũare gotiaja yũa. Quēnarobusa Cristore mũa ajitirũnũrotire bojarā ñari, butobusa mũare gotimasioocõari, ejarēmoruaja yũa, Dios yũare ĩ gotiroticõariarore bajirone yirā. ¹⁶ “Cristore quēnaro ajitirũnũrā ñaama” mũare yimasicõari rĩne, Dios ĩ bojarore bajiro gajerojũ ñarāre ĩ yere masimenare gotimasiorũaja. To bajiro yũa yijama, gājerā ĩna gotimasioocõariarārene, “Yũ gotimasiocana ñaama ānoa” yigotirũamena ñari, gotiecomenare gotirā varũaja.

¹⁷ Ado bajiro gotiaja Dios ocare masa ñna ucamasire: “Ñamasurã ñna bajisere mña gotivariquēnarujama, Cristo ñ bajisejuare gotivariquēnaña. Ñne ñaami ñamasugũ”, yigotiaja Dios ocare masa ñna ucamasire. ¹⁸ Ado bajiro ti bajijare, to bajiro gotiaja Dios ocare masa ñna ucamasire: Gãji ñ tuoïarore bajiro yigũ, “Quēnaro yigũ ñaja yũ” ñ yiboase, vaja maja ti. Ñ ùgũrema “Quēnaro yigũ ñaami”, ñre yivariquēnabeami Dios. “Quēnaro yicajũ mñ” ñ yirãjũ ñaama, quēnaro yirã.

11

“Socase gotimasiorã, Dios ñ gotiroticõariarã me ñaama”, Pablo ñ yire queti

¹ Tuoïamasibecũre bajiro yũ gotiroti ti ñaboajaquēne, mña ajisere bojaja yũ. ² Diore bajiro bũto mñare tuoïamaiaja yũ. Ado bajiro bajaiaja: Rõmio, ùmña rãca ñaïabeco so manajũ ñarocũ rĩrene tuoïagõmo. Sore bajiro yirã mani quēne, Cristo rĩrene ajitirũnũaja mani. Yũ ñaja “Cristore ajitirũnũato” yigũ, mñare gotimasiosuocacũ. To bajiri, Dios mñare ñ mairore bajiro bũto mñare maiaja yũ quēne. To bajiri, “Ñnoa ñaama yũ gotimasiocati suorine mñre ajitirũnũrã” Cristore ñre yũ yĩoroto rĩjoro, “Ñre ajitirũnũ tũjacõari, gãjerãjuare ajitirũnũroma” yigũ, quēnaro mñare ñatirũnũrũgũaja yũ. ³ Tirũmũjũ vãtia ùjũ, Eva ñamasiriore quēnase sore yitomasĩnju. To bajirone bajirãma gãjerã, socase oca gotimasiorã. Ñna gotimasiose suorine mñare yitogũmi. “Vãtia ùjũ quēnaro ñ yitosere ajitirũnũcõari, Cristo yejuare ajitirũnũ tũjarãma”, mñare yituoïarejaiaja yũ. ⁴ Gãjerã mña tũjũ ejacõari, “Jesucristo, ado bajiro bajigũ masu ñagũmi” ñna yisocasere ajicõari, “To bajirone bajigũ ñagũmi” ñnare yicũdicõari, ajitirũnũ variquēnarãja mña. To bajiro mña yijama, Esp'iritu Santo mere ajitirũnũrã yirãja mña. To yicõari, Cristo ocare, yũa gotimasiocati mere, ricati gotimasiojejuare ajitirũnũrã yirãja mña. To bajiro ñna yisejuare mña ajitirũnũjama, quēnabetoja. ⁵ “Dios ñ cõariarã gãjerã rētoro masirã ñaja yũ”, mñare yisocarãma ñna. Dios ñ cõar'i, ñnare bajiro socagũ me ñaja yũ. “Yũ rētoro masirã me ñarãma ñna”, yituoïaja yũ. ⁶ Ñna gotimasiorore bajiro yimasibetiboarine, Dios ocare quēnaro masigũ ñaja yũma. To bajiri, ñ ocare quēnaro mñare gotirētoburũgũcãjũ yũ. Cojoi me yũre ajicana ñari, “Dios ocare quēnaro masiami Pablo”, yũre yimasirãja mña.

⁷ ¿Mña tu ñagũjũ, “Ñamasurã ñaja yũ” yirãre bajiro yirocũ ñaboayujari, yũre? ¿Cristo ocare quēnase mñare gotimasiojũ, vaja sēnirocũ ñaboayujari? Bajibeaja. “Ñamasugũ me ñaja” yigũre bajiro bajirũgũcãjũ yũ, “Yũre tuoïamenane, Dios oca rĩne ajitirũnũcõari, ñ yarã, ñamasurã ñato” yigũ. ⁸ Gajeroana Cristore ajitirũnũrã gãjoa yũre ñsicama ñna, “Corinto maca tũjũ ñacõari, ñnare gotimasioato” yirã. Yũre mña ñsiroti ñaboacati, ñnajũ, yũre ñsicama. ⁹ Mña tũjũ yũ ñajaquēne, gãjoa magũ ñaboarine, “Yũre ejarēmoña”, mñare yibeticãjũ yũ. Macedonia vadiriarã Cristore ajitirũnũrã ejacõari, yũ bojaro cõro yũre ñsicama. Gãjoa mñare sēnibetirũgũcãjũ yũ. Bero quēne sēnibetirũgũrũcũja. ¹⁰ Cristore ajitirũnũgũ ñari, riojo ñ gotirore bajiro, ado bajiro mñare gotiaja yũ: “Gãjoa sēnibecũne, Dios ocare gotimasiorũgũaja”, yivariquēna tũjabetirũcũja yũ. Mña, Acaya sitana jediro, “Dios ocare ñ gotimasiose vaja, vaja sēnibetirũgũami Pablo”, yimasirũarãja mña. ¹¹ Mñare bũto maigũ ñari, to bajise mñare gotiaja yũ. “Ñnare bũto maiami Pablo”, yũre yimasigũmi Dios quēne.

¹² “Pablõre bajiro Dios ñ cõariarã ñaja yũ quēne” yisocarã, mñare ñna gotimasiose vaja, vaja sēnirũgũñujarã ñna. To bajiri, “Pablõre bajiro vaja sēniaja yũ” yimasibeticõato ñna” yigũ, mñare vaja sēnibetirũcũja yũ. ¹³ Socase gotimasiorimasa, Dios ñ cõariarã me ñarãma. ¹⁴ Ñnare bajiro bajirũgũama Dios ocare ajiterã. Vãtia ùjũ Satanás quēne, cojojirema Dios tũagũ ángel quēnaro yigũre bajiro bajitorũgũami. ¹⁵ To bajiro bajigũ ñ ñajare, “Ñre cũdirã quēne ñre bajiro bajirũgũama”, yimasiaja yũ. “Quēnase rĩne yirã ñaama” ñnare mña yĩasere bojarã ñari, to bajiro bajirãma. To bajiro ñna yisere ñacõari, “Rojose tãmũorũgũrũarãja mña”, ñnare yirotirũcũmi Dios.

“Cristo ñ cõacacũ ñari, bũto rojose tãmũoaja yũ”, Pablo ñ yire

¹⁶ Ado bajise m̄are tudigotiaja yu: “Tuōamasibec̄ure bajiro gotiami Pablo” m̄a yituōasere bojabeaja yu. To bajiboarine, to bajiro m̄a yituōajama, tuōamasibec̄ure bajiro m̄are yu gotisere ajiya m̄a, ȳre m̄a ĩarũc̄ub̄orotire yirã. ¹⁷ Yuc̄ne m̄are yu gotiroti mani ẽju Jesucristo ĩ gotirotise me ñaja. Yu masune yu bajisere m̄are gotiḡuaḡu yaja yu. ¹⁸ M̄a rãcana, socase gotimasiarã, jãjarã adigodoaye rĩne tuōiarãre bajiro gotirãma, ĩnare m̄a ajirũc̄ub̄orotire yirã. To bajiri “Yu quẽne, ĩna gotirote bajiro gotivariquẽnarũc̄uja” yituōac̄õari, mojoroaca m̄are gotirũc̄uja yu, “Ȳre ajirũc̄ub̄oato ĩna” yiḡu. ¹⁹ M̄ajũama, “Masirã ñaja yu”, yiboarãja, tuōamasimena ĩna gotisere ajisũyarã ñari. ²⁰ ĩna rotiajerãre bajiro bajirã ñaboarine, ĩnare ajiquejemenaja m̄a. “ĩna s̄orine gãjoa bũjarãsa mani” yirã, m̄are ĩna yitosere ajiquejemenaja. “Ȳare ĩarũc̄ub̄oaya” yirãre bajiro ĩna bajirũḡũsere ĩaquejemenaja. “Ajirũc̄ub̄obeaja m̄a” yirã, m̄are ĩna jaboajaquẽne, ĩnare ajiquejemenaja m̄a. ²¹ Yũjũama, m̄a tũju ñagũ, “Ñamasugũ me ñaja yu” yiḡure bajiro yu bajijare, ȳre ajirũc̄ub̄omenaja m̄a. M̄are ĩna yirore bajiro yu yijama, “Rojose yiḡu yaja yu” yituōac̄õari, bojoneboḡuja yũma.

To bajiboarine, “Ado bajiro bajirã yu ñajare, ȳare ajirũc̄ub̄oaya” m̄are ĩna yise ñajare, yu quẽne, tuōamasibec̄ure bajiro m̄are gotirũc̄uja yu. ²² “Hebreo oca ñagõrã ñari, ñamasurã ñaja yu”, m̄are yiyujarã ĩna. Yu quẽne, Hebreo oca ñagõgũ ñaja yu. “Yu, israelita masa, gãjerã rẽtoro Diore masirã ñaja yu”, yiyujarã ĩna. Yu quẽne, israelita masu ñaja yu. “‘Quẽnaro m̄are yirũc̄uja’ Dios ĩ yimasir'i, Abraham ñamasir'i jãnerabatia ñaja yu”, yiyujarã ĩna. Yu quẽne, Abraham ñamasir'i jãnami ñaja yu. ²³ “Cristo ĩ cõariarã ĩre moabosarã ñaja yu”, m̄are yiyujarã ĩna. To bajiro ĩna yire ñajare, “ĩna rẽtob̄usaro Cristore moabosagu ñaja”, m̄are yaja yu. Tuōamasibec̄ure bajiro m̄are goticõa ñaja yu. Ado bajiro ti bajijare, “ĩna rẽtob̄usaro ĩre moabosagu ñaja”, m̄are yaja yu: Cojosi me b̄uto ĩre yu moabosajare, tubiberiavijũ ȳre tubibecama masa. Cojosi me ȳre b̄uto bajecama. Cojosi me ȳre s̄iarũaboacama. ²⁴ Cojomocãrãcãji ȳre ñiacõari, b̄uto rojose yirãre ĩna bajarore bajiro ȳre bajecama masa. Tocãrãcãjine treinta y nueve ñarijiri ȳre bajecama. ²⁵ Idiãji ȳre ñiacõari, yuc̄ne b̄uto ȳre jacama ĩna. Ȳre s̄iarũarã, cojosi gũtane b̄uto ȳre reaejoboacama. Idiãji moa riagare yu vaboacati cũmuari rujacajũ. Cojosi cũmua rujacõari, ẽm̄a ñarũm̄u c̄uti, quẽna ñamire quẽne, ña ñami c̄utibusuocajũ yu, moa riagajũ. ²⁶ Cojosi me Dios ocare gotimasiogũ, sõju josari vacudirũgũcãju yu. Riaga gũiorojũ vacajũ. Juarudirimasa gũiorojũ vacajũ. Cojo macana me yu yarã rojose yicama. To bajicõari, gãjerã masa vatoajũ gũiorojũ vacajũ. Jairimasa ñagũ, masa ĩna ñabetoju quẽne, gũiorojũ vacajũ. Moa riaga gũiorojũ quẽne vacajũ. “Cristore ajitirũnrã ñaja yu” yitocõari, rojose ȳre yirũarã vatoajũ vacajũ yu. ²⁷ B̄uto josari moadicaju yu. Cojosi me cãnibec̄une moabusuoarũgũcãju yu. Cojosi me bare babec̄u, ocore quẽne idibec̄u, tãm̄orũgũcãju. Cojosi me ñiorijarũgũcãju yu. To bajicõari, b̄uto ẽsarũgũcãju, sudi ȳre ti manijare.

²⁸ Yu rujãaye rĩ me rojose tãm̄orũgũaja yu. Tocãrãcarũm̄ne Cristore ajitirũnrã, cojo macana me yu gotimasiocana, quẽnarob̄usa ĩre ĩna ajitirũnrũtuatire bojagu ñari, ĩnare b̄uto tuōiarejairũgũaja yu. ²⁹ Cristore ajitirũnrã ñaboarine, rojose yicõari, s̄utir-ĩtirãre, yu bũjajama, yu quẽne, ĩna rãca s̄utiritiaja. Cristore ajitirũnrãre gãjerã ĩnare rojose ĩna ẽmato yijama, ĩnare b̄uto jũnisiniaja yu. ³⁰ Yu bajicatire yu gotijama, “‘Masigũ me ñaami’ ȳre yimasiatu” yiḡu, yu bajicatire m̄are gotivariquẽnaja yu. ³¹ Tire m̄are yu gotivariquẽnasere, “Riojo gotiami Pablo”, ȳre yimasigũmi mani ẽju Jesucristo jac̄u, Dios. ĩ ñaami “Ñajediro rẽtoro masigũ ñaja m̄u” mani yirũc̄ub̄orũgũroc̄u. ³² Tirũm̄ju Damasco vãme c̄uti macaju yu ñarone, “Pblorẽ ñiacõari, tubiberotirũc̄uja” yiḡu, ti maca matariacũni ñarisojerijũ surara mesare cũñumi, ti maca ẽju, Areta vãme c̄utigure rotibosacac̄u. ³³ Ȳre tubiberũaboarine, ȳre ñiamasibeticami. Ti maca matariacũni vecaju ñarivijũ, jibũ jairibũne sãcõari, sojeacaju ȳre rujiocama ĩna, ȳre ejarẽmorimasa. To bajiro ȳre ĩna ejarẽmojare, rudicajũ yu.

12

Dios ĩ ñarojũ Pablo ĩ cãjiriare queti

¹ “Ado bajiro bajigũ ñari, ñamasugũ ñaja yũ ĩnare yũ yiñagõjama, ñie vaja manoja ti” yitũoĩagũ ñaboarine, mũa bojarore bajiro gajeye mũare gotirẽmorũcũja. Yũ cãjiriarojũ mani Ʃjũ yũre ĩ ĩocatire, to yicõari, yũre ĩ gotimasiocatire quẽne mũare gotirũcũja yũ. ²⁻³ Tirũmũjũ, jũaãmo cõro jedi, cojo gũbo babari jẽnituario ñaricũmari rĩjorojũ, õ vecajũ ĩ ñarojũ yũre ãmiejarimi Dios. “To bajiro yũre ãmimũjarimi”, yimasibeaja yũ, bajigũjũma. Yũ rujũre ĩ ãmimũjabetijama, yũ Ʃsũjũare ãmimũjarimi. Dios sĩgũne masiami tire. ⁴ “To bajiro yũre ãmiejarimi” yimasibecũ ñaboarine, “Ejacajũ”, yimasiaja. Mani Ʃjũ ĩ ñaro, quẽnarigodo ñacajũ. Tojũ ñagũ, masa ĩna masibeticatire ajicajũ. ĩ goticati, masare ĩ gotitotise me ñacajũ. ⁵ “Masigũ ñaja yũ” yigotivariquẽnagũ yũ ñajama, to bajiro Dios yũre ĩ yicatire mũare gotibogũja yũ. To bajiboarine, “Masibecũ ñaja yũ” gãjerãre yũ yiajiose queti rĩne gotivariquẽnaja yũ. ⁶ “Yũre rũcũbũoato” yigũ, gajeye quẽnaro Dios yũre ĩ yicati mũare yũ gotirẽmorũajama, socũ mene yigũja yũ. Tũoĩamasibecũre bajiro gotigũ me yigũja. To bajiboarine, tire ĩabeticajũ mũa. To bajiri, “Riojo gotiami Pablo”, yimasimenaja. Yũ gotisere, to yicõari yũ bajiñasere ĩacõari, yũre mũa rũcũbũoesejũare bojaja. ⁷ Dios yũre ĩ ĩocati bũto quẽnase ñacajũ. To bajiri, tire yũre ĩoarine, ĩre yũ ĩocati ñajare, gãjerã rẽtoro ñamasugũ yũ ñatũoĩasere bojabecũ ñari, vãti rojose yũre ĩ yisere matabeticami. To bajiri josari jota judicõari, mani ñarore bajiro bajiaja ti, yũre. ⁸ Rojose yũ tãmũose, “Yũre tũjato” yigũ, idiaji Diore sãniboacajũ yũ. ⁹ To bajiro ĩre yũ sãniboajaquẽne, ado bajiro yũre cũdicami: “Catiobeaja yũ. Yũ yarã rojose ĩna tãmũojama, bũtobũsa yũre sãnirũgũama, ‘Yũ bojasere yicõa ñarãsa’ yirã. To bajiro ĩna yijama, ‘Rojose tãmũoboarine, ĩnare yũ ejarẽmojare, quẽnaro yama’ yimasiamama masa”, yũre yicami Dios. ¹⁰ To bajiri, “Cristore ajitirũnũgũ ñari, rojose tãmũoaja” yimasicõari, variquẽnaja yũ. Cojosi me rojose tãmũocajũ yũ. Cojosi me rojose yũre yicoderũgũama masa. Cojosi me yũ bojase rũyarũgũaja yũre. To bajirivãme rojose tãmũogũ ñaboarine, ado bajise tũoĩa variquẽnarũgũaja yũ: “Rojose tãmũoboarine, yũre ĩ ejarẽmoroti ti ñajare, ĩ bojarore bajiro yicõa ñarũcũja”, yitũoĩa variquẽnarũgũaja yũ.

Pablo, Corinto macanare ĩ tũoĩarejaire queti

¹¹ Yũ bajisere gotigũ tũoĩamasibecũre bajiro gotibũ yũ. “Quẽnaro yigũ ñaami Pablo” mũa yibetijare, yũ masune to bajiro yibũ yũ. To bajiboarine, “Quẽnaro yigũ ñaami Pablo”, yiroti ñaboayuja mũare. Mũa tũjũ ñarã, Dios ĩ cõariarã ñaja ñamasurã yirã rẽtoro ñamasugũ ñaja yũ. ¹² Rojose tãmũoboarine, mũa tũjũ ñagũ, Dios ĩ masise rãca jairo ĩãĩããamani mũare yĩorũgũcãjũ yũ, “ ‘Dios ĩ cõar’i ñaami Pablo’ yũre yimasiatu” yigũ. ¹³ “Gajeroana Jesucristore ajitirũnrãrema quẽnabũsaro yigũmi Pablo”, Ʃyitũoĩaboati mũa? Cojoro cõrone mũare yirũgũaja yũ. To bajiro yigũ ñaboarine, gãjerã Jesucristore ajitirũnrãrema, “Yũre ejarẽmoña mũa, ‘Ñamasiatu’ yirã”, ĩnare yicajũ yũ. Mũarema, to bajiro yibeticajũ. To bajiro mũare yibeticõari, ĩnare yũ yirore bajiro mũare quẽne yiroti ñaboayuja ti, yũre. “To bajiro rojose mũare yũ yisere masirioya”, Ʃmũare yigũada yũ? Yibecũja. To bajiro yũ yibeticati, “Rojose me ñacajũ”, yimasirãja mũa.

¹⁴ Jũaji mũa tũjũ ejacajũ yũ. To bajiri yucũ yũ vase rãca idiaji mũare ĩagũ varũcũja. Yũ varoto rĩjoro, quẽnojeocõaja yũ, jẽre. Mũa tũjũ ejacõari, “Yũre ejarẽmoña, yũ ñamasirotire yirã” mũare yũ yibeticatore bajiro yibetirũcũja yũ quẽna. Gãjoa mũa yere bojabeaja yũ. Yũre ĩamaicõari, Dios ĩ bojarore bajiro mũa yirotijũare bojaja yũ. Yũ rĩare bajiro bajiaja mũa. ĩna rĩa me ñaama ĩna jacũare ĩatirũnrã. Jacũajũ ñaama ĩna rĩare ĩatirũnrã. To bajiri mũa jacũre bajiro bajigũ ñari, yũre mũa ĩatirũnũsere bojabeaja yũ. To bajiri, “Yũre ejarẽmoña yũ ñamasirotire yirã”, mũare yibetirũcũja. ¹⁵ Mũare bũto maigũ ñari, jediro yũ cũose mũare ĩsicõari, yũ yimasiro cõro quẽnaro mũare yirũa tũoĩavariquẽnaja yũ, “Cristore quẽnabũsaro ajitirũnrũtuajaro” yigũ. Bũto mũare yũ maiboajaquẽne, mũajũama, yũre maibetibũsaja.

¹⁶ “Yure ejarēmoña, yu ñamasirotire yirā’ yibeticami Pablo”, yure yituoīarāja mua. To bajiboarine, “Quēnaro tuoīagū ñari, ‘Gājoa bujagusa’ yigu, manire yitorimi”, ¿yure yituoīaboati mua sīgūri? ¹⁷ “Manire ī queti cōariarā rāca manire yitorimi Pablo”, ¿yituoīaboati mua? Mware yitobeticaju yu. ¹⁸ “Inare īama” yigu, tirūmju mua tujū Titore cōacaju yu, gāji Cristore ajitirūnugū mani maigū rāca. “Manire yitorimi Tito”, ¿yituoīaboati mua? Yitobetirimi. “Quēnaro yigu ñaami”, ire yimasirāja mua. Yu tuoīarore bajiro tuoīacōari, mua rāca yu bajiñacatore bajiro bajiñarimi.

¹⁹ “Inare mani ĩavariquēnarotire yirā, manire goticōarāma Pablo mesa”, ¿yituoīaboati mua? To bajiro me bajiaja. Ado bajirojua bajiaja: Cristore ajitirūnrā ñari, ī bojarore bajiro mware goticōarā yaja yua. Quēnaro yure ajiya yua mairā. Jediro mware yua goticōase, “Cristore quēnabusaro ajitirūnato” yirā, mware goticōarā yaja yua. ²⁰ Mware yu ĩacudigu vatirūm, quēnaro yure mua ñayusere bojaja yu. “Cojojirema quēnaro ñayubetiborāma”, yituoīarejaiaja yu. Gāmerā oca josacōari, mua bajiñarore ejaruabeaja. Mua ñarøjure ado bajiro mua gāmerā yise ñaroja: Gāmerā tud'ire, “Mani rētoabusaro quēnaro ñaama” yīajūnisinire, ĩna ajibeto ñagōjare, “Ina rētoro ñamasurā ñaja yua” yituoīare, tocārācune ricati rīne tuoīacōari, ĩna masurione ĩna bojarore bajiro ĩna yirūgūse quēne ñaroja. To bajiro mua gāmerā yīñajama, tuoīarejaiborāja mua, “Manire tud'iguagu yigumi” yirā. ²¹ Mua tujū yu vacudiro rojose mua yicōa ñajama, Dios ī ĩaro rījorojua, “Yu gotimasiosere quēnaro ajitirūnūma ĩna’ yimasibecuja”, yituoīarejaiaja yu. “Jājarā mua rācana gāmerā ajeriarā cūticōa ñarāre yu ĩabujajama, buto otigu yiguja yu”, yituoīarejaiaja. “Tuoīarejaibeticōato” yirā, rojose mua yisere yitujaya mua.

13

Pablo ĩ gotitusare queti

¹ Juaji mua tujū ejacaju yu. To bajiri yucu yu vase rāca idiaji mware ĩagū ejarucuja yu. To bajiri, rojose mua yirere yitujacōari, quēnasejware tuoīaña mua, yure yurā. Ado bajise Dios ocare masa ĩna ucamasire gotiaja: “Rojose yir'ire ĩna oca sājama, juarā, idiarā ñacōari ĩna oca sājama, quēnaruroja. To bajiri ĩna idiarājune, to bajirone ĩna ñagōjama, ĩnare ajirā quēne, ‘Socarā me yama’ yimasirāma”, yigotiaja Dios ocare masa ĩna ucamasire. ² Tirūmju mua tujū ñagū, rojose yiriarāre, yibetiriarāre quēne ado bajise yicaju yu: “Rojose mua yise mua yitujabetijama, quēna mua tujū ejagu, rojose mua yicōa ñarūgūse vaja rojose mware yirucuja yu. Adirūmurirema mware rojose yu yibetiboajaquēne, yu yirotire masiña”, mware yicaju yu. Mua tujū ñabecu quēne, to bajirone mware goticōa ñaja yu. “To bajiro gotigu ñaboarine, yibecumi”, yure yituoīabesa. ³ “Cristo ĩ bojasere gotiaja mu’ yua yimasirotire yigu, ĩaīañamani yware yīōma” yure mua yicōare ñajare, to bajirone yirucuja yu. “Cristo, manire rojose ĩ yijama, no yibeaja. Masibecu ñagūmi”, ire yituoīabesa mua. Yu suorine ĩ masisere mware yīorucumi. ⁴ Masijeogu ñaboarine, manire bajiro rujū cūticōari, yucūtēroju ĩ jaju ecoriaro bero, masibecure bajiro bajirocacoasumi Cristo. To bajiboarine, Dios ī masise rāca tudicaticōari, ñagūmi quēna. Cristore bajiro rojose tāmhorūgūaja yua quēne. To bajiro bajirā ñaboarine, ire ajitirūnū tujamena ñari, ire bajirone bajicōa ñaruarāja. Dios ĩ ejarēmose rāca mware ejarēmocōa ñaruarāja.

⁵ Mua masune, “¿Cristore ajitirūnrā masu ñati yua?”, yituoīaña mua. Cristore ajitirūnrā mua ñajama, mua rāca ĩ ñasere masiaja mua. ĩ ñabetijama, ire ajitirūnrā masu me ñaja mua. To bajiro mua bajijama, mua masune, “Cristore ajitirūnrā ñaja yua”, yisocarāja mua. ⁶ Yuarjware, “Cristo ĩ cōariarā masu ñaama” yware mua yimasirotire bojaja yu. Cristore ajitirūnrā mua ñajama, to bajiro yirāja mua. ⁷ “Rojose mua yirūgūrere yitujato” yirā, Diore mware sēnibosaja yua. “Dios ocare quēnaro gotimasioñumi Pablo” mua yivariquēnarotire yigu me, Diore mware sēnibosaja yua. Quēnasejware mua yirotire bojarā ñari, yaja. “Gājerā socase gotimasiorā yama” yure mua yiboajaquēne, quēnase mua yiroti ñaja ñamasusema. ⁸ “Ñamasusere ajitirūnato” yirā, Dios ocare gotimasiorūgūaja yua. Ñamasusere mua ajitirūnū tujasere bojabeaja. ⁹ To bajiri mua tujū

ejacōari, “Quēnaro Cristore ajitirūnūama ĩna” mūare yua yĩamasijama, tud'irāre bajiro mūare yibetiruarāja yua. To bajiro mūa bajisere ĩacōari, variquēnaruarāja yua, “Quēnaro gotimasiomasibeama Pablo mesa” mūa yise ti űaboajaquēne. “Cristore ajitirūnucōari, ĩ bojarore bajiro rĩne yirā űato ĩna” yirā, Diore mūare sēnibosaja yua. ¹⁰ Mūa tujū ejacōari, tud'igūre bajiro mūare gotirūabecu űari, yū varoto rĩjoro papera ucacōari, mūare cōaja yū. Mani űjū, “Yū yere ajicōari, sutiritiatio” yigū me, yūre cōacami. “Tire ajivariquēnato” yigūjua, yūre cōacami.

¹¹ Yū mairā, to cōrone mūare yū gotimasiosere ucaja yū. Tire ajitirūnūña. Cristo ĩ bojarore bajiro rĩne yirūgūña mūa. Sīgūre bajiro tuoĩacōari, quēnaro űaűa mūa. To bajiro mūa bajijama, mūa rāca űacōa űarūgūrucumi Dios. ĩ űaami ĩ masisere űjogū, “Gāmerā maicōari, quēnaro űato” yigū. ¹² Cristore ajitirūnūrā űari, mūa rējajama, quēnaro variquēnase rāca gāmerā sēnima. ¹³ Adoana Cristore ajitirūnūrā, “Quēnato”, mūare yicōaama ĩna.

¹⁴ Mani űjū, Jesucristo, quēnasere mūare cōarūgūato. Mūare ĩamaiato Dios. To yicōari, Esp'iritu Santo, mūa jediro rāca űacōa űarūgūato.

To cōro űaja.

Carta de San Pablo a los GÁLATAS

Galacia sitanare Cristore ajitirünuräre Pablo ï ucacõare queti

¹⁻² ¿Ñaboati mua, Galacia sitana, Jesucristore ajitirünurã? Yũ ñaja Pablo adi queti muare ucacõagũ. Jesucristo, to yicõari, ï rijato bero ïre cator'i, ï jacũ, ïna ñaama ti quetire yũre gotiroticõarimasa. Masane, "Goticudiaya" yirã ïna cõar'i me ñaja. Yũ sīgũ me adi papera muare cõaja yũ. Yũ rãcana, Jesucristore ajitirünurã quẽne, "Quẽnato", muare yicõaama ïna. ³ Mani jacũ Diore, to yicõari, Jesucristo mani ƚjũre ado bajise muare sēnibosaja yũa: "Quẽnaro ïna ñarotire yirã, ïnare ejarẽmoña", muare yisēnibosaja yũa. ⁴ Rojose mani yisere, "Tire yitũjato" yigũ, Dios ï bojarore bajiro manire rijabosayumi Cristo. ⁵ Dione ñaami "Quẽnarẽtogũ ñaja mũ" mani yirũcũbũorũgũrocũ. To bajirone ïre yitũjabetirũarãja mani.

"Ricati gãjerã ïna gotimasiosere ajibesa", Pablo ï yire queti

⁶ Cristo ï rijabosare sũori, "Quẽnaro yũ yisere ajitirünucõari, yũ yarã ñaña mua" Dios muare ï yirere cãdicana ñaboarine, yoaro mene ï yere ajitirünũ tũjacõari, gãjerã ricati ïna gotimasiosẽjũare ajitirünũñuja mua. Tire ajisũtiriticõari, adi queti muare ucacõaja yũ. ⁷ Cristo oca rĩne ñaja riojo gotimasioire. Gaje oca bũtobũsa quẽnase manija. To bajiro ti bajiboajaquẽne, gãjerã sīgũri, "Cristo oca quẽnasere ajitirünũbeticõato" yirã, muare gotimavisiorã yirũgũrãma. ⁸ Mũa tũjũ yũa ñajama, Cristo ocare riojo muare gotimasioicajũ yũa. To bajiri, sīgũ Cristo ocare ricati muare ï gotimasiojama, rojose tãmũotũjabetiriaroju ïre rocacõaroti ñaja. Yũa quẽne ricati yũa gotimasiojama, yũare reacõaroti ñaroja. Õ vecagũ quẽne, ángel ñaboarine, vadicõari, ricati ï gotimasiojama, rojose tãmũotũjabetiriaroju ïre quẽne rocacõaroti ñaja. ⁹ Tirũmũju mua rãca ñarã, yũa goticatore bajirone quẽna muare tudigotiaja yũ: Sīgũ, Cristo ocare yũa goticati mua ajitirünucati me, ricati muare ï gotimasiojama, rojose tãmũotũjabetiriaroju ïre rocacõaroti ñaja.

¹⁰ To bajiro yũ yijama, ƚmasa yũre ïna ajivariquẽnarotire yigũ yatique yũ? "Rojose ïna yiboajaquẽne, ïre ïna ajivariquẽnarotire yigũ, ïnare quẽnaro gotiami Pablo", yiboayuja mua. To bajiro yũ gotijama, Dios ï bojarore bajiro me yigũ, yigũja yũ. Tirũmũju to bajiro yicacũ ñaboarine, yucũrema to bajiro yibeaja yũ. Dios ï ajivariquẽnarotijũare yigũ, muare gotiaja.

Jesús, Pablõre ï gotiroticõare queti

¹¹ Quẽnaro ajiya yũ mairã. Riojo muare gotiaja yũ. Jesucristo oca yũ gotimasiose, masa ïna tũoĩarujeore me ñaja. ¹² Tire gãjerãne yũre gotimasioibeticama. Jesucristo ï masune yũre goticõari, tire yũ ajimasirotire yũre ƚjocami.

¹³ Yũ bajicatire ajicana ñari, "Riojo gotiami Pablo", yimasiaja mua. Tirũmũju yũa jud'io masa yere bũto ajirũcũbũocajũ yũ maji. To bajiro bajigũ ñari, Cristore ajitirünuräre bũto rojose ïnare yirũgũboacajũ yũ, "Ïre ajitirünũ tũjato" yigũ. ¹⁴ Gãjerã yũ cõro ñatusana yũa jud'io masa yere ïnare masirẽtocoacajũ yũ, yũa ñicũa ïna rotimasirere ïna rẽtobũsaro yivariquẽnagũ ñari. ¹⁵ To bajiro yũ bajiboajaquẽne, yũ ruyuaroto rĩjoroju, "Ãni Pablo, bũcũacũ, yũ yũ ñarũcũmi", yitũoĩañumi Dios. To yicõari, beroju, bũto quẽnagũ ñari, yũre ïamaicõari, "ƚYũ yũ, yũ bojasere yigũ ñarũabeati mũ?", yũre yicami. ¹⁶ "Ï macũne ñaami Jesús" yũ yimasirotire yigũ, yicami Dios. To bajiro yũre yicami, ï macũ ï rijabosare sũorine quẽnaro ï yise queti jud'io masa me ñarãre yũ goticudirotire yigũ. To ï yirone, "ƚNo bajiro yigũti yũ? ƚTire quẽnabũsaro ajimasigũsa' yigũ, gãjerãre sēniĩaroti ñati?", yisēniĩabeticajũ yũ. ¹⁷ To yicõari, yũ rĩjoro Cristo ï cõariarãre quẽne sēniĩagũ, vabeticajũ yũ, Jerusalénju. Ado bajirojuã yicajũ yũ: Yoaro mene Arabia vãme cũti sitajũ masa ñabetoju vacajũ yũ. Beroju Damasco vãme cũti macajũ tudiejacajũ yũ quẽna.

¹⁸ To bajiri, “¿Yn yn, yn bojase yigū ñarñabeati mñ?” Dios yñre ĩ yiro bero, idia cūma bero, Pedrore ñagū vacajñ yn yuja, Jerusalénñ. Tojñ ejacōari, yoaro me ñacajñ yn, ĩ rāca. Juaāmo cōro, cojo gūbo jēnituario ñarirūmñri ñacajñ yn. ¹⁹ Tojñ ñagū, gājerā Jesús ĩ cōariarāre ĩabeticajñ yn. Pedrore, mani ññj bedi Santiagore quēne, ĩna juarārene ĩacajñ yn. ²⁰ Socñ me yaja yn. “Riojo gotiami Pablo”, yñre yimasigūmi Dios.

²¹ Pedrore, Santiagore ĩnare yn ĩaro bero, Siria vāme cūti sitajñ, to yicōari, Cilicia vāme cūti sitajñ ñacudicajñ yn. ²² Judea sitana Cristore ajitirūññrā, “Pablo ñaami”, yñre yīāmasibesuma ĩna maji. ²³ To bajiboarine, gajeroana ado bajiro yñre ĩna ñagōre rīne ajiyuma ĩna: “Jesucristo ĩ rijabosare sñori Dios quēnaro ĩ yise quetire ajitirūññ tñjato’ yigū, bñto rojose yñare yiboacacñne, adirūmñrirema, ti quetirene masare gotimasiodudiami, ‘Ajitirūññato’ yigū” yñre ĩna yire rīne ajiyuma Judea sitana. ²⁴ “Yñ macñre ajitirūñññā’ Dios ĩ yicōare ññjare, ĩre ajitirūññgū ñagūmi Pablo” yimasicōari, “Quēnaro yaja mñ”, Diore yirñcñbñoyujarā ĩna.

2

Jesús ĩ cōariarā Pablöre ĩna ĩavariquēnare queti

¹ Jerusalénñ yn vacato bero, juaāmo cōro, gūbo babari jēnituari cūmari bero, Jerusalénñ vacajñ yn quēna, Bernabé rāca. To yicōari, Tito vāme cūtiñgure ji vacajñ yn. ² Dios ĩ ejarēmose rāca, “Tojñ varoti ññja” yitñoñagū ññari, vacajñ yn. Tojñ ejacōari, Cristore ajitirūññrā sīgñri, “Ñamasurā ñaama” ĩna yirñcñbñorā rāca rīne rējacōari, goticajñ yn. “Cristo ĩ rijabosare sñorine Dios quēnaro ĩ yise queti jud'io masa me ññarāre ado bajiro ĩnare gotimasiorūgūaja yn”, ĩnare yigoticajñ. “Riojo masu ĩnare gotimasiorūgūgūmi Pablo” ĩna yijamasiroñtire yigū, to bajiro ĩnare yicajñ. “Tire ĩna ajimasibetijama, yn gotimasiodcana quēne, quēnaro Dios ĩ yisere ajimasibetirñarāma ĩna quēne” yitñoñagū ññari, to bajise goticajñ yn. ³ Tire ajicōari, yn gotirore bajirone tñoñacama ĩna quēne. To bajiro tñoñarā ññari, “Dios yarā ññja yñ; to bajiri ĩre cñdirona ññja” yirā, jud'io masa circuncisíon yiadire ti ññaboajaquēne, yn rācagñ Titore ĩre yiroñtibeticama ĩna yuja. To bajiro ĩre yiroñtibeticama, Tito, jud'io masñ me ññari, circuncisíon yiyamagū ĩ ññaboajaquēne. ⁴ Gājerāma, “¿No bajiro yati Cristore ajitirūññrā? ¿Moisére Dios ĩ roticūmasire cñdiati ĩna?” yīñarā, “Cristore ajitirūññrā ññja” yñare yitocōari, rējacama ĩna. “Moisére Dios ĩ roticūmasirere cñdiroti ññja”, yitñoñarā ññacama. To bajiro ĩna tñoñacatore bajiro yñ yitñoñarotire bojaboacama. To bajiri yñ rāca rējacōari, “Titore circuncisíon yiya”, yiboacama ĩna. ⁵ To bajiro ĩna yiboajaquēne, cojo vāme yñare ĩna goticatore bajiro ĩnare cñdibeticajñ yn. “Cristo ĩ rijabosare sñorine Dios quēnaro manire ĩ yise queti, mavisiare mano, riojo Pablöre Dios ĩ gotiroñticōariarore bajirone gotimasiodcā ññarūgūato” yirā, ĩnare cñdibeticajñ yn. To yicōari, Galacia sitana, “Quēnaro Dios manire ĩ yise queti mani ajicatore bajirone bajiyuja” mñ yimasiroñtire yirā, ĩnare cñdibeticajñ.

⁶ Gājerājñ, “Ñamasurā ñaama” Cristore ajitirūññrā ĩna yirñcñbñorā, “Quēnaro riojo gotimasioami Pablo”, yicama ĩnama. “‘Rojose maja mñare’ Dios manire ĩ yīñavariquēnase mñ gotimasiorñajama, gajeye gotimasiorēmoroti ññja”, yñre yibeticama. “Ado bajiro bajiriarā ññari, ññamasurā ññacama ĩna” gājerā ĩna yirñcñbñorā ĩna ññajama, ĩna ññabetijaquēne, no yibeaja yñrema. “‘Ñamasurā ññacama’ masa ĩna yirñcñbñorā ĩna ññajare, ‘Gājerā rēñoro masirā ññacama’ yīñagūmi Dios quēne”, yire maja. ⁷ Ado bajirojñ yñre yicama ĩna, masa ĩna rñcñbñorā: “Dios ĩ cōar'i ññja mñ quēne. ‘Jud'io masa mere quēne yn macñ sñori quēnaro yn yise queti gotimasiodcudiatō’ yigū, mñre cōaññumi Dios”, yñre yicama ĩna. “‘Jud'io masare gotimasioato’ yigū, Pedrore Dios ĩ cōariarore bajiro mñre quēne cōaññumi, ‘Jud'io masa mere gotimasioato’ yigū”, yñre yicama ĩna, masa ĩna rñcñbñorā. ⁸ To bajiro yn yijama, ado bajirojñ yigū yaja yn: Dios ĩ masise Pedrore ññoyumi, “Yñ bojarore bajiro jud'io masare gotimasioato” yigū. Pedrore ĩ ññoriarore bajiro yñre quēne ññoyumi Dios, “Jud'io masa mere gotimasioato” yigū.

⁹ To bajiri ti macana yua rāca rējacana, ñamasurā ñacama Santiago, Pedro, Juan quēne. Yū gotisere ajicōari, “Dios, quēnagū ñari, to bajiro Pablōre gotimasio roticōañumi”, yimasicama ña. To bajiro yirā ñari, yūre, yū rācagū Bernabére quēne, ado bajiro yūare goticama ña: “Yūare bajiro Dios ī bojasere yirā ñaja mūa quēne. Jud'io masare yua gotimasiosere Dios ī bojarore bajiro jud'io masa mere mūa gotimasiosere bojaami”, yūare yigoticama ña. ¹⁰ To yicōari, ado bajise rīne yua yirotere goticama: “Dios ī bojarore bajiro ñare gotimasiocudiroti ti ñaboajaquēne, adoana Cristore ajitirūnūrā maioro bajirāre ñare masiritibeticōari, gājoa mūa cōajama, quēnarūaroja”, yūre yicama. To ña yicatore bajirone masiritibeticōari, “Īnare ejarēmoto mani”, yicajū yū.

Pablo, “To bajiro mū yise quēnabeaja”, Pedrore ī yire queti

¹¹ Pedro, yua tūoīacatore bajirone gotiboarine, berōjū Antioqu'ia vāme cūti macajū yū ñarone, ejacōari, rojose yicami. To bajiri ī ĩaro rījorojūa ejarūgūcōari, “To bajiro mū yise quēnabeaja”, ĩre yicajū yū. ¹² Ado bajiro rojose yicami Pedro: Rījorojū Antioqu'iajū ejacōari, quēnaro yicami maji. Jud'io masa me ñarā rāca baba cūticōari, ña rāca bacami. To bajiro ī yīnarone, Jerusalén macana Santiago ī cōariarā ĩacudirā ejacama ña quēne. “Jud'io masa me ñarā, Dios ī rotimasire cūdimena, circuncisión yibetiriarā ña ñajare, ña rāca babetiroti ñaja”, yitūoīarā ñacama ña. Īna ejasere ĩacōari, “ ‘Rojose yaja mū’ yūre yiroma” yigū, gūicami Pedro, ī quēne jud'io masū ñari. To bajigūne, babetirūtuacami, jud'io masa me ñarā rāca yuja. ¹³ Ti macana, gājerā jud'io masa, jud'io masa me ñarā rāca Pedro ī babetire ĩacōari, ĩre bajirone babeticama ña quēne, ña masune “Īna rāca mani bajama, quēnacōaja” yitūoīarā ñaboarine. To bajiro ña yisere ĩacōari, Bernabé quēne, ñare bajirone babeticami, jud'io masa me ñarāre buto ĩamaigū ñaboarine. ¹⁴ To bajiri, “Cristo ī rijabosare sūorine quēnaro Dios ī yise queti ti gotirore bajiro tūoīamena ñari, to bajiro yama” yimasicōari, jediro masa ña ĩaro rījoro Pedrore ado bajiro ĩre yigoticajū yū: “Jud'io masū ñaboarine, tirūmūjū Moisés ī rotimasirere ajibecū ñacoasuja mū. To bajiro mū bajijama, quēnaro tūoīañuja mū maji. To bajiboarine Moisés ī rotimasirere ajirūcūbuogūre bajiro yaja mū quēna. To bajiro mū bajijama, jud'io masa me ñarāre Cristore ajitirūnūrāre ado bajiro ñare rotigūre bajiro bajaiaja mū: ‘Cristore ajitirūnūrā masu, “Rojose maja mūare” Dios ī yīavariquēnarā mūa ñarūajama, jud'io masa yere Moisés ī rotimasiriarore bajiro cūdiroti ñaja mūare quēne’ ĩnare yirotigūre bajiro bajaiaja mū. To bajiro mū bajise quēnabeaja”, Pedrore ĩre yigoticajū yū.

To yicōari, ado bajiro ĩre goticajū yū quēna:

¹⁵ Mani jūarā jud'io masa ñaja mani. To bajiri gājerā masa, Moisére Dios ī roticūmasirere cūdimenare bajiro bajirā me ñañuja mani maji. ¹⁶ To bajiboarine, berōjū, “Moisére Dios ī roticūmasirere mani cūdisē sūorine, ‘Rojose maja’ manire yīābetirūcūmi Dios”, yimasicoasuja mani. To bajiro yimasirā ñari, jud'io masa ñaboarine, mani ñicūa yere, Moisére Dios ī roticūmasirere ajitirūnū tūjacōari, Cristojūare ajitirūnūsuoyuja mani, “ ‘Rojose maja’ manire yīavariquēnato Dios” yirā.

¹⁷ To bajiri ĩre ajitirūnūrā ñari, Moisére Dios ī roticūmasirejūare ajimenare bajiro bajaiaja mani. To bajiro bajirā mani ñajare, “Rojose yaja mūa”, manire yīāama yua yarā, Moisés ī rotimasirere ajirūcūbuorā. Īna tūoīarore bajiro mani tūoīajama, “Cristo sūorine rojose yaja mani, Moisés ī rotimasire cūdimena ñari”, yitūoīaboarāja. ¿Rojose manire yirotiatique Cristo? ¡Yibeami! To bajiri, “Cristore ajitirūnūrā ñari, Moisés ī rotimasirejūare mani ajibetijama, rojose yibeaja mani”, yimasire ñaja. ¹⁸ Moisére Dios ī roticūmasire mani ajitirūnū tūjarere mani tudi ajitirūnūjama, rojose yirā yirāja mani. ¹⁹ Moisére Dios ī roticūmasire ado bajiro gotiaja: “Adire cūdijeomena, rojose yirā ñarūarāma”, yigotiaja ti. Tirūmūjū tire yū yimasijeoboajaquēne, “ ‘Rojose maja’ yūre yīābetirūcūmi Dios”, yimasicoacajū yū. To bajiri Moisére Dios ī roticūmasirere ajitirūnū tūjacoacajū yū. To bajicōari, Cristo ocajūare ajitirūnūsuocajū, “Ī rijabosare sūorine, ‘Rojose magū ñaami’ yūre yīāto Dios” yigū. Tire tūoīavariquēnacōari, ī bojarore bajiro yirūgūaja. ²⁰ To bajiri tirūmūjū yū bajicatore bajiro bajibeaja yū yuja. Cristo,

yū rācane ñaami. To bajiri, “Yūre ejarēmōrūcūmi” yitūōīagū ñari, ĩre sēnirūgūaja yū, ĩ jacū ĩ bojarore bajiro yū yirotere yigū. ĩne ñaami yūre maigū, yūre rijabosar'i. ²¹ Mani jacū quēnagū ñari, ĩ macū ĩ rijabosare sūorine quēnaro yūre ĩ yisere tegūre bajiro bajirūabeaja. Moisés ñamasir'i ĩ rotimasirere mani ajisuyase sūorine rojose mani yise vajare yirētoecoriarā mani ñajama, Cristojua manire ĩ rijabosare, vaja maniboriaroja.

3

“Cristore mūa ajitirūñjare, Esp'iritu Santo, mūare ejayumi”, yire queti

¹ Ajiya Galacia sitana. Cristore ajitirūñū tūjacōari, ricatijua ajitirūñūrā ñari, tūōīa-masimenare bajiro bajiaja mūa. ĩNo yirā gājerā socasere gotirāre ajitirūñūmenaja mūa tia! Tirūmūjū mūare gotimasiorā, “Yucūtēroju Jesucristo manire ĩ rijabosare ñajare, ‘Rojose mana ñaama’ manire yīami Dios”, mūare yicajū yūa. ² To bajiri cojo vāme mūa masibūjasere bojaja yū: ĩMoisére Dios ĩ roticūmasire mūa cūdjare, Esp'iritu Santo, mūare ejacōari, ĩ masisere mūare ũjocati? ĩTo bajiro me bajicajū! Cristo ĩ rijabosare sūori Dios quēnaro ĩ yise quetire ajicōari, Cristore mūa ajitirūñjare, mūare ejayumi Esp'iritu Santo. ³ ĩNo yirā tūōīamasimena masu ñacōati mūa? Tirūmūjū Jesucristore mūa ajitirūñūsuorojūne, “Dios ĩ bojarore bajiro yato ĩna” yigū, mūare ejarēmogū, ejayumi Esp'iritu Santo. To bajiboarine, mūa rācane ĩ ñaboajaquēne, adirūmūrirema, ĩ“Dios ĩ rotimasire quēnaro mani cūdjama, Dios ĩ bojarore bajiro yirā rīne ñarūarāja mani”, yitūōīaboati mūa? ⁴ Cojo vāme me quēnaro mūa bajirūgūboare, yucūrema vaja manire bajiro bajiaja. To bajiro mūa bajise yū tūōīajama, vaja manire bajiro bajise me ñaboayuja. Quēnaro mūa bajirūgūrere tūōīacōari, “Jesucristore ĩna ajitirūñūsocatore bajiro tudiajitirūñūrāma”, mūare yitūōīaja yū. ⁵ Esp'iritu Santore mūare cōañumi Dios. To yicōari, jairo ĩañāñamanire mūare yīoñumi. ĩNo bajiro mūa yicati ñajare, to bajise mūare yiyujari? Moisére Dios ĩ roticūmasirere ti gotirore bajiro mūa yise sūori me, to bajiro yiyumi. Cristojūare mūa ajitirūñjare, to bajiro yiyumi.

⁶ Dios ocare masa ĩna ucamasire ado bajiro gotiaja ti: “ ‘Quēnaro mūre yirūcūja yū’ Abrahamre Dios ĩ yirere, ‘ĩ yirore bajirone bajirūaroja ti’ ĩ yiajire ñajare, ‘Rojose maja’ ĩre yīañuju Dios”, yigotiaja. ⁷ Tire ajicōari, ado bajiro yimasijaja mani: “Abraham ñamasir'ire bajiro Diore ajitirūñūrāre, ‘ĩ jānerabatia ñaja mūa’ ĩnare yīāgūmi Dios”, yimasijaja mani. ⁸ Ado bajiro ti bajijare, to bajiro yimasijaja mani: Tirūmūjū adi macarūcūroju ĩ macūre Dios ĩ cōaroto rījoroju, “Jud'io masa me ñarā quēne, Abraham, yūre ĩ ajitirūñūrore bajiro yū macūre ĩna ajitirūñūjama, ‘Rojose maja’ ĩnare yīārūcūja”, yitūōīamasīñuju Dios. Tire tūōīacōari, ado bajiro Abraham ñamasir'ire ĩre gotimasīñuju: “Mū sūorine masa jedirore quēnase ĩnare yirūcūja yū”, yimasīñuju Dios. ⁹ To bajiri Abrahamre bajiro Diore ajitirūñūrāre quēnaro yami Dios. ĩna rīrene, “Rojose maja”, yīāgūmi.

¹⁰ “Moisés ñamasir'ire Dios ĩ roticūmasirere mani cūdjama, ‘Rojose maja’ manire yīārūcūmi Dios” yitūōīaboarāre, “Rojose ñaja”, ĩnare yīāgūmi Dios, ĩ rotimasirere cūdijeomena ĩna ñajare. To bajirone gotiaja Dios ocare masa ĩna ucamasire. Ado bajiro gotiaja ti: “Dios ĩ rotirere cūdijeomenare, ‘Rojose ñaja’ ĩnare yīāgū ñari, rojose ĩnare yirūcūmi Dios”, yigotiaja ti. To bajiri, tire cūdijeorā ĩna manijare, “Tire ajitirūñūrā jedirore, ‘Rojose ñaja’ ĩnare yīāgūmi Dios”, yimasijaja mani. ¹¹ Sīgū tire cūdijeogu ĩ ñaboajaquēne, “Rojose maja”, ĩre yīābetibogūmi Dios, ricati ĩ gotimasire ti ñajare. Ado bajiro gotiaja ĩ gotimasire: “Manire ĩamaicōari, ‘Rojose maja’ manire yīaami Dios, yitūōīarāma, ĩna rijato berōju ĩna catirotere yigū, yū catisere yū ĩsirā ñaama”, yigotiaja ti. ¹² Moisére Dios ĩ roticūmasire ado bajirojua gotiaja: “ĩ roticūcati jedirojūne ĩ cūdijeocōajama, ĩ rijato berōju Diorāca quēnaro ñacōa ñarūgūrūcūmi”, yigotiaja.

¹³ Dios ĩ rotimasirere ajisuyaboarine, rojose mani yise vajare, Cristo, rojose magū ñaboarine rojose yir'ire bajiro manire rijabosayumi. Dios ocare masa ĩna ucamasire ado bajiro ti gotijare, “ ‘Rojose yir'i ñaami’ yīami Dios”, yimasijaja mani: “Yucūju ĩna jaju sīāgūre, ‘Rojose yir'i ñaami’ yīaami Dios”, yigotiaja ti. ¹⁴ Tirūmūjū ado bajiro

gotimasiñuju Dios, Abraham ñamasir'ire: “Yũre mũ ajitirũnũrore bajiro, gãjerã, yũre ajitirũnũrãre quẽnaro ñnare yirũcũja”, ñre yimasiñuju. Jud'io masa, jud'io masa me quẽne, Cristore ñna ajitirũnũjama, ñna rijato berojũ mani catirotire yigũ, ñnare ñsirũcũmi Dios. To yicõari, “Esp'iritu Santore mũare ejarẽmorocũre cõarũcũja” Dios ñ yicatore bajiro yigũ, ñnare cõarũcũmi.

“*Ado bajiro yirũcũja yũ*”, Dios ñ yire queti

¹⁵ Quẽnaro ajiya yũ mairã. Gotimasiore queti mũare gotigu yaja yũ: Sĩgũ, “Ado bajiro yirãsa”, gãji rãca gãmerã yigũmi. To yicõari, “Yirũcũja” ñ yiriaro cõrone papera jũroju ucatujeocõagũmi. To bajiro ñ yicõare ñajare, gãjijũa, “Ado bajirojũa yiroti ñañuja” yigũ, ñ ucaria jũrojuare ucarẽmomasibecũmi. ¹⁶ Tire bajiro bajimasiñuju Abrahamre Dios ñ goticũmasire quẽne. Ado bajiro ñre goticũmasiñumi: “Sĩgũ mũ jãnami sũorine masa jedirore quẽnaro yirũcũja yũ”, ñre yigoticũmasiñumi Dios. “Mũ jãnerabatia sũorine masa jedirore quẽnaro yirũcũja”, yibesumi. “Sĩgũ mũ jãnami sũorine” ñ yijama, “Cristo sũorine” yire ñni ñmamiñuju ti. ¹⁷ “Tire quẽnaro ajimasiato” yigũ, mũare gotimasiogũ yaja yũ. “Mũ jãnami sũorine masa jedirore quẽnaro yirũcũja”, Abraham ñamasir'ire yigoticũmasiñumi Dios. To yicõari, “Socũ me yaja yũ. Yũ gotirore bajirone yirũcũja”, ñre yigotirẽmomasiñumi. To ñ yiro bero, cuatrocientos treinta cãmari bero, gajeye ñ rotimasire Moisẽre cũmasiñumi, jud'io masa ñna cãdirotire yigũ. “Tire quẽnaro ñna cãdi-jama, quẽnaro ñnare yirũcũja”, Moisẽre ñre yimasiñumi. To bajiro ñ yijama, “Tirũmũjũ Abrahamre yũ goticatire vasoagu yaja yũ” yigũ me, yimasiñumi. To bajiro ñ yijama, Abrahamre quẽnaro ñ yirore goticũcõari, “Socũ me yaja yũ”, ñre yirẽmobetimasiborimi Dios. ¹⁸ Moisẽre ñ roticũroto rĩjorojũne, quẽnaro mani yirore gotibecũne, “Quẽnaro mũare yirũcũja”, manire yigotiyumi Dios. To bajiri, “Dios ñ rotimasirere mani cãdirotire tũoĩagũ me yiyumi”, yimasiãja mani. To bajiro ñ yibetijama, “Socũne manire yiyumi”, yimasiborãja mani.

¹⁹ “Abraham ñ cãdirotire gotibecũne, ‘Masa jedirore quẽnaro yirũcũja’ Dios ñ yijama, ¿no yigũ berojũ Moisẽre ñre roticũmasiñujari Dios?”, yitũoĩarãja mũa, sĩgũri. To bajiro yitũoĩarãre ado bajiro cãdiaja yũ: “‘Cãdijeomasibeaja; rojose yijairã ñaja mani’ yimasiato masa” yigũ, ñ rotimasirere cũmasiñuju Dios. “To bajiro tũoĩarũgũrũarãma, Abraham jãnami sũorine masare quẽnaro yũ yirore tũmũ ti ejaro”, yitũoĩamasiñumi Dios. Ñ masune, ñ rotimasirere Moisẽre gotibetimasijũ. Ñ tũana ángel mesare Moisẽre gotirotimasiñuju. Ñna gotisere ajicõari, jud'io masajũare gotirẽtomasiñuju Moisẽs quẽna. ²⁰ “Mũ jãnami sũorine masare quẽnaro yirũcũja” Dios ñ yijama, ñ tũana ángel mesare gotirotibesuju. Ñ masune Abrahamre gotimasiñuju.

“*Rojose yirã ñaja’ masa ñna yitũoĩarotire yigũ*, ñ rotimasirere cũmasiñuju Dios”, yire queti

²¹ Abraham ñamasir'ire quẽnaro ñ gotiro bero, ñ rotimasirere cũgũ, ¿“Abrahamre yũ goticãtijũare masiritiya” yigũ, yiyujari? To bajiro me yiyumi. Moisẽre Dios ñ roticũmasirere quẽnaro mani cãdijeose sũorine, “Ñie rojose mana ñaama”, manire yibogũmi Dios. ²² To bajiboarine, Dios ñ rotimasire masa ñna cãdise sũorine, “Rojose mana ñaama”, ñnare yibeami Dios. Dios ocare masa ñna ucamasire ado bajiro ti gotijare, tire masiãja mani: “Masa jediro rojose yisejarã ñari, ti rione ñnare yirũamacõrũgũaja”, yigotiaja. To bajiri, “Mũ rotimasire cãdibecũ ñaja yũ” Diore ñre yigoticõari, “Jesucristo yũre ñ rijabosare ñajare, ‘Rojose maja’ Dios ñ yĩĩagũ ñaja yũ” yitũoĩarã rĩne ñaama Abrahamre Dios ñ goticũmasiriarore bajiro quẽnaro ñ yirã.

²³ Tirũmũjũ, “Jesucristore mani ajitirũnũsere ñacõari, rojose tãmũotũjabetiriaroju mani vaborotire manire yirẽtobosarũcũmi”, yimasibeticãju mani maji. Dios ñ rotimasire cãdirũgũre ñañuja ti. To bajiri, “Rojose mani yise vaja rojose yibeticõato Dios” yirã, no bajiro yimasibesuja mani maji. ²⁴ Gotimasiore queti mũare gotiaja yũ: Hũ, ñ macũre ñre codebosagũre ado bajiro ñre rotigũmi: “‘Yũ macũ rojose yibeticõato’ yigũ, ñre quẽnaro coderũcũja mũ”, ñre yirotigũmi. “Ñ bũcũacoajama, yũ yere cũomasijeocũ ñajare,

no yigü ñre codebecuja mña”, ñre yigümi ñ yu. Ñ macure codebosagure bajiro bajiyuja Dios ñ rotimasire. “Rojose yibesa mña” manire yimasiore ñacoayuja ti, Cristo manire ñ rijabosaro bero, “Ñ suorine, ‘Rojose maja’ Dios ñ yĩarã ñaja” mani yituoïaroto rĩjorojune. ²⁵ To bajiri adirũmũrirema Cristore ajitirũnurã ñari, manire codegure bajiro me bajiaja ti, Dios ñ rotimasire. ²⁶ To bajiri mña jediro Jesucristore ajitirũnurã ñari, “Yu rĩa ñaja” Dios yirã ñaja mña quẽne yuja. ²⁷ Cristore ajitirũnucõari, oco rãca bautiza ecoyuja mña. To bajiro mña yiecosere ñacõari, Cristo quẽnaro ñ yirũgũriarore bajirone mñare quẽne “Quẽnaro yirã ñato” mñare yiyumi Dios. ²⁸ Mña jediro Jesucristo yarã mña ñajare, cojoro cõro mña ñasere ñamaigũmi Dios. Jud'io masa, jud'io masa me quẽne ñaja mña. Gãjerãre moabosarimasa, moabosarimasa me quẽne ñaja mña. Rõmia, ñmña quẽne ñaja mña. Jediro vusaro mña ñaboajaquẽne, Jesucristo yarã mña ñajare, cojoro cõrone mña ñasere ñamaigũmi Dios. ²⁹ Cristo yarã ñari, Abraham jãnerabatiare bajiro bajiaja mña quẽne. To bajirã ñari, Abrahamre Dios ñ gotimasiriarore bajirone quẽnaro ñ yirona ñaja mña.

4

¹ Gotimasiore mñare gotiaja yu quẽna: Sĩgũ, ñ macu ñasũogũ, ñ jacu ye jediro cũorocu ñaboarine, ñ daquecõajama, ñ jacure moabosarimasare bajiro bajiami. Ñna rotijama, ñna rotirore bajiro cũdiroti ñaja ñre. ² Daquegu ñ ñaro, ñ jacure moabosarimasa ñre coderãma. To yicõari, ñ cũrotire quẽne coderãma. “Yu macure yu cũose jediro ñre ñsiaja yu yuja” ñ jacu, ñ yirotirũmũ ti ejaro, moabosarimasare bajiro me bajigũmi yuja. Ñre rotimasimenama. ³ Mani quẽne Cristore mani ajitirũnũroto rĩjorojũ, to bajirone bajiboacaju mani maji. Adigodoaye rĩne tũoïarã, ñna ajirũcũbuore ti rotirore bajirone rotiecocaju mani. ⁴ To bajiro mani bajiñaboajaquẽne, “To cõrone yu macure cõarũcũja yu” Dios ñ yiriarũmũ ejayumi. To bajiri Dios macu ñaboarine, manire bajirone rõmio suorine ruyuyumi. Jud'io masu ruyuar'i ñari, Dios ñ rotimasire rotiecoyumi. ⁵ Tirũmũaye rotimasire ajitirũnũboariarã, rojose mani yisere ñ masirose vaja, ñ macu ñ vaja yibosarotire yigũ, ñre cõañumi Dios. Ñ rĩa mani ñarotire bojagu ñari, to bajiro yiyumi. ⁶ To bajiri Dios rĩa mani ñajare, ñ macu Jesucristo rãcagu, Esp'iritu Santore, manire cõañumi Dios. Manire quẽne ñ ñajare, “Cacu”, ñre yivariquẽnaja mani. ⁷ To bajiri, adirũmũrirema, Dios Moisére ñ roticũmasirere rotiecorã me ñaja, Dios rĩa ñari. To bajiri, “Yu rĩare quẽnaro ñnare yirũcũja yu” ñ yiriarore bajirone manire yirũcũmi”, yimasiaja mani.

“Jud'io masare bajiro bajibesa”, Pablo ñ yire queti

⁸ Tirũmũjuma Cristore mña ajitirũnũroto rĩjoro, Diore masibeticaju mña maji. Ñre masimena ñari, “Ado bajirã ñarãma” mña masune yiquẽnorujeocõari, rũcũbuoboayuja mña maji. ⁹ Adirũmũrirema Diore masirã ñaja mña quẽne. To bajiri, “Yu rĩa ñaama” mñare yĩarũ, mñare beseyumi Dios. Diore masirã ñaboarine, ¿no yirã Diore masimena ñna rotirere mña rotiecoriarore bajiro Dios ñ rotimasirere rotiecorã ñaruati mña? To bajiro mña yirũaboase vaja maja. ¹⁰ Jud'io masa me ñaboarine, jud'io masa ye Moisére Dios ñ roticũmasire ti rotirore bajiro mña cũdirũgũrere ajibu yu. “Adirũmũ rũcũbuoriarũmũ ñaja. Ado cõro ñamiagu ñ tũsatone, ado cõro juebũcu ti tũsatone, to yicõari, ado cõro cũma ti tũsatone, rũcũbuoroti ñaja” yicõari, mña cũdirũgũrere ajibu yu. ¹¹ Tire ajicõari, “¿Yu gotimasioboacati vaja mañujari?”, yituoïa sutiritiaja yu.

¹² Yu mairã, ado bajiro mña bajisere bojabeaja yu: Dios ñ rotimasirere mña rotiecosere bojabeaja yu. Yũjuma, jud'io masu ñaboarine, “Tire yu cũdijama, ‘Rojose maja’ yũre yirũcũmi Dios”, yibeaja yu. Yu yituoïarore bajiro mña quẽne, mña tũoïajama, quẽnarũaroja. Tirũmũju mña tũju yu ñaro, quẽnaro yũre yicaju mña maji. ¹³ Tire masir-itimenaja mña. Rijagu ñari, mña tũju ejacaju yu. Cristo ñ rijabosare suorine quẽnaro Dios ñ yise quetire mñare gotimasiosũocaju. ¹⁴ Rijagu yu ñaboajaquẽne, yũre ñatebeticaju mña. Ángel bocaãmĩrãre bajiro quẽnaro yũre bocaãmĩcaju mña. To yicõari, Jesucristore bocaãmĩrãre bajiro quẽnaro yũre bocaãmĩcaju mña. ¹⁵ Adirũmũrirema, “Vaja magũ ñaami” yĩarãre bajiro yũre yaja mña yuja. To bajiri, “Yu gotimasioctire ajicõari, bũto ñna

variquēnacatire masiriticoariarāma”, m̄are yituoīaja yu. Tirūmujuma, variquēnacōari, b̄uto yure īamaicana n̄ari, m̄ua yimasijama, m̄ua caje juacōari, yure īsiboriarāja m̄ua, “īamasiato” yirā. ¹⁶ Adirūmūrirema yure īateaja m̄ua. ¿No bajiro bajicōari, yure īateati? Cristo ī rijabosare suorine quēnaro Dios ī yise quetire quēnaro riojo m̄are yu goticōa n̄ajare, ¿yure īateati m̄ua?

¹⁷ Dios ī rotimasire gotimasiorā, m̄are baba c̄utirūgūrāma īna. To bajiboarine, m̄are quēnaro yiruarā me, to bajiro bajirāma. “Pabl̄ore ajitecōari, mani r̄irene ajitirūn̄uato” yirā, to bajiro bajirāma. ¹⁸ Gājerā manire mairā, b̄uto manire īna tuoīajama, quēnaja. To bajiboarine, manire yitoruarā, socarāne manire īna maijama, quēnabeaja. Gajeyerema, mani t̄ujū gājerā īna n̄aro r̄ine, īnare mair̄oti me n̄aja manire. To bajiro m̄are yirūgūr̄oti n̄aboaja, yure. ¹⁹ Yu mairā, yu r̄iare bajiro bajirā n̄aja m̄ua. M̄are b̄uto tuoīacōa n̄aja yuma. Rōmia īna mac̄u c̄uoroto r̄ijoro, b̄uto tuoīacōari, rojose īna tām̄uorore bajiro yu quēne, m̄are tuoīacōari, rojose tām̄uoaja. To bajiro r̄ine rojose tām̄uocōa n̄arūgūr̄uc̄uja yu. Gajeye tuoīav̄uomenane, “Cristo ī rijabosare suorine, ‘Rojose maja’ manire yīaḡūmi Dios” m̄ua yituoīaroju, rojose tām̄uo t̄ujar̄uc̄uja. ²⁰ M̄ua t̄ujū b̄uto n̄aruaboaja yu. Toju yu n̄ajama, quēnabusaro m̄are gotiboḡuja yu. Sōju n̄ari, m̄are tuoīarejaicōari, adi papera rāca quēnaro m̄are gotimasibeaja yu.

Sara, Agar īna bajire queti

²¹ M̄ua sīḡuri, Mois̄ere Dios ī roticūmasire c̄udir̄ua tuoīaja m̄ua. “Dios ī rotimasire” yua yijama, Mois̄és ī ucamasirere yirā yaja. To bajiri Mois̄és ī ucamasirere m̄are yu gotimasiosere quēnaro ajimasiña m̄ua. ²² Abraham n̄amasir'i, juarā ūm̄ua r̄ia c̄utimasin̄uju. Ī manajore moabosarimaso Agar vāme c̄utimasirio mac̄u n̄amasin̄uju sīḡū. Gājij̄ua, Ī manajo Sara vāme c̄utimasirio mac̄u n̄amasin̄uju. ²³ Sarare moabosarimasorene manajo c̄uti, yi mac̄u c̄utimasin̄uju Abraham. Gājij̄uama, Ī manajo c̄utis̄uorio mac̄u n̄amasir'ima, “Mac̄u c̄utir̄uocomo” Abrahamre Dios ī yimasir'ire mac̄u c̄utimasin̄uju. ²⁴ To bajiro īna bajimasirere ado bajiro gotiaja: Moabosarimaso, so r̄ia c̄utijama, so ūj̄ure moabosarimasa n̄arāma īna quēne. To bajiro r̄ine bajicoayuja ti. To bajiri, Sarare moabosarimaso, Agar vāme c̄utimasirio, ḡūtaū Sina'i vāme c̄utiūju Mois̄ere Dios ī roticūmasirere bajiro bajiyumo so. To bajicōari, Dios ī rotimasire c̄udirā, ado bajiro so r̄iare bajiro bajiama īna: Īna quēne, moabosarimasare bajiro bajiama, Dios ī rotimasire c̄udijeobetiboarine, “ ‘Manire īvariquēnato Dios’ yirā, c̄udiroti n̄aja” yirā n̄ari. ²⁵ Gajeyerema, ado bajiro ti bajijare, “Mois̄ere Dios ī roticūmasirere bajiro bajiamo Agar”, yimasijama mani: Cojojirema, “Agar” īna yijama, ḡūtaū Sina'i vāme c̄utiure yirā yama masa. To bajicōari, Agar mac̄u jānerabatia, árabe masa īna n̄aroju n̄aroja t̄iū. To bajicōari, Jerusalén vāme c̄uti macare bajiro bajiamo so, Agar. Moabosarimasa jacore bajiro bajiaja Jerusalén, ti macana, Dios ī rotimasire c̄udirā īna n̄ajare. ²⁶ Ō vecajū quēne, Dios ya maca “Jerusalén vāme c̄uti maca n̄aroja”, yicama. Tojuma, moabosarimasa jacore bajiro me bajiaja. Sarare bajiro bajiaja, ti maca n̄arona, so r̄iare bajiro bajirā, “Dios ī rotimasire c̄udiroti me n̄aja” yicōari, Cristo r̄irene ajitirūn̄urā mani n̄ajare. ²⁷ Diore gotir̄etobosarimasu Isa'ias vāme c̄utimasir'i ado bajiro ī ucamasire n̄ajare, “Sarare bajiro bajiaja ō vecajū, Jerusalén maca”, yaja yu. Sarare gotigure bajiro ucamasin̄uju: “R̄ia magō, ajiya. R̄ia magō n̄aboarine, quēnaro variquēnaña. Mac̄u c̄utigoago rojose tām̄uoīabeco n̄aboarine, ‘Jājarā r̄ia c̄utir̄uocoja’ yimasigō n̄ari, variquēnaña m̄. ‘Jājarā r̄ia c̄utiato’ yiḡu yir̄uc̄uja yu. Yu rāca n̄agō r̄etoro r̄ia c̄utir̄uocoja m̄”, yiuucamasin̄uju Isa'ias.^a

²⁸ Yu mairā, quēnaro ajiya. “Mac̄u c̄utir̄uocoja m̄” Dios ī yimasire n̄ajare, mac̄u c̄utimasin̄uju Sara, Isaac vāme c̄utigure. Ī jānamij̄ua n̄añumi Cristo, “Ī suorine quēnaro yir̄uc̄uja yu” Abrahamre Dios ī yigotimasir'i. To bajiri, manij̄ua, Cristore ajitirūn̄urā n̄ari, Abraham jānerabatiare bajiro bajiaja mani yuja. Dios ī rotimasire c̄udirā, to bajiro me

^a 4:27 Is 54.1. Adirūmūrirema, “Yu rāca n̄agō” ī yijama, adi macar̄uc̄uro Jerusalén macare yiḡu yimasin̄uju. “R̄ia magō n̄aboario” ī yijama, ō vecajū Jerusalén macare yiḡu yimasin̄uju.

bajiaja mani. “Cristo ï rijabosare suorine quënarò ïnare yirucuja yu” Dios ï yimasire ñajare, bajiaja mani. ²⁹ Gajeyerema, ado bajiro manire gotiaja Moisés ï ucamasire, “Dios ï rotimasire” yua yise: “Ï manajore moabosarimaso macujua, Esp'iritu Santo suorine Sara so macu cutir'ire rojose yimasinuju”, yigotiaja Moisés ï ucamasire. Adirumuri quëne, to bajirone bajiaja manire quëne. Cristo suori Abraham jãnerabatiare bajiro bajirãre, manire rojose yirugũama Abraham jãnerabatia, Moisére Dios ï roticumasire cudirã. ³⁰ Rojose manire ïna yiboajaquëne, Moisés ï ucamasirere mani buejama, Dios ye mani suoroti gotisere ïabujarãja mani. Ado bajiro gotiaja: “Mu manajore moabosarimasore, so macure quëne ïnare varoticõaña. So macu ñari, mu rijato beroju mu suorere suoruyabetirucumi. Jediro Sara macu ye ñaruarõja”, yigotiaja, Dios ocare Moisés ï ucamasire. To bajiro ti gotijare, “Moabosarimaso rïare bajiro bajirã me ñarãma ‘Quënarò ïnare yirucuja yu’ Abrahamre Dios ï yimasiriarã”, yimasiaja mani. ³¹ To bajiri, yu mairã, “Ado bajise tuoïamasiato” yigu, Moisés ï ucamasire muare gotibu yu: “Dios ï rotimasire mani cudijeobetijama, manire ïvariquënetirucumi Dios” yituoïa güirã me ñari, moabosarimaso rïare bajiro bajirã me ñaja mani. “Cristo ï rijabosare suorine Dios ïvariquënarã ñaja” yirã ñari, Sara ñamasirio rïare bajiro bajirã ñaja mani.

5

Rojose mano quënase rïne yiñare queti

¹ “Yu suorine Dios ï ïvariquënarã ñari, Dios ï rotimasire cudirua tuoïabeticõato ïna” yigu, manire rijabosayumi Cristo. To bajiri, gajeye tuoïamenane, “Cristo ï rijabosare suorine Dios ï ïvariquënarã ñaja mani”, yituoïaruguruarãja mua. Gãjerã ricati ïna gotijama, ïnare ajibetiruguruarãja.

² Quënarò ajiya mua. Ñamasuse muare gotigu yaja yu: “Manire ïvariquënatò Dios” yirã, jud'io masa circuncisión yirotirãre bajiro mua yirotijama, Cristo suorine Dios ï ïvariquënarã me ñaruarãja mua. ³ Quëna muare tudigotiaja yu: Jud'io masa circuncisión yirotirãre bajiro mua quëne, mua yirotijama, Dios ï rotimasire cudijeoroti ñaborõja muare. To bajiboarine ñimujua cudijeogu manirucumi. ⁴ “Dios ï rotimasire quënarò yu cudijama, yure ïvariquënarucumi Dios” mua yituoïajama, Cristore ajitirũnrã me ñacoaruarãja mua. “Cristo ï rijabosare suorine manire ïvariquënagũmi Dios” yituoïamena ñari, to bajiro bajiruarãja mua. ⁵ Manijua, “Cristo manire ï rijabosare ñajare, Dios ï ïaro rïjoro mani ejaro, ‘Rojose maja’ manire yïarucumi”, yituoïa yuñaja mani. Esp'iritu Santo ejaecoriarã ñari, to bajirone yituoïa yuñaja mani. ⁶ Cristo yarã ñari, circuncisión yiecojama, yiecobetijaquëne, ñamasuse me ñaja. Ti suori me manire yirëtohosarucumi Dios. “Manire rijabosayumi Cristo” mani yituoïase, to yicõari gãjerã mani maise suorijua manire yirëtohosarucumi Dios. ⁷ Cristo suorine quënarò Dios ï yise queti socabetire quënarò ajitirũnusuoboacaju mua maji. ¿Ñimarã oca suori tire ajitirũnu tujati mua? ⁸ Dios me to bajiro muare bajirotiãmi. Dione ñaami “Yu macu Cristore ajitirũnũña” yigu, muare beser'i. ⁹ Panre ùmato vauvase quetire masiritibesa mua. Panre ùmato vauvasere mojoroaca vuore ti ñaboajaquëne, vauvediaja ti, pan. Tire bajirone bajiaja socase mua tuoïase. Socase, ñamasuse me ti ñaboajaquëne, mua tuoïacõa ñajama, ñajediro riojo me tuoïarã ñacoaruarãja mua. ¹⁰ To bajiboarine, “Cristo yarã ñaama ïna quëne”, muare yituoïaja yu. To bajiri, “Ïna quëne yu gotirore bajiro yiruarãma”, muare yituoïaja yu. “Riojo gotiami Pablo. ‘Rojose maja’ manire yïiato Dios’ yirã, Cristore ajitirũncõari, gajeye yiroti me ñaja”, yituoïarãja mua quëne. Gãjerãjuama, socase muare gotimasiorã, ñamasurã ïna ñaboajaquëne, to bajiro ïna yise vaja, rojose ïnare yirucumi Dios.

¹¹ Ado bajiro yure socase ïna gotisere tuoïaña, yu mairã: “Yu gotimasiosere gotimasioami Pablo quëne. ‘Diorãca quënarò mua ñaruarãja, jud'io masare Dios ï rotiriarore bajiro circuncisión yirotiya’ yami Pablo quëne”, yure yisocayuma. To bajiro masare yigotimasioabeaja yu. To bajiro yu yigotijama, yu gotimasiosere ajicõari, ¿rojose yure yitujaboriarãda ïna, jud'io masa? Yuma, circuncisión yirere gotibecune, ado

bajirojua gotimasioaja: “Yucútēroju manire rijabosayumi Cristo, ñre ajitirūnūrāre Dios ñ ñavariquēnarotire yigu”, yigotimasioaja. To bajiro yu gotimasiosere buto ajiteama jud'io masa. ¹² To bajiro socase ocare gotirā, circuncisióñ yire rŭcubŭorā ñari, ñna vejeriyoare quēne ñna yijetareacōajama, quēnaboroja.

¹³ Mua, yu yarā, yu bederāre bajiro ñarā, “Quēnaro ñarona, roticūmasirere rotiecobertirona ñato” yigu, Dios ñ beseriarā ñaja mua. To bajiri, quēnase rñe yirūgūrōna ñaja mua. To bajiro ñ yiriarā ñaboarine, “Mani tuoñarore bajiro rojose mani yijama, quēnaroja”, yituoñabeticōaña. Gājerāre ñamaicōari, ñna bojasere yirūgūrōtijua ñaja. ¹⁴ To bajiro bajirūgūrōti ñaja, Dios ñ rotimasire ado bajiro ti gotijare: “Mu masu rujure mu mairere bajirone mu tuanare maiña”, yigotiaja. Tire mua yijama, Dios ñ rotise ñaro cōrone cūdirā yirāja. ¹⁵ To bajiboarine, gāmerā ñatecōari, tud'irūgūrāja mua. To bajicōari, mua gāmerā oca quēnobetijama, butobusa gāmerā ñaterūtuaruarāja mua. To bajicōari, ñimujua Cristore ajitirūnūgū manirucumi.

¹⁶ To bajiri, ado bajiro muare gotiaja yu: Esp'iritu Santo muare ñ rotisere mua cūdijama, rojose mua yirua tuoñaboasere yibetiruarāja. ¹⁷ Rojose mua yirua tuoñase, to yicōari, Esp'iritu Santo muare ñ rotise, cojoro cōro me ñaja. Quēnasejua mua yisere Esp'iritu Santo ñ bojaboajaquēne, ñ rotisere cūdibeticōari, mua masu rojose mua yirūasejua yirūgūrāja mua. ¹⁸ To bajiboarine Esp'iritu Santo muare ñ rotisejua cūdijama, Dios ñ bojarore bajiro ñ rotimasire rotiecomenaja mua.

¹⁹ Rojose ñnare yirua tuoñasere yirūgūrā, ado bajiro yirā ñarāma: Manajo cūtirā, manaju cūtirā, manajo mana, manaju mana quēne, gāmerā ajeriarā cūtirā ñarāma. Ñna rujuriaye rāca bojoneose yirā ñarāma. ²⁰ “Ado bajirā ñarāma” ñna masune yiquēnorujeocōari, ñna quēnorāre rŭcubŭorā ñarāma. “Rētoro masirā ñaja yua” yirā, ñaiañamani yirā ñarāma. Gāmerā ñaterā ñarāma. “Mani rētoabusaro quēnaro ñaama”, yiañjūnisinirā ñarāma. Guaro jūnisinidarā ñarāma. Ñna bojarore bajiro rñe yirā ñarāma. Gājerā rāca ñna ñajama, ñna yise suorine sīgūre bajiro tuoñabeticōari, quēnaro ñamenama masa. Ñna tuoñarore bajiro tuoñarā rāca ricati rujicōari, oca josarā ñaama. ²¹ Gajeyeñire gājerā yere ñaorā ñarāma. Idire mecūose idimecūcōari, rojose yirā rāca vana ñarāma. Ti űnire yirā ñarāma, rojose ñna yirua tuoñasere yirā. Tirūmujū muare yu goticatore bajiro muare gotigu yaja yu quēna: Gājerā, to bajiro rojose yirūgūrā, ű vecaju űju Dios yarā quēnaro ñ yirona me ñarāma.

²² Esp'iritu Santo rācanajuama, ñ masisere ñ űjoriarā ñari, ado bajirojua bajirā ñaja mani: Gājerāre mairā ñari, ñna rāca variquēnarā ñarūgūaja mani. Gājerā manire rojose ñna yiboajaquēne, ñnare jūnisinibeaja mani. To yicōari, “Yiruarāja” mani yirore bajirone yirūgūaja. ²³ Gājerāre rŭcubŭorā ñari, mani bojabetire ñna yirūaboajaquēne, “Yibesa”, ñnare yibeaja mani. Rojosere yiruarā ñaboarine, tire yibetirūgūaja mani. To bajiro yirā mani ñajama, Dios ñ rotimasire ti gotirore bajiro yirā yirāja mani. ²⁴ Cristo yarā ñari, ado bajiro tuoñaja mani: “ ‘Rojose yirūaboarine, tire yibeticōato’ yigu, manire rijabosayumi Cristo. To bajiri, rojose yibetiruarāja mani”, yituoñaja mani. ²⁵ Esp'iritu Santo suorine, mani rijato beroju mani catirotire yigu, Dios ñ catisere ñ ñsiriarā ñari, ñ bojarore bajiro yirūgūrōti ñaja manire.

²⁶ “Gājerā rētoro masirā ñaja yua”, yibetiroti ñaja manire. To bajiro mani yibetijare, manire ñatemenama gājerā.

6

Gāmerā ejarēmore queti

¹ Yu mairā, Esp'iritu Santo rācana ñari, sīgū mua rācagu rojose ñ yijama, ñre ejarēmoña, “Rojose ñ yise yitujato” yirā. Ñre tud'imenane, ñamaicōari, ñre ejarēmoroti ñaja muare. To yicōari, quēnaro tuoñama, “Ñre bajiro rojose yirobe” yirā. ² Rojose tāmūorāre ñamaicōari, ejarēmoña. To bajiro mua yijama, Cristo ñ rotiriarore bajiro yirā, yirāja mua.

³ Sīgū, “Rojose yigu me ñaja” ñ yituoñajama, ñ masune socagu yami. ⁴ Tocārācu, mua yisere tuoñacōari, “¿Dios ñ bojarore bajiro yigu yati yu?”, mua masune yisēñiarūgūña.

Tire yituoĩacõari, “Yũ yisere ïavariquẽnagũmi Dios” mũa yijama, variquẽnarũarãja mũa. To bajiboarine, “Ĩna rẽtoro quẽnaro yibũ yũ” yicõĩabecũne, to bajiro yirũgũroti ñaja. ⁵ Berojũ tocãrãcũ mani yisere, “Ado bajiro yigũ ñari, to bajiro yicajũ yũ” Diore ïre yigotiroti ti ñajare, to bajiro mani masune yisẽniĩarũgũroti ñaja.

⁶ Cristo ocare mũare gotimasiorimasũre, ï bojase masu ti manijama, ïre ejarẽmoroti ñaja mũare.

⁷ Quẽnaro tuoĩaña mũa. “Rojose yũ yijama, masibecũmi Dios” mani yituoĩaboa-jaquẽne, disejũa ï masibeti manijare, mani yisere masijeogũ ñaami. Gotimasiore ocare mũare gotigũ yaja yũ: Ote ajere mani otejama, ti ajene judicõari, ti bũcũato, ti ricarene juarũarãja. Gajeye mere juarũarãja mani. ⁸ Tire bajirone bajiaja gãji rojose ï yirũa tuoĩarore bajiro yirũgũgũma. To bajiro ï yicõa ñajama, õ vecajũ rojose ï yise vaja rojose tãmũotũjabetiriarojũ ïre rocarũcũmi Dios. Esp'iritu Santo ï rotisere yirũgũgũrema, ï rãca quẽnaro masu ï ñarotire yirũcũmi. ⁹ To bajiri Dios ï bojarore bajiro quẽnasere yitũjabetiroti ñaja manire. Tire mani yitũjabetijama, “To cõrone quẽnaro yirũcũja” Dios ï yiriarũmũ ti ejaro, quẽnaro manire yirũcũmi. ¹⁰ To bajiri mani yimasiro cõro, masa jedirore quẽnaro yirũgũrũarãja mani. Gãjerã Cristore ajitirũnrã ñari, mani yarã ïna ñajare, bũtobusa ïnare ejarẽmorũgũrũarãja mani.

Pablo, Galacia sitanare ï gotitũsare queti

¹¹ Adi yũ gotitũsase, jacase vãme rãca yũ masune ucaja yũ. ¹² Circuncisiõn yirotirã, gãjerã jud'io masa ïnare ïna ïarũcũbũorotire yirãma. Ado bajiro tuoĩarãma ïna: “Mani mũũ Cristo, yucũtẽrojũ manire ï rijabosare ñajare, ‘“Rojose maja mũare”, manire yĩavariquẽnagũmi Dios’ mani yigotiboajaquẽne, jud'io masa yere quẽne mani gotimasioajama, manire rojose yimenama ïna”, yituoĩarã ñaama. ¹³ Circuncisiõn yiriarã, Dios ï rotimasire cũdijeomasimena ñaboarine, circuncisiõn mũare yirotirãma ïna. “Galacianare circuncisiõn yiroticajũ yũa” ïna yarã jud'io masare yigotivariquẽnarũarã, to bajiro mũare yirotirãma. ¹⁴ To bajisere gotimasioabetirũcũja yũjũama. Yũ gotimasiosema ado bajise ñaja: “Yucũtẽrojũ mani mũũ Jesucristore jajusĩañuma masa. To bajiri, manire ï rijabosare ñajare, ‘Rojose magũ ñaami’ yũre yami Dios”, yivariquẽnaja yũ. Adirũmũirema Cristore tuoĩamena, “Ñamasuse ñaja ti” ïna yituoĩaboase, ñamasuse me ñaja yũrema. Cristore tuoĩamena, “Ñamasugũ me ñarimi Jesús” ïna yituoĩaboagũ, ñamasugũ ñaami yũrema. ¹⁵ Circuncisiõn mani yijama, mani yibetijaquẽne, ñamasuse me ñaja ti. Ñamasuse ñaja Cristore ajitirũnrãcõari, ï yarã Esp'iritu Santo rãcana ñari, rojose mani yirũgũrere mani yirũa tuoĩabetirũgũse.

¹⁶ Mũa jediro yũ yirotisere ajitirũnrãre, ado bajiro mũare sãnibosaja yũ, Diore: “Ĩnare ïamaicõari, ‘Ñie rojose mano quẽnaro ñato’ yigũ, ïnare ejarẽmoña”, mũare yisãnibosaja yũ.

¹⁷ Rojose yũre ñagõmacarãjũare ado bajiro yaja yũ: “Rojose yũre mũa yirose yitũjaya yuja. Jesucristo oca yũ gotimasioacudijare, rojose yũre yirũgũcama masa. To bajiro ïna yijare, jairo cãmi godõ cũtigũ ñaja yũ. Tire yũ ïojama, ‘Socũ me yami Pablo. Jesucristo oca goticudirimasũ ñaami’ yũre yĩarũarãma masa. To bajigũ yũ ñajare, yũre ajirũcũbũoya mũa yuja”, ïnare yaja yũ, rojose yũre yirorãre.

¹⁸ Cristore ajitirũnrã mũa ñajare, “Yũ yarã ñaja mũa quẽne”, yaja yũ. Mani mũũ Jesucristo, quẽnasere mũare cõarũgũato.

To cõro ñaja.

Carta de San Pablo a los EFESIOS

Efeso vāme cūti macana, Jesucristore ajitirūnūrāre Pablo ī ucare queti

¹⁻² ĶŅati mūa, Efeso vāme cūti macana, Dios yarā? Jesucristore ajitirūnū tujamenare mūare ucacōaja yū. Mūare quēnarotigū, mani jacū Diore, to yicōari mani ūjū Jesucristore, ado bajise mūare sēnibosaja yū: “Quēnaro īna űnarotire yirā, īnare ejarēmoīa”, mūare yisēnibosaja yū. Yū űaja Pablo vāme cūtigū, adi paperare mūare cōagū. Dios ī bojajare, Jesucristo ī cōacacū űaja yū.

³ “Rētoro masigū, quēnarētogū űaami”, mani ūjū Jesucristo jacūre īre yirūcūbuoto mani. Jesucristore īre mani ajitirūnūsuorone, quēnaro manire yiyumi Dios, ī rāca quēnaro mani űasere, to yicōari mani űnarotire quēne. ⁴ Adi macarūcūrore ī rujeoroto rījorojūne, “Jesucristo yarā yū rīa űarona űaama”, manire yitūoīamasiñumi Dios. Ō vecajū ī tūjū mani ejaro, “Jesucristo yarā īna űajare, űie rojose īnare yibetirūcūja yū. Quēnase rīne yirā űaama” manire yīīarū, to bajiro yimasiñumi. ⁵ “Jesucristo īnare rijabosarocūre cōarūcūja yū. Ti suorine yū rīa űarūarāma īna”, yitūoīamasiñumi Dios, manire maigū űari. ⁶ Ī macū ī maigū yarā mani űajare, quēnaro manire yiyumi. Tire mani tūoīajama, “Quēnaro masune yiyuja mū” īre mani yivariquēnarotire yigū, to bajiro yimasiñumi Dios. ⁷⁻⁸ To bajiri, ī maigū yarā mani űajare, “Rojose īna yise vaja īnare rijabosaaya” yigū, Jesucristore īre cōañumi Dios. To bajiro ī yiriaro bero, manire ī rijabosare űajare, “űie rojose īnare yibetirūcūja yū”, manire yīīañumi Dios. To bajiro ī yirere mani ajimasise ī cōare ti űajare, “Manire maimasucōaami Dios”, yimasijaia mani. ⁹ Tirūmūjūma, Dios ī cōarocū Cristo ī bajirocaroti suorine īnare quēnaro Dios ī yiotire masibeticama masa maji. Adirodorema quēnaro ī yisere, to yicōari quēnaro ī yiotire mani masirotire manire cōañumi. ¹⁰ “To bajiro yirūcūja yū” Dios ī yiriarūmū ti ejaro, ō vecanare, to yicōari adi macarūcūroanare quēne rojose tāmūotūjabetiriarojū rojose tāmūoboronare īnare yirētobosajeocōari, “űajediro ūjū űaīa mū”, Jesucristore īre yirūcūmi.

¹¹⁻¹² Yūa jud'io masa, “Rotimūorūgōrūcūmi” yigū, Dios ī cōarocūre tūoīayucana űaja yūa. To bajiri Cristore mūa ajitirūnūroto rījoro īre ajitirūnūcana űaja yūa. To bajicōari, adi macarūcūro ī rujeoroto rījorojūne, “Quēnaro īnare yirūcūja” ī yiriarore bajirone Cristo yarā yūa űajare, quēnaro yūare yiyumi. To bajiro yūare ī yire ti űajare, quēnaro Dios yūare ī yirere, to yicōari, ō vecajū yūare ī yiotire quēne yūa gotisere ajicōari, “Rētoro quēnagū űagūmi Dios”, īre yirūcūbuorūgūama gājerā. ¹³ Mūa jud'io masa mere quēne, Jesucristo ī bajirere ajitirūnūrā, ī yarā mūa űajare, quēnaro yiyumi Dios. To yicōari, Dios tūjū mūa ejaro Jesūre quēnaro ī yirore bajiro mūare quēne quēnaro yirūcūmi Dios. Jesucristore mūa ajitirūnūsuorone, Esp'iritu Santore mūare cōañumi Dios, “Cōarūcūja” ī yiriarore bajiro yigū. To bajiro ī yijare, “Dios yarā űaja mani”, yitūoīamasijaia mūa. ¹⁴ To bajiri, Dios ī cōagū Esp'iritu Santo rācana mani űajare, “‘Quēnaro yirūcūja’ ī yiriarore bajirone quēnaro manire yirūcūmi”, yimasijaia mani. To bajiri, “Dios tūjū mani ejaro, Jesucristore quēnaro ī yirore bajiro, manire quēne, quēnaro ī yiroto rījoro, ‘Quēnase rīne yirā űato īna’ yigū, manire ejarēmojeocōarūcūmi”, yimasijaia mani. To bajiro manire Dios ī yisere īacōari, “Quēnaro masu īnare yami Dios”, īre yirūcūbuorūarāma adigodoana, to yicōari, ō vecana quēne.

Jesucristore ajitirūnūrāre, Diore Pablo ī sēnibosare queti

¹⁵ Mani ūjū Jesūre mūa ajitirūnūrūgūsere, to yicōari gājerā Jesūre ajitirūnūrāre īamaicōari quēnaro mūa yisere quēne ajicajū yū. ¹⁶ Tire ajigū űari, tocārācajine Diore yū sēnijama, “Quēnaro yaja mū. Mū suorine to bajise yama īna”, īre yirūgūaja yū. ¹⁷ Ī űaami mani ūjū Jesucristore cōar'i, mani jacū, quēnaro masu manire yirēmogū. Īrene ado bajise mūare sēnibosaja yū: “Īnare quēnaro mū yisere ajimasicōari, mū

bojarore bajiro butobusa yato ina' yigu, mu masisere inare coaña mu", Diore muare yisenibosarugūaja ya. ¹⁸ Adigodoju muare i yarāre quēnaro i yisere mua ajimasijama, i taju quēnaro muare i yirotire ajimasiruarāja. ¹⁹⁻²⁰ To yicōari, "Dios manire ejarēmogūre, ñiejua josase maja", ire yimasiruarāja. Cristo i bajirocaboajaquēne, ire catiocōari, o vecaju i ñaroju i riojojacatuare ire rojoyumi Dios. To bajiro i yire ñajare, "Masijeogu ñaami", ire yimasijama mani. ²¹⁻²² Cristore riojojacatua ire rojocōari, o vecanare, adi macarucuroanare, to yicōari rijariarāre quēne, "Jediro uju ñaña mu", ire yiyumi Dios. To bajiro i yijare, rojose yirāre, rojose tāmnotujabetiriaroju inare i rearoto rjoro, inare i rearo bero quēne, rotimurōgōcōa ñarucumi. To bajiri, Cristore mani ajitirūñajama, ñe ñaami mani uju. Manire ūmato ñagū ñari, mani rjoare bajiro bajigu ñaami. ²³ To bajiri, Cristore ajitirūñarā ñari, sigūre bajiro tuoīarā ñaja mani. Mani ñacudiro cōrone mani rāca ñacōa ñarūgūrucumi Cristo. To bajiri mani rāca i ñajare, ñiejua ruyabeaja manire.

2

"Cristo manire i rijabosare suorine Dios i catisere i isirā ñaja mani", yire queti

¹ Mua jud'io masa me ñarā, ire masimena ñari, rojose yirā ñariarāja mua maji. To bajiri, catirā ñaboarine, Dios i ñajama, bajireariarāre bajiro bajirā ñariarāja mua. ² Rojose mua yijama, vātia ujare cūdirā yiriarāja mua. I ñaami Dios ocare ajimenare rotigu. ³ Yua jud'io masa quēne, Dios i roticūmasirere masiboarine, ti yirore bajiro yirūabesuja ya. To bajiri, rojosere yisejacōari, ti rione uare yirūamacōrūgūcaju ti maji. To bajiro bajirā ñari, rojose tāmnotujabetiriaroju Dios i rearona ñaboayuja ya quēne. ⁴ To bajiro yiecorona mani ñaboajaquēne, manire maimasucōagū ñari, quēnaro manire yiyumi Dios. ⁵ Rojose yirā ñari, Dios i ñajama, rijariarāre bajiro bajirā mani ñaboajaquēne, i macu rācana mani ñajare, i catisere manire isinūmi Dios. Quēnamasugū ñari, rojose tāmnotujabetiriaroju mani vaborotire i macure manire yirētosarotiyumi Dios. ⁶ To bajiri, i macure i tudicatorone, manire quēne tudicatiogūre bajiro manire yiyumi. To bajiro i yijama, "O vecaju i ñaroju Jesucristo rāca rujirāre bajiro ñaruarāma" yigu yiyumi. ⁷ To bajiro i yijama, "Quēnaro yiyumi Dios" ina yirūgūrotire yigu yiyumi. ⁸ Mua masune, "Quēnaro yirā ñaja ya" mua yiro me, i bojarore bajiro muare yigu yiyumi Dios. To bajiri, "Quēnaro manire yibosayumi Dios" mua yituoīajare, rojose tāmnotujabetiriaroju mua vaborotire muare yirētosayumi. ⁹ Cristo i yirētosare ñajare, "Quēnaro yirā ñari, Dios taju ñaruarāja ya", yiroti me ñaja. ¹⁰ "Jesucristo yarā ñaruarāma", manire yiyumi Dios. To bajiro manire yiyumi Dios, gājerāre quēnaro mani yirotire yigu.

"Jesucristore ajitirūñarā ñari, gāmerā ñatebeaja mani", yire

¹¹ Tirūmaju mani bajirere masiritibesa mua. Rīamasaca mame ruyuarācare circuncisión yirere mani ñicua ñamasiriarāre inare yirotimasinūmi Dios. "Dios yarā ñaja ya. To bajiri i rotisere cūdiroti ñaja" ya yirotire yigu, to bajiro uare yiyumi. Muajama, Diore masirā me ñañuja mua maji. Ire masimena mua ñajare, "Circuncisión yiyamana ñaama ina" yirā, muare ñaterūgūcaju ya. ¹² Cristo i bajirotire masimena, to yicōari Dios rīa me ñañuja mua maji. Mani ñicua jud'io masarema, "Yu rotisere mua cūdijama, quēnaro muare yirucūja yu", inare yigoticūmasinūmi Dios. Gajeyere quēne, ina cūdirotire tuoīabecune, "Yu rīa mua ñajare, quēnaro muare yirucūja yu", inare yimasinūmi Dios. To bajiboarine, muajama, mua rijato beroju mua bajirotire masibesuja mua maji. ¹³ To bajiro bajiriarā ñaboarine, yucurema Jesucristo yarā ñari, i rijabosare suorine Diore masirā ñaja mua yuja. ¹⁴⁻¹⁶ Yua jud'io masa Dios i roticūmasirere ajirūcūbuorā ñari, "Dios rīa ñaja mani" yituoīacōari, jud'io masa me ñarā rāca gāmerā ñateyuja mani. Jesucristo manire i rijabosare ti ñajare, "Dios i roticūmasire mani cūdijama, i taju ejaruarāja mani" ya yituoīaboare vaja maja. Jesucristo manire i rijabosare suorine, jud'io masa, jud'io masa me ñarā quēne, cojo masare bajiro Diorāca quēnaro ñasoyuja mani. To bajiro mani ñarotire yigu, manire rijabosayumi Jesucristo.

¹⁷ To bajiri yua jud'io masa, Dios ĩ roticũmasire ajirũcubũocana, to yicõari, ĩ yere masimena quẽne, Diorãca quẽnaro mani ñarotire gotigu, adi macarũcuroju vayumi Cristo. ¹⁸ Vadicõari, manire ĩ rijabosare suorine Esp'iritu Santo ĩ ejarẽmose rãca mani jacũ Diore sãnimasajaja mani. ¹⁹ Tocãrãcũne Esp'iritu Santo ĩ ñajare, Diore masirã ñaja mũa yuja. Dios rĩa ñaja mũa quẽne. ²⁰⁻²² Mani Cristore ajitirũnrã, gũtavi Dios ĩ quẽnorivire bajiro bajirã ñaja mani. To bajiri ti vijũre ñagũre bajiro bajigu ñaami Esp'iritu Santo, mani jediro ĩ rãcana mani ñajare. Gũta ñamasuricare bajiro bajigu ñaami Jesucristo, ĩ suorine Dios rĩa mani ñajare. ĩ beroana ñaama Diore gotirẽtobosariarã, to yicõari yua Jesús ĩ bajirere goticudirimasa, yua gotisere ajicõari Jesucristore mũa ajitirũnũsũore ñajare. Yua beroana ñaja mũa.

3

Jud'io masa me ñarãre Pablo ĩ goticudire queti

¹ To bajiri, jud'io masa me ñarãre, Jesucristo ĩ bajirere yũ gotimasiocati suorine tubibe ecoaja yũ. ²⁻⁴ Ti quetire masa ĩna masibeticatire, jud'io masa me ñarãre Jesucristo suorine quẽnaro Dios ĩ yisere mojoroaca mũare goticõaja yũ. “Jud'io masa me ñarãre ĩnare goticudiato” yigu, yũ masirotire yũre cõañumi Dios. Tire ajiriarãja mũa. Tire yũ ucasere ĩacõari, Cristo suorine mũare quẽnaro ĩ yisere ajimasirũarãja mũa quẽne. ⁵ Tirũmũjũrema masa ĩna masibeticatire, Dios ĩ cõagũ Esp'iritu Santo suorine gotimasioaja yua, Jesucristo ĩ bajirere goticudirã, to yicõari Diore gotirẽtobosarimasa quẽne. ⁶ Ti quetire mũare tudigotiaja yũ: Jesucristo ĩ bajirere ajitirũnrãre “Yirũcũja” ĩ yiriarore bajiro jud'io masare, jud'io masa me ñarãre quẽne, quẽnaro yami Dios. To yicõari, õ vecajũre quẽne quẽnaro yirũcũmi. To bajiri ĩ yarã ñacõari, cojo masare bajiro ñaja mani ĩre ajitirũnrã.

⁷ Rojose yigu yũ ñaboajaquẽne, “Tire goticudiato” yigu, yũ masirotire yũre ujoyumi Dios. ⁸⁻⁹ Gãjerã Cristore ajitirũnrãre Dios ĩ maiore bajiro yiecorocũ me yũ ñaboajaquẽne, yũre ĩamaicõari, ñajedirore rujeor'i ñari, jud'io masa me ñarãre yũre gotiroticõañumi Dios. “Masa ĩna masibeticatire Cristore ajitirũnrũnũre quẽnaro ĩnare yũ yirotere goticudirũcũja mũ”, yũre yicõañumi. To bajiro yũre ĩ yire ti ñaboajaquẽne, quẽnaro manire ĩ yirotere masijeoyamaja. ¹⁰ To bajiri, Jesucristore ajitirũnrãre quẽnaro Dios manire ĩ yisere ĩacõari, “Tũoĩajeogũ ñaami”, ĩre yirũcũbũoama ángel mesa, to yicõari gãjerã ĩre rotibosarã quẽne. ¹¹ Tirũmũju adi macarũcuro ĩ rujeoroto rĩjorojuũne, “Yũ macũre ajitirũnrãre quẽnaro ĩnare yirũcũja”, yitũoĩamasĩũju Dios. To bajiro ĩ yitũoĩamasiriarore bajirone mani uju Jesucristo ĩ rijabosare suorine quẽnaro manire yami Dios. ¹² “Jesucristo yarã mani ñajare, manire ĩvariquẽnagũmi Dios” yitũoĩarã ñari, ĩre gũimenane sãnirũgũaja mani. ¹³ To bajiri, Jesucristo ĩ rijabosare suorine Dios quẽnaro ĩ yisere jud'io masa mere mũare yũ gotimasiocudicati suorine tubiberiaviju rojose yũ tãmũosere ajicõari, sũtiritibesa mũa. Ado bajirojuã tũoĩaña: “Pablo ĩ gotisere ajicõari, Jesucristore ajitirũnũsũocaju yua. To bajiri Dios yarã ñaja yua”, yitũoĩa variquẽnaña mũa.

Jesucristo manire ĩ maise queti

¹⁴ To bajiri, jud'io masare, to yicõari gãjerãre quẽne, mani jacũ quẽnaro manire ĩ yisere yũ tũoĩajama, gũsomuniari tuetucõari, ĩre sãnirũgũaja yũ. ¹⁵ ĩne ñaami, adi macarũcuroana, õ vecana quẽne, mani ñaro cõro jacũ, manire rujeor'i. ¹⁶ ĩre, ado bajiro mũare sãnibosarũgũaja yũ: “Quẽnaro yigu ñari, Esp'iritu Santo suorine ĩnare ejarẽmoña mũ, bũtobusa mũre ĩna ajitirũnrũrotire yigu. ¹⁷ “Mani rãca ñagũmi Cristo manire ejarẽmogũ” yitũoĩacõari, ĩre sãnirũgũato ĩna' yigu, ĩnare ejarẽmoña. To bajiro ĩna yicõa ñajama, Cristore ajitirũnrã ñari, ĩ bojarore bajiro gãjerãre quẽne ejarẽmorũgũrũarãma”, mũare yisãnibosaja yũ. ¹⁸ To bajiro mũa yijama, Cristo mũare ĩ maisere bajiro gãjerãre maijeomena ñaboarine, Cristo mũare ĩ maisere quẽnarobusa masirũarãja mũa. ¹⁹ Masare ĩ maise jediro masijeobetirona ñaboarine, quẽnarobusa mũa masirotire bojaja yũ. To bajiro mũa bajijama, Dios ĩ bojase rĩne yirã ñarũarãja mũa.

²⁰ Ī rīa mani ñajare, ĩ masise rāca quēnaro manire yirēmōrūgūami Dios, ĩ bojarore bajiro quēnaro yirā mani ñarotire yigu. To bajiro manire ĩ yijare, tire tūoīacōari, “Īre mani sēniro rētoro manire yirēmomasiami”, yimasijaja mani. To bajiro yigu ĩ ñajare, quēnase ĩre yirūcūbūoto mani. ²¹ To bajiri, ĩ rīa, Jesucristo yarā ñari, Diore quēnase rīne ĩre yirūcūbūorūgūto mani.

4

“Esp'iritu Santo ĩ ejarēmose rāca sīgūre bajiro tūoīaroti ñaja”, yire queti

¹ Jesucristo ocare yū gotise suorine tubibe ecogu, ado bajise mūare gotimasioaja yū: “Quēnase rīne yirā ñato’ yigu, manire beseyumi”, yitūoīaja mūa. To bajiri, “Ī bojarore bajiro yirā ñaña mūa”, mūare yaja yū. ² “Ñamasurā ñaja yūa”, yitūoīabesa mūa. Gājerāre ajirūcūbūocōari, quēnaro ĩnare yirā ñaña. Gājerā gōjanabioro ĩna yiboajaquēne, ĩnare tud'ibesa. To yicōari, rojose mūare ĩna yiboajaquēne, ĩnare maicōa ñaña. ³ Esp'iritu Santo ĩ ejarēmose rāca Diore sēnirūgūña mūa, “Cojo masare bajiro quēnaro ñato mani” yirā. ⁴ Mūa jediro, sīgūre bajiro tūoīaja, Esp'iritu Santo rācana ñari. To bajicōari, “Yirūcūja” Dios ĩ yiriarore bajiro quēnaro mūare ĩ yiotire tūoīayurā ñaja mūa jediro. ⁵ Sīgūne ñaami mani ũju, Jesucristo. Īre ajitirūnūcōari, “Cristo yarā ñaja yūa” yirā, oco rāca bautiza ecoriarā ñaja mūa jediro. ⁶ To bajicōari, mani jacū, Dios sīgūrene rūcūbūoaja mani. Ī sīgūne ñaami mani jedirore rotigu. Mani rāca ñacōari, manire ejarēmogūmi, “Yū bojasere yato ĩna” yigu.

⁷ Sīgūre bajiro mani tūoīaboajaquēne, ĩre ajitirūnūrāre ricatiri rīne mani yimasirotire manire ũjoyumi Cristo. ⁸ Tire bajirone yaja Dios ocare masa ĩna ucamasire:

“Īre ĩaterāre, ‘To cōrone rojosere yitūjaya’ ĩnare yioticōari, Dios ĩ ñarōju ĩnare tudijuamūjarūcūmi mani ũju, ‘Ŭju masu ñaja yū’ yīfogū. To yigajanocōari, adigodoana masare quēnase rīne ĩna yimasirotire yigu, ĩnare cōarūcūmi”, yiu-camasire ñaja.

⁹ ¿No yire ũnire “Tudimūjarūcūmi”, yati? Maji, adi macarūcūrojūre rujiayumi, ĩ tudimūjaroto rījoro yirūaro yaja. Jēre rujiadicōari, bajirocacoasumi. To bajiri, “Bajireariarā ĩna ñarōjūre quēne rotigu var'i ñaami”, ĩre yimasire ñaja. ¹⁰ Adi macarūcūrojūre, to yicōari bajireariarā ĩna ñarōjūre quēne rotigu var'ine ñaami, quēna ō vecaju Dios ĩ ñarōjūre quēne mūjar'i. To bajir'i ñari, dise rūyabeto rotimasigū ñaami. ¹¹ Īne ñaami ricatiri rīne mani yimasirotire manire ũjor'i. To bajiro ĩ yire ñajare, Cristo ĩ gotiroticōariarā ñaja yūa. Gājerāma, Diore gotirētobosarimasa ñaama. “Jesucristo manire ĩ rijabosare ñajare, Dios yarā mūa ñarūajama, rojose mūa yisere yitūjacōari, Cristore ajitirūnūña”, yigotimasiorimasa ñaama. Gājerāma, Cristore ajitirūnūrāre ĩnare gotimasiorimasa ñaama. Gājerāma, Cristore ajitirūnūrāre Dios ocare masa ĩna ucamasirere ĩnare gotimasiorimasa ñaama. ¹² To bajiro ricatiri rīne mani yimasirotire ũjoyumi Cristo, ĩ bojarore bajiro mani yiotire yigu. To bajiro mani yijama, gāmerā ejarēmōrā ñari, būtoḃusa Cristore ajitirūnūrāra ñaja mani. ¹³ Mani gāmerā ejarēmocōa ñajama, sīgūre bajiro Cristore ajitirūnūcōari, quēnase rīne yirā ñarūarāja mani. ¹⁴ To bajicōari, rīamasare bajiro tūoīarā me ñarūarāja mani. Rīamasa, socasere ajicōari, “Socarā yama”, yimasibeama ĩna. To bajiro yirā ĩna ñajare, josari mene ĩnare yitorāma gājerā. To bajiri manire yitorāre ajimasirūarāja mani. ¹⁵ Manijuama, gāmerā ĩamaicōari, socamenane quēnaro gotirūgūrūarāja. To bajiro mani yicōa ñajama, mani ũju Cristo ĩ bojase rīne yirā ñarūarāja mani. ¹⁶ Cristo ñaami mani ũju. Dios ĩ bojarore bajiro manire ejarēmōrūgūami, būtoḃusa gāmerā ejarēmocōari, ĩ bojarore bajiro yirā mani ñarotire yigu. Ī bojarore bajiro gāmerā ĩamaicōari mani ejarēmocōa ñajama, būtoḃusa Dios ĩ bojasere yirūtuarāja mani.

Cristo ajitirūnūrā ñari, quēnasejūare yire queti

¹⁷ Mani ũju Jesucristo yūre ĩ gotirotijare, ado bajise mūare yaja yū: Dios ocare ajimena, rojose ĩna yirūgūrore bajiro yībasa mūa. Dios ĩ ĩajama, vaja manire tūoīarā yirūgūama.

¹⁸ Dios ocare ajiterã ñari, ñamasusere ajimasibeama ña. To bajicõari, ï catisere cuorã me ñaama ña. ¹⁹ “Bojoneose yirã yaja yua” yimasibeticõari, ti rione yisejariarã ñaama. To bajiri rojose rñe yirũgũama. ²⁰⁻²¹ “To bajiro rojose ña yirũgũore bajiro yibetiroti ñaja”, yimasirã ñarãja mua. Jesucristo ï bajirere ajiriarã ñari, “Quẽnaro mani yirũgũsere bojaami Dios”, yimasiaja. ²² Cristore mua ajitirũnuroto rijoroju, rojose yirũgũñuja mua maji. To bajiro mua yirũgũriarore bajiro yibesa mua. ²³ To yicõari, rojose mua yirua tuoĩasere yibeticõari, Esp'iritu Santo ï yirẽmose rãca quẽnasejuare yirua tuoĩarũgũña mua. ²⁴ To bajicõari, Dios ocare ajitirũnũrã ñari, ï bojarore bajiro quẽnase rñe yirũgũña mua.

²⁵ Dios ocare ajitirũnũrã ñari, mua socasere quẽne to cõrone yitũjaya. Jesucristore ajitirũnũrã ñari, cojo masare bajiro bajirã ñaja mani. To bajiri, riojo gãmerã gotirũgũña mua.^a

²⁶ Gãjire mua jũnisinijama, rojose ïre yibesa mua. Yoaro ïre jũnisinimenane, gãmerã oca quẽnocõari, mua jũnisinisphere tire masiritiya. ²⁷ Yoaro mua jũnisinijama, vãtia uju ï bojarore bajiro yirã yirãja mua.

²⁸ Juarudirũgũr'ima, to cõrone juarudi tũjaya. Juarudimenane, moa, vaja tacõari gãjerã maioro bajirãre ñnare ïsiña.

²⁹ Gãjerãre rujajine oca rojose ñagõbesa mua. Quẽnasejuare oca cutiya, mũare ajirã, “Bũtobusa quẽnase yirã ñato ña” yirã. To bajiro mua yijama, ñnare ejarẽmorã yirũarãja mua. ³⁰ Rojose mua yijama, rojose mua yisere ñacõari bũto sutiritigumi Esp'iritu Santo. Ñne ñaami Dios manire ï cõar'i. “Ï suorine, Jesucristo yarã ñaja mani”, yimasiaja. Ñre cõa ecorã ñari, rojose yimenane ñacõaña mua, Jesucristo “Ñnare yirẽtobosarũcũja” ï yiriarũmu ti ejarotire yurã.

³¹ Gãjire rojose mua yirua tuoĩasere yibesa. Gãjerãre ñatebesa. Jũnisinicõari, avasãtud'ibesa. Gãjerãre rojose ñagõmacabesa. Gãjerã rojose mũare ña yiboajaquẽne, jũnisinibesa. To yicõari, rojose mũare yirãre gãmebesa. Ñajediro rojose mua yisere yitũjaya mua. ³² Ñnare ñamaicõari, quẽnaro ñnare yiroti ñaja mũare. Cristo manire ï rijabosare ñajare, rojose mua yirere masirioyumi Dios. To bajiro manire ï yire ñajare, ï yiriarore bajiro yirã, mua quẽne, gãjerã rojose mũare ña yisere masirioya.

5

“Dios rña ñari, quẽnaro ï yirore bajiro yiroti ñaja”, yire queti

¹ Dios rña, ï mairã ñari, quẽnaro ï yirore bajiro yiroti ñaja mũare quẽne. ² Jesucristo mũare ï maiore bajiro, gãjerãre ñnare maiña mua quẽne. Mũare maigũ ñari, rojose mua tãmũoborotire mũare yirẽtobosagu, mũare rijabosayumi Jesucristo. To bajiro manire ï yirẽtobosare ñajare, bũto variquẽnañumi Dios.

³ Dios yarã ñaja mani yuja. To bajiri, manajo mana, manaju mana, manaju cutirã, manajo cutirã quẽne, gãjerã rãca ajeriarã cutibesa mua. To yicõari, jairo gajeyeũni cuorã ñaboarine, gajeye quẽna bojarẽmobesa. Ti ñnire mua yibetijama, nijũane “To bajiro yiyuma” yirã manama. ⁴ Quẽnaro tuoĩamenane, oca ajiquẽnañamani ñagõbesa mua. To yicõari, “Gãjerã rãca ajeriarã cuticõari, ajato” yirã, ña gotise ñnire yibesa mũama. Dios yarã ñari, ti ñnire ñagõbetiroti ñaja mũare. Ado bajirojuã ñaña mua: Dios mũare ï ejarẽmosere tuoĩacõari, “Quẽnaro yaja mũ”, ïre yivariquẽna ñaña mua. ⁵ Ado bajiro bajiroti ti ñajare, to bajise yibesa mũare yaja yũ: Manajo mana, manaju mana, manaju cutirã, manajo cutirã quẽne, gãjerã rãca ajeriarã cutirãma, Dios ï ñarõjũre ejabetirũarãma ña. Sĩgũri Diore ña mairo rẽtoro gajeyeũnire mairã ñarãma. To bajiro ña yijama, Diore rũcubũorã me yirãma. To bajiri, Dios ï ñarõjũre ejabetirũarãma ña. ⁶ “To bajiro mani yijama, quẽnacõaja” mũare yitorãre ñnare ajibesa mua. To bajiro yirãrema bũto ñateami Dios. To bajiro yirãre bũto ñatecõari, “Rojose tãmũorũarãma”, yirũcũmi Dios. ⁷ To bajiri to bajiro yirãre ñnare baba cutibesa mua, “Mani quẽne ña yirore bajiro Dios ï bojabetire yirobe” yirã.

^a 4:25 Ro 12.5.

⁸ Diore masimena ñari, i bojasere mua yivotire masirã me ñañuja mua maji. Yucurema Jesucristo yarã ñari, Dios i bojasere mua yivotire masicõari, tire yirügüroti ñaja muare. ⁹ (I bojasere yirãma, quënase rïne yirã ñaama. To yicõari, gãjerãre socasere yitorã me ñaama.) ¹⁰ “Mani yisere ñavariquënegümi” yimasiruarã, i bojasere yirügüña mua. ¹¹ To yicõari, Diore masimena ña bojarore bajiro tuoïacõari yirãre ñare baba cutibesa mua. Dios ocajuare ñare gotimasioña, “ ‘Rojose yirã ñaja mani’ yimasiato ña” yirã. ¹² Masa ña ñabetoju buto rojose ña yirügüsere mani ñagõjama, bojoneose ñaja. To bajiri, ti ùnire ñagõbetiroti ñaja. ¹³ Dios ocajuare ñare mua gotimasiojama, tire ajicõari, “Rojose yirã yiyuja yua” yimasicõari, rojose ña yirere yitujaruarãma. ¹⁴ To bajiri ado bajise yire ñaja: “Rojose yirã ñaboarine, ‘Rojose yirã yaja mani’ yimasibeaja mua. Bajireariarãre bajiro bajirã ñaja mua, ‘Rojose yirã yaja yua’ yimasibeticõari. To bajiro bajirã ñari, Cristojare ajitirũnuña. To bajiro mua bajijama, i ejarẽmose rãca quënase rïne yirã ñaruarãja mua”, yigotire ñaja.

¹⁵ To bajiri quënarõ tuoïacõari, “Diore masirã ñaja yua” yirã, quënasejuare yirügüña mua. Diore masimena ña yirore bajiro yibesa. ¹⁶ Adirũmũrĩre buto rojose yirügüama masa. To bajiro ña yĩnarõ ùnone, muajuama, tocãrãcajine Diore sënicõari, quënarõ yirügüña. ¹⁷ Tuoïamasimenare bajiro bajibesa mua. “Dios i bojasere yimasajaja yua” mua yimasirotire tuoïacõari, quënarõ yirã ñaña mua. ¹⁸ Idire mecuse idimecubesa. Mua idimecujama, mua masune rojose yirã yirãja. Tire idimecumenane, Esp'iritu Santo i masisejuare ñe sënirügüña, i bojasere yiruarã. ¹⁹ Mua rëjajama, Dios ocare masa ña ucamasire basare, Diore mua tuoïabasare quëne, gãmerã gotiya mua. To bajiro mua yijama, Diore tuoïacõari, buto variquënase rãca basarügüña, ñe rucubvorã. ²⁰ To yicõari, “Quënarõ yaja mu”, mani jacu Diore ñe yirügüña, i suorine mani uju Jesucristo quënarõ manire i yirügüse ñajare.

“Cristore ajitirũnurã ñari, ado bajiro mani ñajama, quënarõ”, yire queti

²¹ To yicõari, Cristore ajirũcubvorã ñari, mua masu quëne gãmerã ajirũcubvoaya.

²² Rõmia, manajua cutirãre, muare gotigu yaja yu: Cristore ñe mua ajirũcubvorore bajiro mua manajuare quënarõ ñare ajirũcubvoaya. ²³ Mua manajune ñaami muare ùmato ñagũ. To bajirone bajijaja Cristore ajitirũnurãre quëne. Ñe ñaami manire ùmato ñagũ, to yicõari, rojose mani tãmuborotire manire yirëtobosar'i. Manire ùmato ñagũ ñari, mani rujoare bajiro bajigu ñaami. To bajiro i bajijare, ñe moabosarã ñari, i rujure bajiro bajirã ñaja mani. ²⁴ To bajiri Cristore mua ajirũcubvorügürore bajiro mua manajuare quëne ñare ajirũcubvoaya.

²⁵⁻²⁶ Ñmuare quëne gotigu yaja yu: Cristo manire i mairore bajiro mua manajoare ñare maiña mua. Manire maigũ ñari, manire rijabosayumi Cristo. “Yure ajitirũnurã bautiza ecorãre, rojose ña yisere masiriocõari, ‘Yu yarã ñaama’ ñare yĩarucuja yu” yigu, rijabosayumi Cristo. ²⁷ I taju ejarã, rojose mana mani ejarotire yigu, manire rijabosayumi. ²⁸ To bajiri, manire Cristo i mairore bajirone, mua manajoare ñare maiña mua. Juarã ñaboarine, sigũ rujure bajirone ñaja mua, Dios i ñajama. To bajiri, i manajore maigüma, i masu rujure i mairore bajirone maigümi, sore. ²⁹⁻³⁰ Ñimajuane i masu rujure ñategu magümi. Mani rujure maicõari, bare ba, quënarõ ñatirũnuaja mani. To bajirone manire ñatirũngümi Cristo, i rujure bajiro bajirã mani ñajare. ³¹ Dios ocare masa ña ucamasire ado bajiro ti gotijare, “Ña manajoa cutijama, juarã ñaboarine, sigũ rujure bajiro ñaama ña”, yimasire ñaja: “Ñmu, rãmio i rujeomasire ti ñajare, i manajo cutijama, i jacuare ñare cãmotadirucumi. Manajo cuticõari, juarã ñaboarine, sigũ rujure bajirone ñaruarãma”, yigotijaja Dios oca. ³² Tire buecõari, ñamasusere masa ña masibeticatire muare gotimasioaja yu: Cristo rãca mani ñasere quëne gotijaja ti. “Cristo yarã ñari, jãjarã ñaboarine, sigũ rujure bajiro ñaama ña”, yire ùni ñaja. ³³ To bajiro yiruarõ ti yiboajaquëne, manajoa cutirere quëne gotimasioaja ti. Mua masu rujurire mua mairore bajirone mua manajoare ñare maiña. Mua, rãmia quëne, mua manajuare quënarõ ñare ajirũcubvoaya.

6

¹ Rīamasare gotigū yaja yū: Mūa jacuare quēnaro ĩnare ajiya. Cristo mani ęū to bajiro mūa yisere bojaami. ² “Quēnaro mūare yiręsęja” ĩ yire rācaye Dios ĩ roticūmasire ado bajiro yaja: “Mū jacę, mū jacore quēne quēnaro ręcębęoya. ³ To bajiro mūa yijama, variquēnaro yoaro adigodoęure catiņaręarāja mūa”, yiyęja ti.

⁴ Rīamasa jacuare, ado bajise mūare gotiaja yū: Mūa rīare ĩnare yijūnisiniomenane, Dios ĩ bojarore bajiro yirā, quēnaro ĩnare gotimasioբęsęoya.

⁵ Moabosarimasare quēne gotiaja yū: Mūa ęjarāre ręcębęocōari, variquēnase rāca quēnaro ĩnare cędiya mūa. To bajiro mūa yijama, Cristorene cędirā yaja mūa. ⁶ “Manire moare rotirā ĩna ĩaro rīne quēnaro moaręarāja, ‘Yūare ĩavariquēnato ĩna’ yirā”, yitęoĭabeticōaņa mūa. ĩna ĩaro mūa moarore bajirone, ĩna ĩabetijaquēne moacōarotiņaja. “Cristore moabosarāre bajirone moarā yaja mani” yirā, quēnaro ĩnare moabosaya mūa. ⁷ To bajiri, “Cristo ĩ bojasere yirā yaja mani” yirā, variquēnase rāca quēnaro ĩnare moabosaya mūa. ⁸ Moabosarimasa mūaņajama,ņabetijaquēne, quēnaro mūa moareęure ĩacōari, quēnaro mūare yiręsęmi Dios.

⁹ Moare rotirāęure quēne gotiaja yū: Ado yū gotise ũni, mūa moarimasa Cristore ĩna tęoĭarore bajirone mūa quēne tęoĭaronaņaja. Mūare moabosarimasare, “Rojose mūare yiręarāja, mūa moabosabetijama” yimenane, quēnaro ĩnare yiya. Sĭęņeņaami mani ęūņamasugņ, mūare moabosarimasare, to yicōari mūare quēne rotigę. “ĩnaņaamaņamasurā” yigę meņaami. Quēnaro mūa moareęure ĩacōari, quēnaro mūare yiręsęmi mani ęū. Tire masiritibesa mūa.

“Vātia ęū ĩ bojarore bajiro yibeticōato ĩna” yigę Dios manire ĩ yiręmose queti

¹⁰ Ņajedirore, ado bajiro mūare gotiaja yū: Mani ęū Dios, jediro masijeogęņaami. To bajigę ĩņajare, “ ‘Vātia ĩna bojasere cędibeticōato ĩna’ yigę, manire yiręmoręsęmi”, yitęoĭacōaņaręęņa mūa. To bajiro mūa yijama, vātiare cędibeticōari, bętobęsa Dios ĩ bojaseęure yirāņarętuaręarāja mūa. ¹¹ Surara, sĭagęacę, ĩ rųęure “Sareęjoroma” yigę, cōme sudiro sāņatoogęmi. To bajiri mūa quēne, Dios ĩ masisere ęjoecoriarāņari, vātia ęū mūare “Yĭtoromi” yirā, tire tęoĭatęjabesa. To bajiro mūa bajijama, no bajiroęuane mūare yitobecęmi vātia ęū. ¹² Manire bajiro bajirārene quęarā me yaja. Rojose manire yirotiajerā, ruyumena vātia rācaęu gāmerā quęarā yaja. “ĩnare cędibetirotiņaja”, yimasĭņa mūa. Bęto masirāņaama vātia. Ņimęęuane vātiare cędibecę magęmi, Dios ĩ yiręmobetijama. ¹³ To bajiri, Dios mūare ĩ ęjose jedirore tęoĭaręęņa mūa. To bajiro mūa tęoĭajama, vātiare cędibeticōari, Dios ĩ bojaseęure yicōaņaręarāja.

¹⁴ To bajiri, Dios ĩ yiręmose rāca ado bajiro yirāņaņa mūa: Dios ocare masa ĩna ucamasirere tęoĭatęjabesa mūa. Tire quēnaro mūa masijama, mūare yitomasibetiręsęmi vātia ęū. To yicōari, quēnaro yiręęņa. ¹⁵ “ ‘Jesucristo ĩ rijabosare tiņajare, rojose ĩnare yibetiręsęja yū’ manire yĭavariquēnaami Dios” yire quetire masiritibesa mūa, gājerāre gotimasioręarā. ¹⁶ To yicōari, “ ‘Vātiare cędibeticōato ĩna’ yigę, manire yiręmoręsęmi Dios”, ĩre yitęoĭaręęņa mūa. To bajiro mūa yijama, rojose mūa yiręaboasere yimenaņaręarāja mūa. ¹⁷ “Vātiare reajeocōari, ĩ tęę quēnaro maniņaręęrotire yigę, ĩ macęre manire rijabosaroticōaņumi Dios”, yitęoĭa tęjabetiręęņa mūa. Esp'iritu Santo ĩ yiręmose rāca Dios ocare tęoĭacōari, vātiare ĩnare cędibetiręarāja mūa. ¹⁸ ĩnare cędibeticōari, tocārācaęine Esp'iritu Santo mūare ĩ yiręmose rāca quēnaro tęoĭacōari, Diore sęniręęņa. To yicōari, “Vātiare cędibeticōato ĩna” yirā, gājerā Cristore ajitiręņurāre ĩnare sęnibosaręęņa mūa. ¹⁹ Yęre quēne sęnibosaręęņa mūa. “ĩre ĩaterāre gęibecęne, to yicōari jud'io masa mere quēne Dios oca ĩna masibeticatire quēnaro gotimasiočōaņato ĩ” yirā, yęre sęnibosaręęņa mūa, Dios rĭa ĩnaņarotire yirā. ²⁰ Ti quetire yęre goticudirotiyumi Dios. Tire masare yę gotimasiose sęorine tubibe eoaaja yę. “Dios ĩ bojarore bajiro gęibecęne gotiato ĩ” yirā, Diore yęre sęnibosaręęņa mūa.

Pablo, ĩnare ĩ quęnaroticōare queti

²¹⁻²² Үм рӓсӓгм, мани маигӓ, нӓами Т'икуико вӓме сӓтигм. Мани мжм ӓ бојасере Үгм нӓами ӓ қуӓне. Ммӓ тжм ӓре сӓӓгӓ Үја Үм. Тојуре ејасӓари, Үмӓ бажинӓсе қуӓтире мӓаре готирӓсуми. Тире ајисӓари, вариқуӓнарӓрӓја мӓм.

²³ Мани јасм Диоре, то Үисӓари мани мжм Јесуристоре қуӓне, адо бажисе мӓаре сӓнибосаја Үм: “ ‘Бӓтобӓса мӓаре ајитирӓнӓато’ Үирӓ, ӓнаре ејарӓмоӓа. То Үисӓари, ‘Ммӓ рӓса қуӓнaro ӓна нӓаротире’ Үирӓ, ӓнаре ејарӓмоӓа. ‘Мӓаре ајитирӓнӓрӓтуанане, бӓтobӓса гӓмерӓ ӓамaito’ Үирӓ, ӓнаре ејарӓмоӓа”, мӓаре Үисӓнибосаја Үм. ²⁴ Мани мжм Јесуристоре ӓре мaitӓјamenare қуӓнaro мӓаре Үато Диос.

То сӓро нӓја.

Carta de San Pablo a los FILIPENSES

Filipos macanare, Pablo, Timoteo rāca ñacōari, i quēnarotire

¹ ¿Ñati mña, Jesucristore ajitirūnrā, Filipos macana? Yñ, Pablo, yñ baba Timoteo rāca adi papera mñare ucaja yña. Jesucristo i bojasere yirā ñaja yña. Cristore ajitirūnrāre mñare ūmato ñarāre, ñare moabosarimasare quēne, to yicōari, mña jedirore quēnarotiaja yña. ² Mñare quēnarotirā, mani jacñ Diore, to yicōari, mani ññ Jesucristore, ado bajise mñare sēnibosaja yña: “Quēnaro ña ñarotire yirā, ñare ejarēmoña”, mñare yisēnibosaja yña.

Jesucristore ajitirūnrāre, “Quēnaro yaja mñ”, Diore Pablo i yire queti

³ Tocārācaine mñare tuoīacōari, “Quēnaro yaja mñ”, Diore ñre yirūgūaja yñ. ⁴ Tocārācaine Diore sēnigū, mñare yñ tuoīajama, variquēnarūgūaja yñ. ⁵ Tirūmñjñe Cristo suorē quēnaro Dios i yise quetire mña ajitirūnrāre, “Ti ocare ajitirūnrāto gājerā quēne” yirā, quēnaro yñre ejarēmoadicajñ mña. To bajiro mña yicati ñajare, mñare tuoīacōari, variquēnarūgūaja yñ. ⁶ Jesucristore mña ajitirūnrāre, “Yñ bojarore bajiro yirā ñato” yigñ, mñare ejarēmosñoyumi Dios. “To bajiro yicōa ñarūgūarñcñmi, ‘Jesucristo mñare juagñ i tudiejarirūmñ ti ejaro, quēnase rñe yirā ñato ña’ yigñ”, yimasajaja yñ. ⁷ Mñare maigū ñari, to bajiro mñare tuoīaja yñ. Cristo i rijabosare suorine quēnaro Dios i yise queti gājerāre yñ gotimasiorotire yigñ, yñre ejarēmorūgūami Dios. Yñre i ejarēmorore bajiro mñare quēne ejarēmorūgūami, yñre mña ejarēmorotire yigñ. To bajiro i yijare, tubiberivijñ yñ ñajama, yñ ñabetijaquēne yñre ejarēmorūgūrāja mña. To yicōari, ñjarāre riojo ñare yñ gotimasiorotire yirā, yñre ejarēmorūgūrāja mña. ⁸ Jesucristo mñare i mairōre bajirone bñto mñare maiaja yñ quēne. Bñto mñare yñ maisere masiami Dios quēne. ⁹ To bajiri, Diore sēnigū, mñare tuoīacōari, ado bajiro mñare sēnibosarūgūaja yñ: “Bñtobñsa gāmerā mairūtuajaro ña’ yigñ, ñare ejarēmoña”, mñare yisēnibosarūgūaja yñ. To bajiro mña yijama, quēnaro Diore masirñarāja mña. To bajicōari, “Ado bajiro mani yijama, quēnaroja”, yimasirñarāja. ¹⁰ Tire masirā ñari, josase ti ñaboajaquēne, Dios i bojasere yitñjabetirñarāja. To bajiri quēnaro yirā mña ñajare, Cristo i tudiejarirūmñre, “Rojose yirā ñaama”, mñare yñjabetirñcñmi. ¹¹ To bajicōari, Jesucristo i ejarēmose rāca Dios i bojarore bajiro quēnase rñe yirā ñarñarāja mña. To bajiro mña yisere ñacōari, “Quēnaro yigñ ñagñmi Dios”, ñre yirñcñbñogñarāma gājerā. To bajiro mña yirore bojagñ ñari, mñare sēnibosarūgūaja yñ, Diore.

“Cristo ocare ajitirūnrā jñjarābñsa ñaama”, Pablo i yire queti

¹² Yñ mairā, quēna adire mña masisere bojaja yñ: Yñre ña tubibecñse, “Gājerā quēne Cristo ocare ajitirūnrāto ña” yiro, yñre ejarēmoaja. To bajiri, rojose tñmñogñ ñaboarine, Cristo ocare yñ gotisere jñjarā ajirūgūama. ¹³ “Cristore ajitirūnrā i ñajare, ñre tubibeyujarā ña”, yimasajama adi macagñ ññ ya vi, coderimasa. To bajiro rñe yijedicoaama adi macana. ¹⁴ “Tubibe ecogñ ñaboarine, Pablo quēne, Cristo yere gotimasio tñjabeami” yitñoīacōari, adoana mani mairā, jñjarā, “Tire mani gotijare, rojose manire yirāma” yigñimenane, bñtobñsa Cristo ocare gotimasioama ña quēne.

¹⁵ Gājerāma, “Cristo ocare yñ gotimasiojama, jñjarā yñre ajitirūnrāre” yitñoīacōari gotirāma. To bajiro yirā ñari, “Quēnaro gotimasioameami Pablo. Riojo mñare gotimasioaja yñama”, yigotirāma. Gājerājñama, rojose tuoīamenane, jñjarābñsa Cristore ajitirūnrā ña ñarotire bojarā ñari, gotirāma. ¹⁶ “Cristo ocare Pablo i gotimasiorotire bajiro yigñ, tubiberivijñ i ñasere bojayumi Dios”, yimasirā ñarāma. To bajiri, yñre mairā ñari, Cristo ocare gotimasiorāma ña quēne. ¹⁷ Gājerājñama, quēnaro yñ gotimasiosere ñajñnisinirā ñari, “Pablōre ña ñavariquēnaro rētoro manire ñavariquēnato masa” yitñoīarā, Cristo ocare gotimasiorāma. To bajicōari, “ Ña gotimasiosere quēnaro

ajivariquēnaama masa' ĩna yigotisere ajicōari, 'Rojose bajiyuma yure ajitirūnūboacana' yisutiritiatio Pablo" yirā, gotirūgūboarāma. ¹⁸ To bajiro ĩna yiboajaquēne, no yibeaja yure. "Sutiritiatio Pablo" yirā ñaboarine, Cristo ocare gotimasiōrā ñarāma ĩna quēne. To ĩna yijare, buto variquēnaja yu.

¹⁹ Gajeyere quēne tuoīacōari, variquēnaja yu: Diore, yure mua sēnibosarūgūsere, to yicōari, Jesucristo ĩ cōar'i, Esp'iritu Santo yure ĩ ejarēmōrūgūsere quēne masiaja yu. To bajiri, "Rojose yu tāmūose, to cōrone tāmūo tujarucuja yu", yituoīa variquēnaja yu. ²⁰ Beroju, Jesucristo ĩ ĩaro rījoro, yu yirere ĩre gotibojoneruabeaja yu. Cristo yure ĩ ejarēmōsere tuoīavariquēnacōari, ĩ ocare riojo gotimasiōrūgūaja yu. Tubiberi-avijū ñagūre yure ĩna bujama, yure ĩna sīacōajaquēne, no yibeaja yure. Cristore yu tuoīavariquēnarore bajiro ĩna quēne, ĩna tuoīasejuare bojaja yu. Tijua ñaja ñamasuse. ²¹ To bajiri, yure ĩna bucōajama, ñajediro yu yirūgūrore bajiro yicōa ñarucuja, "Cristore quēnaro yirūcubuoato masa" yigu. Yure ĩna sīacōajaquēne, rētoro yure quēnarurojo. To cōrojuma, Cristo tujū quēnaro ñacōarūgūrucuja yu. ²² To bajiboarine, yure ĩna bucōajama, yu gotimasiose suorine jājarābūsa Cristore ajitirūnūnarāma. To bajiri, "Yure ĩna sīarotire bojaja yu. Yu caticōa ñarotire quēne bojaja yu", yimasibeaja yu. Jua vāmejuane quēnacōaja yure. ²³ To bajiri, jua vāmejuane bojacōagū ñari, no yimasibeaja. "Cristo rāca yu ñarotijua ñaja rētoro quēnase" yu yituoīajama, "Yure sīacōato ĩna", yituoīarūgūaja yu. ²⁴ Quēna gaje vāme yu tuoīajama, mware yu gotimasiōroti ti ruyajare, mware gotimasiocōa ñarūaja yu. ²⁵ "To bajirone bajirucuja", yituoīaja yu. To bajiri, butobūsa Cristore ajitirūnūcōari mua variquēnarotire yigu, mua rāca yu ñarotire bojaja yu. ²⁶ To bajiri quēna mua rāca yu ñacudisere variquēnarurāja mua. To bajicōari, rojose yu tāmūoro Cristo yure ĩ yirētosarere masicōari, "Quēnaro yaja m", Diore yirūcubuoarāja mua.

²⁷ Cristo oca ti gotirore bajiro mua cūdirotijua ñaja ñamasuse. Mua tujū yu vajama, yu vabetijaquēne, ado bajiro mua yisere ajirūaja yu: "Cristo ocare ajicōari, sīgūre bajiro tuoīarā ñaama ĩna. To yicōari, 'Cristore ajitirūnūato gājerā quēne' yirā, ĩ ocare tocārācarūmūne gotimasioama ĩna" yure ĩna yigotisere ajirūaja yu. ²⁸ To yicōari, "Īnare ĩaterāre quēne gūimenane Cristo ocare gotimasiōrūgūama" yure ĩna yigotisere quēne ajirūaja yu. Mware ĩaterājuama, ĩnare gūimenane mua gotimasiocōa ñasere ĩacōari, "Rojose tāmūotujabetiriaroju manire cōarucūmi Dios", yimasiruarāma. To bajiboarine, mwarūama, "Rojose mani tāmūoborotire yirētosarucūmi Dios", yimasirurāja mua, ĩnare gūibetiriarā ñari. ²⁹ Rojose mware ĩna yiboajaquēne, ĩnare gūimenane, Cristo oca ti gotirore bajiro goticōa ñarūgūroti ñaja mware. Mware ĩamaicōari, ĩ yarā mua ñarotire mware yiyumi Dios, "Yu macure quēnaro yirūcubuo ñato ĩna" yigu. To bajiro ĩ yijama, Cristore ajitirūnūrā ñari, rojose tāmūoarine, ĩre mua ajitirūnūcōa ñarotire yigu yiyumi. ³⁰ Rojose yu tāmūocatore bajiro rojose tāmūorāja mua quēne. "Adirūmuri quēne, rojose tāmūoarine, Cristore ajitirūnūcōa ñagūmi Pablo", yure yimasirāja mua.

2

"Ñamasugū ñaboarine, 'Ñamasugū ñaja yu' yibesumi Cristo", Pablo ĩ yire queti

¹ Īre ajitirūnūrā mua ñajare, mware quēnaro ejarēmōrūgūgūmi Cristo, "Tuoīa variquēnato" yigu. Esp'iritu Santo quēne mua rāca ĩ ñajare, gāmerā ĩamaicōari, quēnaro ejarēmōrāja mua. ² To bajiri ado bajiro mua bajirore bojaja yu: "Quēnaro variquēnato Pablo" yirā, sīgūre bajiro tuoīarā ñaña mua. Mua rācana ñajedirore cojoro cōro gāmerā ĩamaña. Sīgūre bajiro tuoīacōari, Cristo ĩ bojarore bajiro yirūgūña. ³ Gājerā ĩna yisere ĩacōari, "Manijua, ĩna rētoro yimasirāja", yituoīabesa mua. "Gājerā rētoro ñamasurā ñaja yu", yituoīabesa. "Īnajua ñarāma yua rētoro ñamasurā" yituoīacōari, ĩnare quēnaro rūcubuoarūgūña. ⁴ Quēnaro mua ñaroti rīne tuoīabesa. Gājerā quēnaro ĩna ñarotire quēne tuoīarūgūña.

⁵ Ado bajiro Jesucristo ĩ tuoīariore bajiro tuoīaroti ñaja mware:

- ⁶ Õ vecaju ñagũ, Diore bajiro bajigu ñaboarine, adigodoju vaju, “İre bajiro bajicõa ñarucija yu”, yibesuju Cristo.
- ⁷ Diore bajiro bajigu ñaboarine, “Yu jacu ĩ bojasere yiru, ñamasugũre bajiro ñabetirucija” yituoĩacõari, manire bajirone ruyuyuju Cristo.
- ⁸ Adi macarucuroju vadicõari, ĩ jacu ĩ bojarore bajiro yigu ñari, ñamasugũre bajiro me ñacoasumi. To bajiro bajigu ñari, rojose yirãre ĩna sĳarore bajiro yucũtẽroju jaju sĳaecoymu Cristo.
- ⁹ To bajiri, “Gãjerãre masa ĩna rucubũoro rẽtoro ĩna rucubũogu ñato” yigu, ĩre catioyuju Dios. To yicõari, “Ñajediro cuju ñarucija mu”, ĩre yiyuju Dios.
- ¹⁰ To bajiro ĩre yiyuju Dios, õ vecana, adigodoana jediro, rijariarã quẽne, ĩ macu Jesús vãmere ajicõari, mani yirucubũorotire yigu.
- ¹¹ To bajicõari, “Jesucristo ñaami cuju ñamasugũ”, yijediruarãja mani. To bajiro mani yijama, mani jacu Diore rucubũorã yiruarãja mani.

“Cristo, ĩjacure ĩ cudiriarore bajiro ĩre cudicõa ñarũgũroti ñaja manire quẽne”, Pablo ĩ yire queti

¹² To bajiri, yu mairã, Cristo, ĩ jacure ĩ cudirũgũriarore bajiro cudiroti ñaja manire quẽne. Mũa tuju ñacõari, Cristo ocare mũare yu gotisere quẽnaro ajicaju mũa. To bajiri, yucure quẽne mũare yu goticõasere butobusa Cristo ocare mũa ajitirũnũsere bojaja yu. Rojose mũa yisere Dios ĩ yirẽtobosariarã ñari, rucubũose rãca ĩ bojarore bajiro yirũgũroti ñaja mũare. ¹³ “Yu bojasere yirua tuoĩacõari, yato” yigu, manire ejarẽmorũgũgũmi Dios.

¹⁴ Tocãrãcagine mũa moare cutisere mũa yijama, gãmerã ñagõjaimenane, variquẽnase rãca yirũgũña mũa. ¹⁵⁻¹⁶ To bajiro yirũgũña, “Rojose yirã ñaama ĩna’ gãjerã manire yibeticõato” yirã. To bajiri, rojose yirã ĩna ĩaro rĩjoro, quẽnase rĩne yirũgũroti ñaja mũare. To yicõari, “Yu tuju ĩna caticõa ñarotire yigu, yu catisere ĩnare ĩsirucija” Dios ĩ yirere ĩnare gotimasiorũgũña, “Tire masicõari, Dios ĩ bojarore bajiro quẽnaro yato ĩna” yirã. To bajiro mũa yijama, Cristo ĩ tudiejarirũmu buto mũare variquẽnarucija yu. “Yu gotimasioatore bajirone yirã ñaama ĩna”, ĩre yivariquẽnarucija yu, mũare. ¹⁷⁻¹⁸ Jẽre Diore ajitirũnũcõari, quẽnaro yirũgũrãja mũa. To bajiri, Cristore ajitirũnũrã mũa ñajare, gãjerã, rojose mũare ĩna yiboajaquẽne, quẽnaro yicõa ñarãja mũa. Mũare bajirone yu quẽne Dios ocare yu ajitirũnũjare, romano masa yũre ĩna sĳarotire yu tuoĩajama, sũtiritiboarine, Dios ocare mũare yu gotimasioatijũare variquẽnaja yu. To bajirone tuoĩavariquẽnaroti ñaja, mũare quẽne, mũare yu gotimasioatire.

Timoteore, Epafrodito vãme cutigũre quẽne Filipos macaju Pablo ĩ cõarua tuoĩare queti

¹⁹ Mũa tuju Timoteo ĩ varotire, mani cuju Jesús ĩ bojajama, yoaro mene ĩre cõarucija yu, mũa ñase quetire ajivariquẽnarũ. ²⁰ ĩ sĳũne ñaami mũare yu mairore bajiro tuoĩagũ.

²¹ Gãjerãma, quẽnaro ĩna ñaroti rĩne tuoĩarã ñaama. Jesucristo ĩ bojasere ĩna yirotere tuoĩabeama ĩna. ²² “Jesucristo ĩ bojasere yigu ñacami Timoteo”, ĩre yimasirãja mũa. “İ macure bajiro Pablore quẽnaro ejarẽmocami, ‘Jãjarãbusa, Cristo ocare ajitirũnũato ĩna’ yigu”, ĩre yimasirãja mũa. ²³ To bajiri, tubiberiaviju yu ñaro yũre ĩna yirotere masicõari, ĩ rãca mũare queti cõarucija yu. ²⁴ Tire mũare gotiboarine, “Mani cuju ĩ ejarẽmose rãca yu bajijama, yu quẽne ĩ rãca mũare ĩagũ varucija”, yituoĩaja yu.

²⁵ Yũre ĩ ejarẽmorotire yirã, mũa cõar’i mani maigũ, Epafroditore, mũa tuju ĩre tuoõdagũ yaja yu. ĩ quẽne, Cristo ocare riojo gotigu ñari, yũre bajirone rojose tãmũorũgũami. ²⁶ Mũa ñajedirore buto ĩarũami. To bajicõari, ĩ rijacati quetire mũa ajirere tuoĩarejaiami. ²⁷ Socase mere ajiriarãja mũa. To bajirone bajicami. Bajiroca-coarocure bajiroju bajicami. To bajiboarine, ĩre ĩamaicõari, ĩre catiocami Dios. To bajiro ĩ yijama, butobusa yu sũtiritirotere bojabecu ñari, ĩre catiocami Dios. ²⁸ To bajiri mũa tuju ĩre tuoõdagũ yaja yu, catiquẽnagũ ĩ ñasere mũa ĩavariquẽnarotire yigu. Mũa tuju ĩre yu tuoõcõajama, yu quẽne tuoĩarejaibetibusarucija yu. ²⁹⁻³⁰ Cristo oca yu gotimasiosere yũre ejarẽmobeaja mũa, sõju ñarã ñari. “İre gotirẽmoato” yirã, mũa cõar’i quẽne Cristo ocare gotimasiorũgũami. To bajiro yicudigũne, buto rijaye jairo ti ñajare, rijacoabocami. To

bajiro bajicacu ñaboarine, ñ caticōajare, mña tujū ñ ejaro, variquēnase rāca ñre sēniruarāja mña. ñre bajiro Cristo ocare goticudirāre quēne, quēnaro ñnare yiya.

3

“Cristore mani ajitirūnuse ñaja ñamasuse”, Pablo ñ yire queti

¹ Jesucristo yarā ñari, variquēnaña mña. Tirūmujū mñare yū ucacatire tudiucaja yū. To bajiro mñare yū yicōa ñajama, “Gājerā socase ñna gotisere ajiroma” yigū, yaja. ² Cristo ocare ricati gotimasiorāre roori ñaña mña. ñna ñarāma rojose ūmato yirorā. “Dios ñ ñamairā mani ñarūajama, circuncisión yiroti ñaja”, yisocarāma ñna. ³ Circuncisión yiecorā ñna ñaboajaquēne, Dios ñ ñamairā me ñarāma ñna. Manijūama, Esp'iritu Santo ñ ejarēmojare, Diore quēnaro rūcūbuoaja mani. To yicōari, “Jesucristo manire rijabosayumi’ yitūōiarā mani ñajare, Dios ñ ñamairā ñaja”, yitūōia variquēnaja mani. ⁴ Mani ñicua ñna yimasirere ñna tūōiarore bajiro yū quēne yū tūōiajama, “ñna rētoro ñamasugū ñaja yū”, yitūōiaroti ñaboroja. ñna tūōiasere bajiro yū quēne yū tūōiajama, ado bajise bajiroja: ⁵ “Dios ñ rotimasiriarore bajiro yigū ñato” yirā, cojomo cōro gaje āmo idia jēnituarirūmuri yū ruyuario bero, circuncisión yūre yiyuma ñna. To bajiri, jud'io masū ñari, Benjam'in ñamasir'i ya jūnagu ñaja yū. Yū ñicū ñasur'ì ñamasinūju Abraham. Yū ñicua, jud'io masa ñacoayuma ñna. To bajiri, jud'io masa rīne gāmerā manajo cūticōari ñna macū cūtir'i ñari, jud'io masū masū ñaja yū. To bajicōari, fariseo yere tūōiagū ñari, Moisére Dios ñ roticūmasirere buto ajirūcūbuogū ñaboacaju yū maji. ⁶ “Ado bajiro yū yisere bojagūmi Dios” yitūōiacōari, variquēnase rāca yirūgūboacaju yū. To bajise tūōiagū ñari, “Cristore ajitirūnrāma, mani ñicua Diore ñna rūcūbuomasiriarore bajiro yimenama” yitūōiacōari, buto rojose ñnare yirūgūcaju yū. To bajicōari, Dios ñ rotimasire quēnaro cūdigū yū ñajare, “Adi vāme yibeami Pablo”, yūre yimasigū manicami.

⁷⁻⁹ Yū ñicua ñna yimasiriarore bajiro yū yisere, “Ñamasuse ñaroja”, yitūōiaboacaju yū maji. Adirūmurirema, Cristore ajitirūnūca yigū, “Vaja maja”, yitūōiacōaja yū. To bajiri, yucūrema, “Jesucristore ajitirūnrā rīne ñaama Dios ñ ñavariquēnarā” yitūōiagū ñari, yū ñicua ñna yimasiriarore bajiro yū yiboacatire yitūjacōacaju. “Rojose yū yisere masirioato Dios’ yigū, yūre rijabosayumi Cristo”, yitūōiaja yū, adirūmurirema. To bajiri, “Rojose magū ñaami’ yūre yīavariquēnagūmi Dios”, yitūōiaja yū. ¹⁰ “Cristo ñ ejarēmorā rīne ñaama Dios ñ ñavariquēnarā” yitūōiacōari, Cristore ajitirūnugū ñari, butobusa ñre masirūtuarūaja yū. Tire yū yijama, ado bajiro yigū yaja yū: Cristo ñ rijato bero, tudicaticōari, ñ masise rāca ñre ajitirūnrāre ejarēmo ñnagūmi. Tire, ñ masise rāca ñ bojase rīne yigū ñarūaja yū. To yicōari, ñ jacūre cūdiruagu ñari, Cristo, rojose ñ tāmūoriarore bajiro rojose tāmūorūaja yū quēne. To bajiro bajigū, yucūtērojūre ñre ñna sīariarore bajiro yūre ñna sīaboajaquēne, quēnarūaroja. ¹¹ To bajiro bajirocū yū ñajama, yū rijato bero, yūre quēne catorūcūmi Dios.

“Quēnase rīne yirā ñarāsa mani”, Pablo ñ yire queti

¹² “Jediro masigū ñari, quēnase rīne yigū ñaja”, yimasibeaja yū. To bajiboarine, “Dios ñ bojarore bajiro quēnaro yirūcūja” yigū, yū yimasiro cōro yirūgūaja yū. “Yūre bajiro quēnase rīne yigū ñato” yigū, “Yūre ajitirūnūña mñ”, yūre yicami Jesucristo. ¹³ Quēnaro ajiya, yū mairā. “Cristo ñ bojarore bajiro quēnase rīne yigū ñaja yū”, yimasibeaja yū. Tirūmujū yū yirūgūcatire buto tūōiabetirūgūaja yū. Tire tūōiabecūne, quēnaro yū yirotiyūare tūōiarūgūaja. ¹⁴ “Dios tujū yū ejaro, quēnaro yū yise vaja quēnaro yūre yato ñ” yigū, to bajiro rīne yirūgūaja yū. ñ tujū mani ejaro, quēnaro mani yise vaja, “Quēnaro ñnare yirūcūja”, yiyuju Dios, quēnase rīne yirā mani ñarotire yigū.

¹⁵ To bajiri yū tūōiarore bajiro tūōiarūgūroti ñaja mñare quēne, quēnaro Cristore ajitirūnrā jedirore. To bajiro tūōiarā ñaboarine, cojo vāme ricati mña tūōiajama, quēnaro mña masirotire yirūcūmi Dios. ¹⁶ Dios ñ bojasere masijeobetiboarine, mani ajimasiro cōro mani yicōa ñajama, quēnarūaroja.

¹⁷ To bajiri, yu bajiñarügücatore bajiro bajiñaña, muu quene. ¹⁸ Gãjerãjuma, quenasere yibetirügüama. To bajiro ña bajise cojoji me muare gotirügücaju yu. Quena ña bajisere tuoïacõari, muare gotigu, buto sutiritiaja yu. To bajiro ña bajicõa ñajama, “Cristo ñ rijabosare vaja maja” yirãre bajiro bajicõa ñarãma. ¹⁹ To bajiro bajirã ñari, rojose tãmuotujabetiriaroju varuarãma. Dios ñ bojasere yimena ñari, ña masu ña bojase rĩne yirã ñaama. To bajicõari, rojose ña yijama, bojonemenane, tire gotivariquënarãma. Adigodoaye rĩne tuoïarügürãma. ²⁰ Manijuma, õ vecaju Dios tãju varona ñaja. Ñ ñaroju ñaja mani ñarügürotiju. To bajiri tijuare tuoïarügüaja mani. To yicõari, “Õ vecaju ñagũ, vadicõari, rojose tãmuotujabetiriaroju mani varotire manire yirëtobosarucumi mani ujũ Jesucristo”, yituoïa variquënarügüaja mani. ²¹ To bajiro bajigune, quënariruju ñ ruju cõtirore bajirone manire quene vasoarucumi, adi macarucuroaye jediro rotimasigũ ñari.

4

“Cristore ajitirũnũrã ñari, variquënacõa ñaña”, Pablo ñ yire

¹ Yu mairã, quënarõ ajiya muu. Cristore ajitirũnũrã ñari, yu yarã ñaja muu. Muare maigũ ñari, buto muare ñaruaaja yu. “Yu gotimasiocatire ajicõari, Diore quënarõ ajitirũnũcõa ñarãma ña”, muare yituoïavariquënaaja yu. To bajiri mani ujũ Jesucristore ajitirũnu tujabetiroti ñaja.

² Evodia vãme cõtigore, S'intique vãme cõtigore quene, muare gotigu yaja. Muu juarã, mani ujũ yarã ñari, sigõre bajiro tuoïaña muu. ³ Toagu, yure quënarõ baba cõticasujuare, “Ado bajiro yure yibosaya”, mure yisëniaaja yu: Ña, rõmia juarãre, “Gãmerã oca quënoato” yigu, ñnare ejarëmoña mu. To yu ñaro, Cristo ñ rijabosare suorine quënarõ Dios ñ yisere yu gotimasiorotire yirã, yure quënarõ ejarëmorügücama ña. Clemente, ñ babarã quene yure ejarëmorügücama. Yure ejarëmocanare, “Ado cõro ñaama yu tu ñarügürõna” Dios ñ yucaturiatutiju ucatuecorã ñarãma.

⁴ Mani ujũre ajitirũnũrã ñari, tocãrãcãjine ñ yere tuoïavariquënarügüña muu. ⁵ Rũcũbuore rãca gãjerãre quënarõ yirügüña muu, “‘Quënase rĩne yirã ñaama’, gãjerã muare yĩiato” yirã. Mani ujũ adi macarucuroju ñ tudiejaroti, mojoroaca ruyaja.

⁶ Ñiejũare muu tuoïarejaisere bojabeaja yu. Tocãrãcãjine rojose muu tãmuojama, “Rojose yua tãmuosere yirëtobosaya” yirã, Diore muu sënijama, quënaaja. To yicõari, muare ñ ejarëmoroti ti ñajare, “Quënarõ yirũcãja mu”, ñre yivariquënarügüña. ⁷ To bajiro muu yijama, muu variquënarõtire yirëmorucumi Dios. To bajiri, Jesucristo muare quënarõ ñ ejarëmorõtire tuoïarã ñari, rojose tãmuorã ñaboarine, variquënacõa ñaruarãja. Tire ajimasibetiruarãma Jesũre ajitirũnũmena.

“Quënase rĩne tuoïarügüña”, Pablo ñ yire queti

⁸ Yu mairã, ado bajiro muare gotitusaja yu: Quënase rĩne tuoïarügüña. Rũcũbuore queti, quënarõ yire queti, maire queti, to yicõari, masa quene ña ajivariquënase queti tuoïarügüña. To yicõari, “Quënase ñaja” Dios ñ yisere quene tuoïarügüña.

⁹ Muare yu gotimasiocatore bajirone yirügüña. Yure muu ajicatire, muu ñacatire quene to bajirone yicõa ñaña. To bajiro muu yijama, variquënase manire cõagũ, Dios, muu rãca ñacõa ñarügürucumi.

Filipos macana, ñre gãjõa ña ñsirere Pablo ñ gotivariquënare

¹⁰ Yure tuoïacõari, yu bojasere yure cõañuja muu quena. To bajiri buto variquënacõari, “Quënarõ yaja mu”, mani ujũre, Diore yaja yu. Yoaro yure muu cõabetiboajaquene, “Cõarũaboarine cõamasimena bajirãma”, muare yituoïacaju yu. ¹¹ “Yu suorũa tuoïase jediro suorũaja yu” yigu me yaja. Jairo yu suorũaja, yu suorbetijaquene, variquënacõa ñaja. ¹² Cojojirema maiorõ yu bajijama, yu bajibetijaquene, variquënarügüaja yu. Bare ti ñajama, ti manijaquene, variquënacõa ñaja. ¹³ To bajiro yu bajise jedirore yure ejarëmorügüami Cristo. ¹⁴ To bajiro yure ñ ejarëmoboajaquene, gãjõa yure muu cõase suorine yure ejarëmoñuja muu.

¹⁵ Macedonia sitajņ Cristo ĩ rijabosare suorine quēnaro Dios ĩ yise queti gotimasioduci gajanocōari, quēna gajerojņ yņ vato, mņa, Filipos macana rĭne gājoa juarēocōari, yņre cōañuja mņa. Gājerāma, yņ gotimasioduci suorine Cristore ajitirūņurā ñaboarine, yņre cōabesuma ĩna. ¹⁶ Rĭjorojņ quēne Tesalónica macajņ ñagņ, ñie cņobecņ yņ bajiro, cojoji me gājoa yņre cōañuja mņa. ¹⁷ “Quēna gajeye yņre cōato” yigņ me, to bajise mņare yaja yņ. “Yņre mņa yirore bajirone gājerāre quēne mņa yicōa ñajama, rētoņsaro quēnase mņare cōato Dios” yigņ yaja. ¹⁸ Mņa cōariaro cōrone yņre ĩsicami Epafrodito. Yņ cņorņa tņoĩacati rētoņsaro cōañuja mņa. Yņre quēnaro mņa yicatire ĩavariquēnarimi Dios. ¹⁹ ĩ ñaami mani űjņ, ñajediro quēnase cņogņ. To bajicōari, ĩ macņ yarā mņa ñajare, mņa cņorņa tņoĩase jediro mņare cōarņcņmi. ²⁰ Quēnaro ĩre rņcņbņo variquēnarūgņrņarāja mani. To bajirone bajiato.

Pablo, ĩ quēnaroticōare queti

²¹ Toana, Jesucristore ajitirūņurā jediro quēnato ĩna. Yņ rācana, Cristore ajitirūņurā, mņare quēnaroticōaama. ²² Adoana, Cristore ajitirūņurā jediro, mņare quēnaroticōaama. Cristore ajitirūņurā, Roma macagņ űjņ ñamasugāre moabosarimasa quēne mņare quēnaroticōaama.

²³ Mani űjņ, Jesucristo, quēnaro mņare yato ĩ.

To cōro ñaja.

Carta de San Pablo a los COLOSENSES

Colosas macana, Cristore ajitirūnūrāre Pablo ī ucare queti

¹⁻² ĶNati m̄ua, Colosas vāme cūti macana, Dios yarā? Jesucristore ajitirūnū tūjamenare m̄uare ucacōaja yua. M̄uare quēnarotirā, mani jacū Diore ado bajise m̄uare sēnibosaja yua: “Quēnaro īna űarotire yirā, īnare ejarēmoűa”, m̄uare yisēnibosaja yua. Yū űaja Pablo vāme cūtigū, adi paperare m̄uare cōagū. Dios ī bojarore bajiro yūre cōacami Jesucristo, “Yū s̄uori yū jacū quēnaro ī yise quetire gājerāre gotimasiodirūcūja m̄” yigū. Yū rāca űaami mani maigū, Timoteo.

Cristore ajitirūnūrāre t̄uoīacōari, Diore Pablo ī sēnibosare

³⁻⁴ “Jesucristore quēnaro ajitirūnūcōa űaama īna. To bajicōari, Dios yarā jedirore quēnaro mairā űaama” m̄uare masa īna yisere ajirūgūaja yua. To bajiro īna yirūgūsere ajivariquēnaja yua. To bajiri, tocārācaine mani űjū Jesucristo jacūre m̄uare yua sēnibosajama, “Quēnaro yaja m̄”, ĩre yivariquēnarūgūaja yua. ⁵ Tirūm̄jūne riojo űamasusere, Cristo s̄uori quēnaro Dios ī yise quetire m̄ua ajitirūnūsuorijūjūne, “Ī oca ti gotirore bajirone ō vecajū Dios tūjū ejacōari, quēnaro űarūgūarāja mani”, yivariquēnacoayuja m̄ua. To bajiro yirā űari, Dios yarāre quēnaro ejarēmoűuja m̄ua. ⁶ Cristo ocare ajis̄uocōari, “Ti űaja riojo űamasuse oca”, yiyuja m̄ua. To yicōari, “Rojose yirā mani űaboajaquēne, manire īamaicōari, manire quēnaro yiyumi Dios”, yiajitirūnūűuja m̄ua. Ī oca quēnasere m̄ua ajitirūnūrore bajiro ajitirūnūrūtuana yirāma masa jediro. To bajicōari, m̄ua yirūgūrore bajirone quēnaro yirūgūrāma īna quēne. ⁷ Mani maigū, Epafras vāme cūtigū, űaami ti ocare m̄uare gotimasior'i. Jesucristo ī bojasere yigū űari, adoju quēnaro yūare ejarēmorūgūami. ⁸ Ī űaami “Esp'iritu Santo ī ejarēmose rāca gājerā Dios yarāre quēnaro maiama īna, Colosas macana” yūare yigoticacū.

⁹ To bajiro ī yicatire ajicana űari, yua ajis̄uorijūjūne, Diore m̄uare sēnibosadicajū, Dios ī bojasere quēnaro m̄ua yimasirotire yirā. To yicōari, Esp'iritu Santo s̄uorine tocārāca vāme m̄ua masirotire quēne “Ejarēmoato” yirā, Diojūare m̄uare sēnibosarūgūaja yua. ¹⁰ M̄uare yua sēnibosase s̄uorine to bajiro m̄ua yijama, mani űjū ī bojarore bajiro yīnarūgūarāja m̄ua. To yicōari, ĩre b̄utobusa masirūtuarāja. ¹¹ ĩre rētoabusaro m̄ua masirūtu vajama, masirētogū, Dios, m̄uare quēnaro ejarēmorūcūmi, jediro rojose tām̄uobarine, ĩre m̄ua ajitirūnūcōa űarotire yigū. To bajiro m̄uare ī yijama, rojose tām̄uobarine, rojose m̄uare yirāre jūnisinimenane, variquēnacōa űarūarāja m̄ua. ¹² Mani jacū, Diore t̄uoīavariquēnacōari, ado bajiro ĩre sēnirūarāja m̄ua: “Quēnaro yaja m̄. Quēnaro m̄ yire s̄uorine m̄ yarā űaja yua. To bajiri m̄ űaroju, ejacōari, gājerā, m̄ yarā quēnaro īna yiecorore bajiro yiecorūarāja yua quēne”, Diore yivariquēnarūarāja m̄ua.

¹³ Dios, ado bajiro manire ī yire űajare, to bajiro yivariquēnarūarāja m̄ua: Satanās yarā, ī bojarore bajiro yirā űaboariarāre manire ejarēmoűumi Dios, ī macū ī maigū yarā, “Ī bojarore bajiro yirā űato” yigū. ¹⁴ Dios ī yire yū yijama, ado bajiro yigū yaja yū: Ī macū manire ī rijabosare s̄uorine Satanās manire ī rotiboarere cūdimena űacoariarāja mani. To bajicōari, rojose mani yisere Dios ī masiriorā űacoariarāja mani.

Cristo ī rijabosare s̄uorine Diorāca quēnaro mani űase queti

¹⁵ űim̄jūa Diore īagū magūmi. To bajiboarine Cristore masirājuama, Diore masiaja mani. Cristo űaami adi macarūcūro ti ruyuaroto ṟjorojūne űacoadimasir'i. ¹⁶ Ī s̄uorine adi macarūcūro űase jedirore rujeomasīűuju Dios. Adi macarūcūro űarā, ō vecanare quēne, ruyumena, ruyurāre quēne ī s̄uorine rujeomasīűuju Dios. To yicōari, ō vecana rotimasironare quēne ī s̄uorine īnare rujeomasīűuju Dios. To bajiro yimasīűuju, “Quēnaro yiyumi” ĩre gājerā īna yirūcūb̄uorotire yigū. ¹⁷ Adi macarūcūro ti ruyuaroto ṟjorojūne,

ñacōadimasiñuju Cristo. To bajicōari, ï suorine jediro ñaja. ¹⁸ ï rijabosare suorine ï yarã mani ñarotire yiyumi Dios. Cristo ñaami rijacoaboardine quēna tudicatisuor'i. To bajir'i ñari, masa ñna rijato beroju “Tudirijabeticōato” yigu, Dios ï catisere ïre ajitirũnrãre ïsigũ ñagũmi. To bajicōari, ïre ajitirũnrãre, ïre ajitirũnũmenare quēne jediro uju ñagũ bajigũmi. ¹⁹ Dios, ado bajiro tuoiañuju: “Yu macu, yure bajirone bajigu ñari, ï sigũne yu ye ñajediro quēnasere cōagũ ñarucumi”, yituoiañuju Dios. ²⁰ Adigodoana, õ vecana quēne rojose yirã ñañujarã. To bajiri, rojose ñna yisere “Masiriogusa” yigu, ï macure rijarotiyumi. To bajiro ï yijama, ñna jediro ï rãca quēnaro ñna ñarotire yigu yiyumi.

²¹ Tirũmũjũrema Dios yarã me ñañuja mũa maji. Rojose tuoiacōari, rojose mũa yire suorine Dios ï ñajama, ïre terã ñañuja mũa. ²² To bajiro bajiriarã mũa ñaboajaquēne, ï tũju mũa ejaro, “Rojose mana ñaama” ï yĩarotire yigu, ï macure rijarotiyuju. ²³ To bajiro Dios ï yire ti ñaboajaquēne, ï tũ mũa ejarirũmu, “Rojose mana ñaama” ï yĩarotire mũa bojajama, ï macu suori quēnaro ï yire quetire ajitirũncōa ñaroti ñaja. Ti quetire masa ñajedirojũne ajirãma. Yu quēne, tire goticudigu ñaja.

Diore ajitirũnrãre Pablo ï ejarẽmore queti

²⁴ Cristo ocare ajitirũnrãre gotimasiocudigu, rojose tãmũogũ ñaboarine, variquēnaja yu. Gãjerã quēnaro ñna ñarotire bojagu ñari, rojose tãmũoñumi Cristo. To bajiri, yure quēne, to bajiro yu bajirotire bojayumi Cristo. ²⁵ “Cristo ocare jud'io masa me ñarãre quēnaro gotimasiocudirucumi” Dios ï yituoiararore bajirone Cristo yure ï yijare, Cristore ajitirũnrãre ejarẽmorimasu ñacaju yu. ²⁶ Yu gotimasiosere, tirũmũanajũma tire masibetimasinũma maji. Adirũmũrũrema, ï yarã ñarona tire ñna masirotire yiyumi Dios. ²⁷ “Jud'io masa me ñarã, yu suori quēnamasuse ñna yiecorotire masiato ñna, yu yarã” yigu yiyumi Dios. Ado bajiro bajiaja ti oca masa ñna masibeticati: Mũare ejacōari, mũa rãca quēnaro ñarũgũrucumi Cristo. To bajiri, “Dios tũju ejacōari, quēnamasuse yiecoruarãja mani”, yituoia variquēnaruarãja mũa.

²⁸ No bojaro yua vato masa jedirore Cristo ocare gotimasiocudiaja yua, “Ïre mũa ajitirũnũjama, rojose tãmũotũjabetiriaroju vabetiruarãja mũa” yirã. To yicōari, tocãrãcũne Cristore ñna ajitirũnũjama, Dios tũju ñna ejarirũmu, “Ñie rojose mana ñaama” ï yĩarotire yirã, yua masiro cōro quēnaro gotimasioaja yua. ²⁹ To bajiro ñna bajirotire bojarã, josase ti ñaboajaquēne, Cristo ï ejarẽmose rãca moarũgũaja yua.

2

¹ “Quēnaro mani ñarotire yigu, josari moarũgũgũmi Pablo” mũa yisere bojaja yu. Laodicea macana, to yicōari gãjerã yure ïabetiriarã Cristore ajitirũnrã, to bajise ñna yisere bojaja yu. ² Ado bajiro quēnaro mũa ñarotire yigu, josari moarũgũaja yu: Cristore mũa tuoivariquēnarotire, quēnabusaro mũa gãmerã mairũtuarotire, to yicōari, Cristo ocare quēnaro ajimasirotire yigu yaja. To bajiro mũa bajijama, masa ñna masibeticatire, “Yu yarã masiato” yigu, Dios ï yisere quēnaro masiruarãja mũa. To bajiro yu yijama, “Cristore quēnaro masiruarãja mũa” yigu yaja. ³ Cristo yarã rĩne ñaama, “Ti oca, masa ñna masibeticatire ñamasusere masiato” yigu, Dios ï yirã. ⁴ “Quēnaro gotitorãre ajitirũnrũrobe” yigu, tire mũare gotibu yu. ⁵ Mũa rãca ñabetiboarine, mũa rãca ñagũre bajiro tuoiaja yu. “Quēnaro ñacōari, Cristore ajitirũncōa ñarãma” mũare yituoiacōari, bũto variquēnaja yu.

“*Jesucristo, yu uju ñaami*” yiriarã ñari, ï bojarore bajiro rĩne yirũgũroti ñaja mũare”, Pablo ï yire queti

⁶ “Jesucristo, yu uju ñaami” yiriarã ñari, ï bojarore bajiro rĩne yicōa ñaroti ñaja mũare. ⁷ Mũa yirotire masiruarã, ïre sēnirũgũrũarãja. To yicōari, Epafras mũare ï gotimasiorarore bajirone Cristore quēnabusaro ajitirũnrũarãja mũa. To yicōari, “Quēnaro yaja mũ”, Diore ïre yivariquēnarũgũrũarãja.

⁸ To bajiri, gājerā ricati gotimasiorā, “Cristore bajiro bajirā ñarāma gājerā” ña yisocasere ajibesa m̄ua. Cristo ye me ñaja ti. Ña ñicua ña tuoīamasirarore bajiro tuoīacōari gotirā yama.

⁹ Gājerā manama. Cristo sīgūne ñaami jediro Dios ye c̄uogu. Manire bajiro ruju cutiboarine, Dione ñañumi Cristo. ¹⁰ Ī rotijama, ñim̄juua ñe c̄udibecu magūmi. To bajiri, Cristo yarā ñari, jediro ñamasuse c̄uorā ñaja m̄ua. Disejua r̄uyabeaja m̄uare quēne. ¹¹ Circuncisiōn ña yiecorijune, “Dios r̄iare bajiro bajirā ñacoaju mani” yituoīarā ñari, tire yirūgūrāma jud'io masa. To bajiro ña yiboase, mani rujuaye ti ñajare, Dios ĩ ñajama, vaja maja ti. M̄uajuarema, Cristore m̄ua ajitir̄un̄s̄uorone, m̄uare ejarēmoñumi, “Yu yarā ñacōari, rojose yirua tuoīabeticōato” yigu. ¹² Mani bautizaecojama, Jesucristo rāca rijariarāre bajiro bajiyuja mani. To bajicōari, “Jesucristo ĩ yuje ecoro bero, ĩ masise rāca ñe tudicatoyumi Dios” yituoīariarā ñari, Cristo rāca tudicatirāre bajiro bajiyuja mani. To bajiriarā ñari, Jesucristo ĩ ejarēmose rāca Dios ĩ bojarore bajiro yirā ñaja mani. ¹³ Tirūm̄uju rojose yiriarā ñari, Dios yarā me ñariarāja m̄ua maji. To bajiro bajiriarā m̄ua ñaboajaquēne, rojose m̄ua yirere masiriocōari, “Cristo ĩ ejarēmose rāca yu bojarore bajiro yirā ñato” yigu m̄uare yiyumi Dios. ¹⁴ R̄ijorojuma Dios ĩ rotimasirere c̄udijeobetiriarā mani ñajare, rojose t̄am̄uorona ñañuja mani maji. To bajiro mani bajiroti ti ñajare, yucātēroju ĩ mac̄ure rijarotiyuju Dios, “Rojose ña yise vaja, ñare vaja yibosato” yigu. To bajiri ĩ rijabosare s̄uorine rojose mani yisere masiriojeocōañuju Dios. ¹⁵ To bajiro Cristo ĩ rijabosare s̄uorine v̄atia rojose yirotirā, ña rotimasiboariarore bajiro, “Rotimasibeticōato” yigu yiyumi Dios.

“Dios ĩ bojase r̄ine m̄ua yijama, quēnaja”, Pablo ĩ yire queti

¹⁶ To bajiri, Cristo yarā ñari, Dios ĩ ñavariquēnarā ñaja m̄ua. To bajiri, gājerā socase gotirimasa ado bajise m̄uare ña yisere ajibesa m̄ua: “Ti ñaja babetiroti. Adi ñaja idibetiroti. Ñamiagu muiju ĩ roarirūmu beroagarūmu ñaja r̄uc̄ub̄uoriarūmu. Ūsus̄ajariarūm̄ure ado bajiro yirūgūroti ñaja”, m̄uare yirāma ña. ¹⁷ To bajiro ña yise, Cristo ĩ rijabosaroto r̄ijoro jud'io masare Dios roticūmasireju ñañuja maji. To bajiboarine, adir̄am̄urirema vaja maja ti. Cristo ĩ bojarore bajiro quēnaro mani yisejua ñaja vaja cuti. ¹⁸ “Ángel mesare yua yir̄uc̄ub̄uorore bajiro yir̄uc̄ub̄uomena m̄ua ñajare, m̄uare ñavariquēnabecūmi Dios” ña yisere quēne ajibesa m̄ua. Ña masune tuoīaboarine, “Yu c̄ajiriaroju ñacōari, quēnaro Dios ĩ rotisere gotiaja yua”, yirā ñarāma. “Ñamasurā me ñaja yua” yigotiboarine, ña tuoīasejuama, “Namasurā ñaja”, yituoīaboarāma. ¹⁹ Cristore ajitir̄un̄mena ñari, ĩ ye riojo gotirā me ñarāma. Cristo, sīgūne ñaami mani m̄ju. Dios ĩ bojarore bajiro manire ejarēm̄orūgūami Cristo, b̄utob̄usa gāmerā ejarēm̄ocōari, ĩ bojarore bajiro yirā mani ñarotire yigu.

²⁰ “Rojose yibeticōari, yu bojasejuare yato” yigu, ñe ajitir̄un̄ronare manire rijabosayumi Cristo. To bajiro ĩ bajire ti ñaboajaquēne, ¿no yirā Cristore ajitir̄un̄mena ña gotisere ajir̄uc̄ub̄uobati m̄ua? ²¹ “Tire moañabesa Tire babesa” ña yirotsere ajir̄uc̄ub̄uobesa m̄ua. ²² Jedise ñaja bare. To bajicōari, m̄uare ña rotise, Dios ye me ñaja. Masa ña masune tuoīacōari, ña gotimasiose ñaja. ²³ Ña ajivariquēnasere ña gotijama, tire ajicōari, “Quēnaro gotimasiama”, yituoīaboarāma sīgūri. To bajiro ña yiboajaquēne, quēnaro tuoīarā me ñarāma. Ado bajise ñare gotimasioboarāma ña: “Yu r̄uc̄ub̄uorāre m̄ua quēne m̄ua r̄uc̄ub̄uojama, quēnaja. ‘Masirā me ñaja’ m̄ua yituoīajama, quēnaja. Mani rujure rojose mani yijama, quēnaja. To bajiro mani yijama, rojose mani yisere yitujaruarāja mani”, yituoīaboarāma. To bajiro ña yiboase socase ñaja.

3

¹ Cristore ña s̄iaboajaquēne ñe catiomyumi Dios. To bajiro ñe yicōari, ò vecaju, “Yu rāca rotir̄uc̄uja m̄u”, ñe yiyumi. Cristore mani ajitir̄un̄roto r̄ijoro, Diore masimena ñari, rojose yirā ñañuja mani maji. To bajiro mani yirūgūboarere yitujacōari, Cristore mani ajitir̄un̄s̄uoriarūm̄une, “Yu t̄uju varuarāma”, manire yiyumi Dios. To bajiri, quēnaro manire ĩ yirotire tuoīarūgūroti ñaja. ² Adigodoaye rojose tuoīamenane, Dios

yɛuare tɔoɪarũgũroti ñaja. ³⁻⁴ Rojose mɛa yirũgũrere yitɔjacɔari, Cristore ajitirũnrã mɛa ñajare, “Í rãca ñarũgũrɛarãja mɛa” Dios í yiriarã ñañuja mɛa. To bajiri, rojose tɔoɪabetiroti ñaja. Cristo sɔorine mɛa rijato berɔjɛma “Tudirijabeticɔato” yigɛ, Dios í catisere í ísiriarã ñaja mɛa. To bajiri mɛa rãca ñagũmi Cristo. To bajiro í bajisere íamasibetiboarine, adígodo í tudiejaro, “Ñajediro ɛjɛ ñaami”, íre yirũcɛbɔorɛarãma masa ñajediro. To cɔrojɛ mɛare quẽne í rãca mɛa ñasere íacɔari, “Í yarã ñañuma”, mɛare yirũcɛbɔorɛarãma ñna yuja.

“Rojose yibesa mɛa”, Pablo í yire queti

⁵ Rojose mɛa yirũgũsere yitɔjaya mɛa. Manajo cɛtirã, manajɛ cɛtirã, manajo mana, manajɛ mana quẽne, gãjerã rãca ajeriarã cɛtibesa. Rojose yirɛa tɔoɪabesa. To yicɔari, Diore mɛa mairo rɛtoro, gajeyeũnire maibesa. Diore mɛa mairo rɛtoro, gajeyeũnire mɛa majama, Diore rũcɛbɔorã me yirãja mɛa. ⁶ Rojose yirãre Dios rojose ñnare í yiroti ti ñajare, rojose yibesa mɛa. ⁷ Tirũmɛjɛ rojose yimasiriarãja mɛa maji. ⁸ Adirũmɛrrema ñajediro rojose mɛa yirũgũrere to cɔrone tire yitɔjaya. Gãjerã rojose mɛare ñna yiboajaquẽne, jũnisinibesa mɛa. Gãjerãre íatebesa. Gãjerãre rojose ñagɔmacabesa. ⁹⁻¹⁰ Mɛa socarũgũriarore bajiro socabesa mɛa. Cristore mɛa ajitirũnrɛsɔorone, mɛare ejarẽmosɔoyumi. To bajicɔari, quẽnabusaro Diore mɛa masirotire yigɛ, mɛa rãca ñacɔa ñagũmi. To bajiri ñajediro rojose yibetiroti ñaja. ¹¹ To bajiro ti bajijare, jud'io masa mɛa ñajama, mɛa ñabetijaquẽne, no yibeaja. Circuncisión yiriarã mɛa ñajama, mɛa ñabetijaquẽne, no yibeaja. Gãjerã masa ñaboarine, mɛa rãcana yere ajimasirã mɛa ñajama, mɛa ñabetijaquẽne, no yibeaja. Moabosarimasa mɛa ñajama, mɛa ñabetijaquẽne, no yibeaja. Cristo ñaami mani jediro ɛjɛ. Manire ejacɔari, mani rãca í ñase rĩne ñaja ñamasusema.

¹² “Yɛ yarã ñañna mɛa” yigɛ, Dios í beseriarã ñarãja mɛa quẽne. To bajiri í íamairã ñarãja mɛa. To bajiro bajirã ñari, gãmerã íamaicɔari, quẽnaro yirũgũroti ñaja mɛare. “Yɛ rɛtoro ñamasurã ñaama”, gãjerãre yirũcɛbɔorũgũroti ñaja. Gãjerã mɛare rojose ñna yiboajaquẽne, ñnare jũnisinibetiroti ñaja mɛare. ¹³ ñnare jũnisinibeticɔari, rojose mɛare ñna yisere masiriorɛarãja mɛa. Mani ɛjɛ rojose mɛa yisere í masiriorarore bajirone rojose mɛare yirãre masirioya mɛa quẽne. ¹⁴ Ti jediro yiroti ti ñaboajaquẽne, rɛtoro ñamasuse ñaja gãmerã íamaire. Mɛa gãmerã íamaijama, Dios í bojarore bajiro yirã, quẽnaro ñarũgũrɛarãja mɛa. ¹⁵ Cristo sɔorine quẽnaro ñarã ñari, mɛa yirotire tɔoɪacɔari, “To bajiro yɛ yijama, ñna rãca quẽnaro ñacɔarɛcɔja” yimasicɔari rĩne, yirɛarãja mɛa. Quẽnaro mɛa ñarũgũsere Dios í bojjare, to bajiro yirũgũrɛarãja mɛa. Í sɔorine quẽnaro ñarã ñari, “Quẽnaro yaja mɛ”, Diore yirũgũrɛarãja mɛa.

¹⁶ Cristo ocare masirã ñari, quẽnaro tɔoɪacɔari, tire gãmerã gotimasiorũgũrɛarãja mɛa, “Ti ocare bɛtɔbɛsa masirãsa mani” yirã. To yicɔari, Dios ocare masa ñna ucamasire basare, Diore tɔoɪarã basare quẽne, basaya mɛa. To bajiro mɛa yijama, mɛare quẽnaro Dios í yisere tɔoɪacɔari, bɛto variquẽnase rãca basarũgũrɛarãja. ¹⁷ To yicɔari, tocãrãcãjine mɛa gotijama, mɛa moajaquẽne, mani ɛjɛ Jesúre ajitirũnrã ñari, í bojarore bajiro rĩne yirũgũrɛarãja mɛa. To yicɔari, “Quẽnaro yaja mɛ”, mani jacɛ Diore yivariquẽnarũgũrɛarãja mɛa.

Cristore ajitirũnrã mani bajise queti

¹⁸ Rõmiare, manajɛa cɛtirãre, mɛare gotigɛ yaja yɛ. Cristore ajitirũnrã ñari, mɛa manajɛare quẽnaro ajirũcɛbɔorũgũña. ¹⁹ Ũmɛajɛare, mɛare quẽne gotigɛ yaja yɛ. Mɛa manajoare quẽnaro maiña. To yicɔari, quẽnaro ñnare gotiya.

²⁰ Rĩamasajɛare, ado bajise mɛare quẽne gotiaja yɛ: Tocãrãcãjine mɛa jacɛa ñna rotirone bajirone cɛdirũgũrɛarãja mɛa. To bajiro mɛa yisere íacɔari, variquẽnarɛcɛmi mani ɛjɛ. ²¹ ñna jacɛajɛare, mɛare quẽne gotigɛ yaja yɛ. Mɛa rĩare tud'ibesa, “Ajisɛtiriticɔari, quẽnasere yitɔjaroma” yirã.

²² Moabosarimasare, mɛare quẽne gotigɛ yaja yɛ. Cojɔji rɛyabeto variquẽnase rãca mɛare moare rotirãre quẽnaro cɛdiya mɛa. “Manire moare rotirã ñna íaro

rīne quēnaro moaruarāja, ‘Manire ĩavariquēnato’ yirā”, yituoĭabetiruarāja mua. ĩna ĩaro, ĩna ĩabeto quēne, quēnaro ĩnare moabosarūgūruarāja mua, “ĩnare quēnaro mani moabosabetijama, rētoro masigū, mani uju, Cristo, manire ĩavariquēnabecumi” yituoĭa güirā ĩari. ²³ Mua yimasiro cōro Cristore mua moabosarore bajirone muare rotirāre quēnaro ĩnare moabosaruarāja mua. ²⁴ Cristo sīgūne ĩaami mani uju ĩamasugū. To bajiri, ĩajediro ĩ bojarore bajiro yirūgūroti ĩaja manire. To bajiro tuoĭacōari, mani moajama, ĩre moabosarā yirāja mani. Tire masiritibesa. Mani uju ĩari, ĩ gotiriarore bajirone quēnaro manire vaja yirucumi. Ti ĩaja ĩ ĩaroju ejacōari, gājerā ĩre ajitirūnurā rāca quēnamasuse manire ĩ ĩsiroti. ²⁵ To bajiboarine rojose mua yirūgūjama, rojose muare yirucumi Dios. To bajiri, “Ānoama rojose yirā ĩna ĩaboajaquēne, quēnaro ĩnare yirucuja yu”, yigu me ĩaami.

4

¹ Moarimasa ujarāre, muare quēne gotigu yaja yu. Muare moabosarimasare quēnaro ĩnare yiya. Sīgūne ĩaami mani uju ĩamasugū, muare moabosarimasare, to yicōari muare quēne rotigu. ĩne ĩaami mua yise jedirore sēniĩarocū.

² Mua jedirore gotigu yaja yu. Tocārācarūmūne Diore sēnirūgūroti ĩaja. To yicōari, ĩ yirēmosere masicōari, “Quēnaro yaja mu”, yirūgūroti ĩaja. ³ Yuare quēne ado bajiro sēnibosarūgūña mua: “ ‘Cristo oca masa ĩna masibeticatire Pablo mesa gājerāre gotimasiodiatio’ yigu, ĩnare ejarēmoña mu”, ĩre yisēnirūgūña mua. Tire gotimasioigū ĩari, tubibe ecoaja yu. ⁴ Quēnaro riojo yu gotimasiorotire yirā, Diore sēnirūgūña mua. To bajirone yicōa ĩaroti ĩaja yure.

⁵ Cristore ajitirūnūmena rāca mua ĩajama, quēnaro ĩaña mua. To bajiĩarā, cojorūmu gotimenane, ĩabesa. Tocārācarūmu Cristo ocare ĩnare gotimasiodōa ĩaña. ⁶ ĩnare mua gotijama, quēnaro tuoĭacōari, gotiya. To bajiro yicōari, muare ĩna sēniĩajama, quēnaro cudimasiruarāja mua.

Pablo ĩ gotitusare queti

⁷ Adoju yu rācagu, mani maigū, T'iquico vāme cutigu ĩaami. Mua taju ĩre cōagū yaja yu. Tojūre ejacōari, yu bajise queti muare gotirucumi. Yure quēnaro ejarēmōrūgūgū, to yicōari, mani uju ĩ bojasere yigu ĩaami. ⁸ To bajiro yigu ĩ ĩajare, mua taju ĩre varotibu yu. Toju ejacōari, yu bajise quetire gotirucumi. Tire ajivariquēnaruarāja mua. ⁹ ĩ rāca, mani maigū, Onésimo vāme cutigu mua ya macagure quēne, varotibu yu. Quēnaro yuare ejarēmōrūgūmi ĩ quēne. ĩ rāca ĩacōari, yu bajirūgūse jedirore gotiruarāma.

¹⁰ Adoju tubiberiaviju yu rāca ĩagū Aristarco vāme cutigu, muare quēnarotiami. Bernabé tēñ, Marcos vāme cutigu quēne muare quēnarotiami. “Mua taju ĩ ejacoajama, ĩre quēnaro yiba”, muare yiucacōacaju yu, jere. ¹¹ Jesús Justo vāme cutigu quēne muare quēnarotiami. Jud'io masa vatoajure adocārācūne ĩaama, yu yarā, “Rotimōrūgōrucumi” yigu, Dios ĩ cōar'i, Cristo ocare yu rāca gotimasiodirā. Yure buto ejarēmōrūgūama. ¹² Mua ya macagu, Cristo ĩ bojasere yigu, Epafras vāme cutigu quēne, muare quēnarotiami. Diore ajitirūnu tujabeticōari, Dios ĩ bojarore bajiro rīne mua yiotire yigu, cojoji me Diore muare sēnibosarūgūami. ¹³ Muare, mua tuanare quēne, Laodicea macanare, Hierápolis macanare quēne buto tuoĭamaigū ĩari, to bajiro muare sēnibosarūgūami. To bajiro ĩ yirūgūsere ĩagū ĩari, muare gotiaja yu. ¹⁴ Uco yirimasu, Lucas vāme cutigu, yu maigū quēne, muare quēnarotiami. Demas vāme cutigu quēne, to bajirone yami.

¹⁵ Cristore ajitirūnurā, Laodicea macana, “Quēnato ĩna”, yaja yu. Ninfa vāme cutigore quēne “Quēnato”, yaja. Cristore ajitirūnucōari, so ya viju rējarūgūrāre quēne, “Quēnato”, yaja yu. ¹⁶ Adi papera rāca muare yu gotisere mua ĩajeoro bero, Laodicea macana Cristore ajitirūnurāre ĩsirā vaja mua, “ĩna quēne ĩato” yirā. To yicōari, ĩnare yu papera cōacatiuare juacōari, ĩama mua quēne. ¹⁷ Arquipo vāme cutigure ado bajiro ĩre gotiya: “Mani uju Jesucristo mure ĩ rotirere quēnaro yijeoroti ĩaja”, ĩre yigotiya.

¹⁸ Үм Pablo, ум масуне, “Quēnato”, мӳаре yiucacōaja ум. Adoјм ум tubibe ecosere masiritibeticōari, Diore умре sēnibosarūgūña маа. Үм quēne, Diore sēnigū, ado bajiro мӳаре sēnibosaja ум: “Quēnase ĩnare cōarūgūña ма”, ĩre yisēniaja ум.
To cōro ñaja.

Primera carta de San Pablo a los TESALONICENSES

Tesalónica macanare Cristore ajitirünuräre i babarã rãca Pablo i ucacõare queti

¹ ¿Ñati Jesús ocare ajitirünurã, Tesalónica macana? Yũ Pablo, yũ babarã Silvano^a, Timoteo rãca adi quetire mũare ucacõaja, Dios mani jacũ, to yicõari, mani mũũ Jesucristo yarãre. Diore mũare sēnibosaja yũa, “ Ñnare ñamaicõari, ejarēmoña mũ’, quēnaro ñna ñarotire yigũ”.

“Mũa bajisere tũoĩacõari, ‘Quēnaro yaja mũ’ Diore ñre yivariquēnaja yũa”, Pablo i yire queti

² Tocãrãcajine Dios mani jacũre ñre sēnirã, mũa jediro mũa bajisere tũoĩacõari, “Quēnaro yaja mũ”, ñre yisēnirũgũaja yũa. ³ Ado bajiro bajirã mũa ñajare, to bajiro yirũgũaja yũa: “Yũare ejarēmorcũmi” Diore ñre yitũoĩarã ñnari, quēnaro yĩñaja mũa. Gãmerã mairã ñnari, gãjerãre quēnaro ejarēmorũgũaja. “Mani mũũ Jesucristo i tudiejaro bero, i rãca rijamenane ñarũgũrũarãja”, yitũoĩa tũjabeaja mũa. To bajiro tũoĩarã ñnari, rojose tãmtũorũgũrã ñaboarine, “Yũare ejarēmorcũmi”, ñre yitũoĩa tũjabeaja mũa. To bajiri, to bajiro mũa bajise Dios sũori ti bajijare, “Quēnaro yaja mũ”, Diore ñre yivariquēnaja yũa. ⁴ To bajiro Diore yaja yũa, mani mũũ yarã ado bajise mũa bajisere masirã ñnari: Dios i ñamairã, i beseriarã ñañuja mũa. ⁵ “To bajiro mũare yiyumi Dios”, yimasajaja, ado bajiro bajicati ti ñajare: “Jesús i rijabosare sũori manire ñavariquēnaami Dios” yire quetire yũa gotimasiojama, yũa masune tũoĩarujeocõari, gotirã me mũare gotimasiorũgũcajũ. Dios i rotise rãca mũare gotimasiojajũ yũa. Dios i cõagũ Esp'iritu Santo sũorine tũoĩacõari, “Socase me ñaja”, yimasicajũ mũa. Mũa rãca yũa bajiñacatire masicõari, “Quēnaro mani ñarotire yirã mani tũjũ ejayuma”, yũare yimasirãja mũa.

⁶ To bajiri mũa quēne, yũa yicacatire bajirone quēnaro yirũgũcajũ mũa. To yicõari, mani mũũ Jesús i yiriarore bajirone yirũgũcajũ mũa. To bajiri bajicatore bajirone rojose tãmtũoboarine, “Variquēnato” yigũ, Esp'iritu Santo mũare i ejarēmocati ñajare, bũto ajivariquēnacajũ mũa. ⁷ To bajiro mũa bajiñacatire ajicõari, mũa ye sitana Macedonia ñarã, adoana Acaya sitana quēne, “Ñna bajiñariore bajiro yiroti ñaja manire”, yama ñna, Cristore quēnaro ajitirünurũarã jediro. ⁸ To bajiri mũa gotimasiose sũorine mani mũũ Jesús ocare ajiyuma Macedonia sitana, Acaya sitana. Ñna rĩ mere, gajeroana jãjarãre gotimasioñuja mũa. Quēnaro mũa yirere ajicõari, “Cristore quēnaro ajitirünurã ñnaama Tesalónica macana”, mũare yama. To bajiro mũa bajisere jēre ñna masicõajare, gajerojũ yũa vacudijama, mũa bajisere gotibetirũgũaja yũa. ⁹ Ñnajua roque yũare quēnaro mũa yicacatire gotirũgũama. “Ado bajirã ñarãma” mũa masune yiquēnorũjeocõari, mũa rũcũbũoboarere yitũjacõari, Dios catimũorũgõrocũjũare mũa ajitirünũsũocacatire gotirũgũama. ¹⁰ Gajeye ado bajiro mũa gotisere yũare gotirũgũama: “Dios macũ Jesús, i bajirocaro bero, Dios i catior'i, õ vecajũ ñagũmi. I ñnaami rojose mani yise vaja rojose tãmtũotũjabetiriarojũ manire Dios i reacõaborotire manire yirētobosarocũ. To bajiro yiocũ i tudiejarotire yurã yaja” mũa yĩñasere quēne yũare yigotirũgũama ñna.

2

Tesalónica macana rãca Pablo i bajiñarere i gotire queti

¹ Yũa mairã, mũa tũ yũa bajiñacatire tũoĩacõari, “Bũto quēnacajũ”, yimasajaja mũa. ² Mũa tũjũ yũa ejaroto rĩjoro, Filipos ñna yirimacajũ ñacajũ yũa. Tojũ yũa ñaro rojose yũare yicama. Mũa ya macana quēne yũare gotirotibetiboacama. Jēre tire masajaja mũa. Yũare ñna gotirotibetiboajaquēne, Dios i ejarēmose rãca mũare goticõacajũ, Dios

^a 1:1 yũ babarã Silvano, Timoteo rãca a 1.1 Silas ti yijama, griego oca rãca yiyuju. Silvano ti yijama, latín oca ñañuju. Hch 15.22; 18.5 macañna.

oca Jesús suorī quēnaro ī yise quetire. ³ Socasere ajirūcubnorā me ñari, tire mware goticaju yua. Rojose yiruarā me, mware goticaju. Mware yitoruabeticaju. ⁴ “¿Yū bojarore bajiro yirā ñati?” yigū, yware rotiācōari, variquēnañumi Dios. To bajicōari, “Yū macu suorī quēnaro yū yise quetire gotiruarāja mwa”, yware yirotiyumi. To bajiri ī gotirotirote bajirone gotirūgūaja yua. “Masa ajivariquēnato” yirā me, gotirūgūaja. “Dios ajivariquēnato” yirāñua, gotirūgūaja. ⁵ “Oca quēnase rāca yware yitorā me yama”, yware yimasicaju mwa. “Gājoa manire īsiato” yirā me, mware goticaju yua. Tire masiaja mwa. Dios quēne, tire masiami. ⁶ “Ñamasurā ñaama’ yware yato” yirā me, mware goticaju yua. Noajuane, “Manire rūcubuoato” yirā yua goticana manicama. ⁷ Mware rotibeticaju yua. Cristo ī cōarā ñari, yua rotijaquēne, quēnacōaboariaroja. To bajiboarine, sīgō rōmio so rīacare so īatirūnūrore bajiro mware īatirūnūrūgūcaju yua. ⁸ To bajiro mware īamairā ñari, “Cristo ye quetire īnare gotimasioruarāja”, yituoīa variquēnarūgūcaju yua. Ti rī mere yivariquēnarūgūcaju yua. “Manire īaterā manire īna sīaroti ti ñaboajaquēne, īnare gotimasioruarāja”, yivariquēnarūgūcaju yua, mware īamairā ñari. ⁹ Yua mairā, mwa tu ñarā, buto josari yua moarūgūcatire masiritimenaja mwa. Ūmwa, ñami quēne moarūgūcaju yua. Toju mwa tūju yua ñase vaja, yua base vaja quēne yware mwa vaja yibosajama, josaboriaroja ti, mware. Tire masirā ñari, “Vaja yibeticōato īna” yirā, Dios oca gotirā ñaboarine, gajeye moare yua masune moacōari, bare vaja yibarūgūcaju yua.

¹⁰ Mwa tūju ñarā Dios ī bojarore bajiro quēnaro yirūgūcaju yua. Tojūre quēnaro riojo yirūgūcaju yua. To bajiri socamenane, “Rojose yicama” yirā manama mwa tu ñarā. To bajiro yua bajicatire īacana ñari, “Īna yicatore bajiro yirūgūcama īna”, yware yīñagōbosa masiaja mwa quēne. Dios quēne tire yware yīñagōbosa masigūmi ī. ¹¹ “Rīa cutigū ī rīare maigū, tocārācure quēnaro ī yirore bajiro manire yirūgūcama īna”, yware yimasiaja mwa. ¹² Rojose mwa tāmūojama, mwa tāmūobetijaquēne, quēnaro mware gotimasiorūgūcaju yua, “ ‘Manire ejarēmōrucūmi’ Cristore īre yituoīa tūjabeticōato” yirā. “Dios ī bojarore bajiro mwa yisere buto bojaja yua”, mware yirūgūcaju yua. Dios ñaami rētoro ñamasugū, quēnaro rotigū, “Yū tūju ñaruarāja” mware yigū.

¹³ Gajeye ado bajiro mwa bajicatire tuoīacōari, “Quēnaro yaja mū”, Diore īre yisēnirūgūaja yua. Dios oca mware yua gotimasioatire ajicōari, “Īna masune tuoīacōari, gotirā me yama” yimasicōari, yware ajitirūnūncocaju mwa. To bajiri socase me ñaja Dios ye yua gotimasiorūgūse. To bajiri, tire quēnaro ajitirūnūjama, Dios ī bojasere yirā ñaruarāma. ¹⁴ Yua mairā, ti ocare ajitirūnūrā mwa ñajare, rojose mware yiyuma mwa yarā. Mwa yiecorore bajirone yiyuma jud'io masa quēne, īna yarā Jesucristo ocare ajitirūnūrāre. ¹⁵ Īna yarāne ñaama Cristore sīariarā. Rījoroju Diore gotirētobosariarāre quēne īnane sīariarā ñaama īna. Yware quēne tud'irā, varotiana ñaama. To bajiro yirā ñari, Dios ī īavariquēnamena ñaama. Jediro masare īaterā ñaama. ¹⁶ Jud'io masa me rojose tāmūotūjabetiriaroju īna varotire bojamena ñari, Dios ocare gotimasioruaboacaju yua. Yware gotimasio rotibetirūgūama. Rēmojūne, rojose rīne īna yicōasuoādire ñajare, to bajirone bajiaja adirodore quēne. Rojose īna yitūjabetijare, rojose īnare yicōagūagū yami Dios yujā.

Tesalónica macajūre Pablo ī tudivarua tuoīare queti

¹⁷ Yoaro mene quēna mwa tūju yua tudivarotire gotirūaja yū. Yua mairā, mware yua vadiveocato bero, mware īabetiboarine, tocārācarūmūre mware tuoīacōa ñarūgūaja. To bajiri, mware buto tuoīarā ñari, mware īarā varuarūgūboacaju yua. ¹⁸ Yū masu quēne cojōji me mware īagū varuarūgūboacaju yū. Tocārācājine mwa tūju īarā yua varuacōarore, “Ejabeticōato” yigū, rojose yware yirūgūñumi vātia ūju Satanás. ¹⁹ Mani ūju Jesucristo ī tudivado yua īorona mwa ñajare, mware īarā varuacaju yua. “Mū oca īnare yua goticati ñajare, mure ajitirūnūncama īna”, Cristore īre yīōvariquēnaruarāja yua. To bajiro yua yiroti ti ñajare, Jesús ī tudivadirotire buto tuoīavariquēnaja yua. Gājerāre yua tuoīaro rētoro mware tuoīavariquēnaja. ²⁰ Socarā me yaja yua. Cristore mwa ajitirūnūscere buto tuoīavariquēnaja yua. Tire īre gotivariquēnaruarāja.

3

¹⁻² To bajiri, ĩarā vabeticōari, m̄ua bajisere ajiruarā ĩari, yua maigũre, Dios ĩ bojase yigure Timoteore toju ĩre cōacaju yua. Yua rācagu, Jesucristo ocare masare gotimasiodudigu ĩaami ĩ quēne. To bajiri, “Quēnaro ĩnare gotiba m̄u, ‘Manire ejarēmōūc̄umi’ Jesucristore ‘ĩre yituoĭa tujabeticōato ĩna’ yigu”, ĩre yicōacaju yua. Yuj̄uama, Silvano rāca tujacaju yu, Atenas vāme c̄uti macarema. ³ Rojose tām̄orā ĩaboarine, “Tire s̄utiritibeticōato” yirā, ĩre cōacaju yua. Masiaja m̄ua: Cristore ajitir̄un̄rā ĩari, rojose tām̄oroti ĩaja. ⁴ M̄ua rāca ĩarāj̄u, cojosi me ado bajise m̄uare goticaju yua: “Cristore ajitir̄un̄rā m̄ua ĩajare, rojose m̄uare yiruarāma gājerā”, m̄uare yicaju yua. M̄uare yua goticatore bajirone bajiyuja ti. ⁵ To bajiro ti bajijare, ado bajise m̄uare yituoĭarejaicaju yu: “ĶCristore ajitir̄un̄cōa ĩaboati ĩna? Vātia ūju Satanās, ‘ĶCristore ajitir̄un̄besa’ yirotibetiboati ĩ? To bajiro ĩ yisere ĩna ajijama, yua gotimasioboacatiujare ajitir̄un̄ tujaruarāma”, yituoĭarejaicaju yu. To bajiri, tire masir̄u, m̄ua tuj̄u Timoteore ĩre cōacaju yu.

⁶ M̄ua tuj̄u ejar'i, adoju tudiejami quēna. Adoju ejacōari, m̄ua bajise quetire oca quēnasere gotitudiejami. “Cristore ĩre ajitir̄un̄cōa ĩaama ĩna. To yicōari, quēnaro gāmerā ĩamaicōa ĩaama”, yimi. “‘M̄uare quēnaro tuoĭaja yua’ yima ĩna”, yuare yimi. “ĩnare mani ĩaruaro cōro manire ĩaruama ĩnajua quēne”, yuare yimi Timoteo. ⁷ To bajiro ĩ yijare, Cristore ĩre m̄ua ajitir̄un̄cōa ĩasere ajicōari, b̄uto variquēnaja yua. Gājerā s̄uori b̄uto rojose tām̄orā ĩaboarine, tire ajivariquēnaja yua. ⁸ To bajiri, Cristore ĩre m̄ua ajitir̄un̄cōa ĩasere ajicōari, b̄uto variquēnam̄u yua. ⁹ M̄ua bajisere tuoĭavariquēnacōari, “Quēnaro yaja m̄u”, Diore ĩre yisēni tujabetiruarāja yua. ¹⁰ Ūm̄ua, ĩami quēne, ado bajiro ĩre sēnir̄ugūaja yua: “‘ĩna tuj̄u ejato’ yigu, yuare yirēmoĭna m̄u”, ĩre yir̄ugūaja yua. “‘B̄utob̄usa Cristore ajitir̄un̄cōato’ yirā, ĩna masibetire ĩnare yua gotimasiorotire yigu, yuare yirēmoĭna m̄u”, ĩre yir̄ugūaja yua.

¹¹ To bajiri ado bajiro mani jac̄u Diore to yicōari, mani ūju Jesucristore yisēniaja yua: “‘ĩna tuj̄u ĩarā vajaro’ yirā, yuare ejarēmoĭna”, ĩnare yaja yua. ¹² To yicōari, ado bajise m̄uare sēnibosaja yua: “‘B̄utob̄usa gāmerā ĩamaiato ĩna’ yirā ĩnare ejarēmoĭna”, ĩnare yaja yua. “‘Gājerāre quēne ĩamaiato ĩna’ yirā, ĩnare ejarēmoĭna”, yaja yua. “‘ĩnare yua mair̄ore bajiro maiato ĩna’ yirā ĩnare ejarēmoĭna”, ĩnare yaja yua, m̄uare sēnibosarā. ¹³ To bajiro m̄ua majama, rojose m̄ua tuoĭasere “Yitujacōari, quēnase r̄ine tuoĭato” yigu, m̄uare ejarēmōūc̄umi Dios. To bajiro m̄uare ĩ yijama, mani ūju Jesús ĩ yarā rāca ĩ tudiejarir̄um̄u, mani jac̄u Dios ĩ r̄ĳorojuā ĩie rojose mana ĩaruarāja m̄ua. To bajirone bajiato.^b

4

Dios ĩ ĩavariquēnase queti

¹ Yua mairā, gajeye m̄uare gotir̄uaja yua. “Ado bajiro m̄ua ĩajama, m̄uare ĩavariquēnarūc̄umi Dios”, m̄uare yimasioacaju yua. Tire ajicōari, quēnaro ĩaĭuja m̄ua. To bajiri, Dios m̄uare “ĩavariquēnato” yirā, b̄utob̄usa ĩ bojasere m̄ua yisere bojaja yua. Mani ūju Jesucristo to bajiro yuare ĩ yirotijare, to bajiro m̄uare yaja yua.

² Mani ūju Jesús ĩ roticatore bajirone m̄uare yua roticatire masiaja m̄ua jēre. ³ Ado m̄ua bajisere bojaami Dios: Dios yarā m̄ua ĩajare, quēnase r̄ine m̄ua yisere bojaami. Manajo c̄utirā, manaju c̄utirā, manajo mana, manaju mana quēne, m̄ua gāmerā ajeriarā c̄utisere bojabeami. ⁴ Manajo c̄utiḡu, ĩ manajo rāca r̄irene gājerāre ajeriarā c̄utibec̄une, r̄uc̄ub̄uose rāca ĩie oca mano ĩ yĩñajama, quēnaja. ⁵ Diore masimena ĩari, ĩna bojarore bajiro ajeriarā c̄utir̄ugūama. ĩnare bajiro yibetir̄ugūna. ⁶ ĩnare bajiro m̄ua yijama, b̄uto rojose m̄uare yir̄uc̄umi Dios. Jēre adirene m̄uare goticaju yua. ⁷ “Rojose yirā ĩnato” yigu me, “Ȳu yarā ĩnato”, manire yiyumi Dios. “Quēnasejuā yato” yigu, to bajiro yiyumi. ⁸ To bajiro yigu ĩ ĩajare, adi yua gotimasiosere ajimena yua r̄ĳ mere terāma. Diore quēne terāma ĩna. Rojose mani yisere “Yitujato” yigu, Esp'iritu Santore manire cōaĭumi Dios.

^b 3:13 2 Ts 1.7, 10.

⁹ “Gãmerã ãamairoti ñaja” mua yimasiro tire jere muare ejarẽmoñumi Dios. To bajiri yuama, “Gãmerã ãamaiña mua”, muare yiucaõabeaja. ¹⁰ Quẽnaro yirã ñaja mua. Macedonia sitana Cristore ajitirũnarẽ ãamairã ñañuja mua. To bajiro yirã ñaboarine, butobusa ñnare mua ãamajama, quẽnaruroja. Yuã mairã, to bajiro mua yiro tire buto bojaja yuã. ¹¹ Ñie oca manone quẽnaro ñaruarãja mua. Gãjerãre gõjanabiomenane, mua moasere moacõa ñaña. ¹² To bajiro mua yijama, muare ãacõari, “Quẽnaro yirã ñaama”, muare yĩarũcũbuoruarãma Cristore ajitirũnũmena. Ñiejua ruyabetiruarõja, muare.

Mani ɸju Jesús ã tudivadiroti queti

¹³ Yuã mairã, Cristore ajitirũnũriarã bajireariarã ñna bajiro tire muare gotirã yaja yuã. Diore masimenama, bajireariarã ñna bajisere riojo masibeama ñna. Bajireariarãre tuoãcõari, buto sutiritiama. “Quẽna tudicatioaruarãma”, yituoĩarã me ñaama. Ñna tuoĩarore bajiro mua tuoĩasere bojabeaja yuã. “Quẽna tudicatioaruarãma”, yirã ñaja manima. ¹⁴ “Jesús ã bajirocacoaboajaquẽne, quẽna ñre catioyumi Dios”, yimasijaja mani. Tire masicõari, “Cristore ajitirũnũriarã bajireariarãre quẽne tudicatioarũcũmi Dios”, yituoĩaja mani.

¹⁵ Ado bajiro muare gotijaja yuã, mani ɸju Jesús ã bueriarãre ã gotimasiorere: Adigodo caticõa ñarãjuama, ñre ajitirũnũcõari, bajireariarã rĩjoro juacobetiruarãja mani. ¹⁶ Ado bajiro bajiruroja ti, Jesús adi macarũcũroju ã tudivadirotirũmũ: Dios ã rotijare, ángel mesa ɸju ã ñagõse ocaruyururoja. To bajicõari, Dios ya jutiria ti busise ocaruyururoja. To cõrone, õ vecaju mani ɸju ã masune rujiadirũcũmi. To bajiro ã bajirone, ñre ajitirũnũriarã bajireariarã, quẽna tudicatioaruarãma. ¹⁷ Ñna tudicatirone, ñna rãca adigodo catiñarã Cristore ajitirũnũriarãre juarẽorotirũcũmi Dios. To yicõari, oco bueri vatoaju ñnare juamũjarotirũcũmi, “Ñna ɸjure Cristore bocato” yigũ. Toju ã rãca ñacõa ñarũgũrũarãja mani. ¹⁸ To bajiri adi yuã gotisere ajiri, gãmerã ñagõvari quẽnaña mua.

5

¹ “Tirũmũ, tirodo ñnaro masu vadirũcũmi mani ɸju”, yimasijaja maja. Jere tire masijaja mua. ² “To cõro vadirũcũmi” masa ñna yimasibetiju vadirũcũmi. Juarudirimasũ ã ejarotire quẽne, “To cõro juarudigu ejaugũ yigũmi”, yimasibeaja mani. To bajirone bajirũcũmi Cristo quẽne. “To cõro ñnaro ejarũcũmi”, yimasibetiruarãja mani. ³ Ado bajisejuã yimasijaja mani: Diore masimena, “Ñie oca mano quẽnaro ñaja mani” ñna yiboaro, ñnaro tũsarone gũiose ejaruroja. Rõmio quẽnaro gũda so ñnaro gajane, ñnaro tũsarone jũnise sore ejarõja, so macũ cõtirijaujũre. Tire bajirone bajiruroja Jesús ã ejaroti quẽne. Masiñamanone ti bajijare, rudimasimena ñnari, buto rojose tãmuoruarãma ñna masa Diore masimena. ⁴ Mũajuama, rẽtiaroju ñnarẽ bajiro bajirã me ñaja mua. To bajiri mani ɸju ã tudivadisere ñaucabetiruarãja mua. Juarudirimasũ ã ejasere ãcõari, masa ñna ucarore bajiro ucabetiruarãja. ⁵ Dios ã bojase yirã ñnari, busuroju ñnarẽ bajiro bajirã ñaja mua. Dios ã bojabeti yirũgũrũma, rẽtiaroju ñnarẽ bajiro bajirã ñaama. ⁶ To bajiri Jesucristo ã vadirotire tuoĩamenare bajiro bajirã me ñaja mani. Tire quẽnaro tuoĩayurã, rojosere yiruarã ñaboarine, tire yimena ñaja mani. ⁷ Ñamire cãniama masa. Gãjerãma, ñamire idimecũrũgũama. ⁸ Manima, ñnare bajiro bajirã me ñnari, busuroju ñnarẽ bajiro bajijaja. To bajiri, tocãrãcajine quẽnase rĩne yĩnarũgũroti ñaja, mani ɸju ã tudivadirotire tuoĩayurã. “Manire ejarẽmorũcũmi” mani ɸjure mani yituoĩase, mani gãmerã maise suorine vãti manire rojose ã yiro tiboasere cũdibetiruarãja mani. To yicõari, Jesucristo ã vadirotire tuoĩayu tũjabetiruarãja mani, “Rojose tãmuotũjabetiruarõju mani vaborere manire yirẽtobosarũcũmi” yirã. ⁹ “Rojose ñna yise vaja rojose tãmuoato” yigũ me, “Yuã yarã ñaña mua”, manire yiyumi Dios. Mani ɸju Jesucristo manire ã rijabosare suorĩ rojose tãmuotũjabetiruarõju mani vaborere manire yirẽtobosarũ, “Yuã yarã ñaña mua”, manire yiyumi. ¹⁰ Manire rijabosayumi Jesús, “Yũre ajitirũnũrã, yũ rãca ñacõa ñarũgũato” yigũ. To bajiri tudiejagu, mani caticõa ñajama, mani rijacoajaquẽne manire juamũjarũcũmi, “Yuã rãca ñacõa ñarũgũato” yigũ. ¹¹ To bajiro ti bajijare, tire gãmerã

gotiya m̄ua, “Ajivariquēnacōari, b̄utobusa mani ɥjare ĩre ajitirũnũato” yirã. Jere m̄ua yĩnasere masiaja yua. To bajirone yicōa ñarũgũña.

Pablo ĩ gotiquēnorotire queti

¹² Yua mairã ado bajiro m̄ua yijama, quēnarũaroja: M̄uare ũmato ñarãre Dios ĩ c̄uriarãre quēnaro r̄ucubũoya. ¹³ Quēnaro m̄uare ejarēmorũgũama ĩna. To bajiri, “Ñamasurã ñaama”, ĩnare yir̄ucubũoya. To yicōari, quēnaro ĩnare yiya, “ ‘Manire maiama ĩna’ manire yimasiato ĩna” yirã. To yicōari, ñie oca manone quēnaro ñaña m̄ua.

¹⁴ To yicōari, m̄ua tuana moamenare tud'ibusari ĩnare gotiya, “Moato ĩna” yirã. Gãjerã, s̄utiritirãre “Variquēnato” yirã quēnaro ĩnare gotiya. Gãjerã, Cristore quēnaro ajitirũnũmenare, quēnaro ĩnare ejarēmoña. Cristore ajitirũnũrã ñajediro rojose yimenane, quēnaro gãmerã gotirũgũña.

¹⁵ Gãji rojose m̄uare ĩ yijama, ĩre gãmebeticōaña.

Tocãrãcajine quēnaro gãmerã yiba m̄ua. Masa jedirore to bajiro r̄ine yiba.

¹⁶ Tocãrãcarũmũne variquēnacōa ñarũgũña m̄ua. ¹⁷ Tocãrãcarũmũne Diore sēniña. ¹⁸ Tocãrãcajine, “Quēnaro yaja m̄u”, Diore yirũgũña. Rojose tãmuobarine, to bajiro r̄ine yirũgũña m̄ua. Jesucristore ajitirũnũrã to bajiro ĩna yisere Dios ĩ bojajare, to bajiro yirũgũña m̄ua.

¹⁹ Rojose yibetirũgũña, “Rojose mani yisere ĩacōari b̄uto s̄utiritiromi Esp'iritu Santo” yirã. ²⁰ Diore gotir̄etobosarã ĩna gotisere ajitebesa. ²¹ Tire quēnaro ajicōaña. ĩna masune t̄oĩarujeocōari, gotimasiorãma cojojirema. “Dios ye ñaja” m̄ua yimasijama, tire quēnaro ajitirũnũña. ²² Tocãrãca vãmere rojosere yit̄ujacōari, tudiyibeticōaña.

²³ Ado bajise Diore m̄uare sēnibosaja yua: “ĩnare ejarēmoña, ‘Quēnaro ñato’ yigũ. ‘Tocãrãcajine yũ bojasere t̄oĩacōari, yirã ñato’ yigũ, ĩnare ejarēmoña m̄u”, m̄uare yisēnibosaja yua. Mani ɥjũ Jesucristo ĩ tudiejarirũmũ, “Rojose mana m̄ua ñarotire yirã”, Diore m̄uare sēnibosaja yua. ²⁴ “ĩ yarã ñato” yigũ, manire beseyumi Dios. To bajiri tocãrãcarũmũne mani rãca ñarũgũami. To bajiri, ĩ bojarore bajiro mani yirore manire ejarēmorũcũmi.

Tesalónica macanare Pablo ĩ quēnaroticōare queti

²⁵ Diore yuare sēnibosarũgũña yua mairã.

²⁶ M̄ua tuana Cristore ajitirũnũrã jediro m̄ua rãca ĩna rējaro, yuare quēnarotibosaya m̄ua, “ĩnare yua maisere masiato” yirã.

²⁷ Adi queti m̄uare yũ ucacōasere toana Cristore ajitirũnũrã jedirore ĩnare ĩagotiya m̄ua, mani ɥjũ to bajiro m̄ua yisere ĩ bojajare.

²⁸ Mani ɥjũ Jesucristo quēnaro m̄uare yato ĩ.

To cōro ñaja.

Segunda carta de San Pablo a los TESALONICENSES

Tesalónica macana Cristore ajitirünuräre ï babarã räca Pablo ï ucacõare queti

¹ ¿Nati Jesús ocare ajitirünurã, Tesalónica macana? Yũ Pablo, yũ babarã Silvano, Timoteo räca adi quetire mũare ucacõaja, Dios mani jacũ, to yicõari, mani mũũ Jesucristo yaräre. ² Ado bajise mũare sēnibosaja yua: “Ïnare ïamaicõari, ejarēmoña mũ, quēnaro ïna ñarotire yirã”, mũare yisēnibosaja yua.

Cristo ï tudiejarirũmũ rojose yiriaräre Dios ï beseroti queti

³ Yũare ajiya yua mairã. Tocãrãcajine mũa bajisere yua tuoñajama, “Quēnaro yaja mũ”, Diore ïre yirũgũaja yua. Bũtobusa Jesucristore ajitirünurũtuana yaja mũa. To yicõari, bũtobusa gãmerã ïamairũtuana yaja mũa. Dios mũare ï ejarēmojare, to bajiro bajiaja mũa. To bajiro ï yijare, to bajiro mũa bajisere tuoñacõari, “Quēnaro yaja mũ”, ïre yirũgũaja yua. ⁴ To bajiro bajirã mũa ñajare, tocãrãca macajũ gãjerã Jesús ocare ajitirünuräre mũa bajisere gotirã, “Quēnamasucõaama Tesalónica macana”, ïnare yivariquēnarũgũaja yua. Ado bajiro ïnare yirũgũaja yua: “Tesalónica cũtoana Cristore ajitirünurã ïna ñajare, rojose ïnare yicoderũgũama gãjerã. To bajiro ïna yiboajaquēne, Cristore quēnaro ajitirünucõa ñaama ïna”, ïnare yivariquēnarũgũaja yua. ⁵⁻⁶ Rojose tãmũorã ñaboarine, Cristore mũa ajitirünucõa ñajare, “Yũ tũjũ mũa vajama, quēnaja”, mũare yĩami Dios. Rojose mũare yirãjũarema, “Rojose tãmũotũjabetiriaroju ïnare yũ reacõajama, quēnarũaroja”, ïnare yĩami Dios. To bajiro ï yisere tuoñarã, “To bajirone ïnare yiroti ñaja”, yimasire ñaja. ⁷ Ïna suori rojose mũa tãmũosere, “To cõrone tũjato”, yirotirũcumĩ Dios. Yũare quēne to bajiro yirũcumĩ, mani mũũ Cristo adi macarũcũroju ï tudiejarotirũmũ ñaro. Tirũmũ ñarone õ vecajũ vadiveocõari, ï yarã ángel mesa ïaĩañamani yimasirã räca jea mũjũbusuosere bajise bũto bususe vatoajũ rujiadirũcumĩ Jesús. ⁸ Tirũmũne Diore masimenare mani mũũ Jesucristo oca quēnasere ajiteräre ïna ajibeti vaja rojose ïnare yirũcumĩ Jesús. ⁹ Rojose tãmũotũjabetiriaroju ïnare cõarũcumĩ. To bajiri ï tũjũ quēna jũaji ïnare vadirotibetirũcumĩ. To bajiri, “Rētoro masigũ ñari, ñamasugũ ñaami” mani yimasigũre mani mũjũre ïamasibetirũarãma ïna yuja. ¹⁰ To cõrone, ïre ïavariquēnarũarãma ï yarã ïre ajitirünurã ñajediro. To yicõari, “Quēnarētogũ ñaami”, ïre yirũcũbũorũarãma. To bajiri mũa Tesalónica macana quēne, Jesús ocare yua gotimasiatire ajitirünurã ñari, ïna räca ñarũarãja mũa.

¹¹ To bajiro ïre mũa yirotire yirã, cojosi me ado bajiro Diore mũare sēnibosarũgũaja yua: “‘Yũ yarã ñaña mũa’, ïnare mũ yirere cũdiriarã ñaama. ‘Quēnase ïna yirũase yimasijeocõato ïna’ yigũ, mũ masise räca quēnaro ïnare ejarēmoña”, ïre yaja yua, mũare sēnibosarã. ¹² To bajiri, masa jediro quēnaro mũa yisere ïacõari, mani mũũ Cristore quēnaro ïre yirũcũbũorũama. To bajiri, Dios, mani mũũ Jesús quēne, mũare ïamaicõari quēnaro mũare ïna yiroti ñajare, mũare quēne quēnaro rũcũbũorũarãma masa.

2

Jesús ï tudivadiroto rĩjoroaye bajiroti queti

¹ Jesús ï tudivadirotirũmũre, “Yũ räca ñato” yigũ, Dios, manire ï juarēorotire mũare gotiquēnorã yaja. ² “Jēre Jesús ï tudivadirũmũ ejacoajũ”, mũare yiyujarã gãjerã. Tire ajicõari, tuoñarejaibesa yua mairã. “Socase me ñaja. Jēre Jesús ï ejasere yũre gotirotimi Esp'iritu Santo” ïna yiboajaquēne, ïnare ajibesa. “Ïna gotirore bajiro yire queti ajibũ yua” gãjerã ïna yigotirēmoboajaquēne, tire ajibesa. “To bajirone bajiro ucayuma Pablo mesa quēne” gãjerã ïna yiboajaquēne, ïnare ajibesa. ³ To bajiro mũare yitorã jedirore ajibesa mũa. Ado bajiro bajisere ïacõari, “Yoaro mene tudivagũmi Jesús”, yimasirũarãja mũa: Jãjarã masa, “Dios ï rotiboasere cũdibeticõato mani”, yituoñarã ñarũarãma ïna.

To ñna bajinrone, Rëtoro Rojogu ruyuarucumi, beroju rojose tãmtotujabetiriaroju Dios ï cõarocũ.^a ⁴ Diore quêne, jediro masa ñna rucubuosere quêne, ïategũ ñarucumi. “Rëtoro yure rucubuosuarãja mua”, masare ñnare yigu ñarucumi. To bajirocũ ñari, Diore yirucubuosoriaviju sãjacõari, rujirucumi. To yicõari, “Yũne ñaja Dios”, masare ñnare yigotirucumi ï, socũne.

⁵ Ti quetire Jesús quëna ï tudivadiroto rïjoroayere mũare gotirũgũcaju yũ, mua rãca ñagũju. To bajiri, “Tire masiritimenama”, mũare yituoïaja yũ. ⁶ Rëtoro Rojogu adi macarucuroju vadirotire jëre masiaja mua: “To cõrone vadirucumi” Dios ï yiriario rïjoroju, ejabetirucumi maji. ⁷ ï ejabetiboajaquêne, jëre masare rojose ï yirotirũmũ cõñaro masu bajiaja. ïre cõarocũ, “Vasa mũ” ï yiroti rĩne ruyaja. ⁸ “To cõrone vajaro” Dios ï yirirũmũ ejarucumi rojose yigu. To bajiro ï bajiboajaquêne, mani mũju Jesucristo ï tudivadirũmũne, rëtoro masigũ ñari, josari mene ïre rocacõarucumi. ⁹ To bajiro ï yiecoroto rïjoro, adi macarucuroju vadicõari, Satanás ï rotise rãca bũto masigũ ñarucumi. To bajigu ñari, “Masigũ ñagũmi” yure yituoïato” yigu, ïaïaňamanire yïorucumi. To bajiro ï yise socase ñaruroja. ¹⁰ Jediro rojose yirucumi, rojose tãmtotujabetiriaroju varonare ñnare yitogu. Dios ocare ajiterã ñari, to bajicõari, Jesucristo rojose ñna yise vajare ï yirëtobosarusere quêne bojamena ñari, rojose tãmtotujabetiriaroju varona ñaama. ¹¹ ï ocare ajiterã ñna ñajare, “Rëtoro Rojogu socũne ï yisere ajitirũncõa ñaruarãma”, ñnare yirucumi Dios. ¹² To bajiro yirucumi Dios, “Yũ oca riojo ñamasusere ajimena ñari, rojose rĩne yivariquënarã jediro, rojose tãmtotujabetiriaroju vajaro” yigu.

“Yũ yarã ñaña mua’ Dios ï yirere cõdiriarã ñaja mua”, yire

¹³ Ajija yua mairã. Tocãrãcaine ado bajiro mua ñasere tuoïacõari, “Quënarõ yaja mũ”, Diore ïre yivariquënarũgũaja yua: Mani mũju bũto mũare maiami. Tesalõnica macana vatoana, “Yũ yarã rojose tãmtotujabetiriaroju vaborona ñaña mua” Dios ï yirere cõdiriarã ñaja mua. To bajiro mua bajisere bojayumi, “Rojose ñna yisere tujacõari, yũ bojasejuare yato ñna” yigu. To bajiro yigu ñari, Esp'iritu Santore mũare cõañumi, “Ïnare ejarëmoato” yigu. Mũare ï ejarëmose ñajare, Dios oca riojo gotisere ajicõari, “Socase me ñaja”, yimasiaja mua. To bajiro yimasirã ñari, rojose yiruaboarine, tire yimena ñaja mua. ¹⁴ “To bajiro bajirã ñato” yigu, ï oca Cristo yere mua tũju yũare gotimasio roticõañumi Dios. Rojose tãmtotujabetiriaroju vabeticõari, mani mũju Jesucristo rãca mua ñarotire bojagu ñari, to bajiro yiyumi. To bajiro mua bajisere tuoïacõari, “Quënarõ yaja mũ”, Diore ïre yirũgũaja yua.

¹⁵ To bajiri Jesucristo ocare ajitirũncõa ñarũgũña. Mũa tũju vacõari, mũare yua gotimasioctire masiritibesa. To bajicõari, mũare yua ucacõacatire quêne masiritibesa.

¹⁶ Mani mũju Jesucristore, to yicõari mani jacũ Diore quêne, mũare sënibosaja yua. Manire ïamaicõari, quënarõ manire yiyumi Dios. ï sũori ï yere tuoïavariquënarũgũaja mani. Jesucristo quënarõ ï yise ñajare, “Dios ï gotiriarore bajiro quënarõ manire yirucumi”, yimasiaja mani.

¹⁷ ï yere tuoïavariquënacõari, ado bajiro Diore mũare sënibosaja yua: “Ïnare ejarëmoña mũ, gãjerã rãca quënarõ ñna ñarotire yigu”, mũare yisënibosaja.

3

“Yũare sënibosaya”, yire queti

¹ Adi mũare yua ucasene gotitusarã yaja. Mani mũju ocare gãjerã ñna ajirucubuosere bojaja mani. To bajiro ñna bajisere bojarã ñari, ado bajise Diore yũare sënibosarũgũña: “Guarobusa cojoju ruyabeto, ti ocare mua ajirucubuoacatore bajiro gãjerã quêne ajirucubuojedicõato” yirã, ïre sënirũgũña mua. ² Rojose yũare yiruãrũgũrãre, “Rojose yũare yiroma” yirã, Diore sëniña mua. To yicõari yua gotimasiosere ajiterã quêne jãjarã ñaama. ³ Mani mũju ñagũmi “Yirucũja” ï yirore bajiro yigu. To bajiro yigu ï ñajare, “Yũre quënarõ ajitirũncõa ñarũgũato” yigu, manire ejarëmorucumi”, yimasiaja mani. “Vãtia mũju Satanás, rojose mũare yiromi’ yigu, mũare ejarëmorucumi”, yimasiaja mani, Diore.

^a 2:3 1 Jn 2.18, Ap 13.1-2.

⁴ “Jesús mani ɥjɥre ajitirũnɥcõari, Tesalónica macana, quẽnaro ãna yirotire yigɥ, ãnare ejarẽmorɥcɥmi”, yituoõaja yɥa. To bajiri, “Yɥa roticõasere ãna yirũgũrore bajiro yicõa ãnarũgũrɥarãma”, mɥare yituoõaja yɥa. ⁵ Ado bajiro mani ɥjɥre mɥare sãnibosaja yɥa: “ “Quẽnaro manire ãamaiami Dios” yimasiritibeticõato ãna’ yigɥ, ãnare yirẽmoña mɥ. ‘Cristore rojose ãre ãna yiboajaquẽne, yɥre quẽnaro ã ajitirũnɥcatore bajiro ajitirũnɥ tɥjabeticõato ãna’ yigɥ, ãnare yirẽmoña”, mɥare yisãnibosaja yɥa, mani ɥjɥre.

Pablo ã moarotire queti

⁶ Ajiya yɥa mairã. Ado bajise mani ɥjɥ Jesucristo yɥare ã gotirotijare, yaja yɥa: Cristore ajitirũnɥgũ ãboarine ã moabetijama, ãre baba cɥtibesa mɥa. ã ũgũ, mɥare yɥa gotimasiocatore bajiro yibeami. ⁷ “Pablo mesa mani rãca ãnarã, quẽnaro ãna moarũgũcatore bajiro yirũgũroti ãjaja”, yimasijaja mɥa. ⁸ Mɥa tɥ ãnarã, vaja yicõari rĩne mɥa yere bare bacajɥ yɥa. Ɛmɥari, ãamiri quẽne quẽnaro moarũgũcajɥ yɥa, “Mani masune bare vaja ta, barãsa” yirã. ⁹ Mɥare gotimasiorã ãari, “Bare yɥare ecaja” yɥa yijama, quẽnaborijaja, bajirojɥma. To bajiboarine mɥare sãnibeticajɥ yɥa. Quẽnaro moarũgũcajɥ yɥa, “Manire ãacõari, ãnare bajiro mani moajama, quẽnaja’ yĩato” yirã. ¹⁰ Mɥa rãca ãnarã, cojoi me ado bajiro mɥare yiroticajɥ yɥa: “Moarɥamena, babeticõato ãna. ãnare ecabesa”, mɥare yiroticajɥ yɥa. ¹¹ “ãna vatoajɥ sĩgũri moarɥamena ãaama” yire quetire ajiaja yɥa. ãna masune moabeticõari, gãjerãre ãna gõjanabiosere ajiaja yɥa. ¹² To bajiro ãna bajise ãajare, mani ɥjɥ Jesucristo ã rotirore bajirone, ãnare yiroticõaja yɥa: Gãjerãre gõjanabiomenane, quẽnaro moaña mɥa, ãie cɥomena ãari, mɥa vaja tarotire yirã.

¹³ Ajiya yɥa mairã. Quẽnaro yicõa ãnarã ãari tire quejebesa mɥa. ¹⁴ Sĩgũ adi papera yɥa ucasere ajitirũnɥbecɥre ãamasicõari, ãre baba cɥtibesa, “Bojonecõari, ajitirũnɥato ã” yirã. ¹⁵ Rojose ã yiboajaquẽne, ãre ãatebesa mɥa. ãre tud'imenane, mɥa bedire bajiro quẽnaro ãre gotiya.

“Quẽnaro ãnarũgũato ãna” yigɥ, Pablo, Diore ã sãnire queti

¹⁶ Mani ɥjɥ ãagũmi, “ãne oca manone quẽnaro ãnato” yigɥ. To bajiri, “ ãna rãca ãacõari, quẽnaro ãacõa ãnarũgũato’ yigɥ ãnare ejarẽmoña”, ãre yaja yɥa, mɥare sãnibosarã.

¹⁷ Pablo ãjaja yɥ, yɥ masune, “Quẽnato” mɥare yũcacõagũ. Gãjerãre yɥ ucasõajaquẽne, to bajiro rĩne yirũgũaja. ¹⁸ Mani ɥjɥ Jesucristo, mɥa jedirore quẽnaro mɥare yirũgũato.

To cõro ãaja.

Primera carta de San Pablo a TIMOTEO

Timoteore, Pablo ï ucacõare queti

¹ ¿Ñaboati m̄, Timoteo? Ȳ ñaja Pablo v̄ame c̄atiḡ, adi quetire m̄re ucaḡ. Dios rojose mani yise vajare manire yir̄etobosar'i, ï mac̄ Jesucristo s̄orine ï ocare ï gotic-udiroticõar'i ñaja ȳ. To bajiri, manij̄ama, mani rijato beroj̄a manire ï yir̄etobosarotire yir̄a, t̄oĩavariquẽnacõa ñaja. ² Ȳ mac̄re bajiro bajiḡ ñaja m̄. Ȳ gotimasiocaire ajitir̄n̄cõari, ȳre bajiro Jesucristore ajitir̄n̄ḡ ñaja m̄.

M̄re quẽnarotiḡ, mani jac̄ Diore, to yicõari, mani ̄j̄ Jesucristore quẽne, ado bajise m̄re s̄enibosaja ȳ: “Ïre ïamaicõari, quẽnaro ï ñarotire yir̄a, ïre ejar̄emoña”, m̄re yis̄enibosaja ȳ.

“Socase oca gotimasiorem̄sare ajitir̄n̄besa”, Pablo ï yire

³ Macedonia v̄ame c̄ati sita vac̄, “Ado Efeso v̄ame c̄ati maca tujaya m̄”, m̄re yicaj̄ ȳ. Ado bajiro yiḡ, to m̄ tujarotire bojacaj̄ ȳ: Toanare Dios oca riojo gotimasiomenare, ñnare m̄ gotimasirotibetirore bojacaj̄ ȳ. ⁴ To yicõari, b̄c̄r̄a ye quetire socasere gotimasiore, “ ‘Ado bajiro yimasiñujar̄’ m̄a yir̄ḡsere yit̄jacõaña” ñnare m̄ yirore yiḡ, m̄re tujaroticaaj̄ ȳ. Tire ñna gotijama, ricati r̄ne t̄oĩar̄ ñari, “Ado bajiroj̄a bajiyuja” ñna ḡamer̄a yir̄ḡse jedise me ñaja. Ti ocare ñna gotimasiose s̄orine Dios ï bojarore bajiro yibeama. Dios ï bojarore bajiro ñna gotimasiojama, ñnare ajicõari, Cristore b̄tobusa ajitir̄n̄bor̄ama masa.^a

⁵ Ti macana jediro ñna ḡamer̄a ïamairotire bojaḡ ñari, to bajiro m̄re gotirotiaja ȳ. Rojose mani yisere yit̄jacõari, Cristoj̄are mani ajitir̄n̄jama, “Rojose maja manire”, yimasir̄aja mani. To bajiro mani bajijama, ḡamer̄a ïamair̄aja mani. ⁶ To bajiro ȳ gotimasioboajaquẽne, ti macana s̄ḡri Dios oca ñamasusere ajit̄jacõari, vaja mani gajeyj̄are t̄oĩacõari, ḡamer̄a ñagõr̄ama ñna. ⁷ Moisés ñamasir'ire Dios ï rotic̄umasirere gotimasiorem̄sare ñn̄aboama. To bajiboarine, ñna masune t̄oĩacõari ñna gotiboaserene ajimasimenama.

⁸ Masa ñna c̄dirotire yiḡ, Moisére Dios ï rotic̄umasirere masir̄ ñari, “Quẽnase ñaja ti”, yimasija mani. To bajiboarine, Dios ï rotic̄umasirere mani ajimasibetijama, ñie vaja manoja ti. ⁹ ï rotic̄umasirere masicõari, “Diore c̄dibeaja ȳ. To bajiri rojose ñaja ȳre” masa ñna yirore bojaḡ ñari, tire c̄umasiñumi Dios. To bajiri, quẽnaro yir̄are t̄oĩaḡ me, ï rotimasirere c̄umasiñumi. Rojose yir̄aj̄are t̄oĩaḡ, tire c̄umasiñumi. Ïre r̄nc̄b̄omenare, Dios yere ajatud'ir̄are, jac̄are s̄ar̄are, to yicõari, ḡjer̄are s̄arimasare t̄oĩaḡ, ï rotimasirere c̄umasiñumi. ¹⁰ Ajeriar̄a c̄tir̄are, “Ḡjoa b̄jar̄asa” yir̄a, masare ñejecõari, ḡjer̄are ïsir̄are quẽne, ï rotimasirere c̄umasiñumi Dios. Socar̄are, to yicõari, Dios oca riojo gotimasiore ajiter̄are quẽne ï rotimasirere c̄umasiñumi Dios, “Ïre c̄dibeaja ȳ. To bajiri rojose ñaja ȳre” ñna yimasirore yiḡ. ¹¹ Cristo oca quẽnase r̄ne ñaja ñamasuse. “Ti ocare gotimasioato” yiḡ, ȳre cõañumi mani ̄j̄ Dios. ï s̄ḡne ñaami quẽnaḡ masu, “Quẽnaro yaja m̄” mani yir̄nc̄b̄oḡḡoc̄.

“Ȳre quẽnaro yicami Cristo”, Pablo ï yire queti

¹² Mani ̄j̄ Jesucristo, quẽnaro ȳre ejar̄emocami, ï ocare ȳ gotimasiocudirore yiḡ. “Ȳ bojarore bajiro gotimasiocudicõa ñar̄ḡr̄c̄m̄i” yiḡ, ȳre cõacami. To ï yicati ñajare, “Quẽnaro yicaj̄ m̄”, ïre yivariquẽnaja ȳ. ¹³ Tir̄m̄j̄ Jesús ocare ajite, to yicõari, ajatud'ir̄ḡboacaj̄ ȳ. To yicõari, Cristore ajitir̄n̄r̄are b̄to rojose yir̄ḡc̄aj̄. To bajiro yicac̄ ȳ ñaboajaquẽne, ȳre ïamaiñumi mani ̄j̄. “Ȳre ajitir̄n̄bec̄ ñari, ȳre rojose ï yisere masibeami Pablo maji” yimasicõari, ȳre quẽnaro

^a 1:4 1 Ti 4.7; 6.20; 2 Ti 2.16; Tit 1.13-14.

yicami, ĩ oca yu gotimasiocudirodire yigũ. ¹⁴ Quẽnaro yure ĩ yicati suorine ĩre ajitirũnuaja yu. To yicõari, ĩre quẽne, gãjerãre quẽne, maiaja yu.

¹⁵ Adi mũare yu gotiroti riojo ñaja. Tire masa ñajediro ĩna ajitirũnuajama, quẽnarũaroja. Ado bajiro bajaia: Rojose yirã rojose tãmuotujabetiriaroju ĩna vaborotire ĩnare yirẽtobosaru, adi macarũcũroju vayumi Cristo. Yu ñaja rẽtoro rojose yicacu.

¹⁶ To bajiro yicacu yu ñaboajaquẽne, yure ĩamaicõari, rojose tãmuotujabetiriaroju yu vaborotire yure yirẽtobosayumi Cristo. To bajiri, gãjerã quẽne, “Pablõre bajiro Cristore mani ajitirũnuajama, rojose mani yisere manire quẽne masiriorũcũmi Dios” gãjerã ĩna yimasirodire yigũ, to bajiro yiyumi. ¹⁷ Mani uju Dios ĩ rotise jedibetirũaroja. ĩ ñaami ñajediro ti ruyaroto rĩjoroju ñamasir'i, to bajicõari, ñacõa mũorũgõrocũ. Sĩgũ ĩre ĩagũ magũmi. ĩre bajiro bajigũ magũmi. To bajiri, ĩre quẽnaro yirũcũbũorũgũroti ñaja manire. To bajirone bajiato.

¹⁸⁻¹⁹ Timoteo, yu macũre bajiro bajigũ, yure quẽnaro ajiya. Mũre yu gotiroticatore bajirone yiroti ñaja mũre. Tirũmũju Diore gotirẽtobosarimasa, “Dios ocare gotirũcũmi” ĩna yicatire masiritibeticõari, ĩ ocare gotimasiocõa ñarũcũja mũ. To bajiro mũ bajijama, vãti rojose mũre ĩ yirodisere cũdibeticõari, Cristojũare ajitirũnũcõa ñarũcũja. Gãjerã sĩgũri ñaama ĩ ocare ajitirũnu tũjacana. To bajicana ñari, socasejũare ajitirũnũrã ñarãma.^b ²⁰ To bajiro bajicana ñaama Himeneo, to yicõari, Alejandro quẽne. Diore ajitirũnu tũjacõari, ĩre rũcũbũobeticama ĩna. To bajiri, “Vãtia uju, Satanás, ĩ bojarore bajiro rojose mũare yimasirũcũmi yuja”, ĩnare yicaju yu, “Rojose tãmũo quẽnabeti tũõĩamasĩ, Dios ĩ bojarore bajirojũa yato” yigũ.

2

“*Gãjerãre ejarẽmoato*’ yirã, Diore sãnibosarũgũroti ñaja”, Pablo ĩ yire queti

¹ Ñasũose ado bajiro mũre rotiaja yu: Toana rãca rẽjacõari, Diore sãnirã, masa jedirore sãnibosarũgũroti ñaja mũare. To yicõari, masare quẽnaro ĩ yisere ĩarã ñari, “Quẽnaro yaja mũ”, ĩre yirũgũroti ñaja. ² Gobiernore quẽne, ujarã jedirore sãnibosarũgũroti ñaja. To bajiro mani yijama, Dios ĩ ejarẽmose rãca ñie oca mano ñarũarãja mũa. To bajiri, Dios ĩ bojarore bajiro quẽnase rĩne yirũgũrũarãja. ³ To bajiro ĩnare mũa sãnibosajama, mũare ajivariquẽnagũmi Dios, rojose tãmuotujabetiriaroju mũa vaborotire mũare yirẽtobosarocũ. ⁴ Masa jediro rojose tãmuotujabetiriaroju ĩna vabetirodire bojami. To bajiro bojagũ ñari, ĩ oca riojo gotimasiorere quẽne masa jediro ĩna masisere bojami. ⁵ Sĩgũne Dios ĩ ñasere masiaja mani. Gãji mani rũcũbũogũ magũmi. To bajicõari, Jesucristo quẽne, ĩ sĩgũne ñaami manire bajirone ruju cuticõari, adi macarũcũroana Diorãca quẽnaro mani ñarotire yigũ, rijabosar'i. ⁶ Mani jedirore rojose mani yise vaja manire yirẽtobosagũ, rijabosayumi. To bajiro ĩ bajire ñajare, “Masa jedirore yirẽtobosarũami Dios”, yitũõĩamasiaja mani. ⁷ To bajiri, “Ti ocare jud'io masa mere quẽnaro gotimasiocudirũcũja mũ, ‘Rojose mani yise vaja manire yirẽtobosayumi’ yitũõĩato ĩna’ yigũ”, yure yicami Cristo. Socũ me yaja yu.

⁸ Cristo ĩ cõacacu ñari, toana ĩre ajitirũnũrã jediro ado bajiro ĩna yirodire yu bojasere mũre gotiaja yu: Ũmũare gotigũ yaja. Gãjerãre jũnisinirã ñaboarine, Diore ĩna sãnijama, quẽnabeaja. To yicõari, gãjerãre oca josarã ñaboarine, Diore ĩna sãnijama, quẽnabeaja ti quẽne. Diore sãnirãma, rojose yimena ñato.^c ⁹ Rõmiare quẽne gotigũ yaja yu. Cristore ajitirũnũrã, ũmũa rãca ĩna rẽjaroto rĩjoro, quẽnaro tũõĩacõari, ĩna sudi sãnasere bojaja yu. “¿No bajiro yirãti mani, ‘Manire ĩavariquẽnato ũmũa’ yirã?”, yitũõĩabetiroti ñaja. ĩna joare quẽnorã, “¿No bajiro quẽnorãti, mani joare, ‘Ũmũa quẽnaro ĩavariquẽnato’ yirã?”, yitũõĩabetiroti ñaja, ĩnare. ĩna busajaquẽne, “Manire ĩavariquẽnato ũmũa” yirã, jairo vaja cutise, perla vãme cutise, oro vãme cutise quẽne, busabetiroti ñaja ĩnare. To yicõari, sudi sãñarã, “Manire ĩavariquẽnato” yirã, sudi jairo vaja cutise sãñabetiroti ñaja. ¹⁰ Ado bajirojũa yirũgũroti ñaja: “‘Cristore ajitirũnũrã ñaja mani’ yirã ñari,

b 1:18-19 2 Ti 1.6. c 2:8 Mt 5.23-24; 6.14-15.

quēnase yirā mani ñajare, manire ñavariquēnato”, yituoīarūgūroti ñaja, ñinare. ¹¹ Dios ocare ajirā mua rējarojūre, ñagōmenane, ñinare gotimasiorimasa ñina gotisere rūcūbuose rāca ajirujiroti ñaja, rōmiare. ¹² Ñinare gotimasiorotibeaja yū. To yicōari, ũmūare ñina rotisere quēne bojabeaja yū. Ñagōmenane, ñina ñacōajama, quēnaja. ¹³ Rījoro Adán ñamasir'ire rujeosūomasīñuju Dios. Bero ī manajo Evare rujeomasīñuju. ¹⁴ To bajicōari, Adán me ñamasīñuju vātia ũjūre yitoecomasi'ri. Ī manajojūa ñamasīñuju vātire yitoecomasi'rio. Vāti ī yitomasirere cūdicōari, rojose yimasīñuju so. To bajiri, rōmiojūa, ũmūare ajirūcūbūoroti ñaja. ¹⁵ Rojose yimasirio so ñajare, “Ñajediro rōmia, ñina rīa cūtijama, rojose tāmūorūarāma”, yimasīñuju Dios. To bajiboarine, Cristore ajitirūnū tūjamena ñacōari, gājerāre ñina maijama, rojose tāmūotūjabetiriaroju ñina vaborotire ñinare yirētobosarūcūmi Dios.

3

Cristore ajitirūnū rāre ũmato ñarā ñina bajire queti

¹ Jesūre ajitirūnū rāre ũmato ñarūarāre gotigu yaja yū. Socū me yaja yūa. Īna moarūasema, quēnase ñaja. ² Tire ī moare cūtirūajama, quēnaro tūoīacōari, quēnase rīne yigu ī ñajama, quēnaja. Quēnaro masa ñina rūcūbūogū, manajo cūticōari, gajeore ajerio cūtibecū, ejarimasare quēnaro yigu, to bajicōari, quēnaro gotimasiomasi'gū ī ñajama, quēnaja. ³ Mecūose idimecūbecū, quēabecū, gājerāre ajjūnisinicōari, oca josabecū ī ñajama, quēnaja. Rojose gājerā ñina yiboajaquēne, ñinare ñamaicōari, quēnaro ejarēmogū ñagūmi, “Quēnasejūa tūoīato ñina” yigu. Gājoare bojatūoīabecū ñagūmi. ⁴ Ī ya vianare quēnaro rotigu, ī rīa rūcūbūose rāca ñine quēnaro ñina cūdirotire yigu, quēnaro ñinare gotimasio'gū ñagūmi. ⁵ Ī ya vianare quēnaro ī rotimasibetijama, Cristore ajitirūnū rāre no bajiro rotimasibecūmi. ⁶ Cristo ocare ajitirūnū rāre ũmato ñagū ī ñarūajama, Cristore mame ajitirūnū gū me ñagūmi. Cristore mame ajitirūnū gū ī ñajama, “Gājerā rētoro ñamasugū ñaja yū”, yitūoīagūmi. To bajiro ī yijama, Satanás ī tūoīamasiriarore bajiro tūoīagū ī ñajare, “Rojose tāmūorūcūja” Satanāre Dios ī yirotimasiriarore bajiro yiecorūcūmi, ī quēne. ⁷ To bajiri, quēnaro yirūgūroti ñaja ñine, “Cristore ajitirūnūmena quēne, yūre ñarūcūbūoato” yigu. To bajiro ī yibetijama, “Quēnaro yigu me ī ñajare, Cristo ocare ajirūabeaja yūa”, yirāma masa. “To bajiro yato ñina” yigu, rojosere yigu ñaami Satanás.

Cristore ajitirūnū rāre ũmato ñarāre moabosarimasa ñina bajire

⁸ To bajicōari Cristore ajitirūnū rāre ũmato ñarāre moabosarimasare quēne, gājerā ñina ñarūcūbūorāre bojaja mani. To bajicōari, ñina bajirore bajirone bajirā ñarāma ñina quēne. Mecūose idimecūmena, “Gājoa būjarāsa” yirā, gājerāre yitomena ñarāma. ⁹ Dios oca socabetire mani gotimasiosere Dios ī ejarēmose rāca quēnaro ajitirūnū rā ñari, “Quēnase ñaja” ñina yimasise rīne yirā ñarāma ñina. ¹⁰ Ñinare mua beseroto rījoro, “Ānoa ñaama quēnase yirā, Cristo ocare quēnaro ajitirūnū rā” yimasirūarā, ñinare ñatirūnū ña maji. “Quēnaro ajitirūnū rā ñaama” ñinare mua yimasijama, ñinare beserūarāja mua yuja. ¹¹ Rōmiare quēne, Cristore ajitirūnū rāre ũmato ñarāre moabosarimasare gājerā ñina ñarūcūbūorāre bojaja mani. Socarāne, “Ado bajise rojose yima”, gājerāre yigotirā me ñarāma. Quēnaro tūoīacōari, quēnase rīne yirā ñarāma. “Yirūarāja” ñina yirore bajiro yirā ñarāma. ¹² Quēna Cristore ajitirūnū rāre ũmato ñarāre moabosarimasare, ũmūare gotigu yaja yū. Manajo cūticōari, gajeore ajerio cūtibecū ī ñajama, quēnaja. Ī rīa rūcūbūose rāca ñine quēnaro ñina cūdirotire yigu, quēnaro ñinare gotimasio'gū, to yicōari, ī ya vianare quēnaro rotigu ñagūmi. ¹³ Quēnaro ñina moajama, gājerā ñina ñarūcūbūorā ñarūarāma. To bajicōari, Jesucristore quēnaro ajitirūnū rā ñari, Dios ocare ñina gotimasiojama, quēnaro gotirūarāma.

Cristo sūorine manire quēnaro Dios ī yire queti

¹⁴ Yoaro mene mū tūju varūa tūoīaboarine, adi paperare mūre ucacōaja yū. ¹⁵ “Varūa tūoīaboarine, yoaro me mua tūju yū ejatīmabetijama, ‘Catimūorūgōrocū, Dios yarā ñari,

ado bajiro yiroti ñaja' yimasiato" yigũ, adi paperare mure cõaja yũ. Dios yarã ñari, "Í oca, socabeti gotimasiore ñaja", yigotiaja mani. ¹⁶ Cristo suorine manire quẽnaro Dios í yire queti quẽnamasuse ñaja. Masa ñna masibeti í ejarẽmose rãca mani masise ñaja. Ado bajiro bajiaja ti:

Adi macarucuroju vadicõari, manire bajiro ruju cutiyuju Cristo. To bajicõari, Esp'iritu Santo suorine, "Ñie rojose magũ ñaami", yĩñañujarã masa. Ángel mesa quẽne, ñna ñarũcũbuogũ ñañuju. Masa jedirore í ocare gotimasioñujarã. To bajicõari, tocãrãca sitana í ocare ajitirũñujarã. Manire rijabosacõari, í tudicatiro bero, õ vecaju í ñaroju ñre ãmicoasuju Dios.

4

Masa, Cristore ñna ajitirũñũ tujaroti queti

¹ Cristore ajitirũñũrã, jãjarã mani ñaboajaquẽne, adi macarucuro ti jedirũtu vato cõrone sīgũri ñre ajitirũñũ tujaruarãma. "Íre ajitirũñũ tujacõari, vãtia ñnare ñna yitosere gotimasiore ajitirũñũrãrãma", manire yiyumi Esp'iritu Santo. ² Ñnare gotimasiore imasa ado bajiro bajirã ñarãma: "Quẽnase gotimasioaja" yirã ñaboarine, socasere gotimasiore ñarãma. "Adi ñaja quẽnase. Tijũna ñaja rojose", yimasimenama ñna, rojose rĩne tũoĩarã ñari. ³ "Manajo cutibetiroti ñaja", yirã ñarãma ñna. To yicõari, "Tocãrãca vãme babetiroti ñaja", yirã ñarãma. Ñna tũoĩariarore bajiro me bajiaja, Jesũre ajitirũñũrã Dios oca riojo gotimasiore masirãjuarema. Mani baroti í cũrere barã, "Quẽnaro yaja mũ" Diore mani yiroti yigũ, jediro bare cũmasiñumi Dios. ⁴ Ñjediro bare Dios í cũre quẽnase ñaja. To bajiri, "Tocãrãca vãme babetiroti ñaja", yire maja manire. Bare mani bajama, "Quẽnaro yaja mũ" Diore yicõari, baroti ñaja. ⁵ "Bare ñaro cõrone quẽnase ñarũaroja" í yimasirere barã, "Quẽnaro yiyuja mũ" ñre mani yijama, quẽnaja.

Jesucristo í bajirore bajiro yire queti

⁶ Mure yũ gotimasiore jediro gãjerã Jesucristore ajitirũñũrãre gotiroti ñaja mure. To bajiro mũ yijama, Jesucristo í bojarore bajiro ñnare yiejarẽmogũ yigũja mũ. To bajicõari, Dios oca quẽnasere gotimasio tujabecũne, bũtobusa Diore tũoĩavariquẽnacõari, Jesucristo í bojarore bajiro quẽnaro yirũtu varũcũja mũ.

⁷ Bũcũrã ye quetire socasere ñna gotimasiore ajibesa. Dios í cũre me ñari, vaja mani ñaja. Tocãrãcarũmũne, mũ yirũgũrotijũare tũoĩacõari, í bojarore bajiro quẽnase rĩne yirũgũña.^d ⁸ Tocãrãcarũmũne mani rujũre mairã ñari, quẽnaro guacoerũgũaja mani, "Catiquẽnarã ñarãsa" yirã. To bajiro mani yise quẽnase ñaja, bajirojũma. To bajiro mani yise rẽtobũsaro quẽnase ñaja tocãrãcarũmũne, Dios í bojarore bajiro quẽnase rĩne mani yirũgũse. To bajiro mani yijama, adigodo mani catiñaro cõro, to yicõari, õ vecaju Dios tũju mani ñajaquẽne, quẽnaro manire yicõa ñarũcũmi Dios. ⁹ Mure yũ gotise, socase me ñaja. Masa jediro tire ñna ajitirũñũjama, quẽnarũaroja. ¹⁰ Socabeti ti ñajare, josari moarũgũaja yũa. To bajiñarãne, catimũorũgõrocure Diore ajitirũñũrãre rojose ñna bajiborotire ñnare yirẽtobosarocure tũoĩa yũñaaja yũa.

¹¹ Adi queti yũ gotise ti macanare mũ gotimasiore ajicõari, cãdijedicõato ñna. ¹² Bũcũ me mũ ñajare, toana Cristore ajitirũñũrã, mure ñna rũcũbũobetijama, quẽnabetoja. To bajiri, "Bũcũ me yũ ñaboajaquẽne, yũre quẽnaro rũcũbũoato" yigũ, "Yũre ejarẽmorũcũmi Dios" ñre yitũoĩacõari, ado bajise yirũgũña: Ñnare quẽnaro ñamaicõari, quẽnase rĩne yicõa ñarũgũña. To bajiro mũ yijama, "Í yirore bajiro yiroti ñaja manire quẽne" yitũoĩacõari, mure quẽnaro rũcũbũorũarãma ñna. ¹³ Yũ ejaroto rĩjoro, toana rãca rãjacõari, Dios ocare masa ñna ucamasire quẽnaro gotimasiore yũgũña mũ, "Tire ajicõari, bũtobusa ajitirũñũato" yigũ. ¹⁴ "Quẽnaro yimasiato" yigũ, Dios mure í mũjocatiore masiritibesa mũ. Jesũre ajitirũñũrãre ãmato ñarã mure yũa ãmo ñũjeorãne, Dios í masise rãca, "Adi ñaja mũ moaroti Dios í cũre" yũa yĩñarone, tire mure mũjoyumi Dios.^e

^d 4:7 1 Ti 1.4; 6.20; 2 Ti 2.16; Tit 1.13-14. ^e 4:14 2 Ti 1.6.

¹⁵ Adi queti mure yu gotimasiosere masiritibeticōari, m̄ yimasiro cōro yirūgūña. To bajiro m̄ yijama, m̄ yisere ĩacōari, “B̄utobusa Cristore ajitir̄n̄ur̄tuacu yami”, yīaruarāma ti macana. ¹⁶ M̄ gotimasioroto r̄joro, to yicōari, no bojase m̄ yiroto r̄joro quēne, quēnaro t̄uoīacōari r̄ne, yirūgūña. To bajiro m̄ yicōa ñajama, m̄ gotimasiose ajitir̄n̄ur̄e quēne, rojose t̄am̄uot̄ujabetir̄iaroju m̄a vaborotire m̄are yir̄etobosar̄c̄ami Dios.

5

Cristore ajitir̄n̄ur̄ā r̄āca ñare queti

¹ Sīgū b̄uc̄, rojose ĩ yiboajaquēne, tud'igare bajiro ĩre gotibesa. Ado bajiroju m̄ yijama, quēnaja: R̄uc̄b̄uose r̄āca m̄ jac̄re m̄ yirore bajiro quēnaro ĩre gotiya. To yicōari, mamar̄e quēne, m̄ beder̄e m̄ yirore bajiro quēnaro ĩnare yiya. ² R̄omia b̄uc̄r̄e m̄ jacore m̄ yirore bajiro quēnaro ĩnare yiya. To yicōari, mamar̄ā r̄omiare quēne, m̄ beder̄e m̄ r̄uc̄b̄uorore bajiro quēnaro ĩnare r̄uc̄b̄uoya.

³ Manaju rijaveoriarā maioro bajirā masu ĩna ñajama, r̄uc̄b̄uose r̄āca ĩnare quēnaro ejar̄emor̄ūgūña. ⁴ To bajiboarine sīgō manaju rijaveorio r̄ia c̄atigo, to yicōari, jānerabatia c̄atigo so ñajama, ĩnaju ñarāma sore ejar̄emor̄ūgūrona. To bajiro ĩna yisere Dios ĩ ĩavariquēnase ñajare, to bajiro yirūgūroti ñaja. Mani jac̄a manire ĩamaicōari, mani daqueroju manire quēnaro ĩna yib̄uc̄ore ti ñajare, ĩnare ejar̄emor̄ūgūroti ñaja, manire. ⁵ Manaju rijaveorio maioro bajigo masujare, so yarā sore ejar̄emor̄ā manijare, “Yure ejar̄emor̄uc̄ami Dios” yit̄uoīacōari, ĩre s̄enir̄ūgūgōmo so. Ūm̄a, ñamire quēne ĩre s̄enir̄ūgūgōmo. ⁶ Manaju rijaveorio, no so bojase r̄ne yigojuama, rojose yigo ñari, Dios ĩ ĩajama, catigo ñaboarine, catibecore bajiro bajicōa ñagōmo, rojose t̄am̄uot̄ujabetir̄iaroju varoco ñari. Sojuarema ejar̄emobetiroti ñaja. ⁷ Tire mure yu gotimasiosere m̄ t̄uju ñar̄e Cristore ajitir̄n̄ur̄e gotiya. ĩna c̄udisere ĩacōari, “Rojose yama”, yir̄a manir̄uarāma. ⁸ Sīgū “Cristore ajitir̄n̄ugū ñaja yu” yiboarine, ĩ yar̄e ĩnare ĩ ejar̄emobetijama, quēnabetoja. To bajiro bajigu ñari, Cristore ajitir̄n̄u t̄ujacoar'ire bajiro bajigu ñagūmi. Ḡajerāma, Cristore ajitir̄n̄umena ñaboarine, ĩna yar̄e ejar̄emor̄ā, rojose ĩna yiro r̄etoro rojose yigu ñagūmi.

⁹ Cristore ajitir̄n̄ur̄ā manaju rijaveoriarā, m̄a ejar̄emoronama, ado bajiro bajirā ñaruarāma ĩna: Sesenta c̄umari r̄etoro t̄usana ñaruarāma. To bajicōari, sīgūne manaju c̄utir̄iarā ñaruarāma. ¹⁰ To bajicōari, ḡajer̄e ado bajiro quēnaro yiriarā ñaruarāma: ĩna r̄iare quēnaro b̄uc̄oriarā, ejar̄imasare quēnaro yiriarā, “Yu r̄etoro ñamasur̄ā ñaama” ḡajer̄e Cristore ajitir̄n̄ur̄e yit̄uoīacōari, ĩnare ejar̄emoriarā, to yicōari, rojose t̄am̄uor̄e ejar̄emoriarā ñaruarāma.

¹¹ ĩnare m̄a ejar̄emoroto r̄joro, ĩna manaju ĩ bajirocaro bero, “Ḡaji manaju c̄utibe-tir̄ocoja yu”, Cristore yis̄enir̄iarā ñaruarāma. Mamar̄busa manaju rijaveoriar̄rema ejar̄emobetiroti ñaja. Mamar̄āma, to bajiro yiriarā ñaboarine, b̄uto manaju c̄utir̄ua t̄uoīarāma ĩna quēna. ¹² To bajiro ĩna bajijama, “Rojose yir̄ā yama”, ĩnare yīar̄uc̄ami Cristo. ¹³ Gaje v̄ame quēne, ado bajiro bajirā ĩna ñajare, ĩnare ejar̄emobetiroti ñaja. Moamenane ḡajer̄ā ya viriju ñacudir̄ūgūr̄āma. To bajicudir̄ā, socar̄ane, “Ado bajise rojose yima”, ḡajer̄e yigoticudir̄ūgūr̄āma. To yicōari, ḡajer̄ā ĩna s̄eniīabetiboajaquēne, “Ado bajiroju yiroti ñaja”, ĩnare yigōjanabor̄ūgūr̄āma. To bajiro ĩna yijama, yibetirotirene yicōarāma. ¹⁴ To bajiro bajirā ĩna ñajare, quēna ĩna manaju c̄utirotire bojaja yu, “R̄ia c̄uti, ĩna ya vi ĩatir̄n̄u, yīñacōato” yigu. To yicōari, “Ḡajer̄āju ĩnare ñagōmacar̄ar̄ā, ĩna yisere ĩacōari, no yimasibeticōato” yigu, quēnaro ĩna ñasere bojaja yu. ¹⁵ J̄ere sīgōri mamar̄busa manaju rijaveoriarā Cristore ajitir̄n̄u t̄ujacōari, Satanājuare ajitir̄n̄u s̄uyarā ĩna ñajare, to bajiro mure gotibu yu.

¹⁶ Cristore ajitir̄n̄ugō yarā, manaju rijaveoriarā ĩna ñajama, ĩnare ejar̄emor̄ūgūroco ñagōmo. To bajiro so yijama, manaju rijaveoriarā maioro bajir̄e ejar̄emor̄imasa ĩna manijare, ĩnare ejar̄emomasir̄ar̄āma ĩna, ḡajer̄ā Cristore ajitir̄n̄ur̄ā.

¹⁷ Būcūrā, Cristore ajitirūnūrāre īnare quēnaro īna ūmato űajama, īnare rūcūbūocōari, vaja yiroti űaja. Īna rācana quēnaro gotimasiorāre būtobūsa rūcūbūoroti űaja. ¹⁸ Dios ocare masa īna ucamasire, ado bajiro ti gotijare, tire īnare goticōaja yū: “Ta vecū risere siabibebesa, trigo gasere īre mūa cūda jānerotijama, ‘Ī quēne bato’ yirā”, yigotiaja Dios oca masa īna ucamasire. Tire yigū, ta vecūa rīne tuoīagū me, yimasiñumi Dios. Gajejū quēne ado bajiro gotiaja: “Īna gotimasiose vajane bacatirūarāma”, yigotiaja Dios oca masa īna ucamasire.^f

¹⁹ Būcūre, “Rojose yimi” īna yi ocasājama, juarā, idiarā űacōari īna oca sājama, īnare ajiroti űaja.

²⁰ To bajiro īna yi ocasājama, Cristore ajitirūnūcōari, rējarā jediro īna ĩaro rījorojūa tud'igūre bajiro īre gotiba mū, “Gājerā, būcūrā quēne tire ajicōari, ‘Manire quēne yiromi’ yimasiato” yigū.

²¹ To bajiro mūre yū rotisere ajirāma Dios, ĩ macū Jesucristo quēne, ángel mesa, Dios ĩ beseriarā quēne. Mū cūdirotire masirūarāma īna. Mū baba rojose ĩ yijaquēne, yū rotirore bajiro cūdiya. ²² Cristore ajitirūnūrāre ūmato űarocūre mū cūruajama, quēnaro yigū ĩ űasere ĩajeocōari, beseya. To bajiro mū yibetijama, rojose yigūrene besegūja mū. To bajiro mū yijama, “Rojose yigūrene beseyumi”, mūre yirāma. “To bajiro bajirobe” yigū, quēnaro īnare beseba. To yicōari, quēnase rīne yirūgūñā.

²³ “Quēnase rīne yirūgūñā” yigū űaboarine, “Ūye oco idibetirūgūñā”, yibeaja yū. Oco rī mere idirūgūñā. Ūye oco quēne, mojoroaca idirūgūñā, biyaroaca mū gūdajoa ti jūnirūgūsere “Tūjato” yigū.

²⁴ Ado bajiro ti bajijare, “Īnare quēnaro masicōari rīne, beseya”, mūre yibū yū: Sīgūri rojose īna yisere ĩacōari, masiaja mani. To bajiboarine, gājerājūama, “Rojose yirā űaama”, yimasiñamana űaama. Īnare quēnaro masicōari rīne, rojose yirā īna űasere masiaja mani. ²⁵ To bajirone bajiaja quēnaro yirā īna űase quēne. Sīgūri quēnase īna yisere ĩacōari, masiaja mani. To bajiri, īnare quēnaro mani masiroto rījoro, jēre “Quēnase yirā űaama”, īnare yimasiaja mani. To bajiboarine, gājerājūama “Quēnase yirā űaama”, yimasiñamana űaama. Īnare quēnaro masicōari, quēnase yirā īna űasere masiaja mani. To bajiri Cristore ajitirūnūrāre ūmato űarāre, būcūrāre quēnaro masicōari rīne, beseya.

6

Gājerāre moabosarā īna bajire queti

¹ Jesucristore ajitirūnūrā gājerāre moabosarā, īna űjarāre rūcūbūoroti űaja. Īna űjarāre rūcūbūobetire ĩacōari, “Rojose yirā űaama Cristore ajitirūnūrā; vaja maja īna gotimasiose”, yirūarāma gājerā. ² Sīgūri īna űjarā, Cristore ajitirūnūrā űarāma. Īnare rūcūbūoroti űaja. “Mani űjū Jesucristore ajitirūnūrā űari, Dios ĩ mairā űarāma īna quēne. To bajiri quēnaro īnare yibosato mani” yitūoīacōari, būtobūsa īna moabosajama, quēnaja.

Cristo oca riojo gotimasiorere quēnaro ajitirūnūre queti

Adi queti yū gotise ti macanare īnare gotimasiocōari, “Ado bajiro yirūgūrūarāja mani”, īnare yīya.

³ Mani űjū Jesucristo ocare buerētobubuarine, ricati gotimasiorā īna bajisere gotiaja yū: Dios ĩ bojase mani yisere riojo gotimasiomena űarāma. ⁴ “Būto masirā űaja yūa” yitūoīaboarine, masimena űarāma. Cristo ocare, “Ado bajirojūa yirūaro yaja ti”, gāmerā yī josarūgūrāma. To bajiro īna yise sūorine, “Ūrētoro masirā űaama” yīājūnisinire, gāmerā rūcūbūobetire, “Socarā yama”, gāmerā yitūoīare űaroja. ⁵ Rojose tuoīarā űari, Cristo ocare ajitirūnū tūjacōari, vāti ĩ yitosere ajitirūnūrā űari, to bajiro yirūgūrāma. “Dios ĩ bojarore bajiro mani yijama, gājoa būjarūarāja mani”, yitūoīaboarāma īna. ⁶ To bajiro īna tuoīamavisiaboajaquēne, mani cūoro cōro mani variquēnajama, Dios ĩ bojarore bajiro mani yise sūorine būto quēnase būjarūgūajama mani. ⁷ Adigodo mani ruyujama,

^f 5:18 1 Co 9.9.

ñie cʉomenane ruyuararāja mani. To bajirone mani rijajaquēne, ñie āmi vamenaja mani. ⁸ To bajirona ñari, adigodojʉ ñarā, bare cʉti, sudi cʉti, mani yijama, variquēnaja mani. ⁹ Gājerājuama, jairo gājoa cʉorʉa tʉoīarūgūrāma ĩna. To bajiro tʉoīarā ñari, rojose yisejarūgūrāma. To bajiro ĩna bajiro tire yigʉmi vāti. To bajiro yirā rīne, rojose tāmʉotʉjabetiriaroju varuarāma. ¹⁰ Gājoare bojarā ñari, tocārāca vāmene rojosere yirūgūama sigūri. Diore ajitirūnūrā quēne, gājoare bojaca yirāne, Cristore ajitirūnʉ tʉjacama. To bajiri, yuja, ĩna masune rojose tāmʉorūgūama.

Timoteore Pablo rotire queti

¹¹ To bajiro ĩna yiboajaquēne, mʉjuama, Dios yʉ ñari, ĩnare bajiro yibesa. Dios ĩ bojarore bajiro quēnase rīne yirūgūña. Bʉto rojose tāmʉoʉoarine, Cristore ajitirūnʉ tʉjabesa. Gājerāre rūcʉbʉocōari, quēnaro ĩnare yirūgūña. ¹² Vāti rojose mʉre ĩ yirotisere cʉdibeticōari, Cristojʉare ajitirūnʉcōa ñarʉcʉja, “Yʉ macʉre mʉ ajitirūnʉjama, rojose tāmʉotʉjabetiriaroju mʉ vaborotire mʉre yirētosarʉcʉja yʉ” Dios ĩ yirere cʉdicacʉ ñari. Tire mʉ cʉdicatirūmʉre, jājarā ñacajʉ yʉa, gūibecʉne, “Cristore ajitirūnʉaja yʉ” mʉ yigoticatire ajicana. ¹³ Dios, adi macarʉcʉro catiñasere rujeor'i, to yicōari, mani ʉju Jesucristo quēne, mʉre yʉ rotisere ajirāma. Jesucristo ñaami gūibecʉne, Poncio Pilato vāme cʉtigʉ ĩ ĩaro rījoro, gājerāre quēnaro mani gotirūgūrore bajiro gotir'i. Ado bajiro mʉre rotiaja yʉ: ¹⁴ Mʉre yʉ rotise ñaro cōrone quēnaro cʉdiya, “Rojose yami’ mʉre yiroma” yigʉ. Mani ʉju Jesucristo adigodojʉ ĩ tudiejaroto rījoro to bajiro rīne yicōa ñarūgūma. ¹⁵ Mani ʉju, Dios, “To cōrone varʉcʉmi” ĩ yiriarūmʉne tudieja rotirʉcʉmi. ĩne ñaami gājerāre mani rūcʉbʉoro rētoro mani rūcʉbʉogʉ. Masirētogū ñagūmi. ĩmʉ gāji ĩre bajiro masigū magūmi. ¹⁶ ĩ sigūne ñaami ñajediro ti ruyuaroto rījorojʉne ñar'i, to yicōari, rijabetirocʉ. Bʉto busurojʉ masa ĩna ejamasibetojʉ ñarūgūgūmi. Sigū ĩre ĩagū magūmi. ĩre ĩarocʉ quēne magūmi. ĩre rūcʉbʉocōa ñarūgūroto ñaja manire. To bajiro rīne bajirūgūato.

¹⁷ Adigodoaye gajeyeūni jairo cʉorā ñacōari, “Gājerā rētoro ñamasurā ñaja yʉa’ yirāre yibesa”, ĩnare yigotiya. “Jairo gājoa cʉorā ñari, quēnaro ñarūgūrʉarāja mani’ yitʉoīabesa mʉa”, ĩnare yiya. Yoaro mene jedise ñaja gājoa. Dios catimʉorūgōrocʉjʉare ajitirūnʉcōari, “ĩ ñaami manire quēnaro ĩatirūnʉgū”, yirūgūroto ñaja, ĩnare. “Quēnaro variquēnañato’ yigʉ, manire quēnaro yirūgūami Dios”, yitʉoīarūgūroto ñaja. ¹⁸ To yicōari, “Jairo cʉorā ñari, ti rāca cojoji me quēnase yirūgūña”, ĩnare yirotiya mʉ. “ĩsi-variquēnarūgūña”, ĩnare yiya. ĩna gājoare maimenane, gājerāre ejarēmōrā ĩna ĩsijama, quēnaja. ¹⁹ To bajiro ĩna yijama, quēnaro ĩna yise vaja ō vecajʉ gajeye cūrēmōrāre bajiro yirā, yiruarāma ĩna. Quēnaro ĩna yise vaja, ō vecajʉ quēnaro ĩnare yirʉcʉmi Dios. ĩnare ĩ gotiriarore bajiro ĩna rijato berojʉ ĩ rāca quēnaro ñacōa ñarūgūrʉarāma yuja.

Timoteore Pablo ĩ gotitusare queti

²⁰ Ajiya Timoteo. “Cristo ocare quēnaro gotimasioato” yigʉ, mʉre cūñumi Dios. To bajiri quēnaro gotimasiorūgūña. Socasere ĩna gotimasiorūgūsere ajibesa. Dios ĩ cūre me ñari, vaja mani ñaja, “Masirā ye ñaja” ĩna yitʉoīaboase. ²¹ “Bʉto masirā yere gotimasioaja yʉa” yirāre ajisʉyacōari, Cristo ocare ajitirūnʉbesujarā ĩna yuja.

Mani ʉju Jesucristo, quēnaro mʉre yirūgūato.

To cōro ñaja.

Segunda carta de San Pablo a TIMOTEO

Timoteore, Pablo ï quënaroticõare queti

¹⁻² ¿Ñaboati m̄, Timoteo? Ȳ ñaja Pablo v̄ame c̄tigu, adi quetire m̄re ucacõaḡ. Ȳ mac̄re bajiro ȳ maiḡ m̄ ñajare “mac̄” m̄re yaja ȳ. M̄re quënarotigu, manì jac̄ Diore, to yicõari, manì ç̄ Jesucristore quëne, ado bajise m̄re sënibosaja ȳ: “Quënarõ m̄a r̄ca ï ñarotire yirã ïre ejarëmoña”, m̄re yisënibosaja ȳ.

“ “Manire rijabosayumi Jesucristo” yirãre ïna rijato beroj̄ tudirijabeticõato’ yiḡ, ȳ catisere ïnare ïsiruc̄ja”, yic̄masiñumi Dios. To bajiro ï yic̄masire ti ñajare, “Ti quetire Jesucristore gotibosaḡ, to bajise gotimasiodiruc̄ja m̄”, yicõañumi Dios, ȳre.

“Jesucristo ï bajirere masare gotimasio t̄jabesa”, Pablo ï yire

³ Ȳ ñic̄a Diore ïna r̄cub̄omasiriarore bajirone ïre r̄cub̄oaja ȳ quëne. Ëm̄are, ñamire quëne ïre ȳ sënijama, “Dios ï ejarëmojare, ïre quënarõ ajitir̄nuḡ ñacami Timoteo” yimasiḡ ñari, “Quënarõ yaja m̄”, ïre yivariquënaruḡaja ȳ. ⁴ To bajiro ȳ yijama, m̄re ȳ vadiveocatir̄m̄ m̄ oticatire t̄oïacõari, m̄re b̄to ïaruaja ȳ, m̄ r̄ca ñavariquënar̄. ⁵ M̄ ñico Loida, m̄ jaco Eunice quëne, Cristore m̄ ajitir̄nuroto r̄joroj̄ne ïre ajitir̄nurã ñacama ïna. “Ëna ajitir̄nucatore bajiro ï quëne quënarõ ajitir̄nuḡ ñacami” yit̄oïacõari, “Quënarõ yaja m̄”, Diore ïre yivariquënarõa.^a

⁶ To bajiro m̄re yit̄oïaḡ ñari, ado bajise m̄ tudit̄oïarotire bojaja ȳ: M̄re ȳ ãmo ñujeorone, “Adi ñaja m̄ moaroti Dios ï c̄re” Diore ȳ yigotibosarone, quënarõ m̄ yirotere m̄re ç̄joyumi Dios. To bajiro m̄re ï yire ti ñajare, tire masiritibec̄ne, m̄ yimasiro cõro variquënase r̄ca quënarõ yicõa ñaruc̄ja m̄. ⁷ Manì t̄oïabojonerotire yiḡ me manire ç̄joyumi Dios. Ado bajiroj̄na manì yirotere yiḡ manire ç̄joyumi: Jesús ï bajirere manì gotijama, gotiḡubetirotere, masare manì mairotire, to yicõari rojosere yir̄aboarine, tire manì yibetirotere yiḡ, manire ç̄joyumi Dios. ⁸ To bajiri, manì ç̄ Cristo ï bajirere gotiḡuibesa. Cristo ï bojasere yiḡ ñari, tubibe ecocaj̄ ȳ quëne. “Cristo s̄orine tubibe ecoyumi Pablo” yiḡuibec̄ne, ado bajiroj̄na t̄oïaña m̄: “Cristo ï bojasere yiḡ ñari, Pablo rojose ï t̄m̄orore bajiro t̄m̄oroti ti ñaboajaquëne, Cristo s̄ori quënarõ Dios ï yise quetire ï ejarëmose r̄ca gotimasiodõa ñaruc̄ja ȳ”, yit̄oïaña. ⁹ Cristo ï rijabosare s̄orine, “Rojose mana ñaama”, manire yïañumi Dios. To yicõari, “Ȳ yarã ñari, quënarõ yirã ñaña”, manire yiyumi. Adi macar̄c̄ro ï rujeoroto r̄joroj̄ne, “Ënare mairuc̄ja” yimasir̄i ñari, quënase manì yibetiboajaquëne, “Rojose mana ñaama”, manire yïañumi Dios. ¹⁰ “Ënare mairuc̄ja ȳ” ï yiriarore bajirone yiḡ ñari, adigodoj̄ Jesucristore cõañumi, manire ï rijabosarotire yiḡ. To bajiri Dios manire ï yire s̄orine manì masibetiborotire, “Manire b̄to maiami Dios”, yimasijaja manì. To yicõari, “Jesucristo manire rijabosayumi” manì yit̄oïajama, manì rijato beroj̄ “Tudirijabeticõato” yiḡ, Dios ï catisere manire ï ïsire quetire ajirã ñari, manì bajirotere ḡibeaja manì.

¹¹ “Ti quetire ajitir̄nucato masa” yiḡ, gotimasiodiroc̄re ȳre cõañumi Dios. ¹² To bajiri, ï bojarore bajiro gotimasiodiḡ ñari, tubibe ecocõari, rojose t̄m̄oaja ȳ. To bajiro bajiḡ ñaboarine, ȳre ejarëmoḡre Cristore quënarõ masiḡ ñari, ti quetire gotiḡuibejaja ȳ. To bajiri, “Ȳre ïna s̄iboajaquëne, Cristore ajitir̄nurãj̄na, quënarõ ȳ gotimasiorore bajirone ‘Gotimasiodõa ñato’ yiḡ, m̄are ejarëmocõa ñaruc̄mi”, ïre yimasijaja ȳ. To bajiro ï yirã ñari, Jesucristo ï tudiejajaquëne, gotimasiodõa ñaruarãma.

¹³ To bajiri, m̄re ȳ gotimasiodatire bajirone gotimasiodõa ñaña. To bajiro m̄ yijama, “Jesucristore ajitir̄nurãre manire maiami Dios” yimasiḡ ñari, “Manire ï mairõre bajirone ïnare quëne ȳ mairõtere yiḡ ejarëmoruc̄mi” yit̄oïacõari, m̄ gotimasiorãre

^a 1:5 Hch 16.1.

ĩnare maiña. ¹⁴ Dios ĩ ejarẽmose rãca tũoĩacõari, “Cristo sũorine quẽnaro Dios ĩ yise quetire gotimasiorocũ ñaja yũ”, yicajũ mũ. To bajiri, “Quẽnaro gotimasioato” yigũ, Esp'iritu Santo ĩ ejarẽmose rãca mũ yimasiro cõro yirũgũña. Gãjerã mũ gotimasiorore bajiro me ĩna gotijama, “Bajibeaja. Ado bajirojũa bajiaja”, ĩnare yigotirũcũja mũ.

¹⁵ Asia sitajũ vadiriarã Cristore ajitirũnũrã, yũ babarã ñaboacana yũ tũjũ vadiboarine, ejadimenane, tudicoarere jẽre masigũja mũ. ĩna ñaũuma Figelo, Hermógenes, to yicõari gãjerã quẽne. ¹⁶⁻¹⁸ To bajiro ĩna bajiboajaquẽne, Ones'iforo vãme cutigũjũama, “Yũ baba ñacami Pablo” yitũoĩagũibecũ ñari, tubibe ecocõari yũ ñarimacare ejadagũjũama, macasũoasumi, yũre bũjacõarijũ “Tũjagũsa” yigũ. Yũre bũjacõari, cojõji me quẽnaro yũre ĩ yijare, variquẽnacajũ yũ. ĩ ñarimaca Efeso vãme cuti macajũ yũ ejaajaquẽne, quẽnaro yũre ejarẽmorũgũcami. Tire masigũja mũ. To bajiro yicacũ ĩ ñajare, “ĩ ya vianare ĩamaicõari, quẽnaro yiba mũ, masare mũ beserirũmũ ti ejaro”, ĩre yisẽniĩaja yũ, mani ẽjũre.

2

“Cristo ĩ bojasere yibosagũ ñarũcũja mũ”, Pablo ĩ yire queti

¹ Yũ macũre bajiro bajigũ, ado bajise yũ gotisere quẽnaro ajiya mũ: “ĩre ajitirũnũgũ yũ ñajare, yũre ĩamaicõari, quẽnaro yũ yirotere yũre ẽjoyumi Jesucristo” yimasigũ ñari, ĩ bojase rĩne yicõa ñaũa mũ. ² Mũre yũ gotimasiorocũre gãjerãre quẽne gotimasiorocũ yũ. To bajiri, jãjarã ñacama “Riojo gotiami Pablo” yirã. Tire riojo gotimasioronare gãjerãre gotimasiorotirũcũja mũ, “Cristore ajitirũnũrã ñato ĩna quẽne” yigũ.

³ Surara masũ, rojose ĩre tãmũoroti ti ñaboajaquẽne, ĩ ẽjũ ĩ bojarore bajiro yigũmi. ĩre bajirone bajiroti ñaja mũre quẽne. Jesucristore ajitirũnũgũ ñari, “Pablo rojose ĩ tãmũorore bajiro rojose tãmũoroti ti ñaboajaquẽne, Cristo ĩ bajirere gotimasiorocũ ñarũcũja yũ” yitũoĩacõari, gotimasiorũgũña. ⁴ Surara ĩ moajama, ẽjũ ĩ ĩvariũquẽnarotire bojagũ ñari, ĩ rotise rĩne moagũmi. ⁵ To bajiro bajiaja ajerimasũre quẽne, “Gãjerãre ajerẽtogũsa” yiboagũre. Ajere vãmere bajiro ĩ ajebetijama, ĩ ajeboase vaja, vaja bũjabecũmi. ⁶ Gajeyere quẽne ado bajiro yaja mani: “Vese moagũma, ĩjũa ñaami ti vese ti rica cutiro, juasũorocũma”, yaja mani. ⁷ Mũre yũ gotisere quẽnaro tũoĩaña. Quẽnaro mũ tũoĩajama, gãjerãre mũ gotimasiorotire “Tũoĩamasiato” yigũ, mũre ejarẽmorũcũmi mani ẽjũ.

⁸ Cristo ĩ bajirere masiritibeticõaña: ẽjũ David ñamasir'i jãnami, rijacoaboarine Dios sũorine quẽna tudicatr'i ñaami Jesús. To bajiri, “Rotimũorũgõrũcũmi” yigũ, Dios ĩ cõar'i ñaami. To bajiri, tirene gotirũgũaja yũ, masare gotimasiorocũ. ⁹ Tire gotimasiorocũ ñari, rojose yir'ire bajiro cõmemarine sia ecocõari, tubibe ecoaja yũ. Yũre ĩna tubibeboajaquẽne, Dios ocajũama gotitũja ecobetirũaroja. ¹⁰ To bajiri, “ĩna ñarũarãma yũ yarã” Dios ĩ yĩariarã quẽnaro ĩna ñarotire yigũ, rojose tãmũoaja yũ. Cristo ĩ bajirere ajitirũnũrã ñari, “ĩna rijato berojũ Diorãca quẽnaro ñarũarãma” yigũ, gotimasiorocũ ñaja yũ.

¹¹ Ado bajiro gotire riojo ñaja:

Cristore ajitirũnũrã ñari, rojose yirũaboarine, tire mani yibetijama, mani rijato berojũ quẽna tudicaticõari, ĩ rãca quẽnaro ñarũgũrũarãja.

¹² Gãjerã rojose manire ĩna yiboajaquẽne, Dios ĩ bojarore bajiro mani yicõa ñajama, õ vecajũ ĩ rotirojũ ĩ rãca ñarũarãja mani quẽne. To bajiboarine, “Jesũre ajitirũnũrã me ñaja yũ” mani yijama, ĩ quẽne, õ vecajũ ĩ jacũ ĩaro rĩjorojũa, “ĩnare masibeaja”, manire yirũcũmi.

¹³ Mani yirore bajiro yimena ñaboarine, “To bajirone bajigũmi Dios quẽne”, yitũoĩaroti me ñaja. Socagũ me ñaami ĩma. “Yirũcũja” ĩ yirore bajirone yigũ ñaami.

“Dios ĩ bojarore bajiro quẽnaro yiya”, Pablo ĩ yire queti

¹⁴ To bajiro mũre yũ gotisere, Cristo ĩ bajirere gotimasiorimasare ĩnare gotiya, “Tire masiritibeticõato” yigũ. To yicõari, gaje vãme ado bajiro ĩnare gotirẽmoña: “Socase ĩna yise ũni sũorine gãmerã oca josabesa. Tire mũa yijama, masare no bajiro

yiejarēmobetoja. To bajiri, socase ĩna yisere aĵianane, quēnasejuare ĩna aĵiruaboasere aĵimavisia tuĵacōarāma”, ĩnare yigotiya mu. ¹⁵ To yicōari, Cristore aĵitirūnūrāre gotimasioġū ĩnari, Dios mure ĩ ĩavariquēnarotire yigu, mu yimasiro cōro variquēnase rāca quēnaro yirūġūña. To bajiro yigu ĩnari, bojonebecune, mu yirūġūserere ĩre gotirucūja mu. ¹⁶ Adigodoaye rīne tuoīacōari, “Gāmerā ĩnagōto mani” ĩna yijama, ĩnare aĵibesa. Tire tuoīavariquēnarā ĩnari, Diojuare aĵibeticōari, rojosejuare b̄tobusa yirūtuana yirāma.^b ¹⁷ Socase ĩna gotimasiosejuare aĵisuyacōari, Dios ocare aĵiboariarā, jājarāb̄usa ĩnarūtuararāma socasejuare aĵirā. To bajiro bajiyuma, Himeneo, to yicōari Fileto vāme cutigu quēne, Cristore aĵisuyaboariarā. ¹⁸ Cristo ĩ bajirere riojo aĵisuyaboariarā, socasejuare aĵisuyacōari, ĩna gotimasiojama, “Jēre rijariarāre Dios ĩ catoriarūmu rētoacoasuja”, yisocarāma ĩna. To bajiro ĩna yijare, Dios ocare aĵitūjacōari, socasejuare aĵisuyacoasuma sīġūri. ¹⁹ Socasere ĩna aĵisuyacoaboajaquēne, Dios ocare aĵisuyarā masujua, socasere aĵisuyabetiruarāma ĩna. To bajiro ĩna bajiro tire yiro, ado bajiro gotiaja ti: “Ī yarāre ĩamasiami mani uĵu”, yigotiaja. To yicōari, gajeju ado bajiro gotiaja: “Jesūre aĵitirūnūrā ĩnaja yua’ yirāma, rojose ĩna yisere yitūjajama, quēnaja”, yigotiaja ti.

²⁰ Gotimasiore queti mure gotigu yaja yu: Gajeyeūni jairo ti ĩnarivima, oro rāca, to yicōari, plata vāme cuti rāca ĩna quēnorā soteri rione ĩnabetoja. Yucū rāca, riri rāca ĩna quēnorā soteri quēne ĩnaroja. Jairo vaja cuti sotere ĩacōari, gājerā ĩre ĩna ĩarūcub̄uorotire masigū ĩnari, ado bajiro tuoīagūmi ti vi uĵu: “Īnmasurā ĩna eĵajama, ĩnare bare ecagu, jairo vaja cuti sotere rāca bare jeorucūja”, yituoīagūmi, “Yure rūcub̄uato ĩna” yigu. “Yucū rāca, to yicōari, riri rāca quēnorā sotere bare yu jeojama, yure rūcub̄uomenama’ yigu, yu cuose ĩnaruroja”, yigūmi. Ti sotere bajirone bajiaja mani quēne, Cristore aĵitirūnūrā. ²¹ Cristore aĵitirūnūrā ĩnaboarine rojose yirāma, tire yitūjacōari, quēnasejuare ĩna yijama, “Rojose mana ĩnaama. ĩna suorine yure rūcub̄uoruarāma gājerā quēne” yigu ĩnari, ĩre ĩna yibosarotire rotirucūmi Dios.

²² To bajiri, ado bajiro yirūġūña mu: Mamarā, Diore aĵimena, no ĩna bojase ĩna yise ũnire yibeticōari, ado bajirojua yirūġūña: “Ī yirore bajiro yigu ĩnaami” Cristore ĩre yituoīacōari, quēnase rīne yirūġūña. Diore, to yicōari “Jesucristore aĵitirūnūrā ĩnaja yua” yisocamenare quēne, maicōari, mu rāca quēnaro ĩna ĩnarotire yigu, quēnaro ĩnare yirūġūña. ²³ Adigodoaye rīne tuoīacōari, “Gāmerā ĩnagōto mani” ĩna yijama, ĩnare aĵibesa, “Tire mani gāmerā ĩnagōboajama, quēnabetoja” yimasigū ĩnari. ²⁴ Mani uĵu bojasere yiguma, oca josabecu ĩnagūmi. Ado bajirojua bajigu ĩnagūmi: Gājerāre aĵirūcub̄uocōari, quēnaro ĩnare yigu ĩnagūmi. “Cristore quēnaro aĵitirūnūrāto ĩna” yigu, quēnaro gotimasioġū ĩnagūmi. ²⁵ Dios ocare riojo gotimasioimenare, Dios ĩ bojarore bajiro quēnaro yirūagu ĩnari, ĩnare ĩmaicōari, “Ado bajirojua bajiaja”, ĩnare yigotimasioġūmi. Dios suorine ricatijua tuoīacōari, ĩ oca riojo gotimasiorere ĩna aĵitirūnūrōtore bojagu ĩnari, to bajiro gotigūmi. ²⁶ Ī gotisere aĵicōari, “Riojo gotiami” ĩre ĩna yiaĵijama, “Satanās suorine masare yitorūġūñuja mani”, yirā ĩnari, ĩ rotiboasere yitūjaruarāma ĩna.

3

“*Adi macarucuro* ti jediroto rījoro ado bajiro bajiruarāma masa”, Pablo ĩ yire queti

¹ *Adi macarucuro* ti jediroto rījoro Dios ĩ bojarore bajiro yirāma, b̄to rojose tām̄uoruarāma, jājarā ado bajiro rojose yirā ĩna ĩnare: ²⁻³ Gājerāre maituoīamenane, ĩna masu yejuare tuoīarā ĩnaruarāma. Jairo gājoa suorā ĩnaboarine, jaibusaro bojarēmōrā ĩnaruarāma. “Īnmasurā ĩnaja yua”, yijairā ĩnaruarāma. Gājerāma, “Īnmasurā ĩnaja yua” yituoīarā ĩnaboarine, “To bajiro bajirā ĩnaja yua”, yibetiruarāma. Masare, Dios yere quēne, rūcub̄uomena ĩnaruarāma. ĩna jacua ĩna rotisere cudimena ĩnaruarāma. Dios quēnaro ĩnare ĩ yiboajaquēne, “Quēnaro yaja mu”, ĩre yimena ĩnaruarāma. Gājerā rāca quēnaro ĩnamena ĩnaruarāma. Masa ĩaro rījorojua, socarāne, “Ado bajise rojose yima”, yigotirā ĩnaruarāma. Rojose ĩna yirua tuoīasere, “Yibeticōato mani”, yimena ĩnaruarāma. Quēnaro yirāre ĩaterā ĩnaruarāma. ⁴ “Mua babarā ĩnaruarāja” yiboarine,

^b 2:16 1 Ti 1.4; 4.7; 6.20; Tit 1.13-14.

ĩnare ĩsirearã ñaruarãma. “Rojose yibetiroti ñaja” yituoĩamenane, guaro rojosere yirã ñaruarãma. Dios ĩ bojasejua yiroti ũnirene yirã, ĩna bojasejua yivariquẽnarã ñaruarãma. ⁵ “Cristore ajitirũnrã ñari, Diore rũcũbuoaja” yigotirã ñaboarine, Dios ĩ bajirore bajiro yibetiruarãma.

To bajiro yirãre ĩacõari, ĩnare baba cutibesa. ⁶⁻⁷ ĩna ũna, no bojarone virire sãjacudirã ñari, ado bajise tuoĩarãre rõmiare bũjarãma: Rojose ĩna yirua tuoĩasere, “Yibeticõato mani” yibetiriarã ñari, “Rojose mani yise vaja rojose tãmuoruarãja mani”, yituoĩarãma. Tire tuoĩasutirititerã ñari, gajeye no bojase mame gotimasiorejua ajivariquẽnaruarã ñarãma. To bajiri, socasere quẽnaro ĩnare gotimasiorãma. To bajiro ĩna yijare, ajimasirã ñaboarine, Dios oca riojo gotimasiorejuaema masibetiruarãma. To bajiri, socarãne gotitorimasare ĩnare baba cutibetiroti ñaja. ⁸ ĩnare bajiro yimasĩñujarã Janes, to yicõari, Jambres vãme cutigu. Diore gotirẽtobosagu, Moisés ñamasir'i, uju, faraõnre ĩre ĩ gotisere ajicõari, “Dios ocare ajirũcũbubeticõato” yirã, ĩañañamanire yĩomasĩñujarã ĩna. Ti ũnire yirã, adirũmuri ñarã quẽne, Diore ajitirũnrãre, “Ajitirũnbeticõato” yirã, socasere gotimasiorãma. To bajiro yirã ñari, rojose rĩne tuoĩarãma. To bajiri, Cristo ocare riojo gotimasiorere ĩna ajitirũnbetijare, “Yu macure ajitirũnrã me ñaama”, ĩnare yĩagũmi Dios. ⁹ Socase gotimasiorimasare, “Cristore ajitirũnrã me ñaama” yimasibetiboarine, yoaro mene, “Socasere gotirũgũama”, ĩnare yĩamasicoaruarãma masa. Tire bajirone bajimasĩñuja, Janes, to yicõari Jambres mesare quẽne. ĩna yitosere masibetiboarine, “Diore rũcũbuomena ñari, tuoĩamasimenare bajiro yiyuma”, ĩnare yĩamasicoasujarã masa jediro. To bajiri, socase gotimasiorimasare baba cutibetiroti ñaja.

“Yu bajicatire tuoĩacõari, quẽnaro ñaña”, Pablo Timoteore ĩ yire queti

¹⁰ Mu baba cutibetironare bajiro me bajiaja mũjuama. Yu gotimasiosere quẽnaro ajitirũnũadicaju mũ. “‘Dios ĩ bojasere yigusa’ yigu, to bajiro bajĩnarũgũami”, yure yimasiaja mũ. “Yure ejarẽmorũcũmi Cristo” yu yituoĩasere, yure ajirũcũbubomenare rojose yijũnisinibecu, yu maicõa ñasere, to yicõari, bũto rojose tãmuoobarine, Cristore ajitirũnũgũ ñari, yu gotimasiocõa ñarũgũsere masiaja mũ. ¹¹ Antioqu'ia, Iconio, Listra vãme cuti macariju rojose yu tãmuocatire masiaja mũ. To bajiro rojose yure ĩna yirũgũboajaquẽne, gotimasiocõa ñacaju yu. Tocãracajine rojose yu tãmuocatire yure yirẽtobosacami mani uju. ¹² “Yu sigũne rojose tãmuogũ me bajiaja”, yituoĩaja. Tocãracũne Jesucristore ajitirũnrãma, Dios ĩ bojarore bajiro yirã ñari, rojose yiecoruarãma. ¹³ Rojose ĩna tãmuoĩarone, socasere gotimasiorimasa quẽne, “Diore gotirẽtobosarã ñaja yua” ĩna yisocajama, ĩna masune socasere gotiecorãre bajiro bajiruarãma. To bajiri, rojose yirã, to yicõari, socasere gotirã quẽne bũtobusa Dios ĩ ĩvariquẽnabetire yirũtuaruarãma.

¹⁴ To bajiro ĩna bajĩboajaquẽne, mũjuama, Cristo ocare ajicõari, “Riojo gotimasiore ñaja” mũ yiajicatire ajitirũnũ tũjabeja. “Yure gotimasiocana riojo gotimasiocama”, yimasiaja mũ. ¹⁵ To yicõari, daquegu ñagũjũne, Dios ocare masa ĩna ucamasirere ajimasiadicaju mũ. Tire mani buejama, “Jesucristo manire rijabosayumi’ yirãre quẽnaro Dios ĩ yise quetire bũtobusa masirã ñarũtuaruarãja”, yimasiaja mani. ¹⁶ Dios oca masa ĩna ucamasire ñajediro ĩ ye ñaja. Tire ucamasiriarã, Dios ĩ ejarẽmose rãca tuoĩacõari, ucamasĩñujarã. Ñajediro ado bajiro manire ejarẽmoaja ti: Riojo ñamasusere manire gotimasioaja. “Rojose yigu ñaja mũ” manire yigotimasioacõari, “Tire yitũjacõari, ado bajirojua mũ yijama, quẽnaja”, manire yigotimasioaja. To bajiro yicõari, quẽnaro mani yirũgũrotire manire gotimasiorũgũaja. ¹⁷ Dios ocare ajiguma, “Ī bojarore bajiro quẽnaseayere yimasijeocõato” yiro, to bajiro manire yigotimasiorũgũaja Dios oca masa ĩna ucamasire.

4

“Cristore ajitirũnrãre ado bajiro ĩnare gotiya”, Pablo Timoteore ĩ yire queti

1-2 Ñamasuse mure gotigu yaja yu. Dios, i macu Jesucristo quene tire ajirama. Jesucristo ñaami, ñajediro rotirocu. Adigodojore tudiejacõari, catirãre, rijariarãre quene, mani yirere iacõiarucami. To bajiro i yiroti ti ñajare, Cristo i bajirere gotimasiocõa ñarũgũña. Masa ña ajirujama, ña ajiruabetijaquene, ñare gotimasiocõa ñaña. Rojose ña yirere, “Rojosere yiyuja yu” ña yimasirotire yigu, quenaro ñare gotimasioña. To yicõari, “Rojose yitujaya mu”, ñare yiba. “Ado bajirojua mu yijama, quenaruroja”, ñare yigotiba. To bajiro ñare mu gotimasioboajaquene, rojosere ña yicõa ñajama, ñare gotimasiocõa ñarucuja mu. ³ Ado bajiro bajiroti ti ñajare, quenaro ñare gotimasiõrũgũña mu: Adirũmuri Dios ocare mu gotimasiosere ajirũgũrãma masa. Berojuma tire ajitecõari, ña ajiruasejũare gotimasiõrãre jirõcõari, “Yũare gotimasioña”, ñare yiruãrãma. ⁴ Dios oca riojo gotimasiõrejũare ajitujacõari, tirũmũana ña tuoĩarũgũmasirejũare ajitirũnũrũarãma ña. ⁵ Mũjũama, “To bajiro yiroma” yigu, roori ñarũgũrucuja mu. Rojose mure ña yiboajaquene, Dios i bojase jediro yicõa ñarũgũrucuja mu. To bajiro yigu ñari, “Jesucristo manire i rijabosare ñajare, Dios yarã mu ñarujama, rojose mu yisere yitujacõari, Cristore ajitirũnũña”, yigotimasiocõa ñarũgũrucuja mu.

⁶ Jẽre yũjũarema, tire gotimasioũ yu ñajare, yũre ña sãaroti mojoroaca ruyaja. ⁷ Rojose tãmũogũ ñaboarine, mani çũ i roticatire bajirone quenaro yicoadicaju. To bajiri, tire yijeocõaja yu. ⁸ To bajiro yigu yu ñajare, masare Dios i ñabeserirũmu ti ejaro, “Quenaro mure yaja” yũre yirucami Dios”, yimasijaja yu. To bajiro yũre i yijama, yu sũgũrene yigu me yirucami. Ñajediro adi macarucurojore “Jesucristo tudiejarucami” yituoĩarãre quene, to bajirone yirucami.

“Yũre ñagũ vaba”, Pablo Timoteore i yire queti

⁹⁻¹¹ Yũ rãca ñaboagu, Demas vãme çutigũ, yũre vaveocami, Tesalónica vãme çuti macaju vacu. Dios yere i mairo rãtoro adigodoayere maigũ ñari, to bajiro bajicami. Crescente vãme çutigũjũare, “Galacia sitanare Cristo ocare gotimasiõrucuja mu”, ñre yicõacaju yu. To yicõari, Titore quene, “Dalmacia sitanare gotimasiõrucuja mu”, ñre yicõacaju yu. To bajiri, Lucas sũgũne ñaami yu rãca tujagu. To bajiro ti bajijare, yoato me busane vayã. Marcõre ñre macabujacõari, ñre ãmiaba. Yũre ejarẽmogũ vadiato. ¹² T'iquico vãme çutigũjũarema, Efeso vãme çuti macaju ñre cõacaju yu. ¹³ Mũ vadijama, yu sudiro joeadore yũre ãmiadibosaba. Troas vãme çuti macagu, Carpo vãme çutigũ ya vijũ cũcaju yu. Yũ paperatutiri juadibosaba. To yicõari, gajeye papera yu cũcatire quene juadimasucõama.

¹⁴ Alejandro vãme çutigũ, cõme rãca quẽnocõari, ña rũcũbuorotire yĩsirimasu, buto rojose yũre yicami. Rojose yũre i yicati vaja, ñre quene rojose ñre yirucami mani çũ. ¹⁵ ñre roori ñaña mu quene, “Rojose yũre yiromi” yigu. Dios ocare mani gotimasioatire “Ajibeticõato masa” yigu, buto rojose i yicati ñajare, to bajiro mure yaja yu.

¹⁶ Ujarã ña ñaro rĩjorojua, “Ñie rojose yibecu ñaami” yũre yiejarẽmorã manicama. Yũ rãca ñaboacana yũre vaveojedicoacama. To bajiboarine, “Ti vaja, rojose ñare yibeticõato Dios” yigu, ñre yisẽniaja yu. ¹⁷ Yũre ña vaveojediboajaquene, mani çũjũma, ejarẽmocõa ñacami. To bajiri, jud'io masa me ñarãre, “Quenaro Dios yisere ajitirũnũato ña” yigu, ñare gotimasioacaju yu. Tire ajicõari, “Rojose yigu yaja mu”, yũre yibeticama ujarã, mani çũ i ejarẽmose ti ñajare. To bajiri, yũre sãaborona, sãabeticama. ¹⁸ O vecaju i rotiãaroju yu ejarõtire bojagu ñari, yũre ejarẽmocõa ñagũmi mani çũ. To bajiri, gãjerã, “Dios i bojabetire tuoĩato i” yirã, rojose yũre ña yiboajaquene, ñre ajitirũnũcõa ñarucuja yu. “Quenarẽtogũ ñaja mu”, ñre yirũcũbuomũorũgõroti ñaja manire. To bajirone bajiato.

“Quenato masa”, Pablo i yicõare queti

¹⁹ To bajiri mani mairãre, Prisca vãme çutigo, so manaju Aquilare, to yicõari, Ones'iforo ya vianare quene, ñare quẽnaroticõaja yu. ²⁰ Erasto vãme çutigũma, Corinto macaju tujacoacami. Gãji, Trõfimo vãme çutigũrema, i rijajare, Mileto vãme çuti macaju ñre cũcaju yu. ²¹ Juebcu rĩjoro yoato me busane vayã, “Pablo tũju ejağusa” yigu.

To bajiri, mure quēnaroticōama, adoana, Jesucristore ajitirānūrā jediro. Eubulo, Pudente, Lino, Claudia quēne, mure quēnarotiama.

²² Mure quēnarotigū, mani ūjūre ado bajiro mure sēnibosaja yū: “Ī rāca ñarūgūña mū, mū bojasere ĩ yirūgūrotire yigū. To yicōari, ĩ rācanare quēne, quēnasere ĩnare cōaña mū”, mure yisēnibosaja yū.

To cōro ñaja.

Carta de San Pablo a TITO

Titore Pablo ĩ quēnaroticōare queti

¹ ¿Ñaboati m̄, Tito? Ȳ ñaja Pablo v̄ame c̄tigū adi quetire m̄re ucacōaḡ. Dios ĩ bojasere yigū, Jesucristo ĩ cōaḡ ñaja ȳ. To ĩ yigū ñari, Dios ĩ ejarēmose r̄aca ĩ mac̄re ajitir̄un̄r̄are b̄tob̄usa ĩre ĩna ajitir̄un̄rotire, to yicōari, “Dios ĩ bojasere ĩna yirōt̄ire ajimasiato” yigū, gotimasīor̄ūḡūaja. Tire ajimasīcōari, ĩ bojarore bajiro quēnaro yir̄ūḡūama ĩna. ² To bajiri, “Diore mani ajitir̄un̄jama, rijacoaboarine, tudicaticōari, Dior̄aca quēnaro ñacōa ñar̄ūḡur̄ar̄aja mani” masa ĩna yit̄uōiar̄otire yigū, Jesús ĩ bajirere ĩnare gotimasīor̄ūḡūaja ȳ. Macar̄uc̄uro ĩ rujeoroto r̄ijoroj̄une, “Ado bajiro yir̄uc̄uja”, yimasīñumi Dios: “Ȳre ajitir̄un̄r̄a, rijacoaboarine, tudicaticōari, ȳ r̄aca quēnaro ñacōa ñar̄ūḡur̄ar̄ama”, yimasīñumi Dios, socabec̄u ñari. ³ “Ado cōrone ti quetire ḡajer̄are gotimasīor̄uc̄umi” ĩ yiriarore bajirone ȳre goticudirōtiyumi Dios, ĩre mani c̄amotadicōa t̄ujaborotire manire yir̄etobosaḡu ñari. ⁴ M̄re ȳ gotimasīosere ajicōari, “Jesucristo yere ajitir̄un̄aja”, yicaj̄u m̄. To yicōari, Jesucristo ĩ bojarore bajiro m̄ yir̄ūḡūesere ĩacōari, “Jesucristore ajitir̄un̄ḡū masu ñaami”, m̄re yicac̄u ñaja ȳ. To bajiri, “M̄re maiaja” yigū, ȳ mac̄re bajiro bajigū m̄ ñajare, “mac̄u” m̄re yaja ȳ. M̄re quēnarotigū, mani jac̄u Diore, to yicōari, Jesucristo manire yir̄etobosar'ire quēne, ado bajise m̄re s̄enibosaja ȳ: “Quēnaro m̄a r̄aca ĩ ñarotire yir̄a, ĩre ejarēmōña”, m̄re yis̄enibosaja ȳ.

Jesucristore ajitir̄un̄r̄are ūmato ñaronare Tito ĩ besere queti

⁵ Creta v̄ame c̄ti yoanare, Jesucristore ajitir̄un̄r̄are ȳ gotimasīojeobetire, “M̄j̄ua gotimasīo gajanor̄uc̄uja”, m̄re yicaj̄u ȳ. To yicōari, “Toj̄u ñarimacari cōrone Jesucristore ajitir̄un̄r̄are ūmato ñaronare beseḡusa’ ȳ yicanare ȳre besebosaba”, m̄re yivadicāj̄u ȳ. ⁶ To bajiri, ĩnare ūmato ñaronare m̄ beserotire yigū, m̄re gotiaja ȳ: Jesucristore ajitir̄un̄r̄are ūmato ñaroc̄u, “Rojose yigū ñaami” masa ĩna yibec̄u ñar̄uc̄umi. Manajo c̄tigū, gajeore ajerio c̄tibec̄u ñar̄uc̄umi. ĩ r̄ia quēne, Jesucristore ajitir̄un̄r̄a ñar̄uar̄ama. “Rojose yir̄a ñaama”, to yicōari, “ĩna jac̄uare r̄uc̄ub̄uomena ñaama” masa ĩna yir̄a me ñar̄uar̄ama. ⁷ Jesucristore ajitir̄un̄r̄are ūmato ñar̄a, Dios ĩ bojasere yir̄a ĩna ñajare, “Rojose yir̄a ñaama”, ĩnare yibetir̄uar̄ama masa. ĩna r̄acana ĩna gotijama, ajiter̄a, guaro j̄ūnisinimena, quēamena, idimec̄umena, “Ḡajoa b̄jar̄asa” yir̄a, ḡajer̄are yitor̄a me ñar̄uar̄ama. ⁸ Ado bajiroj̄ua bajir̄a ñar̄uar̄ama: No bojase ĩna yiroto r̄ijoro, quēnaro t̄uōiacōari yir̄a ñar̄uar̄ama. To yicōari, ĩna ya vi ejar̄are quēnaro yir̄a, no ĩna bojaro ĩna vacudijaquēne, masare ĩamaicōari, quēnaro ĩnare yivariquēnar̄a ñar̄uar̄ama. To yicōari, Diore quēnaro yir̄uc̄ub̄uor̄a ñar̄uar̄ama. Rojosere yir̄uar̄a ñaboarine, tire yimena ñar̄uar̄ama. ⁹ To bajiri socabetire Dios oca Cristo yere ȳ gotimasīocatire ajitir̄un̄riar̄a ñari, quēnaro riojo ĩna gotimasīojare, b̄tob̄usa Jesús yere ajitir̄un̄r̄uar̄ama. “To bajiro me bajaiaja” yir̄a quēne, “Riojo gotiama” yir̄a ñari, ĩna gotimasīosere ajitir̄un̄r̄uar̄ama. To bajiro gotimasīor̄are Jes̄ure ajitir̄un̄r̄are ūmato ñaronare beser̄uc̄uja m̄.

¹⁰ Toj̄ure j̄ajar̄a ñacama, “Circuncisión yirere Dios ĩ rotic̄ūmasirere yirōti ñaja” yir̄a. To yicōari, socaserene masare ejar̄emobetirene gotitor̄a ñacama. To bajiro ĩna yijama, Dios ĩ bojasere yir̄a me yicama. ¹¹ To bajise ĩna gotimasīosere, “To cōrone gotit̄ujaya”, ĩnare yija m̄. “Ḡajoa b̄jar̄asa” yir̄a, socasere gotimasīo ñar̄ama. Tire ajica yir̄a, cojo viana me, ajimavisiar̄ama.

¹² “Rojose yama” ȳ yirore bajirone yiyumi Creta v̄ame c̄tiyoaḡu ĩna ȳ quēne: “Creta v̄ame c̄tiyoana socar̄a ñaja m̄a. Ḡajer̄are rojose yir̄a, moamena, to yicōari, jairo bar̄a ñaja m̄a”, yiyumi, ĩ yar̄are. ¹³ To bajiro ĩ yijama, riojo gotigū yiyumi. To bajiri socar̄ane masare gotitor̄are b̄to ĩnare gotiya m̄, “Dios oca Jesús yej̄uare t̄uōiato ĩna” yigū.

¹⁴ Jud'io masa ñna masune tuoïacõari socarãne ñna gotisere, to yicõari ñna rotisere quẽne ajitujacõari, “Dios ye riojo gotisejuare ajiato ñna” yigũ, ñnare gotiya mũ.^a ¹⁵ Quẽnasere tuoïarãma, jediro ñna yise rĩne quẽnase ñacõaroja. Rojosere tuoïarãrema, ñna yise jediro rojose rĩne ñaroja. “Adi ñaja quẽnase. Tijua ñaja rojose”, yimasimenama ñna, rojose rĩne tuoïarã ñari. ¹⁶ Ñna ùnama, “Diore masirã ñaja yua” yirã ñaboarine, rojosere Dios ï ñatesere yirũgũama. To bajiro yirã ñna ñajare, masa ñna ñavariquẽnaboajaquẽne, “Yũ bojasere yibeama”, ñnare yĩagũmi Dios.

2

“*Ado bajirojua* ñaroti ñaja manire’ ñnare yigotiya” yigũ, Titore Pablo ï ucacõare queti

¹ Mũjuaama, Dios ocare buecõari, riojo ñnare gotimasioña, “Dios ï bojarore bajiro yirã ñato” yigũ. ² Ado bajiro bucurãre ñnare gotimasioña: “Rojosere yiruaboarine, tire yimena ñaña. ‘Quẽnase yirã ñaama’ masa ñna yĩarũcũbuorã ñaña. Quẽnaro tuoïacõari, quẽnase rĩne yiya. Gãjerãre ñamaicõari, ñnare ejarẽmoña. Cristo yere ajirã ñari, tire ajitirũnũ tũjabesa”, ñnare yigotimasioña mũ.

³⁻⁴ Bucurã rõmirire quẽne, ado bajiro ñnare gotimasioña mũ: “Diore ajitirũnũrã ñari, quẽnaro yirã ñaña. Gãjerãre socasere ñnare gõjabesa. Idimecumenane ñaña”, ñnare yigotiya. “Quẽnase rĩne yirã ñari, mamarã rõmiri mame manajua cutirãre, ‘Mũa manajuare mũa rĩare quẽne ñnare ñamaiña’ ñnare yigotiya mũa”, ñnare yiya. ⁵ “Quẽnaro tuoïacõari, quẽnase rĩne yiya. Mũa ye moarere quẽnaro moaña. Mũa rãcanare quẽnaro yiya. Mũa manajuare ajirũcũbuoya. ‘Tire yimenane, rojosejuare mani yijama, Jesús ocare ajirãma, “¿To bajise yirã ñañujarique?”, manire yiroma’ yirã, mamarã rõmirire ñnare gotiya mũa”, ñnare yiya, bucurã rõmirire.

⁶ Mamarã ñmũare quẽne, “Quẽnaro tuoïacõari, quẽnase rĩne yiya”, yigotiya mũ. ⁷ Mũ quẽne quẽnase rĩne yiya mũ. To bajiro mũ yisere ñacõari, “Ñre bajiro yiroti ñaja manire quẽne”, yiruãrãma. Dios ocare mũ gotijama, “Masa yũre ñavariquẽnacõari rũcũbuoato” yigũ me, rũcũbuose rãca quẽnaro Dios ocare ñnare gotiya. ⁸ Mũre yũ gotimasioatore bajiro riojo ñnare gotimasioña, “Tire ajicõari, ‘Socũ yami’ yiroma” yigũ. To bajiro mũ yijama, manire ñaterimasa, riojo mũ gotijare, tire ajicõari, bojonẽruãrãma.

⁹ Ñna ñjarãre moabosarimasare Jesucristore ajitirũnũrãre quẽne ado bajiro ñnare gotiya: “Mũa ñjarãre quẽnaro ñnare cũdirũgũña, ‘Mani moasere ñacõari variquẽnato ñna’ yirã. ¹⁰ To yicõari, mũa ñjarã yere juarudibesa. Tire ñacõari, ‘Dios ocare ajitirũnũrã ñaama ñna’ mũare yiruãrãma. To bajiri, rojose mani tãmũotũjabetirotire manire yirẽtobosagu yere ‘Quẽnaro rũcũbuoato ñna’ yigũ, quẽnaro moaña”, ñnare yiya, ñjarãre moabosarimasare, Jesucristore ajitirũnũrãre.

¹¹ “Jesucristore ajitirũnũrã rojose mani yise vaja rojose mani tãmũotũjabetirotire manire yirẽtobosagũre Dios ï cõare ti ñajare, quẽnase rĩne yirã ñaña mũa”, ñnare yiya mũ. ¹² Ado bajiro Dios quẽnaro manire ï yirũgũse ñajare, “Quẽnaro yirã ñaña mũa”, ñnare yiya mũ: Adigodo mani catiro cõro ï ñatesere, ñre ajimena ñna yirore bajiro mani yiruãjama, “Quẽnasejuare tuoïacõari, yũ bojarore bajiro quẽnase rĩne yato” yigũ, manire ejarẽmoami Dios. ¹³ Jesucristo adigodojũre tudiejacõari, quẽnaro manire ï yirotire tuoïayurã ñari, quẽnasere yirũgũroti ñaja. “Quẽnarẽtogũ, ñaja yũ” Dios ï yĩose rãca tudiejarũcũmi. Ññaami masirẽtogũ, rojose mani yisere Dios ï masiriose vaja, manire vaja yibosar'i. ¹⁴ Ñre ajitirũnũrã, “Ñie rojose mana ñaama’ manire yĩato Dios” yigũ, manire rijabosayumi Jesucristo. To bajicõari, “Rojose yiruaboarine, yibeticõari, quẽnasejuare yato” yigũ, manire rijabosayumi.

¹⁵ To bajiri, mũre yũ gotirotisere quẽnaro ñnare gotimasiorũgũña mũ. “Tire quẽnaro mũa ajisere bojaja yũ”, ñnare yigotiya. Mũ gotisere ñna ajibetijama, Cristore ñagõbosagũ ñari, ñjũre bajiro bojonebecũne gotiya mũ.

a 1:14 1 Ti 1.4; 4.7; 6.20; 2 Ti 2.16.

3

“Jesúre ajitirünurāma, ado bajirojua naroti naja”, Pablo ī yire

¹ Gaje vāme ado bajiro ĩnare gotiya mu, “Masiritiroma” yigu: “Gobierno, to yicōari mware ũmato narā ĩna rotisere, quēnaro ĩnare ajirūcubuoaya. To yicōari, gājerāre quēne quēnaro yirūgūña mu. ² Gājerāre socarāne rojose ĩnare ñagōbesa. Quēnase rīne yirā ñaña. Rojose mware ĩna yiboajaquēne, ĩnare ĩamaicōari, quēnaro ĩnare ejarēmoña. ĩnare ajirūcubuoocōari, quēnaro ĩnare yiya mu”, ĩnare yigotiya mu, Jesucristore ajitirünurāre.

³ Ado bajiro Dios quēnaro manire ī yise ñajare, gājerāre quēnaro yirūgūroti naja manire: Mani quēne, Cristore ajitirünurāmena ñari, tuoīamasimena ñariarāja mani. Diore cudimena, socasejuare ajitirünurāriarāja mani. To yicōari, rojose mani yivariquēnasere rūgūmena ñariarāja mani. Gājerā ĩna cuosere uorā ñariarāja mani. “Teose yirā ñaama” manire ĩna yijare, ĩnajuare quēne, “Teose yirā ñaama”, ĩnare yigāmejairā ñariarāja mani. ⁴⁻⁶ To bajiro rojose yirā mani ñaboajaquēne, “To cōrone ĩnare ĩamaicōari, quēnaro ĩnare yirucuja yu” Dios ī yiriarore bajirone Jesucristore cōañumi, “Rojose ĩna yise vaja rojose ĩna tāmuborotire ĩnare yirētosaaaya” yigu. ĩre mani ajitirünuroto rījoro, quēnasere mani yibetiboajaquēne, ĩre cōañumi. ĩjuma, manire ĩamaicōari, “Quēnaro ĩnare yirucuja” yir’i ñari, yiyumi. To bajiro ī yire ñajare, “Rojose mani tāmuborotire manire yirētosayumi” mani yituoīajare, Espiritu Santore manire cōañumi Jesús, manire ejarēmorocare. To bajiro ī yijare, Espiritu Santo rāca narā ñari, “Ñie rojose mana ñaama” Dios ī yīarā ñasuojuja. To bajicōari, rojosere yiruaboarine, tire yibetisuojuja mani. ⁷ “Ñie rojose mana ñaama” Dios ī yīarā ñari, mani rijato bero tudicaticōari, tudirijayamanire mani bujarotire, “Tuoīavariquēna ñaruarāma” yigu, to bajiro yiyumi Dios.

⁸ Dios yere socabetire mure goticōaja yu. Dios ye socabeti ti ñajare, quēnaro Dios ī yirere tuoīarāre ĩnare mu gotimasiosere bojaja yu. “Quēnase rīne yīñato ĩna” yigu, tire mure gotimasioroticōaja yu. No bojarā tire ajitirünurārema ejarēmoruaroja. ⁹ Socase ĩna yise ũni suorine gāmerā oca josabesa. ĩna ñicua ĩna bajimasirere ĩna masise suorine gāmerā oca josabesa. Moisés ñamasir’i ī roticūmasirere ajimasibeticōari, ti suorine gāmerā oca mavisabesa. Tima, masare no bajiro yiejarēmobetoja.

¹⁰ Sigū mu vatoaju, Jesucristo ocare ajitirünurāre ricatine ī gotimavisio ñajama, “Tire yibeticōaña”, ĩre yigotiba mu. To bajiro ĩre mu yigotiboajaquēne, ī ajibetijama, quēna ĩre gotirēmoma. ĩre mu tudigotiboajaquēne, ī ajibeti manicōajama, ĩre cāmotadicōama. ¹¹ ĩ masune, “Rojosere yigu yaja yu” yimasiboarine, butobusa rojose ī yicōa ñajama, ti suorine rojose ĩre yirucumi Dios. To bajiri, rojose yijaigure masigū ñari, ĩre cāmotadiba.

Tito ī bajirotire Pablo ī goticōare queti

¹² Artemas vāme cutigure mu taju ĩre cōarucuja yu. ĩre yu cōabetijama, T’iquico vāme cutigujare ĩre cōarucuja. ĩ ejaro ĩacōari, to ī ñaro ũnone mu bajitīmaro cōro yure ĩagū varucuja mu, Nicópolis vāme cuti macaju. “Ti macaju jueucu rētorucuja”, yibu yu. ¹³ Apolos, to yicōari masare rotisere gotimasiorimasu Zenas vāme cutigu mu taju ejaruarāma. Mu tu eja, ñarūgūboa ĩna vato, mu ejarēmoro cōro ĩnare yirēmoma, “Quēnaro vajarō” yigu. ¹⁴ Mu tuana quēne, Jesucristore ajitirünurā ñari, gājerā ĩna bojase ti ruajama, ĩnare ĩna ejarēmojama, quēnaja. Ti ñaja quēnaro ñarema. Gājerāre mani ejarēmobetijama, ñie vaja maja.

¹⁵ Mure quēnarotiaja yu jediro. Mu rācana quēne, Jesucristore ajitirünurā, yuare mairā quēnato. Diore sēnirā, “Quēnasere ĩnare cōaña”, mware yisēnibosaja yu.

To cōro ñaja.

Carta de San Pablo a FILEMÓN

Filemón vāme cūtigure, Pablo, Timoteo rāca ĩna quēnarotire

¹⁻³ ¿Ñaboati yua baba Filemón vāme cūtigū? Mū ñaja quēnaro yua maigū, yuare bajiro moagū. Mani maigō, Apia vāme cūtigore, to yicōari, yuare bajiro moagū, Arquipo vāme cūtigure quēne adi queti muare ucaja yua. Cristore ajitirūnucōari, mū ya vijū rējarūgūrā jedirore adi queti muare ucaja yua. Muare quēnarotirā, mani jacū Diore, to yicōari, mani ɛjū Jesucristore quēne, ado bajise muare sēnibosaja yua: “Quēnaro mūa rāca ĩna ñarotire yirā, ĩnare ejarēmoña”, muare yisēnibosaja yua. Yū Pablo, mani maigū, Timoteo rāca adi papera rāca muare queti ucaja yua. Masare Jesucristo ocare gotimasiogū ñari, adoju tubibe ecoaja yū.

Filemón Cristore ĩ ajitirūnure queti

⁴⁻⁵ Mani ɛjū Jesucristore, to yicōari Dios yarāre quēne quēnaro mū maisere yure gotirūgūama masa. “Jesucristore quēnaro ajitirūnucōa ñaami. To bajicōari, Dios yarā jedirore ĩamaicōari, quēnaro yami” mure ĩna yisere ajivariquēnaja yū. To bajiri, tocārācajine Diore sēnigū, “Filemónre quēnaro yiyuja mū”, ĩre yisēnirūgūaja yū. ⁶ Mū quēne, yure bajiro Jesucristore ajitirūnugū ñari, ñajediro quēnaro Dios manire ĩ yisere mū ajimasirotire yigū, mure sēnibosarūgūaja. ⁷ “ĩnare ĩamaicōari, quēnaro mū yijare, variquēnama Jesúre ajitirūnūrā” ĩna yisere ajicōari, buto variquēnarūgūaja yū quēne.

“Onésimo vāme cūtigure quēnaro bocaāmiña”, Pablo ĩ yire

⁸⁻⁹ Dios yarāre quēnaro yirūgūgū mū ñajare, yure quēne quēnaro mū yirotere sēnigū yaja yū. Cristo ĩ cōacacū ñari, mū yiruabetire rotimasirocū ñaboarine, Dios yarāre quēnaro mū maisere masicōari, “Yure quēne maicōari, yū sēnirore bajiro cūdirucūmi” yigū, mure sēniaja yū. Yū ñaja bucū Pablo. To yicōari, Cristo ĩ bajirere yū gotimasiose suorī adoju tubibe ecoaja yū. ¹⁰ Ado bajiro mure sēniaja yū: Quēnaro ajiya, Filemón. Onésimo mure moabosarimasū ñaboar'ire, yū macure bajiro bajigūre sēnibosagū yaja. Adoju tubiberiavi ñagū, Cristo ĩ bajirere yū gotimasiocati suorine Jesucristore ajitirūnucami.

¹¹ Tirūmujū mure moabosarimasū ñaboarine quēnaro mure moabosabesumi. Yucurema quēnaro ejarēmogū ñaami. To bajiri, mure quēne quēnaro ejarēmogūcūmi. ¹² Mū tujū ĩre varotiaja yū. ĩ ñaami buto yū maigū. To bajiri, quēnaro ĩre bocaāmiña. ¹³ Bajigūjuma, yū rāca ĩ ñasere bojaboaja yū, “Tubiberiavijū yū ñaro yure ejarēmoato” yigū. To bajiro ĩ bajijama, sōju ñacōari, yure mū ejarēmomasibetijare, mure ĩ moabosaroti ũnirene, yujūare ejarēmocōa ñabogūmi. ¹⁴ To bajiboarine, “Pablo tujū ĩ tujasere bojaja yū quēne” mū yiroto rījoro, “Adoju tujaya Onésimo”, yiruabeaja yū. To bajiri, ĩre bojagū ñaboarine, mū tujū ĩre varotiaja yū. Mū tujū ĩ tudiejasere ĩacōari, “Pablore ejarēmorcū ñaja mū” ĩre mū yijama, quēnaroja. ¹⁵ Mure rudiadicōari, yoaro me adoju ĩ ñarotire bojarimi Dios, mū tujū tudiejacōari, quēnaro ĩ ñacōa ñarotire yigū. “Yucurema Jesucristore ajitirūnugū ñari, ĩ rijato beroju ĩ catirotire Dios ĩ ĩsir'i ñari, ō vecaju quēne mū rāca quēnaro ñacōa ñarūgūrūcūmi” yigū yaja yū. ¹⁶ Mū tujū ĩ tudiejarō, “Yū moarimasū tudiejaami” ĩre yigū me, ĩre ĩamairucūja mū. “Jesucristore ajitirūnugū ñari, yū maigū, yū bedire bajiro bajigū ñaami” yituoīagū, ĩre ĩamaima. To bajiri ĩre yū mairo rētoro mūjua, ĩre mairucūja mū.

¹⁷ To bajiri, mū tujū ĩre tucōdagū yaja yū. “Pablo quēne, yure bajiro Jesucristore ajitirūnugū ñagūmi” mū yituoīajama, yurene bocaāmigūre bajiro Onésimore bocaāmima. ¹⁸ Tirūmujū rojose yir'i ĩ ñajama, to yicōari, no bojase mure vaja mor'i ĩ ñajama, yujūare vaja sēniña. ĩre vaja yibosarū yaja yū. ¹⁹ Yū masune adire ucaja yū: “Onésimo mure ĩ vaja more ti ñajama, ĩre vaja yibosarucūja”, yiucaja yū. To bajiro yū yiboajaquēne, ado bajise tucōāgūja mū: “Pablo ĩ gotimasiocati suorine Jesucristore yū ajitirūnucūcati ñajare, yū

rijato berojɯ yɯ catirotire Dios ĩ ĩsir'i ñaja yɯ. To bajiri ĩ gotimasiore vaja yɯre ĩ sēnijama, ĩre vaja yijeomasibecɯja”, yitɯoĩagũja mɯ. ²⁰ To bajiri, Onésimo rojose mɯre ĩ yirere masiriocōari, ĩre quēnaro mɯ bocaāmijama, “Mani ɯjɯ ĩ bojarore bajiro yiyumi” mɯre yimasicōari, bɯto variquēnarɯcɯja yɯ.

²¹ “Quēnaro ĩre bocaāmiña’ yɯ yiro rētoro quēnaro ĩre yirɯcumi” mɯre yitɯoĩacōari, adi papera yɯ ucase rāca mɯre sēniaja yɯ. ²² Gajeye ado bajise mɯre yaja yɯ: Mɯ tɯjɯ yɯ cānirotisōa yɯre quēnoyubosaya. “Dioire yɯre mɯa sēnibosarũgũrore bajirone yoaro mene adoja tubiberiavire budirɯcɯja”, yitɯoĩaja yɯ. To bajicōari, mɯare ĩagũ varɯaja yɯ.

Pablo, ĩ rācana quēne ĩna quēnarotire queti

²³ Mani maigũ, Epafras mɯre quēnarotiami. ĩ quēne, Jesucristo ĩ bojasere yigɯ ñari, adoja tubiberiavijɯ yɯ rāca ñaami. ²⁴ Gājerā, yɯ rāca moarā, Marcos, Aristarco, Demas, Lucas quēne, mɯre quēnarotiana ĩna quēne.

²⁵ Mani ɯjɯ Jesucristo, quēnase mɯare cōarũgũato.

To cōro ñaja.

Carta a los HEBREOS

Ī macu suorine ĩ ocare Dios ĩ gotimasiore queti

¹ Tirũmũju cojoji me mani ñicure Hebreo masare ĩnare gotimasioñuju Dios. ĩre gotirẽtobosariarã suorine ĩnare gotimasiñuju ĩ. ĩna gotise rĩ me ĩnare yimasiomasiñuju. Gajeye quẽne, ricati ĩnare ĩ yiroticõamasire rãca ĩnare yimasiomasiñujarã. To bajiri, “To bajiro tũoĩagũ ñagũmi”, yimasiniujarã ĩna, mani ñicua. ² To bajiri yucũrirema, Dios ĩ macure manire ĩ cõajare, quẽnaro Diore masiaja mani. Macarũcũro, õ vecaye ñajediro ĩ macu suorine tire rujeomasiniuju Dios. ĩ macũne ñaami, “Jediro macarũcũroayere cũorũcũja mũ” ĩ yimasir'i. ³ Dios macure ajitirũnũrã ĩre masirã ñari, “Rẽtoro ñamasugũ ñagũmi Dios”, yimasiaja mani. Diore masirã ñarãma ĩ macure masirã. ĩ macure quẽnaro masicõari, “ĩ jacure bajirone bajigu ñagũmi”, yimasiaja mani. ĩ macũne ñaami, “Adi macarũcũroaye bajimũorũgõato” yirotimasir'i. ĩne ñaami, Diore ajitirũnũrã rojose mani yise vaja manire rijabosacõari, Diorãca ñajedirore rotigu.*

“Ángel mesa rẽtoro ñamasugũ ñaami Dios macu”, yire queti

⁴ To bajiri adirũmũri Diorãca rotigu ñari, Diore moabosarã ángel mesare rẽtoro ñamasugũ ñaami Dios macu. ⁵ ĩ sũgũne ñamasugũ ĩ ñajare, ado bajise ĩre yiyumi Dios:

“Adirũmũne yũ macu ñari, yũre bajiro rotisũorũcũja mũ”, ĩre yimasiniuju Dios.

Ángel mesarema, to bajiro ĩnare yibesumi Dios. Gãjerãre quẽne, ti ũnire yibecũne ĩ macu sũgũrene tũoĩagũ, ado bajiro yiyumi Dios:

“ĩ jacu ñaja yũ. To bajiri yũ macu ñaami”, ĩre yiyumi.

⁶ ĩ macu ñamasugũre, adi macarũcũrojũre ĩre cõagũ, ado bajise ĩre yiyumi:

“Ángel mesa quẽne mũre rũcũbuo jedicõarũarãma ĩna”, yiyumi Dios.

⁷ ĩre moabosarimasa ángel mesare yigu, ado bajiro yiyumi Dios:

“Ángel mesare yũ rotijama, yoaro me mino ti vēatuvasere bajiro yoaro mene yũre cũdirũarãma. To yicõari, jea ũjũse guaro ti ũjũjẽniore bajiro yũre moabosarũarãma ĩna”, yiyumi Dios, ángel mesa ĩre ĩna moabosarotire yigu.

⁸ ĩ macu ñamasugũre yigu, ado bajirojũa yiyumi Dios:

“Yũ macu ñari, Dios ñaja mũ. Mũ rotise jedibetirũaroja. Masare mũ rotijama, yũ bojarore bajirone quẽnaro rotirũcũja mũ.

⁹ “Yũ bojarore bajiro quẽnaro yigu, rojosejũarema yibetirũcũja’ yitũoĩarũgũcũju mũ. To bajiro yicacu mũ ñajare, ‘Gãjerã rẽtoro ñamasugũ ñaja’ mũre yaja yũ. To bajiro mũre yũ yijare, buto variquẽnaja mũ”, yiyumi Dios, ĩ macure.

¹⁰ Quẽna gajeye ado bajise yiyumi Dios, ĩ macure yigu:

“Rẽmojũne adi macarũcũrore rujeomasicũju mũ.

¹¹ Mũ rujeomasicati jedirone ti jedicoaboajaquẽne, mũjũama, ñacõa ñarũgũrocu ñaja mũ, Dios ñari.

¹² Sudi ĩna sãnasũosere vejecõari, gajeye quẽnase ĩna vasoasãñarore bajiro, adi macarũcũro ñase ti jedirore quẽna gajeye vasoarũcũja mũ. Mũma, rijabetirocu ñari, mũne ñacõa ñarũgũrũcũja mũ”, ĩ macure yiyumi Dios.

¹³ Quẽna, ĩ macu sũgũrene ado bajise yirũcũbuoyumi Dios:

“Rũcũbuoriajũre rujiya maji. Mũre ĩaterãre, ‘Rojose yitũjaya’ ĩnare yũ yiro bero, rojose yimasibetirũarãma. To cõrone rotisũorũcũja mũ”, yirũcũbuoyumi Dios, ĩ macure.

Ángel mesarema, to bajiro yibetimasiniuju Dios. ¹⁴ Ángel mesama, ruyumena ĩre moabosarã ĩ cõarã ñarãma. To bajiri, Diore ajitirũnũrã õ vecaju quẽnaro ĩ rãca ñaronare ejarẽmorã ñarãma ángel mesa.

* 1:3 Jn 1.1-3.

2

“*Īmacu* suorine quēnaro manire Dios ĩ yirotere ajitirūnu tujabetiroti ñaja”, yire queti
¹ Dios macu ñamasugū ĩ ñajare, ĩ ocare butobusa ajitirūnuto mani, tire mani ajitirūnu tujajama, “Quēnaro manire Dios ĩ yirotere masiriticōari, rojose yirobe” yirā. ² Tirūmujū ángel mesa suorine, Dios ĩ rotimasire Moisére ejamasinuju ti. Tire, “Dios ye masu ñañuja”, yimasija mani. Tire cudibetimasiriarā ñaboarine, rojose Dios ĩ yirotere masicōari, bojabetimasinujarā. To bajiro bajirā ñaboarine, rojose tāmuo jedicōamasinujarā ĩna. ³⁻⁴ To bajiri Dios ĩ yirere masiboarine, ĩ rotimasire rētoro quēnasere mani ajitirūnu tujajama, “No bajirojua yicōari rojose manire yibeticōato Dios”, yimasibetiruarāja. Rēmojne mani ujū Jesús ñañuju, adirodor Dios ĩ yarāre quēnaro ĩ yirotere gotisnor'i. Īre ajiriarā, ti ocare manire gotirētocama ĩna. To yicōari, Dios suorine jairo ĩañañamanire manire yīocama. To yicōari, Dios ĩ bojarore bajiro ĩna yimasirotere yigu, tocārācurene ricati rīne ĩ masisere ĩnare ujoyumi Esp'iritu Santo. To ĩ yijare, manire quēnaro gotimasiocama ĩna. To bajiri, “Cristo oca socase mene bajaia ti”, yimasicoacaju mani quēne.

Jesucristo manire bajigu ĩ ñare queti

⁵ Diore moabosarā, ángel mesarema, “Adi macarucuro jedirore rotiruarāja mū”, ĩnare yibesuju Dios. ⁶ Masajuarema, “Adi macarucurore rotiruarāja mū”, ĩnare yimasinuju. Sīgū, Diore ĩ sēnirere ucagu, ado bajise ucamasinumi:

“Dios, ¿no yigu ñamasurā me yua ñaboajaquēne, yuare masiritibeati mū?

⁷ ‘Ángel mesare bajiro bajibeticōato’ yigu, ‘Ñamasurā me ñaruarāma’, yuare yiyuja mū.
 To bajiro yuare yicūr'i ñaboarine, ‘Ñamasurā ñato’ yuare yicūñuja mū quēna.

⁸ ‘Adi macarucuro ñase jediro mū cūrere rotimasiato’ yigu, yuare cūñuja mū”, yiuca-
 masinuju sīgū, Diore sēnigū.

“Noajuane masare cudimena maniruarāma” Dios ĩ yire ti ñaboajaquēne, ñajediro manire cudijedibeama maji. ⁹ To bajiboarine, sīgū adi macarucuroaye jediro rotimasigūre masija mani, Jesús vāme cutigure. Ī bajirere ado bajiro masija mani: Ángel mesa rētoro ñamasugū ĩ ñaboajaquēne, “Yoaro meaca ñamasugū mere bajiro bajirucumi” yigu, adigodojūre ĩre cōañumi Dios. To bajiro ĩ yicōar'i ñari, manire rijabosayumi Jesús. Rojose tāmucōari, ĩ rijabosare ñajare, “Jediro ujū ñamasugū ñarucumi”, ĩre yiyumi Dios.

¹⁰ Adi macarucuro ñase jediro Dios ĩ rujeore ñaja. Quēnaro ĩ rotimasijare, adi macarucuro bajise jediro bajiñarūgūaja. Jediro Jesucristo suorine, “Yū yarā ñaama” Dios ĩ yīarā, “Yū tujū ejamasiruarāma”, ĩnare yiyumi Dios. To bajiro yigu ñari, “Rojose ĩna tāmuborotire yirētobosaaya” yigu, ĩ macure cōañumi Dios. To bajiro ĩ yiroticōajare, rojose tāmucōari, manire rijabosayumi Jesucristo. ¹¹ To bajiri, Jesúrāca ñarā ñari, sīgū rīare bajiro bajirā ñaja mani. Mani quēne, Dios rīa mani ñajare, bojonebecune, “Yū bederā ñaama”, manire yigūmi Jesús. ¹² To bajirone gotiaja Dios ocare masa ĩna ucamasire:

“Mū bajisere yū bederāre ĩnare gotirucuja yū. Īna rāca rējacōari, mure variquēnarā, basaruarāja yū”, yigotiaja.

¹³ Quēna gajeye ado bajise gotiaja, Jesús Diore ĩ yirotere yiro:

“ ‘Yūre ejarēmocumi’ Diore ĩre yitūoĭaja yū”, yigotiaja.

Quēna gajeye, ado bajiro gotiaja:

“ ‘Yū rīare bajiro bajirā ñaama’ Dios ĩ yicana rāca adoju ñaja yū”, yigotiaja, Jesús ĩ yirotere yiro.

¹⁴ Mani, Dios rīa, sīgūre bajirone ruju cuti, ri'i cuti bajaia mani. To bajiri, Jesús quēne, Dios macu ñaboarine, manire bajirone ruju cuticōari, manire rijabosayumi. To bajiro ĩ bajijama, ĩ rijabosase suorine rojose tāmucotujabetiriaroju masare vāti ĩ varotiboasere tire tegu bajiyumi. ¹⁵ Adi macarucuro ñarā rojose yirā ñari, bajireacōari bero, “Rojose yiecoruarāja” mani yitūoĭagūiboarere “To cōrone gūitujato ĩna” yigu, manire rijabosayumi. ¹⁶ To bajiri, “Ángel mesare ejarēmogū bajiyumi Jesús”, yibeaja

mani. Ado bajirojua yimasiaja mani: “Diore Abraham ñamasir'i i tuoñiarore bajiro tuoñarãjuare manire ejarëmogũ bajiyumi”, yaja mani. ¹⁷ To bajiri manire bajiro ruju cuticõari rojose tãmuõnumi Jesús. Adi macarucuro ñagũ paia uju i ñagõbosaro rëtoro i jacu i ñaroju i rijabosariarãre “Ñagõbosagusa” yigu bajiyumi Jesús. Dios i ñajama, masa ñna bajisere quënarõ gotirëtobosagu, to yicõari masa rojose tãmuorãre ñnare ñamaigũ ñañumi. Ñne ñañumi masa rojose ñna yise vajare “Ñnare masirioato Dios” yigu, rojose tãmuocõari, ñnare yirëtobosar'i. ¹⁸ Cojojirema Dios i bojarore bajiro i yise, buto josarũgũñuju ti, Cristore. To bajiri rojose tãmuõñuju i. To bajirone bajiaja manire quëne. Manire bajiro bajir'i ñnari, Diore mani cudiroti ti josajama, manire ejarëmomasiãmi Jesús, “Yure bajiro ñna quëne, Dios i bojasere yato” yigu.

3

“Moisés rëtoro ñamasugũ ñagũmi Jesús”, yire queti

¹ To bajiri, “Jesús manire ejarëmogũ ñaami”, yimasiaja mani. Manijua, “Dios i ejarëmose rãca Cristore ñre ajitirũnuroti ñaja” yimasicõari, ñre cudirã ñaja mani. “Yure yarã ñato” Dios i yiriarã ñaja. Jesújua ñagũmi, “Masare quënarõ yu yirotere gotiba” Dios i yicõar'i. To bajicõari, tirũmũju paia ujarã ñna yisuoadimasire ñnare yigu, Cristo quëne rojose mani yisere “Masirioato Dios” yigu, manire sënibosagu ñagũmi. To bajiri, “Ñamasugũ ñagũmi Jesús”, yituoñato mani. ² Adi macarucurojũre ñagũ Dios i rotirore bajirone yigu, Dios yarã masare quënarõ ejarëmoñumi Jesús. To bajirone yimasiñuju Moisés ñamasir'i quëne. Dios i rotirore bajirone yigu, Dios yarãre quënarõ ejarëmomasiñuju. ³⁻⁴ Quënarõ ñnare ejarëmomasiñu i ñnaboarine, “‘Rojose mana ñaama’ Dios i yirãrã ñato”, yimasibetimasinuju. Jesújua, “‘Rojose mana ñaama’ Dios i yirãrã ñato”, yimasigũ ñaami. To bajiro yigu i ñajare, Moisés ñamasir'i rëtoro Cristore rucuburoti ñaja. ⁵ Moisés ñamasir'ijua, Dios moarimasure bajiro bajimasiñuju. To bajicõari, Dios i yirotere bajirone cudigu, Diore ajitirũnũrãre quënarõ ejarëmogũ ñamasinuju. To bajiro i yimasirere tuoñacõari, “Cristo sũori Dios manire quënarõ i yirotere gotimasioagũ yimasiñumi Moisés”, yimasiaja mani. ⁶ Cristojua, Dios moarimasure bajiro me bajiyuju. Ñ ñaami Dios macu, i rotirore bajirone yigu. To bajicõari, Dios yarã uju ñaami Cristo. “Cristo sũori quënarõ Dios i yirotere yiecoruarãja mani” mani tuoñatujabetijama, i yarã ñacõa ñarũgũrãrãja.

“Diore ajitirũnũ tujabesa mua”, yire queti

⁷ To bajiri Dios yarã ñnari, Cristore ajitirũnũ tujabeticõato mani. Dios ocare masa ñna ucamasire Dios yarãre gotigu, ado bajiro yimasiñumi Esp'iritu Santo:

“Yucũne mũare yu gotisere mua ajijama, yu yirotere bajiro cudiya.

⁸⁻⁹ ‘Mũre ajitirũnũmenaja yu’ yibesa. Mua ñicua yure jũnisinicõari, ñna cudibetimasicatire bajiro bajibesa mua. Mua ñicua, masa manojũ ñna ñacudiro, juarã masa cõro ñaricũmari ñañañamanire ñnare yirũgũboacaju yu. To yu yiboajaquëne, yure ajirũcubũomena ñnari, ado bajise yirũgũcama ñna: ‘Mani bojasejua mani yijama, ¿no bajise manire yirojari Dios?’ yirũgũcama ñna.

¹⁰ To bajiro ñna yisere jũnisinicõari, ado bajise ñnare yicaju yu: ‘Yure ajiterũgũaja mua. To bajiri, “Ado bajiro tuoñagũ ñagũmi”, yure yimasibeaja mua, ñnare yicaju yu.

¹¹ Quëna gajeye ñnare goticaju yu: ‘Riojo mũare gotiaja yu. Yu rãca quënarõ mua ñasere bojaboacaju yu. To bajiboarine cojõji me muajua yure mua ajibetijare, yu rãca quënarõ ñnabetirũarãma’ yicõacaju yu”, yigotimasinumi Dios i cõagũ Esp'iritu Santo.

¹² To bajiri mani ñicua Diore ñna ajitirũnũ tujamasiriarore bajiro bajibesa yu yarã mua. Sigũ mani yu, “Dios ocare socase ñaja” i yisere ajicõari, quënarõ ñre gotimasioña, “Masirëtogũ Dios yere ajitirũnũ tujaromi” yirã. ¹³ Dios ocare gãmerã gotivariquënaña mua. “Maji busiyu gãmerã gotiroti ñaroja”, yituoñabesa, mua rãcana sigũri vãti i rotisejuare cudicõari, “‘Dios oca socase ñaja’ yiroma” yirã. To bajiri tocãrãcarũmũne gãmerã goticõa ñarũgũroti ñaja mũare, “Tire ajitirũnũ tujabeticõato” yirã. ¹⁴ Tirũmũju,

Cristore ïre mani ajitirũnũsũocatore bajirone ïre ajitirũnũcõa ñaroti ñaja manire. To bajiro mani bajicõa ñajama, mani bajirearo berojũ õ vecajũ Cristo rãca quẽnaro ñacõa ñarũgũrũarãja mani.

¹⁵ Tire mũare yũ gotirore bajirone gotiaja Dios ocare masa ïna ucamasire:

“Yucũne mũare yũ gotisere mũa ajijama, yũ yirotirore bajiro cãdiya. ‘Mũre ajitirũnũmenaja yũa’ yibesa. Mũa ñicũa yũre jũnisinicõari, ïna cãdibetimasicatire bajiro bajibesa mũa”, yigotiaja Dios ocare masa ïna ucamasire.

¹⁶ Mani ñicũa ïna bajimasirere tũoĩañã mũa quẽna: ¿Ñimarã ñañujari Dios ï masune ï gotisere ajirã ñaboarine, cãdibetiriarã? Egipto sitajũ ñarãre, Moisés ï ïmato variarãne bajiyuma. ¹⁷⁻¹⁸ Juarã masa cõro ñaricũmari, Diore ïna cãdibetijare, bũto jũnisiniũju Dios. ïnare jũnisinicõari, ado bajiro ïnare yimasiũju Dios: “Riojo mũare gotiaja yũ. Quẽnari sitare mũare yũ ñjorũaboacatore ejabetirũarãja mũa”, ïnare yimasiũju Dios. To bajiro ï yire ñajare, ti sitajũ ejamenane, masa manojũ ïna ñacudimasiriarojũne bajireacoamasiũjarã ïna. ¹⁹ Tire ajicõari, “Diore ajirũcũbũobetiriarã ñari, ti sitajũre ejabesuma”, yimasiaja mani.

4

¹ To bajiri mani ñicũa ïna bajiriarore bajiro bajibeticõato mani. “Yũ yarã, yũ rãca quẽnaro ïna ñasere bojaja yũ” ïnare Dios ï yiriarore bajirone yami, manire quẽne. To bajiri, quẽnaro gãmerã ejarẽmoto mani, “Mani jedirone, Diorãca quẽnaro ñacõa ñarũgũrũãsa” yirã. ² ïnare Dios ï yimasiboariarore bajiro manire quẽne quẽnaro ï yirotirore ajicajũ mani. Mani ñicũajũama, Dios ocare ajirã ñaboarine, ïnare ï gotiriarore bajiro ïna bajibetijare, “Tojũ ñarũarãja” ï yimasiboariarore ejabetimasiũjarã. ³ Manijũama, Diore ïre ajitirũnũ tũjabeticõato mani. ïre ajitirũnũrã rĩne ñarãma quẽnaro ï rãca ñarona. To bajiro ti bajijare, ado bajise ïnare gotimasiũju Dios, mani ñicũare:

“Riojo mũare gotiaja yũ. Mũare bũto jũnisinicõari, yũ rãca quẽnaro ñabetirũarãja mũa”, ïnare yimasiũju Dios, ïre ajitirũnũbetiriarãre.

To bajiboarine adi macarũcũrore rujeogũjũne, “Masa yũ beserã rãca quẽnaro ñarũcũja yũ”, yitũoĩacõamasiũju Dios. ⁴ To bajiro ï yimasirere masiaja mani, Dios ocare masa ïna ucamasire ado bajise ti gotijare:

“Adi macarũcũro ñase jedirore rujeojeocõari, cojomo cõro, gaje ãmo, jũa jẽnituarirũmũre quẽnaro ñacõamasiũju Dios”, yigotiaja Dios ocare masa ïna ucamasire.

⁵ To bajiri, “Yũ ñarore bajirone quẽnaro yũ rãca ñarũarãma” ï yiboarere ïna ajitejare, ado bajiro ïnare yimasiũju Dios:

“¡Yũ rãca quẽnaro ñabetirũarãja mũa!”, yimasiũju.

⁶ “Yũ rãca quẽnaro ñato ïna” yigũ, Dios ï yimasirere ajiriarã ñaboarine, ï rãca quẽnaro ñabetimasiũjarã ïna. To bajiboarine, masa rãca quẽnaro ï ñarotire bojacõa ñaami Dios.

⁷ To bajiri mani ñicũa ñamasiriarã ï gotirere ajitemasiriarã bero yoatojũ David ñamasir'i Diore ajicõari, ado bajiro ucamasiũju:

“Yucũne mũare yũ gotisere mũa ajijama, yũ yirotirore bajiro cãdiya. ‘Mũre ajitirũnũmenaja yũa’ yibesa mũa”, yucamasiũju David ñamasir'i, Dios oca tutijũ.

⁸ Diore ajitemasiriarã ïna bajireajediro bero, ïna rĩa ñamasiriarã mani ñicũare ïnare ïmato vamasiũju Josué ñamasir'i, Dios ïnare ï ñjomasiriarore. Tojũ quẽnaro ñamasiriarã ïna mani ñicũa. Quẽnaro ñaboarine, Diorãca quẽnaro ïna ñabetijare, ado bajiro yimasiũju Dios: “Yucũne mũare yũ gotisere mũa ajijama, yũ yirotirore bajiro cãdiya”, ïnare yimasiũju quẽna. ⁹ To bajiri mũare yũ gotisere ajicõari, ado bajiro ajimasirãja mũa: “Dios yarã, ï rãca quẽnaro ïna ñacõa ñarotire bojacõa ñagũmi”, yimasirãja mũa. Diorãca quẽnaro mani ñase ado bajiro bajaiaja: Dios adi macarũcũrore rujeogajanocõari, quẽnaro ñacõamasiũju. Tire bajirone bajiroja, Diorãca quẽnaro mani ñacõa ñase quẽne. ¹⁰ Adi macarũcũro ñase jediro rujeogajanoacũ, ï bojarore bajiro ti bajirotirore masicõari, quẽnaro ñacõamasiũju Dios. ïre bajiro quẽnaro ñarũcũmi, “Ado bajiro mũ yijama, yũ rãca quẽnaro ñarũcũja mũ” Dios ï yirotirore cãdigũ quẽne. ¹¹ To

bajiri ĩ rāca quēnaro mani ñasere Dios ĩ bojajare, quēnabusaro ĩre ajitirūnuto mani, “Ī rāca quēnaro ñarāsa mani” yirā. Mani ñicua Diore ajitirūnubeticōari, ĩ rāca quēnaro ĩna ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitirūnucōa ñaroti ñaja”, mware yigotiaja yu. Masijeogu ĩ ñajare, “To bajiro bajiruaroja” ĩ oca ti yigotirore bajirone bajiruaroja ti. Jariase juajacatuajune bujariase mani usuju ti ejarore bajiro bajiaja Dios oca, mani ajise. To bajiri, mani tuoñase, “Masibecumi Dios” mani yiboasere quēne ĩamasigū ñaami Dios. Ī oca suorine, “Rojose ñaja; quēnase ñaja”, yituoñasiaja mani. ¹³ Disejua Dios ĩ rujeorere ĩre yayiomasiña manoja. To bajiri, disejwane mani yise, mani tuoñase quēne, ĩ masibeti manoja. Ī ñagūmi, ñajediro mani yisere mani gotirotu.

“Paia uju rētoro ñamasugū ñagūmi Cristo”, yire queti

¹⁴ Cristo, paia uju rētoro ñamasugū ñagūmi. Dios macu ñari, ĩ tujū manire ñagōbosagu ñagūmi. To bajiri, ĩre ajitirūnu tujabeticōato mani. ¹⁵ “Cristo adi macarucuroju ĩ ñaro, Dios ĩ bojabetire yato” yigu, manire ĩ yicoderūgūrore bajiro Cristore quēne rojosere ĩre yiotirūgūboayuju Satanás. To bajiboarine rojose yibesuju Cristo. “Yure quēne rojose yiotirūgūcami Satanás; ĩnare quēne to bajirone yami” yimasigū ñari, “Dios ĩ bojarore bajiro ĩna yiruaboase ĩnare josaja ti” yigu, manire ĩamaicōa ñagūmi. Manire ĩamaicōari, paia uju rētoro ñamasugū ñari, “Mure ajitirūnu tujabeticōato ĩna’ yigu, ĩnare ejarēmoña”, ĩ jacure manire yisēnibosarūgūgūmi. ¹⁶ To bajiri mani quēne, Diore gūimenane, sēniroti ñaja. ĩre mani sēnijama, rojose mani yise vaja rojose manire ĩ yiborotire manire ĩamaicōari, yibetirucumi. No bojarijune ĩ ejarēmosere mani bojajama, quēnaro manire ejarēmorucumi.

5

¹ Mani ñicua ĩna ñarirodore ñamasinuju paia uju ñamasugū, Dios ĩ beser'i, “Masare ejarēmoato” yigu, ĩ cūr'i. Ado bajiro yirūgūmasinuju: Vaibucurā ĩre ĩna ĩsere quēne boca juacōari, soemubosarūgūñuju, rojose ĩna yisere “Īnare masirioya mu” ĩnare yisēnibosagu. ² Ī quēne, manire bajirone bajigu ĩ ñajare, Dios ĩ rotise yimasijeogu me ñamasinuju ĩ. “Yure quēne josaja” yituoñagū ñari, “Gājerā Diore ajitirūnurāre, to bajirone bajiroja”, yīamainuju. ³ Manire bajirone rojose yigu ñari, “Rojose yu yise vaja yure masirioato Dios” yigu, gājerāre ĩ sēnibosaroto rījoro, ĩ quēne vaibucu rii soemurūgūñuju. ⁴ Nijwane, “Yu ñagūsa paia uju”, yibetimasinuju. Gājerā quēne, “Ī ñato”, yibesujarā. Dios sīgūne, “Mu ñarucuja paia uju ñamasugū”, yimasigū ñamasinuju ĩ. To bajiri, Aarón ñamasir'ire, “Paia uju ñaña”, ĩre yicūsomasiñuju Dios. ⁵ To bajirone ĩre yiyumi Jesucristore quēne. Dione ĩre cūñumi. To bajiri ado bajise ĩre ĩ gotirotire ucamasinuma masa:

“Adirūmune yu macu ñari, yure bajiro rotisurucuja mu’ yami Dios”, yucamasinuma ĩna, Cristore, Dios ĩ gotirotire yirā.

⁶ Gajeye ĩ macure ĩ gotirotire ado bajise yucamasinuma ĩna:

“ “Masa rojose ĩna yisere ĩnare masirioya” ĩnare yisēnibosagu ñarucuja mu’ mure yaja yu. ‘Paia uju ñamasugū Melquisedec ĩ bajicatore bajiro bajirucuja mu’ mure yaja yu”, yucamasinuma ĩna, ĩ macure Dios gotirotire yirā.

⁷ Cristo, manire bajiro rujū cūticōari, adigodoju ñagū ĩ bajirocaroto rījoro, Diore buto sēnirūgūñuju ĩ. Otigune, ado bajise jacase sēniñuju ĩ: “Cacu, ‘Yure sīabeticōato ĩna’ yigu, yure ejarēmoña. To bajiboarine, mu bojarore bajirone bajiruaroja”, yiyuju Cristo, ĩ jacure. Ī rotirore bajiro yigu ĩ ñajare, ĩre ajicōari, “Yu bojarore bajirone bajiato” yigu, ĩre ejarēmoñuju Dios. ⁸ Dios macu ñaboarine, rojose tāmnoñumi Cristo. “Rojose tāmnoboarine, Diore cūdicōa ñaroti ñaja”, yituoñañuju. To bajiro bajica yigu, ñajediro Dios ĩ rotirore bajirone yiyuju Cristo. ⁹ Ī rotirore bajirone ĩ cūdijeocōajare, “Mu suori ĩna rijato beroju, mu rāca ñacōa ñarūgūruarāma ĩna, mure ajitirūnurā”, ĩre yiyuju Dios. ¹⁰ To bajiri, “Paia uju ñamasugū Melquisedec ñamasir'i ĩ bajicatore bajiro bajirucuja mu” Dios ĩ yir'i ñagūmi Cristo.

“*Jesucristore ajitirũnu tujabetiroti ñaja*”, yire queti

¹¹ “Tirũmũju paia ɯjarã ñna yisuoadimasire ùnire yigũ ñaami Cristo” yũ yigotirẽ-moruaboase jairo ruɯyaja maji. Tire ajimasijeomenaja mũa, bũto mũare ti josajare. ¹² Tirũmũju, Cristore ñre ajitirũnũsuoçajũ mũa. To bajiri tire quẽnaro buecõari, bũtobũsa ñ bojarore bajiro mũa yirũtu vajama, jẽre ñ ocare masare gotimasiocoarona ñaja mũa. To bajiboarine, “Maji, josabetijũare yũare gotimasiocõa ñaña” yitũoĩarãre bajiro bajiaja mũa. ¹³ Rĩamasã ùjurãcare bajiro ñaja mũa. To bajiro bajirã ñari, “Quẽnase ñaja; rojose ñaja” ñna yimasibetore bajiro bajirã ñaja mũa. ¹⁴ Rĩamasare bajiro me bajiamã bũsũacoanajũama. Tũoĩamasicoana ñari, “Quẽnase ñaja; rojose ñaja” yitũoĩamasicõari, Dios ñ bojarore bajiro yirã ñaama.

6

¹ To bajiri Cristo oca ñamasuse ti ñajare, “Yũ gotisere ajimasiriãro maja mũa” yũ yisere gotigũagũ yaja, Dios ñ bojarore bajiro mũa yirotere yigũ. Jẽre Cristo oca josabetibũsasere masiaja mani. Adi ñaja Cristo ye mani buesũocati: “Rojose yitũjacõari, quẽnasejũare yitũoĩaroti ñaja manire” yirere bueçajũ mani. “Diore mani ajitirũnũbetijama, rojose tãmtũotũjabetiriãroju varũarãja mani” yirere quẽne bueçajũ mani. ² Gajeye ado bajiro bueçajũ mani: “Cristore ajitirũnũrã ñaja yũ” yirãre oco rãca ñna bautizasere quẽne bueçajũ mani. To yicõari, “Esp'iritu Santo, mũa rãca ñnarũcũmi” yirã, ñnare ñna ãmo ñũjeosere quẽne bueçajũ mani. Quẽna gajeye ado bajise bueçajũ mani: “Cristore ajitirũnũrã, bajireacoaboarine, tudicaticõarũarãma” yirere quẽne bueçajũ mani. To yicõari, masare Dios ñ beserotire quẽne bueçajũ mani. ³ Ti ñaçajũ Dios oca josabetibũsa mani buesũocati. To bajiri, josasere quẽne buemasicõari, bũtobũsa ñ bojarore bajiro yirũtuajaro mani, Dios ñ bojjama.

⁴⁻⁶ Sĩgũri Dios ocãre ajitirũnũrã ñarãma maji. To bajicõari, Esp'iritu Santore cũorã ñarãma. To yicõari, Dios ñ bojasere yirã ñarãma. Dios ñ masise rãca ñañañamanire yĩoecoriarã quẽne ñarãma. To bajiro yirã ñaboarine, ñna ajitirũnũ tũjjajama, jũaji ajitirũnũbetirũarãma. To bajiro ñna bajijama, Jesucristore ñatecõari, yucũtẽroju ñre jajuturiarã ùnane ñarã bajirãma ñna. To bajiro ñna bajijare, gãjerã quẽne Dios ocãre ajirũcũbũobeticõari, ajarãma. ⁷ “Dios ocãre ajicõari, quẽnaro ote vãnũri sitare bajiro bajiaja mani” yigũ, ado bajise mũare gotiaja yũ: Vese ote ñarivesere oco ti quediro bero ote quẽnaro ti vãnũrore bajiro bajiroti ñaja manire. To bajicõari, ti sitajũre ote vãnũcõari, quẽnaro ti rica cõtijama, variquẽnagũmi ti vese ɯju. To bajiri, ote rica cõtĩ vese ñ ñavariquẽnarore bajiro manire quẽne ñavariquẽnagũmi Dios, ñ ocãre ajicõari, ñ bojarore bajiro mani yijama. ⁸ To bajicõari, gajejũma vese yirãjũ sita quẽnabeto ñari, oco ti quediboajaquẽne, ote vãnũbetone, vidise rĩne ti judijama, “Sita quẽnabeto ñaja” yigũ, tire soereacõagũmi ti vese ɯju. Tire bajirone Dios ocãre ajiboarine, ajitirũnũ tũjjacõari, ñ bojjabetire ñna yijama, rojose tãmtũotũjabetiriãroju ñnare reacõarũcũmi Dios.

“Yũre yirẽtobosarũcũmi Cristo’ mani yitũoĩacõã ñajama, quẽnaja”, yire queti

⁹ “Ado bajiro bajirãma Cristore ajitirũnũ tũjarã” mũare yũ yigotimasiosere, “Mũane ñaja Diore ajitirũnũ tũjarona” yigũ me yaja yũ. Quẽnaro mũa yirere ajicõari, “Jesucristo sũori Dios yarã ñarãma”, mũare yaja yũ. To bajiro mũare yimasicõari, “Bũtobũsa Dios ñ bojarore bajiro yirũtu varũarãma ñna”, mũare yaja yũ. ¹⁰ Quẽnaro riojo yigũ ñaami Dios. To bajiro yigũ ñari, ñ bojarore bajiro quẽnaro mũa yirere masiritibetirũcũmi. To bajiri, gãjerã Dios yarãre mũa ejarẽmorere ajicõari, “Diore rũcũbũorã ñarãma”, mũare yimasiaja yũ. Ñnare ejarẽmocõã ñarãja mũa maji. Tire quẽne masiritibetirũcũmi Dios. ¹¹ To bajiro quẽnaro mũa yirũgũse quẽnaja ti. Variquẽnase rãca Dios ocãre ajitirũnũ tũ-jamenane, ñajediro quẽnaro mũa yirũgũrore bajirone gãmerã yicõã ñnarũgũroti ñaja. To bajiro mũa yicõã ñajama, “Cristo sũori quẽnaro manire yirũcũmi Dios” mũa yitũoĩarore bajirone mũare yirũcũmi. ¹² Dios ocãre ajiterãre bajiro mũa bajisere bojabeaja yũ. To bajiri, “Bajirũaroja” ñnare ñ yirere ajitirũnũ tũjabetiriãre bajirojũã bajiya mũa quẽne. Ñnare bajiro mũa bajijama, mũare ñ gotiriãrore bajirone mũare quẽne yirũcũmi Dios.

13-14 Abraham ñamasir'i i bajimasirere tuoiaña mña. “Gãji yure bajiro yigu magũmi” yituoïagũ ñari, ado bajiro ñre gotimasiñuju Dios: “ ‘Mure socabeaja yu. Jãjarã jãnerabatia cutirucumi’ mure yaja yu”, ñre yimasiñuju Dios, Abraham ñamasir'ire gotigu. 15 “I yirore bajirone yigu ñaami Dios” yigu ñari, “Socũ yigumi” yituoïarejaibetimasiniñuju Abraham, Dios i yirore yugu. To bajiri, Dios socabecu i ñajare, “To bajiro bajiruaroja” Abrahamre i yimasiriarore bajirone bajimasiñuju ti. 16 To bajiri, manijua, “ ‘Socũ me yigumi’ gãjerã yiajiato” yirã, masa rëtoro ñamasugũ Dios vãme rãca yirũgũrãma. To bajise ñna yijama, “Socũ me yaja. Dios quẽne masigũmi”, yirũgũama. To bajiro ñna yisere ajicõari, “Socarã me yama”, yituoïarãma masa. 17 To bajiri, “ ‘Socũ me yigumi Dios. I yirore bajirone yigu ñagũmi’ Abraham yure yiajiato” yigu, “Mure socabeaja yu”, yimasiñuju Dios. 18 Socagũ me ñaami. “Yirucuja” i yirore bajirone yigu ñaami Dios. To bajiro yigu i ñajare, rojose tãmuotujabetiriaroju mani vaborotire manire yirëtobosacõari, “ ‘Quẽnaro ñnare yirucuja’ i yiriarore bajirone manire yirucumi”, yituoïaja mani. 19-20 To bajiro manire Dios i yire ti ñajare, i gotiriarore bajiro ti bajirore tuoïacõa ñato mani. Diore yirucubõoriavi yotoriaro vajajua Dios i ñarisõajure jãjaejacõari, “Rojose ñna yisere ñnare masirioya” yisënibosarimasa ñamasiniñarã paia ujarã. To bajiri, Cristo quẽne, ñna yimasiriarore bajiro yigu, õ vecaju Dios i ñaroju ejacõari, “Rojose ñna yisere ñnare masirioya”, manire yisënibosa ñagũmi. Paia uju ñamasugũ Melquisedec i yimasiriarore bajirone yigu, Cristo quẽne, manire sënibosacõa ñarucumi. Manire i sënibosa ñajare, “Dios i yiriarore bajirone quẽnaro manire yirucumi”, yimasiaja mani.

7

“Aarón ñamasir'i rëtoro quẽnaro manire yibosagumi Cristo”, yire queti

1 Melquisedec, Salem macana uju ñamasiniñuju. To bajicõari, pai ñamasiniñuju. Ñajediro ujure Diore rucubõogu ñamasiniñuju. Mani ñicu Abraham ñamasir'i gaje macariana ujarãre siareacõari, i ya macajure tudiamasiñuju i. To bajiri i tudiado, ñre bocagũ, vamasiniñuju Melquisedec. ñre bocacõari, ñre sënibosamasiñuju, “Quẽnaro ñre yato Dios” yigu. 2 To i yiro bero, gaje macariana ujarãre siareacõari, ñna ye gajeyeuni ñaboare ñna juarere, juaãmo cõro ñaritubuari yicucõari, cojotubua Melquisedec ñamasir'ire isimasiñuju Abraham. “Melquisedec” ti yijama, “Uju quẽnase rine yigu” yire ñni ñañuju ti. Salem macana uju ñamasiniñuju Melquisedec. “Salem” ti yijama, “Quẽnaro ñnariamaca” yire ñni ñañuju. To bajiri, “ ‘Quẽnaro gãmerã yinãto mani’ yigu ñamasiniñuju Melquisedec”, yimasiaja mani. 3 Melquisedec jacua, i yarã quẽne, to yicõari, i ruyuarere, i bajirocarere quẽne ucare ti maniboajaquẽne, “Pai ñamasiniñuju Melquisedec”, yigotiaja Dios ocare masa ñna ucamasire. To bajise yuicare ti maniboajaquẽne, “Diore sënitujabetirimi”, yaja mani. To bajirone bajiami Cristo quẽne. “ ‘Ñnare ejarëmoña’ manire yisënibosa tujabecumi”, yimasiaja mani.

4 Abraham ñamasir'i ñamasugũ i ñaboajaquẽne, i rëtoro ñamasugũ ñamasiniñuju Melquisedec. Gaje macariana ujarãre siareacõari, ñna ye gajeyeuni ñaboare ñna juarere, juaãmo cõro ñaritubuari yicucõari, cojotubua Melquisedec ñamasir'ire isimasiñuju Abraham.^b 5 Abraham i bajirocaro bero, gajerodoju, “Paia ñaruarãma ñna Abraham jãnami Lev'i vãme cutigu jãnerabatia”, ñnare yicumasiñuju Dios. To bajiri, “Sĩgũ jãnerabatia ñaboarine, ñna cõsere, juaãmo cõro ñaritubuari yicucõari, cojotubua ñna yu Lev'i ya jünanare paire isiruarãma ñna”, ñnare yimasiñuju i. 6 Lev'i cuti jünagũ me ñaboarine, Melquisedec quẽne, Abraham i isisere boca juamasiñuju i. Abraham ñamasir'ire, “Mu suorine adi macarucuroana ñajedirore quẽnaro yirucuja yu”, yimasiñuju Dios. To bajiro i yir'i i ñaboajaquẽne, Melquisedecjua ñamasiniñuju, “Quẽnaro mure yato Dios” Abrahamre yisënibosagu. 7 To bajiri, “ ‘Quẽnaro mure yato Dios’ yigujua ñaami ñamasugũ”, yimasiaja mani. Tire masirã ñari, “Abraham rëtoro ñamasugũ ñamasiniñuju Melquisedec”, yimasiaja mani. 8 Gajeyere quẽne tuoiaña mña. Adirũmuri ñarã paia,

^b 7:4 “Gãjerã ñna isisere boca juarã, isirã rëtoro ñamasurã ñnaama”, yituoïañujarã hebreo masa.

Lev'i jānerabatia, manire bajirone bajirearuarāma īna quēne. Melquisedecjuarema, “To cōro bajirocamasiņuju”, yigotibeaja Dios ocare masa īna ucamasire. To bajiri, “Bajirocabetirimi”, yicōaja mani. ⁹⁻¹⁰ Abraham ņamasir'i, Melquisedere ī īsirone, ī jānerabatia quēne berojū ruyuarona ņari, īna quēne īre īsirāre bajiro yimasiņujarā. To bajiri Lev'i cūti jūnana quēne, Abraham jānerabatia ņari, Melquisedere ī īsirone, īna quēne īsimasiņujarā. To bajiri, “Lev'i cūtijūnana rētoro ņamasugū ņamasīņumi Melquisedec”, yimasijaia mani.

¹¹ “Lev'i jānerabatia ņaruarāma paia”, yimasiņuju Dios. Sīgū Lev'i jānami ņamasīņuju Aarón vāme cūtigū, paia űjū ņamasugū, Dios ī cūsmomasir'i. To bajiri Aarón, Lev'i jānami ī ņajare, “Aarón rētoro ņamasugū ņamasīņuju Melquisedec”, yimasijaia mani. Lev'i jānami Aarón, īna jānerabatia quēne, Diore rūcūbuorā masa īna īsire īnare yibosarimasa ņacoadimasiņujarā īna. Tire boca juacōari, Diore rūcūbuorā tire soemūomasīņujarā īna. “Rojose īna yise vaja, rojose īnare yibesa” masare yisēnibosarimasa ņacoadimasiņujarā. To bajiro īna yiboajaquēne, Diojūa ī īajama, rojose īna yire ti ņacōajare, “Rojose mana ņaama”, īnare yīābetimasiņuju Dios. To bajiro ti bajijare, paia űjū ņamasugū Melquisedere bajiro bajigūre, ī macūre cōaņumi Dios, “Masare yirētobosato” yigū. ¹² Īre ī cōaro bero, “Masa rojose īna yise vaja, rojose īnare yibesa” yibosarimasa bojabesuju Dios. To yicōari, Moisére ī roticūmasirere īna yiboarere quēne bojabesuju. ¹³⁻¹⁴ Adigodojū manire bajiro rujū cūticōari ruyuyuju mani űjū Cristo, Judā ņamasir'i cūtijūnagū. To bajiboarine, Judā jānerabatiarema “Paia ņabetiruarāma”, yimasiņuju Moisés ņamasir'i. To bajiri, Cristo rījorojūre Judā jānerabatiama, sīgūjūane paia ņabetimasiņujarā.

¹⁵⁻¹⁶ To bajiri, “Lev'i jānerabatia rīne paia ņaruarāma” Dios ī yimasire yigū me, paia űjū Melquisedere bajiro bajiyumi Cristo. Tudicaticōari, rijabetirocū ņari, bajiyumi. To bajiro bajirocū ņari, “Paia űjū ņamasugū Melquisedere bajiro bajiyumi Cristo”, yimasijaia mani. ¹⁷ Dios ī macūre ado bajiro ī gotirotire masa īna ucamasire ti ņajare, “Paia űjū ņamasugū Melquisedere bajiro bajicōa ņarūcūmi Cristo”, īre yimasijaia mani:

“ “Rojose īna yisere īnare masirioya”, īnare yisēnibosa tūjabetirocū ņaja mū' mūre yaja yū. ‘Paia űjū ņamasugū Melquisedec ī bajimasicatore bajiro bajīnarūcūja mū' īre yigotiyumi Dios, ī macūre”, yaja ti Dios ocare masa īna ucamasire.

¹⁸ Dios, Moisére ī roticūmasiriaro cōrone īna cūdijeocōaboajaquēne, “Rojose mana ņaama”, īnare yīābetiborimi Dios. To bajiri Moisére Dios ī roticūmasire, vaja manire bajiro bajiyuja ti. ¹⁹ To bajiro ti bajijare, Moisére ī roticūmasire vasoayuju Dios. Mame ī vasoarejūama, ado bajiro bajiaja: Manire Cristo ī rijabosare sūorine, “ ‘Rojose mana ņaama’ manire yīāgūmi Dios” yimasirā ņari, variquēnase rāca īre sēnirūgūaja mani. To bajiro ti bajijare, “Tirūmūaye Moisére Dios ī roticūmasire rētoro quēnase ņaja adirodoriae”, yimasijaia mani.

²⁰⁻²¹ To bajiri, ī macū Cristore, “Paia űjarā rētoro ņamasugū ņarūcūja mū” yigū, ado bajiro īre yiyuju:

“ ‘Mūre socabeaja yū. “Rojose īna yisere īnare masirioya”, īnare yisēnibosa tūjabetirocū ņaja mū' mūre yaja yū”, īre yiyuju Dios, ī macūre.

Gājerārema “Paia űjarā ņaruarāja mūa” yigū ņaboarine, ti űnire yibetimasiņuju Dios.

²² Tire mani ajijama, “Jesucristo sūorine Dios ī gotiriarore bajirone quēnaro manire yirūcūmi”, yimasijaia mani. ²³ Tirūmūaye Moisére Dios ī roticūmasire rūcūbuorā, jājarā paia ņamasīņujarā. To bajicōari, īna bajireajaquēne, īnare moavasoarona jājarā ņarūgūmasīņujarā. ²⁴ To bajiboarine, Cristojūrema, tudirijabetirocū ī ņajare, “Īre moavasoarocū magūmi”, yimasijaia mani. ²⁵ “Jesucristo sūorine Diore ajitirūnūrāre, rojose īna yisere ‘Masirioato Dios’ yigū, Dios ī ņarojū, īnare sēnibosacōa ņarūgūgūmi, tudirijabetirocū ņari”, yimasijaia mani.

²⁶ To bajiri tirūmūjū paia űjarā īna yisūoadimasire űnire yigū, Cristo quēne rojose mani yisere “Masirioato Dios”, manire yisēnibosarūgūgū ņagūmi. Cristo ņaņumi masa rojose īna yirore bajiro yibecū. Quēnase rīne yigū ņaņumi. To bajiro bajir'i ī ņajare, Dios

ī ņaroju, “Rētoro ņamasugū ņarucija mū” Dios ī yir'i ņagūmi. ²⁷ Paia ņjarā ņamasurā īna yimasiriarore bajiro yigu me ņagūmi Cristo. Īnajuama, tocārācarūmune vaibucurāre sīacōari, soemnomasiņujarā, “Rojose yua yisere masirioya” Diore yirā. To yicōari, īna yarāre quēne rojose īna yirere “Īnare masirioya Dios”, ĩnare yisēnibosarūgūmasiņujarā īna. To bajiboarine, Jesūjuama, mani jedirorene cojojine rijabosayumi, rojose mani yisere “Masirioato Dios” yigu. ²⁸ Moisére Dios ī roticūmasire, “Paia ņjarā ņamasurā ņaruarāma” ī yire ti ņaboajaquēne, manire bajirone īna quēne tire cūdiēobetiriarā īna ņajare, “Rojose mana ņaama”, yīābetimasīņuju Dios. To bajiboarine ī macūjuarema, quēnase rīne yir'i ī ņajare, “Rojose īna yisere masirioya mū” ĩnare yisēnibosacōa ņarūgūrocū ņaja mū”, ĩre yiyuju.

8

“Cristo, ō vecaju manire sēnibosa ņagūmi”, yire queti

¹ “To bajirone bajigūmi Cristo, ō vecaju Diorāca ī rotiņaroju”, mūare yaja yū.
² Tojūre ejacōari, “Rojose mani yisere masirioya”, manire yibosa ņagūmi Cristo, Dios ī buariavijūre.

³ Tocārācu paia ņjarā ņamasurā ado bajiro yiyuma: Rojose masa īna yisere, “Īnare masirioya Dios”, yisēnibosayujarā īna. To yicōari, Diore rūcūbuorā masa īna ĩsire boca juacōari, ĩnare yibosayujarā. To bajiro īna yire ũnirene yigu, Cristojuama, manire rijabosayumi, rojose mani yisere manire yirētobosagu. ⁴ Yucūri ņarā paia, Moisére Dios ī roticūmasiriarore bajirone yicōa ņarāma. To bajiri Cristo, adigodoju ī ņacōajama, ĩnare bajiro yibecū ī ņajare, “Pai me ņaami”, ĩre yiborāja mani. To bajiboarine, ō vecaju Dios ī ņaroju, “Rojose īna yisere masirioya’ manire yibosagu ņagūmi”, yimasija mani. ⁵ “Mani rāca ņagūmi Dios” masa īna yirūcūbuorotivire Moisés ņamasir'i ī buarotiroto rījoro, ado bajiro ĩre yimasīņumi Dios: “Gūtaū joeju mūre yū ĩocativire bajirivine buarotiya”, yimasīņuju Dios, Moisés ņamasir'ire. To bajiri, “Mani rāca ņagūmi Dios” masa īna yirūcūbuorivire īna buajama, Moisére Dios ī ĩomasirivire bajirivine buamasīņujarā. ⁶ Paia ņjarā ņamasurā Dios ī rotimasire cūdimasiriarā īna yirūgūmasire rētoro quēnaro manire yibosarūgūgūmi Cristo. To bajiri, “Quēnaro mūare yirucija yū’ Moisére Dios ī yicūmasire rētoro quēnase ņaja adirodoriaye”, yimasija mani.

⁷ Moisére Dios ī yicūmasire rēmojuēne quēnase ti ņacōajama, gajeye mamejuare vasoabetiborimi Dios. ⁸ Moisére Dios roticūmasire masa īna cūdiēobetijare, ĩvariquēnabetimasīņuju Dios. To bajiri, “Ado bajiro ĩnare gotiya”, yimasīņuju ī:

“Mani ņju Dios, ado bajiro mūare gotiami: ‘Quēnaro ajiya mūa. Cojorūmū mame mūare vasoabosarucija yū, Israel vāme cūti sitanare, Judā vāme cūti sitanare’, mūare yami.

⁹ Egipto sitaju ņarāre Israel sitajua ĩnare ũmato vacū, quēnaro ĩnare gotiboacaju yū. To bajiboarine, yū yicatore bajiro īna cūdibetijare, “Yū yarā me ņaama”, ĩnare yicaju yū. To bajiri, mame yū vasoarotijūama, mūa ņicūare yū gotimasicatore bajiro me bajirūaroja’ mūare yami Dios mani ņju.

¹⁰ “To bajiri, Israel ņamasir'i jānerabatiare mame yū vasoaroti, ado bajiro bajirūaroja: “Yū masise sūorine yū rotisere tūoīamasiruarāma”, ĩnare yirucija yū. To bajiro yū yisere bojarā ņari, quēnaro yirūgūruarāma. To yicōari, yū sīgūne īna ņju īna yirūcūbuogū ņarucija yū. To bajiri ĩnajua quēne yū yarā ņaruarāma’ mūare yami Dios.

¹¹ “Yū yarā ņari, rīamasa quēne, bucūrā quēne, īna ņaro cōrone, yūre masijedi-coaruarāma īna. To bajiri, “Ado bajiro tūoīagū ņaami Dios”, gāmerā yimasiorā maniruarāma’, mūare yami Dios.

¹² “Īnare ĩamaicōari, rojose īna yisere yū masiriojama, “Rojose yiriarā ņaama”, juaji ĩnare yitūoīabetirucija yū. To bajiro ĩnare yū yiroti ti ņajare, yūre quēnaro masiruarāma īna’ mūare yami Dios”, yimasīņuju, Diore gotirētobosamasir'i.

¹³ “Mame oca quēnase vasoarucuja” Dios ĩ yijama, tirūmujū ĩ yimasiboarere reagu yigumi. To bajiri, “Tirūmūayejuṃa vaja manoja”, yimasiaja mani.

9

“Cristo, quēnaro manire yibosagumi” yire queti

¹ “Adigodojuṃ ṃarā yure rūcubūorā ṃua rējarotivire ṃua b̄asere bojaja yu”, Moisés ṃamasir'ire ĩre yimasīñuju Dios. ² To bajiri ĩ rotiriavire bajirone b̄amasiñujarā ĩna. Ti vi gūdarecore sudirone yotoriavi ṃamasiñuju. To bajiri, ejasūoriasōa Diore rūcubūoriasōa vāme cūtimasiñuju. Tisōajū s̄ibusuoriabajari jeoriajū ṃamasiñuju ti. To yicōari, Diore ĩsiroti pan jesarijū quēne ṃamasiñuju. ³ Gajesōa, Dios ĩ ṃarisōa vāme cūtimasiñuju. ⁴ Tisōajure, ṃamasiñuju Diore rūcubūorā, ĩna soejama, quēnaro s̄utiquēnase soemūoriajū. “Dios ĩ ṃari sōagajū ṃaja” ĩna yiboajaquēne, ejasūoriasōajurene ṃacōamasiñuju ti. To bajicōari, Dios ĩ ṃarisōajure ṃamasiñuju rujajata orone ĩna quēnorajata. “Dios ĩ rotirere cūdiroti ṃaja” yirā, ĩna quēnorajata ṃamasiñuju. Tijatajure adocārāca vāme s̄āṃamasiñuju: Orone ĩna quēnorā sotū s̄āṃamasiñuju. Ti sotūjure bare manā vāme cūti Dios ĩ cōare s̄āṃamasiñuju. To bajicōari, Aarón ĩ tuemasir'i quēne ācatuar'i s̄āṃamasiñuju. To bajicōari, juajāi gūtajāi Dios ĩ rotimasire ĩ ucamasiriajāiri quēne s̄āṃamasiñuju. ⁵ Tijata joere rūgōmasiñujarā Diorācana vūrā querubines vāme cūtirāre bajirā masa ĩna quēnomasiriarā. ĩna ṃamasiñujarā, “Adijū ṃaja masa rojose ĩna yisere Dios ĩ masiriorijū” yigotirā. ĩna querūjuri rāca gāmerā ṃucānamucōari, rūgōmasiñujarā ĩna. Yucurema ti viaye b̄uto gotire maja ti.

⁶ To bajiboarine, Diore rūcubūoroti ti ṃajedicōajare, tocārācarūṃune Diore rūcubūorā s̄ajaejarūgūmasiñujarā paia, ṃasūorisōare. ⁷ Paia ujū ṃamasugū rīne jājarūgūmasiñuju, Dios ĩ ṃarisōa vāme cūti sōajure. Tocārāca cūmare cojojine jājamasiñuju. Jājacōari, ĩ masu rojose ĩ yirūgūrere, to yicōari, ĩ ṃarimacana, “Rojose yirā yaja yu” yitūoīamenane, “Rojose yu yirūgūrere masiriobosato Dios” yigū, vaibūcūrā ri'ire juajājarūgūmasiñuju. ⁸ “Paia ujū ṃamasugū rīne Dios ĩ ṃarisōare jājamasiami”, yimasīñujarā. Tire ĩna tūoīajama, Esp'iritu Santo ĩ ejarēmose rāca, ado bajirojūa yimasīñujarā ĩna: “ ‘Mani masune rojose mani yisere yure masirioya’, Diore yimasibeaja. ‘Paia ujū ṃamasugū rīne manire sēnibosagū ṃaami’ yimasiaja mani. To bajiro rīne bajicōa ṃaruarāja mani maji. Dios manire ĩ s̄ajarotirirūṃu ti ejarojū tisōare jājaruarāja mani”, yimasīñujarā ĩna. ⁹ “ ‘Mani ṃicua Dios ĩ rotimasirere ĩna ajitirūṃrūgūmasire rētoro quēnamasuse ṃaja’ mani yitūoīamasirotire yiro bajiyuja”, yimasiaja mani. “Mani ṃicua, tirūmujū ĩna yirūgūmasiriarore bajirone mani quēne, rojose mani yisere, ‘Manire masirioato Dios’ yirā, paire mani soemūoroticōa ṃajama, Diojūa ĩ ĩajama, ‘Rojose maja ĩnare’ manire yīābeticōa ṃagūmi”, yimasiaja mani. ¹⁰ Tirūmūaye Dios ĩ rotimasire ado bajiro bajiyuja: “Adocārāca vāme baruarāja ṃua. Gajeyerema babetiruarāja ṃua”, ĩnare yimasīñumi. To yicōari, ĩna idirotire, ĩna guarotire, ĩna āmo coerotire quēne to bajirone yimasīñumi. To bajiro ĩ yijama, ti ṃajediro ĩ rotimasire mamejūa ĩ vasoaroto rījororema, ĩna rujure ĩna ĩtirūṃroti rīne yigū yiyumi Dios.

¹¹ To bajiro ĩ yimasire ti ṃajare, yucurema, “Cristo sūorine quēnaro yirucuja yu” Dios ĩ yiriarodo ejayuja ti. To bajiro ĩ yire ṃajare, Cristo manire rijabosacōari, ō vecajū Dios ya vijū ṃagū vasuju. Ti vijū ṃacōari, paia ujū ṃamasugū ĩ sēnibosarore bajiro, “Quēnaro ṃato ĩna” yigū, manire sēnibosa ṃagūmi. To bajiro ĩ yīnarivima, adigodo ṃarā Diore rūcubūorā ĩna b̄uariavi rētoro quēnarivi ṃaroja. ¹² To bajiri Dios ĩ ṃarisōajū jājacōari, cabra rīa ri'i, ta vecū rīa ri'i adigodojuṃ ṃarā paia ujarā Diore ĩna ĩsiriarore bajiro yirū me, ĩjūama, ĩ rujū rise sūorine rojose mani yire vajare cojojine yirētosajeocōarū, ō vecajū Dios ĩ ṃarisōajū jājasuju Cristo. ¹³ Ado bajiro gotiaja Dios ĩ rotimasire: “Bajirocar'ire moāīabetiruarāja ṃua. To yicōari, ‘Babetiruarāja ṃua’ yu yisere quēne moāīabetiruarāja. To bajiro yu yisere ṃua cūdibetijama, yure ĩna rūcubūorivire s̄ajabetiruarāja ṃua. To bajiboarine, ta vecū macure ĩna soese rītire, oco rāca abavūore ṃasere ṃuare yayeturucūmi pai. Tire ĩ yibetijama, hisopo vāme cūti rujū rāca vaibūcū ri'ine ṃuare vējabate gurucūmi.

To bajiro m̄are ī yijama, yure rūcub̄oriavire s̄ajamasiruar̄aja m̄a”, yimasiñumi Dios. ¹⁴ “Vaib̄c̄ur̄ā ri'ine m̄are ī yayeguojama yure rūcub̄oriavire s̄ajamasiruar̄aja m̄a” Dios ī yimasire ti ñaboajaquēne, “Cristo manire ī rijabosarejua r̄etro quēnase ñañuja”, yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñac̄ōa ñarūḡuroc̄ū ī ejarēmojare. Cristo manire ī rijabosare s̄orine, rojose mani yisere masirioḡumi Dios. To bajiri, “Rojose maja manire”, yit̄oīaja mani. To bajiro yit̄oīac̄ōari, ñac̄ōa ñarūḡuroc̄ū Dios ī bojarore bajiro quēnaro yirūḡuroti ñaja manire.

¹⁵ “Mame m̄are vasoar̄c̄uja ȳ” ī yiriarore bajirone bajiato” yiḡū, adi macar̄c̄uroj̄ure Cristore c̄ōañumi Dios. To bajiro ī yic̄ōar'i ñari, tir̄ūm̄aye ajir̄c̄ub̄oriar̄are quēne rojose mani yisere “Masirioato Dios” yiḡū, manire rijabosayumi Cristo. To bajic̄ōari, ī rijabosare s̄orine “Ȳ yar̄ā ñaama” Dios manire ī yīarotire yiḡū, bajiyumi. To bajiro ī bajibosariar̄ā mani ñajare, “Quēnaro yir̄c̄uja” Dios ī yiriarore bajirone yiḡū, mani rijato beroj̄ū ī r̄āca mani catic̄ōa ñarotire īsiecorona ñaja mani. ¹⁶ Ado bajise t̄oīaña m̄a: Mani ȳ, ī bajiyayiroto r̄ijoro, “Īne ñaami ȳ ye gajeyēūni c̄os̄uyar̄oc̄ū”, yiḡūmi. To bajiro ī yir'i ñari, ī bajirocato bero, ī yere c̄os̄uyaḡūmi. ¹⁷ Ī catic̄ōa ñajama, ī masune c̄oc̄ōa ñaḡūmi maji. Ī rijato bero, tire c̄omasiḡūmi ḡājijua. To bajiri, “Ī gotiriarore bajirone bajiaja”, yimasire ñaja. ¹⁸ To bajirone bajimasiñuju, “Quēnaro yir̄c̄uja ȳ” Dios ī yimasirere quēne. “Dios manire ī gotiriarore bajirone yato” yir̄ā, vaib̄c̄ur̄āre s̄īmasiñujar̄ā. ¹⁹ Dios Moisés ñamasir'ire ī rotic̄ūmasire ñaro c̄ōrone masa jedirore ñare gotimasiñuju. Tire ī gotiro bero, oveja joa ña s̄ōrere, hisopo v̄ame c̄ūti r̄uj̄j̄ū siatuc̄ōari, vaib̄c̄ur̄ā c̄abra v̄ame c̄ūtir̄ā r̄iare, ta vec̄ū r̄iare ña s̄īariar̄ā ri'ire juac̄ōari, oco r̄āca ña v̄orere yosemasiñuju. To yic̄ōari, Dios ī rotimasire Moisés ī ucariajotire vējabate gumasiñuju ĩ. To yic̄ōari, masa ñajedirore quēne to bajirone yimasiñuju. ²⁰ To bajiro yic̄ōari, masare ado bajiro gotimasiñuju ĩ: “Dios m̄are ī yirotsere c̄ūdiroti ñaja”, yimasiñuju Moisés ñamasir'i, mani ñic̄ūare. ²¹ “Mani r̄āca ñaḡūmi Dios” ña yir̄c̄ub̄orivire quēne ri'ine vējabate gumasiñuju Moisés. To yic̄ōari, ti viaye ñase jedirore, to bajiro yimasiñuju. ²² To bajiro Dios ī rotimasire ñajare, vaib̄c̄ū ña s̄īar'i ri'ine vējabate gumasiñujar̄ā ña. To bajiro ña yibetijama, ñare ĩavariquēnabetiborimi Dios. To bajirone bajiyuja Cristore quēne. Īre ña s̄īaro, ī ri'i ti budibetijama, “Rojose mani yisere masiribetiborimi Dios”, yimasiaja mani.

“Cristo ī rijabosare s̄orine, ‘Rojose mana ñaama’ manire yīañumi Dios”, yire queti

²³ To bajiri, Diore yir̄c̄ub̄oriavij̄ū ña s̄ājaroto r̄ijoro, ña ruj̄ure ña ye gajeyēūnire quēne, vaib̄c̄ur̄ā ri'ine yayebate gurotiyujar̄ā mani ñic̄ūa. To bajiro yirotic̄ōari, s̄ājarūḡūmasiñujar̄ā ña. To bajiro ña yijama, ō vecaj̄ū ña bajiroti ūnire yir̄ā bajimasiñujar̄ā ña. To bajiboarine toj̄ūama Dios ye masu ti ñajare, vaib̄c̄ū ri'i ña yayebate guorotire ūnirene yiro, r̄etro quēnaḡū ī rijabosasere bojayuja. To bajiri, manire ī rijabosare ti ñajare, “Rojose mana ñac̄ōari, Dios ya vij̄ū s̄ājaruar̄aja mani”, yimasire ñaja. ²⁴ Cristo, manire rijabosac̄ōari bero, tudicatic̄ōari, adi macar̄c̄uroj̄ū Diore rūcub̄oruar̄ā, masa ña b̄uariavi mere, ō vecagavi Dios ya vij̄ūare s̄ājasuju Cristo. To bajiri, ti vij̄ū ñac̄ōari, “Quēnaro ñato ña” yiḡū, manire s̄ēnibosac̄ōa ñarūḡūḡūmi. ²⁵ Paia c̄j̄ū ñamasuḡū adigodoaḡūma, toc̄ār̄āca c̄ūmare cojojine, Dios ī ñaris̄ōa v̄ame c̄ūti s̄ōare jājarūḡūmasiñuju, vaib̄c̄ū ī s̄īar'i ri'ire “Masa rojose ña yisere masirioya Dios”, ñare yibosaḡū. To bajiboarine Cristoj̄ūama, ō vecaj̄ū Dios ī ñarōj̄ure ejac̄ōari, adigodoaḡū paia c̄j̄ū ī yimasiriarore bajiro yir̄ū me, bajiyumi. Ī masu ruj̄ū ri'i s̄orine yir̄ētosac̄ōari, Dios ñaris̄ōaj̄ure jājasuju. ²⁶ Adigodoaḡū paia c̄j̄ū ñamasuḡū toc̄ār̄āca c̄ūmane “Masa rojose ña yisere, masirioya Dios”, ñare yibosarūḡūñuju ĩ. Cristo quēne, paia c̄j̄ū ī yir̄ūḡūmasiriarore bajiro ī bajijama, adi macar̄c̄uro Dios ī rujeorij̄ūj̄ūne, cojoji me manire rijabosac̄ōa s̄oadiborimi. To bajiro me bajiyumi Cristo. Cojojine manire rijabosayumi, “Rojose mana ñaama” manire Dios ī yīarotire yiḡū. ²⁷ Mani jediro cojojine bajirearona ñaja mani. Mani bajirearo bero, ī t̄uj̄ū mani ejato, rojose yir̄āre, to yic̄ōari quēnase yir̄āre ĩabeser̄c̄ūmi Dios. ²⁸ Cojojine manire ī rijabosare ñajare, jājar̄ā ñaja

mani rojose yibetiriarāre bajiro bajirā. Quēna Cristo, ī tudiejajama, “Rojose mani yisere masirioato Dios” yigū, me ejarūcūmi. “Manire rijabosayumi” yitūoīarājuare juaguagu bajirūcūmi.

10

¹ Moisés űamasir'ire Dios ī roticūmasirejuama, “Rojose űna yisere űnare masirioje-orūcūja yū”, ī yire me űaűuja. Beroju bajirotire baji rĳjoro cūtise űaűuja. To bajiro bajijare, tocārāca cūmane vaibūcūrāre sĳacōari, “Rojose yūa yisere yūare masirioato Dios” yirā űna soemūorotiboajaquēne, “Rojose mana űaama”, űnare yĳābesuju Dios.

² Vaibūcūrā űna soemūorotise sūorine, “Rojose mana űaama” rēmojuene Dios ī yĳācōajama, “Tudi rojose yūa yisere masirioato Dios”, yibetiboriarāma. ³ Vaibūcūrā rii űna soemūorūgūse tocārāca cūmane rojose űna yirūgūrere tūoīarotire yiro bajiaja.

⁴ Vaibūcūrā rii űna soemūosema rojose masa űna yisere, masiriose me űaja.

⁵ Vaibūcūrā ri'i, űna soemūoboajaquēne, rojose űna yisere Dios ī masiriobetijare, adi macarūcūrojūre ī vadiroto rĳjoro, ado bajiro Diore gotiyuju Cristo:

“Masa vaibūcū rii űna soemūosere bojabeaja mū. To bajiri, ‘Masare bajiro ruju cūtigū űnato’ yigū, yūre cōāűa mū.

⁶ ‘Rojose mani yisere masirioato Dios’ yirā, vaibūcū rii űna soemūorotiboasere quēne ĳavariquēnabeaja mū.

⁷ To bajiri, ado bajiro mūre yaja yū: ‘Adone űaja yū. Mū bojasere yirū masa tūju vacū yaja. “To bajiro bajirūcūmi” mū ocare masa űna yuacatore bajirone yirū, bajiaja’”, Diore ĳre yiyuju Cristo, masare ī rijabosarotire yigū.

⁸ Quēna, tirene mūare gotiaja yū. “‘Rojose mani yisere masirioato Dios’ yirā, vaibūcū rii űna soemūorotiboasere ĳavariquēnabeaja mū, mū roticūcati ti űnaboajaquēne”, Diore yiyuju Cristo. ⁹ Quēna ado bajise yiyuju Cristo: “Mū bojasere yirū masa tūju vacū yaja yū”, ĳre yiyuju. To bajiro ī yijama, ado bajiro ĳre yigū yiyuju: “Tirūmūju Moisére mū roticūcatire yitūjacōari, mamejuare masa űna ajise sūori quēnaro űnare mū yibosarotire bojagū bajiaja yū”, ĳre yiyuju. ¹⁰ To bajiri Dios ī rotiriarore bajirone yigū, cojojine manire rijabosayumi. To bajiro ī bajire űajare, rojose mani yisere masiriocōari, “Rojose mana űaama”, manire yĳāgūmi Dios.

¹¹ Jud'io masa, paia, tocārācarūmūrine űna ye moare űajare, “Rojose űna yisere masirioato Dios” yirā, cojoji me vaibūcūrā riire soemūorūgūrāma űna. To bajiro űna yiboajaquēne, rojose űna yisere, masiriose me űaja. To bajiri rojose űna yisere masiriobecūmi Dios. ¹² Jesucristo, cojojine manire rijabosacōari bero, rojose mani yisere yirētobosajeocōagū űari, Dios ī rotĳnaroju rūcūbuorĳajare rujiyuju ī. ¹³ “Mūre terā űajediro rotigū űarūcūja mū”, yiyuju Dios. To bajiri, “To bajiro yirūcūja” Dios ī yirere yūűagūmi Cristo. ¹⁴ To bajiri, Cristo cojojine manire ī rijabosare űajare, “Rojose mana űaama”, manire yĳāgūmi Dios. To bajiro ī yijare, “űajediro rojose mani yirere, mani yirotire quēne, manire yirētobosajeocōāűumi Cristo”, yimasiaja mani. ¹⁵ Dios ocare masa űna ucamasire sūorine ado bajise manire gotiami Esp'iritu Santo:

¹⁶ “‘To bajiri, űnare mame yū vasoaroti, ado bajiro bajirūaroja: “Yū masise sūorine yū rotisere tūoīamasirūarāma”, űnare yirūcūja yū. To bajiro yū yisere bojarā űari, quēnaro yirūgūrūarāma’, yami Dios mani űju.

¹⁷ ‘ĳnare ĳamaicōari, rojose űna yisere yū masiriojama, “Rojose yiriarā űaama”, juaji űnare yitūoīabetirūcūja yū’, yami Dios”, yigotiaja Dios ocare masa űna ucamasire.

¹⁸ To bajiri rojose mani yisere Cristo manire ī yirētobosajeore ti űajare, rojose mani yisere tuditūoīabetirūcūmi Dios. To bajiri, no yirā vaibūcū riire soemūomenaja mani.

“Diore quēnaro ajitirūnūgūrūarāja mani”, yire queti

¹⁹ To bajiri, Jesús, manire rijabosacōari, rojose mani yisere yirētobosar'i űari, ō vecaju manire sēnibosa űagūmi. To bajiri gūimenane Diore sēnito mani. ²⁰ Tirūmūjuama Diore yirūcūbuorĳavĳju sudigasero yotoriaro űaűuju ti, “‘Dios ī űarisōa’ vāme cūti sōare jājamasibeama masa” yĳōriju. To bajiro ti bajijare, űna masune Diore sēnimasimena űari,

paia ɯɟɯ ĩ sēnibosasere bojarūgūmasiñujarā ĩna. Yucurema Cristo manire ĩ rijabosare ti ñajare, no mani bojarijune mani masune Diore sēnimasiaja mani. ²¹ Cristo sīgūne ñagūmi ñamasugū manire sēnibosagu. To bajiro yiñagūmi ò vecaju Dios ya vijɯ ñacōari. ²² To bajiri, tocārācagine, “Ī bojarore bajirone yirɯaja” yirā, Diore sēnirūgūrɯarāja mani. “Cristo suorine manire ĩavariquēnagūmi Dios” yituoĭa tujamenane ĩre sēnirūgūrɯarāja mani. To bajiro ĩre yisēnirāne, “Rojose ñaja manire”, yituoĭabetirɯarāja mani, Dios, “Rojose mana ñaama” manire ĩ yĭñajare. “Manire rijabosayumi Jesús” yirā, oco rāca ĩna bautizacana ñaja mani. ²³ Cristo oca mani buesucotire ajitirūnu tujabetirɯarāja mani. “Quēnaro mɯare yirucɯja” Dios manire ĩ yirere tuoĭatujabetirɯarāja mani, “Yirucɯja” ĩ yirore bajiro yigɯ ĩ ñajare. ²⁴ Mani rācanare ĩamaicōari, quēnaro gotirɯarāja mani, “Īna quēne gājerāre ĩamaicōari, variquēnase rāca ĩnare ejarēmoato” yirā. ²⁵ Cristore ajitirūnrā ñari, rējarūgūroti ñaja, manire. Gājerā rējarūgūboariarā ĩna rējatujarore bajiro bajibetiroti ñaja, manire. Rējacōari, “Cristore ĩre ajitirūnu tujamenasa” yirā, quēnaro gāmerā gotirūgūrɯarāja mani, “Yoaro me ejarɯaroja rojose yirāre Dios ĩ ĩabeserirūmɯ” yimasirā ñari.

²⁶ Cristo ocare masiriarā ñaboarine, tire ajitirūnu tujacōari, rojosejɯare mani yicōa ñajama, manire yirētosabetirucumi Cristo. ²⁷ To bajiri, rojose manire ĩ yirotire tuoĭagūirā rĭne, Dios masare ĩ ĩabeserirūmɯ ti ejaro, “Yɯa ɯɟɯ me ñaja mɯ” ĩre yirā rāca rojose tāmɯotujabetiriaroju vaborāja mani. ²⁸ Tirūmɯju Dios ĩ rotimasirere sīgū tire ĩ cūdbetijama, ado bajiro bajimasiñuju: Juarā ñacōari, “Rojose yimi” ĩre yirā ĩna ñajama, ĩre ĩamaimenane, Dios ĩ rotiriarore bajirone yirā, ĩre sĭamasiñujarā ĩna. ²⁹ To bajiro bajimasire ti ñajare, yucurema mame ĩ vasoarere ajitirūnrarā ñaboarine, “Dios macu me ñarimi Jesús; manire rijabosabetirimi” ĩna yijama, ĩnare maigū Esp'iritu Santore rojose ñagōrā yirāma. To bajiri bɯto rojose tāmɯorɯarāma. “Manire rijabosabetirimi Jesús” ĩna yise ti ñaboajaquēne, ĩ rijabosare suorine, “Rojose ĩna yisere masiriocōari, quēnaro yirucɯja yɯ” masare Dios ĩ yimasiriarore bajirone bajiyuja. ³⁰ Rojose ĩna yise vaja bɯto rojose ĩna tāmɯorotire masiaja mani, Dios ado bajiro ĩ gotirere masa ĩna ucamasire ti ñajare: “Yɯne ñaja masa rojose ĩna yise vaja rojose ĩnare yirocɯ. Yɯ sīgūne riojo tire yimasigū ñaja yɯ”, yigotiaja. Gajeye quēne, ado bajise gotimasiñumi Dios: “Yɯ ñaja yɯ yarā rojose ĩna yijama, ĩnare rojose yirocɯ”, yigotimasiñumi Dios. ³¹ Caticōa ñarūgūrocɯ, Dios, rojose yirāre ĩajūnisinicōari, rojose ĩnare ĩ yiroti, gūiose masu ñarɯaroja ti.

³² Dios ĩ ejarēmose rāca Cristore mɯa ajitirūnu suocatire tuoĭamasiña mɯa. ĩre ajitirūnrā mɯa ñajare, gājerā cojopi me mɯare rojose yicama ĩna. To bajiro mɯare ĩna yĭboajaquēne, ĩre ajitirūncōa ñarūgūcaju mɯa. ³³ Masa ĩna ĩaro rĭjorojuɯa mɯare ajatud'icama ĩna. To yicōari, mɯa babarāre ĩna ajatud'iro ĩacōari, “Yɯa rācana ñaama”, ĩnare yĭamaicaju mɯa. ³⁴ Cristore ajitirūnrāre ĩna tubiberiarāre quēne, “Yɯa rācana ñaama”, ĩnare yĭamaicaju mɯa. To bajiro yirā mɯa ñajare, rojose mɯare yicama gājerā. Cristore ajitirūncana mɯa ñajare, gājerā mɯa tɯju ejacōari, mɯa gajeyeūnire ēmacama ĩna. To ĩna yĭboajaquēne, Cristore ajitirūnrā ñari, “Dios ĩ gotiriarore bajirone, ĩna ēmase rētoro quēnase ñacōa ñarotire bɯjarɯarāja mani, Dios ĩ ñarojuɯa”, yĭvariquēnacaju mɯa. ³⁵ To bajiro mɯa yituoĭacatore bajirone bajirɯaroja. To bajiri, Cristore ĩre ajitirūnu tujabetirɯarāja mɯa. ³⁶ Rojose tāmɯoboarine, ĩre ajitirūncōa ñaña mɯa. To bajiro mɯa bajijama, Dios ĩ bojarore bajiro yĭriarā mɯa ñajare, Dios ĩ gotiriarore bajirone ò vecaju quēnaro mɯare yirucumi. ³⁷ To bajiro bajiroti ti ñajare, ado bajiro gotiaja Dios ocare masa ĩna ucamasire:

“Yɯ cōarocɯ Cristo yoaro meaca ejarucumi. ‘To cōrone ejarucɯja mɯ’ yɯ yiroticatore bajirone ejarucumi.

³⁸ ‘Rojose magū ñaami’ yɯ yĭavariquēnagū, ‘Ī yirore bajiro yigɯ ñagūmi’ yɯre yituoĭagū ñari, bajirocacōari bero yɯ tɯju quēnaro ñacōa ñarūgūrocɯ ñagūmi. To bajiboarine, yɯre ajitirūnu tujagurema, ĩre ĩaquēnabetirucɯja yɯ”, yigotiaja Dios ocare masa ĩna ucamasire.

³⁹ To bajise Dios ĩ gotimasire ti ñaboajaquēne, manijuaama, Cristore ĩre ajitirũnu tujarona me ñaja mani. To bajiri, “Manire rijabosayumi Cristo” yituoĩarã ñari, rojose tãmuotujabetiriaroju vabeticõari, Dios taju quēnaro ñacõa ñarũgũrona ñaja mani.

11

Diore mani ajitirũnu tujabetiroti queti

¹ “Ī yirore bajiro yigu ñagũmi” Diore ĩre mani yituoĩajama, ado bajiro bajaja: “Mũare ĩsirucũja yũ” manire ĩ yijama, “Bũjarũarãja mani”, yituoĩaroti ñaja. “To bajiro masu bajaja” Dios ĩ yijama, maji tire ĩabetiboarine, “To bajirone bajiroja”, yituoĩaja mani.

² Mani ñicua to bajiro Diore ĩna tũoĩajare, ĩnare ĩvariquēnamasiñumi Dios.

³ “Ī yirore bajiro yigu ñagũmi” Diore ĩre yituoĩarã ñari, ado bajise yimasiaja mani: “Ruyuaaya’ Dios ĩ yirore bajirone bajimasiñuju, adi macarucuroaye, õ vecaye quēne”, yimasiaja mani. To bajiro ĩ yire ti ñajare, ĩ rujeoroto rĩjorojuma, manirũgũmasirere ĩarũgũaja mani, adi macarucuro ñasere.

⁴ “Ī yirore bajiro yigu ñagũmi”, Diore ĩre yituoĩagũ ñamasiñuju mani ñicu Abel ñamasir'i. To bajiro Diore tũoĩagũ ñari, ĩre rũcũbuogu, Dios ĩ bojarore bajiro yigu, vaibucure soemũomasiñuju. To bajiro ĩ yijama, ĩ gagũ Ca'in rētoro quēnaro Diore rũcũbuogu yimasiñuju. To bajiri, Diojuaama, “Rojose magũ ñaami”, ĩre yĩamasiñuju Dios. Abel ñamasir'i tirũmũju ĩ bajirocare ti ñaboajaquēne, ĩ yimasiriarore bajiro mani quēne Diore mani rũcũbuorũajama, Dios ĩ bojarore bajiro yirũcũbuoroti ñaja manire.

⁵ “Ī yirore bajiro yigu ñagũmi”, Diore ĩre yituoĩagũ ñamasiñuju Enoc ñamasir'i quēne. To bajiro Diore tũoĩagũ ĩ ñajare, “Yũ bojarore bajiro yigu ñaami” ĩre yĩavariquēnagũ ñari, ĩ bajirocabetone, ĩre ãmicoamasiñuju Dios. To bajiri, ĩre bũjabetimasiñujarã masa. To bajirone gotiaja Dios ocare masa ĩna ucamasire. ⁶ Ado bajiro tũoĩarã ñari, Diore sēniaja mani: “Dios ñagũmi” yimasicõari, “Yũre ejarẽmoña’ ĩre yisēnirãre quēnaro yami” yituoĩarã ñari, sēniaja mani. To bajiro mani yijama, “Ī yirore bajiro yigu ñagũmi” Diore yirã yaja. “Ī yirore bajiro yigu ñagũmi” Diore ĩre mani yituoĩabetijama, manire ĩavariquēnabecũmi Dios.

⁷ “Ī yirore bajiro yigu ñagũmi”, Diore ĩre yituoĩagũ ñamasiñuju Noé ñamasir'i quēne. Ado bajiro ĩre yimasiñuju Dios: “Masa ñajedirore ruureajeocõarucũja yũ. To bajiri, cũmua jairica quēnoña mũ, ‘Rujarobe’ yigu”, ĩre yimasiñuju Dios. To bajiro ĩ yijare, bajirotire masibetiboarine, “Ī yirore bajiro yigu ñagũmi” Diore ĩre yituoĩagũ ñari, ĩ gotirore bajirone yigu, cũmua jairicare quēnomasiñuju Noé. To bajiri ĩ yarã rãca Noé ĩ rujaborotire ĩnare yirētosomasasiñuju Dios. To bajiboarine, gãjerãrema ĩ rãcana ñaboariarãre, “Ī yirore bajiro yigu ñagũmi Dios” yituoĩamena ĩna ñajare, ĩnare yirētosobetimasiñuju Dios. Noéjũarema, “Ī yirore bajiro yigu ñagũmi” yũre yituoĩagũ ĩ ñajare, “Yũ ĩavariquēnarã rãcagũ ñaami, ĩ quēne”, Noére ĩre yimasiñuju Dios.

⁸ “Ī yirore bajiro yigu ñagũmi”, Diore ĩre yituoĩagũ ñamasiñuju Abraham quēne. To bajiri, “Mũ ñarimacare to cõrone vaveoya mũ. Mũ ñaroti sitare mũre mũjorucũja yũ”, ĩre yimasiñuju Dios. “Ī yirore bajiro yigu ñagũmi” Diore ĩre yituoĩagũ ñari, Dios ĩ rotisere ajicõari, vacoamasiñuju ĩ, ĩ ñarotire masibetiboarine. ⁹ Gãjerã ye sita ti ñaboajaquēne, “Adi sita mũre mũjorucũja” Dios ĩre ĩ yire ñajare, “Ī yirore bajiro yigu ñagũmi” Diore ĩre yituoĩagũ ñari, cojojũ me viriaca buacõari, ñacudirũgũmasiñuju Abraham. ĩ bajimasiriarore bajirone ñacudimasiñujarã ĩ macũ Isaac, ĩ jãnami Jacob quēne “Adi sita mũare mũjorucũja yũ” Dios ĩnare ĩ yire ñajare. ¹⁰ To bajiboarine, variquēnagũ ñacudimasiñuju Abraham, “Õ vecajũ Dios ĩ quēnorã macare quēnaro ñacõa ñarũgũrucũja yũ” yituoĩagũ ñari.

¹¹ To bajicõari, Abraham manajo Sara, bucuo rĩa magõ ñamasiñuju so. ĩ quēne bucu ñamasiñuju. To bajiboarine, “Ī goticatore bajirone yirucũmi Dios” yituoĩagũ ñari, Dios ĩ ejarẽmojare, macũ cutimasiñujarã ĩna. ¹² To bajiri, “Bucũacoar'i ñaboarine, macũ cuticõari, jãjarã jãnerabatia cutirocu ñamasiñumi. Jãjarã ñocõa ñarãre, mani

cõãajeobetore bajiro, to yicõari, jare mani cõãajeobetore bajiro jãjarã jãnerabatia cutiurocu ñamasiñumi Abraham”, yimasijaia mani.

¹³ Abraham, Isaac, Jacob quêne, “Í yirore bajiro yigũ ñagũmi”, Diore ãre yituoãriarã ñamasiñujarã ãna, ãna catiñaro cõrone. Dios ã gotiriarore bajiro ãnare ã yibetiboajaquêne, “Í yirore bajiro yigũ ñagũmi”, ãre yituoãcõa ñamasiñujarã ãna. “Yũ bajirocaro beroju yũre ã goticatore bajirone yũre yirũcũmi”, yituoãrã ñamasiñujarã ãna. To bajiro bajirã ñari, “Mũare mũorũcũja yũ” Dios ã yire sitajũ ñacudiñarã, ti sitanare ado bajise ãnare gotimasiñujarã ãna: “Adi sitajũre yoaro ñabetirũarãja yũ”, ãnare yigotimasiñujarã ãna. ¹⁴ To bajise ãna yijama, “Gajeye sita ãna ñacõa ñarotire tuoãrã yiriarãma ãna”, yimasijaia mani. ¹⁵ ãna vadiveoria sitare tuoãrã ãna yijama, quẽna ti sitajũre ñarã, tudicoaboriarãma ãna. ¹⁶ To bajiro ãna tuoãjama, ãna vadiveoria sita tuoãrã me yiyuma. ãna vadiveoria sita rẽtoro quẽnari sita õ vecajũ Dios ã ñaroju varũa tuoãrã yimasiniujarã ãna. To bajiro tuoãrã ãna ñajare, “Yũne ñaja ãna rũcũbuogũ; yũ yarã ñaama ãna”, yivariquẽnamasiñuju Dios. To bajiro yigũ ñari, ãna ñaroti macare ãnare quẽnobosayumi.

¹⁷⁻¹⁸ “¿‘Socũ mene ã yirore bajiro yigũ ñagũmi’ yũre yituoãgũ ñati?” yimasirũ, ãre rũcũbuorã, vaibũcũre ãna soemũoriarore bajiro yigũ, ã macũ sigũ ñagũre sãarotimasiñuju Dios. “Isaac sũori jãjarã jãnerabatia cutirũcũja mũ” Dios ã yire ti ñaboajaquêne, “Mũ rotisere yibetirũcũja”, yituoãbetimasiñuju. ¹⁹ “Bajireariarãre ãnare tudicatiomasigũ ñagũmi Dios” yituoãgũ ñari, “Yũ macũre yũ sãacõajaquêne, catiocõarũcũmi” yituoãgũ ñari, ãre ã sãaguadijũne, “ãre sãabeticõãña” Dios ã yijare, ãre sãabetimasiñuju. To bajiro ã yire ti ñajare, “Rijacoaboarine, tudicatigũre bajiro ãre ãamasiñuju Abraham”, yimasijaia mani.

²⁰ “Í yirore bajiro yigũ ñagũmi”, Diore ãre yituoãgũ ñamasiñuju Isaac ñamasir'i quêne. To bajiro Diore tuoãgũ ñari, ã rãre ado bajiro ãnare gotimasiñuju, Jacob, Esaũre quêne: “Í gotiriarore bajirone quẽnaro mũare yirũcũmi Dios”, yimasiniuju.

²¹ “Í yirore bajiro yigũ ñagũmi”, Diore ãre yituoãgũ ñamasiñuju Jacob ñamasir'i quêne. To bajiro Diore tuoãgũ ñari, ã bajirocaroto rĩjoro, ã macũ José rãre, “Quẽnaro mũare yirũcũmi Dios”, ãnare yimasiniuju ã. Bũcũ ñari, rũgõtĩmabetiar'i ñaboarine, ã tueriũ sũorine vũmũrũgõcõari, Diore rũcũbuomasiniuju ã.

²² “Í yirore bajiro yigũ ñagũmi”, Diore ãre yituoãgũ ñamasiñuju José ñamasir'i quêne. To bajiro Diore tuoãgũ ñari, ã bajirocaroto rĩjoro, ã yarãre Israel ñamasir'i jãnerabatiare ado bajiro ãnare gotimasiñuju: “Adi sita Egipto sitare vaveorũarãma ãna, mũa jãnerabatia. ãna vajama, yũ gõare juacõari, Canaãn vãme cuti sitajũ yujerũarãma ãna”, yimasiniuju.

²³ “Í yirore bajiro yigũ ñagũmi”, Diore ãre yituoãrã ñamasiñujarã Moisés ñamasir'i jacũ, ã jaco quêne. To bajiro Diore tuoãrã ñari, Moisés ã ruyuario bero, idiarã muijua ãre yayiocũomasiniujarã ãna, “Quẽnagũaca sũcare manire ãsiami Dios” yirã. To bajiri egipcio masa mũju, Israel ñamasir'i jãnerabatiare rãmasa mũmũare ã sãarotiboajaquêne, ãre gũimena ñari, ã rotirore bajiro yibetimasiñujarã ãna.

²⁴ “‘Yirũcũja’ ã yirore bajiro yigũ ñagũmi”, Diore ãre yituoãgũ ñamasiñuju Moisés ñamasir'i quêne. To bajiro tuoãgũ ñari, bũcũacũ, Egipto sita mũju maco so masor'i ñaboarine, “Egipcio masũre bajiro bajigũ ñaami” masa ãna yirũcũbuosere bojabetimasiñuju Moisés. ²⁵ Ado bajiro tuoãgũ ñari, tire bojabetimasiñuju ã: “Adi macarũcũroju yũ catiñaro cõro egipcio masa rãca yũ bojarore bajiro yũ yijama, yũ rijato beroju quẽnabetoja ti. To bajiri Israel ñamasir'i jãnerabatia Dios yarã rãca baba cutirũcũja yũ, egipcio masa yũre quêne rojose ãna yiroti ti ñaboajaquêne”, yimasiniuju Moisés ñamasir'i. ²⁶ Ado bajiro tuoãgũ ñari, to bajiro yimasiniuju Moisés: “Egipto sitana ãna cũose jairo vaja cuti rẽtoro ñamasuse ñaja, Cristo ã ejaroti Israel ñamasir'i jãnerabatia ãna gotisejuama”, yituoãcõamasiñuju. To bajiri, “ãna rãca yũ ñajare, egipcio masa rojose yũre ãna yiboajaquêne, quẽnacõarũaroja”, yituoãcõamasiñuju Moisés. To bajiro ã tuoãjama, ã rijato bero, “Cristo sũorine quẽnaro yũre yirũcũmi Dios” yituoãgũ yimasiniuju.

²⁷ Egipcio masa ɯɟu ĩ jūnisinisere güigu me, ti sitare vaveomasiniuju Moisés. “Ī yirore bajiro yigu ñagūmi Dios” yituoīagū ñari, Diore ĩre ĩabetiboarine, ĩ bojarore bajiro ĩ yirore masicōari, vacoamasiniuju. ²⁸ “Ī yirore bajiro yigu ñagūmi Dios” yituoīagū ñari, Israel ñamasir'i jānerabatiare “Dios ĩ rotirore bajiro Pascua boserūmu yito mani” yigu, oveja sīar'i ri'ire cojovi ruyabeto sojerire turotimasiuju. Tire ĩamasicōari, Israel ñamasir'i jānerabatia ĩna rīa cutisūoriarāre “Dios ĩ cōagū ángel, sīagū sājabeticōato” yigu, yimasiniuju Moisés ñamasir'i.

²⁹ “Ī yirore bajiro yigu ñagūmi Dios”, yituoīarā ñamasiniujarā Israel ñamasir'i jānerabatia quēne. To bajiro Diore tuoīarā ñari, Diore ajitirūnucōari, moa riaga Oco Sūarisa vāme cutiyare jēamasiniujarā. Dios ĩ masise sūori “Riagare jēato” yigu, oco mano ĩ yibosajare, carari maare jēamasiniujarā ĩna. To bajicōari, egipcio masa ĩnare tuoruarā, sūyajēamasiboayujarā. ĩna jēaejabetone, ruureacōamasiniuju Dios.

³⁰ To bajiro ĩna bajimasiriaro bero, Israel ñamasir'i jānerabatia Jericó vāme cuti macare ēmaruarā, ti macare ĩna matariacūni sūyarojuare ejacōari, cojomo cōro juā jēnituarirā-carūmuri rūja gānibiarūgūmasiniujarā ĩna. To bajiro ĩna bajirone, “Ī yirore bajiro yigu ñagūmi Dios” yituoīarā ĩna ñajare, ti maca matariacūni cague vējacoamasiniuju ti. ³¹ Ti macago Rahab vāme cutigo, ũmūare ajeriarā cuticōari, vaja sēnigō ñaboarine, “Ī yirore bajiro yigu ñagūmi Dios”, yituoīagō ñamasiniuju so. To bajiri Israel ñamasir'i jānerabatia juarā ĩarudirimasa ejarāre quēnaro ĩnare yimasiniuju so. Quēnaro ĩnare yirio ñari, so ya macana Diore ajirūcūbetiriarā rāca rijabetimasiniuju.

³² Jēre jairo mūare gotibū yū. Tire bajiro Diore tuoīamasiriarā jediro ĩna bajimasirere yū ucajama, yoaro ucabogūja yū. Gedeón, Barac, Sansón, Jefté, David, Samuel, to yicōari, Diore gotirētobosariarā jediro ĩna bajimasirere quēne ucabogūja yū. ³³ ĩna quēne, “Ī yirore bajiro yigu ñagūmi Dios” yituoīarā ñari, gaje sitana rāca ĩna gāmerā sīajama, ĩnajua rīne, ĩnare sīacōarūgūmasiniujarā ĩna. Gājerāma, quēnaro masare rotimasiniujarā ĩna, ĩna yarāre, “Quēnaro gāmerā yato” yirā. Gājerāma, rojose tāmūorā ñari, “Yūare ejarēmoña” yirā, Diore sēnimasiujarā ĩna. To ĩna yijare, ĩ gotiriarore bajirone ĩnare ejarēmomasiniuju Dios. Gājerārema, “Ī yirore bajiro yigu ñagūmi” Diore ĩna yituoīajare, “Yaia, león vāme cutirā ĩnare babeticōato”, yiyumi Dios. ³⁴ Gājerāma, jeame bato ũjūroju ĩna reatīariarā ñaboarine, ũbetimasiniujarā. Gājerāma, ĩnare ĩaterimasa jariaseri rāca ĩna sīarūasere ĩacōari, rudimasiniujarā. Gājerāma, tīmabetiboariarāne, Dios ĩnare ĩ ejarēmojare, tīmarā ñacoasujarā ĩna. To bajiri, ĩnare ĩaterā sīarā ejarāre ĩnajua rīne sīareacōarūgūmasiniujarā. ³⁵ Rōmia quēne, “Ī yirore bajiro yigu ñagūmi” Diore ĩre yituoīarā ñari, bajireacoanare Dios ĩ masise sūori ĩ catiorāre yarā cutiyujarā.

Gājerāma, “Ī yirore bajiro yigu ñagūmi Dios” yituoīarā, ado bajiro bajiyujarā: ĩnare ĩaterimasa ĩnare ñejecōari, “Dios ocare mū ajitirūnu tūjabetijama, mūre sīaruarāja yua”, ĩnare yigotiyujarā ĩna. To bajiro ĩna yiboajaquēne, “Ī yirore bajiro yigu ñagūmi Dios” yirā, ĩnare güimenane, ado bajiro tuoīañujarā ĩna: “ĩna sīacōajaquēne, tudicaticōari, Dios tūju rētoro quēnaro ñaruarāja mani”, yituoīamasiniujarā ĩna. To bajiro yirā ĩna ñajare, ĩnare sīacōañujarā. ³⁶ Gājerā quēne, “Ī yirore bajiro yigu ñagūmi Dios” yituoīarā ñari, ado bajiro rojose tāmūoñujarā ĩna: ĩnare ajatud'icōari, ĩnare bajeyujarā. Gājerārema, ĩna āmorijū cōmemarine siacōari, tubibecūñujarā ĩna. ³⁷ Gājerārema, gūtane ĩnare reasiañujarā. Gājerārema, ĩna ruju gudarecone yijetasīacōañujarā. Gājerārema, jariaseri rāca ĩnare saresīacōañujarā ĩna. Gājerāma, sudi manijare, vaibucūgasene sāñañujarā. To bajicōari ĩna ñaroti maca bujamenane, maioro rojose yiecocudirūgūñujarā ĩna. ³⁸ “Ī yirore bajiro yigu ñagūmi Dios”, yituoīarā ñañujarā ĩna. Dios ĩ ĩamairā ñaboarine, gājerā ĩna ĩaterā ñari, ĩna ñaroti bujamenane masa manojū, gūtayucūri vatoajū gūtavirijū ñacudiyujarā ĩna.

³⁹ Rojose tāmūoriarā mūare yū gotirā, jediro ñañujarā “Ī yirore bajiro yigu ñagūmi Dios” yituoīariarā. To bajiro Diore tuoīarā ñari, “Manire ĩavariquēnagūmi Dios”, yituoīañujarā ĩna. To bajise tuoīarā ñaboarine, nijūane “Quēnaro yirūcūja yū” Dios ĩ

yirere yiecobesuma maji. ⁴⁰ Īna t̄uoīase r̄etoro quēnase ī yir̄uajare, to bajiro bajiyuma maji. To bajiri, yuc̄rema, mame Dios ī vasoase ñajare, ĩnare, manire quēne, “Rojose mana ñaama”, yīaḡmi Dios.

12

“Cristore ajitir̄un̄cōa ñar̄ḡur̄ar̄aja mani”, yire queti

¹ To bajiro mani ñic̄ua ĩna bajirere mani ajijama, “ Ī yiore bajiro yiḡu ñaḡmi’ Diore ĩre yit̄uoīac̄ari, quēnaro ĩre ajitir̄un̄ñuma ĩna”, yimasaja mani. To bajiri josase ti ñaboajaquēne, mani quēne, Diore ajitir̄un̄ t̄ujabetic̄oato mani. Mani tuana rojose manire ĩna yirotijama, ĩnare c̄udibetir̄ur̄ar̄aja mani, “Īna s̄uori Dios ī bojabeti yirobe” yir̄a. Jesucristo, adigodoj̄u ñaḡu Diore ī ajitir̄un̄riarore bajiro mani quēne Diore ajitir̄un̄cōa ñar̄ḡur̄ar̄aja. ² Cristore t̄uoīat̄ujabetiroti ñaja manire. ĩne ñaami mani t̄uoīamasirotire c̄oaḡu. To bajiri, manire ī ejar̄emojare, “Ī yiore bajiro yiḡu ñaḡmi Dios”, yit̄uoīa t̄ujabeaja mani. Yuc̄t̄eroj̄u masa ĩre ĩna jajuturo, b̄uto rojose t̄am̄uoḡu ñaboarine, Dios t̄uj̄u quēnaro ī ñarotij̄uare t̄uoīaḡu ñari, ĩre ĩna yirotire, “Yibetic̄oato”, yibesumi. To bajiri manire rijabosac̄ari, yuc̄rema, ð vecaj̄u Dios ī rotīñaroj̄u ī riojocac̄tua r̄uc̄b̄uor̄iaj̄ure rujiḡu ñaḡmi.

³ Jesús adigodoj̄u ī ñaro, b̄uto rojose ĩre ĩna yiboajaquēne, quēnasej̄uare yic̄o ñañumi. To bajiri mani quēne, rojose t̄am̄or̄ā ñaboarine, quejemenane, quēnasej̄uare yic̄o ñar̄ḡuroti ñaja. ⁴ Jesucristo rojose ī t̄am̄or̄iarore bajiro t̄am̄omenaja m̄ua maji. To bajiri, rojose t̄am̄or̄ā ñaboarine, ñac̄or̄ar̄aja m̄ua. ⁵ Diore ajitir̄un̄r̄ā ñari, ī r̄iare bajiro bajir̄are, “Rojose t̄am̄or̄ā ñaboarine, ‘Ī yiore bajiro yiḡu ñaḡmi’ ȳure yit̄uoīa t̄ujabetic̄oato ĩna” yiḡu, m̄uare gotimasioñumi. Tire masiritir̄ar̄aja m̄ua. Ado bajise gotiaja ti Dios ocare masa ĩna ucamasire:

“Масч, ‘Ado bajiroj̄ua yiya’, m̄ure yu yisere ajitebesa. Rojose t̄am̄uoḡu ñaboarine, yu bojarore bajiro yic̄o ñaña.

⁶ Ȳune ĩna jac̄ure bajiro bajiḡu ñari, yu mair̄are, ‘Ado bajiroj̄ua m̄ua yijama, quēnar̄uoroja’ ĩnare yir̄ḡuaja yu”, yigotiaja Dios ocare masa ĩna ucamasire.

⁷ To bajiri, rojose t̄am̄uobarine, “Ī yiore bajiro yiḡu ñaḡmi Dios”, yit̄uoīa t̄ujabesa m̄ua. Rojose m̄ua t̄am̄uose s̄uorine quēnaro m̄uare ī yirotire masioḡu yiḡumi Dios. Sīḡu ī r̄iare ī gotimasiorore bajiro yiḡu, yiḡumi Dios, “Yu bojarore bajiro yir̄ā ñato” yiḡu. R̄ia cutir̄ā jedirone, ĩna r̄iare gotir̄ḡur̄ama. ⁸ To bajiri, Dios quēne, “Ȳure ajitir̄un̄r̄ā ñari, yu r̄iare bajiro bajir̄ā ñaama” yiḡu, ĩnare gotimasior̄ḡuami Dios. To bajiro m̄uare Dios ī yibetijama, jac̄u manare bajiro ñabor̄ar̄aja m̄ua. ⁹ Mani jac̄ua, manire ĩna yirere t̄uoīato mani. R̄īamasaca mani ñaro rojose mani yijare rojose manire yir̄iar̄ama ĩna, “Ȳua bojarore bajiro yir̄ā ñato” yir̄ā. To ĩna yiore ajir̄uc̄b̄uor̄iar̄aja mani. To bajiri Dios quēne, “Ȳure bajiro quēnaro yir̄ā ñato” yiḡu, rojose mani yijare, rojose manire ī yijama, b̄utobusa ĩre ajir̄uc̄b̄uor̄oti ñaja manire. ĩre mani ajir̄uc̄b̄uor̄ojama, mani rijato bero, tudicatic̄ari, ī r̄āca quēnaro ñac̄o ñar̄ḡur̄ar̄aja mani. ¹⁰ Mani jac̄ua, ĩna gotimasiojama, ĩna yimasiro c̄oro manire gotimasior̄iar̄ama ĩna. Dioj̄uama, masijeoḡu ñari, “Ado bajiroj̄ua ĩna yijama, quēnaja”, yimasiḡu ñaḡmi. To bajiro yiḡu ī ñajare, yuc̄rema rojose t̄am̄uobarine, quēnaro ĩre mani ajir̄uc̄b̄uo t̄ujabetijama, ĩre bajiro quēnaro yir̄ā ñar̄ur̄ar̄aja mani. ¹¹ Rojose mani yise vaja “Rojose t̄am̄uato ĩna” yiḡu, Dios rojose manire ī yijama, s̄utiritir̄ar̄aja mani. Rojose mani t̄am̄osere t̄uoīac̄ari, “Ado bajise manire yimasioj̄u yiḡumi Dios” mani yit̄uoīamasijama, ī bojarore bajiro yiroti ñaja. To bajiro mani yijama, quēnaro ñar̄ur̄ar̄aja mani.

“Dios ocare mani ajitir̄un̄u t̄ujajama, ḡuiose ñaja”, yire queti

¹² To bajiri, “Dios manire ī gotir̄iarore bajirone quēnaro yir̄ac̄umi” m̄ua yit̄uoīa s̄uocatore bajiro yit̄uoīañā m̄ua quēna. Tire t̄uoīac̄ari, m̄ua yimasiro c̄orone Diore quēnaro ĩre ajitir̄un̄ñā m̄ua, “Ñajediro Dios ī gotir̄iarore bajirone quēnaro manire yato” yir̄ā. ¹³ To bajiri, Dios ī bojasere yir̄ur̄ā, quēnaro t̄uoīañā m̄ua. Quēnaro t̄uoīac̄ari, ī bojarore bajiro m̄ua yijama, m̄ua babar̄ā quēne Cristore b̄utobusa ajitir̄un̄ur̄ar̄ama ĩna.

¹⁴ Mũa jediro, quẽnaro gãmerã yirügũruarãja mũa, “Quẽnaro ñacõari, bũtobũsa Dios ï bojarore bajiro yirã ñato mani” yirã. To bajiro mũa yibetijama, Diorãca quẽnaro ñabetiruarãja. ¹⁵ Mũa rãcana ñajedirore quẽnaro ejarẽmorügũruarãja mũa, “Cristo suorine Dios quẽnaro manire ï yisere, ‘Socase ñaja’ yitũoĩaroma ña” yirã. Socase yigũ ï ñajama, “Í suorine Dios ocare ajitirũnu tũjacõari, ïũare ajisũyaroma” yirã, quẽnaro gãmerã ejarẽmorügũña. ¹⁶ To yicõari, “Gãmerã ajeriarã cutiroma” yirã, mũa rãcanare quẽnaro gotiruarãja mũa. Esaú ñamasir'ire bajiro yibeticõaña mũa. Ì gagũ ñaboarine, bare barũne, “Yũre mũ ecajama, mũ bedire bajiro bajirũcũja yũ”, ïre yimasĩũju. To yicõari, “Mani jacũ ï rijaroto rĩjoro, ‘Yũ macũ ñasũogũ ñaami’ ï yirocũ ñarũcũja mũ. To ï yirocũ ñari, ‘Quẽnaro yirũcũja’ Dios ï yirere yiecorocũ ñarũcũja mũ”, yimasĩũju Esaú, ï bedire. ¹⁷ “Dios ocare ajirũcũbũobecũ ñañumi”, ïre yimasiaja mani, ado bajiro ña bajimasire ñajare: Ì jacũ ï bajirocaroto rĩjoro, “Ì gagũ ñaja mũ. To bajiri quẽnaro mũre yirũcũmi Dios”, ï jacũ ï yisere ajirũamasiboayuju Esaú. “Jẽre mũ bediũare gotiyuja yũ” ï yisere ajicõari, bũto otiboarine, “Quẽnaro yirũcũja” Dios ï yirere bũjabetimasĩũju Esaú.

¹⁸ To bajiri, mame Dios ï vasoasere ajirũcũbũorã ñari, mũama, mani ñicũa ña ïamasire ùnire ñabesuja mũa. Ìnama, gũtaũju ñacudir'i Moisés ï rojaejaro bero, gũtau ti ùjũsere ñañuma. To bajicõari ti buesene rẽtiacõamasĩũju. Bũto bũjo quẽne jamasĩũju. To bajicõari, mino bũto vamasĩũju. ¹⁹ To bajiro ti bajirone, jutiria trompeta vãme cutia bũsere ajicõari, bũto gũimasĩũjarã ña. To bajicõari, Dios ï ocaruyusere ajimasĩũjarã ña. Tire ajigũicõari, to cõrone ï ñagõtũjasere bojamasĩũjarã ña. ²⁰ Dios ï rotirere no bajiro yimasibetica yirã, “To cõrone ñagõtũjato”, ïre yimasĩũjarã. Ado bajiro ñare rotimasĩũju Dios: “Sĩgũ masũ, to yicõari, vaibũcũ ùgũ quẽne gũtaũre ï cũdajama, gũtane reasĩacõaroti ñaja”, yimasĩũju. ²¹ Ìna ïamasire bũto gũiose ti ñajare, Moisés ñamasir'i quẽne, “Gũigũ, nanaja yũ”, yimasĩũju.

²² Mani ñicũa ña bajimasiriarore bajiro bajirã me ñaja mũama. To bajiri, õ vecajũ ñaricũ gũtaũ joejũ ñarimaca Jerusalén vãme cuti macajũ Dios ñacõa ñarũgũgũ ya macajũ ñarãre bajiro bajiaja mũa. To bajicõari, Dios tũana jãjarã ángel mesa rẽjacõari, Diore ña rũcũbũorojũ ñarãre bajiro bajiaja mũa. ²³ To bajicõari, “Ado cõro ñaama yũ rãca ñarũgũrona” Dios ï yiucaturiarã ñari, ï tũjũ ñarã rãca rẽjarãre bajiro bajiaja mũa quẽne. Masa ñajedirore ñabeserocũ tũjũre gũimenane ejarãre bajiro bajiaja mũa. Rojose yiriarã ñaboarine, Jesũre ajitirũnũriarã ña ñajare, ï tũjũ ña ejaro, “Rojose mana ñaja mũa” Dios ï yĩriarã rãca ñarãre bajiro bajiaja mũa quẽne. ²⁴ To bajiri, Jesús tũjũ ejarona ñaja mũa. Ìne ñaami, “ ‘Mame oca mũare vasoarũcũja yũ’ Dios ï yiriarore bajiro bajiato” yigũ, manire rijabosar'i. To bajiri, ï ri'i suorine, “Rojose mana ñaama”, manire yĩañumi Dios. To bajiboarine tirũmũjũ, Abel ñamasir'i ï sãacomasirejũama, “Ì ri'i suorine ‘Rojose mana ñaama’ masare Dios ï yĩaroti me ñamasĩũju”, yimasiaja mani.

²⁵ To bajiri Cristo ï rijabosare suorine mame oca Dios ï vasoarere ajitirũnũroti ñaja. Moisés ñamasir'ire Dios ï roticũmasirere cojoi me ña cũdibetijare, rojose ñare yirũgũmasĩũju Dios, “Yitũjacõari, yũ bojasejũare yato ña” yigũ. To bajiro ï yimasire ñajare, mame ï vasoasere quẽne mani ajibetijama, “Rojose manire yirũcũmi”, yimasiaja mani. ²⁶ Gajeyerema tirũmũjũ mani ñicũa ñamasiriarãre gotigũ, sita nũrũarojũ ñagõmasĩũju Dios. Ì ocare masa ña ucamasire quẽna ï yirotire ado bajiro gotiaja: “Quẽna yinũrũojama, adi macarũcũroaye, õ vecayere quẽne yinũrũobatorũcũja yũ”, yigotiaja, Dios ocare masa ña ucamasire. ²⁷ To bajiro quẽna Dios, “Yirũcũja” ï yirere mani ajijama, “Adi macarũcũro ñase jediro ï rujeorere reajeocõarũcũmi”, yimasiaja mani. Rẽmojũne “Yayibetirũaroja” ï yirũjeore rĩne rũyarũaroja ti. ²⁸ To bajiri socase me ti ñajare, “Diore ajitirũnũriarã ña bajireajama, ï rotiñarojũ ña caticõa ñarotire yigũ, ï catisere ï ïsiriarã ñari, ï rãca ñarũgũruarãma”, yimasiaja mani. To bajiro mani bajiroti ti ñajare, Diore rũcũbũorã, “Quẽnaro yũare yaja mũ”, ïre yisẽnito mani. To yicõari, ï bojarore bajiro yirũgũto mani, “Manire ñajũnisinicõari, rojose manire yiromi” yirã. ²⁹ Ì bojabeti yirãre rojose yigũ ï ñajare, ï bojarore bajiro yiroti ñaja manire.

13

“*Īavariquēnato Dios*” yirā, quēnaro mani yiroti queti

¹ To bajiri adi m̄are gotitusaja ȳ: Ado bajiro yiñaña m̄a, “Manire ĩavariquēnato Dios” yirā. Cristo yarā ñari, gāmerā ĩamaitujabesa m̄a. ² Gajeroana m̄a masimena Cristore ajitir̄n̄rā m̄a tu ĩna ejajama, quēnaro ĩnare yir̄arāja m̄a. Mani ñic̄a quēne, gajeroana ĩna masimena ĩna ejaboajaquēne, quēnaro ĩnare yir̄gūmasiñujarā ĩna. To yirā ñari, cojojirema ángel mesare “Dios ĩ cōariarā ñarāma” yimasibetiboarine, quēnaro yimasinujarā ĩna.

³ Gājerā Cristore ajitir̄n̄rāre tubibe ecorāre masiritibesa m̄a. Mani quēne mani tubibe ecojama, “Quēnabetoja” yit̄oīarā ñari, ejarēmoña. Gājerāre quēne, rojose ĩnare ĩna yijama, m̄a quēne ĩna rāca rojose tām̄orāre bajiro ĩnare ĩamaicōari, ejarēmoña m̄a.

⁴ Gāmerā m̄a bojasere quēnaro r̄cub̄oroti ñaja. Manajo c̄tirā, manaj̄ c̄tirā, manajo mana, manaj̄ mana quēne gājerā rāca ajeriarā c̄tibesa. To bajiro m̄a yijama, “Rojose tām̄or̄arāma”, m̄are yir̄c̄umi Dios.

⁵ Jairo gājoa c̄or̄a t̄oīabesa m̄a. Mojoroaca c̄orā ñaboarine, “Jēre ñacōaja”, yit̄oīacōaña m̄a. Ado bajiro Dios ĩ yirejuare t̄oīaña: “M̄are vaveobec̄ne, m̄ rāca ñacōa ñar̄gūr̄c̄aja ȳ”, yiyumi Dios, manire. ⁶ To bajiro ĩ yirere mani ajijama, “Soc̄ me yiyumi” yimasicōari, Dios oca ti gotirote bajiro ado bajiro yimasajaja mani: “Dios ñaami rojose ȳ tām̄oro, ȳre ejarēmoḡ. To bajiro rojose ȳre yirāre gūibeaja ȳ”, yaja mani.

⁷ Cristo ocare m̄are gotimasios̄ocana ĩna bajicatire masiritibesa m̄a. “Ī yirore bajiro yiḡ ñaḡmi Cristo” yit̄oīarā ñari, ĩre ajitir̄n̄ t̄jamenane, bajireacoacama ĩna. ĩna bajicatore bajiro, Cristore ajitir̄n̄ t̄jabesa m̄a quēne.

⁸ Jesucristo ñaḡmi t̄oīavasoabec̄, cojojire bajiro quēnaro yir̄gūḡ. To bajiri m̄are gotimasios̄ocanare quēnaro ĩnare ejarēm̄'i, manire quēne to bajirone ejarēm̄ocōa ñar̄gūr̄c̄umi. ⁹ M̄are ĩna gotimasios̄ocatire bajiro me, ricati ĩna gotimasiosere ajitir̄n̄beticōaña m̄a. Ado bajiro m̄are gotir̄gūrāma ĩna: “‘Babetir̄arāja m̄a’ mani ñic̄a ñamasiriarā ĩna yimasirere m̄a ajir̄cub̄ojama, quēnaja”, m̄are yirāma ĩna. To bajiro m̄are ĩna yigotise me, ado bajiro m̄a yit̄oīar̄gūsej̄a ñaja quēnase: “Dios manire ĩamaicōari, manire ejarēm̄c̄umi” m̄a yit̄oīar̄gūsej̄a ñaja quēnase. To bajiro m̄a t̄oīajama, b̄tobusa ĩ bojarore bajiro yirā ñar̄t̄uar̄arāja m̄a.

¹⁰ Cristo manire ĩ rijabosare s̄ori Moisére Dios ĩ roticūmasirote bajiro me bajijaja. Moisére Dios ĩ roticūmasirere ajitir̄n̄rā, rojose ĩna yisere “Masirioato Dios” yirā, “Vaib̄c̄rā soem̄ocōa ñaroti ñaja” yit̄oīarā ĩna ñajare, “Rojose mana ñaama”, ĩnare yī̄abec̄umi Dios. Manij̄arema, vaib̄c̄ rii ĩna soem̄ose ūnirene yiḡ, Cristo ĩ rijabosare s̄ori, “Rojose mana ñaama” Dios ĩ yī̄arā ñaja mani. ¹¹ Moisére Dios ĩ roticūmasirere ajitir̄n̄ḡ paia c̄j̄ ñamasuḡma, vaib̄c̄ ĩna s̄ar'i ri'i ēoriabajare āmisājac̄umi, Dios ĩ ñarisōa vāme c̄ti sōaj̄, “Rojose ĩna yisere masirioato Dios” yiḡ. ĩ s̄ajatoye, vaib̄c̄ ruj̄j̄arema ti maca soj̄aj̄ āmivacōari, soerocacōarāma ĩna, ĩre ĩaterā ñari. ¹² To bajiro vaib̄c̄re ĩna ĩaterore bajiro bajiyumi Jesús quēne. Jerusalén maca soj̄aj̄ yuc̄t̄eroj̄ j̄ajusīa ecoyumi, rojose mani yisere manire yir̄tobosaḡ. To bajiro bajiyumi, “Rojose mana ñaama” manire Dios ĩ yī̄arotire yiḡ. ¹³ To bajiro Jesús ĩ bajibosare ñajare, Moisére Dios ĩ roticūmasirere ajitir̄n̄rā rojose m̄are ĩna yiboajaquēne, tire ajir̄cub̄o t̄jacōari, mame Dios ĩ vasoarej̄are ajitir̄n̄roti ñaja m̄are. ¹⁴ To bajiro bajir̄arāja m̄a, adigodoayere t̄oīabeticōari, “Dios ĩ ñarimaca ñaja mani ñacōa ñar̄gūr̄oti maca” yit̄oīarā ñari. “Adi macar̄c̄roj̄rema manoja mani ñacōa ñar̄gūr̄oti maca”, yimasirāja m̄a. ¹⁵ To bajiri, Jesucristo ĩ rijabosare s̄ori, Diorāca mani ñacōa ñar̄gūr̄oti ti ñajare, vaib̄c̄rāre s̄iacōari, ĩna soem̄ose ūnirene yirā, “Quēnamasucōaja m̄” Diore yir̄cub̄o t̄jabetiroti ñaja, manire. ¹⁶ To yicōari, “Quēnaro gāmerā yiroti ñaja manire” yirere masiritibeticōaña m̄a. To yicōari, m̄a t̄ana maioro ĩna bajisere masicōari, m̄a c̄ose ĩnare ĩsiña. To bajiro m̄a yijama, Dios ĩ ĩavariquēnase yirā, yir̄arāja m̄a.

¹⁷ Mũare ũmato ñarãre quẽnaro cudiya mũa. “¿No bajiro ñnare ãtirũnucati mũa? manire yisẽniãgũmi Dios” yimasirã ñari, tocãrãcarũmũne, “Diorãca quẽnaro ñato ñna” yirã, mũare ãtirũnrũgũrãma ñna. To bajiri, quẽnaro ñnare mũa cudijama, to bajiro mũa yisere, “Ado bajiro quẽnaro mũre ajitirũnucama ñna”, Diore ñre yivariquẽnarũarãma ñna.

¹⁸ To bajiri, “Dios ã bojarore bajirone yato ã” yirã, Diore yũre sãnibosaya. Dios ã bojase jediro yirũgũaja yũ. To bajiro yigũ ñari, tuoĩarejaibecũne ñacõaja yũ. ¹⁹ To yicõari, yoaro mene quẽna mũa tũ yũ varotire yirã, yũre sãnibosaya mũa, Diore.

“Quẽnaro mũare yato Dios”, yire queti

²⁰ “Quẽnaro ñato ñna” yigũ manire ejarẽmogũmi Dios. Ñne ñagũmi, mani mũũ Jesús manire ã rijabosaro bero, ñre cator'i, ñre caticõari, “Ovejare ãtirũnũgũre bajiro, yũ yarãre quẽnaro ñnare ãtirũnrũcũja mũ” ñre yir'i. Jesús ã rijabosare suorine, “Rojose ñna yisere masiriocõari, quẽnaro yirũcũja yũ” masare Dios ã yimasiriarore bajirone bajiyuja. To bajiro ã yise jedibetirũaroja. ²¹ Ado bajiro Diore mũare sãnibosaja yũ: “Mũ bojarore bajiro yato ñna’ yigũ, ñnare ejarẽmoña mũ”, mũare yisãnibosaja yũ, Diore. “Jesucristo ã ejarẽmose rãca quẽnaro yaja mũa’ yivariquẽnato” yigũ, Diore mũare sãnibosaja yũ. Quẽnarẽtogũ Cristo ã ñajare, “Quẽnamasucõaja mũ”, ñre yirũcũbũo tũjabetiroti ñaja, manire. To bajirone bajicõa ñnarũgũato.

²² Mojoroaca mũare papera ucacõaja yũ. To bajiri, “Bũtobũsa, ã yirore bajiro yigũ ñagũmi’ Cristore ñre yitũoĩato ñna” yigũ, mũare yũ gotisere quẽnaro tire ajimasĩna mũa, yũ mairã. ²³ Mani maigũ Timoteore ñna tubiber'ire jẽre ñre bucõañujarã. To bajiri, yoaro mene ã eajama, ã rãca mũa tũjũ varũcũja yũ.

²⁴ Mũare ũmato ñarimasa, to yicõari, mũa rãcana Jesucristore ajitirũnrã jediro, “Quẽnato”. “Quẽnato”, mũare yama Italia sitana quẽne.

²⁵ Dios, mũare ãmaigũ ñari, quẽnaro mũare yato ã.

To cõro ñaja.

Carta de SANTIAGO

Jud'io masa, Jesucristore ajitirünuräre, Santiago i ucacõare

¹ ¿Ñaboati mua, yu yarã, Jesucristore ajitirünurã, jud'io masa? Adi papera rãca mware ucacõaja yu, Santiago. Mani jacu Dios, mani çju Jesucristo quene, ina bojasere yigu ñaja yu. Juaãmo cõro, gũbo jua jënituario masa jünari ñaja mani, adi macarucuro jediro ñabatorã. Mware quënarotiaja yu.

“Diore mani sënijama, i masisere manire cõarucumi”, yire

² Ajija yu yarã, Jesucristore ajitirünurã. Gãjerã, rojose mware ina yiboajaquene, sutir-itimenane, variquenama. ³ Ado bajiro ti bajijare, “Variquenama”, mware yaja yu: “Rojose tãmurã ñaboarine, Jesucristore mani ajitirünucõa ñajama, rojose yiruaboarine, tire yibetiruarãja”, yimasirãja mua. ⁴ Rojose mua yibetire tuoïavariquënacõari, beroju quëna rojose tãmurã, “Rojose yibetiroti ñaja” mua yirere masiritibeja mua. Tocãrãcãjine rojose tãmuroboarine, Jesucristore mua ajitirünucõa ñajama, Dios i bojarore bajiro yirã ñaruarãja mua.

⁵ “¿No bajiro yu yirotere bojarojari Dios?” mua yituoïajama, ire sëniña. “¿No yirã yure sëniñati mua?” yigu me ñaami Dios. Ire sëniñã jedirore, “Yu masisere inare cõarucuja” yigu ñaami. To bajiri ire mua sënijama, mua masirotere mware çjorucumi. ⁶ Diore mua sënijama, “Yua masirotere yure çjobetirucumi”, yituoïabesa. Diore sëniñã, “Yure çjogumi” yigu ñaboarine, “Yure çjobecumi” i yituoïajama, oco sabesere bajiro bajiroja i tuoïase. Gajeroju sabe, quëna gajeroju sabe, bajiñarore bajiro bajiroja i tuoïaboase. ⁷⁻⁸ To bajiri, cojoju ñamasibetore bajiro bajiroja, i tuoïase. Jairo tuoïagũ i ñajare, “Dios i bojarore bajiro yirucumi”, yimasiña manojã. “Ire bajiro mani bajijama, mani sënisere cõabetirucumi Dios”, yimasiña.

⁹ Maioro bajirã ñaboarine, “Jesucristore ajitirünurã ñari, Dios rĩare bajiro bajirã ñaja yua” yimasicõari, variquënarõ ñaroti ñaja mware. ¹⁰ Gajeyeũni jairã Jesũre ajitirünurãre, variquënarõ ñaroti ñaja inare quëne, “Ñamasuse me ñaja yua çuose” ina yituoïajama. Go yoaro mene sñirore bajiro bajiaja mani. To bajiro yu yijama, “Yoaro meaca catiruarãja mani” yigu yaja. ¹¹ Buto muiju i asijama, quënase ruyuboasene sñireã bajicoacaju, ta, to yicõari, go quëne. To bajiri ñariaro quënase ruyuboase manicaju. Tire bajiro bajirãma gajeyeũni jairo çuoboariã quëne. “Jaibusaro gajeyeũnire bujarãsa mani” yirã, moa vaja tañarã rĩne, bajireacoaruarãma.

“Rojose rĩne mani yicõa ñajama, rojose tãmurotjabetiriaroju varuarãja mani”, yire queti

¹² Rojose tãmurũgũrã ñaboarine, mani rijato beroju, Dios tju i rãca variquënacõa ñaruarãja mani. “To bajirone bajiruarãma yure mairã”, yiyumi Dios. To bajiro mani bajiroti ñajare, rojose mani yiruaboasere mani yibetijama, variquënaruarãja mani.

¹³ Rojose mani tuoïase, “Dios suorine to bajiro tuoïaja”, yiroti me ñaja. Rojose tuoïagũ me ñagũmi Dios. To bajiri, “Dios suorine rojose yaja”, yimasiña maja. ¹⁴ Ado bajirojua bajiaja: Mani masune rojose yirua tuoïacõari, yirũgũaja mani. ¹⁵ Rojose rĩne mani yicõa ñajama, rojose tãmurotjabetiriaroju manire cõarucumi Dios.

¹⁶ Yu mairã, quënarõ tuoïamasiña: ¹⁷ “Jediro quënase, Dios manire i cũre ñaja. I ñagũmi mũmagũ muijure, ñamiagũre, to yicõari, ñocoare quëne rujeomasir'i. To bajicõari, ‘Yirucuja’ i yirore bajirone yigu ñaami, quënase rĩne tuoïagũ”, yituoïaroti ñaja. ¹⁸ I oca quënasere mani ajitirünusuruarũmũne, i rãca mani caticõa ñarũgũrotire manire iñiñumi. To bajiro i yire ñajare, i rĩa ñasurãre bajiro bajirã ñaja mani. Tirũmũjũne to bajiro mani bajirotere bojayumi Dios.

“Dios oca ti gotirore bajirone cãdiroti ñaja”, yire queti

¹⁹ Yũ mairã, mũare yũ gotirotire masiritibeja mũa: Mũa rãcana mũare ñna gotisere quẽnaro ajiroti ñaja. Mũajũa quẽne, mũa rãcanare mũa gotijama, quẽnaro tũoĩacõari, ñnare gotiba. Mũaare ñna ajirũabetijama, guaro jũnisinibetiroti ñaja. ²⁰ Gãjerãre mani jũnisinijama, Dios ï bojarore bajiro yirã me yirãja mani. ²¹ Mani ajirũgũse, to yicõari, mani gotirũgũse quẽne, ñamasuse ti ñajare, rojose mũa yirũgũse jedirore yitũjacõaña mũa. To yicõari, Dios ocare ajitirũncõa ñarũgũña. Tire mũa ajitirũncõa ñajama, rojose tãmũotũjabetiriaroju mũa vaborotire mũare yirẽtobosarũcũmi Dios.

²² Dios ocare ajicõari, ti yirore bajiro cũdiroti ñaja. Tire ajiboarine, ti gotirore bajiro mũa yibetijama, “Diore ajitirũnrã ñaja yũ” mũa yitũoĩaboase socase ñaroja. ²³⁻²⁴ Dios ocare ajiboarine, mũa cũdibetijama, mũare ejarẽmobetoja. Mũa cũdibetijama, sũgũ ãoro ãmiĩacõagũ ñaboarine, ãorore ï cũrirĩmarone, “To bajigu ñamũ yũ” ï yimasibetore bajiro bajirãja mũa. To bajiri ãoroju quẽnaro ï ñaboase ñre ejarẽmobetoja. Ñre bajiro bajirãja mũa, Dios ocare ajiboarine, mũa cũdibetijama. ²⁵ Gãjerãma, rojose ñna tãmũoborotire Cristo ï yirẽtobosarere tũoĩacõari tire masiritimenama. Masiritimena ñari, Dios ï rotisere variquẽnase rãca yicõa ñarũarãma.

²⁶ “Diore yũ yirũcũbũose sũorine ï bojasere yigu yaja yũ”, yitũoĩarãma sũgũri. To bajiro yitũoĩarã ñaboarine, rojose ñna ñagõsere ñna yitũjabetijama, ñna masune socarã yirãma. Diore ñna yirũcũbũoboase, vaja manoja ti. Dios ï bojasere yirã me ñarãma ñna. ²⁷ Mani jacũ, Dios ï ñajama, socũ me ï bojasere yigũma, ado bajiro yigu ñagũmi: Jacũa rijaveoriarã, to yicõari, manajũa rijaveoriarãre quẽne, maioro ñna bajijare, ñnare ejarẽmogũ ñagũmi. To bajicõari, gãjerã rojose ñna yirũgũrore bajiro yibecũ ñagũmi ñma.

2

“Jesús ocare ajitirũnrã ñari, gãmerã ñarũcũbuoroti ñaja”, yire

¹ Ajiya yũ mairã. Mani cũjũ, Jesucristore ajitirũnrã ñaja mani. Quẽnamasugũ ï ñajare, ñre buto rũcũbũoaja mani. To bajiro yirã ñari, mani rãcanare quẽne gãmerã ñarũcũbuoroti ñaja. ² Mũa rẽjarone, sũgũ quẽnase sudi sãñacõari, ãmo sãriabedori sãcõari ejaũmi. To yicõari, gãjijũa sudi bũcũ sãñacõari ï ejajama, ado bajiro yirãja mũa: ³⁻⁴ Quẽnase sudi sãñacõari, sãjaejagũrema, “Ado ñaja rujiriaro quẽnarito”, ñre yirãja mũa. Maioro bajigũjũarema ï sãjaejaro ñacõari, “Tone rũgõcõaña. Mũ bajirũabetijama, rũcacane rujicõaña mũ” ñre mũa yijama, quẽnaro gãmerã ñarũcũbũomena yirãja mũa. To bajiro mũa yijama, Dios ï bojarore bajiro yirã me yirãja mũa.

⁵ Ado bajiro mũare yũ gotisere quẽnaro ajiya mũa: “Yũ macũre ajitirũnũña” Dios ï yirere cũdiriarã, maioro bajirã jãjarã ñaama. “Maioro bajirã ñaama” Diore ajimena ñna yĩarã ñaboarine, Jesucristore ajitirũnrã ñari, “Bũtobũsa ñre ajitirũnrã ñato” yigu, quẽnaro Dios ï yirã ñaama. To bajicõari, ï gotiriarore bajirone ï tũjũ ejarona ñaama. ⁶ To bajiboarine, maioro bajirãre ñnare ñarũcũbũobeaja mũa. Gajeyeũni jairãjũare rũcũbuorũgũaja mũa. “Ñna sũorine rojose tãmũorãja mani”, ¿yimasibeatique mũa? Ñna ñaama mũare gotiyirorũarã, cũjarã tũjũ, mũare juavarũgũrã. ⁷ “Jesús yarã ñaja yũ” yicõari, bautiza ecoriarã ñaja mũa. To bajiri, ï ocare ajicõari, quẽnaro variquẽnaja mũa. Gajeyeũni jairãjũama ñre rũcũbũobeticõari, ajarũgũama. ¿Tire masibeatique mũa?

⁸ Mani cũjũ, Dios ñamasusere ï rotimasire ado bajiro gotiaja: “Mũ masu rujũre mũ maioro bajirone mũ tuanare maiña”, yigotiaja. Tire mũa cũdijama, quẽnaro yirã yirãja mũa. ⁹ Tire ajirã ñaboarine, masa jedirore mũa ñarũcũbũobetijama, rojose yirã yirãja mũa. To bajiri, “Mũa ye sũorine rojose ñaja”, mũare yĩagũmi Dios. ¹⁰ Dios ï rotimasire ñaro cõrone cũdijeomenare, “Ñna ye sũorine rojose ñaja”, ñnare yĩagũmi Dios. To bajiro yĩagũ ï ñajare, ï rotirere cojo vãme mani cũdibetijama, ñajediro ï rotirere cũdibetijeocõarãre bajiro bajirãja mani, Dios ï ñajama. ¹¹ Tirũmũjũ ado bajiro rotiyumi Dios: “Manajoa cõtirã quẽne, manajũa cõtirã quẽne, gãjerã rãca ajeriarã cõtibesã. Gãjerãre sãabesa”, manire yiyumi Dios. To bajiro ï yire ñajare, manajoa cõtirã gãjerãre ajeriarã cõtibetiboarine, gãjire mani sãajama, Dios ï rotimasire cũdimena yirãja mani. ¹² To bajiri, “Rojose mani yirũasere yibeticõari, Dios ï bojarore bajiro quẽnase rĩne yirã

ñato” yigũ, manire rijabosayumi Cristo. To bajiri, quēnaro mani yibetijama, rojose mani yisere masicōari, rojose manire yirũcumi Dios, yimasirã ñari, quēnase rĩne yiroti ñaja manire. ¹³ To bajiri gãjerãre mani ñamajama, manire quēne ñamairũcumi Dios. Gãjerãre mani ñamaibetijama, masare ñabeserirũmu ti ejaro, manire quēne ñamaibetirũcumi Dios, rojose mani yire vaja.

“Quēnaro mani yisere ñacōari, ‘Socarã mene yũre ajitirũnrã ñaama’ yigumi Dios”, yire queti

¹⁴ Adire quēne quēnaro ajiya yũ mairã: “Rojose tãmuotũjabetiriaroju yũ vaborotire yũare yirẽtobosarũcumi Dios” yirã ñaboarine, gãjerãre mũa ejarẽmobetijama, Diore ajitirũnrã me ñarãja mũa. To bajiro mũa bajijama, rojose tãmuotũjabetiriaroju mũare cōarũcumi Dios. ¹⁵⁻¹⁶ Cojojirema, ado bajiro bajiroja: Jesũre ajitirũnrũgũ, bũto ñiorijagu, to yicōari, sudi magũ maioro bajigu ñaboajaquēne, “Quēnaro vasa. Bare quēnase bũjaba. To bajicōari, sudi bũjaba” ñre yigotiboarine, ñ bojasere mani ñsibetijama, socarãne ñre yigotiboarãja mani. ñre mani ñagõboase ñie vaja manoja. ¹⁷ Tire bajiro bajiaja Diore mani ajitirũnrũse. “Diore ajitirũnrã ñari, ñ yarã ñaja mani” yiboarine, gãjerãre mani ejarẽmobetijama, “Diore ajitirũnrã ñaja yũ” mani yitũoĩaboase ñie vaja manoja. Dios yarã me ñarãja mani.

¹⁸ “Yũ gotisere ajimasimenama” yigũ, ado bajiro gotiaja: “Gãjerãre quēnaro maiaja yũ” mũa yisere yũre mũa yĩobetijama, “Diore ajitirũnrã me ñaama”, mũare yigũja yũ. Yũjũarema, gãjerãre quēnaro yũ ejarẽmosere ñacōari, “Diore ajitirũnrũgũ ñaami”, yimasirũarãja mũa. ¹⁹ “Sĩgũne ñaami Dios. Gãji magũmi” mũa yitũoĩase quēnaja. To bajiro tũoĩarã ñaboarine, quēnaro mũa yibetijama, “Sĩgũne ñaami Dios” mũa yitũoĩase ñie vaja manoja. Vãtia quēne “Sĩgũne ñaami Dios. Gãji magũmi” yitũoĩarã ñari, gũirã nanarãma. To bajiboarine rojosere yitũjamena ñarãma. ²⁰ “Diore ajitirũnrã ñaja” yitũoĩarã ñaboarine, gãjerãre mũa ejarẽmobetijama, quēnaro tũoĩamasimenare bajiro bajirãja mũa. “Diore ajitirũnrã ñaja” mũa yitũoĩaboase ñie vaja manoja. ²¹ Mani ñicũ, Abraham ñamasir'i ñ yimasirere mũare gotiaja yũ. Dios ñ rotijare, ñre rũcũbuorã ñina soemũoriajau joeju ñ macũ Isaac vãme cõtigure sãguagu yimasiboayuju Abraham. ñre ñ sãguadone, “Ñre sãabeticõaña”, ñre yimasĩnju Dios. To yicōari, ñ rotirore bajiro yigũ ñ ñajare, “Rojose magũ ñaja mũ”, ñre yimasĩnju Dios, Abrahamre. ²² To bajiri, Dios ñ rotiriarore bajiro yimasir'i ñ ñajare, “Diore ajitirũnrũgũ ñamasĩnũmi”, yimasiaja mani. ²³ Dios ñ rotiriarore bajirone Abraham ñ cũdire ñajare, “ ‘Yũre ajitirũnrũgũ ñari, rojose magũ ñaami’ ñre yimasĩnju Dios”, yigotiaja Dios ocare masa ñina ucamasire. To bajiri, “Dios baba ñaami”, ñre yimasĩnjũarã masa.

²⁴ To bajiri, “Ñre ajitirũnrã ñaja yũ” yicōari, quēnaro mani yijama, “Ñie rojose mana ñaama”, manire yĩagũmi Dios. ²⁵ Rahab vãme cõtimasirio jãjarã ajeriarã cõtigo ñaboarine, quēnaro so yimasirere quēne tũoĩaña: Jud'io masa cũju ñ cōamasiriarã ñina ejaro ñacōari, “Mũare ñaterã mũare sãaroma” yigo, “Yũ ya vijũ sãjarudiya mũa”, ñinare yimasĩnju. To yicōari, “Mũa rudiarotire mũare gotirũocoja”, yimasĩnju so. To bajiro ñinare so yirẽmomasire ti ñajare, “Rojose magõ ñaamo”, sore yĩamasĩnju Dios. ²⁶ Mani rũju catise ti manijama, vaja manoja ti. To bajirone bajiaja “Diore ajitirũnrã ñaja yũ” yiboarine, gãjerãre quēnaro mani yibetijama. “Diore ajitirũnrã ñaja yũ” mani yitũoĩaboase ñie vaja manoja.

3

Mani ñemero sũorine rojose mani ñagõse queti

¹ Yũ mairã Dios oca gotimasiorimasa ñarũarã quēnaro ajiya. Dios ocare masa ñina ucamasire gotimasiorimasa quēnaro ñina yibetijama, tire ñacōari, ñ ocare gotimasiorimare rojose ñinare ñ yiro rẽtoro rojose ñinare yirũcumi Dios. To bajiri, Dios oca gotimasiorã jãjarã ñabesa mũa. ² Mani jediro rojose yirã ñaja mani. Quēnase rĩne ñagõgũma, rojose yirũa tũoĩaboarine, tire yibeticōari, Dios ñ bojarore bajiro yigũ ñagũmi. ³ Ado bajiro ti bajijare, “Rojose ñagõbetiroti ñaja”, mũare yaja yũ: Caballo vãme cõtigure jesacōari

īre mani yisere t̄oīasaque m̄ua: Jaiḡu ī ñaboajaquēne ī risej̄u cōmemaca s̄aja mani, “Mani rotirore bajiro c̄uadiato ī” yir̄a. ⁴ Tire bajirone bajiaja c̄umuari jacase quēne: Jacase ti ñaboarone b̄uto mino ti vajama, veaturiaro mojoriaseaca ti ñaboajaquēne, veatumasir̄ama. ⁵ Tiaseacare bajiro bajiaja ti, mani ñemero quēne. Mojoriaseaca ti ñaboajaquēne jairo rojose ñagōaja mani. Jeare quēne t̄oīasaque m̄ua: Jeavaca, cojovacaca ñaboarine, jacariveserire sojeocōaroja ti. ⁶ Jeare bajiro bajiaja mani ñemero quēne. Mani ruj̄uaye r̄aca rojose mani yise r̄etob̄usaro yaja ti, mani ñemero. Mani ñemero s̄orine rojose mani yijama, v̄atire c̄udir̄a ñari, rojose r̄ine yim̄or̄ūgōcoar̄ar̄aja mani. ⁷ Macarocana, vaib̄uc̄ur̄a ñaro cōro, v̄ur̄a, ãña, riaganare quēne mani ecar̄are bajiro ñnare rotimasiaja mani. ⁸ To bajiboarine mani ñemero rojose ti ñagōjama, “Yibesa”, yimasibeaja mani. J̄ūnisinicōari, ḡajer̄are mani tud'ijama, mani oca, ãña r̄ima j̄ūnisere bajiro ñnare yir̄ūḡūaja. ⁹⁻¹⁰ Mani jac̄u Diore, “Quēnaro yaja m̄u” yiboarine, rojosere quēne ñagōr̄ūḡūaja mani. “Ȳure bajiro quēnase r̄ine yir̄a ñato” yiḡu, Dios ī rujeoriar̄a ñaboarine, ḡamer̄a tud'ir̄ūḡūaja mani. To bajiri, quēnase mani ñagōjama, rojosere yibetiroti ñaja manire. ¹¹ Oco goje, cojo goje ñaboarine, oco quēnase ti budijama, s̄ese budiv̄obetoja. ¹² Oteu higuera v̄ame c̄utīu ñaboarine, olivo v̄ame c̄utīu ricare rica c̄utibetoja. To bajicōari, ūyeb̄u quēne, higuera v̄ame c̄utīu ricare rica c̄utibetoja. Tire bajirone bajiaja oco quēne. Ocase ti budijama, ocabeti budiv̄obetoja. To bajiri, quēnase mani ñagōjama, rojosere yibetiroti ñaja manire.

Dios ī ejar̄emose r̄aca masir̄a ñna ñnase queti

¹³ M̄ua r̄acaḡu “Masiḡū ñaja” ī yijama, ḡajer̄are ajir̄uc̄ub̄ocōari, quēnaro ñnare yiroc̄u ñaami. To bajiro ī bajijama, ī masisere, “Quēnaro yami”, yimasir̄ar̄ama masa. ¹⁴ To bajiri, ḡajer̄are “Ȳua r̄etoro quēnaro ñnama” m̄ua yīaj̄ūnisinijama, masir̄a me ñar̄aja m̄ua. To yicōari, “Ḡajer̄a r̄etoro ñamasur̄a ñar̄asa mani” yit̄oīar̄a m̄ua ñajama, masir̄a me ñar̄aja m̄ua. ¹⁵ To bajiro m̄ua t̄oīase, Dios ī cōase me, m̄ua masune m̄ua bojarore bajiro t̄oīar̄a yaja. To bajiro m̄ua yisere bojaḡumi v̄atia ūju. ¹⁶ Ḡajer̄are “Ȳua r̄etoro quēnaro ñnama” yīaj̄ūnisinir̄a, to yicōari, “Ḡajer̄a r̄etoro ñamasur̄a ñar̄asa mani” yit̄oīar̄a ñna ñajama, ñna jedirone ricati r̄ine t̄oīar̄a ñari, rojose jediro yīnar̄ama. To bajiri, quēnaro ñamasimenama. ¹⁷ To bajiro ñna bajīnaro ūnone, Dios ī ūjose s̄orine masir̄aj̄ama, quēnaro ñna yar̄are ūmato ñar̄ama. To bajicōari, ḡajer̄aj̄ua ñna ūmato ñajaquēne, ñnare ajivariquēnar̄ama. Masa jedirore ĩar̄uc̄ub̄ocōari, maioro bajir̄are ĩamair̄ama. To bajicōari, socamenane quēnase r̄ine yir̄a ñar̄ama. ¹⁸ Ḡajer̄a r̄aca quēnaro mani ñnar̄ajama, mani yimasiro cōro quēnaro yiroti ñaja. To bajiro mani yisere ĩacōari, “Ḡajer̄a quēne jājar̄a Dios ī bojarore bajiro yir̄a ñato” yir̄a, ñnare yiejar̄emor̄ar̄ama.

4

Diore t̄oīamenare bajiro mani bajise queti

¹ ĩNoj̄ua vadiati ḡamer̄a m̄ua ĩatese? M̄ua masune rojose yir̄ua t̄oīacōari, rojosere ḡamer̄a yir̄ūḡūaja m̄ua. ² Ḡajer̄a ñna c̄osere b̄uto bojaīar̄ūḡūaja m̄ua, tire c̄omona ñari. To bajiri tire ĩmar̄ar̄a, ñnare quēar̄ūḡūaja m̄ua. To yicōari, ḡajer̄arema ñnare s̄īar̄ūḡūaja m̄ua. Diore s̄ēnimena ñari, m̄ua bojasere bujamasimenaja m̄ua. ³ Rojose m̄ua t̄oīasere ĩamasicōari, ĩre m̄ua s̄ēniboase ī bojabeti ti ñajare, m̄uare cōabec̄umi Dios. Diore m̄ua s̄ēniboajama, ḡajer̄are t̄oīamenane, quēnaro m̄ua ñaroti r̄ine s̄ēnir̄aja m̄ua. ⁴ To bajiri, Diore ajitir̄ūnu t̄ujariar̄are bajiro t̄oīar̄aja m̄ua. Adi macar̄uc̄uroaye r̄ine c̄or̄ua t̄oīar̄are bajiro me t̄oīaroti ñaja, Diore ajitir̄ūnar̄arema. To bajiro ti bajijare, “Diore ajitir̄ūnḡū ñaja” yiḡu ñaboarine, Diore masimena, ñna c̄or̄ua t̄oīarore bajiro ī quēne ī t̄oīajama, Diore ajitir̄ūnu t̄ujacōari, ĩre teḡure bajiro bajiḡu ñaḡūmi. ⁵ To bajirone gotiaja Dios ocare masa ñna ucamasire: “Mani ūs̄urire b̄uto ĩamaiḡū ñari, masa ĩre ñna ajibetire ĩavariquēnabec̄u ñaḡūmi”, yigotiaja Dios ocare masa ñna ucamasire. ⁶ To bajiro yiḡu ñaboarine, “Ȳure ajitir̄ūnuato ñna” yiḡu, b̄uto ejar̄emor̄ua t̄oīaḡū ñaḡūmi. To bajiro yiḡu ī ñajare, ado bajiro gotiaja ī oca masa ñna ucamasire: “ ‘Ḡajer̄a

rētoro ñamasurã ñaja yua” ña yituoĩasere yitujacõari, yujũare ajitirũnuato’ yigũ, ñare yirẽmobeami Dios. “Ñamasurã me ñaja yua’ yituoĩarãjũarema quẽnaro yirẽmoami”, yigotiaja Dios ocare masa ña ucamasire. ⁷ To bajiri, vãti ñ yirotsere yibeticõari, Dios ñ bojasejũare yirũgũña. To bajiro mua yijama, rojose muare yirotitujagũmi vãti. ⁸ Butobusa Diore mua ajitirũnujama, ñjua quẽne muare ejarẽmorucumi, “Quẽnabusaro yũre ajitirũnuato ña” yigũ. To bajiri, rojose mua yisere yitujacõaña. “Diore masirã ñaja yua” yiboarine, Diore masimena ña yisere yivariquẽnarũgũaja mua. ⁹ Rojose mua yisere tuoĩacõari, variquẽnarũgũaja mua. To bajiro me bajiroti ñaja muare. Rojose mua yisere tuoĩasutiriticõari, otiroti ñaja muare. ¹⁰ To bajiri, Diore “Ñamasugũ ñaja mũ” yirã, quẽnaro yirũcũbuoya mua. To bajiro mua yijama, “To cõrone adi macarucũro jedicoarũaroja” Dios ñ yiriarũmu ti ejaro, “Ñamasurã ñato”, muare yirucumi Dios.

“ Ña ñaama rojose yirã’ yibetiroti ñaja manire”, yire queti

¹¹ Ajiya mua, yũ mairã. Gãjerã Jesũre ajitirũnurãre ñagõmacabesa. “Dios ñ rotisere masibeamã ña. To bajiri rojose tãmuorona ñaama”, ñare yituoĩabesa mua. To bajiro mua yijama, Dios ñ rotirore bajiro yirã me yirãja mua. Ado bajiro tuoĩarã ñari, to bajiro yirãja mua: “Dios ñ rotise quẽnaro gotibeaja ti. Ñ rētoro masirã ñaja yua” yirãre bajiro yiboaja mua. ¹² Dios sigũne ñaami, quẽnaro mani yirotsere roticũr’i. To bajicõari, ñ sigũne ñagũmi masa ña yisere ñabesegũ, to yicõari, rojose tãmuotujabetiriaroju mani vaborotire yirẽtobosagũ. Ñ sigũne ñagũmi rojose tãmuotujabetiriaroju masare reagũ. To bajiri gãjerã Jesũre ajitirũnurãre ñacõari, “Dios ñ rotisere masibeamã ña. To bajiri rojose tãmuorona ñaama”, yiroti me ñaja manire.

“Adi macarucũroju mani bajirotsere masirã me ñaja”, yire queti

¹³ Gajeyeũni ñsicudirimasare, muare gotigũ yaja yũ. Yũre quẽnaro ajiya mua: “Yucũ, busiyũ gaje macaju vacõari, cojo cũma gajeyeũni ñsiñarã, jairo gãjoa bujarũarãja yua”, yigotivariquẽnarũgũrãja mua, sigũri. ¹⁴ Ti ñnire yibetiroti ñaja, mani bajirotsere masimena ñari. Mani catise bueri guaro buerẽto vatore bajiro bajise ñaja. ¹⁵ To bajiro ti bajijare, ado bajiroju yiroti ñaja: “Mani catirotsere Dios ñ bojajama, catirũarãja yua”, yiroti ñaja. ¹⁶ “Ñamasurã ñaja yua” yituoĩarã ñari, Diore tuoĩamenane, mua yirotsere gotivariquẽnarũgũaja mua. To bajiro mua yigotivariquẽnase, Dios ñ bojabeti ñaja. ¹⁷ To bajiri, muare yũ ucacõasere masicõari, “Ado bajiro mani yirotsere bojagũmi Dios” yimasiboarine, mua yibetijama, rojose yirã yirãja mua.

5

Gajeyeũni jairã rojose ña tãmuoroti queti

¹ Sigũri, gajeyeũni jairãre muare gotigũ yaja yũ. Gajerũmu buto rojose mua tãmuorotire tuoĩaotiya mua. ² “Gajeyeũni jairo cõorã ñaja” mua yiboase, bare mua quẽnocũse quẽne, muare boaveocoarũaroja. Mua sudĩ quẽnase ñaboase butua ba ecocoarũaroja. ³ Mua ye gãjoa, oro quẽne jairo bujacõari mua cũboase boacoarũaroja. Tire ñacõari, “Maĩoro bajirãre ejarẽmobesuma”, yĩarũarãma gãjerã. To bajiri, rojose tãmuotujabetiriaroju reaecorona ñaja mua. Jairo gãjoa cutirã ñaboaja mua. To bajiboarine, adi macarucũro ti jediroti mojoroaca ruyaja. ⁴ Mua ote veseri moabosarãre quẽnaro vaja yibesuja mua. To bajiro mua bajire ñajare, “Yua moase vaja yũare yibeamã”, yiyujarã ña. To bajiro ña yisere ajirimi Dios, ñajediro masijeogũ. ⁵ Adi macarucũroju ñarã, mua yirua tuoĩarore bajiro yirũgũaja mua. Ta vecũare ña sĩarotirũmũri rĩjoro, “Jacabusarã ña ñato sĩarãsa mani” yirã, quẽnaro ecatusacama. To bajiri, ñare bajiro bajiaja mua quẽne. No mua bojarore bajiro quẽnaro yĩñatusarũgũaja mua. To bajiro bajirã mua ñajare, “Rojose tãmuorũarãma” muare yĩagũ yigũmi Dios. ⁶ Masa rojose yimena ña ñaboajaquẽne, “Rojose yima”, ñare yigoti yiroyuja mua. To bajiri, mua sũorine sĩaecoyuma sigũri. To bajiro mua yigoti yirosere ujarã quẽne muare ña cudijare, no bajiro muare yimasibesuma ña.

Santiago ï gotitusare queti

⁷ Yñ mairã, gãjerã suorine rojose tãmuorãre muare gotigu yaja yñ quëna: Rojose muare ñna yirügũboajaquëne, Jesús ï tudivadirotire tũoïayurã, ï bojarore bajiro quënarõ yicõa ñarügũña mua. Oterimasũ ï bajisere tũoïaña mua: “Ote, quënarõ vãnucõari, juebucũ bero rica cutirũaroja” yigũ, yoaro yucõa ñagũmi oterimasũ. ⁸ Ñre bajiro bajiya mua quëne. Mani ñjũ ï tudiejarotire yurã, variquënase rãca ï bojarore bajiro yitũjabetiroti ñaja. “Yoaro mene tudivadicõari, masa jediro mani yisere ñabeserucũmi” yirã, quënarõ ñayuroti ñaja.

⁹ Rojose mua tãmuojama, gãjerãre “Rojose yaja mua”, gãmerã yĩatebesa, “Yoaro mene rojose mani yisere ñabesecõari, rojose manire yiromi Dios” yirã. ¹⁰ Diore gotirẽtobosamasiriarã ñna bajimasirere tũoïaña mua: Masa rojose ñnare ñna yiboajaquëne, gãmemenane, Diojũare gotirẽtobosacõa ñamasinũjarã ñna. ¹¹ To yicõari, adire quëne quënarõ tũoïaña mua: Rojose tãmuoboarine, “‘Manire ejarẽmorucũmi Dios’ yicõa ñarãre quënarõ yigũmi Dios”, yitũoïaja mani. To bajiro bajimasinũju Job vãme cutimasir'ire quëne. Cojo vãme me bũto rojose tãmuoboarine, “Yũre ejarẽmorucũmi Dios”, yicõa ñamasinũju. Rojose ï tãmuoro bero, quënarõ ï yiecomasirere ajiriarãja mua. To bajiro, “Manire quëne ñamaicõari, quënarõ yigũ ñagũmi Dios”, yimasirãja mua.

¹² Yñ mairã, gajeye ñamasusere muare gotiaja yñ: “Yirũarãja. Dios quëne masiami yña yiroti” mua yise ñnare yibeticõaña. “Yirũarãja” yirã quëne, “Yirũarãja” yĩ, “Yibetirũarãja” mua yijama, “Yibetirũarãja” yicõa tũjasa, “Mani socajama, rojose manire yibogũmi Dios” yirã.

¹³ Rojose mua tãmuojama, “Yũare ejarẽmoña”, Diore yisẽniroti ñaja. Mua variquënajama, Diore basavariquënaroti ñaja. ¹⁴ Sīgũ ï rijajama, “Diore yũre sãnibosato” yigũ, muare ñmato ñarãre jicõaroti ñaja ñre. To bajiro ï yijama, ñmato ñarãjua, ï tũjũ ejaicõari, ñre sãnibosarũarãma ñna. Sãnibosañarãne, yũre ñre turũarãma, “Dios ñre catioato” yirã. ¹⁵ To bajiro, “Mani sãnirore bajiro ñre catiorucũmi Dios” ñna yitũoïajama, rijagũre catiorucũmi. To yicõari, rojose yir'i ï ñajama, rojose ï yirere ñre masiriorucũmi Dios. ¹⁶ To bajiro, rojose mua yirere gãmerã gotiya. To bajiro yicõari, Diore gãmerã sãnibosaya, rojose mua yirere muare masiriocõari, mua rijasere quëne ï catiorotire yirã. To bajiro, Dios ï bojarore bajiro yirã mua ñajama, mua sãnirore bajirone cãdirucũmi. ¹⁷ Diore gotirẽtobosarimasũ, El'ias vãme cutimasir'i, manire bajiro bajimasinũju. To bajiboarine, “Oco quedibeticõato” yigũ, Diore ï sãnijama, ï sãnirore bajirone idia cũma, gaje cũma gũdareco cõro oco quedibetimasinũju. ¹⁸ Bero, Diore ï tudisãnirone, oco quedimasinũju quëna. Tija bero, quënarõ ote rica cutimasinũju.

¹⁹⁻²⁰ Muare yñ gotisere ajiya mua, yñ mairã. Mua rãcagũ, Cristore ajitirũnũ tũjacõari, rojose yigũre, “Quëna Cristore ajitirũnũato ï” yirã, ñre mua ejarẽmojama, ï rijato beroju rojose ï tãmuoborotire ñre yirẽtobosarucũmi Dios. To yicõari, rojose mua yisere muare quëne masiriorucũmi Dios.

To cõro ñaja.

Primera carta de SAN PEDRO

Dios ĩ beseriarãre Pedro ĩ ucacõare queti

¹⁻² ¿Ñati mũa, Dios ĩ beseriarã? ¿Ponto sitajũ, Galacia sitajũ, Capadocia sitajũ, Asia sitajũ, Bitinia sitajũ ñabaterã jediro, ñati mũa? Adi queti mũare ucaja yũ. Gajerorijũ mũa ñabateboajaquẽne, Dios ĩ ñarojũ ñaja mũa ñarotijũ. To bajiri ĩ ocare bũto tũoĩarã ñari, adi macarũcũroana rãca ñaboarine, ĩna tũoĩarore bajiro tũoĩarã me ñarãja mũa. Tirũmũjũ, “Ĩna ñarũarãma yũ rĩa bajiro bajirã” Dios ĩ yimasire ñajare, to bajirone bajiaja mũa. To bajiri, “Rojose mana ñaama” mũare yĩiarũ, Esp'iritu Santore mũare cõañumi. To bajicõari, Jesucristo ocare cũdirãja mũa. To bajiro yiyumi, rojose mũa yisere ĩ macũ suorine ĩ masiriorũgũrotire yigũ.

Mũare quẽnarotigũ, Diore ado bajise mũare sãnibosaja yũ: “Bũtobũsa quẽnase ĩnare cõañã”, mũare yisãnibosarũgũaja yũ. “Yũ suorĩ yũ jacũ quẽnaro ĩ yise quetire gãjerãre gotimasiorũcũja mũ” yigũ, yũre cũcami Jesucristo. Yũ ñaja Pedro, adi quetire mũare ucagũ.

“Mani rijato bero, tudicaticõari, Diorãca quẽnaro variquẽnacõa ñarũgũrũarãja”, yire queti

³ Mani mũjũ, Jesucristo jacũ, bũto manire maigũ ñari, rojose mani yisere “Yirẽtobosato” yigũ, manire rijabosarotiyumi. ĩ rijato bero, ĩre tudicatioyumi. To bajiro ĩ yire ñajare, Jesũre ajitirũnrã, Esp'iritu Santo suorine Diorãca quẽnaro ñacõari, ĩ bojarore bajiro yirã ñaja mani. To bajicõari, mani rijato bero ĩ rãca quẽnaro ñacõa ñarũgũrona ñari, “Quẽnaro yaja mũ”, Diore ĩre yito mani. ⁴ To yicõari, ĩ gotiriarore bajiro õ vecajũ bũto quẽnase manire Dios rĩare bajiro bajirãre yayiroti me manire ĩ mũjorotire tũoĩavariquẽnaja mani. ⁵ ĩ macũre ajitirũnrã mani ñajare, ĩ masise rãca manire quẽnaro coderũgũgũmi, ĩ ñarojũ ejacõari, ĩ rãca quẽnaro mani ñarũgũrotire yigũ. To yicõari, adi macarũcũro ti jedirirũmũ ti ejaro, ĩ tũoĩararore bajiro yigũ, jediro quẽnaro manire ĩ yirũgũsere, to yicõari, õ vecaye manire ĩ mũjorotire quẽne masiojeocõarũcũmi.

⁶ Tire tũoĩacõari, adigodojũ rojose tãmũorã ñaboarine, Dios tũjũ quẽnase mani bajiro tire tũoĩa yurã ñari, bũto variquẽnaroti ñaja manire. ⁷ Rojose tãmũobarine, Jesucristore mani ajitirũnrãcõa ñajama, “Ĩre ajitirũnrã masu ñaja” yĩorã yaja mani. Oro vaja cũtiro rẽtoro vaja cũtiaja Jesucristore mani ajitirũnũse. Orojuama, jedise ñaja. “¿Oro masu ñati?” yirã, asioĩama ĩna. Tire bajiro bajiaja Jesucristore mani ajitirũnũse quẽne. “Yũ macũre ajitirũnrã masu ñati ĩna” yĩiarũ, rojose mani tãmũosere yirẽtobosabecũmi Dios. To bajiri rojose tãmũobarine, Jesucristore mani ajitirũnrãcõa ñajama, “To cõrone tudivarũcũmi yũ macũ” Dios ĩ yitũoĩararũmũne, “Yũ ejarẽmose rãca quẽnaro yicajũ mũa”, manire yivariquẽnarũcũmi Dios. To bajiro yigajanocõari, rũcũbũoriajũ manire rojorũcũmi.

⁸ Jesucristore ĩabetiriarãja mũa. To bajiboarine ĩre mairãja mũa quẽne. Adirũmũri quẽne ĩre ĩamena ñaboarine, ĩre ajitirũnrã ñari, quẽnaro variquẽnarãja mũa. Dios tũana ĩna variquẽnarore bajiro bũto variquẽnarã ñari, mũa variquẽnasere rẽtobũsaro gotirũaboarãja mũa. To bajiboarine, gotmasimenaja. ⁹ Quẽnase mũare ĩ mũjorotire, “To bajirone yirũcũmi” yitũoĩarã ñari, to bajirone bajirãja mũa.

¹⁰ To bajiro quẽnaro Dios manire ĩ yiro tire gotiyuma tirũmũana, Diore gotirẽtobosariarã. Quẽnagũ ñari, manire ĩamaicõari, quẽnaro ĩ yiro tire gotiboarine, bũtobũsa tire masirũaboayujarã ĩna. To bajiri Diore ĩna gotirẽtobosarere quẽnaro buecõari, bũto tũoĩarũgũũujarã ĩna. ¹¹ Esp'iritu Santore suorine Cristo ĩ bajiro tire tũoĩa gotimasiũuma. Bũto rojose ĩ tãmũoro bero, quẽnaro ĩ yiro tire tũoĩa gotiyuma. Tire gotiriarã ñaboarine, “To cõro ñaro bajirũaroja ti. To bajiro bajicõari, bajirũaroja” yimasirũarã, ĩna gotisere

buecōari, tuoīarūgūboayujarā ĩna. ¹² Tire quēnaro masibetiboarine, Dios suorine ado bajiro tuoīañujarā ĩna: “Tire ĩamenaja mani. Mani beroana ĩaruarāma”, yituoīañujarā ĩna. “Mani beroana” ĩna yijama, manirene gotirā yiyuma. Cristo ĩ rijabosare suorine quēnaro Dios ĩ yise queti goticudirimasa, yua gotimasiosene ĩaja Diore ĩna gotirētosare. Tire yua gotimasiorotire yigū, Esp'iritu Santore cōañumi Dios. Ti oca quēnase ti ĩajare, buto ajimasiruarūgūrāma ángel mesa.

“Quēnase rīne yiroti ĩaja”, Pedro ĩ yire queti

¹³ Ti ocare quēnaro ajimasirā ĩari, Cristo ĩ tudiejarirūmure quēnaro Dios ĩ yirotire tuoīa tujamenane, tocārācagine mani yirotire quēnaro tuoīarūgūroti ĩaja. ¹⁴ Dios rīare bajiro bajirā ĩari, Cristo ocare mua masiroto rījoro, rojose mua yirūgūriarore bajiro yibeticōari, ĩ bojarore bajirojua yirūgūroti ĩaja. ¹⁵ Dios, quēnase rīne yigū, “Yua rīa ĩaruarāja mua” ĩ yire ĩajare, ĩre bajiro quēnase rīne yirūgūroti ĩaja. ¹⁶ Ado bajiro gotiaja Dios ocare masa ĩna ucamasire: “Quēnase rīne yigū ĩaja yua. To bajiri quēnase rīne yirūgūña mua quēne”, yigotiaja.

¹⁷ Gajeyerema, ado bajiro mani yigū ĩaboarine, masa jediro mani yisere ĩabeserocu ĩaami. ĩ ĩabesejama, “Ānoama rojose yirā ĩna ĩaboajaquēne, quēnaro ĩnare yirūcūja yua”, yibetirūcūmi. To bajiri, Diore “mani jacū” mua yijama, rūcūbūose rāca ĩre yicōari, quēnase rīne yirūgūroti ĩaja. ¹⁸ Tirūmūju mua ĩicua rojose ĩna yimasiriarore bajiro yirūgūriarā ĩaboayuja mua maji. “Tire yitūjacōari, quēnaro Dios ĩ yirona ĩato” yigū, rojose mani yise vaja manire rijabosayumi Cristo. ĩere Cristo manire ĩ vaja yibosarere masirāja mua. Gajeyeūni yoaro ĩabeti, gājoa rāca me vaja yibosayumi. ¹⁹ Rojose yīābecū ĩari, ĩ rijare suorine, jediro rojose mani yire, mani yirotire quēne manire vaja yibosayumi Cristo. ²⁰ Adī macarūcūro Dios ĩ rujeoroto rījorojua, tire manire ĩ vaja yibosarotire tuoīacōari, ĩ macure ĩ cōarotire tuoīamasiñuju Dios. To bajiri adī macarūcūro tūsarirūmuri manire rijabosagu ejayumi Cristo. ²¹ “Manire rijabosayumi Cristo” yirā ĩari, Diore ajitirūnūja mani. Cristore catiocōari, ĩ tū rūcūbūoriajūre ĩre rojoyuju Dios. To bajiro ĩ yire ĩajare, “ĩ gotiriarore bajirone quēnaro manire yirūcūmi Dios”, ĩre yituoīavariquēnarāja mua.

²² “Yua macure ajitirūnūña” Dios ĩ yirere cūdiriarā ĩaja mua. To bajiro bajirā ĩari, tirūmūju rojose mua yirūgūre, mua yitūjabetire yitūjacōari, socamenane sīgū rīare bajiro quēnaro gāmerā mairōti ĩaja. To bajiri butobūsa mua gāmerā mairōtire bojaja yua. ²³ Adirūmūrirema, quēnasejūare mani tuoīarotire Dios ĩ ĩsiriarā ĩari, quēna gāme ruyuarāre bajiro bajirāja mua. Gajerodori ĩ oca ti vasoabetirotire bajiro mua quēne bajireacōari bero mua caticōa ĩarotire yigū, ĩ catisere ĩ ĩsiriarā ĩarāja mua. ²⁴ Dios ocare masa ĩna ucamasire ado bajiro ti gotijare, to bajiro yaja yua:

“Muiju ĩ jīado, buto asirone, ta sīnicoacajua. Go quēne, sīniyayicoacajua. To bajiri quēnase ruyuboacati manicajua. Tire bajirone bajirāma masa quēne. Yoaro mene bajireacoaruarāma.

²⁵ To bajiboarine, mani ũju ocajūama ĩnacōa ĩnarūgūruaroja”, yigotiaja Dios ocare masa ĩna ucamasire.

“Mani ũju oca” ti gotise, Cristo suorine quēnaro Dios ĩ yise quetire, mūare gotimasiore ĩaja.

2

¹ “Yua macure ajitirūnūña” Dios ĩ yirere cūdiriarā ĩari, jediro rojose yibetirūgūroti ĩaja. Adī ũnire yibetirūgūña mua: Gājerāre yitobesa. Socabesa. Gājerāre, “Quēnaro ĩaama”, ĩnare yīātebesa. Gājerāre rojose ĩagōmacabesa. ²⁻³ Butobūsa Dios ocare ajivariquēnacōari, ti gotirore bajiro yirua tuoīarūtuaroti ĩaja mūare. Sūca buto ũjurūagure bajiro tire yirua tuoīarūtuaroti ĩaja. To bajiro mua yijama, “Quēnaro manire yami Dios” yimasirā ĩari, quēnabūsarō ĩ bojarore bajiro yirūtuaruarāja mua. To bajiro mua yijama, Dios tūju quēnaro ĩnacōa ĩnarūgūruarāja.

“Gūta ĩamasuricare bajiro bajigū ĩagūmi Cristo”, yire queti

⁴ To bajiri, mani ɥjɥre Jesucristo, mani catirotire manire ɥsigũre quẽnaro ajitirũnɥcõa ñaña. Ìne ñaami masa vi quẽnorã gũta ñna cũsɥorica, ñamasuricare bajiro bajigu. Ìre bũto ñatecama masa. Ìre ñna ñateboajaquẽne, Diojuama, “Ñamasugũ ñarɥcumi”, ìre yiyumi. ⁵ To bajiro yigu ñari, mɥare quẽne Jesucristore ajitirũnrã rãcana mɥa ñajare, Dios ya vire gũta ì jeomɥjawasere bajiro bajiaja mɥa. To bajicõari, ti vi ñarã, quẽnase rĩne yirã, paiare bajiro bajiaja mɥa. To bajiri, Esp'iritu Santo sɥori Dios ì ñavariquẽnasere yiaña. ⁶ Isa'ias ì ucamasire Dios oca ado bajiro ti gotijare, Jesucristo sɥorine Dios ì quẽnorivire bajiro bajiaja mɥa:

“Sion vãme cuti maca ñarica gũta, gajea gũta rẽtoro quẽnaricare bajiro bajirocure cũrɥcɥja yɥ. Ìre ajitirũnrãjuama, yɥ goticatore bajiro ñnare quẽnaro yɥ yirũgũjare, ‘ì yirore bajiro yigu ñagũmi’ yure yivariquẽnarũarãma”, yigotiaja Dios ocare masa ñna ucamasire, Cristore Dios ì gotirere yiro.

⁷ To bajiri, Jesucristore ajitirũnrã ñari, ìre bũto maiaja mani. Gãjerã, ìre ajimena-juarema, Dios ocare masa ñna ucamasire ti gotirore bajiro bajiaja. Ìnarema, gũta ñna rociare bajiro bajiami Jesús. Ado bajiro gotiaja ti:

“Gũta rãca vi quẽnorimasa coja gũtare rocarãma ñna. Ìna rocaria ñaboarine, gajea gũta rẽtoro quẽnarica ñarũaroja tia. Tia gũta sɥorine quẽnarivi quẽnorɥcumi Dios. Tia manijama, quẽnomasibetibogũmi”, yigotiaja Dios ocare masa ñna ucamasire.

⁸ To yicõari, gajeye Dios ocare masa ñna ucamasire “Gũta masa ñna juata quedirotiare bajiro bajiami Jesús” yigotiro yaja.

“Coja gũta, ñna juata quedirotiare bajiro bajirocure cũrɥcɥja yɥ”, yigotiyuja ti.

To bajiro ti gotijama, Cristo ocare ajimena ñari, ñna rijato beroju rojose ñna tãmɥotɥja-betirore yiro yaja. “To bajiro bajirũarãma” Dios ì yigotiarore bajirone bajirũarãma.

⁹ To bajiro bajirona me ñaja mɥajuama. Dios sɥorine ì macure ajitirũnɥcõari, ì yarã ñaja mɥa. Dios, mani ɥjɥre rũcɥbɥorã, ì bojarore bajiro quẽnaro yirũgũrã ñaja mɥa. Ì sɥorine cojo masare bajiro bajirã ñari, ì bojasere yirã ñaja. Rojose mɥa yisere ì macu ì vaja yijeobosare ñajare, Dios yarã ñaja mɥa. “Ñajediro quẽnaro yɥ yisere gãjerãre gotiato” yigu, “Yɥ yarã ñarũarãja”, mɥare yiyumi. Diore mɥa ajitirũnrõto rĩjoroju, ìre masimena ñari, vãtia ɥju ì bojasere yirã ñaboayuja mɥa maji. To bajiro yirã mɥa ñaboajaquẽne, mɥare ñamaicõari, quẽnaro ì yire ñajare, ìre masirã ñari, rojose yitɥjacõari, Dios ì bojasejuare yirã ñarãja mɥa. ¹⁰ Tirũmɥju Dios ì ñamaimena ñañuja mɥa maji. To bajiri, sĩgũ rĩare bajiro ñabesuja mɥa maji. Adirũmũrirema ì masune quẽnaro ì yijare, ì yarã ñarãja mɥa yuja.

“Dios ì bojase rĩne yirũgũña”, yire queti

¹¹ Yɥ mairã, adigodoju ñarã yoaro me catiñarona ñaja mani. To bajiboarine õ vecaju Dios tɥju ñaja mani ñacõa ñarũgũrotojuama. To bajiro bajirona ñari, rojose mɥa yirũa tũoĩasere yibetirũgũña. Rojose mɥa yirũgũjama, Diore mɥa ajitirũnũboasere yitɥjarã ñari, rojose yiecorũarãja. ¹² Diore masimena vatoaju ñarã ñari, quẽnase rĩne yirũgũña, “‘Rojose yama’ gãjerãre yi ocasãroma” yirã. Quẽnase rĩne mɥa yicõa ñasere ñariarã ñari, “Mɥ sɥorine quẽnaro yirũgũcama”, Diore yirũarãma, masare ì ñabeserirũmũ ti ejaro.

¹³⁻¹⁴ Roma macagu ɥju ñamasugũ, ìre cũdirũgũña mɥa. Ìre moabosarãre quẽne cũdirũgũña. “Rojose yirãre rojose ñna yise vaja rojose yure yibosato” yigu, to yicõari, “Quẽnaro yirãre quẽnaro ñna yise vaja quẽnaro yure yibosato” yigu, ñnare cũgũmi ɥju ñamasugũ. Ò vecagu, mani ɥjɥre quẽnaro ñna rũcɥbɥorotire bojarã ñari, quẽnaro ñnare cũdirũgũña mɥa. ¹⁵ Diore ajimena, mɥare rojose ñna ocasãrere ajicõari, “Socase ñaja” ɥjarã ñna yitũoĩarotire yigu, quẽnase rĩne mɥa yirũgũsere bojaami Dios.

¹⁶ Ado bajiro ti bajijare, Dios ì bojasere yirũgũroti ñaja: Rojose mani yiboajaquẽne, manire masirioyumi Dios. To bajiro ì yire ñajare, “Rojose mani yijama, no yibeaja”, yitũoĩaroti me ñaja. Ado bajiroju tũoĩarũgũroti ñaja: “Manire maigũ ñari, rojose mani yirere masirioyumi Dios. To bajiri, mani quẽne, ìre mairã ñari, ì bojasejuare yirũarãja”, yitũoĩarũgũroti ñaja. ¹⁷ Masa jedirore rũcɥbɥoroti ñaja. Gãjerã Jesucristore ajitirũnrãre

quēne mairūgūroti ñaja. “Īre mani cūḍibetijama, manire ĩavariquēnabecūmi Dios” yitūoīarā ñari, ĩ bojarore bajiro yirūgūña. To yicōari, Roma macagu ɥju ñamasugūre quēne quēnaro rūcūbuorūgūña.

“Rojose ĩre yirāre Cristo ĩ gāmebeticatore bajiro gāmebetiroti ñaja”, yire queti

¹⁸ Mua, gājerāre moabosarā, mua ɥjarāre ajirūcūbuocōari, ĩna rotisere quēnaro cūdirūgūroti ñaja. Quēnaro yirā ĩna ñajama, ĩna ñabetijaquēne, ĩna rotisere quēnaro cūdiroti ñaja. ¹⁹ Cojojirema sīgū rojose ĩ yibetiboajaquēne, “Rojose yiyuja mu” ĩre yitūoīacōari, rojose ĩre yigūmi ĩ ɥju. To bajiro ĩ yiboajaquēne, ĩre moabosarimasūja, Dios ĩ bojarore bajiro yigu ñari, ĩ gāmebetijama, “Quēnaroja”, yirūcūmi Dios. ²⁰ Rojose mua yijama, to bajiro mua yise vaja rojose muare yigūmi mua ɥju. To ĩ yiro bero, “Rojose mani yijare, to bajiro yimi” yimasirā ñari, ĩre gāmebetiruarāja. To bajiboarine, quēnaro mua yiboajaquēne, rojose muare ĩ yijama, rojose tāmūboarine, gāmebetiruarāja mua. To bajiro mua bajise ñaja Dios ĩ ĩavariquēnase. ²¹ To bajiro mua bajirotire yigu, “Yū rīa ñaña”, muare yirimi Dios. Cristo quēne, manire rojose tāmūbosagu ñaboarine, gāmebeticami. To bajiro ĩ bajicati ti ñajare, ĩre bajiro bajiroti ñaja manire quēne. ²² Cojojirema rojose yīabeticami. Ñimūjuare yitobeticami. ²³ Masa ĩre ĩna tud'iboajaquēne, ĩnare tud'igāmebeticami. Rojose ĩre ĩna yirone, “Yūre rojose mua yise vaja rojose muare yirūcūja”, ĩnare yibeticami. Ado bajirojua tūoīacami: “Dios ñaami, masa rojose ĩna yise vaja rojose ĩnare yigāmerocūma. To bajiro ĩ yijama, quēnaro riojo yirūcūmi”, yitūoīacami. ²⁴ To bajicōari, yucātēroju ĩre ĩna jaju sīarone, rojose mani yise vaja, manire rojose tāmūbosacami, rojose yibeticōari, quēnasejuare mani yiroti yigu. ²⁵ Tirūmūjuma Diore ajimena ñari, oveja codecobeticōari, ĩna mavisiacudiore bajiro bajiyuja mua maji. Yucūrema, Cristore ajitirūnrā ñari, oveja codecorāre bajiro bajijaja mua.

3

“Gāmerā rūcūbuoroti ñaja”, yire queti

¹⁻² Rōmia, manaju cūtirāre, muare gotigu yaja yu: Mua quēne, mani ɥju ĩ ĩavariquēnartire bojarā ñari, mua manajure quēnaro cūdirūgūña. Sīgūri, mua manajua, Cristo ocare ajimena ñarāma. To bajiri, Cristo ocare mua gotibosasere ajirūamenama. Ti ocare gotibetiboarine, Diore rūcūbuocōari, quēnase rīne yīñaña mua. To bajiro mua yisere ĩacōari, ĩna quēne Cristo ocare ajitirūnūborāma. ³ “‘Manire ĩavariquēnato ũmua’ yirā, ¿no bajiro yirāti mani?” mua yitūoīajama, “Ado bajiro yiruarāja”, yitūoīabetiroti ñaja: Mua joa quēnorotire, quēnase mua busarotire, mua gāmo yorotire, to yicōari, quēnase mua sudi sānarotire quēne, ti ũnire buto tūoīaroti me ñaja. ⁴ Ado bajirojua buto tūoīaroti ñaja: Quēnase yirua tūoīarūgūroti ñaja. Mani rujūaye jedise ñaja. Quēnase mani tūoīasejuama jedibetiruarōja. To bajiri, mua manajure ajirūcūbuocōari, ĩnare quēnaro mua yiroti tūoīarūgūroti ñaja. To bajiro mua yijama, muare buto ĩavariquēnarūcūmi Dios. ⁵ Tirūmūju to bajiro quēnaro yirā ñamasīñujarā rōmia manaju cūtimasiriarā. Diore rūcūbuomasiriarā, “Manire ĩgotiriarore bajiro yirūcūmi”, yitūoīamasīñujarā. To yicōari, ĩna manajure cūdirūgūmasīñujarā ĩna. ⁶ To bajirone bajimasīñuju Sara vāme cūtimasirio. So manaju Abrahamre ĩre so jijama, “Yū ɥju”, ĩre yimasīñuju, ĩre rūcūbuogo. To yicōari, ĩre quēnaro cūdimasīñuju so. So bajiriarore bajiro bajiroti ñaja muare quēne. Mua manajua rojose ĩna yiroti tūoīa gūimenane, quēnaro yicōa ñaroti ñaja.

⁷ Ūmua, manajo cūtirāre, muare quēne gotiaja yu: Mua quēne, mani ɥju ĩ ĩavariquēnartire bojarā ñari, “Rōmia tīmabetibūsarā ñaama” yitūoīacōari, mua manajoare ĩnare ejarēmōrūgūña. To yicōari, Dios quēnagū ñari, ĩnare quēne, ĩna rijato beroju “Tudirijabeticōato” yigu, ĩ catisere ĩ ĩsiriarā ĩna ñajare, ĩnare quēnaro rūcūbuoya. Quēnaro ĩnare mua rūcūbuobetijama, ĩre mua sēnisere ajibetirūcūmi Dios.

“Gājerā Cristore ajitirūnrā rāca quēnaro ñarūgūña”, yire

⁸ Gãjerã Cristore ajitirünurã rãca mua bajiñarotire mua jedirore gotitusagu yaja yu. Sīgũre bajiro quẽnaro tuoĩacõari, ñarũgũruarãja mua. Gãjerã rojose ñna tãmuosere mua ñajama, ñnare ñamaicõari, ejarẽmoroti ñaja. “Yu rẽtoro ñamasurã ñaama”, gãjerãre yituoĩaroti ñaja. ⁹ Gãjerã rojose muare ñna yijama, ñnare gãmebetiroti ñaja. Gãjerã muare ñna tud'ijama, ñnare tud'igãmebetiroti ñaja. Ado bajirojua ñnare yirũgũroti ñaja: Tud'igãmemenane, quẽnaro ñna ñarotire yirã, Diore ñnare sãnibosaya. To bajiro mua yirũgũsere bojaami Dios, “To bajiro ñna yijama, jediro quẽnase yu ñsiruasere bũjaruarãma” muare yimasigũ ñari. ¹⁰ Dios ocare masa ñna ucamasire ado bajiro ti gotijare, “Tire riojo gotiami Pedro”, yimasirãja mua:

“Quẽnaro ñna ñaruajama, ñna ñagõroto rĩjoro quẽnaro tuoĩarũgũruarãma, ‘Rojose ñagõrobe’ yirã. To yicõari, gãjerãre yitobetiruarãma.

¹¹ Rojose yitũjacõari, quẽnasejuare yirũgũruarãma. ‘Gãjerã rãca quẽnaro ñarãsa’ yirã, ñna yimasiro cõro quẽnaro ñnare yicõa ñnarũgũruarãma.

¹² Quẽnaro yirãre ñatirũnurũgũami Dios. To bajiri, ñre ñna sãnijama, ñnare ejarẽmorũgũami. To bajiboarine, rojose yirãrema ñavariquẽnabeami”, yigotiaja Dios ocare masa ñna ucamasire.

¹³ Quẽnase rĩne mua yicõa ñajama, ñnamarãjua muare rojose yigu, magũmi. ¹⁴ To bajiboarine, sīgũri rojose muare ñna yijama, “Quẽnaro manire yirucumi Dios” yimasirã ñari, rojose muare yirãre gũibeticõari, bũto variquẽnaroti ñaja muare. ¹⁵ “Cristo, mani mũju, jediro masigũ ñaami”, yituoĩa rucubucõa ñnarũgũrãja mua. Gãjerã, “¿No bajiro tuoĩarã ñari, ‘Quẽnaro yuare yirucumi Dios’ yati mua?” muare ñna yisẽnĩajama, mua cũdirotire quẽnaro tuoĩa yuya mua. ¹⁶ “Ñna rẽtoro masirã ñaja” yituoĩamenane, Dios ñ bojarore bajiro ñnare quẽnaro cũdiruarãja mua.

“Rojose yama” gãjerãre ñna yigotisere ajicõari, “Socarã yaja mua” ñna yibojoneorotire yirã, quẽnase rĩne yirũgũruarãja mua. Cristore ajitirünurã ñari, to bajiro yiroti ñaja muare.

¹⁷ Rojose mua yise suorine rojose muare ñna yijama, “Juaji to bajiro yibetiruarãja”, yituoĩaruarãja mua. Ti quẽne quẽnase ñaja, bajirojuma. To bajiboarine ti rẽtoro quẽnamasuse ñaja quẽnase mua yise suorine Dios ñ bojarore bajiro rojose mua tãmuojama. ¹⁸ Cristo quẽne, quẽnase rĩne yigu ñaboarine, rojose tãmuocõari, rojose yirãre manire rijabosacami. To bajiro bajicami, Dios tũju quẽnaro mani ñnarũgũrotire yigu. Rijacoaboarine, Esp'iritu Santo suorine tudicatiyumi. ¹⁹ To bajicõari, rijariarã, tubiberiaroju ñarãre ñnare gotimasiogũ vasuju Cristo. ²⁰ To ñnariarã, Noé ñ ñamasiriarodoju ñnariarã ñañujarã. Ñnare Dios ocare gotimasiboayuju Noé. Ajirũabetimasinũjarã ñna. To bajiri, cũmua jairicare Noé ñ quẽnotoyene, ñre ñna ajiroti yaro yumasiboayuju Dios. Ñre ajibeticõa ñnamasinũjarã ñna. To cõrone cũmua quẽnogajanocõari, cojomo cõro jedi, gaje ñmo idia jẽnituarirãcu rĩne vasãjamasiñujarã. Oco ñnamuse rãca ñ ruureare suorine rojorã rãca ñna ñacõa ñaborotire ñnare yirẽtobosamasiñuju Dios. ²¹ Oco rãca mani bautizaecorirũmũne, manire rojose tãmuoboronare yirẽtobosayumi Dios. “Ti ñnane bajiyuja ti Noé Dios ñ yimasire quẽne”, yimasiaja mani. Oco rãca mani bautizecojama, Dios mani jacure quẽnaro mani tuoĩarotire yirã, “Rojose yua yisere masirioya”, ñre yisẽnĩaja mani. To yicõari, “Jesucristo manire ñ rijabosaro bero Dios ñre ñ catiore ñajare, manire rojose tãmuoboronare yirẽtobosayumi”, yaja mani. ²² Jesucristo, tudicaticõari, õ vecaju Diorãca rotiñagũmi. Toju ñnarã, mũjarã ñnamasurã, ñnamasumena quẽne, ángel mesa, gãjerã quẽne, ñ rotisere cũdiñarãma.

4

“Mani masiroti Dios ñ mũjoriarã ñari, gãmerã ejarẽmorũgũroti ñaja”, yire queti

¹ Adigodoju ñagũ, rojose tãmuocami Cristo. To bajiri, manire quẽne, “To bajiro mani bajiroti Dios ñ bojjama, rojose tãmuoruarãja”, yituoĩaroti ñaja. Rojose tãmuocõari, Cristore bũtobusa mani tuoĩajama, rojosere yirua tuoĩamenaja mani. ² To bajiro mani tuoĩarũgũjama, adigodoju mani catiñaro cõro mani masu mani bojarore bajiro

yibeticōari, Dios ĩ bojasejuare yirūgūrurāja. ³ Ado bajiro ti bajijare, to bajiro yirūgūroti ñaja muare: Diore mua masiroto rĳoro, mua masu mua bojarore bajiro, ado bajiro yirūgūñuja mua maji: Rojose yirā ñari, rōmia rāca ajeriarā cātirūgūñuja mua. Idire mecuse idimecūcōari, rojose yicudirūgūñuja mua. “Ado bajirā ñarāma” ĩna masune yiquēnorujeocōari, ĩna rŭcuburāre mua quēne rŭcuburūgūñuja. ⁴ To bajiro mua yirūgūboarere yitujacōari, rojose yirā rāca mua ñabetijare, adirūmūreima “Ķno yirā mani rāca rojose yirūabeati? Rojorā ñaama” muare yitūoīacōari, ajatud'irāma ĩna. ⁵ To bajiro muare ajatud'irā, “Rojose yirā ñari, ĩnare ajatud'icajū yū”, mani ũjūre yigotiroti ñaja ĩnare. Mani ũjū ñaami yoaro mene vadicōari, catirāre, rijariarāre quēne ĩabeserocū. ⁶ Yoaro me to bajiro ĩ yirotire tūoīagū ñari, rijariarāre quēne ĩ oca quēnasere gotimasioñuju mani ũjū. To bajiro ĩnare gotimasioñuju, jēre rijariarā ñaboarine, ĩre ajitirūñurā ñari, tudicaticōari, Diorāca quēnaro ĩna ñarotire yigū.

⁷ Adi macarūcuro ti jedirotirūmū cōñaro bajiaja. To bajiri, quēnaro tūoīacōari, rŭcubuse rāca tocārācaine Diore sēnirūgūña mua. ⁸ To yicōari, gāmerā ĩamairūgūña. Ti ñaja ñamasusema. Gājerāre bto mani maijama, cojoji me manire rojose ĩna yiboajaquēne, ĩnare masiriorūgūrurāja. ⁹ Gājerā mua ya vi ĩna ejajama, variquēnase rāca ĩnare quēnaro yirūgūrurāja mua. ¹⁰ Tocārācure ĩamaicōari, ricati mua yimasirotire muare ũjorimi Dios. To bajiri, muare ĩ ũjore mua yimasise rāca Dios ĩ bojarore bajiro gāmerā ejarēmōrūgūroti ñaja. ¹¹ Mua rācagū Dios ocare gotigū ĩ ñajama, quēnaro gotimasioato. Gājima, “Quēnaro gājerāre ejarēmōrūcūmi” yigū, mani jacū Dios ĩ masisere ĩ ũjor'i ñari, quēnaro ejarēmōato. ĩna yirore bajiro rĳne yicōa ñato gājerā quēne. Jediro mani yisere ĩacōari, “Jesucristo suorine ĩnare quēnaro ejarēmogūmi Dios ñajediro ũjū”, gājerā ĩna yirŭcuburōtire yirā, to bajirone yicōa ñaña.

“Cristore mani ajitirūñuse suorine rojose manire yirurāma gājerā”, yire queti

¹² Yū mairā, ajiya mua. Masa rojose muare ĩna yijama, “ĶYū macure ajitirūñurā masu ñati ĩna?” yĳarū, rojose mua tāmūosere yirētobosabecūmi Dios. To bajiro ti bajijama, “ĶNo yigū, Jesūre ajitirūñugū ñaboarine, rojose tāmūoati yū?”, yibesa. ¹³ Mua quēne, Cristore ajitirūñurā ñari, rojose ĩ tāmūocatore bajiro rojose mua tāmūojama, variquēnaña. To bajiro rĳne mua bajicōa ñajama, adi macarūcurojū Cristo ĩ tudiejarirūmure, ĩ rāca ñacōari, rētobusaro variquēnarurāja mua. ¹⁴ Cristore mua ajitirūñuse suorine gājerā muare ĩna tud'iboajaquēne, variquēnaña mua, Dios ĩ cōagū, Esp'iritu Santo, “Quēnaro yirā ñato” yigū, bto bto ĩ ejarēmōrā ñari. ¹⁵ Cristore mua ajitirūñuse suorine rojose muare yirurāma masa. To bajiboarine rojose mua yise suori rojose mua tāmūojama, ĩvariquēnabetirūcūmi Dios. To bajiri, “Rojose yirā ñari, rojose tāmūoaja mani” yirobe yirā, ado bajiro rojose yibetirūgūña: Gājerāre sĳabesa. Juarudibesa. Gājerāre gōjanabiobesa. ¹⁶ Cristore ajitirūñurā ñari, quēnasejuare mua yiboajaquēne, gājerā rojose muare ĩna yisere tāmūocōari, “Rojose bajiaja mani” yitūoīabojonemenane, Diojūre, “Mū ejarēmose rāca quēnaro yicōa ñaja yū”, ĩre yivariquēnaña.

¹⁷ Jēre adirūmūrine masa ĩna yisere ĩacōari, “Ado bajiro yicana ñari, quēnase bujarā, rojose tāmūorā, bajirurāma” Dios ĩ yiroti ejacoato yaja. To bajiro ĩ yisurona ñaja mani, ĩ yarā Cristore ajitirūñurā. To bajiri, “Adigodojū rojose mani tāmūoro rētobusaro ĩre ajitirūñumena roque rojose tāmūorurāma”, yimasijaja mani. ¹⁸ Tire bajirone gotiaja Dios ocare masa ĩna ucamasire. “Rojose mana ñaama” Dios ĩ yĳarā quēne, adigodojū ñarā rojose tāmūoaja mani. To bajiri, “Rojose mani tāmūoro rētobusaro ĩre ajitirūñumena roque rojose tāmūorurāma”, yimasijaja mani. ¹⁹ Rojose mua tāmūorotire Dios ĩ bojajare, rojose tāmūoboarine, quēnasejuare yicōa ñaña mua. “Ķ gotiriarore bajiro quēnaro manire ĩatirūñucōa ñarūcūmi manire rujeor'i, ĩ tujū quēnaro mani ñarūgūrotire yigū”, yitūoīarūgūña.

5

Cristore ajitirūñurāre ũmato ñarāre Pedro ĩ gotire queti

¹ Вүсүрә, Cristore ajitirünüräre ūmato ñaräre, муаре gotigu yaja у. Ум quēne, Cristore ajitirünüräre ūmato ñagū ñaja у. То bajicōari, Cristo rojose manire ī tāmυobosacatire ĩacacū ñaja у. То bajicōari, quēna ī tudiejarotirūmū у quēne, мaa rāca ĩre ĩavariquēnarūcūja у. ² Ovejare coderimasū quēnaro ī ĩatirünürore bajiro, мaa quēne, variquēnase rāca Cristore ajitirünüräre ĩatirünürügūña мaa, “Dios ī bojarore bajiro quēnaro yirā ñato” yirā. “Īnare уaa codese vaja, gājoa бұjarāsa” yirā me, to bajiro yirügūña мaa. ³ Вүто ĩnare rotibetiroti ñaja. Ado bajirojua yiroti ñaja. Cristo ī bojarore bajiro ĩnare ūmato yiñarügūña мaa. ⁴ То bajiro ĩnare мaa ūmato yicōa ñajama, mani ұжү Cristo мaa rāca variquēnarūcūmi. То bajicōari, ī tudiejarirūmū муаре quēnaro yirūcūmi, “Ум rāca variquēnacōa ñato” yigū.

⁵ Mamaräre, муаре quēne gotiaja у. Муаре ūmato ñaräre quēnaro rūcūbυocōari, cūdiya. Cristore ajitirünürā, мaa jediro quēnaro gāmerā rūcūbυoya. “Īna rētoro ñamasugū ñaja у”, yitūoĭabesa. Ado bajirojua yiya: “Ум rētoro ñamasurā ñaama”, gājeräre yitūoĭaroti ñaja. Dios ocare masa ĩna ucamasire ado bajiro ti gotijare, to bajiro bajiroti ñaja:

“Īna rētoro ñamasurā ñaja уaa’ yiräre ajibeami Dios. ‘Ум rētoro ñamasurā ñaama’ gājeräre yitūoĭarājuare quēnaro ejarēmoami”, yigotiaja Dios ocare masa ĩna ucamasire.

⁶ То bajiri Diore, “Ум rētoro ñamasugū ñaami” yirā, quēnaro yirūcūbυorügūña мaa. “Ум ұжү, ñajediro masijeogu ñaja м. Мм bojarore bajiro bajiato”, ĩre yirūcūbυorügūña. То bajiro мaa yijama, “То cōrone adi macarūcuro jedicoaruroja” Dios ī yitūoĭarirūmū ti ejaro, “Gājerā rētoro ñamasurā ñato” yigū, муаре yirūcūmi Dios. ⁷ Dios муаре quēnaro ī ĩatirünürare, мaa tūoĭarejaise jedirore ĩre gotirügūña мaa.

⁸ Quēnaro tūoĭamasiri ñaña, “Satanás rojose ī yirotisere cūdirobe” yirā. Macarocagu yai, bar’i sīarū, ī bajirore bajiro, rojose tāmυotūjabetiriaroju manire Dios ī cōarotire bojagu ñari, rojose manire yiroticudirügūgūmi Satanás. ⁹ То bajiro ī yirotibosere cūdi-betirügūña мaa. “Ī gotiriarore bajiro quēnaro manire ejarēmorūcūmi Dios” yitūoĭa tūjamenane, Dios ī bojasejuare yicōa ñarügūrūarāja мaa. “Adigodoana Cristore ajitirünürā jediro, manire bajirone rojose tāmυorāma ĩna quēne”, yimasiritibesa. ¹⁰ Adigodoju ñarā, rojose mani tāmυoro bero, Dios tūju mani ejarone, ī bojarore bajiro quēnase rīne yirā mani ñarügūrotire yigū, yirūcūmi Dios. Īne ñaami manire ĩamaicōari, jediro mani yisere manire ejarēmogū. Ī sūorine, “Cristore ajitirünürā, ī rāca quēnaro ñarügūrūarāja” gājerā ĩna yigotisere ajiyuja мaa. ¹¹ Ī ñaami masijeogu, ñajediro ұжү. “То bajirone bajicōa ñarūcūmi”, ĩre yirūcūbυoto mani.

Pedro ĩ gotitū sare queti

¹² Adi papera rāca mojoroaca муаре у gotisere уre ucabosami Silvano.^a Ī ñaami Cristore quēnaro ajitirünürā, ī yirore bajiro yigū. “Adi papera ī ucasere ĩavariquēnacōari, Cristore ajitirünürā tūjabeticōato” yigū, yaja у. То yicōari, “Dios, manire ĩamaicōari, quēnaro ī ejarēmosere masiato” yigū, yaja у. То bajiri, tire masiritimenane, ĩre ajitirünürā ñaña мaa.

¹³ Ado Babilonia vāme cūti macaju ñarā, Cristore ajitirünürā, муаре quēnarotiama ĩna. Dios sūorine Cristore ajitirünürā ñaama ĩna quēne. Ум macūre bajiro bajigū, Marcos vāme cūtigū quēne муаре quēnarotiama.^b ¹⁴ Cristo sūorine cojo masare bajiro bajirā ñari, quēnaro gāmerā yisēniā, yīñaña мaa.

Toana, Cristore ajitirünürā jedirore ado bajiro Diore муаре sēnibosaja у: “Мм macū Cristo yarā, quēnaro ñato’ yigū, ĩnare ejarēmoña”, муаре yisēnibosaja у.

To cōro ñaja.

^a 5:12 Silvano ti yijama, latín oca rāca yiyuju. Silas ti yijama, griego oca rāca yiyuju. Hch 15.22; 18.5; 2 Co 1.19 macaña. ^b 5:13 Jesúre ajitirünürā sūomasiriarā, cojojirema Babilonia ĩna yijama, Roma macarene yicōamasirūjarā ĩna.

Segunda carta de SAN PEDRO

Cristore ajitirūnūrāre Pedro ī ucacōare queti

¹ Ķñati mūa, Jesucristore ajitirūnūrā? Үм ñaja Pedro, adi quetire mūare ucacōagū. Jesucristo ī bojasere yigū ñaja yū. Ī macū ī rijabosare sūori quēnaro Dios ī yise quetire “Gājerāre gotimasiodirūcūja mū” yigū, yūre cūcami. Jesucristone ñaami Dios, mani rūcūbuogū, rojose mani yise vaja manire rijabosar'i. “To bajiro ī bajire ñajare, quēnaro yirūcūmi Dios” yitūoīarā ñaro cōrone, quēnaro yiecorona ñaja mani. ² Mūare quēnarotigū, Diore, to yicōari, Jesús mani ūjūre quēne, ado bajise mūare sēnibosaja yū: “Būtobūsa mūa ocare ajimasicōari, quēnaro ña ñarotire yirā, ñare ejarēmōrūgūñā”, mūare yisēnibosaja yū.

³ Ī yarā ñacōari, ī bojarore bajiro quēnase rīne mani yimasiro tire yigū, manire be-seyumi Cristo. Masijeogū ñari, ĩre mani ajitirūnūjama, manire quēnaro ejarēmōrūcūmi.

⁴ To bajiri, masijeogū ñari, “Quēnaro yirūcūja” ī yicūmasiriarore bajiro manire yiyumi. To bajiro ī yiroti jairo vaja cūtire bajiro bajise ñañuja. Ti sūori rojose mani tūoīasere “Yitūjato” yigū, manire yiyumi, ĩre bajiro yirā mani ñarotire yigū.

⁵ To bajiri, quēnaro manire ī yire ñajare, ĩre ajitirūnūrā ñari, mūa yimasiro cōro quēnasere yirūgūñā, “Diore quēnabūsarō masito mani” yirā. ⁶ Rojose yirūaboarine, tire yibeticōari, Dios ī bojarore bajirojūa yirā, rojose tāmūoboarine, quēnaro yicōa ñarūgūroti ñaja. ⁷ To yicōari, gājerā Cristore ajitirūnūrāre, ĩre ajitirūnūmenare quēne mairūgūroti ñaja.

⁸ Ti vāme jedirore yirā ñacōari, bātobūsa mūa yirūtu vajama, Jesucristo mani ūjūre quēnaro masirā ñarūarāja mūa. ĩre quēnaro masirā mūa ñajama, ī bojasere quēnaro yirūarāja. To bajiro mūa yibetijama, ĩre masirā ñaboarine, ĩre ejarēmōmenare bajiro bajirāja mūa. ⁹ Ti vāme jedirore yimena, Dios ī bojasere quēnaro ajimasimena ñarāma. To bajicōari, “Rojose yū yisere masirioyumi”, yimasiriticoaborāma. ¹⁰ To bajiri, ñare bajiro bajibesa mūa. Ado bajirojūa yirūgūñā: “Cristo yarā ñato” yigū, Dios beseriarā ñari, mūa yimasiro cōro ñajediro yirūgūñā. To bajiro mūa yijama, Cristore ajitirūnū tūjabetirūarāja. ¹¹ To bajicōari, mūa rijato berojū, rojose tāmūotūjabetiriaroju mūa vaborotire mūare yirētobosagū, ō vecajū ī rotīñaroju variquēnase rāca mūa ejarotire yigū yirūcūmi mani ūjū, Jesucristo.

¹² Mūare yū gotisere masirā ñari, quēnaro yirūgūrāja mūa. Tire mūa masiboajaquēne, mūare goticōa ñarūcūja yū, “Masiritiroma” yigū. Gājerā socabeti quetire mūare ña gotiriaro bero ti ñaboajaquēne, mūare goticōa ñarūcūja yū.

¹³ Үм catīñaro cōro mūare gotimasiodōa ñarūcūja yū. To bajiri, yū gotisere quēnaro mūa ajisere bojaja yū. ¹⁴⁻¹⁵ “Jesucristo mani ūjū, ‘Yoaro me rijacoarūcūja mū’ yūre ī yigoticatorē bajiro bajirūaroja” yitūoīagū ñari, yū rijato berojū ti vāmere mūa masir-itibetiro tire yigū, yū yimasiro cōro mūare gotimasiorūgūrūcūja yū.

“Jesucristo ī masise rāca ī yīocā tire ĩacana ñari, ‘Ñamasugū ñaami’ ĩre yimasijaja yūa”, Pedro ī yire queti

¹⁶ “Mani ūjū Jesucristo, masigū ñaami. Adi macarūcūroju tudiejarūcūmi”, mūare yigoticaju yūa. “Masirētogū ñaami Cristo”, mūare yicajū yūa. Yūa masune tūoīacōari me, mūare goticajū. Cristore ĩre ĩacana ñari, mūare goticajū. ¹⁷ Mani jacū Dios, Cristore quēnaro ī yirūcūbuocatire, to yicōari, “‘Ñamasugū ñaami’ yimasiatō” yigū, Cristo ī godovedicatire yūare ĩocami Dios. To yigūne, ado bajise yūare yi ocaruyucami: “Ānine ñaami yū macū, yū maigū. ĩre bātō ĩavarīquēnaja yū”, yūare yi ocaruyucami. ¹⁸ To bajise Dios ī ocaruyucā tire, buro joeju Cristo rāca ñarā, ajicajū yūa.^a

^a 1:18 Mt 17.1-5, Mr 9.2-7, Lc 9.28-35.

¹⁹ Diore gotirētobosamasiriarā Cristo ī bajiro tire īna gotimasiriarore bajiro bajicaju. M̄ua quēne yua gotimasiosere ajicōari, “Socabeti űaja”, yimasicaju m̄ua. Tirūm̄uju quēnase queti Diore gotirētobosarimasa īna ucamasirema, rētiarojare mani s̄ibusuorore bajiro bajise űaűuja. Yua gotimasiose quēnaro m̄ua buejama, Cristo ī tudiejarirūm̄u, ī ejarēmose rāca m̄ua masiojeobetire quēnaro masijeocōaruarāja m̄ua. ²⁰⁻²¹ Dios ocare masa īna ucamasirere m̄ua buejama, ado bajise űamasusere quēnaro masiűa: Diore gotirētobosariarā, īna masune tuoīamasicōari, ucabetimasiűujarā īna. Esp'iritu Santo īna masirotire ī īsise s̄uori ucamasiűujarā.

2

“Socase īna gotimasiosere ajitirūnubesa”, yire queti

(Jud 4-13)

¹ Diore gotirētobosarimasa socamena īna űaboajaquēne, gājerā űamasiűujarā, “Diore gotirētobosarā űaja” yisocariarā. To bajiri adirūm̄urire quēne, m̄ua rāca űaruarāma socase gotirimasa. “Socabetire m̄uare gotiaja” yirā űaboarine, rojose tuoīarā űaruarāma. To bajiro tuoīarā űari, manire yirētobosar'ire īre terā űaruarāma. To bajiro bajirā īna űajare, rojose tām̄uotujabetiriaroju yoaro mene īnare cōacōaruc̄ami Dios. ² To bajiro Dios ī yiroto r̄ijoro, m̄ua rācana jājarā rojose īna yimore bajiro yiruarāma. To bajiro īna yisere īacōari, Dios ocare ajiteruarāma. ³ To bajiro socase gotimasiorimasa, “Gājoa b̄ujarāsa mani” yirā, socase ti űaboajaquēne, īna gotimasiose vaja m̄uare vaja s̄eniruarāma. Tirūm̄ujune “To bajiro rojose yirāre rojose tām̄uotujabetiriaroju īnare cōaruc̄aja yu”, yimasiűuju Dios.

⁴ Dios tuana, ángel mesa rojose yimasiriarā īna bajimasire quetire masirāja m̄ua. “Rojose m̄ua yiboajaquēne, rojose m̄uare yibec̄uja yu”, yibetimasiűuju ī. “Rojose īna yicati vaja rojose īnare yu yiro tire yucōa űato” yigu, cōmemari rāca īnare siacōari, t̄usabetigojeju īna űacōa űarotire yigu toju īnare cūmasiűuju. ⁵ Tirūm̄uju Noé ī űamasiriarodoju űamasiriarāre quēne, “Rojose m̄ua yise vaja rojose m̄uare yibetiruc̄uja”, yibetimasiűuju ī. Īna jedirore oco űam̄use rāca īnare ruureajeocōamasiűuju ī. To bajiri, “Dios ī bojarore bajiro yiro ti űaja” gājerāre yigotirūgūboar'i, Noé, ī yarā, cojomo cōro jedi, gaje āmo juā jēnituarirāc̄u űarārema ruubetimasiűuju. ⁶ Īnare ī yiriarore bajirone yiyumi Dios, “Sodoma macana, to yicōari, Gomorra macanare quēne, rojose īna yiboajaquēne, rojose īnare yibetiruc̄uja yu”, yibetimasiűuju. Ti macarianare ō vecaye jea űjuse rāca vējacōari, īnare soereajeocōamasiűuju ī. To bajiro ī yijama, “Adirodore űarā rojose yirā, tire masicōari, tuoīamasiato” yigu, yimasiűumi. ⁷⁻⁸ Sodoma macanare, Gomorra macanare soereacōaboarine, Lot vāme c̄utimasir'ire īre yirētobosamasiűuju Dios. Quēnaro yigu űamasiűuju Lot. Tocārācarūm̄une ti macariana Diore ajimena, rojose īna yisere īacōari, gājerā “Rojose yama” īna yisere quēne ajicōari buto tuoīasutiritirūgūmasiűuju Lot. To bajiri, “Ūjuro mi” yigu, īre yirētobosamasiűuju Dios.

⁹ To bajiri, ti quetire m̄uare yu gotise jedirore tudituoīacōari, juā vāme ado bajise masiaja mani: “Dios ī bojarore bajiro yirāre rojose īna bajiborotire īnare yirētobosamasiami”, yimasiaja mani. To yicōari, “Rojose yirārema rojose īna yise vaja, rojose tām̄uotujabetiriaroju īnare ī cōaroto r̄ijoro, rojose īna yijare, ‘Rojose tām̄uoűa m̄ua’ īnare yirūgūami Dios”, yimasiaja mani.^b ¹⁰ “Rojose īna yise vaja, rojose tām̄uotujabetiriaroju īnare cōabeaja maji” Dios ī yīarāre mani yijama, ado bajiro rojose yirāre yaja mani: Īna masune īna bojarore bajiro yirūgūrāre, gājerā īna rotisere ajiterāre quēne, īnare yaja mani. To bajiro yirā űarāma socase gotimasiorimasa. “Īna rētoro űamasurā űaja yua” yituoīacōari, güimenane, ángel mesare, to yicōari, vātiare quēne r̄uc̄ub̄uomenama. ¹¹ Socase gotimasiorimasa rētoro masirā űaboarine, īnare bajiro yimenama Dios tuana, ángel mesama. Vātiare, “Rojose yirā űari, rojose tām̄uoruarāja”, īnare yimenama.

^b 2:9 Rojose tām̄uotujabetiriaroju īnare cōabetiboarine, “Rojose tām̄uoűa m̄ua” īnare ī yijama, adi macaruc̄uro űacōari, rojose īna tām̄uoűarotire yigu, yiyuju.

¹² Socase mware gotimasiorimasa, ina ruju ti bojarore bajiro yira, “Bojoneose yira yaja” yimasimenane, tire yirugura. To yicari, angel mesare, vatiare quene ina bajisere masimena nari, rububobetirugura. To bajiro rojose ina yise njare, rojose tamotujabetiraroju inare carucumi mani uj. ¹³ Gajerare rojose ina yire vaja, rojose tamoruarama. Bojoneose ti naboajaquene, “Namiju yirudirasa mani”, yira me narama. Bojonemena nari, umuane yivariquenara narama. Diore rububora mua rejajama, ina quene mua raca rejacari, “Dios i bojasere yira njaja” yiboarine, no ina bojarore bajiroja yirugura. To bajiro rojose yira naboarine, “Ado bajiro mani yisere ivariquenagumi Dios”, mware yisocarama. Rojose yira raca mua rejase surine, mua jedirorene, “Rojose yira narama”, mware yinagojairama masa.

¹⁴ Rojose yira nari, romia jajarare ajerara cutirua tuoarugura narama. Gajera, Cristore quenaro ajitirunumenare quenaro ina yitose surine rojose inare umato yira narama. To bajicari, jairo gajeyuni cora naboarine, quena gajeye bojaromorara nari, “Gajoa bujarasa mani” yira, quenaro yisocamasira narama. To bajiro yira nari, rojose tamotujabetiraroju Dios i corona narama. ¹⁵ Cristo ocare ajirara naboarine, ajitujacari, Dios i bojabetire yira narama. Beor macu, Balaam vame cutimasir'i, gajoare buto i bojararore bajiro bojara nari, i yiriarore bajiro rojose yira narama ina quene. ¹⁶ Balaamja, rojose i yirajare, Dios jediro masigu nari, Balaam i jesavacu burro vame cutigure masure bajiro nagotimasinuju. Ado bajiro ire yimasinuju: “Rojose yiguacu yaja mu”, ire yitud'itujomasinuju burro. Rojose i yiraboarere yibetimasinuju Balaam namasir'i.

¹⁷ Quena gaje vame mware gotiramoaja yu, socase gotimasiorimasa ina bajisere: Oco naboariagojeri ti oco manore bajiro bajira narama. To bajicari, buerigaserire mino vearare bajiro bajira narama. To bajiro bajira nari, Dios oca quenasere mani ajiraboasere manire gotimasioberuarama. To bajiri, “Rojose tamotujabetiraroju inare carucuja” i yimasiriarore bajiro inare carucumi Dios. ¹⁸ “Rojose mani yiboajaquene, manire ivariquenaca narucumi Dios”, yivariquenara. Tuoimasimena nari, to bajiro yirama, “Gajera quene, mani yisere ajicari, mani yirore bajiro rojose yato ina quene” yira. To bajiro ina yijama, Diore ajimena raca rojose ina yiruguboarere yitujacari, mame Cristore ajitirunurare butobusa inare gotirama. ¹⁹ “Socase mere mware gotiaja yu. Mani bojarore bajiro mani yijama, quenaja. Cojorumu rojose mani yisere yitujararaja” yira naboarine, rojosere yisejacoariara nari, tire yitujamasimena. To bajiro inare gotira naboarine, ina quene rojose ina yise vaja rojose tamorona naboarine, to bajiro inare gotirugura. ²⁰ Ado bajiro bajirama socase gotimasiorimasa: “Rojose mani yise vaja manire vaja yibosayumi Jesucristo mani uj” yituoicari, rojose ina yiruguboarere yitujacaboarine, quena rojose ina yicoa njajama, tirumuju rojose ina yiriaro retero rojose yirama. ²¹ To bajiro rojose yirarema, remojune Cristore ajitirunubeticaroti naboayuja. Tire bajimenane, Cristore ajitirunucari, quena ina ajitirunu tujajama, quenabeti njaja. To bajiro bajira ina njare, butobusa rojose inare yirucumi Dios. ²² Cristore ajitirunurara naboarine, quena ire ina ajitirunu tujasere ado bajiro gotiaja: “Ecarai yai, munocari, i munosere tudibarucumi”, yigotiaja. Quena gajeye ado bajiro gotiaja: “Ecarai yese heritare yugui moasinir'ire quenaro mani guocaboajaquene, titatare tudivacari, yugui moasinirucumi quena, ‘Tudi heri jaigu nagusa’ yigu”, yigotiaja.

3

Mani uj adi macarucuroju i tudiejaroti queti

¹ Yu maira, tirumuju mware yu ucacatore bajiro mware tudiucaja yu, Cristo ocare masiritimenane, quenaro mua tuoica narotire yigu. ² Tirumua, Diore gotiretobosamasirara ina goti rjoro yimasirere mua masiritibetire bojaja yu. To yicari, mani uj, rojose mani yise vaja manire vaja yibosar'i, adi macarucuroju i tudiejarotire yuare i gotimasioctire, mware yu gotimasioctire quene mua masiritibetire bojaja.

³ Ti oca ñamasuse ado bajiro gotiaja: Adi macarucuro tusarirumuri mani ujū Jesucristore ajitirunurāre, adigodojū ī tudiejarotire mani tuoīa yuñajare, manire ajatud'iruarāma gājerā. Īna ñaruarāma ĩna masune ĩna bojarore bajiro rīne yirā. ⁴ Ado bajiro manire ajatud'iruarāma: “ ‘Mani ujū’ mūa yigūma, ī gotiriarore bajiro me bajiami. Tudiejabeami. Quēnaro tuoīaīna mūa. Tirūmujū mani ñicua ñaboacana, to yicōari, mani jacua ñaboacana quēne bajireacōa tujacama. Īnare catiobeticami. Adi macarucurore Dios ī rujeosomasiriarodojū ñamasiriarore bajirone bajicōa ñaja adirumuri quēne. ‘Mani ujū’ mūa yigūma ī gotire, ñie vaja maja ti”, manire yiajatud'iruarāma. ⁵ To bajiro tuoīarā ñari, adi macarucurore Dios ī rujeosomasirere masimena ñarāma. Mani jacū Dios jediro masigū ñari, adi macarucurore, ũmūagaserore quēne rujeomasinūju. Ī rotise suorine sita oco vatoajū ñare ruyumasinūju. To bajiro yicōari, ocore quēne ricati ti ñarotire yimasinūju. ⁶ To bajiro ī yimasire ti ñaboajaquēne, ti vāmere bajirone bajicōa ñabetimasinūju. Berojū, “Oco ñasuoatore bajiro tudirujiasa quēna” ī yirotimasire suorine adi macarucuro jedirone oco ñamuse rāca ruureajeocōamasinūju ī. ⁷ To bajiro ī yirotimasiriarore bajirone bajimūorūgōñaroja, adi macarucurore, ũmūagaserore quēne Dios ī soerearotirūmū ti ejaro. Tirūmūne mani ujū, tudiejacōari, rojose yirūgūriarāre ĩabesecōari, “Rojose tāmucōa ñarūgūñarāja”, ĩnare yirotirucūmi.

⁸ Yū mairā, adi vāme ñamasuri vāmere masiritibetiruarāja mūa: Mani ujū ī ĩajama, mil ñaricūmari ñaja cojorūmū. To bajicōari, cojorūmū ñaja mil ñaricūmari cōro, ī ĩajama. To bajiro yū yijama, “Cūmari mani cōīarore bajiro cōīabeami mani ujū” yigū yaja. ⁹ “Ī gotirore bajiro yigū ñaboarine, guaro ejatīmabecūmi maji. To bajiro ī bajisere manire tegū bajigūmi” gājerā ĩna yituoīarore bajiro tuoīabetiroti ñaja mūare. To bajiro me bajigūmi. Gājerā quēne rojose ĩna yisere yitujacōari, Dios ī bojasejuare ĩna yirotire yugū bajigūmi maji. Masa jediro rojose tāmucōtūjabetiriarojū ĩna vabetirotire bojaami mani ujū.

¹⁰ Tire yuboarine, “To cōrone tudivarucūmi” Dios ī yituoīariarūmūne tudiejarucūmi mani ujū. “To cōro ñaro ejarucūmi” masa ĩna yimasibetijūne ejarucūmi. Juarudirimasū ī ejarore quēne, “To cōro ñaro juarudigū ejarucūmi”, yimasibeaja mani. To bajirone bajiruaroja Cristo ī ejaroti quēne. Ī tudiejarirūmū ō vecajū gūiuro ocaruyuruaroja. Ti ocaruyuse rācane ō vecaye jediro yayicoaruaroja. To bajicōari, adi macarucuroaye jedirore soereajeocōarucūmi mani ujū. Ñiejūa ruyabetiruaroja yuja.

¹¹ Adi macarucuroaye jediro ũjūyayiroti ti ñajare, Dios rīare bajiro bajirā ñari, rūcūbuose rāca ī bojarore bajiro quēnase rīne yirūgūroti ñaja mūare. ¹² Cristo ī tudiejarirūmū quēnaro ñayuruarāja mūa. To bajiri ī bojarore bajiro quēnase rīne yirūgūñā, yoaro me ī ejarotire bojarā ñari. Ī ejarirūmūne ō vecaye jediro ũjūjedicoaruaroja. To bajicōari, adi macarucuroaye quēne buto ti asijare, ocoacoaruaroja. ¹³ To bajiro bajiroti ti ñaboajaquēne, “Dios ī gotiriarore bajirone quēna adi macarucuroayere, to yicōari, ō vecayere quēne reajeocōari, quēnase rīne mame rujeovasoarucūmi Dios”, yituoīavariquēnaja mani. To bajiro ī yiro berojare Dios ī bojarore bajiro quēnaro yirā rīne catiruarāma.

¹⁴ To bajiri, yū mairā, Cristo ī tudiejaroto rījoro, mūa yimasiro cōro Dios ī bojarore bajiro yicōa ñarūgūñā mūa, “Mani ujū ī tudiejarirūmūjū, ‘Quēnase rīne yirā ñaama’ ī yīāvariquēnarona ñarāsa” yirā. ¹⁵ Mani ujū, rojose yirāre rojose tāmucōtūjabetiriarojū ĩnare cōabeami maji, “Rojose yitujacōari, yūre ĩna ajitirūñajama, rojose ĩna tāmūoborotire yirētobosagūsa” yigū. Tire bajirone gotiyuja mani maigū, Pablo manire ī ucacōare quēne. “Tire quēnaro riojo ajimasiatō” yigū, quēnaro ĩre ejarēmoñumi Dios. ¹⁶ Gājerāre ī ucacōare quēne, tocārācājine ī ucajama, tire bajiro rīne gotirūgūñumi. Ī ucarere, cojo vāme mani ajimasirūñajama, josari ñaja. Josase ti ñajare, tire ajimasimena ñari, ricatijūa gotimasiorāma Cristore quēnaro ajitirūñumena. Dios ocare quēne ĩna buejama, ajimasimena ñari, ricatijūa gotimasiorāma. To bajiro yirā ñari, rojose tāmucōtūjabetiriarojū mani ujū ī cōarona ñarāma.

¹⁷ Yũ mairã, socase ãna gotimasiorotire mũare yũ gotisere jẽre masirãja mũa. Tire masirã ñari, “Diore ajimena, socase ãna gotimasiosere ajitirũnũcõari, Cristo oca riojo gotimasiosejuare ajitirũnũ tũjarobe” yirã, quẽnaro tire tũoĩamasiri ñaña. ¹⁸ Jesucristo ñaami mani mũũ. Ñ ñaami rojose mani yise vaju manire vaju yibosar'i, “Quẽnase rĩne yirã ñato” yigũ. To bajiro yir'i ã ñajare, bũtobusa ãre ajitirũnũrũtuasa mũa, “Quẽnagũ ñari, quẽnaro manire yami” yimasicõari, bũtobusa gãmerã maiña mũa. “Ñamasugũ ñaami”, Jesucristore yirũcũbũorũgũroti ñaja.

To cõro ñaja.

Primera carta de SAN JUAN

Jesúre ajitirũnurãre Juan ï ucare queti

¹ ¿Ñaboati mũa, yũ yarã? Adi papera rãca mũare queti ucaja yũ. Adi macarũcũro, õ vecaye quẽne ti ruyuaroto rĩjorojũ, ñajediro mani catirotire ïsirocũ ñacõasũoayumi. To bajiri yũ masune ïre ïa, ïre aji, ïre moaĩacacũne mũare gotiaja yũ. ï rijabosare sũorine Dios ï catisere cũorã ñaja mani. ² ïre ïacaju yũ. ïne ñagũmi Jesucristo, ïre ajitirũnurã mani rijato berojũ mani catirotire Dios ï catisere manire ïsir'i. To bajiri yũ ïacatire mũare gotiaja yũ. Yũ ïacacũ, adi macarũcũro ï rujeoroto rĩjorojũne ï jacũ rãca ñacõasũoayumi. ³ Yũ ïacatire, to yicõari yũ ajicatire quẽne mũare gotiaja yũ. Dios, ï macũ rãca ña tuoĩarore bajiro tuoĩarũgũaja yũ. To bajiri mũa quẽne, yũ tuoĩarore bajiro mũa tuoĩarotire yigũ, gotiaja. ⁴ Cojoro cõro mani variquẽnarotire yigũ, tire mũare gotiaja yũ.

“Rojose yibecũ ñaami Dios”, yire queti

⁵ “Quẽnase rĩne yigũ ñagũmi Dios”, yũare yigoticami Jesús. To bajiri tire ajicõari mũare gotiaja yũ. ⁶ Rojose yiboarine, “Dios ï tuoĩarore bajiro tuoĩaja yũ” mani yijama, socarã yirãja mani. ⁷ To bajiboarine, Diore sãnicõari, ï bojarore bajiro quẽnaro mani yicõa ñajama, quẽnaro ñarũarãja mani. To bajicõari, Jesús ï rijabosare sũorine, “Rojose mana ñaama”, manire yĩarũgũgũmi Dios.

⁸ Quẽnase rĩne yirã manama. To bajiri “Quẽnase rĩne yirã ñaja mani”, yimasiña maja. ⁹ To bajiboarine, tocãrãcãjine rojose mani yisere, “Yũare masirioya’ ïre mani yigotijama, ‘Yirũcũja’ ï yirore bajiro yigũ ñari, tire manire masiriojeocõarũcũmi Dios”, yimasiaja mani. ¹⁰ Gajeyerema, “Masa jediro rojose yirã ñaama”, manire yiyumi Dios. To bajiri, “Rojose yibeticajũ yũ” mani yijama, “Socũ yirimi Dios” yirãre bajiro yirãja mani.

2

“Diore manire ñagõbosagũ ñaami Jesucristo”, yire queti

¹ Yũ rĩare bajiro mũare maiaja yũ. To bajiri, “Rojose yibeticõato ña” yigũ, adire mũare gotiaja yũ. To bajiboarine rojose mani yijama, sĩgũ ñagũmi Diore manire ñagõbosagũ. ïne ñagũmi Jesucristo, rojose yibecũ. ² Rojose mani yise vaja manire rijabosayumi, rojose mani yisere manire Dios ï masiriorotire yigũ. Masa ñajedirore rijabosagũ bajiyumi.

³ Gajeyerema, Dios ï rotirore bajirone mani yijama, “ïre masiaja yũ”, yimasiaja mani. ⁴ Sĩgũ, Dios ï rotisere cũdibetiboarine, “ïre masiaja yũ” yigũma, socũ yigũmi. ⁵ Dios ï rotirore bajiro yigũjũ ñagũmi ïre maigũ. To bajiro mani yijama, “Dios yarã ñaja mani”, yimasirãja mani. ⁶ “Dios ï bojarore bajiro tuoĩaja” yigũma, Jesús ï bajiñacatore bajirone bajiñaroti ñaja.

Mame rotire queti

⁷ Yũ mairã, mame oca mere mũare ucaja yũ. Dios ï rotimasire, ï ocare masa ña ucamasire, mũa ajisũoadicatine ñaja. ⁸ Tirũmũayejũ ti ñaboajaquẽne, Jesús ï bajiñacatire ajicõari, ti ocare quẽnaro riojo ajimasire ñaja. To bajicõari, Jesúre ajitirũnurã mani bajiñasere quẽne ïacõari, ti ocare quẽnaro riojo ajimasire ñaja. To bajiro ti bajijare, tirũmũaye ti ñaboajaquẽne, mame ocare bajiro ejaja ti manire. Ti oca sũorine Diore quẽnabusaro masirũtu vana yaja mani.

⁹ Sĩgũ, “Dios ï bojarore bajiro yigũ ñaja” yiboarine, gãjire ï ïatejama, Dios ï bojarore bajiro yigũ me ñagũmi. ¹⁰ Gãjerãre ïamaigũjũ, Dios ï bojarore bajiro yigũ ñagũmi. To bajiro ï bajijare, ñimũjũ ïre rojose ïmato yirocũ magũmi. ¹¹ Gãjire ïategũma, Dios ï bojabetire yigũ ñagũmi. To bajiro yigũ ñari, “Rojose yigũja yũ”, yimasigũ me ñagũmi. Rojose ï yise vaja rojose tãmũotũjabetiriarojũ ï varotire quẽne masibecũmi.

¹² M̄ua jediro, yu r̄iare bajiro bajirā, adi queti m̄uare ucaja yu: Jesús manire ĩ rijabosare ñajare, rojose m̄ua yisere Dios ĩ masiriorā ñarāja m̄ua.

¹³ M̄uare b̄uc̄r̄are quēne, adi queti ucaja yu. Adi macar̄uc̄ro, õ vecaye quēne ti ruyuaroto r̄ijoroju ñar'ire masirā ñarāja m̄ua.

M̄uare mamar̄are quēne adi queti ucaja yu. V̄atia ɸju ĩ bojarore bajiro yiriarā ñaboarine, yimena ñarāja m̄ua yuja.

¹⁴ M̄ua jediro, yu r̄iare bajiro bajirāre adi queti m̄uare ucaja yu. Mani jacu, Diore masirā ñarāja m̄ua quēne.

B̄uc̄r̄are quēne m̄uare queti ucaja yu. Adi macar̄uc̄ro, õ vecaye quēne ti ruyuaroto r̄ijoroju ñar'ire masirā ñarāja m̄ua.

Mamar̄are quēne m̄uare queti ucaja yu. Dios ocare masa ĩna ucamasire ti gotirote bajiro ajitir̄un̄rā ñarāja m̄ua. To bajirā ñari, v̄atia ɸju rojose ĩ yirotoasere c̄udimena ñarāja m̄ua. To bajiro bajirā m̄ua ñajare, adi queti m̄uare ucaja yu.

¹⁵⁻¹⁶ Adi macar̄uc̄ro ñarā ĩna t̄uōiarore bajiro t̄uōiabesa m̄ua. Ado bajiro t̄uōiarā ñarāma ĩna: Adi macar̄uc̄roayere ĩvariquēnac̄ari, ĩna bojarore bajiro rojose yir̄ua t̄uōiarāma. Jairo ĩna gajeyēni c̄uose s̄uorine, “Ḡajerā r̄etoro ñamasurā ñaja yua”, yivariquēnarāma. To bajiro ĩna t̄uōiasema, Dios ĩ rotise me ñaja. ĩna t̄uōiarore bajiro m̄ua t̄uōajama, Diore mairā me ñarāja m̄ua quēne. ¹⁷ Adi macar̄uc̄ro ti jedirone, Dios ĩ bojabeti masa ĩna yir̄ua t̄uōiase, ĩna c̄uose, ĩna bojase quēne jedicoar̄aroja. Ti jedicoaboajaquēne, Dios ĩ bojarore bajiro yir̄ajuama, ĩna rijato beroju Dios t̄uju quēnaro ñar̄uḡur̄arāma ĩna.

Cristore terā jājarā ĩna ñare queti

¹⁸ Ajiya m̄ua, yu r̄iare bajiro bajirā. Adi macar̄uc̄ro ti jedirotir̄um̄u ejaroti, mojoroaca r̄uyaja. “Ti jedirotir̄um̄u ti ejaroto r̄ijoroaca vadir̄uc̄mi Cristore ĩre Teḡu” yigotimasiorere ajicaju m̄ua. To bajiri ado bajiro m̄uare gotiaja yu: J̄ere ḡajerā Cristore terā socase queti gotimasiorā, jājarā ñarāma adi macar̄uc̄rore. To bajiro ti bajijare, “Adi macar̄uc̄ro ti jedirotir̄um̄u ejaroti, mojoroaca r̄uyaja”, yimasijaja mani. ¹⁹ Ado bajiro ti bajijare, “Mani r̄āca ñaboacana quēne Cristore terā ñarāma”, yimasijaja mani: Manire bajiro t̄uōiacana ñaboarine, ricati t̄uōiac̄ari, manire c̄āmotadicama. To bajiri, “Cristore terā ñarāma”, yimasijaja mani. Dios yarā ĩna ñajama, manire c̄āmotadibetiboriarāma.

²⁰ Esp'iritu Santore m̄uare c̄oānumi Jesús. To bajiro ĩ yire ñajare, Dios yere riojo masirāja m̄ua. ²¹ Cristo yere quēnaro masirā m̄ua ñajare, “Tire tudit̄uōiato” yiḡu, m̄uare ucaja yu. Cristo oca socabetire masirā ñari, “Ti mere gotimasioama”, yimasijaja m̄ua. ²² To bajiro ti bajijare, “‘Masa rojose ĩna t̄ām̄uoborotire ĩnare yir̄etobosac̄ari, rotim̄uor̄uḡōr̄uc̄mi’ yiḡu, Dios ĩ c̄ōar'i me ñarimi Jesús” yiḡuma, socagu ñaḡūmi. To bajiro ĩ yijama, Diore to yic̄ari, ĩ mac̄re quēne teḡu yiḡūmi. ²³ Jes̄ure teḡu ĩ ñajama, ĩ jacu Diore quēne teḡu yiḡūmi. To bajiro ĩ yijama, Diore ajitir̄un̄ḡū me ñaḡūmi. “Dios mac̄re ajitir̄un̄aja” yiḡujuama, ĩ jacu Diore quēne ajitir̄un̄ḡū ñaḡūmi.

²⁴ Tir̄um̄uju Cristo oca m̄ua ajis̄uocatire toc̄ar̄acar̄um̄une m̄ua t̄uōiac̄a ñajama, Dios ĩ mac̄u Jes̄ur̄āca, ĩna bojarore bajiro t̄uōiac̄a ñar̄uḡur̄arāja m̄ua. ²⁵ To bajiro m̄ua yit̄uōiac̄a ñajama, “Ȳure ajitir̄un̄r̄are quēnaro yir̄uc̄ja” ĩ yiriarore bajirone yiecorā ñaja mani. To bajiri, mani rijato bero ĩna t̄uju catim̄uor̄uḡōrona ñaja mani.

²⁶ Ḡajerā socase gotirimasa ĩna ñajare, ĩnare ajic̄ari, “ĩna ñaama socase gotimasiorimasa” m̄ua yimasirotere yiḡu, adi papera m̄uare ucaja yu. ²⁷ “Esp'iritu Santore manire c̄oānumi Jesús”, yit̄ujabesa m̄ua. ĩ s̄uorine ñajediro socabetire, Jesús ocare t̄uōiac̄ari quēnaro masirāja m̄ua. To bajiro bajirā ñari, “Socase ñaja” m̄uare yigotiroc̄are bojamenaja m̄ua. To bajiri, Esp'iritu Santo s̄uorine Jesús ocare masic̄ari, ĩ bojarore bajiro yic̄a ñaña.

²⁸ Quēnaro ajiya, m̄ua, yu r̄iare bajiro bajirā. Cristo ĩ bojarore bajiro mani yic̄a ñajama, adi macar̄uc̄roju ĩ tudiejaro, ḡajerā ĩre ajitir̄un̄u t̄ujariarā ĩre ĩna ĩbojonerore bajiro me bajir̄arāja mani, “Quēnaro ȳure yir̄uc̄mi” yit̄uōiarā ñari. ²⁹ “Quēnaro yiḡu ñaḡūmi

Jesús” yimasirã ñari, “Jesús ï bojarore bajiro quẽnaro yirãma, Dios rĩa ñaama”, yimasirãja mũa.

3

Dios rĩa ñare queti

¹ Ajiya mũa. Mani jacũ Dios, bũto manire maiami. Manire maigũ ñari, “Yũ rĩa ñaama”, manire yami. To bajiboarine, jãjarã ñaama Dios rĩa mani ñasere masimena. To bajirã ñari, Dios mani jacũre quẽne masibeama. ² Dios rĩa ñaja mani. Mani bajirotire, “Ado bajiro bajiruarãja”, yimasibeaja mani. To bajiboarine, “Jesucristo ï tudiejaro, ïre ïarãne, ïre bajiro bajicoaruarãja mani”, yimasiaja mani. ³ Tire tuoïayurã ñari, rojose yibetirũgũaja mani, “Cristo rojose yibecũ ï ñarore bajirone ñarãsa” yirã.

⁴ Rojose yigũma, Dios ï rotisere yigũ me ñagũmi. ï rotisere mani cũdibetine ñaja rojose mani yise. ⁵ “Jesucristo, rojose yigũ me ñagũmi”, yimasirãja mũa. “Quẽnase rĩne yigũ ñari, rojose mani yise vaja, manire vaja yibosagũ adi macarũcũrojũre vayumi”, yimasirãja mũa. ⁶ Jesucristo ï bojarore bajiro tuoïarã, rojose yimenama. Rojosere yirãma, Jesucristore masirã me ñarãma. ⁷ Yũ rĩare bajiro bajirã, mũa vatoajũ mũare yitogũ “Manicõato” yirã, quẽnaro ajicõãña. Sĩgũ, “Quẽnaro yigũ ñaja” ï yisocabetijama, Cristo ï yiriarore bajiro quẽnaro ï yisere ïamasiruarãja mũa. ⁸ Rojose yigũma, vãtia mũjũ ï rotisere yigũ ñaami. Rẽmojũne rojose rĩne yigũ ñacõasũoayumi vãtia mũjũ. To bajiboarine, Dios macũ Jesucristo adi macarũcũrojũre vayumi, vãti mũjũ masare rojose ï yirotsere “Yibeticõato ñna” yigũ.

⁹ Dios, rojose yibecũ ï ñajare, ï rĩa quẽne, rojose yirã me ñaama. Esp'iritu Santo rãcana ñari, rojose yimena ñaama. ¹⁰ To bajiri, Dios yarãre, to yicõari, vãtia mũjũ ï ejarẽmose rãca yirãre quẽne ado bajiro ñnare ïamasiaja mani: Rojose yigũma, to yicõari Jesũre ajitirũnũgũre ïamaibecũma, Dios yũ me ñagũmi.

Gãmerã ïamairẽ queti

¹¹ Tirũmũjũne Dios ocare gãmerã ïamairoti ñaja yirere ajisũoadicajũ mũa. ¹² Ca'in ñamasir'ĩ ï yimasiriarore bajiro yibesa mũa. Rojose yigũ ñari, ï bedi quẽnase ï yisejũare ïajũnisinicõari, ïre sĩamasinũju.

¹³ To bajiri, ajiya mũa, yũ mairã: Adi macarũcũroana Diore ajiterã mũare ñna ïatesere tuoïarejaibesa. ¹⁴ Tirũmũjũ Diore masimena ñari, mani rijato berojũ, mani catirotire Dios ï catisere ïsiecobesuja mani maji. Yucũrema, gãjerãre mani mũjũre ajitirũnũrãre ïamairã ñari, “Mani rijato berojũ mani catirotire Dios ï catisere ï ïsiriarã ñaja mani”, yimasiaja. Gãjerãre ïamaimenama, Dios ï catisere ï ïsirã me ñarãma ñna. ¹⁵ Mani mũjũre ajitirũnũrãre ïaterãma, Dios ï ïajama, sãrimasa ñarã bajirãma ñna. To bajiri, “Ïna rijato berojũ ñna catirotire ñnare ïsibecũmi Dios”, yimasiaja mani. ¹⁶ Cristo manire ï rijabosare ñajare, manire ï maisere masiaja mani. To bajiri mani quẽne, mani mũjũre ajitirũnũrãre ïamairã ñari, gãjerã manire ñna ïateboajaquẽne, Cristore ajitirũnũrãre ejarẽmoroti ñaja. ¹⁷ Gajeyẽni jairo cũogũ ñaboarine, mani mũjũre ajitirũnũrãre maioro bajirãre ï ejarẽmobetijama, “Diore maiaja yũ”, yisocagũ ñagũmi. ¹⁸ To bajiri yũ rĩare bajiro bajirã, “Gãjerãre ñnare ïamaiaja yũ” yirã, ñnare ejarẽmoroti ñaja.

“*Dios, manire maigũ* ñari, quẽnaro manire yirũcũmi’ yitũoĩa variquẽnaroti ñaja”, yire queti

¹⁹ Gãjerãre mani maijama, “Dios ocare masa ñna ucamasire quẽnaro ajitirũnũaja yũ”, yimasirãja mani. To bajiri, “Manire ïvariquẽnagũmi Dios”, yimasirãja. ²⁰ “Dios ocare quẽnaro ajitirũnũbeaja yũ” mũa yitũoĩa sũtiritijama, “¿Rojose ñati yũare?” yicõari, Diore sãniroti ñaja. ï ñaami mani rẽtoro masigũ, to bajicõari mani ïamairo rẽtoro ïamaigũ. ²¹ “Yũ ye sũorine rojose ñaja yũre” mani yitũoĩabetijama, Dios quẽne, “‘Mũ ye sũorine rojose ñaja mũre’ manire yibecũmi”, yimasiaja mani. To bajiri gũimenane, ïre sãniaja mani. ²² Dios ï rotisere mani cũdijama, no mani sãnirore bajirone manire cũdirũcũmi. ²³ Adi ñaja Dios ï rotise: “Yũ macũ Jesucristore ïre ajitirũnũña mũa. Gãmerã

ĩamaĩna m̄a”, yiyumi Dios. ²⁴ Tire ajir̄uc̄uor̄ama, Dior̄aca ñar̄ama. To bajiri, Esp'iritu Santore Dios ĩ c̄oare s̄orine, “Dior̄aca ñaja mani”, yimasiaja mani.

4

Esp'iritu Santo r̄aca ñar̄are, ĩ r̄aca ñamenare qūene ĩamasire

¹ Ajiya, ȳu mair̄a. J̄ajar̄a, “Dios ocare gotimasiar̄a ñaja ȳu” yir̄a, Esp'iritu Santo r̄aca ñar̄a me ñar̄ama. To bajiri, “¿Esp'iritu Santo r̄acana masune ñati?” m̄a masune yit̄uõamasic̄õari, qūenaro ĩnare ajic̄õĩaña, “Ĩna socajama, masir̄uar̄aja mani” yir̄a. ² Ado bajiro ĩna yisere ajimasir̄uar̄aja m̄a: “Adi macar̄uc̄uroj̄u ejac̄õari, manire bajiro ruj̄u c̄utiyuju Jesucristo” yir̄ama, “Esp'iritu Santo r̄acana ñaama”, yimasir̄uar̄aja m̄a. ³ To yic̄õari, ḡajer̄ama, “Manire bajiro ruj̄u c̄utiḡu me ñañuju Jesucristo” yir̄ama, “Esp'iritu Santo r̄acana me ñaama”, yimasir̄uar̄aja m̄a. ĩna ñaama Cristore ter̄a. To bajiro yir̄a, j̄ere ĩna ñarotire ajicaj̄u m̄a. To bajiri, “Adigodore ñaama ĩna” yiḡu, m̄are gotiaja ȳu.

⁴ V̄atia ̄j̄ure r̄etro masiḡu, ñaami Dios. To bajiri, m̄a qūene ĩ r̄acana ñaja m̄a. ĩ r̄acana ñari, Cristore ter̄a, m̄are ĩna yitobosere ĩnare ajibesuja m̄a. ⁵ Adi macar̄uc̄uroayerene Dios ĩ bojabetire gotir̄uḡuama socase m̄are gotimasiarimasa. Tire ajis̄yar̄uḡuama ḡajer̄a Diore ajiter̄a. ⁶ Manij̄uama, Dios r̄ia ñari, ĩ ejar̄emose r̄aca ĩ bojarore bajiro t̄uõar̄a ñaja mani. To bajiri mani gotisere qūene ajis̄yar̄ama Diore masir̄a jediro. To bajic̄õari, Diore ajiter̄ama, manire qūene ajiter̄ama. To bajiro ti bajijare, “Dior̄acana ñaama” to yic̄õari, ḡajer̄arema, “Diore ajiter̄a ñaama”, yĩamasir̄uar̄aja mani.

Dios manire ĩ maise queti

⁷ Ȳu mair̄a, Dios s̄orine ḡamer̄a ĩmaire ñaja. To bajiri ñajedirone ḡamer̄a ĩamairoti ñaja. To bajiro mani yijama, Diore masir̄a, ĩ r̄iare bajiro bajir̄a ñar̄uar̄aja mani. ⁸ Masare maiḡu ñaami Dios. To bajiri ḡajer̄are maimenama, Diore masimena ñaama. ⁹ ĩ mac̄ure ajitir̄un̄r̄a, ĩna rijato beroj̄u ĩna catirotire ĩ catisere ĩnare ĩ ĩsirotire yiḡu, adi macar̄uc̄uroj̄ure ĩ mac̄u s̄iḡũne ñaḡũre c̄õañumi Dios. To bajiro Dios ĩ yire ñajare, “Manire maiami Dios”, yimasiaja mani. ¹⁰ Dios manire ĩ maiore bajiro manij̄uama, ĩre maibeaja. To bajir̄a ñari, “Ḡajire maiḡuama, ado bajiro bajiami” mani yimasir̄uajama, manire Dios ĩ maisere t̄uõaroti ñaja. Manire maimasuc̄õaḡu ñari, rojose mani yise jedirore manire masir̄ior̄u, ĩ mac̄ure c̄õañumi Dios, rojose mani yisere manire “Vaja yibosato” yiḡu.

¹¹ To bajiri, ȳu mair̄a ajiya m̄a. To bajiro Dios manire ĩ maire ñajare, ḡamer̄a ĩamairoti ñaja manire. ¹² Dios, ruyubec̄u ĩ ñaboajaqūene, mani ḡamer̄a ĩmaijama, “Mani r̄aca ñaami Dios”, yimasir̄uar̄aja mani. Masare ĩmaiḡu mani r̄aca ĩ ñajare, ḡamer̄a mair̄uar̄aja mani qūene. ¹³ Esp'iritu Santore manire ĩ c̄oare ñajare, “Mani r̄aca ñaami Dios”, yimasiaja mani. ¹⁴ To yic̄õari, jediro ĩre ajitir̄un̄r̄a rojose mani yise vaja rojose t̄am̄ot̄ujabetir̄iaroju mani vaborotire manire yir̄etobosaroc̄ure Dios ĩ c̄õar'ire ĩacaj̄u ȳu. ĩre ĩacana ñari, ti quetire gotir̄uḡuaja ȳu. ¹⁵ “Dios mac̄u ñaḡũmi Jesús” yiḡuma, Dior̄acaḡu ñaḡũmi.

¹⁶ Jesucristo ocare mani ajitir̄un̄s̄orij̄une, “Dios manire maiami”, yimasis̄uõadicaj̄u mani. Dios s̄orine ḡajer̄are ĩmaire ñaja. To bajiri, Dios manire ĩ maisere masic̄õari, ḡajer̄are ĩmaiḡurema, “Ĩ r̄aca ñaḡũmi Dios”, yimasiaja mani. ¹⁷ Dios manire ĩ ejar̄emojare, ĩ mac̄u manire ĩ mairiarore bajiro ḡajer̄are mair̄uar̄aja mani. To bajiri Dios masare ĩ beserir̄um̄u ti ejaro, “Rojose manire yir̄uc̄umi”, yit̄uõaḡuõibetir̄uar̄aja mani. ¹⁸ Jesucristo ĩ mairiarore bajiro qūenaro ĩ maijama, “Ñie s̄ori rojose ȳure yibec̄umi Dios” yiḡu, t̄uõaḡuõibec̄umi. To bajiri manire Dios ĩ c̄oare ñajare, mani ḡamer̄a maijama, ḡuõibetir̄uar̄aja, masare Dios ĩ beserir̄um̄u ti ejajaqūene. S̄iḡu, ḡamer̄a maire, to yic̄õari Diore masibec̄u ñari, t̄uõaḡuõiḡumi.

¹⁹ Diore mani maibetiboajaqūene, ĩj̄uama, b̄uto manire maiñumi. To bajiro manire ĩ yire ti ñajare, ĩre mairoti ñaja. ²⁰ S̄iḡu, “Diore maiaja ȳu” yigotiḡu ñaboarine, Jesúre ajitir̄un̄uḡure ĩateḡuma, socaḡu ñaami. To bajiri ĩ ĩatese s̄orine, “Diore maibec̄u ñaami”, ĩre yĩamasiaja mani. ²¹ S̄iḡu, Diore ĩ mair̄uajama, Jesúre ajitir̄un̄uḡure ĩamairoti ñaja. To bajise manire yirotiyumi Dios.

5

“Dios rĩa ñari, ñ bojarore bajiro yiroti ñaja”, yire queti

¹ “Rotigũ ñarucumi’ yigũ, Dios ñ cõar’i ñaami Jesús” yirãma, Dios rĩare bajiro bajirã ñaama. “Jacũre mani maijama, ñ rĩare quẽne mairũarãja mani”, yigotise ñaja. To bajiri, mani jacũ Diore mani maijama, “Yũ rĩa ñaama” Dios ñ yĩarãre quẽne mairoti ñaja. ² Diore maicõari, ñ rotirore bajiro mani cãdijama, “Yũ rĩa ñaama” Dios ñ yĩarãre quẽne mairã yirãja mani. ³ Diore mani maijama, ñ rotirore bajiro cãdirũarãja mani. Ñ rotise josase me ñaja. ⁴ Ado bajiro ti bajijare, “Ñ rotise josase me ñaja”, mũare yibũ yũ: Jãjarã masa rojose tũoĩacõari, tire yirãre bajiro yirã me ñaja mani, Dios rĩare bajiro bajirã ñari. To bajiri, “Rojose yirũaboarine, Esp’iritu Santo ñ ejarẽmose rãca tire yibetirũarãja mani” yitũoĩarã ñari, rojose yibetirũgũaja. ⁵ “Dios macũ ñaami Jesús” yitũoĩarã rĩne ñaama Esp’iritu Santo ñ ejarẽmose rãca rojose yimena.

“Yũ macũ ñaami Jesús”, Dios ñ yire queti

⁶ Jesús, ñ bautiza ecocati sũorine, to yicõari, yucũtẽroju ñ sĩaecocati sũorine, masa rojose ñna tãmuoborotire ñnare yirẽtobosacõari, “Rotigũ ñarucumi’ yigũ, Dios ñ cõar’i, ñ macũ ñaja yũ”, yĩoñumi. To bajiri, “Dios macũ ñagũmi”, yimasijaja mani. Mani masune to bajise tũoĩacõari, yimasibeaja mani. Esp’iritu Santo ñ ejarẽmose rãca socabetire tũoĩacõari, to bajiro yaja mani. ⁷ To bajiri idia vãme masijaja mani, Dios macũ, Jesús ñ bajirere: ⁸ Ñ bautiza ecocati, ñ sĩaecocati quẽne, to yicõari, Esp’iritu Santo ñ ejarẽmose rãca “Dios ñ cõar’i ñaami”, yimasijaja mani. ⁹ Masa ñna queti gotisere mani ajijama, quẽnaja. To bajiboarine, “Ñnine ñaami yũ macũ” Dios ñ yi ocaruyucacũ ocajuare roque socabeti ti ñajare, rẽtobũsaro ajiroti ñaja.^a ¹⁰ “Dios macũ ñagũmi Jesús” yitũoĩagũma, “Socase me ñañuja Dios ñ yire”, yitũoĩagũmi. To bajicõari, “Dios macũ me ñarimi Jesús” yitũoĩagũma, “Socagũ ñaami Dios” yitũoĩagũre bajiro yigũmi. ¹¹ Ado bajiro mani masirotire bojami Dios: “Socase me ñañuja Dios ñ yire” yitũoĩarã mani ñajare, “Mani rijato beroju mani catirotire ñ catisere manire ñsiñumi Dios” mani yimasisere bojami Dios. ¹² No bojarã ñ macũre ajitirũnrã, ñna rijato beroju ñna catirotire Dios ñ catisere ñsiecoriarã ñarãma. Ñ macũ yere ajiterãma, Dios ñ catisere ñsiecomena ñaama.

Juan ñ gotitũsare queti

¹³ “Mani rijato beroju Dios tũju mani catirotire Dios ñ catisere ñ ñsiriarã ñaja mani” yimasiatu” yigũ, Dios macũre ajitirũnrãre, adi papera mũare ucacõaja yũ.

¹⁴ Dios ñ bojasere mani sãnijama, ajirucumi. Tire masirã ñari, “Ñre mani sãnijama, ajirucumi”, yimasijaja mani. ¹⁵ Tire masirã ñari, “Ñre mani sãnise cõro manire cãdigũmi”, yimasijaja.

¹⁶ Mũa rãcagũ Jesũre ajitirũnũgũ ñaboarine, rojose ñ yijama, Diore ñre sãnibosaya. To bajiro mũa yijama, rojose ñ yisere ñre masiriorucumi Dios. To yicõari, rojose tãmuotũjabetiriaroju ñ vaborotire ñre yirẽtobosarucumi Dios. To yicõari, quẽna gajeye rojose masu ñaja. Tire yirãrema, “Diore sãnibosaya”, yibeaja yũ. ¹⁷ Rojose mani yise jediro, Dios ñ ñavariquẽnabeti ñaja. Jediro rojose mani yise ti ñaboajaquẽne, Jesũre ajitirũnũgũ ñari, rojose ñ yiro bero, sũtiriticõari ñ yitũajajama, rojose tãmuotũjabetiriaroju vabetirucumi. To bajicõari, quẽna gajeye ñaja rojose masu, ñ masiriobeti.

¹⁸ Adire masijaja mani: Dios rĩare bajiro bajirãma, rojosere yibeama. Dios macũ Jesús manire yirẽmorũgũgũmi. To bajiro ñ yijare, vãtia mũju rojose ñ yirotisere yibeaja mani. ¹⁹ “Yũ rĩa ñaama’ Dios ñ yirã ñaja mani”, yimasijaja mani. Gãjerãma, vãtia mũju ñ ejarẽmose rãca ñ bojarore bajiro yirã ñaama ñna. ²⁰ Gajeyere ado bajise masijaja mani: “Diore masiatu” manire yigũ, adi macarucuroju vayumi Dios macũ. To ñ bajire ñajare, Diore quẽnaro masirã ñaja mani. To bajicõari, ñ macũ Jesucristo rãca ñaja mani. “Ñne ñaami Dios”, yimasijaja mani. Ñ ñagũmi mani rijato beroju mani catirotire ñ catisere manire ñsigũ. ²¹ Diore mani rũcũbũorore bajiro, disejũa gajeye mani rũcũbũose manoja. To bajiro ti bajijare, quẽnaro tũoĩamasĩna mũa, “Gãjerã socase ñna gotimasiosere ajisũyarobe” yirã.

^a 5:9 Jn 5.32-37; 8.18.

1 SAN JUAN 5:21

441

1 SAN JUAN 5:21

To cõro ñaja.

Segunda carta de SAN JUAN

Jesúre ajitirūnūrāre Juan ī ucare queti

¹ ¿Ñaboati m̄, ȳ yo, “Ȳ mac̄re ajitirūnūñā” Dios ī yirere c̄dirio? M̄ r̄iare quēne ucac̄ōaja ȳ. Ȳ ñaja b̄c̄. Ȳ s̄ḡū me, Dios oca socabetire ajitirūnūrā jediro, m̄are maiaja ȳ. ² Dios ocare ajitirūnūrā ñari, ḡāmerā maimasuc̄ōaja mani. Ti oca manire jedibetir̄aroja. ³ M̄are quēnarotiḡ, mani jac̄ Diore, to yic̄ōari, ī mac̄ Jesucristore ado bajise m̄are sēnibosaja ȳ: “Quēnaro m̄a r̄āca ña ñarotire yirā, ñare ejarēmoña. Ñare ñamaic̄ōari, m̄a oca socabetire ña masirotire yirā, ñare ejarēmoña”, m̄are yisēnibosaja ȳ.

⁴ Gajeyerema b̄to variquēnaja ȳ. S̄ḡūri m̄a r̄ācana mani jac̄ Dios ī bojarore bajiro ña yīñase quetire ajic̄ōari. ⁵ To bajiri, ȳ maiḡō, adi papera m̄are ȳ ucac̄ōase, mame oca me ñaja ti. Ti ñaja ḡāmerā mairotire mani ajis̄oadicati. “Tire masiritibetic̄ōato” yiḡ, m̄are gotiaja ȳ. ⁶ Mani ḡāmerā maijama, Dios ī rotiriarore bajiro yirūgūr̄arāja mani. “Ḡāmerā maic̄ōari, quēnaro yirūgūñā m̄a”, manire yirotiyumi Dios. Ti ñaja m̄a ajis̄oadicati.

Socase gotimasiorimasa ña ñare queti

⁷ Socase gotimasiodirrimasa, jājarā ñarāma. “Manire bajiro ruj̄ c̄tiḡ me ñañuju Jesucristo”, yisocarāma. To bajise yirā ñari, Cristore terā ñarāma. ⁸ Quēnase m̄a yirūgūse vaja jediro quēnaro m̄are Dios ī yiroti bojarā, ñare ajibesa m̄a.

⁹ Cristo ocare ña gotisere ajitirūnū t̄jac̄ōari, socarimasa ña gotisej̄are ī ajijama, Diorācaḡ me ñaḡūmi. Dios mac̄ Cristo ocare ajitirūnū t̄jabec̄j̄ama, ña r̄ācaḡ ñaḡūmi. ¹⁰ To bajiri, Cristo oca me, ricati m̄are gotimasiorimasa m̄a ya vij̄ ña ejajama, ñare sēnibeja. To yic̄ōari, ñare s̄jarotibeja. ¹¹ Ñare m̄a s̄jarotijama, socase ña gotisere ñare yiejarēmorā yir̄arāja m̄a.

¹² Gajeye jairo m̄are ȳ gotiroti ti ñac̄ōajare, ȳ masune m̄are gotiḡ var̄a t̄ōāja ȳ. To bajiboarine, adi r̄ine m̄are ucac̄ōaja ȳ. Toj̄ ȳ ejato, b̄to variquēnar̄arāja mani.

¹³ M̄a yo, “Ȳ mac̄re ajitirūnūñā” Dios ī yirere c̄dirio, so r̄ā quēne “Quēnato”, m̄are yama.

To c̄ōro ñaja.

Tercera carta de SAN JUAN

Cristore ajitirūnugūre, Gayo vāme cūtigūre Juan ī ucacōare

¹ Gayo, ħñaboati mū? Yū ñaja būcū, Juan, adi papera mūre ucacōagū. Yū quēne, Dios oca socabetire ajitirūnugū ñari, mūre maiaja yū.

² Yū maigū, mūre quēnarotigū, Diore ado bajise mūre sēnibosaja yū: “Mū rāca quēnaro ī ñarore bajiro ī yarā rāca quēnaro ñato’ yigū, to yicōari, ‘Rijaye quēne manicōato’ yigū, ĩre ejarēmoña”, mūre yisēnibosaja yū. ³ Gājerā Cristore ajitirūnūrā mū rācana yū tūjū ejacōari, “Dios oca socabeti ti gotirore bajiro yicōa ñaami” ĩna yigotisere ajicōari, būto variquēnamū yū. ⁴ Cristore ajitirūnūrā, yū rīare bajiro bajirā, Dios oca socabeti ti gotirore bajiro “Quēnaro yirūgūama” ĩna yisere ajicōari, būto variquēnaja yū. Disejūa quēnabusase oca ajibeaja yū.

⁵ Yū maigū, gājerā Cristo ocare gotimasiocudirimasa, gajeroana ĩna ñaboajaquēne, “Īnare yirēmōrūgūami” mūre ĩna yisere ajibū yū. To bajiro mū yirūgūse sūorine “Cristo oca socabeti ti gotirore bajiro yigū ñagūmi”, mūre yimasire ñaja. ⁶ Sīgūri Cristo ocare gotimasiocudirimasa, adoju Cristore ajitirūnūrā ĩna rējarivijū ejacōari, “Quēnaro yūare yirēmocami”, yūare yigotima ĩna. To yicōari, quēna mū tūjū ĩna ejaro, “Quēnaro rētoajaro ĩna” yigū, Dios ī bojarore bajiro quēnaro ĩnare mū yirēmōjama, quēnaroja. ⁷ “Dios ocare gotimasiocudito mani” yirā, vacama ĩna. Īna gotimasiocudirojū, Diore masimenare, “Yūare ejarēmoña”, ĩnare yibesuma. ⁸ To bajiri ĩnare yirēmōroti ñaja manire, “Cristo ocare gotimasiocudicōa ñato” yirā.

“Diótrefes vāme cūtigū rojose yiyumi”, yire queti

⁹ Mūare papera ucacōaboacajū yū, mū tūana Cristore ajitirūnūrāre. To bajiboarine, Diótrefes vāme cūtigūjūa masare gotimasiōrā yūa ñasere bojabesumi, “Yūjūa ĩnare ūmato ñagū ñaja” yitūoīagū ñari. ¹⁰ To bajiro ī yire ñajare, yū vatirūmū mūa rējarivijū ejacōari, “Rojose yigū yiyuja mū”, ĩre yirūcūja yū. Ījūa, rojose masu yūare ñagōmacarūgūñumi. To bajiro ī yirere ajicōari, variquēnabeaja yū. Cristo ocare goticudirimasa ī tūjū ejacōari, ĩna rējarivijū ĩna sājaraajama, sājarotibesumi. To ī yirone sīgūri ī rācanajūama, sājarotirūaboayuma. To ĩna yirone, ĩna rācane “Budiasa mūa quēne”, ĩnare yitud'icōarūgūñumi.

“Demetrio vāme cūtigū quēnaro yiyumi”, yire queti

¹¹ Yū maigū, rojose yirāre bajiro yibesa mū. Quēnasejūare yiya. Quēnase yirā, Dios rīare bajiro bajirā ñarāma, ī ejarēmose rāca ī bojarore bajiro yirā. Rojose yirāma, Diore masimena ñarāma.

¹² “Demetrio vāme cūtigū, quēnaro yigū ñaami”, yama masa jediro. Īre bajiro quēnaro yigūre gotiaja Cristo oca riojo gotise. To yicōari, “Quēnaro yigū ñaami”, yaja yūa quēne. To bajirone yigūja mū.

¹³⁻¹⁴ Gajeye jairo mūare yū gotiroti ti ñacōajare, yū masune mūare gotigū varūa tūoīaja yū. To bajiboarine, adi rīne mūare ucacōaja yū. Tojū ejacū, mūre quēnaro gotirūcūja yū.

¹⁵ Quēnaro mūa ñarotire yigū, mūare ejarēmōato Dios. Adoana mani mairā, mūre quēnarotiama. Mūa rācana mani mairāre yū quēnarotisere yūre gotibosaya.

To cōrone ñaja.

Carta de SAN JUDAS

Jesúre ajitirūnūrāre Judas ī ucacōare queti

¹ Ķñati m̄ua, “Yū r̄ia ñaruarāma” Dios ī yirere cūdiriarā? Yū ñaja Jesucristo ī bojasere yigū, Santiago bedi, Judas vāme cūtigū. Mani jacū Dios m̄uare b̄uto maiami. To bajicōari, “Yū yarā ñari, yūre ajitirūnūcōa ñarūgūato” yigū, m̄uare quēnaro ĩatirūnūgūmi Jesucristo. ² M̄uare quēnarotigū, Diore ado bajise m̄uare sēnibosaja yū: “Quēnaro m̄u rāca ĩna ñarotire yigū, b̄utob̄usa ĩnare ĩamaicōari, ĩnare ejarēmoña. To yicōari, ‘ĩnare m̄u maisere quēnab̄usaro masirūtu vajaro ĩna’ yigū, ĩnare ejarēmoña”, m̄uare yisēnibosaja yū.

Socase gotimasiorimasa ĩna ñare queti

(2 Pe 2.1-7)

³⁻⁴ “Satanás rojose ī yirotoibasere cūdimena ñato” yigū, Jesucristo manire ī rijabosare quetire m̄uare ucacōarūaboaja yū. Tire ucārūaboarine, gajeye m̄ua bajise quetire ajicōari, “Tijūare ucrocū ñaja”, yitūoĳaja yū. M̄ua rācana Diore rūcūb̄uomena socase gotimasiorimasa ñarāma. “Dios, quēnagū ñari, ī bojabetire mani yiboajaquēne, to bajise mani yise vaja rojose yibecūmi”, yisocarāma. To bajiri, “Gājerā rāca ajeriarā cūtito mani”, yirāma. To yicōari, Jesucristo, mani ĩjū, ī sīgūne ī ñaboajaquēne, “Īre mani cūdibetijama, no yibeaja”, yisocarāma. To bajiri, ī rijariaro bero, tudicaticōari, ī buerimasare Dios ī bojarore bajiro yigū, gotimasiojeocōañumi. To yicōari, ĩnare gotimasioroticōañumi, masa jedirore. To bajiri, ĩna gotimasiorere ajiriarā ñari, gajeye ricati gājerā ĩna gotimasiosere m̄ua ajijama, “Socase ñaja” yicōari, riojo gotimasiosejūare gotiroti ñaja. To yicōari, “Socabeti gotirejūare ajitirūnū tūjabeticōato mani” yirā, Dios ī bojarore bajiro yicōa ñarūgūña.

⁵ Jēre m̄ua masise ti ñaboajaquēne, m̄ua tuditūoĳarotire yigū, m̄uare gotiaja yū: Tirūmūjū Egipto sitana, israelita masare ĩna rotiajerāre gaje sitajūa ĩnare ūmato vamasīñuju Dios. To bajiro ĩnare ī ūmato bajiriaro bero, ĩre ĩna ajitirūnūbetijare, ĩnare bajirearotimasiñuju Dios. Tire masicōari, “‘Manire quēne rojose yiromi’ yirā, Diore ajitirūnū tūjabetiroti ñaja”, yimasijaja mani. ⁶ To yicōari, ángel mesare quēne to bajirone yiyumi, ī rotiboasere ĩna cūdibetijare. Sīgūri ángel mesa, Diore moabosarā ñaboarine, ī rotirore bajiro cūdibetimasiñujarā ĩna. To bajiro ĩna bajijare, cōmemari rāca ĩnare siacōari, tūsabéticojejū ĩna ñacōa ñarotire yigū tojū ĩnare cūmasiñuju Dios. “Rojose yirā, rojose tām̄uorūgūrūarāma” ĩnare ī yirotirūmūjū ti ejaroto rĳoro, tojūne ñacōa ñaruarāma ĩna. To bajiro ī yirotirūmū ti ejaro, b̄utob̄usa rojose tām̄uorūarāma ĩna. Tire masicōari, “‘Manire quēne rojose yiromi’ yirā, Diore ajitirūnū tūjabetiroti ñaja”, yimasijaja mani. ⁷ ĩnare bajiro rojose yimasīñujarā Sodoma macana, Gomorra macana, ti maca tū ñarimacariana quēne. Ado bajiro yimasīñujarā: Manajo cūtirā, manajū cūtirā ñaboarine, gājerā rāca ajeriarā cūtirūgūmasiñujarā. Manajo mana, manajū mana quēne, to bajirone yirūgūmasiñujarā ĩna. To yicōari, ĩna rujūri ti bojarore bajiro bojoneose yirūgūmasiñujarā. To bajiro ĩna yijare, ō vecaye azufre vāme cūtise rāca ĩnare soereamasīñuju Dios. Ti quetire ajicōari, ĩna yiriarore bajiro yimenasa manima, “Mani rijato berojū jeame yatibetimejū manire rearomi Dios” yirā.

⁸ Tire masiboarine, tirūm̄uana rojose ĩna yimasiriarore bajirone yicōa ñarāma m̄ua rācana, Diore rūcūb̄uomena. Cājiriagū bajiriarore bajiro ñarā ñari, ĩna rujūri ti bojarore bajiro “Bojoneose yirā yaja”, yimasimena ñarāma. To bajicōari, mani ĩjūre cūdimena ñarāma. To yicōari, ángel mesare, vātiare quēne rūcūb̄uob̄etirūgūrāma socase gotimasiorimasa. ⁹ Ángel mesa ĩjū Miguel vāme cūtigū roque yisocarimasa rētoro rotimasigū ñaboarine, ĩnare bajiro rojose yibetimasīñuju, vātire. Ado bajiro bajimasīñuju: Moisés ñamasir'i ī rijato ĩacōari, ī rujūre āmiarūamasiboayuju Satanás. To bajiro ī yijare,

Satanáre tud'iruboarine, ìre tud'ibetimasinuju Miguel. Ado bajisejua ìre yimasiñuju: “Mũ yisere ìacõari, ‘Rojose tãmuorucumi’ Dios mũre ì yijama, quẽnaruaroja”, ìre yicõa tujasuju Miguel. ¹⁰ Satanáre ì tud'ibetiboajaquẽne, socase gotimasiõarãjua, ángel mesare, vãtiare quẽne ìna bajisere masimena ñari, rũcububetirũgũama. To bajicõari, ìna rujũ ti bojarore bajiro yirã, “Bojoneose yirã yaja” yimasimenane, tire yirũgũrãma. To bajiro yirã ñari, rojose tãmuotujabetiriaroju varona ñarãma.

¹¹ Tirũmuana ñamasiriarã rojose ìna yimasiriarore bajiro yirã ìna ñajare, bũto rojose ìnare yirucumi Dios: Ca'in ñamasir'i, rojose ì tãmuoriarore bajiro tãmuoruarã, rojose yirũgũama ìna quẽne. To bajicõari, Balaam ñamasir'i ì yimasiriarore bajiro yirã, gãjoajũare bojamasucõarã ñari, Dios ì bojasere yibetirũgũrãma. Coré ñamasir'i ì bajimasiriarore bajiro yirã, ìna ujarã ìna rotisere cudibetirũgũama ìna quẽne. To bajiro ìna bajise vaja, rojose ìnare ì yimasiriarore bajiro rojose tãmuotujabetiriaroju ìnare cõarucumi Dios. ¹² Diore rũcubũorã mua rējajama, socase gotimasiõrimasa quẽne mua rãca rējarrũgũama. “Dios ì bojasere yirã ñaja” yiboarine, no ìna bojarore bajirojua rĩne yirũgũama. Mua tuoĩarore bajiro tuoĩarã me ñaama. Ricatijũare tuoĩacõari, rojose yirũgũama. Ìnare tuoĩacõari, ado bajise mũare gotiaja yũ: Bũto asirirũmu oco buerire ìamacarãja mani, oco macarã. To bajiro mani yĩnarone, oco buesere mino ti vẽareacoajama, sutiritiruarãja mani, “Oco bũjabeticõaja” yirã. To bajirone bajiroja socase gotimasiõrimasa ìna gotiboase quẽne. Quẽna ado bajise mũare gotiaja yũ: Yucũ ricare baruarã macarãja mani. Tire mani bũjabetijama, sutiritiruarãja mani. Rica mani ti ñajare, ñie vaja maja tiũ. Tiũre quẽacõarãja mani. To bajiri catibetiruarõja yuja. Tiũre bajirone ñie vaja mana ñaama socase gotimasiõrimasa. To bajiri rojose tãmuotujabetiriaroju ìnare cõarucumi Dios. ¹³ To bajicõari, riaga jairisa ti saberone, sõmo cuti, ueri jai bajiaja. Tire bajirone bojoneri mene rojosere yĩnarũgũama socase gotimasiõrimasa quẽne. To bajicõari, ñocõa tirũmũju õ vecaju Dios ì cũmasiriarã, sĩgũri ìnare ì cũmasiriarõjũre vaveoriarã ìna ñajare, ìna ñarũgũrotijũre tuoĩacõari, bũto rētiaroju quẽnomasiñuju Dios. To bajirone bajirãma socase oca mũare gotimasiõrimasa quẽne. Dios oca quẽnasere ajitujacõari, ìna masune ìna bojarore bajiro yirã ñari, bũto rētiaroju ñacõa ñaruarãma.

¹⁴ Socase oca mũare gotimasiõrãre goti rĩjoro yimasiñuju Enoc ñamasir'i. Ì ñamasinuju Adãn jãnamĩ. Adãn macũ ñamasinuju Set. Set macũ ñamasinuju Enõs. Enõs macũ ñamasinuju Cainãn. To bajiro mani cõiaruji vajama, Enoc vãme cutimasir'i rãca ñarã, cojomo cõro gaje ãmo jua jēnituarirãcũ ñamasinujarã. “Ado bajiro bajiruarãma Diore rũcubũomena” yigũ, ado bajiro Diore gotirētobosamasinuju ì: “Yũre quẽnaro ajiya. Cojorũmu adi macarucũroju ejarucumi mani uju. Ì rãca jãjarã ángel mesa ejaruarãma. ¹⁵ Tirũmũre masare beserucumi Dios. Ìre rũcubũobeticõari, rojose yiriarãre, rojose ìnare yirucumi”, yigotimasiñuju Enoc ñamasir'i, mua rãcana Diore rũcubũomena ìna bajirotire gotigũ. ¹⁶ “Quẽnabeaja”, yigõjarũgũama ìna. To yicõari, “Ìna ye sũorine rojose ñaja”, yĩnagõmacarũgũama. To bajiro yirã ñaboarine, ìna bojamasuse rĩne yirũgũama. Gajeyerema, “Rētoro masirã ñaja yua”, yirũgũama. To yicõari, ìna bojarore bajiro yirã gãjerãre quẽnaro gotisocarũgũama.

Cristore masirãre gotiquẽnore queti

¹⁷ Yũ mairã, Cristo ì gotiroticõasũoriarã ìna yigotimasiõrere masiritibesa mua. ¹⁸ Ado bajiro mũare gotimasiõriarãma: “Adi macarucũro jediroto rĩjoro Dios ocare ajatud'irã ñaruarãma. Gãjerãre tuoĩamenane, rojose ìna yirũase rĩne yirũgũrãma”, mũare yigotimasiõriarãma Cristo ì gotiroticõasũoriarã. ¹⁹ Socase gotimasiõrimasajuama, ricati ìna gotijare, sĩgũre bajiro tuoĩamenaja mua. Ìna masu ìna bojase rĩne yicõarãma ìna, Esp'iritu Santore cõomena ñari.

²⁰ Yũ mairã, Cristo ì bajirocare sũorine quẽnaro Dios ì yire queti mua ajisũore, masa ìna masu tuoĩacõari, ìna gotimasiõre me ñañuja. Dios ye ñañuja. Quẽnarõbũsa tire ajitirũnũroti ñaja. To yicõari, Esp'iritu Santo ì ejarẽmose sũorine Diore sēnirũgũroti ñaja.

²¹ Dios mũare bũto ì maisere masirãja mua. To bajiri quẽnaro ì bojarore bajiro yirũgũña,

m̄are ĩ maitujabetirotire bajiro yirã. To bajiro m̄a yĩnarone, Jesucristo ĩ tudiejarirũm̄ ti ejaro, m̄are ĩamaicõari, “Rojose maja” m̄are ĩ yirotere t̄oĩa yuñarũgũña. Tirũm̄are, Dios, m̄are ĩ gotiriarore bajirone ĩ t̄j̄ma quẽnaro ñacõa ñarũgũr̄arãja.

²² Sĩgũri m̄a rãcana, “Cristo oca, ¿riojo gotiati?” yirãre ĩamaicõari, quẽnaro ĩnare gotimasioña, “ ‘Socase me ñaja’ yit̄oĩato” yirã. ²³ Jeamej̄m̄ vaboronare yirẽmoña, Jesucristo rãca quẽnaro t̄oĩacõari, ĩna ñarotire yirã. Gãjerãre quẽne rojose yirũgũrãre ĩamaiña. To bajiro yirã ñaboarine, m̄a yirũgũsere quẽnaro t̄oĩarũgũroti ñaja, “Īnare bajiro rojose yirobe” yirã.

Judas Diore ĩ r̄ũc̄b̄ore queti

²⁴⁻²⁵ Tire t̄oĩacõari, ado bajiro s̄niroti ñaja manire: “Dios m̄ sĩgũne ñaja masirẽtogũ. Ñim̄ gãji m̄re bajiro masigũ magũmi. Ȳna ẽj̄m̄ Jesucristo ĩ rijabosare s̄orine ȳare maĩñuja m̄. To yicõari, rojose ȳna yibetirotere ȳare ejarẽmoñuja m̄. M̄ rotĩñaroj̄m̄ ȳna ejaro, ‘Rojose m̄a yire vaja maja’ ȳare yĩarũc̄ja m̄. To bajiri, m̄ ñaroj̄m̄ ejacõari, m̄ rãca quẽnaro variquẽnar̄arãja mani. Quẽnarẽtogũ ñaja m̄. To yicõari, ẽj̄m̄ ñamasugũ ñaja m̄. Ñie m̄ yimasibeti maja m̄re. To bajicõari, disej̄m̄ m̄ rotimasibeti maja m̄re. To bajiro bajiyuja m̄, adi macarũc̄rore m̄ rujeoroto r̄j̄oroj̄ne. Adirũm̄arire quẽne, to bajirone bajicõa ñaja m̄. To bajiro rĩne bajicõa ñarũgũr̄arãja m̄”, yiroti ñaja manire, Diore r̄ũc̄b̄orã.

To cõro ñaja.

APOCALIPSIS

Juan ĩ cǎjiriaroju Jesucristo ĩ gotire queti

¹ Adi papera, yoaro mene bajiro tire gotiaja. Dios, ti quetire, ĩ macu Jesucristore gotiyuju, ĩ yarǎ, ĩ bojasere yirǎ, ĩna masiro tire yigu. To bajiro ĩ yijare, “Yu bojasere yigare, Juanre, to bajiro bajiro tire ruyuaĩocǎari, ‘Ado bajiro bajaia mure yu ruyuaĩose’ ĩre yigotimasiorucǎja mu” yigu, ǎngelre cǎañumi Jesucristo. ² Yu ĩnaja Juan, yure ǎngel ĩ ruyuaĩoro bajicati cǎrone riojo ucagu.

³ To bajiro bajiro ti cǎñajare, ado bajiro yaja yu: Adi queti Dios ĩ cǎarere ĩagotirona, to yicǎari, tire cudirona quene, quenaro variquenarona ĩnarǎma.

Cojomo cǎro ju ĩnitaro macariana Jesure ajitirũnrǎre Juan ĩ ucare queti

⁴⁻⁵ To bajiro, Asia sitana, cojomo cǎro ju ĩnitaro macarianare, Jesure ajitirũnrǎre mure ucaja yu, Juan vǎme cutigu. Mure quenarotigu, Diore, ĩ macu Jesucristore, to yicǎari, Esp'iritu Santore quene ado bajise mure sēnibosaja yu: “Quenaro mu rǎca ĩna ĩnartire yirǎ, ĩnare ejarēmoña”, mure yisēnibosaja yu. Dios ĩnami tirũmũju ĩnmasir'i ĩnaboarine, adirũmũre quene ĩncǎ ĩnarũgũgũ. Bero, masa tũju ĩnagũ, ejarocu ĩnami. Dios, rotigu ĩ rujiri cũmuro rĩjoroju ĩnagũ ĩnami Esp'iritu Santo. Sĩgũ ĩnaboarine, cojomo cǎro ju ĩnitarirǎcu ĩnarǎre bajiro bajigu, jediro masigũ ĩnami. To bajicǎari, Jesucristo ĩnami ĩ jacu yere riojo gotirũgũgũ. Rijacoaboarine quena tudicaticǎari, rijarocu me ĩnascami. To bajicǎari, adi macarucuroana ĩjarǎ ĩnarǎ jediro ĩju ĩnami. ĩ ĩnami manire maigũ. Rojose mani yise vajare, ĩ rijacati rǎca manire vaja yijeobosacacu ĩnami. ⁶ To bajiro ĩ yicati suorine paiare bajiro, ĩ jacu mani ĩju ĩ bojasere yirǎ ĩnaja mani quene. ĩ rijacati rǎca manire ĩ vaja yijeobosare ĩnare, “ĩ ĩnami ĩnadediro ĩju. Dise ĩ rotimasibeti ruyabetoja. To bajirone bajirũgũrucumi”, ĩre yituoĩa variquenato mani. To bajirone bajiato.

⁷ Adire quene tuoĩa ĩna mu: Buerigaseri vatoaju vadirucumi Cristo. ĩ vadore ĩnadediruarǎma masa, adi macarucuroana. ĩre sĩarocarotiana jǎnerabatia quene ĩre ĩaruarǎma. ĩre ĩacǎari, jediro otiruarǎma. To bajirone bajiato.

⁸ ĩnadediro masijeogu, mani ĩju, Dios, ado bajiro gotiami: —Alfa, omega ĩnaja yu. Alfa yu yijama, “ĩnadediro ti ruyaroto rĩjoroju ĩnacu yu. To bajicǎari, omega yu yijama, ĩnadediro ti yayiro beroju quene ĩncǎ ĩnarũgũrucuja” yigu yaja —yigotiami Dios.

ĩ ĩnami tirũmũju ĩnmasir'i ĩnaboarine, adirũmũre quene ĩncǎ ĩnarũgũgũ. Bero, masa tũju ĩnagũ, ejarocu ĩnami.

Cristo, Juanre, ĩ ruyuaĩore queti

⁹ Yu Juan, Jesucristore ajitirũnũgũ ĩnari, mu yu ĩnaja yu. ĩre ajitirũnũgũ ĩnari, mure bajirone rojose tǎmũoaja yu. Gǎjerǎ rojose yure ĩna yiboajaquene, mure bajirone ĩre ajitirũncǎ ĩnaja yu quene. Mani ĩjare cudirǎ jediro to bajiro rĩne bajirũgũroti ĩnaja. Tirũmũju Dios ocare yu gotimasiojare, “Rojose tǎmũoato” yirǎ, Patmos vǎme cutiyojaju yure cũcama ĩna. ¹⁰ Domingo ĩnarirũmu, Esp'iritu Santo suorine yu sũyaroju ruyugoaro ocaruyusere ajicaju yu. Jutiria trompeta vǎme cutiare jutibũsũoriaro cǎro bũto ocaruyucaju ti. ¹¹ Ado bajiro ocaruyucaju:

—Yucune mure yu ĩrotire paperatutiju ucacuja mu. Ucacǎari, Asia sitana, Cristore ajitirũnrǎre cǎarucuja. ĩna ĩnarǎma cojomo cǎro ju ĩnitarorǎca macariana. Ado cǎro ĩnarǎma: Efesoana, Esmirnana, Pėrgamoana, Tiatirana, Sardisana, Filadelfiana, to yicǎari, Laodiceana quene ĩnarǎma —yi ocaruyucaju.

¹² Ocaruyusere ajicǎari, “ĩ ĩnami yure ĩnagǎti?” yigu, judarũgũcaju yu, ĩre ĩarũ. Cojomo cǎro ju ĩnitaro sĩabusuojeoriajuri ĩnacu yu. Orone ĩna quenorijuri ĩnacu ti.

¹³ Sĩabusuojeoriajuri vatoaju masure bajigu ĩnacu. Sudiro yoariase, ĩ gũboju tũsariase sǎnacu. ĩ cotitėre cǎmema, orone quenorijama jasacu. ¹⁴ ĩ rũjoa joa oveja joare

bajiro buto boticajū. To bajicōari, buerigaserire bajiro boticajū. Ī cajearima, jea űjūserē bajiro yaacajū. ¹⁵ Ī gūbori quēne, buto yaacajū. Bronze vāme cūtiſe jeamejū soecōari, ĩna gosiosere bajiro yaacajū ti. Ī űagōjama, oco menirore bajiro ocaruyucajū. ¹⁶ Ī āmo riojojacatuare, cojomo cōro, jūa jēnituariſcū űocoa cūocami. Ī riſejū jariase, jūajacatuajūne bujarijāi budicajū. Ī rioga, muiju quēnaro ĩ asirore bajiro yaacajū.

¹⁷ Īre ĩaſcacōari, ĩ rĳjorojūa muqueacajū yū. Muqueagūne, bajirocar'ire bajiro vārebeticajū yū. To bajiro yū bajiboajaquēne, ĩ āmo riojojacatūa yūre űiajeocōari, ado bajiro yūre yicami:

—Gūibesa mū. űajediro ti ruyuaroto rĳjorojū űacajū yū. To bajicōari, űajediro ti yayiro berojū quēne űacōa űarūgūſcūja, yūre yicami. ¹⁸ Yūma űaſuoadicacūjūne űacōa űarūgūaja. Riſacoaboarine, tudicaticōari, jūaji tudirijarocū me űaja yū. Riſariarāre quēne rotigū űaja yū. Quēna ĩna tudicatirotire yimasigū űaja yū. To bajicōari, riſariarā jediro ĩna űarōjūre yū yarāre ĩnare juabumasiaja yū. “Rojose tāmūotūjabetiriaroju vabeticōari, yū űarōjūa quēnaro űarūgūato” yigū, ĩnare juabumasiaja yū —yūre yicami yūre ruyuaĳocacū.

¹⁹ Quēna gajeje ado bajiro yūre yicami:

—Yūcūne mūre yū ĳorotire ucarūcūja mū. Adirūmūriaye, bero bajirotiayere quēne ĳarūcūja mū. ²⁰ Yū āmo riojojacatūa cojomo cōro jūa jēnituariſcū űocoa mū ĳarāre, “To bajiro yirūaro yaja”, yimasibeaja mū. Ado bajiro yigū yibū yū, to bajiro yū yĳiojama: ĩna űaama cojomo cōro, jūa jēnituaro macariana yūre ajitirūnūſrāre űmato űarā. Cojomo cōro jūa jēnituariſcū ſĳabusuojeore mū ĳasema, ado bajiro yire űni űaja: Cojomo cōro jūa jēnituaro macariana yūre ajitirūnūſrāre gotiro yibū —yūre yicami yūre ruyuaĳocacū.

2

Efeso macanare Juan ĩ ucacōare queti

¹ Quēna ado bajiro yūre yicami yūre ruyuaĳocacū:

—Efeso vāme cūti macana yūre ajitirūnūſrāre űmato űagūre ado bajiro ucaya: “Adi mūare yū ucase, ado bajiro bajigū mūare ĩ gotiſe űaja: Ī āmo riojojacatūa cojomo cōro jūa jēnituariſcū űocoa cūogū, cojomo cōro jūa jēnituariſcū ſĳabusuoriabajari jeoriajūſſire ĳatirūnūſgūgū űaami. Yūre ruyuaĳocōari, yūre ĩ goticatire ĳre ucacōabosagū yaja yū”, yūucaya —yicami.

To yicōari, ado bajiro mūare goticami: ² —Jediro mūa yisere masiaja yū. “Mani űjūre ajitirūnūato gājerā” yirā, josari mūa moarūgūserē masiaja yū. Gājerā rojose ĩna yiboajaquēne, yūre mūa ajitirūnū tūjabetire masiaja. Rojose yirāre mūa ĳavariquēnabetire quēne masiaja. “Cristo ocare riojo gotimasiorā űaja yūa” yirāre ajicōĳacōari, “Socarimasa űaja mūa” ĩnare mūa yigoticatire quēne masiaja yū. ³ Gājerā rojose mūare ĩna yiboajaquēne, yūre ajitirūnūcōa űaja mūa. Yūre ajitirūnūſrā mūa űajare, rojose mūare yama. To bajiro ĩna yiboajaquēne, yūre ajitirūnū tūjabeaja mūa. ⁴ To bajiro mūa bajiboajaquēne, cojo vāme ado bajiro mūa bajisere ĳavariquēnabeaja yū: Yūre ajitirūnūſuorā, mūa maicato cōro yūre maibeaja mūa yuja. ⁵ Yūre mūa ajitirūnūſuocatire tūoĳacōari, quēna yūre mūa ajitirūnūſuocatore bajiro tudiajitirūnūña. To bajiro mūa bajijama, yū bojabetire yitūjacōari, yū bojasejūare yirūarāja mūa quēna. To bajiro mūa yibetijama, mūa ſĳabusuoriabaja jeoriajūre ēmagū ejarūcūja yū. ⁶ Yūre mūa maibetibūſasere ĳavariquēnabetiboarine, adi vāme mūa yisere ĳavariquēnaja yū: Nicolás vāme cūtiſūre ajisūyarā, rojose ĩna yisere ĳateaja mūa. Yū quēne, tire ĳateaja. ⁷ Esp'iritu Santo ĩ ejarēmose rāca űamasuserē mūare yū gotirotire mūa ajimasirūajama, quēnaro ajiya mūa, gaje macariana yūre ajitirūnūſrā jediro: Yūre ajitirūnū tūjabetirona, yucū caticōa űarotiyare rica cūtiſū ricare barona űarūarāma. Dios ya vese quēnarivesejūre űaja tiſū —mūare yigoticami yūre ruyuaĳocacū.

Esmirna vāme cūti macanare Juan ĩ ucacōare queti

⁸ Gajeje ado bajiro yūre yicami yūre ruyuaĳocacū:

—Esmirna vāme cūti macana yure ajitirūnūrāre ūmato űagūre ado bajiro yure ucacōabosaya: Tire mūare goticacu, űajediro ti ruyuaroto rījorojū űamasir'i, to bajicōari, űajediro ti yayiro berojū quēne űacōa űarūgūrocū űaami. Rijacoaboarine, tudicaticōari, rijarocū me űaami. Ado bajiro mūare goticami:

⁹—Gājerā rojose mūare űna yijare, rojose mūa tāmūosere masiaja yū. űNie mana mūa űnasere masiaja. To bajiro bajirā űaboarine, Dios mūare ī űjore űajare, gajeyeūni jairāre bajiro ī ye quēnamasuse jediro cūorā űaja mūa, ī macūre mūa ajitirūnū tūjabetirotire yirā. “Jud'io masa űari, Dios rīa űaja yūa” yitūoīaboarā, masa űna űaro rījorojūa, “Rojose yima” socarāne mūare űna yirosere ajiaja yū. To bajiro yirorā, Dios ī bojasere yirā me űaama. Vātia űjū, Satanās ī bojasejūare yirā űaama. ¹⁰ Rojose mūare űna yirotire tūoīagūibesā. “Sīgūri, tubiberiavijū tubibe ecoato űna” yigū, mūare yirūcūmi Satanās. “Cristore ajitirūnū tūjato” yigū, to bajiro mūare yirūcūmi. To ī yiroti űajare, jūaāmo cōro űnarirūmūri rojose tāmūorūarāja mūa. Rojose tāmūoboarine, yure ajitirūnū tūjabesa. Mūare űna sīaroti ti űaboajaquēne, yure ajitirūnū tūjabesa. To bajiro mūa bajijama, “Rijacoaboarine, quēna tudicaticōari, rijarona me űato” yigū, mūare yirūcūja yū. ¹¹ Esp'iritu Santo ī ejarēmose rāca űamasusere mūare yū gotirotire mūa ajimasirūajama, quēnaro ajiya mūa, gaje macariana yure ajitirūnūrā jediro: Yure ajitirūnūcōa űarūgūronama, rojose tāmūotūjabetiriarojū yū rearona rāca vabetirūarāma —mūare yigoticami, yure ruyuaīocacū.

Pérgamo vāme cūti macanare Juan ī ucacōare queti

¹² Gajeye ado bajiro yure yicami yure ruyuaīocacū:

—Pérgamo vāme cūti macana yure ajitirūnūrāre ūmato űagūre ado bajiro yure ucacōabosaya: Jūajacatūajūne būjarijāi jariase cūocacū, ado bajiro mūare goticami:

¹³—Ti macajū mūa bajirūgūšere masiaja yū. Ti maca űaja Satanās ī űnavariquēnari maca. Ti macana jediro, “Satanāre rūcūbūorā yaja” yimasibetiboarine, īre cūdirā vatoajū mūa bajisere masiaja yū. Sīgū mūa rāca űaboacacū, Antipas vāme cūtigūre, īre űna sīacatire masiaja yū. “Cristo ocajuare ajitirūnūroti űaja” ī yitūjabetijare, īre sīacama. Īre űna sīaboajaquēne, yure ajitirūnū tūjabeticajū mūa. To bajiro mūa bajicōa űnasere masiaja yū. ¹⁴ To bajiro mūare quēnaro yiboarine, ado bajiro mūa yisejūare űavariquēnabeaja yū: Mūa rācana sīgūri, Balaam vāme cūticacū, Balac vāme cūticacūre ī gotimasiocaire ajisūyacanare bajiro yama űna. Ado bajiro gotimasiocami Balaam, Balac vāme cūtigūre gotigū: “Israelita masare rojose mū yiroűajama, űmūare ado bajise rojose yī ocasāña: ‘Yūa quēnor'ire rūcūbūorā vaibūcūre sīacōari, ī tūjū yūa cūrūare riire mūa bajaquēne, quēnarūaroja. To yicōari, yūa yarā rōmia rāca mūa ajeriarā cūtijaquēne, quēnarūaroja tī' ĩnare yī ocasāña”, yigotimasiocami Balaam. ¹⁵ Gājerā rojose yirā quēne, Nicolás vāme cūtigūre ajisūyarā űaama sīgūri űna rācana. ¹⁶ To bajiri, Nicolāre ajisūyarāre, to yicōari, Balaam ī gotimasiocaire ajisūyacanare bajiro yirāre ajibeticōaña. Īnare mūa ajitirūnūcōa űajama, mūa tūjū ejacōari, rojose mūa yise vaja, jariase yū risejū budirijāi, jūajacatūajūne būjarijāi rāca mūare rojose yirūcūja yū. ¹⁷ Esp'iritu Santo ī ejarēmose rāca űamasusere mūare yū gotirotire mūa ajimasirūajama, quēnaro ajiya mūa, gaje macariana yure ajitirūnūrā jediro: Yure ajitirūnū tūjabetironare manā vāme cūtise yayiorojū űare bare ĩnare ecarūcūja yū. To yicōari, tocārācūrene gūtari botiricari ĩnare ĩsirūcūja, mame vāme ucaturiarire. űNimūjūane tiarijūre ucaturere ĩamasibetirūcūmi. Tiarire boca juarā rīne masirūarāma —mūare yigoticami yure ruyuaīocacū.

Tiatira macanare Juan ī ucacōare queti

¹⁸ Gajeye ado bajiro yure yicami yure ruyuaīocacū:

—Tiatira vāme cūti macana, yure ajitirūnūrāre ūmato űagūre ado bajiro yure ucacōabosaya: Adi mūare yū ucase, ado bajiro bajicacū mūare ī goticati űaja: Dios macū, ī cajeari jea űjūšere bajiro yaacacū űacami. To bajicōari, cōme, bronze vāme cūtise jeamejū soecōari, űna gosiose būto yaasere bajiro gūbori cūticacū űacami. To bajigū űagū, ado bajiro mūare goticami:

¹⁹ —Jediro ña yisere masiaja yu. Maa gãmerã maisere masiaja yu. Yure maa ajitirũnũsere quẽne masiaja. “Quẽnabusaro ñre ajitirũnũto mani” yirã, maa gãmerã ejarẽmosere quẽne masiaja. Gãjerã rojose muare ña yiboajaquẽne, yure maa ajitirũnũcõa ñasere quẽne masiaja. Tirũmũju yure ajitirũnũsũorãju quẽnaro maa yicati rẽtoro quẽnaro yirũgũaja maa, adirũmũrrema. Ti jedirorene masiaja yu. ²⁰ To bajiro quẽnaro maa yise ti ñaboajaquẽne, ado bajise maa yisejuare ñavariquẽnabeaja yu: Maa tuago Jezabel vãme cutigo socase so gotimasiosere ajicõari, “Soco yaja mu. Gotimasibeticõañã mu”, sore yibeaja maa. “Cristo oca riojo gotimasioğõ ñaja yu” yitocõari, so gotimasiose sũorine yu bojase yirã ñaboarã, ado bajiro rojose yama: Ajeriarã cutirã ñaama. To bajicõari, gãjerã ña quẽnor'ire rũcũbũorã vaibũcũre sãacõari, ñ tuju ña cũruare riire barã ñaama. ²¹ To bajiro rojose so yisere yitũjacõari, yu bojasejuare so yirotere yoaro yubũsacõaboaja yu. Ajeriarã cuti tũjarũabeamo so. ²² To bajiro so bajicõa ñajare, “Cãnijesariaro joeju so ajeriarã cutirã rãca, so cãnirũgũriaju joene bũto rojose tãmũoato” yigũ, yirũcũja yu. So rãca ajeriarã cutirãre quẽne to bajirone yirũcũja yu. Yucũne rojose ña yisere yitũjacõari, yu bojasejuare ña yibetijama, to bajirone ñare yirũcũja yu. ²³ To yicõari, so rĩare sãajeocõarũcũja yu. Tire ajicõari, “Masa ñajediro mani tũoĩasere masijeogũ ñaami”, yure yirũarãma adi macarũcũroana ñajediro yure ajitirũnũrã. Tocãrãcũne ña yicatire quẽnaro ñacõari, “To bajiro yicana ñari, quẽnase bũjarã, rojose tãmũorã, bajirũarãja”, ñare yiroterũcũja yu. ²⁴⁻²⁵ Yure ajitirũnũrã, socase so gotimasiosere ajitirũnũmenajuare muare gotigũ yaja: “Adi ñaja Satanás oca ñamasuse, gãjerã ña masibeti” sore ajisũyarã ña yiboajaquẽne, tire ajirũabeaja maa. To bajiri, adi rĩne muare rotigũ yaja: Adi macarũcũroju yu tudiejaroto rĩjoro, yure ajitirũnũ tũjabetiroti ñaja. Gaje vãme muare rotibeaja. ²⁶⁻²⁸ Yure ajitirũnũcõa ñaronare, to yicõari, yu bojasere yitũjabetironare maa rijato beroju, maa catirotere yigũ, Dios ñ catisere muare ñirũcũja yu. To yicõari, “Gãjerãre yure rotibosato” yigũ, yu masisere muare ñjorũcũja yu. Ñ masisere yu jacũ yure ñ ñjocatiere bajirone muare ñjorũcũja yu, “Muare terã quẽne muare cudiato” yigũ. To bajiri, bũto rotirũarãja maa. Gãjerã muare ña cãdibetijama, josari mene ñare sãarearũarãja. ²⁹ Gaje macariana yure ajitirũnũrã jediro, Esp'iritu Santo ñ ejarẽmose rãca muare yu gotisere maa ajimasirũajama, quẽnaro tũoĩato ña — yigoticami yure ruyuaĩocacũ.

3

Sardis vãme cuti macanare Juan ñ ucacõare queti

¹ Quẽna ado bajiro yure yicami yure ruyuaĩocacũ:

—Sardis vãme cuti macana yure ajitirũnũrãre ñmato ñagũre ado bajiro yure ucaya: “Adi muare yu ucase, ado bajiro bajicacũ muare ñ goticati ñaja: Sĩgũ ñaboarine, cojomo cõro juã jẽnituarirãcũ ñarãre bajiro bajigũre, Dios ñ cõagũ Esp'iritu Santore sũogũ ñacami. To bajicõari, cojomo cõro juã jẽnituarirãcũ ñocõa cũocami. To bajiro yure ruyuaĩocacũ ñ goticatire ñre ucacõabosagũ yaja yu”, yucaya —yicami.

To yicõari, ado bajiro muare goticami:

—Masa ña ñajama, “Cristore ajitirũnũrã ñari, ña rijato beroju ña catirotere yigũ, Dios ñ catisere ñ ñsiriarã ñaama”, muare yirãma. To bajiro ña yiboajaquẽne, “Yure ajimenare bajiro maa rijato beroju rojose tãmũotũjabetiriaroju varona ñaama”, muare yaja yũma. ² Yu ñajama, Dios ñ bojarore bajiro quẽnaro yure ajitirũnũrã me ñaja maa. To bajiri, quẽnaro tũoĩacõari, bũtobũsa yure ajitirũnũña, “Yure ajiterã masu ñarobe” yirã. ³ Tirũmũju yu ocare muare ña gotimasioicatire ajicaju maa. Tire tuditũoĩacõari, ajitirũnũña quẽna. To bajiro maa yibetijama, juarudirimasũre bajiro maa masibetone rojose muare yigũ ejarũcũja yu. ⁴ To bajiro yirocũ yu ñaboajaquẽne, maa rãcana sĩgũri, Dios ñ ñajama, rojose mana ñaja maa. To bajiri, sudi botise sãñacõari, yu rãca quẽnaro ña ñarũgũrũarãja.^a ⁵ Yure ajitirũnũ tũjabetirona, to bajirone bajirũarãma ña. “Ado

^a 3:4 Sudi botise sãnarãre ti gotijama, rojose mana, ñre ajitirũnũ tũjabetiriarã ñari, ñ rãca ñarãre gotiaja.

cōro ñaama yu tu ñarūgūrona” Dios i yuicamasicatitutre ña vāmere coebetirucija yu. To yicōari, ò vecaju yu jacure, ángel mesare quēne, ña ñaro rījorojua, “Ñoa ñaama yu yarā”, ñare yūorucija yu. ⁶ Gaje macariana yure ajitirūnrā jediro, Esp'iritu Santo i ejarēmose rāca mware yu gotisere mwa ajimasirñajama, quēnaro tñoiato ña —yicami yure ruyuañocasu.

Filadelfia vāme cūti macanare Juan i ucacōare queti

⁷ Quēna ado bajiro yure yicami yure ruyuañocasu:

—Filadelfia vāme cūti macana yure ajitirūnrāre ūmato ñagūre ado bajiro ucaya: Adi mware yu ucase, ado bajiro bajicacu mware i goticati ñaja: Dios i bojase rīne yigu, riojo gotigu ñacami. Ñe ñacami Ūju David ñamasir'i jānami, ire bajiro Dios yarāre rotigu. To bajiboarine, Dios tujarema soje jānariaro cūogu ñacami ñma. Masare ñacōari, “Ñoa, yu tujū ñarūgūñarāma” i yirotijama, to bajirone bajirñarāma. To bajiro i yirotijama, ñimñua ñare matarocu manirucumi. To bajiro ñare yirotirosu ñacami. To bajicōari, gājerājūare, “Ñoama, yu tu me ñarñarāma”, yirotirosu ñacami. To bajiro i yijaquēne, ñimñua, i tujū ñare ñarotirosu manirucumi.

To bajiro yirosu ñacami ado bajise mware goticacu:

⁸ —Jediro mwa yisere masiaja yu. Gājerā mware ña ñajama, “Ñamasurā ñaama”, mware yibeama. To bajiro ña yibetiboajaquēne, yu suorine gājerā ña gotimasiocatire bajiro quēnaro yirūgūaja mwa. Yure ajitirūnu tujabeaja. To bajiri, yu ocare gājerāre quēnaro mwa gotimasiorotire yigu, yibu yu. Gājerā mware ña gotimasio rotibetiboajaquēne, yu suorine gotimasiocōa ñarñarāja. ⁹ To bajiro mware yiboarine, gājerājūarema, vātia ūju, Satanás i boasere yirā ñaboarine, socarāne, “Dios rīa ñaja yua” yirāre, ado bajiro ñare yirucija yu: Gotimasiorā rījorojua gūsomuniari tuetucōari, “Mwañua ñaja Dios i mairā” mware ña yirotire yirucija yu. ¹⁰ “Gājerā rojose mware ña yiboajaquēne, yure ajitirūncōa ñaroti ñaja” mware yu yiroticatire bajiro cūdirūgūaja mwa, yu oca gotimasiiorimasa. Adi macarucuro tusarirūmūre gājerā, masa jedirore rojose yirñarāma, “Diore ajitirūnbeticōato” yirā. “Tire yiroma” yigu, mware ejarēmocōa ñarucija yu. ¹¹ Yoaro mene adi macarucurojū vadirucija yu. To bajiri, yure mwa ajitirūnūre bajiro ajitirūnu tujabeticōañā. To bajiro mwa bajicōa ñajama, quēnaro Dios mware i yirotire matarocu magūmi. ¹² Yure ajitirūnu tujabetironare, yu jacu tujū ña ñarūgūrotire yirucija yu. I ya vi botari boabeti, ti ñarūgūrore bajiro ñarūgūñarāma ña. Ñare bubetirucija yu. Idia vāme ñare vāme ucatirucija yu. Ado bajirivāmeri yirucija yu: Yu jacu Dios vāme, i ya maca vāme, to yicōari, yu vāme mame ñarotire ucatirucija. Yu jacu ya maca, mame quēnorā maca Jerusalén vāme cūti maca ñarñaroja. Ti maca ò vecaju rujiadicōari, ejarñaroja. ¹³ Yure ajitirūnrā jediro, Esp'iritu Santo suorine mware yu gotisere mwa ajimasirñajama, quēnaro tñoiato —yigoticami yure ruyuañocasu.

Laodicea vāme cūti macanare Juan i ucacōare queti

¹⁴ Quēna ado bajiro yure yicami yure ruyuañocasu:

—Laodicea vāme cūti macana yure ajitirūnrāre ūmato ñagūre ado bajiro ucaya: “Adi mware yu ucase, ado bajiro bajicacu mware i goticati ñaja: I suorine jediro quēnase Dios i gotimasiriarore bajirone yirūgūami Dios. I ñacami i jacu yere riojo gotirūgūgū. I suorine adi macarucuroaye jedirore rujeomasiñumi Dios”, yucaya —yicami.

To yicōari, ado bajiro mware goticami:

¹⁵ —Jediro mwa yisere masiaja yu. Yure tebetiboarine, quēnaro yure ajitirūnūbeaja mwa. To bajiro mwa bajise, rojose masu ñaja. Ti ūnire bojabeaja yu. ¹⁶ To bajiro bajirā mwa ñajare, yu yarā mwa ñasere bojabeticōari, mware reagūgu yaja yu. ¹⁷ Ado bajiro tñoiaboaja mwa: “Gajeyēni jairā ñaja mani. Mani bojase ñajediro, dise ruyabeto cūoaja mani. To bajicōari, Dios ye quēnamasuse i ūjose jediro suorā ñaja mani”, yitñoiaboaja mwa. Yu ñajama, ado bajiro bajirājua ñaja mwa: Rojose yirā ñari, sudi manare bajiro bajiaja. Yu bojarore bajiro yirā me ñari, ñie cūbetimasucōarāre bajiro bajiaja. To bajicōari, yure masimena ñari, ñamenare bajiro bajiaja mwa, yu ñajama. ¹⁸ To bajiro bajirā

mua ñajare, ado bajiro mua yiro tire mware gotimasioḡũ yaja yu: Quēnamasuse ñajediro suorã mua ñaruaajama, rojose mua yisere yitujacõari, yure sēniña. To bajiro mua yijama, “Quēnase sudi sãñarãre bajiro bajirã ñato” yigũ, rojose mua yisere Dios ñ masiriojeorotire yigũ, yirucuja. To yicõari, “Quēnamasuse ñajediro suorã ñato” yigũ, yu bojarore bajiro yirã mua ñarotire yigũ, yirucuja. To yicõari, “Íarãre bajiro ñato” yigũ, yure quēnaro mua masiro tire yigũ, yirucuja. ¹⁹ Yu mairã jedirore, “Rojose yaja mua; tire yitujacõari, ado bajirojua mua yijama, quēnaruaaroja”, ñnare yigotimasiorũḡũaja yu. Riojo ñamasusere ñnare gotimasiorũḡũaja yu. To bajiri, “Rojose yitujaja yua”, yisocabeticõaña mua. ²⁰ Riojo ñamasusere mware gotiaja yu: Yu suorine ado bajiro tuoiaama masa: “Cristore ajitirũnucõari, ñre baba cutiroti ñaja”, yituoiaama. Yure ajitirũnucõari, yure ñna baba cuti variquēnarotire bojagu ñari, ñna cudisere yurũḡũaja yu. “Íre baba cutiruaaja” ñna masune ñna yicudijama, ñna rãca quēnaro baba cutirucuja yu. ²¹ Yure ajitirũnucõa ñaronare, õ vecaju yu taju yure ñna rotibosarotire yirucuja yu. Yu jacure quēnaro ajitirũnu tujabeticõari, ñ taju ñre yu rotibosarũḡũore bajiro yure rotibosarũḡũuarãma ñna quēne. ²² Yure ajitirũnrã jediro, Esp'iritu Santo ñ ejarẽmose rãca mware yu gotisere mua ajimasiruaajama, quēnaro tuoiato —yigoticami yure ruyuañocasũ.

4

Õ vecaju Diore rucubhoroti queti

¹ To ñ yiro bero, gajeye ado bajise yure bajioocaju: Õ vecaju, Dios ñ ñarõju, jãnariosjere ñacaju yu. To yu ñamhorone, jutiria trompeta vãme cutiare jutibushoriaro cõro buto, ado bajiro ocaruyucaju ti:

—Mũjaaya. Bero bajiroti quetire mware ñorucuja yu —yure yu ocaruyucaju.

² To bajiro ti yirone, Esp'iritu Santo suorine õ vecaju ejagure bajiro ñacaju yu. Toju sũḡũ, rotigũ ñ rujiri cũmurore rujicami. ³ Ñ rioga, buto yaacaju. Gũta quēnase, jaspe vãme cutise, to yicõari, gaje gũta, cornalina vãme cutise ti yaarore bajiro yaacaju. Ñ rujiro taju buerimamure bajiriberua ñacaju. Gajea gũta, esmeralda vãme cutise ti yaarore bajiro yaacaju tiberua. ⁴ Ñ rujiro taju veinticuatro cũmurore, ujarã ya cũmurore ñagãnibiacaaju. Ti cũmurorejure bucãrã rujicama. Botise sudi sãñarã ñacama ñna. To bajicõari, oro bedori jeocama.^b ⁵ Ñna vatoagu uju ñamasugũ ñ rujiri cũmurore bũjo ñ yabese budicaju. To bajicõari, bũjo ñ jaro, ti busore bajiro busacaju. Ñ rujiri cũmuro rĩjorojua cojomo cõro jua jẽnituarirãcu jea ujaricuri rũḡõcaju. Ado bajiro yigotiro bajicaju: Sũḡũ ñaboarine, cojomo cõro jua jẽnituarirãcu ñarãre bajiro bajigũ, jediro masigũ ñ ñasere gotiro bajicaju.^c ⁶ Uju ñamasugũ ñ rujiri cũmuro rĩjorojuane utabucurare bajirita ñacaju. Oco botirita ñacõari, quēnaro ruyurita ñacaju.

To bajicõari, ñ rujiri cũmuro rĩjorojua, ti cũmuro suyarõjua quēne, riojojacatua, gãcojacatua quēne, ñaiañamana babaricãrãcu ñacama. Ñna rujiri jediro cajeari cuticama. Ñna riogari ñarijacatua quēne ñna suyarõjuari quēne cajeari cutirã ñacama. ⁷ Nasuõgu, yai, leõn vãme cutigure bajigũ ñacami. Ñ beroagu, ta vecure bajigũ ñacami. Ñna beroagu, masu riogare bajiro rioga cuticami. Tusagu, ga jaigu, vugure bajiro bajigũ ñacami. ⁸ Tocãrãcu, cojomo cõro, coja jẽnituarorãca querũjuri cuticama. Ñna rũjuri quēne cajeari cuticama. Ti joejua, eñerocaju quēne cajeari cutirã ñacama. Uũuari, ñamiri quēne Diore rucubhorã, ado bajiro basarũḡũcama ñna:

—Mani uju, quēnase rĩne yigũ ñaami. Quēnase rĩne yigũ ñaami. Quēnase rĩne yigũ ñaami.

Jediro masigũ ñaami. Tirũmũju ñamasir'i ñaboarine, adirũmurire quēne ñacõa ñarũḡũḡũ ñaami. Bero, masa taju ñagũ, varocu ñaami —yibasarũḡũcama ñna.

⁹ Uju ya cũmuro rujigure, uũuari catimhorũḡũrocure ñna rucubhorõjama, ado bajiro yirũḡũcama:

—Mũ ñaja rẽtoro quēnagũ. To bajicõari, rẽtoro ñamasugũ ñaja mũ. Quēnaro yaja mũ —ñre yirũḡũcama ñna.

^b 4:4 Bucurãre ti gotijama, Jesũre ajitirũnrãre umato ñarãre gotiaja. ^c 4:5 Ap 1.4, 3.1.

¹⁰ Tocārācaine to bajiro ĩna yirone, bucūrā, veinticuatro ñarā, ĩ tujū muquearūgūcama ĩna, ĩre rūcubūorā. Muqueacōari, ĩna jeoribedorire, “Rotirimasū ñaja yū” yimasioribedorire juacōari, ĩ rujiro rĳjorojūa cūrūgūcama, “Quēnaro mū yise sūorine mūre rotibosamasiaja yūa” yirā. To yicōari, ĩre rūcubūorā, ado bajiro yicama:

¹¹ —Yūa ũjū, mū sĳgūne ñaja mū, yūa rūcubūogū. Ñajediro rujeomasir'i ñaja mū. Ti ñarotire mū bojatuoīamasire sūorine ruyuacōari, ñacōa ñaja jediro. To bajiro yimasir'i mū ñajare, ado bajiro quēnaro mūre yirūcubūoroti ñaja: “Mū ñaja rētoro quēnagū. To bajicōari, rētoro ñamasugū, ñajediro masigū ñaja mū. Mū rotijama, mūre cūdiruarāma ñajediro” mūre yirūcubūoroti ñaja —ĩre yicama ĩna.

5

Paperajotire sūoñiarere jānerocūre, quēnase rĳne yĳgūre, ĩna bųjare queti

¹ To bajiro ĩna yicatire yū ajiro bero, ũjū ya cūmurojū rujĳgū ĩ āmo riojojacatūa papera tūnarijoti ĩ cūosere ĩacajū yū. Tijoti totĳjū, joejūa quēne ucare ñacajū. To bajicōari, cojomo cōro jūa jēnituarō sūoñiare ñacajū, tijotijūre. ² To ĩ bajirone, sĳgū āngel, gājerā āngel mesa rētoro tutuagū, ado bajise ruyugoaro sēniīacami:

—¿Nijūa ñarōjari, tijotire sūoñiarere jānecōari, ti ucare manire ĩagotirocū, Dios ĩ ĩavariquēnarocū? —yisēniīaboacami.

³⁻⁴ To bajiro ĩ yisēniīaboajaquēne, ō vecana, adi macarūcūroana, adi sita ēñerocana quēne, sĳgūjūama tijotire sūoñiarere jānerocū Dios ĩ ĩavariquēnagū manicami. ĩ manijare, bųto oticajū yū. ⁵ Yū otisere ĩacōari, sĳgū bucū, ado bajiro yūre goticami:

—To cōrone otiya. Adojūa ĩaña. Adone ñaami sĳgū, vātĳa ũjū ĩ rotimasibecū. Vātĳa ũjū ĩ bojabeti ti ñaboajaquēne, masa rojose ĩna yise vaja ĩnare vaja yibosagū, rijabosayumi. To bajicōari, rijacoaboarine, tudicatĳyumi. ũjū ñamasugū, Judā ya jūnagū ñaami. ũjū David ñamasir'i jānami ñaami. Tijoti cojomo cōro jūa jēnituarorācaji sūoñiarere jānecōari, manire ĩ ĩagotisere Dios ĩ ĩavariquēnarocū ñaami —yūre yicami.

⁶ To ĩ yirone, bucūrā vatoajū, to yicōari, ĩañañamana vatoajū, ũjū ya cūmuro gūdarecojū ñacami oveja macūre bajiro rijabosacacū. Cojomo cōro, jūa jēnituarorāca jotari cūticami. ĩ cajeari quēne, to cōrone ñacajū. Tire ĩacōari, “Sĳgū ñaboarine, cojomo cōro jūa jēnituarirācū ñarāre bajiro bajĳgūre, adi macarūcūro jedirojū Dios ĩ cōagū, Esp'iritu Santore cūogū ñaami”, ĩre yīīamasicajū. ⁷ ũjū ya cūmuro rujĳgū riojojacatūa ĩ cūorĳotire āmicami. ⁸ To ĩ yirone, babaricārācū ĩañañamana, to yicōari, veinticuatro ñarā bucūrā quēne, oveja macūre bajiro rijabosacacū rĳjorojūa muqueacama, ĩre rūcubūorā. ĩna jediro jabasariarore arpa vāme cūtiriaserire cūocama. Orone quēnorĳabajarire quēne cūocama. Tibajarĳjū sūtiquēnase soemūoroti jūmūcōacajū. Sūtiquēnase ti buemūja vase, masa, Dios yarā ĩre ĩna sēnisere bajiro bajise ñacajū. ⁹⁻¹⁰ ĩ rĳjorojūa muquearāne, ado bajiro basacama ĩna, basaīañamanire:

—Mūre sĳañuma masa. To ĩna yirone, tocārāca macanare, cojo masa jūna rūyabeto, cojo oca rūyabeto ñagōrāre, to yicōari, cojo sita rūyabetoanare Satanās yarā ñaboarāre rijabosacōari, mū ri'i sūori yūare vaja yibosayūja mū, “Dios yarājūa ñato” yĳgū. To bajiro mū yire sūorine paiare bajiro mū jacū, mani ũjū ĩ bojasere yirā ñaja yūa quēne. To bajicōari, adi macarūcūroanare rotiruarāja yūa. Mū yire sūorine to bajiro yūa bajiroti ñajare, mūne ñaja, tijoti sūoñiare jānecōari, ti ucare yūare mū ĩagotisere Dios ĩ ĩavariquēnagūma —yibasacama, ĩ rĳjorojūa muqueacana.

¹¹ To ĩna yiro bero, ũjū ya cūmuro tujū, babaricārācū ĩañañamana, to yicōari, veinticuatro ñarā bucūrā ĩna ñaro sūyarojūajūre ñacōari, basacama āngel mesa. Jājarā masu ĩna ñajare, ĩnare cōĳajeobeticajū yū. ¹² Ado bajise ruyugoaro basacama:

—Oveja macūre bajiro rijabosacacū, ado bajiro bajĳgū mū ñajare, quēnaro mūre yirūcubūo variquēnaroti ñaja: Mū rotijama, mūre cūdiruarāma ñajediro. Ñajediro cūogū ñaja mū. Quēnaro tūoĳgū ñaja mū. Rētoro masigū ñaja mū. Rētoro

ñamasugũ, rëtoro quënegũ ñaja mũ. Quënarõ mure yirũcũbũo variquënaroti ñaja —yibasacama ángel mesa.

¹³ To bajiro ña yisere ajicõari, õ vecana, adi macarũcũroana quëne, adi sita ëñerocana quëne, moa riagariana quëne, ñajedirone, ɯɯ ya cũmuro rujigũre, to yicõari, oveja macũre bajiro rijabosacacũre quëne quënarõ ña yirũcũbũo basacatire ajicajũ yũ. Ado bajiro ñare yibasacama:

—Ado bajiro bajirã mũa ñajare, quënarõ mũare yirũcũbũo variquënarũgũroti ñaja: Rëtoro ñamasurã, rëtoro quënarã ñaja mũa. To bajicõari, rëtoro masirã ñaja mũa. To bajirã mũa ñajare, mũare quënarõ yirũcũbũo variquënacõa ñaroti ñaja —yibasacama.

¹⁴ To bajiro yigajanorãne,

—To bajirone yirũgũroti ñaja —yicama babaricãrãcũ ñaiañamana.

To ña yirone, ɯɯ ya cũmuro rujigũre, to yicõari, oveja macũre bajiro rijabosacacũre, ñare rũcũbũorã, muqueacama ña, veinticuatro ñarirãcũ ñarã, bũcũrã.

6

Cojomo cõro, jũa jënitũaro ñase sũoñiare queti

¹ To ña yiro bero, oveja macũre bajiro rijabosacacũ, papera tũnariajotire sũoñiasũo-riajũre ñ jãnesere ñacajũ yũ. To ñ yirone, babaricãrãcũ ñaiañamana rãcagũ sũgũ, bũjo ñ jaro ti bũsũse cõro bũto ruyugoaro ñ ñagõsere ajicajũ:

—Adojũa vayã —yicami, gãjire jigũ. ² To ñ yirone, caballo botigũ joe jesagũre ñacajũ. Ñ joe jesagũ, tẽmubedo cũocami. Rũjoa jeoriabedo jeococami. Ti bedore jeococõari, adi macarũcũroanare, ñre ñaterãre quëne ñ rotijama, ña cũdirotire yigũ, vacami.

³ Ñ vato bero, papera tũnariajotire sũoñiariajũre gajejũre jãnecami oveja macũre bajiro rijabosacacũ. To ñ yirone, quëna gãji ñaiañamagũ ado bajise yicami:

—Adojũa vayã —yicami ñ quëne, gãjire jigũ.

⁴ To ñ yirone, caballo sũagũre ñacajũ yũ. Ñ joe jesagũ jariase jairijã ñsiecocami. To yicõari, “Ado bajiro yirũcũja mũ”, yieococami: Masa quënarõ ña ñabetirotire yigũ, to yicõari, ña gãmerã sãrotire yigũ, cũecocami.

⁵ Ñ vato bero, gajejũ sũoñiariajũre jãnecami oveja macũre bajiro rijabosacacũ. To ñ yirone, ado bajiro yicami quëna gãji ñaiañamagũ:

—Adojũa vayã —yicami ñ quëne, gãjire jigũ.

To ñ yirone, caballo ñigũre ñacajũ yũ. Ñ joe jesagũ, rũcũoñiario cũocami. ⁶ To ñ bajirone, ñaiañamana vatoajũ ado bajiro ocaruyucajũ ti, caballo joe jesagũre ñre gotiro:

—“Trigo vãme cũtise, to yicõari, cebada vãme cũtise mojoroaca bũjato” yigũ, tire yirojorũcũja mũ. To bajiro mũ yijare, trigo vãme cũtise bare, cojorũmũ moare vaja, cojo kilo cõro bũjare ñarũaroja. To yicõari, cebada vãme cũtise bare, cojorũmũ moare vaja, idia kilo cõro bũjare ñarũaroja. “To bajirone bajiato” yigũ, yirũcũja mũ. To bajiro yiboarine, olivo vãme cũti yucũrĩre, to yicõari, ɯyemarĩre quëne yirojobetirũcũja mũ. “Ûye roabare, ɯye oco quëne, jairo vaja cũtibeticõato” yigũ, yirũcũja mũ —yĩ ocaruyucajũ, caballo joe jesagũre gotiro.

⁷ Ñ vato bero, gajejũ sũoñiariajũre jãnecami oveja macũre bajiro rijabosacacũ. To ñ yirone, quëna gãji tũsagũ, ñaiañamagũ, ado bajiro yicami:

—Adojũa vayã —yicami ñ quëne, gãjire jigũ.

⁸ To ñ yirone, caballo sũrĩribogũ ñagũre ñacajũ yũ. Ñ joe jesagũ, Rijare Rotigũ vãme cũticami. Ñ sũyarojũa gãji vadĩcami, Rijariarã ña Ñaro vãme cũtigũ. To ña bajirone, ado bajiro ñare roti ocaruyucami Dios:

—Adi macarũcũroana masa ña gãmerã sãrotire, ña ñiorĩjarotire, rijaye rãca ña bajirearotire, to yicõari, vaibũcũrã no yiyamana ñare ña sãrotire yirã, yirũarãja mũ —ñare yiroticami. To yicõari, —Masa jediro babaricãrãcatubuari batecõari, cojotubuanare mũ sãajeocõajama, quënarũaroja —ñare yiroti ocaruyucami Dios.

⁹ Īna vato bero, gajeju sñoñariajũre jãnecami oveja macũre bajiro rijabosacacũ. To ĩ yirone, Diore rũcubũorã ĩna soemũoriaju ĩñerocaju gãjerã ĩna sñariarãre ĩacaju yũ. Dios oca quẽnaro ĩna gotimasiojare, to yicõari, “Jesũre ajitirũñũaja yũa” ĩna yitũjabetijare, ĩnare sñañuma. ¹⁰ Ado bajise ruyugoaro goticama:

—Jediro masigũ ñaja mũ. Quẽnase rĩne yigũ, riojo gotigũ ñaja mũ. Yũare sñacana rojose ĩna yicatire ĩacõari, “Rojose tãmũotũjabetirũarãja” ĩnare mũ yiroti, ĩno cõro yoaro ruyati? —yicama ĩna.

¹¹ To ĩna yirone, botise sudi yoese ĩnare ĩsicami Dios. To yicõari,

—Tũoĩarejaibesa. Quẽnaca yucõa ñaña maji. Gãjerã ñarũarãma, mũare bajiro yũ macũ ĩ bojasere yirã ñari, sñaecorona. ĩnare ĩna sñajeoro berone, ĩna sñase vaja rojose tãmũotũjabetiriaroju ĩnare rearũcũja —yicami Dios.

¹² To ĩyiro bero, quẽna gajeju sñoñariajũre jãnecami oveja macũre bajiro rijabosacacũ. To ĩ yirone, sita bũto ti sabesere ĩacaju yũ. To bajicõari, muiju ãmũagũ busu tũjacami. To bajiri, nojũa bususe manicaju. To bajicõari, ñamiagũ muiju, ri'ire bajiro bũto sũacami. ¹³ Ñocõa quẽne, sita tũcurojuare vẽjacoacama ĩna. Higuera vãme cutiũ ti rica burirodo rĩjoro, ti rica busere mino vẽasure vẽjacatore bajiro vẽjacama ĩna. ¹⁴ To bajicõari, ãmũagaserõ yayicoacaju. Paperajoti tũnariarore bajiro bajiyayicoacaju. Jediro gũtaũre, yucũyoarire quẽne yivãreocõari, gajeroju tire cõacami Dios. ¹⁵ To bajiro bajijare, gũta gojerijũ, gũtayucũri vatoaju rudisãjacoacama masa. Ujarã, rotirimasa, ñamasurã, ñamasumena quẽne, gãjerãre moabosarã, gãjerãre moabosamena quẽne, rudisãjacoacama. Gãjoa jairã, ñie mana quẽne, masa jediro rudisãjacoacama. ¹⁶⁻¹⁷ To bajiro rudicõari, gũtayucũre, gũtari jacasere quẽne, ado bajiro yicama ĩna:

—Uju ya cũmuroju rujigũ, Dios yũare ĩ ĩabetirotire yiro, yũare tãjoyayioya. “Oveja macũre bajiro rijabosacacũ quẽne, yũare ĩacõari, rojose yũa yise vaja rojose yũare yibeticõato ĩ” yiro, yũare tãjoyayioya —yicama ĩna, gũtayucũre. —Rojose yũa yisere ĩacõari, “To bajiro yirã ñari, rojose tãmũotũjabetirũarãja” yũare Dios, ĩ macũ ĩna yirotirirũmũ mojoroaca ti ruyajare, to bajiro yaja yũa. To bajiro ĩna yijama, “Rojose tãmũobetirũcũja yũma” ĩnare yicũdimasirocũ magũmi. To bajiro ti bajijare, yũare tãjoyayioya —yicama ĩna, gũtayucũre, gũtari jacasere quẽne.

7

Ī yarãre Dios ĩ ĩatirũñũroti queti

¹ To ĩna yiro bero, ángel mesa babarirãcũ ĩacaju yũ. Jũdoaga sojeju ñacami sīgũ. Jũnaga sojeju ñacami gãji. Varuaga sojeju ñacami gãji. To bajicõari, gajejacatũajũa varuaga sojeju ñacami gãji. To bajirone ñacõacama ĩna, “Mino vabeticõato” yirã. To ĩna bajijare, adi sita joe, riagari joe quẽne, mino vabeticaju. Yucũ joere quẽne, mino vabeticaju.

² To ĩna bajirone, muiju ĩ jiadojũa gãji ángel ĩ vadisere ĩacaju yũ. Masirẽtogũ, Dios vãme ucaturiaro cõocõari, ĩ vadore ĩacaju yũ. Vadicõari, gãjerã ángel mesare, adi sitare, riagarire quẽne, Dios rojose ĩ yirotiriarãre bũto ruyugoaro ado bajise ĩnare goticami:

³ —Adi sita, riagari, yucũre quẽne rojose yibesa mũa maji. Mani uju, Dios ĩ bojasere yirã ĩna riovecarire Dios vãme ĩnare ucatuto mani maji. ĩnare ucatujeocõari, adi sitare, riagarire, yucũre quẽne rojose yirũarãja mani —ĩnare yicami ángel.

⁴ To ĩyiro bero,

—Dios vãmere ucatuecorã, jũãmo cõro, gũbo jũa jẽnituarorãca jũnana ñaama —yũre yicama. —Jediro ciento cuarenta y cuatro mil Israel ñamasir'i jãnerabatia ñaama —yũre yicama.

⁵⁻⁸ Ti jũnanare cõĩacõari, ado bajiro yũre goticama:

—Judã ñamasir'i jãnerabatia doce mil ñarã ñaama. Tocãrãcũ jãnerabatia, cojoro cõrone ñaama. Adocãrãcũ ñaama:
Rubén ñamasir'i jãnerabatia,
Gad ñamasir'i jãnerabatia,
Aser ñamasir'i jãnerabatia,

Neftal'i ñamasir'i jānerabatia,
 Manasés ñamasir'i jānerabatia,
 Simeón ñamasir'i jānerabatia,
 Lev'i ñamasir'i jānerabatia,
 Isacar ñamasir'i jānerabatia,
 Zabulón ñamasir'i jānerabatia,
 José ñamasir'i jānerabatia,
 to yicōari, ñatusamasir'i Benjam'in ñamasir'i jānerabatia,
 ña jedirojune doce mil ñarā ñacōaama ña, Dios vāmere ucatuecorā —yure yicama.

Jājarā botise sudi sāñarā Diore ña rūsabuoore queti

⁹ To ña yiro bero, ɲɲɲ ya cūmuro, to yicōari, oveja macure bajiro rijabosacacɲ rījorojɲa, jājarā masare ñacajɲ yɲ. Tocārāca macana, cojo masa jūna rɲyabeto, ricatiri rīne ñagōrā, to yicōari, cojo sita rɲyabetoana ñacama ña. Jājarā masu ña ñajare, ñare mani cōñajama, cōñajeomenaja. Sudi botise sāñacōari, jūqueri sɲocama. ¹⁰ To bajicōari, ruyugoaro ado bajise ñare yicama:

—Yua rūsabuoogɲ, Dios, rotigɲ ī rujiri cūmurore rujigɲ, to yicōari, oveja macure bajiro rijabosacacɲ, ñane ñaama rojose tāmɲotɲjabetiriaroju yua vaborotire yure yirētobosarā —yicama ña.

¹¹ To bajiro ña yirone, ángel mesa ñajediro, to yicōari, bɲcɲrā, veinticuatro ñarā, to yicōari, babaricārācɲ ñañamana, ɲɲɲ ya cūmuro tɲɲ rŭgōgānibiacama ña. Gājerā ruyugoaro ña ñagōsere ajicōari, Diore rūsabuoogā, ī rījorojɲa muqueacama ña.

¹² Muqueacōari, ado bajiro yicama:

—Riojo gotiama ña. Mure rūsabuoaja yua quēne. Quēnaro mure yirūsabuo variquēnaroti ñaja. Rētoro quēnagŭ ñaja mɲ. Quēnaro yaja mɲ. Mɲ rotijama, mure cudiruarāma ñajediro. Rētoro masigŭ ñaja mɲ. To bajiro mɲ bajijare, quēnaro mure yirūsabuo variquēnacōa ñarŭgŭroti ñaja. To bajirone bajiato —yicama ña, Diore gotirā.

¹³ To ña yiro bero, sīgŭ bɲcɲ, ado bajise yure sēniñacami:

—Botise sudi sāñarā, ¿no bajiro bajiriarājɲa ñati? —yure yisēniñacami.

¹⁴ To ī yijare, ado bajiro ñre cūdicajɲ yɲ:

—Masibeaja yɲ. Mɲ masigŭja. Yure gotiya —ñre yicajɲ yɲ.

To bajiro yɲ yijare, ado bajiro yure gotimasiocami:

—Ña ñaama rētoro rojose tāmɲoriarodo bɲto rojose tāmɲoarine, Cristore ajitirānɲ tɲjabetiriarā. Rojose yiriarā ñaboarine, rojose ña yirere yitɲjacōari, “Rojose yɲ yise vaja yure vaja yijeobosayumi Cristo”, yitɲoñariarā ñaama. To bajiro yiriarā ñari, Cristo ī rijabosare sɲori, “Rojose mana ñaama”, Dios ī yirā ñaama.

¹⁵ To bajiro Dios ī yirā ñari, ī ya cūmuro rījorojɲa ejacōari, ī bojasere yitɲjabeama ña. Ī tɲana ñari, ñiejɲa rojose yiecobetiruarāma ña. ñare quēnaro coderŭgŭrɲcɲmi Dios.

¹⁶⁻¹⁷ To bajicōari, oveja coderimasure bajiro ñare quēnaro coderŭgŭrɲcɲmi Cristo quēne. Oco catire ñare iocōari, ñare ũmato ñarŭgŭrɲcɲmi. To yicōari, “Jɲaji sɲtiritibeticōato” yigɲ, ñare quēnaro yirɲcɲmi Diojɲa. To bajiro ña yijare, ñiorijabetiruarāma. Tudi oco idirɲabetiruarāma. To bajicōari, muiju ñare tudiasibetirɲcɲmi. To bajiri muiju ī asise tudi asisājabetiruarāma —yure yigotimasiocami.

8

Rɲyarijɲ sɲoñiariajɲre jānere queti

¹ To ī yiro bero, oveja macure bajiro rijabosacacɲ, cojomo cōro jɲa jēnituarorācɲjɲ sɲoñiariajɲre jānecami. Tijure ī jānerone, yoaro treinta minuto cōro oca mano ñacajɲ.

² To bajiro ti bajiro tɲsarone, cojomo cōro, jɲa jēnituarirācɲ ángel mesa, Dios rījoro ña rŭgōsere ñacajɲ yɲ. Cojomo cōro, jɲa jēnituarirāca jutiriari trompeta vāme cɲtiricari

boca juacama ñna. ³ Gãji ángel, orone quēnoribajaja, sutiquēnase soemñoriabajare cñogñ ñacami. Uñu ya cñmuro rñjorojña Diore rñcñbñorã, ñna soemñorijñ orone ñna quēnorijñ tñjñ tibajare ñmiejarñgñcñami. Ñ ejarñgñrone, Dios yarã Cristore ajitirñññ tñjabetiriarã, Diore ñna sēnise rãca vñocñari, Diore rñcñbñogñ ñ soemñorotire yirã, jairo sutiquēnase ñre ñsicama ángel mesa. ⁴ Tire ñ soemñorone, buese quēnaro sutiquēnase Diore bueejacajñ. Dios yarã ñre ñna sēnise quēne ejacajñ, ñ tñjñ. ⁵ Tire soemñogajano, ñ cñoribajare soemñorijññaye rñti yaasere sãjñññocñacami. Tire sãjñññocñari, adi macarñcñrojñ jioreajeocñacami. To ñ yirone, adi macarñcñrojñ bñto bñjo yabecñari, jacami. To ñ yise bñto bñññcñajñ. To bajicñari, bñto gñiuro ocaruyucajñ. To bajicñari, sita sabecajñ.

Trompeta vãme cñtiricarire ángel mesa ñna jutire queti

⁶ To ñ yiro bero, trompeta vãme cñtiricari jutirñarã, cñocama ángel mesa, cojomo cñoro jññ jēñituarirãcñ ñnarã.

⁷ Rñjoroagñ jutisñocami. Ñ jutisñorone, yñññjedise oco veta vējacajñ. To bajicñari, jea ñjñse, rñ'i vñsase, vējacajñ. Ti vējaronē, adi sita idiajñ ñasere cojojñ cññariaro cñoro ñajedicoacajñ. Yucñri, jediro ta catise quēne, ñajedicoacajñ.

⁸ Ñ beroagñ juticami quēna. Ñ jutirone, ñññaricñ gñtaure bajiricñ ñacñari, moa riagajure ñjñrocaroacoacajñ. To ti bajirone, moa riaga idiajñ ñasere cojojñ cññariaro cñoro rñ'i godovedicoacajñ. ⁹ To bajiri moa riagana ñajediro idiajñ ñaboariarã cojojññana cññariaro cñoro bajireajedicoacama. To bajicñari, cññuari jacase idiajñ ñaboariajñ, cojojñ rujajedicoacajñ.

¹⁰ Ñna beroagñ juticami quēna. Ñ jutirone, ñ vecagñ ñoco jaigñ quedicoacami. Jea ñjñrore bajiro ñjñcñã quedirujiacami. Oco idiajñ ñasere, cojojñ cññariaro cñoro rocaroacoacami. ¹¹ Sñegñ vãme cñticami ñoco. To bajiri ñ rocaroarijñne, idiajñ ñase, cojojñ cññariaro cñoro sñese godovedicoacajñ oco. To bajiri tire idicñari, jãjarã masa bajireacama.

¹² Ñna beroagñ juticami quēna. Ñ jutirone, ñññagñ muiju, ñamiagñ quēne, ñocoa quēne, ñna busurñgñro cñoro busubeticama ñna yuja. Idiajñ cñoro, cojojñ cññariaro cñoro busuboariarã, busubeticoacama ñna. Cojorñññ jediro busuboare, babari horari busumasibeticami. Ñamire quēne, ñamiagñ muiju, ñocoa quēne, cojo ñami jediro busuboare, babari horari busumasibeticama. To bajiri, ñññña, ñami quēne ñna busubetijare, bñto rētiacajñ.

¹³ Tñjñ bero, ñ vecajñ ga ñ vñsere ñacajñ yñ. Vñgñne ado bajise ruyugoaro goticami:

—Bñto gñiiose ñarñaroja adi macarñcñroanare. Bñto rojose tãññorñarãma ñna. Ángel mesa idiarã, ñna jutiroti rñyaja. Ñna jutirone, bñto rojose tãññorñarãma adi macarñcñroana —yigoticami ga.

9

¹ To bajiro ñ yigotiro bero, cojomocñrãcñ tusacñ juticami ángel. Ñ jutirone, sñgñ ñoco adi macarñcñrojñ ñ quedirujiato ñacajñ yñ. Ñ ñacami tusabetigoje ñna tubiberiagojere jãñariarore Dios ñ ñsicacñ. ² Quedirujiacñari, ti gojere jãñacami. Ñ jãñarone, jairime jeame ti buemñjarore bajiro buemñjacajñ. Jairo buejñññcñari, rētiacoacajñ. To bajicñari, ruyubeticami muiju quēne. ³ Bueri vatoajñ joreroa jãjarã vñbatecama, adi macarñcñrore. Cotibaja ñ toarore bajiro ññare toaroticami Dios. ⁴ “Tare, yucñrñre, no bojase judisere barojobesa mña”, Dios ñ yicana ñacama ñna. “Ñna riovecare, ‘Ñni ñaami Dios yñ’ yi vãme ucatu ecomena rñrene rojose yirñarãja mña”, Dios ñ yiroticñacana ñacama. ⁵ Ññare gñjanabiorotiboarine, sñarotibeticami Dios.

—Cojomocñrãcñ muijua, cotibaja ñ toarore bajiro ññare toarñgñrñarãja mña —ññare yiroticami.

⁶ —Tocñrãcñ muijuane bñto rojose tãññorã ññari, bñto bajirearñboarñarãma. To bajiboarine rijamasibetirñarãma ñna —ññare yicami Dios.

⁷ Yñ ñajama, sñarimasa, gãmerã sñarñarã caballo mesare ññare toose turñarãre bajiro bajirã ñacama joreroa. Ñna rñjoari joere orone quēnoribedorire bajise jeocama. Ñna

riogarima, masu riogare bajise ñacaju. ⁸ Yoese joa cuticama. To bajicōari, yai, león vāme cutigu gujire bajise jacase guji cuticama. ⁹ Īna rujurire toose cōme gase ñacaju. Īna vñjama, bũto busucaju. Gāmerā sīaroana, caballo mesa jairo tūnuricori ĩna tñavatore bajiro ocaruyucaju ti. ¹⁰ Cotibaja ĩ toaricare bajise toaricari cutirā ñacama joreroa. Īna toajama, cojomocārācu muijua cōro yoaro ti jūnijare, rojose tām̃orūgūcama. ¹¹ Joreroa ɛju, ángel rojogu ñacami. To bajicōari, tusabetigoje ɛju ñacami. Hebreo oca rāca Abadón vāme cuticami. To bajicōari, griego ye rāca Apolión vāme cuticami. “Rearimasu” yire ũni ñaja ti.^d

¹² To bajirone bajicaju joreroa ĩna toase rāca masa rojose ĩna tām̃oroti quēne. Tire bajirone bajiruroja adi macarucuro tusarirūmuri rojose ĩna tām̃osoroti. Tijū bero, rojose ĩna tām̃oroti jūaji ruyacaju quēna.

¹³ Joreroa ĩna toaro bero, cojomo cōro coja jēnitarirācu tusacu ángel juticami. Ī jutirone, Diore rūcub̃orā, ĩ rījorojua sutiquēnase, ĩna soem̃oriajū orone ĩna quēnorijū ñase babaricārāca saviari gudarecojū ocaruyucaju. ¹⁴ Ī jutirone, ado bajiro ocaruyucaju:

—Riaga, Éufrates vāme cutirisa tujū babaricārācu ángel mesa rojose yirāre yu siacūcanare ojaaya —yi ocaruyucaju.

¹⁵ To bajiro ti yi ocaruyujare, “Idiajū ñaboariajū, cojojūanare masare sīajeocōato” yigu, ĩnare ojacami. “Tirodone, ĩ muijune, tirūmune, ti horane masare sīaruarāma” ĩ yituoīariarore bajirone ĩna yirotere yigu, ĩnare siacūñuju Dios. ¹⁶ ĩnare ĩ ojarero bero, jājarā masu, surara mesa, caballo joejū jesarāre ĩacaju yu. “Doscientos millones ñaama” yi ocaruyusere ajicaju yu.

¹⁷ Yu ĩajama, ado bajiro bajicama: ĩna rujurire toose ricati rīne ñacaju. Gājerā sūase, gājerā ũm̃agaserore bajiro sūmese, gājerā surise sāñacama. Caballo mesa, yai, león vāme cutigu rñjoare bajiro rñjoari cuticama ĩna. ĩna riserijū budicaju jea bueri. To yicōari, rojose sutise azufre vāme cutise quēne budicaju. ¹⁸ Idiajū ñaboariajū, cojojūanare masare sīajeocōacaju ti, caballo mesa riserijū budicati. ¹⁹ ĩna riseri budise suorine gūiorā masu ñacama. ĩna jīcorori quēne āñare bajise ñacaju. To bajicōari, āña ĩ rñjoa rāca ĩ cūnirore bajiro gūioro yise ñacaju.

²⁰ Jājarā ĩna sīaecosere ĩaboarine, ĩna sīarūacanajuama ado bajiro rojose yicōa ñarūgūcama: Vātiare rūcub̃ocōa ñarūgūcama. To yicōari, rūcub̃oruarā ĩna quēnoriarā ñacama: Oro, plata, bronce, gūta, yucú quēne ti rāca quēnocōari, rūcub̃orā ñacama. ĩna quēnoriarā, ĩase me, vase me, ajise me ti ñaboajaquēne, tire rūcub̃ocōa ñarūgūcama.

²¹ To yicōari, gājerāre sīacōa ñarūgūcama. Masare rojacōa ñarūgūcama. Dios ĩ bojabetire ajeriarā cuticōa ñarūgūcama. To yicōari, juarudicōa ñarūgūcama.

10

Ángel, papera tūnariajotiaca cuogu ĩ bajire queti

¹ Tijū bero, gajeye ado bajise bajicaju: Sīgū ángel, gājerā ángel mesa rētoro tutuagu, o vecaju buerigaseri vatoajū rujiacami. Ado bajiro bajicami: ĩ rñjoa vecare buerimamū ñacami. ĩ riogama, muiju ũm̃agure bajiro busucaju. ĩ ñicugūri quēne, jeare bajise yaacaju. ² Papera tūnariajotiaca ojacōari cuocami. Rujiejacōari, ĩ gūbo riojojacatuajū, moa riagajū cudarocarocami. Gācojacatua gūbo boejūa cudacūcami. ³ To yicōari, ruyugoaro avasācami. Yai, león vāme cutigu ĩ avasārore bajiro ruyucaju, ĩ avasācati. Ruyugoaro ĩ avasārone, cojomo cōro, jua jēnitarirācu bujoa ñarā ĩre cūdi ocaruyucama.

⁴ ĩna cūdi ocaruyusere ajicōari, ucaguagu yiboacaju yu. Tire ucaguagu yu yirone,

—Tire ucabesa. To yicōari, gājerāre gotibesa —yure yi ocaruyucaju, o vecaju.

⁵ To bajise ti yi ocaruyuro bero, cojojacatua gūbo moa riagajū cudarocarocōari, gaje gūbo boejū cudacūcōari, ĩ āmo riojojacatua ĩ ñum̃osere ĩacaju yu. ⁶⁻⁷ “Yu gotirore bajirone bajiruroja’ ĩre mani yimasirotere” yigu, ado bajise yicami yure ruyuaīocacu:

^d 9:11 Apolión ti gotijama, “Rearimasu” yire ũni ñañuju.

—Catim̄orũgõroc̄u, Dios, õ vecaye, to yicõari, adi macaruc̄uroaye jediro rujeocas̄u, ï ïaro r̄ijorojua riojo yu gotirũgũrore bajirone ado bajise yaja yu: Cojomo cõro jua jẽnituarirãc̄u tusac̄u ángel ï jutitusarir̄imarone, masa ïna masibeticati, “Ado bajiro yiruc̄uja yu” gotirẽtobosarimasare ïnare ï yicatore bajirone yijeoc̄aruc̄umi Dios, yicami yũre ruyuaĩocas̄u. “To cõrone yijeoruc̄uja yu” ï yitũoĩariajũ ejaja —yicami yuja.

⁸ To ï yiro bero, õ vecajũ yu ajicati quẽna ado bajiro yũre gotirẽmo ocaruyucajũ:

—Ángel riojojocatua gũbo moa riagajũ cudarocarocõari, gaje gũbo boejũ cudacũcõari ñagũ tũjũ vasa. Papera tũnariajotiaca ï cudorijotire ãmiaya —yũre yĩ ocaruyucajũ.

⁹ To bajiro ti ocaruyusere ajicõari, ángel tũjũ vacajũ yu. ï tũjũ ejacõari,

—Tijotiacare yũre ïsiña —ĩre yisẽnicajũ yu.

To yu yisere ajicõari, yũre ïsigũne, ado bajiro yũre yicami:

—Ũma. Baya mũ. Adijotiacare mũ barone, beroa ocore bajiro ibisitirũaroja mũ risejũ. To bajiboarine, mũ baro bero, mũ gudajoajũ sũecoarũaroja —yũre yicami.

¹⁰ To ï yijare, tijotire ãmicõari, bacajũ yu. Beroa ocore bajiro ibisiticajũ. To bajiboarine yu baro bero, yu gudajoajũ bũto sũecajũ. ¹¹ Yu baro bero, ado bajiro yũre goticami ï quẽna:

—Masa tocãrãca macana, cojo masa jũna ruyabeto, cojo oca ruyabeto ñagõrã, to yicõari, cojo sita ruyabetoana ïna ujarã quẽne ïna bajiotire goti r̄ijoro yiroti ñaja mũre quẽna —yũre yicami.

11

Juarã Cristore gotirẽtobosarimasa ïna bajiroti queti

¹ To ï yiro bero, cõĩariũre yũre ïsicami ángel. ï ïsirona, ado bajiro yũre yĩ ocaruyucami Dios:

—Tiũ rãca yũre yirũcũbuoriavire cõĩaaya. Yũre rũcũbuorã ïna soem̄orijũre quẽne cõĩama. To yicõari, “¿Nocãrãc̄u masu ñati yũre rũcũbuorivijũ rẽjarã?” yigũ, ïnare cõĩama. ² Ti vi tu ñaritũcurorema cõĩabesa. Yũre ajimena yatũcuro ñarũaroja ti tũcuro. Tojũre idia cũma gaje cũma gudareco cõro yu ya macajũre rojose yicudirũarãma ïna.

³ To bajiri juarã yũre gotirẽtobosaronare cõaruc̄uja yu. Idia cũma, gaje cũma gudareco cõro yũre gotirẽtobosa ñarũarãma ïna. “ ‘Sũtiritiama’ yĩato” yimasiore sudi sãñacõari, gotiñarũarãma —yũre yĩ ocaruyucami Dios.

⁴ ïna juarã gotirẽtobosarimasa ïna ñajama, adi macaruc̄uro uju, Dios ïaro r̄ijorojua, ju olivo vãme cutiũri, to bajicõari, sãbusuojeoriajũri, juajũ ti ñarore bajiro ñarã bajicama.

⁵ Gotirẽtobosarimasare ïaterã, ïnare rojose ïna yirũaboajama, ïna riserijũ jea budicajũ. Ti rãca ïnare soereajeocõacama ïna. ⁶ Oco quedise ïna bojabetijama, “Oco quedibeticõato” yirã ñacama. To bajiri, Diore ïna gotirẽtobosarirodo cõrone “Oco quedibeticõato” yicama. Ocore quẽne, ri'i godoveomasirã ñacama. To yicõari, adi macaruc̄uroanare, no ïna bojase “Rojose tãmũoato” yimasirã ñacama. No ïna bojarore bajiro tire yimasirã ñacama.

⁷ Diore ïna gotirẽtobosa gajanorone, ïnare sãguagu ïna tũjũ mũjajecami tusabetigo-jeagu gũiogu. To bajicõari, ïnare sãareacami. ⁸ ïnare sãareacõari, jairimaca varia maajũ ïna rujũre cũcami. Mani ujuũre ïna jajuĩacati maca ñacajũ ti maca. Ti macana bũto rojose yirã ñari, Sodoma macana ñamasiriarã, to yicõari, Egipto sitana ñamasiriarãre bajiro yicama ïna. ⁹ To bajiri gũiogu ï sãcana idiarũmũ gajerũmũ gudareco maajũ cũñacajũ ïna rujũri. Masa ñajediro, cojo jũnana ruyabeto, cojo sitana ruyabeto, ïna rujũre ïacama. Sĩgũri, ïacõari, ïna yujerũaboajaquẽne, ïnare maticami gũiogu. Bũto ïna ïaterã ïna ñajare,

—Ënare yujebeticõato —yicama masa. ¹⁰ Gotirẽtobosarimasa ïna rijacoajare, jãjarã masa, bũto variquẽnacama. Variquẽnarã ñari, vaja manone gajeyẽni gãmerã ïsicama.

—Ëna juarã manire rojose yibetirũarãma yuja —yivariquẽnacama.

¹¹ To bajiro ñna yiboajaquēne, idiarũmu gajerũmu gũdareco tusatone, ñnare catiocami Dios. To ñ yijare, tudicaticõari, ñna vãmũrũgũsere ñaũcacõari, bũto gũicama masa. ¹² To ñna bajirone, õ vecajũ ruyugoaro ado bajise ocaruyucajũ:

—Adojũna mũjaaya —yi ocaruyucajũ.

To bajiro yi ocaruyucati ajicõari, masa ñnare ñaterã ñna ñarone, buerigaseri vatoajũ mũjacoacama ñna. ¹³ Ñna mũjatone, adi macarũcũro bũto sabecajũ. Ti saberone, ti macare mil ñariviri ti ñajama, cien ñariviri juriavẽjacajũ. To ti bajirone, siete mil masa bajireacama. Gãjerã, catirũyarã, ñaũcacoacama ñna quēna. Bũto gũirãne Diore rũcũbuocama.

¹⁴ To bajiro ñna bajicati, jũaji bajitũsacajũ. Yoato mene rojose tãmũocama ñna quēna.

Cojomo cõro jũa jẽnituarirãcu tũsacu ángel trompeta rãca ñ jutitũsare queti

¹⁵ Masa Diore ñna rũcũbuoro beroacane, cojomo cõro jũa jẽnituarirãcu tũsacu, Dios tũagu ángel jutitũsacami. Ñ jutirone, õ vecajũ jãjarã masa ñna oca jedirore bajiro ruyugoaro ado bajiro yi ocaruyucajũ:

—Dios mani ẽjũ, Cristo quēne, ñajediro ẽjarã masu ñaama yuja. Adi macarũcũroana ñajediro, rojose yirã quēne, cũdibetirũaboarine, ñna bojarore bajiro rĩne ñna cũdirotire yirã, yama. To ñna yijare, ñimarãjũa ñnare cũdibetirone manirũarãma yuja. To bajiro rĩne rotirũgũrũarãma —yi ocaruyucajũ, õ vecajũ.

¹⁶⁻¹⁷ Ti ocaruyusere ajicõari, veinticuatro ñarã bũcũrã, Dios rĩjorojũa, ẽjũ ya cũmuror-ijũ rujiriarã ñari, rũjuqueacõari, sitajũ muqueacoacama ñna. To bajiro yicama, ñre rũcũbuorã. To yicõari, ado bajiro Diore basarũcũbuocama:

—Ñajediro masijeogu ñaja mũ. Tirũmũjũ ñamasir'i ñaboarine, adirũmũrire quēne ñacõa ñarũgũgũ ñaja mũ. To bajiri quēnaro rotisũogu yaja mũ. Tire tũoĩacõari, “Quēnaro yaja” mũre yivariquēnaja yũa.

¹⁸ Mũre masimena bũto mũre jũnisiniadicama ñna. Yũcũrema, mũjũna, ñnare ña-jũnisinicõari, rojose ñna yise vaja rojose mũ yirotirũmũ ejacoajũ. Rojose ñnare yicõari, mũre gotirẽtobosarimasare, to yicõari, mũ yarã, mũre rũcũbuorã ñamasurã, ñamasumena quēne, ñna jedirore quēnaro ñna yire vaja, quēnaro ñnare yirũcũja mũ. Adi macarũcũroanare gãjerãre rojose yirãre rojose tãmũotũjabetirarojũ ñnare mũ rearotirũmũ ejacoajũ yuja —Diore yibasarũcũbuocama, Dios rĩjorojũa muqueacana.

¹⁹ To ñna yirone, õ vecajũ Diore rũcũbuoriavi soje jãnacoacajũ. To bajirone, ti vi jubeajũre Dios ñ rotimasire sãñarijataro ruyucajũ. Ruyucõari, tijũne bũto bũjo yabecõari, jacami. To bajicõari, bũto gũiuro ocaruyucajũ. To bajicõari, sita sabecajũ. To bajicõari, yũsũjedise oco veta bũto vẽjacajũ.

12

Rõmio tũju gũsore bajigu ñagũro ñ bajire queti

¹ Bero, õ vecajũ ñmũagaserojũre, gaje vãme ñamasuse bajirotire ñoro ruyucajũ. Ñasũose rõmio ruyucamo. Ɛmũagu mũiju ñ yaasere bajiro jaarito sudiro sãñagõ ñacamo. Ñamiagu mũiju joere rũgõcamo. So rũjoa jeoriabedore jũaãmo cõro, jũa jẽnituarirãcu ñocõa ñacama. ² Macũ sãñagõ ñari, macũ cutigoago, bũto visiogone avasãcamo so. ³ Tijũ bero, quēna õ vecajũ, gaje vãme ñamasuse bajirotire ñoro ruyucajũ. So tũju gũsore bajigu ñagũro, sũagũ ñacami. Cojomo cõro jũa jẽnituarirãca rũjoari cuticami. To bajicõari, jũaãmo cõro jotari cuticami. To bajicõari, tocãrãca rũjoari joere ẽjarãre rotibosarã ye jeoriabedori jeocami. ⁴ To bajicõari, ñocõa idiajũ ñaboariajũ, cojojũanare ñ jĩcoro rãca ñnare javẽjacami, adi macarũcũrojũ. Ñnare javẽjacõari, rõmio rĩjorojũa ejarũgũ ejacami, so macũ cutirone ñre sĩabarũ. ⁵ To ñ bajirone, masa jediro ẽjũ ñarocũre, macũ cuticamo so. Ñ ñacami bũto rotirocũ. Gũsore bajigu ñagũro sũcare ñ barũajare, ñre so macũ cutirone, ñmimũjacõari, Ɛjũ Dios ya cũmurojũ ñre rojocama, sũcare. ⁶ Rõmiojũa quēne,

gusore bajigu ñagũrore rudiacõari, masa ña ñabetoju, “Toju ñarucocomo” Dios ï yiriajũre ejacamo. Tojũre idia cũma gaje cũma gũdareco cõro sore codeñacami Dios.

⁷ Sore ï codero bero, õ vecaju ña gãmerã quẽaro ïacaju yũ. Miguel rãcana ángel mesa, vãtia ẽju, gusore bajigu ñagũro yarãre quẽacama ña. ⁸ Gusore bajigu ñagũro yarãjuã, quẽatĩmabeticama. To bajiri Miguel rãcanajuã, ñare quẽatĩmacõari, ñare bureacõacama, õ vecajũre. ⁹ To bajiro ña yijama, tojũre ñabeticõari, adi macarucũroju ña ñarotire yirã, yicama. Gusore bajigu ñagũrore yũ yijama, vãtia ẽju Satanás yigu yaja. Adi macarucũro masa ñajedirore “Dios ï bojabetire yato” yigu, yitorimasũ ñaami. Cojojirema, diablo ïre yire ñaja. Tirũmũju ñare bajigu ñacõari, yitomasir'i ñaami.^e

¹⁰ Tiju bero, õ vecaju ruugoaro ado bajiro ocaruyucaju:

—Masa, ïre ajitirũnrã, rojose tãmuotujabetiriaroju ña vaborotire ñare Dios ï yirẽto-bosariju ejacoju yuja. Adi macarucũro ñajediroana, rojose yirã quẽne, cudibetirũaboarine, ña cudirotire yirã, yama Dios, mani ẽju, Cristo quẽne. To bajiro ña yijare, ñamari, ñamiri quẽne Dios rĩjorojuã rũgõcõari, masare mani mairãre Cristore ajitirũnrãre “Rojose ñaja” ñare yĩñagõmacarũgũboagũre Satanás ïre burocacõamũ mani yuja.

¹¹ Cristo oca riojo gotisere ajicõari, “Ï rijabosare sũorine rojose yua yise vaja, yũare vaja yijeobosayumi Cristo” yitũoĩacõari, ï yere gotitũjamena ñari, sĩaecoyuma. To bajiro yitũoĩacõari, ña gotitũjabetijare, adojuãre ñamasibeami Satanás yuja, “Rojose yama. To bajiri rojose ñare yiroti ñaja” masare ñare yigoti yiroboagũ.

¹² To bajiri adojuãre Satanás ï ñamasibetijare, variquẽnato mani. Mani variquẽnaboajaquẽne, macarucũroanare, riagarianare quẽne, bũto rojose bajirũaroja. Macarucũrojuãre mani rocagũ, “Yoaro mene yũ bojarore bajiro yũ yitũjarotire yirũcũmi Dios” yimasicõari, bũto jũnisinigũmi —yĩ ocaruyucaju, õ vecaju.

¹³ “Õ vecaju ñagũre yũre rocarujioyuma Dios yarã, adi macarucũroju yũ ñarotire yirã” yitũoĩamasicõari, rõmio macũ cuticacore sũyacami gusore bajigu ñagũro. ¹⁴ Sore ï sũyaboajaquẽne, ga jaigu querũjũri sore ïsicami Dios, so vũrotire yigu. “‘Masa ña ñabetoju, toju ñarucocomo’ Dios ï yiriajũre vũ ejacõari, quẽnaro ñato” yigu, sore ïsicami. Tojũre idia cũma gaje cũma gũdareco cõro bare sore ecacõari, codecami Dios. ¹⁵ So vũrudisere ïacõari, sore sĩarucacami gusore bajigu ñagũro. To bajiri ï riseju jairo oco yibucami, sore ruurũ. ¹⁶ To bajiro ï yiboajaquẽne, sita sore ejarẽmocaju. Oco ï yibubosere udijuajeocõacaju. ¹⁷ To bajiro ti bajiro ïacõari, bũto sore jũnisinicami gusore bajigu ñagũro. Sore sĩamasibeticõari, so jãnerabatijũare sĩagũ vacami yuja. Ña ñacama Dios ï rotisere cudirã, Jesús sũorine riojo ña masisere ajitirũnũ tũjamena. ¹⁸ Ñare sĩarũ, moa riaga tũsaroju rũgõcami gusore bajigu ñagũro.

13

Ïaĩañamana gũiorã jũarã ña bajire queti

¹ Tiju bero, ado bajise bajiĩocaju quẽna: Sĩgũ gũioogu, moa riagaju majadicami. Cojomo cõro, jua jẽnituarirãca rũjoari cuticami. To bajicõari, juaãmo cõro jotari cuticami. Tocãrãca jotari joere ẽjarãre rotibosarimasa ye jeoriabedori jeocami. To bajicõari, “‘Dios ñaami’ yũre yĩãto” yigu, tocãrãca rũjoariju “Dios ñaja yũ” yisocari vãme ucatu ecoyumi.

² Macarocagũ yai, leopardo vãme cutigure bajiro bajigu ñacami. Ï gũborima, bũco gũborire bajise gũbori cuticami. Yai, león vãme cutigu risere bajiro rise cuticami. Gusore bajigu ñagũro, ïre bajiro ï rotimasirotire yigu, ï masisere ï ẽjocacũ ñacami. ³ Coja ï rũjoare catibetirocũre bajiroju jairicãmiro, cãmiro cuticami. To bajiroju bajicõacacũ ñaboarine, “Rijabesujari” yitũoĩacõari, ïre ajitirũnũ sũyacama adi macarucũroana jediro. ⁴ ïre ajitirũnũcõari, gusore bajigu ñagũrore quẽne rũcũbũocama masa, ï masise ï ẽjocacũ ï ñajare. Gãjijũare, yaire bajigu ñagũre ado bajiro rũcũbũocama:

^e 12:9 “Yitorimasũ” yirũaro yaja diablo ti yijama.

—Gāji, ĩre bajiro bajigu magūmi. ĩ rāca ĩna gāmerā quēajama, ĩmujua ĩre quēarēto-
becumi —ĩre yirūcubucocama masa.

⁵ —Yū ĩaja rētoro ĩamasugū. ĩmū gāji yure bajiro bajigu magūmi —yigoticami
gūiogū. To yicōari, Dios ĩ ajitese masu ĩre ĩagōmacacami. ĩdia cūma gaje cūma
gudareco cōro ĩnare rotīnacami. To bajiri gūiogū rojose ĩ yīnasere, “Tire yibeticōaĩa”,
ĩre yibeticami Dios. ⁶ “Yibesa” ĩ yibetijare, to bajirone goticōa ĩnacami: Diore, ĩ ĩarojare,
to yicōari, ĩ tūanare quēne rojose ĩagōmacacōa ĩnacami. ⁷ To bajiri, Diore ajitirūnūrāre
sāareacōari, adi macarucuro jediroanare roticami. “ĩnare rotibesa” Dios ĩre ĩ yibetijare,
to bajiro yicami. ⁸ Adi macarucuro ĩ rujeoroto rījorojū, “Ado cōro ĩnaruarāma yū tujū
ĩarūgūrona” Dios ĩ yiriaturire cūocami oveja macure bajiro rijabosacacū. To bajiro Dios
ĩ yibetiriarā rīne gūiogure ĩre rūcubucoruarāma.

⁹ To bajiri, adi oca mure yū gotisere mūa ajimasirūajama, quēnaro ajiya mūa:

¹⁰ “Yū yarā, Cristore ajitirūnūrā, adocārācū tubiberiavijū tubibe ecoruarāma” Dios ĩ
yitūōariare bajiro bajiruarāma. To bajiri, sāacorona quēne, “Sāacoruarāma”
ĩ yiriaro cōrone bajiruarāma.

“To bajirone bajiruaraja’ Dios ĩ yire ĩajare, bajiaja” yitūōarā, Cristore ĩna ajitirūnū
tūjabetijama, quēnaruaraja.

¹¹ To bajiro yure bajīocati bero, quēna gāji gūiogū sita tūcurojū joe jeaejacami.
Oveja macū mame jotari bugure bajiro jotari cutigu ĩnacami. To bajiboarine, gūsure
bajigu ĩagūro, ocare bajiro ĩagōcami. ¹² Gāji, sita tūcurojū joe jeaejacacure rotigu
ĩnacami gūiogū, moa riagajū majadicacū. ĩre rotigu ĩ ĩajare, ĩ ĩaro rījorojūa ejarūgū
ejacōari, jediro ĩ masise rāca ĩre rotibosacami sita tūcurojū joe jeaejacacū. To yigūne,
adi macarucuro ĩarā jedirore, ĩ ũjare rūcubucoroticami. ¹³ To yicōari, ĩaĩañamanire
yīōrūgūcami. To yigūne, masa ĩna ĩaro rījoro ō vecaye jea ũjvējase yīōrūgūcami.
¹⁴ Gūiogū, moa riagajū majadicacū ĩ masise ũorine ĩ ĩaro rījorojūa ĩaĩañamanire yīōgū
ĩari, adi macarucuro ĩarā jedirore ado bajiro ĩnare yitocami:

—Moa riagajū majadicacure jariase rāca ĩna jasāboajaquēne, rijabetir'i ĩ ĩajare, ĩre
rūcubucorā, ĩre bajigu quēnoña. ĩre bajigu quēnogajanocōari, ĩre rūcubucoya —ĩnare
yitocami, “Dios ĩ bojabetire yato” yigu.

¹⁵ To ĩ yitoro bero, ĩna quēnorujeocacure ĩagōgū ĩre godoveocami sita tūcurojū joe
jeaejacacū. To ĩ yijare, ĩagōcōari, ĩre rūcubucomenare sīacōacami. ¹⁶ To yicōari, “Masa
jediro ucatu ecoruarāma”, yiroticami. To ĩ yijare, gajeyeūni jairā, maioro bajirā quēne,
gājerāre moabosarā, moabosamena quēne, ĩna āmo riojojacaturare vāme ucatu ecocama
ĩna. ĩna āmore ĩna ucatubetijama, ĩna riovējare vāme ucatu ecocama. ¹⁷ To bajiro ĩna
yiecocati, gūiogū moa riagajū majadicacū ya vāme ĩacajū. To bajiro ti bajibetijama, ĩ ya
nūmerojuā ĩacajū. Ti vāme ucatu ecomena, ĩsicōari, vaja sēnimasibeti, ĩna bojasere vaja
yimasibeticama.

¹⁸ To bajiri, ĩ ya nūmero, 666 ĩacajū ti. Ūmū vāme yire ũni ĩacajū ti nūmero. “To
bajirivāme yire ũni ĩaja” yimasiruarā, quēnaro ĩnare bueroti ĩaja.

14

Rojose tām otūjabetiriarojū vaboronare Dios ĩnare ĩ yirētosarō ĩna basaroti queti

¹ Tījū bero, ado bajise bajīocajū quēna: Sīōn vāme cuti buro joe rūgōcami oveja
macure bajiro rijabosacacū. ĩ rācana ĩnacama ciento cuarenta y cuatro mil masa. ĩna
riovecarijū oveja macure bajiro rijabosacacū vāme, to yicōari, ĩ jacū vāme ucatu ecoriarā
ĩnacama. ² Bero, ō vecajū oco menirore bajiro ruyugoaro ocaruyucajū. To bajicōari,
būjo ĩ jaro bususere bajiro ruyugoaro ocaruyucajū. To bajicōari, arpa vāme cutise rāca
jājarā masa ĩna jabasarore bajiro ocaruyucajū. ³⁻⁵ Babaricārācū ĩaĩañamana, to yicōari,
būcūrā, ũjū ya cūmuro ture ĩnacama. ĩna ĩaro rījoro, ciento cuarenta y cuatro mil masa,
mame basa basacama. ĩna rīne ti basare masicama. ĩna ĩnacama adi macarucuroana
Satanás bojasere yiboariarā, Dios macū ĩ rijabosare ũorine, “ĩie rojose mana ĩato”
yigu, Dios ĩ yirētosasūoriarā. To bajicōari, rōmia rāca ajeriarā cutīamena ĩnacama. ĩna

vatoagu sīgū socagu manicami. Oveja macure bajiro rijabosacacujare ī bojarore bajiro īre ajisuyariarā ñacama.^f

Idiarā ángel mesa Diore īna gotirētobosare queti

⁶ Bero, ángel ò vecaju ī vusere ĩacaju yu. ĩ ñacami, Dios macu suorine quēnaro Dios ĩ yise quetire gotigu. Tocārāca macanare, cojo masa jūna ruyabeto, ti queti jedibetirotire goticudiguacu bajicami. ⁷ Ado bajiro ruyugoaro goticami:

—Masare Dios ĩ beserirūmu ejacoaju ti. To bajiri, güirāne, “Jediro masigū ñaja mu” Diore ĩre yirūcubuoaya. ĩ ñaami ò vecaye, adi macarucuroaye, moa riagari, oco ũmaburigojeri, ñajediro rujeomasir'i. To bajiro yimasir'i ĩ ñajare, ĩre rūcubuoaya — yigoticami ángel.

⁸ Bero, quēna gāji ángel ò vecaju ī vusere ĩacaju yu. Ado bajiro goticami:

—Babilonia vāme cuti macana rojose īna yirūgūse suorine masa jediro rojose yirūgūboama. To bajiri, ti macanare reacōami Dios yuja —yigoticami.

⁹ Bero, quēna gāji ángel ò vecaju ī vusere ĩacaju yu. Vuvacune, ado bajiro ruyugoaro goticami:

—Güiogū, moa riagaju majadicacure rūcubuoarāre, to yicōari, ĩre bajigu īna quēnoru-jeocacure rūcubuoarāre quēne rojose yirucumi Dios. ĩ vāmere īna āmoriju, īna riovecariju ucatu ecoriarāre ĩajūnisinicōari, ĩnare rojose yirucumi Dios. ¹⁰ ĩnare ĩamaibecune, buto rojose īna tāmurotire yirucumi Dios. No bojarā güiogure rūcubuoarāre rojose tāmurotūjabetiriaroju reacōarucumi Dios. Toju, azufre vāme cutise ũjūnarojure rojose tāmurogūruarāma īna. Oveja macure bajiro rijabosacacu ĩ ĩaro rījoro, to yicōari, ángel mesa īna ĩaro rījoroju rojose tāmurouarāma īna. ¹¹ ĩna ũjūrimēaye bueri buetūjabetirūaroja. To bajiri, güiogure rūcubuoarāre rojose īna tāmurose jedibetirūaroja. ĩna quēnocacure rūcubuoarā, to yicōari, güiogū vāme ucatu ecocana quēne, to bajirone rojose tāmurouarāma īna. ¹² Rojose īna tāmurotūjabetirotire tuoācōari, Dios ĩ rotisere cudirāma, Jesúre ajitirūnu tūjabetiroti ñaja mware —yigoticami ángel.

¹³ To ĩ yiro bero, ò vecaju ado bajiro yure yi ocaruyucaju ti:

—Mure yu gotisere ucaya. Variquēnase rāca ñato, mani ũjare ajitirūnu tūjabeticōari, bajirearā —yi ocaruyucaju, ò vecaju.

Tire ajicōari, ado bajiro yi ocaruyucami Esp'iritu Santo:

—To bajirone bajirūaroja. Josari moarūgūboariarā, to cōrone ũsusājaruarāma īna. Ő vecaju īna ejarone, josare īna tāmurore masicōari ĩnare vaja yirucumi Dios —yi ocaruyucami Esp'iritu Santo.

“Adi sita ñarāre beseaya”, Dios ĩ yire queti

¹⁴ To ĩ yiro bero, buerigaseri quēnaro botise ĩacaju yu. Ti joere masure bajiro rujigure ĩacaju. ĩ rujoare oro bedo jeocami. Jariase bujariasere cuocami. ¹⁵ Gāji ángel Diore rūcubuoariviju ĩ budiro ĩacaju yu. Buerigaseri joeju ñagūre ruyugoaro ado bajiro goticami:

—Ote rica bucucacoaju. To bajiri ricare jasurejuaaya —ĩre yigoticami ángel.

¹⁶ To ĩ yisere ajicōari, buerigaseri joeju ñagū, quēnase rīne besecōari, jasurejuacami.g

¹⁷ To ĩ yiro bero, ò vecaju Diore rūcubuoariviju gāji ángel budiadicami quēna. ĩ quēne, jariase bujariasere cuocami. ¹⁸ ĩ bero, vadicami gāji ángel. Diore rūcubuoarā, īna soemuroriaju tūju ñar'i, jeare codegu ñacami. Diore rūcubuoariviju budiadicōari, jariase cuogure ruyugoaro ado bajise goticami:

—Macarucuroaye ũye ñicoaju. To bajiri mu jariase rāca jasurejuaaya —yigoticami.

¹⁹ To ĩ yisere ajicōari, ti rica rojosere jasurejuacami. Juacōari, ti oco rijerotijūju cūcami. “Masa rojose īna yisere ĩajūnisinicōari, buto rojose ĩnare yirucumi Dios”, yire ũni ñacaju ti. ²⁰ Maca sojuaju cūdaabocama, ũyere. ĩna cūdaaborone, ũye oco ñaboasene

^f 14:3-5 Ap 4.2-8; 5.9-10. ^g 14:16 To bajiro ĩ yijama, Jesúre ajitirūnurāre ĩ juarotire yiro yaja.

ri'i godovedicōa yujacajɯ. Trescientos kilómetroos yoaro ri'i ũmayucajɯ. To bajicōari, caballo rɯjoa tɯsarijɯ cōro ũcɯaro ũmayucajɯ.

15

Adi macarɯcɯroanare rojose Dios ĩ yiro tire ĩre ĩna yibosare

¹ Tijɯ bero, quēna ð vecajɯ ĩaĩaĩamani gũiose ĩacajɯ yɯ. Ángel mesa, cojomo cōro jɯa jēnituarirācɯ ĩarā ĩnacama. “Bero, adi macarɯcɯroanare cojomo cōro jɯa jēnituarorācaji ricati rĩne rojose yirɯarāma” Dios ĩ yicūriarā ĩnacama. “ĩna sɯorine yure ajiterāre rojose ĩnare yiro tijeocōarɯcɯja yɯ” yigɯ, ĩ yire ĩnacajɯ.

² Riaga jairisa oco botirisa ĩnacōari, quēnaro ruyurisa ĩacajɯ yɯ. To bajicōari, jea vɯsarisa ĩnacajɯ. Tiya tɯjɯ masa rŭgōcama. ĩna ĩnacama gũiogure, moa riagajɯ majadicacɯre, to yicōari, ĩre bajigɯ ĩna quēnorujeocacɯre ajibeticana. ĩna riovecarire gũiogɯ ya número ucatu ecobeticana ĩnacama. Arpa vāme cɯtise jabasare Dios ĩ ĩsire cɯocama ĩna. ³ Moisés, Dios ĩ bojasere yimasir'i ĩ basamasirere, to yicōari, oveja macɯre bajiro rijabosacacɯ ĩ basacatire tɯoĩacōari, ado bajiro Diore basacama:

—Mɯ ĩaja yɯa ɯjɯ, ĩajediro masijeogɯ. ĩnimɯjɯa gāji mure bajiro masigũ magũmi. ĩaĩaĩamanire, to yicōari, ĩajediro quēnase mɯ yirere tɯoĩacōari, “Quēnaro yiyuja” mure yaja yɯa. Masare quēnaro riojo yigɯ ĩaja mɯ. To bajicōari, mɯ yirore bajiro yigɯ ĩaja mɯ. Adi macarɯcɯro ĩarā jediro ɯjɯ ĩaja mɯ.

⁴ Mure gũijedirɯarāma masa. Mure gũirāne, “Rētoro masigũ ĩnaami” mure yirɯcɯbɯorɯarāma. Mɯ sĩgũne ĩaja cojosi rojose yĩabecɯ. Quēnaro riojo yigɯ mɯ ĩajare, mure quēnaro rŭcɯbɯorɯarāma adi macarɯcɯroana jediro —Diore yibasacama.

⁵ To bajiro ĩna yibasaro bero, ð vecajɯ Diore rŭcɯbɯoriavi ti jānasere ĩacajɯ yɯ. To yicōari, Dios ĩ ĩnarisōa ti jānasere ĩacajɯ yɯ. ⁶ Diore rŭcɯbɯoriavijɯ cojomo cōro jɯa jēnituarirācɯ ángel mesa, “Adi macarɯcɯrojɯ rojose yure yibosarɯarāma” Dios ĩ yicūriarā, ĩna budisere ĩacajɯ yɯ. Sudi ɯeri mani quēnaro botise sāĩnacama ĩna. To yicōari, orone ĩna quēnoria gaserore cotitērojɯ tɯsarigaserore vēĩnacama. ⁷ To yicōari, babaricārācɯ ĩaĩaĩamana rācagɯ, sĩgũ, cojomo cōro jɯa jēnituarirācɯ ángel mesare tocārācɯrene orone ĩna quēnoriabajari, masare rojose Dios ĩ yiro ti jɯmɯro sāĩnaribajarire ĩnare ĩsicami. Dios ĩnaami ĩnacōa ĩnarŭgũrocɯ. ⁸ Tibajari ĩnare ĩ ĩsirone, “Quēnarētogũ ĩaja yɯ” Dios ĩ yĩose, ĩ masise quēne, jea bueri buejɯmɯcoacajɯ Diore rŭcɯbɯoriavi yuja. ĩnimɯjɯa ti buerone, sājariaro manicami. Cojomo cōro jɯa jēnituarirācɯ ángel mesa rojose yirona, ĩna yigajanobetone, ĩnimɯjɯa sājariaro manicami, Diore rŭcɯbɯoriavijure maji.

16

Rojose sāĩnaribajari queti

¹ Diore rŭcɯbɯoriavi ti bueñarone, ti vijɯne ocaruyusere ajicajɯ yɯ quēna. Cojomo cōro jɯa jēnituarirācɯ ángel mesare ado bajiro goti ocaruyucajɯ ti:

—Masa rojose ĩna tāmɯorotire yirā, mɯa cɯoribajarire adi macarɯcɯro joejɯ yuejeoya. Ti ĩaja masa rojose ĩna yisere yɯ ĩatese —yĩ ocaruyucajɯ.

² To ti yirone, ĩnasogɯ ángel ĩ cɯoribajare adi macarɯcɯro joejɯ yuejeocami. To bajiro ĩ yirone, gũiogɯ, moa riagajɯ majadicacɯre bajigɯ ĩna quēnorujeocacɯre rŭcɯbɯocōari, ĩ vāme ucatu ecocanare ĩna rujurire bɯto jŭnise cāmi joe jeacajɯ.

³ Quēna ĩ beroagɯ ángel, ĩ cɯoribajare moa riagajɯ yuerearodecami. ĩ yuerearoderone, ri'i godovedicoacajɯ oco. To bajicōari rijar'i ri'ire bajise ĩnacajɯ ti. To bajiro ti bajirone, tiyajɯ ĩaboariarā jediro rijajedicoacama.

⁴ Juarā berore quēna gāji ángel ĩ cɯoribajare, riagarijɯ, oco ũmaburigojerire quēne yuerearodecami. To ĩ yirone, ri'i godovedicoacajɯ, riagari quēne. ⁵ To bajise ti bajirone, ángel, oco codegɯ, ado bajiro ocaruyucami, Diore gotigɯ:

—Mũ ñaja rojose yĩabecu. Tirũmũju ñamasir'i ñaboarine, adirũmurire quẽne ñacõa ñagũ ñaja mũ. Masa rojose ñna yisere ñajũnisinicõari, “Ocore, ri'i godoveocõaca” mũ yijama, quẽnaja.

⁶ Masare mũ yarãre sĩacama ñna. Mũre gotirẽtobosarimasare quẽne, to bajirone yicama ñna. To bajiri, “Ri'i idiato ñna rojose yicana” mũ yijama, quẽnaja —yĩ ocaruyucami ángel, oco coderimasũ.

⁷ To ñ yĩ ocaruyusere ajicõari, Diore rũcũbuorã ñna soemũoriajũ cutojũ quẽne ado bajise ocaruyucajũ, Diore gotiro:

—Riojo ñaja. To bajirone bajiaja. Yũa mũ, masijeogu ñaja mũ. To bajigu ñari, masa rojose ñna yise vajare, riojo vaja yaja mũ —yĩ ocaruyucajũ.

⁸ Ñna bero babaricãrãcũ tũsacũ ángel, ñ cũoribajare muiju joere yuejeocami. To ñ yirone, ñ asise rãca masare soecami muiju. ⁹ Ñnare ñ soeboajaquẽne, rojose ñna yisere yitũjabeti-cama. To bajicõari, masirẽtogũre Diore rũcũbuobeticõari, rojose ñagõmacacama ñna.

¹⁰ Ñna bero, cojomo cõro tũsacũ ángel ñ cũoribajare, gũioogu moa riagajũ majadicacũ, rotigu ñ rujiri cũmuro joere yuejeocami. To ñ yirone, gũioogu ñ rotirã ñna ñari sita jedirone rẽtiacoacajũ. To bajiri, rojose tãmũorã ñari, visiorã, ñna ñemerori cũnicama ñna. ¹¹ To bajiboarine, rojose ñna yisere yitũjabeticama ñna. “Rojose tãmũoato” Dios ñnare ñ yijare, ñre rojose ñagõmacacama ñna.

¹² Ñna bero cojomo cõro coja jẽnituarirãcũ tũsacũ ángel ñ cũoribajare, Éufrates vãme cũtiyaju yuerearodecami. To ñ yirone, oco manicoacajũ, “Muiju ñ jiadojũa vaná, mũjarã jẽato” yiro.

¹³ To ñ yiro bero, vãtia tũjare bajirã ñnarãre idiarã ñacajũ yũ. Sĩgũ, gũsore bajigu ñagũro risejũ budiadicami. Gũioogu, moa riagajũ majadicacũ, risejũ budiadicami gãji. “Diore gotirẽtobosarimasũ ñaja yũ” yitogu, risejũ budiadicami gãji. Ñne ñacami sita tũcurojũ joe jeadicacũ. ¹⁴ To bajiri, adi macarũcũroana mũjarã ñajedirore rẽocõari, masirẽtogũ Dios masare ñ beserirũmũ ti ejaro, Dios yarã rãca ñna gãmerã quẽarotire yirã, vacama. Ñna ñacama ñaĩñañamani yĩorũgũrã.

¹⁵ Ñ sĩaecoroto rĩjoro ado bajiro yicami Cristo: “Quẽnaro ajiya mũa. ‘To cõro ejarũcũja yũ’ juarudirimasũ ñ yigotibetire bajiro tudiejarũcũja yũ. To bajiro yũ bajirotire ñ masicõa ñajama, yũ tudiejarõ, variquẽnarũcũmi. Masiritigũjuama, sudĩ magũ gãjerã ñna ñaro rĩjorojũa bojonegũre bajiro bajirũcũmi”, yicami Cristo, ñ sĩaecoroto rĩjoro.

¹⁶ To bajiri, Hebreo oca rãca Armagedón vãme cutojũ mũjarãre rẽocama vãtia.

¹⁷ To bajiri, cojomo cõro coja jẽnituarirãcũ beroagu, ñ ñacami tũsagu ángel. Ñ cũoribajare õ vecajũ yuebatecami. To ñ yirone, õ vecajũ Diore rũcũbuoriavijũ rotigu ñ rujiri cũmurojũ ado bajiro ruyugoaro ocaruyucajũ:

—To cõrone ñaja yuja —yĩ ocaruyucajũ, õ vecajũ.

¹⁸ To ñ yirone, bũto bũjo yabecõari, jacami. To bajicõari, gũiose ocaruyucajũ. To bajicõari, sita bũto sabecajũ. Adi macarũcũroana ñna sabe ecoriario rẽtoro sabecajũ. ¹⁹ Ti saberone, jairimaca, Babilonia vãme cũti maca, idiajũ baterũgũcãjũ. To bajicõari, adi macarũcũroaye macari jediro sita ti saberone, vẽjajedicoacajũ. Babilonia macana rojose ñna yimasirere masiritibeticõari, bũto rojose ñnare yicami Dios yuja. ²⁰ To bajicõari, yucũyoari, gũtayucũri quẽne yayijedicoacajũ. ²¹ To bajicõari, õ vecayẽ oco vetacujiri vẽjacajũ. Cuarenta kilos rẽtoro rũcũricujiri ñacajũ ti. Tire tãjo ecocõari, bũto rojose Diore ñagõmacacama masa.

17

Gãjerã rãca ajeriarã cũtirio rojose so tãmũore queti

¹ To yicõari, cojomo cõro jũa jẽnituarirãcũ ángel mesa rãcagu orobaja cũocacũ yũ tũju ejacami. Ejacõari, ado bajiro yũre goticami:

—Adojũa vayá. Riaga jairisa tũju ñagõ, jãjarã mũmũa rãca ajeriarã cũtigo rojose so tãmũorotire mũre ñogu yaja. ² To bajiro rojose yigo ñari, adi macarũcũroanare, ñna mũjarãre quẽne, rojose ñnare yimecũorũgũamo —yũre yicami ángel.

³ To ĩ yirone, Esp'iritu Santo ĩ masise suorine ado bajise ĩacajũ yũ: Masa manojũ yũre ãmiacami ángel. Tojũ ejacõari, gũiogũ sũagũre ĩacajũ. ĩ joere jesacamo rõmio. So jesagũre Dios ĩ ĩateri vãme ucatore tuyacajũ. Cojomo cõro jũa jẽnituarirãca rũjoari cõtĩcami. To bajicõari, jũaãmo cõro jotari cõtĩcami. ⁴ ĩ joe jesago, sũariase sudiro sãñacamo. Gajeyeũni jairo vaja cuti cõocamo so. Ti ñacajũ oro, to yicõari gũta jairo vaja cuti, perla vãme cuti quẽne. To yicõari, orobaja cõocamo. Tibajare rojose so yise sãñacajũ. ⁵ So riovecare masa ĩna masibeti vãme ucatu ecorio ñacamo. Ado bajiro goticajũ ti vãme: “Jairimaca Babilonia vãme cõtigo ñaamo adio. So suorine jediro rojose masa ĩna yijare, ‘Ajeriarã cõtĩrã jaco’ to yicõari, ‘Rojose jediro jaco ñaamo’ ” yirivãme ñacajũ so rioveca tuyari vãme. ⁶ To bajicõari, “Adione ñaamo Dios yarãre sãario, to yicõari, Jesũre ajitirũnũ tũjamenare sãvariquẽnagõ”, yĩamasicajũ yũ.

“Rojogo masu ñaamo” yĩamasicõari, no yimasibeticajũ yũ. ⁷ To bajiro yũ bajirone, ado bajiro yũre goticami ángel:

—Sore mũ ĩase, masa ĩna masibeticatire, mũ masirotire yigũ, mũre gotimasioğũ yaja yũ: Gũiogũ, cojomo cõro jũa jẽnituarirãca rũjoari cõtĩcõari, jũaãmocãrãca jotari cõtĩgũ, sore ĩ ãmisere mũ ĩajama, ado bajiro yire ũni ñaja: ⁸ Gũiogũ, mũ ĩagũ, tirũmũjũ ñacami maji. Adirũmũrirema ruyubeami yuja. To bajiboarine, rojose tãmuotũjabetiriaroju Dios ĩre ĩ rocaroto rĩjoro, tũsabetigojeju ñar'i joe jeamũjadĩrucũmi. ĩ joe jeasere ĩacõari, ĩre ĩaũcarũarãma masa. ĩna ñarũarãma adi macarũcũrore Dios ĩ rujeoroto rĩjoroju pãperatuti ucagũ, “Ado cõro ñarũarãma catirona” ĩ yucãbetiriarã.

⁹ Quẽnaro ajigũrema, ajimasirene ñaja. Cojomo cõro jũa jẽnituarirãca rũjoari cõtĩgũ mũ ĩagũ, cojomo cõro jũa jẽnituarirãca burori ñasere ĩoro bajiaja. Ti burori ñaja, ajeriarã cõtĩgo so ñariburori. Gajeye cojomo cõro jũa jẽnituarirãca rũjoari ti ñajama, tiari ñaro cõrone ujarã ĩna ñasere ĩoro bajiaja. ¹⁰ Jẽre cojomo cõro bajireacoariarãma ujarã ñaboariarã. To bajiboarine juarã rũyaama. Sĩgũ adirũmũrire rotigũ ñaami. ĩ bero rotirocũ, ruyubeami maji. To bajiboarine yoaro rotibetĩrucũmi. ¹¹ Tirũmũjũre ñaboar'i gũiogũ sũagũ, yucũrirema ñabetiboarine, rotigũ ñarũcũmi. Cojomo cõro jũa jẽnituarirãcũ ujarã ñarã rãcagũne tudicaticõari, Dios ĩ rocaroto rĩjoro, rotĩtũsarũcũmi.

¹² Jũaãmo cõro jotari mũ ĩase, jũaãmocãrãcũ ujarã ĩna ñasere ĩoro bajiaja. Masare rotĩsũobeama maji. Bero gũiogũ sũagũ ĩ rotĩrĩrũmũrire ĩna quẽne yoaro meaca rotĩrã ñarũarãma. ¹³ Jũaãmo cõro ujarã ñarã, ĩna jedirone “Gũiogũ sũagũ manire rotigũ ñato”, ĩre yicũrũarãma. ¹⁴ To bajiri, oveja macũre bajiro rijabosacacũ yarã rãca gãmerã quẽarũarãma. To bajiboarine, oveja macũre bajiro rijabosacacũ ĩ yarã rãca, ĩna rẽtoro quẽarũarãma. Gãjerã ñamasurã rẽtoro ñamasugũ ñaami. To yicõari, ujarãre quẽne uju ñamasugũ ñaami. To bajiri, Dios ĩ masise suorĩ ĩre ajitirũnũ tũjamenã ñaama ĩna, ĩ yarã —yũre yigoticami ángel.

¹⁵ To yicõari, gajeye ado bajiro yũre goticami ángel:

—Ajeriarã cõtĩgo so ñaroju riagari mũ ĩase, masa ñaama ĩna. Tocãrãca macana, cojo masa jũna rũyabeto, to yicõari, cojo sita rũyabetoana ñaama ĩna. ¹⁶⁻¹⁷ Diojuama, “Ado bajiro yito mani” ĩna yitũoĩarotire ĩnare yĩrucũmi. To bajiro ĩ yijare, jũaãmo cõro ñarã ujarã, sĩgũre bajiro tũoĩacõari, gũiogũ sũagũre, “Manire rotigũ ñato”, ĩre yicũrũarãma ĩna. ĩ rãca ñacõari, ajeriarã cõtĩgore ĩaterũarãma ĩna. So ye jedirore emarũarãma. To yicõari, so rujũre barũarãma. So gõarema, jeameju soerearũarãma ĩna. To bajiro ĩna yijama, Dios ĩ tũoĩariarore bajiro yirã yĩrũarãma. ¹⁸ Ajeriarã cõtĩgo mũ ĩase, jairimaca Babilonia vãme cuti macã ti ñasere ĩoro bajiaja. Ti macana uju, gaje macãriana ujarãre rotĩrucũmi —yũre yigoticami ángel.

18

Babilonia macã rojose ti bajiroti queti

¹ To ĩ yiro bero, õ vecajũ gãji ángel bũto yaagũ ĩ rujiadirere ĩacajũ yũ. To bajiro bajigũ ĩ ñajare, adi macarũcũro busujedicoacajũ. To bajicõari, gãjerã ángel mesare rotigũ ñacami. ² Ruyugoaro ado bajiro ñagõcami:

- Jairimaca, Babilonia vāme cūtibōaria maca yayicoato yaja. Ti macana masa bajireajediroana yama. Vātia īna ņarimaca ņaruarōja. To bajicōari, vūrā ņajediro, roacūose barā īna ņaro ņaruarōja yuja.
- ³ Babilonia macana būto rojose īna yisere ĩacōari, rojose yama gājerā quēne. To yicōari, adi macarūcuro ņarā ũjarā, rojose rōmia rāca ajeriarā cūtiama. Babilonia macana būto īna gajeyeūni bojatūjabetijare, īnare gajeyeūni ĩsicōari, gājoa būjarūgūama gaje macariana. Babilonia macana to bajiro yirūgūrā īna ņajare, īnare rearūcūmi Dios —yure yigoticami āngel.
- ⁴ To yicōari, ō vecajū ado bajiro yure goti ocaruyucami Dios:
—Ti macana rāca ņabesa. To bajicōari, rojose īna yirore bajiro yibesa, “Rojose īna tāmūore bajiro rojose tāmūorobe” yirā.
- ⁵ Ti macana būto rojose īna yisere masiritibeaja yū —yi ocaruyucami Dios.
⁶ To yicōari, rojose yironajūare ado bajise goti ocaruyucami Dios:
—Gājerāre rojose īna yise vaja, būto būsā rojose īnare yiba mūa.
- ⁷ Ti macana jairo gajeyeūni cūorā ņaama īna. Disejūa rūyabeaja īnare. “Ūjarā ņaja mani” yiboama. “Manajūa rijaveoriarāre bajiro sūtiritibetiruarāja mani” yiboama. “Rojose tāmūomenane, quēnaro ņacōa ņaruarāja mani” yirā ņaboarine, būto rojose yirā īna ņajare, būto rojose īnare yirūcūja —yi ocaruyucami Dios.
- ⁸ —To bajiri cojorūmūne būto rojose yiecoruarāma. Sīgūri rijayene bajirearuarāma. Gājerā, ņione rijaruarāma. Gājerā būto sūtiritiruarāma. Gājerā jeamejū soe ecoruarāma. To yicōari, ti macare soereajeocōarūcūja. Rētoro masigū ņari, to bajiro rojose īnare yirūcūja —yi ocaruyucami Dios, mani ũjū.
- ⁹ —Ti maca buesere ĩacōari, būto sūtiritiruarāma adi macarūcuroana ũjarā. “Ti macana sūorine jairo gajeyeūni būjaboacajū”, yiotiruarāma. ĩna ņaruarāma ti macana ņaboariarā rāca būto rojose yirūgūriarā. ¹⁰ Ti macana rāca rojose tāmūorūamena, sōjūne tujaruarāma īna, tire gūirā. Otirāne, ado bajiro yiruarāma īna:
“ĶAbe! Jairimaca ņaboaria maca ũayayicoajū. Gaje macari rētoro ņamasuri maca ņaboabū. Ti macana rojose īna yise vaja yoaro mene yayicoajū ti. Yucūrema maaja”, yīņagōruarāma adi macarūcuroana ũjarā —yi ocaruyucajū.
- ¹¹ —Adi macarūcuroana gajeyeūni ĩsicudirimasa quēne, ti maca ũasere ĩacōari, būto sūtiritiruarāma. To yicōari, otiruarāma īna. “ņīmū mani juavasere boca juagū magūmi”, yiotiruarāma. ¹² ĩsiruarā īna juavase ado cōro ņaboaruarōja: oro, plata, gūta jairo vaja cūti, perla, sudi jairo vaja cūti, to yicōari, yucū quēnaro sūtiquēnase īna juare, gajeye marfil vāme cūtise rāca īna quēnore, yucū jairo vaja cūti īna juare, cōme hierro vāme cūti, to yicōari, bronce vāme cūti juavarūgūboayuma. ¹³ To yicōari, gajeye quēnase sūtise īna buebatose, to yicōari īna rūjūre īna tuse juavarūgūboayuma. To yicōari, gajeye canela vāme cūti bare sāvūore, ũye oco, ũye gatere, trigo vāiaabore, vāiaaboyamani quēne, ta vecūa, oveja, caballo mesa, caballo mesa īna tūavato masa īna sāņavaticori quēne juavarūgūboayuma. To yicōari, īna moarimasa ņaronare quēne juavarūgūboayuma. To bajiboarine ti macagū ņīmūjūa boca juagū ĩ manijare, sūtiritiruarāma īna. ¹⁴ Babilonia macana ņaboacanare tūoīarā, ado bajiro yiruarāma īna:
“Jairo vaja cūti īna bavariquēnaboacati, to yicōari, jediro gajeyeūni jairo vaja cūti īna cūovariquēnaboacati rācane bajireajedicoajama”, yiruarāma —yi ocaruyucajū.
- ¹⁵ —To bajiri Babilonia macana ņaboariarāre gajeyeūni ĩsicōari, jairo gājoa būjarūgūboariarā ti maca buemūjasere ĩacōari, sūtiritirā, sōjū ĩarūgōruarāma īna, ti macana rāca rojose tāmūorūamena. ¹⁶ Tojū ĩarūgōcōari, otirāne, ado bajiro yiruarāma:
“ĶAbe! Rojose tāmūoaja Babilonia ņaboacati maca. Rōmio quēnaro rūyugore bajiro ņaboacajū ti maca. Sudi sūase quēnase sāņagōre bajiro ņaboacajū ti maca. Oro, gūta jairo vaja cūtise, perla vāme cūtise, jediro gajeyeūni cūogore bajiro ņaboacajū ti maca.
- ¹⁷ To bajiboarine yoaro mene ti macaye īna cūboacati quēne ũayayicoajū ti”, yiruarāma gajeyeūni ĩsicudirimasa —yi ocaruyucajū.

—Cūmuari jacase ɥjarā, ĩnare moabosarimasa, cūmua rāca vacōari, ĩsicudirimasa quēne, sōjɥ ĩajayarɥarāma ĩna. ¹⁸ Ti maca ɥaro ti buesere ĩacōari, otirāne, ado bajiro ruyugoaro avasājayarɥarāma ĩna: “Ti maca ñaboacati maca cōro gaje maca ñamasuri maca manoja”, yíavasā jayarɥarāma —yí ocaruyucajɥ.

¹⁹ —Buto sɥtiritirā ñari, ĩna rɥjoa joere sita majeorɥarāma ĩna. To yicōari, otirāne, ado bajiro yirɥarāma ĩna:

“¡Abel! Rojose tāmɥoaja Babilonia ñaboacati maca. Jairimaca ñaboacajɥ ti maca. Mani, jacase cūmuari cɥorā ĩnare gajeyeũni ĩsicōari, gājoa jairo bujarũgũboacajɥ mani. Yoaro mene ti maca ɥajedicoajɥ”, yirɥarāma ti macare ĩajayarā —yí ocaruyucajɥ.

²⁰ Gajeye ado bajiro yí ocaruyucajɥ:

—Ti maca ɥasere ĩacōari, variquēnaña ò vecajɥ ñarā. ĩ oca mɥa gotirotire yigɥ, Cristo ĩ cōacana, to yicōari, Diore gotirētobosarimasa quēne, Dios yere ajirā jediro variquēnaña. Ti macana mɥare rojose yicama ĩna. To bajiri, rojose mɥare ĩna yicati vaja rojose tāmɥoma ĩna quēne. ĩna ya macare rocacōami Dios —yí ocaruyucajɥ.

²¹ To yicōari, sīgũ ángel, gājerā ángel mesa rētoro tĩmagũre ĩacajɥ yɥ. Gũta jairicare ámicōari, moa riagajɥ rocaroacami. Trigo vāiaaboria gũta jairica ñacajɥ tia. To yicōari, ado bajiro yicami:

—Gũtare yɥ rocaroayayiorore bajirone, Babilonia macare yayiorɥcɥmi Dios. To bajiri jɥaji tudĩĩabetirɥarāma masa.

²² Ti macaye arpa vāme cɥtise ĩna jabasase, to yicōari, tōroari, trompeta ĩna jutise jedirone ajiyamanirɥaroja. Ti maca moarimasa quēne tudimoabetirɥarāma ĩna. Trigo vāiaaborimasa quēne, jɥaji moabetirɥarāma.

²³ Ti macaye sĩabusuoriabajari busuboacati quēne busubetirɥaroja. To yicōari, ámosiarā ĩna basase ajiyamano ñarɥaroja ti maca. “Gajeyeũni ĩsicudirimasa rētoro ñamasurā ñaboacama ti macana” ĩnare yirɥarāma masa. Adi macarɥcɥro ñarā jedirore rojose ĩna ũmato yitorā ñaboacama —yicami gũta jairicare rocaroacacɥ.

²⁴ Quēna ò vecajɥ ado bajiro yí ocaruyucajɥ:

—Diore gotirētobosarimasare, gājerā Dios yere ajirāre, to yicōari adi macarɥcɥro ñarā jedirore sĩacama ti macana. To bajiro ĩna yicati vaja, buto rojose tāmɥorɥarāma —yí ocaruyucajɥ.

19

¹ Tijɥ bero, jājarā ò vecajɥ ruyugoaro ĩna ocaruyusere ajicajɥ yɥ. Ado bajiro yí ocaruyucama ĩna:

—“Quēnarētogũ ñaami Dios mani ɥjɥ” Diore yivariquēnato mani —yí ocaruyucama ĩna.
—ĩ ñaami rojose tāmɥotɥjabetiriaroju mani vaborotire manire yirētobosar'i. ĩ ñaami rētoro ñamasugũ, to yicōari, rētoro masigũ.

² Masa rojose ĩna yise vaja, “Rojose mɥare yirɥcɥja yɥ” yir'i ñari, socɥ mene rojose ĩnare yirũgũami. Ajeriarā cɥtigo ñaboariore rocacōami. “Adi macarɥcɥro ñarāre rojose yato Dios” yigo, ĩnare yirocama so. To yicōari, Dios ĩ bojasere yirā ñaboacanare sĩacamo. To bajiro so yicatire ĩacōari, ti vaja sore rocacōami —yí ocaruyucama ĩna, ò vecajɥ.

³ Quēna ado bajiro ñagō ocaruyucama ĩna:

—¡Quēnaro Diore rɥcɥbɥo variquēnato mani! Babilonia maca ɥase bueri mɥjajedibetirɥaroja —yí ocaruyucama ĩna.

⁴ To bajiro ĩna yí ocaruyurone, Dios, rotigɥ ĩ rɥjiri cūmuro rĩjorojuɥ, ĩre rɥcɥbɥorā, gɥsomuniari tuetuejarũjucama veinticuatro ñarā, bɥcɥrā, to bajicōari, babaricārācɥ ĩaĩañamana quēne. Gājerā jājarā ĩna yí ocaruyusere ajicōari,

—To bajirone bajiato. Diore rɥcɥbɥo variquēnaroti ñaja manire —yicɥdicama ĩna.

⁵ To ĩna yiro bero, ɥjɥ ya cūmurojuɥ ado bajiro ocaruyucajɥ:

—“Quēnarētogũ ñaja mɥ” Diore ĩre yivariquēnato mani. Ñamasurā, ñamasumena quēne, to bajiro ĩre quēnaro rɥcɥbɥo variquēnato mani —yí ocaruyucajɥ.

Oveja macure bajiro rijabosar'ire ña basajeore queti

⁶ Ti bero yu ajijama, jājarā ña ocaruyurore bajiro yihoasene, oco menirore bajiro ruyugoaro, yicōari, b̄uto b̄ujo ī jaro ti busurore bajiro ocaruyucōari, ado bajiro yicaj̄u: —Ñajediro masijeogu ñaami Dios, mani ɥju. Rojose yirāre reacōari, ĩre ajirā rīne rotirūgūrucumi. To bajiri “Quēnarētogū ñaami” Diore yivariquēnato mani.

⁷ Oveja macure bajiro rijabosar'ī ī boserūmu ejacoaju. To bajiri Diore quēnaro r̄ucubuo variquēnato mani, ñamasugū ī ñajare. Oveja macure bajiro rijabosar'ī manajo ūgō ñarotirene yirā ĩre ajitirūnrā quēnaro ĩre ñayuama.

⁸ Sudi gosise, ɥeri mani botise, ña s̄añarotire ĩnare ĩsimi Dios. ĩna ye sudi ɥeri mani, “Rojose mana ñaama Dios yarā” yīiore ūni ñacaju ti —yi ocaruyucaju ti.

⁹ Tij̄u bero, ángel ado bajiro yure yicami:

—Mure yu gotisere ucaya: “ ‘Oveja macure bajiro rijabosacacu manajo ūgō ñarotirene yirā ĩre ajitirūnrā quēnaro ĩre ña ñayuse boserūmure ĩarā vadiato’ yigotiecocana variquēnararāma ña” yiucaya mu —yure yigoticami ángel. —Ti mure yu gotise, Dios oca riojo ñaja ti —yure yigoticami ángel.

¹⁰ To ī yijare, ĩre r̄ucubuoogu, ī r̄jorojua ḡusomuniari t̄uetuejarūjūcaju yu. To bajiro yu bajirone, ado bajiro yure goticami:

—To bajiro yure r̄ucubuoobesa. Yu quēne, mure bajirone Dios ī bojasere yigu ñaja. Jesús oca riojo gotisere ajitirūnu t̄ujamenare bajiro bajigu ñaja yu quēne. To bajiri, Diojuare mu r̄ucubuoajama, quēnaja —yure yigoticami ángel. —Jesús ī gotimasiorotire, ti ñaja Diore gotirētobosarimasa mu gotimasio variquēnase —yure yigoticami ángel.

Caballo botigu joe jesagu jediro rojose ī rearoti queti

¹¹ To ī yiro bero, ō vecaju ti jānasere ĩacaju yu. Ti jānarone, caballo botigure ĩacaju yu. ĩ joe jesacami s̄īgū. Ado bajiro vāme cuticami: ĩ Yirore Bajiro Yigu, Riojo Gotigu vāme cuticami. ĩ rotijama, riojo yigu ñacami. To yicōari, rojose yirāre rojose ī yijama, rojose ña yiriario bajirone rojose yigu ñacami. ¹² ĩ cajeari jeare bajiro busubatocaju. ĩ r̄ujoaju jairo cōmebedori jeocami. To bajicōari, ī rioveca tuyari vāmere ī s̄īgūne masicami.

¹³ Ri'ī tuyarito sudiro s̄añacami. “Diore mu ĩar̄uajama, ȳjuare ĩaña” yiria vāmene ñacaju. ¹⁴ Ō vecana surara, caballo botirā joeju sudi, gosise, ɥeri mani botise s̄añacōari, ri'ī tuyarito sudiro s̄añagū r̄ācana ñari, ĩre s̄uyacama. ¹⁵ Ri'ī tuyarito s̄añagūre ī riseju jariase b̄uto b̄ujariase budicaju. Tiase ñacaju ĩre ajitirūnmenare rojose ĩnare ī yirotiase. B̄uto rotimasirocu ñacami. To yicōari, rojose ña yisere Dios, masijeogu, ī ĩajūnisinirore bajirone b̄uto rojose yirocu ñacami. ¹⁶ Ri'ī tuyarito s̄añagū ñacami ī sudirore, ī sagarore quēne, ado bajiro yirivāme tuyagu: “Āni ñaami ɥjarā ñamasurā rētoro ñamasugū” yirivāme ĩre tuyacaju.

¹⁷ Tij̄u bero s̄īgū ángel, muiju joeju ī r̄ūgōsere ĩacaju yu. Ō vecaju vurā, minia boase barā jedirore ado bajiro ruyugoaro yicami:

—Masare Dios ī s̄iarāre rējacōari, barā vayá. ¹⁸ Macari ɥjarā, surara ɥjarā, ūmua t̄imarā, caballo mesa, ña joe jesarūgūboariarāre quēne, ḡajerāre moabosarā, moabosamenare quēne, ñamasurā, ñamasumenare quēne, ī s̄iarearā riire bar̄uarāja mu —miniare yicami ángel.

¹⁹ To ī yiro bero, ḡüiogū s̄ūagū, adi macarucuro ñarā ɥjarā, ña surara r̄āca rējacama. Caballo botigu joe jesagu yarā surara r̄āca quēarona ña bajisere ĩacaju yu. ²⁰ Caballo botigu joe jesagūja, ĩnare quēacōari, juarā rojose yirāre ñiacami. Ḡüiogū s̄ūagū baba ñaboarine, “Yu ñaja Diore gotirētobosarimasu” yisocagure quēne ĩre ñiacami. ĩne ñacami ḡüiogū s̄ūagū ī ĩaro r̄jorojua ĩañañamanire masare yitocacu, to yicōari, ḡüiogūre bajigu ña quēnorujeocacure r̄ucubuoorticōari, ḡüiogū vāmere ucaturoticacu. To bajiri, rojose yirā ña ñajare, ḡüiogū s̄ūagūre, to yicōari, “Diore gotirētobosarimasu ñaja yu” yisocagure quēne, catirārene azufre vāme cutise ɥjuri jeameju ĩnare cōacami caballo botigu joe jesagūja. ²¹ To yicōari, ḡajerārema, ī riseju jariase budicatasene ĩnare s̄iacami. To bajiri, minia boase bar̄ajua, ī s̄ācana riire ba yajicama.

20

Mil ñaricũ mari Jesús ĩ rotiñaroti queti

¹⁻³ Tiju bero, õ vecaju ángel ĩ rujiadore ĩacaju yũ. Cõmema, jairima, gũsore bajigu ñagũrore ĩ siarotimare, to yicõari, tusabetigoje jãnariaro llave cõocõari rujiadicami. Ru-jiejacõari, gũsore bajigu ñagũrore ñiacami. ĩ ñacami vãtia uju Satanás tirũmũjuma añare bajigu ñacõari, yitomasir'i. ĩre ñiacõari, cõmema rãca ĩre siacami ángel, tusabetigojeju ĩre rocasãgũ. To yicõari, ĩre bibetocũcami, mil ñari cũmari cõro masare yitobecũne ĩ ñacõa ñarotire yigu. To yicõari, “Gãjerã ĩna jãnasere ĩamasigũsa” yigu, ti goje tususe jediro bibejeocõacami. Mil ñari cũmari ti jediro bero, ĩre burocũ ñacami. To bajiboarine yoaro meaca ñarocũ ñacami.

⁴ Tiju bero, rotirã ĩna rujiri cũmurorire ĩacaju yũ. Ti cũmuroriju rujirãre quẽne ĩacaju yũ. ĩna ñacama masa rojose ĩna yisere ĩacõari, “Ado bajiro yirã ñari, rojose tãmũorũarãja” ĩnare yirona. “To bajiro yirũarãja mũa”, ĩnare yicũñumi Dios. To bajicõari, Jesũre ajitirũnu tũjabeticõari, ĩ ocare ĩna gotimasio tũjabetijare, ĩna ãmũarire jasurereacama. To bajiro yiecorã ñacama gũiogũre, to yicõari, ĩre bajigu ĩna quẽnoru-jeocacũre quẽne rũcũbũobeticana. To yicõari, ĩ vãmere ĩna riovecarire, ĩna ãmorire quẽne ucatu ecobeticana ñacama. ĩna ãmũari jasurereacana ñaboarine, tudicaticõari, õ vecaju mil cũmari Cristo rãca rotirona ñacama ĩna. ⁵ ĩna ñacama tudicatisũorona. Gãjerã ĩna masu bajireariarãjuama, mil ñari cũmari ĩ rotiro bero, tudicatirona ñacama. ⁶ To bajiri Dios ĩ catiosũorona, bũto variquẽnarona ñacama. ĩre ajitirũnũrã rãca ñarona ñari, tudirijabetirona ñacama. To bajiri Dios ĩ bojasere paia ĩna yirũgũrore bajiro yirona ñacama. Cristore quẽne ĩ bojasere yirũgũrona ñacama. To bajiri mil ñari cũmari Cristo rãca rotiñarũgũrona ñacama.

Vãtia ujuere ĩna jãnabure queti

⁷ Mil ñari cũmari ti jediro bero vãtia uju Satanás tusabetigojeju sãñar'i, jãnabu ecorocũ ñacami. ⁸ ĩre ĩna jãnaburo bero, Gog vãme cuti sitanare, to yicõari, Magog vãme cuti sitanare quẽne yitocudirocũ ñacami. To bajiro yũ yijama, “Masa adi macarũcũro ñarã jedirore yitocudirocũ ñacami” yigu yaja. ĩ yitosere ajitirũnũcõari, rẽjarona ñacama ĩna, Dios yarã rãca gãmerã quẽarũarã. Jãjarã masu ñarona ñacama ĩna. Cõĩajama, cõĩajeobetiroti ñacaju.

⁹ Dios yarãre sãarũarã, adi macarũcũro ñaro cõrone ñarona ñacama. To bajicõari, Dios ĩ mairimacare gãnibiarona ñacama. To bajiro ĩna bajiboajuquẽne, õ vecaye jea ujuẽse rãca vẽjacõari, ĩnare soereajeocõarocũ ñacami Dios. ¹⁰ To ĩ yiro bero, vãti ĩnare yitor'ire azufre vãme cutise ujueri jeameju ĩre rocarocũ ñacami Dios. Timene ñacaju rĩjorore quẽne, gũiogũ sũagũre, to yicõari, “Diore gotirẽtobosarimasũ ñaja yũ” yisocagũre quẽne, ĩnare ĩ cõacato. Toju ñacõari, ãmũari, ñamiri quẽne rojose tãmũorũgũrona ñacama ĩna.

Masa rojose ĩna yise vaja rojose Dios ĩnare ĩ yire queti

¹¹ Tiju bero, ĩ ya cũmuro botiri cũmurore rujigũre ĩacaju yũ. To rujigu ĩ ĩase jediro, adi macarũcũroaye, õ vecaye quẽne, yayijedicoacaju. To bajicõari, tudiruyuabeticaju. ¹²⁻¹³ Adi macarũcũro bajireariarã, tudicaticõari toju rujigu tũre ĩna ñasere ĩacaju yũ. Ñamasurã, ñamasumena quẽne ñacama. To ĩna ñarone, paperatutiri jãna ecocaju. Titutiriju masa jediro ĩna yire ucatũre ñacaju. To bajiri, tire ĩacõari, “To bajiro yicana ñari, quẽnase bũjarã, rojose tãmũorã, bajirũarãja” bajireariarãre ĩnare yicami to rujigu. To yicõari, “Ado cõro ñaama yũ rãca ñarũgũrona” ĩ yiuacaturiatuti quẽne jãna ecocaju. ¹⁴⁻¹⁵ Tiju bero, adi macarũcũroaye, rojose mani tãmũose, rijaye jediro juacõari, azufre vãme cutise ujueri jeameju tire reajeocõacami Dios. To ĩ yijare, ĩ rãca ñarũgũrona, juaji rijarona me ñacama. To ĩ yiro bero, “Ado cõro ñaama yũ rãca ñarũgũrona” ĩ yiuacabetiriarãre quẽne juacõari, azufre vãme cutise ujueri jeameju ĩnare reacami Dios.

21

Mame macarũcũro ti bajiroti queti

¹ Adi macarucuro ti yayiro bero, ð vecaye, to yicðari, adi macarucuroaye jediro Dios ĩ rujeosere ĩacajũ yũ. ² Quēnase rīne ĩna yirimaca, mame quēnoría maca Jerusalén vāme cuti maca ti rujiadore ĩacajũ yũ. Dios ĩ ĩarøjũne rujiadicajũ ti maca. Rōmio āmosiagogo quēnase sudi so sãñayuriarore bajiro quēnari maca ĩacajũ. Ti macare quēnoñumi Dios, ĩ tujũ ĩ yarā, masa mani ejarotire yigũ. ³ To bajiro ti bajirone, rotigũ ĩ rujiri cūmuro ado bajise ruyugoaro ocaruyucajũ:

—Īaña. Masa rāca ñaami Dios. To bajiri, “Ō vecajũ ñagũmi Dios” yire maja. Īna rācane ñacōa ñarūgūrũcũmi. To bajicðari, masa quēne ĩ yarā ñacōa ñarūgūrũarāma. ⁴ Diorāca ñacōa ñarūgūrũona ĩna ñajare, bajireare, sũtiritire, otire, jũnise, sarese, vũase ĩna tãmuoaboare jediro manirũaroja. To bajiri, variquēnarūgūrũarāma ĩna. Tirũmũjũ bajiboacati ti rētojedicoajare, to bajirojũa bajirũaroja —yi ocaruyucajũ, ð vecajũ.

⁵ Tijũ bero, rotigũ ĩ rujiri cūmurore rujigũ, ado bajiro yũre yi ocaruyucami:

—Ñajediro tirũmũjũ ñaboare, mame rīne vasoacðaja yũ —yigoti ocaruyucami.

To bajiro yicðari, quēna ado bajiro yũre yi ocaruyucami:

—Mũre yũ gotisere ajicðari, tire ucaya. Riojo gotire ñaja. Mũre yũ gotirore bajirone bajirũaroja. To bajiri, tire ucaya —yũre yi ocaruyucami.

⁶ Bero, quēna ado bajiro yũre yigoti ocaruyucami:

—Ñajediro vasoajeocðaja yũ. To bajiri, alfa, omega ñaja yũ. Alfa yũ yijama, “Ñajediro ti ruyuaroto rĩjorojũ ñacajũ yũ. To bajicðari, omega yũ yijama, ñajediro ti yayiro berojũ quēne ñacōa ñarūgūrũcũja” yigũ yaja. Oco bũto idirũaräre bajiro yũre masirũarā, yũre ĩna sēnijama, bajireacðari bero yũ tujũ ĩna caticōa ñarotire yigũ, yũ catisere ĩnare ĩsirũcũja. ⁷ Yũre ajitirũnu tujamenare to bajirone yirũcũja yũ. Yũ sīgũrene rũcũbuorūgūrũarāma. To bajicðari, yũ rĩare bajiro bajirā ñarūgūrũarāma. ⁸ Gãjerā Jesũre ajitirũnũmenajuarema, azufre vāme cutise ũjũri jeamejũ ĩnare reacðarũcũja yũ, ado bajiro rojose yirā ĩna ñajare: “Jesũre mani ajitirũnũjama, gãjerā manire ĩaterāma” yirā, yũre ajitirũnũ tujaräre rearũcũja. Yũ ĩatesere yiräre ĩnare rearũcũja. Sĩarimasare, Dios ĩ bojabetire yirā, ĩna rujũ ti bojarore bajiro gãmerā ajeriarā cutiräre, to yicðari gãjeräre rojaräre quēne rearũcũja. “Ado bajirā ñarāma” ĩna masune yitũoĩa quēnorũjeocðari, rũcũbuoräre, to yicðari, socaräre quēne azufre vāme cutise ũjũri jeamejũ ĩnare rearũcũja yũ —yũre yigoti ocaruyucami.

Tojũ rojose tãmuotũjabetirũarāma.

Jerusalén, mame quēnoría maca queti

⁹ To ĩ yiro bero, sīgũ ángel, vadicðari, yũ tũ ejacami. Ī ñacami cojomo cõro jũa jēnituarirācũ ángel mesa rācagũ, masa rojose ĩna tãmuorotire sãñaribajare cũocacũ. Ejacðari, ado bajiro yũre goticami:

—Adojũa vayá. Oveja macũre bajiro rijabosacacũ manajo ñarocore mũre ĩorũ yaja yũ —yũre yigoticami.

¹⁰ To ĩ yirone, Esp'iritu Santo sũorine ado bajise yũre bajĩocajũ: Gũtaũ ũmũaricũro joejũ yũre jivacami ángel. Tojũ ejacðari, quēnase rīne ĩna yirimaca, mame quēnoría maca, Jerusalén ti rujiadore yũre ĩocami quēna. To bajiri Dios ĩ ĩarøjũne ĩ rācane rujiadicajũ ti maca. ¹¹ Ti macajũ ĩ ñajare, ĩ bususe rāca quēnaro busubatoajũ ti maca. Gũta jairo vaja cutia quēnarica ruyucðari, ĩarētohuriare bajiro ruyucajũ ti maca. ¹²⁻¹³ Ti maca matariacũni, ũmũaricũni ñagānibiacajũ. Īna matariacũni jũaāmo cõro, gũbo jũa jēnituarirāca sojeri, sojeri cuticajũ. Muiju ĩ jiadojũa idia soje, ĩ rocasātojũa idia soje, varujũare idia soje, gajejacatũa varujũare idia soje ñacajũ ti. Israel ñamasir'i jānerabatia jũaāmo cõro, gũbo jũa jēnituarirāca jũnana ĩna ñamasiriarā cõrone ñaro bajicajũ. To bajiri, tocārāca sojene ĩna vāme ucatu ecoria sojeri ñacajũ. To bajicðari, tocārāca sojere sīgũ ángel rũgðcami. ¹⁴ “Ticũni juriaquedibeticðato” yirā, gũtari jacase cũsũoyuma. Jũaāmo cõro, gũbo jũa jēnituarirāca gũtari ñagānibiacajũ. To bajiri, tocārāca gũtarijũre, oveja macũre bajiro rijabosacacũ, “Yũ oca goticudirũarāja” ĩ yicðacana vāme ucatu tuyacajũ.

¹⁵ Ángel yu rāca ñagōcacu, macare ĩ cōīaroti orone quēnorīure cūocami. Ti macare, matariacūnīre, sojerire quēne ĩ cōīaroti ñacaju tiu. ¹⁶ ĩ cōīajama, ti maca eyase, ti maca ũmūase quēne, cojoro cōrone ñacaju. ĩ cōīajama, dos mil doscientos kilōmetros cōro ñacaju eyase, ũmūase quēne. ¹⁷ Ti maca matariacūni ĩ cōīajama, sesenta y cinco metros ũmūaricūni ñacaju. Masa ĩna cōīarore bajirone cōīacami ángel.

¹⁸ Ti maca matariacūnīre, gūtari jaspe vāme cūtise rāca quēnorīacūni ñacaju. To bajicōari, orone quēnorīa maca ñacaju ti maca. Ēo sojeri ũeri manire ĩarētoburīarore bajiro ruyucaju ti maca. ¹⁹ Ti maca matariacūnīre ĩna cūšūoriari juaāmo cōro, gūbo jua jēnituarīrāca gūtari jacase ture, “Quēnaro ruyuato” yirā, gūta jairo vaja cūtire cūñuma. Gūta ñasūorīca, jaspe vāme cūticaju. Beroaga, zafiro vāme cūticaju. Beroaga, ágata vāme cūticaju. Beroaga, esmeralda vāme cūticaju. ²⁰ Beroaga, ónice vāme cūtirīca ñacaju. Beroaga, cornalina vāme cūticaju. Beroaga, crisólito vāme cūticaju. Beroaga, berilo vāme cūticaju. Beroaga, topacio vāme cūticaju. Beroaga, crisoprasa vāme cūticaju. Beroaga, jacinto vāme cūticaju. Tūsarīca, juaāmo cōro, gūbo jua jēnituarīrāca ñacaju amatīsta vāme cūtirīca. ²¹ Juaāmo cōro, gūbo jua jēnituarīrāca ñarīsojeri perla vāme cūtisene quēnorīa sojeri ñacaju. Tocārāca sojene perla vāme cūtia rāca quēnorīa sojeri ñacaju. Ti maca gūdareco ñavati maare, orone quēnorīa maa ñacaju. To bajicōari, ěo sojeri ĩarētoburīarore bajiro ruyucaju ti maa.

²² Diore rūcūbūoriavīre ĩabūjabetīcaju yu, ti macare. Jēre ti macane mani ũju, Dios, ñajedīro masījeogu, to yīcōari, oveja macūre bajiro rijabosacacu quēne rūcūbūoriavīre bajiro ĩna bajicōajare, ĩnare rūcūbūocama ti macana jedīro. To bajiri, gaje vi ĩnare rūcūbūorotīvi bojabetīcaju ti maca. ²³ To bajicōari, Dios ĩ ñarīmaca ti ñajare, ĩ bususe rāca busucaju ti maca. To bajicōari, oveja macūre bajiro rijabosacacu ĩre bajirone ĩ busurēmojare, ũmūagu muiju ĩ bususe, ñamiagu ĩ bususe quēne bojabetīcaju ti maca. ²⁴ Mame macarūcūro ĩ vasoaro bero, masa rāca Dios ĩ ñajare, ĩre masījedīrona ñacama. To bajicōari, “Mū sūorīne ñamasurā ñadīcaju yua”, Diore ĩre yīrūcūbūorona ñacama. ²⁵ Ti maca matariacūni ñarīsojeri rētiaroti ti manījare, jānariasojeri ñacōa ñaroti ñacaju. ²⁶ Mame macarūcūro ĩ vasoaro bero, ĩna cūose jairo vaja cūtise juadicōari, Diore ĩsicama ĩna, ĩre rūcūbūorā. ²⁷ To bajicōari,

—Dios ĩ ĩatese, rojosere juavabetīrūarāma ti macajūre. Rojose yirā, socarīmasa quēne, ti macare sājabetīrūarāma ĩna quēne —yīgotīcami ángel. —Oveja macūre bajiro rijabosacacu yatutīju, “Ado cōro ñaama yu rāca ñarūgūrona” yīucatu ecorīarā rīne sājamasīrūarāma —yīgotīcami ángel.

22

¹ Tīre yūre ĩ ĩoro bero, quēna riaga oco ũeri manīya catīrūgūrotīayere oco cūtiyare yūre ĩocami ángel. Tīya, ũeri mani botīse oco cūticōari, ěo sojeri ĩarētoburīarore bajiro quēnaro ruyurīsa ñacaju tīya. Dios, rotīgu ĩ rujiri cūmuroju, to yīcōari, oveja macūre bajiro rijabosacacu, rotīgu ĩ rujiri cūmuroju jode cūticaju tīya riaga. ² Ti maca ñari maa gūdarecore ñacaju tīya. Tīya veca ñarīcu riagare juajacatūajūne saari cūticōari catīrūgūrotīayere rīca cūtirīcu ñacaju. Tocārācarodōrīne rīca cūtirūgūrotī ñacaju tiu. To bajiri cojo cūmare, juaāmo cōro, gūbo jua jēnituarorācaji rīca cūtirūgūrotī ñacaju. Tīu jū quēne, “Jūaji rijabetīcōato” yirā, masare ĩna ũco yīrotī ñacaju. ³ Ti macaju Dios ĩ ĩatese manīrotī ñacaju. Ñajedīro quēnase rīne ñarūgūrotī ñacaju. Ti macaju Dios, to yīcōari, oveja macūre bajiro rijabosacacu rāca rotīrā ĩna rujiri cūmuro ñaroti ñacaju. Ti macana jedīro Dios ĩ bojasere yirā ĩre rūcūbūorona ñacama. ⁴ Adī macarūcūroju Diore ĩabetīrūgūriarā ñaboarīne, tojūrema ĩre ĩarona ñacama. To yīcōari, Dios vāme ĩna rīovecarījūre ucātu ecorona ñacama. ⁵ Toju ñami manīrotī ñacaju. Ti macana sīabusuore bojamena ñarona ñacama. Manī ũju, Dios ĩ bususe rāca busurotī ñacaju, ti macare. To bajiri, ũmūagu muiju ĩ bususere bojamena ñarona ñacama. To bajicōari, Diorāca rotīcōa ñarūgūrona ñacama.

“Yoaro mene vadīrūcūja yu quēna”, Jesús ĩ yīre queti

⁶ Bero, quēna ado bajiro yūre goticami ángel:

—Jediro mū ñase, to yicōari, mūre yū gotise, riojo gotise ñaja. Mūre yū gotirore bajirone bajiruroja. Diore gotirētosamasiriarā ña gotirētomasire ñjomasir'i ñaami mani ñjū Dios mūre yū ñosere rotigū —yūre yigoticami ángel.

⁷ Gajeye ado bajiro yūre goticami ángel:

—Ado bajiro gotiami Jesús: “Yoaro mene varucija yū” yigotiami. To bajiri, adi quetire Dios ñ cōarere cūdirā, quēnase bñjarona ñarāma —yūre yigoticami ángel.

⁸ Yū ñaja Juan, adi quetire ucagū. Jediro yūre bajirōcatire ñacōari, ángel ñ goticati ñaro cōrone ajicajū yū. Tire yū ajiro bero, yūre ñocacū ángel rñjorojūna gñsomuniari tuetuejarñjūcajū yū, ñre rñcñbñogñ. ⁹ To bajiro yū bajirone, ado bajiro yūre yicami ángel:

—To bajiro yūre rñcñbñobesa. Yū quēne, mūre bajirone Dios ñ bojasere yigū ñaja. Diore gotirētosarāre, to yicōari, adi paperatuti ucare ajitirññronare bajirone bajigū ñaja yū quēne. To bajiri, Diore mū rñcñbñorore bajiro yūre rñcñbñobesa. Diojūare to bajiro mū rñcñbñojama, quēnaja —yūre yigoticami ángel.

¹⁰ Gajeye ado bajiro yūre goticami:

—Ti oca mū ucasere no bojarone tire yiyayioveja, bero bajiro ti cññajare. ¹¹ To bajiro ti mojeroaca ti cññajare, masa ña yirūgūrore bajiro yicōa ñato. Rojose tñoñacōari yirūgūrāma, to bajirone yicōa ñato. To yicōari, “Rojose mana ñaama” Dios ñ yññarā quēne, ñ ñavariquēnase rñne yicōa ñato —yūre yigoticami ángel.

¹² To yicōa, quēna Jesús ñ gotisere yūre goticami ángel:

—“Riojo ñamasusere gotiaja yū. Yoaro mene varucija yū quēna. ñna tñjū ejacōari, ñna yirere masigū ñari, ‘Quēnase bñjarā, rojose tāmñorā, bajirñarāja mñā’ ñnare yirucija yū. ¹³ Alfa, omega ñaja yū. Alfa yū yijama, ‘Ñajediro ti ruyuaroto rñjorojū ñacajū yū. To bajicōari, omega yū yijama, ñajediro ti yayiro berojū quēne ñacōa ñarūgūrucija’ yigū yaja yū”, yigotiami Jesús —yūre yigoticami ángel.

¹⁴ Quēna ado bajiro yūre goticami:

—“Rojose yūa yirere yūare masiriobosacōañumi Cristo” yññoñarā rñne ñaama yucā caticōa ñarūgūrotiaye ricare barona. To bajiri ñna ñaama ti maca sojerire sñjamasirona. To bajirona ñari, variquēnato ñna. ¹⁵ Adocārāca vāme rojose yirā ñaama ti macare sñjabetirona: Gñjerāre rojarā, Dios ñ bojabetire yirā, ñna rujū ti bojarore bajiro gñmerā ajeriarā cññirā, sñarimasa quēne, “Ado bajirā ñarāma” ñna masune yññoñā quēnorujeocōari, rñcñbñorā quēne sñjabetirñarāma. To yicōari, socase yirā quēne sñjabetirñarāma ti macare —yūre yigoticami ángel.

¹⁶ To yicōari, gajeye Jesús ñ gotisere gotigū, ado bajiro goticami ángel:

—“ ‘Yūre ajitirññrāre ti oca gotiato ñ yigū, ángel vāme cññigūre cōamū yū. ñjū David ñamasir'i jñnami ñaja yū. Busuriñoco, busuroto rñjoro ñ busumñjadore bajiro bajirocū ñaja yū. To bajiro yū bajisere ñacōari, ‘Mame macarucuro Dios ñ vasoaroti ejacoajū’, yimasirñarāma masa”, yigotiami Jesús —yigoticami ángel.

¹⁷ Oveja macure bajiro rijabosacacure ajitirññrā ñari, to bajicōari, mani rācagū Esp'iritu Santo quēne, ado bajiro Jesúsre sññiaja mani:

—Yūa tñjū vayá quēna —ñre yaja mani.

Gñjerā adi queti yū ucasere ajirā quēne,

—Yūa tñjū vayá —Jesúsre yirñarāma.

Jesúñja quēne,

—Yūre sññiña —yigūmi, ñre masirñarāre.

Bñto oco idirñarāre bajiro ñre masirñarā, ñre ñna sññijama, “ñna rijato berojū tudirñjabeticōato” yigū, Dios ñ catisere ñnare ñsirucūmi. Dios ñ bojabetire mani yiboajaquēne, rojose mani yisere manire vaja yibosayumi Jesús.

¹⁸ Jesúsre ajitirññrā, adi quetire ajirāre ado bajiro mñare gotiaja yū: No bojarā adi queti yū ucasere ti gotiro bajiro me ñna ucārēmojama, “Rojose tāmñorñarāma” ángel yūre ñ yigotirore bajirone rojose ñnare yirucūmi Dios. ¹⁹ Adi queti ti gotise, “Socase ñaja” yññoñagūre, “Socagū ñaami. Yū tñ ñarocū me ñaami”, ñre yññarucūmi Dios. To ñ yijare,

yucá caticōa ñarũgũrotiaye rica cutiũ ricare ñ baborotire ñre barotibetirucumi Dios. To bajicōari, Dios ñ ñarimacare sãjabetirucumi.

²⁰ Adi quetire gotigũ, ado bajiro gotiami:

—Yũ gotirotire bajirone yigũ, yoaro mene tudivadirucũja —yami.

To ñ yirone,

—To bajirone bajiato. Yoaro mene tudivayá, yũ ñjũ —ñre yaja yũ.

²¹ Mani ñjũ, Jesús, mani jedirotire quẽnaro yato.

To cõrone ñaja.